



Imp. 115

the paper

sup-

¹¹¹⁷² MARTINI
^{ON} BONACINÆ,
¹¹² MEDIOLANENSIS,
S. THEOLOGIÆ, ET I.V.D.

Comitis Palatini, & vtriusque Signaturæ
Referendarij Apostolici,

*Operum omnium de Morali Theologia, quæ tribus
Tomis continentur,*

Compendium absolutissimum,
OMNIBVS CVRAM ANIMARVM
gerentibus apprimè utile,

NVNC DENVO PRODIT IN LVCEM,

Auctore IOANNE DE LA VAL BELGA
S. Theologiæ Doctore.



LVGDVNI,

Sumptib. ANTONII IVLLIERON Typog.
& Bibliopolæ, in vico Racemi, sub signo
duarum Viperarum.

M. DC. XLIX.

Cum Approb. Doctorum, & Consensu Procur. Reg.

accuratam alioquin diligentiam multa fugerunt scitu dignissima, omnibusque fori interni iudicibus apprimè necessaria, quæ hîc pertractata inuenies ea perspicuitate, quam Compendij angustia patiuntur, additis ubique præcipuarum rationum momentis, ne quid temerè dici, aut gratis affirmari videatur. Denique ne quid ad perfectionem Operis desiderari posset, meram tertij Tomi (qui est *De Censuris* singillatim) medullam delibauî, & in vnum corpus compegi. Hoc igitur quidquid est opellæ, mi Lector, boni consule, & fruiere. Vale.

SERIES

SERIES TITVLORVM,

S E V

INDEX SVMMARIVS

huius Operis.

A.



ABORTVS.

Abortum procurantes.

Absolutio à censuris.

Absolutus in censuram reincidentens.

Absolutio à censuris Bullæ Cœnæ

Acedia.

Adiuratio.

Adoratio quid & quotuplex.

Adulterium.

Advocatus.

Agnus Dei.

Appellatio, Appellans.

Appellantes ab ordinationibus Pape quas pœnas incurrant.

Assassini.

Asssecuratio.

pag. 1

ibid

pag. 2

ibid.

P. 3

pag. 5

pag. 6

pag. 7

pag. 9

pag. 11

ibid.

pag. 12.

ibid

pag. 13

ibid.

B.

Baptismus.

Baptismus quid & quotuplex.

Baptismi necessitas.

Baptismi materia.

Baptismi forma.

Baptismi minister.

Baptismo quis initiandus.

pag. 14

pag. 15

pag. 16

pag. 17

pag. 19

pag. 20

Beguni.

INDEX TITVL.

<i>Beguini, seu Bizochi.</i>	pag. 24
<i>Beguina.</i>	ibid.
<i>Bellum.</i>	ibid.
<i>Beneficium Beneficiarius.</i>	
<i>Fructuum beneficij dominium & dispositio.</i>	pag. 27
<i>Vide Simonia.</i>	
<i>Beneficiariorum residentia.</i>	pag. 30
<i>Bestialitas.</i>	pag. 33
<i>Blasphemia.</i>	pag. 34
<i>Bulla Cœna.</i>	pag. 36.
<i>Bulla Cœna publicatio.</i>	pag. 37
<i>Bulla transumptum.</i>	ibid.
<i>Bulla observatio.</i>	ibid.
	C.
C <i>Ambium. Campsor.</i>	pag. 38
<i>Cardinalis.</i>	
<i>Cardinales in conclavi.</i>	pag. 41
<i>Cardinalium violatores.</i>	ibid.
<i>Cardinalium bona occupantes.</i>	pag. 42
<i>Cardinales consistorij secreta reuelantes.</i>	ibid.
<i>Censura.</i>	
<i>Censura quid & quoduplex.</i>	pag. 43
<i>Censura à quo ferenda.</i>	ibid.
<i>Censura propter quid ferenda.</i>	pag. 44
<i>Censura in quem ferenda.</i>	pag. 46
<i>Censura quomodo ferenda.</i>	pag. 49
<i>Censure finis & effectus.</i>	pag. 52
<i>à Censura incurrenda qua causa excusent.</i>	pag. 53
<i>à Censuris absolvere quis possit.</i>	pag. 55
<i>forma absolutionis à Censura.</i>	pag. 58
<i>Census.</i>	
<i>contractus Census sit ne licitus & quomodo.</i>	pag. 61
<i>Cessatio à Divinis. Quid & quoduplex sit.</i>	pag. 66
	Cessatio

ET SUMMAR.

Cessatio à quo, quomodo & cur ferenda.	p.66
Cessationis à Diuinis effectus.	p.67
Charitas.	
Charitas in Deum & in proximum.	ibid.
Odiū in Deum & proximum.	p.70
Chorus.	
Assistentia in Chore.	pag.71
Clericus.	p.72
Clericorum percussores.	p.73
Clerici percussor à quo absoluendus.	pag.76
Clericorum excommunicationes non reseruata.	p.77
Clericorum excommunicationes Papa reseruata.	p.79
Clericorum suspensiones.	pag.81
Commodatum.	p.83
Concubinatus.	p.84
Confessio Sacramentalis.	
Confessionis necessitas.	p.85
Confessio per nuncium.	p.86
Confirmatio quid.	ibid.
Confirmationis necessitas & minister.	ibid.
Confirmationis materia & forma.	pag.87
Confirmationis effectus & subiectum.	ibid.
Conseruator.	p.88
Contractus quid & quoduplex.	p.89
Contractus quis validus, quis inualidus.	p.91
Contractum quis inire possit.	pag.97
Restitutio in integrum.	p.98
Contumelia.	p.100
Correctio fraterna.	p.101

D

D Ecima.	
Decima quid & quoduplex.	p.103
Decima quando & ubi soluenda.	p.106
Decimarum soluendarum obligatio.	ibid.

INDEX TITVL.

Degradatio.	p.107
Denunciatio.	
ad Denunciationem quinam obligentur.	p.109
Quenam sint denuncianda.	ibid.
Denunciatio quando facienda.	p.111
Denunciatio hereticorum.	p.112
Denunciatio Confessary pœnitentem ad turpia sollicitantis.	ibid.
Depositum.	p.113
Derisio.	p.115
Detractio quid & quotuplex.	p.116
Detractio quando sit peccatum mortale.	ibidem,
& seq.	
Detractio quando obliget ad restitutionem.	p.120
Discordia. Contentio,	p.122
Dispensatio.	
Cuius sit dispensare.	p.123
ad Dispensationem quæ conditiones requiratur.	p.124
Dispensatio quæ valida, quæ inualida.	pag.125
Dispensationis expensa ad quem pertineant.	p.129
Distributiones.	
Distributiones faciendæ assistentibus in choro.	p.130
Conditiones requisitæ in eo qui ad distributiones admittendus est.	p.131
Ad quos pertineat ius percipiendarum Distributionum.	ibid.
Distributiones absentium quibus debeantur.	p.143
Diuinatio. Diuinator.	ibid.
Donatio.	
Donatio quid sit.	p.146
Quis quid donare possit.	p.147
Donationis insinuatio.	p.151
Dos.	
Quid & quotuplex sit dos.	pag.153
Cuius	

ET SUMMAR.

<i>Cuius sit dotem constituere.</i>	p. 154
<i>An vir teneatur uxorem alere sine dote.</i>	p. 156
<i>Ad quem pertineant fructus dotis.</i>	ibid.
<i>Cuinam dos pereat vel acquiratur.</i>	ibid.
<i>Dotalia & paraphernalia bona quæ differant.</i>	p. 159
<i>Quas ob causas uxor priuetur dote.</i>	p. 160
<i>De hypotheca uxoris in bonis mariti cum privilegio prælationis.</i>	p. 161
<i>Dubium.</i>	ibid.
<i>Duellum.</i>	p. 163
<i>Duellantium pœna.</i>	p. 164

E.

E cclesia.	
<i>Ecclesiastica libertas.</i>	p. 166
<i>Decreta contra Ecclesiasticam libertatem.</i>	p. 171
<i>Ecclesiastica iurisdictio.</i>	p. 173
<i>Ecclesiasticorum honorum alienatio.</i>	p. 177
<i>Ecclesiasticorum honorum usurpatio.</i>	p. 180
<i>Ecclesiasticorum honorum submissio.</i>	p. 183
<i>Ecclesiastica immunitas ab oneribus.</i>	p. 184
<i>Ecclesiastica exemptio à foro saculari in causis cri- minalibus.</i>	p. 189
<i>Ecclesiarum effractio & spoliatio.</i>	p. 191
<i>Ecclesiarum lapides.</i>	ibid.
<i>Ecclesiarum immunitas.</i>	p. 192
<i>Quinam Ecclesiarum immunitate non gaudeant.</i>	
	p. 195
<i>Ecclesiarum immunitatem violantes quibus pœnis afficiantur.</i>	p. 198
<i>Ecclesia Tolosana.</i>	p. 199
<i>Electio. Elector.</i>	ibid.
<i>Electio officialium urbis Rome.</i>	ibid.
<i>Electio Episcopi seu curatoris animarum.</i>	p. 200
<i>Eleemosyna.</i>	p. 201

INDEX TITVL.

Emphyteusis.

Quid & quotuplex sit emphyteusis. p. 203

Conditiones ad emphyteusim requisitæ. p. 204

Emptio & venditio.

Quid sit emptio & venditio. pag. 206

Quanam vendi possint. p. 207

Emptio cum pacto retrouendendi. p. 209

Quanti res vendi vel emi possit. p. 211

Monopolia sintne licita. p. 213

An vitia rei vendendæ sint aperienda. p. 215

Cuius sint fructus rei vendita. p. 216

In venditione cui res pereat. p. 219

In Emptione quis teneatur de euictione. p. 220

Episcopus.

Contra Episcopos excommunicationes. p. 221

Contra Episcopos suspensiones. p. 223

Eucharistia quid.

Eucharistia necessitas & unitas. p. 228

Eucharistia materia. ibid.

Eucharistia forma. p. 231

Eucharistia effectus. p. 233

Eucharistia minister. pag. 234

Eucharistia susceptio. pag. 236

Excommunicatio.

Quid & quotuplex sit excommunicatio. p. 240

Effectus excommunicationis maioris. p. 241

An excommunicatus validè ministret Sacramenta.

p. 244

An excommnnicatus priuetur rebus sacris & sepultura. p. 245

An excommunicatus sit inhabilis ad beneficia. pagin. 247

An excommunicatus priuetur iurisdictione. pag.

249

An

ET SUMMAR.

An excommunicatus priuetur conuersatione humana. p.250

An excommunicatus priuetur communicatione in foro ciuili. p.251

Excommunicatio minor. p.253

Excommunicatio ab homine propter quid ferenda
p.254.

*Excommunicato contra vexantes excommunicatio-
num latores.* p.255

Cum excommunicato non participandum. ibid.

Excommunicatus perseuerans. p.256

Excommunicatio sine admonitione preuia. ibid.

Excommunicatio sine solemnitate. ibid.

Extrema unctio. p.257

Extrema unctionis materia & forma. p.258

Extrema unctionis minister. ibid

Extrema unctio cui conferenda. p.259

Extrema unctionis effectus, p.260

F.

F*abrica S. Petri.* p.260

Falsificatio literarum Apostolicarum. p.261

Falsificantium poena. ibid.

Falsa litera Apostolica non retinenda. p.262

Falsificatio moneta. p.263

Festum. ibid.

Cuius sit dies festos instituere. ibid.

In die festo à quibus operibus abstinendum. p.264

Causæ excusantes opus ieruile in die festo. p.266

Feudum.

Quid & quotuplex sit Feudum, p.267

Quis Feudum dare aut accipere possit. p.268

Conditiones Feudi. p.269

Quid in Feudum dari possit. pag.270

Ad quid Feudatarius obligetur. ibid.

Cur

INDEX TITVL.

<i>Cur Feudatarius feudum amittat.</i>	p. 271
<i>Quis sit index causa feudalıs.</i>	ibid.
<i>Fideiussio.</i>	p. 272
<i>Fides.</i>	
<i>Quid sit fides.</i>	p. 274
<i>De Fidei necessitate.</i>	ibid.
<i>Communicatio cum infidelibus.</i>	p. 277
<i>Species infidelitatis.</i>	ibid.
<i>Libertas Religionis an permittenda.</i>	p. 278
<i>Fiscus</i>	
<i>Quanam pertineant ad fiscum.</i>	p. 279
<i>Alienatio bonorum in fraudem fisci.</i>	p. 281
<i>Fœmina.</i>	
<i>Fœmina ad religionem non cogenda.</i>	p. 282
<i>Fœmina à religione non retrahenda.</i>	p. 283
<i>Fœmine ad testimonium ferendum non cogenda ad iudicium.</i>	p. 284
<i>Fornicatio.</i>	ibid.
<i>Frumentum.</i>	p. 285
<i>Furtum.</i>	p. 286
<i>Furtum filij familiars, uxoris, religiosi, & famuli.</i>	
<i>pag. 288.</i>	
<i>G.</i>	
<i>Gabella. Pedagium. Portorium.</i>	p. 289
<i>Gabella ius cui competat.</i>	ibid.
<i>Restitutio ob defraudata vectigalia.</i>	p. 290
<i>H.</i>	
<i>Hæresis. Hæreticus.</i>	p. 291
<i>Hæreticorum pœna.</i>	p. 292
<i>Hæreticorum fautores.</i>	ibid.
<i>Hæreticorum libri.</i>	ibid.
<i>Homicidium.</i>	
<i>Quinam licitè occidi possunt.</i>	p. 293
<i>An licita sit mutilatio.</i>	p. 295
	Inno

ET SUMMAR.

<i>Innocens an occidi possit.</i>	<i>ibid.</i>
<i>An liceat alium occidere ad sui defensionem.</i>	<i>p.296.</i>
<i>& seqq.</i>	
<i>Restitutio propter homicidium facienda.</i>	<i>p.299</i>
<i>Hora canonica.</i>	
<i>Horarum canonicarum definitio, institutio, numerus.</i>	
<i>p.300</i>	
<i>Quinam teneantur horas canonicas recitare.</i>	<i>p.301</i>
<i>In horis canonicis recitandis quid observandum.</i>	
<i>p.304</i>	
<i>Hora canonica quando recitanda.</i>	<i>pag.308</i>
<i>Hora canonica quo ordine recitanda.</i>	<i>ibid.</i>
<i>Hora canonica ubi recitanda.</i>	<i>p.309</i>
<i>Hora canonica quo habitu & situ recitanda.</i>	<i>p.310</i>
<i>Hora canonica quo fructu recitentur.</i>	<i>ibid.</i>
<i>Restitutio propter horas canonicas pratermissas.</i>	<i>p.311</i>
<i>Causa excusantes ab horis canonicis recitandis.</i>	<i>p.312</i>
I	
I <i>Dololatria.</i>	<i>p.314</i>
<i>Ieiunium.</i>	
<i>Quid sit ieiunium.</i>	<i>p.315</i>
<i>A quibus cibus abstinendum.</i>	<i>ibid.</i>
<i>An unica refectio sumenda.</i>	<i>p.316</i>
<i>De hora refectiois.</i>	<i>p.318</i>
<i>Quo iure ieiunandum sit.</i>	<i>ibid.</i>
<i>Quinam teneantur ieiunare.</i>	<i>ibid.</i>
<i>Causa à ieiunio excusantes.</i>	<i>p.319</i>
<i>Imago.</i>	<i>p.320</i>
<i>Incendarius.</i>	<i>p.321</i>
<i>Incestus.</i>	<i>ibid.</i>
<i>Indulgentia.</i>	
<i>Indulgentia quid & quotuplex.</i>	<i>p.322</i>
<i>Indulgentias quis concedere possit.</i>	<i>pag.323</i>
<i>Indulgentiarum susceptor.</i>	<i>p.324</i>
<i>Indulgentia</i>	

INDEX TITVL.

<i>Indulgentia pro defunctis.</i>	p. 326
<i>Indulgentiarum valor.</i>	p. 327
<i>Infidelis.</i>	
<i>Infidelitatis fautores.</i>	
<i>Inquisitio. Inquisitores.</i>	p. 331
<i>Interdictum.</i>	
<i>Quid & quotuplex sit interdictum.</i>	p. 332
<i>Interdicti effectus.</i>	p. 334
<i>Interdictum violantium pœna.</i>	p. 337
<i>Interdicta personalia.</i>	p. 338
<i>Interdicta localia.</i>	p. 340
<i>Relaxatio ab interdicto.</i>	p. 341
<i>Inuidia.</i>	ibid.
<i>Irregularitas.</i>	
<i>Quid & quotuplex sit irregularitas.</i>	p. 342
<i>Causa irregularitatis.</i>	ibid.
<i>Irregularitas ex defectu.</i>	p. 344
<i>Irregularitas ex bigamia.</i>	p. 347
<i>Irregularitas ex delicto.</i>	p. 348
<i>Irregularitas ex homicidio.</i>	p. 349
<i>Irregularitatis dispensatio.</i>	p. 353
<i>Index. Indicium.</i>	
<i>Indicis iurisdictio.</i>	ibid.
<i>Indicis veritas.</i>	p. 354
<i>Forma iuris à iudice seruanda.</i>	p. 355
<i>Indicium Ecclesiasticorum suspensio.</i>	p. 358
<i>Indicium temerarium.</i>	pag. 359
<i>Iuramentum.</i>	
<i>Quid & quotuplex sit iuramentum.</i>	p. 360
<i>Conditiones iuramenti.</i>	p. 361
<i>Materia iuramenti.</i>	p. 362
<i>Iuramentum fictum.</i>	p. 363
<i>Iuramentum dolo aut metu extortum.</i>	ibid.
<i>Quis possit iurare.</i>	pag. 364
<i>Iuramentum</i>	

ET SVMMAR.

Iuramentum amphibologicum. *ibid.*

Iurandi consuetudo. *p.365*

Obligatio iuramenti. *ibid.*

Excommunicatio contra exigentes iuramenta. *p.367*

L.

L *Aicus.*
Ad laicam potestatem recurrentes. *p.368*

Laicus Index ad se causas auocans ab Ecclesiastico

Indice. *p.371*

Lex.

Quid & quotuplex sit lex. *p.375*

Quis possit legem ferre. *p.376*

Conditiones legis ferenda. *p.378*

Circa quam materiam lex versetur. *p.380*

Quisnam legibus obligetur. *ibid.*

Obligatio legis humana. *p.382*

Lex irritans. *p.385*

Quomodo satisfiat praecepto seu legi. *p.387*

Legis abrogatio. *p.388*

Libellus famosus. *p.390*

Librorum editio. *ibid.*

Commentary in Concil. Trident. *p.392*

Libri Thalmud. *ibid.*

Litera Pontificia.

Literas Pontificias impugnantes. *pag.393*

In literis Apostolicis nomen mentientes. *ibid.*

Litera poenitentiaria. *pag. 394.*

Locatio, & conductio.

Quid sit locatio & qua eius materia. *pag.394*

Locator & conductor ad quid obligentur. *pag.395*

Conductio famulorum. *pag.396*

Locatio quomodo finiatur. *pag. 397*

Ludus.

Ludus quid sit & an licitus. *pag.398*

Conditiones

INDEX TITVL.

<i>Conditiones ludi.</i>	pag. 399
<i>Luxuria.</i>	pag. 400
<i>Luxuria sacrilega.</i>	pag. 403

M

M <i>Agister. Doctor.</i>	pag. 405
<i>Magistri Bononienses.</i>	pag. 405
<i>Magistri ad gradum promouentes.</i>	ibid.
M <i>Magistratus.</i>	
<i>Contra rectores status Ecclesiastici excommunicatio.</i>	pag. 407
<i>Contra Magistratus & Dominos temporales excommunicationes non reseruata.</i>	ibid.
<i>Maleficium.</i>	pag. 409
<i>Marchia Anconitana.</i>	pag. 410
MARIA VIRGO.	
<i>B. Maria Conceptio immaculata.</i>	ibid.
<i>Martyrium.</i>	p. 411
M <i>Matrimonium.</i>	
<i>Matrimonium quid sit.</i>	pag. 412
<i>Materia, forma & Minister huius Sacramenti.</i>	p. 413
<i>Matrimonium inter absentes.</i>	pag. 414
<i>Matrimonium clandestinum.</i>	ibid.
<i>Matrimonium inualidum quomodo validetur.</i>	p. 418
<i>Matrimonium sub conditione celebratum.</i>	pag. 419
<i>Matrimony indissolubilitas.</i>	pag. 420
<i>Matrimony impedimenta.</i>	ibid.
<i>Error.</i>	ibid.
<i>Conditio.</i>	pag. 421
<i>Volunt.</i>	ibid.
<i>Cognatio.</i>	pag. 422
<i>Crimen.</i>	pag. 424
<i>Cultus disparitas.</i>	pag. 425
<i>Vis seu metus.</i>	ibid.
<i>Ordo.</i>	pag. 426
<i>Ligamen</i>	

ET SVMMAR.

<i>Ligamen.</i>	<i>ibid.</i>
<i>Publica honestas.</i>	<i>pag.427</i>
<i>Affinitas.</i>	<i>pag.428</i>
<i>Impotentia.</i>	<i>pag.429</i>
<i>Impedimenta non dirimentia.</i>	<i>pag.430</i>
<i>Cuius sit in impedimentis dispensare.</i>	<i>pag.417</i>
<i>Matrimonij vsus.</i>	<i>pag.433</i>
<i>Causa diuortij.</i>	<i>pag.435</i>
<i>Peccata in vsu matrimonij contingentia.</i>	<i>pag.437</i>
<i>Ad matrimonium cogentes.</i>	<i>pag.438</i>
<i>Matrimonium illegitimè contrahentes.</i>	<i>pag.439</i>
<i>Mendacium.</i>	<i>pag.440</i>
<i>Missa sacrificium.</i>	
<i>Missa nomen & essentia.</i>	<i>pag.441</i>
<i>Missa effectus.</i>	<i>pag.442</i>
<i>Missa sacrificij minister.</i>	<i>pag.443</i>
<i>Missa defectus.</i>	<i>pag.449</i>
<i>Missa auditio.</i>	<i>pag.451</i>
<i>Monialis.</i>	
<i>Monialium visitatio.</i>	<i>pag.455</i>
<i>Monialium electio.</i>	<i>ibid.</i>
<i>Monialium clausura.</i>	<i>pag.456</i>
<i>Mutuum.</i>	<i>pag.462</i>
N.	
N <i>Aufragus.</i>	<i>p.463</i>
<i>Notarius.</i>	<i>p.465</i>
<i>Nuncius Apostolicus.</i>	<i>p.466</i>
O.	
O <i>Blatio.</i>	<i>p.466</i>
<i>Observatio vana.</i>	<i>p.467</i>
<i>Ordo.</i>	
<i>Ordo quid & quotuplex.</i>	<i>p.468</i>
<i>Sacramenti Ordinis materia & forma.</i>	<i>p.469</i>
<i>Ordinis minister.</i>	<i>p.470</i>
	<i>Sacra</i>

INDEX TITVL.

<i>Sacramenti Ordinis subiectum capax.</i>	p.471
<i>Sacramenti Ordinis effectus.</i>	p.472
<i>Ordinum susceptio illegitima.</i>	p.473
P.	

P <i>Apa. Papatus.</i>	
<i>Papatum ambientes.</i>	p.483
<i>de Papa electione sponsonem facientes.</i>	p.484
<i>Summo Pontifici feudum suadentes.</i>	ibid.
<i>Papa electio Simoniaca.</i>	p.485
<i>Papa electio contra formam.</i>	ibid.
<i>In electione Papa obseruanda.</i>	ibid.
<i>Parentes.</i>	
<i>Honor parentibus exhibendus.</i>	p.486
<i>Parentes quid filiis debeant.</i>	p.487
<i>Peccatum.</i>	
<i>Peccatum originale.</i>	p.491
<i>Peccatum actuale & habituale</i>	p.492
<i>Peccatum mortale & veniale.</i>	p.493
<i>Quomodo peccata inter se distinguantur.</i>	p.494
<i>Peccatum contra conscientiam.</i>	p.496
<i>Peccati effectus.</i>	p.498
<i>Causa excusantes à peccato.</i>	ibid.
<i>Pignus. Hypotheca.</i>	p.500
<i>Pirata.</i>	p.501
<i>Piratarum fautores.</i>	p.502
<i>Piratis quid prohibeatur.</i>	p.503
<i>Pœnitentia virtus.</i>	ibid.
<i>Pœnitentia Sacramentum quid, & quàm necessarium.</i>	ibid.
<i>Sacramenti Pœnitentia materia.</i>	p.504
<i>Sacramenti Pœnitentia forma.</i>	p.506
<i>Sacramenti Pœnitentia partes.</i>	p.506
<i>Confessionis integritas.</i>	p.511
<i>Confessionis iteratio,</i>	p.517
	Obligatio

ET SVMMAR.

<i>Obligatio ad confessionem.</i>	p. 518
<i>Satisfactio quid, & quam necessaria.</i>	p. 522
<i>Pœnitentia commutatio.</i>	p. 523
<i>Obligatio ad Pœnitentiam.</i>	p. 524
<i>Sacramenti Pœnitentia effectus.</i>	p. 525
<i>Reuiviscencia meritorum.</i>	p. 527
<i>Sigillum confessionis.</i>	p. 528
<i>Sacramenti Pœnitentia minister.</i>	p. 531. & seq.
<i>Absolutio à casibus reservatis.</i>	p. 535
<i>Pœnitentiaria, Pœnitentiarius.</i>	p. 539
<i>Pollutio seu mollities.</i>	p. 540
<i>Predicatorum & Franciscanorum Ordo.</i>	p. 541
<i>Prelatus.</i>	
<i>Cardinalium, Episcoporum, Legatorum violatores.</i>	
p. 542	
<i>Præscriptio.</i>	p. 544
<i>Precarium.</i>	p. 545
<i>Primitiæ. Oblationes.</i>	p. 546
<i>Privilegium.</i>	
<i>Quid & quotuplex sit privilegium.</i>	p. 547
<i>A quo & cui privilegium concedendum.</i>	p. 548
<i>Privilegiy usus.</i>	ibid.
<i>Privilegiy explicatio.</i>	p. 549
<i>Privilegiy amissio.</i>	p. 550
<i>Promissio.</i>	
<i>Quid sit promissio.</i>	p. 553
<i>Promissio interna & externa.</i>	p. 554
<i>Promissio absenti facta.</i>	ibid.
<i>Promissio inualida.</i>	p. 555
<i>Promissio quando & ubi implenda.</i>	ibid.
<i>Quando promissio desinat obligare.</i>	p. 556

Quartæ Parochialis, & Episcopalis. pagina
556

ē 1

Raptus.

INDEX TITVL.

R.

R <i>Aptus.</i>	p.557
<i>Regalia.</i>	p.558
<i>Religiosus.</i>	
Contra Religiosos excommunicationes non reserua- ta.	ibid.
Contra Religiosos habitum dimitentes.	p.559
Contra Religiosos studentes.	p.561
Contra Religiosos ad Curias Principum accedentes.	p.563
Contra Religiosos excommunicationes Papa reser- uata.	p.565
Religiosorum mendicantium exemptio ab oneribus.	p.568
Religiosorum suspensiones.	p.569
Religiosorum clausura.	p.571
An liceat ab una Religione ad aliam transire.	ibid.
De inualida professione.	p.574
Cause reclamandi contra professionem.	p.575
Quando sit reclamandum.	p.576
Feminas virorum monasteria ingredi nefas.	p.576
§ 577	
Religiosus Apostata.	p.581
Religiosorum eiectio.	p.582
Reliquia Sanctorum.	p.585
Repressalia.	p.586
Restitutio.	
Quid sit restitutio.	ibid.
Obligatio ad restitutionem.	p.587
Restitutio ob iussionem.	p.589
Restitutio ob consilium.	p.590
Restitutio ob consensum.	p.591
Restitutio ob fauorem.	ibid.
Restitutio ob participationem.	p.592
Restitutio	

ET SUMMAR.

<i>Restitutio ob taciturnitatem vel omissionem.</i>	<i>ibid.</i>
<i>Quid sit restituendum.</i>	p.593
<i>Restitutio fructuum.</i>	p.597
<i>Cui restituendum.</i>	p.598
<i>Ubi restitutio facienda.</i>	p.599
<i>Quando restitutio facienda.</i>	<i>ibid.</i>
<i>Quo ordine restitutio facienda.</i>	p.600
<i>Cur restitutio differri vel omitti possit.</i>	p.603
<i>Reus.</i>	p.605
<i>Romana Curia.</i>	
<i>Ad Romanam Curiam accedentes.</i>	p.607
<i>Virtualia impediētes.</i>	p.606
<i>Recurrentes ad Romanam Curiam.</i>	p.611
<i>Romana Ecclesia iura & bona.</i>	p.613
<i>Romipeta. Peregrinus.</i>	
<i>Romipetarum violatores.</i>	p.614
S.	
<i>Sacramentum.</i>	
<i>Sacramentum quid sit.</i>	p.616
<i>Sacramenta quot sint.</i>	p.617
<i>Sacramenta veteris legis.</i>	<i>ibid.</i>
<i>Sacramentorum necessitas.</i>	p.618
<i>Sacramentorum materia & forma.</i>	<i>ibid.</i>
<i>Sacramentorum causa efficiens.</i>	p.620
<i>Sacramentorum minister qualis esse debeat.</i>	<i>ibid.</i>
<i>Sacramentorum effectus.</i>	p.622
<i>Sacramentorum subiectum capax.</i>	p.624
<i>Sacrilegium.</i>	p.626
<i>Scandalum.</i>	p.627
<i>Scrupulus.</i>	p.628
<i>Schisma. Schismaticus.</i>	n.629
<i>Schismaticorum poena.</i>	<i>ibid.</i>
<i>Secretum.</i>	p.630
<i>Sepultura.</i>	p.631

INDEX TITVL.

<i>Sumptus funeris.</i>	p.633
<i>Contra sepelientes hereticos excommunicatio.</i>	ibid.
<i>Contra sepelientes tempore interdicti.</i>	p.634
<i>Sepultura exenterati.</i>	ibid.
<i>S. Sepulchrum Domini.</i>	p.635
<i>Sequestratio.</i>	ibid.
<i>Simonia.</i>	
<i>Quid & quotuplex sit simonia.</i>	p.636
<i>Simonia materia.</i>	p.639
<i>Permutatio beneficiorum.</i>	p.644
<i>Simonia in pensionibus.</i>	p.645
<i>Simonia in resignatione beneficiorum.</i>	p.645
<i>Simonia in transactione.</i>	p.646
<i>Simonia in actibus iurisdictionis.</i>	ibid.
<i>Cause à Simonia excusantes.</i>	p.647
<i>An acta Simoniacè sint valida.</i>	p.649
<i>Restitutio ob Simoniam.</i>	p.650
<i>Contra Simoniam confidentialem excommunicatio.</i>	
pag. 651	
<i>Contra Simoniam in provisione beneficiorum.</i>	pag.
652	
<i>Contra Simoniacam procuracionem beneficiorum.</i>	
p.653	
<i>Contra Simoniacum religionis ingressum.</i>	ibid.
<i>Contra Simoniam in indulgentiis.</i>	p.654
<i>Contra Simoniam in gratiis à Curia Romana obtinendis.</i>	p.655
<i>Contra Simoniam in ordine vel beneficio.</i>	p.656
<i>Societas IESV.</i>	p.657
<i>Societatis contractus.</i>	p.658
<i>Quid sit Societas.</i>	ibid.
<i>Quis inire possit Societatem.</i>	ibid.
<i>Divisio in Societate.</i>	p.659
<i>Societas animalium.</i>	p.661
	<i>Societas</i>

ET SVMMAR.

<i>Societas officiorum.</i>	p.662
<i>Societas inter fratres.</i>	p.663
<i>Societas quomodo finiatur.</i>	p.665
<i>Sodomia.</i>	ibid
<i>Spes.</i>	666
<i>Spolium.</i>	p.667
<i>Sponsalia.</i>	
<i>Quid sint sponsalia, & quas conditiones requirant.</i>	
p.669	
<i>Sponsalia ad quid obligent.</i>	ibid.
<i>Causa sponsalia dirimentes.</i>	p.671
<i>Stuprum.</i>	676
<i>Substitutio.</i>	p.677
<i>Successio ab intestato.</i>	p.678
<i>Suffragium.</i>	p.679
<i>Superstitio.</i>	p.680
<i>Suspenso.</i>	
<i>Quid & quotuplex sit suspensio.</i>	p.681
<i>Suspensionis effectus.</i>	ibid.
<i>Violatio suspensionis.</i>	p.682
<i>Absolutio à suspensione.</i>	p.683
<i>Susurratio.</i>	ibid.


T.

T <i>emperantia.</i>	p.684
<i>Tentatio Dei.</i>	p.685
<i>Testamentum. Legatum.</i>	
<i>Quid & quotuplex sit Testamentum.</i>	p.686
<i>Quis testari possit.</i>	p.687
<i>Quis possit heres aut legatarius institui.</i>	p.688
<i>Testamenti condiciones.</i>	p.689
<i>Obligatio heredum.</i>	p.691
<i>Legatum.</i>	ibid.
<i>Testamenti executio.</i>	p.693.
<i>Testis.</i>	p.694
	Tutor

INDEX TIT. ET SVMM.

<i>Tutor. Curator.</i>	p.695
V.	
V isitatio.	p.696
Votum.	
<i>Quid & quotuplex sit votum.</i>	p.697
<i>Votum quando sit irritum.</i>	p.698
<i>Voti materia.</i>	p.699
<i>Voti obligatio</i>	p.701
<i>Votum quomodo explicandum</i>	p.704
<i>Quomodo tollatur obligatio voti.</i>	ibid.
<i>Voti commutatio.</i>	p.706
<i>Voti dispensatio.</i>	p.707
<i>Vsura.</i>	
<i>Quid & quotuplex sit usura</i>	p.708
<i>Quando possit aliquid accipi supra sortem.</i>	p.711
<i>Mons pietatis usura vacat.</i>	p.714
<i>Vsurarius.</i>	p.715
<i>Vsurariorum poene.</i>	p.717

COMPEN




I
COMPENDIVM
OPERVM OMNIVM
D. MARTINI
BONACINÆ,
MEDIOLANENSIS
S. THEOLOGIÆ
I. V. D. &c.

QVÆ TRIBVS TOMIS
De Morali Theologia continentur.

A
A B O R T V S.

Abortum procurantes.

I.  IXTVS V. in constit. 87. quæ incipit, *Effrenatam*, pœnam excommunicationis infert iis, qui abortum fœtus animati, vel etiam inanimati, scienter procurant, aut consilio, fauore, auxilio, potione, &c. ad illum cooperantur. Sed Gregorius

XIV. iussit reſeruationem, & excommunicationem quo-
ad fœtum non animatum. *diſput. 2. quæſt. 2. punct. 10. tom 3.*
Quapropter abortus fœtus inanimati hoc tempore ſub excom-

A munica

municationem non cadit. p. 164. n. 2. nisi Mediolani, & in quibusdam aliis diocesisibus. n. 3. tom. 3.

2. Hæc excommunicatio non incurritur, nisi abortus foetus animati re ipsa sequutus fuerit: quia Sixtus V. in sua Bulla effectum requirit, *num. 6.*

3. Ignorantia etiam vincibilis, crassa, & supina iuris vel facti, modo non sit cum ingenti temeritate coniuncta, ab hac censura excusat. *n. 10. tom. 3.*

4. Qui poculum sterilitatis viro, vel foeminae ante conceptionem foetus propinat, hanc excommunicationem non incurrit. Idem dicendum de viro, qui in actu coniugali se retrahit à seminis emissionem intra vas, ut generationem impediat: aliud enim est procurare abortum, aliud impedire conceptionem. *ibid. n. 14. tom. 3.*

5. Præter excommunicationem, Sixtus V. clericos huius delicti reos mulctat amissione privilegiorum clericalium, dignitatum, beneficiorum, & inhabilitate ad ea suscipienda, præterea illos brachio sæculari tradendos decernit, quæ pœna non est à Gregorio XV. revocata. *ibid.*

6. Ab hac censura potest absolvere quilibet, qui facultatem habeat absolvendi ab omnibus censuris, & excommunicationibus Episcopo reservatis. *ibid. n. 15. tom. 3.*

Absolutio à censuris.

1. **I**N cap. *absolutionis*, de his, quæ vi, metu, & causa fiunt, in 6. fertur excommunicatio contra eos, qui absolutionem vel reuocationem alicuius censuræ per vim aut metum extorquent; modo tamen metus sit gravis, & cadens in constantem virum; ius enim loquitur de illo metu, qui facit inuoluntariū, & absolutionem irritam reddit, *disp. 2. quest. 2. punct. 15. pag. 166. tom. 3.*

2. Hinc sequitur cum, qui absolutionem excommunicationis per vim, aut metum extorsit, duplici censura obstrictum manere; priore scilicet, quæ iam erat obstrictus; & posteriore, quam contraxit extorquendo absolutionem prioris. *ibid. p. 167. n. 8.*

3. Hæc excommunicatio non est reservata.

Absolutus in censuram reincidens.

4. In cap. *eos qui, de sentent. excomm.* habetur absolutum à censura in articulo mortis, aut propter impedimentum ab eo à quo alioquin absolui non poterat, in eandem censuram reincidere ipso iure, si sublato mortis periculo, vel impedimento, contemnat præsentare se illi à quo extra mortis periculum, aut legitimum

Absolutio à censuris Bulla Cæne.

3

gitimum impedimentum erat absoluendus. *disp. 2. quæst. 3. punct. 23. pa. 229. num. 1. tom. 3.*

5. Item absolutus à Papa, vel eius Legato, cum hoc onere, vt præstent se Ordinario, vel alteri, ad pœnitentiam ab ipso suscipiendam, & vt satisfaciatur parti læsæ, si hoc non impleat, cum primum commodè poterit, in eandem censuram reincidit. *ibid. Potest autè hic per procuratorem se præstare Episcopo, vel alteri, nisi ei mandatum sit, vt personaliter compareat. ibid. n. 7. tom. 3.*

6. Qui ab Episcopo, vel eius vicario absolutionem excommunicationis ipsi reservatæ obtinuit sub conditione, & onere satisfaciendi parti læsæ, non reincidit in eandem excommunicationem, etiam si data opportunitate nolit satisfacere; quia cum versemur in materia pœnali, non est facienda extensio ultra sensum verborum. Summus autem Pontifex in præcitato cap. onus reincidenti imponit iis tantum, qui à Sede Apostolica fuerint absoluti. *ibid. num. 9. tom. 3.*

Absolutio à censuris Bulla Cæne.

1. Solus Summus Pontifex auctoritate ordinaria potest ab excommunicationibus in hac Bulla contentis, vel per se, vel per alium absolvere: sunt enim Summo Pontif. reservatæ. Neque potest Episcopus in sua diocesi à casibus Bullæ etiam occultis hoc tempore absolvere: quia decretum Concil. Trid. quoad hoc est per Bullam reuocatum. Nec ipsi quidem Legato à latere conceditur ius ab his censuris absolvendi: quia eius facultas non se porrigit ad ea, quæ excipiuntur, & soli Summo Pontifici reservantur. Probabile tamen est, Inquisitores posse in delictis occultis absolvere in foro conscientie ab excommunicatione ob hæresim; prævia tamen hæresis abiuratione, seu promissione non relabendi: sic enim constitutione Clem. VIII. concessum est. Et possunt hanc facultatem alteri delegare, quia est ordinaria, utpote quæ illis ex officio competit, nisi extet aliqua peculiaris prohibitio Summi Pontificis, aut nisi aliud sit vsu receptum. *disp. 1. quæst. 22. punct. 2. pag. 143. tom. 3.*

2. Ille potest à censuris Bullæ absolvere, qui privilegium & facultatem ab illis absolvendi à Summo Pontif. obtinuit: legislator enim potest legem suam solvere, & facultatem in ea dispensandi alteri delegare. Debet autem hoc privilegium ea forma concedi, vt contineat clausulâ derogatoriam Bullæ, seu expresse, & individualement casuum huius Bullæ mentionem: privilegium enim, seu facultas absolvendi ab omnibus censuris in genere non sufficit, cum eiusmodi privilegia in Bulla reuocentur. Porro hoc privilegium absolvendi ab omnibus casibus etiam in

4. *Absolutio à censuris Bullæ Cœnæ.*

Bullæ Cœnæ contentis non videtur extendendum ad excommunicationem ob hæresim, quæ Summo Pontif. specialiter referuatur. *ibid. pag. 144. tom. 3.*

3. Quilibet Sacerdos etiam censuris irretitus, aut degradatus potest in articulo mortis absolutionem ab excommunicationibus Bullæ impendere: tum quia hic casus in Bulla excipitur: tum quia in articulo mortis cessat omnis reservatio. Idem dicendum de proximo mortis periculo, quod imminet, vel ob futurum conflictum, vel ob incendium, vel ob Iudicis sententiam, vel ob partum proximum, quando mulier vel nunquam peperit, vel cum vitæ discrimine peperit, vel ob periculosam nauigationem, &c. Tamen damnati ad triremes in his non numerantur, quia non dicuntur in proximo mortis periculo versari, nisi grauis tempestas ingruat. Hanc autem facultatem absoluedi in articulo mortis, possit quidem Summus Pontif. si veller, simplicibus sacerdotibus adimere, cum sit delegata, sed grauer peccaret. *ibid. tom. 3.*

4. Sacerdotes qui non sunt Episcopi, immò ipsi Episcopi (ut probabilior fert sententia) etiam si alioquin priuilegium haberent absoluedi ab excommunicationibus Bullæ, non possunt hoc tempore ab illis absoluer eos, qui detinentur impedimento, quo minus Romam ad Summum Pontif. adire possint: quia in Bulla reuocantur omnes facultates, & indulta concessa, vel concedenda in genere, vel in specie, & conceditur tantummodo facultas absoluedi in articulo mortis; ergo nemini licet absoluer à casibus Bullæ eum, qui laborat tantum legitimo impedimento. Probabilis tamen est sententia asserens Episcopum aut eius Vicarium posse absoluer habentem legitimum impedimentum, vigente graui necessitate celebrandi, seu communicandi; seruata tamen magna circumspectione, & iniuncto onere poenitenti presentandi se Summo Pontifici cum primùm poterit. *ibid. pag. 145. 146. tom. 3.*

5. Qui in articulo mortis, aut tempore necessitatis, aut legitimi impedimenti absoluitur ab excommunicatione bullæ ab alio quam à Roman. Pontifice, tenetur iurare se accessurum ad Summum Pontif. seu ad eum ad quem extra talem casum perueniet absolutio, sèque eius mandatis pariturum. Si autem sublato mortis periculo, & cessante impedimento, Papam seu alium superiorem à quo possit absolui non adeat, in excommunicatione reincidit: si, verò obligatur ad restitutionem pecuniariam, tenetur dare cautionem pignoratitiam vel fideiussoriam confessorio illam exigenti. *ibid. pag. 146. tom. 3.*

6. Absoluedus ab excommunicatione contracta ob delictum in Bulla prohibitum, verum propositum habere debet similia

millia in posterum non committendi. Qui autem statuta, ordinationes, vel decreta contra libertatem Ecclesiasticam fecit, non solum propositum habere debet similia non committendi, verum etiam prædictas ordinationes, seu decreta debet reuocare, & de archiuiis, seu capitularibus locis, aut libris in quibus annotata reperiuntur, delere, & Summum Pontif. de hac reuocatione certatorem facere, alioqui absolutio non valet. *ibid. punct. 4. pag. 148. 149. tom. 3.*

7. Quilibet absolvere præsumens ab excommunicationibus Bullæ sine debita facultate, excommunicationem 21. incurrit, nec ab ea eximuntur Episcopi, aliiue Prælati; ille autem dicitur præsumere, qui absoluit sciens se non posse absolvere: quare ab hac censura excusantur, qui ex inaduertentia, obliuione, ignorantia etiam crassa, & supina (quæ tamen à peccato non excusant) denique ex metu graui absolutionem impendant, hi quippe non censentur præsumere. Qui tamen absolvere præsumeret à peccatis, non autem ab excommunicationibus Bullæ, peccaret ille quidem grauissimè; non tamen incurreret excommunicationem, quia videtur solum lata contra præsumentes absolvere à censuris. Porro hæc excommunicatio, quam contrahit præsumens absolvere à censuris Bullæ, non est Summo Pontifici reseruata; quia ponitur in Bulla post reseruacionem factam in præcedenti §. ergo illa reseruatio non extenditur ad hunc casum subsequenter, de cuius reseruacione in Bulla nulla fit mention. *ibid. punct. 3. pag. 146. 147. tom. 3.*

Acedia.

1. **A**cedia est tristitia, seu tædium rerum spiritualium, vt si quem tædeat poenitentiam agere, ex quadam poenitentia nauſea, aut si conciones, orationem, &c. fastidiat, ob difficultatem adiunctam; ex illo autem tædio nascitur incuria actionum piarum, & salutarium. *tom. 2. pag. 174. num. 1.*

2. Acedia est peccatum, ex suo genere, mortale, oppositum charitati, & vitium capitale nuncupatur. Tamen ob leuitatem materiæ, & indeliberationem, fieri potest veniale. Dicitur autem capitale, quia ex illo tanquam capite oritur odium rerum spiritualium, rancor, pusillanimitas, desperatio, torpor, & euagatio mentis. *ibid. num. 2. 3. & 5.*

3. Non omnis acedia directè opponitur charitati: nam si quis tristeretur de ieiunio ex affectu gulæ, videtur directè peccare contra temperantiam, &c. peccata enim dicuntur illi virtuti opponi, cuius perfectione priuant. *ibid. num. 4.*

1. **A**Diuratio est contestatio rei sacræ, cuius reuerentia intendimus alterum promouere ad aliquid præstandum. Estque duplex. *deprecatia*, quæ fit deprecando, & *imperatiua*, quæ fit præcipiendo, & timorem incutiendo per contestationem rerum sacrarum, & ea utimur erga subditos. *tom. 2. pag. 230. n. 1.*

2. Dæmones non adiurantur adiuratione deprecatia, quia hæc fieri nequit sine subiectione, & societate, quæ cum dæmone infensissimo humani generis hoste prorsus est illicita; sed adiurantur adiuratione imperatiua: deprecatia autem utimur erga Deum, vel Sanctos, vel homines. *ibid. n. 2.*

3. Sola rationalis creatura congruenter adiurari potest: quia sola potest reuerentiâ rerum sacrarum, & amore vel timore Dei compelli ad aliquid agendum. Irrationales autem creaturas adiurare directo sermone ad ipsas, ex suo genere est peccatum mortale propter irreuerentiam, quæ committitur contra exorcismos Ecclesiæ, qui vanè adhibentur; Tamen, ut plurimum, est tantum peccatum veniale, ratione bonæ fidei, & leuitatis materiæ. *ibid. num. 3. & 4.*

4. Non licet adiurare dæmones, ut opem ferant ad fugandas grandines, & alia id genus: quia non licet beneficium à dæmone expectare, & cum eo societatem habere. *ibid. num. 5.*

5. Qui adiuratur, non obligatur præstare id, quod ab eo petitur, nisi sit inferior, & imperatiuè adiuretur à superiore. *ibid. n. 6.*

6. Facultas adiurandi dæmones, eosque expellendi solis competit clericis habentibus ordinem exorcistarum, quoties adiuratio fit iuxta publicam formam ab Ecclesia præscriptam, & iuxta ritum exorcismorum. Alia tamen ratione aliquando licet unicuique dæmonem adiurare. ut dum quis tentatione vexatur: potest enim ei præcipere per Deum, & Sanctos, ut recedat. *ibid. num. 7.*

7. A dæmone humanum corpus obsidente, ea solum peti possunt, quæ spectant ad aliorum utilitatem, vel ad ipsum expellendum; hæc enim non dicitur societas cum dæmone, sed potius recessus ab ipso, ut fugetur, & hostiliter tractetur. Tamen qui ex leuitate, aut curiositate aliquid imperatiuè, & non deprecatuè petit à dæmone humanum corpus obsidente, non peccat mortaliter, modò non adhibeantur longi sermones, & nugatorij, neque id fiat causa addiscendi aliquid à dæmone, neque sit periculum derogandi occultum alicuius peccatum, neque certa fides illi præstetur. *ibid. num. 8. & 9.*

8. Adiuratio differt à iuramento, quòd in iuramento adducitur

citur Deus in testem; in adiuratione verò adducitur Deus, seu res sacra, vt eius amore, vel timore res petita obtineatur. *rom. 2. pag. 23. l. 7. 11.*

9. In adiuratione, defectu iudicij, committitur culpa venialis, quoties sine debita reuerentia, & necessitate adiuratur Deus, aut Sancti: defectu iustitiæ committitur peccatum, quando Deus adiuratur ad rem illicitam, & hoc peccatum est graue, aut leue pro qualitate rei obtinendæ: defectu veritatis committi potest peccatū idololatriæ, quando falsus Deus adiuratur, vt Iupiter, Mars, &c. nam falso Deo tribuitur honor veri Dei. *ibid. n. 12.*

10. Si adiurans dæmonem adhibeat rutam, stercus caprinum, vel similia, aut flagellis, vel sputis, & alapis afficiat obfessum à dæmone, in ipsius dæmonis contemptum, non peccat per se loquendo. Sin hæc adhibeat, quasi vim naturalem habeant ad fugandos dæmones, superstitionis peccatum committit. *ibid. n. 13.*

11. Adiurans peccat conniundo dæmoni rem malam petenti in damnum alterius: quia cooperatur actioni iniquæ. Ac si petitio dæmonis non est iniqua, potest ei conniueri; quia hæc non est societas cum dæmone, sed est medium, quo facilius expellatur. *ibid. n. 14.*

12. Aiuratori licet petere signum, quo dæmon iudicet se egredi è corpore, & non rediturum: quia in sacerdotali Romano docetur adiurator hoc signum petere. *ibid. n. 15.*

13. Vno dæmone expulso, vt plurimum omnes exeunt; tum quia exorcismi sunt omnibus dæmonibus æquè infestis; tum quia solent habere superiorem, quo expulso, cæteri exeunt. Per quamlibet autem corporis partem dæmon potest ingredi, & egredi; quia est spiritus, atque adeo quantitate caret, vt plurimum tamè per os ingreditur, & egreditur. Cæterum demon non ita obsidet corpus, vt semper vexet, vel semper in corpore resideat. Ex cruciatu autem, & afflictione corporis, interdum anima patitur detrimentum; nunquam tamen cogitur. *ibid. n. 16. & seq.*

ADORATIO.

Adoratio quid, & quoruplex?

1. **A**doratio est exhibitio reuerentiæ propter excellentiam illius cui exhibetur. Seu, Adoratio est actus, quo vnus alteri se submittit, seu alterum honorat in recognitionem ipsius excellentiæ. Multiplex est adoratio; alia enim est *interna*, quæ fit per submissionem animi; alia est *externa*, quæ fit per actum externum. Rursus alia est *latria*, quæ est supremus cultus proprius Dei: alia *dulia*, quæ exhibetur creaturis propter ipsarum

A 4. excellen

excellentiā; & alia *hyperdulia*, quæ debetur B. Virgini ob maiorem eius excellentiam. Denique alia est *absoluta*, quæ conuenit rei intellectuāli per se honorabili, & adorabili; alia *respectiua*, quæ conuenit rebus ratione carentibus, quæ non propter se, sed propter alium honorantur, cuiusmodi sunt imagines. *tom. 2. pag. 142. n. 1. & seq.*

2. Sancti in cœli degentes, qui nondum in Sanctorum numero cooperti sunt, non possunt publicè adorari; cultu tamen priuato possunt; quare illorum imagines pingere, & domi habere licet, non tamen in templo, aut altari reponere. Item licet in natali illorum die abstinere ab operibus seruilibus, & spiritualibus operam dare; non tamen potest Episcopus diem festum in illorum honorem instituere, nisi antiqua traditione, & vniuersali Ecclesiæ consensu sancti habeantur. *tom. 2. p. 143. n. 2.*

3. Christus homo, id est, subsistens in natura diuina, & humana, adorandus est adoratione latriæ, qua Sanctissima Trinitas, & singulæ eius personæ adorantur: est enim verus Deus, & æqualis Patri, neque per assumptionem carnis desinit esse Deus, cum natura humana vnita sit Verbo. Quapropter anima Christi, & ipsius corpus in sepulchro adorandum erat cultu latriæ, quia anima, & corpus adhuc vnita erant Verbo. Non tamen colimus adoratione latriæ naturam humanam per se, sed concomitanter, quatenus est vnita personæ diuinæ; in se autem spectata, præcisâ diuini. Verbi personâ adoranda est Christi humanitas cultu *hyperduliæ*; at in praxi Christum adoramus adoratione latriæ, quæ est perfectissima adoratio, & debetur Christo ratione excellētiæ increatæ qua præditus est. *to. 2. p. 144. n. 5. & seq.*

4. Illa quæ Christum tetigerunt, per ordinem ad Christum quem representant, adorantur cultu latriæ: at præcisè, & in se spectata nullam adorationem admittunt. Eucharistiæ sacramentum, ut pote Christum verè, & realiter continens, adorandum est adoratione latriæ. Item caro, & sanguis quæ miraculosè aliquando in SS. Eucharistiæ Sacramento apparent, cultu latriæ adorari possunt; vel enim sunt caro, & sanguis Christi, vel illa saltem representant. *ibid. n. 7. & 8.*

5. Crux in qua Christus pependit, duplici titulo latriæ adorari potest: primò, ratione contactus; secundò ratione representationis; aliæ verò cruce adorandæ sunt quatenus Christum crucifixum representant. Quamuis autem Christi contactus sit causa sufficiens adorationis: aliquando tamen non expedit, neque decet, omnia quæ Christum tetigerunt adorari: quare neque asina, quæ Christum vexit, est adoranda; neque manus illa impia quæ Christum alapa percussit, cum sit potius execranda:

cetera

cætera verò Instrumenta, quæ Christum tetigerunt, adoranda sunt adoratione latriæ respectiua, propter Christum quem retigerunt. *tom. 2. p. 145. n. 6. & 7.*

6. *Sacra IESV, & MARIA* nomina adoranda sunt adoratione respectiua, propter eum quem representant, & ad quem diriguntur: quia licet res inanimatæ non sint adorandæ secundum se, cum non habeant excellentiam dignam adoratione; tamen si spectentur, ut subrogatæ in locum rerum adorandarum possunt adorari, sicut adoratur exemplar eum prototypo. *ibid. n. 9.* Eodem modo imagines adoramus *p. 144. num. 3.* Reliquiæ autem Sanctorum eodem cultu adorari possunt, qui tribuitur personis quarum sunt reliquiæ. *p. 146. n. 4.* Vide tit. *Imago, Reliquia.*

Adulterium.

1. **A**dulterium nihil est aliud quàm accessus ad alienum torum, seu violatio alieni tori. Est autem grauissimum peccatum; quia violat charitatem, & iustitiam. Neque desinit esse adulterium etiamsi coniux consentiat, & iuri suo cedat; adhuc enim violatur obligatio vinculi matrimonij, quod est indissolubile. *tom. 1. p. 325. n. 1. 2. & 3.*

2. Adulterium multò grauius peccatum est, quando uterque qui copulam habet, est matrimonio iunctus; tunc enim duplex torus violatur, & duobus fit iniuria, consequenter hæc circumstantia est in confessione exprimenda. *ibid. n. 5.*

3. Pœnæ adulterij duæ potissimum recensentur. 1. ut vxor adultera amittat dotem, ab Ecclesiastico iudice marito adiudicandam, ut fieri possit diuortium ab adultero. *ibid. n. 6.*

4. Copula Christiani cum fœmina infideli coniugata est adulterium; cum soluta verò est simplex fornicatio, si alter est etiam solutus. *ibid. n. 7.*

5. Adulter qui filium ex adulterio susceptum, certò credit esse suum, tenetur in solidum cum matre, ad restitutionem damnorum, quæ patitur verus maritus, & filij legitimi, vel hæredes; propterea tenetur ad restitutionem alimentorum, & sumptuum, quos fecit maritus adulteræ in educanda prole spuria saltem post tertium natiuitatis annum; quia pater tenetur alere suam prolem donec sibi alimenta procurare possit: si tamen dubitet an sua sit proles ex adulterio suscepta, non tenetur ad restitutionem, quia melior est conditio possidentis suam libertatem. *ibid. n. 8.*

6. Quando duo carnaliter cognouerunt mulierem solutam ex qua suscepta est proles, sed dubitatur cuiusnam sit, uterque tenetur ad restitutionem. Idem dicendum quando duo cognouerunt coniugatam, quæ absente viro concepit; altero autem

nolente, tenetur alter in solidum satisfacere. *ibid. num. 10.*

7. Adulter tenetur ad restitutionem alimentorum; quæ sup-
peditata fuerunt ab hospitali domo in alenda prole spuria, mo-
dò non labore egestate; quia domus hospitalis instituta est ad
alendos pauperes tantùm. Si autem filius ex adulterio susceptus
relictus est inter filios legitimos mariti adulteræ, præter ali-
menta, tenetur etiam occurrere damno hæreditatis, quæ filiis le-
gitimis adimittitur, vel damno dotis, quam pater putatiuus tradit
puellæ spuria, ratus eam esse suam. *ibid. n. 11. & 13.* Idem dicen-
dum de illo, aut de illa, quæ partum supposuit cum præiudicio
legitimorum hæredum. *num. 14.*

8. Ob adulterium præcisè nulla debetur restitutio; quia ex
se non est iniuria pecuniâ æstimabilis: tenetur tamen adulter
marito adulteræ petenti, aliquam satisfactionem exhibere, puta
per veniam petitionem, &c. *ibid. num. 15.*

9. Adultera, quæ est honestæ conditionis, & passim pro tali
habetur, non tenetur manifestare adulterium cum periculo vitæ,
vel famæ, ut impediatur quominus filij legitimi damnum in hæ-
reditate patiantur, quamvis ampla hæreditas sit inter ipsos, &
spurium diuidenda, etiam si credat fore, ut manifestatione adulte-
rij obuiam iretur damno: quia vita, & fama sunt superioris ordi-
nis bona, quæ non sunt exponenda pro conseruanda filiis hære-
ditate, quæ est ordinis inferioris. Debet tamen conari pro viribus
damnum illud hæredibus compensare, vel filium adulterum in-
ducere ad capeffendam religionem, quæ non sit capax hæredita-
tis. *tom. 1. pag. 326. num. 17.*

10. Filius debet credere matri asserenti ipsum esse spurium,
nec potest se immiscere hæreditati filiorum legitimorum, quan-
do mater ita probat, ut filius conuincatur; quando verò filius
non conuincitur, non tenetur credere matri etiam iuranti; quia
melior est conditio possidentis bona fide. Non tenetur item fi-
lius abdicare se hæreditate, quam bona fide possedit tanto tem-
pore, quanto opus est ad præscriptionem; etiam si postea conuin-
catur, & certò credat se esse spurium. Quare Confessarius debet
vtri magna cautione, ne vitra modum vigeat adulterâ in articulo
mortis ad suum adulterium detegendum, neque tutum est post
mortem adulteræ detegi adulterium, ne ipse Confessarius detegês,
aut proles adulterina occidatur. *ibid. n. 21. & seq.*

11. Causa adulterij, quando agitur de separatione quoad
torum, est fori Ecclesiastici, quia est causa spiritualis; quando
verò agitur de pœnis adultero irrogandis, videtur esse mixti
fori. *ibid. num. 24.*

Aduocatus.

1. Poteſt quilibet aduocati officium exercere, modò ſit idoneus, & à iure non repellatur; quia actus patrociniandi liber eſt. *tom. I. pag. 333. n. 1.*

2. Aduocatus tenetur gratis patrociniò ſuo defendere inopem extrema, aut etiam graui neceſſitate oppreſſum, ſi nullus alius preſtò ſit. *ibid. num. 2.*

3. Si ob culpabilem Aduocati negligentiam, vel inſcitiam eliens cauſa cadat, Aduocatus peccat contra iuſticiam, & tenetur ad reſtitutionem damni. Idem dicendum de Aduocato, qui parti contrariæ ſecrera cauſæ manifeſtat, vnde ſit, vt cliens litè perdat, quam alioquin vincere iure potuiſſet. *ibid. pag. 334. n. 3. & ſeq.*

4. Aduocatus, qui cauſam iniuſtam ſuſcipit defendendam, tenetur ad reſtitutionem omnium damnorum, quæ iniuſto patrociniò parti contrariæ intulit. *ibid. n. 4.*

5. Quando vtraque pars eſt probabilis, integrum eſt Aduocato rueri cauſam actoris, aut rei: etiam ſi altera pars, quam impugnans, probabilior videatur. *ibid. n. 8.*

6. Aduocatus, vel procurator accipere poteſt ſtipendium, à lege, ſeu conſuetudine, ſeu iudicio prudentis viri taxatum; immodò etiam maius, ſi liberaliter detur: non licet tamen pacifci de quota litis, vt de medietate, &c. Sed nihil verat quominus paciſcatur de pretio, ſiue cauſa obrineatur, ſiue non; nulla quippe fraus ſubeſt. Immodò poteſt Aduocatus integrum ſtipendium ſibi promiſſum, tuta conſcientia accipere, etiam ſi cliens inchoatam litem proſequi nolit. *ibid. num. 9. & ſeq.*

7. Poteſt Aduocatus (modò ſine damno eorum, quorum ſuſcepit patrociniò fieri poſſit) alium Aduocatum idoneum, ſibi ſubſtituere, assignata illi dimidia, vel tertia ſtipendij parte; reliqua ſibi retenta. *ibid. pag. 335. num. 12.*

8. Aduocatus, ſeu procurator, cui notarius acta gratis cõfecit non in gratiam ipſius aduocati, aut procuratoris, ſed quia ita viſum eſt in honorè Dei, vel ob aliam cauſam, non poteſt petere à cliente ſalarium notario debitum, nec ſibi retinere. *ibid. n. 13.*

Agnus Dei

1. Gregorius III. in conſtitutione, quæ incipit, *Omni certè ſtudio*, excommunicationem infert iis, qui pingunt, vel inſciunt Agnos Dei à Summo Pontifice benedictos, vel qui retinent ſic infectos, & venales proponunt. *diſp. 2. quæſt. 2. punct. 29. pag. 176. tom. 3.*

2. Probabile eſt huiusmodi agnos Dei etiam pictos, & deauratos

ratos absque licentia Summi Pontificis retineri posse, modò non retineantur ad vendendum. Pictos autè, vel deauratos cum licentia, etià vendi posse, modò solius ceræ, deaurationis, & materiæ, non verò benedictionis ratio habeatur. *ibid. n. 4. pag. 177. tom. 3.*

3. Ista constitutio Romæ vsu recepta est, & quibusdam aliis in locis, vt Mediolani; in aliis autem locis spectanda est consuetudo. *ibid. n. 6.*

4. Agni Dei effigies in cera exprimi solita, coli, & adorari potest: est enim benedicta, & consecrata, simulque cum Deo, cuius est imago, apprehendi potest. *tom. 2. pag. 147. num. 11. Vide tit. Adoratio.*

Appellatio, Appellans.

1. **A**ppellatio est à minori iudicè ad maiorem prouocatio. Prohibetur autem appellatio ab ordinationibus Summi Pontif. ob iniuriam, quæ per huiusmodi appellationem Sedi Apostolicæ irrogatur: cum enim appellatio fiat à minori iudice ad maiorem, qui appellat ab ordinationibus Papæ ad futurum Concilium, videtur inducere schisma, & rebellionem in Ecclesiam. *disp. 1. quæst. 3. punct. 1. pag. 15. tom. 3.*

Appellantes ab ordinationibus Papæ quas pœnas incurrant.

2. Omnes & singuli cuiuscumque gradus, & conditionis sint, appellantes ab ordinationibus seu mandatis Papæ etiam iniustis ad futurum Concilium generale, aut fauorem vel auxilium illis præstantes ligantur vinculo excommunicationis. Bullæ Cœnæ. Vniuersitates autem, Capitula, vel Collegia ligantur interdicto, cum excommunicari non possint. Si tamen Episcopus sit vnus ex Canonicis, & concurrat cum Capitulo ad appellandum, non est interdictus: quia licet interdicto Capitulo Canonici censeantur interdicti; tamen Episcopus & alij maiores Prælati non ligantur interdicto, nisi specialiter exprimantur. Sin Episcopus concurrat ad appellationem non tanquam vnus de Capitulo, sed vt singularis persona, ligatur excommunicatione. *ibid. punct. 2. n. 1. 11. 12. pag. 17. tom. 3.*

3. Consulentes, aut approbantes appellationem, non incurrunt excommunicationem Bullæ Cœnæ, quia nō exprimuntur, ligantur tamen excommunicatione Papæ reservata à Iulio II. & Pio II. quamquam illius absolutio conferri potest virtute privilegiorum, virtute quorum non licet absolvere à casibus Bullæ. *ibid. num. 9 pag. 16. tom. 3.*

Assassini.

1. **A**ssassini iure antiquo dicebantur quidam homines Syri infideles, qui suorum dominorum iussu, seu aliorum à quibus pretio conducebantur, Christianos occidebant: Nunc autem assassini dicuntur *publici latrones viarum*, qui ad prædandum homines occidunt; vel qui pretio conducti aliquem occidunt, vel occidendum curant. *disp. 2. quest. 2. punct. 23. pag. 130. tom. 3.*

2. In cap. *pro humani*, de homicidio in 6. habetur excommunicatio contra mandantes aliquem occidi per Assassinos, aut receptantes, defendentes, aut occultantes huiusmodi Assassinos. *ibid.* Hic autem sermo est de Assassinis primi generis; quare hæc excommunicatio hoc tempore non est in usu. *ibid.*

3. Christianus per Assassinos occidens infidelem, aut hæreticum, huius canonis excommunicationem non incurrit: quia hæc excommunicatio lata est in gratiam Christianorum, & fidelium: æquum autem non est, ut qui Ecclesiam impugnant, Ecclesiæ armis protegantur. *ibi. num. 6. & 7. pag. 181. tom. 3.*

Assecuratio.

1. **A**ssecuratio est contractus, quo quis ob pretium, vel aliud interesse, vel gratis suscipit in se periculum rei alienæ, obligando se ad illius compensationem, si perierit, ita ut teneatur ad compensationem totius, si tota res perierit, vel partis, si pars tantummodo perierit. Hic autem contractus reducitur ad contractum innominatum, *do ut facias*, vel *facio ut des*, vel ad contractum emptionis, & venditionis. *tom. 2. pag. 590. n. 1.*

2. Assecurationis contractus non est usurarius, sed licitus, modò iustum intercedat pretium pro ratione periculi, & ad sint hæc quinque conditiones. 1. ut sit æqualitas inter pretium datum asscuranti, & obligationem quam in se suscipit. 2. ut qui petit asscuratorem, non cogat alterum ad contractum asscurationis secum ineundum, alioquin imposeret obligationem pretio æstimabilem, ad quam asscurator non tenetur. 3. ut asscurator ab eo, qui petit asscurationem, admoneatur de veris periculis, quibus subiaceret res asscuranda. 4. ut res, de qua contractus asscurationis initur, existat; quare si asscuretur plus mercium quàm re ipsa navi sit impositum, asscuratio non est valida. 5. ut res asscuranda sit periculo exposita, alioquin si asscurator sciat ante contractum rem, exempli gratia, peruenisse ad portum, vel ad terminum quò erat deferenda, nihil potest accipere. *ibid. n. 2. & 3.* Item qui sciens navim periisse, petit asscurationem, inualidè contrahit. *num. 3.*

3. Non

3. Non est validus contractus assecurationis, quo quis aliquid assecurat fingens se bona habere, quibus satisfaciat re pereunte, cum reuera non habeat, nec breui speret se habiturum; quia dolus dat causam huic contractui: propterea assecurator tenetur ad restitutionem damnorum inde prouenientium, & rotius mercedis acceptæ pro assecuratione. At si habet aliqua bona, quibus possit, re pereunte, in partem satisfacere; potest eam mercedis partem retinere, quæ responderet bonis quibus satisfecisset, re pereunte. *tom. 2. pag. 591. num. 4.*

B.

BAPTISMVS.

Baptismus quid, & quod duplex.

I. **B**APTISMVS nomen, si vertatur è Græco, *ablutionem* sonat, seu *immersionem in aquam*; Baptismus enim alicubi fit, & fieri potest, per immersionem, ad representandam Christi sepulturam. Dicitur autem *ablutio*, quia Baptismus sordes peccatorum abluit. *tom. 1. pag. 27.*

2. Quanquam, si propriè loquamur, vnus sit tantum Baptismus, qui est sacramentum; metaphoricè tamen loquendo triplex est Baptismus, *Flaminis*, *Fluminis*, & *Sanguinis*. Baptismus *Flaminis* est dolor perfectus de peccatis ob timorem; hic autem dolor vocatur Baptismus, eo quod Baptismi defectum aliquando supplet. Baptismus *sanguinis* est martyrium, quo peccata omnia delentur etiam ante Baptismi susceptionem. Baptismus *fluminis* est verum ac propriè dictum sacramentum, quod in aqua confertur. *ibid.*

3. Baptismus est sacramentum, quod in externa corporis ablutione consistit, sub præscripta verborum forma à Christo instituta ad regenerationem spiritualem, seu breuius. Baptismus est Sacramentum regenerationis in verbo. Fuit institutus quando Christus in Iordane baptizatus fuit à Ioanne; tunc enim indicata fuit materia Baptismi, aqua scilicet, & forma, nempe inuocatio SS. Trinitatis. *ibid. pag. 30 n. 1. & 2.*

4. Ille dicitur habere Baptismum in voto, qui facit aliquid in quo continetur votum, seu propositum Baptismi suscipiendi; vt contingit, quando is, qui non potest actu baptizari, elicit actum contritionis, seu amoris Dei super omnia. Idem dicendum de martyrio, in quo Baptismi votum continetur. *ibid. pag. 31 n. 2.*

Baptismi

Baptismi necessitas.

5. Baptismus est necessarius necessitate medij, in re, vel saltem in voto. Quia illud est necessarium necessitate medij ad salutem, sine quo salus non potest obtineri; atqui sine Baptismo in re, vel in voto salus obtineri nequit, ergo. Est etiam necessarius necessitate præcepti: quia qui non assumit medium sibi necessarium ad salutem, peccat contra Dei præceptum. *ibid* n. 3. & 4.

6. Præceptum Baptismi obligat adultos, ut cum primum commode, & dignè possunt, Baptismum suscipiant, ne diu differant. Quare tenentur parentes curare, ut filij, & domestici quamprimum baptizentur; nam pueri infantes sine actuali susceptione Baptismi, aut sine martyrio non saluantur, si eos morte præoccupari contingat. *ibid* n. 5. & 8.

7. Catechumenus quamvis sit in gratia constitutus per actum contritionis, tenetur tamen sub peccato mortali suscipere Baptismum, oblata opportunitate. Quia quando datur opportunitas suscipiendi Baptismi, non tantum est necessarius in voto, sed etiam in re, iuxta illud Ioann. 3. *Nisi quis renatus fuerit, &c.* *ibid* n. 7.

8. Si detur casus, ut aliquis ex speciali priuilegio, in utero matris iustificetur; nihilominus tenetur sic iustificatus suscipere Baptismum, si possit. Quapropter Apostoli, & beata Virgo, quâvis ante Baptismi institutionem acceperint gratiam, tamè post Euangelij promulgationem tenebantur suscipere Baptismum, ut fieret capaces reliquorum Sacramentorum, quorum ianua est Baptismus. *ibid* n. 9.

9. Baptismi suscipiendi obligatio non statim incepit post prædicationem Baptismi, sed tantum post Christi passionem, respectu eorum, quibus Baptismus fuerat promulgatus: quia in Christi morte cessauit lex vetus, & incepit noua. Generaliter autem, & quoad omnes, incepit post sufficientem Euangelij promulgationem factam per vniuersum orbem. *tom. 1. pag. 32. n. 10. 11. & seq.*

10. Post Christi passionem, ante vniuersalem Euangelij promulgationem iis, qui Baptismi legem ignorabant, potuit, & debuit adhiberi circumcisio, seu remedium legis naturæ; nullum enim aliud remedium potest assignari: quippe Baptismus, cum non esset illis sufficienter promulgatus, nondum, illos obligabat. *ibid* n. 14.

11. Qui nunc existunt in partibus remotis quò nunquam Euangelium penetrauit, cum invincibili ignorantia Baptismi saluari possunt, si naturæ legem seruauerint; nam credere par est

Deur.

Deum naturæ legem seruantibus daturum lumen, & speciale auxilium quo ad ipsum conuertantur. *ibid. n. 15.*

Baptismi Materia.

12. Baptismi materia est duplex, *proxima, & remota*. *Proxi-*
ma est aqua naturalis, & qui aliam adhibet, grauiter peccat, nec
validè baptizat: Quocirca aqua rosacea, salina, sudor, aqua ma-
nans è vite, & alij liquores artificiales, à materia Baptismi exclu-
duntur. Aqua autem maris, pluuiæ, balnei, etiam si ex sulfure, aut
cinere defluat, item aqua quæ fluxit à niue, aut sale, videtur
naturalis, ac proinde idonea ad Baptismū. Glacies verò nisi prius
liquefiat, & dissoluatur, non est materia apta, quia non potest
abluere. *ibid. n. 1. & seq.*

13. Qui vitur aqua naturali ita alterata, & mixta cum alio
corpore. seu liquore, utiam non sit apta ad abluendum, non va-
lidè baptizat. Qui autem vitur aqua naturali ita alterata, &
fœda, ut adhuc simpliciter sit aqua, absque necessitate, grauiter
quidem peccat contra reuerentiam sacramenti; validè tamen
baptizat. Porro, seclusâ necessitate, non licet quamlibet aquam
puram, & naturalè adhibere; sed illa est adhibenda quâ Ecclesia
præscribit, nempe aqua sacrorum fontium. *rom. 1. p. 3. n. 6. & seq.*

14. In necessitate uti licet materia dubia, an sit aqua natu-
ralis; præstat enim aliquem sic baptizari quàm omnino non bapti-
zari: at extra necessitatem non licet; quia periculum est, ne fiat
Sacramentum irritum, & inualidum. Præter aquam autem, non
est ignis ad Baptismum adhibendus. *ibid. n. 9. & seq.*

15. Baptismi materia proxima est ablutio, quæ sit contactus
successiuus quo aqua successiuè contingat corpus: quia homo
non potest dici ablutus, nisi per contactum aquæ successiuum.
Sufficit autem ea aquæ quantitas, qua pars aliqua corporis ab-
lui possit: quare validus est Baptismus siue fiat per immersionem,
siue per infusionem aquæ; utraque enim est ablutio. Sacerdos ta-
men qui ex officio ministrat Sacramentum Baptismi Ecclesiæ
sue consuetudinem seruare debet. *ibid. n. 13. & seq.*

16. Ad Baptismum non sufficit vna aut altera aquæ gutta,
præsertim si per corpus non fluat; quia requiritur contactus suc-
cessiuus. & ea aquæ quantitas quæ sufficiat ad partem corporis
abluendam, ita ut homo verè dici possit ablutus. Neque sufficit,
ut aqua contingat vestes, aut aliquid extra carnem, ut si quis co-
rio vel vtre contactus immergatur; quia non potest dici propriè,
ablutus. Secus autem si baptizetur infans natus cum membrana,
seu pelle porosa, eaque innolutus; potest enim aqua penetrare,
& peruenire ad carnem infantis. Neque sufficit ut aqua solos
capillos

capillos attingat; neque enim capilli sunt pars hominis; solius autem capitis sufficit ablutio, quippe præcipua est hominis pars, qua abluta, dicitur homo ablutus. *tom. 1. pag. 34. n. 19. & seq.*

17. Si solus pes, aut digitus abluatur, non videtur validus Baptismus; quia per illius partis abluionem non denominatur homo sufficienter ablutus; quanquam in necessitate Baptismus in qualibet corporis parte est administrandus, etiam in solo digito; si tamen infans supervixerit, erit sub conditione baptizandus, si dubitetur, an pars aliqua fuerit sufficienter abluta. *ibid. n. 24.*

18. Infans in utero matris existens baptizari nequit; consequenter, sic baptizatus non potest in cœmeterio sepeliri; quia non fuit ablutus, nisi fortè aqua sic immitti possit, ut perveniat ad infantem, eiusque carnem contingat. *ibid. num. 25.*

19. Validus est Baptismus, quando infans incipit mori, & deficiente aqua, qua possit abluì, proicitur in flumen, aut puteum prolata formâ Baptismi. Quamvis enim hoc non sit faciendum, tamen si fiat, tenet Baptismus, nihil quippe desideratur necessarium ad Baptismum. Denique per quamlibet abluionem, qua verè dici possit corpus ablutum, modò verba sint sufficienter prolata, perficitur Baptismi sacramentum. Quamvis enim abhiberi soleat trina versio, aut ablutio; post primam tamen Baptismus suum sortitur effectum, modò forma sit sufficienter prolata. Nisi minister habeat directam intentionem non cōficiendi sacramentum ante trinam abluionem: tunc enim non est validus Baptismus, nisi post tertiam abluionem, defectu solius intentionis. *ibid. num. 27. & seq.*

Baptismi forma.

20. Hæc verba, *Ego te baptizo in nomine Patris, & Filij, & Spiritus sancti*, conficiunt formâ Baptismi, ut constat ex Matth. cap. 28. Exprimenda est autem persona baptizanda; non autem est necessarium directè exprimere personam ministri: quippe Baptismus Græcorum (ubi persona ministri baptizantis directè non exprimitur) est validus. *tom. 1. pag. 35. n. 1. 2. & 3.*

21. Exprimenda est actio, quæ exercetur circa baptizandum; quia in Sacramentis consistentibus in usu, exprimitur actio. Item exprimenda est unitas divinæ essentiae; quamobrem qui diceret, *Ego te baptizo in nominibus Patris, &c.* inuaidè baptizaret: imò ex nonnullorum sententia, qui diceret, *Ego te baptizo in nomine Patris, in nomine Filij, &c.* nihil conficeret, quia sic non exprimeretur divinæ essentiae unitas. Denique res personæ SS. Trinitatis sunt exprimendæ; neque sufficiunt ad validitatem Baptismi hæc forma: *Ego te baptizo in nomine* (ar-

Etissima Trinitatis, quia requiritur explicita expressio trium personarum *ibid. n. 4. & seq.*

22. Obiic. cum quæsitum esset à Nicolao I. quid agendum esset de iis, qui baptizati essent à pagano, seu in fidei: respondit Pontifex non esse rebaptizandos, si baptizati essent in nomine SS. Trinitatis, vel tantum in nomine Christi. *Resp.* Pontificem rectè respondisse non esse rebaptizandos, qui baptizati sunt in nomine Trinitatis, expressis scilicet personis; aut tantum in nomine Christi loco Filij, sic dicendo, *Ego te baptizo in nomine Patris, & Christi, & Spiritus sancti.* tom. 1. pag. 36. n. 9.

23. Baptismus est inualidus, quando contingit substantialis mutatio in verbis; secus si mutatio sit tantum accidentalis. Grauius tamen peccat, qui vitur aliis verbis quam consuetis, quia in re graui Ecclesiæ ritum non seruat. *ibid. n. 9.*

24. Probabilius est eum inualidè baptizare, qui dicit, *Ego te baptizo in nomine Genitoris, & Geniti, & Spirati.* Quia Christus videtur instituisse, ut Baptismus sub his nominibus relatiuis, *Patris, Filij, & Spiritus sancti*, conferatur. Hæc, inquam, sententia est probabilior, & tutior in praxi, ne baptizandus periculo damnationis exponatur per mutationem formæ. *ibid. n. 12.*

25. Validus est Baptismus administratus vulgari lingua; neque mortaliter peccat, qui sic administrat. Immo expedit, ut quando minister non bene nouit exprimere verba Latino sermone, exprimat vulgari, quia iustam habet causam sic faciendi, neque facit contra ritum, aut consuetudinem Ecclesiæ, cum sic usus obtinuerit. *tom. 1. pag. 36. & 37. n. 17.*

26. Si puer moriatur nondum finita forma Baptismi, inualidus est Baptismus, neque videtur puer in loco sacro sepeliendus; quia non est integer substantialis sensus formæ. *ibid. n. 18.*

27. Baptismus collatus in nomine B. Virginis, aut Sanctorum, est inualidus, si baptizans intendat conferre Baptismum in virtute B. Virginis, aut Sanctorum. Secus si intendat tantum baptizare per intercessionem B. Virginis, aut Sanctorum; tunc enim sensus formæ substantialiter non mutatur. *ibid. n. 19.*

28. Nullus seipsum potest validè baptizare; quia sicut nemo potest seipsum naturaliter generare, ita neque potest seipsum spiritualiter regenerare per Baptismum; neque ipse Christus à se ipso voluit baptizari: at hoc solum Eucharistiæ sacramentum potest quis sibi ministrare. Duo tamen possunt, urgente necessitate, se inuicem baptizare. *ibid. n. 20.*

29. Plures vnica aspersione validè baptizari possunt, dicendo, *Ego vos baptizo*, &c. modò singulos aqua cōtingat: & tunc dicuntur esse plura Baptismata, quia distinctio numerica baptismatū peti-

tur à subiecto, in quo recipitur Baptismus, & quamvis vnica proferatur forma, virtualiter tamen est multiplex. *ibid. n. 21. & 22.*

30. Quando duo concurrunt ad baptizandum vnum, & eundem, & alter abluat, alter verò formam proferat, vt si quis baptizandus sit, nec alius adsit præter duos homines, quorum alter sit mancus, alter mutus: si mutus aspergat infantem, & mancus proferat formam, non est validus baptismus: quia forma efficitur falsa: nam proferens verba dicit, *Ego te baptizo*, cum reuerà ipse non baptizet, nec abluat infantem. *ibid. n. 23.*

31. Quando plures simul baptizant infantem, si quilibet intendat baptizare independenter ab intentione alterius, validè baptizat, modò simul perficiat verba, alioquin ille tantùm baptizat, qui prior perficit formam, & absoluit verba. Si verò quilibet intendat baptizare dependenter ab intentione alterius, non baptizat validè. *ibid. n. 24.*

32. Baptismus collatus alicui, quem minister credebatur esse masculum cùm sit fœmina, aut esse filium huius, cum sit illius, nihilo seciùs est validus: quia licet minister speculatiuè erraret, non tamen errat practicè, cùm dirigat intentionem suà in personam præsentem. At si habeat intentionè baptizandi tantùm hunc, v. g. qui est filius Titij; si autem sit alius, nolit baptizare, inualidus erit baptismus defectu intentionis: alioquin per errorem personæ baptizandus non sit irritus. Porro is, qui pro fœmina baptizatus est, accepitque nomen, quod fœminis imponi consuevit, non est rebaptizandus, sed solùm nomen commutandum in nomen viri, si postea in virili ætate promineant mēbra virilia, quæ in infantia ita latebant, vt fœmina crederetur. *tom. 1. p. 38. n. 26. & seq.*

Baptismi Minister.

33. Minister Baptismi ex officio est Sacerdos, cui soli competit solemniter baptizare; vnde sequitur eum, qui solemniter baptizat, cum non sit Sacerdos, illicitè baptizare, cum sibi alienum officium vsurpet. In necessitate autem quiuis habens vsum rationis, etiam infidelis, & ethnicus, modò intentionem habeat faciēdi, quod facit Ecclesia, debitamque formam proferat, & materia applicet, potest Baptismum ministrare. *ibid. p. 38. n. 2. & seq.*

34. Qui extra necessitatem baptizat, cùm non sit Sacerdos, grauiter peccat; quia facit contra prohibitionem Ecclesiæ in re graui. Parochus item, aut alius Sacerdos baptizans solemniter infantem alterius parocciæ sine necessitate, absque licentia Episcopi, vel proprii Parochi, peccat; non tamen incurrit excommunicationem, vel irregularitatem; quia hæc pœna nuppiam inuenitur expressa. *tom. 1. pag. 39. num. 9. & 10.*

35. In Baptismo tempore necessitatis administrando hic ordo seruandus est, vt præsentem viro scæmipa non baptizet, nec laicus præsentem clerico, nec diaconus præsentem Sacerdote, etiam si Sacerdos vrbauitatis causa cedat; huius tamen ordinis peruersio non est peccatum mort. nisi ad sit Sacerdos, quo præsentem, nemo potest sine peccato mort. baptizare: nisi ignorantia aut necessitas (Sacerdote nolente baptizare) excuset. *ibid. n. 11.*

36. In ministro Baptismi requiritur 1. intentio baptizandi, sine qua nullus est Baptismus. 2. vt minister adhibeat debitam materiam, & formam, illamque ritè applicet. 3. vt solemniter baptizans sit in gratia, alioquin grauiter peccat; qui verò urgente necessitate baptizat sine solemnitate, non peccat grauiter, tametsi peccati mort. sibi sit conscius, aut excommunicatus. *ibid. n. 12.*

37. Cùm Baptismus imprimat characterem indelebiter in anima inhaerentem, non potest iterari, si mortaliter constet semel ritè collatum fuisse: in dubio verò an validè collatus fuerit, iterum conferendus est sub conditione, quam non necesse est exprimi, sed sufficit mente retineri. *ibid. n. 20.*

38. Patrini officium est infantem de sacro fonte leuare, & pro eo solemniter spondere, contrahitque obligationem illum instruendi de rebus fidei, quando parentes, aut Parochus desunt, qui id præsent. *ibid. n. 18.*

Baptismo quis initiandus.

39. Quilibet homo natus, existens in hoc mortali corpore, sine infans, siue adultus, siue vir, siue scæmina, est Baptismi capax. Vnde sequitur monstrum ex viro & scæmina genitum baptizandum esse, quia est homo. Immo si constet habere duplicem animam, vt si habeat duo capita, & duo corpora, bis baptizandum esset, semel in vnoquoque capite. aut vnico actu, prolata forma in numero multitudinis *Ego vos baptizo* sin dubitetur, an constet duplici anima rationali, vt si habeat duo capita cum vno pectore, vel duo pectora sub vno capite, duplex Baptismus conferendus est, vnus absolutè in ea parte in qua est perfectius caput, aut pectus, alter sub conditione in alia parte. *ro. 1. pag. 40. n. 2. & seq.*

40. In dubio an monstrum genitum sit ex viro, & scæmina, vel ex scæmina, & bruto, baptizari potest sub conditione, nisi constet esse animal irrationale. Quare si nascatur monstrum habens caput ferinum, & reliqua membra humana, & adhibita debita diligentia sciri non potuit an esset homo, an bellua, non potest absolutè baptizari, sed ad summum sub conditione;

tionem; alioquin esset periculum conferendi baptismum subiecto illius incapaci. *ibid. n. 5.*

40. Existens in utero matris baptizari non potest, quia non est homo natus; neque renasci potest per Baptismum, qui nondum est corporaliter natus, cum ablui non possit. At si mater moriatur, & filius in utero credatur vivere, aperienda est mater, ut infans extrahatur, & baptizetur. Quoad utero mater uiuit, non est scienda, etiam si ob partum moritura sit. *ibid. n. 9.*

41. Si mulier grauida per sententiam iudicis damnetur ad mortem, differenda est executio sententiæ donec pepererit: nisi ex illa dilatione damnum imminet reipublicæ: tunc enim potest uiuentis uterus aperiri, ut infans extrahatur, & baptizetur. *ibid. n. 10.*

42. Baptismus collatus infanti absque parentum consensu, validus est: quia ad valorem baptismi requiritur tantum materia, forma, & intentio ministri. *ibid. n. 11.*

43. Si filius habeat usum rationis, & petat Baptismum, etiam inuitis parentibus baptizandus est, quia in iis, quæ ad salutem animæ spectant, est sui iuris: quare potest etiam parentibus infidelibus subtrahi ad vitandum periculum peruersionis. Si dubitetur an usu rationis polleat, est etiam baptizandus: quia in dubio iudicandum est in fauorem fidei, præsertim si iam compleuit septennium: illa enim ætas præsumitur capax rationis. At septennio nondum completo, non est inuitis parentibus baptizandus. Filij autem infidelium non baptizatorum, carentes usu rationis, non possunt inuitis parentibus baptizari. *tom. I pag. 41. n. 11.*

44. Filij infidelium baptizatorum, ut hæreticorum, aut aliorum Apostatarum à fide, possunt inuitis parentibus baptizari: quia ipsi parentes sunt Ecclesiæ subditi. *ibid.*

45. Filij infidelium etiam non baptizatorum quando versantur in euidenti mortis periculo possunt inuitis parentibus baptizari: quia tunc cessat periculum subuersionis. Infans autem ex vno saltem parente Christiano natus, baptizandus est, etiam inuitis parentibus; quia hic ex vi suæ originis subditus est Ecclesiæ, & imitari, ac sequi debet parentem Christianum. *ibid.*

46. Filij infidelium, qui non sunt serui, sed tantum tributarii, & vassalli Principum Christianorum, cuiusmodi sunt Iudæi commorantes, ex concessione Principum, in aliquibus ciuitatibus, non possunt inuitis parentibus baptizari: quia huiusmodi parentes, cum non sint serui, ius in filios non amittunt. Filij vero seruorum possunt de consensu dominorum, inuitis parentibus, baptizari: quia domini ius habent in parentes, & filios,

irant iis uti possint, in quem voluerint rationabilem usum non repugnante legi naturali; neque imminet periculum perversionis, facta separatione de dominorum consensu. Porro nomine servorum intelliguntur illi, qui emuntur à veris dominis, aut iusto bello capiuntur, fiuntque servi iure belli. *ibid.*

47. Possunt domini parentibus, aut aliis vendere servos nondum baptizatos, accepta pecunia, aut facta permutatione cum Christianis captivis; quia tenentur tantum ex charitate illos baptizare; sed charitas non obligat cum tanto incommodo, nisi enim redderent filios parentibus, magnum subirent incommodum in iis alendis, & educandis; & nisi parentes infideles spem haberent redimendi filios captivos, magis sævirent in Christianos. *ibid. n. 14.*

48. In adulto baptizando requiritur saltem triplex dispositio. 1. est intentio actualis, aut virtualis suscipiendi Baptismum. 2. est fides supernaturalis. 3. est attritio; non tamen est necessaria confessio sacramentalis ante Baptismum, cum ipse sit ianua omnium sacramentorum; neque ipsis post Baptismum imponenda est aliqua satisfactio; quia per Baptismum remittitur culpa, & poena. Notandum autem eum, qui suscipit Baptismum absque attritione, & fide, suscipere quidem Baptismum quoad characterem; sed non quoad gratiam, & remissionem poenae; qui autem suscipit absque intentione, ne quoad characterem quidem suscipit Baptismum. *rom. 1. pag. 41. 42. n. 15. 24. 25. & seq.*

49. Validus est Baptismus collatus dormienti, si Baptismum petiit ante somnum, habet enim intentionem habitualement. Idem dicendum de furioso, qui dum haberet lucida rationis intervallo, petiit Baptismum. Tamen quando quis incidit in amentiam, si spes sit resipiscentiæ, expectandum est, ut ad se redeat; sublata verò spe resipiscentiæ baptizandus est. Item validus est Baptismus collatus ei, qui per metum gravem illum suscepit cum intentione suscipiendi: quia metus non tollit voluntarium simpliciter. *ibid. pag. 42. n. 19. & seq.*

50. Fieri potest, ut quis suscipiat verum Baptismum, & characterem, etiam si non habeat fidem infusam, ac proinde non recipiat gratiam; ut si quis ab hæretico instructus habeat intentionem suscipiendi id, quod fuit institutum à Christo, quidquid illud sit, hic enim valide suscipit Baptismum, sed non recipit gratiam, quia non habet fidem. *ibid. n. 24.*

51. Tres sunt præcipui effectus Baptismi. 1. est gratia habitualis. 2. remissio totius poenae. 3. character. Igitur Baptismus confert gratiam cum reliquis virtutibus, & donis quæ gratiam consequuntur, modò suscipiens non ponat obicem: Gratiam autem

autem confert pueris quidem æqualem, adultis verò inæquale, iuxta cuiusque dispositionem. Porro hæc gratia remittit peccatū originale, & actualia omnia ante Baptismum commissa. Peccata verò commissa in susceptione Baptismi, aut post Baptismum, nō delentur per Baptismum, sed Sacramento Pœnitentiæ sunt subiicienda. *tom. 1. p. 43. n. 1. & seq.*

52. Per Sacramentum Baptismi remittitur etiam omnis pœna peccatis debita; unde baptizatis nulla iniungitur pœnitentia. Non auferuntur tamen pœnalitates in hac vita, cuiusmodi sunt concupiscentia inordinata, ægrotudines, mors, &c. quāquam Baptismus habet etiam virtutem eas auferendi, & re ipsa auferet à iustis in resurrectione. *ibid. n. 5. & seq.*

53. Baptismus imprimit characterem in anima indelebilem, propter quem non potest iterari; quia sicut homo non potest bis nasci, ita nec bis renasci per Baptismum. In dubio tamen potest iterari sub conditione. Infans inter Christianos expositus, regulariter loquendo, præsumendus est baptizatus. *ibid. n. 9. & seq.*

54. Præter effectus commemoratos Baptismi sunt alij nonnulli secundarij, vt sanitas, quam Baptismus aliquando confert, vt dicitur de lepra Constantini Imperatoris; ablatio irregularitatis ex delicto, & obligatio seruandi Ecclesiæ præcepta *tom. 1. pag. 44. n. 12.*

55. Baptismus cum fictione susceptus, recedente fictione, suū effectum producit: cum enim proprium Baptismi sit regenerare per remissionem peccati orig. & nullo alio Sacramento id fieri possit, necesse est, sublata fictione, hunc effectum per Baptismum confert. Hæc autem fictio, si fuit sine peccato, vt si suscipiens Baptismum, nesciuit se debita dispositione carere, tollitur per actum fidei, & attritionis; si verò fuit cum peccato, quia scilicet suscipiens sciebat se non habere debitum dolorem, requiritur contritio, vel sacramentum Pœnitentiæ ad eam fictionem tollendam, & effectum Baptismi recipiendum, *ibid. n. 13. & 14.*

56. Peccata ante Baptismum commissa non sunt in confessione aperienda; quia per Baptismum sufficienter delentur. Suscipiens autem Baptismum cum peccati venialis complacentia, recipit quidem gratiam, & remissionem aliorum peccatorum; non tamen illius venialis. *ibid. n. 15. & 16.*

57. Ritus Baptismi, quamuis accidentales omitti non possunt absque peccato, ex suo genere mortali, nisi paruitas materiæ excuset. Quare grauiter peccat in aqua non benedicta, vel cū chrismate alterius anni, absque necessitate baptizans. Porro quando quis fuit domi baptizatus sine cæremoniis, supplendæ sunt à Pastoro in Ecclesia: *ibid. n. 18. & seq.*

1. **I**N Extrauag. *Sancta Romana*. Ioannis XXII *de religiosis domibus*, fertur excommunicatio contra eos, qui fictam Fraticellorum, Bizochorum, seu Beguinorum religionem profitentur, & contra Prælatos, qui eos, sine Summi Pontific. facultate admittunt. *disp. 2. qu. 2. punct. 27. p. 176. tom. 3.*

2. Nouum habitum, & nouam religionem hoc tempore assumens, seu nouum vitæ genus sine Summi Pontif. autoritate instituens, huic excommunicationi non subiicitur: quia lex pœnalis vltra suos terminos non est extendenda: grauius tamen peccaret, & grauib. pœnis afficiendus esset. *ibid. n. 2. tom. 3.*

Begina.

1. **I**N Clementina 1. *de religiosis domibus*, excommunicantur quædam fœminæ statum Beguinarum assumentes, aut in eo perseuerantes. Beguinæ autem fuerunt quædâ mulieres quæ nullam regulam approbatam profitebantur, habitum tamen deferebant peculiarem, & quibusdam religiosis adhærebant; de Trinitate, & diuina essentia disputabant, prædicabant & multas opiniones fidei contrarias inducebant. *disp. 2. quest. 2. punct. 26. p. 176. tom. 3.*

2. Eadem excommunicatio extenditur ad religiosos, qui præfatas Beguinæ admittunt, ipsis consilium, auxilium, vel fauorem præbent. *ibid.*

3. Non sunt damnandæ Tertiariæ S. Francisci, S. Dominici, aut Ursulinæ, vel similes aliæ, quæ sub regula tolerata viuunt, & continentiarum votum emittunt: Immo gaudent priuilegiis ordinis cuius habitum susceperunt. & ab ordinarij iurisdictione sunt exemptæ, etiam si in propriis domibus vel seorsum habitent: sic enim declarauit sacra Cardinalium Congregatio. *ibid. n. 3.*

4. Fœminæ, quæ sine vlla regula, in suis domibus, aut parentum, obsequio Dei se mancipant, nullam pœnam incurrunt: hoc enim ipsis permittitur in præfata Clementina. *ibid. n. 4. tom. 3.*

Bellum.

1. **B**ellum est conflictus armorum, seu professio nocendi pariter contrariæ, vi, & armis. Duplex est, vnum *offensiuum*, quod etiam *vindicatiuum* appellant: alterum *defensiuum*, quo quis se tuetur contra aggressorem. *tom. 2. p. 466. num. 3.*

2. Licitum est bellum apud Christianos, quia iure naturæ licet iniurias propulsare, quod sine bello interdum fieri nequit. Vt autem sit licitum bellum offensiuum, tres conditiones requiruntur.

1. est

1. est auctoritas indicentis, quæ est penes Principem, aut Magistratum, aut Senatum, qui in sua iurisdictione non agnoscit superiorem. 2. est recta intentio, quæ tunc est recta, cum bellum suscipitur ob bonum cõmune: tamen deficiente hac conditione bellum potest esse iustum. 3. est iusta causa; dicitur autẽ *iusta*, quandiu bellum suscipitur ad iustẽ impediendam, aut vindicandam, aut compensandam iniuriam. *ibid. n. 2. & seq.*

3. Ante diligentem inquisitionem an causa sit iusta, non potest bellum indici, immo neque post inquisitionem, manente adhuc dubio: nam in dubio melior est conditio possidentis. At quando res à neutra parte possidetur, vt quando oritur controuersia quisnam, mortuo Rege, debeat succedere, & dubitatur cuiusnam de iure contingat regnum, neutra pars potest arma capere ad occupandum totum regnum; sed tantum ad partem æqualem vel inæqualem, pro ratione dubij ex vtraque parte. *tom. 2. p. 466. n. 8.*

4. Positã iustã causã non licet Bellum indicere, nisi prius petita ab aduersario condigna satisfactione, qua oblata, non licet indicere. Debet etiam bellum ex charitate intermitteri, si ex eo sequutura sint scandala, & damna Reip. grauissima; minus enim damnum posthabendum est maiori *ibid. n. 9.*

5. Milites non tenentur examinare an bellum sit iustum, si sint subditi aut stipendiarij Principis bellum indicentis: sufficit eos scire causam belli non esse iniustam: nam in dubio præsumendum est in fauorem Principis. Qui verò non sunt subditi, nec stipendiarij, non possunt ad bellum accedere cum dubio de iustitia belli. At si adhibita debita diligentia, dubium illud deponant, & sibi persuadeant bellum esse iustum, possunt sua nomina huic militiæ dare. *ibid. n. 10.*

6. Quamuis à parte rei ius competat vni soli; fieri tamen potest, vt bellum ex vtraque parte sit iustum, si vtraque habeat opinionem probabilem, aut altera pars laboret ignorantia inuincibili, aut vtraque stet iudicio prudentum iudicantium causam belli indicendi esse iustam. *ibid. n. 11.*

7. Iustã causã interueniente licet bellum inferre infidelibus, qui sunt subditi Principibus Christianis de iure, & de facto: consequenter possunt à Principibus priuari bonis, aut vita, propter delicta, vel ob commune bonum. Item potest bellum indici infidelibus occupantibus terras Christianorum; neque tenentur ad restitutionẽ qui illorum, v g. Turcarum, bona capiunt, obtenta à Principibus generali facultate. Infidelibus verò, qui neque de iure, neque de facto sũt subiecti vlli Principi Christiano, nõ licet bellũ inferre, nec eos priuare bonis, nisi Euangelij prædicationem

impediant, aut Christianis iniuriam inferant, aut ferarum more humanis carnibus vescantur. *tom. 2. p. 468. n. 12.*

8. Licet fit in bello, quidquid fit vel ad rem ablatam recuperandam, vel ad compensationem faciendam, vel ad vindictam sumendam pro ratione iniuriæ; vel ad pacem componendam, & stabilendam. Sic ut licet stratagematis, dolis, & insidiis, inferre damnum hostibus, adhibitis conditionibus requisitis. At milites tenentur ad restitutionem damni illati contra expressam, vel tacitam superioris prohibitionem: censetur enim iniuste illatum, nisi superior id prohibuerit tantum ad seruandam disciplinam militarem: in hoc enim casu damnum illatum non est per se contra voluntatem superioris, sed tantum per accidens. *ibid. n. 14. & seq.*

9. In pugna, aut post pugnam non licet occidere eos, quos constat esse innocentes, iuxta illud Exod. 23. *Insontem & iustum non occides*; cuiusmodi sunt infantes, mulieres, clerici, religiosi, legati, oratores, mercatores transeuntes, &c. nisi occidantur præter intentionem. Licet tamen spoliare innocentes bonis, ut nauibus, frumento, equis, &c. ne hostes adiuuent. *ibid. n. 17.*

10. Clerici, & Ecclesiæ, propter immunitatem, qua gaudent, non possunt tempore belli spoliari, aut diripi, nisi forte per accidens, si victoria non possit aliter obtineri, in quo casu possent hostes ab Ecclesia extrahi, vel in ea occidi, aut ipsa etiam Ecclesia incendi. Non tamen potest Ecclesia more castrî muniri ad oppugnandos hostes: ad defensionem verò Ecclesiasticorum, & laicorum innocentum, muniri nulla religio vetat. *ibid. n. 18.*

11. In grauissimis causis possunt aliquando dari vrbes militibus in prædam. Non tamen licet pro exiguo damno, inferre damnum longè excedens. Hostes iniuste pugnantes possunt aliquando partâ victoriæ affici pœnis. Obsidentes innocentes, etiam si iij a quibus missi sunt, fidem datam non seruauerint, occidi non possunt. Christiani, & eorum filij non possunt in seruitutem redigi, Apostatæ à fide possunt; eorum tamen filij, si sint baptizati, non possunt. *ibid. num. 20. & 21.*

12. Res mobiles iusto bello capte acquiruntur militibus iure belli, si sint hostium. At si sint creptæ è manibus Turcarum, aut piratarum, qui ea abstulerant Christianis, restituendæ sũt prioribus dominis; neque enim piratæ acquisierant illarum dominium, detracta æstimatione laboris, & indultrix posita in iis recuperandis. *tom. 2. pag. 369. num. 22. & 23.*

13. Hostes, qui se dederunt, si sunt innocentes, occidi non possunt. Secus si nocentes, nisi se dederint cum hac conditione, ne laderentur. Iusto bello capti, possunt fugere ad suos, modo

non

non iurauerint se non arrepturos fugam: nec postea recidunt in seruitutem, si tempore pacis redeant ad hostes ob negotiationem, vel aliam causam. At serui emptitij peccant fugiendo, quia priuant dominos re sua. *ibid. n. 25. & 26.*

14. Peccant mortaliter duces, qui bello repræsentant plures personas, vt plura stipendia accipiant. Item qui concedunt officia famulis, aut suis familiaribus, illisque minuunt stipendia, vs sibi reliquum retineant. Item grauiter peccant milites grauando rusticos, eosque compellendo ad ea, ad quæ non tenentur, neque per hoc excusantur quod duces non soluant stipendia: milites enim alendi sunt de publico: Extrema tamen necessitas excusat, & tunc Princeps tenetur rusticis damnum compensare. *ibid. num. 27.*

15. Clericis minorum ordinum licet pugnare in bello propria manu: clericis verò qui sacris ordinibus sunt insigniti, prohibitum est iure Ecclesiastico; possunt tamen hortari ad pugnam. Possunt etiam pugnare ad defensionem sui, vel sociorum, quando mors aliter vitari nequit. *ibid. n. 29.*

16. Tempore induciarum, & die festo abstinendum est à prælio, nisi necessitas urgeat. Tamen quia bellum non videtur opus seruile, cum ab ipsis etiam Principibus exerceatur, multi censent pugnare in die festo etiam absque necessitate, vel reipubl. vtilitare, non esse peccatum saltem mortale, modò Missa audiantur. *ibid. n. 30.*

BENEFICIUM, BENEFICIARIUS.

Fructuum beneficij dominium, & dispositio.

1. Beneficiarium bona sunt aut patrimonialia, aut quasi patrimonialia, aut merè Ecclesiastica. Beneficiarius dominium habet absolutum bonorum patrimonialium, & quasi patrimonialium; necnon fructuum, & prouentuum beneficij, licet enim non habeat dominium beneficij, est tamen vsufructuarius. *tom. 1. p. 750. n. 1. & seq.*

2. Fructus, & prouentus beneficij alij sunt necessarii ad congruam sustentationem, alij superflui. Necessarios potest beneficiarius dispensare ad libitum, sicut potest bona patrimonialia, neque tenetur illos in pia opera erogare, magis quàm bona patrimonialia, aut quasi patrimonialia: hi enim fructus dantur tanquam merces, & stipendium laboris exhibiti. *tom. 1. pag. 751. n. 1.*

3. Fructus beneficij, qui ad congruam sustentationem necessarii non sunt, sed superflui, in pios vsus erogandi sunt, sic enim decernit Concil. Trident. *sess. 25. cap. 1.* quia sunt patrimonium Christi, pauperibus distribuendum. Pauperum autem nomine

nomine intelligendi sunt non tantum ij, qui ostiatim stipem mendicant, verum etiam qui vitam ex suo patrimonio commodè, & honestè iuxta sui status conditionem sustentare non possunt; intelliguntur etiam animæ in Purgatorio existentes, ipsarum enim ope nostra indigent. *ibid. n. 2. & seq.*

4. Pro congrua beneficiarum sustentatione ea pars fructuum constituenda est, quæ ad beneficiarum, ipsiusque familiarum sustentationem necessaria iudicatur habita ratione scientiæ, & literaturæ, nobilitatis, aut dignitatis, quam obtinet, aut loci in quo beneficium habet: cum enim non sit par omnium conditio, æquum non est, ut eadem portio omnibus assignetur. *ibid. n. 7.*

5. Qui fructus beneficii suæ sustentationi superfluos in profana opera expendit, v. g. ad ditandos amicos, vel consanguineos, equos, & canes alendos, graviter peccat: est enim graue peccatum Christi patrimonium in profanos usus profundere. Potest tamen parentibus, & consanguineis indigentibus largiri titulo paupertatis, sororem, vel neptem dotare; fratrem, nepotem aut cognatum in studiis alere, &c. hæc enim inter pia opera numerantur. Licet etiam aliquos beneficii fructus in ludos, & honestas, ac moderatas animi recreationes insumere, spectata clericali conditione. Item potest beneficiarius ex fructibus beneficii alere filios, non tantum legitimos, sed etiam spurios, moderatam, & rationabilem dotem filiarum spuriarum tradere, &c. si non possit aliunde illis prospicere. *tom. 1. pag. 752. n. 9. & seq.*

6. Beneficiarius potest distributiones pro suo arbitratu impendere; quia est illarum dominus, & distributiones dantur ob ministerium personale, tanquam stipendium laboris, consequenter sunt bona quasi patrimonialia, quorum beneficiarius est absolutus dominus: unde patet, quid sit discriminis inter fructus beneficii, & distributiones. Item capellanus potest ad libitum expendere acquisita pro celebratione Missarum, confessionibus audiendis, concionibus habendis, & id genus aliis functionibus; hæc enim non sunt bona beneficii, sed quasi patrimonialia, & fructus propriæ indulturiæ. *tom. 1. pag. 753. num. 18. & 19.*

7. Beneficiarius non potest ad libitum insumere bona, quæ ipse emit ex pecuniis Ecclesiæ, aut nomine Ecclesiæ: sunt enim bona Ecclesiæ, quorum dominium non habet, & eiusmodi bona ex pecuniis, & fructibus beneficii empta addicuntur Camera, & fisco Apostolico: ergo non fiunt bona quasi patrimonialia ipsius beneficiarum. *ibid. n. 20. & 21.*

8. Clericus, qui beneficium in perpetuam commendam accipit, potest de fructibus illius disponere ea solum ratione, qua beneficiarius. Qui autem beneficium accipit in commendam temporalem,

poralem, licet fructus sibi assignatos possit suo arbitratu expendere, reliquos tamen non potest distrahere; quia est illorum dumtaxat procurator. *ibid. n. 22.*

9. Religiosi habentes beneficia Ecclesiastica, v.g. Abbatiam, Prioratum, Commendam, &c. non possunt ad libitum de fructibus disponere, excepta ea parte, quam parcius viuendo sibi subtraxerunt: religiosi enim non sunt domini fructuum, sed administratores. At milites Commendatarii, ut sunt Equites S. Iacobi, Calatrauæ, Alcantaræ, &c. peccant quidem fructus suarum commendarum profanè insumendo; hoc tamen peccatum non videtur excedere grauitatem culpæ venialis, nisi fortè ratione prauis finis: quia hi prouentus non sunt bona simpliciter Ecclesiastica, dantur enim titulo sæculari, nempe militari. Secus sentiendum de Equitibus Melitensibus, seu Commendatariis S. Ioannis Bapt. sunt enim verè religiosi: non possunt igitur de redditibus commendarum, quod congruæ suæ sustentationi superest, in vsu inutiles expendere; cum enim dentur cum onere officij recitandi, dantur titulo spirituali, suntque redditus Ecclesiastici. De aliis verò pecuniis, & lucris aliunde perceptis, possunt liberè inter viuos disponere; habent enim illorum dominium; de illis tamen, ob votum paupertatis, testari non possunt. *tom. 1. pag. 753. & 754. n. 24. & 25.*

10. Licet beneficiarius, de iure communi antiquo non possit de fructibus beneficii testari, & disponere ad causas profanas: ex priuilegio tamen, vel consuetudine multis in locis recepta, id potest. Igitur beneficiarius attenta loci consuetudine, in quo non est vsus spoliatorum, potest beneficii fructus consanguineis testamento relinquere: immò ipsi consanguinei beneficiario decedenti ab intestato possunt huiusmodi bonis succedere; quia illorum dominium beneficiarius habebat. *tom. 1. pag. 754. n. 2. & 3.*

11. De bonis autem patrimonialibus, vel quasi patrimonialibus, & de fructibus beneficii ad congruam sustentationem necessariis beneficiarius potest licitè, & validè testari, ubi consuetudo obtinuit, ut beneficiarij testentur: at de fructibus superfluis non item. *ibid. n. 4.*

12. Hæres, qui beneficiario testato, vel intestato decedenti succedit, in eam fructuum partem succedit, quæ beneficiario vsque ad mortem comperebat: beneficiarius autem ius habebat ad eos fructus, qui vsque ad tempus mortis à solo separati erant licet fortè nondum recõditi, nec in horreum translati essent, iuxta decisionem Rotæ: fructus autem pendentes, nec dum à solo separatos, non dubium est ad successores in beneficio pertinere. At si sermo sit de bonis locatis pro certa pensione singulis annis soluenda,

soluenda, vel pensio exigitur pro usu rei; vel pro fructibus. Si exigitur pro usu rei, v. g. pro locatione domus, hæres habet ius ad ratam temporis, quo prædecessor vixit, durante locationis contractu. Sin exigitur pro fructibus, titulo simplicis locationis, hæredi competit ius in fructus, qui à solo separati erant eo tempore, quo beneficiarius decessit; ideoque illi debetur pensio, quæ hisce fructibus responderet. *tom. 1. pag. 755. n. 6. & 8.*

13. Beneficiarius, qui fructus beneficii sibi superfluos in profanos usus expendit, non tenetur ad restitutionem quia est illorum dominus; neque is, qui huiusmodi fructus à beneficiario accepit. Adde excusari hæredē à culpa; qui capit fructus, seu bona beneficiarii, cui ex testamento, seu ab intestato succedit: nam obligatio expēdendi illos fructus in pios usus est personalis, perinens ad solum testatorem: ergo hæres non peccat illos capiēdo, licet fortē peccauerit beneficium inducendo ad testandum de fructibus superfluis ad profanas causas. *tom. 1. p. 756. n. 1.*

Beneficiorum residentia.

14. Residentia est persistentia in loco, in quo quis habet beneficium. Vnde patet discrimen inter absentiam à choro, & non residentiam; nam ille dicitur non residere, qui non habitat in loco, ubi est Ecclesia, in qua possidet beneficium; ille verò dicitur abesse à choro; qui licet in eodem oppido versetur, diuinis tamen officiis non interest, nec inseruit. *tom. 1. pag. 753. n. 1.*

15. Parochus, qui à parœciæ terminis adeo distat, ut facilis ad ipsum aditus non pateat, non dicitur residere. Secus si ad eum locum diuertat, quod facilis sit accessus parochianis, ut in spirituali necessitate ad illum recurrant. Satiùs tamen est Parochum prope Ecclesiam habitare, iuxta declarationem Sacræ Congregationis. Potest tamen Parochus recreationis, vel negotiorum causa extra parœciæ ambitū se conferre, statim reuersurus. *ibid. n. 2. & seq.*

16. Omnes, & singuli beneficiarii, qui onus per se ipsos in loco beneficii exercere debent, ad residentiam obligantur, ut Parochi, & Canonici. Habentes autem præstimoniam, aliâque simplicia beneficia, residere non tenentur. *ibid. n. 1.*

17. Parochus, qui intra parœciæ ambitum commoratur quidem, sed Parochi munus non exercet, non satisfacit præcepto residendi; quia perinde est, ac si non resideret; consequenter ad restitutionem fructuum eo tempore perceptorum obligatur. Qui verò per alium exercet, regulariter loquendo, non satisfacit suæ obligationi: quia munus administrandi sacramenta Parocho, quoad fieri potest, personaliter incumbit: potest tamen aliquando uti opera alterius sacerdotis in confessionibus excipiendis;

Eucha

Eucharistia ad infirmos deferenda, &c. modò subditi non repugnent, nec quidquam detrimenti inde patiantur. *tom. 1. pag. 757. num. 2. & 3.*

18. Habens Ecclesiam parochialem, in qua Vicarium perpetuum legitimè institui obtinuit, non tenetur eo viuente residere: modò tota cura animarū translata sit in coadiutorem, abdicata à Parocho administratione; alioquin non est adhuc liber à residētia. Ita declarauit sacra Cardinalium Congregatio. *pag. 758. n. 5.*

19. Ille Parochus potest beneficij fructus percipere, & retinere, qui ita per Capellanum deseruit, vt oues nullum graue detrimentum inde patiantur: modò habitet intra terminos parocciæ; sic enim dicitur residere, & suas oues cibo spiritali non fraudat, dum parochiæ munus per alium exercet. *ibid. n. 6.*

20. Beneficiarij curam animarum gerentes, vt Episcopi, & Parochi, residere tenentur iure diuino, naturali, & canonico: vnde grauiter peccant non residendo. Parochus tamen, seu alius curam animarum gerens, qui per bimestre in anno sine licentia à sua Parochia recedit, non peccat mortaliter, si ex legitima causa, & sine ouium damno recedat: bimestris enim absentia modica reputatur, & permittitur à Concilio Trident. Nihilominus valida est constitutio Episcopi prohibentis Parocho ne absque licentia, vltra biduum à Parochia recedat; quanquam Parochus ob bidui, aut tridui absentiam excommunicari non potest: est enim res leuior, quàm vt esse possit materia censuræ. *tom. 1. pag. 758. 759. n. 1. & seq.*

21. Beneficiarij non habentes curam animarum, radicaliter, & quasi principaliter tenentur ex iure Ecclesiastico in loco beneficij residere, & onus per se ipsos persolvere: secundariò verò ex iure naturali; posita enim institutione recitandi in choro, & persoluedi diuina officia in tali Ecclesia, consurgit naturalis obligatio residendi in loco beneficij, vt suo oneri satisfaciant. Habentes igitur beneficia, quibus annexum est onus persoluedi diuina officia per se ipsos in Ecclesia, tenentur residere: habentes verò beneficia simplicia, quæ nullam habent obligationem præter onus recitandi priuatim diuinum officium, non tenentur. *tom. 1. pag. 760 n. 9. & seq.*

22. Capellanus, cui ex foundatione capellanix simpliciter impositum est onus celebrandi, non peccat grauiter non residendo; satisfacit enim celebrando per alium; nisi in foundatione caueatur, vt per seipsum celebret; tunc enim non potest per alium celebrare, consequenter tenetur in loco beneficij residere, vt oneri satisfaciat. *ibid. n. 13.*

23. Beneficiarius, qui non residet, dum residere tenetur, præter culpam

culpam, fieri potest, ut incurrat, aliquam censuram, vel beneficij priuationem, aut aliam pœnam, quam Ordinarius loci, pro qualitate contumaciæ; à non residentibus incurrendam iniunxerit: hanc enim facultatem Episcopis concedit Concilium Trident. *sess. 23. c. 1.* & præter illas pœnas, incurrit priuationem fructuum pro rata absentiae, ita decernente eodem Concil. *ibid.* etiam ante ullam iudicis sententiam. Tridentinum enim dicit non residentem non facere fructus suos, nec tuta conscientia illos sibi retinere posse, sed teneri fabricæ Ecclesiæ, aut pauperibus loci illos erogare, alia etiam declaratione non sequuta. Non tenetur tamen ad ullam restitutionem, nisi ultra bimestre absit. *tom. 1. pag. 761. n. 2. & seq.*

24. Parochus, qui de Episcopi licentia ultra bimestre absit à sua parochia, facit fructus suos, nec tenetur ad restitutionem, modo idoneum substituatur ministrum, qui vices suas gerat: quia carens culpa, carere debet pœna; nulla autem est obligatio restitutionis; hæc enim obligatio confurgit ex violatione iustitiæ cum damno alterius; at hic nullus patitur damnum, quia hic Parochus per alium præstat, quod per se præstitisset. *tom. 1. pag. 762. n. 10.*

25. Abbates, vel Priores, aliive habentes beneficium curatum regulare sine cura sæcularium, non tenentur ad restitutionem fructuum, si suum munus per alium sufficienter suppleant; quia Concilij Trid. decretum ad ipsos non extenditur. Non negandum tamen illos ex præscripto suarum regularum teneri restituere. *ibid. n. 14.*

26. Canonicus, qui non residet, amittit quidem distributiones, quæ respondent oneri assistendi choro; præcisè tamen ob non residentiam, priuationem fructuum non incurrit. Decretum autem Concilij Trident. *sess. 24. c. 12.* quo Canonici non residentes priuantur fructibus, est decretum pœnale, quod non obligat ante iudicis sententiam: quamobrem Canonicus, qui diuinis officiis nunquam assistit, neque in loco beneficij residet, non tenetur beneficij fructus restituere, nisi legitimi superioris auctoritate per sententiam priuatur; quia decretum Concilij est comminatorium tantum. *tom. 1. pag. 763. n. 16.*

27. Legitima causa obtinendæ licentiæ ad non residendum ad aliquod tempus est quadruplex, Christiana charitas, vrgens necessitas, debita obedientia, & euident Ecclesiæ, vel Reip. utilitas. *Obiic.* residentiam, cum sit de iure diuino, nullam admittere dispensationem. *Resp.* dispensari posse in iis, quæ formaliter sunt de iure diuino; radicaliter verò, & fundamentaliter de iure Ecclesiastico, cuiusmodi est residentia. *ibid. n. 1.*

28. Parochus tutus est in conscientia, qui non residet ob inimitias

amicitias cum periculo vitæ, Episcopo consentiente, & substituto alio idoneo; sic enim declarauit Sacra Cardinalium Congregatio Item qui ob pestem, vel morbum non perpetuum, non potest sine vitæ periculo residere; ob morbum verò perpetuum, aut senectutem, non videtur excusandus à residentia; si autem per seipsum non potest munus suum obire, coadiutorem assumat. *ibid. n. 2. & seq.*

29. Canonici Ecclesiarum cathedralium, vel etiam collegiarum saltem insignium, non excusantur à residentia, non obstante quauis consuetudine etiam immemorabili, vt sacra Cardinalium Congregatio censuit. Tamen absentes ad dirimendas controuersias, vel ad alia opera charitatis; item inferuientes Papæ in utilitatem Ecclesiæ; item qui absunt causa litis prosequenda super iuribus, & bonis sui beneficii; item qui ad quinque annos Theologiam, aut ius canonicum in Vniuersitatibus audiunt, vel qui publicè Theologiam, vel ius canonicum docent cum Episcopi facultate, à residentia legitimè excusantur. Porro licentia obtinenda est in scriptis quoad Prælatos, Parochos, aliòsque animarum curam gerentes: sic enim præscribitur à Trident. sess. 23. cap. 1. *tom. 1. pag. 764. 765. n. 6. & seq.*

30. Episcopus non potest vti opera Parochi in visitanda Ecclesia, aut pro seruitio Ecclesiæ cathedralis, vel pro secretario aut in exercendo Vicarij foranei exercitio, ita vt Parochus excusetur pro eo tempore à residentia (excipe grauem causam, & absentiam duorum mensium à Tridentino concessam) sic enim Sacra Cardinalium Congregatio declarauit. *pag. 765. n. 14.*

Bestialitas.

I. **B**estialitas est coniunctio carnalis cum re alterius speciei, v. g. cum bruto, vel cum dæmone comparente in forma bruti, vel hominis, vel fœminæ: ob id dici solet fieri congressus, vel cum dæmone incubo, vel cum dæmone succubo. Quod quidem peccatum cum dæmone commissum, præter malitiam bestialitatis, habet etiam malitiã superstitionis, quatenus includit societatem cum dæmone: committitur etiam species aliqua fornicationis, si recipiatur à fœmina semen humanum translaturum à dæmone, vnde fœtus generari potest. *tom. 1. pag. 322. n. 1. & seq.*

2. Peccatum bestialitatis non habet species diuersas pro diuersis speciebus brutorum, cum quibus habetur congressus; est enim turpitudine eiusdem rationis, cum sit concubitus cum re alterius generis, vel speciei. Quare nihil est necesse in confessione exprimere speciem bruti; sed sufficit dicere se congressum habuisse cum bruto. *ibid. n. 4.*

3. Hoc peccatum non est ex eo reservatum, quodd est affine Sodomix, quæ est reservata: quia bestialitas licet sit peccatum grauius Sodomia, non tamen est Sodomia, cum non fiat cum persona eiusdem sexus; reservatio autem cum sit odiosa, strictè accipienda est iuxta proprietatem verborum. *ibid. n. 5.*

Blasphemia.

1. **B**lasphemia est verbum contumeliosum, seu conuitium, quod iacitur in Deum, vel Sanctos. Alia est *cordis*, alia *oris*. Alia est *simplex*, alia *hereticalis*, qua aliquid asseritur fidei contrarium, estque non tantum blasphemia, sed etiam hæresis, si adsit assensus intellectus cum pertinacia. *Simplex* autem blasphemia non continet directè falsitatem contra veritatem fidei, ac proinde ad fidei Inquisitores non pertinet: at blasphemia *hereticalis*, Inquisitoribus, vel Episcopis est deferenda, si blasphemus non respuerit per correctionem: nam ordo Euangelicus postulat, vt ante denunciationem præmittatur correctio. *tom. 2. pag. 209. 2. 10. num. 1. & seq.*

2. Duobus præcipue modis blasphemix peccatum committitur. 1. tribuendo aliquid Deo per contumeliam, quod eius bonitati repugnat, vt vocando Deum iniustum, crudelem, &c. 2. auferendo aliquid Deo, quod ei conuenit, vt dicendo nullam esse providentiam. *pag. 2. 10. n. 1.*

3. Blasphemia committitur à detestante diuina, vel maledicente Deum, vel illi malum imprecante; tribuit enim Deo, quod non habet. Item blasphemus est, qui iurat per vitâ, vel caput Dei, vel Sanctorû. Item qui exprobrat Deo, aut ei tribuit irreuerenter, quæ habet, vt qui iurat per corpus, aut sanguinem Dei, ex indignatione vel ira contra Deum, vel contemptu; grauis enim contumelia irrogatur Deo. Seclusa autem ira, aut contemptu in Deum, non committitur blasphemia iurando per corpus, aut sanguinem Dei, sed potius iuramentum; quia id non dicitur per modum conuitij in Deum. *ibid. n. 2. & seq.*

4. Blasphemiam committit, qui maledicit creaturis, vt creaturæ Dei sunt, aut qui blasphemat res sacras, vt qui spernit Sanctos; aut qui tribuit creaturis, quæ sunt Dei propria, quasi non sit ipse solus Deus. Hoc scelere se obstringunt, qui scæminas, quas efficitim amant, Dei nominibus propriis audent appellare. Itè qui iurant per falsos Deos, cum illis tribuant infallibilem veritatem; si illud iuramentum seridè fiat. *ibid. n. 5. & seq. p. 2. 11. n. 7.*

5. Blasphemus est, qui dicit se velle aliquid facere, etiâsi Deus nolit, vel in despectum Dei: nam diuinam omnipotentiam minuit, quasi Deus impedire non possit. Qui verò dicit, *volo hoc facere,*

facere, quamvis sit peccatum, non videtur blasphemiam proferre, non enim censetur Deum conuictis afficere. *ibid. num. 9.*

6. Non committit blasphemiam, qui dicit, *hoc ita verum est, sicut est verum Deum esse*, vel, *sicut est verum Evangelium*, &c. quia nihil Deo tribuit per contumeliam, nec illi aliquid aufert; modò tamen proferens non intendat veritatem humanam coequare diuinam, sed tantum indicare similitudinem quandam. *ibid. n. 13.*

7. Blasphemia opponitur virtuti religionis, ad quam spectat tueri honorem, & laudem Dei; estque peccatum ex suo genere mortale; potest tamen fieri veniale ex indeliberatione, & inaduertentia, non autem ratione paruitatis materiæ, quia blasphemia nulla est leuis, neque vlla est, quæ grauem Deo iniuriam non inferat. *ibid. n. 1. & 2.*

8. Qui blasphemat ex habitu, peccat mortaliter, quando aduertit ad prauam illam consuetudinem, illamque non conatur euellere: quia voluntariè persistit in occasione proxima blasphemandi. Qui verò blasphemat absque sufficienti aduertentia, non committit nouum peccatum, sed solum peccauit in causa, quatenus non abstulit prauam consuetudinem; quia blasphemia prolata absque aduertentia non est in se voluntaria, vt patet in peccatis, quæ per ebrietatem committuntur. Hinc patet non esse necesse periuria inaduertenter prolata ex habitu exprimere in confessione, sed sufficere, vt exprimaturs causa. *ibidem, num. 3.*

9. Qui proximum blasphemat, id est, qui proximo maledicit, non peccat peccato blasphemix propriè acceptæ, nisi ei maledicat in ordine ad Deum, quatenus est res Dei: tunc enim committit blasphemiam, quia videtur imprecari malum Deo in rebus ab eo factis. Qui tamen maledicit proximo sine respectu ad Deum, licet propriè non blasphemet, peccat mortaliter, si ei maledicat cum desiderio notabilis damni: quia facit contra charitatem proximi: qui verò solum ex passionis impetu imprecatur alicui graue malum, quod tamen nollet euenire, non peccat mortaliter, quia non lædit grauiter charitatem. Hinc excusari possunt parentes, qui ex subito iracundiæ motu malum filiis imprecantur. *tom. 2. pag. 212. n. 4.*

10. Qui maledicit creaturis irrationalibus, non peccat mortaliter, si maledicat illis secundum se, & propter ipsas; quia possumus illas occidere absque peccato: neque tenemur ex præcepto charitatis illas diligere. At qui illis maledicit in ordine ad creaturam rationalem, seu vt sunt bona hominis, mortaliter peccat: modò maledictio non coniciatur ex motiuo licito. Sic

excusari potest à mortali, qui filiis mortem imprecatur, ne in futurum peccent. *ibid. n. 5. & 6.*

11. Blasphemia in Deum, vt sic, non differt specie à blasphemia in Sanctos; illi tamen addi potest diuersa specie malitia pro ratione diuersarum circumstantiarum, vt patet in blasphemia prolata ex odio Dei, cui circumstantia odij Dei peculiarem addit malitiam: aut in blasphemia hæreticali prolata cum assensu, & pertinacia, quæ habet hæresim, & excommunicationem adiunctam. *ibid. num. 1.*

12. Qualitas blasphemix explicanda est in confessione, sicut explicanda est quantitas damni, & furti: quia hæc non solum est circumstantia peccati, sed aliquid spectans ad obiectum, & ad constitutionem actus in suo esse indiuiduali, vnde patet à fortiori explicandum esse, an blasphemia fuerit in Deum, vel in Sanctos, in B. Virginem, an in alios: non tamen necesse est exprimere Sanctum, in quem prolata est: quia omnes blasphemix in Sanctos sunt eiusdem speciei *ibid. num. 2.*

Bulla Cœna.

1. **D**icitur Bulla à plumbea bulla illi appensa in qua SS. Petri, & Pauli capita visuntur impressa, ad differentiam Breuium Apostolorum, quibus plumbum non apponitur, sed cera signata annulo Piscatoris. Vocatur autem *Bulla Cœna*, quia feria quinta hebdomadæ sanctioris, in qua Christus Dominus Cœnam Discipulis fecit, editur, & promulgatur coram Summo Pontif. frequenti populo, vno ex Cardinalib. publicationem faciente. *disp. 1. quest. 1. punct. 1. pag. 1. & punct. 3. pag. 4. tom. 3.*

2. Reges seu Principes etiam si nullum in temporalibus superiorem agnoscant, impedire non possunt, quin hæc Bulla in sua ditione publicetur, acceptetur, & obseruetur, quia ipsi sub sunt potestati spiritali Summi Pontif. atque aded fulminationi censurarum, proindeque illarum promulgationem impedire non possunt. *ibid. pag. 4.*

3. Finis huius Bullæ est triplex. 1. vt fides Catholica pura atque integra seruetur ab omni labe hæreseos. 2. ne violetur vnio fidelium cum Christo. 3. vt inter ipsos fideles societas, & concordia foueatur. *ibid. punct. 4. pag. 5.*

4. Hæc Bulla vim habet donec alia de nouo edatur, & promulgetur: vnde sequitur censuras in ea contentas dici potius debere latas à iure, quàm ab homine: quia habent propriam legis, & constitutionis à iure latæ naturam, vt scilicet non extinguantur morte conditoris, sed eo extincto adhuc perseuerent donec alia Bulla promulgetur. *ibid. punct. 5. pag. 5.*

Bulla Cœna publicatio.

5. Huius Bullæ publicatio Romæ fieri debet, vbi est Curia Summi Pontif. facta autem Romæ publicatione, Bulla obligat etiam extra urbem degentes Christi fideles, itavt omnes contravenientes in pœnas incurrant in Bulla contentas, nisi inculpabilis ignorantia excuset, quanquam ignorantia in foro externo non præsumitur, nisi probetur. *disp. 1. quest. 22. punct. 6. pag. 150. 151. tom. 3.*

6. Extra Urbem autem publicanda est à Patriarchis, Primatibus, Archiepiscopis, Episcopis, locorum Ordinariis, & Prælatibus vbiliber constitutis. quoties expedire iudicaverint, non solum in Ecclesiis cathedralibus, sed in aliis etiam suæ iurisdictioni subditis, vel per, se vel per alios. Qui autem hanc publicationem omittunt, graviter peccant: faciunt enim contra præceptum in re gravi obligans sub peccato mortali, nisi gravis metus excuset, aut nullus inde speretur fructus. *ibid.*

Bulla transumptum.

7. Patriarchæ, Archiepiscopi, Episcopi, alique locorum Ordinarij, & Ecclesiarum Prælati; præterea Parochi, & Prælati animarum habentes, necnon confessarij tam regulares, quàm seculares, tenentur sub mortali ex vi Bullæ, transumptum illius apud se habere, id est, domi suæ, vel in Ecclesia: vnum autem exemplar in singulis monasteriis sufficit, modò proponatur in loco publico ad quem pateat omnibus accessus. *ibid. punct. 7. pag. 152. tom. 3.*

8. Transumptis Bullæ Notarij manu subscriptis, & sigillo Iudicis ordinarij Rom. Curie, vel alterius personæ in dignitate Ecclesiastica constitutæ munitis eadem fides adhibenda est, quæ ipsimet originali Summi Pontific. adhiberetur. Qui verò ipsum Bullæ exemplar materiale perfringit, lacerat, inquinat, aut delet per contemptum, aut prævium alium affectum, vel qui ab Ecclesiæ valuis refigit, aut è manibus Sacerdotis Bullam publicare volentis abstrahit, ne publicetur, peccat mortaliter: Quia id veritum est in Bulla sub indignatione omnipotentis Dei, & SS. Apostolorum Petri, & Pauli: indignatio autem Dei non incurritur nisi ob gravem culpam. *ibidem, pag. 152. 153. tom. 3.*


Bulla observatio.

9. Nullus excusari potest ab observatione eorum, quæ in Bulla præcipiuntur, prætextu consuetudinis etiam immemorabilis,

vel præscriptionis, quamvis longissimæ, aut prætextu priuilegij sub quacumque forma, vel cuiusumque personæ concessi; quia omnia priuilegia cuiusumque concessa, & sub quacumque forma in Bulla reuocantur, quoad ea solùm, quæ in Bulla prohibentur; vtile enim per inutile non vitiatur. *ibid. punct. 5. pag. 150.*

C.

C A M B I V M, C A M P S O R.

I.  OMINE cābij intelligitur contractus, quo pecunia pro pecunia permutatur, ad differentiam permutationis propriè dictæ, & aliorum contractuum: nam in permutatione traditur vna res pro alia diuersæ rationis, vt vestis pro equo; in venditione traditur res pro pecunia; in mutuo traditur pecunia præsens cum dilatione ad soluendum, quod non accidit in cambio, in quo de præsentī traditur vnum genus pecuniæ pro alio. *tom. 2. pag. 543. n. 1.*

2. Cambium est duplex, alterum *verum*, & *reale*, quo vna pecunia reuera cum alia commutatur; alterum *secum*, quod non est verum, sed fictū; est enim mutuū sub imagine cambij realis; vt accidit, quando campsor pecuniam tradit campfario soluendam in eodem loco, in quo eam tradit, confictis litteris ad locum distantem, ad quem reuera litteræ non mittuntur, aut si mittuntur, nihil operantur, eò quod Campsor sciat campfarium non habere pecuniam actu, aut potestate in eo loco, ad quem litteræ mittuntur, Vocatur autem cambium *secum*, quia caret iusto titulo accipiendi lucrum. *ibid.*

3. Cambium *reale* est duplex; *minutum*, quo minora numismata permutantur cum maioribus, aut contra, & *locale*, seu *per litteras*, quo hic v.g. Lugduni accipitur pecunia Romæ soluenda; vocatur autem cambium *per litteras*, quia mitti solent litteræ ad locum, vbi pecunia accipienda, vel soluenda est. *ibid.*

4. Cambium *secum* est illicitum, & vsurarium; quia in eo accipitur lucrum ob mutuū, nempe ob solam dilationem solutionis, & non ob alium verum titulum. Cambium *reale minutum* non est illicitum, nec vsurarium; nam multas ob causas potest aliquid exigi supra sortem. 1. ratione officij cambiendi, quia campsor permutat pecuniam in fauorem alterius cum suo labore, & onere. 2. ratione lucri cessantis. 3. propter laborem numerandi. 4. propter facilitatem, seu commoditatem vnius monetæ in numerando, & transferendo. 5. ob antiquitatem monetæ pluris

pluris enim æstimatur antiqua moneta, quàm noua ob antiquitatem, & materiæ puritatem. *ibid. n. 2. c. 3. pag. 544.*

5. Qui scienter, vel ex inaduertentia exigit pecuniam adulterinam, non potest illam expendere, quia vitiosa est: neque ex eo, quod quis fuit deceptus, potest alios decipere, sed rei notabiliter vitiosa tenetur vitium aperire. *tom. 2. pag. 544. n. 4.*

6. Procurator, vel famulus, qui à suo domino accepit pecunias aureas, vel argenteas ad soluendum creditoribus, vel ad necessaria emenda, si eas permutet cum vilioribus, aut det ad cambium, potest lucrum inde acceptum sibi retinere, tanquam fructum industriæ suæ. Vnde patet eum, qui aliena pecunia vitur ad negotia, vel ad cambia, non teneri domino pecuniæ restituere lucrum inde perceptum, quia est fructus industriæ, concurrente pecunia tanquam instrumento, quod ex se infœcundum est: modò tamen pecuniæ dominus nullum inde damnum patiatur, alioquin tenetur famulus ad restitutionem. *ibid. num. 5.*

7. Licitum est cambium reale locale, seu per litteras, quo campsor dat mihi, v.g. centum hîc, recepturus Romæ centum, & aliquid supra, sine excessu tamen. Quia quando campsor tradit hîc mihi pecuniam prior, vt eam Romæ recipiat, virtualiter meam pecuniam Româ huc transfert, sine periculis, & expensis, quod sanè pretio est æstimabile: sic enim campfarius subleuatur onere eam transferendi; & quo maior est distantia, eo maius stipendium exigi potest. *tom. 2. p. 544. 545. n. 6.*

8. Licitum est item cambium locale reale, seu per litteras, quo campsor accipit hîc pecuniam cum certo lucro alibi soluendam, v.g. accipit hîc Lugduni centum, & quinque, & vt mihi Romæ soluat centum. Quia campsor virtualiter transfert pecuniam meam ad locum, vbi volo eam mihi persolui, & me subleuat onere, & periculo in transferenda pecunia mihi subeundo, quod est pretio æstimabile. Vnde colligitur, campforem accipientem hîc 100. aureos nummos, vbi pluris æstimantur, vt totidem mihi soluat Romæ, vbi minoris valent, posse hoc lucrum, quo pluris hîc æstimantur, sibi retinere. *pag. 545. n. 7.*

9. Non videtur vsurarium, nec illicitum cambium reale per litteras, cum recambio, quo litteræ mittuntur ad locum præfixû, v.g. Mediolanum, ibique suum sortiuntur effectum, deinde Mediolani aliæ litteræ conscribuntur, quibus pecunia Româ recambitur. Quia non est mutuum, nec cambium sicum, sed reale, in quo pecunia præsens permutatur cum absente. *ibid. n. 8.*

10. Ad cambium reale ex constitutione Pij V. hæ conditiones requiruntur. 1. vt campfarius litteras scribat, quæ mittantur, nec referantur inanes. 2. ne pactum fiat de certo, & determi-

nato interesse lucri cessantis, vel damni emergentis, soluendo à cāpsario, si non soluat tempore præstituto; potest tamen exigi, si campfarius fuerit in mora, licet non deducatur in pactum. 3. ne cāpsor protrahat terminum solutionis ob pactum recipiendi lucrum. 4. ne detur ad cambia, nisi pro nundinis proximis, iuxta consuetudinem, & usum locorum. 5. ne termini ad soluendum longiores statuuntur, quàm exigit distantia locorum. Cum his conditionibus cambium reale est licitum. *ibid. n. 9.*

11. Pretium cambij augeri potest, vel minui, ob maiorem, vel minorem pecuniæ æstimationem, quæ oritur ex copia, vel inopia pecuniæ; aut ex multitudine, vel paucitate cambientium. Quia pecuniæ in cambio non considerantur ut pecuniæ, sed potius ut quadam merces; pretium autem mercium crescit, aut decrescit ob multitudinem emptorum, & pecuniæ, & ob raritatem venditorum, aut contrà; ergo æstimatio pecuniæ in cambiis eodem modo augeri potest, aut minui; atque hæc est praxis, & consuetudo recepta inter campsores, etiam timoratos, neque faciliè damnanda. *tom. 1. pag. 546. num. 15.*

12. Qui tradit pecuniam ad cambium alicui, cui non fidet, potest exigere pignus, vel fideiussorem, pro crediti securitate, modò fructus pignoris computentur in sortem, si pignus sit frugiferum. *tom. 1. pag. 547. n. 21.*

13. Campsor non potest pactum inire cum campfario, ut si non soluat termino constituto, vel in loco præfixo, accipiat eandem pecuniam ad cambia & recambia, donec persoluerit sortem: nam hoc onus est nimis graue, nisi verò moraliter constaret campsores tantum lucri percepturum ab aliis, si solutio sibi fieret statuto loco, & tempore; tunc enim ratione lucri cessantis, huiusmodi pactum esset licitum. *ibid. n. 22.*

14. Campsor, qui bona fide dedit pecuniam Titio ad cambium soluendum, v.g. Romæ, sed postea cōperit Titium non habere pecuniam actu, vel potestate, neque vllum correspondentē Romæ, non potest exigere tantum lucri, quantum percepisset, si Titius Romæ soluisset, secluso tamen lucro cessante, vel damno emergente; quia non potest illud exigere vi contractus, cum non sit verus contractus, sed potius deceptio. *ibid. n. 24.*

15. Quando uterque cambientium reportat ex cambio æquale commodum, ille, qui præuenitur ab altero, potest ab illo lucrum cambij recipere, v.g. ego egeo pecunia hîc Lugduni, quā habeo Mediolani, tu verò Mediolani indiges pecunia, quam hîc habes Lugduni; si ego à te præueniar, possum à te aliquid lucri pro cambio recipere. Quia ego subeo onus in tui gratiam pretio æstimabile, & libero te onere, periculis, & expensis

transmittendi pecuniam, quod non est minus pretio æstimabile
quàm si ego pecunia non idigerem. *ibid. n. 25.*

CARDINALIS.

Cardinales in conclavi.

1. **I**N cap. *Vbi periculum, de elect. in 6.* fertur excommunicatione
contra eos, qui Cardinalibus in conclavi existentibus litte-
ras, vel nuncium mittunt, vel secretò loquuntur. *disp. 2. quest. 2.*
punct. 34. pag. 181. tom. 3.

2. Hanc excommunicationem non incurrit. qui litteras ali-
cui Cardinali in conclavi esistenti scripsit, sed illæ ad Cardina-
lem non pervenerunt; etiamsi fortè is, qui eas intercept, eidem
Cardinali significauerit, quid in ipsis contineretur; quia effectus
ex parte mittentis non est consummatus. *ibid. n. 3.*

3. Possunt tamen Cardinales in conclavi existentes, de con-
sensu omnium admittere aliquem circa ea, quæ pertinent ad ele-
ctionem tunc instantem; in quo casu is, qui accedit cum illis
colloquuturus, hanc censuram non incurrit. *ibid. n. 5.*

4. Ipsi Cardinales accipientes litteras, vel nuncium, vel collo-
quentes cum secretò loquentibus, nõ subiiciuntur huic excom-
municationi; quia non est lata in ipsos Cardinales accipientes,
vel colloquentes; sed in mittentes, aut secretò loquentes. *ibid.*
pag. 182. n. 7. tom. 3.

5. Secretò loquens cum famulis Cardinalium in conclavi
existentibus, non incidit in hanc censuram, nisi illis iniungat, ut
illud referant Cardinalibus; tunc enim excommunicatur, ut mit-
tens nuncium. *ibid. n. 8.*

6. Præter hanc excommunicationem, alia inuenitur in Bulla
63, quæ incipit. *Intelligendis Ecclesiarum Prælati, §. litteras*, in
qua Pius I V. sub excommunicatione ipso facto incurrenda, &
Sedi Apostolicæ reseruata, prohibet litteras, aut scripta cuiusvis
generis, seu nuncium, vel notam aut signum, ad eos, qui in con-
clavi sunt, mittere, seu recipere, aut contrà è conclavi ad eos,
qui foris erunt. *ibid.* Vnde patet discrimen inter hanc, & supe-
riorem excommunicationem. *tom. 3.*

Cardinalium violatores.

7. In cap. *foelicis, de pœnis, in 6.* lata fuit excommunicatio contra
offendentes Cardinales, illos hostiliter insequentes, percutientes,
capientes, necnon contra mandantes, aut ratum habentes huius-
modi delictû, consulentes, fauentes, receptantes, & sciētē defen-
dentes huius criminis reos, *disp. 2. quest. 3. punct. 7. pag. 199. to. 3.*

C S

Huic

8. Huic excommunicationi subicitur is, qui præfatas actiones facit in summum Pontificem; quia is non est deterioris conditionis, quam Cardinales. *ibid. n. 5.*

9. Hæc excommunicatio est Papæ reservata.

10. In eodem cap. & in Bulla 93. Pij V. quæ incipit, *Infœlicis sæculi*, fertur excommunicatio in eos, qui in quouis pacto conspirationem in Cardinalem sciuerint, nisi revelauerint S. Pontifici, vel Ordinario loci. *ibid. punct. 8. pag. 200. Vide tit. Prælati.*

Cardinalium bona occupantes.

11. In Concilio Constantiensi *sess. 41.* in decreto, *Omnis aetas* lata fuit excommunicatio contra violentè occupantes bona electi in Papam, aut Cardinalium electorum, aliorumque in concilio existentium. Deinde Leo X. extendit hanc excommunicationem ad eos, qui domum alicuius Cardinalis armata manu inuadunt, hostiliter diripiunt, aut aliquem ibi existentem vulnerant, aut ad huiusmodi delictum mandato, vel consilio cooperantur, aut ratum habent. *disp. 2. quæst. 3. punct. 9. pag. 200. tom. 3.*

12. Ad hanc excommunicationem incurrendam non satis est, ut quis armata manu domum Cardinalis inuadat, nisi etiam aliquid violentè tanquam hostis rapiat. Quia Summus Pontifex utrumque coniungit. Neque excommunicationem incurrit, qui titulo lætitiæ Cardinalis in Papam electi diripit, quia id non facit animo hostili. *ibid. n. 3.*

13. Præter excommunicationem Papæ reservatam sunt aliæ pœnæ contra delinquentes statutæ, ut exilium, infamia, publicatio bonorum, priuatio beneficiorum, &c. *ibid. n. 8.*

Cardinales Consistorij secreta reuelantes.

14. Leo X. Bulla 7. quæ incipit, *Superna dispositionis arbitrio*, edita in Concilio Lateran. statuit sub pœna excommunicationis latæ sententiæ, ne quis Cardinalium vota, seu suffragia in consistorio data, & quæcunque ibi gesta, aut dicta, quæ in odiû, aut scandalû alicuius redundare possint, scripto, aut verbo, aut quouis alio modo reuelet, & quoties indictum fuerit à R. Pontifice super aliqua re silentium *disp. 2. q. 7. punct. 1. pag. 273. tom. 3.*

15. Non tantùm Cardinales, sed alij etiam, qui audita à Cardinalibus, vel ab alio, qui ea à Sûmo Pontifice acceperit, reuelant iniuncta expressè obligatione secreti, in eandem censuram videntur incidere; nonnulli verò censent solis Cardinalibus eam silentij obligationem sub excommunicatione impositam fuisse. *ibid. n. 7.*

16. Hæc excommunicatio est Papæ reservata.

Censura quid, & quonplex?

1. Censura est poena spiritualis inflicta ab Ecclesiastica potestate priuans hominem baptizatum vsu aliquorum spiritualium in ordine ad salutem. Triplex est: *Excommunicatio*, *Suspenſio*, & *Interdictum*. Nam irregularis non est censura, cum incurri possit absque delicto. tom. 1. pag. 337. & 338. num. 1. & seq.

2. Censura excommunicationis, suspensionis, & interdicti, alia est à iure, alia ab homine. Censura à iure dicitur ea, quæ fertur à legislatore cum intentione condendi legem, seu statutum generale perpetuum, iniuncta transgressoribus poena censura. Censura ab homine est ea, quæ fertur à superiore aliquid præcipiente, intentione ferendi præceptum temporale, & transitorium sub poena censura. Rursus Censura alia est *lata sententia*, quæ ipso facto incurritur, absque iudicis sententia; alia est *sententia ferenda*, quæ tantum est comminatoria, neque ipso facto incurritur. Cognosci autem potest censura esse lata sententia, quando in lege apponuntur istæ particulae, *ipso facto*, *ipso iure*, aut quando adduntur hæc aduerbia, *confestim*, *statim*, *illico*, &c. aut quando censura fertur per verbum præsentis temporis, aut imperantis modi. Quando verò fertur per verbum futuri temporis, argumento est esse tantum ferendæ sententiæ. In dubio autem, an censura sit lata, an ferendæ sententiæ, iudicandum est esse ferendæ tantum; nam odia sunt restringenda, & in mitiorem partem interpretanda. tom. 1. pag. 338. num. 5. & 6.

Censura à quo ferenda.

3. Potestas ferendi censuras est de iure diuino, utpote ab ipso Christo Ecclesiæ collata, Matth. 18. *Quodcūque ligaueritis super terram*, &c. Nulla tamen censura imposita est à iure diuino: nulla enim legitur poena, vel priuatio à iure diuino præscripta: quippe Matth. 8. vbi dicitur, *Si Ecclesiam non audierit, sit tibi tanquam Ethnicus, & Publicanus*, non fertur excommunicatio; sed tantum ostenditur, quam grauiter peccent ij, qui Ecclesiæ non obediunt, quos Christus monet esse vitandos, non tanquam excommunicatos, sed tanquam peccatores. *ibid.* n. 1. & 2.

4. In ferente censuras hæc conditiones requiruntur. 1. ut sit homo viator. 2. utens ratione. 3. baptizatus. 4. ut non sit laicus, quia laicus non habet iurisdictionem Ecclesiasticam. 5. ut non habeat iurisdictionis usum impeditum: ut accedit, quando iudex est

est excommunicatus vitandus, aut quando interposita fuit legitima appellatio. 6. ut censuram non ferat in causa propria: nullus enim potest esse actor, & iudex. Excipitur casus defensionis; potest enim per censuram vis, & iniuria propulsari, iuxta illud, *Vim vi repellere licet. tom. 1. pag. 338. 339. n. 3. & 4.*

5. Præter Summum Pontificem, qui ius habet in omnes Christianos, potestas ferendi censuras competit Episcopis, Archiepiscopis, & Patriarchis respectu sibi subditorum. Eandem habet potestatem Capitulum Sede vacante, necnon Vicarius Capituli, aliique quibus ex officio, & statuto Ecclesiæ hæc potestas competit, ut sunt Abbates, Priores Ecclesiarum habentes iurisdictionem in foro externo, Prælati religionum, ut Prouinciales, & Guardiani, item Cardinales in Ecclesiis, in quibus quoad forum externum habent iurisdictionem: Parochus verò hanc potestatem non habet, cum careat iurisdictione in foro externo. Potest tamen per consuetudinem, aut præscriptionem acquirere potestatem ferendi unam aliquam censuram in suos subditos. Item Clericus potest ex commissione sibi data à legitimo superiore, vel ex consuetudine legitime introducta ferre censuras: qui verò non est Clericus, licet sit Religiosus, non potest, nisi de absoluta Summi Pontificis potestate, valide ferre censuras, defectu iurisdictionis, cuius de iure ordinarius est incapax. *tom. 1. p. 339. n. 5. & 6.*

6. Collegium Ecclesiasticum est capax iurisdictionis ad ferendas censuras; laicum verò, & seculare est incapax. Illud autem Collegium censetur Ecclesiasticum: in quo sunt plures Ecclesiastici, quàm laici; at si numerus sit æqualis, probabile est Collegium censendum esse Ecclesiasticum, quia nobilius trahit ad se minus dignum. *tom. 1. p. 340. n. 7.*

Censura propter quid ferenda.

7. Censura non incurritur, nisi ob peccatum aliquod exterius; nam de internis solius Dei est iudicare. Censura autem excommunicationis non incurritur, nisi ob peccatum proprium; ob id cautum est, ne excommunicatio feratur in communitatem; at censura suspensionis & interdicti ferri potest ob peccatum alterius; fertur enim in totam communitatem ob delictum alicuius ex illa communitate. *ibid. n. 2. & seq.*

8. Quares utrum sciens actum externum sine interno, incurrat censuram, v.g. utrum recitans officium, vel audiens Missam sine vlla attentione, incurrat censuram, si quæ lata esset contra non recitantes officium, vel non audientes Missam. *Resp.* affirmative, quando actus internus est de substantia actus externi præcepti,

cepti, qualis est attentio respectu diuini officij, aut Missæ audien-
dæ. Secus si substantia actus externi possit subsistere absque actu
interno; tunc enim non incurritur censura, si omittatur internus;
vnde communicans indignè in Paschate satisfacit præcepto Ec-
clesiæ: at audiens Missam sine attentione non satisfacit, quia
Missam non audit. *ibid. num. 5.*

9. Non potest ferri grauis censura nisi ob peccatum morta-
le: quippe poena debet esse proportionata delicto. Quocirca ma-
ior excommunicatio lata ad peccatum veniale, est nulla. Non
tamen pro quolibet mortali ferenda est grauis censura; sed pro
eo tantum, quod alia ratione emendari, aut impediri non potest.
tom. I. pag. 341. n. 6. & seq.

10. Potest superior sub censura prohibere aliquid, quod licet
secundum se sit leue, & indifferens, nihilominus sit graue ob cir-
cunstantias, vel ob finem à superiore intentum; vt quando su-
perior præcipit Clerico ne arma ferat, aut ne comam alat: hæc
enim licet in se spectata sint leuia, tamen ratione status, & scan-
dali sunt graua. At si superior prohibeat sub excommunicatio-
ne proferri verbum otiosum, non incurritur excommunicatio à
delinquente; quia hoc peccatum, seu spectetur in se, seu in ordi-
ne ad finem, est leue. *ibid. n. 8. & 9*

11. Potest ferri excommunicatio ob rem leuem furto abla-
tam, si ex eo furto graue damnum alicui sequatur, v.g. ob acum
sartori ablatam, non ratione furti, quia non est materia suffi-
ciens ad peccatum mortale furti, sed ratione damni, quod inde
passus est sartor; atque ex hoc capite est peccatum mortale.
ibid. n. 10. & 11.

12. Non incurritur censura, nisi effectus, quem legislator
prohibet sub censura, sit completus, nisi sub censura principaliter
prohibeatur ipsa actio, vel conatus. Aut nisi actus exterior
habeat malitiam, quæ sub censura prohibetur; quare qui exterius
profert hæresim, sed interiùs bene sentit, non subiaceret excom-
municationi latæ contra hæreticos; hæc enim censura fertur ob
actum externum habentem malitiam hæreseos. *tom. I. pag. 342.
num. 12. & seq.*

13. Mandantes, & consulentes non incurrunt censuram nõ-
dum sequuto effectu, quando effectus fuit principaliter prohi-
bitus, mandatum verò, vel consilium tantum accessorie; quare
qui mandauit v.g. percuti Clericum, nisi sequatur percussio, non
contrahit excommunicationem. At quando mandatum, vel cõ-
silium principaliter prohibetur, vt in excommunicatione lata
contra mandantes homicidium per assassinos, incurritur excom-
municatio ante sequutum effectum. *ibid. n. 15.*

14. Qui

14. Qui actionem aliquam exercet de se insufficientem ad effectum prohibitum sub censura, non incurrit censuram. Vt si lata est excommunicatio contra homicidas, Titius qui vulnerauit Caium vulnere non lethali, censuram non incurrit, licet ob aliam causam contingat vulneratum mori: quia sub censura prohibetur actio lethalis, seu de se illatiua mortis; non autem quaelibet vulneratio. *ibid. n. 16.*

15. Censura lata sub conditione non incurritur ante conditionis euentum; neque incurritur semper ob quodlibet voluntarium; sed expendenda sunt verba legis. Nam quando lex prohibet absolute aliquod delictum sub censura, v.g. homicidium ad incurrendam censuram requiritur illud voluntarium, quod sufficit ad mortale peccatum, & ad contumaciam contra censuram. Quando vero verba legis non prohibent absolute aliquod delictum sub censura, sed postulant perfectum, & directum voluntarium, certum est censuram non incurri per quodlibet voluntarium sufficiens ad peccatum mortale. Vt quando lex dicit: *Qui temere hoc fecerit, qui ausus fuerit, aut presumpserit, anathemate feriatur*; ad censuram incurrendam non sufficit voluntarium, quod sufficit ad peccatum mortale (nam negligentia, aut ignorantia crassa sufficit ad mort.) sed requiritur temeritas, audacia, & contemptus. *ibid. n. 17. 18.*

16. Pro peccato praeterito commisso non potest ferri censura, sed requiritur contumacia: tum quia ad incurrendam censuram requiritur admonitio praevia, tum quia censura fertur in rebelles; & contumaces: at qui iam commisit peccatum non prohibitum sub censura, vt suppono, non est contumax, nec rebellis, ergo, &c. Non negandum tamen posse pro peccato praeterito imponi aliquam poenam, v.g. priuationem officij, dignitatis, vel accedendi ad sacram synaxim ad aliquod tempus. *ibid. num. 19.*

Censura in quem ferenda.

19. Quinque conditiones requiruntur in eo, qui ligandus est censura. 1. vt sit viator, id est, viuens in hoc mortali corpore; na in defunctum nulla est Ecclesiae iurisdictio, nisi indirecta. 2. vt sit baptizatus: nam, vt ait Paulus. 1. Cor. 5. *De iis, qui foris sunt, nihil ad nos.* 3. vt sit adultus, & doli capax; quia censura supponit peccatum: quare impubis doli capax ligari potest censura valide, non tamen licite ante annum. 14. si sit masculus, & 12. si foemina. 4. vt sit homo determinatus, nam tota vniuersitas, aut collegium excommunicari nequit: aliae tamen censurae suspensionis, & interdicti ferri possunt in communitatem, capitulum, aut collegium. 5. vt sit inferior, & subditus ferenti censuram; quia iurisdictio

risdictio coercitiua non potest nisi in inferiores & subditos exerceri *rom. i. pag. 343. n. 1. & seq. pag. 344.*

18. Censura generaliter lata à Summo Pontifice, si est excommunicatio, Episcopos ligat, nisi excipiantur: si est suspensio vel interdictum, Episcopos non ligat, nisi expressa illorum mentio fiat. *pag. 344. n. 15.*

19. Nemo potest propria potestate censuram in seipsum ferre; quia nemo est seipso inferior. Vnde fit, vt accipiens à Summo Pontif. potestatem ferendi excommunicationem contra omnes furripentes rem alienā in notabili quantitate, non incurrit ipse excommunicationem furripendo. Secus dicendum si ipse non ferat, sed illam denunciaret latam à superiore: tunc enim denunciarius incurrit censuram, si delinquat contra præceptum superioris, *ibid. n. 17.*

20. Superior interdicens aliquem locum, tenetur ipse seruare inter dictum, & subiaceret pœnis à iure communi latis contra violantes interdictum; non tamen incurrit has pœnas quasi à se latus, sed vt latus à iure communi præcipiente interdictum inuiolabiliter seruari. *rom. i. pag. 345. n. 17.*

21. Aequalis non potest in æqualem censuram ferre auctoritate propria; quia par in parem non habet imperium: ex commissione verò, & potestate delegata potest; quia per delegationem factus est superior; sic Episcopus accepta à Summo Pontifice potestate, potest alium Episcopum excommunicare. *ibid. n. 18.*

22. Habentes priuilegium à Summo Pontifice, per quod eximuntur ab Episcopi iurisdictione, vt Reges, & Imperatores, non ligantur censuris ab Episcopo latis. Idem dicendum de Religiosis exemptis quoad eos casus, in quibus sunt exempti. *ibid. num. 19. & 20.*

23. Ligatus vna censura, potest adhuc ligari alia non modò diuersæ, verum etiam eiusdem rationis: quare qui semel contraxit excommunicationem ob clericum percussum, potest nouam contrahere, si alium, vel eundem iterum percutiat. Tot enim incurruntur censuræ, quot sunt moraliter, & formaliter actus contra præceptum, seu quot sunt transgressiones legis. Hinc sequitur furantem in Ecclesia incurrere duplicem excommunicationem, si lata esset contra fures, & contra sacrilegos: hæc enim actio licet sit vna numero, & physice, nihilominus est multiplex formaliter, & moraliter. *ibid. n. 1. & seq.*

24. Probabiliter defendi potest eum qui percutit, vel occidit vno actu plures Clericos, vnam tantum incurrere excommunicationem; quia est vnum tantum numero peccatum, & vna transgressio: ergo vna tantum censura, vt qui profert blasphemiam in 12.

Apostolos,

Apostolos, vno tantum blasphemiae peccato se obstringit: contraria tamen sententia est turior. *rom. 1. pag. 346. num. 7.*

25. Ille contrahit plures censuras, qui committit vnum actum habentem plures circumstantias mutantem speciem actus moralis, singulas sub censuris prohibitas. Secus quando circumstantiae non mutant speciem, sed sunt eiusdem speciei; tunc enim est vnica moraliter actio, vnica transgressio, consequenter vna censura. Vnde sequitur eum non incurrere plures excommunicationes, qui percutit Sacerdotem, qui simul est diaconus, & subdiaconus; quia hae circumstantiae speciem non mutant. At qui percutit monachum sacerdotem, duplicem irreuerentiam committit, alteram in statum religiosum, alteram in clericalem, ac proinde haec percussio est duplex transgressio. *ibid. n. 8.* Vnde fit, vt sepeliens in loco sacro vsurarium excommunicatum, & nominatim interdictum, tres excommunicationes incurrat: quia triplicem inobedientiam committit contra tres prohibitiones diuersas factas sub excommunicatione. *tom. 1. pag. 347. num. 10.*

26. Qui facit aliquem actum prohibitum à multis habentibus eandem potestatem, vnam tantummodò censuram incurrit; quia illi plures quoad potestatem formaliter sunt vnus, ac proinde est vna tantum contumacia. Quando verò actus prohibitus est ab habentibus diuersam potestatem, tot incurrentur censurae, quot sunt superiores, modò quisque tulerit censuram tanquam suam, & intenderit condere nouum ius: sunt enim contumaciae formaliter plures. Hinc fit, vt is duplicem excommunicationem incurrat, qui facit aliquid sub excommunicatione prohibitum à Papa, & ab Episcopo, modò Episcopus intenderit nouum ius ferre. *ibid. num. 11. & seq.*

27. Censura lata contra facientes aliquid, non ligat mandantes, vel consulentes, nisi in sententia exprimantur. Quare si lata esset excommunicatio contra furantes, mandans, vel consulens furtum non incurreret excommunicationem: quia mandans, & consulens non dicuntur propriè furari. Quando autem mandantes, vel consulentes exprimantur in sententia censuræ, non ligantur censura, nisi verè influant in effectum prohibitum, aut si reuocauerunt mandatum, eiusque reuocatio innotuit iis, qui illud mandatum acceperant; sic enim non censentur influere in effectum prohibitum sub censura. At consulentes etiam si reuocauerint consilium, & illius reuocatio innotuerit iis, quibus fuerat datum, nihilo secius secuto effectum censuram incurunt: quia non censentur reuocasse illud. *tom. 1. pag. 347. 348. n. 1. & seq.*

Censura quomodo ferenda.

28. Censura non incurritur antequam lata fuerit à iudice per signa externa, & non per solam voluntatem internam; cùm nullus censuram incurrat, nisi ob contumaciam, nullus autem dici possit contumax contra superiorem, nisi eius præceptum innotuerit; ignorantia quippe excusat à contumacia. Sufficiunt autem ad ferendam censuram quæcumque verba, modò sint determinata ad aliquam particularem censuram, aut etiam quælibet scriptura, quæ intentionem iudicis sufficienter exprimat: quia nullo iure præscribitur certa excommunicationis formula. p. 348. num. 1. & seq.

29. Valida est censura lata sub forma disiunctiua, cuiusmodi est hæc: *Clericus, qui tulerit arma, sit suspensus ab officio, vel benedictio*: quia confusè saltem est definita, & determinata ad vnâ partem: nam iudicis intentio est, vt delinquens alteram earum incurrat, & liberum ei relinquit, vt sese applicet, ad vtram ipse maluerit. At si delinquens nolit alteram partem eligere, videtur vtrique poenæ subiacerè *ibid. n. 4. & 5.*

30. Verba, quibus fertur censura, debent esse determinata ad aliquam personam, eam nominando, vel designando in ordine ad delictum, vt si dicatur: *Clericus, qui gestauerit arma, incidat in excommunicationem.* Quia verba censuræ faciunt id, quod significant: igitur quando nullam personam significant, aut designant, nullam afficiunt. Quare inualida est excommunicatio, quæ fertur in hæc verba: *Excommunico vnum ex furibus*, quando sunt plures: quia non constat, in quem feratur iudicis intentio. tom. I. p. 349. n. 6.

31. Qui verbo tenus sine scriptura fert censuram, peccat mortaliter, & incurrit suspensionem ab ingressu Ecclesiæ per mensem, & à diuinis: eandemque suspensionem incurrit ferens censuram sine expressione causæ, aut qui parti petenti non concedit exemplar scripturæ intra mensem, si petatur. Vt hac ratione iudex sit cautior in ferenda censura. Ab hac tamen poena suspensionis eximuntur Episcopi ferentes censuram solo verbo, vel qui hoc faciunt ob vrgentem, & grauem aliquam causam, vel ex quadam inaduertentia, bona fide. Eximuntur item Prælati religiosorum ferentes sine scripto censuram cõtra suos: durius enim illis esset seruare hunc ordinem iuris. Cæterum censura lata sine scriptura, & sine expressione causæ, non est irrita, nec inualida: quia hoc non pertinet ad substantiam censuræ, sed est tantum quid accidentale. *ibid. n. 1. 2. & 3.*

32. Non incurritur censura, nisi præcesserit admonitio facta
D
auctoritate

auctoritate illius, qui latius est censuram: quia non potest esse contumacia, nisi præsupponatur admonitio. Censura tamen lata pro futuris delictis non requirit admonitionem distinctam ab ipsa lege prohibente; lex enim ipsa non ignorata admonet. Quando autem declarandum est aliquem incidisse in censuram, necessaria est citatio, ut audiatur reus, alioquin sententia declaratoria est irrita: nemo quippe condemnandus est inauditus, tom. 3. pag. 349. 350. n. 1. & seq.

33. Triplex admonitio præmittenda est formaliter, aut virtualiter, idque colligitur ex Matth. 18. ubi Christus præcipit peccantem prius corrigi secrete, deinde adhiberi testes, ultimo dici Ecclesie, Vrgente tamen necessitate una sufficit: absque necessitate autem censuram ferens sine triplici admonitione grauius peccat: Inter singulas admonitiones requiritur saltem duorum dierum interuallum. At quando censura ferenda est contra personam aliquam particularem, admonitio facienda est coram illa; quando autem generaliter fertur, sufficit admonitionem fieri in loco publico. Si suspensio, vel interdictum ferendum est contra communitatem, admonitio facienda est delinquenti, ob cuius delictum fertur suspensio, seu interdictum. tom. 1. pag. 350. & 351. num. 1. & seq.

34. Quando ferenda est censura in aliquem particularem, in quatuor casibus sufficit admonitionem fieri ad domum illius. 1. quando reus per dolum se abscondit, vel per vim impedit ne moneatur. 2. quando semel facta est personalis admonitio. 3. quando citatio facta ad domum innotuit delinquenti. 4. quando quis male absolutus est ab excommunicatione, & agit de ipso ad priorem excommunicationem reuocando. pag. 351. n. 9.

35. Censura ex odio, vel inuidia lata, valida est, si seruatus fuit ordo iuris (alioquin est nulla) etsi iustam ob causam lata est: nam si causa, propter quam fertur non subsistit, censura est inualida, utpote iniusta: quia nemo ligari potest censura, nisi propter grauem culpam. Vnde sequitur innocentem iniuste excommunicatum non priuari suffragiis Ecclesie, neque teneri, secluso scandalo, gerere se tanquam excommunicatum. ibid. n. 1. & seq. pag. 352.

36. Sententia continens errorem intolerabilem est inualida: quando scilicet iudex eam laturus non habet, neque iudicat se habere rationem, aut causam iustam ad censuram ferendam. Vnde patet sententiam, seu legem præcipientem aliquid turpe, aut communi bono contrarium, aut inutile, non obligare in conscientia, nec inducere censuram. tom. 1. pag. 352. n. 8. & 9.

37. In dubio an censura lata sit ob causam legitimam, reus tenetur

tenetur se gerere tanquam obstrictum censura : quia in dubio standum est iudicio superioris illique obtemperandum. At quando probabilius, & vero propius est causam, propter quam lata est censura, esse iniustam, valde probabile est reum non ligari censura. *ibid. n. 11.*

38. Censura ferri non potest extra proprium territorium, quando ad illam ferendam opus est iurisdictione contentiosa, absque licentia Ordinarij. Quare Episcopus extra suam diocesim non potest valide ferre censuram sedens pro tribunali, & cognitione causæ, *ibid. n. 3. & 4.*

39. Contra delinquentes in alieno territorio superior non potest censuram ferre per modum statuti; quia extra proprium territorium non habet iurisdictionem. Quod ut intelligatur, observa hoc esse discrimen inter censuram latam *per modum sententia*, & lata *per modum statuti*, quod lata *per modum statuti* obligat tantum delinquentes in territorio legislatoris; nam statutum dicitur lex territorij: Censura vero lata *per modum sententia* afficit personam subditam ubicumque sit. *tom. 1. pag. 353. n. 6.*

40. Clericus non residens, existens extra diocesim, potest à proprio Episcopo excommunicari, etiam per statutum: quamvis enim sit extra diocesim, tamen consummat actum non residendi in diocesi, & censetur peccare in diocesi, quia in ea non residet. Item clerici vocati ab Episcopo ad synodum sub censura possunt etiam absentes à diocesi ligari censura; quia delictum omissionis censetur ibi committi, ubi actus præceptus exercendus erat. *ibid. n. 7.*

41. Censurâ latâ in aliquo territorio contra stupratorem, qui virginem inde abduxit, & in alio territorio eam constuprauit, hanc censuram non incurrit: quia licet delictum sit inchoarum in eo territorio, in quo lata est censura, tamen est alibi consummatum. Idem esto iudicium de eo, qui existens in Ecclesia, ictu sagittæ occidit hominem existentem extra Ecclesiam: at lethali-ter alium vulnerans in Ecclesia, censuram incurrit latam contra occidentes in Ecclesia, licet vulneratus extra Ecclesiam moriatur: nam delictum censetur in Ecclesia perpetratum. *ibid. n. 10.*

42. Censura lata propter actum præteritum paratum eo tempore, quo delinquens erat in territorio ferentis censuram, ligat etiam extra illud territorium existentē, v.g. Archiepiscopus Lugdunensis fert excommunicationem contra Titium sibi subditum, qui furtum commisit, nisi restituat intra mensem, Titius ligatur excommunicatione non restituendo intra mensem, quamvis nondum elapso mense domicilium mutet; remanet enim subditus ratione delicti in illius territorio commissi. *ibid. n. 13.*

43. Censura ab Episcopo lata *per modum sententia*, ligat subditos in alieno territorio existentes: quia statutum (vt dictum est *suprà*) respicit territorium, sententia verò respicit personam delinquentis vbi cumque sit, vt illius contumacia coërceatur. *tom. 1. pag. 354. num. 14.*

44. Censura ab Archiepiscopo lata non extenditur ad Suffraganeos, eorūque subditos, nisi lata sit in Concilio prouinciali, aut nisi in territorio ipsius Archiepiscopi delinquant: quia Archiepiscopus non habet iurisdictionem ordinariam in Suffraganeos extra suum territorium versantes, exceptis quibusdam casibus infra recensendis. *ibid. n. 19.*

45. Extraneus non ligatur censura lata à superiore loci, in quo ad breue tempus versatur: quia extraneus, qui non decreuit maiori anni parte in aliquo loco manere, non censetur subditus illius loci. *ibid. n. 20.*

46. Censura per metum ineussum iudici extorta, valida est, quia metus non tollit voluntarium simpliciter, quod sufficit ad ferendam censuram. *ibid. n. 1.*

47. In ferenda censura habenda est ratio temporis, ne scilicet feratur die feriato, qui dicatus est cultui diuino: quia eo die cognitio causæ fieri nequit: si tamen eo die feratur, valida erit; quia censura non postulat necessariò causæ cognitionem. *ibid. n. 3.*

48. Qui censuram contraxit, denunciandus est de auctoritate legitimi superioris; sic enim facilius respiciet ne à cæteris fidelibus vitetur. Hæc autem denunciatio facienda est publicè in Ecclesia, & postea in scriptis ad valuas affigenda cum expr effusione causæ. Qui autem censuram ipso iure contraxit, non est denunciandus statim post delictum, ante sententiam criminis declaratoriam, etiamsi delictum notorium sit, & publicum, sed pramittenda est citatio, & sententia declaratoria: fieri enim potest vt reus probeat suam innocentiam, & probabilem sui facti excusationem afferat. *tom. 1. pag. 355.*

Censura finis, & effectus.

49. Is est finis censuræ, quem superior in ferenda censura intendit, sibi que proponit, nempe salus, vel emendatio, seu respiscētia delinquentis, contra quem censura fertur, iuxta illud. 1. Cor. 1. *Vt resurgat à peccato, & saluus fiat in die Domini.* Quare si Prælatus moraliter est certus delinquentem non obtemperaturum, non debet excommunicationem ferre, cum enim excommunicationis sit quædam medicina non est sine spe fructus adhibenda, nisi feratur ad terrorem aliorum. *ibid. n. 1. & 2.*

50. Censuræ effectus est priuatio aliquorum bonorum spiritualium.

tualium. Potest tamen Summus Pontif. illum effectum suspendere: quia censura instituta est iure humano; Summus autē Pontif. habet potestatem supra ius humanum. Vnde sequitur posse Summum Pontificem iualidē conferre beneficium excommunicato. Episcopi verō, aliique Prælati non possunt, nisi ex speciali priuilegio, aut consuetudine. *ibid. n. 3. & seq.*

A Censura incurrenda qua causa excuset.

§ 1. Præmittendum ignorantiam aliam esse *iuris*, quæ cōtingit, quando nescitur lex, seu prohibitio; aliam *facti*, quando ignoratur factum lege prohibitum; aliam *pœna*, quando ignoratur pœna lata contra delinquentes. Rursus ignorantia alia est *probabilis* seu *inuincibilis*, quæ nulla adhibita diligentia vinci potuit, ac proinde est inculpabilis; alia *improbabilis*, seu *vincibilis*, quæ vinci potuit, sed non est adhibita sufficiens diligentia, ideoque est culpabilis. Hæc autem alia est *affectata*, cum quis vult ignorare præceptum, vt liberiùs peccet; alia *crassa*, & *supina*, quæ summam negligentiam habet adiunctam. Denique ignorantia alia est *antecedens*, sine qua non fieret actus malus; alia *concomitans*, quæ si non adesset, actus nihilominus fieret; alia *subsequens*, quæ quouis modo est voluntaria, & culpabilis, *tom. 1. pag. 356. n. ... & seq.*

§ 2. Ignorantia *probabilis*, tam iuris, quàm facti, aut qualitatis facti excusat à censura. Ignorantia autem *vincibilis*, & *culpabilis* seu iuris, seu facti, quæ crassa est, & supina, non excusat à censura, vel irregularitate proueniente ex delicto, modò sufficiat ad peccatum mortale; quando verò ignorantia ita leuis est, vt excuset à mortali, excusat etiam à censuris. At si ad incurrendam censuram requiritur scientia, præsumptio, vel temeritas insignis, neque ignorantia *affectata*, neque *crassa* sufficit ad incurrendam censuram. *tom. 1. pag. 356. 357 n. 6. & seq.*

§ 3. Ignorantia *pœna*, id est, *censura*, excusat à censura incurrenda. Quare qui committit aliquod delictum, quod nescit prohibitum fuisse ab Ecclesia sub censura, non incurrit censuram, neque irregularitatem prouenientem ex delicto: nam pœna debet proportionari delicto; minus autem delinquit, qui ignorat pœnam, quàm qui illam nouit: ergo, & c. *pag. 357. n. 13.*

§ 4. Ignorantia *comitans* excusat à censura, & irregularitate proueniente ex delicto; quia censuræ incurruntur ob peccatum externum, opus autem externum factum cum ignorantia comitante non est peccatum; neque enim potest esse peccatum, nisi sit voluntarium; voluntarium autem cum ignorantia esse nequit. *ibid. num. 14.* Propterea occidens hominem, quem credebat esse

feram, non tenetur ad restitutionem ratione homicidij, etiam si commississet homicidium, si cognouisset illum esse hominem: quia obligatio restituendi oritur ex actu externo iniusto, non verò ex affectu, & desiderio. *tom. 1. pag. 358 num. 19.*

55. Percutiens laicum, credens ex percussione laici incurri censuram, non afficitur censura, quia conscientia erronea licet inducat peccatum, non tamen inducit censuram; neque incurritur censura ob sacrilegium internum, sed tantum ob externum consummatum *ibid. n. 22.*

56. Legitima appellatio excusat ab incurrenda censura lata sub conditione, modo appellatio fiat antequam ponatur conditio: quia per appellationem causa deuoluitur ad alium iudicem, & prioris iurisdictio suspenditur. Censura autem pure, & absolute lata, suum sortitur effectum, & statim mandatur executioni; quare ab huiusmodi sententia non datur appellatio. Item absolutio ab excommunicatione collata absolute, & sine conditione de futuro, non suspenditur per appellationem: pars tamen in cuius damnum lata est absolutio habet ius exigendi reparationem damni illati. *ibid. n. 2. & seq.*

57. Appellatio à sententia lata sub conditione excusat ab incurrenda poena, etiam si postea appellatio fuerit derelicta, v. g. si Titius citetur ad iudicem ad comparandum, vel restituendum intra mensem sub poena excommunicationis latae sententiae, & ipse interponat appellationem, excusatur à censura, etiam si postea appellationem non prosequatur. *tom. 1. pag. 359. n. 4. & seq.*

58. A sententia iudicis declaratoria datur appellatio: fieri enim potest, ut iudex iniuste declarauerit, consequenter compertit reo ius se defendendi per appellationem. Interposita autem appellatione excommunicatus declaratus, & denunciatus non est vitandus; quia appellatio suspendit declarationem, ac proinde impedit denunciationem. *ibid. num. 7. & 8.*

59. Ad legitimam appellationem duo requiruntur. 1. est, ut appellatio fiat cum probabili, & sufficienti causa, vel saltem, ut appellans bona fide appeller, ratus se habere sufficientem causam. 2. ut appellatio fiat debito tempore; debitum autem tempus, in iure, est spatium decem dierum, seu potius est quodlibet tempus intercedens ante conditionis euentum. *ibid. n. 9.*

60. Impotentia faciendi, quod praecipitur sub censura, excusat ab incurrenda censura, quemadmodum excusat à peccato, & contumacia: quare qui per impotentiam non restituit, non afficitur excommunicatione lata contra detentores rei alienae, aut contra non restituentes. At debitor, cui mensis, v. g. constitutus fuerat ad soluendum sub poena excommunicationis, incurrit excommu

communicationem, si initio mensis solvere poterat, prævidens fore, ut reliquo tempore fieret impotens ad soluendum: quia est sufficiens contumacia contra præceptum. *ibid. n. 1.*

61. Metus gravis cadens in constantem virum excusat à censura cum excuset à transgressione, & contumacia contra legem. Sic Christiani capti à Turcis non incurrunt censuram, cum remis navim impellunt contra Christianos; nam ad id metu mortis adiguntur. *rom. 1. pag. 360. n. 2. & seq.*

62. Voluntas, seu consensus illius, in cuius fauorem concessa fuit censura, sufficit ad eam suspendendam, ne incurratur. Quare si Titius, v. g. obtenta à Summo Pontifice excommunicatione contra suos debitores non restituentes intra sex menses, proroger incio Pontifice tempus usque ad annum, debitores elapsis primis sex mensibus non incurrunt excommunicationem. Quia si Titius condonaret absolutè debitum, censura cessaret, deficiente materia: ergo si suspendatur obligatio debiti, suspenditur etiam ipsa censura. *ibid. n. 1.*

63. Debitor elapso termino sibi à creditore prorogato, ligatur censura: quia terminus præfixus à iudice non fuerat ad finiendam obligationem solutionis, sed potius ad eam virgendam, & sollicitandam; quare elapso termino non cessat obligatio; sed debitor adhuc tenetur solvere, & nisi soluat, censuram incurrat. *rom. 1. pag. 361. n. 2.*

A Censuris absolvere quis possit?

64. Censura reservata lata ab homine iure communi tolli potest ab eo, quia eam tulit, vel ab eius superiore, vel à successore, vel ab eo, cui specialis facultas fuerit delegata: quia eiusdem potestatis est ferre censuram, & auferre. Quare mortuo, vel excommunicato, vel capto Episcopo, potest Capitulum absolvere, cum succedat in iurisdictionem Episcopi Sede vacante. *ibid. n. 1. & 2.*

65. Censura non reservata per sententiam generalem lata iure communi tolli potest à quocunque, qui potest absolvere à mortalibus: nam, eo ipso, quod superior censuram reservavit, censetur aliis concessisse facultatem absoluendi. At censura lata per sententiam particularem contra particularem aliquam personam, auferenda est ab eo, qui eam tulit, vel ab eius superiore, vel à successore, vel ab habente potestatem delegatam. *rom. 1. pag. 362. n. 6.*

66. A censuris iuris reservatis potest absolvere, qui eas tulit, vel eius successor in dignitate. A censuris verò iuris nemini reservatis absolvere possunt omnes Prælati iurisdictionem habentes in foro externo: immò etiam Parochus, & quivis

alius approbatus. Quando enim Superior non reſeruat abſolutionem; cenſetur cuiſcunque Confeſſario concedere facultatem abſoluendi.*ibid.n. 10*

67. Summus Pontifex concedens priuilegium abſoluendi à cenſuris, & caſibus reſeruatis, non cenſetur concedere facultatem abſoluendi à cenſuris, & caſibus, quos ſibi Epifcopi reſeruarunt: quippe Clemens VII. in Bulla, quæ incipit, *Sacra Congregatio*, decreuit, ne vllus prætextu cuiuſcunque priuilegiij abſoluat à caſibus Epifcopo reſeruatis.*ibid.n. 11.*

68. Qui obtinuit facultatem abſoluendi à caſibus reſeruatis, etiam in Bulla Cœnæ contentis, nō poteſt abſoluere ab excommunicatione ob hæreſim contracta. Alij tamen ſecus ſentiunt, eo quod beneficium Principis ſit latè explicandum:*ibid.n. 14.*

69. Obtinens facultatem abſoluendi à caſibus Summo Pontifici reſeruatis, poteſt etiam abſoluere à cenſuris illi reſeruatis, quia nulli caſus Pontifici reſeruantur, niſi ratione cenſuræ, quare ſublata cenſura, quilibet approbatus poteſt ab illis abſoluere. At obtinens ab Epifcopo facultatem abſoluendi à caſibus reſeruatis, non propterea poteſt abſoluere à cenſuris: nam caſus & cenſuræ apud Epifcopum diſtinguuntur; à diuerſis autem non fit illatio.*ibid.n. 15.*

70. Epifcopus non ſolùm poteſt abſoluere à cenſuris latis à ſe: ſed à ſuis prædeceſſoribus, verum etiam ab omnibus cenſuris, & caſibus Summo Pontifici reſeruatis; occultis tamen, neque ad forum contentioſum deductis, idque in propria diœceſi, & in foro conſcientiæ tantùm, vt patet ex Concilio Tridentino ſeſſ. 24. cap. 6. Si tamen delictum fuit deductum ad forum contentioſum, ſed reus non fuit conuictus, ſed potius ſe purgauit; poteſt Epifcopus abſoluere à cenſura ob illud delictum contracta.*tom. 1. pag. 363. n. 1. & 2.*

71. Non poteſt Epifcopus illum abſoluere, qui hîc, v.g. vbi morabatur, commiſit delictum notorium, & Papæ reſeruatum, & poſtea aliò ſe tranſtulit, vbi delictum eſt occultum; quia ſic confunderentur iuriſdictiones.*tom. 1. pag. 364. num. 3.*

72. Poteſt Epifcopus ab excommunicatione publica, & alia quacunque Papæ reſeruata abſoluere excommunicatum habentem legitimum impedimentum, quominus poſſit Pontificem adire; vt accidit quando excommunicatus laborat longa infirmitate, aut ſenectute, aut paupertate, vel ſi ſit foemina, vel impubis, &c. tamen poſtea, ceſſante impedimento, tenetur Pontificem adire.*ibid.n. 4.*

73. Archiepiſcopus non poteſt à cenſuris latis à ſuffraganeis vel à Sede Apoſtolica, abſoluere ſubditos ſuffraganeorum; quia non

non habet in ipsos iurisdictionem, his casibus exceptis. 1. quando appellatum est ad Archiepiscopum, & cognitum fuit de appellatione. 2. quando Episcopus suffraganeus per malitiam, aut negligentiam differt absolutionem. 3. quando Archiepiscopus visitat diocesim. *ibid. m. 7.*

74. In articulo mortis quilibet Sacerdos, licet degradatus, vel excommunicatus, vel etiam hæreticus potest à censuris, & casibus reservatis absoluerè, quando non est alius, qui absoluat. Præter Sacerdotem nemo, etiam clericus. At si pœnitens potest recurrere ad superiorem per Confessarium, vel per litteras, quilibet Sacerdos non potest tunc absoluerè; quia in hoc casu non censetur deesse copia superioris, cum ad illum pateat aditus per litteras; modò id fieri possit absque infamiae nota, aut alio graui periculo. *tom. 1. pag. 365. n. 1. & seq.*

75. Existenti in articulo mortis potest quilibet Sacerdos absolutionem impendere ab iis censuris, quæ obstant susceptioni sacramentorum, & Ecclesiasticæ sepulturæ cuiusmodi sunt excommunicatio, interdictum personale, suspensio ab usu sacramentorum, & ab Ecclesiastica sepultura: hæc enim est mens Concilij Tridentini. Ab irregularitate verò, aut suspensione ab ordine, officio, vel beneficio, non potest simplex Sacerdos absoluerè in articulo mortis; quia hæc non retardant à consecutione gloriæ. *tom. 1. pag. 366. num. 8.*

76. Sacerdos, qui in articulo mortis absoluit pœnitentem adultum ab excommunicatione, à qua aliàs absoluerè non potest, debet ab eo extorquere iuramentum, si fieri potest, præsentandi se, cum primùm poterit, superiori; alioquin pœnitens in eandem censuram reincident. In grauioribus autem delictis, vt in casibus Bullæ Cœnæ, extorquenda est etiam cautio pignoratitia, vel fideiussoria, quando pœnitens tenetur ad pecuniariam satisfactionem, quam tunc præstare non potest; at si non tenetur ad satisfactionem pecuniariam, sed ad aliam, sufficit ab eo exigere iuramentum. *ibid. n. 11. & pag. 367.*

77. Pœnitenti in articulo mortis constituto imponitur onus præsentandi se, si possit, superiori, non vt ab eo absolueretur iterum, iam enim est absolutus, sed vt se præbeat obedientem: ab hac tamen obligatione eximi potest, si postquam conualuerit, adeat Confessarium habentem facultatem absoluendi à reservatis extra mortis articulum, ab eoque obtineat absolutionem nouam absque vllò onere. *tom. 1. pag. 367. num. 13.*

78. Illa dicitur absolutio ad reincidentiam qua posita iterum inciditur in censuram, nisi præstentur ea, quæ præscribuntur. Talis est absolutio data à Legato, vel Nuncio Summi Pontificis,

vel à supremo Pœnitentiariorum, cum onere præsentandi se suo Ordinario, vel alteri; quare si pœnitens, data opportunitate, id non præster, reincidit in excommunicationem. Porro excommunicatus vitandus, in articulo mortis sic absolutus ad reincidentiam, si data opportunitate superiori se præsentare neglexerit, remanet excommunicatus vt antea, ac proinde vitandus. *ibid. n. 17. & 18.*

79. In absolutione à casibus referuatis in articulo mortis non est exigenda cautio præsentandi se superiori, nisi casibus referuatis adnexa sit excommunicatio: quia nullo iure constat imponendum esse huiusmodi onus, præterquàm in absolutione à referuatis habentibus excommunicationem adnexam. *ibid. n. 19.*

80. Absolutio à censura potest conferri incio, immodò & inuito, modò contumaciam deposuerit: quia sicut potest. censura ferri in inuitum, ita potest ab inuito auferri. Potest etiam conferri absenti; hæc autem absolutio statim suum sortitur effectum, si absolute & sine conditione de futuro collata fuit. *tom. 1. pag. 368. num. 3. & seq.*

Forma absolutionis à Censura.

81. Nulla est certis verbis concepta formula absolutionis à censuris; licet quibuscumque vti seu scriptis, seu ore prolatis, quibus absolutio sufficienter exprimitur. Potest igitur absolutio à censuris concipi his verbis, *Te absoluo*, vel iisdem, quibus datur absolutio à peccatis. Certior tamen formula hæc est, *Ego te absoluo ab omnibus censuris, & peccatis tuis.* *ibid. n. 1. & seq.*

82. Potest vna censura auferri, alia remanente; quia inter censure non est necessaria connexio. Tamen qui confiteretur sacerdoti habenti facultatem absoluendi à censuris, remanet absolutus ab omnibus etiam referuatis, quas tacuit ex obliuione, modò generalem obtineat absolutionem ab omnibus iuxta hanc solemnem formam, *Absoluo te ab omni vinculo excommunicationis, suspensionis & interdicti, si quod incurristi, quantum possum, & indiges.* Consequenter si pœnitens post confessionem recorderetur alicuius peccati obliti habentis adnexam censuram, tenetur tantum confiteri peccatum oblitum; iam enim sublata est referuatio, & censura; ac proinde poterit ab eo absolui per quemlibet approbatum, quamuis non habeat facultatem absoluendi à referuatis. *tom. 1. pag. 369. n. 1. & seq.*

83. Absolutio à censuris potest extra confessionem conferri ab eo, qui habet ordinariam iurisdictionem. Habens verò iurisdictionem delegatam potest absolueri iuxta facultatem sibi concessam: quare si concessa est facultas absoluendi absolute, potest absolueri extra confessionem; qui verò limitatam habet potestatem

restatē absolūendi à censuris in sacramentali confessione tantum, vt ferè vsu venit in Iubilais, non potest absolūere extra confessionem. *ibid. n. 7.*

84. Qui habet facultatem absolūendi à censuris in foro conscientia potest ab illis absolūere etiam extra confessionem, tametsi non absoluat à peccatis: aliud enim est forum conscientia, aliud forum sacramenti Pœnitentia, vt patet in Parocho nōdum Sacerdote, cui concedi potest facultas absolūendi suos subditos à censuris in foro conscientia. *tom. I pag. 370 n. 8.*

85. Absolutio à censuris potest validè conferri, non solum sub conditione de præsenti, & præterito, sed etiam de futuro. Potest etiam dari ad cautelam, quando nescitur, aut dubitatur, an censura fuerit contracta. Immo huiusmodi absolutio communiter præmitti solet antequam pœnitens absolūatur à peccatis, vt tollant impedimentum, si quod fortè subest, ad recipiendum sacramentum. *ibid. n. 1. & pag. 371 n. 2.*

86. Extorquens absolutionem à censura per dolum versantem circa causam finalem, non remanet absolutus. Quia superior non intendit absolūere, nisi iuxta causam sibi propositam; propterea qui mentiēdo dicit iudici se satisfecisse parti læsæ, vel qui confessario dicit se non posse satisfacere, cum reuera possit, inualidè absoluitur. Absolutio verò extorta per dolum versantem circa causam tantum impulsuam, valida est. *tom. I. pag. 371 num. 2.*

87. Absolutio data per vim, vel metum iniuriōsum cadentem in constantem virum, inualida est: huiusmodi enim absolutio irritatur à iure. Immo tantum abest, vt extorquens absolutionem per vim, vel metum, remaneat absolutus, vt potius noquam contrahat excommunicationem, vt habetur in cap. vnico in 6. *ibid. num. 4.*

88. Qui habet potestatem ordinariam absolūendi, potest validè absolūere pœnitentem, qui nondum satisfecit parti læsæ, quamuis antea potuerit satisfacere, aut cautionem satisfaciendi exhibere: quia ordinarius non habet iurisdictionem limitatam; grauitè tamen peccat absolūens pœnitentem ante realem satisfactionem, quam præstare poterat. Validè item absoluit à censura pœnitentem, qui nondum satisfecit, ille, qui habet priuilegium absolūendi absque limitatione. Qui verò habet priuilegium limitatum sub conditione satisfactionis, non potest validè absolūere ante exhibitam satisfactionem: quia priuilegium non extenditur vltra limites præscriptos. Notandum tamen nisi in priuilegio addatur particula; expresse irritans absolutionem a censura nondum satisfacta parte, validam esse abso

absolutionem collatam ante satisfactionem, etiamsi privilegium concessum sit sub hac forma, *satisfacta parte*, vel *de consensu partis*: nam superior apponens huiusmodi clausulas non intendit limitare iurisdictionem, sed tantum admonere confessarium, ut seruet formam iuris communis, ut videlicet non absoluat poenitentem, antequam exhibeat satisfactionem, aut condignam cautionem. *tom. I pag. 372. n. 1. 2. & 3.*

89. Quando poenitens non potest satisfacere, nec absolutio differri potest, tandiu sine graui damno poenitentis, potest confessarius absolvere, exhibita à poenitente ea satisfactione, quam potest, aut cautione pignoratitia, vel fideiussoria, vel saltè iuratoria, promittendo se satisfacturum, primà datà opportunitate. *ibid. n. 5.*

90. In dubio an poenitens teneatur ad satisfactionem in foro externo absolui potest à censura, ante præstitam satisfactionem. In foro verò interno, non ita absolutè loquendum, quia forum internum non nititur præsumptione, sed verbis ipsius poenitentis: igitur debet confessarius ferre iudicium ex verbis poenitentis, & si ex ipsius verbis iudicet ipsum teneri ad satisfactionem, non debet absolutionem impendere ante præstitam satisfactionem. Secus si iudicet non teneri. *tom. I. pag. 363. n. 9.*

91. Satisfactione, vel restitutione facta, non statim aufertur excommunicatio, quando quis excommunicatus fuit ob delictum: sed adhuc requiritur absolutio. Quare sensus excommunicationis in hunc modum latæ, *Sis excommunicatus, donec satisfacias*, hic videtur esse, ut excommunicatus non possit absolui ante satisfactionem; eà verò posità possit. *ibid. num. 10.*

92. Ille dicitur absolui in foro interno, seu in foro conscientie, qui absoluitur ab eo, cui superior concessit facultatem absoluendi, saluo tamen iure cognoscendi de delicto in foro exteriori. Quando verò facultas absoluendi conceditur, nullà additâ limitatione, videtur concessa in utroque foro; modò prius satisfiat parti. *ibid. num. 1. & 2.*

93. Qui fuit absolutus à censura in foro conscientie, non indiget noua absolutioe, ut possit cum cæteris communicare, aut actus per censuram prohibitos exercere, modò aliis constet ipsum fuisse absolutum, nec subsit periculum scandalis; hoc autem constare potest etiam in iudicio per attestationem confessarij; caueat tamen confessarius, ne faciat prædictam attestationem, antequam obtinuerit à poenitente facultatem. At si famâ publicâ constabat poenitentem fuisse excommunicatum, debet etiam publicè constare de eius absolutione, antequam cum cæteris comunicec ad vitandum scandalum. *ibid. n. 3. & 4.*

94. Ante absolutionem à censura, regulariter loquendo, debet

debet reus petere, ut absolatur, non quidem ex necessitate, sed ex congruitate: sic enim indicat se contumaciam deposuisse. Quando delictum est enorme, cuiusmodi est percussio clerici, extorquendum est iuramentum à delinquente se non amplius tale delictum perpetraturum, nisi delinquens in foro poenitentiae absolatur, tunc enim nihil est necesse exigere hoc iuramentum. *ibid. n. 6. & pag. 374.*

95. In absolutione ab excommunicatione, quæ in foro externo impenditur, seruandæ sunt cæremoniæ præscriptæ in cap. à nobis de sentent. excommunicat. nisi in desuetudinem abierunt. Igitur absolendus super nudatos humeros (nisi sit scæmina) leuiter cadendus est virga, aut fune, aut flagello, dum recitatus Psalm. *Miserere*, deinde præmissa oratione, *Deus, cui proprium*, &c. subiunguntur verba absolutionis, *Auctoritate qua fungor, absoluo te à vinculo excommunicationis, quod incurristi ob hanc, vel illam causam, & restituo te Sacramentis Ecclesie, & communioni fidelium: In nomine Patris*, &c. Istæ tamen cæremoniæ non sunt de essentia absolutionis, neque necesse est eas adhibere, dum poenitens in foro conscientiae absoluitur. *tom. 1. pag. 374. num. 5.*

CENSUS.

Contractus Census sit ne licitus, & quomodo?

I. CENSUS nomine intelligitur ius percipiendi certam pensionem ex re alterius frugifera, siue ea pensio sit fructuaria, siue pecuniaria. Ideo si Caius obliget se ad dandam Titio certam tritici quantitatem ex proprio agro singulis annis, dicitur constituere censum in suo agro, & Titius acquirit ius percipiendi eam pensionem, quod ius appellatur *census*; Caius vero, qui se obligat ad soluendam pensionem, dicitur *censuarius*, & Titius, qui acquirit ius percipiendæ pensionis, dicitur *censualista*, seu *censitor*. *tom. 2. p. 536. n. 1.*

2. Censui duplex, *resignatiuus*, & *consignatiuus*. *Resignatiuus* est contractus, quo quis transfert rem suam in alterum quoad dominium directum, vel utile, reseruata sibi annua pensione, & potest in eo apponi pactum legis commissoriæ, ita ut si censuarius non soluat biennio, vel triennio pensionem, res, super qua constitutus est census, reuertatur ad censualistam, id est, ad eum, qui sibi pensionem reseruauerat. Censui *consignatiuus* est contractus, quo quis alteri vendit ius percipiendi annuam pensionem super rebus suis, aut super persona. Et rursus hic census est triplex; *realis*, qui fundatur in re ipsa; *personalis*

personalis, qui fundatur in persona, quæ se obligat ad soluendam pensionem, quatenus potest aliquid acquirere proprio labore, & industria; & *mixtus*, qui fundatur super re, & persona, ita ut si res pereat, persona maneat obstricta ad soluendam pensionem. Rursus census alius est *fructuarius*, quo quis se obligat ad soluendos certos fructus; alius *pecuniarius*, quo se obligat ad soluendam certam pecuniam. Præterea census alius est *perpetuus*, qui constituitur ad soluendos redditus in perpetuum, & appellatur *irredimibilis*, quia redimi non potest, si emptor nolit; alius *temporalis*, qui non constituitur ad perpetuos redditus, & redimi potest à censuario, etiam inuito censualista. Denique census temporalis, si constituitur ad exigendam pensionem quandiu alter, vel uterque vixerit, dicitur *vitalitius*, non *vitalitius* verò, si ad certum aliquod tempus constituitur. *ibid. n. 3.*

3. Censualis contractus celebrandus est iuxta condiciones præscriptas à Pio V. ubi eius Bulla recepta est. Vbi verò non est recepta, sufficit, ut celebretur iuxta legem, & consuetudinem locorum, modò ea consuetudo iuri naturali, aut diuino non repugnet. *ibid. n. 4.*

4. Ad contractum census hæ conditiones requiruntur. 1. ut adsit intentio vendendi & emendi. 2. ut adsit iustum pretiū habita ratione oueris impositi: pretium tamen census non debet æquare pensiones soluendas; sed debet esse æquale iuri exigendi certam pensionem. 3. ut constituens censum super re aliena, liberam habeat illius rei disponendæ facultatem. 4. ut census fundetur in re frugifera; ut si res censita pereat, vel fiat sterilis absque culpa censuarij, cesset census ad ratam: res enim, domino petire debet. 6. ut si aliquod onus imponatur venditori, ad quod natura contractus non obligetur, debita mercede compenseetur. *tom. I pag. 536. § 37. n. 5. & seq.*

5. Qui soluit census ex suo fundo, potest in eodem fundo alium censum constituere, si fundus utrumque censum ferre possit; nulli enim fit iniuria. *pag. 537 n. 9.*

6. Maritus non potest constituere censum in fundo dotali absque vxoris consensu; nullus enim transferre potest ius in alterum, quod ipse non habet; fundus autem dotalis non est mariti quoad dominium, sed solum quoad vsum fructum, qui morte ipsius mariti cessat. *ibid. n. 11.*

7. Clericus non potest constituere censum super beneficio, quia non habet dominium bonorum beneficij, & sicut non potest bona Ecclesiastica vendere, ita neque censum in ipsis constituere. *ibid. num. 12.*

8. Feudatarius, & emphyteuta non possunt constituere censum
super

super re accepta in feudum, aut in emphyteusim: fieri enim potest, ut res transeat in commissum, & consequenter emptor census patiatur damnum; cum enim res debeat ad dominum directum redire, dominus rei, seu fundi, non tenebitur solvere censum, consequenter emptor census damnum patietur. *ibid. n. 13.*

9. Census realis licitus est cum hisce conditionibus in Bulla Pij V. præscriptis, in iis locis, in quibus Bulla recepta est. 1. ut census non instituitur, nisi super re immobili, sua natura frugifera, & certis finibus designata. 2. ut contractus non celebretur nisi numerata pecunia in actu celebrationis instrumenti coram notario, & testibus. 3. ne pensiones anticipatæ deducantur in pactum, id est, ne is, qui emit censum, cogat censuarium, ut sibi censum anticipatè soluat. 4. ne venditor census obligetur ad casus fortuitos, vel ad alia onera præter naturam contractus. 5. ut non fiat pactum restringens libertatem censuarij, ne alienet rem censui subiectam; ne fiat item pactum soluendi censitori *laudemium*, id est, quinquagesimam, vel aliam partem rei alienatæ, pro facultate alienandi ab ipso obtenta. 6. ut dominus rei censitæ volens eam vendere, admoneat censualistam, num ipse velit eam emere eodem pretio, eumque aliis præferat. 7. ne fiat pactum quo censuarius existens in mora, teneatur ad interesse lucri cessantis, aut ad expensas, aut ad aliquam pœnam. 8. ne census antea constitutus augeatur ex pensionibus debitis, & non solutis. 9. ut semper liberum sit censuario redimere censum, quoties voluerit, reddito eodem pretio, quò vendiderat, non obstante quavis præscriptione, aut pacto; quare damnantur census perpetui, qui hoc pacto emuntur, ut nunquam redimantur. 10. ut censuarius non cogatur ad redimendum censum. 11. ut pretium census semel constitutum non possit augeri, vel minui ex aliqua circumstantia superueniente, sed æquale pretium reddendum sit, quo census ab initio fuit emptus, id est, ut venditor, extinguere possit censum reddito eodem pretio, quod accepit. *tom. 1. pagin. 537. & seq. usque ad 543. à numer. 14.*

10. Census fundari potest super alio censu, etiam redimibili; quamvis enim huiusmodi census non sit res immobilis, nihilominus habetur pro immobili. Secus dicendum de iure ad exigenda debita, quæ non sunt census, v. g. ad exigendam pecuniam: nam huiusmodi ius non censetur inter immobilia. *tom. 1. pag. 538. num. 17.*

11. Census vitalitius ad ementis, aut vendentis vitam, vel ad alium annorum numerum incertum, licitus est, iusto pretio interueniente. Quare potest quis emere ius certæ pensionis sibi soluendæ

soluendæ donec vixerit, ita vt eo mortuo, census extinguatur, & capitale non restituitur. Quia concurrente iusto pretio, tã censuarius, quàm censualista, æquale periculum subit lucri, aut dâni. Census autem vitalitij pretium taxandum est, attendendo ad vltimum terminum, ad quem moraliter peruenire potest vita eius, in quos fundatur census, & sumendo medietatem illorum annorum, ita vt pretium census adæquet pensiones totius medietatis illorum annorum; sic enim seruatür æqualitas, & vterque contrahens æqualem aleam subit, cum fieri possit. vt censualista non perueniat ad illam medietatem, aut illam excedat. *ibid. num. 18. & 19.*

12. Qui emit censum modico¹, & diminuto pretio, potest percipere integram pensionem, modò lex, quæ pretium taxauit, non irritet contractum diminuto pretio celebratum. Quia sicut emens fundum diminutò pretio acquirit dominium fundi, & potest ex eo fructus percipere, quamuis teneatur contractum reducere ad æqualitatem, & damna venditori rescarcire: ita emens censum iniusto, & diminuto pretio, acquirit ius & dominium; consequenter potest integram pensionem exigere, reducendo contractum ad æqualitatem, & rescarciendo damna, quæ passus est censuarius ex pretij diminutione. *tom. 1. p. 539. n. 23.*

13. Censuarius tenetur soluere pensionem iis annis; quibus nulli fructus percipiuntur ex re censui subiecta, etiamsi census sit fructuarius, non pecuniarius: quia census non imponitur super ipsis fructibus rei, sed super ipsa re; nec venditur ius ad ipsos numero fructus percipiendos ex eadem re; sed venditur ius ad certam pensionem percipiendam ex re censita, quod ius perseuerat, etiamsi res aliquibus annis fructus non ferat. *tom. 1. p. 540. numer. 28.*

14. Quando constitutus est census super aliqua domo, aut molendino; si sensim destruitur, & reedificatur per partes, remanet obligatio soluendi censum: quia censetur manere idem molendinum, seu domus. Si verò domus, aut molendinum fuit planè dirutum, aut combustum, & postea reedificatur in totum, nō est obligatio soluendi censum; quia iam non censetur idem ædificium; census autem extinguitur percunte, & destructa re, in qua fundabatur. *ibid. n. 29.*

15. Onus soluendi tributum, quod ex fundo solui consuevit Principi, vel fisco, pertinet ad censuarium: quia cum tributum sit onus impositum fundo, seu prædio, & dominium prædij apud censuarium perseueret, sequitur ad ipsum pertinere onus soluendi tributum. *ibid. n. 31.*

16. Expensæ faciendæ pro scriptura census, & eius expeditione,

ne, pertinent ad emptorem : ad illum enim pertinet onus expendarum, ad quem pertinet commodum : at commodum scripturæ pertinet ad emptorem ad ostendendum, & probandum ius suum : ergo, &c. *ibid. n. 32.*

17. Emptor census potest pactum apponere, ut quando censuarius voluerit redimere censum, non redimat, nisi eadem monetâ ; modò probabiliter credat valorem monetæ non esse augendum, alioquin peccat obligando censuarium, ut eandem specie monetam restituat. *ibid. n. 36.*

18. Census perpetuus, & irredimibilis pluris valet, quàm redimibilis : nam irredimibilis venditur absque onere retrovendi, & redimibilis cum onere ; res autem sine onere plus valet, quàm cum onere. *tom. I. pag. 541. n. 41.*

19. Censuarius, qui vult redimere censum, debet duobus mensibus antequam redimat denunciare censitori se velle redimere, qua denunciatione facta, censitor potest intra annum repetere pretium census à censuario, licet inuito ; elapso verò anno non potest pretium exigere. Verùm si censuarius post admonitionem non redimat intra bimestre, nec censitor exigit pecuniam intra annum, censuarius adhuc potest redimere, præmissa novâ denunciatione, etiamsi pluries denunciauerit, nec secuta fuerit redemptio census. *ibid.*

20. Ad redemptionem census non requiritur, ut censuarius illud redimat numerata pecunia, sed sufficit, ut redimat per compensationem debiti : quare si censuario tantum debeatur à censitore, quantum valeat census, potest censuarius compensationem facere admonendo censitorem, ut censum habeat pro extincto, ratione æqualis summæ, quæ sibi debetur. *tom. I. pag. 542. numer. 40.*

21. In contractu census potest apponi pactum, ut censuarius, si velit redimere censum, redimat in totum, non in partem : quia alioquin censitor damnum pateretur, recuperando pretium per partes ; tum quia solutio debiti non potest diuidi inuito creditore. Secus dicendum de pensionibus iam decursis ; tunc enim si debitor offerat integram solutionem alicuius termini, creditor non potest illam repudiare : nam huiusmodi solutio diuidua est, & separata à principali. *ibid.*

CESSATIO A DIVINIS.

Quid, & quotuplex sit?

1. Cessatio à divinis ita vocatur, quia ministri Ecclesiæ pro tempore, quo cessatio durat, cessant à publica celebratione.

E

sionc

tione diuinorum officiorum, & administratione sacramento-
rum. *tom. 1. pag. 455. n. 1.*

2. Cessatio est omissio, seu desistentia à diuinis officiis, ab administratione Sacramentorum, & sepultura laicorum: potest enim hoc modo definiri. Cessatio est simplex prohibitio, qua ministri Ecclesiæ prohibentur persolvere diuina officia, ministrare Sacramenta, & sepelire laicos in loco sacro. Est autem duplex; alia *generalis*, qua prohibetur celebratio diuinorum in loco vniuersali, vt in regno, ciuitate, &c alia *particularis*, qua prohibetur in loco particulari, vt in hac, aut illa Ecclesia. *ibid. n. 2. & 3.*

3. Cessatio à diuinis non est censura, quia fertur per modum simplicis prohibitionis, eamque violanti non est imposita poena irregularitatis. Præterea cessatio à diuinis nunquam incurritur ipso facto, sed tantum comminatorie fertur, in quo differt ab interdicto, quod ipso facto incurritur. Vnde licet inferre, quando conceditur priuilegium audiendi Missam tempore interdicti, non censeri concessum ad audiendam tempore cessationis à diuinis, & contra. *ibid. n. 4.*

Cessatio à quo, quomodo, & cur ferenda?

4. Præter Summum Pontif. Episcopus, & Capitulum Sede vacante, item Concilium diocesenum possunt imponere cessationem à diuinis. Alij etiam possunt iuxta facultatem sibi delegatam, vel obtentam per consuetudinem. *tom. 1. p. 456. n. 1.*

5. Cessatio à diuinis in hæc maxime verba fieri potest: *Nos ob talem causam, ciuitatem, vel Ecclesiam abstinere præcipimus à diuinis officiis.* In ferenda autem cessatione quatuor hæ conditiones seruandæ. 1. vt Capitulo indicente cessationem, conuocentur omnes Canonici etiam absentes. 2. vt delictum propter quod imponitur, sit manifestum, & notorium. 3. vt admoneatur is, ob cuius culpam ferenda est cessatio, vt pareat. 4. vt ferens cessationem, & ille contra quem fertur, nisi intra mensem se componant, adeant Summum Pontif. per se, vel per alium, ne Ecclesia tantum grauamen diu patiat. *ibid. n. 2.*

6. Grauior esse debet culpa ob quam imponitur cessatio, quam sit ea, ob quam fertur interdictum: neque sufficit, vt culpa probabilibus tantum coniecturis cognita sit; sed debet esse manifesta, & expressa in ipsis literis, quæ sententiam continent: est enim cessatio valde publica, & onerosa Ecclesiæ. Præterea literæ sunt sigillo publico muniendæ, & tradendæ illi contra quem fertur cessatio, monendo illum, num velit ante cessationem emendari: nam finis cessationis est resipiscencia illius, cuius causa lata est. *ibid. n. 5. & 6.*

Cessatio

Cessationis à diuinis effectus.

7. Tres sunt præcipui cessationis effectus. 1. est omissio diuinorum officiorum publicè recitandorum, & à Missa celebranda. 2. est priuatio sacramentorum: nam tempore cessationis sacramentum Ordinis, aut Extremæ vnctionis non confertur clericis, aut laicis. 3. est priuatio Ecclesiasticæ sepulturæ pro laicis. *ibid. n. 1. & pag. 457. n. 7. & 8.*

8. Tempore cessationis non licet pulsare campanas ad diuina officia, cum sint prohibita; ad concionem autem, orationē Angelicā, & alia, quæ non sunt diuina officia, videntur posse pulsari campanæ, nisi consuetudo id non ferat. *tom. 1. pag. 756. n. 2.*

9. Indicta cessatione à diuinis licet. 1. semel in hebdomade celebrare cum vno ministro ad renouandam Eucharistiam ob necessitatē infirmorum, ne species corrumpantur. 2. licet recitare priuatas orationes, etiam in Ecclesiâ; non eximuntur autem beneficiarij ab horis canonicis priuatim persoluendis. *ibid. n. 3.*

10. Sacramenta Baptismi, & Pœnitentiæ, vt pote maximè necessaria, tempore cessationis licitè administrantur cum solita solemnitate: item Sacramentum Confirmationis, quod censetur Baptismi complementum, Sacramentum verò Eucharistiæ solis ægris confertur per modum viatici cum pompa necessaria, quare licet tunc celebrare pro ægro communicando, quando deest hostia consecrata, nam Eucharistia in articulo mortis est de iure diuino. Matrimonium autem contrahere tunc non licet. *tom. 1. pag. 457. n. 5. & 6.*

11. Quamuis Episcopus possit tollere cessationem quoad omnes effectus; non tamen potest tollere quoad aliquem tantum, vel vnum auferre, aliis remanentibus; quia sunt inter se necessariò connexi. *ibid. n. 8.*

12. Violans cessationem grauiter peccat, non tamen incurrit irregularitatem. Religiosi ex decreto Concilij Tridentini tenentur in suis Ecclesiis publicare, & seruare cessationem. Licet autem non seruetur ab eo, propter quem lata est; tamen à cæteris seruanda est. Porro qui causam dedit iustæ cessationi, tenetur ad omnia damna sarcienda clericis, qui distributiones amiserunt, vel alia incommoda passi sunt. *ibid. n. 9. & seq.*

CHARITAS.

Charitas in Deum, & in proximum.

1. **C**haritas est virtus supernaturalis omnium virtutum præstantissima, qua Deus super omnia diligitur, proxi-

mus autem propter Deum. Potest autem Deus amari super omnia dupliciter. 1. *intensivè*, quando actus amoris Dei est vehementior omni alio amore. 2. *appretiativè*, quando Deus pluris æstimatur, quàm cætera omnia, ut contingit, quando homo est ita affectus erga Deum, ut paratus sit pati potius omnia mala, vel omnia perdere, quàm Deum offendere. Tenemur Deum amare super omnia *appretiativè*, non autem *intensivè*: Deus enim est summum bonum super omnia diligendum; quia verò nobis constare non potest de intensiōe amoris nostri, maximis angemur scrupulis, si teneremur Deum amare super omnia intensivè. Ex dictis patet Deum amandum esse tanquam ultimum rerum omnium finem; alioquin si dilectio Dei aliò referretur, Deus super omnia haudquāquam diligeretur. tom. 2. pag. 161. n. 1. 2. & 3.

2. Charitatis præceptum *negativum* semper obligat. Dicitur autem præceptum charitatis *negativum*, quo tenemur Deum non odisse. *Affirmativum* verò per se obligat. 1. cum insurgunt tentationes incitantes ad odium Dei, & est periculum illis consentiendi. 2. quando eliciendus est actus contritionis: contritio quippe est actus charitatis. *ibid.* n. 1. & pag. 162. n. 2.

3. Certum est de fide proximum diligendum esse seu piū, seu impiū, nec amicos solum, verum etiā inimicos, sunt enim noster proximus. Non tenemur tamen, per se loquendo, inimicum obuium salutare: quia illud est speciale benevolentia signum, quod non tenemur aliis, qui non sunt inimici, exhibere. Verum fieri potest, ut aliquando teneamur inimicum salutare, aut familiariter cū ipso versari, vel ut scandalum vitetur, vel cum speratur fore, ut reconcilietur, & odium deponat. Hinc patet, quomodo se gerere debeant confessarij erga poenitentes, qui inimicum alloqui, vel salutare nolunt: possunt enim ipsis beneficium absolutionis impendere, modò non adsit odium, aut scandalum. Consulendum tamen poenitenti, ut salvet inimicum. tom. 2. pag. 162. n. 1. & seq.

4. Quæres an resalutare teneamur inimicum nos saluantem. Resp. cum distinctione: nam si is, qui salutatur ab inimico, est longè superioris conditionis, non videtur peccare mortaliter non resalutando, quia ante inimicitias ad id non tenebatur. At si non est longè superioris conditionis, videtur, per se loquendo, graviter peccare: hinc enim sequi solet scandalum, & gravis offensio illius, qui se videt contemni. *ibid.* n. 4.

5. Quando inimicus veniam petit, debemus. 1. odium deponere. 2. signa reconciliationis, & benevolentia ex animo exhibere spectata conditione personæ: non tamen tenemur ini-

riam ita condonare, quin possimus exigere satisfactionem, immò possumus contra inimicum in iudicio agere, vt secundùm leges puniatur: cauendum tamen ne ex odio, aut studio vindictæ id fiat. *ibid. n. 5.*

6. Volens aliquibus conferre beneficia potest ab illis excludere inimicum, modò illa conferantur ex mera liberalitate: fieri tamen potest, vt ad vitandum scandalum inimicum excludere non debeat. *tom. 2. pag. 163. n. 6.*

7. Tenemur ex charitate extremæ necessitati spiritali proximi cum facultatù, ac vitæ periculo subuenire; hinc 1. Ioan. 3. dicitur, *Et nos debemus pro fratribus animas ponere*: propterea si infans morti proximus indigeat baptismo, illique baptismum absque vitæ periculo conferre non possumus, tenemur illud periculum adire. Si hæreticus populum prauis dogmatibus peruerat, tenemur cum vitæ periculo huic incommodo occurrere. Vt autem aliquis dicatur in extrema necessitate versari, duo moraliter constare debent. 1. proximum in æternum damnandù, nisi ei subueniatur. 2. neminem esse à quo subleuetur. *ibid. num. 2.*

8. Extra extremam necessitatem spiritualement proximi non tenemur ex charitate proximo subuenire cum periculo vitæ, aut cum graui damno famæ, aut facultatum. At si sermo sit de necessitate spiritali communitatis, licet non sit extrema, subueniendum ei est cum periculo vitæ; quia bonù spirituale communitatis præponderat bono temporali priuato. Hac de causa concionator tenetur inuehi grauius in peccata publica, etiam cum vitæ periculo, quando communitas ruinæ periculum subit. *ibid. n. 4. & 5.*

9. Quibus ex officio incumbit onus procurandæ salutis proximi, tenentur cum vitæ periculo, non tantùm extremæ, sed etiam graui illius necessitati spiritali subuenire. Vnde colligitur pastores non posse à suo grege recedere grassante peste, sed teneri illis Sacramenta cum vitæ periculo ministrare, nisi alios ministros idoneos substituunt. *tom. 2. pag. 163. 164. n. 5.*

10. Non tenemur, sed possumus, vitam exponere periculo pro salute temporali amicorum, modò damnum aliis inde non proueniat, sic licet peste infectis inservire; possum tabulam in naufragio mihi necessariam alteri cedere, nisi habeam familiam, quæ sine me sustentari non possit, aut nisi sim Reipublicæ utilior, quàm ille alius, &c. *tom. 2. pag. 164. n. 6.*

11. In dilectione proximi hic ordo seruandus est, vt diligatur primo loco pater, secundo mater, tertio vxor, quarto filij, quinto cæteri consanguinei, sexto cæteri non consanguinei, & cæteris paribus, præferendus est vir iustus peccatori;

item persona publica priuatæ est anteposenda. *ibid.* n. 2. & seq.

Odium in Deum, & proximum.

11. Odium Dei est peccatum grauissimum charitati contrarium, quo Deo malum cupimus. Neque videtur ob paruitatem materiæ fieri posse peccatum veniale: quodlibet enim odiû Dei, vel minimum, Summæ Dei bonitati maximè repugnat. *Quæres, an possit Deus odio haberi? Resp.* Deum, quatenus est Summum bonum, odio haberi non posse; quia in Deo sic spectato nulla esse potest ratio, seu species mali. Quatenus verò est peccatis infensus, & peccantibus pœnas infligit, posse odio haberi; quia odium est actus, quo aliquem tanquam infestum, & odiosum detestamur. Et sic dæmones Deum odio prosequuntur. Cæterùm in omni peccato reperitur odium Dei generale, quod consistit in auersione à Deo, quatenus peccator auertit se à Deo, & conuertit se ad creaturam. *tom. 2. pag. 171. num. 1. & seq.*

13. Odium proximi est peccatum mortale oppositum charitati. Fieri tamen potest veniale, vel ob consensum imperfectum, vel ob materiæ leuitatem. Sic excusantur à mortali, qui leuem quandam displicentiam, aut auersionem erga proximum concipiunt: item qui concionatores, & spiritualia conspuentes, aliquo modo fastidiunt. *ibid.* n. 6.

14. Peccat grauiter contra charitatem, qui alicui malum optat ex displicentia personæ, aut cui displicet persona alterius tanquam infesta, & odiosa, & eam non esse cuperet. Qui ex bono motiuo gaudent de malo aut tristantur de bono alterius, à mortali excusantur; vt qui dolent dignitates indignis conferri, aut qui hæreticis, nisi velint conuerti, mortem optant, ne alios inficiant. Idem dicendum de matre, quæ mortem filiarum optat, eò quod ob deformitatem, aut inopiam nequeat eas iuxta suum statum, nuptui tradere; quia hoc non est odium personæ, sed deformitatis, aut inopiæ, aut proprii incommodi. *ibid.* n. 7.

15. Grauiter peccat contra charitatem, qui actionem iniuriarum in iudicio prosequitur contra inimicum ex prauo affectu, & non ex honesto fine: quamuis enim liceat petere à iudice, vt pœnam infligat delinquenti, nihilominus eam petere non licet, aut de ea gaudere ex displicentia personæ, seu vt malum ipsius est. *tom. 2. pag. 173. n. 7.*

16. Odium, ira, & indignatio in hoc differunt, quòd Odium contingit cùm quis alteri malum cupit ex displicentia personæ, etiamsi nullam ab eo iniuriam acceperit: Ira verò contingit, dum quis vult alteri malum ob iniuriam, aut læsionem ab eo
sibi

sibi illatam, quam cupit vindicare. *Indignatio* denique committitur, dum quis dolet bona indignis conferri, videturque tantum peccatum ex suo genere veniale. *ibid. n. 8.*

17. Qui rebus alienis malum optat ex indignatione, seu prauo affectu in ipsas, non peccat peccato odij; quia animalia, & res alias per se spectatas non tenemur diligere. At qui rebus alienis malum cupit ex displicentia personæ ad quam pertinent, verè peccat peccato odij; quia non tam res alienas, quàm personam, cuius sunt, auersatur. *ibid. num. 9.*

18. Non opus est in confessione explicare mala ipsa, quæ quis proximo optauit, sed sufficit dicere se toties graui odio prosequutū fuisse proximum, illique graue malum optasse: diuersitas enim malorum in actu odij materialiter se habet: quippe omnia eandem induunt rationem formalem, nempe vt sunt malum proximi. *ibid. n. 10.*

19. Potest quis ex bono motiuo sibi malum optare, aut ob honestum aliquem finem: hoc enim nō est velle sibi malum; sed potius nolle aliquid ex affectu alicuius boni honesti. Nō tamen licet sibi malum contra vitam inferre, aut mortem procurare desiderio maioris boni, puta cœlestis gloriæ potiundæ: hic enim est actus efficax, qui non sumit specificationem à motiuo, sed ab actu, & obiecto externo. *ibid. num. 11.*

CHORVS.

Assistentia in choro.

1. **I**N Ecclesia extat obligatio recitandi preces canonicas in choro: quia diuinum officium institutum est non solum in vtilitatem recitantium, verum etiam populi, id est, fidelium: populus autem non potest diuino officio frui, nisi in loco publico ad id deputato reciteretur: ergo. Clerici autem Ecclesiarum cathedralium, & collegiarum obligantur ad officium in choro singulis diebus persolucendum, nisi aliud ferat consuetudo; ob id enim accipiunt stipendia, & distributiones. *tom. 1. pag. 546. n. 1. & 2.*

2. Munus canendi diuinum officium in choro non ita est proprium clericorum, & Ecclesiasticorum, quin etiam laici possint ad id adhiberi ab iis, qui ad chorum deputati sunt: quia nullum ius, vel consuetudo in contrarium extat. *tom. 1. pag. 547. n. 8.*

3. Religiosi choro deputati tenentur in choro diuinum officium recitare, tantum ex regulis, & constitutionibus religionis: ipsi enim nullum acceperunt beneficium propter officium,

nec ipsis dantur elemosynæ cum hac conditione, vt officium publicè recitent; sed vt vitam religiosam ducant iuxta cuiusque religionis institutum. Quare beneficiarij ætiori obligatione tenentur choro interesse, quàm Religiosi: illi enim tenentur ex officio, atque adeo ex iustitia; hi vero vi solius regulæ, quæ regulariter non obligat sub mortali, modò priuatim officium recitent. *ibid. n. 9.*

4. Qui vltra tempus à Concil. Trident. sess. 24. cap. 12. permissum à choro notabiliter absunt, per se loquendo, mortaliter peccant. Neque possunt alium in suum locum substituere, saltem præcisa consuetudine, vel priuilegio; quia hæc obligatio diuini officij in choro persoluendi est personalis. Legitima tamen consuetudine, præsertim immemorabili, induci potest, vt quis per alium choro assistat: consuetudo enim legem abrogare potest, quando à iure non reprobatur; sicque vsu receptum est in nonnullis Ecclesiis vrbs Romæ. *tom. 1. pag. 547. 549. num. 50.*

Clericus.

1. Clericus fit per susceptionem primæ tonsuræ, quæ conferenda est à proprio Episcopo per tonsionem capillorum, vel ab alio, de licentia proprij Episcopi; si tamen conferatur ab alio absque licentia proprij Episcopi, valida est, nec iteranda. Dicitur autem *prima tonsura*, eo quod per tonsionem capillorum conferatur, dum Episcopus illa verba pronunciat, *Dominus pars hereditatis meæ*; quibus tamen omisiss, validè conferretur tonsura, quia non est propriè Ordo, neque Sacramentum. *tom. 1. pag. 231. num. 1.*

2. Clerici obligationes sunt hæc. 1. vt gestet habitum, & tonsuram; vnde sequitur Clericum initiatum maioribus Ordinibus, aut habentem beneficium peccare mortaliter non gestando habitum, vel tonsuram ad longum tempus sine iusta causa. Existentes vero in minoribus Ordinibus excusari possunt faciliùs à peccato, cum illis liceat ad statum laicalem transire. *tom. 1. pag. 232. num. 2. & 3.*

3. Non licet Clericis arma ferre absque iusta, & rationabili causa, vel absque legitima consuetudine, vel absque Sedis Apostolicæ dispensatione: nam Episcopus id concedere non potest, cum sit veritè iure communi: neque enim arma decent statum Clericalem. *ibid. n. 5. & 7.*

4. Altera Clericorum obligatio est, vt sacris Ordinibus initiati recitent horas canonicas. Tertia, vt castitatem seruent. nam Ecclesia voluit sacris Ordinibus annexū esse castitatis votum, quod tacitè censetur emitti per susceptionem sacrorum Ordinum:

Ordinum : qui enim vult aliquem statum , vult etiam onera illi statui annexa. *ibid. n. 8.*

5. Clerici sunt exempti à laica potestate, necnon à tributis, & vectigalibus soluendis. Qui verò suscipit primam tonsuram eo tantum sine, vt fruatur privilegio clericali: vel vt gaudeat exemptione fori , non verò intentione seruiendi Ecclesiæ , non peccat mortaliter. *ibid. n. 9. & 10*

6. Clericis sacris Ordinibus initiatis, vel habentibus beneficium, non licet, per se loquendo, negotiationem per seipfos exercere : est enim illis negotiatio interdicta , vt pote , quæ ipsorum statum dedecet : idem sentiendum de religiosis. Clericus tamen qui per alium negotiatur , nullam culpam incurrit , modò non addit turpis aliqua circumstantia aut scandalum: quia clericis, & religiosis interdicta solum videtur negotiatio personalis , ob indecentiam, & distractionem ad terrena ; vtraque autem cessat, si per alios negotientur. Clerici verò minoribus ordinibus initiati videntur à mortali excusandi , si per seipfos negotiationem lucrativam exercent. *tom. 2. pag. 489. numero 18. & 19.*

CLERICVS.

Clericorum percussores.

7. **I**N cap. *Si quis suadente diabolo* 17. *quest. 4.* fertur excommunicatio contra percutientem clericum, vel monachum, quæ reservata est Summo Pontifici, nisi in articulo mortis. *disp. 2. quest. 3. punct. 6. p. 190 tom. 3.*

8. Qui clericum percutit ita leuiter , vt illa percussio non censeatur sufficiens ad mortalem culpam omnibus consideratis, non afficitur excommunicatione, quamuis mortaliter peccauerit in intentione, intendens grauiter percutere. At qui leuiter percutit quidem , ita tamen vt illa percussio censeatur valde iniuriosa clerico, incurrit excommunicationem , vt accidit , quando quis percutit clericum virga, aut in illum conspuat, &c. *ibid. sect. 1. §. 1. num 4.*

9. Qui aliquid violenter eripit è manibus clerici, aut violentiam facit rebus illi adhærentibus, v.g. violenter iniiciens manus in frænum equi, cui clericus insidet, aut lacerans vestem illius, aut percutiens equum , aut ita persequens clericum , vt cogatur se præcipitem dare in fluuium, censeatur excommunicatus. Item qui clericum occidit veneno ; hæc enim actio est violenta. *ibid. num. 5. p. 191. tom. 3.*

10. Iudex secularis incidit in excommunicationem detinendo clericum in custodia, vel in domo, aut ponendo custodias ad domum, qui clericum excurrentem capiant, ita ut non possit libere exire: sic enim clerico vis infertur. *ibid. num. 9.*

11. Ille subiacet excommunicationi, qui sclopetum displodit in clericum, qui ob terrorem moritur, quamvis pila ne leuiter quidem tactus fuerit; hæc enim est actio violenta, & iniuriola in clericum. *ibid. n. 13.*

12. Clerici impuberes inter se rixantes, seque percutientes, non incurrunt excommunicationem, quando illa actio attenta qualitate personarum, & quantitate nocimenti, non pertingit ad peccatum mortale; excommunicatio enim supponit peccatum mortale. *ibid. n. 14.*

13. Consulens, vel mandans clericum percuti, subiacet huic excommunicationi, modò sequatur percussio, & consilium, vel mandatum influat in percussione. Ratio petitur ex cap. *Quantum, de sentent. excommunic.* ubi habetur non solum eos subiacere excommunicationi, qui percutiunt, verum etiam qui consensunt. *ibid. §. 2. n. 1. & seq. tom. 3.*

14. Qui postquam mandauit clericum percuti, reuocauit mandatum, qua reuocatione non manifestata ei, qui mandatum accepit, sequuta est percussio, non excusatur ab excommunicatione; quia suo mandato fuit causa efficax percussionis. *ibid. n. 4.*

15. Quæres, vtrum mandans percuti clericum incurrat excommunicationem, si sit in gratia, dum mandatarius exequitur mandatum. *Resp.* affirmatiue: quia licet ad incurrendam excommunicationem prærequiratur peccatum mortale; non tamen necesse est, ut peccatum mortale tunc committatur, quando censura incurritur. *ibid. pag. 192. n. 5 tom. 3.*

16. Quando executor mandati inuincibiliter ignorat illum, quem percutit esse clericum, aut latam esse excommunicationem contra percutientem clericum, non incurrit excommunicationem percutiens; at mandans incurrit. *ibid. n. 6.*

17. Qui non impedit percussione clericum, quam ex sola charitate tenetur impedire, cum possit, mortaliter quidem peccat; non tamen incurrit excommunicationem: quia illi non imputantur cætera damna, nec iniunguntur aliæ pœnæ; ergo neque debet imponi pœna excommunicationis. At hæc excommunicatio non fertur ob omissionem, sed ob actionem. *ibid. n. 7.* Qui verò ex officio tenetur impedire, rei sunt excommunicationis, si non impediunt; illis enim imputatur percussio. *n. 8. & 9.*

18. Qui approbat, & ratam habet percussione Clerici suo nomine

nomine factam, quamvis non dederit mandatum, incidit in excommunicationem; quia rati habitio fictione iuris retrahitur, & equiparatur mandato: cum his tamen conditionibus. 1. ut qui ratam habet percussione clericum, potuerit eam mandare tunc temporis, cum facta est; quare approbans percussione clericum factam, cum esset infans vel amens, excommunicationem non incurrit. 2. ut ratam habeat percussione per aliquod signum externum; quia actus merè internus non subiaceret excommunicationi. 3. ut percussio facta sit nomine ipsius, idque ipse sciat. *ibid. n. 10. & 11.*

19. Qui percutit clericum volentem, & consentientem, non propterea excusatur ab excommunicatione: quia illud privilegium de non percutiendo clericum sub pœna excommunicationis concessum est toti ordini clericali, cui persona privata non potest renunciare. Ipse autem clericus consentiens in sui percussione non est ipso facto excommunicatus, sed excommunicandus, ut habetur in cap. Contingit cit. *ibid. sect. 2. pag. 193. n. 5. & 6. tom. 3.*

20. Clericus præ desperatione, aut vitæ tædio, aut alia de causa seipsum grauitè percutiens, maiorem incurrit excommunicationem: quia hæc percussio est toti clericali ordini iniuriosa. *ibid. num. 7.*

21. Qui percutit clericum coniugatum, qui non est bigamus, aut clericum degradatum verbaliter tantum aut irregularem, aut excommunicatum toleratum, aut vitandum, aut alia censura affectum, aut eum, qui post susceptionem sacrorum ordinum contraxit matrimonium, huic subiicitur excommunicationis; hi enim omnes privilegium canonis non amiserunt. Secus dicendum de eo, qui suscepit ordines ante baptismum, aut qui per vim promouetur ad ordines absque intentione illos suscipiendi. *ibid. sect. 3. n. 1. & seq.*

22. Denique percutiens aliquem gaudentem privilegio canonis, huic excommunicationi est obnoxius. Quinam autem gaudeant privilegio canonis, vide tit. *Ecclesiastica libertas. ibid. num. 7. & seq. tom. 3.*

23. In his casibus percutiens clericum excusatur ab excommunicatione. 1. qui percutit vim vi repellendo cum moderamine inculpatæ tutelæ ad se defendendum, vel rem suam, vel honorem, immò ad defensionem innocentiae parentum, filiorum, amicorum, & aliorum. 2. qui percutit ignorans esse clericum. 3. qui percutit per iocum, etiamsi fortè aliqua ira interueniat, modò non peringat ad culpam lethalem. 4. Qui percutit per inaduertentiam ex subito motu; nam inaduertentia, & indeliberatio

ratio exultat a peccato mortali, atque adeo ab excommunicatione. 5. qui percutit causa correctionis, & disciplinæ, habens ad id legitimam potestatem, modò non percutiat ex graui odio aut ira. 6. qui percutit clericum inuentum cum vxore, aut filia, aut sorore, modò statim percutiat; quamuis enim sic percutiens grauius peccet, nihilominus eximitur ab excommunicatione, quia Ecclesia non præsumit percussionem factam esse suadente diabolo, sed passione vehementi: est enim perdifficile in hoc casu sibi temperare. 7. qui percutit clericum factum militem, vel se immiscentem enormitatibus. 8. qui percutit clericum coniugatum, publicè per se exercentem officium cauponis, vel lanij. 9. qui percutit clericum mimicam exercentem publicè, post trinam admonitionem. 10. qui percutit bigamum. 11. quando ostiarius Principis turbam summouendo, simul impellit clericum, nisi hoc faciat animo offendendi. *ibid. sect. 4. pag. 194. n. 1. & seq. pag. 195. 196. tom. 3.*

Clerici percussor à quo absoluendus?

24. Quando percussio est leuis, potest Episcopus per se, vel per alium absoluere. Item vicarius generalis; necnon supremi monasteriorum Præpositi, vt Abbas, Prior, Guardianus, &c. ex prini-legio possunt absoluere sibi subditos ab excommunicatione ob leuem percussionem, per se, vel per alios. *Quenam* autem sit percussio leuis, standum est iudicio prudentum, attentis circumstantiis personæ, loci, &c., *ibid. sect. 5. n. 3. & seq. tom. 3.*

25. Religiosus percutiens clericum secularem, si est exemptus à iurisdictione Episcopi, absoluendus est à proprio Prælato iuxta limites potestatis, quam habet. Prælati autem religionis, vt Generalis, vel Prouincialis, possunt hanc facultatem alteri delegare, etiam quando percussio est grauis & enormis; quia huiusmodi potestas est ordinaria, à Summo Pontif. perpetuò concessa iis, qui tale officium habent. *ibid. pag. 197. n. 9. tom. 3.*

26. Quando percussio est enormis, potest Episcopus in his casibus absoluere. 1. si percussor habeat legitimum impedimentum, propter quod non possit Summum Pontif. adire sine graui periculo vel damno; neque enim est credibile Summum Pontif. velle sibi absolutionem excommunicationis reseruare cum tanto fidelium incommodo: sublato tamen impedimento tenetur percussor Papam adire, alioquin nouam contrahit excommunicationem. 2. quando imminet proximum periculum mortis. 3. si percussor sit impubis, etiam si petat absolutionem post adeptam pubertatem ob enormem percussionem factam tempore impubertatis. 4. si mulier clericum percussit, etiam enormi percussione,

eussione, cuiuscumque sit ætatis, aut conditionis, potest per Episcopum absolui. 5. si percussor sit in potestate alterius, ut filius familias, seruus, &c. 6. Idem dicendum de quibuscumque alius impotentibus ad iter conficiendum. *ibid. n. 9. & seq. pag. 198. tom. 3.*

27. Potest Episcopus quoscumque sibi subditos absolvere ab excommunicatione ob enormem percussione[m] clerici, modò sit occulta, nec deducta ad forum contentiosum iuxta priuilegium à Conc. Trid. concessum *sess. 24. cap. 6.* neque tenetur sic absoluti postea adire Papam, vel legatum. Hanc autem facultatem potest Episcopus alteri delegare, *ibid. n. 19.*

28. Qui habet priuilegium absoluendi percussorem clerici satisfacta parte, non debet illum absolvere, nisi primùm satisfecerit clerico percusso, & præterea Ecclesiæ, seu statui Ecclesiastico; hanc autem satisfactionem exhibebit, si se humiliter subiiciat absoluenti, & se paratum ostendat ad acceptandam poenitentiam, quæ sibi fuerit imposita, cum iuramento obediendi Ecclesiæ, nec ampliùs in posterum percutiendi clericum. *ibid. pag. 198. 199. tom. 3.*

29. In absolutione ab hac excommunicatione Sacra Pœnitentiaria Romæ hæc obseruat. 1. ut absolue[n]dus sit præsens. 2. ut satisfactionem præmittat. 3. si delictum sit publicum, non gerat se in publico tanquam absolutum; nam absolutio Pœnitentiariæ dari solet pro foro conscientie tantum. 4. si clericum interfecit, admonendus est ipsum & filios inhabiles esse ad beneficia. 5. si percussio sit occulta, exigendum est iuramentum, ut si detegatur, conferat se nudus, & discalceatus, exceptis femoralibus, ad quinque Ecclesias, virgam præ manibus, & corrigiam ad collum habens publicè suum fateatur crimen, & ante fores dictarum Ecclesiarum verbera sibi per Psalm. *Miserere*, infligi curet, alioquin in excommunicationem relabitur. *ibid. pag. 199. n. 25 tom. 3.*

Clericorum excommunicationes non reseruata.

30. In Clement. vnica, de consang. extat excommunicatio contra clericos sacris ordinibus initiatos, qui matrimonium contrahere præsumunt. *disp. 2. quæst. 4. pag. 256. punct. 1. tom. 3.*

31. Leo. X. in Bulla 9. quæ incipit, *Inter multiplices*. excommunicat eos, qui montè pietatis in concionibus, verbo, vel scripto impugnare audent. Neque solum Ecclesiastici, aut religiosi, verum etiam laici, & sæculares contra montem pietatis disputantes huic excommunicationi sunt obnoxij, nisi ignorantia excuset; nam imposita est excommunicatio audentibus; audacia autem scientiam supponit *ibid. punct. 2. pag. 266. 267 tom. 3.*

32. Confessarius

32. Confessarius absolvens à casibus in Bulla Cœnæ contentis prætextu privilegij incurrit excommunicationem Papæ reservatam; absolvens autem absque prætextu privilegij, incurrit non reservatam. *ibid. punct. 3. pag. 267. tom. 3.*

33. Cùm in quibusdam ciuitatibus permixti sint populi lingua, & ritibus discrepantes, sub vna tamen fide, ad Episcopos pertinet cura deputandi singulis ministros idoneos. Quapropter in cap. *quoniam, de offic. iud. ordin.* excommunicatio fertur contra eos, qui se huiusmodi ministeriis ingerunt sine licentia Episcopi, *ibid. punct. 4. tom. 3.*

34. In cap. *clericis, ne monachi vel clerici*, Sacerdotes Viceregis, aut Præpositi sæcularis officium suscipientes excommunicationi subiiciuntur, si post admonitionem illud officium non dimiserint; hoc enim dedecet statum Sacerdotalem. Non videtur tamen in hoc canone interdictum Sacerdoti munus consiliarij apud Principem sæcularem suscipere, modò illud non exerceat in causa sanguinis in particulari; qui verò concurrit solùm ad legem condendam, in qua pœna sanguinis statuitur delinquentibus, non incurrit irregularitatem; quia non cõcurrit ad causam sanguinis proximè, seu in particulari. Diaconi vel Subdiaconi sub hac censura non comprehenduntur, quia non sunt Sacerdotes. *ibid. punct. 5. pag. 268. tom. 3.*

35. Honorius III. in cap. *super specula ne clerici, vel monachi*, decreuit, vt excommunicatio, quam tulerat contra religiosos exeuntes ad audiendas leges, vel medicinam, & intra duorum mensium spacium non redeuntes, extendatur ad Sacerdotes, Archidiaconos, & alios personatum habentes, nisi huiusmodi studium intra duos menses dimiserint. Non videtur tamen sub excommunicatione interdictum præfatas scientias domi audire. Porro non prohibentur Sacerdotes sub excommunicatione, leges, & medicinam docere; quia textus loquitur tantùm de audientibus. *ibid. punct. 6. pag. 269. tom. 3.*

36. Pius V. in Extrauag. 48. quæ incipit, *De salute gregis*, tulit interdictum cum priuatione Ecclesiasticæ sepulturæ contra milites, & alios congregi audentes in spectaculis, vbi tauri, aut feræ agitantur, & contra Principes, aut Magistratus id permitrentes. Eandem excommunicationem extendere videtur ad clericos beneficiarios, aliòsque in sacris constitutos, qui eiusmodi agitationibus interfunt. Probabilius tamen videtur hanc excommunicationem non esse iure latam, sed ferendam. *ibid. punct. 7. pag. 270. tom. 3.*

37. In Bulla Innocentij VIII. quæ incipit, *Sicut bonus*, excommunicantur fictè resignantes beneficium, & resignationem acceptantes,

prantes, & concurrentes ad hanc fictionem, vt notarij, & testes, modò sint fraudis conscij. Hæc autem fictio in eo est, vt resignatio fiat extra Curiam, & vltra duas dietas, prætextu facultatis à Sede Apostolica obtentæ. *ibid. punct. 8. p. 271. tom. 3.*

38. In cap. *Vsurarium, de usuris, in 6.* decernitur, ne vsurarij publicè quasi ex officio vsuram exercentes, permittantur domos conducere, vel conductas habitare; sed intra tres menses expellantur nec vllus eis domum locet aut concedat ad fœnus exercendum, vel alio titulo; qui secùs faxint, si fuerint Episcopi, aut Episcopo superiores, suspendantur; si fuerint Episcopo inferiores, excommunicationem incurrant: si fuerit collegium, seu alia vniuersitas, interdicto subiiciatur. Hic autem sermo est de vsurariis alienigenis, & aliis, qui non sunt ex eo loco, vbi vsuram exercere volunt, oriundi. *ibid. punct. 9. p. 271. 272. tom. 3.*

39. In cap. *generali constitutione, de elect. in 6.* excommunicantur Clerici, & religiosi Ecclesiarum curam habentes, qui procurant, vt regalia iura, & loca Ecclesiarum vacantium ab alijs occupentur. *ibid. punct. 10. vide tit. Regalia.*

40. In Extrauag. *ambitiosa, de rebus Ecclesia non alienandis*, interdictur alienatio bonorum Ecclesiæ, & locorum piorum, tam immobilium, quàm mobilium pretiosorum, quæ seruari possunt. Immodò alienatio dictorum bonorum sine solemnitate facta, irritatur, & alienans ligatur excommunicatione, priuaturque beneficiis, officiis, & administratione bonorum, quæ alienare præsumpsit. Eadem excommunicatio extenditur ad recipientem. At si alienans sit Episcopus, vel Abbas, incurrit interdictum ab ingressu Ecclesiæ, & si per sex menses in interdicto permanferit, suspenditur à regimine, & administratione Ecclesiæ vel monasterij, cui præest in temporalibus. Ab hac tamen censura excipitur alienatio, & conductio bonorum Ecclesiasticorû ad triennium, nec non contractus emphyteuticus, modò fiat in casibus à iure permissis, & in bonis in emphyteusim ab antiquo dari solitis. *ibid. punct. 11. pag. 272. 273. tom. 3.*

Clericorum excommunicationes Papa reseruata.

41. In Bulla 87. Pij IV. quæ tamen in Bullario nouo non inuenitur, & incipit, *Inter multiplices curas*, fertur excommunicatio contra obtinentes à Papa Ecclesias Parochiales, cum iuramento illis inseruiendi personaliter intra certum tempus, & posset iuramentum non adimplentes. Id autem valet in omnibus beneficiis curam animarum adnexam habentibus, vacantibus per obitum, & ad Papæ prouisionem, & dispositionem spectantibus; sic enim habetur in Bulla. *ibid. quæst. 5. punct. 1. p. 273. 274. tom. 3.*

42. Leo X. in Bulla 21. quæ incipit *Superna maiestatis*, edita in Concilio generali Lateran. *sess. 11.* excommunicationem tulit contra prædicatores sacram scripturam interpretantes contra proprium ipsius sensum, & interpretationem Doctorum, ab Ecclesia vel vfu approbatorum, & contra prædicantes tempus præfixum alicuius mali, vel aduentus Antichristi, vel iudicii, aut alia futura tanquam sibi diuinitus reuelata, aut asseuerantes inanes diuinationes. Possunt tamen concionatores interpretari Scripturam per quandam accommodationem, modò non desectant à proprio, vel myſtico sensu, quem tener Sancta mater Ecclesia. *ibid. punct. 2. p. 274. tom. 3.*

43. Clemens III. in cap. *significauit*, de *sent. excom.* tulit excommunicationem contra clericos, scienter, & sponte participantes cum excommunicatis à Papa, illòsque ad diuina officia admittentes; si sunt vitandi, id est; si nominatim declarati, & denunciati sunt excommunicati. Participantes autem cum notorio Clerici percussore, nisi sit denunciatus, probabile est non incurrere excommunicationem. *ibid. punct. 3. pag. 275. tom. 3.*

44. In cap. *animarum periculis*, de *sepult. in 6.* interdicto subiiciuntur Ecclesiæ, & cœmeteria religiosorum & clericorum sæcularium, qui in suis Ecclesiis, vel cœmeteriis sepeliunt aliquem, quem induxerunt ad vouendum, iurandum, vel promittendum, vt in eorum Ecclesiis sepulturam eligat, vel semel electam non mutet. Interdicuntur autem cum hac conditione, nisi infra decem dies integrè restituant omnia quæ occasione sepulturæ ad ipsos peruenerunt, vel etiam ipsum cadauer, si petatur. Parochi tamen inducentes aliquem suæ parœciæ ad eligendam sepulturam in sua Ecclesia, vel ad mutandam electionem iam factam, sub hac censura non comprehenduntur; quia in gratiam Parochorum hæc constitutio, & aliæ huiusmodi editæ sunt. *ibid. punct. 4. pag. 276. tom. 3.*

45. In Bulla 2. quæ incipit, *Cum omnibus*, Paulus II. præcipit iudicibus seu commissariis deputatis ad examinandas causas à supplicantibus expressas, vt examinent causas propter quas Summus Pontifex adductus est ad concedendam in suis literis facultatem alienandi; quod si consensum, vel auctoritatem præstiterint ad alienanda Ecclesiæ bona, in detrimentum Ecclesiæ, subiiciuntur excommunicationi, modò sint inferiores Episcopis; Episcopi verò, aut Episcopis superiores incurrunt suspensionem per annum ab executione officij; tamen hæ censuræ non sunt Summo Pontifici reseruata. At contra procurantes scienter huiusmodi alienationem, seu decretum alienationis, lata est excommunicatione Summo Pontifici reseruata; necnon contra extorquentes

quentes à commissariis decretum alienationis per sordes, id est per iniquas largitiones. *ibid. punct. 5. pag. 276. 277. tom. 3.*

46. Martinus V. in Bulla 10. quæ incipit, *Ad reprimendos*, excommunicat Ecclesiasticos, qui alios Ecclesiasticos conueniunt coram iudice laico in causis ad forum Ecclesiasticum pertinentibus, siue id fiat actione reali, siue mixta, siue personali, siue ciuili, siue criminali. *ibid. punct. 6. pag. 277. tom. 3.*

Clericorum suspensiones.

47. Celebrans, aut celebrari faciens in loco interdicto, incurrit interdictum ab ingressu Ecclesiæ; modò tamen locus sit nominatim denunciatus, interdictus, aut publicè constet esse pollutum. Absolutio ab hac censura reservata est Papæ, nisi satisfactio à delinquente præstetur ad arbitrium illius, cuius sententia violata est: præstita autem satisfactione absque alia absolutione cessat suspensio. *disp. 3. quæst. 3. punct. 1. pag. 347. 348. tom. 3.*

48. Sacerdos, qui Missam inchoatam sine graui causa dimittere præsumit, incurrit suspensionem à corpore, & sanguine Christi: non prohibetur tamè Eucharistiam sumere more laicorum, modò sit ritè dispositus; quia excluditur à sumptione corporis, & sanguinis Christi quæ propria est Sacerdotum: quare hæc vocari potest *suspensio partialis*, quia impedit executionem Ordinis Sacerdotalis circa sumptionem corporis, & sanguinis Domini. Absolutio ab hac suspensione concedi potest ab Episcopo, quia non est reservata. *ibid. punct. 2. pag. 348. tom. 3.*

49. Sacerdos Missam celebrans, & in ea non communicans, suspensionem incurrit, quia per annum arcetur à participatione corporis, & sanguinis Christi: non tamen à cõmunionemore laicorum. Qui verò vnã tantum speciem consecrauit, seu ex inaduertentia, seu ex malitia, hanc suspensionem non incurrit, vnã tantum speciem sumens; quia sumpsit, quod obtulit, & sacrauit. Huius suspensionis absolutio ex cõmuniori sententia pertinet ad Summum Pontificem. *ibid. punct. 3. pag. 349 tom. 3.*

50. Confessarij non seruantes formam à Congregatione Apostolica præscriptam in confessionibus audiendis, ipso facto pœnam incurrunt suspensionis à cõfessionibus audiendis verum hæc suspensio non extenditur ad confessarios extra Episcopatum Romæ existentes. *ibid. punct. 4.*

51. Parochus, vel quiuis alius Sacerdos assistens matrimonio, vel benedicens sp̃s̃os alterius Parochiæ absque licentia Parochi sponsorum, ipso facto suspensionem incurrit ab officio, & beneficijs; quia Concil. Trid. absolute loquitur: probabile tamen est istam suspensionem esse tantum ab officio Sacerdotali, vt

in quo peccauit Sacerdos, in eo puniatur. Si tamen alter sponsus sit ex illa Parochia, cuius Parochus assistit, vel benedicit, excusatur à suspensione, utitur enim iure suo erga sibi subditum, quo iure uti nequit, nisi adsit etiam alter sponsus, qui est alterius parrocix. Huius suspensionis absolutio pertinet ad Episcopum, seu Ordinarium eius loci, cuius Parochus matrimonio assistere debebat. *ibid. punct. 5. pag. 350. tom. 3.*

52. Clericus secularis, vel regularis assistens matrimonio clandestino non incurrit suspensionem latæ sententiæ, sed ferendæ. Neque item benedicens secundis nuptiis, etiam si vetitum sit sponso aliàs benedictos benedicere. *ibid. 351. n. 9. tom. 3.*

53. Accipiens oblationes ab usurariis manifestis, aut eos sepiens, incurrit suspensionem ab officio. Nomine autem *oblationum* intelligitur id, quod offertur Deo in recognitionem diuinæ excellentiæ, quod verò traditur Ecclesiasticis ministris ad ipsorum sustentationem, vel in stipendium, non vocatur oblatio; quocirca accipiens ab usurario decimas, vel pecuniam, ut pro ipso oret, non videtur huius suspensionis reus. Hæc suspensio reservata est Papæ, donec delinquens satisfecerit ad arbitrium Episcopi. *ibid. punct. 6.*

54. Iure antiquo lata est suspensio ab ordinis executione contra clericum assistentem sepulture raptoris, seu violatoris publici Ecclesiarum, aut eleemosynam ab eo accipientem, quando hic raptor poenitentiam agere noluit ante obitum. Eadem suspensio extenditur ad clericos, qui huius rapinæ participes fuerunt. Verum hoc tempore hæc suspensio vix est in usu. *ibid. n. 7.*

55. Clerici grauantes Ecclesiam sibi commissam pro alienis debitis, vel concedentes alicui literas, seu sigilla, quibus Ecclesia sibi commissæ obligari possit, ut si quis tradat alteri chartam non scriptam suo sigillo impressam data facultate scribendi quidquid libuerit, vel si det ei sigillum, ut eo utatur ad firmandum debitum soluendum nomine Ecclesiæ. Hi, inquam, priuantur administratione temporalium & spiritualium. Vnde sequitur eum beneficiarium affici hac suspensione, qui pecuniam mutuo accipit, eamque alteri tradit relicta Ecclesiæ obligatione soluendi mutuum. Secus autem si aliquam Ecclesiæ pecuniam mutuo tradat pauperibus; hic enim Ecclesiam non grauatur alienis debitis. Probabile est huius suspensionis absolutionem conferri posse ab Episcopo, postquam fuerit Ecclesiæ factum satis. *disp. 3. quest. 4. punct. 14. pag. 360. 361. tom. 3.*

56. Clerici occupantes bona Ecclesiæ cathedralis, vel collegiatae, Sede vacante, pertinentia ad ipsam Ecclesiā, vel ad Prælatum defunctū, vel ad successorem, aut ea dilapidantes, vel malè admi

administrantes. incurrunt suspensionem ab officio, & beneficio, summo Pontifici referuatam, ante factam restitutionem, nisi ea condonetur ab eo, cui erat satisfaciendū facta autem, aut condonata restitutione, suspensio cessat. *ibid. punct. 15. pag. 361. 362. r. 3.*

57. Clericus habens beneficium incurrit per sex menses suspensionem à perceptione fructuum, si publicè utatur veste virgata, vel parita, id est, versicolore. Clericus verò non habens beneficium, sed subdiaconus, aut diaconus, fit per sex menses inhabilis ad beneficiū. Sacerdos verò, aut religiosus, aut alius obtinēs dignitatem, vel beneficium, cui adnexa est animarū cura, suspensionem incurrit per annum à perceptione fructuū, si publicè gestet vestem versicolorem; si verò beneficiū non habeat, efficitur inhabilis per annum ad beneficium Ecclesiasticum. Alia huiusmodi circa vestes clericorum habentur in Clement. 2. *quoniam, de vita, & honestat. cleric.* edita in Concil. Viennensi à Clem. V. Additur tamen in hac Clementina, *nisi causa rationabilis subsit*, excusantur enim clerici, qui præfatis vestibus utantur, dū transitori sunt per loca infidelium, vel hæreticorum; leges quippe Ecclesiasticæ non obligant cum graui incommodo, aut periculo; eam ob causam clericus à Papa reprehensus, quòd Romanam venisset sine habitu clericali, in hunc modum se excusauit:

Tutus vi peterem laici sub imagine Romam,

Fas fuit, ut sinerem luxuriare comam.

Concil. Trident. *sess. 14. cap. 6.* mandat clericos contra decentiam & honestatem habitus delinquentes arbitrio Ordinarij puniri. *disp. 3. quæst. 6. punct. 6. pag. 375. tom. 3.*

58. Clericus notorius concubiniarius, vel fornicator iure quidē antiquo fuit suspensus; iure tamē nouo non est ipso facto suspensus, sed suspendendus, exceptis Episcopis, qui non se emendant: postquam à Synodo provinciali semel admoniti fuerūt; quia sacri canones hac in parte abrogati sunt per consuetudinē contrariā, & suspensio, quæ olim ipso facto incurreretur, hoc tēpore commutata videtur à Concil. Trid. *sess. 25. c. 14.* in suspensionem comminatoriam, & alias pœnas; vitur quippe Concil. verbis futuri temporis. *disp. 3. q. 7. punct. 4. pag. 377. tom. 3.*

Commodatum.

1. **C**ommodatum ita dicitur, quasi *datum commodo alterius*, nihilque aliud est, quam contractus, quo res alteri conceditur gratis ad certum vsum. Differt à *mutuo*, quia in mutuo non tantum vsum, sed etiam dominium rei transfertur: in commodato verò solus vsum. Differt à *locato*, quia locatum non fit gratis. Differt à *deposito*, quia vsum depositi regulariter

non transfertur. Differt à precario, quia licet precarium concedatur ad aliquem vsum, non tamen ad certum vsum, cum repeti possit ad arbitrium concedentis: at commodatum non potest repeti ante tempus præfixum, immò si commodans repetat ante tempus contra voluntatem commodatarij, & cum eius damno, tenetur ad restitutionem, nisi commodans passurus sit æquale damnum. *tom. 2. pag. 367. num. 1.*

2. Qui habet ius vtendi re aliqua sibi commodata, potest eam alteri commodare, nisi aliter conuentum sit cum domino; tum quia potest ius suum alteri cedere; tum quia sic decernitur in iure. *ibid. num. 2.*

3. Ad commodatũ hæc requiruntur. 1. mutuus consensus. 2. vt tradatur gratis cõmodatario ad certum aliquem vsum, & ad certum tempus expresse, vel tacite. 3. vt dominiũ commodati perseueret apud commodantem, consequenter si pereat absque culpa commodatarij, pereat commodanti. Tenetur autem commodatarius ad restitutionem ex leuissima culpa: at de casu fortuito non tenetur, secluso pacto, culpa, aut mora. *ibid. n. 3.*

4. Commodatarius tenetur ad expensas ordinarias faciendas durante tempore contractus cõmodati: nam cuius est commodum, eius etiam est onus, & incõmodum; sic qui equum accepit commodato, tenetur illũ alere. Ad extraordinarias verò non tenetur, vt si equus ægrotauit, si paries domus cecidit, &c. nam expensæ extraordinariæ cedunt in vtilitatẽ commodantis. *ibid. n. 4.*

5. In foro conscientiae commodatum retineri potest titulo cõpensationis, quando cõmodatarius alia ratione non potest satisfactionem obtinere: at in foro externo id non licet, quia commodatum est priuilegium, sicut depositum. *ibid. num. 5.*

Concubinatus.

1. **C**oncubinatus est frequens, & consueta fornicatio cum eadem persona. Cõcubinæ olim dicebantur, quæ sine publica solennitate, & ritu consueto ducebantur, & non admitterbatur ad domesticam familiæ gubernationẽ. Hebræis enim licebat duas vxores simul ducere, vnam solemnĩ ritu, alterã absque ritu solemnĩ, quod hoc tempore non licet. *tom. 1. pag. 323. num. 8.*

2. Pœnitens, qui domi alit concubinam, regulariter non est absoluentus, antequam eam dimittat, seu quandiu persistit in proxima occasione peccandi, quam potest relinquere: quandiu enim eã retinet, non censetur habere sufficientẽ dolorem, ac firmũ propositum vitandi peccata in futurum. Fieri tamen potest, vt concubinaris absolui aliquando possit non dimissã cõcubinã, vt quando non potest eam dimittere sine scandalo, vel graui infamia,

infamia, vel alio incommodo: tunc enim non censetur illa peccandi occasio voluntaria: aut quādo in articulo mortis existens, non potest tunc concubinam eiicere, sed habet firmum propositum illam eiiciendi, cū primū poterit. Secluso verō mortis periculo vix debet absolui antequam concubinam domo eiiciat, etiamsi fortē non sit concubinarius, sed vulgō habeatur.

tom. 1. pag. 324. num. 11. & 12.

3. Filiusfamilias, qui de domo patris non eiicit concubinam, vel aliā cum qua peccare solet, potest absolui, modō habeat firmum propositū non peccandi in futurum, & cum illa colloquēdi, aut conuersandi: hæc enim non dicitur voluntaria occasio peccandi respectu filiifamilias, qui non est sui iuris. *ibid. n. 13.*

4. Deneganda est absolutio pœnitenti sapius in mollietiem, & pollutionem voluntariam incidenti, quando potest occasionem peccati præscindere, & non præscindit, vt quando ex colloquio, & aspectu fœminæ alicuius cum qua familiariter versatur, solet in turpes cogitationes consentire, aut in voluntariam pollutionem incidere: est enim in proxima, & voluntaria occasione peccandi, consequenter dimittendus est sine absolutione, nisi ab illius fœminæ consuetudine recedat, & proponat se nunquam illam aspecturum. *ibid. num. 4.*

5. Concubinarij laici possunt ab Ordinariis locorum puniri, & excommunicari post trinam admonitionem, vt patet ex Concil. Trident. sess. 24. c. 8. Presbyteri verō notorij concubinarij sunt ab Episcopis suspendendi ex Trident. sess. 25. cap. 14. *ibid. num. 10. & 19.*

CONFESSIO SACRAMENTALIS.

Confessionis necessitas.

1. Concil. Trid. sess. 13. can. 11. excommunicat præsumentes peccati mortalis, necessariam non esse confessionem ante summptionem Eucharistiæ. *disp. 2. quæst. 2. punct. 14. pag. 166. tom. 3.*

2. Qui cum conscientia peccati mortalis accedit ad Eucharistiam non præmissa confessione, non incidit in hanc censuram etiamsi hoc faciat interiūs sentiens solam contritionem sufficere, nec necessariam esse confessionem; imō etiamsi alij suspicentur ipsum in ea esse sententia, modō eam verbis, aut signis externis non prodiderit: quia hic nihil facit, quod à Concil. Trident. sub excommunicatione prohibeatur. *ibid. num. 3.*

3. Qui sententiæ Caietani adhærens asserit confessionem de iure diuino non esse necessariā præmittendā ante sacram com-

munionem; huic censuræ non subiacet; quia hic non asserit confessionem non esse absolutè necessariam. *ibid. num. 4.*

4. Qui asserit necessariò præmittendam non esse confessionem sacramentalem in loco, vbi Concilium non est vsu receptum, non ligatur hac censura Concilij; grauitè tamen peccat; quia falsum docet in re maximi momenti. *ibid. num. 5.*

5. Hæc excommunicatio non est reservata.

Confessio per nuncium.

6. Clemens VIII. in quodam decreto edito in generali Congregatione sanctæ Inquisitionis hanc propositionem damnat tanquam falsam, temerariam, & scandalosam. *Licere per literas, seu internuncium confessario absenti peccata sacramentaliter confiteri, & ab eodem absente posse absolutionem obtineri.* Præterea excommunicationis pœnam addit contra docentes, defendentes, imprimi facientes, vel ad praxim deducentes huiusmodi propositionem, vel de ea disputantes, nisi ad impugnandum. *disp. 2. quest. 3. punct. 33. pag. 247. tom. 3.*

7. Ad hanc excommunicationem incurrendam non est opus vtrumque defendere, videlicet fieri posse confessionem absenti, & absolutionem impendi posse à confessario absente; sed alterutrum sufficit; quia vtraque propositio est falsa, temeraria, & scandalosa: ergo vtraque pari poena digna. *ibid. num. 3.*

8. Licet impressor, qui huiusmodi propositionem imprimit, grauitè peccet; non tamen hanc excommunicationem incurrit; quia excommunicantur imprimi facientes, non imprimentes. *ibid. num. 5.*

9. Hæc excommunicatio est S. Pontifici reservata. *n. 7.*

Confirmatio quid?

1. Confirmatio est sacramentum, quo homo viator baptizatus inungitur in fronte ab Episcopo cum chrismate, & præscripta verborum forma ad fidei robur consequendum. Fuit autem institutum in die vltimæ Ccenæ quoad materiam & formam; tunc enim Christus consecrauit chrisma, vt habetur ex traditione Ecclesiæ. Igitur huius sacramenti institutio inchoata fuit in die vltimæ Ccenæ; completa autem quando Christus contulit Apostolis plenam potestatem Ordinis sacerdotalis, & Episcopalis. Ioan. 20. *tom. 1. pag. 45. num. 1. & seq.*

Confirmationis necessitas, & minister.

2. Confirmationis sacramentum non est necessarium necessitate inediij; ex nullis enim Christi verbis id colligitur; neque
neces

necessitate præcepti. Quare qui Confirmationem sponte omittit, modò absit contemptus, non peccat mortaliter; quia robur ad profitendam fidem potest per alia media obrineri. *ibid. n. 1. & 2.*

3. Huius sacramenti minister, regulariter loquendo, est Episcopus ordinatus; ex commissione tamen Summi Pontificis potest etiam simplex Sacerdos confirmare, adhibito chrismate ab Episcopo consecrato; nullus enim præter Episcopum potest chrisma consecrare. Hinc collige Episcopum etiam excommunicatum, hæreticum, vel degradatum, posse Confirmationis sacramentum validè ministrare; quia non amisit characterem, etiam si ipse fortè non sit confirmatus. *ibid. n. 3. & pag. 46. n. 6. & 9.*

4. Episcopus, in sua diocesi non potest subditos alterius Episcopi confirmare, neque suos in aliena diocesi, aut vllis pontificales actus, absque licentia Episcopi loci exercere. *pag. 46. n. 10. & 11.*

5. In ministro Confirmationis requiritur intentio formalis, aut virtualis; deinde ut sit in gratia, non tamen necesse est, ut sit ieiunus, aut in die festo administret; neque item necesse est, ut suscipiēs Confirmationem sit ieiunus. Quod attinet ad locum, seruanda est consuetudo; tamen consuetudo confirmandi in Ecclesia non videtur vspiam recepta cum tanto opere, ut Episcopus alio in loco confirmans, mortaliter peccet. *ibid. n. 13. & seq.*

Confirmationis materia, & forma.

6. Huius sacramenti materia remota est chrisma ex oleo oliuarum, & balsamo, ab Episcopo consecratum, illo ipso anno in die Cœnæ: validum tamen esset sacramentum collatum cum chrismate alterius anni. Ad chrisinatis autem consecrationem Christus non præscripsit certam verborum formam, sed illam potestatem reliquit Ecclesiæ, quæ instituit, ut consecratio chrisinatis fiat per inuocationem sancti Spiritus. *pag. 45. num. 1. & seq.*

7. Confirmationis materia proxima est vñctio facta in fronte in formam crucis; cum enim frons sit sedes verecundię, par est confirmandum in fronte inungi, ut sine rubore Christi nomen confiteatur. Forma autem Confirmationis est hæc: *Consigno te signo crucis, & confirmo te chrismate salutis, In nomine Patris*, &c. quæ verba, ut sacramentum validè conferatur, non sunt substantialiter varianda. *ibid. n. 4. & pag. 47. n. 5. 6. & seq.*

Confirmationis effectus & subiectum.

8. Confirmationis primarius effectus est gratia habitualis, cum iure ad diuina auxilia, quibus cõfirmatus, intrepidè, & constanter fidem profiteatur. Secundarius effectus est character qui

characterem Baptismi supponit. Tertius est cognatio spiritualis. *pag. 47. n. 1. 2. & 3.*

9. Subiectum capax Confirmationis est cuius homo baptizatus, seu infans, seu adultus; melius tamen est hoc Sacramentum conferre pueris iam ratione utentibus, ut recordentur, nec bis suscipiant. Neque amentes huius Sacramenti fructu privandi sunt. *ibid. n. 4. & seq.*

10. In suscipiente Sacramentum Confirmationis, si est adultus, requiritur. 1. intentio; in infante verò sufficit voluntas Christi, & Ecclesiæ. 2. fides, ut cum fructu suscipiatur. 3. ut suspiciens sit in gratia, vel saltem ut putet se esse in gratia; est enim institutum hoc Sacramentum ad augendam gratiam: non tamen peccat mortaliter, qui Confirmationem suscipit post actum contritionis. *ibid. n. 7.*

11. Qui primam tonsuram, vel Ordines suscipit ante Confirmationem peccat; quia facit contra consuetudinem, & præceptum; non tamen mortaliter, modò absit contemptus: quia omissio Confirmationis, præciso contemptu, non videtur ex se peccatum mortale. *tom. 1. pag. 48. n. 8.*

12. In collatione Confirmationis impingitur alapa; ut confirmatus recorderetur se hoc Sacramentum semel suscepisse, ne iterum suscipiat, cum iterari non possit propter characterem. In dubio autem an quis sit confirmatus, est iterum confirmandus sub conditione. Porro susceptor in Confirmatione non tenetur instruere eum, quem suscipit; potestque in necessitate esse idem in Baptismo, & Confirmatione patrinus. *ibid. n. 9. & seq.*

Conseruator.

1. Olim vsu receptum fuit, ut religiosis, aut clericis à Sede Apostolica concederentur Conseruatores Episcopi, aut alij in dignitate constituti, qui eos tuerentur, & de manifestis iniuriis cognoscerent. Sed quia nonnulli Conseruatores limites suæ potestatis excedebant, cognoscendo causas occultas, ideo Summus Pontifex ipsis Conseruatoribus facultatem suam excedentibus pœnam suspensionis ab officio per annum iniunxit; parti verò procuranti excommunicationem imposuit. *disp. 2. quæst. 2. punct. 35. pag. 183. tom. 3.*

2. In cap. *Hæc constitutio, de offic. leg.* extat excommunicatio contra partem procurantem, ut Conseruator de aliis, quam de manifestis iniuriis se intromittat. Hanc constitutionem confirmavit Gregorius X V. in Bulla de Conseruator. *ibid. n. 1.*

3. Hæc censura non est vniuersalis, nec cadit in quoscuq; procurantes, sed solum in partem, id est, in eum, qui est pars in iudicio.

iudicio. Quamobrem alij, qui non sunt partes, non contrahunt excommunicationem, procurando, ut Conseruator se intromittat in iis, quæ sub ipsius iurisdictionem non cadunt. *ibid. n. 5.*

4. Pars quæ hanc excommunicationem contraxit, non potest absolui antequam expensas parti quam indebitè vexauit, integrè compenfer; post integram verò satisfactionem potest iure communi à quolibet confessorio approbato absolui. *ibid.*

5. Conseruator debet esse Episcopus, aut Episcopo superior aut Abbas, aut alius habens dignitatem in cathedralibus, vel collegiatis: vnde inferitur Canonicos non posse esse Conseruatores, quia non dicuntur habere dignitatem. *ibid. n. 6.*

6. Conseruatoris officium durat vsque ad terminum in priuilegio præscriptum; quare si priuilegium concessum est in quinquennium, elapso quinquennio cessat officium, etiam quoad negotia iam cæpta. *ibid. n. 7.*

7. Episcopus conseruator à Summo Pontif. constitutus, hanc suspensionis pœnam non incurrit, si potestatem Conseruatoris excedat, quia Episcopi non afficiuntur pœna suspensionis, nisi specialiter sint expressi; hic autem non exprimuntur. *ibid. n. 9.*

8. Absolutio à suspensione quam Conseruator contraxit limites suæ potestatis excedens, reseruata est Summo Pontifici, quia lata est ad certum tempus, nèpe ad annum; anno vero elapso cessat suspensio. Si tamen delictum sit occultum, Episcopus, vel ab eo deputatus potest absolvere. *disp. 3. q. 5. punct. 2. p. 367. 10. 3.*

CONTRACTVS.

Contractus quid, & quotuplex?

1. **C**ontractus latè sumptus, ut donationē, & promissionem comprehendit, est conuentio duorum, vel plurium, in alterutro saltem obligationem pariens; strictè verò acceptus defini potest actus externus inter duos, vel plures ex consensu ipsorum vtriusque obligationem pariens, saltem quoad forum internum, modò sit validus: ius enim naturæ dictat seruandam esse promissionem alteri factam. *tom. 2. pag. 473. & 474. num. 1. & 2.*

2. Qui promisit aliquid cum iuramento, non tenetur stare promissioni, sed potest illam reuocare antequam acceptetur: quia iuramentum sequitur naturam promissionis, quæ non obligat, nisi acceptetur. *pag. 474. n. 4.*

3. Contractus irritus propter bonum commune, non firmatur iuramento: huiusmodi enim iuramentum fit in præiudicium boni communis; quare hoc iuramentum non indiget relaxa-

F s tione.

tione. Contractus autem irritus, præcipue propter commodum priuatum; firmatur iuramento, modò non contineat vllam turpitudinem. Sic contractus, quo vxor consentit in alienationem fundi dotalis, iure positio est irritus; at si addatur illi iuramentum, sit validus, modò iuramentum sit de futuro, ita vt contrahens iuret se non reuocaturum contractum. Porro illud iuramentum, ante, vel post contractum fieri potest, modò fiat à pubere; nam iuramentum factum ante pubertatem non obligat. *tom. 2. pag. 474. & 475. num. 7. & 8.*

4. Contractus non firmatur iuramento, quod est contrarium alteri iuramento priùs facto, vt si vxor vendat fundum dotalem cum iuramento non contrahendi, sed priùs iurauerat se non vendituram: cum enim venditio fundi dotalis sit actus illicitus, vtpote contrarius priori iuramento, iuramentum additum non dat illi robur & valorem. Secùs dicendum, si contractus factus contra prius iuramentum, non indigeat iuramento, vt sit validus; tunc enim contractus est validus, quamuis illicitus. *p. 475. num. 10.*

5. Obligatio iuramenti appositi in contractu, vel promissione, non transit ad hæredes, quando iuramentum homini factum non cadit supra contractum validum, nec illum facit validum: quia iuramentum est vinculum personale. Quando verò iuramentum cadit supra contractum validum, aut etiam supra inuvalidum, sed illum efficit validum, hæredes tenentur adimplere contractum; quia obligatio ex contractu cum sit realis, transmittitur ad hæredes. Si tamen contractum non adimpleant, non censentur perjuri; quia ipsi non obstringuntur iuramento, cum sit vinculum personale. *ibid. num. 14.*

6. Quando iuramentum non firmat contractum, potest qui iurauit obtinere relaxationem iuramenti, & sic excusari à solutione; aut potest facta solutione repetere rem solutam, iurauerat enim se soluturum, sed non iurauerat se non repetiturum. Quando verò iuramentum firmat contractum, non videtur posse relaxari: relaxatio enim fieret in damnum tertij, qui ius acquisiuit per validitatem contractus. Quamuis autem prætextu læsionis relaxari soleat huiusmodi iuramentum à Papa, vel Episcopo ad effectum agendi; tamen hæc relaxatio non irritat contractum, sed facit, vt sine periurio agi possit in iudicio ad rescindendum contractum. *tom. 2. pag. 475. num. 15.*

7. Relaxatio iuramenti peti, atque obtineri potest, quando iuramentum extortum est per iniuriã, seu quando turpitudine intercessit ex parte illius, cui præstitum est iuramentum, hic enim nullum ius acquisiuit per huiusmodi iuramentum. Quare iuramen-

tum per vim seu metū, aut dolum exortum relaxari potest. *ibid.*

8 Non est cuiusvis obligationē iuramenti condonare, sed vel illius, cui factum est iuramentum (potest enim cedere iuri suo) vel legitimi superioris, id est, iudicis ordinarij, quando iuramentum exortum est per iniuriam: iudex enim ordinarius est iudex illius contractus, ac proinde potest remittere, & condonare obligationem illius. At si vinculum iuramenti relaxandum sit tantū ob bonum commune, condonatio illius pertinet ad supremum Principem in temporalibus, vel spiritualibus. Non tamen potest laicus iudex condonare obligationem acquisitam clerico. Porro vinculum spirituale iuramenti non ab alio, quā a superiore Ecclesiastico relaxari potest. *ibid. num. 16. & pag. 477.*

9. Contractus alius est *onerofus*, seu *non gratuitus*, per quem onus imponitur, vt venditio, emptio, &c. Alius *gratuitus*, seu *lucratus*, quo aliquid promittitur, vel traditur absque pretio, vel mercede, vt cōmodatum, mutuum, precarium, &c. Rursus alius fit *in gratiam recipientis tantum*, vt mutuum; alius *in gratiam tradentis tantum*, vt depositum; alius *in gratiam utriusque*, vt emptio. permutatio, &c. Alius est *absolutus*, alius *conditionalis*. Alius *licitus*, alius *illicitus*. Alius *perpetuus*, alius *tēporalis*. Alius *nominatus*, qui proprium habet nomen; alius *innominatus* qui proprio caret nomine, huius quatuor sunt species. 1. *do vt des. 2. do vt facias. 3. facio vt des. 4. facio vt facias*. Alius est *bona fidei*, in quo iudex ex æquo, & bono iudicat, non ex rigore legis: alius *stricti iuris*, in quo iudex iudicat ex rigore legis. Alij perficiuntur re ipsa; alij scriptura; alij verbis. Denique alius contractus dicitur *pactum nudum*, quod in sola conuentione consistit: alius dicitur *pactum vestitum*, quod maiorem habet firmitatem, & robur, quā habeat pactum nudum. Contractus, & quasi cōtractus in hoc differunt, quod contractus est actus externus inter duos, vel plures, vtrō, citrōque obligationem pariens: nomine verō quasi contractus intelligitur tutela, cura, negotia gesta, & alia, quæ fiunt ex aliquo officio, sed non conflunt ex vero contractu. *tom 2. pag. 477. 478. num. 21. & 22.*

Contractus quis validus, quis inualidus?

10. Error in contractu vel contingit circa substantiam rei, vel circa qualitatem, & accidentia. Quando contingit circa substantiam, irritat contractum; tunc enim non adest consensus: vt si emptori volenti emere gemmam, detur vitrum, inualidus est contractus defectu consensus. Quod verum est, etiam si error sit tantum comitans, nec vllō modo inducat ad contrahendum. quia cum eo errore non adest cognitio, ac proinde neque consensus,

sensus; licet enim error comitans non faciat inuoluntarium, nihilominus neque facit voluntarium. At quâdo error contingit circa qualitatem, non irritat contractum, modò non adsit dolus dans causam contractui: quia cum hoc errore adest consensus sufficiens ad contractum, ut patet in matrimonio: si quis enim contrahat cum Berta, credens illam esse diuitem, aut virginem, validè contrahit, etiam si postea neutrum inueniat. *ibid. num. 1. & seq.*

11. Dolus aliquando dat causam contractui, aliquando incidit in contractum. Dat causam contractui, quando quis inducitur ad contrahendum, non contracturus, si dolus non adest. Dolus autem incidit in contractum, quando contrahentes adhuc contraxissent, secluso dolo, sed non ita libenter. Quiuis contractus, præter matrimonium, celebratus per dolum, qui dedit causam contractui, iure positio est inualidus in foro conscientiae, si dolus proueniat ab altero contrahentium: quia non adest consensus sufficiens. *tom. 2. pag. 479. num. 2. & 3.*

12. Quando contractus fuit inualidè celebratus ob dolum, qui dedit illi causam, si deceptus velit persistere in contractu, decipiens non tenetur autè iudicis sententiam stare contractui: quia contractus onerosus non claudicat, id est, non obligat ex vna parte, nisi etiam obliget ex alia; cum ergo non obliget ex parte decepti, neque obligabit ex parte decipientis: tenetur tamen decipiens rescire damna, quæ passus est deceptus; peccauit enim contra iusticiam. *ibid. num. 5.*

13. Contractus celebratus per dolum incidentem in contractum, validus est in vtroque foro: adest enim consensus sufficiens ad contrahendum, quippe contrahens consentit, & adhuc consensisset, si abfuisset dolus; neque vllum ius irritat huiusmodi contractum. Decipiens tamen tenetur ad restitutionem damnorum, quæ ob id passus est deceptus, qui, si velit, potest pactum rescindere, decipiens verò non potest, nisi deceptus consentiat. *tom. 2. pag. 480. num. 6.*

14. Adhibens dolum in contractibus, per se loquendo, peccat mort. violat enim iusticiam: fieri tamen potest, ut peccet tantum venialiter, ut si quis mentiendo dicat, v. g. vinum esse talis loci, quo mendacio cognito, emptor non emisset, vel non tanti, non videtur mort. peccare, modò vinum sit æqualis valoris, aut excessus non sit tantus, ut sufficiat ad peccatum mort. *ibid. n. 7.*

15. Accepta per simulationem, vel dolum versantem circa causam finalem, & motiuam sunt restituenda: quia promissio, vel donatio hoc modo facta est inualida. Accepta verò per dolum versantem circa causam impulsuam non sunt restituenda: vali-

da enim est promissio, seu donatio hoc modo facta, cum adsit sufficiens consensus promittentis, seu donantis. Hinc patet validam esse collationem beneficii, quod Episcopus contulit clerico alioquin idoneo, sed affecto aliquibus defectibus, quos si Episcopus cognouisset, vix ei beneficium contulisset: quia dolus non versatur circa causam finalem collationis beneficii, cum clericus sit idoneus. *ibid. num. 8. & 13.*

16. Metus alius est *cadens in constantem virum*, qui *gravis* appellatur; alius *non cadens*, & *lenis* nuncupatur. Ad metum cadentem in constantem virum reuocatur metus reuerentialis, si sit coniunctus cum minis, aut verberibus. Ad eundem reuocantur etiam preces importunæ superiorum. Contractus celebratus per metum grauem, aut leuem, validus est iure naturæ: quia metus facit tantum inuoluntarium mixtum, cum quo stare potest consensus sufficiens ad contrahendum. *tom. 2. pag. 481. num. 1. & 2.* Est etiam validus iure positiuo, quibusdam casibus exceptis: cum enim ius præcipiat infirmari contractum per metum celebratum, argumento est antea fuisse validum. *ibid. num. 3.*

17. Contractus autem per metum grauem iniuste incussus celebrati hi sunt inualidi. 1. contractus matrimonij, & sponsalium. 2. contractus dotis promissæ, vel solutæ. 3. absolutio censuræ. 4. renunciatio beneficii. 5. testimonium in testamentis. 6. donatio, & quæ vim habent donationis. *ibid.*

18. Contractus celebratus per metum grauem, aut leuem iniuste incussus, irritandus est ad arbitriū eius, qui passus est metum. Excipitur matrimonium metu leui celebratum, quod semel validè celebratum, non potest irritari. Excipitur item votum solenne, cum metu leui emissum. Neque datur actio in foro externo ad rescindendum contractum metu leui celebratum. *ibid. n. 4.*

19. Contractus celebratus per metum iuste incussus ad eliciendum consensum, non est rescindendus: nulla enim iniuria interuenit propter quam rescindi debeat. Vnde sequitur acquisita in contractu per metum iuste incussum celebrato, non esse restituenda. Secus dicendum de extortis per metum iniustum. *tom. 2. pag. 482. num. 6.*

20. Extorta per preces importunas, aut per metum reuerentialem, sunt restituenda, quando extorta fuerunt ab eo, qui dedit inuitus ad redimendam molestiam, & vitandam importunitatem precum, vel alia incommoda; modò is, qui dedit inuitus, adhuc maneat inuitus, & credatur optare sibi fieri restitutionem. *ibid. num. 10.*

21. Valida est promissio, quam Titius fecit Caio ob metum iustæ accusationis, quæ fieri poterat apud iudicem: vt si Titius
hudo

ludo verito aliquid acquisiuit à Caio, quod Caius potest in iudicio repetere, tanquam perditum ludo verito. Titius verò Caio minanti repetitionem apud iudicem aliquid promittit, vel soluit vt desistat à receptione, certum est Caium posse solum retinere, & promissum recipere, quia iustè minatus est, nisi minatus sit animo ficto ad incutiendum terrorem, & aliquid extorquendum; tunc enim promissio non esset valida. *ibid. num. 12.*

22. Contractus celebratus sine solemnitate substantiali à iure requisita est inualidus in vtroque foro, excepto testamento causa pietatis factò: quia forma præscripta à iure dat valorem contractui. Vnde sequitur hæredē ab intestato non teneri quidquam tradere hæredi instituto per testamentū minus solemnne, nisi forè ex honestate; quia ex testamento non solemnni nulla oritur obligatio; excepto testamento, vel legato ad pias causas. Neque tenetur hæres in conscientia, adimplere voluntatem testatoris in schedula ipsius manu expressam, quia deest solemnitas à iure requisita. Tamen inter liberos hæc schedula vim habet testamenti. *tom. 2. pag. 482. 483. num. 2.6. & 13.*

23. Ad valorē testamenti facti ad pias causas non requiritur solemnitas iuris ciuilis, sed sufficit solemnitas iuris gentium, neque necessarij sunt testes in foro cōscientiæ, sed sufficit, vt testator possit disponere, & liberè disponat, & ille, in cuius fauorē disponit, sit capax. Vnde sequitur per testamentū solemnne ad pias causas reuocari prius testamentum quamuis solemnne, & hæredem in conscientia teneri adimplere voluntatem testatoris in schedula expressam: quia in iis, quæ pertinent ad pias causas, non est necessaria solemnitas iuris. *tom. 1. pag. 583. num. 14. & seq.*

24. Testamentum causa pietatis sine solemnitate factum non videtur validum quoad legata profana in eo contenta, & laicis relicta ex nulla causa pietatis: quia huiusmodi legata subsunt dispositioni iuris ciuilis, ius autem ciuile irritat contractus celebratos sine solemnitate. Legata autem pia facta in testamento inualido defectu solemnitatis, sunt valida: quia non irritantur per ius ciuile, quod nullam habet potestatem circa causas pias. *tom. 2. pag. 484. num. 18.*

25. Si testator cœpit condere testamentum ad pias causas, sed antequam perficeretur testamentum, è vita migravit, in foro conscientiæ tradenda est hæreditas, seu legatum relictum piæ causæ: voluntas enim defuncti seruanda est præsertim in iis, quæ pertinent ad pias causas. An autem tradenda sit tota hæreditas, cum testator non perfecit testamentum, standum est iudicio prudentis viri, qui spectatis circumstantiis, ex æquo, & bono iudicabit. *ibid. num. 21.*

26. Hæres, cui post ipsius institutionem, testator absque testibus declarat velle se hæreditatem restitui alicui per fideicommissum, tenetur eam restituere, non vi testamenti, sed ratione promissionis, & pacti, quod censetur fecisse cum testatore, nisi expresse neget coram testatore se restitutum: tunc enim nõ obligatur vi promissionis, aut pacti, cum non consenserit *ibid. n. 22.*

27. Contractus factus cum solemnitate iuris est validus, etiã si prohibeatur non tantum quoad circumstantias loci, aut temporis, sed etiam quoad substantiam, & apponatur pœna transgressoribus, modò non addatur particula irritans, nec aliter cõstet de mente prohibentis: multa enim fieri prohibentur, quæ tamen facta tenent, nisi irritentur. At si lex præscribat certam solemnitatem ad contractum, & irritet aliter factum, contractus est inualidus defectu solemnitatis substantialis. *ibid. n. 23.*

28. Dispositio facta ob causam finalem, ea subsistente, valida est; non subsistente autem, est inualida, nisi aliter constet, vel rationabiliter præsumatur de voluntate disponentis: dispositio enim vim tribuit intentio disponentis. Vnde sequitur inualidum esse testamentum factum ex causa finali falsa; valida verò esse legata in eo contenta, si causa finalis ipsorum subsistat, quia vtile per inutile non vitiatur. *tom. 2. pag. 485. n. 2.*

29. Valida est dispositio, & donatio, qua quis donat aliquid alteri ob aliquem finem, sed non intendit ad illum obligare, sed tantum allucere. Sic potest mulier accipere, & retinere munera, quæ sibi dantur ad ipsius animum flectendum ad opus turpe, etiã si ipsa non intendat obsequi libidini donantis. Quia donatio non est conditionata sed absoluta, facta non animo obligandi, sed tantum allucendi ad turpe opus. Quod verum est, etiã si donator sit ita dispositus, ut non tradidisset, si credidisset feminam non flectendam; adhuc enim subsistit causa finalis, cum tradat, ut possit flectere, quamvis re ipsa non flectat. *ibid. n. 3.*

30. Contractus, seu dispositio *modalis*, id est, facta sub modo, seu clausula onus adiiciente, valida est, etiã si modus non adimpleatur: quia modus non suspendit valorem contractus, seu dispositionis. Hoc ramen intelligendum est, dummodò non sit modus contrarius substantiæ contractus, seu donationis, cui apponitur: huiusmodi enim modus, seu conditio adhibita in contractu, destruit contractum. Ut si quis mutuò det alteri pecuniam cum pacto, ut aliquid accipiat supra sortem, is non dicitur verum contractum mutui inire, sed potius usurarium, quia apponit conditionem contrariam substantiæ mutui; de cuius essentia est ut gratis detur. *ibid. n. 4.*

31. Donatio facta sub modo, seu sub conditione, non potest reuocari,

reuocari, si donatarius non adimpleuerit conditionem, modò illa conditio non fuerit causa finalis, sed solum impulsua: valida enim est dispositio, subsistente causa finali, etiam si impulsua non subsistat. Hinc sequitur puellam, cui legata sunt centum si nubat, posse illa centum retinere etiam si religionem ingrediatur, aut in sæculo maneat innupta: quia illa conditio videtur tantum fuisse causa impulsua. At si puellæ relicta sint centum, vt nubat consanguineo, aut filio disponentis, modus videtur fuisse causa finalis; consequenter puellæ nolenti nubere non sunt soluenda centum. *ibid. n. 5.*

32. In dubio an modus fuerit appositus, tanquam causa finalis, an tanquam causa impulsua, iudicandum est appositum fuisse tanquam causam impulsuam, quando modus respicit commodum illius in quem dispositio confertur: in dubio enim, præsertim in fauorabilibus; præsumendum est pro validitate actus. *tom. 2. pag. 486. n. 6.*

33. Contractus, seu dispositio facta sub conditione aliqua honesta, & possibili de futuro euentu incerto adiecto in ipso contractu, non est valida nisi posita conditione: quia talis est intentio disponentis. At disponentis sub conditione, quam putabat possibilem, cognita impossibilitate, non tenetur stare dispositioni, cum sit inualida. Hoc tamen est speciale in matrimonio, institutione hæredis, fideicommissio, legato, & donatione causa mortis, vt conditio impossibilis, & turpis, modò non sit contra substantiam matrimonij, &c. habeatur pro non apposita; consequenter matrimonium sit validum, si adsit consensus absolutus de præsentibus. Item in vltimis voluntatibus ius voluit conditionem turpem, & impossibilem haberi pro non adiecta, saltem in foro exerno, vt lites, quæ inde possent suboriri, tollantur. *ibid. num. 10.*

34. Hæc conditio si uxorem non duxeris. si non nupseris, reijcitur à iure, & habetur pro non adiecta, in primis nuptiis: in secundis verò nuptiis, iure nouo, vim habet. Vnde sequitur viduam transeuntem ad secundas nuptias amittere hæreditatem, aut legatum sub ea conditione relictum, ne transeat ad secundas nuptias: ob id mortuo testatore non est tradenda hæreditas, vel legatum viduæ, nisi præstita cautione, vt si secundò nupserit, restituat legatum, vel hæreditatem cum fructibus inde perceptis. *tom. 2. pag. 487. num. 10.*

35. Qui donauit, vel disposuit de re aliqua sub conditione, non potest ante conditionis euentum resiliere à donatione, seu dispositione (seclusa donatione causa mortis) sed tenetur expectare conditionis euentum. Vtrum quidè est liberaliter promittentem

tentem posse resilire ante acceptationem, sed posita acceptatione non potest. *tom. 2. pag. 488. num. 13.*

Contractum quis inire possit ?

36. Quisquis est usu rationis præditus, potest contrahere, modò habeat administrationem bonorum, de quibus contrahiturus est, nec à iure impediatur. Servi obligantur quidem naturaliter, & in conscientia, ad seruandum contractum, seu promissionem, ciuilitè tamen non obligantur, iure ita disponente: excipitur tamen promissio, seu pactum certæ pecuniæ pro libertate. Pupillus, aut minor 25. annis non potest absque licentia tutoris, aut curatoris validè contrahere, nisi in suum commodum; claudicat enim contractus in fauorem illius ætatis, modò minor contrahat cum maiore. Alienatio autem rei immobilis, vel etiam mobilis, quæ seruando seruari potest, facta à pupillo, vel minore de licentia tutoris, aut curatoris, est inualida in vtroque foro, nisi facta sit de sententia iudicis, & ex iusta causa: decretum enim iudicis per tabellionem actis inferendum est. *ibid. num. 1. & seq.*

37. Filiusfamilias, qui pubertatem attingit, vel est pubertati proximus, potest libere contrahere de bonis castrensibus, vel quasi castrensibus, cum illorum liberam habeat dispositionem. Secus dicendum de aduentitiis, & profectitiis. Potest tamen acquisita pubertate contrahere, seque aliis obligare etiam ciuilitè, modò sine præiudicio patris, vel alterius. Vnde fit, vt possit suas operas artificiales alicui locare, & aliò proficisci, nec posse à patre sine rationabili causa impediri, quin aliquam artem addiscat. *tom. 2. pag. 489. num. 14. & seq.*

38. Quando contractus est in vtilitatem, & commodum solius accipientis, tenetur accipiens ad refarciendum damnum sequutum, non solum ex dolo, vel lata, & leui, sed etiam ex leuissima culpa, excepto precario. Quare si quis ab alio librū accepit sibi commodatum, tenetur ad restitutionem, si furto sublatu est, etiam ex leuissima ipsius culpa. Ratio autem cur excipiat precarium, est, quia tradens precarium potest pro suo arbitratu precarium reuocare, commodatum verò non potest: quare precarium maiorem habet dependentiam à voluntate concedentis, quàm commodatum. *tom. 2. pag. 491. n. 5.*

39. Quando contractus est in commodum solius dantis, accipiens tenetur solum de dolo, & lata culpa: æquitas enim postulat, vt quis teneatur maiorem diligentiam adhibere in rebus alienis custodiendis, quàm in propriis. *ibid. num. 6.*

40. Quando contractus est in vtilitatem vtriusque contrahentis,

hentis, accipiens tenetur tantum de dolo, lata, & leui, non vero de leuissima culpa: nam æquitas postulat, vt non teneatur tantam adhibere diligentiam, quando rem accipit in commodum vtriusque; ac quando in suum ipsius priuatum commodum accipit. *ibid. num. 7.*

41. Caupones, stabularij, & nautæ, qui res alienas depositum accipiunt, accepto consuero stipendio, in foro externo tenentur de leuissima culpa, iure ita disponente ad correendam huiusmodi hominum malitiam, ne conuenirent cum furibus. In foro vero conscientie videntur teneri solum de dolo, lata & leui culpa, ratione contractus, vel quasi contractus in vtriusque partis utilitatem celebrati. *ibid. num. 19.*

42. Re percunte casu fortuito, accipiens non tenetur ad restitutionem, excepto pacto, culpa, & mora. Vnde sequitur Titium, qui equum accepit commodato Venetias versus; sed ipso contra pactum sceleratus contulit in Germaniam, vbi equus in flumine, vel alio casu periit, teneri ad restitutionem ratione culpæ commissæ, quia ex vi contractus poterat vti equo solum Venetias versus, non vero Germaniam versus. Item qui pateram argentæam sibi commodatam distulit reddere ultra terminum constitutum, tenetur ad restitutionem, etiamsi patera furto ablata fuerit, transacto termino constituto ad eam restituendam *tom. 2. pag. 492. num. 21.*

43. In commodato non potest contrahens negligere rem alienam, vt conseruet propriam: quia tenetur ex leuissima. At in contractu pignoris contrahens non tenetur res proprias æqualis, vel maioris pretij negligere, vt conseruet alienas; sed potest iis neglectis conseruare res proprias: vir enim prudens idem faceret. Qui in tempestate proicit alienas merces ad seruandam vitam, nec ipse habebat merces in nauis, ad nullam tenetur restitutionem: at si habebat merces, tenetur pro sua parte ad restitutionem, quia tam suæ, quàm alienæ merces deprimunt nauim. *ibid. num. 22. & seq.*

Restitutio in integrum.

44. Restitutio in integrum est beneficium, seu remedium, quo aliquæ personæ læsæ restituuntur à iudice in pristinum ius, & statum, ita vt contractus validi cum ipsis celebrati rescindantur, si ipsis propter læsionem expediat, vt rescindatur contractus, vel vt augetur pretium, si in pretio læsæ sunt tam infra, quàm supra dimidiū, modò læsio notabilis sit. *to. 2. pag. 493 n. 1.*

45. Conceditur beneficiū restitutionis in integrum minoribus, id est, iis, qui nondum expleuerunt 25. ætatis annum, quando

do se aliquo contractu læsosprehendunt, vt si ven lidaunt rem minori pretio, quàm alioquin vendere oporteret. Ad hoc autem beneficium sex requiruntur. 1. vt contractus sit validus. 2. vt læsus sit minor ex vi contractus, vt videlicet non prudenter celebrauerit contractum. 3. vt læsio sit notabilis. 4. vt minor probet se fuisse læsum, & se minorem fuisse eo tempore, quo fuit læsus. 5. vt non adhibuerit iuramentum in ipso contractu, vel ante, vel post contractum se non vsurum remedio restitutionis. 6. vt non impetrauerit veniam ætatis à Principe, vel vt non ratificauerit contractum complet. s 25. annis. *ibid. n. 1. & 3.*

46. Minor, qui mutuam pecuniam accepit, & eam perdidit ludo, potest vi priuilegio restitutionis in integrum ad negandam solutionem, ita vt solum restituat, in quo factus fuerit ditior: quia cui conceditur repetitio ob damnum, eidem conceditur ius ne soluat. Item minor, cui à debitore facta fuit solutio, infcio turore, vel curatore, potest per iudicium compellere debitorem ad nouam solutionem, nisi pecunia adhuc extet, vel conuerfa sit in vsum minoris. *tom. 2. pag. 494. n. 7. & 9.*

47. Minor gaudere potest hoc priuilegio spatio quatuor annorum post elapsum 25. annum, seu postquam factus fuerit maior: hoc enim priuilegium durat per quatuor annos, modo minor non ratificauerit contractum expleto vigesimo quinto anno. At ille, cui ex iure municipali, seu ex statuto abbreviatur ætas (vt si minor ætas, quæ de iure communi est 25. annorum, redigatur ad 20. annos) non potest petere restitutionem in integrum pro contractu celebrato à 20. vsque ad 25. annum: quia huiusmodi abbreviatio idem operatur, quod impetratio veniæ ætatis; hæc autem excludit priuilegium restitutionis in integrum. *ibid. n. 11. & 12.*

48. Minor frui potest priuilegio restitutionis in integrum, quando celebravit contractum de consensu tutoris, vel curatoris, & auctoritate iudicis, non impetrata venia ætatis: hæc enim consensus requiritur tantum, vt consensus sit validus, non vero vt minor priuetur priuilegio restitutionis in integrum. Sequens dicendum, si minor impetrauit à Principe veniam ætatis, tunc enim censetur maior. Potest autem minor non solum rem ipsam, sed etiam fructus repetere, quando repetit rem alienaram contractu donationis: quia læsus est etiam in fructibus. At si minor repetat rem contractu oneroso, & iusto pretio alienatam, non potest in conscientia repetere fructus: tunc enim non videtur læsus in fructibus. *ibid. n. 14. & 18.*

49. Minor, qui non potest frui priuilegio restitutionis in integrum coram iudice, non potest uti occulta compensatione,

nisi acceperit læsionem adeo manifestam, vt constet illam ante iudicis sententiam resarciendam esse; quia minor non potest sibi ius dicere propria auctoritate. *ibid. n. 19.*

50. Priuilegium restitutionis in integrum extenditur per quadriennium ad Ecclesiam, seu loca pia, & ad rempublicam, seu communitatem. Hoc autem priuilegio non solum gaudent minores, respublica, & loca pia, verum etiam homines rudes, & mulieres, quæ ignorant iura: præterea filiis familiis quoad contractus onerosos, vel lucrosos de licentia patris celebratos ad sororum dotes, vel ad alias causas. Gaudent etiam milites, quandiu militiam profitentur. Item qui absunt ad negotia reipublicæ gerenda, ne contra eos currat præscriptio. Denique Principes quoad bona fisci, quæ reputantur bona reipublicæ. *tom. 2. pag. 595. n. 21. & 25.*

Contumelia.

1. **H**onor est actus reuerentiæ, qui tribuitur alteri in testimonium virtutis, & excellentiæ: hic autem honor præcipue læditur per contumeliam, quæ est iniuria, qua obicitur alteri crimen, vel alius defectus in ipsius præsentia: estque peccatum mortale ex suo genere; quia ex natura sua grauiter lædit honorem proximi: tamen ob paruitatem materiæ fieri potest veniale. *tom. 2. pag. 442. n. 1. 2. & 3.*

2. Omnes contumeliæ sunt eiusdem speciei; quia omnes conueniunt in eadē formali ratione auferendi honorē. Vnde fit, vt non sit necesse referre in confessione singulas cōtumelias, dicendo, *appellauī adulterum, stultum, ebrium, &c.* sed sufficit dicere, *toties intuli grauem contumeliam proximo.* Contumelia tamen illata parentibus habet specialem malitiam contrariam pietati parentibus debitæ, & consequenter hæc circumstantia omnino exprimenda est in confessione. Idem dicendum de derisione, subsannatione, & illusione contra parentes. *ibid. n. 5.*

3. Contumelia videtur peccatum grauius distractione ratione maioris inuoluntarij: nam contumelia fit in præsentia, & læsus iniquiore animo fert iniuriam, quæ sibi in præsentia infertur. Detractio verò leuior est ratione minoris inuoluntarij, cum in absentia fiat. *ibid. n. 8.*

4. Qui per contumeliam alterius honorem læsit grauiter, tenetur ad restitutionem, vel etiā ad satisfactionē; peccauit enim contra iustitiam cum damno proximi. Vnde sequitur honorem ablatum non solum restituendum esse apud ipsum dehonoratū, verum etiam apud alios, apud quos honor illius est diminutus. Restitui autem potest dando locum honorificum, adhibendo

hibendo ad mensam, humaniter salutando, vel si grauior fuit honoris latio, quàm vt hoc modo reparari possit, petendo veniam, quæ vulgo habetur magna satisfactio: ad hanc tamen non obligatur superior respectu inferioris, aut vir nobilis respectu hominis plebej, ne despectui habeatur. *10.2 pag. 443. n. 1. & seq.*

Correctio fraterna.

1. **E**X præcepto naturali, & diuino tenemur corrigere proximum correctione indigentem. Nec Christiani modò, verum etiam infideles, & peccatores ad id obligantur, peccantque mortaliter correctionem omittendo. Vnde sequitur peccatorem, qui alium delinquentem, sua correptione grauissimè indigentem, aliter corrigere non potest, nisi seipsum emendet, teneri ex charitate seipsum emendare per poenitentiam: nam qui tenetur ad finem, tenetur ad media. *tom. 2. pag. 169. n. 1. & 2.*

2. Peccatum mortale est materia necessaria correctionis: quia per quodlibet mortale salus proximi exponitur periculo. Peccatum verò veniale non tenemur corrigere, nisi disponat ad mortale, aut magnum alijs afferat detrimentum. *ibid. n. 3.*

3. Non tantum corrigendi sunt subditi, vel æquales, sed etiam superiores, modò subsit spes emendationis. Non tamen publicè reprehendenda sunt peccata Prælatorum occulta: publica autem publicè castiganda sunt, quoties ita postulat bonum commune, modò inde speretur fructus. *tom. 2. pag. 170. num. 5.*

4. Præceptum correctionis tunc obligat, quando hæ conditiones concurrunt. 1. si adsit certa cognitio peccati. 2. si nullus adsit magis idoneus ad corrigendum, aut cui ex officio id incumbat. 3. si adsit spes emendationis, propterea non est corrigendus proximus, dum ira æstuat, sed expectandum, donec defuerit, vt correctio sit salubris. In dubio verò an correctio sit profutura, & timeatur, ne sit obfutura, non tenemur correctionem adhibere: quia correctio dirigitur ad emendationem, non autem ad destructionem. Ideo si hominem mihi ignotum videam, vel audiam peccantem, non teneor corripere; cum enim eius ingenium ignorem, fieri potest, vt ira percitus verba proferat contumeliosa, aut aliud peccatum committat: modò tamen peccatum delinquentis non vergat in damnum commune. Quamobrem concionator debet in peccata inuehi, quamuis nonnullorum ruina inde timeatur: hæc enim correptio dirigitur ad bonum publicum. *ibid. n. 7. & 8.*

5. Peccantem ex ignorantia vincibili tenemur corrigere, si sit spes emendationis. Quare poenitens, qui cum vincibili ignorant

rancia impedienti dirimentis contraxit matrimonium, est à confessario admonendus de inualiditate matrimonij. Peccantem verò ex ignorantia inuincibili debemus corrigere, si ad id officio tenemur; modò sit spes fructus, & emendationis: alioquin illi laqueum iniceremus. Si verò non incumbit nobis cura admonendi ex officio, non tenemur ex ignorantia inuincibili peccantem corrigere: quia faciens aliquid ex ignorantia inculpabili iuris, vel facti non peccat, consequenter ipsius salus non periclitatur. Hoc tamen limitandum videtur, modò ex illa ignorantia non oriatur damnum tertij, aut ipsius ignorantis, aut scandalum, vel irreuerentia Dei, aut religionis; tunc enim admonitio est adhibenda: sic admonendus est, qui ea, quæ sunt ad salutem necessaria, inuincibiliter ignorat; item qui ex ignorantia inculpabili detinet rem alienam, ne tertius damnum patiatur, &c. tom. 2. pag. 170. 171. num. 1.

6. Ex ignorantia inuincibili peccantem non tenemur corrigere cum periculo vitæ, vel grauis damni; quia eius salus non periclitatur. Peccantem ex malitia non tenemur, nisi adsit spes fructus, & alioquin delinquens moriturus sit in peccato mortali; tunc enim censetur esse in extrema necessitate. Peccantem verò ex ignorantia culpabili tenemur ex charitate corrigere, etiam cum periculo vitæ, modò adsit spes valde probabilis emendationis, & delinquens extrema necessitate laboret. pag. 171. num. 12.

7. Non modò non tenemur, verùm etiam non possumus saluti spirituali proximi consulere cum damno proprio spirituali, etiam si totius Reip. salus ageretur. Vnde sequitur non licere peccatum veniale, vel leuissimum committere, vt graue proximi peccatum euitetur. *ibid.*

8. In correctione fraterna hic ordo seruandus, quem Christus in Euangelio Matth. 18. præscripsit. 1. delinquens secretò monendus, modò delictum sit occultum. 2. Si priuata correctio nihil profuit, testes adhibendi. 3. si ne hoc quidem profuit, superiori denunciandus. 4. vt peccator incorrigibilis vitandus. *ibid.* num. 13.

9. Si frater post priuatam admonitionem, vel etiam sine admonitione, sponte resipuit, non est Prælato denunciandus, etiam si ordinarium imminet periculum relabendi: quia non licet proximi famam prodigere sine necessitate. Hoc tamen limitandum, nisi frater sit admodum negligens in eiusdem peccati occasionibus præcauendis. *ibid.* num. 17.


10. Contra delinquentem per correctionem non emendatum potest Prælatus iudicialiter procedere, modò priùs seruatus fuerit

fuertit ordo correctionis, & delinquens emendari neglexerit: sic enim vtiliter geritur negotium delinquentis, omni conatu adhibito, vt à peccato reuocetur. *tom. 2. pag. 172. num. 18.*

D.

D E C I M Æ.

Decima quid, & quodplex.

I.  **DECIMA** est quota bonorum debita Ecclesiæ ministris in ipsorum subsidium, & sustentationem, iuxta illud 1. Corinth. 9. *Qui spiritualia seminant, temporalia metunt.* Decimæ duobus modis considerari possunt. 1. vt dicunt partem aliquam indefinitam necessariam ad ministrorum Ecclesiæ sustentationem, & hæc pars illis debetur iure diuino, & naturali. 2. vt dicunt partem determinatam, id est, decimam partem fructuum, & hæc pars debetur iure Ecclesiastico; hanc enim partem Ecclesia taxauit. *tom. 2. pag. 346. num. 1. & seq.*

2. Decima triplex est; *Personalis*, quæ est decima pars fructuum prouenientium ex industria, & opera personæ, vt ex mercatura, venatione, &c. *Prædialis*, seu *realis*, quæ est decima, seu quota pars fructuum, qui ex prædiis percipiuntur, vt est vinum, oleum, &c. *Mixta*, quæ partim ex hominis industria, partim ex prædiis prouenit, vt fœtus animalium, lana, lac, caseus, &c. Non debetur autem decima ex pinguedine, quia pinguedo non est fructus. *tom. 2. pag. 347. num. 1. & seq.*

3. Decimæ personales soluendæ sunt ab iis omnibus, qui Sacramenta suscipiunt, illi Ecclesiæ parochiali, in qua sunt suscipienda. Qui autem domum habet in confinio duarum parochiarum, debet decimam inter illas diuidere. Ad dignoscendum vero ad quam parochiam domus pertineat, inspicendus est ianua principalis situs; nam domus ad eam parochiam spectat, in qua ianua principalis sita est. *ibid.*

4. De illicitè acquisitis, præciso scandalo, aut speciali prohibitione, decima tradi, & accipi potest: nam qui turpiter lucratur, non debet esse melioris conditionis eo, qui licitè lucratur, & accipiens oblationes, vel decimas rerum illicitè acquisitarum, non cooperatur actioni turpi, & illicitæ. *tom. 2. pag. 348. num. 3.*

5. Non soluentibus decimas, nec legitimam excusationem habentibus, possunt denegari Sacramenta, modò id publica autoritate fiat (parochus enim non habet iurisdictionem

in foro externo) aut modò delictum sit publicum , & certum. Prælati autem, & iudices Ecclesiastici cogere possunt, etiam per censuras, soluendas decimas: ad id tamen non tenentur, quando scandalum timetur. *ibid.*

6. Decimæ prædiales soluendæ sunt ab illis omnibus, qui prædia titulo non spirituali possident: soluendæ autem sunt illi Ecclesiæ, cui subiecta sunt prædia. Vnde sequitur pia loca, vt monasteria, &c. obligari ad soluendas decimas, nisi ob necessitatem excusentur, vel nisi priuilegio, aut consuetudine eximantur: bona enim transeunt cum onere. Secus dicendum de decimis personalibus: ab iis enim religiosi, & clerici priuilegio eximuntur. De iis autem, quæ percipiuntur ex patrimonio, ad cuius titulum clericus promotus fuit, debentur decimæ, si habet prædia, quibus adnexum sit onus decimarum: alij enim clerici non habentes huiusmodi prædia non tenentur ad decimas, modò ipsi non recipiant ab alijs Sacramenta. *ibid. num. 5.*

7. Decimæ prædiales soluendæ sunt ex fructibus prædiorum, agrorum, vinearum, pratorum, hortorum, &c. ex pensionibus domorum, quæ locantur, & prouentibus molendinorum, ex lignis nemorum, quæ venduntur, ex lapidibus, qui ex lapidicinis eruantur, ex fructibus rerum se mouentium, vt ouium, bouum, equorum, &c. ex Piscariis, &c. *tom. 2. pag. 349. n. 9.*

8. Quando plures ex iisdem prædijs fructus colligunt, onus soluendi decimas incumbit illi, qui ius primariò, & principaliter habet in fructus pro rata iuris. Quocirca quando dominus agri locauit agrum colono cum onere diuidendi fructus æqualiter, vterque debet dimidiam decimam soluere. Quando verò dominus locauit prædia colono pro pecunia sibi soluenda, translato iure fructuum in conductorem, integra decima soluenda est ab ipso conductore. A colono autem mercenario, qui conductus fuit ad colendum agrum pro certa fructuum parte, non est soluenda decima prædialis: quia onus incumbit illi primariò, & principaliter ius habet in fructus. *ibid. num. 10.*

9. Dominus agri non tenetur soluere decimas ex fructibus, quos sua culpa non collegit, vt si noluit agrum colere, aut ab eluione defendere, si segetes combussit, & aut conculcauit, si arbores succidit, &c. quia decimæ soluendæ sunt ex frugibus collectis, non autem ex colligendis. *tom. 2. pag. 350. n. 11.*

10. Parochus cuius prædia sita sunt intra terminos alterius parochiæ, tenetur soluere decimas illi Ecclesiæ in cuius parochia sita sunt, præcisa consuetudine in contrarium. *ibid. num. 13.*

11. Clerici, & Episcopi tenentur soluere decimas Papæ, si exigant

exigantur: Papa enim habet ius eas exigendi non tantum à clericis, sed etiam à laicis: de facto tamen non solet eas exigere præcisa Ecclesiæ necessitate, sed ex beneficiis, quæ in Curia Rom. obtinentur, solet accipere annatas. *ibid. num. 14.*

12. Ecclesia, quæ ius habet exigendi decimas prædiales, potest exigere decimas præterito tempore non solutas, tam ab emptore prædij, ad quem res transiit cum onere, quam à venditore, qui Ecclesiam defraudauit: poterit tamen emptor, qui cogitur soluere decimas, tantum exigere à venditore, quantum valent decimæ, quia venditor percepit fructus obnoxios decimis, non verò emptor. *ibid. num. 15.*

13. Decimæ mixtæ soluendæ sunt iuxta receptam locorum consuetudinem: præcisa verò consuetudine, si magis accedunt ad personales, soluendæ sunt ut personales: si magis accedunt ad prædiales, soluendæ sunt ut prædiales. Quando animalia in vna parochia pascuntur, & in alia commorantur, decimæ sunt inter parochias diuidendæ. Item quando Ecclesiæ sunt diuersæ, diuidenda videtur decima animalium inter Ecclesiam in qua suscipiuntur Sacramenta, & Ecclesiam cui subiecta sunt prædia in quibus animalia pasci consueuerunt. *ibid. num. 16.*

14. Quidecimas non soluunt, duo peccata committunt, primò enim peccant contra iustitiam, quia faciunt contra ius quod alter habet ad exigendas decimas, consequenter tenentur ad restitutionem, non solum quando nullam decimam omnino soluunt, verum etiam quando soluunt tantum partem, aut quando mala fide assignant partem deteriore. Secundò, peccare videntur peccato sacrilegij, quia non soluunt rem Ecclesiæ debitam, & sacris vsibus deputatam: tamen propriè, & strictè loquendo non est sacrilegium, quia decima, secundum se, est quid temporale. *tom. 2. pag. 351. num. 18.*

15. In soluendis decimis prædialibus non sunt detrahendæ expensæ factæ in colendo agro, aut in meliorandis prædiis, vel domibus, neque detrahenda est seminis æstimatio, aut tributum, vel census, qui alteri soluitur, sed ante omnia soluendæ sunt decimæ ex omnibus fructibus antequam deducantur expensæ, vel tributa, aut alia debita. Quare verum est illud axioma, decimam integrè soluendam esse, nulla prius deducta pensione, contractus enim de soluenda pensione celebrari non potuit cum iniuria, & damno Ecclesiæ. At in decimis personalibus detrahendæ sunt impensæ, quia soluuntur ex lucro acquisito per hominis industriam, lucrum autem dicitur, quod superest deductis expensis. *ibid. num. 19.*

Decima quando, & ubi soluenda?

16. Decima personalis soluenda est post lucrum acquisitum: quia soluitur ex lucro: seruanda tamen est consuetudo, quæ alibi obtinuit, vt in fine anni soluatur. Decima prædialis soluenda est statim, ac fructus collecti sunt: quia debetur ex fructibus collectis. Peccat, qui statuto tempore decimas non soluit etiam si non petantur: in foro tamen externo non censetur esse mora, nisi post præuiam petitionem, aut monitionem. *ibid. num. 1.*

17. Decima soluenda est in loco, in quo ex recepta consuetudine solui consuevit. potuit enim hac in re legitima consuetudo introduci. Fideles, per se loquendo, non tenentur propriis expensis deferre decimam in horrea clericorum: ius enim hoc non præcipit: si tamen legitima consuetudine contrarium receptum est, seruanda erit consuetudo, quæ vim habet legis: erit autem legitima consuetudo, si spatio decem annorum, tanquam ex obligatione, seruata fuit: consuetudo enim, quæ iuri non aduersatur, spatio decem annorum introducitur, & vim habet legis. *ibid. n. 3.*

Decimarum soluendarum obligatio.

18. Si spectetur decima quatenus dicit quoriam fructuum partem potest à Papa condonari: quatenus verò dicit eam partem, quæ necessaria est ad ministrorum Ecclesiæ sustentationem, non potest, nisi aliunde prospiciatur de necessariis ad illorum sustentationem: nam huiusmodi decima debetur iure diuino, & naturali, quod dispensationem non admittit. *tom. 2. pag. 352. n. 1.*

19. Priuilegium non soluendi decimas potest quidem à Summo Pontifice sine causa validè concedi, non tamen licitè. Habens autem priuilegium non soluendi decimas, liber est ab obligatione, seu debito reali soluendi decimas antea impositas. *ibid. num. 2. & 3.*

20. Obligatio soluendi decimas in futurum videtur auferri posse per compositionem, interueniente Summi Pontif. auctoritate; per solam verò Episcopi auctoritatem non potest: quia decima iure communi debetur Ecclesiæ; non potest autem Episcopus in iure communi dispensare. Tamen Prælarus Ecclesiæ, aut beneficiarius potest decimas sibi debitas condonare: potest enim cedere iure suo. Immo de præteritis decimis, absque assensu Apostolico, fieri potest remissio; quia nulla interuenit prohibitio, aut simoniæ labes. *ibid. num. 4.*

21. Vt quis per consuetudinem fiat immunis à decimis, requiritur vt communitas consueuerit non soluere decimas spatio quadraginta annorum: tot enim requiruntur ad legitimam consuetudinem

ſuetudinem contra ius Eccleſiæ inducendam. Particulæres perſonæ poſſunt fieri immunes per legitimam præſcriptionem ab obligatione decimarum. Legitima autem præſcriptio in hac materia contingit, quando quis non conſuevit ſolueredecimas per tempus immemoriale, nullo interueniente titulo aut per 40. annos, interueniente titulo, ſaltem probabiliter præſumpto. *tom. 2. pag. 3 53. num. 7.*

22. Decima petenda eſt coram iudice Eccleſiaſtico: cauſa enim decimarum eſt Eccleſiaſtica. Quare iudex ciuiliſ non poteſt ſimul cum Eccleſiaſtico cauſam decimarum cognoscere etiam titulo compromiſſi. Quanquam Summus Pontifex poteſt Principi ſæculari dare facultatem cognoscendi cauſas decimarum, *ibid. n. 1. & 2.*

23. Beneficiarius, cui ſublatis ſunt à laico fructus decimarum, qui iam ſoluti erant, poteſt coram ſæculari iudice hanc cauſam agere: nam in cauſa temporali ſequendum eſt forum rei: fructus autem ſunt res temporalis, non ſpiritualis, nec ampliùs connexionem habent cum titulo ſpirituali. *ibid. n. 2.*

Degradatio.

1. **D**egradatio duplex eſt, *verbalis, & actualis, ſeu realis. Verbalis*, quæ etiam appellatur *depoſitio*, eſt ſententia Eccleſiaſtica, qua perſona Eccleſiaſtica priuatur omni officio, & beneficio in perpetuum ſine ſpe illius conſequendi, non amiſſo priuilegio clericali. *Actualis*, ſeu *realis*, eſt pœna Eccleſiaſtica priuâs perſonam Eccleſiaſticam omni beneficio, officio, & priuilegio clericali in perpetuum abſque vlla ſpe illius conſequendi cum quadam ſolemnitate. *tom. 1. pag. 437. n. 1. & 2.*

2. Actus, quo quis traditur curiæ ſæculari, eſt effectus degradationis actualis; non tamen omnis degradatus traditur brachio ſæculari, præterquam in delictis enormibus, vt in homicidio ſui Epifcopi, crimine hæreſis, &c. neque realiter degradatus ſemper plectendus eſt pœna capitis. *ibid. n. 2.*

3. Verbaliter depoſitus gaudet nihilominus priuilegio canonis, & fori: conſequenter percuti non poteſt abſque excommunicatione, niſi fortè damnatus ad trirames, ex officio percutiatur à magiſtro: neque poteſt cogi, aut puniri à iudice ſæculari, niſi poſt depoſitionem verbalem factus ſit incorrigibilis. At realiter degradatus excidit priuilegio canonis, & fori: validè tamen conſecrat, quia per degradationem non amittit characterem Ordinis. *ibid. n. 3. & 5.*

4. Hæc ſunt crimina, quæ merentur degradationem verba-
lem

lem, adulterium, concubinitus perseverans post monitionem, simonia notoria, stuprum, incestus, furtum, periurium, homicidium, delictum, quo quis permittit sua culpa, suum parochianum decedere sine Baptismo, &c. Crimina quæ merentur realem degradationem, sunt homicidium qualificatum, hæresis, Sodomia sæpius exercita, &c. Degradatus fructibus beneficii non videtur alendus: sibi enim hoc imputet. *ibid. n. 6. & seq.*

5. Depositio verbalis Sacerdotis ad proprium Episcopum, vel eius Vicarium generalem spectat; actualis verò ad solum Episcopum. Prælati verò religionum non habent facultatem deponendi, vel degradandi suos subditos, nisi illis per privilegium, aut consuetudinem concedatur. Episcopus non consecratus non potest aliquem degradare, & actualiter deponere; verbaliter potest. *ibid. n. 9.*

6. In degradatione Sacerdotis sex alij Episcopi præter degradantem requiruntur, in degradatione diaconi, & subdiaconi, tres; sin Episcopi non adsint, adhibendi sunt totidē Abbates, vel aliæ personæ in dignitate Ecclesiastica constitutæ, iuxta Conc. Trid. *sess. 13. cap. 4.* Tamen in casu hæresis præfatus numerus non requiritur, sed sufficit convocari Abbates, aliosque Prælatos, & religiosos. Debent autem præfati Episcopi, seu Prælati adesse tanquam iudices, & suffragium ferre, omnibus consentientibus. *tom. 1. pag. 438. n. 12. & seq.*

7. Personæ, quæ degradari possunt, sunt personæ Ecclesiasticæ in ordine Ecclesiastico constitutæ, ut Episcopus, Sacerdos, Diaconus, &c. etiam clericus minoribus ordinibus initiatus. Nullus autem degradari potest absque accusatione, per viam solius inquisitionis, nisi delictum sit notorium, aut nisi reus sponte crimen fateatur. *ibid. n. 18. & 19.*

8. Is in quem sententia degradationis, seu depositionis realis lata fuit, non potest auctoritate Episcopi in pristinum statum restitui; quia realiter depositus caret omni spe restitutionis, modò depositio sit valida. At verbaliter solum depositus potest per Episcopum restitui, modò depositus fuerit ob adulterium, vel ob alia crimina adulterio minora; in his enim criminibus datur facultas Episcopo dispensandi post peractam à reo poenitentiam. Idem præstare potest Capitulum, Sede vacante, quia succedit in iurisdictionem Episcopi. Vnde patet à fortiori Episcopum, qui clericum deposuerat solum à beneficio, posse illum in beneficium restituere, modò beneficium non sit iuris patronatus; tunc enim requiritur consensus patroni. *tom. 1. pag. 438. 439. num. 19. & 21.*

9. Episcopus potest, attenta consuetudine, & praxi, verbaliter depositum

depositum restituere sine consensu Capituli: si tamen dispositio iuris attendatur, multi censent Episcopum non posse sine Capitulo restituere: nam in causis maioribus potestas ad Capitulum deuoluitur: sed standum est praxi, & legitimæ locorum consuetudini. pag. 439. num. 22.

DENUNCIATIO.

Ad denunciationem quinam obligentur?

1. **M**onitorium eos solùm obligat ad denunciandum, quos iudex seu superior intendit obligare; imò non obligat, nisi quos pars intendit in monitorio includi: cū enim iudex ferat monitorium in gratiam petentis; ligare non intendit ultra petitionem illius. *Qua* propter quando fertur excommunicatio in eos, qui aliquid iniuste subtraxerunt ex bonis Titij, aut in cōscios non manifestantes, filij & vxor Titij in ea excommunicatione non comprehenduntur, quia non præsimitur hæc esse intentio petentis. tom. 1. pag. 766. n. 1. & 2.

2. Qui non est subditus superiori concedenti monitorium, non ligatur excommunicatione lata contra non reuelantes: quia actus iurisdictionis in solos subditos exercetur. *ibid.* n. 1.

3. Nemo tenetur in delictis ab alio commissis in suum damnum, seu in causa propria denunciare delinquentem, nisi aliud postulet bonum commune: est enim consilium Evangelicum acceptas iniurias condonare. tom. 1. pag. 176. n. 1.

4. Non est obligatio denunciandi, quando ex denunciatione magnum imminet periculum, & damnum denuncianti: dictum enim non obligat cum tanto incommodo, modò crimen non vergat in damnum publicum. Sic vxor non tenetur maritum denunciare, filius patrem, pater filium: hi enim censentur vnum, & idem. Hi tamen casus excipiuntur. 1. crimen hæresis. 2. crimen læsæ maiestatis dum adhuc est in fieri. 3. blasphemia. 4. crimen confessarij sollicitantis in confessione. Filius enim spiritualis ex vi monitorij tenetur patrem spiritualem denunciare. *ibid.* num. 2. & seq.

Quanam sint denuncianda.

5. Non tenemur denunciare ea, quæ certò nescimus; alioquin exponeremus nos periculo leuitatis, & reum damno, quod fortè iniuste pateretur. *Quare* non tenetur quis ea denunciare, quæ accepit ab alio non ita fide digno, seu etiam ab homine graui, & fide digno, sed non meminit à quo, vel quæ audiuit ab ignotis, vel

vel ab eo qui iam denunciauit, vel quando creditur denunciatio nihil prefutura. Item non tenetur denunciare, qui quod nouit, per testes, vel scripturas, vel indicia sufficientia probare non potest. Nam crimen, quod probari nequit, perinde se habet, ac si nesciretur. Quare qui furtum vidit committi, nullo alio presente, non tenetur denunciare, quia probare non potest. *tom. 1. pag. 767. 768. n. 1. & seq.*

6. In his tamen casibus est obligatio denunciandi crimen, quod probari non potest. 1. quando non præcipitur denunciatio, sed testificatio. 2. quando denunciandum est crimen respiciens fidem, & religionem christianam. 3. quando crimen vergit in graue damnum communis. 4. in casu matrimonij cum scitur aliquod impedimentum, quamuis probari non possit: vnus enim testis sufficit ad impediendum matrimonium. *pag. 768. n. 5.*

7. Nullus vi edicti cogi potest ad reuelandum id, quod nouit sub secreto naturali, vt si quis petiit remedium à medico, vel consilium ab aduocato, &c. nam obligatio secreti est de iure naturæ; & qui secretum naturale reuelat, peccat mortaliter, teneturque ad restitutionem. Ius enim naturale dicitur seruandum esse secretum, nisi iusta causa aliud postulet, qualis causa est damnum Reip. vel tertij pendens in futurum, vel occultum impedimentum matrimonij: in his enim casibus nullum secretum obligat, nisi secretum confessionis. *ibid. n. 1. & 2.*

8. Quando quis tenetur denunciare, non eximitur ab hac obligatione, tamen si promiserit cum iuramento se non denunciaturum: quia iuramentum de re illicita non obligat. *ibid. n. 3.*

9. Quando edictum præcipit denunciari fures, vel iniustos detentores, non est denunciandus is, qui iustam fecit compensationem, aut qui iuste detinet rem alienam: hi enim non peccant retinendo, modò debitum sit liquidum, nec plus retineant, quam sibi debeat. Immodò iuste compensans non incurrit excommunicationem, etiam si in sententia excommunicationis exprimat compensationem: quia excommunicatio ferri, aut incurri non potest absque peccato mort. *tom. 1. pag. 769. n. 1.*

10. Qui non denunciatur debitor, quem nouit non posse restituere propter impotentiam, non incurrit excommunicationem latam contra non denunciantes: quia sicut ipse fur, seu debitor excusatur, ita etiam excusantur ij, quibus nota est impotentia: modò debitor sit simpliciter impotens ad restituendum. Secus si possit in partem restituere, vel pro futuro tempore. In dubio autem an debitor sit impotens, seu an iuste usus sit compensatione, facienda est denunciatio: quia in dubio indicandum est in

in fauorem edicti, seu superioris præcipientis denunciationem. *ibid. num. 2. & seq.*

11. Si Titius vendidit Caio possessionem in confidentia, ne creditores illam occupent, & creditores impetrant excommunicationem contra retinentes bona Titij, & contra nõ manifestantes, tenetur Caius denunciare, si facta correctione, Titius nõ vult creditoribus satisfacere alioquin censeretur particeps delicti Titij, sicut ille censetur particeps furti, qui celat bona sibi à fure tradita ad custodiendum. Tenetur igitur Caius denunciare, modò possit absque iactura suæ famæ. *ibid. num. 7.*

12. Quando conceduntur literæ monitoriales contra non exhibentes scripturas, qui habet huiusmodi scripturas, tenetur sub censura illas exhibere, modò inde non patiatur graue damnum. Non tenetur tamen, qui habet transumptum, illud prodere: quia simplex transumptum, cum non sit authenticum, non facit fidem. *ibid. num. 8.*

Denunciatio quando facienda?

13. Obligatio denunciandi incipit à die, & hora, qua publicatur monitorium. Quare qui intra terminum assignatum sub excommunicatione latæ sententiæ non denunciauit, statim transacto termino, incurrit excommunicationem, nisi ob iustam causam, vel ignorantiam monitorij excusetur. Quoties autem excusatur quis à culpa mortali non reuelando, excusatur etiam ab incurrenda excommunicatione. *tom. 1. pag. 770. num. 1. & 2.*

14. Quando Prælati præcipit manifestari delinquentem ad ipsius emendationem, vel satisfactionem partis, vel ad impediendum aliquod peccatum, præmittenda est fraterna correctio ante denunciationem, modò spes subsit emendationis. Quare si facta correctione, delinquens iam sit emendatus, vel satisfecerit parti læsæ, non est denunciandus: quia non possumus sine necessitate proximum infamare. At si superior intendat etiam punitionem in sua inquisitione, incurritur excommunicatio non denunciando delinquentem, etiam iam emendatum, modò delictum sit publicum. *ibid. num. 1. & 2.*

15. Hæreticus ex malitia, denunciandus est non præmissa correctione; quia denunciatio præcipitur, non solum vt hæreticus emenderetur, sed etiam vt puniatur. Sin habeat errorem ex ignorantia tantum, præmittenda est correctio; quia non censetur pertinax, nec hæreticus formaliter. Potiori iure excusandi sunt, qui lapsu linguæ aliquem errorem protulerunt. *ibid. num. 5.*

16. Quando virtute monitorij fit denunciatio, seu reuelatio, hæc forma seruanda est, vt reuelatio excipiat scripto per notarium

notarium approbatum : nam reuelatio ita facienda est , vt pars possit illa vti , & Ecclesia per eam possit delinquentem à peccato reuocare. At hæc fieri debet expresso nomine , & cognomine denunciantis. *tom. 1. pag. 771. num. 8.*

17. Qui non denunciat intra tempus perscriptum , tenetur elapso eo tempore denunciare , cum primùm commodè poterit : quia terminus non apponitur ad finiendam obligationem denunciandi , sed ad denunciationem maturandam. Nisi autem denunciaret , toties excommunicationem contrahit , quoties commodè potest denunciare , & non denunciat. *ibid. n. 1. & 2.*

Denunciatio Hæreticorum.

18. Quilibet sub peccato mortali tenetur iure communi hæreticum denunciare , etiamsi delictum sit ita occultum , vt probari non possit , aut etiamsi hæreticus denunciandus arctissimo consanguinitatis vinculo sit nobis coniunctus : tenetur quippe filius patrem hæreticum denunciare , quemadmodum licet filio patrem hostem reip. & patriæ perniciem molientem , impunè occidere. Neque propterea filius denuncians patrem hæreticum , aut reum læsæ maiestatis vllam infamiæ notam contrahit , sed laude potius , & honore dignus est : neque hac in parte obligat secretum naturale. *ibid. n. 1. & seq.*

19. Non tenemur tamen hæreticum denunciare , nisi certò sciamus illum esse hæreticum , aut si fuimus socij eiusdem criminis , aut si versamur in iis locis , in quibus passim permixti sunt hæretici cum catholicis , id scientibus Inquisitoribus , & Episcopis. *tom. 1. pag. 772. n. 6. & seq.*

20. Probabilius videtur non denunciantes hæreticum iure communi non affici excommunicatione , ipso facto : nusquam enim huiusmodi excommunicatio expressa inuenitur *ibid. n. 12.*

Denunciatio confessarij pœnitentem ad turpia sollicitantis

21. Pius IV , in Bulla 4. quæ incipit , *Cum nuper* , & Paulus V. in Bulla , *Dilecte fili* , præcipiunt , vt contra huiusmodi delinquentes , tanquam de hæresi suspectos inquiratur ; Gregorius autem X V. ipsorum constitutiones confirmauit , & extendit ad omnes vbique locorum existentes. *tom. 1. pag. 773. n. 1.*

22. Pœnitentes , seu mares , seu fœminæ , tenentur denunciare confessarium , qui eos ad turpia sollicitauit , vel prouocauit , occasione , seu prætextu confessionis ; tenenturque confessarij admonere pœnitentes de hac obligatione , sub peccato mortali.

Tamen

Tamen fœmina, quæ volens, aut imprudens, crimen cum confessorio commissum aperuit, non est ob id punienda; quia denunciatio non præcipitur, vt pœnitens puniatur; sed confessorius, qui pœnitentē sollicitauit. *ibid. n. 4. & seq. & pag. 775. n. 16.*

23. Confessorius à fœmina in confessione sollicitatus non tenetur illam denunciare: quia constitutiones Pontificiæ loquuntur de confessorii sollicitantibus fœminas, non autem de fœminis sollicitantibus confessarios. *pag. 775. n. 10.*

24. Filia spiritualis, ratione Baptismi, Confirmationis, vel Pœnitentiæ, non tenetur deferre patrem spirituale, à quo sollicitata fuit, transacta confessione, aut domi, vel per literas, vel inter-nuncium: quia constitutiones Pontificum loquuntur de personis, quæ sollicitantur in confessione, vel prætextu confessionis. *ibid. n. 21.*

25. Sollicitans pœnitentem in confessione, seu prætextu confessionis, afficiendus est graubus pœnis pro qualitate criminis: sic enim decernitur in Bulla Gregorij XV. quæ incipit, *Vniuersi Dominici gregis*. Ad Inquisitores autem, & Episcopos, seu Ordinarios locorum pertinet has pœnas infligere. Cæterum hoc delictum testimonio duarum fœminarum plenè probari non potest: quia fœminæ sunt fraudulentæ, & ad accusandum præclives. Quot autem requirantur, relinquitur iudicio Inquisitorum, qui possunt huiusmodi confessorium sollicitantem in confessione, tanquam de hæresi suspectum, cogere ad abiurandum. *ibid. n. 22. & pag. 776. & n. 23. & 35.*

Depositum.

1. **D**epositum est contractus, quo sola rei custodia alteri committitur: neque enim transfertur dominium, neque vsusfructus in depositarium, & semper depositum repeti potest. Quare depositarius vti non potest deposito, quin furtum committat, tenereturque ad restitutionem, quando vsus rei est pretio æstimabilis. *tom. 2. pag. 634. n. 2. & 3.*

2. In his tamen casibus depositarius potest vti re deposita. 1. quando credit hoc domino non displicere. 2. quando dominus concedit vsum depositi expressè, vel tacitè. 3. quando res est vsu consumptibilis, nec illi interdictus est vsus; vt si deposita sit pecunia non interdicto vsu, & depositarius credat se tempore solutionis habiturum similem pecuniam, qua possit satisfacere, potest depositarius ea pecunia vti, sibi que eius incrementum retinere. Secus autè si depositario interdictus fuit vsus pecuniæ tacitè, vel expressè; tunc enim pecunia retinet naturam depositi, cuius dominium perseverat apud deponentem; ac proinde

H

cuius

eius incrementum est deponentis. Vnde sequitur depositum perire deponenti, si pereat, antequam depositarius eo vii coeperit. *ibid. n. 3. 4. & 5.*

3. Depositum est duplex, *iudiciale, & priuatum*. *Iudiciale* fieri solet. 1. quando debitor pecuniam deponit, quam creditor renuit acceptare 2. lite pendente, donec finiatur. *Priuatum* contingit, quando res aliqua deponitur ad confidentem hominem, vt custodiatur. *ibid. n. 6.*

4. Quis etiam fur, aut iniustus rei alienæ vsurpator, potest deponere apud alterum consentientem, eique competit actio ratione contractus contra depositarium ad rem illam repetendam. Si tamen depositarius sciat rem apud se depositam esse alienam, illam seruare debet vero domino, nec tenetur illam reddere deponenti, nisi putetur illam repetere, vt domino restituat. *tom. 2. pag. 635. n. 1.*

5. Quis vtens ratione, seu pupillus, seu fœmina, seu clericus, seu religiosus, potest esse depositarius. Non debet tamen religiosus suscipere depositum absque consensu saltem præsumpto sui Prælati. Si tamen de consensu superioris religiosus suscipit depositum, quod postea ipsius religiosi culpa pereat, monasterium non tenetur ad restitutionem, nisi quatenus res deposita conuersa est in vsum ipsius monasterij. Religiosus verò, si fuerit soluendo, tenebitur soluere. *ibid. n. 2.*

6. Ad depositum hæ conditiones requiruntur. 1. consensus tradentis, & acceptantis. 2. vt res tradatur 3. vt quando depositum repetitur restituatur eadem res. 4. vt restituatur in loco in quo reperitur; neque enim par est, vt depositarius, qui curam depositi in gratiam deponentis suscipit, faciat impensas in restitutione depositi. 5. vt si depositum pereat, pereat deponenti; est enim dominus depositi, modò vsus rei non fuerit concessus depositario. *ibid. n. 1.*

7. Depositarius tenetur ad restitutionem in solidum, etiam quando sunt plures depositarij. Ob id, si res deposita, mortuo depositario, transeat ad eius hæredes, hæredes tenentur in solidum, modò res non fuerit inter hæredes diuisa; tunc enim quisque tenetur pro rata. *ibid. n. 3.*

8. Qui pecuniam apud aliquem deponunt, v.g. apud mercatorem, hoc pacto, vt mercator sibi soluat quatuor, vel quinque in centum, excusari non possunt: quia non possunt percipere lucrum ex deposito, præcisè cum sit contractus gratuitus, siatq; in gratiam deponentis. Si verò aliquid exigatur propter vsum depositi, erit tunc contractus mutui, vel locationis. *ibid. n. 5.*

9. Deponens rem suam apud alterum, habet ius prælationis,

ita ut præferendus sit cæteris creditoribus chirographariis, siue personalibus, etiam si pecuniam deposuerit, & illius usum depositario concesserit; modò cæteri non essent etiam deponentes; tunc enim æqualiter sunt admittendi, etiam si aliqui sint anteriores tempore. *tom. 2. pag. 636. n. 6.*

10. Duplex actio oritur ex deposito. Prima est directa, quæ competit deponenti, & ipsius hæredibus contra depositarium, & ipsius hæredes. Secunda dicitur contraria, quæ competit depositario contra deponentem ad reperendas expensas factas circa rem depositam, vel compensationem damni, si quod passus est ex re deposita, ut si deponens scienter deposuit equum calcitransum *ibid. n. 8.*

Derisio.

1. Derisio est actus, quo honor alterius, verbis, vel factis violatur cum intentione confundendi proximum, & inducendi erubescenciam. Differt autem à *contumelia*, quod fiat ioco, contumelia verò seriò: estque grauior contumelia ratione contemptus, qui maior repetitur in derisione, quàm in contumelia. Quare est peccatum mort. ex suo genere, nisi paruitas materiæ excuset. *tom. 2. pag. 442. n. 9. & seq.*

2. Derisio est peccatum mortale in his tribus casibus. 1. quando adest intentio grauius confundendi proximum 2. quando obicitur graue vitium. 3. quando derisus grauius tristatur. Fieri autem potest, ut derisio ab omni peccato excusetur, ut quando sit causa corrigendi proximum, vel etiam honestæ recreationis gratia, modò non intendatur confusio, & erubescencia proximi. *tom. 2. pag. 443. num. 13. & 14.*

3. Derisio à *subsannatione* specie non differt; quia utraque inducit confusionem, & erubescenciam. per hoc tamen differt, quod derisio fiat verbis, subsannatio verò signis, ut naso corrugato, labiis productis, &c. quæ æquivalent verbis iniuriis. *ibid. num. 15.*

4. Qui per derisionem alterius honorem læsit grauius, tenetur ad restitutionem, vel etiam ad satisfactionem; peccauit enim contra iustitiam cum damno alterius. Vnde sequitur honorem ablatum non solum restituendum esse apud ipsum dehonoratam, verum etiam apud alios, apud quos honor illius imminutus est. Restitui autem potest dando locum honorificum adhibendo ad mensam, propinando, vel si grauior fuit honoris læsio, quàm ut hoc modo refarci possit, petenda est venia; hæc enim vulgò habetur magna satisfactio. Superior tamē, qui inferiorē, aut vir nobilis, qui hominem plebeum inhon. orauit, non

tenetur veniam petere, ne despectui habeatur; propterea satisfacere videtur honorificè salutando, seu compellendo, seu ostendèdo extraordinariam benevolentiam, &c. *ibid. n. 1. & seq.*

DETRACTIO.

Detraçtio quid, & quotuplex?

1. **D**etraçtio est occulta, & iniusta denigratio, seu læsio famæ propriæ, vel alienæ. Vnde colligitur detractionem specie differre à *contumelia*: nam per detractionem clam læditur fama proximi; per contumeliam verò apertè, & coram: hinc fit, vt minus peccatum sit detraçtio, quàm contumelia. *tom. 2. p. 430. num. 1. & 2.*

2. Detraçtio est duplex: *formalis*, quæ fit animo auferendi famam proximi, & *materialis*, quæ fit absque animo lædendi famam. Vtraque tamen, supposita grauitate materiæ, & plena deliberatione, est peccatum mort. quamuis detraçtio materialis excusari possit à mort. si fiat ex iusta causa. *ibid. n. 3.*

3. Detraçtio fieri potest octo modis, quatuor directis, quos tibi exhibet hic versus.

Imponens, augens, manifestans, in mala vertens.
& totidem indirectis, nempe:

Qui negat, aut minuit, reticet, laudatque remittit.

4. Detraçtio est peccatum mort. ex suo genere, quia infert notabile damnum proximo; tamen propter indeliberationem, vel paruitatem materiæ, fieri potest veniale. Peccato detractionis addi potest alia circumstantia, quæ mutet speciem, sitque necessariò in confessione exprimenda, vt patet in detractione contra Sacerdotem, contra superiorem, contra patrem, &c. *tom. 2. pag. 431. n. 7. & seq.*

Detraçtio quando sit peccatum mortale?

5. Manifestatio peccati mortalis est materia sufficiens ad peccatum mortale detractionis, quando famam proximi grauitè lædit; alioquin non sufficit ad mortale: nam qui dicit militem commisisse duellum, vel habere concubinam, &c. non peccat mort. sicut neque mort. peccat, qui refert ea peccata, de quibus alioquin solent gloriari; quia non infertur notabile damnum famæ. *ibid. n. 1.*

6. Qui detrahit de fama alicuius defuncti in materia graui, peccat mortaliter, teneturque ad restitutionem faciendam familiæ, vel consanguineis defuncti, ad quos infamia redundat, vel etiam ipsi defuncto per suffragia. *ibid. n. 2. & seq.*

7. Manifesta

7. Manifestatio peccati venialis, per se loquendo, non sufficit ad peccatum mortale detractionis. Immo non est peccatum mort. ordinariè loquendo, referre de aliquo generalia vitia, quæ esse possunt mortalia, & venialia, vt refert de Titio, quod sit superbus, auarus, iracundus, &c. Fieri tamè potest, vt manifestatio peccati venialis sit peccatum mortale, vt quando quis obiicit alteri in faciem per contumeliam ipsum esse mendacem, prauidens fore, vt hoc ægrè ferat, aut habere consuetudinem mentiendi; habentes enim huiusmodi consuetudinem, vulgo parui fiunt; aut quando quis Episcopum, vel religiosum asserit deditum esse quibusdam peccatis venialibus, quæ bonam de ipso opinionem valdè minuunt apud homines. *ibid. n. 6. & 7.*

8. Manifestatio defectuum naturalium animi, vel corporis, regulariter loquendo, non est materia sufficiens ad peccatum mortale detractionis, vt si quis dicat Titium esse ignarum, imprudentem, claudum, gibbosum, &c. Tamen si hæc manifestatio illum impediatur à consequutione magni boni, aut aliud notabile damnum afferat, erit peccatum mortale contra iustitiam. *tom. 2. pag. 431. n. 8.*

9. Qui dicit in tali oppido, vel collegio esse multos improbos, vel vnum ex canonicis talis Ecclesiæ commississe simoniam; aut fornicationem non designatâ personâ, non peccat mortaliter. Qui tamen diceret omnes esse improbos, aut qui referrer aliqua delicta, quæ redundare possent in alios, non videretur à mortali excusandus, vt si diceret religiosum talis religionis, aut cœnobij, de quo habetur optima existimatio, inuentum esse cum meretrice, aut quid simile. *ibid. n. 10.*

10. Dicere de aliquo absente ipsum ortum esse ex Iudæis, vel Saracenis, vel hæreticis, vel adulterio, vel incestu, vel sacrilegio, est peccatum mort. detractionis, modò ille defectus sit occensus: hæc enim manifestatio iniuste lædit famam proximi, & infamatus fortè magis dolet hoc de se dici, quàm si graue aliquod crimen referretur. *ibid. n. 11.*

11. Non est peccatum mortale reuelare crimen alterius, vni, vel duobus, ob honestum finem, v.g. ob emendationem delinquentis, vel propter bonum commune; quia ille cuius peccatum reuelatur, non cœsetur rationabiliter iniurus. At secluso honesto fine, probabilius est esse peccatum mort. reuelare alienum crimen occultum vni, vel duobus viris prudentibus licèt, & taciturnis: fieri enim potest, vt ille cuius peccatum manifestatur, malit suum delictum multis externis, & plebeiis, quàm vni viro graui, cum quo assidue versatur, manifestari.

12. Qui iniuriam sibi factam alteri narrat animo detra-

hendi ad vindictam, mortaliter peccat. Si verò referat, vt consolationem, vel consilium capiat ab amico, vel vt dolorem leniat, excusatur à peccato mort. modò non referat pluribus, quâ opus sit ad capiendum consilium, vel solamen. *ibid. n. 3.*

13. Coniuges de filiorum, aut famulorum criminibus occultis inter se loquentes excusantur à mortali; si de aliorum grauib. delictis colloquantur, non ad honestum finem, neque causa remedij adhibendi, rei sunt peccati mortalis, nisi sint perspnæ taciturnæ. *tom. 2. p. 433. n. 5. & seq.*

14. Detractionis peccato non peccat poenitens manifestâdo complicem in confessione, saltem quando aliter non potest peccati speciem explicare, nec potest alium confessarium adire, cui non sit notus complex. Per accidens tamen fieri potest, vt non possit, vel non teneatur manifestare complicem, quando scilicet sibi, vel alteri probabiliter timet graue damnum in vita, vel fama, tunc enim debet confessionem omittere, modò non sit illi necessaria. Si verò est necessaria, nec potest eam facere confessario complicem ignoranti, debet illam circumstantiam reticere, peccatis aliis explicatis. *ibid. n. 2.*

15. Qui refert audita absque asseueratione; non peccat mort. peccato detractionis, neque tenetur ad restitutionem; modò ne narret crimina enormia, vt hæresim, proditorem, præposteram libidinem, &c. nam si probabile sit ex huiusmodi narratione aliquam criminis narrati suspensionem orituram apud audientes, narrans peccat mortaliter. Cauendum etiam ne illa narrentur coram iis, qui postea sint ea aliis manifestaturi cum exaggeratione. *ibid. n. 1.*

16. Non est peccatum mort. saltem contra iustitiam, crimen alterius alicubi publicum, manifestare alibi, vbi nescitur: quia delinquens per criminis publicitatem amisit ius ad famam. Secus dicendum, quando crimen occultum per iniuriam factum est publicum: nam iniuste infamatus non videtur amisisse ius ad suam famam. *tom. 2. p. 434. n. 2.*

17. Historici non peccant mortaliter, dum scribunt vitia, & peccata Principum, & aliorum infamatoria, in aliquo loco publica, aut non omnino secreta: quia ex officio, vitas Principum conscribunt, ac proinde aliquid ipsis conceditur, quod aliis non licet: Caveant tamen, ne quem offendant, aut rixarum materiam præbeant. *ibid. n. 3.*

18. Non peccat mort. contra iustitiam, qui refert alicui delicta alterius propter quâ aliâs fuit infamatus, quamuis nunc famam acquisierit honestis actionibus, modò referens nò ostendat etiam nunc ipsum esse infamem, & nequam. Quare peccant mortali

mortaliter historici, qui monumentis consignant peccata mortuorum publica, nec referunt eorum emendationem, & resipiscenciam, si verè resipuerunt. *ibid. n. 4.*

19. Non tenetur ad restitutionem, qui narrat delictum alicuius occultum hic Lugduni, sed publicum Parisiis, & sua narratione causa est, ne hic Lugduni consequatur aliquam dignitatem, aut magistratum: quia illius narratio, licet sit contra charitatem, non tamen est contra iustitiam; ex actione autem contra charitatem non oritur obligatio restituendi. *ibid. n. 8.*

20. Qui bona fide narravit crimen alicuius, credens illud esse verum, & publicum, cum re vera non esset, tenetur ad restitutionem, statim atque agnoscit se errasse; non quidem ratione iniuriæ, sed ratione rei ablatae, famæ scilicet, sicut qui bona fide accepit equum alienum, tenetur illum restituere, statim ac cognoscit esse alienum: non tenetur tamen ad restitutionem damnorum, quæ ex illa infamia consequuta sunt. *tom. 2. pag. 435. n. 10.*

21. Non peccat mort. contra iustitiam, qui infamatum in vno genere peccati infamat in alio habentē connexionem necessariam, & moralem cum priori peccato, de quo fuit diffamatus: modò non detegat crimen atrox, vel enorme, ut si de fure, quem constat furripuisse nummum aureum, dicat furripuisse alios mille; sic enim graviter læderet eius famam. At qui infamatum in vno genere infamat in alio non habente connexionem cum priori, peccat mort. contra iustitiam: fama enim est quid diuisibile, & potest amitti in vna materia, in alia autem conservari. *ibid. n. 1. 2. & 3.*

22. Potest detegi crimen alicuius, ut illi consulatur, vel alteri, vel ut impediatur damnum spirituale, vel temporale alicuius momenti, si alia ratione impediri nequit. At qui potest sola correctione damnum impedire, non reuelando crimen, debet correctione uti, & parcere famæ proximi. *ibid. n. 1. & 2.*

23. Qui seipsum infamat, non committit peccatum mort. ex suo genere, quilibet enim tam est dominus suæ famæ: quæ est dominus suarum facultatum. Tamen ratione alterius circumstantiæ fieri potest, ut seipsum infamans graviter peccet: ut quando infamia ipsius redundat in filios, in religionem, &c. aut quando est causa scandali, & ruinæ, aut quando fama est illi necessaria, ut si sit Prælati. *tom. 2. pag. 437. num. 1.*

24. Licet ex rationabili causa manifestare sua peccata, & famam suam prodigere: sic enim à viris sanctis, ut à S. Augustino, S. Anselmo, &c. legimus factitatum. At sine causa non licet seipsum infamare, præsertim quando infamia in alios redundat. Auctor libelli famosi seipsum prodendo non peccat; immò

cogi potest per censuram ad se prodendum, si ita expediat. *ibid.*
num. 2.

25. Non peccat mortaliter qui iudici etiam iniuste interroganti manifestat crimen suum occultum ad euitanda tormenta etiam leuia, tametsi mors inde sequuta sit. Immo, qui sibi falsum crimen imponit ad euitanda graua tormenta, non peccat mort. etiamsi mors inde sequatur, secluso tamen perituro: quia nemo tenetur cum tanto cruciату vitam tueri. *ibid. n. 7.*

26. Iudice iuridice procedente, filius peccat imponens sibi falsum crimen, vt patrem tormentis, aut morti eripiat: quia per mendacium deludit publicam potestatem. Iudice vero non iuridice procedente, non peccat, modò non addat perituriu; quia licet pro parente vitam exponere. *tom. 2. pag. 438. n. 9.*

27. Non peccat mort. qui ad vitanda graua tormenta manifestat verum alterius crimen, sed occultum, de quo promiserat secretum: quia secretum non obligat cum tanto incommodo, nisi sit secretum confessionis, aut nisi manifestatio secreti vergat in damnum publicum. *ibid. n. 10.*

28. Qui audit detrahentem, & aliquo modo mouet ad detrahendum, peccat mort. contra iustitiam; immò grauius peccat, quàm ipse detractor: peccat enim peccato scandali contra charitatem, dum alium inducit ad detrahendum, & præterea peccat contra iniustitiam, consequenter tenetur ad restitutionem in defectum detrahentis. *ibid. n. 11.*

29. Qui non inducit alium ad detrahendum, sed solùm delectatur de detractioe in materia graui, peccat mort. contra charitatem, quia delectatur de graui malo proximi; non tamen peccat contra iustitiam, quia non est causa damni. Item qui audit detrahentem in re graui, & eum non corrigit, per se loquendo, peccat mort. contra charitatem, immò contra iustitiam, si ad id teneatur ex officio. Excusatur tamen à mortali, qui non potest commodè corrigere detrahentem, aut quando non sperat correctionem profuturam, aut quando detractio est de re vulgo nota, aut quando audiens est persona priuata. *ibid. n. 4. & seq.*

Detractio quando obliget ad restitutionem?

30. Quando infamatus ab alio suis bonis actibus famam recuperauit, infamator non tenetur ad restitutionem præcisè ratione infamæ: quia infamatus iam nullum patitur damnum. At si quæ alia damna inde sequuta sunt, vt si infamatus ob detractioem impeditus fuit à consequutione beneficij, aut alterius emolumenti, infamator debet illud damnum refarcire. *tom. 2. pag. 439. num. 1.*

31. Detractor non tenetur ad restitutionem quando ij, quibus crimen narratum est, iam sunt obliti, siue narratio vera fuerit, siue falsa: quia per illam famæ restitutionem fortè refricaretur vulgus, quod iam consenuerat. *ibid.*

32. Qui alterius famam grauiter læsit manifestatione veri criminis, non tenetur neque potest dicere se mentitum esse: quia mentiretur hoc dicendo; sed debet infamarum honorare, & sæpius laudare coram iis apud quos detraxit. At qui falsum crimen de alio narrauit, tenetur se retractare etiam sub iuramento, si necessarium iudicetur: non tamen tenetur vti his verbis, *mentitus sum. ibid. n. 2. & pag. 440. n. 4.*

33. Qui publicè famam abstulit, tenetur eam publicè restituere: quia fama resarcienda est ad æqualitatem. *ibid. n. 5.*

34. Qui per detractionem, iniuste fuit causa ne infamatus aliquod officium, beneficium vel commodum consequeretur, tenetur ad restitutionem boni illius, quod impediuit: non tamen ad æqualitatem; quia bonum in spe minus valet, quàm in re. At si fuit causa, cur alter priuatus fuerit officio, vel beneficio, tenetur damnum resarcire ad æqualitatem. *ibid. n. 2.*

35. Nouem causæ excusant à restitutione famæ. 1. est compensatio, seruata æqualitate: si enim tu mihi famam abstulisti, possum titulo compensationis famam tibi ablatam non restituere. 2. est condonatio obligationis restituendi famam, modò non vergat in damnum tertij: quisque enim est dominus suæ famæ. 3. quando infamia iam deleta est obliuione. 4. quando fama recuperata est bonis actibus. 5. quando crimen factum est publicum post manifestationem absque culpa manifestantis. 6. quando restitutio famæ facta est impossibilis. 7. quando detractio fuit inefficax, vt quando audientes non crediderunt, vel iam antea nouerant, &c. 8. quando restitutio sine vitæ periculo fieri nequit: vita enim est bonum altioris ordinis, quàm fama. 9. quando restitutio famæ alienæ fieri non potest absque iactura propriæ famæ. Porro qui non potest famam restituere, non tenetur ex iustitia illam pecuniâ compensare, modò nullum aliud damnum sequutum fuerit pretio æstimabile. *tom. 2. pag. 440. 441.*

36. Infamatus non peccat detegendo crimina infamantis occulta ad propulsandam à se infamiam, & labefactandam fidem infamantis, si hoc faciat quatenus necesse est ad sui defensionem: non tamen potest falsum illi crimen imponere, aut obicere delicta, quæ minimè faciant ad honoris reparationem. Neque obstat Christi præceptum de ferendis iniuriis: id enim intelligendū est, quatenus recta ratio dicat, & lex obligat: quare non tenemur iniurias tolerare, quas possumus mediis licitis amoliri. *p. 441. n. 4.*

37. Hæres infamatoris non tenetur loco defuncti ad restitutionem famæ, nisi alia damna sint consequuta: hæc enim obligatio restituendæ famæ est personalis, neque transit ad hæredes. Neque tenetur detractor, aut eius hæres, facere restitutionem famæ hæredibus infamati: quia hæres non habet ius hæreditarium ad famam alienam. *tom. 2. pag. 442. num. 15. & 16.*

Discordia. Contentio.

1. **D**iscordia est inordinata dissensio voluntatis à voluntate alterius, cui consentire deberet, ut si superior tibi aliquid præcipiat, tu verò renuas obedire; aut si proximus cupiat aliquod bonum obtinere, tu verò sine rationabili causa nolis ipsum adipisci, quod optat. *tom. 2. pag. 174. num. 1.*

2. Discordia est peccatum mort. ex suo genere, quoties quis discordat à voluntate illius, cum quo tenetur ex vinculo charitatis concordare: quia hoc peccatum opponitur charitati. Potest tamen esse veniale ratione indeliberationis. & inadvertentiæ, aut ratione parvitatatis materiæ. *ibid. n. 2.*

3. Contentio differt à discordia ut effectus à causa: nam contentio oritur ex discordia, seu dissensione voluntatis. Est autem contentio altercatio verborum cum aliquo contra veritatem, ad ipsam veritatem oppugnandam, ut si quis cum aliquo verbis contendat, animo contradicendi iis quæ de fide credenda sunt. Quare is non peccat peccato contentionis, qui verbis cum alio contendit, intentione defendendæ veritatis contra falsam alterius assertionem, modò ne adsit alia circumstantia, *tom. 2. pag. 175. num. 4.*

4. Videtur contentio esse ex suo genere peccatum mortale, opponitur enim charitati, ut quando quis cum altero contendit, studio contradicendi; quamquam potest etiam aliis virtutibus opponi; nam qui cum alio contendit animo contradicendi rebus fidei, peccat contra fidem, & sic de cæteris. Non negandum tamen quin contentio possit ob inadvertentiam, & defectum pleni consensu esse peccatum veniale, aut etiam ob materiæ parvitatem, modò de rebus fidei non suscipiatur contentio, in quibus parvitas materiæ vix datur. *ibid. n. 5.*

DISPENSATIO.

Cuius sit dispensare ?

1. **D**ispensatio est actus iurisdictionis, quo quis eximitur ab obligatione legis, aut quo legis obligatio suspenditur ad aliquod tempus. Est autem dispensatio alia *tacita*, quæ fit signo, vel facto indicante voluntatem dispensantis ; alia *expressa*, quæ fit verbis. *tom. 2. p. 53. n. 4.*

2. Legitimus superior potest cum inferiore dispensare, illumque ab obligatione legis eximere : quia eiusdem est auferre obligationem legis, cuius est inducere. Legitimus autem superior censetur legislator, vel eius superior, vel successor in iurisdictione. *ibid. n. 3.*

3. Legislator potest secum in suis legibus dispensare : neque enim est deterioris conditionis, quam alij. Vnde licet inferre Papam posse secum in voto dispensare, præsertim si alteri facultatem committat secum dispensandis. Item Episcopos, & alios Prælatos posse secum dispensare in voto, iuramento, &c. in quibus cum aliis dispensare possunt. *tom. 2. p. 54. n. 9.*

4. Inferior in lege superioris non potest dispensare, quoties superior dispensationem sibi reservavit. Vnde sequitur Magistratum in lege communi, & Episcopum in legibus Pontificiis dispensare non posse, neque statutum Concilij provincialis abrogare ; quia Episcopus est inferior Concilio provinciali. Idem dicendum de Archiepiscopo, qui potest à Synodo provinciali excommunicari. Quando verò dispensatio non est reservata, sicut ordinariè non solet reservari, præsumitur data facultas Episcopo dispensandi pro sua diocesi. *ibid. n. 12. & seq.*

5. Probabilius est inferiorem non posse in lege superioris dispensare, quando superior, qui legem tulit, expressè non dedit, neque ademit dispensandi facultatem : quia inferior non habet potestatem supra superiorem, neque potest ipsius voluntatem, vel dispositionem impedire, ipso non consentiente. In quibusdam tamen casibus censetur facultas Episcopo concessa dispensandi in legibus Pontificiis, ut quando iudicio viri prudentis præsumitur hæc esse Pontificis intentio, vel quando urget gravis necessitas, nec Sedes Apostol. commodè adiri potest : tunc enim adest *tacita Principis concessio. tom. 2. p. 55. n. 17.*

6. Potest Episcopus in impedimentis matrimonij, tam ante, quam post contractum, urgente necessitate, dispensare, dum ad Summum Pontificem non patet aditus. Teneatur tamen Summum Pontif.

Pontif. admonere si possit, & pauperiem] eorum quibuscum est dispensandum, supplere de suo, vt Romam mittant: tunc enim non censetur adesse necessitas dispensandi. *ibid. n. 19.*

Ad dispensationem qua conditiones requirantur?

7. Confessarius concessurus dispensationem virtute rescripti, seu mandati Apostolici, has conditiones seruet. 1. vt is approbatus sit ab Ordinario. 2. vt ad doctoratus lauream in Theologia, vel iure canonico promotus fuerit: tamē patres Societatis 185 v, & religiosi mendicantes, possunt ex speciali pluriuilegio dispensationes expedire, licet doctoratus gradum non sint adepti. 3. vt non dispenfer sine causa propter quam Summus Pontif. dispensandi facultatē concessit. 4. vt rei veritatem ab pso pœnitente diligenter inquirat, nisi aliunde constet. 5. vt in matrimonio non dispenfer, nisi crimen sit occultum. 6. vt præcedat confessio: non tamen semper præscribitur confessio sacramentalis tanquam conditio necessaria. 7. vt imponat pia opera pro vt prudenter expedire iudicauerit, exceptis iis, quæ in Bulla exprimuntur: hæc enim imponenda sunt vti præscribuntur. 8. vt confessarius, cui datur facultas dispensandi circa matrimonium (vt videlicet iterum celebretur, quando cum impedimento affinitatis occulto fuerat inualidè celebratum) curet, antequam dispensationem exequatur, coniuges separari, si commodè, & sine scandalo separari possunt; sin minus, saltem experiatur an tanquam frater, & soror, simul habitare possint. 9. vt certiores fieri curet contrahentes de nullitate consensus. 10. vt literas laceret quoties id præscribitur. 11. vt pro dispensatione expedienda nihil omnino exigatur. *som. 2. pag. 56. 57.*

8. Valida est, sed non licita, dispensatio in lege humana concessa sine iusta causa à legislatore, vel ab alio habente auctoritatem: quia obligatio legis pendet à voluntate legislatoris, qui potest aliquem, etiam sine iusta causa, per dispensationem eximere ab obligatione legis, ita vt maneat exemptus. Tamen dispensans sine causa, abutitur sua potestate, & peccat mort. si adsit scandalum, aut graue aliorum detrimentum. *som. 2. pag. 58. n. 1.*

9. Non videtur valida dispensatio concessa ab eo, qui bona fide credebat iustam, & sufficientem causam ad dispensandum fuisse, cum reuerà non esset. Quanquam is, cum quo dispensatum est, tutus est in conscientia, donec sibi de insufficientia causæ certò constet: cognita autem insufficientia, non potest illa dispensatione vti. In dubio autem an esset causa sufficiens, necne, ille, cum quo dispensatum est, potest vti dispensatione: quia in facto

Principis

Principis non præsumitur delictum, saltem in foro conscientia.
tom. 2. p. 59. 60. n. 8. & 9.

10. Dispensatio in lege superioris concessa ab inferiore sine iusta causa est illicita, & inualida: quia non est verosimile superiorem concedere inferiori facultatem dispensandi sine iusta causa. Vnde sequitur dispensationem absque iusta causa concessam, etiam à Summo Pontifice in iis, quæ sunt de iure diuino, vel naturali, vt in voto, iuramento, &c. inualidam esse: quia non est credibile hanc potestatem à Deo fuisse Ecclesiæ concessam. *pag. 60. n. 12. & seq.*

11. Tres sunt potissimum iustæ dispensandi causæ, & eximendi aliquem ab obligatione legis. 1. est vtilitas communis, vel etiam priuata. 2. necessitas communis, vel priuata. 3. pietas. Concedi etiam potest dispensatio ob aliquos superuenientes casus, vel rationes, quæ sufficientes, & legitimæ, arbitrio prudentis viri, fuerint iudicatæ, habita ratione personæ, temporis, & loci.
tom. 2. p. 61. n. 20.

12. Facilius dispensationes Principibus conceduntur, quàm aliis, præsertim in impedimentis matrimonijs: quia bonum pacis inter Principes sequi consuevit ex matrimonio inter Principes, & ex hac Pontificis in ipsos indulgentia, ad Ecclesiæ defensionem suscipiendam Principes facilius pertrahuntur. *ibid.*

13. Præter supremum Principem nemo potest in lege dispensare imposita pecuniaria mulcta in fabricam Ecclesiæ, vel pia opera, nisi fortè imponatur in pœnam delicti: quia Tridentinum sess. 25. c. 18. præcipit dispensationem gratis fieri. *ibid. n. 13.*

Dispensatio que valida, que inualida?

14. Quando aliquid subtriceretur, aut falsò narratur, quo cognito superior non dispensasset, inualida est dispensatio: quia superior non intendit dispensare, nisi sub conditione, *si res ita est*. Quare dispensatio contrahendi cum consanguinea ob copulam, quæ re ipsa non intercessit, est inualida. At si plures causæ copulatiuè narrentur, & earum aliquæ sint falsæ, videndum est propter quâ causam tanquam finem dispensatio concedatur. Si conceditur ob causam veram, valida est dispensatio, quamuis aliæ sint falsæ.
tom. 2. p. 62. 63. n. 3. & 8.

15. Si subreptio contingat in vna rescripti parte, tacendo verum, vel exponendo falsum, vitiatur, & irritatur rescriptum quoad eam partem, in qua est subreptio; non verò quoad reliquas: quia vtile per inutile non vitiatur; modo tamen partes in quibus non contingit subreptio, separabiles sint quo ad valorē, ab ea parte in qua fuit subreptio; & modò subreptio in vna rescripti parte non
continge

contigerit per dolum, vel malitiam impetrantis: tunc enim rescriptum declarandum est irritum in totum per iudicis sententiam: non tamen est irritum ipso iure quoad eam rescripti partem, in qua non contingit deceptio. *tom. 2. pag. 64. n. 14. & seq.*

16. Quando conceditur dispensatio ad instantiam, & preces petentis, censetur inualida, quando tacetur verum, aut exprimitur falsum, quo cognito, dispensatio non fuisset concessa, neque vitium subreptionis suppletur per clausulam, *motu proprio*: si verò dispensatio ex mera liberalitate, absque prævia petitione, vel informatione concedatur, valida erit. At si in rescripto, seu narratione, quæ ex parte principis fieri solet, non solum taceatur veritas, sed etiam veritas exprimitur, dispensatio est nulla, etiam si apponatur clausula, *motu proprio*. Ratio est, quia licet privilegium, seu dispensatio sic concessa non sit subreptitia; non tamen est valida defectu consensus; & intentionis, proveniente ex proprio errore, nec motus proprius firmat gratiam contra intentionem concedentis. *tom. 2. pag. 65. n. 21 & 22.*

17. Hæc clausula, *motu proprio*, apposita in rescriptis hæc tria operatur. 1. quòd dispensatio, motu proprio concessa, censetur magis voluntaria, quam concessa ad instantiam petentis. 2. quòd non censetur subreptitia, dum veritas siletur in petitione dispensationis, aut falsitas exprimitur, qua cognita, superior adhuc eam concessisset. 3. quòd nunquam retorquetur contra eum cui conceditur. *ibid. n. 23.*

18. Dispensatio redditur inualida tacita qualitate, quam iura specialiter exprimi volunt: quamvis ea qualitate expressa superior concessisset dispensationem: quia nisi servetur forma à iure introducta, corrumpitur actus. Vnde patet inualidam esse beneficii collationem, quâ quis obtinuit, non facta mentione primi beneficii quod antea obtinuerat; quia iura hoc specialiter exprimi volunt. Item inualidam esse dispensationem circa matrimonium obtentam, non expresso gradu affinitatis, vel consanguinitaris, vel publicæ honestatis; nam èd difficilior est dispensatio, quòd gradus est coniunctior; vel tacito incestu commissio antequam literæ Romanæ mitterentur: hic enim est stylus Rom. Curie. Notandum tamen quando incestus est occultus, non necessariò faciendam esse ipsius mentionem in dispensatione à Summo Pontif. obtinenda pro foro externo; sed satis esse ut illius dispensatio obtineatur à sacra Pœnitentiaria. *tom. 2. pag. 65 66. n. 1. & seq.*

19. Probabilius videtur inualidam esse dispensationem concessam à Sede Apost. pro foro externo, sub hac conditione, *si copula non intercesserit*, copula occulta interueniente, de qua non sit facta mentio: Immo contrahentes interrogari de copula, licet occultâ,

occulta, tenentur eam aperire iudici interroganti: sic enim declaravit sacra Cardin. Congregatio. *tom. 2. pag. 67. n. 14.*

20. Dispensatio obventa per metum, licet incussum ad eam obtinendam, valida est: est enim regula generalis, Gesta per metum valida esse, exceptis casibus in iure expressis, de quibus vide *tit. Contractus. tom. 2. pag. 68. n. 1.*

21. Dispensatio extorta per dolum & mendacia, non est valida, si ea contingant circa causam finalem: secus dicendum, si contingant solum circa causam impulsivam. Ad cognoscendum autem an causa sit impulsiva, an finalis, standum est iudicio viri prudentis. At si dubitetur, præsumendum est in favorem dispensationis, consequenter iudicandum est causam fuisse tantum impulsivam, proindeque dispensationem esse validam. *ibid. num. 2. & seq.*

22. Valida est dispensatio quam quis obtinet, etiam si non exprimat se illam petiisse, & non obtinuisse, neque novam causam afferat: quia superior vult, & potest eam concedere, & adest iusta causa dispensationis. Vnde sequitur validam esse dispensationem obventam ab Episcopo successore, quam antecessor denegaverat; quamvis in petitione non exprimatur denegatam fuisse antea dispensationem; immò validam esse dispensationem obventam ab inferiore, quam superior antea denegaverat; etiam si denegationis nulla mentio fiat. *ibid. n. 1. & pag. 69. n. 2. & 5.*

23. Quando de vna, eademque re duplex petitur dispensatio, & prima fuit limitata, in secunda, quæ amplior est, per se loquendo, facienda est mentio prioris limitatæ, alioquin secunda videtur inualida. Quia tacetur aliquid, quo cognito, superior non dispensasset: non enim præsumitur concessurus ampliorem dispensationem, si prioris antea cum limitatione concessæ recordaretur. At si prior dispensatio fuit inualida, non est necesse illius mentionem facere in petitione secundæ dispensationis: quia iuxta regulam iuris. Non præstat impedimentum, quod de iure non sortitur effectum. *tom. 2. pag. 69. n. 1. & pag. 70. n. 7.*

24. Qui pluribus impedimentis est obstructus, potest dispensationem vnius obtinere, non expressis aliis; exceptis impedimentis matrimonij. Quare irregularis ob homicidium, & ob defectum natalium, v.g. potest obtinere dispensationem irregularitatis homicidij, non expressa altera irregularitate: quamquam non potest ad Ordines promoveri, antequam ab omnibus absolatur: potest enim vnum impedimentum tolli, aliis remanentibus, quemadmodum pluribus excommunicationibus innodatus potest ab vna absolui, salis non ablatis. At in matrimonio secus se res habet: usus enim Curia Rom. sic obtinuit, ut qui obstructus est, v. g. voto castitatis, si dispensationem petat

petat contrahendi cum consanguinea, utrumque impedimentum exprimere teneatur. *pag. 70. n. 1. & 2.*

25. Ad validitatem dispensationis non est necesse, ut causa sit vera, quando litteræ mittuntur Romam: nam verba dispensationis, si preces veritate nitantur, sufficienter verificantur, si causa quæ allegatur subsistat, dum Pontifex concedit dispensationem. *tom. 2. pag. 71. n. 2.*

26. Delegatus ad dispensandum non potest validè dispensare, si post indultum à Summo Pontifice concessum cessavit causa iusta dispensandi: at postea reuiuiscente causa, dispensatio validè conceditur. Si verò obtenta dispensatione cesset causa finalis illius antequam executioni mandetur, seu antequam suum sortiat effectum, probabilius est etiam ipsam dispensationem cessare quamdiu causa finalis cessat: quia non censetur superior velle dispensationi locum esse, si causa dispensationis cesset. At dispensatio semel obtenta, & executioni mandata, non cessat, nec reuocari potest cessante causa, propter quam fuerat concessa. Quia effectus licitè, & validè consummatus fuit virtute dispensationis obtentæ; ergo per cessationem causæ iam reuocari non potest. *ibid. n. 3. & pag. 72. n. 11.*

27. Dispensatio vim suam non amittit per mortem concedentis: quia gratia semel concessa non interit cum eo, qui illam concessit. Vnde patet eum, qui per dispensationem exemptus est à ieiunio quadragesimali, si nondum elapsa Quadragesima superior qui dispensauit, moriatur, adhuc liberum manere ab obligatione ieiunij. *ibid. n. 1.*

28. Dispensatio vim suam amittit si reuocetur antequam adimpleatur effectus ad quem fuerat concessa. *tom. 2. pag. 73. n. 2.* Etiam si superior iustam non habeat causam reuocandi. At inferior, cui à superiore data est facultas reuocandi legem, seu dispensationem, non potest illam validè sine iusta causa reuocare. Dispensatio voti semel concessa nunquam potest reuocari; quia vinculum voti non pendet à voluntate superioris, ideoque non potest ab eo induci. *ibid.*

29. Renunciatio dispensationis efficit, ut dispensatio, quæ nondum executioni demandata fuerat, vim suam amittat, si renunciatio acceptetur à dispensante. Exempli gratia, Titius obtinuit dispensationem ducendi consanguineam in matrimonium; sed ante contractum matrimonium cedit dispensationi, dispensatio cessat, si cessio, seu renunciatio dispensationis acceptetur à dispensante: quia per illam renunciationem acceptatam subditus iterum subicitur legi, à qua fuerat per dispensationem exemptus. *ibid. num. 3.*

30. Inter dispensationem voti, seu iuramenti, & dispensationem legum hoc interest, quòd dispensatio voti, & iuramenti semel concessa amittit vim suam per internam renunciationem, seu propositum ea non utendi, consequenter indiget noua dispensatione. Dispensatio verò aliarum legum non amittit vim suam, donec renunciatio dispensationis fuerat acceptata à legitimo superiore; quia obligatio aliarum legum non pendet à voluntate renunciantis dispensationi, sicut pendet obligatio voti, aut iuramenti. *ibid. n. 6.*

31. Dispensatio absolutè, & sine limitatione concessa non finitur primo actu: quia cum superior intendit ad vnum solum actum dispensationem concedere, solet hoc exprimere. Secus si non fuit absolutè concessa. Quare dispensatio contrahendi cum consanguinea, ea mortua cessat: quia non est simpliciter concessa ad contrahendum cum qualibet consanguinea. Dispensatio verò in voto castitatis ad contrahendum matrimonium non finitur primo matrimonio, modò causa dispensationis perseueret, nec superior aliter exprefferit; quia est absolutè concessa. *ibid. n. 1.*

Dispensationis expensa ad quem pertineant?

32. Quando præcessit consensus tacitus, vel expressus impetrandæ dispensationis, & alter onus illius impetrandæ suis sumptibus liberaliter in se non suscepit, dispensatio communibus expensis impetranda est: cum enim vterque sentiat commodum dispensationis, par est, ut vterque sentiat etiam onus expensarum. *tom. 2. pag. 74 n. 3.*

33. Sumptus dispensationis obtinendæ faciendi sunt ab eo, qui dispensationem obtinuit altero inscio matrimonij futuri, seu nondum facta conuentione matrimonij. Quare si Titius cupidus matrimonij contrahendi cum Berra sibi consanguinea, obtinuit dispensationem contrahendi cum ea matrimonium, ipsa de hac re non prius monita, expensæ dispensationis pertinent ad Titium; censetur quippe liberaliter eas fecisse. *ibid. n. 5.*

34. Qui obrenta de communi consensu dispensatione, iniuste renuit matrimonium contrahere, tenetur ad integras expensas dispensationis, Qui verò iuste renuit absque alterius culpa, tenetur solum ad partem. At qui renuit ob alterius culpam, ad nullas tenetur; sed alteri, qui causam resiliendi dedit, totum onus expensarum incumbit. *ibid. n. 6.*

35. Vir, qui fornicatus fuerat ante promissionem matrimonij, non tenetur ad integras expensas dispensationis, si sponsa cognita fornicatione nolit cum eo contrahere: quia fornicatio sponsæ antecedens promissionem matrimonij non est iniuriosa

sponsæ. Ille vero cuius culpa post matrimonij promissionem contrahitur impedimentū dirimens, tenetur, si potest, suis impensis dispensationem obtinere, ut sponsalia perficiantur; neque enim par est, ut innocens ob alterius culpam damnum patiatur.
tom. 2. pag. 75. n. 10. & 12.

D I S T R I B U T I O N E S.

Distributiones faciendæ assistentibus in Choro.

1. **D**istributiones sunt ea portio prouentuum beneficii, quæ confertur iis, qui diuinis officiis intersunt, & iuxta sui beneficii conditionem, & qualitatem inseruiunt, vulgo autem nuncupantur *quotidiana distributiones*, quia acquiruntur ab iis, qui quotidie diuinis officiis intersunt, seu quia distribuuntur in singulos iuxta cuiusque merita, habita ratione assistentiæ singulis diebus exhibitæ circa diuinum officium publicè perlutum in choro. *tom. 1. pag. 550. num. 1.*

2. Distributiones à fructibus distinguuntur, ut constat ex *Trid. sess. 24. cap. 12.* vnde sequitur eum, qui ob perpetratum crimen priuatur distributionibus, non ob id censi priuatum fructibus. Item pensionem beneficio impositam non censi super distributionibus, sed super fructibus constitutam, nisi beneficium in solis distributionibus consistat, aut nisi Pontifex aliud exprimat. *tom. 1. pag. 551. num. 4.*

3. In impetratione beneficii nō sunt necessariè exprimendæ distributiones; quia sub fructuum nomine non cōprehendūtur, nec in valore beneficii computandæ sunt. Itē in sequestratione fructuū, & prouentuum beneficii, regulariter loquēdo, non cōprehenduntur distributiones propriè acceptæ. Sunt enim quædā distributiones impropriè dictæ, cuiusmodi sunt illæ, quæ ex cōmuni massa conferuntur clericis alicuius Ecclesiæ, etiāsi diuinis officiis non intersint, modò resideant *ibid. n. 9. pag. 552. n. 2.*

4. Portiones, quæ ex prouentibus beneficii non conferuntur, nō appellātur propriè distributiones. Quamobrem portiones funerales, quæ vocātur anniuersaria, & quæ cōferūtur iis, qui exequiis, aliisque officiis pro defunctis celebrari solitis assistunt, nō sunt propriè distributiones; quanquam distributionum priuilegio gaudent, & interessentibus solum conferuntur. *pag. 552. n. 3.*

5. Distributiones igitur aliæ dicuntur *ordinariæ*; aliæ *extraordinariæ*; aliæ *proprie*; aliæ *improprie*; aliæ *à fructibus*, seu *masse separate*; aliæ *fructibus immixte*; aliæ consistunt *in pecunia*; aliæ *in fructibus, pane, vino, &c.* quæ canonicis diuino officio presentibus conferuntur. *ibid. n. 5.*

6. Distributionum usus neque naturali, neque diuino, sed humano Ecclesiastico iure inductus est ad fouendum, augendumque honorem, & cultum diuinum, ut beneficiarij distributionum acquirendarum affectu inuidentur, & alliciantur ad interessendum diuinis officiis. *tom. I. pag. 553. n. 1. & 3.*

Conditiones requisita in eo, qui ad distributiones admittendus est.

7. Admittendus ad distributiones titulum, & possessionem beneficij habere debet: quia ius ad distributiones acquiritur ratione beneficij. Præterea debet esse ea ætate, ut intra annum promoueri queat ad ordinem, quem ipsius beneficium postulat. Vnde sequitur habentem canonicatum, cui adnexus est ordo Sacerdotalis, non posse ad distributiones admitti, nisi 24. annum attigerit, præciso priuilegio, seu dispensatione. Potest tamen percipere distributiones, etiamsi actu non habeat illum ordinem, quem tale beneficium exigit: quia ad distributiones sufficit assistentia in choro, & debita horarum canonicarum recitatio *ibid. n. 1. & 2. pag. 554. n. 1.*

8. Admittendus ad distributiones, seu promouendus ad canonicatum, ea scientia debet esse instructus, quæ ad vniuersumque beneficij ordinem requiritur; vel saltem debet iudicari idoneus, qui intra annum eam acquirat. In canonicatibus verò nullum ordinem adnexum habentibus requiritur saltem, ut promouendus fidei rudimenta edoctus fuerit, sciâtque legere & scribere, & præterea latinæ linguæ non sit planè rudis; sed construere sciat, ut rubricas intelligat, ut in diuino officio persoluendo non erret. Ad hæc requiritur aliqua peritia cantus, quo diuina officia recitantur. *ibid. n. 1. & seq.*

9. Fieri potest, ut canonicus ob imperitiam cantus non admittatur ad distributiones, admittatur verò ad vocem in capitulo, vel contra admittatur ad distributiones, non verò ad vocem in capitulo ferendam: nam ad distributiones non prærequiritur Ordo sacer, requiritur verò ad ferendam vocem, in iis saltem Ecclesiis, in quibus Ordo sacer canonicatibus est adnexus. Tamen Decanus, & Archidiaconus capitulum conuocare possunt, etiamsi in sacris nondum sint constituti: sic enim censuit sacra Cardinalium Congregatio. *tom. I. pag. 555. n. 4. & seq.*

Ad quos pertineat ius percipiendarum Distributionum?

10. Ius percipiendarum distributionum competit Clericis Ecclesiæ collegiatæ, vel cathedralis, qui diuinis officiis in suis

Ecclesiis interfunt, & inferuiunt; non solum antiquis, verum etiam iunioribus supra numerum constitutis; modo Canonici creati non fuerint supra numerum cum hac clausula, *sine praeiudicio antiquorum canonicorum*: tunc enim iuniores percipere nequeunt distributiones, donec aliquam praebendam in futurum vacaturam re ipsa obtinuerint: sub hac enim conditione canonicatum sunt adepti. *ibid. n. 1.*

11. Qui matutino inchoato ad chorum concessit: maiori tamen parti interfuit, per se loquendo, & ex natura rei, non est priuandus omnibus distributionibus, quæ toti Matutino respondent: quia quæ est proportio totius ad totum, eadem est partis ad partem: sed qui totum Matutinum omittit, priuatur omnibus distributionibus: ergo qui partem solum prætermittit, priuandus est solum parte distributionum; alioquin non seruaretur proportio: quippe obligatio diuini officij diuidua est. Tamen ne diuinus cultus notabiliter lædatur, statuto cauere potest, ne is, qui notabiliter à choro abest, distributiones illas percipiat. *tom. 1. pag. 556. n. 10.*

12. Licet canonici, qui tribus mensibus à Concilio Trid. concessis absunt, non priuentur fructibus, distributiones tamen amittunt. Item quamuis beneficiarius, qui primis sex mensibus à die adepti beneficii officium non recitat, nihilominus faciat fructus suos: priuatur tamen distributionibus, quæ solis interessentibus, & recitantibus debentur. *tom. 1. pag. 557. num. 11.*

13. Canonicus, qui notabilem diuini officij partem attentè non recitat, aut non attendit, non lucratur distributiones, vt si confabuletur, aut voluntariè obdormiat, vel quid simile faciat, quod attentionem impediatur: hic enim diuinis non interest modo ab Ecclesia præscripto. Quapropter tenetur ad restitutionem. Qui verò, dum recitat diuinum officium in choro, in suo loco non sedet, aut proprias canonicorum vestes non gestat, nihilominus lucratur distributiones, vt si canonicus sit Protonotarius, & Protonotariorū more sit indutus: facit enim, quod à iure præscribitur ad lucrandas distributiones. *ibid. n. 13. & 14.*

14. Qui beneficium purè, & simpliciter resignauit post acceptam à Summo Pontifice resignationem, non potest distributiones subsequenti temporis lucrari, etiam si adhuc diuinis officiis intersit: cum enim careat titulo beneficii, nullum habet ius ad distributiones. Qui verò resignat sub conditione in fauorem resignatarij, potest distributiones lucrari, si velit interesse, donec resignatarius possessionem adierit: quia resignans non censetur titulum amisisse, donec resignatio fuerit completa. *ibid. n. 3. & pag. 558. n. 4.*

15. Habens dignitatem, & canonicatum, vel duplicem canonicatum in eadem Ecclesia, non potest, præcisa dispensatione, vel consuetudine, duplices distributiones vtrique canonicatui respondentes lucrari: quia qui duos sub eodem recto canonicatus habet, non magis residet, aut Ecclesiæ inseruit, quam si vnicum tantummodo haberet. *ibid. n. 3.* Habens verò duplicem canonicatum in diuersis Ecclesiis, percipit tantum distributiones illius Ecclesiæ in qua interest diuinis. *ibid. n. 2.*

16. Qui ex priuilegio, vel dispensatione inseruit Ecclesiæ per coadiutorem, lucratur distributiones, nisi ipse contulerit, vt dentur coadiutori, vel nisi Summus Pontif. aliter disposuerit: quia quod in alicuius fauorem inductum est, non debet in eius damnum retorqueri. Quare si coadiutor sua culpa absit à choro, ex aliqua causa, propter quam non conceduntur distributiones, tenetur coadiuto damnum refarcire: quia fuit causa iniusta illius damni. *tom. 1. pag. 560. n. 3. & 5.*

17. Potest induci consuetudo, vt canonici intersint choro, & tamen canant per alios, lucrenturque distributiones: si tamen hæc consuetudo nondum est præscripta, improbanda est, & tollenda, neque canonici per alios canentes tuti sunt in conscientia: quia licet intersint, non tamen inseruiunt choro. At si consuetudo est præscripta, saltem post Concil. Trid. tolerari potest: ius enim positium hanc præscriptionem non reprobatur. *tom. 1. pag. 561. num. 1.*

18. Quamuis distributiones solis interessentibus debeantur, regulariter loquendo; nihilominus tribus de causis etiam absentibus conferuntur. 1. propter infirmitatem. 2. ob iustam, & rationabilem corporis necessitatem. 3. propter absentiam in utilitatem Ecclesiæ. *ibid.*

19. Non quiuis morbus excusat ab interessentia; sed grauis. Grauem autem appello, qui licet in se sit leuis; tamen accessu ad chorū grauis fieri posset, etiam si beneficiarius hunc morbum sua culpa contraxerit, vel quia intemperanter vixit, vel quia in rixa vulnus accepit, &c. quia iura habent rationē solius infirmitatis. At si infirmus aliās interesse non consueuerat choro, nō lucratur distributiones: quia non abest propter infirmitatem, cum morbus per accidens se habeat ad absentiam. *ibid. n. 1. & seq.*

20. Qui de consilio medici domo non egreditur ob valetudinis periculum, potest percipere distributiones: abest enim ob rationabilem corporis necessitatem. Idem dic de eo, qui ob sumptum pharmacum domi se continet, &c. Item senex, qui senio confectus diuinis officiis commodè interesse non potest, quibus aliās interesse consueuerat, quotidianis distributionibus

priuandus non est. Item qui ob grauem metū iniuste incussum, vel qui ob graves inimicitias abesse cogitur, modò per ipsum non stet, quo minus tollantur, quandiu durat metus, seu periculum, potest percipere distributiones, &c. *to. 1. pag. 563. n. 4. & seq.*

21. Qui iuste in carcere detinetur ob crimen probatum, non gaudet distributionibus: quia dicitur abesse sua culpa. Qui verò in carcere detinetur ob criminis suspicionem, postquam per sententiam iudicis innocens iudicatus fuerit, poterit distributiones percipere: sic enim sacra Cardin. Congregatio declarauit. Modò tamen ob propriam culpam non fuerit in carcerem coniectus. *tom. 1. pag. 564. n. 1. & seq.*

22. Iuste excommunicatus excommunicatione maiori, & vitandus priuatur distributionibus, nisi absolutio ei iniuste denegetur. Excommunicatus autem excommunicatione minori, aut excommunicatus toleratus, cum possit diuinis interesse, capax est distributionum. Qui autem in excommunicationem incidit ob publicam clerici percussione, propter quam ab Ordinario loci coactus fuit per aliquot dies domi se continere, si post obtentam excommunicationis absolutionem, per decem annos menses choro intersit, & muneri suo integrè satisfaciatur, poterit integras distributiones percipere: quia nullo iure carere debet, distributionibus respondentibus tempori excommunicationis, cum ei liberum esset, etiamsi non fuisset excommunicatus, per duos menses impunè abesse à choro sine iactura distributionum. *tom. 1. pag. 565. n. 1. 2. & 3.*

23. Iniuste, seu inualidè excommunicatus, qui antea diuinis officiis interesse consueuerat, distributiones non amittit, sed subtractas recuperat, postquam de nullitate excommunicationis constiterit: per ipsum enim non stat, quominus intersit, nec meretur poenam, qui non deliquit. In foro tamen conscientiae, si iudex bona fide, & seruato iuris ordine sententiam tulit, non tenetur ad restitutionem, neque alij canonici, quibus distributiones applicatae fuerunt, easque bona fide consumpserunt. *ibid. n. 4.*

24. Iniuste suspensus, seu ab officio, seu à beneficio, siue etiam à fructibus, si ob eam suspensionem à choro abesse cogatur, potest percipere distributiones: iniuste enim prohibetur interesse. Iuste suspensus ab officio non priuatur distributionibus; suspensus autem à beneficio, vel à diuinis priuatur. Ratio est, quia suspensus ab officio potest diuinis interesse, & consequenter distributiones percipere. iis exceptis, quæ ratione officij conferuntur: At suspensio à beneficio importat priuationem omnium emolumentorum, quæ intuitu beneficij percipiuntur. Item suspensus à diuinis non potest tanquam Ecclesiae, minister, sed

sed solum tanquam laicus, diuina officia persolvere, consequenter incapax est distributionum, quæ diuina officia persoluentibus conferuntur. *tom. 1. pag. 566. n. 1. & seq.*

25. Iniuste à diuinis officiis interdictus non priuatur distributionibus; iuste interdictus priuatur. modò sit denunciatus: nam toleratus diuinis assistens capax est distributionum. Tempore interdicti localis specialis canonici non sunt distributionibus priuandi: nam per ipsos non stat, quo minus diuinis intersint, cum in ea Ecclesia celebrare nequeant. Tempore autem interdicti generalis canonici, nisi diuinis intersint, priuantur distributionibus: tunc enim persoluantur diuina officia in Ecclesiis summissa voce, ianuis clausis, exclusis excommunicatis, & interdictis, & campanis non pulsatis, exceptis festiuitatibus Natalis Domini, Pascharis, Pentecostes, Corporis Christi, & assumptionis B. Virginis, in quibus diuina officia alta voce, ianuis aperis, pulsatis campanis, admissis interdictis (modò ipsi causâ interdicto non dederint) celebrantur. *ibid. n. 1. & seq.*

26. Canonici, qui tempore cessationis à diuinis nequeunt diuina officia persolvere, nõ percipiunt distributiones, quia diuinis non intersunt: habent tamen actionem contra eum, qui monitus causam cessationis dedit, ad repetendas ab eo distributiones, cuius culpa cessatum est à diuinis. *tom. 1. pag. 567. n. 1. & seq.*

27. Canonici percipiunt distributiones, àm Ecclesia, in qua celebrare cõsueuerunt, polluta est, & violata; quia per ipsos non stat, ne diuina officia in choro persoluantur. Polluitur autem Ecclesia. 1. per voluntariam humani seminis effusionem. 2. per iniuriosam, & publicam humani sanguinis effusionem. 3. per benedictionem, vel consecrationem factam ab Episcopo excommunicato vitando. 4. per sepulturam excommunicati. 5. per sepulturam infidelis. 6. quando parietes Ecclesiæ tantum benedictæ deiiciuntur, & maiori ex parte simul destruuntur. *ibid. n. 1. & seq.*

28. Canonicus irregularis ob irregularitatem præcisè contractâ post beneficij consecutionem non priuatur distributionibus, si officiis diuinis intersit: nam irregularitas impedit tantum susceptionem Ordinum, & illorum exercitium. At si irregularitas contracta sit ante obtentum beneficium, beneficiarius non lucratur distributiones ex sententia illorum, qui collationem beneficij irregulari factam irritam esse disputant. *ibid. n. 1. & seq.*

29. Actualiter, seu realiter degradatus est incapax distributionum. Nec realiter solum, sed etiam verbaliter degradatus, nisi legitimam appellationem interposuerit, distributionibus caret: quia priuatur omni officio, & beneficio in perpetuum sine spe illius consequendi. *tom. 1. pag. 568. n. 1. & seq.*

30. Qui beneficio priuatus est, non habetius ad distributiones: sublato enim principali corrui accessorium. Si verò sententia priuationis reuocata reus fuerit absolutus, non solum poterit retinere beneficium, fructus, & distributiones, quas officii diuinis interessendo iam accepit; verum etiam illas, quas absens amisit causâ litis prosequendâ *ibid. n. 1. & seq.*

31. Clericus Ecclesiæ Cathedralis, vel collegiatæ, potest percipere distributiones, quamdiu abest in euidentem suæ Ecclesiæ vtilitatem. Vnde sequitur absentem causa adimplendi votum peregrinationis, non lucrari distributiones, immò neque fructus, si vitra trimestre à Concilio concessum absit. (Item eū, qui simul est canonicus, & Vicarius Episcopi, non percipere distributiones dum tempore diuinorū officiorum Vicarij munus obit: quia non abest in vtilitatem Capituli, seu Ecclesiæ cui est adscriptus, sed in obsequium Episcopi *ibid. n. 1. & pag. 569. n. 9. & pag. 570. n. 13.*

32. Canonicus, qui à Capitulo constitutus, vel ex officio deputatus est ad negotia Ecclesiæ peragenda, non priuatur distributionibus, etiam si ea tempore diuinorum officiorum expediat, cum alio tempore expedire potuisset: videtur enim vti iure suo, dum illorum negotiorum expeditionem in tempus diuini officij differt, nisi ex Capituli mandato anteuertere teneretur. At qui ad Ecclesiæ negotium peragendum citius discessit, vel tardius rediit quàm par esset, si de industria hoc fecit, distributiones non lucratur: quia nec Ecclesiæ negotium, nec bona fides illum excusat. Secus dicendum si bona fide id fecit, aut si graue impedimentum superuenit. *tom. 1. pag. 570. num. 15. & seq.*

33. Qui à Capitulo mandatum accepit ad peragendum matutinis horis negotium in commodum Ecclesiæ, si matutinum tempus propriis negotiis tribuat, dilato in vespertas Ecclesiæ negotio, lucrari potest distributiones tempore assignato respondentes, non autem eas, quæ respondent tempori, quo horis canonicis interesse potuisset, si negotium statuto tempore percipisset: nam respectu illius temporis dicitur abesse sua culpa. *tom. 1. pag. 571. num. 21.*

34. Qui in euidentem Ecclesiæ vtilitatem absque licentia Episcopi abest à choro, nihilominus lucratur distributiones: quia ad legitimam absentiam non requiritur Episcopi consensus, sed tantum euidentem Ecclesiæ vtilitas. Neque obstat Decretum Concilij Trid. *sess. 13. cap. 1.* quia non loquitur de Canonicis, sed de Episcopis, & aliis animarum curam gerentibus, quibus absque licentia superioris abesse non licet. *ibid.*

35. Absenti ob seruitium Papæ non sunt quidem fructus beneficij denegandi; distributiones tamen, nisi ex speciali priuilegio,

gio, non habentur: hic enim non dicitur abesse in Ecclesiæ propriæ utilitatem. Absentes autem ob seruitium Principis etiam Cardinalis, vel Legati, possunt priuari fructibus beneficii; quia non dicuntur residere, nisi priuilegium non residendi à legitimo superiore obtinuerint. *ibid. n. 1. & seq.*

36. Qui Episcopum comitantur, dum visitat diocesim, aut cum Missam extra propriam Ecclesiam auditurus est; non acquirunt distributiones; quia non absunt ob euidentem suæ Ecclesiæ utilitatem. Quamquam si beneficium nullos habeat redditus præter quotidianas distributiones, probabile est canonicum in seruitio Episcopi existentem eas lucrari, excepta tertia parte, quæ deferuentibus accedit. *tom. 1. pag. 572. n. 2. & 3.*

37. Episcopus potest in sui seruitium duos canonicos Ecclesiæ cathedralis, vel collegiæ, assumere absque iactura fructuû, & distributionum: hi enim fictione iuris censeantur præsentem, consequenter ex vi statuti fructibus priuari non debent. *ibid. n. 4.*

38. Absentibus ad tuenda Capituli iura distributiones debentur: censetur enim abesse in suæ Ecclesiæ utilitatem. Idque verum est, etiam si congruum illis à Capitulo constitutum sit salarium, quod datur ad sustinendos labores, & incommoda, occasione prosequendæ causæ subeunda. Idem dicendum videtur de eo, qui abest, ut sui beneficii iura tueatur: hoc enim pertinet ad communem Ecclesiæ utilitatem, quæ destructione vnius præbendæ non mediocriter damnum pateretur. Secus sentiendum de eo, qui abest, ut ius, quod habet ad beneficium, contra alterum tueatur: nam Ecclesiæ non multum interest, ut hic potius, quam ille beneficium obtineat. *ibid. n. 1. & pag. 573. n. 2. & 3.*

39. Canonicus, qui tempore diuinorum officiorum Missam in sua Ecclesia celebrat, non lucratur distributiones præciso Summi Pontif priuilegio, aut seclusa legitima consuetudine, aut etiam mandato superioris: nam qui mandato superioris tempore diuini officij Missam celebrat, habetur pro præsentem *tom. 1. pag. 573. n. 1. & seq.*

40. Pœnitentiarius Ecclesiæ cathedralis non potest, spectato iure antiquo, distributiones percipere, dum tempore diuinorum officiorum confessionibus excipiendis detinetur. At iure nouo sancitum est in Trid. *sess. 24. cap. 8.* ut Pœnitentiarius, dum confessiones in Ecclesia audit, præsens, in choro censeatur, & consequenter distributiones percipere possit. Idem dicendum videtur, quando audit confessiones eo tempore, quo aliqui canonici processionibus, seu supplicationibus assistunt; sic enim declarauit sacra Card Congregatio. Alij verò canonici, qui dum celebrantur diuina, confessiones audiant, non lucentur distributiones,

nisi absente, aut mortuo Pœnitentiaro, eius vices suppleant. *ibid. n. 1. & pag. 574. n. 3. & 4.*

41. Obtinens præbendam theologicale tempore absentia non percipit distributiones, tamen si à choro absit occasione parandæ concionis, vel lectionis, nisi fortè ipsius præbenda non habeat fructus distinctos à distributionibus. Excipe illos dies, quibus Theologi in suis Ecclesiis legunt. Illis enim diebus habendos esse tanquam præsentibus Gregor. XIII. declarauit *ibid. n. 1. & 2.*

42. Habens dignitatem, vel canonicatum in Ecclesia cathedrali, vel collegiata, cui adnexa sit animarum cura, non potest præciso priuilegio, vel consuetudine in contrarium, lucrari distributiones, dum tempore diuinorum officiorum abest ad exercendam animarum curam: quia non abest in utilitate propriæ Ecclesiæ, sed in obsequium, & commodum ouium sibi subditarum. *tom. 1. pag. 575. n. 1.* Item canonici, quibus locorum piorum cura, vel administratio demandata est, non possunt eo tempore, quo in commodum, & utilitatem horum locorum absunt, distributionibus frui. Vnde infertur vicarios foraneos, visitatores diœcesis, & examinatores diuinis officiis non assistentes, iure communi carere distributionibus, nisi legitima consuetudo, vel priuilegium aliud postulet. *ibid. n. 1. & seq.*

43. Absens causa studendi, vel docendi, non lucratur distributiones, modò beneficium habeat alios redditus, seu fructus à distributionibus separatos, nisi legitima consuetudo aliud ferat: percipit tamen fructus beneficij, & præbendæ. Porro absens studiorum causa, si habeat beneficium, cui adnexa sit animarum cura, vel aliud onus, quod per alium obiri possit, debet alium in suum locum substituere: quia æquum non est, ut beneficij fructibus cum aliorum damno fruatur. *tom. 1. p. 576. n. 1. & 11.*

44. Ex Summi Pontif. priuilegio potest absens lucrari distributiones. Summus enim Pontifex in iure humano dispensare potest. At prælati Summo Pontif. inferiores non possunt facultatem concedere, ut absens distributionibus fruatur. Hoc autem priuilegium à Summo Pontif. concessum, cum faciat ad diminutionem diuini cultus, & repugnet iuri aliorum canonicorum, strictè interpretandum est utpote odiosum. Quare, qui habet priuilegium, ut absens percipiat omnes fructus sui beneficij, ac si resideret, non potest virtute illius priuilegij percipere distributiones, quia sub nomine fructuum non comprehenditur. *tom. 1. pag. 577. n. 1. & 4.*

45. Habens priuilegium non residendi certo anni tempore absque iactura distributionum, non potest illo priuilegio uti, si vsu illius, diuinus cultus notabiliter minuat, ut quando ob nonnullorum

nonnullorum absentiam, ita canonicorum numerus minuitur, vt diuina officia celebrari nequeant: hic enim casus censetur per episcopiam exceptus; nam si superior illam prauidisset, priuilegium non concessisset. *ibid. n. 7.*

46. Canonicus habens priuilegium duorum mensium, si ultra bimestre in anno absit, potest duorum mensium priuilegio frui, & priuandus est solum distributionibus debitis pro eo tempore, quod duos menses excedit, nisi forte in pœnam notabilis negligentiae aliter decernatur. *tom. 1. pag. 578. n. 11.*

47. Qui à Summo Pontif. priuilegium obtinuit percipiendi fructus, vel distributiones tempore absentiae, non potest auctoritate iudicis cogere Capitulum ad restitutionem fructuum, seu distributionum, postquam bona fide facta fuit illarum diuisio inter canonicos: quia Capitulum non accepit illas distributiones, sed collatae fuerunt singulis canonicis. *ibid. n. 16.*

48. Nullo Capitulorum, vel Episcoporum statuto, aut constitutione, regulariter loquendo, induci potest, vt distributiones absentibus conferantur; quia inferiores non possunt derogare iuri canonico prohibenti distributiones absentibus conferri. Illudque statutum, quo decernitur, vt senibus qui per 40. annos Ecclesiae seruerint, distributiones tanquam praesentibus tribuantur, tolerari non debet, nisi approbatio Summi Pontif. accedat, si tamen in fundatione alicuius collegiatae Ecclesiae statuatur, vt canonici duos vel tres menses sine distributionum iactura abesse possint, & iuxta huius fundationis institutum constitutio feratur illud confirmans, valida erit: quia ius canonicum fundationibus non derogauit. *tom. 1. pag. 579. n. 2. & 3.*

49. Consuetudine sola induci non potest, vt distributiones absentibus licite conferantur, nisi consuetudo ex rationabili causa inducatur, aut nisi Summus Pontif. consentiat. quia induci non potest consuetudo contra naturam distributionum, quae est, vt non conferantur absentibus. Viderur tamen tolerari posse consuetudo, qua beneficiarii cathedralis Ecclesiae, vel collegiatae, absentes per duos, aut tres menses, habentur pro praesentibus quoad distributiones: quia haec absentia permittitur à Trident. *sess. 24. c. 12.* & fieri potest, vt haec consuetudo iusta de causa inducatur. *tom. 1. pag. 580. n. 2. & 7.*

50. Consuetudine induci non potest, vt distributiones primi anni, quo quis canonicatum adeptus est, haeredibus canonici praefuncti, cui hic successit, iure proprio referuentur. Non negandum tamen haeredibus canonici defuncti deberi distributiones pro rata temporis praeteriti, quo defunctus inseruiuit, qui antequam distributiones perciperet, è vita migrauit: quia haec

in defuncti iura realia succedit. *tom. 1. pag. 581. num. 11.*

51. Potest admitti consuetudo, ut fructus primi anni dentur hæredibus canonici mortui: hæc enim consuetudo à iure non reprobat, & iusta de causa videtur inducta, ut ex his fructibus defuncti debita persolui, & anniuersaria officia pro ipso facilius celebrari queant. *ibid. num. 12.*

52. Approbari non potest consuetudo, qua nonnulli canonici alternis hebdomadis interfunt choro, & distributiones accipiunt, etiam iis hebdomadis, quibus ab Ecclesia absunt, putantes se posse ob consuetudinem abesse, & distributiones singulis hebdomadis lucrari; nisi vel consensus Pontificis, vel iusta causa hanc consuetudinem excuset. *ibid. num. 13.*

53. Toleranda non est diocesana constitutio, seu consuetudo concedens *Iubilationem*, ut beneficiarij, qui longo tempore diuinis officiis interfuerunt personaliter, immunes fiant à residentia, & distributiones, tanquam emeriti milites, quotidie percipiant: quia non apparet sufficiens ratio, cur à residentia excusentur, dum adhuc sunt vegeti, & diuinis officiis commodè, bono exemplo, interesse possunt *ibid. n. 15.* Permitti tamen potest, ut septuagenarij, & senio confecti, distributiones capiant, etiam si choro non interfint. *ibid. n. 16.*

54. Admitti potest immemorabilis consuetudo, ut quis per alium eiusdem Ecclesiæ canonicum assistens, & seruienti Ecclesiæ, distributionibus fruatur: sic enim nullum diuino cultui damnum infertur; eaque consuetudo in præcipua Italiæ vrbē obtinuit, ut vnus canonicus assistat per alium canonicum, qui aliàs non teneretur ea die, vel hebdomada, ex onere sui canonici-
tus interesse *tom. 1. pag. 582. n. 17.*

55. Consuetudine induci non potest, ut habens duos canonicatus in duabus Ecclesiis, acquirat ius percipiendi distributiones illius Ecclesiæ, in qua non residet. Si tamen beneficium nihil aliud reddat præter distributiones quotidianas, consuetudine induci potest, ut beneficiario, qui diuinis officiis non interest, aliquid tradatur, non ob absentiam, sed ob onera beneficio annexa: quia huiusmodi distributiones sunt veluti fructus; debentur autem fructus clerico residenti, quamuis diuinis officiis non intersit. *ibid. n. 18.*

56. Improbanda non est consuetudo, qua canonicus, qui iustam ob causam adfuit, & iam rediit, domi biduum, aut triduum se continet ut quiescat, & sarcinulas suas componat antequam Ecclesiam adeat: hæc enim consuetudo iusta de causa inducitur. *ibid. n. 20.*

57. Consuetudine induci potest, ut qui diuinis officiis
interfunt,

interfunt, certo quodam tempore nullas distributiones accipiant: quia non reprobatur à iure consuetudo non conferendi distributiones assistentibus, sed conferendi non assistentibus. Neque improbanda videtur consuetudo, vel constitutio, qua cauetur, vt absens etiam causa infirmitatis, vel alia de causa ob quam distributiones permittuntur, non percipiat distributiones: hæc enim constitutio diuino cultui fauet. Non negandum tamen quin aduersetur iuri canonicorum. *ibid. num. 21.*

58. Neque licita, neque valida est distributionum remissio facta absenti ab aliis canonicis, quibus ob assistentiam in choro distributiones debentur: absentes enim sine legitima causa, à distributionibus iure excluduntur, & Concilium Trid. *sess. 24. c. 12.* absolute asserit absentes distributionibus carere, quauis collusionem, vel remissione exclusa. Addendum hanc remissionem esse inualidam, etiam si fiat absenti ex causa à iure permissa, & ab Episcopo approbata, vt studiorum causa, & c. (modo non abfuerit ob infirmitatem, vel ob rationabilem corporis necessitatem, vel in euidentem Ecclesiæ vtilitatem: nam absens in his casibus non est distributionibus priuandus ex iuris communis concessione:) quia Trident. quamlibet remissionem, & collusionem excludit. *tom. 1. pag. 583. num. 1. & seq.*

59. Non videtur iure communi prohibita distributionum donatio facta ab eo, qui iam acceperat distributiones, quas alter ob absentiam amiserat. Concilium enim Trid. non excludit donationem, sed remissionem, & collusionem. Ille tamen non est tutus in conscientia, qui distributiones amissas propter absentiam tradit interessentibus, cum hac præuia conuentione, vt sibi restituantur, & postea re ipsa restituuntur: hoc enim fit in fraudem legis prohibentis remissionem. *ibid. num. 1. & seq.*

60. Licita videtur transactio circa præteritas distributiones, in dubio an quis amittere debeat distributiones, vel an illas male perceperit: hæc enim nullum est periculum simoniæ, cum distributiones sint merè temporales, & vendi, alienarique possint. Secus dicendum de amicabili compositione, qua aliqua distributionum pars certò debita condonatur; hæc enim est remissio iure prohibita. Circa distributiones autem futuras, vt sic, licet, & absque simoniæ labe transigi potest: sunt enim quid temporale, sicut fructus beneficij, qui vendi possunt; modò transactio fiat sine præiudicio aliorum canonicorum, quibus distributiones absentis accedunt, & modò non fiat cum aliis canonicis de distributionibus, quæ sibi accedunt ob absentiam: hæc enim esset veluti remissio, & collusio, quam iura prohibent. *tom. 1. pag. 584. n. 2. & seq.*

61. Decimo quinto quoque anno soluenda est *annata*, seu *quindennium* ex fructibus beneficiorum, quæ mensè capitulati, seu collegiali unita fuerunt, ut ipsorum fructus diuidantur in quoridianas distributiones iis applicandas, qui diuinis officiis interfunt. Est autem *annata* media illa pars fructuum, quæ ab impetrantibus beneficia à Sede Apostolica soluitur Cameræ Apost. in ipso beneficii ingressu, modò beneficii redditus 24. ducatos cameiales excedant. *Quindennium* verò, quod loco annatæ soluitur, est pensio integrorum vnius anni fructuum, aut saltem dimidiæ partis, quæ decimo quinto quoque anno Summo Pontifici soluitur ex beneficio alicui communitati, vel collegio aduexo, ne Rom. Curia ministri ob perpetuam beneficiorum vnionem damnum patiantur. *tom. 1. pag. 584. 585. n. 1. & seq.*

62. Ex distributionibus quotidianis in ingressu beneficii, regulariter loquendo, non soluitur *annata*: quia soluitur *annata* ex fructibus beneficii, distributiones autem in fructibus non numerantur. Neque soluendum est Episcopo ex distributionibus subsidium charitativum, soluitur enim de fructibus, & redditibus beneficiorum. Dicitur autem subsidium charitativum, quod Episcopus ex iusta, & rationabili causa exigere potest à clericis sibi subditis ex fructibus beneficii, *pag. 585. n. 9.*

63. Decima spiritualis, quæ Parochis solui consuevit, soluenda etiam est de distributionibus: quia de omnibus terræ fructibus soluitur. Si tamen Pontifex simpliciter iubeat decimas ex fructibus, & prouentibus beneficiorum solui, non videtur decima ex distributionibus soluenda. Secus, si eas præcipiat solui ex omnibus prouentibus Ecclesiasticis. *ibid. n. 1. & 2.*

64. Pensio, regulariter loquendo, non soluitur ex distributionibus: quia, regulariter loquendo, super distributionibus non imponitur, nisi beneficium in solis distributionibus consistat, aut nisi Pontifex aliud exprimat: neque enim par est, ut quis personaliter resideat, & inferuiat, alter verò alimenta, & commodum percipiat. Si autem pensio imponatur à Pontifice super distributionibus, onus illud transit ad Capitulum, dum illæ accedunt Capitulo, seu Collegio canonicorum interessentium, aut quia canonicatus aliquamdiu vacauit, aut quia canonicus non fuit admissus ad distributiones ob imperitiam cantus, vel quia ob censuram absuit à choro. *tom. 1. pag. 586. num. 1. & pag. 587. num. 9.*

65. Canonicus, qui canonicatum mutat, seu aliud obtinet per collationem, non tenetur ad pensionem, quàm priùs occasione primi beneficii persoluebat; quia non censetur amplius idem canonicus: Propterea in optionibus, quas hic in futurum assequi contendet,

contendet, non erit habenda ratio primi canonicatus, quem cum pensione obtinuerat, sed huius secundi: Canonicus enim, qui ratione prioris beneficii censebatur antiquior in optionibus, facta beneficii mutatione censebitur iunior, & perinde habebitur, ac si extraneus idē beneficium consequutus fuisset. *tom. 1. p. 588. n. 14.*

66. Successor in beneficio tenetur ad pensionē, siue imposita esset super fructibus, siue super distributionibus; succedit enim in onera realia; etiam si intrusus sit, nec titulum beneficii legitime possideat; nam qui beneficii fructus percipit, tenetur ad pensionem ratione fructuum impositam. *ibid. n. 15.*

Distributiones absentium quibus debeantur?

67. Distributiones quotidianæ propriè sumptæ absentibus conferendæ, si interessent, præcisa consuetudine in contrarium, debentur aliis canonicis, qui diuinis intersunt, modò reipsa aliqui intersint. *ibid. n. 1.*

68. Beneficiarius diuinis officiis in choro mancipatus, si diuinis non intersit, pœnam priuationis distributionū subire debet, non expectatā iudicis sententiā: quia hæc pœna ad sui executionem nullam hominis actionē requirit, cum massa distributionum apud eum, qui diuinis non interfuit, non reperiatur. *tom. 1. pag. 589 num. 2.*

69. Distributiones absentium canonicis interessentibus accedere incipiunt ab eo tempore, quo canonicus abest ex aliqua causa propter quam absentes à distributionibus excludantur. Idem dicendum si beneficium per mortem vacet, aut per resignationem completam: perfecta enim resignatione, vel permutatione nullum ius competit resignanti, aut permutanti, consequenter distributiones accedunt interessentibus, nisi successor resideat, & choro assistat. *tom. 2. pag. 590. n. 5.*

Diuinatio, Diuinator,

1. **D**iuinatio est prædictio rerum occultarum, quæ humano modo cognosci non possunt, sitque ope dæmonis: quamuis enim dæmon futura contingentia certò non cognoscat, quæ ab hominis arbitrio pendent, longè tamen plura de rebus futuris, aliisque occultis cognoscere potest quam homines. Digni sunt reprehensione, qui pactū inter se ineunt, ut qui prior morietur, posteriorem de suo statu admoneat; fieri enim potest, ut dæmon inde occasionem arripiat decipiendi. *tom. 2. pag. 178 num. 1. & pag. 179. n. 2.*

2. Diuinatio duobus modis fieri solet. 1. per expressam dæmonis inuocationem, petendo, ut aliquid doceat. 2. per tacitam solum

solùm invocationem, quæ contingit quando quis mediis vanis quibus se immiscet dæmon, procurat cognitionē rerum latentium, quæ captum humanum superant, etiamsi ille, qui vanis signis utitur, non intendat expressè dæmonem inuocare, immò dicat se nolle inuocare; dicitur enim tacitè inuocare, dum serid media inutilia, & vana vsurpat, quibus non potest alio pacto res latentes cognoscere, quàm ope dæmonis. Hinc patet modum diuinandi thesaurum, vel inueniendi furtum occultum, &c. per astrologiam, esse superstitiosum, cum hæc nisi ope dæmonis cognosci non possint *pag. 179. num. 4.*

3. Diuinatio cum expressa Dæmonis inuocatione multis modis contingit. Per apparitionem in figuris, aut corporibus assumptis; per signa apparentia in corporibus terrestribus, per negromantiam, excitando aliquem mortuum; per exta animalium; per aëras; per ignem; per aquam, per somnia, quæ cognoscuntur à Dæmone immissa, quando ad malum impellunt; in dubio autem an sint à Deo, an à Dæmone, præsumi possunt esse à Dæmone. Porro reprehensione digni sunt, qui dedita opera ita se componunt ad somnum, ut sibi per somnium occulta reuelentur: nam volunt à Dæmone doceri. *ibid. n. 5. & seq.*

4. Diuinatio cum tacita Dæmonis inuocatione contingit, quoties ad diuinandum adhibentur ea, quæ talem virtutem non habent; cuiusmodi est diuinatio per taxillos, cribrum autum garritum, sternutationem, &c. Datur tamen diuinatio naturalis, & licita, adhibitis iis rebus ex quibus talis cognitio haberi potest. Sic excusatur astrologia naturalis, quæ ex contemplatione siderum coniiicit effectus naturales, in quos cælum influir: excusari etiam potest astrologia, qua ex intuitu cælorum diuinamus hominum inclinationes, quamuis hæc astrologia sit valde incerta; difficile enim est illud cæli punctum obseruare in quo alicuius natiuitas contingit *ibid. n. 9. & 10.*

5. Superstitiosa est planè astrologia iudiciaria, per quam ex aspectu cælorum coniiicimus euentus fortuitos pendentes à libero hominis arbitrio: nam si eiusmodi effectus ex cælorum aspectu cognosci possent, liberum hominis arbitrium tolleretur. Excusari tamen potest coniectura, quæ petitur ex physiognomia naturali, v. g. ex lineis manuum, &c. vnde licet aliquo modo coniiicere ingenium, indolem, &c. non tamen inde prædicere possumus hominem fore diuitem, aut pauperem, &c. Vnde patet petentem ab Ægyptiis bonam, vel sinistram fortunam peccare, quia hoc naturaliter sciri nequit. Hoc tamen peccatum videtur solum veniale, si fiat causa curiositatis, vel risus, ut vulgo fieri solet *tom. 2. pag. 180. n. 11.*

6. Sors *diuiforia*, qua cognofcitur, quid cuique tribuendum fit, in electionibus controuerfis licita eft, quando fit ad dirimendas lites, quæ alia ratione dirimi nequeunt, modò non fiat cum irreuerentia rerum facrarum, neque in electionibus Ecclefiasticis, quæ Spiritus Sancti inftinctu fieri debent. Sors *confultoria*, per fe loquendo, eft illicita; quia Deus non vult per fortis voluntatem fuam indagari: poteft tamen efle licita in neceffitate; non tamen in electionibus Ecclefiasticis. Sors *diuinatoria* eft omnino prohibita, quia neque à Deo, neque à cafu, neque à Dæmone res occultas licet inquirere. pag. 181. 182. n. 13. & feq.

7. Diuination ex fuo genere eft peccatum mort. fiue fiat cum tacita, fiue cum exprefla Dæmonis inuocatione: quia fic initur focietas cum Dæmone. Excufari tamen poteft aliquando à mortali ob fimplicitatem, & ignorantiam, vt contingit in fomniis. Porro ob diuinationem non incurritur ex communicatio ipfo facto. 10. 2. pag. 182. n. 17. & 23.

8. Nulla excommunicatio ipfo facto incurrenda extat in iure contra diuinatores, incantatores, fortilegos, &c. Aut fi aliquod ius affertur continens cenfuram ipfo facto latam; ea non eft vfu recepta, cuiusmodi eft Bulla Ioannis X X I I. & Leonis X. vnde conftat diuinatores, incantatores, maleficos, & his fimiles non fubiici excommunicationi, modò tamen non fentiant aliquid contra fidem, tunc enim excommunicationem contra hæreticos latam incurrunt. difput. 2. quæft. 2. punct. 38. pag. 185. n. 1. & feq. tom. 3.

9. Aftrologi, & Genethliaci poffunt ex aſtris aliquodiudicium ferre circa naturales hominum propenfiones; funt enim effectus naturales ex aſtris prouenientes, cum aſtra influant in corpora. Neque vilo iure verita eft huiusmodi prædictio; nam Bulla Sixti V. quæ incipit, *Cæli & terra creator*, loquitur folùm de prædictionibus circa futuros effectus contingentes, pendentes ab hominis voluntate. *ibid.* pag. 186. n. 3. tom. 3.

10. Facientes iudicia, vel natiuitates circa futuros effectus contingentes, ab humana voluntate pendentes, rei funt Aftrologiæ iudiciariæ, & ſuperſtitioſæ, vetitæ iure Eccleſiaſtico, naturali, & diuino, fi de his effectibus abſolutum iudicium ferant; quia hæc cognitio viribus naturæ haberi nequit; ergo ex pacto tacito, vel expreflo cum dæmone comparanda eft. *ibid.* num. 4.

11. Qui ex aſtris præciſè futuros effectus contingentes, ab hominum voluntate pendentes prædicunt, grauiter peccant contra conſtitutionem Sixti V. non ſolùm dum certò pronuntiant euenturos, ſed etiam dum probabiliter ſolùm ex leuibus iudiciis coniectant: nam Summus Pontif. mandat huiusmodi

diuinatores grauibz pœnis canonicis affici. Neque diuinatores tantum peccant, verum etiam ij, qui diuinatoribus cooperantur. *ibid. n. 5.*

12. Hac tamen Sixti V. Bulla, aut alio iure non prohibentur probabiles coniecturæ, quæ non à solis astris, sed ab alijs etiam causis, & circumstantiis desumuntur, vt ab ipsa corporis complexionem, dispositionem, seu temperamento, ab actionibus hominis, alijsque similibus circumstantiis, hæc enim non dicitur diuination, sed astrologia naturalis. Modò tamen hi effectus non prædicantur certò, & absolutè, v. g. hunc fore diuitem, furem, &c. hæc enim viribus naturæ sciri nequeunt. *ibid. n. 6.*

DONATIO.

Quid sit donatio?

1. **D**onatio est liberalis datio rei alicuius, id est, quæ non fit ex obligatione, & debito iustitiæ, sed ex mera liberalitate, aut ex gratitudine, cuiusmodi est remissio debiti facta liberaliter à creditore. Donatio autem remuneratoria, quæ dicitur antidotalis, fitque ad collata beneficia remuneranda, non est donatio propriè dicta; quia non fit intuitu meræ liberalitatis. *tom. 2. pag. 622. n. 1. & 2.*

2. Donatio remuneratoria duplex est. Vna, qua beneficium acceptum compensatur ad æqualitatem ex gratitudine, non ex debito, & hanc donationem facere potest quilibet habens liberam bonorum administrationem: immò etiam Prælati monasterij ex bonis monasterij, & tutor de bonis pupilli, si beneficium præstitum fuit pupillo. Altera est, qua obsequium, seu debitum, compensatur ultra æqualitatem, ita tamen, vt non sit nimis excessus, & in hac donatione maior circumspectio est adhibenda ab iis, qui ex alienis bonis, quorum habent administrationem, largitiones faciunt: nam qua parte remuneratio modum excedit, non dicitur remuneratio, sed donatio. *ibid. n. 6.*

3. Religiosus, qui absque licentia Superioris rogat volentem sibi aliquid donare, vt donet consanguineo, non peccat contra votum: quia per votum prohibetur alienatio absque debita facultate: hinc autem nulla est alienatio, quippe alienatio est distractio rei acquisitæ: religiosus autem non acquisiuit, cum non acceptauerit. At si donum offerenti gratias egit, iam non potest donatorem rogare, vt alteri donet: nam per gratiarum actionem acceptauit, & consequenter acquisiuit. *tom. 2. pag. 623. n. 6.*

Quis quid donare possit?

4. Is potest donare, qui liberam habet administrationem, & dominium bonorum, & à iure non impeditur. Hinc sequitur prodigum, impuberem, minorem donare non posse sine tacito, vel expresso tutoris, aut curatoris consensu. Non negandum tamen minorem donare posse ea, quæ alij suæ conditionis donant; immò quæ accepta sunt à minore, non videntur restituenda, antequam repetantur à curatore, vel à minore utente privilegio restitutionis in integrum. Item filiusfamilias non potest absque consensu patris donare, nisi habeat bona castrensia, vel quasi castrensia. *ibid. n. 1. & seq. ad notandum.*

5. Religiosus superiori subditus non potest quidquam donare absque superioris consensu tacito, vel expresso. Immò ipsi superiores religionum non possunt donare, nisi quatenus ex constitutionibus religionis, vel ex consuetudine illis permittitur. *ibid. num. 6.*

6. Vxor quæ non habet alia bona præter dotem, non potest donare. Item amens, aut sui minimè compos, donare non potest, quandiu est impotens mentis. Item debitor, qui non est soluendo. Item is, cuius bona sunt fisco addicta, post sententiam criminis condemnatoriam donare non potest. Item miles non potest concubinæ ex mera liberalitate quidquam donare, sed ei licet donationem reuocare. *ibid. n. 9. & seq.*

7. Omnia, quorum dominium transferri potest, donari possunt, ipsæ etiam res incorporales, ut actiones, iura, nomina debitorum, &c. Immò ipsa spes habendi, & ius litigandi donari potest, modò non transferatur in potentio rem. *tom 2. p. 624. n. 17.*

8. Donatio filiorum in parentes de bonis castrensibus valida est: habent enim filii familias liberam huiusmodi bonorum administrationem. Reliquorum verò bonorum donatio est inuvalida; quia filius non potest donare patri bona profecticia, nisi ea, quæ filio relicta sunt eo pacto, ut ususfructus non acquiratur patri: cum enim sit illorum dominus quoad usumfructum, & quoad proprietatem, validè poterit ea donare. *ibid. n. 1.*

9. Donatio patris in filium legitimum non emancipatum, regulariter loquendo, non est firma iure communi, sed reuocari potest ad arbitrium patris, nisi facta sit cum iuramento. Donatio autem matris, vel aviæ, vel aui materni in filium valida est: iura enim loquuntur tantum de donatione patris. Non tenetur tamen filius ad restitutionem eorum, quæ dono accepit à patre, qui mortuus est: hæc enim donatio morte donatoris confirmatur, & retrotrahitur ad diem, in quo facta fuit traditio,

consequenter donatarius acquirit fructus ex ea re perceptos, modò donatio non pertingat ad eam partem, ad quam requiritur insinuatio: nam quoad excessum, ad quem requiritur insinuatio, non firmatur morte patris, nisi pater in articulo mortis donationem confirmauerit; tunc enim rationem induit legati, ad quod non requiritur insinuatio. *ibid. n. 2. & 3.*

10. Donatio, quæ fit inter sponso, antequam celebretur matrimonium de præsentì, & vocatur *sponsalitia largitas*, valida est, & donata acquiruntur donatario, si postea matrimonium fiat, & consummetur. Quia ius non irritat hanc donationem. At si matrimonium non fiat, donata restituenda sunt donatori, vel eius hæredibus: quia hæc sponsalitia largitas censetur facta intuitu matrimonij; nisi omisso matrimonij contingat ob culpam dominantis; tunc enim donata acquiruntur donatario. Si verò facta donatione interuenit osculum, aut copula inter sponso, post sponsalia iam celebrata, dimidium acquiritur sponsæ; & dimidiũ hæredibus sponsi. At si osculum, vel copula præcessit sponsalia, tunc sponsa adueniente matrimonio non lucratur medietatem sponsalitiæ largitatis. *tom. 2. p. 625. n. 1. & seq.*

11. Si sponsalia dissoluantur absque culpa vllius sponsi, nihil lucratur sponsa ex sponsalitiæ largitate, etiamsi osculum intercesserit: quia hæc largitas facta est sub spe matrimonij, si verò osculum, vel copula præcessit antequam sponsalia dissoluerentur, sponsa lucratur dimidiam sponsalitiæ largitatis partem: nam per osculum ius acquisiuit ad dimidiam partem, dum sponso causam non præbuit non contrahendi matrimonium. *ibid. n. 8.*

12. Filius familiæ, qui annos pubertatis attigit, potest inconfulto patre largitatem sponsalitiæ promittere. Ratio petitur à regula generali, qua probatur filium familiæ posse inconfulto patre, & ex omni cōtractu naturaliter, & ciuilitè obligari. Potest etiam filius familiæ inconfulto patre largitatem sponsalitiæ facere de iis, quorum liberam habet administrationem, vt de bonis castrensibus. *tom. 2. pag. 616. n. 12.*

13. Ea, quæ sponso mittit sponsæ ante celebrationem matrimonij de præsentì, non censentur donata per sponsalitiæ largitatem; nisi aliud constet de mente ipsius sponsi: quia sponso præsumitur illa misisse non animo donandi, sed honorandi sponsam, vt ornatior ad se accedat. Vnde sequitur sponsam non acquirere ea, quæ missa sunt à sponso ante celebrationem matrimonij, consequenter dissoluto matrimonio ea esse restituenda, neque per osculum lucrari dimidium illorum; quia illa donata non fuerunt. *ibid. n. 13.*

14. Annulus datus sponsæ in Ecclesia, qui tunc benedicitur, non

non acquiritur sponsæ, nisi antea ei donatus esset. Quia dum annulus datur, iam celebratus fuit matrimonij contractus per verba de presenti, vt supponitur; consequenter annulus, si tunc datur censetur donatio inter coniuges: donatio autem inter coniuges post contractum matrimonium, etiam non consummatum, irrita est. *ibid.*

15. Vestes pretiosæ, quas sponsus dedit sponsæ, in dubio non censentur donatæ; quotidianæ verò censetur donatæ; vestes enim pretiosæ non censentur sponsalitia largitas, neque sponsa illas lucratur per osculum, vel copulam: at quotidianæ ad largitatem sponsalitiæ spectant. *ibid.*

16. Donata sponsæ à consanguineis sponsi, vicissim donata sponso, à consanguineis sponsæ, acquiruntur ei, cui donator vult acquiri, dum constat de ipsius voluntate: quando verò non constat, recurrendum est ad coniecturas: nam si donator donauit causa consanguinitatis, res donata sponsæ acquiritur sponso, cuius intuitu donata fuit, consequenter soluto matrimonio, reddenda est sponso, vel eius hæredibus: tota enim donandi causa est consanguinitas: *ibid. num. 14.*

17. Donatio vxori facta à consanguineis viri, intuitu viri, non censetur sponsalitia largitas: quia quæ donantur vxori intuitu viri, jacquiruntur viro, & in dubio non præsumitur sponfus ea velle donare vxori; quare sponsa ea non lucratur per osculum, vel copulam, more sponsalitiæ largitatis. *rom. 2. p. 627. n. 15.*

18. Licita est, & valida arrharum traditio inter sponso, casque amittit, qui à sponsalibus iniuste resiliit: quia traditio arrharum fauorabilis est matrimonio, cum tradantur, vt matrimonium celebretur; hæc autem est natura arrharum, vt qui eas tradidit, illas amittat, quoties per ipsum stat, ne contractus perficiatur. *ibid. n. 16.*

19. Qui accepit arrhas, sed nullas ipse tradidit, si per ipsum stet, quominus matrimonium celebretur, non solum tenetur ad restitutionem arrharum, verum etiam ad duplum: sic enim ius disponit; vel etiam ad triplum, vel quadruplum, si ita conuentum est inter ipsos (modò qui accepit non sit minor) alioquin non seruaretur æqualitas: alter enim tantum subiret aleam perdendi, ipse verò lucrandi. *rom. 2. pag. 628. n. 22.*

20. Donatio inter coniuges facta inter viuos, iure communi inualida est, regulariter loquendo, etiam si matrimonium nondum esset consummatum, sed tantummodò ratum tempore donationis. Ideo nisi morte, aut iuramento confirmetur, potest à donatore ad libitum reuocari. Immodò inualida est donatio facta ante matrimonium, dilato ipsius effectu in tempus celebrati

matrimonij. Hinc sequitur remissionem debiti inter coniuges inualidam esse, quia hæc est donatio: validum tamen esse legatum inter virum, & vxorem; quia hæc non est vera donatio inter viuos; validos item esse cæteros contractus distinctos à donatione, vt sunt venditio, permutatio, &c. *ibid. n. 26.*

21. Donatio causa mortis facta inter coniuges, valida est, etiam si facta fuerit sine traditione rei donatæ; quia nullo iure probatur; ad validitatem donationis necessariam esse traditionem rei donatæ. *ibid.*

22. Donatio rei antea traditæ coniugi superstiti confirmatur morte donatoris, si ante non fuerat reuocata. Immo retrahitur ad tempus, quo facta fuerat, ac si tunc valida fuisset, consequenter omnes fructus post traditionem percepti pertinebunt ad eum, cui donatio facta fuerat. Nec tantum morte naturali confirmatur huiusmodi donatio, verum etiam ciuili, & professione facta in religione incapaci possidendi bona. Per iuramentum etiam ita confirmatur donatio, vt reuocari non possit, modò iuramentum sit de futuro, & donator dicat, *Iuro me non contrauenturum donationi*; sic enim tenetur stare donationi, ne sit periturus. *ibid. & pag. 629. n. 27.*

23. Donatio inter coniuges, causâ remunerationis, ob merita, & obsequia alias non debita, valida est, vt si senex duxit puellam, vel ignobilis nobilem, eique aliquid donet in remunerationem: quia hæc non est propria donatio, modò non sit notabilis excessus in re donata. *pag. 629. n. 27.*

24. Donatio, qua alter coniugum constituit alteri dotem ante celebrationem matrimonij, valida est: post contractum vero matrimonium vxor, quæ dotem non attulit, potest constante matrimonio dotem viro constituere: hæc enim videtur donatio remuneratoria in gratiam viri, qui vxorem sine dote acceperat. Vir autem, constante matrimonio, non potest dotem vxori constituere: quia hæc constitutio dotis esset vera donatio, nisi fiat in remunerationem, vt si ignobilis duxit nobilem, senex iuuenulam. Cæterum hæc dos, quam vir ignobilis constituit sceminæ nobili, aut senex iuuenulæ, si constituta fuit ante contractum matrimonium, deducenda est ex toto hæreditatis cumulo: hæc enim non est donatio, sed contractus onerosus, *do ut facias*; vir enim assignat illam dotem, vt disparitatem compenset. At si ea dos constituta fuit post contractum matrimonium, non est deducenda ex toto cumulo, sed solum ex parte de qua vir disponere potest; consequenter legitimam aliorum non minuit: quia hæc est dotatio remuneratoria, quæ ex iustitia non debetur. *ibid. n. 28.*

25. Si constante matrimonio, contrados fuerit à viro constituta, poterit eam vxor, mortuo viro, exigere; quando scilicet vxor auxit dotem, & vir in remunerationem facit contra dotem: hæc enim censetur remuneratio. Secus si gratis, & liberaliter fiat: hæc enim esset donatio inter coniuges vetita. *ibid.*

26. Annuli, vestes & similia, quæ vxoribus tradi à maritis consueuerunt, si sunt vilia, & ad quotidianum vsum, censentur donata, sicque fiunt propria vxoris. Si verò sunt pretiosa, non censentur tradita in gratiam, & beneficium vxoris, sed potius in honorem mariti, vt vxor veniat ornatio; nisi aliter constet de intentione, ac voluntate mariti. At si constet ea donata fuisse, pertinent ad vxorem; quia donatio morte confirmatur.

27. Mulier conuolans ad secundas nuptias superstitis filiis ex priore matrimonio susceptis potest ad libitum disponere de bonis, quæ à priore marito titulo oneroso accepit, sicut potest de propriis: nam æquum est, vt onus commode compensetur. De iis, autem, quæ à priore marito accepit donatione inter viuos, aut vltima voluntate, non potest ad libitum disponere; sed tenetur ea integra, & intacta reservare filiis prioris matrimonij; sic enim expresse decernitur in iure. Immo omnia vxoris bona, quæ ipsa habebat eo tempore, quo aliquid ei donatum fuit à marito, vel intuitu mariti, & quæ postea habebit, hypothecæ subiiciuntur pro restitutione acceptorum filiis prioris matrimonij facienda. *20m. 2. pag. 630. num. 32.*

28. Donatio omnium bonorum præsentium, & futurorum inter viuos, inualida est, nisi fiat Ecclesiæ, vel causæ piæ, aut confirmetur iuramento: quia per hanc donationem adimitur potestas testandi, quam iura voluntariam testamque conservari. At causâ mortis fieri potest: quia non adimit potestatem testandi, cum donator possit adhuc alium hæredem instituire, qui accipiat Falcidiam, id est, quartam partem. *ibid. n. 1.*

Donationis insinuatio.

29. Nomine insinuationis intelligitur denunciatio, seu manifestatio; qua donans declarat iudici in scriptis se liberè tantam summam alteri donare, & iudex suo consensu illam approbat; sufficit autem præsentia iudicis absque cognitione causæ. *ibid. num. 1.*

30. Ad donationem excedentem quingentos solidos, id est aureos nummos, requiritur insinuatio: alioquin donatio inualida est quoad excessum, nisi firmetur iuramento, vel fiat causæ piæ, vel nisi fiat à Principe absoluto. Donatio autem, quæ fit ob causam, valida est sine insinuatione; quia hæc non est

proprie donatio. Quæ verò sit causâ mortis sine insinuatione, etiam si nonnullis videatur inualida, probabilius tamen videtur validam esse. *ibid. n. 2. pag. 631.*

31. Inualida est donatio absque insinuatione, qua donator donat alteri annuam pensionem non excedentem summam, quæ requirit insinuationem, cum onere, ut hoc ius transeat ad hæredes. Secus si donatio ita fiat, ut mortuo donatore, vel donatario cesseret donatio, & pensio extinguatur. *pag. 631. n. 2.*

32. Translatio bonorum in monasterium facta à religioso ibi professio non indiget insinuatione; quia non est mera donatio, sed est quid consequens personam. Item cum mulier omnia bona sua in dotem tradit, non opus est insinuatione, quia hæc non est donatio. *ibid.*

33. Donatio facta pluribus simul absque insinuatione valida non est quoad excessum quingentorum solidorum, consequenter aliquid singulis detrahendum est ad ratam, donec perveniatur ad eam quantitatem, ad quam non requiritur insinuat. Sin donatio fiat diuerso tēpore, valida est, siue vni & eodem, siue pluribus fiat, modò non excedat præfatam summam respectu singulorum: sunt enim plures donationes. *ibid. n. 4.*

34. Non est integrum donanti rescindere, quoties voluerit, donationem factam inter viuos, his tribus casibus exceptis. 1. ob ingratitudinem donatarij, modò donatio non sit facta ob causam, vel cum expresso iuramento non reuocandi; hæc autē ingratitudo contingit, vel cum donatarius vitæ donatoris insidiatus est, vel ei gravem iniuriam intulit, vel si ei denegauit alimenta constituto in necessitate, &c. donatio autem facta Ecclesiæ, aut monasterio, non potest ob ingratitudinem Prælati, seu Capituli reuocari; quia censetur facta Deo, qui est liberalissimus remunerator. 2. causa reuocandæ donationis est susceptio prolis legitimæ, non præcogitata: hæc enim est dispositio iuris. Hic obserua hoc esse discrimen inter donationem factam extraneo, & factam filiis legitimis, seu auctori, aut patri; quòd donatio facta extraneo reuocatur in totum; at facta filio emancipato, vel patri, vel auctori, reuocatur tantum in partem, quatenus opus est ad supplendam legitimam filiorum, qui postea nati sunt: donatio autem facta Ecclesiæ, seu monasterio, non rescinditur in totum, sed in partem tantum, quia Ecclesia habetur loco filij. 3. causa est inofficiosa donatio, quando scilicet pater non retinet quantum postulat legitima portio filiorum; est enim contra officium pietatis. *tom. 2. pag. 632. 633. & seq.*

35. Si filij nascantur post donationem; sed adhuc viuentē patre moriantur, & donator iam repetierit rem donatam ante mortem

mortem filiorum, donatio non reuiuiscit: quia prole superueniente fuit extincta. At si filij moriantur antequam res donata reperatur, donatarius non tenetur postea illam donatori repenti restituere; quia donatio non censetur extincta. *tom. 2. pag. 633. n. 10. & 17.*

36. Si facta donatione filius spurius nascatur, qui priuilegio Principis legitimeretur, non reuocatur donatio. Secus si spurius per subsequens matrimonium legitimeretur: quia hic est uerè legitimus ex legitima vxore susceptus. *ibid. n. 8.*

37. Donatio facta causâ mortis potest à donatore usque ad mortem reuocari, sicut reuocari potest legatû, & testamentû: hæc enim donatio ex dispositione iuris fit cum hac tacita conditione, *nisi reuocetur*. Quare si quis addat hanc conditionem, *ut reuocari non possit*, hæc iam non erit donatio causâ mortis, sed potius inter viuos: nam illa conditio repugnat donationi causâ mortis. Porro donatio causâ mortis ipso facto reuocatur, si donatarius ante donatorem moriatur. Itè si donatio facta est intuitu alicuius periculi, sublatò periculo censetur tacite reuocata. *ibid. n. 10.*

DOS.

Quid, & quoruplex sit dos?

1. **C**ontractus dotalis est conuentio, seu promissio, vel datio alicuius rei ad matrimonij onera sustinenda. Dos uerò, quæ est materia huius contractus, est id, quod datur viro ad illa onera sustinenda, siue detur ab ipsa vxore, siue ab alio nomine vxoris. Porro non est de ratione dotis, ut dominium transferatur in virum; sed sufficit, ut usus, seu fructus dotis concedatur viro ad alendam vxorem, communia pignora, & familiam. *tom. 2. pag. 595. n. 1. & 2.*

2. Dos alia est *profectitia*, quæ à patre, vel ab alio ascendente per lineam masculinam, vel ab auo paterno, vel proauo, de ipsorum bonis proficiscitur: alia *aduentitia*, quæ prouenit non à patre, ut pater est, vel ab alio ascendente per lineam masculinam; sed aliunde, ut à matre, fratre, auunculo, &c. vel ab ipsa vxore. Dos profectitia, mortuo marito, non reuertitur ad ipsam vxorem, si non sit emancipata; sed ad ipsius parentem, à quo data fuit: cum hoc tamen onere, ut eam restituat filix, si ad secundas nuptias aduolauerit, modò patris facultates non sint adeo imminutæ, ut integrâ dotem restituere non possit. Dos aduentitia, mortuo viro, reuertitur ad vxorem, nisi is, qui eam tradidit, expresse conuenerit, ut ad se redeat. *ibid. n. 3. & pag. 596.*

3. Rursus dos alia est *æstimata*; alia *inæstimata*. *Æstimata*

K 5

duplex

duplex est 1. *æstimata æstimatione venditionem faciente*, cum videlicet res dotales ita æstimantur, ut marito tradantur tanquam venditæ eo pretio, quo sunt æstimatæ; in quo casu dominium illarum, subsecuto matrimonio, acquiritur marito. 2. *æstimata æstimatione qua non facit venditionem*, sed solum æstimatur, ut sciatur eius valor, ut si pereat, aut deterior fiat culpâ viri, facile constet ad quid teneatur, si dos fuerit restituenda: huius autem dotis dominium est penes uxorem, perinde ac si effect inæstimata. *tom. 2. pag. 596. n. 3.*

4. Quando tradita fuit viro res inæstimata, aut æstimata æstimatione, quæ non facit venditionem, restituenda est res ipsa, nec pretium substitui potest inuita uxore: quia dominium illius rei est penes uxorem; res autem domino restituenda est. Si verò tradita fuit res æstimata æstimatione venditionem faciente, vir non tenetur illam tradere, tenetur tamen ad integram illius æstimationem, & pretium. *ibid. n. 4.*

5. Omnes fœtus gregis, qui viro traditus fuit æstimatus æstimatione venditionem faciente, spectant ad virum, sed pretium, dissoluto matrimonio, reddendum est uxori. At si grex traditus fuit inæstimatus, fœtus gregis pertinent quidem ad maritum, quia fructus dotis ad ipsum pertinent; ex iuris tamen dispositione maritus tenebitur ex fœtibus, si pereant aliquot capita illius gregis, tantundem reponere; & supplere, ut integrum capitale uxori remaneat. *ibid.*

6. Res dotales, quæ traditæ fuerunt marito inæstimatæ, aut etiam æstimatæ æstimatione venditionem non faciente, ipsæmet in individuo restituendæ sunt, si matrimonium subsequutum non fuit: quia res vendita sub conditione stat periculo tradentis, donec conditio adimpleatur, quia penes tradentem manet dominium. *ibid. n. 5.*

Cuius sit dotem constituere?

7. Omnes, qui liberam habent bonorum administrationem, possunt dotem puellis constituere, nisi aliqua lege prohibeantur: quilibet enim est rei suæ moderator, & arbiter. Vir tamen non potest, constante matrimonio, constituere dotem uxori, nisi id faciat cum iuramento de futuro, aut remunerationis causa: quia donatio inter coniuges irrita est. Si verò ante matrimonium vir mulieri dotem constituat, transferendo ex tunc dominium dotis in sponfam, valet illa dotis constitutio: quia hæc non est propriè dos, cum non fiat sub conditione matrimonij, nec referatur in tempus matrimonij contracti. *tom. 2. pag. 197 n. 1. & seq.*

8. Confessio dotis, qua fatetur se dotem simpliciter non accepisse,

accepisse, quam verè non accepit, si facta fuit ante contractum matrimonium, vim habet donationis; sed est omnino irrita, & inualida, neque firmatur morte donantis, sicut ceteræ donationes inter coniuges, nisi post contractum matrimonij ratificetur. At si confessio dotis facta fuit celebrato iam matrimonio, irrita quidem est: cum sit donatio inter coniuges; firmatur tamen morte donantis. Verùm si hæc confessio facta fuit fictè, v.g. ad vitandas parentum molestias, vel ad consulendum proprio honori, hæredes mariti non tenentur dotem fictè assertam restituere: quia donatio ficta nullam inducit obligationem. *ibid. n. 4.*

9. Vxor ratione huius confessionis non gaudet privilegio prælationis, & in huiusmodi causa idem seruandum est quod seruatur in reliquis donationibus inter virum & vxorem. Quia subest suspicio id factum fuisse in fraudem creditorum; consequenter mulier gaudere non debet privilegiis dotis in damnum creditorum. *tom. 2. pag. 598. n. 7.*

10. Pater dum est sui iuris, tenetur quasi ex iustitia, & pietate paterna constituere dotem filiae, etiam si filia sit diues, vel post primam dotis constitutionem sine dote mæserit, vel etiam si emancipata sit, vel ingressura sit religionem, vel etiam si sit spuria, aut nubat inuito patre; modo tamen matrimonium non contrahat cum indigno, inuito patre, aut non elegerit viuere luxuriosè, volente patre illam in matrimonium collocare intra viginti quinque annos. Si verò pater nondum sit sui iuris, sed ipse sub patria potestate adhuc existat, onus dotandi spectat ad auum paternum: quia penes illum residet patria potestas. *ibid. n. 8.*

11. Filia nubens indigno, inuito patre, priuari potest dote congrua, & competente, non verò dote commensurata alimentis debitis. Coniux autem indignus dicitur is, cum quo fœmina contrahere nequit sine dedecore familiæ; at æquum non videtur, vt pater cogatur dotare filiam, quæ dedecus familiæ attulit: quia tamen adhuc alenda est à patre, non potest priuari dote commensurata debitis alimentis. *tom. 2. pag. 599. n. 16.*

12. Mater non tenetur filiam dotare, nisi ob defectum dotis nubere non possit, & eius pudor periclitetur: quia onus alendi filios non incumbit matri, nisi pater illos alere non possit. *ibid. num. 19.*

13. Frater non tenetur dotare sororem, quando habet ascendentes diuites: quia sicut ascendentes in successionibus præferuntur fratribus, ita etiam præferendi sunt in onere dotis, & alimentorum. Si verò frater non habeat ascendentes, tenetur ipse alere, & dotare sororem ortam ex eodem patre. Immo clericus tenetur alere, vel dotare sororem ex beneficij fructibus, si aliter

aliter non possit : sic enim postulat ordo charitatis, & dispositio iuris, in quo habetur non posse pupillum repetere alimenta à tutore, quæ tutor eius sorori tribuit, quod argumento est fratrem teneri alere sororem. *tom. 2. pag. 600. n. 22.*

14. Fiscus tenetur dotare filias delinquentium, quando ipsorū bona addicuntur fisco: quia fiscus succedit in bona delinquentis quasi eius hæres. Excipitur casus confiscationis bonorum ob crimen hæresis; tunc enim filiis delinquentis nihil reseruatur ob criminis atrocitatem. *ibid. n. 26.*

An vir teneatur uxorem alere sine dote?

15. Vir tenetur præbere alimenta vxori, quam duxit absque promissione dotis : quia iuri suo cessisse videtur, contentus ipsa vxoris persona pro dote. Vir autem, cui dos promissa, sed nondum soluta fuit, non tenetur alere vxorem : quia obligauit se ad alendam vxorem in compensationem dotis. Hoc tamen intellige, modo is, qui dotem soluere tenetur, sit in mora soluendi : nam si non sit in mora, eo quod nondum elapsus sit terminus, non potest vir ob defectum solutionis dotis alimenta vxori denegare : quia iuri suo cessit concedendø dilationem. *tom. 2. pag. 601. num. 1. & seq.*

16. Vxor, regulariter loquendo, non potest constante matrimonio repetere dotem : sic enim habetur in iure. Nisi in casu diuortij, quando coniuges separantur quoad torum, & habitationem, matrimonij vinculo non dissoluto : tunc enim vir non sustinet onera matrimonij. Aut nisi vir dotem malè administret : quando enim probabiliter timetur, ne vir dotem dilapidet, potest vxor illam repetere. *ibid. n. 1. & seq.*

17. Extraneus, qui dotem vxori dedit hoc pacto, vt si ipsa sine liberis decedat, dos ad ipsum reuertatur, constante matrimonio non habet ius repetendi dotem ; quia hoc priuilegium solis mulieribus conceditur. Potest tamen sibi consilium ne dotem amittat ; potest enim petere fideiussores ad securitatem dotis sibi restituendæ, si fœmina decedat sine liberis. *tom. 2. pag. 602. num. 8.*

Ad quem pertineant fructus dotis?

18. Fructus rei dotalis traditæ viro pertinent ad virum : quia dos traditur ad onera matrimonij sustinenda. At si dos promissa fuit, sed non soluta debito tempore, potest vir agere contra vxorem morosam, quatenus scilicet ipsius interest : debitor enim, qui est in mora soluendi, tenetur ad restitutionem damni, & interesse creditori. *ibid. num. 1. & 7.*

Cuinam dos pereat, vel acquiratur?

19. Si dos promissa obtenta non fuit à viro absque vlla ipsius culpa, non tenetur vir ad restitutionem dotis. Si verò ob ipsius culpam obtenta non fuit, perit ipsi viro, ita vt ipse dissoluto matrimonio teneatur vxori, aut eius hæredibus dotem restituere, ac si re ipsa dotem accepisset. Nisi dos soluenda esset ab ipsa vxore, vel ipsius patre, aliòve ascendente per lineam masculinam: tunc enim negligentia viri in petendo non nocet ipsi viro, sed vxori: quia hæc negligentia imputatur reuerentiæ mariti in vxorem, vel in eius parentes. *tom. 2. pag. 603. n. 1. §. 2.*

20. Si dos tradita pereat culpa vxoris, vt quia ob ipsius culpam publicatur, perit vxori, consequenter vir soluto matrimonio non tenetur istam restituere: perinde enim est, ac si vir dotem non accepisset. Vxor tamen alenda est à viro, nisi ipsa parentes habeat, qui eam alere possint: hoc enim exigit ætissimum coniugij vinculum. *ibid. n. 3. §. 4.*

21. Res, quæ traditæ sunt in dotem æstimatæ, æstimatione venditionem faciente, siue sint mobiles, siue immobiles, alienari possunt à marito absque consensu. Idem dicendum de rebus functionem recipientibus: quia maritus harum rerum dominium pleno iure acquisiuit. Huiusmodi tamen bona manent hypothecata vxori. Immo vxor potest huiusmodi res, etiam postquam à marito alienatæ sunt, si adhuc existant, & maritus non sit soluendo, repetere, & vendicare: sic enim ius decreuit in subsidium vxoris. *ibid. n. 1.*

22. Res mobiles, quæ traditæ sunt inæstimatæ, aut æstimatæ æstimatione non faciente venditionem, alienari non possunt absque consensu vxoris: vxor enim est harum rerum domina. Res autem immobiles traditæ in dotem inæstimatæ, aut æstimatæ æstimatione non faciente venditionem, alienari non possunt etiam de vxoris consensu, his casibus exceptis. 1. quando vxor absque dolo, aut metu confirmauit alienationem. 2. quando fundus dotalis ad plures pertinet, nec commodè diuidi potest: huius enim fundi alienatio valida est, si fiat iudice consentiente, sit quippe ex causa necessaria, & independenter à voluntate mariti, aut vxoris. Vt si in dotem data sit pars molendini, aut vineæ communis pluribus, quæ commodè diuidi nequeat in partes, & locij petant vineam vendi plus offerenti. 3. casus est, quando alienatio fundi dotalis utilis est vxori: tunc enim valida est, facta de consensu vxoris, si fundus melior subrogetur. 4. casus est, quando fundus dotalis alienatur ad satisfaciendum ari alieno, quod vxor contraxerat ante initium matrimonium.

matrimonium. *ibid.* num. 2. & pag. 504. num. 5. & seq.

23. Quando matrimonium quoad torum, & habitationem soluitur culpa vxoris, dos ei restituenda non est, sed apud virum remanere debet: quia vxor per adulterium amittit dotem. Sin matrimonium solvatur morte vxoris, dos aduentitia iure communi pertinet ad hæredes vxoris, succedentes ex testamento, vel ab intestato. Porro ab intestato succedunt primò descendentes. 2. in defectum descendantium ascendentes. 3. collaterales: & in horum defectum maritus. *tom. 2. pag. 605. n. 1. & 2.*

24. Dos profectitia, si maritus priùs moriatur, quàm vxor, non acquiritur filiis, sed patri: nam consuetudo solùm obtinuit vt dos acquiratur filiis, quando vxor filios relinquens præmoriatur viro; non autem quando vir præmoriatur vxori. *ibid.*

25. Dos, quam pater tradidit filię spurie, ipsa mortuà, reuertitur ad patrem, quando aliquid dotis superest excedens alimentum debita in totam vitam: quia nati ex damnato complexu iure Cæsareo incapaces sunt bonorum paternorum, & iure canonico redduntur habiles solùm ad accipienda alimenta. At si quod datum est spurie, dotis nomine non excedat alimenta totius vitæ, censetur datum pro alimentis, consequenter eius dominium pertinet ad spuriam, & transit ad ipsius hæredes. *ibid.* n. 3.

26. Propter dilatatam dotis restitutionem ultra annum, non potest aliquid exigi, vel in pactum deduci, præciso lucro cessante, vel damno emergente: quia dilatio restitutionis dotis est mutuum virtuale, vi cuius nihil accipi potest absque labe usuræ. *tom. 2. p. 606. n. 9.*

27. Mulier, quæ prægnans à viro defuncto relicta fuit, alenda est ex bonis viri, siue dotem iam receperit, siue non, hoc enim ei debetur ratione prolis, quæ cum sit pars defuncti, alenda est ex ipsius bonis. Sin mulier non remansit prægnans, non est alenda ex bonis mariti, nisi ipsa sit inops, & aliunde non suppetant alimenta. *ibid.* n. 10.

28. Non solùm impensæ necessariae, sed etiam utiles factæ circa rem dotalem, deduci possunt ab hæredibus mariti, quando dotem inæstimatam restituere debent, nisi expensæ sint modicæ, & levis momenti. Expensæ autem voluptuariæ, etiam si factæ sint de mandato vxoris, repeti non possunt, nec deduci in restituenda dote. *tom. 2. p. 607. n. 1. & 3.*

29. Vxor, soluto matrimonio, non tenetur stare locationi rei dotalis factæ à marito, quando illi locationi ipsa contradixit ab initio, aut iustam habuit contradicendi causam. Sin ab initio non contradixit, nec iustam habuit contradicendi causam, vxor tenetur persistere in contractu facto à marito, quia par

par non est, vt maritus damnum patiatur ob inculpabilem administrationem rerum vxoris: at si vxor non staret locationi, maritus damnum pateretur, quia obligaretur ad compensandū conductori interesse reliqui temporis. Hinc etiam patet vxorem teneri, soluto matrimonio, stare locationi rerum paraphernalium, quam vir fecit nomine vxoris: tenetur enim approbare id, quod ipsius administrator fecit. *ibid. n. 1. & seq.*

30. Diuisio fructuum rei dotalis inæstimatæ inter virum, & vxorem, seu inter vtriusque hæredes, faciēda est ad ratam temporis, quo matrimonium durauit. Vnde sequitur maritum, qui quatuor mensibus matrimonij onera sustinuit, habere iusd tertiam fructuum partem. Item maritum, qui tempore vindemiæ Kalendis Octob. contraxit matrimonium, & in dotem inæstimatam accepit agrum plenum vis, quibus collectis, eundem agrū ita coluit, vt ante sequentes Kalend. Octob. vindemiam fecerit, qua facta, statim solutum est matrimonium, lucrari duas vindemias. *ibid. n. 1. & 2.*

Dotalia, & paraphernalia bona quī differant?

31. Paraphernalia dicuntur bona extra dotem, quia scilicet vxor illa non tradit viro in dotem, sed sibi reseruat non solum quoad dominium, sed etiam quoad vsumfructum, & administrationem: huc etiam reuocantur bona, quæ post contractum matrimonium vxor acquisiuit siue donatione, siue legato, siue alia ratione, aut etiam illa, quæ vxor suo labore, & industria acquisiuit. Ea verò bona, quæ mulier nubens sibi non reseruauit, censentur dotalia: mulier enim dum nubit, censetur omnia sua bona viro in dotem assignare. *tom. 2. pag. 608. n. 1. & 2.*

32. Paraphernalia igitur bona pertinent ad vxorem quoad dominium, vsumfructum & administrationem, ita vt maritus ea nequeat inuita vxore administrare. Decet tamen vxorem se, suaque omnia marito committere administranda. *ibid. n. 3.*

33. Dos à paraphernalibus bonis hoc maximè differt, quod dos habet priuilegium, vt propter ipsam hypothecata maneat omnia mariti bona, & gaudeat iure prælationis contra alios antiquiores creditores; paraphernalia verò non habent ius prælationis, licet pro ipsis hypothecata maneat bona mariti, quando ei permissa fuit paraphernalium administratio. *ibid.*

34. Vir, cui concessa fuit administratio bonorum paraphernalium suæ vxoris, sibi retinere potest fructus industriales, quos ex paraphernalibus percipit, & de consensu vxoris consumpsit. Item fructus naturales consumptos, ex quibus non est factus deterior. At fructus extantes, ipsaque paraphernalia, post solutum matrimonium,

marrimonium, restituendæ sunt vxori, vel eius hæredibus. Porro in iis seruandis, & curandis, tenetur maritus de lata, & leui culpa; quia commodum percipit ex ipsorum administratione: sicque habetur in iure. *ibid. n. 4.*

Quas ob causas vxor priuetur dote?

35. Dos vxoris, constante marrimonio, in quinque casibus publicatur. 1. casus est crimen læsæ maiestatis, cui addendum crimen hæresis, vtpote crimen læsæ maiestatis diuinæ. 1. violentiæ. 3. parricidij. 4. veneficij. 5. homicidij. Aliis etiam de causis, aliâ vxoris bona pro ratione criminis publicari possunt. Post publicationem tamen bonorum vxoris eadem marito competunt iura contra fiscum, quæ ipsi contra vxorem competeabant. *tom. 2. pag. 609. n. 1. & 4.*

36. Dos vxoris tradita, vel promissa, vxori perit, & marito saltem post sententiam iudicis acquiritur propter adulterium vxoris verum, & consummatum contra mariti voluntatem, modò maritus coinquinatus non sit eodem delicto, aut gratiam reconciliationis non concesserit vxori adulteræ, aut illam ob adulterium non occiderit, & modò is, qui eam dotaui, stipularus non sit, vt dos soluto marrimonio ad se redeat, & modò vxor non susceperit filios ex marito, aut ex alio priore marrimonio. *ibid. num. 5.*

37. Vxor non amittit dotem propter adulterium, quando vir adulterium, seu aliud delictum sufficiens ad faciendum diuortium commisit ante, vel post adulterium vxoris; quia paria delicta, mutua compensatione abolètur. Hinc sequitur virum adulterum, licet occultum, non posse dotem suæ vxoris adulteræ publicæ lucrari, aut retinere; quia dos acquiritur viro innocenti, non autem adultero. *tom. 2. pag. 610. n. 12.*

38. Vir, qui vxorem criminaliter accusauit de adulterio, non potest in foro externo illam ciuilitè accusare, petens diuortium, & dotis amissionem: quia ad vitandam litium multitudinem, interdictum est intentare actionem criminalem, & ciuilem principaliter consurgentem ex eadem causa, dum prius iudicium nondum est finitum. *tom. 2. pag. 611. n. 23.*

39. In causa adulterij ad faciendum diuortium perpetuum, vel temporale, solus iudex Ecclesiasticus est competens: quia agitur de vinculo matrimonij, quod est Sacramentum, & quia accessorium sequitur principale, ad eundem iudicem pertinet causa alimentorum, & dotis amittendæ. Itavt si vxor adultera à viro separata, petat alimenta coram iudice sæculari, & vir opponat illi adulterium, sæcularis iudex nequeat in causa ulterius progredi,

di, donec causa diuortij ab Ecclesiastico iudice decisa fuerit. At si criminaliter agatur de adulterio ad poenam sanguinis de eo sumendam, cognitio pertinet ad iudicē saecularem; quia Ecclesiasticis non licet se immiscere in causa sanguinis. *tom. 2. p. 613 n. 2.*

*De hypotheca uxoris in bonis mariti cum
priuilegio praelationis.*

40. Hypotheca alia est *tacita*, quæ inducitur à lege; alia *expressa*, quam contrahentes in pactum deducunt. Vxor, quæ marito dorem dedit, habet tacitam hypothecam in bonis mariti, virtute cuius hypothecæ ipsa, seu ipsius filij, ac descendentes, in recuperatione dotis præferenda est cæteris creditoribus realibus habentibus anteriorem tacitam, seu expressam hypothecam, modò non sint priuilegia, aut vxor non renunciauerit beneficio hypothecæ. Quo fit, vt si bona mariti non sufficiant ad satisfaciendum omnibus creditoribus, nihilominus integrè satisfaciendum sit vxori ex bonis mariti. Neque tantùm ratione dotis, sed etiam paraphernalium, vxor habet tacitam hypothecam in bonis mariti; non tamen habet priuilegium praelationis ratione paraphernalium *tom. 2. pag. 611. n. 5. Et seq.*

41. Si maritus, qui duas habuit vxores, conueniatur de duplici dote restituenda, priori loco soluenda est dos prioris, consequenter si eadem bona sint pro eadem dote hypothecata, & pro vna sola dote sufficiant, prius erit ex bonis extrahenda dos prior, quàm posterior. Quia qui prior est tempore, potior est iure, nisi ius aliud decernat. *tom. 2. pag. 612. n. 6.*

42. Si facta promissione dotis, vir confessus est se illam accepisse, sed non constat de actuali solutione, vxor habet ius praelationis in bonis viri, modò illa confessio facta fuerit sine fraude. *ibid. n. 15.*

43. Quando principaliter agitur de causa dotis, iudex competens est iudex saecularis: quia tam res, quàm persona est saecularis, & laica. *ibid.*

Dubium.

1. **N**on solùm in materia iustitiæ, verùm etiam aliarum virtutum, posita sufficienti diligentia ad explorandam veritatem, valet illud axiomâ Iurisconsultorum, *in dubio melior est conditio possidentis*. Quia possessio est titulus communis omnibus virtutibus. Vnde sequitur iudicandum esse in fauorem subditi, quando dubitatur, an tale ius extet: tum quia stat pro subdito, qui suam possidet libertatem: tum quia

si iudex in tali dubio veller contra aliquem ferre sententiam, exponeret se periculo committendi iniustitiam. Quare dubitans post adhibitam debitam diligentiam non tenetur id facere, quod dubitat, an sit præceptum. *tom. 2. pag. 364. n. 1. & 2.*

2. Qui æqualiter dubitat, an votum emiserit, necne, non obstringitur obligatione voti; melior enim est conditio possidentis, etiam si magis propendeat in eam partem se votum emisisse, modò hæc propensio non generet assensum. *ibid. n. 3.*

3. Qui adhiberâ sufficienti diligentia dubitat, vtrum promiserit alteri matrimonium, non tenetur promissionem adimplere: nam possessio stat pro libertate. At si constet promissionem factam fuisse, dubitetur autem an facta fuerit animo se obligandi, promissio est adimplenda: idem dicendum de voto; quia tunc possessio stat pro voto, seu promissione. Idem sentiendum de eo qui certò scit laram fuisse legem, sed dubitat, vtrum sit liber à lege ratione alicuius circumstantiæ; nã possessio stat pro lege, quam constat laram fuisse. *ibid. n. 4.*

4. Vouens in dubio tenetur tantum ad id, quod est minus; vt si dubitet, vtrum vouerit religionem in communi, an verò hanc in particulari, tenetur solum eligere hanc in particulari, ita vt si ad istam non admittatur, solutus sit obligatione voti. Item qui dubitat, vtrum vouerit castitatem, an cælibatum, potest eligere cælibatum, &c. *tom. 2. pag. 365. n. 5.*

5. Qui dubitat, an iurauerit, non tenetur adimplere iuramentum. Secus dicendum de eo, qui dubitat, an adimpleuerit iuramentum, quod certò scit se fecisse: tunc enim possessio stat pro iuramento. Item Sacerdos, qui dubitat, an horas canonicas recitauerit, tenetur eas iterum recitare; quia possessio stat pro præcepto, &c. *ibid. n. 6.*

6. Qui commisit adulterium, & dubitat, an proles suscepta sua sit, an mariti adulteræ, potest credere esse mariti, neque tenetur ad restitutionem. *ibid. n. 7.*

7. Qui vltima nocte bacchanalium dubitat, an media nox sit elapsa, potest vesci cibus vetitis tempore ieiunij: quia possessio stat pro libertate, non vero pro lege ieiunij. Verum tamen est, eum; qui cum hoc dubio comedit, non posse die sequenti Eucharistiam sumere; quia possessio stat pro præcepto Ecclesiæ præscribentis Eucharistiam non esse sumendam nisi cum ieiunio naturali. *ibid. n. 8.*

8. Qui post adhibitam sufficientem diligentiam dubitat, an expleuerit 21. annum, non tenetur ieiunare ex præcepto Ecclesiæ; nam possidet suam libertatem & præceptum ieiunij respectu illius nondum est in possessione. At in dubio, an quis
artige

attigerit ætatem requisitam ad ordines suscipiendos, non est admittendus; quia possessio suffragatur præcepto Ecclesiæ requirentis legitimam ætatem. *ibid. n. 11.*

9. Qui dubitat, an sit legitimus, potest cum aliis fratribus hæreditatem diuidere, factâ prius debitâ diligentia ad veritatem explorandam: tum quia possessio illi fauet, & melior est conditio possidentis se esse legitimum: tum quia in foro externo non priuabitur hæreditate: idem autem est iudicium fori interni, & externi, quando forum externum non nititur falsa præsumptione. *ibid. n. 12.*

Duellum.

1. **D**uellum est pugna singularis deliberata ab vtraque parte, sponte, & ex condicito suscepta, statuto loco, & tempore, cum periculo occisionis, mutilationis, aut vulneris. *disp. 2. 3. q. uast. 3. punct. 48. pag. 260. n. 2. tom. 3.*

2. Hinc sequitur quotidianos conflictus, qui subito iræ feruore, vel ex rixa nascuntur, non esse duella, quia non fiunt ex condicito. Neque duellū cōmitti ab iis, qui orta in Ecclesia rixa egrediuntur, ibique gladios stringunt, & pugnant: hæc enim pugna non fit ex condicito, statuto loco, & tempore. Item duellum non cōmitti, quādo quis offert alteri duellum, illūque eodem tempore aggreditur stricto ferro, ita vt alter cogatur se defendere; quia non est assignatio loci, vel temporis. *ibid. n. 5. 8. & 9.*

3. Probabile est eum, qui alterum prouocat non animo pugnandi, sed tantūm honoris proprii defendendi causa, in foro conscientie non affici excommunicatione, licet fieri possit, vt aliunde peccet, dum alterum ad peccatum inuitat. Immo nonnullis probabile videtur in foro conscientie illos non incurrere excommunicationem, qui ad condicatum locum accedunt absque animo verè pugnandi, sed tantūmodo inferendi aliquos ictus cum morali securitate, quod nullum inde damnum securum sit, sed potius pax inde concilianda: hæc enim non est pugna cum periculo occisionis; quanquam in foro externo præsumitur duellum. *ibid. pag. 261. num. 14. tom. 3.*

4. Qui se prouocant ad singulare certamen nullo assignato loco, aut tempore, non committunt propriè duellum à Summis Pontif. sub excommunicatione prohibitum. *ibid. num. 15.*

5. Duellum per se loquendo est illicitum: quia per duellum vita innocentis periculo temerè exponitur: tum quia non licet quemquam occidere priuata auctoritate; multò minus in duello. In duobus tamen casibus fieri potest licitum: 1. ad duos contrarios exercitus sedandos: tunc enim licet pugnam periculo

duorum dirimere per duellum, quia pars periculo exponitur, ut totum seruetur. 2. quando quis vitæ periculo cogitur accipere duellum, seu ad vitam, seu ad honorem, seu ad res suas defendendas, nec alia ratione potest eas defendere; tunc enim non dicitur propriè duellum, sed iusta defensio. *ibid. n. 8.*

6. Hinc sequitur innocenti damuato ab iniquo iudice, ut vel mortem subeat, vel duello pugnet, ut se probet innocentem, licere accipere duellum, non animo probandi se innocentem per duellum (hoc enim est veritum, cum aliquando innocens succumbat) sed ut vitam tueatur, ad quam tuendam habet ius etiam cum alterius damno; potest enim magis diligere vitam suam, quàm proximi. *ibid.*

Duellantiam poena.

7. Sub excommunicatione, aliisque grauius poenis prohibitum est duellum, ut colligitur ex Concil. Trid. *sess. 25. cap. 19.* & variis Summorum Pontific. constitutionibus Iulij II. Leonis X. Clement. VII. Iulij III. Pij IV. Greg. XIII & Clement. VIII. Ciuitates verò, oppida, & loca, in quibus duellum commissum fuit, scientibus, & permittentibus dictorum locorum dominis, Ecclesiastico interdicto subiiciuntur. Item decertantes, si in ipso conflictu obierint, priuandi sunt Ecclesiastica sepultura. *ibid. n. 20.*

8. Illi priuandi sunt Ecclesiastica sepultura, etiam ante iudicis sententiam, quos constat in duello mortuos esse, etiam si ob vulnus acceptum postridie mortui fuerint, & contritionis signa dederint; quia priuatio Ecclesiasticæ sepulturæ inducta est in detestationem criminis, ut ceteri à duello deterreantur; quã obrem dici potest priuationem sepulturæ non infligi per modum censuræ, sed per modum iustitiæ vindictiue. In dubio autem an quis in duello mortuus fuerit, iudicium est penes Episcopum, vel eius Vicarium. *ibid. pag. 262. n. 22. tom. 3.*

9. Clericus duello pugnans præter excommunicationem, incurrit suspensionem, irregularitatem, priuationem beneficiorum, dignitatum, & officiorum Ecclesiasticorum, & inhabilitatem ad illa, seu alia in posterum obtinenda; non tamen est ipso facto suspensus, sed suspendendus. *ibid. pag. 261. n. 2. tom. 3.*

10. Qui locum duello concedunt, vel non impediunt, si sint domini, qui valeant impedire, ne duellum in sua ditione committatur, nec nõ qui mandato, consilio, auxilio, fauore, chartellis, intimatione, aut alio quouis modo cooperantur ad duellum; item, qui duellantes ex industria spectant, easdẽ poenas incurrunt, quas ipsi, qui duello configunt. *ibid. pag. 262. n. 23. & seq. tom. 3.*

11. Acceptans duellum, statim atque acceptauit, ipso facto excommunicationem incurrit. Idem sentiendum de comitantibus, nisi fortè comitentur, vt impedian. Si quis verò illac transiens, aut alia de causa ibi exsttens aspiciat duellum, non subicitur his pœnis: nam Bulla loquitur de spectantibus ex proposito, & de industria, *ibid. p. 263. n. 29. & 30. tom. 3.*

12. Qui arma pugnaturum in duello accommodat, aut vendit, sciens, vel probabiliter credens ipsum illis vsurum ad duellum, in has pœnas incurrit; cooperatur enim duello, nisi iustum habeat accommodandi causam, vt si frater fratri volenti duellū inchoatum intermittere, tradat gladiū, quo se tueatur, altero nolente intermittere; quia tunc ex parte volentis duellū intermittere, iam non vocatur duellum, sed iusta defensio. *ibid. n. 31.*

13. Qui scripta, & schedas prouocantes ad duellum facit, in excommunicationē incidit. Qui verò tantum narrat aliquod factum, ex qua videt sequuturum duellum, nisi hoc faciat, vt incitet ad duellum, non videtur excommunicationis reus; grauius tamen peccat, quia est causa actionis iniusta. *ibid. n. 32.*

14. Qui faciunt actionem aliquam, qua cooperantur ad duellum, consilio, auxilio, fauore, &c. si postea impedian, ne sequatur duellum, vel prouocatio, hanc censuram non incurrunt; nisi verò conentur impedire, etiam si postea prouocatio, aut duellum sequutum non fuerit, non excusantur ab excommunicatione; quia per ipsos non stetit, quominus sequeretur. *ibid. n. 33.* Hinc patet eum, qui schedam prouocatoriam scripsit, sed nondum affixit, nec intimauit, non affici excommunicatione, quia per ipsum stat, ne denunciatio sequatur. *ibid. pag. 264. num. 34. tom. 3.*

15. Ab hac excommunicatione absolvere potest Episcopus, quando delictum est occultum, vel nondum deductum ad forum contentiosum, vel quando pœnitens iusto detinetur impedimento, quominus Papam adire possit. Possunt etiam religiosi absolvere iuxta sua priuilegia, nisi fuerint reuocata, vt sunt res ipsa respectu existentium in Italia extra urbem Romam, in decreto Sacræ Congregationis quoad prouocantes, aut pugnantes in duello iuxta decretum, & formam Tridentini, & Gregorij XIII. Vnde sequitur eum absolui posse à Religiosis, qui post prouocationem sese contulit ad locum designatum, ibique frustra expectato aduersario tandem discessit; quia iuxta decretum Gregorij XIII. requiri videtur effectus pugne ad incurrendam excommunicationem soli Papæ reseruata. *ibid. pag. 264. n. 38. & p. 265. n. 41. & 42.*

E.

ECCLESIA.

Ecclesiastica libertas.

1. **E**CCELESTASTICA libertas est immunitas, & exemptio ab oneribus, vel à subiectione, vel coactione temporalis seu laicæ potestatis: Seu est libera facultas faciendi quidquid fieri licet. Vnde sequitur Ecclesiasticam libertatem lædi, quoties laici aliquid clericis præcipiunt vel prohibent, quod iure diuino, vel canonico illis nec præcipitur, nec prohibetur. Hæc autem libertas est triplex. 1. *Localis*, quæ competit Ecclesiis itavt qui ad ipsas confugiunt, inde extrahi, & à laicis comprehendi non possint. 2. *Realis*, quæ gaudent bona Ecclesiastica, itavt à censu, tributo, seu collectis potestatum secularium libera sint, & immunia. 3. *Personalis*, quæ personis ipsis Ecclesiasticis concessa est, ne oneribus afficiantur; cum enim personæ Ecclesiasticæ cultui diuino sint mancipatæ, par est eas, esse ab oneribus, & iudiciis laicorum Principum immunes. *disp. 1. quest. 16. punct. 1. p. 84. tom. 3.*

2. Clerici, aliique Ecclesiastici iure civili, canonico, & dinino exempti sunt à laica potestate, non solum quoad causas spirituales, verum etiam quoad temporales, & quoad personas: Dicitur enim Psalm. 104. *Nolite tangere Christos meos.* Hanc exemptionem Constantinus Magnus Imp. agnouit: cum enim multi famosi libelli contra clericos ad eum delati essent, respondisse fertur ad se iudicium de huiusmodi causis non pertinere; *vos enim*, inquit, *à nemine iudicari potestis, sed ad solius Dei iudicium reservamini.* Neque obstat, quod Paulus. *Act. 25.* ad Cæsarem appellauit; non enim appellauit tanquam ad superiorem suum, sed tanquam ad superiorem illius iudicis inferioris sub quo eius causa tunc agebatur, vt se ab iniusta vexatione redimeret, quam non poterat alia ratione à se amoliri. *ibid. punct. 2. p. 85. tom. 3.*

3. Personæ Ecclesiasticæ sunt illæ, quæ sub laicorum genere non comprehenduntur, & privilegio fori gaudent; in quibus censentur etiam minoribus ordinibus initiati, modò seruent ea quæ in Concil. Trident. *sess. 23. cap. 6.* præferuntur: Extenditur etiam hoc privilegium ad clericos coniugatos, modò non sint bigami, & habitum, ac tonsuram gerant, & alicuius Ecclesiæ ministerio sint ab Episcopo deputati. Clerici etiam dicuntur qui

qui primam tonsuram susceperunt. Item religiosi cuiuscumque ordinis, etiam nouitij dicuntur personæ Ecclesiasticæ. *ibid. punct. 3 pag. 87. tom. 3.*

4. Nouitius postquam religionem deseruit, etiam si non habeat beneficium, nec sacros ordines, à laica potestate iudicari, aut puniri non potest ob delictum tempore nouitatus perpetratum: quia hic tempore delicti erat nouitius, a quo adeo immunis à laica potestate; ergo illud delictum non pertinet ad forum sæculare: quemadmodum qui tempore clericatus delictum commisit, non potest abdicato clericatu ob illud delictum à iudice laico puniri. *ibid. pag. 88. num. 14.* At qui patrato delicto religionis habitum assumpsit, non gaudet priuilegio fori, si ad religionem fuit admissus, non adhibita inquisitione an aliquod delictum commiserit, an ære alieno teneatur, &c. sic enim decreuit Sixtus V. *ibid. n. 15.*

5. Equites, qui sunt verè religiosi, vt sunt equites B. Ioannis, qui in communi viuunt, & tria solemnia vota emittunt, gaudent priuilegio canonis, & fori. Reliqui verò, qui vota non emittunt, minime. *ibid. n. 16.*

6. Tertiarij S. Francisci, vel S. Dominici, qui domi viuunt extra Congregationem, hoc priuilegio non gaudent, etiam si S. Francisci, vel S. Dominici regulam seruent, quia non sunt religiosi. Qui verò assumpto habitu monachi sese manciparunt obsequiis alicuius approbatæ religionis sub obedientia superioris, gaudent hoc priuilegio, quandiu ita viuunt; nam pro illo tempore censentur personæ Ecclesiasticæ. Vnde sequitur illos, qui assumpto habitu religioso adhibentur ad obsequia monialium, & religiosorum, & pro ipsis eleemosynam petunt, gaudere hoc priuilegio. *ibid. n. 17.* Extenditur hoc priuilegium ad Eremitas viuentes in communitate, & ad eos, qui sub aliquo Prælato in communi viuunt ex tacita vel expressa Summi Pontif. facultate, quamuis professionem non emittant; nam isti censentur religiosi. *ibid. n. 18. pag. 89. tom. 3.*

7. Omnes cuiuscumque conditionis homines, qui auctoritate laica iniuste trahunt, vel trahi faciunt directè vel indirectè personas Ecclesiasticas ad se, suumque Tribunal, Audientiam, Concilium, Parlamentum, violant libertatem Ecclesiasticam: consequenter Bullæ Cœnæ excommunicationem incurrunt. Quod verum est etiam in iudicibus Ecclesiasticis, qui auctoritate laica personas Ecclesiasticas trahunt ad suum sæculare tribunal, quia clerici iure diuino, & naturali exempti sunt à laica potestate. At quando collegium, quod constat ex Ecclesiasticis & laicis æquali numero, iudicat clericos, laici, qui tunc

eum Ecclesiasticis iudicant, pœnam excommunicationis non incurrunt; præsumitur enim collegium Ecclesiasticum; quippe dignius trahit ad se minus dignum. *ibid. punct. 5. pag. 90. tom. 3.*

8. Iudices laici in hanc censuram incurrunt trahentes clericos ad suum tribunal etiam ob delictum commissum ante assumptionem status clericalis aut religiosi; quia iura simpliciter eximunt personas Ecclesiasticas, neque restrictionem addunt ad crimina post, vel ante clericatum commissas; tum quia qui patrat delicto confugit ad Ecclesiam materiale, gaudet privilegio immunitatis, neque potest à Curia sæculari capi; ergo eodem privilegio immunitatis gaudet, qui commisso delicto statum clericalem assumit. *ibid. pag. 91. n. 8.* Dummodo tamen illum statum non assumpserit statim patrat delicto, animo vitandi forum sæculare; in hoc enim casu subiiceretur potestati laicæ quoad pœnam solum pecuniariam, non autem quoad pœnam corporalem: nam per suspensionem status Ecclesiastici effectus est de sorte, & hereditate Christi. *ibid. n. 9. & 10.* Sin absque fraude assumpserit statum Ecclesiasticum, non subiicitur potestati laicæ, ne quoad pœnam pecuniariam quidem: quanquam in foro externo præsumitur statum clericalem in fraudem fori suscipere, si statim post admissum delictum, vel accusationem illum suscipiat. *ibid. n. 10. pag. 92. tom. 3.*

9. Iudices laici contrahunt censuram huius canonis trahentes Ecclesiasticos ad suum tribunal, etiam si trahant intentione absolvendi: Quia absolutio supponit iurisdictionem absolventis in eum, qui absoluitur, quæ hîc nulla est. *ibid. n. 13.* Si tamen clericus volens se purgare, se sponte sinit iudici sæculari, iudex non incurrit excommunicationem, si illum iudicet; quia illum non traxit; tamen huiusmodi iudicium erit irritum, & inualidum. *ibid. punct. 4. p. 89. n. 4. tom. 3.*

10. Reges aut Principes non possunt sine periculo excommunicationis coram se, vel suo tribunali auctoritative conuocare Episcopos, aut alios Prælatos, etiam si id faciant prætextu libertatis Ecclesiasticæ tuendæ: quia nusquam legitur hæc facultas Principibus concessa. *ibid. punct. 5. pag. 92. n. 14. tom. 3.*

11. Iudex laicus vinculo excommunicationis obstringitur si clericum, qui falsum coram se deposuit, trahat ad suum tribunal, ut illum pœna corporali, vel pecuniaria puniat; quia licet laicus falsum deponens coram iudice Ecclesiastico possit ab illo puniri, ut detur locus præventioni; nihilominus iudex laicus non potest clericum coram se falsum deponentem punire defectu iurisdictionis. *ibid. n. 15.*

12. Clericus, qui officium tutoris, vel curatoris, vel administratoris

Aratoris bonorum exercuit, & in eo deliquit, non potest in iudicium à laico vocari ad reddendam rationem, quia ob delictum non amisit priuilegium fori. *ibid. num. 17.* Item clericus, qui tanquam hæres in bona laici successit, non potest à iudice laico ratione illorum bonorum ad sæculare forum trahi. Quia in Bulla excommunicantur trahentes quouis quæsito colore. Quod verum est, etiamsi lis inchoata fuisset contra laicum coram iudice laico, & lite pendente mortuus sit laicus, in cuius bona clericus successit: nam inutilis esset sententia contra clericum à iudice laico prolata, quippe quæ non posset executioni mandari per iudicem laicum, neque Ecclesiasticus iudex cogi posset ad curandum vt executioni mandetur. *ibid. n. 17. & 18.*

13. Clericus, qui in iudicio sæculari depositum recepit, non potest pro restitutione depositi coram laico iudice conueniri, vel cogi ad restituendum; quia exemptus est à laica potestate. Idem dicendum de clerico, qui coram iudice laico fideiussit pro laico, aut clerico. *ibid. n. 19.*

14. Clericus, qui cum laicis delictum commisit, iudicandus est ab Ecclesiastico iudice, non autem à laico. Immo non patet DD. asserunt focios criminis ad Ecclesiasticum iudicem esse remittendos; tum ne de eadem re diuersæ, & pugnantēs sententiæ ferantur; tum quia dignius trahit ad se minus dignum. Sed contraria sententia est probabilior. *ibid. n. 20.*

15. Laicus, qui iniuriam intulit clerico, ab utroque iudice & Ecclesiastico, & laico iudicari, ac puniri potest, non obstante absolutione, vel condemnatione facta in altero foro; quia utriusque foro illata est iniuria; nam peccatum est contra ius canonicum, & ciuile. Cauendum tamen ne grauior imponatur poena quàm pro delicto. *ibid. pag. 93. n. 22 tom. 3.*

16. Clericus à laica potestate capi, & in carcerem detrudi, vel ad laicum iudicem adduci non potest, nisi capiatur in flagranti crimine graui, & periculum sit ne aufugiat; vel nisi incedat ad patrandum delictum, tunc enim capi potest, & detineri, vt Ecclesiastico iudici tradatur, vel vt delictum impediatur, modò statim iudici Ecclesiastico consignetur. *ibid. n. 23.*

17. Qui auctoritate laica ad se trahit clericum illegitimum, aut alio canonico impedimento detentum, modò sit minoribus saltem ordinibus initiatus, & ea seruet, quæ Concil. Trid. præscribit, incurrit in excommunicationem: quia huiusmodi impedimentum non tollit characterem, consequenter neque priuilegium ratione ordinis concessum. Secus autem si hic clericus habeat tantum primam tonsuram; hæc enim characterem non im-
primit. *ibid. n. 28.*

18. In his casibus potest iudex laicus absque excommunicationis poena personas Ecclesiasticas ad suum tribunal trahere. 1. Si clericus fuerit degradatus, seu depositus realiter. 2. Si clericus sit bigamus. 3. Si suscepit clericalem habitum in fraudem fori secularis. 4. In causa feudi, nam vassallus quamuis clericus in iis quæ pertinent ad feudum, subicitur domino feudi quamuis seculari. 5. In causa reconventionis; nam si clericus in ciuilibus conueniat laicum coram laico iudice, poterit laicus reconuenire clericum in materia ciuili coram eodem iudice; non tamen in causa criminali. 6. Si clericus sit incorrigibilis; tamen in casu incorrigibilitatis non amittit priuilegium fori ante sententiam iudicis Ecclesiastici, per quem tradendus est brachio seculari. 7. Si clericus per annum histrionicam exercuerit, aut si tertio monitus non respuerit. 8. In causa assassini; tamen clericus assassini reus non subiicitur potestati seculari, nisi post sententiam criminis declaratoriam à iudice Ecclesiastico ferendam. 9. Si clericus prima tonsura, aut minoribus ordinibus initiatus non habeat beneficium Ecclesiasticum, aut clericalem habitum & tonsuram gerens; alicui Ecclesiæ de mandato Episcopi non inseruiat, vel nisi in seminario, aut vniuersitate de Episcopi licentia versetur. *ibid. punct. 6. pag. 94. num. 3. & seq. tom. 3.*

19. Clericus, qui habitum vel tonsuram aliquoties dimittit, non amittit priuilegium fori, nisi consuetudinem habeat non vtendi, ita vt vulgo laicus existimetur; quod intelligendum est de clerico primæ tonsuræ, vel minorum ordinum: nam si sermo sit de clerico sacris ordinibus initiato, vel habente beneficium Ecclesiasticum, probabile est illum non amittere priuilegium fori etiam si habitum, & tonsuram dimiserit, nisi forte sit incorrigibilis, aut enormitatibus se immiscuerit, aut nisi præcesserit trina admonitio, aut saltem vna publicè facta in synodo cum expressa comminatione amissionis priuilegij, nisi habitum clericalem resumat. *ibid. pag. 96. n. 26. & 27. tom. 3.* Tamen clericus, qui iusta de causa non incedit in habitum, & tonsuram, non amittit priuilegium fori. *ibid. n. 28.*

20. In dubio an habitus in quo inuentus est clericus, sit clericalis, hæc habitus cognitio ad Ecclesiasticum iudicem pertinet: quia ad eundem pertinet cognoscere an habitus sit clericalis, ad quem pertinet præscribere habitum à clericis deferendum. *ibid. pag. 97. n. 31. tom. 3.*

21. Clericus, qui dimisso habitu vel tonsura, vel seruitio Ecclesiæ, amittit priuilegium fori, non propterea amittit etiam priuilegium canonis; quare qui huiusmodi clericum percutit, incurrit

sint excommunicationem, nisi clericus sit coniugatus, aut nisi ita habitum dimiserit, ut vulgo laicus habeatur, cum enim ad statum laicalem transierit, æquum non est, ut clericorum privilegiis fruatur. *ibid. n. 35. & 36. tom. 3.*

Decreta contra Ecclesiasticam libertatem.

22. Qui statuta vel decreta ex quavis causa faciunt, ordinant, vel publicant, aut iis utuntur, quibus libertas Ecclesiastica læditur, vel iuribus Ecclesiæ derogatur, censuram Bullæ Cœnæ incurrunt. *ibid. sect. 2. punct. 3. p. 104. n. 1. tom. 3.* etiam antequam hæc decreta executioni mandentur, non tamen antequam promulgentur. *ibid. punct. 1. p. 98. n. 3. & 4. tom. 3.*

23. Statuta, seu decreta contra libertatem Ecclesiasticam dicuntur ea, quæ iuri, exemptioni, seu privilegiis Ecclesiasticorum, vel Ecclesiæ præiudicant, ut iuri decimarum, exemptioni à foro vel legibus laicorum; liberæ rerum Ecclesiasticarum gubernationi, immunitati locorum sacrorum, &c. *ibid. punct. 2. p. 99. n. 1. tom. 3.*

24. Statuta seu leges, per quas Ecclesiastici timidiore sunt, & non sinuntur frui rebus, quibus reliqui ciues fruuntur, & Ecclesiastico statui non repugnant, suntque omnibus communes; hæc, inquam, statuta Ecclesiasticæ libertati aduersantur. *ibid. n. 4.* Hinc patet laicos magistratus statuentes, ne clerici quid emant, aut vendant, ne panem coquant, ne in ciuitate morerentur. Item statuentes ne laici vendant clericis, ne molant illis, vel coquant panem, aut ne alia obsequia clericis præstent, incurrere in excommunicationem huius Bullæ; hæc enim aduersantur Ecclesiasticæ immunitati. *ibid. pag. 100. n. 4.* Idem dicendum de statuto, quo laici prohibentur cum clericis contractus inire; est enim irritum & Ecclesiæ libertati repugnans; quippe sunt clerici deterioris conditionis, quàm laici. *ibid. n. 5.*

25. Statutum arctans expensas in exequiis faciendas est contra libertatem Ecclesiasticam quoties respicit eas expensas; quæ ad Dei cultum immediatè, & ad salutem animæ defuncti spectant; hæc enim sunt annexa spiritualibus, in quibus laici nullam habent iurisdictionem. Si verò statutum ea tantum restringit, quæ pertinent ad pompam funeris, non videtur repugnare Ecclesiasticæ libertati. *ibid. n. 8.*

26. Statutum, quo cauetur, ne quis beneficii possessionem capiat sine licentia Principis, aut magistratus, est contra Ecclesiæ libertatem. *num. 9.* Item quo prohibentur Ecclesiæ sine licentia Principum sæcularium ædificari; illud enim privilegium fuit à Constantino Imp. Ecclesiæ concessum. *n. 10.*

27. Statutum

27. Statutum, quo decernitur, ut non solum laici, sed etiam clerici teneantur aliquam formam, seu pretium, vel aliud onus seruare in contractibus venditionis, emptionis, locationis, depositi, commodati, aut in donationibus, testamentis, legatis, & aliis huiusmodi, est contra libertatem Eccles. quatenus clericos obligare intendit. Quamvis enim clerici ex vi directiua teneantur seruare leges Principum secularium, quando ius, & æquum id postulat; nihilominus Principes iurisdictionem in Ecclesiasticos exercere non possunt, nec eos exprimere in suis legibus onerosis aliquid ipsis præcipiendo, aut prohibendo, neque poenam ab ipsis, dum suas leges non seruant, repetere. *ibid. n. 11.*

28. Contractus à clericis celebrati sine solemnitate à iure ciuili præscripta sunt irriti, non quatenus irritantur à potestate laica; sed quatenus ius canonicum huiusmodi leges acceptat quoad vim directiuam; modò ius canonicum alia via non sustineat actum, vel in fauorem clerici, vel in fauorem actus. Quàobrem testamentum clerici factum sine solemnitate iuris ciuilis est validum, quia ius canonicum minori solemnitate contentum est. *ibid. p. 101. n. 14. tom. 3.*

29. Statutum, quo cauetur ne bona immobilia ad Ecclesiasticos, vel ad pia loca transferantur, vendantur, aut donentur, etiam si feudalia sint, aut ex ipsis tributum fisco soluatur, libertati Ecclesiasticæ repugnat; nam edentes huiusmodi statuta subiiciuntur excommunicationi tanquam violatores Ecclesiasticæ libertatis. *n. 17.* Idem dicendum de statuto, quo decernitur, ut de re ad pias causas relicta soluatur aliquid fisco, vel etiam alteri Ecclesiæ; quia laici circa huiusmodi spiritualia, aut spiritualibus annexa potestatem non habent. *n. 19.*

30. Statutum excludens eum, qui vult ingredi, vel est ingressus religionem, aut alios Ecclesiasticos à successione parentum, agnatorum, vel aliorum, est contra libertatem Eccles. quia impedit ne bona locis piis, vel Ecclesiis acquirantur. *ibid. n. 21.*

31. Princeps, qui nullum in temporalibus superiore agnoscat, non est reus violatæ libertatis Ecclesiasticæ, dum ad euitanda periuria, quæ passim in contractibus committantur, edicto cauet ne iuramentum in celebratione contractuum adhibeatur, sed eius loco addatur hæc formula *sub sincera, & immaculata fide.* Quia ad Principem spectat formam in contractibus seruandam præscribere, & immutare; iuramentum autem pertinet ad formam contractus; & sicut Princeps præcipere potest, ut iuramentum contractui addatur, ita potest prohibere, ne addatur. Porro licet iuramentum sit actus religionis, & ut sic sub laicam potestatem non cadat; nihilominus, ut est actus humanus; & quid

quid necessarium contractui, præcipi à Principe, & prohiberi posse videtur, non ut est aliquid sacrum, sed ut est aliquid civile. *ibid pag. 102. n. 26. tom. 3.*

32. Statutum, quo superior laicius præscribit, ut illius beneficio non fruantur, qui subditi non sunt, officit libertati Ecclesiasticæ, si ex circumstantiis appareat superiorem velle ab hoc privilegio clericos excludi. Secus autem si in statuto nullâ fiat mentio clericorum, neque directè, neque indirectè. *ibid. num. 29.* Ex iis, quæ hæctenus dicta sunt de statutis, colligere est, quandònam laici statuentes censuram huius canonis incurrant *ibid.*

33. In dubio an aliquod statutum libertati Ecclesiasticæ aduersetur, Episcopus cogere potest conditorem ad declarandum expressè tali statuto clericos, & Ecclesias non cõprehendi. Si verò perspicuè constet illud statutum lædere libertatem Ecclesiasticam, præcipere debet conditori, & iis ad quos pertinet, ut illud omninò tollant; sin nolint, debet ipse auctoritate sua tollere, & declarare huiusmodi statutum irritum esse. *ibid. pag. 104. num. 41. tom. 3.*

34. Scriptores statutorum contra libertatem, & iura Ecclesiæ, censuram huius canonis non videntur incurrere, nisi forte sint Cancellarii, vel similes quos Princeps vel Resp. constituit ad facienda statuta pro bono communi. Quia ista excommunicatio videtur lata contra eos qui statuta, vel decreta auctoritatiuè faciunt, vel ordinant; qui autem scribit, non auctoritatiuè facit, nisi sit Cancellarius. *ibid. punct. 3. pag. 105. n. 7.* Item præcones, alique ministri inferiores, qui de mandato superioris huiusmodi statuta contra libertatem Eccles. promulgant, huius canonis censuræ non subiiciuntur; quia non promulgant auctoritatiuè. *ibid. pag. 98. num. 8. tom. 3.*

35. Hæc excommunicatio contra libertatis Ecclesiasticæ violatores alibi passim in iure canonico lata inuenitur. 1. in cap. eos, excommunicantur domini temporales, qui præcipiunt suis subditis ne clericis vendant, aut ab eis emanent, ne coquant, &c. 2. in cap. grauem, excommunicantur consiliarii, & officiales, qui non delent statuta contra libertatem Eccles. 3. in cap. nouerit, excõmunicantur statutarii, scriptores statutorum, ij qui faciunt seruari statuta contra Eccles. libertatem, vel consuetudines introductas contra eandem libert. *ibid. tom. 3.*

Ecclesiastica inrisdictio.

36. Qui directè vel indirectè impediunt iudices Ecclesiasticos ordinarios seu Episcopos, seu alios Prælatos, quominus sua iurisdictione Ecclesiastica contra quoscumq; vtantur iuxta cano-

nes

nes, constitutiones Ecclesiasticas, & decreta Conciliorum generalium, & præsertim Tridentini, excommunicationi 16. Bullæ Cœnæ subiiciuntur. *disp. 1. quæst. 17. punct. 1. pag. 107. tom. 3.*

37. Hæc censura lata est in eos, qui iniuste impediunt iurisdictionem Ecclesiasticam: Nam qui iuste impedit, non peccat, atque adeo excommunicationem non incurrit, quæ supponit peccatum mortale. Quare qui Prælatum impedit ne iurisdictione utatur in eum, qui non est illi subditus, vel qui prohibet ne iudex Ecclesiasticus progrediatur in causa in qua reus ad illum legitime appellauit; vel qui impedit Prælatum excommunicationem vitandum ne iurisdictionem exerceat; hi, inquam, excommunicationem non incurrunt, quia iuste impediunt: Summus autem Pontif. excommunicat eos qui impediunt iniuste, id est, qui impediunt ne Prælati sua iurisdictione utantur iuxta præscriptum canonum, constitutionum Ecclesiast. & Conciliorum. *ibid. num. 4.*

38. Qui precibus, literis hortatoriis, præmio, amore, &c. absque vlla vi, aut metu, efficit ne iudex Ecclesiasticus sua iurisdictione utatur, non subiacer huic excommunicationi; cum enim nullam vim adhibeat, non dicitur propriè impedire. *ibid. num. 3.*

39. In dubio an Prælatus sua iurisdictione legitime & iuxta constitutiones Ecclesiasticas utatur, censendus est licitè vti; quia in facto superioris non præsumitur delictum; quare illum impediens censetur excommunicatus. *ibid. pag. 108. num. 6. tom. 3.*

40. Ad incurrendam huius canonis censuram requiritur, ut publica auctoritate prohibeatur iudex Ecclesiasticus ab exercitio suæ iurisdictionis; nam qui priuata auctoritate impedit, non videtur incurrere censuram: Vnde sequitur eum qui noctu lacerat edictum Episcopi in loco publico affixum, non affici excommunicatione huius canonis; peccat tamen grauiter, & graues meretur pœnas. *ibid. n. 7. & 8.*

41. Non incurritur excommunicatio huius canonis impediendo vsum iurisdictionis delegatæ, sed ordinariæ. Dicitur autem delegata iurisdictione, quæ conceditur personæ. nec ei debetur ratione officij, seu dignitatis: ordinaria verò quæ alicui competit ex officio. At Summus Pontif. loquitur de impediendis Prælatos ordinarios ne iurisdictione sua Ecclesiastica utantur: ergo loquitur de iurisdictione ordinaria. *ibid. n. 10.* Hinc fit: ut impediens Episcopum in iis quæ ad visitationem, ac morum correctionem, subditorum suorum spectant, incurrat excommunicationem; etiam si fortè iurisdictionem exerceat tãquam Delegatus. Sedis Apost. iuxta Concil. Trident. Episcopus enim ob id definit

esse ordinarius, nec dicitur iurisdictionem propriè delegatam exercere, cum hæc iurisdictione dignitati Episcopali concedatur, sitque perpetua. *ibid. pag. 108. 109. n. 12. rom. 3.*

42. Impediens Episcopum etiam nondum consecratum, ne sua iurisdictione utatur, censuram huius canonis incurrit; quia est iudex ordinarius: nam post confirmationem habet iurisdictionem. Sin nondum Episcopatus possessionem adierit, non potest licitè, & validè iurisdictionem exercere, antequam literas Apostolicas obtineat. *ibid. n. 13.*

43. Qui iudicem Ecclesiasticum ordinarium in causa mixtè fori prævenit cognoscendo causam, seu illam suscipiendo antequam ad iudicem Ecclesiasticum deducta sit, non incurrit excommunicationem; quia non impedit iniuste, cum locus sit præventioni in causis, quæ pertinent ad utrumque forum, & eius sit sententiam ferre qui prior ad se causam aduocavit. *ibid. n. 14.*

44. Qui incarcerant, aut vexant procuratores, familiares, consanguineos, vel affines prælatorum, seu iudicum Ecclesiasticorum ordinariorum, ut impediant usum Ecclesiasticæ iurisdictionis, hanc censuram incurrun; quia indirectè impediunt, sic enim Prælati à suo munere obeundo deterrentur. *ibid. 15.*

45. Qui impedit Episcopum aut parochum, ne alicui beneficium absolutionis sacramentalis impendat, huic censuræ non est obnoxius: absolutio enim sacramentalis est actus fori interni, non autem externi; at in Bulla sermo est de iurisdictione fori externi. *ibid. n. 16.* Idem dicendum de impediendo Episcopum, ne potestatem ordinis exerceat. *n. 17.*

46. Qui impedit iudicem Ecclesiasticum ordinarium, ne iurisdictione sua utatur in causis ad ipsum pertinentibus ex consuetudine per sacros canones, vel constitutiones Ecclesiasticas approbata, incurrit excommunicationem. Secus in causis ad iudicem Eccles. spectantibus ex consuetudine per canones non approbata. *ibid. n. 18.*

47. Non est vetitum sub excommunicatione impedire Prælatum ne sua iurisdictione utatur iuxta statuta Conciliorum Provincialis: Quia nomine Constitutionum Ecclesiasticarum intelliguntur decreta Summorum Pontif. vel Conciliorum generalium. *ibid. n. 19.*

48. Ad hanc excommunicationem incurrendam non est satis impedire iudices Eccles. ne sua iurisdictione utantur nisi effectus impedimenti sequatur; si enim non obstante impedimento sequatur à suæ iurisdictionis usu non cessant, impediens non incurrit censuram: quia pœna ob delictum imposita non incurritur, nisi delictum sit consummatum. *ibid. n. 20.*

49. Qui

49. Qui iudicium fori Ecclesiastici eludunt, recurrendo ad Cancellarias, & alias Curias sæculares animo impediendi sententias, & decreta iudicum Ecclesiasticorum ordinariorum, vel delegatorum, in Bullæ censuram incurrunt. *pag. 110. n. 22. Quod verum est, etiam si sententia contra recurrentem lata esset violenta, & iniqua; quia in hoc casu non est confugiendum ad laicos, sed ad alios superiores Ecclesiasticos. ibid. n. 27.*

50. Ad hanc censuram incurrendam sufficit, ut à iudicibus Ecclesiasticis ad sæculares recurratur animo petendi ab eis auxilium, seu mandata, vel inhibitiones contra Ecclesiasticos iudices, etiam si postea reipsa non obtineantur, vel obrepta executioni non mandentur; quia in hoc canone recursus ad iudices sæculares per se prohibitus est. *ibid. n. 28.*

51. Qui curat deleri, & tolli decreta in Curia sæculari edita in confirmationem decretorum Ecclesiasticorum non incidit in excommunicationem; quia non curat tolli decreta Ecclesiastica; sed tantum vult impedire, ne in Curia sæculari hæc decreta confirmentur. *ibid. n. 30.*

52. Qui procurat, ut à Curiiis sæcularibus decernantur mandata, seu prohibitiones contra iudices Ecclesiasticos ordinarios, vel ut hæc prohibitiones executioni mandentur, vel qui huiusmodi prohibitiones facit, vel exequitur, in pœnam huius canonis incurrit; quare satellites, alique iustitiæ ministri, qui iudicum sæcularium mandata exequentur contra Ecclesiasticos iudices, hanc censuræ subiiciuntur, nisi grauis metus, aut ignorantia probabilis excuset. *ibid. n. 31. & seq.*

53. Qui auxilio, consilio, patrocinio, vel favore iuvat recurrentem à iudicibus Ecclesiasticis ad sæculares, in eandem censuram incurrit, si recurrens obtineat mandatum, vel inhibitionem contra iudices Ecclesiasticos, quia si non sequatur actio principaliter prohibita, actio accessoria non sufficit ad censuram incurrendam. *ibid. pag. 111. n. 37. & seq. tom. 3.*

54. Excommunicatio contra perturbantes iurisdictionem Ecclesiasticam, alibi etiam expressa inuenitur. Nam in cap. *Quoniam*, excommunicantur, qui in causis ad forum Ecclesiasticum pertinentibus impediunt ne quis literas Apostolicas impetret, aut ne litiget coram iudice Ecclesiastico. Excommunicantur etiam dantes consilium, auxilium, vel fauorem; & ista excommunicatio perseverat, donec delinquens satisfecerit iudici Ecclesiastico, & parti, quam impediuit; non est ramen Pontifici reservata. Item in quadam Constitutione Greg. XIII. extat excommunicatio Summo Pontifici reservata contra Religiosos, vel Religiosas Ordinis S. Francisci de Obsequantia, qui ad Curias sæculares recur-

runt contemnentes ordinationes Commissariorum Ministri Generalis. Item in cap. *Quicumque*, fertur excommunicatio contra eos qui dant licentiam vexandi iudices, qui censuram excommunicationis, suspensionis, vel interdicti tulerunt. Hæc autem excommunicatio est Summo Pontif. reservata, si delinquens in ea manserit per duos menses. *ibid. tom. 3.*

Ecclesiasticorum bonorum alienatio.

55.] Ecclesiasticorum bonorum alienatio prohibita est iure naturali diuino, addito iuramento quoad Summum Pontif. & Cardinales respectu bonorū Sedis Apostolicæ: quoad Episcopos autem & Prælatos respectu bonorum suæ Ecclesiæ. Est etiam verita iure Cæsareo in l. *inbemus*, & iure Canonico passim, maxime in Concil. Trident. sess. 25. c. 11. *tom. 1. pag. 726. n. 1.*

56. Fieri tamen potest huiusmodi bonorum alienatio ex iusta causa, debita solemnitate adhibita; vel ad breue tempus, titulo locationis, aut in emphyteusim, in casibus à iure permissis. Fieri etiam potest alienatio rerum, quæ seruando seruari non possunt. *ibid. n. 1. & seq.*

57. Nomine alienationis hic intelligitur actus, quo dominium rei directum, vel vtile, aut vsusfructus, aut ius in alterum transfertur, vel abdicatur. *ibid. p. 727. n. 1.*

58. Ecclesiastica bona immobilia, vel mobilia pretiosa, quæ seruando seruari possunt, alienari nequeunt. Mobilia verò, & pretiosa, quæ seruando seruari non possunt, Episcopus, vel administrator vendere potest sine alia solemnitate: quapropter vinum, frumentū, oleum, oues, capræ, &c. etiam sine solemnitate, valide alienari possunt. Idem dicendum de oblationibus, quæ sacræ Imagini fiunt, modò Episcopi consensus accedat. *ibid. n. 2. & seq.*

59. Pecunia ad Ecclesiam pertinens nec dari potest titulo mutui, nec in alios vsus consumi, quàm in eos, quibus destinata est, & addicta. Arbores, quæ radicibus solo adhærent, suntque ligni durioris, incidendæ non sunt nisi cum debita solemnitate. Item contractus, quò bona Confraternitatis, Collegij, aut Hospitalis, Episcopi auctoritate fundati, sine debita solemnitate alienantur, est irritus, & nullus. *ibid. n. 3. & seq.*

60. Bona monasterij, & commendæ S. Ioannis Hierosolymitani, aut aliæ huiusmodi, sine Apostolicæ Sedis consensu alienari non possunt. Item ius patronatus Ecclesiasticum transferri in laicum nequit, nec res ab Ecclesia empta retrouendi absque debita solemnitate. *ibid. p. 729. n. 13. & seq.*

61. Capellæ vsus cum sepultura sine solemnitate concedi potest alicui, hoc enim non est alienare. *ibid. n. 12.*

178 *Ecclesiasticorum bonorum alienatio.*

62. Ad validam bonorum incorporalium, iurium, actionum, & seruitutum Ecclesiæ alienationem, & bonorum immobilium, vel mobilium pretiosorum, oppignerationem requiritur solemnitas. Necnon ut res in feudum, aut emphyteusim dentur, quæ sic dari non solent. *ibid. n. 19. & seq.*

63. Bona patrimonialia, ad quorum titulum fuit aliquis ordinatus, absque Episcopi facultate alienari non possunt, donec clericus, qui ad illorum titulum fuit promotus, adeptus fuerit beneficium Ecclesiasticum, vel aliunde habeat, unde sustentetur; hæc tamen bona, ipso mortuo, ad pristinam redeunt libertatem. *ibid. pag. 730. n. 28.*

64. Res Ecclesiæ pretiosæ, quæ seruando seruari possunt, ultra triennium locari nequeunt. Idem tempus præscribitur locationi beneficiorum: quare ultra triennium locatio etiam iuramento firmata non valet. *ibid. pag. 729. n. 24. & seq.*

65. Ecclesiæ lampades argenteæ, & id genus alia ad sacram suppellectilem pertinentia alienari nequeunt ad fabricam Ecclesiæ promouendam, aut in alios vsus, nisi consuetudo in contrarium quibusdam in locis obtinuerit. *ibid. p. 730. n. 30.*

66. Legatum Ecclesiæ relictum potest ab Episcopo validè repudiari, nulla solemnitate seruata: cum enim nondum sit acceptatum, per repudiationē dici non potest alienari. *ib. p. 731. n. 33.*

67. Cessio hæreditatis, quam Ecclesia nondum adiit, facta à Prælato sine debita solemnitate, in fauorem extranei, qui ad illam nullum ius habebat, est inualida. *ibid. n. 34.*

68. Ecclesiasticorum bonorum alienatio quatuor ob causas licita fit & valida, nempe ob urgentem necessitatem, ob pietatē, ob euidentē Ecclesiæ vtilitatem, & ob causam, quæ Prælato videtur legitima, etiam si postea legitima non iudicetur. *ibid. n. 1.*

69. Ut bona mensæ Episcopalis, aut Ecclesiæ cathedralis, vel collegiatæ legitimè alienentur, hæc solemnitates sunt seruandæ. 1. ut fiat tractatus, seu discussio, an expediat huiusmodi bona alienari, rationibus in vtramque partem allatis, & expensis. 2. ut facta hac discussione, accedat consensus maioris partis Capituli, eorū scilicet, qui adsunt. 3. requiritur in primis ipsius superioris consensus. *ibid. p. 731. n. 1. & seq.*

70. Ut valida sit alienatio bonorū Ecclesiæ non habentis Collegium, requiritur consensu rectoris Ecclesiæ cum facultate Episcopi, nec non ipsius etiam Summi Pontificis, Nomine autem Collegij intelligitur non tantum communitas Canonicorum, verum etiam beneficiorum. *tom. 1. p. 733. n. 9. & 10.*

71. Res legata Ecclesiæ cum hac conditione, *ut alienari possit*, nihilominus alienari nequit sine debita solemnitate; hæc enim

Ecclesiasticorum bonorum alienatio. 179

enim conditio habetur pro non apposita: & vice versa, res legata Ecclesiæ cum hac conditione, *ut in nullo casu alienari possit*, nihilo feciùs iusta ex causa, adhibita debita solemnitate, valide alienari potest. *ibid. n. 11. & 12.*

72. Quando res aliqua donata fuit Ecclesiæ cum hac conditione, *ut non alienetur*, alioquin ad heredes donatoris devolvatur; si absque iusta causa, & debita solemnitate prætermissa, non expectato Sedis Apostolicæ consensu, alienetur, pœna caducitatis incurritur. *ibid. n. 13.*

73. Contractus alienationis bonorum Ecclesiæ sine debita solemnitate, in foro externo, & interno est inualidus, etiam si in fauorem Ecclesiæ fuerit celebratus, résque accepta sine præfata solemnitate, restituenda est Ecclesiæ, seu loco pio ad quem ante alienationem pertinebat. *ibid. n. 14. & 15.*

74. Alienantes bona Ecclesiæ sine debita solénitate excommunicationem incurrunt; at si Episcopi fuerint, aut Abbates, interdicto subiiciuntur, & si per sex menses in interdicto permanserint, suspenduntur à regimine, & administratione Ecclesiarum, seu monasteriorum, quibus præsunt: neque Cardinales ab hac censura eximuntur; cum enim subiiciantur legibus, quæ sunt in fauorem, ipsos etiam subiici par est odiosis; obstringunturque iuramento de non consentiendo alienationi bonorum Sedis Apostolicæ. *ibid. pag. 734. n. 1. & seq.*

75. Summus Pontifex bona Ecclesiæ alienans his censuris, ac pœnis non subiicitur; quia legislator suis legibus quoad vim coactivam non obligatur; peccat tamen contra iuramentum alienando, seu infeudando castra, ciuitates, & dominia Sedis Apostol. nisi cum iusta, ac legitima causa secum dispenser in vinculo iuramenti. *ibid. pag. 735. n. 1. & seq.*

76. Summus Pontif. alienans bona Ecclesiastica cum damno Ecclesiarum sine iusta causa (cuiusmodi est cõmunis necessitas, vel publica utilitas) peccat contra iustitiam; huiusmodi tamen alienatio valida est; sed tenetur Põtifex ad restitutionem damni, quæ inde sequuta sunt. At in foro conscientie sæper præsumenda est iusta causa, nisi oppositum constet. *ib. p. 735. 736. n. 1. & seq.*

77. Donatio gratuita facta à Summo Pontif. in laicos de bonis Ecclesiæ absque iusta causa, iniusta quidem est; valida tamen; accipiens autem hæc bona propter bonam fidem excusari potest à restitutione. *ibid. n. 10. & 11.*

78. Summus Pontif. priuans innocentem suo beneficio, illudque alteri conferens contra iustitiam peccat, licet illum alia ratione compenset. Idem dicendum, si bona vnius Ecclesiæ ad aliam transferat sine iusta causa, & compensatione. *ibid. n. 12.*

180 *Ecclesiasticorum bonorum alienatio.*

79. Reuocationes bonorum iam alienatorum factæ à Pontifice, qui alienauit, vel ab eius successore, sunt validæ. Immo si aduertat eas alienationes factas esse in detrimentum Ecclesiæ, tenetur eas irritare, si alia ratione damnum Ecclesiæ reparari nequit. *ibid. pag. 737. n. 15.*

80. Qui aliquid accepit à Summo Pontifice in detrimentum Ecclesiæ, tenetur ad restitutionem saltem illius, in quo factus est locupletior, si illa donatio reuocetur, vel si à Pontifice interpelletur. *ibid. n. 16.*

81. Commissarij, vel delegati Sedis Apostolicæ concedentes facultatem alienandi bona Ecclesiastica in damnum Ecclesiæ, si sint Episcopis inferiores, excommunicationem incurrunt: Episcopi verò, aut Episcopis superiores suspenduntur per annum ab executione officij; quæ tamen excommunicatio, & suspensio non est Papæ reservata. *ibid. n. 1. & seq.*

82. Qui scienter, vel per fraudem procurant fieri alienationem bonorum Ecclesiasticorum in damnum Ecclesiæ, aut decretum huiusmodi alienationis, incurrunt excommunicationem Summo Pontifici reservatâ, etiam si nondum facta fuerit alienatio. *ibid.*

Ecclesiasticorum bonorum usurpatio.

83. Qui usurpant iurisdictiones, fructus, redditus, vel proventus ad Ecclesiasticas personas pertinentes ratione monasterij, Ecclesiæ vel beneficij, incurrunt in excommunicationem 17. Bullæ Cœnæ, nisi ob ignorantiam, vel aliam causam legitimam excusentur. *disp. 1. quest. 18. pag. 112.* Vnde sequitur fures, latrones, & milites, qui bona Ecclesiasticorum rapiunt, non incidere in censuram huius canonis: quia non dicuntur hæc bona usurpare, cum ea sibi vendicent tanquam propria, sed rapiant tanquam aliena. *ibid. punct. 1. pag. 113. num. 4. tom. 3.*

84. Qui bona à suis prædecessoribus Ecclesiæ tradita ad diuina officia persoluenda, sibi vendicat tanquam ad se pertinentia, putans diuina officia malè administrari, aut qui ob expensas in bello factas accipit bona Ecclesiasticorum titulo compensationis tanquam sibi debita, huic excommunicationi subiicitur, nisi bona fides, aut ignorantia excuset. *ibid. n. 6.*

85. Qui usurpat iurisdictionem Episcopi spiritualem, vel temporalem adnexam Episcopatu, censura huius canonis obstringitur. Secus si iurdictio temporalis illi non comperat ratione beneficij: sed ratione patrimonij, aut alio titulo: nam Summus Pontifex vult consulere personis Ecclesiasticis in bonis Ecclesiasticis, non verò in profanis. *ibid. punct. 2. pag. 115. num. 12. tom. 3.*

86. Qui usurpat, vel sequestrat fructus, vel proventus pertinentes

nentes ad religiosos ratione monasterij; immò qui vsurpat annuum redditum religioso relictum de consensu Prælati, aut bona patrimonialia monacho à parentibus tradita, quorum administrationem superior eidem concessit, incurrit in hanc censuram; quia sunt bona monasterij. quidquid enim monachus acquirat, monasterio acquirit. *ibid. n. 13.* Qui verò bona Ecclesiæ, vel monasterio relictà non consignat, non subiacer excommunicationi: cum enim hæc bona ante consignationem non possideantur à monasterio, vel Ecclesia, hic non dicitur vsurpare bona Ecclesiastica. *ibid. n. 13.*

87. Vsurpans fructus alicuius Oratorii priuati, id est, quod non sit ab Episcopo approbatum, nec deputatum ad Missæ sacrificium in eo celebrandum, non ligatur hac censura: quia huiusmodi Oratorium non venit nomine Ecclesiæ, neque strictè loquendo, pius locus appellatur. Idem dicendum de fructibus cœmeterij, licet vsurpans fructus cœmeterij incurrat in censuram Concilij Tridentini sess. 22. cap. 11. *ibid. num. 17. & 18.*

88. Vsurpans fructus, vel redditus alicuius hospitalis, etiam fundati auctoritate Episcopi, subiicitur quidè excommunicatio. ni Conc. Trid. loc. cit. non tamen excommunicationi huius Bullæ; quia hospitalis non est propriè beneficium, & ipsius fructus non sunt constituti ad Ecclesiasticas personas alendas. *ibid. n. 19.*

89. Vsurpans distributiones, aut ea, quæ sacerdos acquisiuit pro Missis celebrandis extra fructus beneficij, vel pro confessionibus audiendis, vel concionibus habendis alijsq; eiusmodi functionibus, non ligatur hac censura; quia hæc bona non competunt illi sacerdoti ratione beneficij, vel Ecclesiæ, sed ratione interuentiæ seu assistentiæ in choro, vel propriæ industriæ, & laboris, idcirco dantur nomine stipendij. *ibid. pag. 116. n. tom. 3.*

90. Vsurpans fructus quos sacerdos percipit ex bonis patrimonialibus ad quorum titulum promotus est ad sacros ordines, non obstringitur hac excommunicatione; quia hi fructus non competunt illi ratione beneficij; huiusmodi enim bona non sunt Ecclesiastica, licet aliquibus priuilegijs gaudeant. Idem dicendum à fortiori de alijs bonis emptis à sacerdote nomine proprio, licet empta sint ex fructibus beneficij. Item de fructibus capellanix amouibilib; hæc enim capellania non est beneficium, cum amoueri possit. *ibid. num. 23. & seq.*

91. Vsurpans, vel sequestrans fructus beneficij Ecclesiastici, quod alter beneficiarius conduxit, non incurrit excommunicationem; quia non vsurpat fructus pertinentes ad personam Ecclesiæ ratione beneficij, sed ratione contractus conductionis. *ibid. n. 26.*

92. Quæres, an vsurpans ipsos fundos, prædia Ecclesiasti-

182 *Ecclesiasticorum bonorum usurpatio.*

ca, seu beneficia censuram huius canonis incurrat. *Resp. affirmatiuè*; quia usurpans huiusmodi prædia fructus etiam sibi consuevit applicare: sibi enim usurpat ius fruendi huiusmodi bonis; cumque usurpatio fructuum sit causa excommunicationis, multò magis occupatio beneficij ratione cuius clericus habet ius ad fructus. *ibid. n. 28.*

93. Clerici cadentes arbores frugiferas suorum beneficiorum in hanc excommunicationem non incidunt; cum enim beneficia legitimè possideant, non possunt dici usurpatores. *ibid. n. 30.*

94. Usurpans fructus, redditus vel proventus beneficij vacantis incidit in hanc censuram: Quia licet illi fructus non videantur pertinere ad ullam personam Ecclesiasticam; tamen Summus Pontif. consulere intendit bonis Ecclesiasticis, ne impunitè usurpentur: interio autem Summi Pontif. valdè frustraretur, si fructus beneficij vacantis impunitè distrahi, & usurpati possent, cum tunc temporis maximum illis periculum impendat defectu possessoris. Idem sentiendum de usurpante fructus monasterij, in quo aut omnes religiosi mortui sunt, aut nulli tunc reperiuntur, quia sunt aliò translati. *ibid. n. 31.*

95. Usurpantes fructus & proventus pertinentes ad Summum Pontif. non vt Summus Pontif. est, sed quatenus est Princeps temporalis, potestatem temporalem exercens, ligatur censura huius canonis, nisi ignorantia, vel alio iusto titulo excusetur: Quia in canone dicitur, *ad Nos*, absque vlla distinctione, aut limitatione: ergò cum absolutè loquatur de bonis ad ipsum Pontificem pertinentibus, absolutè intelligendus est. Secùs dicendum de usurpante fructus Summi Pontif. patrimoniales, vt persona particularis est: illa enim verba, *ad Nos, & ad Sedem Apostolicam*, auctoritate proferuntur. *ibid. pag. 117. n. 33. tom. 3.*

96. Qui fructus pertinentes ad personas Eccles. non usurpauit ipse, sed retinet sciens ab alio ereptos esse, vt si filius retineat sciens illos à patre iniquè sublatos, incidit in excommunicationem, statim atque illos tanquam proprios retinere incipit: quia ex tunc dicitur fructus Ecclesiasticos usurpare. Idem sentiendum de surripiente fructus Ecclesiasticorum legitimè sequestratos, sibi que tanquam proprios adscribente. Secùs dicendum de illo qui fructus Ecclesiasticos ab alio ereptos non intendit sibi tanquam proprios retinere: sed solùm negligens est in restitutione facienda: hic tamen peccat contra iustitiam iniuste detinendo. *ibid. punct. 3. pag. 118. n. 3 & 4. tom. 3.*

97. Qui fructus, vel proventus ad Ecclesiasticos pertinentes ratione Ecclesiæ, monasterij, vel beneficij, quauis occasione sequestrant sine Summi Pontificis, vel aliorum ad id legitimam potestatem

Ecclesiasticorum bonorum submissio. 183

potestatem habentium expressa licentia, excommunicatione huius canonis innodantur. Hanc autem sequestrandi facultatem concedere possunt præter Summum Pontif. Episcopi, eorumque Vicarij, Legati seu Nunciij Sedis Apost. partes etiam litigantes de communi consensu permittere possunt, vt bona, seu fructus de quibus controuertitur, tradantur alicui certæ personæ custodiendi, donec lis dirimatur, & constet cui iure debeantur. Non sufficit autem ratihabitio illius, qui facultatē sequestrandi concedere potest; quia Summus Pontif. expressam licentiam requirit; licentia autem, quæ per tacitum consensum obtinetur, non est expressa. *ibid. n. 7. 14. & 15.*

98. Sequestrans inualidē fructus Ecclesiasticorum, vel ob nullitatem licentiæ, vel ob defectū iurisdictionis, in hanc censuram incidit, nisi titulo bonæ fidei excusetur. Quia Summus Pontif. sub pœna excommunicationis vult sequestrationem fieri ab habente auctoritatem siue ordinariam, siue delegatam. In nonnullis tamen casibus sequestratio à iudice Ecclesiastico fieri permittitur. 1. ad puniendā contumaciam. 2. ne fructus dilapidentur. 3. cum beneficium vacat. 4. cum possessio capta est lite pendente. 5. in causa quæ iudici iusta videatur. *ibid. p. 119. n. 17. 10. 3.*

99. Bonorum Ecclesiast. vsurpatio non solum in Bulla Cœnæ vetita est; verum etiam iure communi pluribus in locis in Concil. Triburiens. c. 7. Concil. Aurelian. 3. c. 22. Concil. Aurelian. 5. c. 15. Concil. Parisien. 1. c. 1. Mogunt. c. 6. & 11. Vvormatiens. 75. Aquisgranens. c. 88. Lateran. sub Leone X. sess. 9. & 10. Concil. Trident. sess. 22. cap. 11 & ultimo.

Ecclesiasticorum bonorum submissio.

100. In cap. hoc *consultissimo*, de rebus Eccle. non alienand. in 6. fertur duplex excommunicatio. 1. contra laicos, qui compellunt Ecclesiasticos ad submittenda bona immobilia, ac iura laicis absque consensu capituli, & speciali Sedis Apostol. licentia. 2. contra eos, qui occasione horum contractuum aliquid sibi vsurpant vltra pactum in contractibus expressum. *disp. 2. quest. 2. punct. 20. pag. 171. tom. 3.*

101. Submitti possunt bona Ecclesiastica laicis. 1. constituendo laicos patronos. 2. constituendo illos aduocatos Ecclesiarum. 3. profitendo bona Ecclesiarum à laicis tanquam à superioribus dependere. *ibid. pag. 172. n. 3. tom. 3.*

102. Qui ex contractibus submissionis aliquid vsurpat vltra conuentionem, hanc censuram non incurrit, nisi post trinam monitionem ab vsurpatione non destiterit. *ibid. n. 6.*

103. Hæc excommunicatio non est reservata.

Ecclesiastica immunitas ab oneribus.

104. Imponentes collectas, decimas, taleas, præstantias, & alia onera personis Ecclesiasticis, & eorum bonis, fructibus, & prouentibus absque summi Pontificis licentia, & eadem tributa, seu onera exigentes, vel recipientes, aut ad illorum exactiorem concurrentes suo consilio, auxilio, vel fauore, in Bullæ Cœnæ excommunicationē 18. incidunt. *disp. 1. q. 19. pag. 120. t. 3.*

105. Onera triplicia sunt. *Personalia*, quæ in sola hominis industria, & labore consistunt absque dispendio, & sumptu rei familiaris, ut est munus tutelæ, curationis, &c. *Realia*, quæ consistunt in sumptibus, seu in dando absque corporali labore. *Mixta*, quæ laborem corporis, & sumptus rei familiaris complectuntur. *ibid. punct. 1. pag. 121. n. 3. tom. 3.*

106. Probabiliter sustineri potest in hoc canone vetitum esse sub excommunicatione imponere Ecclesiasticis onera merè realia, & mixta, qua parte realia sunt non verò personalia. Quia personæ Ecclesiasticæ oneribus realibus potissimum vexari solent: ergo ipsorum immunitati in hac parte consulendum fuit. Probabile autem est imponentem Ecclesiasticis onera simpliciter personalia non affici censura huius canonis, qui loqui tantum videtur de oneribus realibus. *ibid.*

107. Ad incurrandam huius canonis censuram non est satis imponere tributa, & onera Ecclesiasticis, nisi etiam exigantur: nam utrumque copulatiuè exprimitur in Bulla. Illa tamen exigens etiam si non imposuerit, hanc censuram incurrit. Idem dicendum de eo, qui illa recipit, etiam si sponte tradantur, & concedantur. *ibid. n. 4. & 5.*

108. *Quæres*, utrum extorquens aliquam pecuniam ab Ecclesiasticis in hanc excommunicationem incurrat, si onus non fuit Ecclesiasticis impositum? *Resp. negativè*; quia Summus Pontif. excommunicat exigentes, seu recipientes tributa Ecclesiasticis imposita: ergo à contrario extorquens tributum non impositum excommunicationi non subiaceret. Vnde sequitur custodes portarum ciuitatis, fluminis, pontis, vel portus, extorquentes ab Ecclesiasticis tributum, cum tamen Princeps in impositione tributi nullam Ecclesiasticorum fecerit mentionem, non incidere in censuram huius canonis; aliam tamen excommunicationem incurrunt laram in cap. *quonquam de censibus*; sed non est Pontifici reseruata. *ibid. n. 6.*

109. Qui aliquid exigit ab Ecclesiasticis non tanquam tributum, & onus, sed ut pretium sui laboris, non incidit in censuram huius canonis. Quia summus pontif. excommunicat exigen-

tes tales, & alia onera, quatenus scilicet onera sunt, non verò quatenus sunt pretium iusti laboris. Hinc sequitur eum, qui clericum nauigio transehit, posse ab eo exigere pretium transitus tanquam stipendium sui laboris. *ibid. p. 122. n. 8. & 9. l. 3.*

110. Recipiens aliquid à clericis propria sponte, & voluntate omnino libera tradentibus, non subiicitur censuræ huius canonis; tum quia quilibet est rei suæ moderator, & arbiter; tum quia summus Pontifex loquitur de recipientibus tributa, & onera imposita; qui autem recipit aliquid ab iis, qui sponte, & voluntate planè libera tradunt, non dicitur recipere tributa imposita. Secus si accipiat tanquam onus impositum, etiam si accipiat absque prævia petitione, aut vlla coactione. *ibid. n. 10.*

111. Qui exigit, aut exigendum mandat tributum à clericis animo restituendi in fine anni ad vitandas fraudes ministrorum exigentium, non excusatur ab excommunicatione; quia facit actionem clericis onerosam. Qui tamen exigit minimam gabellam ab Ecclesiasticis, quæ non sufficiat ad peccatum mortale furti, non incurrit censuram, nisi postquam peruentum est ad notabilem quantitatem, paruitas enim materiæ sicut excusatur à peccato mortis, ita etiam ab excommunicatione. *ibid. n. 12.*

112. Imponentes onera grauiora consanguineis, aut affinibus clericorum, qui cum illis habent bona indiuisa, unde in ipsos etiam Ecclesiasticos damnum redundet; vel qui colonos Ecclesiasticorum ita grauant collectis, ut Ecclesiastici cogantur illis locare sua prædia viliori pretio, incidunt in excommunicationem. Quia in Bulla excommunicantur imponentes, vel exigentes onera ab Ecclesiasticis directè, vel indirectè. *ibid. n. 15.*

113. Satellites, aliique officiales inferiores, qui Ecclesiasticos citant ad soluenda onera, aut pignus accipiunt, vel quid simile faciunt, ut Ecclesiastici onera soluere cogantur, in hanc censuram incidunt, nisi probabili ignorantia, vel alio iusto titulo excusentur. *ib. n. 16.* Idè dicendū de notariis, qui edicta conscribunt, componunt, aut dictant, isti enim auxilium præstant. *ibid. tom. 3.*

114. Quæres, utrum qui non prohibet hanc impositionem, aut exactionem onerum ab Ecclesiasticis, cum prohibere possit, & debeat, censetur fauere huiusmodi exactionibus, ac proinde in hanc censuram incurrat. *Resp. negatiuè*, quia excommunicatio imposita propter actionem positiuam non incurritur ab eo, qui se habet negatiuè. *ibid. p. 123. n. 10. tom. 3.*

115. Prælati Ecclesiastici imponentes per se, vel per alios onera Ecclesiasticis, aut ipsorum bonis, & imposita exigentes absque S. Pontificis licentia, quacumque tandem autoritate id faciant, seu Ecclesiastica, seu laica, in censuram huius canonis

186 *Ecclesiastica immunitas ab oneribus.*

incurrunt; quia Bulla expressè, & absolutè loquitur de prælatis Ecclesiasticis, & quavis etiam Pontificali dignitate insignitis.
ibid. punct. 2. pag. 123 n. 8. tom. 3.

116. Ecclesiastici sunt immunes ab oneribus, quæ à subditis solvuntur Principibus pro capite; item ab onere hospitandi Principes, vel ipsorum Legatos, vel milites, nec vlla consuetudo derogat huic immunitati; quia Ecclesiastici exempti sunt à laica potestate quoad bona, & personas. Famuli autem clericorum huius canonis privilegio non gaudent, quia non sunt Ecclesiastici.
ibid. punct. 3. p. 124. n. 4. & seq. tom. 3.

117. Vtrum coloni Ecclesiæ, seu Ecclesiasticorum gaudeant immunitate à collectis, tributis, aliisque oneribus, variæ sūt DD. sententiæ; sed expectanda est Summi Pontificis decisio, hæc enim controuersia coram illo acerrimè agitur. *ibid. n. 7.*

118. Emphyteutæ, qui bona Ecclesiasticorum in emphyteusim receperunt, tenentur ad collectas, & onera, quæ imposita fuerunt solùm pro dominio vtili, vel pro fructibus; quia bona emphyteutica non sunt Ecclesiasticorum quoad dominium vtile, sed tantùm quoad dominium directum; cum igitur emphyteutæ sint personæ laicæ, vt suppono, & Principibus subiectæ, & ad ipsos pertineant fructus, imponens ipsis collectas pro his fructibus, excommunicationem huius canonis non incurrit; modò id fiat sine damno domini directi, qui bona in emphyteusim concessit. *ibid. p. 125. n. 9. tom. 3.*

119. Bona Ecclesiasticorum patrimonialia, seu acquisita de rigore iuris sunt immunia ab oneribus, & tributis; tum quia ius antiquum ita disposuit; tum quia onus tributorum immediatè, & proximè imponitur personæ pro rebus; consequenter persona principaliter grauatur, & secundariò bonas; sed personæ Ecclesiasticæ gaudent immunitate; ergo non possunt ipsis onera imponi non solùm pro bonis Ecclesiasticis, sed neque pro patrimonialibus, *ib. n. 12.* Idem sentiendum de bonis Ecclesiasticorum emptis, donatis, vel alio titulo acquisitis; nisi huiusmodi onera ex prævio partium pacto illis bonis imposita essent antequam ad Ecclesiasticos peruenirent, *ibid. p. 126. n. 16. & 17. tom. 3.*

120. Bona ad Ecclesiasticos translata censentur oneri tributorum subiecti; quando illorum dominus antequam ad Ecclesiasticos transirent, promisit pro se, & suis hæredibus se soluturum tributa, collectas, & onera quæcumque imponerentur; quia posita huiusmodi promissione contracta est obligatio realis, non solùm afficiens personas, verùm etiam bona; onus autem reale bonorum transit ad possessorem, etiam si persona sit immunis. Secus dicendum si statuto caueatur, vt omnia bona in territorio

torio;alicuius ciuitatis existentia obnoxia sunt tributis,& oneribus in posterum imponendis; tunc enim probabilissimum est Ecclesiasticos non teneri ad onera post translationem bonorum ad ipsos imposita: quia hæc bona quâdo ad Ecclesiasticos transferunt, nondum erant obnoxia tributo, dum autem tributum imponitur, iam sunt immunia, & exempta. *ibid. n. 18.*

121. Bona, quæ in communi, & in indiuiso possidentur à clericis cum laicis, vt à clerico, & eius fratre laico, pro rata bonorum ad clericos pertinentium gaudent immunitate Ecclesiastica; pro rata verò bonorum ad laicos spectantium non gaudent, nisi legitima consuetudo aliud ferat: quia vtile per inutile non vitiatur. *ibid. n. 19.*

122. Fructus, & redditus Ecclesiasticorum postquam ad laicos transferunt, ius immunitatis amittunt; mutata quippe persona, quæ est causa priuilegij, extinguitur priuilegium. Hinc sequitur exigentes collectas ab iis, qui fructus Ecclesiasticorum emunt, non incurrere censuram huius canonis; modò dominium fructuum acquisitum sit laicis emptoribus. *ibid. n. 20. & 21.*

123. Probabilissimum est Ecclesiasticos iure humano, & diuino exemptos esse à laica potestate, non solum in causis Ecclesiasticis, & spiritualibus, verùm etiam in temporalibus, tam quoad personas, quàm quoad bona. Hinc Christus Matth. 17. sic loquitur cum Petro: *Reges terra à quibus accipiunt tributum, vel censum, à filiis suis, an ab alienis?* deinde subiungit: *ergo liberi sunt filij*: nomine autem filiorum hoc loco non intelligitur tantummodò Christus, quia in plurali loquitur: neque intelligendi sunt omnes Christiani, quia, vt experientia constat, Christiani laici tributum Principibus soluunt; ergo intelligendi sunt Ecclesiastici, vt notat Hieronymus. Vnde licet inferre consuetudinè induci non posse, vt Ecclesiasticis tributa, & onera à laicis imponantur. *ibid. n. 3. §. 2.*

124. Obiicies: Christus loc. cit. solui iubet tributum pro se, & Petro: ergo signum est Ecclesiasticos, qui longè sunt inferiores Christo, & Petro teneri soluere tributum. *Resp.* Christus iussit tributum solui, ne scandali ansam præberet; postquam enim dixit: *Ergo liberi sunt filij*; subiunxit: *vt autem non scandalizemus eos, vade ad mare, & inuenies staterem*, &c. sicut ergo Petrus non debebat tributum soluere nisi ratione vitandi scandali; ita neque alij Apostoli, & Ecclesiastici, quorum vices gerebat Petrus. *pag. 127. tom. 3.*

125. Qui habitum clericalem assumit in fraudem vectigalium, ne scilicet soluat vectigalia, sed reipsa clericus non est, ab oneribus sæcularium non est immunis; quia fraus patiocinari non

188 *Ecclesiastica immunitas ab oneribus.*

non debet suo auctori; Secus si reipsa, & ex animo statum clericalem assumat, licet diuinis non inferuiat, & alia à Concilio Trident. sess. 23. cap. 6. præscripta non seruet. *ibid.* §. 3. n. 1. & 6. pag. 118. tom. 3.

126. Clericus Latinus coniugatus non est immunis ab onere tributorum. Item feudatarius tenetur ad onera ratione feudi imposita; quia in iis, quæ ad feudum pertinent, Clericus subiicitur domino feudi licet sæculari. Item clericus lucrativam negotiationem exercens tenetur pedagia, & gabellas soluere pro mercibus, non tamen ante trinam admonitionem, ut mercaturam non exerceat; dicitur autem mercaturam exercere, qui aliquid emit, ut ex illius venditione lucrum faciat; unde clericus, qui oleum, vinum, frumentum, & alia, quæ ex suo agro percipit, vendit, non dicitur negotiari. *ibid.* n. 3. & seq.

127. Cum expressa Summi Pontif. licentia possunt onera Ecclesiasticis imponi; cessante autem causa, ob quam concessa est laicis facultas imponendi onera Ecclesiasticis, cessat etiam facultas. Porro nulla consuetudo ius tribuit laicis imponendi onera Ecclesiasticis; quia iure diuino sunt immunes. *ibid.* pag. 129. n. 12. clerici tamen soluentes onera sibi à laicis imposita hanc censuram non incurrunt. *ibid.* pag. 130. n. 18. tom. 3.

128. Principes non possunt propria auctoritate onera clericis imponere pro reparatione pontium, viarum publicarum, mœnium ciuitatis, pro arcendis hostibus, &c. quando facultates laicorum non sufficiunt; neque sufficit consensus Episcopi, sed requiritur Summi Pontif. facultas, nisi magna sit necessitas, quæ moram non ferat; nam in hoc casu poterit Episcopus in clero impositionem eiusmodi onerum consensum præstare. *ibid.* 15. & seq.

129. Tamen clerici ex æquitate, & vi directiua tenentur ad onera, quæ non solum in laicorum vtilitatem, verum directe, principaliter, & immediate in vtilitatem, & commodum ipsorum clericorum diriguntur, ut si onus imponatur ad reparandum flumen, quod laicorum, & clericorum agris perniciem minatur. *ibid.* pag. 130. n. 17. tom. 3.

130. Hæc excommunicatio contra imponentes onera Ecclesiasticis non solum in Bulla Cœnæ, verum etiam alibi expressa reperitur. 1. in Concil. Lateran. sub Alexandro III. excommunicantur imponentes onera Ecclesiasticis, si moniti non desistant. 2. in Concil. item Lateran. sub Innocentio III. eadem excommunicatio est renouata. 3. in cap. clericis. de immunitate, à Bonifacio VIII. lata fuit excommunicatio Papæ reservata non tantum contra imponentes, sed etiam contra ipsos Ecclesiasticos soluentes

soluentes, aut consentientes sub quouis pretextu. 4. in Concil. Lateran. sub Leone X. sess. 9. renouatę sunt omnes cęsurę contra imponentes onera Ecclesiasticis. 5. in cap. *quamquā de censibus*, Bonifacius VIII. excommunicat exigentes onera pro rebus, quę non deferuntur causa negotiationis. *ibid. punct. 4. pag. 131. to. 3.*

*Ecclesiastica exemptio à foro sæculari in
causis criminalibus.*

131. Causa criminalis illa est, in qua agitur de pœna inferenda, vt iustitię vindicatię satisfiat; cum enim ad iustitiam vindicatię pertineat punire delicta, causa censetur criminalis, in qua agitur de illis puniendis. Quando verò agitur de pœna applicanda parti iuxta regulas iustitię commutatię præscribentis ius suum cuique tribui, causa ciuilis appellatur. *disp. 1. quest. 20. punct. 1. pag. 132. n. 5. tom. 3.*

132. Omnes, & quicumque magistratus, & iudices, notarij scribę, & iustitię ministri quomodolibet interponentes se in causis criminalibus contra personas Ecclesiasticas, illas processando, banniendo, capiendo, seu sententias contra illas proferendo, vel exequendo sine speciali, & expressa Sedis Apostolicę licentia, in excommunicationem 19. Bullę Cœnę incurrunt. *ibid. pag. 132. tom. 3.*

133. Iudex laicus, qui informationem verbaliter, non verò iudicialiter accipit contra personam Ecclesiasticam, non subiacet huic censurę; hic enim non dicitur processare, quia processus est actus iudicialis. Item, qui non ex proposito contra Ecclesiasticos processum instituit in causa criminali, sed in prosecutione processus comperit delicti auctorem esse Ecclesiasticum, non subiicitur huic excommunicationi: quia hic non dicitur proprię Ecclesiasticam personam processare, quam ignorabat esse criminis auctorem. At si nihilominus processum prosequatur, excommunicationem incurrit. *ibid. pag. 133. n. 8. & 9. tom. 3.*

134. Iudices Ecclesiastici interponentes se in causis criminalibus contra Ecclesiasticos, excommunicationi huius canonis non subiiciuntur, modò id non faciant auctoritate laica, v. g. quatenus sunt consiliarij, vel præsides Principis laici: quia hæc excommunicatio fertur contra magistratus laicos. Item Principes exilio afficientes personas Ecclesiasticas hanc censuram non subeunt, quia in Bulla exprimuntur solùm magistratus & iudices, qui sunt Principe inferiores; suntque illius ministri. *ibid. punct. 2. pag. 134. n. 7. & 8. tom. 3.*

135. Iudex laicus interponens se in causis criminalibus contra clericum consentientem contra se inquisitionem, seu processum

cessum fieri, non propterea excusatur ab excommunicatione: in iis enim, quæ concessa sunt in honorem, & commodum totius ordinis Ecclesiastici, nemo potest cedere iuri suo, *ibid. n. 9.*

136. Laicus iudex, qui non facit processum contra clericum, sed illum tantummodò examinat, ut testem ad rei veritatem indagandam, in hanc censuram non incurrit: quia huiusmodi examen non est processus. Secus si illum examinet tanquam reum, aut si illum in cubiculo tanquam in carcere detineat, donec verum confessus fuerit. *ibid. n. 10.*

137. Accusatores testes contra Ecclesiasticum deponentes, item aduocati, procuratores, alique apud iudicem laicum instantes, ut clericus capiat, in exilium eiciatur, &c. in censuram huius canonis non incidunt, quia nullam actionem faciunt in hoc canone prohibitam, tum quia Bulla tantum loquitur de Magistratibus, iudicibus, notariis, ministris. *ibid. n. 11.*

138. Si iudex laicus, notarius, aut executor Curie secularis ab Episcopo rogentur, ut se interponant in causa criminali contra clericum, non incurrunt excommunicationem: quia id faciunt tanquam ministri, & instrumenta Episcopi, tenentur enim Episcopis ipsorum opem implorantibus adesse ad continendos in officio clericos. *ibid. n. 12.*

139. Ecclesiasticus degradatus, & traditus Curie seculari, item perpetuo exilio multatus ab Ecclesiastico iudice, item bigamus, item prima tonsura, aut minoribus ordinibus initiatus, clericalem habitum, & tonsuram non deferens, item clericus, qui minores ordines intra annum à morte sui Episcopi accepit cum literis dimissoriis capituli sui, inquam, omnes privilegio clericali in criminalibus non gaudent. Item clericus in flagranti crimine deprehensus à laicis capi potest, ut superiori Ecclesiastico consignetur. Item, qui capit, vel capi mandat clericum debitorem fugientem, vel fugam adornantem, aut sua vel aliena bona asportantem, non afficitur censura huius canonis, modò clericum detineat animo illum tradendi iudici, Ecclesiastico. *ibid. punct. 3. pag. 135. n. 1. & seq. tom. 3.*

140. Episcopo licet familiam armatam habere ad suæ iurisdictionis munera exercenda: Quia concessa alicui iurisdictione, censentur etiam concessa ea omnia, sine quibus iurisdicção exerceri nequit. Sic enim declarauit sacra Cardinalium Congregatio demandato Pij V. *ibid. pag. 136. §. 1. tom. 3.*

141. Iudices Ecclesiastici dum auxilio brachij secularis indigent, cogere possunt iudices seculares ad præstandum auxilium: quia Concilium Trident. sess. 25. cap. 3. dat facultatem iudicibus Ecclesiasticis capiendi per suos proprios, vel alienos, executores

cutores; igitur censentur etiam concessa illa omnia, quæ ad illam facultatem exercendam necessaria sunt, alioquin ea facultas esset inutilis. *ibid.* §. 2.

142. Sæculares iudices tenentur auxilium Ecclesiastico iudici petenti concedere, etiam non examinata æquitate causæ, nisi constet de sententia iniusta iudicis Ecclesiastici; quia ius cognoscendi de æquitate causæ competit iudici superiori; magistratus autem sæcularis non est superior in causis Ecclesiasticis. Ad hæc sæculares non discutiuntur tanquàm iudices, sed tanquam executores ordinationis factæ ab Ecclesiastico iudice. Igitur laicus iudex absq; cognitione processus fori Ecclesiastici tenetur familiam accommodare, delinquentem in carcere, vel tiremibus detinere, quoties Ecclesiasticus iudex petierit: pendente tamen legitima appellatione ad superiorem non tenetur laicus iudex opem præstare iudici Ecclesiastico: nam per legitimam appellationem causa ad superiorem iudicem deuoluta est. *ibid.* p. 137. §. 3. tom. 3.

Ecclesiarum effractio, & spoliatio.

143. In cap. *conquesti*, de sententia excommunicationis. Summus Pontif. mandat denunciari excommunicatos eos, qui Ecclesiæ cuiusdam Episcopatus effregerant & spoliauerant; unde inferitur effringentes, & spoliantes Ecclesias esse ipso iure excommunicatos. *disp. 2. qu. 3. punct. 12 p. 201. n. 1. tom. 3.*

144. Qui effringit Ecclesiam, sed non furatur, aut qui furatur, & spoliatur Ecclesiam, sed non effringit, licet ab alio forte fracta fuerit, hanc excommunicationem non incurrit; quia Summus Pontifex utitur particula coniunctiua. *ibid.* p. 202. n. 9. tom. 3.

145. Qui postquam Ecclesiam effregit, comburit, aut frangit calices, vestes, &c. etiamsi nihil inde auferat, in hanc censuram incidit: quia nomine spoliationis intelligitur quælibet actio, quæ bonis Ecclesiæ damnum inferitur. *ibid.* n. 10.

146. Hæc excommunicatio est Summo Pontifici reservata, non tamen ante denunciationem ab Episcopo factam; ante denunciationem autem auferri potest à quolibet confessario approbato. *ibid.* n. 12. & 13.

Ecclesiarum lapides.

147. Sixtus IV. in Bulla. 3. quæ incipit, *Cum prouida*, excommunicat auferentes, aut retinentes lapides, vel alia ornamenta Ecclesiarum vrbis Romæ, necnon præstantes auxilium vel fauorem auferentibus, vel retinentibus, aut non reuelantes. *ibid.* punct. 13. p. 202. tom. 3.

148. Ecclesiæ verò seu loca quorum vñbus, & ornatui illarum fuerint

fuerint deputata, Ecclesiastico subiiciuntur interdicto, donec actualis, & omnimoda restitutio fiat Ecclesiis à quibus fuerant ablata. *ibid. p. 203. n. 5. tom. 3.*

Ecclesiarum immunitas.

149. Ecclesiarum immunitas est exemptio, seu priuilegium Ecclesiis materialibus concessum, ut ad eas confugientes tuti sint à laica potestate; hæc autem immunitas iure humano concessa fuit Ecclesiis Christianorum aliisque locis religiosis de quibus infra, estque valde conformis iuri diuino, & naturali. *disp. 2. q. 3. punct. 16. §. 1. & 2. pag. 205. tom. 3.*

150. Existens in Ecclesia capi non potest à laica potestate, obfideri tamen potest extra Ecclesiam, ut capiat, postquam fuerit egressus; sic enim non violatur immunitas loci sacri, dum locus profanus obseruatur, ut si in eum se transfulerit, delinquens capi possit. *ibid. §. 2. pag. 206. n. 2. tom. 3.*

151. Ecclesiastici resistere possunt magistratui, aut iudici sæculari volenti reum à loco sacro extrahere, deterrendo censuris, vel claudendo ianuas, vel laicorum auxilium implorando, vel etiam utendo opera Clericorum nondum sacris ordinibus initiatorum; ipsis tamen Ecclesiasticis non licet arma capere, ad magistratum sæcularem arcendum, ne detur occasio scandali. *ibid. num. 3.*

152. Non potest magistratus sæcularis impedire, quominus reo in Ecclesia existenti deferantur vestes, alimenta, & cætera ad vitam necessaria; alioquin priuilegium immunitatis redderetur inutile. *ibid. n. 4.*

153. Existenti in loco sacro nulla vis aut damnum à laica potestate inferri potest, nisi iudex id faciat ad instantiam Episcopi, non autem proprio nomine. *ibid. n. 6.*

154. Quandiu reus in Ecclesia existit, damnari non potest ad mortem, vel ad pœnam corporalem; ad pœnam verò pecuniariam, & bonorum confiscationem à iudice laico damnari potest, nisi compareat; immò iudex solet citare reum illumque condemnare ad mortem, vel ad aliam pœnam pro qualitate delicti, quando licetè poterit inferri. *ibid. n. 8. & 9.*

155. Delinquens ab Ecclesia per vim extractus, est Ecclesiæ restituendus; tenetur enim iudex iniuriam Ecclesiæ illatam refarcire, neque satisfacit dando cautionem de impunitate; sed tenetur re ipsa reum Ecclesiæ restituere; etiamsi extractus iuri suo cedere, & in potestate iudicis sæcularis permanere velit: Quia hoc priuilegium concessum est loco sacro immediate, nullus autem cedere potest iuri alteri concessio. *ib. n. 20. & seq. pag. 207.*

pag. 207. Restituendus est autem reus, vel eidem Ecclesiæ vnde extractus est, vel alteri, vel Episcopo, vel etiam eius Vicario, modò sit æquè tutus, ac si Ecclesiæ fuisset restitutus. *ibid. n. 14.*

156. In dubio an reus captus sit in loco sacro, an verò in profano, spectat ad iudicem Ecclesiasticum definire, cum enim agatur de immunitate Eccles. eius causæ cognitio pertinet ad iudicem Ecclesiasticum. *ibid. n. 16.*

157. Actus iudicis laici iuridicè facti in delinquentem ab Ecclesia extractum sunt irriti, & nulli, vt pote facti sine iurisdictione; quia isti actus fundantur in captura, & detentione rei, quæ iuridicè nulla sunt, cum non sint actus iurisdictionis, sed violentiæ. Immo neque potest illum iudex iuridicè interrogare, consequenter reus non tenetur respondere, quia non habet ius in reum eo modo captum. *ibid. n. 17. & 18.*

158. Hæc immunitas competit cuius Ecclesiæ auctoritate Episcopi fundatæ, etiam si nondum benedicta sit, aut nondum in ea celebrata fuerint diuina officia, aut ibi non adsit SS. Eucharistiæ Sacramentum. Aut etiam si polluta sit, vel interdicta; aut licet sit diruta, modò non sit diruta auctoritate Episcopi sine spe reedificandi; sic enim amittit priuilegium immunitatis. *ibid. §. 4. pag. 208. n. 1. & seq. tom. 3.*

159. Non solum interius Ecclesiæ corpus, verum etiam tota Ecclesiæ fabrica, vt tectum, partes parietum exteriores, campanile, Sacristia Ecclesiæ coniuncta, & similia Ecclesiæ adiacentia priuilegio immunitatis fruuntur: quia quæ adhærent loco sacro, censentur sacra; consequenter eadem gaudent immunitate. Immo hæc immunitas extenditur ad fines, seu confinia Ecclesiæ vsque ad 40. passus, si Ecclesia fuerit metropolitana; si verò fuerit minor, ad 30. passus: vnde fit, vt domus Parochorum, Canonicorum, aliorumque Ecclesiasticorum intra fines, seu septa Ecclesiæ, gaudeant eadem immunitate, quamuis eas inhabitent laici; nam priuilegium hoc directè concessum est locis; non autem personis. *ibid. n. 5. & seq.*

160. Monasteria, domus religiosorum, aliæque loca sacra, gaudent priuilegio immunitatis, quod extenditur ad totum claustrum, seu habitationem, etiam ad hortum, & vitiarium, totum enim illud septum est sacrum. Eodem priuilegio gaudet hospitale auctoritate Episcopi fundatum, & seminarium, sunt enim loca pia. *ibid. pag. 209. num. 10. tom. 3.*

161. Palatium, seu domus Episcopi, gaudet immunitate Ecclesiastica licet intra quadraginta passus ab Ecclesia non exstat, modo in eo palatio sit oratorium vbi diuina celebrentur. Idem dicendum de domibus Cardinalium; quanquam hoc priuilegium

gium hodiernum seruatur Romæ , vt bono publico consulatur.
ibid. n. 11.

162. Ex his sequitur committi sacrilegium contra loci sacri reuerentiam & immunitatem , dum à satellitibus fori sæcularis capitur reus qui effracto carcere confugit ad Ecclesiam, vel oratorium, vel hospitale auctoritate Episcopi constructum , vel ad monasterium, vel ad Episcopi palatium, &c. Idem dicendum , si reus se à satellitum manibus proripuit, etiam cum duceretur ad mortem , seque ad locum sacrum recepit , modò delictum sit eiusmodi, pro quo Ecclesia immunitatem concedit; alioquin capi potest pro delicto , cui loca sacra nullam præbent impunitatem. *ibid. n. 6.*

163. Non violatur Ecclesiæ immunitas , dum reus extra locum sacrum comprehensus ducitur ad carcerem per cœmeterium, aut Ecclesiam , etiamsi per vim trahatur , & inde recuset exire ; quia hic non confugit ad Ecclesiam liber. *ibid. n. 21. pag. 210. tom. 3.*

164. Si reus, qui in Ecclesia captus fuit, & in carcere fori sæcularis detinebatur nomine Episcopi, donec cognosceret, an reus immunitatis priuilegio gaudere deberet, si, inquam , ille reus è carcere aufugit, & postea ab iudice laico captus, & morti adiudicatus fuit , non censetur Ecclesiæ immunitas violari ; quia fuga illi ademit priuilegium primæ detentionis. *ibid. n. 23.*

165. Neque loci sacri immunitas violatur, si reus blanditiis, & promissionibus sine coactione è loco sacro eliciatur , & extra eum capiatur; si tamen ei promissa est impunitas , aut restitutio in eundem locum, illi data fides seruanda est. *ibid. n. 24.*

166. Si reus amplexetur Sacerdotem deferentem SS. Eucharistiæ Sacramentum, ob reuerentiam sacro Christi corpori debitam licitè capi non potest ; tamen si capiatur , non videtur Ecclesiastica immunitas violari; neque reus de rigore iuris Ecclesiæ est restituendus ; quia hoc priuilegium concessum est Ecclesiæ, non autem Eucharistiæ extra Ecclesiam. Potest tamen per consuetudinem introduci illa immunitas , quæ suffragetur reis amplexantibus Sacerdotem Eucharistiam deferentem. *ibid. n. 27.*

167. Clericus in iis casibus in quibus extra Ecclesiam capi posset à laica potestate, gaudet immunitate , dum in loco sacro existit; quia tunc habetur tanquam laicus, neque debet esse deterioris conditionis ; modò tamen non commiserit delicta in Bulla Gregorij XIV expressa ; tunc enim extrahi potest. *ibid. §. 3. pag. 211. n. 4. tom. 3.*

168. Clericus à Prælato suo extrahi potest ab Ecclesia, etiam in illis casibus , in quibus laici extrahi non possunt à iudice

dice seculari: tum quia immunitas Ecclesiæ non præiudicat Ecclesiasticæ potestati: tum quia religiosi alioquin rarè capi possèt, cum ferè semper in monasteriis degant: tum quia in Bulla Gregorij sit tantum mentio laicorum; ergo clerici quouis in loco existant, subsunt Ecclesiasticæ potestati. *ibid. n. 5.*

169. Debitorum in loco sacro existentes gaudent priuilegio immunitatis, licèt decoxerint cum magno Reip. detrimento, sintque publico debito obstricti; quia si Ecclesia tueretur ad se confugientes in causis criminalibus, potiori iure in ciuilibus; neque hic casus est in iure exceptus. *ibid. n. 6.*

170. Fures etiam sacrilegi, qui in Ecclesia furati sunt, ad Ecclesiam confugientes gaudent immunitate. Idem dicendum de homicidis, periuris, blasphemis, adulteris, sodomitis, &c. modò non commiserint crimen in Bulla exceptum; hi enim casus non exprimuntur, neque excipiuntur à Greg. XI V. in sua Bulla. *ibid. pag. 212. num. 7. & seq. tom. 3.*

Quinam Ecclesiarum immunitate non gaudeant?

171. Publici latrones, grassatores viarum, & depopulatores agrorum ad Ecclesiam confugientes immunitatem amittunt, sic enim expressè habetur in Bulla Gregorij XIV. *ibid. §. 6. pag. 213. n. 1. 2. & seq. tom. 3.*

172. Occidentes, vel mutilantes in Ecclesiis, aut earum cœmeteriis, carent Ecclesiæ immunitate; quia æquum non videtur vt immunitate Ecclesiæ fruatur, qui in Ecclesia deliquit; tamen qui in Ecclesia existens alium occidit sagitta, vel plumbea glau. de extra Ecclesiam existentem, priuilegium immunitatis non amittit; quia licèt homicidium fuerit in Ecclesia inchoatum, fuit tamen extra Ecclesiam perfectum & consummatum; hic tamen ab Ecclesiasticis ministris capi potest. Neque amittitur immunitas ob quamlibet vulnerationem in Ecclesia factam, nisi ex illa sequatur mors etiam extra Ecclesiam, aut nisi sit mutilatio; est autem mutilatio abscissio alicuius membri, seu partis corporis, quæ habet officium distinctum à reliquis. Neque item priuilegium huius immunitatis amittit, qui mandat homicidiũ, vel mutilationem in Ecclesia fieri; quia pœna lata contra facientes non afficit mandantes, nisi hoc in iure exprimatur. *ibid. §. 7. pag. 213. 214. tom. 3.*

173. Proditoriè aliquem occidens, caret priuilegio Ecclesiasticæ immunitatis, quocumque tandem modo occiderit seu ferro, seu veneno: dicitur autem proditoriè occidere, qui aliquem occidit nihil minus suspicantem, aut cum quo amicitiam simulabat. Quare qui occidit inimicum, non dicitur

proditor in rigore loquendo, quamuis illū occidat à tergo, aut per insidias: quia occisus cauere sibi poterat ab inimico. Neque priuatur immunitate, qui abortū procurat fœtus animati, quia hic non dicitur propriè proditorè occidere: cū enim infans in vtero non sit rationis capax, dici non potest per insidias aut dolum occisus. *ibid.* §. 8. pag. 215. tom. 3.

173. Assassini reus Ecclesiæ immunitate non gaudet, ex constitutione Gregorij XIV. Assassini autem nomine hic intelligitur, qui pecunia, aut pretio conducitur ad hominem incautum occidendum ex insidiis: quare qui sine pretio aliquem interficit vt amico rem gratam faciat, non dicitur assassinus. Porro vt assassinus immunitate priuetur, debet constare, seu per testes, seu per confessionem partis pecuniam hac de causa datam, aut promissam fuisse, vt quis occideretur; nam qui pretio conducitur tantū ad vulnerandum, non dicitur propriè assassinus, neque immunitatem amittit. Assassini etiam cooperatores, fautores, auxiliares, & receptatores priuantur priuilegio immunitatis: sunt enim omnes assassini rei. *ibid.* §. 9 pag. 215. 216. tom. 3.

174. Hæresios reus Ecclesiæ immunitatē amittit: nā crimen hæresis expressè excipitur in Bulla Gregorij XIV. Dicitur autem reus hæresis, non solum qui cum pertinacia sentit contra fidē, verū etiam qui auxilium, aut fauorem hæreticis præbet. Notandum tamen ob solam hæresim immunitatem amitti, non autem ob alia crimina ab hæresi distincta; quia in Bulla excipitur crimen hæresis: quare hæreticus ob furtum commissum ad Ecclesiam confugiens, Ecclesiæ immunitate gaudet. Infidelem verò nondum baptizatum valdè probabile est gaudere immunitate, præsertim si ex animo baptismum petit antequam ad Ecclesiam confugeret. *ibid.* §. 10. pag. 216 217. tom. 3.

175. Reus criminis læsæ maiestatis in personā Principis, priuilegio immunitatis non gaudet, vt expressè habetur in Bulla. Dicitur autem *Princeps*, qui superiorem in iurisdictione non agnoscit. Hinc sequitur illum non priuari immunitate, qui offendit vxorem, aut filium Principis; quamuis enim hic committat crimen læsæ maiestatis, non tamen immediatè peccat in personam Principis. Idem sentiendum de coniurantibus, seu conspirantibus contra Statutum, vel Remp. quia non coniurant in personam Principis; nec non de offendentē statum Principis, aut eudentē monētā falsam. *ibid.* §. 11. pag. 217.

176. Communis est Doctorum sententia, violantes personā Cardinalis priuilegio immunitatis destitui; quia Cardinales æquiparantur Regibus, & Principes Ecclesiæ vocantur. *ibid.* n. 9.

177. Crimen læsæ maiestatis tunc dicitur committi in personam

personam Principis, quando fit actio in damnum, & offensam personæ Principis, vt occidendo, vulnerando, percutiendo, coniu-
rando, hostiliter insequendo personam Principis, reuelando ho-
stibus ipsius secretum, vt ab illis capiatur. Idem dic de consulen-
tibus, auxiliantibus, aut fauorem præstantibus: hi enim omnes
criminis læsæ maiestatis in persona Principis sunt rei. Secus di-
cendū de ratum habentibus, aut approbantibus crimen commis-
sum, aut de scientibus committendum, nec reuelantibus: licet
enim isti vt plurimum censeantur rei criminis læsæ maiestatis;
non tamen commiserunt vllam actionem positiuam in personam
Principis. *ibid. n. 10.*

178. Vt crimen læsæ maiestatis cōmitti censeatur, præstanda
est actio à subdito illius Principis, in quem dicitur crimen com-
mitti; dicitur autē subditus ratione domicilij vel originis. Vnde
infertur crimen læsæ maiestatis in Papam à quocumq; seu lai-
co, seu clerico committi posse: quia Papa in toto orbe suam iu-
risdictionem exercet. *ibid. pag. 218. n. 12. tom. 3.*

179. Prælati locorum gaudentium immunitate tenentur de-
linquentes ad locum immunem confugientes consignare Curia
sæculari id requirenti, si cognouerint delictum ab eis commissum
indignum esse prinilegio immunitatis; sic enim præcipit Grego-
rius XI V. in sua Bulla. At extra casus in illa Bulla exceptos
non potest Episcopus, vel eius Vicarius Iudici laico dare facul-
tatem extrahendi reum ab Ecclesia: quia reus ad Ecclesiam fu-
giens gaudere debet immunitate. *ibid. §. 12. pag. 218. num. 1. &
seq. tom. 3.*

180. Antequam reus, qui ad locum sacrum confugerat, curiæ
sæculari tradatur, hæc sunt obseruanda. 1. vt obtineatur ab Epi-
scopo loci, vel eius Vicario facultas expressa capiendi, & extra-
hendi reum, sede autem vacante adeundus est Vicarius Capitu-
li, quia hic succedit in iurisdictionem Episcopi. 2. vt dum reus è
loco sacro extrahitur, intersit persona Ecclesiastica facultatem
habens ab Episcopo, vel eius Vicario. 3. vt non statim ac captus
est, tradatur laicæ potestati, sed in carcerem nomine Episcopi
coniciatur, donec ab ipso, vel eius Vicario cognoscatur, an reus
sit delicti, cui imposita est priuatio immunitatis; illud autem de-
bet certò, & euidenter constare. Cæterum si ab Episcopo lata
est sententia in fauorem fori sæcularis, iudicando reum immu-
nitate non gaudere, ab hac sententia non datur appellatio; illam
enim Gregor. XI V. expressè excludit. Si verò sententia lata fuit
in fauorem rei, admittenda est appellatio: quia iure communi
appellare licet ab inferiore ad superiorem *ibid. p. 219. num. 4. &
seq. tom. 3.*

*Ecclesiarum immunitatem violantes quibus
pœnis afficiantur?*

181. Violator huius immunitatis per extractionem delin-
quentis à loco sacro sacrilegium, & iniustitiam committit; sa-
crilegium quidem ob iniuriam loco sacro irrogatam; iniusti-
tiam verò, quia ratione priuilegij non habet iurisdictionem in
reum, & potest reus Iudici extrahenti resistere; quare tenetur ad
restitutionem omnium damnorum, quæ inde passus est reus.
ibid. §. 13. *pag.* 220. *num.* 1. *tom.* 3.

182. Violator Eccles. immunitatis varias pœnas incurrit. 1.
de iure ciuili incidit in crimen læsæ maiestatis. 2. de iure cano-
nico iniungitur illi pœna 90. solidorum præter pœnitentiam
publicam ab Episcopo iniungendam. 3. incurrit excommunica-
tionem ipso facto Papæ referuatam, vt patet ex Bulla Gregor.
XIV. & ex decreto sacræ Congregationis. *ibid.* n. 3.

183. Sub pœna excommunicationis prohibet Pontifex
quenguam existentem in Ecclesia capi, nisi in casibus exceptis,
seruata forma præscripta, quam supra retulimus; prohibet etiam
extrahi per vim è loco sacro, & incarcerari. Quare qui hæc fa-
ciunt, aut fieri mandant, aut qui reum extractum detinent, nec
Ecclesiæ restituunt, in pœnam excommunicationis incurrunt;
qui verò consulunt, non videntur hac censura comprehendendi; quia
lex pœnalis restringenda est potius, quàm amplianda. *ibid.* §. 14.
pag. 221. n. 1. & *seq.* *tom.* 3.

184. Episcopi, alique Prælati extrahentes, vel extrahi man-
dantes aliquem è loco sacro contra formam in Bulla præscri-
ptam, si id faciunt, quatenus funguntur potestate laica, afficiun-
tur excommunicatione: tunc enim procedunt tanquam laici; sin
id faciunt, quatenus vtuntur auctoritate Ecclesiastica, probabile
est excommunicationis vinculo non teneri; quia hæc constitu-
tio edita fuit ad frænandam laicorum temeritatem, qui consu-
gentes ad Ecclesiam propria auctoritate extrahebant. *ibid.* *pag.*
222. n. 11. *tom.* 3.

185. Probabile videtur Episcopum posse ab hac excōmunica-
tione absoluerè, facta restitutione, & satisfactione ab eo, qui in
excommunicationem incidit ob violatam Ecclesiæ immuni-
tatem. Quia nuspiam inuenitur hic casus Pontifici referuatus.
At nullus confessarius virtute alicuius priuilegij potest ab hac
censura absolutionē conferre: ita enim cautum est decreto Cle-
ment VIII. quod incipit, *Sacra Congregatio*. *ibid.* §. 16. *pag.* 223.
n. 1. & 2. Probabile tamen est, & tutius in praxi hanc censuram
esse

esse Summo Pontifici reſeruatam; ſic enim in prætorio ſacræ Pœnitentiariæ deciſum fuit. *ibid. pag. 224. tom. 3.*

Eccleſia Toſana.

186. In Extrauaganti, *Saluator, de præbend. & dign.* præſummes turbare, vel impedire ea, quæ ſtatuta ſunt pro Eccleſia Toſana, afficiuntur excommunicatione, ſi fuerint perſonæ ſingulares; interdicto, ſi fuerit vniuerſitas; & ſuſpenſione, ſi fuerit capitulum, conuentus, ſive collegium. *ibid. punct. 18. tom. 3.*

Electio, Elector.

1. IN cap. *ſciant cuncti, de elect. in 6.* extat excommunicatione contra eos, qui per ſe, vel per alios grauant, aut iniuſtè perſequuntur Electores Eccleſiaſticos, ſeu Electrices, vel ipſorum conſanguineos, vel Eccleſias, vel monaſteria, vel ipſorum bona, eo quòd noluerint eligere illum, pro quo rogabantur; vel inducebantur. *diſp. 2. quæſt. 2. punct. 19 pag. 170. tom. 3.*

2. Ad hanc excommunicationem incurrendam requiritur. 1. præſumptio, ob id ignorantia etiam craſſa, & affectata excuſat, modò non habeat adiunctam nimiam temeritatem. 2. requiritur, vt præſatæ actiones prohibita iniuſtè fiant; quamobrem, qui electorem ſpoliat titulo compenſationis, non ligatur hac cenſura, quia non facit rem iniuſtam. 3. requiritur, vt præſatæ actiones fiant hoc prætextu, eo quòd electores noluerint eum eligere, pro quo rogabantur; quare qui ob priuatas ſimilitates aliunde ortas, quam occasione electionis vexat electorem, huius pœnæ reus non eſt. *ibid. pag. 174. tom. 3.*

3. Qui vexat, aut perſequitur perſonam Eccleſiaſticam habentem ius præſentandi, inſtituendi, confirmandi, vel poſtulandi, eandem cenſuram incurrit: quia præſentatio, poſtulatio, confirmatio ſunt modus quidam electionis, & iuxta vulgarem loquendi modum vocantur electi. *ibid. n. 7.*

4. Hæc excommunicatione non eſt reſeruata.

Electio officialium vrbiſ Romæ.

5. In cap. *fundamenta, de elect. & electi poſteſt. in 6.* fertur excommunicatione contra nominantes, vel eligentes aliquem in ſenatorem, rectorem, vel officialē Vrbiſ Romæ, abſque ſpeciali Summi Pontificis facultate; necnon contra conſentientes, auxilium, conſilium, vel fauorem præſtantes huiuſmodi electioni. *diſp. 2. quæſt. 3. punct. 49. pag. 265. tom. 3.*

6. Si electio fiat ad tempus, & non in perpetuum, & non eligatur vir magnæ præſeſſentia, ſeu dignitatis, aut eius frater,

filius, vel nepos, non incurritur excommunicatio etiam si non accedat Summi Pontificis expressus consensus: Secus autem si is, qui eligitur, sit vir magnæ præminentiae, &c. sic enim colligitur ex ipso textu. *ibid. n. 3.*

7. Excipiuntur ciues Romani ex ipsa vrbe oriundi, & præterea habitatores continui in vrbe, vel eius territorio: isti enim ad annuos magistratus, & officia nominari possunt, & eligi inconsulto Rom. Pontifici si fratres sint, filij, aut nepotes Principum, Baronum, &c. nisi fortè extra vrbe, & eius territorium habeant insignem dignitatem, & iurisdictionem. *ibid. n. 4.*

Electio Episcopi, seu Curatoris animarum.

8. In electione Episcopi hæc forma præscribitur. 1. ut eligendus 30. annum impleverit. 2. ut ex legitimo matrimonio natus sit. 3. ut vitæ honestate, & scientia polleat. In electione verò ad beneficium, cui adnexa est animarum cura, requiritur, ut is, qui eligitur, inchoauerit 25. ætatis annum, & præterea sit spectatis moribus, & scientia fulgeat. *disp. 3. quest. 4. punct. 1. pag. 352. tom. 3.*

9. Clerici eligentes Episcopos, aut curatores animarum non seruata forma superius tradita, incurrunt suspensionem per triennium à beneficiis Ecclesiasticis, & pro ea vice priuantur potestate eligendi. Hæc suspensio non incurritur ob præsentationem, aut nominationem indigni. *ibid.*

10. In extrauag. *unica de postulat* prælat. decernitur, ut nullus sæcularis postuletur ad Episcopatum ante 27. annum, & præterea ut nullus religiosus cuiusvis ordinis mendicantium ad vllam Ecclesiam inferiorem cathedrali postuletur extra suum ordinem ante 27. alioquin scienter postulantibus suspenduntur ipso facto à beneficiis, quæ possident in illa Ecclesia, ad quam huiusmodi postulationem fecerunt; & priuantur ea vice postulandi, & eligendi facultate. *ibid. n. 4.*

11. Absolutio ab hac suspensione intra triennium reservata est Summo Pontifici. Multi tamen censent Episcopum posse absolvere, si delictum sit occultum, idemque sentiunt de confessorijs habentibus facultatem absoluedi à censuris. *ibid. pag. 353 n. tom. 3.*

12. Compromissarij eligentes indignum in Episcopum, vel ad superiorem dignitatem, incurrunt suspensionem per triennium à beneficiis, quæ possident in ea Ecclesia, ad quam offendunt. Compromittentes autem ratam habentes electionem indigni, non afficiuntur hac pœna quia hoc nuspiã habetur. Absolutio ab hac censura ante triennium elapsum reservata est S. Pontifici

tifici: elapso verò triennio cessat. *ibid. punct. 3. pag. 354. tom. 3.*

13. Præsumens eligere aliquem ad beneficium per abusum potestatis secularis, suspensione ab officiis, & beneficiis multatur, & potestate eligendi tunc priuatur: hæc autem suspensio non est lætæ sententiæ. *ibid.*

14. Electio facta per metum est irrita, quando metus incutitur ad eligendum certum aliquem: quia caret debita libertas, si verò metus incutiat ad eligendum aliquem ex certo numero, vel corpore, electio valida est: quia unus ex multis voluntariè eligitur. *ibid. punct. 5.*

15. Confirmans electionem indigni ad curam animarum, priuatur potestate confirmandi successorem illius, & priuatur fructibus beneficii: hæc tamen suspensio non videtur ipso iure lata. *ibid. punct. 4.*

16. Consentientes electioni de se factæ ab electoribus Ecclesiasticis cum abusu potestatis secularis, non gaudet illa electione, immò ineligibilis efficitur, neque eligi potest ad aliquam dignitatē sine dispensatione: eligi tamen potest ad beneficiū simplex, vel ad canonicatum, vel ad beneficium parochiale: quia huiusmodi beneficia non sunt dignitates. *ibid. punct. 5. pag. 355. n. 6. & 8. to. 3.*

17. Electores Episcoporum, qui electionem electo non præsentant intra octo dies postquam eam commodè illi præsentare potuerunt, incurrunt suspensionem per triennium ab omnibus beneficiis, quæ obtinentur ab electoribus in ea Ecclesia de cuius electione agitur, non tamen suspenduntur ab officio eligendi, si suspensione durante sedes Episcopalis vacet. Absolutio ab hac censura, ex communi sententia, reservata est S. Pontifici: quia lata est ad tempus. *ibid. punct. 8. pag. 356. tom. 3.*

18. Impugnantes electionem, opponendo aliquid in personam electi, sed postea deficientes in probatione, incurrunt suspensionem à beneficiis per triennium in illa Ecclesia ad quam alter fuerat electus: si autem durante illa suspensione temerè se in illis beneficiis immisceant, ipso facto priuatur beneficiis abique spe illa iterum obtinendi: nisi probauerint se rationalem causam habuisse impugnandi præfatam electionem, sequæ calumniatores non fuisse: illa tamen beneficia alteri conferri non possunt ante sententiam priuationis declaratoriam. Hæc suspensio reservata est Summo Pontifici: quippe lata ad triennium, quo elapso cessat. *ibid. punct. 9. pag. 357. 358. tom. 3.*

Elemosyna.

1. **E**lemosynæ nomine intelligitur actus, quo aliquid alteri ex compassionē damus ad ipsius necessitatem subleuandam

uandam, propter amorem, seu bonitatem Dei, & hic dicitur actus misericordiæ imperatus à charitate. Sunt autem misericordiæ opera quatuordecim, septem corporalia, quæ hoc versu continentur.

Visto, poto, cibo, redimo, tego, colligo, condo :
totidem spiritualia, quæ hic versus complectitur :

Consule, castiga, solare, remitte, fer, ora.

2. Non solum ex præcepto diuino, verum etiam naturali, tenemur per eleemosynam succurrere proximo extrema necessitate laboranti. Tenemur item de superfluis vitæ, & statui, facere eleemosynam proximo, etiam extra necessitatem ipsius extremam, seu in communi, & graui pauperum necessitate. Vnde colligitur aduocatum peccare mort. non suscipiendo patrocini-um pauperis, & medicum, vel chirurgum, non præstando operam suam indigenti : hæc enim opera inter superflua numeranda est. Neque excusari posse diuites, qui de superfluis non faciunt eleemosynam, quamuis habeant intentionem construendi templa, aut omnia pauperibus relinquendi post mortem : hæc enim intentio non tollit obligationem eleemosynæ faciendæ in graui, aut etiam communi pauperum necessitate. *tom. 2. pag. 165. n. 3. & pag. 166. num. 9.*

3. Habentes superflua vitæ, & statui, non tenentur pauperes inquirere, sed sufficit, vt animo parati sint ad eorum necessitates subleuandas, cum se dabit occasio. Secus dicendum de Episcopis ; tenentur enim ex officio pauperum necessitatibus occurrere ; nam patres pauperum nuncupantur. Habentes autem superflua vitæ, sed non suo statui, non tenentur in communi, aut graui priuatorum necessitate eleemosynam facere ; tenentur tamen in extrema, aut quasi extrema, modò non sit periculum, ne ipsi in similem necessitatem incidant. At si sermo sit de necessitate publica, seu personæ publicæ, tenentur etiam ex necessariis ad vitam subuenire Principi, seu alteri personæ publicæ, graui necessitate laboranti : quia bonum publicum præferendum est priuato. *tom. 2. pag. 166. n. 10. & 11. tom. 3.*

4. Debitor extremam patiens necessitatem, per se loquendo non teneretur restituere rem receptam, seu soluere debitum creditori pari necessitate laboranti : hic enim non dicitur rem alienam detinere, cum necessitas faciat omnia communia : modò debitor non acceperit iniuste ab eo qui eadem necessitate laborabat, tunc enim teneretur eam rem domino restituere ; quia vt non potuit eam eripere domino extrema necessitate laboranti, sic nec potest eam retinere. Itè qui rem alienam comodam, vel locatam, vel pignori datam, retinet eo tempore, quo vterque extrema premittit

premitur necessitate, non tenetur domino restituere. Extra extremam autem, etiam in graui necessitate, tenetur rem alienam restituere domino pari necessitate laboranti. *ibid. n. 4.*

5. Excusandi sunt, qui peregrinos suis à ciuitatibus excludunt ex iusta, & rationabili causa, v.g. ne otio torpeant, ne morbos, vel corruptelas, vel proditones afferant, vel vt pauperes domesticos præferant exteris; nam ordo charitatis seruari potest. *tom. 2. pag. 167. n. 19. tom. 3.*

6. Inimicis priuatis in necessitate constitutis tenemur subuenire; sunt enim noster proximus, & Christus hoc præcipit: Inimico autem Reipub. etiam in extrema necessitate, non tenemur subuenire, quando periculum est, ne Reip. noceat, immò teneor non subuenire. Si verò nihil sit periculi, teneor subuenire. *ibid. num. 20.*

7. De iniuste acquisitis fieri potest eleemosyna; non tamen propterea cessat obligatio restituendi. Tutores, & curatores possunt moderatas eleemosynas facere de bonis pupillorum, cum sint illorum administratores. Qui eleemosynam accepit distribuendam, potest eam sibi applicare, si verè indigeat, modò de Domini voluntate aliter non constet. *tom. 1. pag. 168. n. 22. 26. 27. tom. 3.*

8. Qui denegauit eleemosynam pauperi, non tenetur transacta necessitate aliquid tali restituere ratione damni, quod inde passus est: quia obligatio restituendi oritur ex violata iustitia; hic autem non iustitia, sed charitas violatur. *pag. 168. 169. n. 29. tom. 3.*

EMPHYTEVSIS.

Quid, & quomplex sit Emphyteusis?

1. **E**mphyteusis est contractus, quo quis tradit rem suà immobilem alteri quoad dominium vtile sub certa pensione reali soluenda in recognitionem dominij directi, vt si Titius tradat Caio prædium ad 15. annos cum onere soluendi sibi centum aureos nummos in recognitionem dominij directi. Differt à feudo, quia feudum habet onus obsequij, & seruitij personalis: differt à locatione, quia locatio fit ad breue tempus, & in re etiam mobili. *tom. 2. pag. 569. n. 1. & seq.*

2. Emphyteusis alia est perpetua; alia temporalis, quæ est tantum ad tempus. Rursus alia est Ecclesiastica, alia communis, siue profana. Item alia est noua, nunc primum instituta, alia vetus. Denique alia est hereditaria simpliciter, quæ concedi solet

solet pro omnibus hæredibus, quamuis extraneis; alia *hereditaria mixta*, quæ conceditur pro aliquibus hæredibus, sed non omnibus; & alia *familiaris*, quæ conceditur solum pro iis, qui sunt de familia, quamuis non sint hæredes. *ibid. n. 7.*

3. Dantur in emphyteusim res immobiles pertinentes ad dominum directum, quæ meliores reddi possint. Unde sequitur pecuniam, vel etiam annuos redditus non posse in emphyteusim dari. Idem dicendum de arboribus à solo separatis. Secus de arboribus solo hærentibus, ut de oliueto, vineto, &c. nam hæc inter immobilia numerantur. *ibid.*

Conditiones ad emphyteusim requisitæ.

4. Prima conditio est, ut contractus emphyteuticus per scripturam celebreretur, nisi consuetudo aliud ferat. 2. ut contractus fiat de rebus immobilibus, & frugiferis, soloque hærentibus: nam emphyteusis à principio fuit instituta, ut sterilia colerentur, fierent fertilia, & fecunda. 3. ut bona quæ subiiciuntur emphyteusi, non sint Ecclesiastica; nam bona Ecclesiæ, quæ tradi non consueverunt in emphyteusim, non possunt in emphyteusim concedi sine legitima causa, & debitis solemnitatibus à iure requisitis. 4. ut dominium directum perseueret apud priorem dominum. 5. ut quotannis ab emphyteuta solvatur certa pensio, quæ solet esse minor quàm valeant fructus rei emphyteuticæ, nam hæc pensio, per se non soluitur ad lucrum, sed in recognitionem dominij directi. 6. ut emphyteuta priuari possit re accepta in emphyteusim, quoties efficitur notabiliter deterior ipsius culpa. 7. ut emphyteuta non possit rem emphyteuticam, & eius melioramenta, per venditionem alteri tradere secundum ius vile, quod ipse habet, aut locare ad decennium, seu tradere alteri in emphyteusim, absque consensu domini directi, saltem implicito. 8. ut in re emphyteutica illi tantum succedant, qui in inuestitura, seu contractu emphyteutico exprimuntur; hinc fit ut res emphyteutica reuoluitur ad dominum proprietarium, quando extincta est generatio, ad quam data fuerat. *tom. 2. pag. 570. n. 1. & seq. & pag. 571. & 572.*

5. Emphyteuta, qui per duos annos cessauit à solutione canonis seu pensionis, in emphyteusi Ecclesiæ, seu loci pij, cadit ab emphyteusi, & amittit rem emphyteuticam cum omnibus melioramentis in ea factis, nisi purgauerit moram celeritate solutionis. At in emphyteusi seculari, qui triennio cessauit soluere pensionem, incidit in caducitatem, nec potest purgare moram celeritate solutionis; in rigore iuris; statim enim rem amittit, modo dominus directus declaret velle sibi rem emphyteuticam applicari:

caris non teneretur tamen emphyteuta rem à se abdicare ante sententiam iudicis. *tom. 2. p. 570. n. 7. & 9.*

6. Emphyteuta, qui se non obligauit ad casus fortuitos, non teneretur soluere pensionem, si tota res pereat absque sua culpa, vel veniat in hostium potestatem: res enim domino perit. Si verò pars aliqua notabilis remaneat apud emphyteutam, etiàsi fortè sit minor pensione, teneretur emphyteuta de rigore iuris soluere pensionem, sicut etiam teneretur integram pensionem soluere, superueniente sterilitate: modò pensio non sit constituta quasi super pluribus rebus, itavt unicuique rei respondeat sua peculiaris pensio; tunc enim vna re pereunte, debet tantùm soluere pro rata. *tom. 2. pag. 571. n. 18.*

7. Emphyteuta postquam cecidit ab emphyteufi, non potest repetere expensas modicas circa rem emphyteuticam factas: istæ enim expensæ censentur factæ in vtilitatem ipsius emphyteutæ. Si verò expensæ sint ingentes, & notabilis valoris, soluendæ sunt finito tempore emphyteufis, modò emphyteuta non cadat suâ culpâ, aut aliter conuentum non sit. Huiusmodi autem expensæ, seu melioramenta soluenda sunt iuxta valorem, quem habent tunc temporis, quo res emphyteutica redit ad dominum directum: at melioramenta superflua potiùs quàm vtilia soluenda non sunt. *ibid. n. 22. & pag. 572.*

8. Quando res emphyteutica transit ad alium emphyteutam per venditionem, vel donationem, vel permutationem, vel locationem decennalè, soluendum est à secundo emphyteuta laudemium domino directo propter inuestituram, seu laborem, quem dominus directus subit inuestiendo, seu mittendo nouum emphyteutam in possessionem. Est autem *laudemium*, quinquagesima pars pretij rei emphyteuticæ; ex consuetudine tamen videtur tantùm trigesima pars. In his tamen casibus non debetur laudemium domino directo. 1. quando hæres necessarius (qui suus in iure nuncupatur) succedit in rem emphyteuticam: hic enim propria autoritate adit hæreditatem. Idem dicendum quando cohæres ante diuisionem vendit alteri cohæredi partè sibi respondentem. 2. quando res redit ad priorem emphyteutam, dissoluto contractu celebrato cum pacto retrouendendi: quia hæc non censetur noua venditio, sed rescissio prioris. 3. quando pater tradit filiæ rem emphyteuticam, non habès aliud, quod ei tradat: quia laudemium soluitur pro alienatione voluntaria; hæc autem videtur necessaria. 4. quando plures habentès rem emphyteuticam communem, eam inter se diuidunt. *tom. 2. pag. 572. num. 25. & seq.*

9. Emphyteufis secularis, si sit hæreditaria, potest ad fiscum transire:

transire; cogi tamen potest fiscus ad nominandum aliquem, cuius obitu redeat ad dominum, quia fiscus est perpetuus. Si verò emphyteusis non sit hæreditaria, non transit ad fiscum; sed deferatur ad vocatos, & ipsis non extantibus, redit ad dominum directum. At emphyteusis Ecclesiastica non acquiritur fisco sæculari. *tom. 2. p. 573. n. 33*

10. Emphyteusis hæreditaria, quæ scilicet in extraneum transferri potest, transit ad monasterium, in quo religiosus professionem facit, (modò monasterium sit capax successionis) monasterium tamen debet aliquem nominare, cuius obitu emphyteusis finiatur, & redeat ad dominum directum. Si tamen alicui concessa esset emphyteusis pro se, & pro suis hæredibus, emphyteusis transiret irrevocabiliter ad monasterium: quia monasterium potest esse hæres. At si emphyteusis non sit hæreditaria, non transit ad monasterium; sed vivente religioso emphyteuta commoditas illius emphyteusis pertinet ad monasterium; mortuo autem religioso succedunt vocati, alioquin ad dominum directum reuertitur. *ibid.*

11. In emphyteusi concessa alicui pro se, & suis filiis, seu posteris, non succedere filias communis est sententia, nisi aliud exprimat: quia fœminæ in feudo, & emphyteusi non comprehenduntur nomine filiorum. In emphyteusi Ecclesiastica filius naturalis, seu illegitimus non succedit, nec comprehenditur nomine filiorum: quia Ecclesia valde abhorret ab illegitimis, ut pote ex peccato genitis. In emphyteusi verò sæculari filij naturales comprehenduntur nomine filiorum. Si tamen emphyteusis tradita sit alicui pro se, & filiis legitimis, filius naturalis legitimatus privilegio Principis non succedit: quia Princeps non præsumitur velle præiudicium afferre filiis legitimis, aut domino directo; nisi Princeps aliud exprimat: potest enim, ex gravi causa, habilem facere filium illegitimum ad succedendum. *ibid. n. 35.*

EMPTIO, ET VENDITIO.

Quid sit emptio, & venditio?

1. **E**mptio est contractus qui mutuo consensu perficitur, & utroque citroque emptorem, & venditorem obligat; emptorem quidem ad tradendum pretium pro merce, venditorem verò ad tradendas merces pro pretio. Hinc intelligitur definitio venditionis; est enim correlativa emptionis, vnumque cum ea contractum constituit, qui perficitur solo consensu per externum aliquod signum expresso; vnde fit ut traditio non sit de essentia huius

huius contractus. Modò tamen consensus sit absolutus, & non conditionalis: nam conditio suspendit consensum, & contractum usque ad conditionis euentum. Impleta verò conditione contractus remanet perfectus, & fictione iuris retrahitur ad tempus in quo fuit celebratus, ac si tunc temporis consensus fuisset absolutus. Vnde sequitur gabellas, quæ soluendæ sunt ex emptione & venditione antea celebrata, priori gabellario esse persolundas, non verò successori, si mutati sunt gabellarij ante conditionis euentum. *tom. 2. pag. 495. n. 1. & seq.*

2. Contractus venditionis, & emptionis non censetur perfectus donec pretium definiatur; vt si quis dicat, *Vendo tibi equum quanti iudicaueris Titius*, validè quidem vendit; si verò Titius moriatur, aut iudicare nolit, rescinditur contractus; quia perfici non potest, quin pretium definiatur. Vnde fit, vt si in huiusmodi contractu soluenda sit gabella, & mutati sint interim gabellarum exactores, soluenda sit gabella posteriori gabellario, qui gabellas tunc exigit, cum pretium definitur: quia gabella non debetur nisi pro contractu perfecto, & completo. *tom. 2. pag. 496. n. 7.*

3. Contractus venditionis, & emptionis hoc discernitur à contractu locationis, & cōductionis, quod in contractu locationis &c. artifex ponit solam operam, non autem materiam, vt si ego tibi tradam aurum, & tu mihi inde conficias anulum: quando verò artifex ponit operam & materiam, censetur emptio, & venditio, vt quando artifex mihi tradit anulum ex auro, quod ipse apposuit. Excipitur casus, in quo artifex construit domum in solo alieno, licet enim ipse materiam subministret, dicitur operam suam locare: quia domus in alieno solo ædificata cedit domino fundi, seu soli. *ibid. n. 10.*

Quanam vendi possint?

4. Omnia pretio æstimabilia vendi possunt, nisi obstat specialis aliqua prohibitio, seu circumstantia, quæ venditionem reddat inualidam, aut illicitā. Quo fit, vt spiritualia vendi nequeant; quia pretio non æstimantur, nisi ratione materiæ, vel laboris adhibiti in iis fabricandis: sic absque labe simoniæ venditur calix, aut fundus, cui est adnexum ius patronatus; videndum tamen ne ratione iuris patronatus pretium augeatur; nam simonia committeretur. *ibid. n. 1. & pag. 497. n. 2.*

5. Venditio templi facta absque Principis auctoritate inualida est, etiam si templum spectetur secundum materiam, & secundum expensas factas in eo construendo: hæc enim venditio à iure irritatur. Hoc tamen tempore ad alienationem templi requiritur Summi Pontif. consensus. *tom. 2. pag. 497. n. 3.*

6. Res pupilli, vel minoris, emi non possunt à tutore, vel à curatore; hoc enim prohibetur à iure ob præsumptionē fraudis: nisi forte vendantur sub hasta, nec sit alius, qui emat. *ibid. n. 7.*

7. Res publicæ, ut forum publicum via, &c. à priuata persona vendi non possunt, etiam si venditio referatur in tempus quo hæc bona erunt priuatæ personæ: vendi tamen possunt à persona publica illarum rerum dominium habente, sicut vendi possunt vrbes, & oppida, quod Reip. commodum fiat. *ibid. n. 8.*

8. Liberi hominis venditio est irrita, licet referatur in tempus, quo seruus erit; nisi vendatur filius à patre vel ob nimiam egestatem, vel pro soluendis debitis; potest etiam quis seipsum vendere ad alium redimendum, sic S. Paulinus Episcopus Nolensis seipsum vendidit pro filio viduæ redimendo. *ibid. n. 9.*

9. Officia, per se loquendo, vendi possunt: sunt enim pretio æstimabilia, modò nullum adsit ius in contrarium: in praxi tamen non expedit beneficia vendi, alioquin sæpe venderentur minus idoneis cum Reip. detrimento. *ibid. n. 10.*

10. Ea quæ tantummodo inserviunt ad malum vsum, ut sunt venena, vendi non possunt: nisi aliis rebus admixta humanis vñibus inferuire possunt, cuiusmodi sunt venena, ex quibus medicamenta conficiuntur. Licet tamen conficere ex se indifferentes, eaque vendere iis, quos credimus non abusueros; quamuis deinde contingat, ut emptores iis abutantur; ut sunt chartæ lutoriæ, tali, fuci, arma, &c. quia venditorum non est examinare intentionem emētium. Vendens tamen idolum gentili, qui eo creditur abusus, grauius peccat, si vendat absque necessitate, vel alia rationabili causa: quilibet enim tenetur ex charitate peccatum proximi impedire quantum potest absque notabili suo detrimento. At rationabili causâ interueniente excusari potest hæc idoli venditio, cum ex se sit res indifferens, & ad ornatum domus adhiberi etiam possit: sic etiam excusatur à peccato vendens agnum Iudæo, qui eum sit sacrificaturus. *ibid. n. 11. 12. & 13.*

11. Venditio rei alienæ est inualida quoad transferendum dominium rei venditæ in emptorem, cum enim venditor non habeat dominium rei alienæ, non potest illud in alterum transferre: quare dominus rei potest illam vendicare, vbicumque sit, nisi legitimo temporis cursu præscripta fuerit ab emptore bonæ fidei. Valida tamen est venditio rei alienæ ad transferendum dominium pretij in venditorem. Verum tenetur venditor emptorem seruare indemnem: quia censetur iniusta causa damni per fraudem; nisi forte emptor sciret rem esse alienam: tunc enim venditor non tenetur de euictione, nec datur actio emptori ad repetendum. *ibid. n. 20. & seq.*

12. Non potest quis inuitus, regulariter loquendo, cogi ad rem suam vendendam; quilibet enim est rei suæ dominus, atque arbiter: aliquando tamen, iusta interueniente causa, cogi potest: sic tempore inopiæ potest quis cogi ad suum frumentum vendendum, vel ad vendendum agrum, aut domum iusto pretio, ob bonum commune. *tom. 2. pag. 498. n. 28.*

13. Ea, quæ emuntur pecuniis alienis, regulariter loquendo, fiunt emptoris, si ea suo nomine emat. Aliquando tamen fiunt illius, cuius sunt pecuniæ: sic empta pecuniis Ecclesiæ fiunt Ecclesiæ; empta pecunia militis fiunt militis; empta pecunia coniugis donata alteri coniugi fiunt illius, cuius est pecunia; empta pecunia pupilli, vel minoris, à tutore, vel curatore, fiunt pupilli, vel minoris. *ibid. n. 29.*

Emptio cum pacto retrouendendi.

14. Quando pactum de retrouendendo apponitur in fauorem solius venditoris, res minus valet, quam si venderetur sine tali pacto: quia imponitur emptori grauamen, & onus pretio æstimabile. Quando verò apponitur pactum in fauorem solius ementis, res plus valet, quam alioquin valeret: quia venditor subit onus pretio æstimabile. Ex quo infertur iniustum esse pactum, quo venditor obligatur ad reemendam eodem pretio rem venditam, si emptori placuerit. Quando denique opponitur pactum retrouendendi in fauorem vtriusque contrahentis, res minus valet, quam si apponeretur in fauorem solius ementis; & plus valet, quam si apponeretur in fauorem solius venditoris, ita vt si in fauorem vendentis valuisset 20. & in fauorem ementis 30. in fauorem vtriusque valeat 24. aut 25. *tom. 2. pag. 498. 499. num. 2.*

15. Venditio cum pacto retrouendendi in fauorem solius venditoris licita est, interueniente iusto pretio, aliisque conditionibus requisitis: nam huiusmodi pactum nulli est iniuriosum; sic contractus census, qui cum pacto saltem implicito retrouendendi celebratur, communi vsu recipitur: debet tamen venditor tantum descendere de pretio, quanti æstimatur onus, impositum emptori: Porro emptor potest apponere pactum, vt si venditor non redemerit, v.g. intra decennium, non possit amplius redimere: hic enim nulla apparet iniustitia. *tom. 2. pag. 499. num. 3. 4. & 5.*

16. Venditio cum pacto redimendi in fauorem solius emptoris, licita est, interueniente iusto pretio, aliisque conditionibus requisitis, modò grauamē impositū venditori cōpensetur aucto pretio rei venditæ; hoc enim pactum nulli est iniuriosum. *ibid. n. 6.*

O

17. Vendi

17. Venditio cum pacto retrouuendendi in fauorem vtriusque contrahentis licita est Vnde excusari potest ille frequens, & vsitatus, contractus quo Titius, v.g. vendit Caio domum, & ab illo accipit mille nummos, hac conditione, vt Titio liberum sit domum redimere soluto pretio & Caio integrum sit pretium repetere restituta domo. *ibid. n. 7.*

18. Vt autem contractus venditionis cum pacto retrouuendendi sit licitus, & vsura vacet, quatuor conditiones requiruntur. 1. est intentio vendendi, & emendi, cuius defectu pactum retrouuendendi est vsurariū; iam enim non est contractus venditionis, sed mutui. 2. est iustum pretium: iustum autem pretium censetur illud, quo res aestimatur arbitrio prudentis viri, habita ratione grauaminis, quod imponitur alteri contrahentium. 3. vt fructus rei emptæ pertineat ad emptorem quia emptor per contractum emptionis acquisiuit dominium rei emptæ, modò fructus propter contractum locationis non pertineant ad venditorem. 4. vt in contractu emptionis, & locationis non adsit aliqua læsio. *ibid. n. 8.*

19. Contractus venditionis cum pacto retrouuendendi, seu redimendi eodem pretio celebrari potest: hic enim contractus quotidiano vsu comprobatur; atque hæc retrouenditio non tam est nouus contractus, quam rescissio prioris. Cum autem pactum retrouenditionis est in fauorem venditoris, aut emptoris, potest apponi pactum de retrouuendenda re maiori, vel minori pretio, prout res valuerit tempore retrouenditionis. *rem. 2. pag. 500. n. 14. & 15.*

20. Non committitur vsura ab emptore, qui rem emptam cum pacto retrouuendendi in fauorem venditoris locat eidem venditori, donec ab eo redimatur; sunt enim duo contractus liciti, vnus venditionis, alter locationis, neque sunt illiciti, eò quòd coniungantur. *ibid. n. 16.*

21. Qui rem emit cum pacto retrouuendendi in fauorem solius venditoris, nullo præfixo termino ad retrouuendendum, non potest rem emptam legitimo temporis cursu præscribere: quia se obligauit ad rem venditori retrouuendendam, quando- cumque venditor voluerit. *ibid. n. 18.*

22. Qui rem vendidit Caio cum pacto retrouuendendi, sed Caius eandem vendidit Titio, antequam redimeretur à venditore, non potest eam vendicare à Titio, sed habet tantummodò actionem personalem in Caium, vt damnum sibi resarciat: quia illa actio, cum sit personalis, non transit ad aliū. *ibid. n. 19.*

23. Contractus, quo venditur res credita pecunia pretio riguroso, & postea eadem statim redimitur numerata pecunia medio,

medio, vel infimo, per se loquendo, non est usurarius: quia in utraque venditione res venditur iusto pretio. Fieri tamen potest aliquando, ut huiusmodi contractus usuram contineat, si primus venditor pactum ineat cum tempore, ut res empti sibi retrouendatur infimo, vel medio pretio: hic enim contractus merito præsumi potest usurarius, eo quod videatur resolui in mutuum: & hic contractus, qui Italis *Stocco* appellatur, celebratur, quando emptor non inuenit alia ratione pecuniam, nisi credito emat merces pretio rigorofo cum pacto statim retrouendendi infimo. *ibid.* n. 20.

Quanti res vendi, vel emi possint?

24. Pretium duplex est: alterum *legitimum*, à lege taxatum; alterum *naturale*, seu *vulgare*, quod hominum æstimatione constituitur. Atque hoc pretiū habet latitudinem, quia non omnes idem iudicant, in quo differt à pretio legitimo, quod in indiuisibili consistit. Pretium igitur vulgare est triplex, *infimum*, *mediū*, & *supremum*, quod etiam *rigorosum* appellatur. In taxando autem rerum pretio non solum habenda est ratio rei secundum suam substantiam, sed etiam usus: nam quod vnaquæque res est utilior, eò plurius æstimanda est: habenda est etiam ratio lucri cessantis, damni emergentis, &c. *tom. 2. pag. 501. n. 1. & 2.*

25. Res tanti vendi potest, quanti valet iuxta taxam Principis, vel communem hominum æstimationem. Sic excusari possunt qui res pretiosas in iis locis, in quibus copia facit vilitatem, vili emunt: excusatur item, qui fascem herbarum, in quo scit latere herbas pretiosas, paruo emit; nam fascis herbarum ad pabulum animalium vulgo vili æstimatur. Item emens gemmam, quam nouit habere virtutem ignotam venditori, non facit illi iniuriam tradendo pretium lege, vel consuetudine taxatum. Non tamen est tutus in conscientia, qui gemmam à rustico ignaro valoris gemmæ vili emit: censetur enim rusticus inuoluntariè vendere propter ignorantiam. At si vterque ignoret valorem, contractus est licitus: quia vterque eandem subit aleam lucri, aut damni. *ibid.* n. 3. & seq.

26. Quando sunt duo pretia; alterum taxatum à Principe; alterum à communi hominum æstimatione, seruandum est pretium taxatū à Principe, cuius est pretium rebus ponere ad vitandam pauperum oppressionem, & damnorum occasionem. Si tamen constet pretium à Principe taxatum esse iniquum, venditor potest tantum de pondere, vel mensura detrachere, quantum satis est, ut se indemnem seruet. Hinc excusantur pistores, qui panes minores taxa conficiunt, aut vendunt supra taxam, ut se

indemnes seruent; modò communiter pistorum illius provincie, aut vrbis idem damnum patiantur. *tom. 2. pag. 502. n. 7.*

27. Quando res notabiliter variantur quoad valorẽ, licet à pretio lege taxato discedere. Quò fit, vt si Princeps constituit pretium tritici tempore abundantie, nec illud mutauit, adueniente inopia venditor non teneatur seruare pretium taxatum; quia non est verosimile Principem, superueniente notabili mutatione, velle suam legem eundem vigorem retinere. At standum est pretio tempore sterilitatis taxato, quæcumque tandem inopia superueniat. Princeps enim magis fauere debet emptoribus, quàm venditoribus, qui pauciores sunt, & minori inopia laborant. *ibid. n. 8.*

28. Qui vendit rem bonitate excedentem alias res quæ venduntur vulgo, potest aliquid vltra taxam exigere, modò sit notabilis excessus in bonitate. E contrà qui rem vendit bonitate longè aliis inferiorem, debet aliquid de pretio taxato remittere. Secùs dicendum si excessus non sit notabilis. Peccant tamèn, & tenentur ad restitutionem qui fruges deteriores à melioribus separant, & deteriores taxato pretio, meliores verò maiori pretio clam vendunt: quia fraudant emptores, & violant legem taxantem pretia rerum permixtim vendendarum. Idem dicendum de iis qui in locum præstantiorum mercium, quibus dictum est pretium, alias deteriores substituunt. *ibid. n. 12.*

29. Licet aliquando, quibusdam circumstantiis concurrentibus, res pluris vendere, quàm alioquin venderentur, & minoris emere quàm emerentur: eadem enim, spectatis aliquibus circumstantiis, modò pluris, modò minoris æstimatur. Sunt autem hæ circumstantiæ. 1. multitudo emptorũ, & copia pecuniæ. 2. affectus ad rem quæ venditur vt si venditor ægrè careat ea re propter commodum, vel oblectationem. 3. lucrum cessans venditori qui in gratiam emptoris vendit rem quam constituerat seruare vsque ad tempus quo plus valuisset; debet tamen veditor aliquid detrachere de pretio ratione periculi, quod subisset, seruando rem ad illud vsque tempus. 4. damnum emergens quod patitur venditor, vendendo creditâ pecuniâ: quia venditor non tenetur vendere cum suo detrimento: quare potest pluris rem vendere creditâ pecuniâ, quàm alioqui venderet numeratâ. 5. periculum amittendi totum pretium, vel eius partem, vel recuperandi cum expensis, & molestiis: quare ratione illius periculi, res pluris vendi potest; illud enim periculum est pretio æstimabile; licet fortè non contingat. 6. modus vendendi: minutatim enim res carius venduntur quàm si in magna quantitate venderentur; sub hasta res aliquando carius, aliquando vilius prostant.

prostant. Iustum autem pretium vendendi sub hasta est illud quod citra fraudem extorqueri potest. *tom. 2. pag. 503. num. 14. & seq. pag. 504.*

30. Qui rem minoris emunt à venditore, quàm valeat, propter necessitatē qua venditor premitur, excusantur si venditor ultro rem offerat vendendam: merces enim ultro nea pro tertia parte vilescunt. *tom. 2. pag. 504. n. 23.*

31. Quæ non habent pretium à Principe taxatum, vel à communi æstimatione, cuiusmodi sunt gemmæ, falcones, statux antiquæ, picturæ, canes non possunt vendi ad arbitrium venditoris, sed iuxta prudentis viri iudicium: quælibet enim res iusto pretio vendi debet. *tom. 2. pag. 505. num. 25.*

32. Extraordinariæ impensæ, labores, pericula, &c. quæ mercatores subeunt, non sunt causa sufficiens augēdi pretium taxatū: pretium enim censetur taxatū habita ratione omnium quæ cōtingere possunt ad augendum, vel minuendū mercium pretium: & quemadmodum mercatura exposita est lucro, ita etiam damno. Vnde fit ut si navis onusta mercibus submergatur, aut domus in qua servabatur merces, conflagret, aut si quod aliud infortunium accadat, non possit mercator vendere ultra taxam. Potest tamen mercator ratione officij mercaturæ, aliquid plus exigere, quàm exigatur ab alio qui mercaturam non exercet: nam officium mercatoris est pretio æstimabile cum mercator Reip. serviat. *ibid. num. 29. & 30.*

33. Mercatores qui vulgo mentiuntur rem sibi tanti stetisse, vel tanti aliis vendidisse, ut pertrahant emptorem ad rigorosum pretium, ut plurimum peccant venialiter peccato mendacij, & regulariter loquendo non tenentur ad restitutionem; nam emptores vix illis credunt: si tamen huiusmodi mendaciis homines pertrahantur ad emendum pretio notabiliter maiori, venditores graviter peccant, tenenturque ad restitutionem: damnum enim emptoribus creant per fraudem. *ibid. n. 31.*

Monopolia sintne licita?

34. Monopolium quatuor modis contingit. 1. quando mercatores inter se conveniunt de merce vendenda tanto pretio ab ipsis constituto, aut quando emptores cōveniunt de re non emenda, nisi tanto pretio, quod ipsi constituunt. 2. quando unus, vel duo, vel plures, emunt omnes merces, ipsique soli eas vident eo pretio, quo volunt sicque inducunt notabilem caritatem. 3. quando aliqui impediunt, ne aliæ merces aduehantur, ut ipsi carius res suas vendant cum Reip. detrimento. 4. quando Princeps

alicui concedit priuilegium, quo solus certum genus mercium vendere possit. *tom. 2. pag. 506. n. 1.*

35. Quando mercatores inter se conueniunt de re vendenda supra pretium rigorosum, peccant mort. contra iustitiam; quia iustum pretium excedunt. Eodémque modo peccant emptores inter se conspirantes de merce emenda pretio infra infimum. Possunt tamen emptores conspirare ad depellendum monopolium venditorum; vtuntur enim iure suo, vt se indemnes seruent, & monopolium monopolio, vt clauus clauo truditur, vt ad æqualitatem veniatur. *ibid. n. 2. & 3.*

36. Quando vnus, vel pauci inter se conueniunt ad emendas omnes merces alicuius generis, eo cõsilio vt carius vendant, grauius contra charitatem peccant; probabile tamen est illos non teneri ad restitutionem; quia non peccant contra iustitiam, cum emant iusto, & currenti pretio; neque peccant supprimendo vsque ad tempus inopiæ, cum ex iustitia non teneantur vendere. Hinc excusari possunt transferentes triticum extra territorium, etiamsi ob id pretium notabiliter augeatur: sicut enim absque iniustitia possunt triticum domi occultare, ita & exportare; quamuis peccent contra charitatẽ, & Principis prohibitionem. *ibid. n. 4. & seq.*

37. Qui vi, vel fraude impediunt, ne merces aliundẽ aduehantur vt ipsi carius res suas vendant, peccant contra iustitiam, & tenentur ad restitutionẽ: sunt enim causa iniusta damni aliis mercatoribus, & Reip. Qui verò solis precibus, vel persuasionebus id impediunt, non videntur teneri ad restitutionem; quia preces, & persuasiones non tollunt voluntarium. *tom. 2. pag. 507. num. 8.*

38. Qui iusta de causa impetrat à Principe priuilegium, quo solus possit certum quoddam genus mercium aduehere, & vendere, non videtur grauius peccare, modò iustum pretiũ à Principe taxetur, vel à prudentibus viris: fieri enim potest, vt hoc Reip. expediat, nec vlli iniuria fiat. *ibid. num. 9.*

39. Ad hæc monopolia recensita quædam alia reuocari possunt, vt quando aliqui rumorem spargunt, vel literas confingunt quibus exprimitur naues submersas esse, quibus merces certi generis aduehantur, vt sic pretiũ augeant: quando vendẽs sub hasta seu actionẽ faciens apponit fictos licitatores, qui plus offerat vt cæteri emptores in pretio ascendant. Qui verò in publica licitatione amicos rogat, ne plus certa quantitate offerant, vt ipse iusto pretio, licet infimo, rem obtinere possit, non peccat contra iustitiam. Secus dicendum, si alios vi, aut fraude auocet ab augendo pretio; tunc enim peccat contra iustitiã. *ibid. n. 10.*

40. Mercator

40. Mercator, qui monopolium non exercuit, non potest merces suas vendere pretio communi, quod per monopolium creuit; quia illud pretium, ut pote per fraudem inductum, non est iustum, consequenter sicut monopolæ non possunt eo uti, ita nec alij: quare qui eo pretio vendidit, cognita monopoliarum fraude, tenetur ad restitutionem. Opposita tamen sententia probabilitate non caret. *ibid. n. 11.*

41. Mercator, qui scit breui superuenturam magnam vim mercium, vel fructuum, propter quam pretium minuendum sit, potest suas merces vendere pretio currenti, neque peccat contra iustitiam, atque adeo non tenetur ad restitutionem, secluso dolo, mendacio, & fraude: vititur enim iure suo, neque scientia futuræ abundantiae, seu copiae, illum facit deterioris conditionis. Hinc collige cum non peccare contra iustitiam qui ad suum lucrum vititur scientia priuata, quæ scit v.g. condendam esse legem qua mercium, vel monetæ pretium augendum sit, vel minuendum, quia decretum Principis nondum promulgatum non obligat. Peccat tamen Princeps, vel Magistratus manifestando legem conditam ante promulgationem, immò tenetur ad restituendum quod cæteri inde patiuntur: qui verò vititur ea scientia, vititur iure suo; nisi fortè Principem, vel Magistratum induxerit ad eam legem sibi manifestandam: tunc enim teneretur ad restitutionem. *ibid. n. 12.*

An vitia rei vendendæ sint aperiendæ?

42. Vitium contingere potest 1. in substantia, ut cum vino miscetur aqua, vel aurichalcum auro. 2. in quantitate, quando non seruatur pondus, numerus; aut mensura. 3. in qualitate, quando venditur res aliqua prætextu alicuius qualitatis, quam non habet, ut si argentum viuum in aures equi legnis infundatur, ut acer, & generosus appareat. Porro vitium rei vendendæ vel est occultum, vel manifestum, vel notabile, vel leue. *tom. 2. pag. 508. num. 1.*

43. Quando tacetur vitium notabile rei, quo cognito emptor eam non emisset, contractus est nullus, obligaturque venditor ad restitutionem, quia dolus dans causam contractui irritat contractum. Immo venditor, qui notabile vitium subtrahit, tenetur ad omnia damna inde sequuta emptori; fuit enim causa illorum efficax. Si verò plura emantur, quorum vnum sit vitiosum, contractus non est inualidus quoad omnia, si nullam habeant inter se connexionem; vtile enim per inutile non vitatur. Si verò habeant connexionem, contractus quoad omnia dissoluitur. Vnde sit, ut si multi equi simul necessarij ad aliquod opus empti

sint, & vnus eorum habeat vitium notabile, contractus quoad omnes dissoluatur. *ibid. n. 2 & 3.*

44. Quando vitium, quod tacetur, nō est notabile absolute, neque reddit rem notabiliter min⁹ vtilem, contractus non est inualidus, nec iniustus; quia emptor non censetur rationabiliter inuitus: essetque mercatoribus grauissimum, si quodlibet vitium esset aperiendum; multum enim decederet de pretio mercium, paucique emptores inuenirentur. *ibid. n. 4.*

45. Peccat contra iustitiam, teneturque ad restitutionem, qui vendit vinum, vel frumentum, quod diu seruari nō potest, cum tamen aduertat ab emptore quæri vinum, vel siumentum diu seruandum; vendit enim rem parum vtilem ad vsum, ad quem emitur. Idem dicendum, quando venditur res habens occultum vitium quod allaturum est damnum emptori, vt quando pharmacopola vendit infirmo medicamentum perniciosum, vel inuitile. Idem dicendum de eo, qui vendit aliquid litigiosum, &c. *tom. 2. pag. 509. n. 12.*

46. Venditor de occultis rei vitiis interrogatus, tenetur illa manifestare, quamuis non sint notabilia in se; alioquin aperiretur via innumeris fraudibus. Immò contractus in illo casu est inualidus, si emptor, cognito vitio, nō emisset: censetur enim celebratus per dolum, qui causam ipsi dedit. *ibid. n. 14.*

47. Contractus celebratus à venditore ignorante vitium rei, validus est: quia non subest dolus: cognito tamen vitio non potest tantum accipere, quantū accepisset, si res vitio caruisset, sed tenetur vel rescindere contractum, vel rescarcire inæqualitatem. Verùm non tenetur ad restitutionem damnorum, cum propter ignorantiam non sit eorum causa iniusta. At si in celebratione cōtractus dixit se nolle teneri de vitio occulto, quod verè ignorabat, ad nihil tenetur. *ibid. n. 15.*

48. Qui vino generoso aquam miscet, ita tamen vt non fiat deterius, eo quod passim ab aliis venditur, non peccat, neque tenetur ad restitutionem, si eo pretio vendat, quo ab aliis venditur; etiamsi mixtionem aquæ non aperiat emptori, nullum quippe damnum emptor inde patitur, nisi fortè velr illud seruare. Monendi tamen sunt venditores, vt ab huiusmodi fallaciis abtineant. *ibid. n. 17.*

Cuius sint fructus rei vendita?

49. Fructus pendentes tempore venditionis, siue maturi sint, siue immaturi, pertinent ad emptorē quoad valorem, quē habent tempore venditionis, nisi aliter conuentum sit inter contrahentes: quia hi fructus censentur pars rei emptæ. *tom. 2. pag. 510. n. 1.*
50. Quando

50. Quando venditur equus, intelligitur etiam vendita ornamenta equo circumposita tempore venditionis, quia coherent rei vendita; modò equus tempore venditionis ostensus fuerit emptori cum phaleris & ornamentis. *ibid. n. 3.*

51. Quando res vendita tradita est emptori, sed pretium nondum fuit persolutum, fructus rei vendita, quoad valorem, quem acquirunt post venditionem, pertinent ad venditorem: propterea si emptor ex re sibi tradita fructus percepit, tenetur eos restituere venditori; quia res domino fructificat; venditor autem est dominus rei tradita emptori, nondum soluto pretio, nec habita fide de illo. *ibid. n. 4.*

52. Quando venditor tradidit rem emptori, soluto pretio, vel habita fide de pretio, & concessa dilatione ad soluendum, fructus omnes pertinent ad emptorem, nec emptor tenetur ad interesse pro pretio non soluto, nisi aliter conuentum sit inter contrahentes: venditor enim cedit iuri suo, & res cum sit emptoris, domino fructificat. *ibid. n. 5.* At si inter contrahentes facta fuit conuentio soluendi fructus, vel interesse ratione fructuum, donec pretium soluatur, probabile videtur emptorem teneri ad huiusmodi interesse; quia venditor non tenetur alteri vendere cum suo damno, concessa dilatione ad soluendum. *ibid. & pag. 511.*

53. Contractus, quo quis tradit pecuniam alteri sibi aliam rem tradenti, v.g. domum, hoc pacto; vt ipse vtatur re, alter verò pecuniâ, relicta vtrique contrahenti facultate repetendi rem suam, vel pecuniam; hic, inquam, contractus, per se loquendo, est illicitus: quia, per se loquendo, illicitum est lucrum ex mutuo: potest tamen fieri licitus. 1. ratione lucri cessantis, vt sit in mutuo. 2. ratione pacti retrouendendi in fauorem vtriusque contrahentis, ita vt tradens pecuniam obliget se ad rem acceptam restituendam pecuniâ sibi restituta. *tom 2. pag. 511. n. 7.*

54. In diuisione fructuum inter emptorem, & venditorem, habenda est ratio temporis, quo res fuit vnius, & deinde alterius: nam fructus collecti eo tempore, quo res fuit venditoris, pertinent ad venditorem, fructus verò respondentes tempori, quo res fuit emptoris, pertinent ad emptorem. Porò ius exigendi pensionem à conductore pro re vendita spectat ad venditorem: nam ipse contractum iniit cum conductore; potest tamen illud ius cedere emptori. *ibid. n. 8.*

55. Quando dissoluitur contractus venditionis celebratus cum pacto adiectionis in diem, vel legis commissoriae directis verbis, fructus medij temporis pertinent ad venditorem: hæc enim est vis venditionis cum huiusmodi pacto celebrata, vt ex vi pacti ita dissoluatur, ac si non fuisset celebrata; vt si quis vendat domum

hoc pacto *vendo tibi hanc domum ea lege, ut si quis intra annum meliorem obtulerit conditionē, domus sit inempta, seu contractus pro infecto habeatur.* At si contractus celebratus sit verbis obliquis, hoc modo: *si alter meliorem obtulerit conditionem, contractus ex tunc sit dissolutus*, tunc fructus medij temporis pertinent ad emptorem: quia venditio hoc modo celebrata dissolvitur tantum à die melioris conditionis oblata; cum ergo medio illo tempore emptor fuerit dominus rei, sequitur fructus ad ipsum pertinere. *tom. 2. pag. 512. num. 3.*

56. Quando dissolvitur præfatus contractus directis verbis celebratus, gabella ex ea venditione non deberur, immò quod iam solutum est, repeti potest: quia ex vi pacti, contractus habetur pro infecto. Si verò cōtractus celebratus fuit verbis obliquis, gabella soluenda est; quia contractus non ita dissolvitur, quasi antea non fuerit validus, sed solum dissolvitur, ne ulterius valeat; cum igitur fuerit validus, soluenda est gabella, quæ ex venditione solui consuevit. *ibid. n. 4.*

57. Titius vendidit, & tradidit equum Caio 50. nummis aureis cum hoc pacto: *Vendo tibi hunc equum 50. nummis, hac lege, ut si tibi 50. nummos restitueris intra duos menses, equus sit inemptus*: Titius verò intra duos menses restituit Caio 50. nummos: sed equus antequam Titio à Caio restitueretur, moritur apud Caium. Quæritur utri equus pereat. *Resp.* perire Caio emptori: nam res domino perit; Caius autem manet dominus equi, donec illum Titio tradat. Neque enim hic contractus censetur celebratus cum pacto legis commissoriæ, vel adiectionis in diem, ut patet consideranti, quid sit utrumque pactum: nam *pactum legis commissoriæ* est, quando qui vendit aliquid alicui hoc pacto, ut si intra præfixum tempus pretium nosse soluerit, res non sit vendita. *Pactum* verò *adijectionis in diem* est; quando venditur res hoc pacto, ut si intra assignatum tempus, alius offerat maius pretium, res non sit vendita: in nostro autem casu constat venditionem non fuisse celebratam hoc pacto. Quare servanda est regula generalis, *Absque traditione dominium non transfertur, & res domino perit.* *ibid. n. 5.*

58. Quando venditio dissolvitur per pactum retrouendendi eodem pretio, fructus medij temporis, videlicet à tempore venditionis, usque ad tempus redemptionis, pertinent ad emptorem secundum valorem quem habent usque ad diem retrouenditionis; illo enim tempore intermedio res fuit emptoris. Ad primum verò venditorem fructus spectant secundum valorem, quæ à die retrouenditionis acquirunt: ab eo enim die fit dominus rei. At quando venditio dissolvitur per pactum retrouendendi variato pretio,

pretio, fructus pendentes spectant secundum totum suum valorem ad secundum emptorem, qui redimit; quia censetur novus contractus venditionis celebrari. *ibid. n. 6.*

59. Quando venditio dissolvitur, eò quod pœniteat prioris contractus, & alius de nouo, mutuo consensu celebratur, fructus medij temporis pertinent ad emptorem: quia res domino fructificat illo autem medio tēpore emptor fuit dominus. Gabella autem soluenda est pro utroque contractu venditionis, quando contrahentes ex intervallo pœnitent prioris contractus, & alter de nouo celebratur. Secus dicendum, si venditio ante traditionem rei dissoluatur. *tom. 2. pag. 513. n. 8 & 11.*

60. Quando venditio celebrata fuit sub conditione de futuro, & conditio non adimpletur, fructus medij temporis pertinent ad venditorem, siue res tradita sit emptori, siue non: quia venditor est dominus rei ante conditionis eventum: adimpleta verò conditione fructus sunt emptoris: quia contractus celebratus sub conditione, ea adueniente retrahitur ad diem in quo fuit celebratus, ac si tunc fuisset purus, & absolutus. *ibid. n. 12.*

In venditione cui res pereat?

61. Si res vendita pereat post traditionem, perit emptori: emptor enim fit dominus rei per traditionem. Ante traditionem item, si res vendita sit certa, & determinata, perit, & deterior fit emptori, modo venditio sit certa, & absoluta, nec adsit culpa, vel mora venditoris in re tradenda: hæc enim est dispositio iuris. Si tamen venditor in se suscepit rei periculum, res perit venditori. *ibid. n. 2. & 3.*

62. Periculum rei indeterminatæ in indiuiduo pertinet ad venditorem quoad substantiam; periculum verò pretij, & valoris rei spectat ad emptorem. Quare si tempore traditionis, aut mensurationis, res in pretio decreuit, censetur decreuisse in damnum emptoris; sicut etiam si deterior, aut melior fiat, damnum, & commodum videtur ad eundem emptorem pertinere, nam venditor videtur se solum obligasse ad tradendam rem talis speciei, & emptor rem emit, prout erit tempore traditionis, subiiciens se alexæ patiendi incommodum, aut percipiendi commodum. *tom. 2. pag. 514. n. 5.*

63. Res quæ vendita fuit ad corpus, aut quæ erat determinata in indiuiduo, si pereat ante traditionem, perit emptori; res verò indeterminata in indiuiduo, aut determinata ad mensuram, vel degustationem, si pereat ante traditionem, vel mensurationem, vel degustationem, perit venditori: si verò fiat deterior vel melior, commodum vel incommodum cedit emptori. Quia quando

quando venditur triticum, v. g. aut vinum, aut quid aliud indeterminate in individuo, aut determinatum ad mensuram, venditio censetur facta sub tacita conditione, si venditor mensus fuerit tot modios tritici, vel tot metretas vini; venditio autem facta sub cōditione non censetur perfecta ante cōditionis eventum. Hinc tritū illud axioma Iurisp. *Genus perire non potest* *ibid.*

64. Quando ex certo numero rerum vna venditur sub dis-iunctione, vti dicatur, *vendo tibi hanc, vel illam quem*, si altera pereat, perit venditori: nam omnibus saluis, liberum illi erat tradere, quam vellet: ergo par est, vt si aliqua pereat ante traditionem, illi pereat. Si verò omnes pereant, nulla excepta, vna perit emptori: quia emptor omnibus pereuntibus vnâ exceptâ habet ius, vt illa superstes sibi tradatur. *ibid. n. 9.*

In emptione quis teneatur de euictione?

65. Euictio est rei emptæ, vel iustâ causâ receptæ per sententiâ iudicis abductio, vel rei taliter acceptæ iuridica amissio. Hinc fit, vt ille dicatur euincere, qui rē suam eripit è manibus emptoris, probans in iudicio suā esse iure dominij. Propterea si ego domū emi à Seio, quam Caius probat in iudicio suam esse, illamque à me repetit, Caius dicitur euincere domū, quamuis Seius teneatur mihi de euictione, id est, teneatur me indēnem seruare. *ibid. n. 1.*

66. Venditor, qui rem alienam, quam sciebat alienam esse, vendidit emptori ignoranti alienam esse, tenetur de euictione, id est, tenetur emptori pretium restituere, & resarcire damnum, quod inde patitur. At si bona fide vendidit credens esse suam, quamuis cognito errore teneatur restituere pretium emptori, antequam res euincatur à domino; non tenetur tamen ad restitutionem damnorum, vel interesse; quia non peccauit contra iustitiam, excusante ipsam bona fide. *ibid. n. 2.*

67. In his casibus venditor non tenetur de euictione. 1. quando emptor non denūciauit venditori litem motam esse, vt eam defenderet. 2. quando emptor sciens emit rem alienam. 3. quando emptor citatus, contumaciter absuit. 4. quando venditore absente emptor non appellauit à sententia. 5. quando sententia fuit iniusta, & lata per iniuriam contra emptorem, vel quando res violenter eripitur emptori ante iudicium. 6. quando emptor voluntariē compromisit, id est, consentit litem per arbitrium definiri, & sententiam contrariam reportauit. 7. quando emptor potuit vsucapere, & non vsucepit. 8. quando aliquid casuale contingit. *tom. 2. pag. 514. § 15. n. 3.*

68. Quando venditor pactum iniit cum emptore, vt non teneatur de euictione, si pactum iniit sciens rem esse alienam,
aut

aut obligatam, tenetur de euictione, non tantum ad pretium, sed etiam ad damna, & expensas factas in lite ab emptore, nisi ad expensas condemnatus fuerit, qui litem mouit. Quia dolus dedit causam contractui. At si venditor pactum iniit ignorans rem esse alienam, an obligatam, videndum utrum pactum fuerit speciale, an generale: si fuit speciale, id est, ne teneatur de euictione, si res euincatur à certa persona, vel in certa, causa, non tenetur ad pretium, vel ad interesse, cum illius periculum reiecerit in emptorem; si verò fuit pactum generale, id est, ne venditor teneatur de euictione, à quocunque euincatur: tenetur nihilominus ad pretium, re euicta. Excipitur diuisio hæreditatis in qua si conuentum sit inter hæredes, ut non teneatur de euictione, non tenentur: hæc enim est dispositio iuris. *tom. 2. pag. 515. n. 4.*

69. Non solum in venditione, sed etiam in aliis contractibus onerosis, contrahentes tenentur de euictione; quia æquum non est, ut quis damnum patiatur ex re, quam iusto pretio accepit. Excipe transactionem in re dubia. Nam si Titius, & Caius contententes rem aliquam ad se pertinere, transactionem inter se faciant, ut Titius rem accipiat, Caio verò certum pretium tradatur, si postea verus dominus rem suam euincat à Titio, cui per transactionem tradita fuerat, non tenebitur Caius de euictione, nec tenebitur Titio pretium restituere. Quia Caius non accepit pretium pro re ipsa, seu in compensationem rei, sed pro iure dubio, cui cessit in gratiam Titij. Si verò Titius tradidit Caio pretium, vel quid aliud, ut desisteret à lite, & hoc euincatur, tenetur Caio de euictione. *ibid. n. 5.*

70. In contractibus gratuitis, secluso pacto, & culpa contrahentis, non est locus euictioni. Propterea donator non tenetur de euictione: quia par non est, ut damnum patiatur ex eo, quod liberaliter dedit absque præuia promissione, vel obligatione. At si promisit rem aliquam gerere, puta vestem, vel equum tanti pretij, non videtur obligationi promissionis satisfacere, si rem alienam tradat. *ibid. num. 6.*

71. Quando res fuit pluribus successinè vendita, ille à quo fuit euicta, debet agere contra immediatum venditorem: neque enim contra antecedentes venditores habet actionem, quia nullum cum eis contractum iniit. *ibid. num. 7.*

EPISCOPVS.

Contra Episcopos excommunicationes.

1. **I**N Extrauag. 2. *ut pralatorum*, & in Extrauag. 3. *¶ si de-
ceat, de maiorit. & obed.* fertur excommunicatio contra
Episcopos

Episcopos ad Rom. Curiam latenter venientes, & ab ea recedentes, non petita, & non obtenta licentia, & contra eos qui hoc pacto latenter venientes recipiunt, nisi ante receptionem Summo Pontifici significauerint. *disp. 2. quest. 6. punct. 4. pag. 280. tom. 3.*

2. Qui recta intentione Romam proficiscitur, si postea non obtenta licentia discedat, non incurrit excommunicationem; quia excommunicatio lata est contra venientes latenter, & praua intentione. *ibid. n. 3.*

3. Qui Episcopum latenter Romam venientem recipit etiam tanquam consanguineum, vel amicum, si sciat illum latenter & cum praua intentione venire, incidit in excommunicationem; quia quavis intentione recipiat, dicitur recipere latenter venientem. *ibid. n. 5.*

4. Hæc excommunicatio non est reservata.

5. Eugenius IV. in Extrauag. *Diuina, de priuileg.* in fauorem officialium Papæ, vel Sedis Apostolicæ, & in fauorem aliorum venientium ad Sedem Apostol. pro suis causis prosequendis, non solum prohibet, ne Episcopi, alique superiores eos vexent excommunicando, suspendendo, &c. verum etiam acta contra ipsos facta irritat, immo excommunicat, suspendit, & interdicat tam ipsos superiores, qui prædictorum beneficia aliis conferunt, quam eos, qui huiusmodi beneficia recipiunt. *ibid. quest. 7. punct. 3. pag. 284. tom. 3.*

6. Episcopi, seu ipsorum delegati hanc censuram incurrunt, quoties agunt contra curiales in causis non spectantibus ad beneficia, eosque beneficiis priuant, & ea aliis conferunt, tunc enim dantes, & accipientes huic censuræ subiiciuntur; modò tamen curiales priuilegium curialium non amiserint, aut priuilegio Eugenianæ constitutionis non cesserint. *ibid. pag. 285. num. 5. tom. 3.*

7. Probabile est his omnibus censuris, nempe excommunicatione, suspensione, & interdicto non affici singulos delinquentes contra hanc constitutionem; sed Episcopos, aliosque superiores ligari sola excommunicatione; reliquos verò inferiores affici censura interdicti. & suspensionis. *ibid. n. 7.*

8. Hoc tamen est discrimen inter censuras suspensionis, interdicti, & excommunicationis in præfato canone expressas, quòd excommunicationis absolutio reservatur Papæ, suspensio verò, & interdictum minimè. *ibid.*

9. Pius V. in Bulla, quæ incipit, *Quarta*, Episcopis, aliisque facultatem admittendi resignationem habentibus modum admittendæ resignationis præscribit, & prohibet ne Episcopi, aut
alij

alii collatores aliter admittant resignationes, & ne beneficia resignata conferant suis, aut admittentium consanguineis, affinibus, vel familiaribus; eos, qui secus faxint, punit poena suspensionis à collatione beneficiorum, & officiorum, electione, præsentatione, &c. & præsumentes violare huiusmodi suspensionem afficit excommunicatione, si sint personæ particulares; Capitula verò, & conuentus vinculo suspensionis à diuinis obstringit. *ibid. punct. 4. pag. 285. tom. 3.*

10. Huic censuræ probabile est non subiici Cardinales etiam si Episcopali dignitate præditi sint; quia Summus Pontif. videtur tantum loqui de Episcopis & aliis collatoribus; Cardinales autem non veniunt nomine Episcoporum, nisi aliud addatur, quia excelsiorem obtinent gradum si. *ibid. n. 6.*

Contra Episcopos suspensiones.

11. Episcopus conferens primam tonsuram infanti suspensionem incurrit, nisi infans religionem ingrediatur; nomine autem *infantis* intelligitur is, qui septennium nondum attigit. Per hanc suspensionem Episcopus per annum suspenditur à collatione primæ tonsuræ: neque potest Episcopus in ea dispensare, nisi delictum sit occultum; elapso verò anno cessat absque alia absolutione. *disp. 3. quæst. 2 punct. 1 pag. 343. tom. 3.*

12. Episcopus iniuste ordinans inuitum Missas per annum celebrare prohibetur; potest tamen extra Missam Pontificalia exercere. Si verò est suspensus ab officio Sacerdotali, non potest uti Pontificalibus, quæ includunt & supponunt officium sacerdotale. *ibid. punct. 2.*

13. Episcopus, qui sacerdotem indignum, vel minus dignum ordinat, suspenditur à collatione ordinis Sacerdotalis tantum sic enim poena commensuratur delicto. *ibid. punct. 3 pag. 344. tom. 3.*

14. Episcopus conferens primam tonsuram illiterato, id est ei qui fidei rudimenta ignorat, quique scribere, & legere nescit incurrit suspensionem per annum à collatione tonsuræ. *ibid. punct. 4.*

15. Conferens tonsuram coniugato incurrit suspensionem à collatione tonsuræ, nisi coniugatus velit religionem ingredi, aut sacros ordines suscipere iuxta canonum dispositionem. *ibidem, punct. 5.*

16. Conferens ordines bigamo, aut poenitenti publico, prohibetur per annum integrum Missas celebrare. Cum autem hæc poenitentia publica desierit esse in usu, videtur etiam cessare hæc suspensio. *ibid. punct. 6.*

17. Conferen.

17. Conferens tonsuram sibi non subito suspenditur per annum ab eius collatione : Conferens autem maiores ordines vel minores, quouis quæsito colore, subditis alienæ diœcesis absque licentia proprii ordinarij suspenditur ab ordinum collatione per annum. *ibid. punct. 7. pag. 344. 345. tom. 3.*

18. Conferens duos ordines sacros eodem die, aut duobus diebus continuato ieiunio, incurrit suspensionem à collatione vtriusque ordinis, donec absolutionem, & dispensationem à Sede Apostolica obtinuerit. *ibid. punct. 8. pag. 345. tom. 3.*

19. Conferens ordines alicui sine sufficienti titulo cum pacto, ut ordinatus nihil ab eo petat in defectum beneficij, vel patrimonij, suspenditur per triennium ab ordinum collatione. *ibid. punct. 9.*

20. Episcopus conferens ordines religioso ante professionem, aut votum solemne, afficitur suspensione per annum à collatione illorum ordinum, quos illi religioso contulit. Tamen Patres Societatis Iesv peculiari priuilegio gaudent, ut ante solemnem professionem ordinibus initiari possint post elapsum biennium nouitatus, & vororum emissionem. *ibid. punct. 10 tom. 3.*

21. Iure nouo, & iuxta probabile sententiam, etiam antiquo lata est suspensio contra Episcopos conferentes simoniacè ordines, vel primam tonsuram. Hæc autem suspensio prohibet à collatione ordinum, & primæ tonsuræ, & à Pontificalibus, nec non interdicit ab ingressu Ecclesiæ; non tamen suspendit ab exercitio actuum iurisdictionis; hi enim non continentur sub nomine Pontificalium. Qui verò hanc suspensionem, & interdictum violat, incurrit suspensionem à regimine, & administratione Ecclesiæ, & perceptione fructuum, & præterea irregularitatem. *ibid. punct. 11. pag. 346.* Ab his autem pœnis non potest Episcopus absolueri; Summus enim Pontifex omnia priuilegia & facultates hac in parte reuocauit. *ibid. n. 6. tom. 3.*

22. Episcopus exercens Pontificalia in aliena diœcesi absque licentia ordinarij loci, suspenditur ipso iure ab exercitio Pontificalium; non tamen prohibetur baptizare, confessiones audire, Missæ sacrum facere, ut alij Sacerdotes inferiores; hæc enim non sunt Pontificalia; neque prohibetur censuras ferre, beneficia conferre, & alios iurisdictionis actus exercere, cum hæc ad Pontificalia non pertineant. *ibid. punct. 12.* Potest Episcopus ab hac suspensione absolvere, quia lata est absque temporis determinatione. *ibid. pag. 221. n. 6. tom. 3.*

23. Episcopus qui electum ad Episcopatum, vel ad dignitatem Episcopatu maiore confirmat, vel consecrat, non præmissa inquisitione, an is qui appellationem in electione interposuerat apud

apud Sedem Apostolicam, & postea renunciauit appellationi, renunciauerit absque prauitate, id est, pacto simoniaco, incurrit suspensionem à confirmatione, & consecratione Episcoporum per annum continuum. Episcopus tamen ad quem non pertinet inquirere, an renunciatum sit appellationi absque simoniaca prauitate, non ligatur hac suspensione consecrando Episcopum electum. Absolutio ab hac suspensione reservata est Papæ, quia lata est ad tempus. *disp. 1. quest. 4. punct. 6. p. 355. 356. tom. 3.*

24. Episcopus, qui religiosum absque licentia sui Superioris promouet ad clericatum, vel maiorem monasterij constituit, repellitur à communione aliorum, id est, à participatione cum aliis fidelibus, exceptis subditis propriæ diocesis. *ibid. punct. 7. p. 356. tom. 3.*

25. Episcopi, aliique Prælati promoti à Sede Apostolica, si ad suas Ecclesias accedant, administrationemque bonorum Ecclesiasticorum suscipiant absque literis Sedis Apostolicæ, nihil validè agunt, & præterea prohibentur à perceptione fructuum illarum Ecclesiarum; Capitulo verò, conuentus, & alij, qui præfatos Episcopos, vel Prælatos absque literis Apostolicis suscipiunt, aut eis obediunt, suspenduntur à beneficiis, donec absolutionem à Sede Apostolica obtineant. *ibid. punct. 10. p. 358. tom. 3.*

26. Episcopi, aliique Prælati Episcopis superiores, suspenduntur à Pontificalibus, & ab ingressu Ecclesiæ, si non seruauerint ea, quæ statuta sunt in Extrauag. Ioannis XXII. quæ incipit, *Susccepti regiminis*, circa perceptionem fructuum beneficiorum vacantium; Capitulum verò, collegium vel vniuersitas interdictur; aliæ porro singulares personæ Ecclesiasticæ vel laicæ, excommunicationis sententiam incurrunt ipso facto, à qua nisi restitutione præmissa (præterquam in articulo mortis) non absoluantur. In ea verò Extrauagant. præcipitur, vt fructus beneficiorum vacantium malè percepti intra mensem restituantur, quæ restitutione facta tollitur suspensio. *ibid. punct. 11.*

27. Episcopi, aliique Prælati priuantes beneficiis eos, qui in Romana Curia commorantur, incurrunt suspensionem ab officio, & beneficio. Eadem suspensio extenditur ad recipientes huiusmodi beneficia. In tribus tamen casibus non incurritur suspensio. 1. quando quis à curia recessit animo non redeundi, aut quando longo tempore extra curiam cōmoratur. 2. quando quis cessit priuilegio Eugenianæ de qua supra 3. respectu eorum, quæ pertinent ad beneficia, vt est onus residendi, reparandi Ecclesiam, celebrandi, &c. ad quæ beneficiarius tenetur ratione beneficii. *ibid. punct. 12. p. 359.* Episcopus, & quilibet alius approbatus ad absoluendum à censuris, potest ab hac suspensione

P absolvere;

absoluere; quia fertur absolutè absque vlla mentione reservationis. *ibid. n. 5.*

28. Episcopi, aliique Prælati, seu regulares, seu sæculares procurantes Clericos capi à dominis temporalibus, vt beneficia resignent, vel vt citati ad Sedem Apostolicam non accedant; ipsiq; citati procurantes se capi à potestate sæculari, vt hoc prætextu excusentur, quodd statuto tẽpore coram Summo Pontifice comparere non potuerint, incurrunt suspensionem per triennium à beneficiis. Hæc tamen suspensio non incurritur, donec beneficium resignatum fuerit, vel donec elapsum sit tempus assignatum ad comparandum coram Sede Apostolica *ibid. punct. 13. p. 359. 360. tom. 3.*

29. Episcopi, aliique Prælati, qui bona Ecclesiarum laicis submitunt, & Clerici, qui non denunciant Prælato submittentibus huiusmodi bona, seu iura laicis, incurrunt suspensionem; Prælati quidem ab officio ordinis, & iurisdictionis, & ab administratione temporalium; Clerici verò à perceptione beneficiorum, quæ in Ecclesia sic grauata obtinent, per triennium. Hæc suspensio vtpote ad triennium lata seruata est Pontifici; elapso verò triennio cessat. *ibid. punct. 16. p. 362. 363. tom. 3.*

30. Episcopus vel Abbas alienans bona Ecclesiastica absque licentia Papæ, aut non seruata forma præscripta in Extrauagant. *Ambitiosa, de rebus Eccles. non alienand.* suspenditur ab ingressu Ecclesiæ, & si intra sex menses non resipuerit, suspenditur ipso facto in tẽporalibus, & spiritualibus, ab administratione suæ Ecclesiæ, vel monasterij cui præest; Prælatus verò inferior ultra excommunicationem priuatur ipso facto officiis, & beneficiis Ecclesiasticis. Hæc suspensio non est Papæ seruata. *ibid. punct. 17. p. 363. tom. 3.*

31. Episcopi, aliique Episcopis superiores, delegati à Sede Apostolica in causa alienationis bonorum Ecclesiasticorum, si in damnum Ecclesiæ consentiunt alienationi, per gratiam, timorem, vel sordes, suspenduntur ab executione officij. Hæc suspensio non est Papæ seruata; at si Episcopus durante suspensione ingerat se diuinis, incurrit irregularitatem Papæ seruata. *ibid. punct. 18.*

32. Episcopus qui post celebrationem Concilij prouincialis non conuocat Abbates, Presbyteros, & Clericos, & vniuersam suæ diocesis plebem, vt illis referat in Concilio gesta, excommunicationem duorum mensium incurrit. Verùm hæc censura non est hodie vsu recepta, nec in Hispania quidem vbi lata fuit in Concilio Tolerano. *disp. 3. quæst. 5. punct. 6. p. 371. tom. 3.*

33. Episcopus, qui præscripto tempore ad Apostolorum limina non

non accedit, incurrit suspensionem, seu interdictum ab ingressu Ecclesiæ, ab administratione temporalium, & spiritualium, & à fructibus suarum Ecclesiarum *ibid. punct. 7. pag. 372.* Absolutio ab hac censura summo Pontifici reservata est, etiam si Episcopus aut Prælati delinquens resipuerit, & ad limina se contulerit. *ibid. num. 6.*

34. Episcopi, aliique Episcopis superiores, ob quæstum publicantes, vel concedentes indulgentiam, aut facultatem absolvendi à censuris, aut casibus reservatis, incurrunt suspensionem Papæ reservatam, seu potius interdictum ab ingressu Ecclesiæ, & à perceptione fructuum. *ibid. punct. 8.*

35. Episcopus, vel Archiepiscopus pœnas incendiariis debitas relaxans, debet ipse damnum resarcire, & per annum ab officio ordinis, & iurisdictionis suspenditur. Incendiarius autem non solum excommunicationem incurrit à qua nisi facta restitutione absolvi nequit; verum etiam ei iniungitur pœnitentia permanendi per annum in servitio Dei Hierosolymis, aut in Hispania. *ibid. punct. 9.*

36. Episcopus concubiniarius, qui post admonitionem à Synodo provinciali factam non resipiscit, ipso facto suspensionem incurrit. *disp. 3. quæst. 6. punct. 1. pag. 373.* Vide tit. *Clericus tom. 3.*

37. Episcopus, aut Prælati extra necessitatem ingrediens monasteria monialium sibi subiecta, prima vice incurrit suspensionem ab ingressu Ecclesiæ, secunda vice suspenditur à divinis; tertia vice ligatur excommunicatione. Vide tit. *Monialis. ibid. punct. 2. tom. 3.*

Eucharistia quid?

1. Eucharistiæ nomen significat. 1. *gratiarum actionem*, quia in Eucharistia quatenus est sacrificium Deum recognoscimus, illique summum honorem, & gratiarum actionem pro beneficiis acceptis impendimus. 2. significat *bonam gratiam*, quia Christum continet gratiarum omnium fontem vberimū. Alias etiam sortitur appellationes; dicitur enim *viaticum*, quatenus per Eucharistiam præparamur ad gloriam; à Græcis appellatur *synaxis*, id est, *communio*, seu *societas*, quia fideles per hoc Sacramentum, tanquam unius corporis membra inter se, & cum Christo capite uniuntur. *tom. 1. pag. 48. n. 1.*

2. Eucharistia est Sacramentum consistens sub speciebus panis, & vini consecratis, significans Christum, & refectionem spiritualem. Corpus Christi spectat ad Sacramentum Eucharistiæ; species autem consecratæ non habent perfectum nomen Sacramenti, nisi quatenus continent Christum, Porro hoc Sacramentū

non consistit in usu, aut susceptione, sed in re permanente, videlicet in speciebus consecratis. *ibid. n. 3. & seq. & pag. 49. n. 6.*

3. Sacramentum Eucharistiæ institutum fuit à Christo prima die Azymorum, in vltima Cœna, ea nocte, qua Christus tradendus erat, ineunte 15. luna primi mensis Iularis, qui nobis est mensis Martius, & aliquando partem Aprilis complectitur: ea autem die comedeatur Agnus Paschalis. *pag. 49. n. 2. & 3.*

Eucharistiæ necessitas, & unitas.

4. Eucharistia non est adultis ad salutem necessaria necessitate medijs in re, vel in voto: potest enim adultus saluari absque susceptione Eucharistiæ, & absque alia re loco Eucharistiæ, vt patet in adulto statim post Baptismum decedente. Est tamen adultis saltem baptizatis, necessaria ex præcepto, non solum Ecclesiastico, verum etiam diuino affirmatiuo. *tom. 1. pag. 50. § 1. n. 1. & 3.* Non baptizatis autem necessaria non videtur. *n. 4.*

5. Sacramentum Eucharistiæ est vnum formaliter, seu specificè: quia vnâ tantum habet formalem significationem refectionis spiritualis. Neq; plures hostiæ cõsecratæ sunt plura formaliter sacramenta, cum habeant rationem vnius refectionis spiritualis, si tamen materialiter spectentur, sunt plura indiuidua sacramenta: quatenus sumuntur simul, vnâ efficiunt conuiuium spirituale neque maiorem gratiâ recipit, qui plures sumit, quàm qui vnâ tantum, nisi easumat per modum plurium refectionum, vt accidit in die Natali Domini. *pag. 51. § 2. n. 2. & seq.*

6. Quamuis probabile sit Sacerdotem sub vtraque specie cõmunicantem plus gratiæ recipere, quàm recipiat laicus sub vna tantum, nihilominus communior Doctorum sententia est laicum tantumde gratiæ recipere cõmunicando sub vna tantum specie, ac si sub vtraque communicaret ratione rei contentæ. *pag. 52. n. 5.*

Eucharistiæ materia.

7. Materia remota Sacramenti Corporis Christi est panis triticeus, in quo ipse Christus consecrauit: modo sit verus panis pistus cum aqua naturali, & coctus igni per modum affationis, sit moraliter præsens: vnde sequitur panem dulciarium ex melle, vel lacte, vel aqua rosacea confectum in tanta quantitate, vt iam non dicatur panis vsualis, non esse materiam idoneam huius Sacramenti. Sub nomine autem tritici non comprehenditur panicum, milium, auena, lolium, far, & hordenum: secala verò, cum specie non differat à tritico, potest esse materia huius Sacramenti, quamquam grauiter peccaret conficiens Sacramentum in secala: quia est materia dubia. *tom. 1. pag. 52. § 3. num. 1. & seq.*

8. Tam panis fermentatus, quàm azymus, est materia apta huius Sacramenti; quia specie non differunt, grauius tamen peccaret sacerdos Latinus consecrâs in fermentato, & Græcus in azymo; debet enim quisque suæ Ecclesiæ consuetudinem, & ritum sequi. nisi Latinus in Ecclesia Græca, & Græcus celebret in Latina. At Sacerdos Latinus in Ecclesia Latina ob nullam necessitatem debet in fermentato consecrare, etiam si infirmus absque viatico sit decessurus. *pag. 53. n. 8. & seq.*

9. Materia remota sacramenti sanguinis est vinum ex vite, necnon mustum; cauendum tamen ne sit sæculentum, alioquin committeretur peccatum ex suo genere mortale contra reuerentiam Sacramenti. At vinum satis decoctum non videtur apta materia, quia mutauit speciem; neque acetum, quia est vinum corruptum; neque agresta, quia nondum est vinum. Porro vinum congelatum potest valide consecrari, quia adhuc est vinum. Secus dicendum de vuis nondum expressis, quia sunt potius aptæ ad esum, quàm ad potum. *tom. 1. pag. 54. num. 1. & seq.*

10. Non est necessarium necessitate Sacramenti sub vtraque specie consecrare; alioquin consecratio sub vna tantum specie non esset valida; sed est necessarium necessitate præcepti, & sub vna tantum specie consecrans graue sacrilegij peccatum committit. Illud autem præceptum est diuinum, quia est de iure diuino, vt quoties fit consecratio, simul etiâ fiat sacrificium, quod non potest esse integrum absque vtriusque speciei consecratione, & oblatione. *tom. 1. pag. 55. num. 2. & seq.*

11. Præceptum diuinum consecrandi sub vtraque specie est affirmatiuum, neque obligat semper; dantur enim aliqui casus, in quibus non est obligatio conficiendi sub vtraque specie, vt si Sacerdos consecrata hostia comperiat vinum esse veneno infectum, nec aliud vinum suppetat; aut si Sacerdoti post consecrationem hostiæ imminet periculum vitæ, potest enim statim consumpta hostia fugere, quia præceptum sub vtraque specie consecrandi non obligat cum tanto detrimento. *ibid. n. 8.*

12. Summus Pontifex dispensare non potest, vt Sacramentum Eucharistiæ sub vna tantum specie conficiatur: quia vtraque species pertinet ad substantiam sacramenti. Vnde sequitur Sacerdotem non posse in articulo mortis sub vna tantum specie consecrare, vt seipsum, vel alium infirmum communicet, quia tunc non obligat præceptum communicandi, cum non possit seruari, quin aliud præceptum consecrandi sub vtraque specie violetur. *tom. 1. pag. 56. n. 13. & 14.*

13. Vino, quod est materia remota sacramenti sanguinis, ex necessitate præcepti Ecclesiastici admiscenda est aqua naturalis.

Vnde patet eum grauitè peccare, qui vino aquam non miscet, aut qui miscet aquam artificiosam: immò qui scienter omittit aquæ admistionem, in poenam delicti præcipitur priuari officio, & beneficio, si ex aperta malitia omittat. *ibid. n. 1. & 2.*

14. Per hanc mistionem repræsentatur vñio fidelium cum Christo; quippe aqua significat populum, & vinum significat Christum, qui se vitem appellauit. *pag. 59. n. 3.* Modica aquæ quantitas adhibenda est in consecratione calicis, ne sacerdos exponat se periculo consociendi in materia dubia. *ibid. num. 4.* Si Sacerdos ante consecrationem aduertat se aquam non infudisse, debet illam statim infundere; at peracta consecratione iam non potest eam infundere; quia non est miscenda aqua sanguini Christi, sed vino. *ibid. n. 5.*

15. Aqua, quæ vino miscetur, non conuertitur immediatè in sanguinem Christi; quia aqua non est materia consecrationis; sed conuertitur mediante vino, in quod ipsa prius conuertitur: at si ante consecrationem non fuit conuersa in vinum, non conuertitur in Christi sanguinem post consecrationem, sed remanet in calice secundum suam substantiam, aut conuertitur in vinum, si tandiu remaneat mista speciebus vini, quandiu sufficit ad conuersionem, quia in illis speciebus consecratis remanet virtus ad generandum vinum, ac si ipsa substantia vini adesset. *ibid. n. 7. 8. & 11.*

16. Quælibet quantitas panis, & vini quamuis exigua, modò sit sensibilis, potest esse materia Eucharistiæ. Neque obiciat Baptisimum non posse administrari sub qualibet parua quantitate aquæ: est enim longè dispar ratio, quia Baptismus consistit in vsu, & actione abluendi; quare adhibenda est ea aquæ quantitas, quæ sufficiat ad abluendum: Eucharistia verò non consistit primariò in vsu, sed in esse permanenti: sub qualibet autem exigua quantitate potest Christi corpus, vel sanguis contineri. *tom. 1. pag. 58. n. 1.*

17. Quælibet panis, & vini quantitas quamuis ingens modò constituitur præsens, potest validè consecrari; sed non licitè: si quis enim consecret in tanta quantitate, vt non possit opportuno tempore consumi, grauitè peccat contra secundarium finem huius Sacramenti, qui est vsus. Materia autem consecranda debet esse aliquo modo determinata in mente consecrantis. *ibid. n. 2. & 3.* Vnde sequitur nullam hostiam consecrari si Sacerdos ex 20. hostiis præsentibus intendat 12. tantum consecrare, nec eas determinet, nulla enim est ratio, cur hæc potiùs, quàm illa consecratur. At si plures hostias detulit ad altare consecrandas, etià si in ipso actu consecrationis illius tantum recorderetur, quam ha-

bet

bet præ manibus, nihilominus omnes consecratis; quia intentionem habet virtualiter determinatam ad omnes consecrandas; at si quis, infuso Sacerdote, hostias apposuit in corporali consecrandas, non remanent consecratæ; quia intentio non fertur in incognitum. p. 59 n. 5. 6. & 8. Vini etiam guttæ, quæ sunt extra calicem, non censentur consecratæ, quia circa illas non versatur intentio consecrantis. Secus dicendum de guttis, quæ sunt in calice à vino separatæ, quippe intentio Sacerdotis ferri videtur in totum id, quod calice continetur. n. 7.

18. Materia consecranda debet esse, Sacerdoti moraliter præsens, ita ut secundum communem loquendi modum possit designari per particulam, *hoc*, vel *hic*. Vnde sequitur posse validè consecrari vinum in calice cooperto, aut dolio inclusum, aut hostias in pyxide contentas, vel sub mappa latentes; possunt enim per particulam, *hoc* demonstrari. At materia 30. passibus distans, aut post parietem, vel intra tabernaculum existens, non potest validè consecrari; humano enim modo videtur absens, neque per particulam, *hoc*, designari potest p. 59. 60. n. 1. & seq.

Eucharistie forma.

19. Forma Sacramenti Corporis Christi sunt hæc verba: *Hoc est corpus meum*; hac enim usus est ipse Christus. Atque hæc sola verba sufficiunt ad Corporis consecrationem; neque totus canon est necessarius necessitate Sacramenti, sed tantum necessitate præcepti, ut patet ex usu Ecclesiæ. Verbis autem consecrationis substantialiter variatis non conficitur sacramentum; quia non est eadem forma: at si mutatio est tantum accidentalis, validè conficitur Sacramentum; grauitèr tamen peccat, qui sic mutat, nisi paruitas materiæ excuset. p. 60. 61. n. 1. & seq.

20. Forma Sacramenti sanguinis Christi sunt hæc verba: *Hic est calix sanguinis mei*, quæ sola sufficiunt ad consecrationem calicis; grauitèr tamen peccat, qui sequentia omittit; tùm quia facit contra præceptum, & ritum Ecclesiæ in re graui; tùm quia exponit se periculo non consecrandi: nam in materia sacramentorum eligendum est, quod tutissimum videtur, p. 61. n. 1. & 2.

21. Verba consecrationis proferuntur à Sacerdote in persona Christi, de qua verificantur, non solum recitatiue, narrando ea, quæ Christus fecit, verum etiam formaliter, significando id, quod ipsa verba important; significant autem conuersionem panis in corpus Christi, & vini in sanguinem; cum enim illa verba sint vera, necesse est, ut realiter eam conuersionem efficiant & consequenter ipso facto significant transitum panis, & vini in

corpus, & sanguinem Christi. tom. 1. pag. 22. num. 2. & 3.

22. In forma consecrationis particula, *hoc*, vel, *hic*, significat confusè contentum sub speciebus, itavt sit sensus; *hoc, quod continetur sub speciebus, est corpus meum*; quamobrem Doctores dicunt particulam, *hoc*, directè, & primariò significare contentum sub speciebus, secundariò verò respicere accidentia panis, & vini, quæ sensibus subiiciuntur. *ibid. n. 1.*

23. Christus verus Deus, & homo, per verba consecrationis sub speciebus panis, & vini constituitur, itavt totus quoad substantiam & accidentia sub qualibet specie existat; nec tantum sub qualibet specie, verum etià sub qualibet parte specierum, sacramentaliter, modo quodam admirabili, & ineffabili, per modum substantiæ spiritualis; secundum totam suam substantiam, quantitatem, & membra, eo modo, quo in caelis existit ad dexteram Dei Patris; non autem existit sub speciebus modo quantitativo, seu per extensionem partium in ordine ad locum. tom. 1. pag. 64. n. 1. & seq.

24. Ex vi verborum sub speciebus panis ponitur Christi corpus vivum, informatum anima cum sanguine, & humoribus, cæterisque partibus non tantum ad integritatem, sed etiam ad ornatum corporis Christi spectantibus; ut sunt ungues, capilli, &c. Sub speciebus autem vini, ex vi verborum ponitur tantum Christi sanguis; cætera verò, quæ sunt Christo coniuncta, ponuntur sub speciebus per concomitantiam, eò quod habeant connexionem, & unionem cum Christi sanguine. Vnde sequitur divinitatè, quæ per hypostasim est unita corpori, & animæ Christi, esse in hoc sacramento concomitanter, imò tres personas divinas; præcipuè tamen, & immediatè filium, cui natura humana hypostaticè est unita: propterea filius dicitur incarnatus, & passus, quod de aliis personis dicere non licet. Denique sub speciebus panis est Christi sanguis concomitanter. pag. 64. 65. n. 11. & seq.

25. Transubstantiatio est conversio seu transitus totius alius substantiæ in aliam. Christus autem constituitur sub speciebus per transubstantiationem panis in corpus, & vini in sanguinem, itavt desinat substantia panis, & vini adveniente corpore, & sanguine Christi, & sola accidentia remaneant sine subiecto substantiali. p. 65. 66. n. 1. & seq.

26. Illa transubstantiatio, seu conversio est actio non modò adductiva, verum etiam productiva; neque enim constituit tantum Christum præsentem sub speciebus, sed etiam producit alium modum, quo Christus habens iam suum esse substantiale unitur per modum contenti cum speciebus, sicut priùs substantia panis

panis sub illis continebatur: cum hoc tamen discrimine, quod substantia panis sustentabat accidentia subiectiue, & ab illis informabatur; Christus autem ea sustentat efficienter, nec ab illis informatur. pag. 66. n. 4.

27. Eo instanti, quo completur significatio verborum consecrationis, Christi corpus incipit esse sub speciebus, tamdiu que ibi conseruatur, quamdiu conseruaretur panis, si adesset. Quamobrem Christus non desinit esse sub speciebus per quamlibet specierum alterationem, neque statim atque in stomachum traicitur. Caueant igitur fideles ne statim post Eucharistiæ summptionem cibum corporalem capiant; donec species alterentur, & corrumpantur; neque enim decet cibum corporalem cum Christi corpore miscere. *ibid* n. 1. & seq. p. 67.

28. Christi corpus desinit esse sub speciebus panis, quando ex iis vermes generantur, & sanguis sub speciebus vini, quando per admistionem alterius liquoris specie distincti corrumpuntur. Si verò species vini misceantur cum alio vino, sub illis conseruatur Christi sanguis; neque tamen dicitur misceri cum vino, quia ibi non est Christi sanguis modo quantitatiuo. pagin. 67. num. 6. & seq.

Eucharistia effectus.

29. Primus Eucharistiæ effectus est *augmentum gratia*: quippe Eucharistia per se primò instituta fuit ad gratiam augendam; nonnunquam tamen contingit, vt primam gratiam conferat. Hoc autem gratiæ augmentum peccata venialia, aut affectum ad illa non impeditur; quia peccatum veniale non est incompatibile cum gratia, & charitate. *tom. 1. p. 68. n. 2. 3.*

30. Secundus Eucharistiæ effectus est *preservatio à peccatis mortalibus, & venialibus*. modò non adit ipsorum complacentia, aut in ipsa Eucharistiæ summptione non admittantur. Per Eucharistiam autem remittuntur venialia ex opere operato. *ibid.* num. 4. 5. & 6.

31. Tertius Eucharistiæ effectus est *auxilium ad rectè operandum, & temperandum fomitem peccati, necnon ad tentationes depellendas*: cum enim sit animæ cibus, illi robur & vires confert ad agendum, & pugnandum. Multi tamen Doctores putant huiusmodi auxilium non statim dari, sed tempore opportuno, modò suscipiens non se reddat indignum. *ibid.* n. 7.

32. Quartus Eucharistiæ effectus est *unio spiritalis cum Christo, & fidelibus*, & præterea *unio moralis inter Christum, & suscipientem*, ratione effectuum, quos Eucharistia parit, *ibid.* num. 8.

33. Eucharistia, vt est *sacrificium*, remittit pœnam temporalem; vt autem est *Sacramentum* non aufert primariò pœnam ex opere operato, sed iuxta valorem actus, & dispositionè suscipientis: secundariò tamè remittit aliquando pœnam, cum enim per Eucharistiam aliquando infundatur prima gratia, sequitur per eius sumptionem, aliquando remitti pœnam; alioquin sequeretur eum, qui suscepit Eucharistiam cum attritione, putans se esse in gratia, non recipere gratiam, & remissionem illius pœnæ, quod falsum est. *ibid. n. 9.*

34. Species consecratæ profunt ad nutriendum corpus sumentis, non solum quatenus in stomachum traiectæ ita alterantur, & corrumpuntur, vt noua substantia succedat sufficiens ad nutriendum: sed etiam quatenus in ipsis speciebus remanent qualitates panis, & vini. *ibid. n. 10.*

35. Tunc Eucharistia suos producit effectus quando pars aliqua hostiæ, aut sanguinis traiecta est in stomachum. Vnde sequitur eos, qui diu retinent hostiam in ore, itavt species corrumpantur antequam deglutiantur, Eucharistiæ fructum non percipere, quia non dicuntur Christum manducare. Ratio autem, cur Eucharistia producat suum effectum, quando pars aliqua est deglutita, est, quia in ea est totus Christus, & quælibet pars significat refectionem spiritualem, & significando efficit. *tom. 1. p. 69. num. 1. & seq.*

36. Si contingat vt communicans sit in peccato mort. tunc temporis, quo partem aliquam hostiæ deglutit, sed statim, eliciat actum contritionis, antequam reliquas partes deglutiat, quæritur an eas manducando recipiat gratiam. *Resp. Negatiue:* quauis enim illæ sumptiones physice sint plures, nihilominus est vna tantum moraliter, per quam vnus datur effectus in primæ partis sumptione: at communicans cum primam partem deglutiit, non erat sufficienter dispositus ad percipiendum effectum sacramenti: ergo, &c. *ibid. n. 6.*

Eucharistia minister.

37. Solus Sacerdos est minister consecrationis, etiam excommunicatus, vel degradatus, hæreticus, schismaticus, &c. modò debitam habeat intentionem; retinet enim characterem, in quo fundatur potestas consecrandi. Ad hoc autem Sacramentum administrandum solus sacerdos est ordinarius minister, extraordinarius verò potest aliquando esse diaconus, vt in articulo mortis. Porro non videtur esse tanta Eucharistiæ sumendæ necessitas, vt laicus, aut alius non sacerdos, vel saltem diaconus, possit

in articulo mortis, propria auctoritate sibi Eucharistiam ministrare. *tom. 1 pag. 70. n. 1. & seq.*

38. Sacerdos, qui sine licentia Eucharistiam administrat, per se loquendo, mortaliter peccat, nisi hoc faciat ex præsumpta voluntate pastoris, sibi enim alienam iurisdictionem vsurpat. Religiosis autem Eucharistiam ministrantibus sine licentia Episcopi vel Parochi, aut absque speciali privilegio irrogata est pœna excommunicationis ipso facto Papæ reservata. Excipitur tamen articulus mortis in quo religiosi possunt, etiam invito Parocho, infirmos communicare; si ipse nolit. *ibid. n. 6. 8. & 10.*

39. Religiosi habentes privilegium ministrandi Eucharistiam, excepto die Paschatis, possunt nihilominus Eucharistiam eo die porrigere illis qui iam in propria parochia, præcepto satisfecerunt. *ibid. n. 12.*

40. Sacerdos extra missæ sacrificium potest seipsum ex devotione communicare, modò non adsit alius sacerdos, qui ei porrigat, absitque scandali periculum: Sacerdos enim est ordinarius huius sacramenti minister, nec alienam iurisdictionem vsurpat Eucharistiam sibi administrando. Item sacerdos qui non habet aliam hostiam consecratam præter suam, potest rationabili ex causa illius partem infirmo porrigere: hoc enim nihil obest perfectioni sacrificij. *tom. 1. pag. 71. n. 13. & 14.*

41. Parochus quibus suis tenetur Eucharistiam administrare, non solum quando tenetur communicare, sed etiam quoties eam rationabiliter petunt: neque enim pat est, ut paruuli petant panem, & non sit qui eis frangat. Excusatur tamen Parochus ab administratione sacramentorum, quando rationabilem habet causam ea denegandi, qualis est infirmitas, lassitudo gravis, si faminæ velint de nocte confiteri etiam in Ecclesia, &c. *ibid. n. 15.*

42. Sacerdos administrans, vel conficiens Eucharistiæ sacramentum debet esse in gratia: quia est ad hoc munus ex officio deputatus. Quare sacerdos peccati mort. sibi conscius, antequam Eucharistiam administret, debet confiteri: neque enim necessaria est confessio, nisi Eucharistiam suscepturo. Qui verò pluribus successu è administrat Eucharistiæ sacramentum in statu peccati mort. plura peccata committit. *ibid. n. 1. & seq.*

43. Parochus non potest Eucharistiam ad infirmum deferre quoties eam ferre nequit cum habitu decenti, id est, cum stola, & superpelliceo, lumine præeunte, aut si timeat fore, ut eam non possit administrare infirmo, nisi valde festinanter currat: nimia enim festinatio repugnare videtur reuerentiæ tanti sacramenti, & decentiæ clericali. Secùs dicendum de Baptismo, aut Pœnitentiæ sacramento: quilibet enim tenetur non tantum honorem,

honorem & famam, sed ipsam etiam vitam prodigere ad salvandum proximum in extrema necessitate spirituali existentem. Neque potest Sacerdos Eucharistiam aliis digitis porrigere, si ob infirmitatem, vel chiragram non possit pollice, & indice administrare. *pag. 71. 72. n. 8. & seq.*

Eucharistia susceptio.

44. Ad Eucharistiæ sacramentum cum fructu suscipiendum tres requiruntur dispositiones. 1. ut suscipiens sit baptizatus, & habeat fidem. 2. est intentio actualis, aut virtualis, & implicita, vel etiam habitualis, qualis videtur esse in eo, qui incidit in amentiam, aut phrenesim, cum antea christianè vixerit. 3. est, ut suscipiens sit in gratia, nec sibi sit conscius peccati mort. *tom. 1. pag. 72. n. 1. & seq.*

45. Amenti, vel phrenetico non est statim administrandum Eucharistiæ sacramentum, sed expectandum donec habeat lucida intervalla, si amentia non sit continua. At perpetua amētia laboranti potest Eucharistia ministrari in articulo mortis, si antequam incideret in amentiam, vitam duxit homine Christiano dignam, modò non sit periculum vomitus, aut alterius irreuerentiæ. Item obsessi à dæmone, si adhuc utantur ratione, & semifatui, tempore Paschatis, & in articulo mortis, præciso irreuerentiæ periculo, videntur ad communionem admittendi. *pag. 73. n. 4. 5. & seq.*

46. Qui habet probabilem conscientiam peccati mort. tenetur præmittere confessionem sacramentalem, nisi urgente necessitate communicandi non habeat copiam confessarij. Qui autem dubitat an mortaliter peccarit, vel an omiserit aliquod peccatum mort. in confessione, si magis propendat in partem affirmantem, immò si æqualiter dubitet, obligatur ad confessionem ante sumptionem Eucharistiæ. Quare damnanda est illorum temeritas, qui asserunt ante sumptionem Eucharistiæ non esse confessionem præmittendam. *ibid. n. 10. & seq.*

47. Qui habet necessitatem communicandi, vel celebrandi, sed non potest confessionem præmittere absque scandalo, non tenetur illam præmittere, etiam si habeat copiam confessarij; tenetur tamen elicere actum contritionis. Item Sacerdos qui inchoata Missa meminit peccati mort. non tenetur confessarium ad se vocare ad altare, si sit periculum scandalis. Item, qui inchoata Missa recordatur se esse excommunicatum, aut non ieiunum, non debet Missam dimittere cum scandalo; secus si fieri possit sine scandalo, modò nondum facta sit consecratio; tunc enim debet Missam inchoatam prosequi sine confessione. *tom. 1. p. 74. num. 14. 15. & 16.*

48. Laicus

48. Laicus, qui præmissa confessione ad linteum accessit communicaturus, ibique recordatur peccati mort. per obliuionem omissi, non tenetur recedere, & adire confessarium: exponeret enim se periculo infamiæ, indicando aliis habere se conscientiam peccati mort. *ibid. n. 17.*

49. Sacerdos morti proximus, non habens copiam confessarii potest celebrare, vel etiam accedere ad sacramentum, seque communicare præmissa contritione. Item Parochus deficiente confessario potest præmissa contritione celebrare in die festo, ne parochiani careant Missa. Item is, qui ob vitandum scandalum, vel alia iusta de causa, cogitur communicare, vel celebrare, non tenetur confessionem præmittere, si nullus adsit confessarius approbatus. *ibid. n. 21. & seq.*

50. Qui tenetur in Paschate communicare, non potest, per se loquendo, communicare non præmissa peccatorum mort, confessione: nam præceptum diuinum de præmittenda confessione ante Eucharistiam præualet præcepto positivo Ecclesiastico in Paschate communicandi. Idem dicendum de eo, qui tenetur in die festo Missam audire, vel celebrare. *ibid. n. 21.*

51. Qui habet conscientiam peccati mort. quod rationabiliter timet à confessario manifestandum, potest illud in confessione reticere, si sit necessitas communicandi, donec habeat copiam alterius confessarii. *pag. 75. n. 18.*

52. Sacerdos ex necessitate celebraturus, si habeat aliqua peccata reservata, & alia mortalia non reservata, tenetur confiteri, etiam si confessarius non possit absoluerè à reservatis; nam potest absolui directè à non reservatis, & indirectè à reservatis, modò propositum habeat comparendi coram superiore habente facultatem absoluedi à reservatis. *ibid. n. 31.*

53. Qui præmissa conscientie examine credit se esse in statu gratiæ, cum reipsa peccatum mort. habeat, quod inuincibiliter ignorat, recipit fructum huius sacramenti, si actum contritionis, vel saltem attritionis eliciat ante communionem: nam sacramentum Eucharistiæ potest aliquando conferre primam gratiam, modò non ponatur obex. *ibid. n. 32.*

54. Excommunicatus Eucharistiam sumens non præmissa confessione, sciens se obstringi vinculo peccati, & censuræ, duplex peccatum committit; facit enim contra religionem, indignè communicando, & contra obligationem censuræ, qua excommunicatus à sacramentorum participatione arcetur. *ibid. num. 34.*

55. Sacerdos, qui virgente necessitate celebrauit non præmissa confessione peccati mort. tenetur quàm primùm confiteri: ita præcipiente Concilio Trident. *sess. 13. cap. 7.* Laicus verò, qui
sine

sine confessione suscepit Eucharistiam, non tenetur statim confiteri; quia Concil. Trid. non facit mentionem laicorum, sed sacerdotum tantum in necessitate celebrantium sine confessione. Unde sequitur Sacerdotem urgente necessitate communicantem more laicorum absque praua confessione mortalium, non teneri ex decreto Tridentini statim post communionem confiteri. *tom. 1. pag. 76. num. 37.*

56. Qui peccatum carnale commisit, debet per aliquod temporis spatium abstinere sub veniali à communione, etiamsi peccatum confessus fuerit, nisi addit iusta causa communicandi, qualis causa videtur esse festum magnæ solemnitatis, aut dies Iubilæi, &c. Qui autem ad communionem accedit eo die quo pollutionem inuoluntariam passus est, ab omni peccato excusatur. *ibid. n. 3. & 4.*

57. Eucharistiam suscepturus, per se loquendo, debet à media nocte esse ieiunus ieiunio naturali, ita ut nihil prorsus cibi, aut potus sumpserit; non tamen necesse est, ut post cœnam dormierit, aut cibum digesserit, quia id nullo iure cautum est. *tom. 1. pag. 77. n. 5. & 11.*

58. Qui post sumptam abluitionem, aut post dictam orationem aliquam hostiæ particulam, etiam grandiusculam reperit in patena, potest eam statim sumere; quia tota illa actio reputatur vnum conuiuium; & vna perfecta sacrificij consumptio: At si Sacerdos iam decessit ab altari, tunc non potest reliquias sumere; quia iam non reputatur vna actio. *ibid. n. 13.*

59. Sacerdos non ieiunus potest sumere Eucharistiam si aduertat fore, ut alioquin Eucharistia perueniat ad manus infidelium, qui eam iniuriosè tractabunt, aut si alia similis causa superueniat. Item Sacerdos, qui pro vino aquam consecrauit, neque aduertit errorem nisi post aquæ summptionem, debet denuò vinum consecrare, & bibere, quamuis ieiunium fregerit per summptionem aquæ; quia consecratio vini pertinet ad sacrificij integritatem. Item si Sacerdos post consecrationem moriatur, nec adsit alius præter Sacerdotem non ieiunum, tenetur ille non ieiunus perficere sacrificium: Secus si ante consecrationem moriatur. *tom. 1. pag. 78. n. 18. & seq.*

60. Eucharistia ratione necessitatis administrari potest per modum viatici infirmo existenti in articulo mortis, immo etiam in casu mortis violentæ, dari potest homini non ieiuno, si commodè nequeat anticipari, vel differri; quia hic dicitur esse in articulo mortis, & sicut potest absolui à reservatis, ita etiam non ieiunus ad Eucharistiam admitti. *ibid. n. 21. & 22.*

61. Infirmus, qui sex, vel octo dies antea per modum viatici commu-

communicaui, potest iterum non ieiunus ad communionem admitti, si aliter commodè nequeat. Non tamen licet quotidie infirmum non ieiunum communicare propter reuerentiam Sacramenti. Ad communicandum autem infirmum non potest sacerdos non ieiunus consecrare; quia hoc non est usu receptum. *ibid. n. 23. & 24.*

62. In articulo mortis naturalis, aut violentæ, præceptum diuinum sumendæ Eucharistiæ, per se loquendo, obligat sub peccato mortali; quia in illo articulo maxima est Eucharistiæ sumendæ necessitas ad restaurandas animi vires, & perseuerandum in gratia qui est finis huius Sacramenti. Qui tamen paulò antè communicauit, quàm in periculum mortis incideret, non tenetur iterum communicare. *tom. I. p. 79. n. I. & 2.*

63. Iudex præciso periculo notabilis damni communis, aut alia iusta causa, tenetur, per se loquendo, concedere reo tempus communicandi, quando quidem tenetur reus in articulo mortis, communicare; etiamsi timeatur fore, vt concessio debito tempore reus eripiat. Immo si nolit reus intra concessum sibi tempus se præparare, tenetur iudex aliquam dilationem duorum, vel trium dierum concedere, si speret fore, vt reus intra illud tempus poenitentiam agat, nec sit periculum alicuius damni ex ea dilatione. At si reus nolit Poenitentia, & Eucharistiæ Sacramentum sumere, potest illum iudex morti adiudicare, quamuis credat fore, vt mortali peccato moriatur. *tom. I. pagin. 80. n. 5. 6. & 7.*

64. Qui semel in anno Eucharistiam sumit, satisfacit præcepto diuino, & Ecclesiastico. Non potest quis sæpius in die communicare, excepta Natiuitatis Domini solemnitate, quia licet Sacerdotibus ter celebrare; hoc tamen priuilegium non extenditur ad laicos communicantes. Qualibet autem diei hora potest ieiunus ad communionem admitti, per se loquendo; tamen ad vitandum scandalum, nullus extra necessitatem, sub vespere, aut intempesta nocte est ad Eucharistiam admittendus. *ibid. n. 10. & seq.*

65. Præceptum Ecclesiasticum sumendæ Eucharistiæ obligat omnes fideles vtriusque sexus, postquam ad annos discretionis peruenerunt: maius autem iudicium requiritur ad communionem, quàm ad confessionem. At in articulo mortis adolescens præditus usu rationis, confessionis, & Extremæ unctionis capax, debet non solum ex consilio, verum etiam ex præcepto communicare. *tom. I. p. 81. n. I. & seq.*

66. Omnes fideles, postquam annos discretionis attigerunt, tenentur Eucharistiam sumere à proprio Parocho semel in anno,
nimirum

nimirum in Paschate, id est, à Dominica Palmarum vsque ad octauam Paschæ, nisi quorundam locorum consuetudo aliud ferat. At qui in hebdomada sanctiori, in sua parochia præceptū communionis impleuit, potest in die Paschæ à quocumque Sacerdote in alia Ecclesia Eucharistiam sumere. Potest item quilibet fidelis in Ecclesia cathedrali suæ diocesis Eucharistiam, aliâque Sacramenta suscipere. *p. 81. 82. n. 5. & seq.*

67. Qui tempore Paschatis cōmunicat in peccato mortal. Ecclesiæ præcepto satisfacit; quia qui substantiā præcepti adimplet, satisfacit, quamuis non obseruet modum. Qui autem non communicauit in Paschate, probabiliter non penetur elapso tempore Paschatis, quamprimum cōmodè poterit, eodem anno communicare; quia præceptum affirmatiuum non obligat semper, sed pro tempore à legislatore determinato. Qui tamen de confessarij consilio distulit communionem, obligatur ad communicandum iuxta ipsius consilium. *tom. I p. 82. n. 22. & 13.*

68. Qui præuidet se ita impediendum tempore Paschatis, vt intra illos 15. dies non possit communicare, non tenetur communionem anticipatè sumere; quia ante illud tempus præceptū non obligat. Secūs dicendum de eo, qui in hebdomada sanctiori animaduertit se non posse sequentibus diebus communicare ob impedimenta; cū enim tunc temporis iam cœperit obligatio præcepti, tenetur omnino ea hebdomada communicare. Porro excommunicatus tenetur excommunicationis absolutionem expectare, vt satisfaciat præcepto communionis. *tom. I. pag. 83. num. 13.*

69. Qui omittit sua culpa communionem tempore Paschatis, nullam quidem censuram ipso facto incurrit; sed interdicens est ingressu Ecclesiæ, & priuandus Ecclesiastica sepultura. *ibid. num. 16.*

70. Possunt sacerdotes, per se loquendo singulis diebus celebrare. Excipiendi tamen sunt aliqui dies, qualis est feria quinta, sexta, & sabbatum hebdomadæ sanctioris, & alij quidam dies iuxta locorum consuetudinem. An autem feria 5. & sabbato hebdomadæ sanctæ liceat priuatim celebrare, præsertim si in eum diem incidat festum Annuntiatiobis, consuetudini locorum standum est. *ibid. n. 17.*

EXCOMMUNICATIO.

Quid, & quoruplex sit excommunicatio?

1. **E**xcommunicatio significat extra communionem, quia homo per excommunicationem separatur à communione fidelium

fideliū, & à participatione sacramentorum. Est enim excommunicatio censure Ecclesiastica, qua homo baptizatus priuatur aliquibus spiritualibus bonis, videlicet consortio fideliū, participatione sacramentorum, & communibus Ecclesię suffragiis. *tom. 1. pag. 374. n. 1. & 2.*

2. Excommunicatio diuiditur 1. in *comminatoriā*, seu *ferenda sententia*, & in excommunicationem *ipso facto*, seu *lata sententia*, vt patet ex dictis de censuris. 2. diuiditur in *maiorem*, & *minorem*: maior non incurritur nisi ob mortale peccatū, minor aliquando ob veniale. Quando autem fertur excommunicatio absque restrictione maioris, vel minoris, sermo est de maiori, quę simpliciter, & absolute dicitur excommunicatio 3. diuiditur in excommunicationem *latam à iure*, & *latam ab homine*. Rursus excommunicatio *ab homine*, alia est per sententiam generalem, alia per sententiam particularem. *ibid. n. 1. & 2.*

3. Censurę contentę in Bulla Ccenę censentur latę per modum statuti, seu potius à iure: nam Summus Pontifex illas tulit intentione condendi perpetuā legem: hoc enim est peculiare huic Bullę, vt non finiatur morte Pontificis, qui eam tulit, quāuis singulis annis in Die Ccenę Domini publicetur. *tom. 1. pag. 375. n. 4.*

Effectus Excommunicationis maioris.

4. Suffragia communia, & generalia sunt quędam auxilia spiritualia, quę à Clericis, tanquam Ecclesię ministris, pro fidelibus offeruntur, vt sacrificium Missę, Orationes canonicę, publicę supplicationes, &c. in quibus clerici orant nomine Ecclesię. Suffragia verò priuata sunt orationes, quę fiunt à Christianis tanquam particularibus personis. Est autem hoc discrimen inter publica, & priuata suffragia, quod priuata perdunt valorem ex indignitate offerentis: publica verò minimè, quia valorem mutantur ab Ecclesia, cuius nomine offeruntur. *ibid. n. 1.*

5. Maiori excommunicatione obstrictus priuatur communibus Ecclesię suffragiis. Quare peccat mort. qui excommunicato applicat huiusmodi suffragia: facit enim in re graui contra Ecclesię prohibitionem. Excipitur vnus casus, in quo licet pro hæreticis excommunicatis publice orare, videlicet in feria 6. Parasceues: tum ad imitationem Christi, qui pendeas in cruce orauit pro inimicis; tum ad ostendendum valorem mortis Christi, qui pro omnibus mortuus est. *ibid. n. 3. & seq.*

6. Quilibet excommunicatus etiam toleratus, & non vitandus, priuatur communibus Ecclesię suffragiis, neque licet fidelibus ea offerre etiam pro toleratis; alioquin propriis excommunicationis ratio destrueretur. *ibid. n. 1.*

7. Excommunicatus vitandus, & non toleratus dicitur is, qui est nominatim denunciatus excommunicatus: ante denunciatio- nem autem non dicitur vitandus, etiamsi publicè constet de ex- communicatione ab ipso contracta. Hinc sequitur, si Pontifex excommunicet, & denunciaret excommunicatum Titium cum fautoribus suis, Titium vitandum esse, non verò fautores, quia non sunt nominatim denunciati. Item, si quis citetur sub ex- communicatione *ipso facto*, nisi compareat, non esse vitandum, quamvis non compareat, quia nondum est denunciatus. Sequi- tur etiam Catholicos posse cum hæreticis nondum denunciatis loqui, & conuersari. Immo non defunt, qui existimēt licere Mis- sæ sacrum cum hæretico audire, & illius funus comitari. *tom. 1. pag. 376. num. 2.*

8. Probabile est illum censeri nominatim denunciatum qui à iudice competente denunciatur commisisse delictum, quod cō- stat habere adnexam excommunicationem: propterea qui publi- cè declaratur incidisse in hæresim, statim vitandus est: nam eo ipso quòd publicè declaratur hæreticus, satis expresse declaratur excommunicatus. *ibid.*

9. Notorius clericus percussor censetur vitandus, & non tolera- tus, hoc ipso quòd est notorius, vt definit Concilium Constan- tiense. Potest autem quis dici *notorius clericus percussor* duobus modis. 1. *notorietate iuris*, quando in iudicio confessus est se clericum percussisse. 2. *notorietate facti*, quando percussit cleri- cum multis præsentibus, itavt percussorem nequeat vlla tergi- uersione celare. Porro qui notoriè percussit clericum notorie- tate iuris, non dicitur vitandus; sed is cuius, percussio notoria est notorietate facti; si verò potest eam aliqua tergiuersione cела- re, non dicitur excommunicatus vitandus; immodò excusatio sit probabilis. *ibid. n. 3.*

10. Ad notorietatem facti in magna ciuitate plures requirun- tur testes, quàm in exiguo oppido, vel collegio. Vnde sequitur de- lictum commissum coram decem non esse notorium respectu magnæ ciuitatis; secus respectu collegii, aut viciniae: neque me- teneri vitare eum, qui coram me percussit clericum eo tempore, quo non aderat sufficiens testium numerus ad faciendum crimen notorium. *ibid. n. 5.*

11. Excommunicatus qui nondum obtinuit absolutionem excommunicationis priuatur communibus Ecclesiæ suffragiis, quamuis sit contritus, & iam respuerit à delicto: quia excom- municatus etiam contritus adhuc manet excommunicatus, dō- nec absoluat, & excommunicatio suam habet effectum, donec auferatur. *tom. 1. p. 377. n. 1.*

12. Missæ sacrificium oblatum à Sacerdote in persona Christi prodest excommunicato, si ei applicetur: quia malitia ministri non impedit effectum Sacramenti, neque Ecclesia per suam prohibitionem aufert potestatem applicandi effectum sacrificij ei; qui est in gratia, ut hic supponitur esse *ibid. n. 3.*

13. Missæ sacrificium applicatum excommunicato, non ei prodest quoad fructum, & valorem provenientem ex parte Ecclesiæ: quia Ecclesia priuat excommunicatum suffragiis communibus, quale est sacrificium Missæ. Potest tamen Sacerdos in Missa, tanquam persona priuata, orare pro quolibet excommunicato, quia hoc non est prohibitum ab Ecclesia. *tom. 5. pag. 378. num. 5. & 6.*

14. Excommunicatus validè recipit Sacramenta quoad substantiam: multa enim fieri prohibentur, quæ tamen facta tenent. Quoad effectum autem, id est, quoad gratiam, non semper validè suscipit sacramenta; quia facit contra prohibitionem Ecclesiæ in re graui, nisi inculpabiliter ignoret se esse excommunicatum, aut esse peccatum mortale accedere ad sacramenta cum excommunicatione. Quod verum est etiam de Sacramento Pœnitentiæ: potest enim validè quoad substantiam, & quoad effectum conferri excommunicato inculpabili ignorantia laboranti: tunc enim non ponit obiecem gratiæ. Si verò culpabiliter ignoret se esse excommunicatum, committit peccatum mortale in susceptione Sacramenti Pœnitentiæ, ac proinde non suscipit sacramentum. Hinc colligi potest dari posse casum, ut quis absoluitur à peccatis, quamvis nondum absolutus fuerit ab excommunicatione, quando scilicet confitetur peccata sua bona fide, nesciens se esse excommunicatum. *tom. 1. pag. 378 379. n. 1. & 2.*

15. Excommunicatus etiam toleratus, regulariter loquendo peccat mort. suscipiendo aliquod sacramentum: quia facit contra prohibitionem Ecclesiæ in re graui nisi excusetur ob ignorantiam, vel necessitatem. Non tamen incurrit aliquam pœnam, excepta susceptione Ordinis sacri, propter quam incurrit irregularitatem. *tom. 1. pag. 379. n. 4. & 5.*

16. Sacerdos administrans sacramenta excommunicato tolerato non peccat ex vi censuræ: nulla enim extat Ecclesiæ prohibitio: grauius tamen peccat contra ius naturale & diuinum, quo Sacerdos prohibetur administrare sacramenta indignè peccatis, nisi fortè petens sit peccator occultus, & publicè petat. Porro Concilium Cōstantiense cū fecit potestatem fidelibus cōmunicandi cum excommunicatis toleratis in diuinis, & sacramentis, tollit prohibitionem Ecclesiasticam, non verò naturalem. *ibid. n. 1.*

17. Sacerdos credere potest excommunicato occulto fide,

Q. 2. digno

digno petenti Eucharistiam, & dicenti se absolutum esse, immo quamuis hoc non asserat, potest Sacerdos præsumere eum esse absolutum, hoc ipso quod petit Eucharistiam, nisi oppositum manifestè constet, aut nisi periculum sit scandalis, vel alterius in-
tōmodi: nullus enim præsumitur velle delinquere. *l. 1. p. 380. n. 3.*

18. Sacerdos ex vi censuræ mortaliter peccat administrando sacramenta excommunicato vitando: quia Ecclesia prohibet communicationem cum excommunicatis vitandis. Præterea incurrit minorem excommunicationem, & interdictum ab ingressu Ecclesiæ, vt habetur in cap. *Episcoporum. de priuileg. in 6.* Addendum latam esse excommunicationem Papæ reſeruatam in cap. *significasti. de sent. excomm. contra clericos in diuinis officiis* participantibus cum excommunicatis à Papa. *ibid. n. 5. & 7.*

An excommunicatus validè ministret Sacramenta?

19. Sacramenta ab excommunicato tolerato validè ministrari possunt; neque enim priuatur iurisdictione, & pœnitens ab eo petens Sacramenta non peccat mort. etiamsi sciat illum esse excommunicatū, neque vlla vigeat necessitas petendi, propter facultatem à Concil. Constantiensi concessam communicandi cum excommunicatis, suspensis, interdictis, vel irregularibus toleratis, ad vitanda scandala, scrupulos, & animarum pericula. Neque petens cooperatur peccato Sacerdotis administrantis, cum ipse Sacerdos rogatus non peccet ministrando, non enim se sua sponte ingerit. *ibid. n. 1. & seq.*

20. Quælibet Sacramenta ab excommunicato vitando ministrata valida sunt, excepto Pœnitentiæ Sacramento; nisi ministretur in necessitate; quia excommunicatus vitandus caret iurisdictione, quæ requiritur ad Sacramentum Pœnitentiæ validè ministrandum. Vnde fit, vt confessio facta excommunicato vitando sit inualida extra articulum mortis, etiamsi pœnitens ignoret ipsum esse excommunicatum: quia ignorantia pœnitentis non dat iurisdictionem Sacerdoti. Modò confessio non fuerit facta in eo loco in quo Sacerdos ignorabatur esse excommunicatus, & ex communi errore, ac titulo colorato habebatur pro legitimo Sacerdote: tunc enim ius supplet iurisdictionem. *tom. 1. pag. 301. n. 1. & seq.*

21. Excommunicatus administrans Sacramenta, vel celebrans, vel exercens actum proprium Ordinis, incurrit irregularitatem, nisi ob ignorantiam, vel inaduertentiam excusetur. Petes autem sacramenta ab excommunicato vitando extra necessitatem grauitur peccat; quia facit contra prohibitionem Ecclesiæ in materia graui. *ibid. n. 6. & 7.*

An excommunicatus priuetur rebus sacris, & sepultura?

22. Quilibet excommunicatus ex vi excommunicationis priuatur auditione Missæ; quare excommunicatus audiens Missam grauitur peccat, nisi necessitas, vel iusta causa excuset. Neque tenetur vi præcepti de Missa in die festo audienda, quamprimum procurare absolutionem vt Missam audiat. Secus dicendum videtur de eo, qui ex negligentia non procurat absolutionem excommunicationis, vt possit in Paschate communicare: hoc enim præceptum est grauius, & strictius obligat ad remouenda impedimenta, quæ obstant quo minùs adimpleatur. *tom. 1. pag. 382. n. 1. & seq.*

23. Excommunicatus Missam audiens, præter peccatum mort. nullam pœnam incurrit: nulla enim exprimitur in iure. Tamen Sacerdos excommunicatus, quia sua auctoritate est causa cur Missa, vel alia diuina officia coram se celebrentur, incurrit irregularitatem; nam qui per alium fecit, per se ipsum facere videtur. Secus dicendum si is qui præcipit coram se celebrari, non sit Sacerdos; tunc enim non valet illa ratio, cùm ipse celebrare non possit. *ibid. n. 6.*

24. Excommunicatus admonitus à celebrante vt exeat, incurrit nouam excommunicationem Papæ reseruata, si nolit exire, cap. *eos, de sent. excomm.* Idem dicendum de interdicto, Eandemque excommunicationem incurrit, qui prohibet quo minus publicè excommunicati, vel interdicti, de Ecclesia exeant eo tempore quo Missa celebratur. *tom. 1. p. 383. n. 8.*

25. Audientes Missam cum excommunicato denunciato, peccant mort. quia participant cum illo in diuinis. Qui verò scienter celebrat coram excommunicato vitando incurrit interdictum ab Ecclesiæ ingressu, vt patet ex cap. *Episcopum, de priuileg. in 6.* vbi interdicuntur, qui excommunicatos vitandos admittunt ad diuina officia, seu Ecclesiastica sacramenta. *ibid. n. 9. & 10.*

26. Qui interest Missæ, aut celebrat dum ibidem adest excommunicatus, toleratus, non peccat proseguendo Missam. Si verò adest excommunicatus vitandus, admonendus est vt exeat; si verò post admonitionem nolit exire, potest etiam per vim expelli, quamuis sit clericus, neque propterea incurritur excommunicationis: quia vis non dicitur iniuriola, quando inferitur ex iusta causa *ibid. n. 11. & 12.* At si neque vult exire, neque potest expelli sine periculo, omittenda sunt diuina officia, ipsa etiam Missa, modò consecratio nondû sit inchoata: si verò iam inchoata, vel perfectâ consecratione superuenit, neque potest expelli,

Sacerdos prosequi debet sacrificium vsque ad sumptionem inclusiue: nam integritas sacrificij, quæ est de iure diuino, præponderat participationi cum excommunicato. Debent tamen in eo casu adstantes ab Ecclesia exire, excepto inferuiente, ipse etiã Sacerdos, sumpto sacramento, se recipiet in sacrificiam, ibique reliquas orationes post cõmunionem dicẽdas persoluet. *ibid. n. 13.*

27. Excommunicatus etiam si non sit denunciatus, peccat mortaliter assistendo diuinis officiis: neque enim per Concilium Cõstantiense illi conceditur facultas communicandi cum fidelibus, quamuis aliis fidelibus liceat communicare cum excommunicato tolerato in sacramentis, aliisque rebus diuinis. *ibid. n. 1.*

28. Excommunicatus, siue sit religiosus professus, siue clericus habens beneficium, vel ordines sacros, tenetur priuatim horas canonicas persolvere: æquum enim non est, vt delinquens repperet commodum ex suo delicto: non tamen potest socium adhibere, quicum recitet, quanquam non peccat mort. ad priuatam recitationem socium adhibendo: hæc enim communicatio videtur leuis. *rom. 1. p. 383. 384. n. 3. & seq.*

29. Excommunicatus non priuatur omni rerum sacrarum vsu, cum possit diuina officia recitare, templum ingredi, dum diuina non celebrantur, munire se signo crucis, mensæ benedicere, adorare Eucharistiã, aut etiam illam comitari, dum ad infirmos deferitur, modò recitetur psalmi, vti imaginibus, & id genus aliis, quæ inseruiunt priuatæ deuotioni: non tamen potest sumere aquam lustralem, seu benedictam, eò quod sit quoddam sacramentale habens valorem ex meritis Ecclesiæ, à quibus excommunicatus excluditur. *rom. 1. p. 384. n. 8. & 9.*

30. Excommunicatus etiam vitandus potest audire concionem: quia non excluditur ab ea communicatione quæ tendit ad ipsius emendationem. Immodò potest excommunicatus toleratus concionari, si rogetur; peccaret tamen, si se sponte ingereret ad concionandum, quamuis non incurreret irregularitatem, quia hic non est actus Ordinis, cum etiam à laico in casu necessitatis exerceri possit. *ibid. n. 10. & 11.*

31. Magister legens lectionem coram multis discipulis, quorum vnus est excommunicatus vitandus, debet seclusa alia necessitate lectionem abrumpere, vt vitetur excommunicatus denunciatus. Toleratus tamen potest lectionem facere, ad quam tenetur ex officio, si per alium supplere non potest, ne communitas damnum patiatur. *ibid. n. 12.*

32. Excommunicatus neque in vita, neque post mortem absolutus, priuatur Ecclesiastica sepultura; & sepeliens excommunicatum vitandum in loco sacro, grauiter peccat, etiam si dede-

rit signa contritionis. Secus si sepeliat excommunicatum toleratum; id enim per Concilium Constantiense licet. Ecclesia autem, in qua sepelitur excommunicatus vitandus, manet polluta, neque diuina officia possunt in ea celebrari, donec reconcilietur. *tom. 1. pag. 384. § 8. n. 1. & seq.*

33. Qui in mortis articulo fuit absolutus ab excommunicatione in foro poenitentiae, potest sepeliri in loco sacro. At qui in articulo mortis dedit signa contritionis, sed nondum obtinuit absolutionem ab excommunicatione, non est sepeliendus in loco sacro, donec absolvatur. Si verò iam fuit sepultus, non videtur exhumandus, sed petenda est quamprimum absolutio à legitimo superiore, ut fiat dignus Ecclesiastica sepultura, & ut illius ossa non proiciantur. *pag. 158. n. 7.*

34. Sepeliens excommunicatum vitandum in loco sacro incurrit maiorem excommunicationem, à qua nequit absolui quoad satisfecerit ad Episcopi arbitrium. *ibid. n. 8. Vide tit. Sepultura.*

An excommunicatus sit inhabilis ad beneficium?

35. Inualida est collatio, & praesentatio beneficij facta excommunicato quamvis tolerato: frustra enim ei confertur beneficium, qui ab exercitio sui officij, & muneris suspenditur. Idque verum est etiam si excommunicatus inuincibiliter ignoret se esse excommunicatum: quamvis enim ignorantia excuset à noua culpa, & à noua censura, non tamen facit actum validum, qui aliàs erat inualidus. *tom. 1. pag. 385. 386. n. 1. & 2.*

36. Collatio officij Ecclesiastici, vel saecularis habentis adnexam iurisdictionem facta excommunicato, est inualida. Quia prohibito vno, prohibitum etiam censetur id per quod ad illud peruenitur; cum ergo prohibitum sit excommunicato actus dignitatis etiam saecularis exercere, videtur etiam prohibitum dignitatem adipisci. Excipe duos casus. 1. quando Summus Pontifex confert dignitatem alicui, quem scit excommunicatione innodatum; tunc enim praesumitur Pontifex cum eo dispensare. 2. quando quis ex testamento, vel ab intestato, dominium aliquod temporale acquirit, cui est adnexa iurisdicctio, & dignitas; acquisito enim principali acquiritur accessorium. *tom. 1. pag. 386. n. 3.*

37. Collatio pensionis facta excommunicato, titulo clericali, est inualida: quia obtinenti pensionem à Summo Pontifice concedi solet absolutio censurarum ad hunc effectum, ut sit capax pensionis; quod argumento est excommunicatum esse incapacem pensionis. *ibid. n. 4.*

38. Ex dictis collige excommunicatum, qui obtinuit beneficium, vel pensionem titulo clericali, non posse fructus percipere,

nullum quippe ius ad illos habet, cum beneficij, seu pensionis collatio sit inualida. Sequitur item non posse excommunicatum illud beneficium permutare cum altero: nullum enim ius habet ad beneficium. Hæc autem intelligenda sunt de beneficiis obtentis ab inferioribus Summo Pontifice: non autem de obtentis ab ipso Pontifice, qui cum literis, & privilegijs solet simul concedere absolutionem ab omnibus censuris, ut privilegium suum effectum sortiatur, sitque valida beneficij collatio. Excipiendi tamen sunt quidam casus, ad quos non videtur extendi hæc absolutio in privilegio contenta. 1. est casus excommunicationis ob hæresim contractæ, à qua non præsumitur Pontifex velle absolutionem impendere. 2. casus est excommunicationis, in qua quis infortuit per annum. *ibid. n. 5. & 6.*

39. Acta per eum, qui obtinuit beneficium in excommunicatione, sunt inualida, si sermo sit de actibus iurisdictionis, & officij: quia excommunicatus caret potestate, & iurisdictione, nisi forte adsit error communis cum titulo colorato: tunc enim ius supplet defectum iurisdictionis. Acta verò per eum, qui post obtentum beneficium contraxit excommunicationem, sunt valida modò sit toleratus: cum enim validè retineat beneficium, retinet etiam iurisdictionem, quæ est quid consequens. *ibid. n. 7.*

40. Validè acceptatur beneficium ab eo, qui tempore collationis, & electionis non erat excommunicatus, licet sit excommunicatus dum beneficium acceptat: quia iura solùm irritant collationem, & electionem, non verò acceptationem beneficij. At si electio, & collatio facta est tempore excommunicationis, sed ante acceptationem beneficij obtenta est absolutio excommunicationis, non videtur valida collatio, quia facta est ante absolutionem, neque per subsequenter absolutionem potest validari. Opposita tamen sententia non caret probabilitate, modò tempore acceptationis electores, & præsentatores permanserint in prima sua voluntate: prior enim electio, & præsentatio videtur sic ratificari, & approbari. *tom. 1. pag. 387. numer. 9. & 10.*

41. Excommunicatus, qui beneficium, vel pensionem obtinuit tempore excommunicationis, petere debet absolutionem, eaque obtentà dare operam, ut sibi de nouo beneficium conferatur: prior enim fuit inualida. Excommunicatus autem occultus, quando ei collatum est beneficium, non statim debet illud acceptare: non tamen tenetur se prodere, sed debet alio honesto titulo se excusare, si potest. Sin minus acceptato beneficio debet quam primum occultè petere dispensationem. *ibid. n. 11.*

42. Qui post obtentum beneficium lapsus est in excommunicationem,

nicationem non priuatur fructibus, vel distributionibus beneficij, consequenter non tenetur eos à se sponte abdicare, modò onera, atque officia beneficij exequatur. Excommunicatus tamen vitandus non videtur posse lucrari omnes fructus, & distributiones, quia diuina officia ab eo persoluta nihil pro funt: cum Ecclesia ipsum arceat à diuinis, neque velit per ipsum orare. *tom. 1. pag. 388. n. 2. & 4.*

43. Qui ob iniustam excommunicationem à choro exclusus, non potest suum officium exequi, videtur posse percipere fructus, & distributiones: quia priuatio distributionum est pœna, quæ non videtur subeunda ab eo, qui non deliquit. Iustè autem excommunicatus, qui diuinis non assistit, non potest percipere distributiones, etiamsi per ipsum non steter, quominus absoluat, & choro intersit: quia quamdiu est excommunicatus, iustè arceretur à choro. *tom. 1. pag. 388. 389. n. 5. & 7.*

An excommunicatus priuetur iurisdictione?

44. Quæ geruntur ab excommunicato vitando, sunt inualida, si gerantur ex officio tanquam propriæ iurisdictionis: quia Ecclesia illum priuat vsu propriæ iurisdictionis: excipienda est electio Summi Pontificis à Cardinalibus excommunicatis. Quæ verò geruntur ab excommunicato vitando absque vsu propriæ iurisdictionis, sunt valida: sic validum est matrimonium ab excommunicato vitando celebratum: quia hic non est actus iurisdictionis, sed est actus factus à contrahente, tanquam à persona priuata. At testamentum factum ab eo qui excommunicatus fuit propter hæresim, vel percussione Cardinalium, ipso iure est inualidum. *tom. 1. pag. 389. n. 1.*

45. Quæ geruntur ab excommunicato tolerato, valida sunt, etiamsi pertineant ad propriam iurisdictionem: quia Ecclesia illum tolerat, & permittit nos cum ipso communicare in rebus sacris, & in aliis spectantibus ad iurisdictionem: quanquam ipse excommunicatus grauiter peccat, si sponte se ingerat in actibus iurisdictionis, & potest contra ipsum admitti exceptio ad eligendum actum iurisdictionis. *ibid. n. 3.*

46. Resignatio beneficij facta ab excommunicato etiam vitando in fauorem tertij, valida est: quia illa resignatio non est actus iurisdictionis. Item validæ sunt scripturæ, & instrumenta facta à tabellione excommunicato vitando: quia tabellio non habet propriè iurisdictionem. Validum item est testamentum factum ab excommunicato, excepto testamento, quod fit ab excommunicato, propter hæresim, vel percussione Cardinalium. *tom. 1. pag. 390. n. 7. & seq.*

47. Non incurrit excommunicationem, qui delictum sub excommunicatione prohibitum commisit eo tempore, quo superior, qui tolerat excommunicationem, incidit ipse in excommunicationem, & fuit denunciatus. Quia censura lata ab homine per sententiam generalem non est perpetua, sed in fieri; & in esse pender ab ipso iudice; ergo si iudex moriatur, aut priuetur iurisdictione, antequam sententia suum sortiatur effectum, censura per sententiam lata carebit effectu. *ibid. n. 10.*

48. Quando suspenditur Episcopi iurisdictione per excommunicationem, Vicarius generalis non potest exercere iurisdictionem ab Episcopo acceptam ante excommunicationem, vel suspensionem ipsius Episcopi; quia est vnum, & idem tribunal Vicarij generalis, & Episcopi, unde suspensa iurisdictione Episcopi per excommunicationem, aut ea sublata per eius mortem, manet etiam suspensa, vel sublata Vicarij auctoritas. Hinc sequitur Vicarium generalem non posse validè conferre beneficia, & id genus alia præstare eo tempore, quo Episcopus est excommunicatus videndus. *ibid. n. 11.*

An excommunicatus priuetur conuersatione humana?

49. Cuilibet excommunicato, etiam tolerato, veritum est per se loquendo, communicare cum aliis fidelibus; per accidens tamen, ratione necessitatis, &c. fieri potest, vt excommunicatus non peccet communicando cum fidelibus, præsertim cum inuitatur. *tom. I. pag. 391. n. 1.*

50. Veritum est fidelibus communicare in rebus civilibus cum excommunicato vitando, non verò cum tolerato. Communicans autem cum vitando in actionibus humanis, & civilibus, vt plurimum venialiter tantum peccat: quia hæc communicatio videtur materia levis; communicans verò in diuinis, vt in Sacramentis, & sepultura, grauiter peccat. *ibid. n. 4.*

51. Casus, in quibus non licet communicare cum excommunicato vitando, sunt hi:

Os. orare, vale, communio, mensa negatur.

Os, significat allocutionem, seu per litteras, seu per nuntios, seu per nuncios, &c. significat etiam acceptionem munerum. *Orare* designat orationem, in qua non licet communicare cum excommunicato vitando. Per *Vale* prohibetur honorifica salutatio; nã excommunicatus priuatur obsequiis, & officiis humanitatis in pœnam delicti. *Communio* significat societatem in habitatione, vel exercitio, vel contractu: nam cum excommunicato vitando nequus

neque licet dormire in eodem lecto, neque contractum inire, neque aliquod opus exercere, quod mutuum postulet operam. *Mensa* innuit communicationem cibi, & potus, quæ dicitur communicatio mensæ. tom. 1. p. 392. n. 1. & seq.

52. Casus in quibus licet communicare cum excommunicato vitando sunt hi:

Vtile, lex, humile, res ignorata, necesse.

Vtile significat utilitatem seu spiritualem, seu temporalem, cuiusmodi est resipiscentia, & emendatio excommunicati: quare licet adhibere signa benevolentiae, & urbanitatis ad illum inducendum ad sanio rem mentem, &c. Per *legem* intellige iura matrimonij: quare licet coniugatis etiam excommunicatis vitandis petere, vel reddere debitum coniugale: item licet coniugatis communicare inter se in colloquiis in mensa, & in iis omnibus, quæ pertinent ad domus gubernationem; in diuinis autem non possunt. *Humile* significat officium seruorum, & subditorum: licet enim subditis communicare cum suis superioribus, & illis obedire. Vassalli tamen non possunt communicare cum suis Principibus temporalibus excommunicatis vitandis: ius enim saltem post sententiam criminis declaratoriam eximit subditos ab onere quo se adstrinxerunt ad seruendum domino ex fidelitate, illosque eximit a iurisdictione subiectionis: cum dominus tunc temporis sit suspensus ab usu iurisdictionis. Excipitur solutio tributorum, quæ Principi debetur, quamdiu non priuatur dominio temporali. *Res ignorata* significat ignorantiam inculpabilem, vel inaduententiam, quæ excusat à peccato, & à censura. Denique per *necesse* intelligitur necessitas, quæ excusat participantes cum excommunicato, & excommunicatum cum aliis participantem. In his casibus Ecclesia permittit communicationem cum excommunicatis denunciatis. tom. 1. p. 393 n. 7. & seq.

An excommunicatus priuetur communicatione in foro civili?

53. Quis iudex seu Ecclesiasticus, seu sæcularis priuatur usu iurisdictionis quamdiu manet excommunicatus vitandus, & peccat mortaliter ferendo sententiam; quia sibi usurpat iurisdictionem, quam non habet. Iudex verò excommunicatus toleratus facile videtur excusari posse à mortali, si sententiã ferat; probabilius tamen est non excusari, eò quod actio iudicandi, quæ prohibetur excommunicato, per se videatur valde grauis, & sufficiens ad peccatum mort. tom. 1. p. 397. n. 1. & 2.

54. Excommunicatus quamuis toleratus non potest esse actor

in iudicio in causis ciuilibus, aut Ecclesiasticis, siue per se, siue per alium. Quare excommunicatus nō potest in iudicio accusare, nisi forte ex necessitate; potest tamen se ipsū defendere, & appellare a sententia iudicis inferioris, & appellationē prosequi. Verū si actor excommunicatus non repellatur à iudice, nec ei ab aduersario obiciatur excommunicatio, valida erunt ab eo gesta in iudicio; quamuis enim ius prohibeat excommunicatum in iudicio agere; non tamen irritat ipsius gesta. *tom. 1. pag. 398. n. 5. & seq.*

55. Excommunicatus toleratus potest admitti ad ferendum testimonium, modò non se ingerat sua sponte. Excommunicatus verò vitandus potest licitè testimonium ferre, ed quòd prohibita sit cum ipso communicatio. Excipitur causa fidei, & matrimonij. Validum tamen est testimonium excommunicati vitandi, non tantum in iudicio, sed etiam in testamentis, contrahibus, & instrumentis, præsertim accedente iudicis consensu, & illius contra quem testis adducitur ad testandum; potest enim ab utroque repudiari: at si admittatur ad testimonium ferendum, testimonium validum erit; nullo enim iure irritatur. *tom. 1. pag. 399 n. 12. & 13.*

56. Excommunicatus vitandus non potest licitè aduocati, vel procuratoris officium exercere, illius tamen acta sunt valida, nisi repudietur, aut illi opponatur exceptio excommunicationis. Hinc colligi potest matrimonium celebratum à procuratore excommunicato nomine alterius validum esse. *ibid. n. 14.*

57. Excommunicatio irritat, & annullat literas, & rescripta Apostolica, & processus virtute illorum habitos, excepto casu excommunicationis, & appellationis. Hic tamen effectus hoc tempore non magni penditur, quia in literis Apost. quæ modò obtinentur, includi solet absolutio ab omnibus censuris ad hunc effectum; vt priuilegia gratiæ, & literæ Apost. valeant, excepto casu excommunicationis ob hæresim, & eo casu, quo quis per annum in excommunicatione inordinat: hic enim suspensionem hæresis incurrit. Persistens verò in excommunicatione per annum ob aliquam causam, quæ mereatur excusationem, videtur frui absolute; vbi enim cessat ratio culpæ, ibi etiam cessare videtur rigor pœnæ. *ibid. num. 1.*

58. Etiam si perseverans in excommunicatione per annum, suspectus sit de hæresi, quia potestatem Ecclesiæ contemnit, & eius sacramenta, cum ab illis abstineat per annum; non tamen statim condemnandus est tanquam hæreticus: quia contumacia in excommunicatione per annum non inducit certā, hæresis probationem, sed præsumptionem tantum, ob quam citandus

tandus est ad se purgandum : si nolit comparere , ob contumaciam declarari potest excommunicatus , & si in hac excommunicatione adhuc per annum persistiterit, condemnandus est vt hereticus, modò non fuerit legitimo impedimèto detentus. *ibid. n. 2.* Priuandusque est beneficio , si commisit crimen beneficij priuationem inducens. *ibid. pag. 400.*

Excommunicatio minor.

59. Excommunicatio minor est censura Ecclesiastica separans fidelem excommunicatum à passiuâ sacramentorum participatione. Dicitur autem *minor* respectiue ad maiorem , & ad effectus illius. Huius enim duo sunt tantummodo effectus. 1. est priuare directè passiuâ Sacramentorum participatione; quare peccat mort. suscipiendo Sacramenta. 2. est priuare electione , præsentatione, & collatione beneficij, & Ecclesiasticæ dignitatis. Hæc tamen excommunicatio non priuat electione, aut præsentatione actiua, sicut neque actiua administratione sacramentorum. Potest etiam minori excommunicatione affectus diuinis officiis interesse, suffragiis frui, &c. item potest alios absoluerè à censuris, & à peccatis, & actus iurisdictionis exercere. *tom. 1. pag. 400. n. 1. & 3. & pag. 401. n. 6. & seq.*

60. Excommunicatio minor incurritur participando in rebus prohibitis cum excommunicato vitando, non tantum viuo, sed etiam mortuo , vt si quis leuet cadaver excommunicati vitandi, vel eius funus prosequatur, &c. quia cui non communicamus viuo, nec communicare licet defuncto. *pag. 400. n. 2.*

61. Ab excommunicatione minori lata à iure potest tantummodo proprius Sacerdos absoluerè, id est, qui habet iurisdictionem ordinariam suprâ excommunicatum , vt Episcopus in sua diœcesi, & Parochus in sua parœcia. Potest etiam Sacerdos approbatus absoluerè à minori excommunicatione; hic enim dici potest proprius Sacerdos per iurisdictionem delegatam. *tom. 2. pag. 401. n. II. & 15.*

62. Probabilis est sententia nonnullorum asserentium quèlibet simplicem Sacerdotem posse à minori excommunicatione absoluerè penitentem nullo peccato mortali obstrictum. Quia habens tantum peccata venialia poteit se subicere simplici Sacerdoti, & ab eo absolui : ergo potest etiam ab eo obtinere absolutionem minoris excommunicationis , quæ præmittenda est absolutioni venialium, cum minor excommunicatio priuet passiuâ Sacramentorum administratione. Opposita tamen sententia est probabilior : quia aliud est absoluerè à venialibus, & aliud à censuris. *ibid. n. 15.*

63. Parochus

63. Parochus potest etiam extra confessionem absoluerè à minori excommunicatione: quia facultas illi concessa non est restricta ad absolutionem sacramentalem. Immo potest ab ea absoluerè, etiam si nondum sit sacerdos: nam absolutio excommunicationis nō est actus ordinis, sed iurisdictionis. *ib. n. 13. & 14.*

64. Ad absolutionem minoris excommunicationis suffiūt verba sufficienter exprimentia absolutionem non sunt autē necessariae ceremoniae, quae adhibentur in absolutione aliarū censurarū; propterea non est necesse poenitentē praemittere cautionem iuratoriam, &c. Porro in dubio an poenitens inciderit in minorem excommunicationem, potest absolui sub conditione ea forma, quae vulgò adhiberi solet: *Absoluo te ab omni vinculo excommunicationis, quantum possum, & tu indiges.* *ibid. n. 16.*

Excommunicatio ab homine propter quid ferenda?

65. Excommunicatio ferri potest pro causa temporali, modo intentio ferentis sit recta, & non spectet rem temporale tantquam finem: nam finis censuræ debet esse spiritualis, cum ipsa censura sit poena spiritualis, præcipuus autem finis est salus delinquentis. *disp. 2. quest. 1. punct. univ. pag. 154. n. 1. tom. 3.*

66. Excommunicatio ad restitutiones faciendas ferri debet à Summo Pontif. vel ab Episcopo, non autē à Prælati Episcopo inferioribus: sic enim præscribit Concil. Trident. sess. 25. cap. 3. *Nisi sede vacante;* tūc enim ferri potest à Vicario generali Episcopi, aut à Vicario constituto à Capitulo *ibi. n. 2. & si q.*

67. Excommunicatio, quæ ad restitutiones faciendas imponitur, ferri potest contra personam determinatam præsertim Ecclesiasticam; cum enim iudicio Ecclesiæ subiciatur, potest ab Ecclesia cogi, & puniri. Si verò persona sit laica, non licet Episcopo contra illam determinatè censuram ferre, nisi rationabilis causa aliud suadeat; sed debet coram suo iudice laico prius conveniri; si tamen ferat, erit valida *ibid. n. 5. & 6.*

68. Causæ, ob quas huiusmodi excommunicatio fertur, sunt tres præcipuæ. 1. ut delictum commissum emendetur restituendo. 2. ut malum, quod timeatur, vitetur. 3. ut damnum temporale alterius præcaueatur. *ibid. n. 7.*

69. Causæ excusantes ab hac excommunicatione incurrenda sunt. 1. ignorantia iuris, & facti, vel etiam poenæ. 2. legitima appellatio. 3. consensus illius in cuius favorem lata est excommunicatio. 4. metus grauis. 5. iusta compensatio. 6. impotentia physica, aut moralis, quia censura non incurritur nisi ob contumaciam; qui autem ob impotentiam non restituit, non dicitur contumax. *ibid. pag. 15. num. 8.* Impotentia moralis est illa, in qua

qua debitor non potest sine diminutione status, vel sine graui infamia, aut alio graui incommodo restituere. *ibid.*

70. Prælati potest sub censura obligare ad restitutionem cum graui debitoris incommodo, quoties iusta subest causa sic obligandi; regulariter tamen loquendo non obligat; quia præceptum humanum non magis obligat quam naturale, aut diuinum; præceptum autem naturale, & diuinum restitutionis faciendæ, regulariter non obligat cum graui incommodo. *ibid.*
pag. 155. num. 13. tom. 3.

71. Debitor, qui præuidet se non posse termino præfixo restituere, excommunicationem incurrit, si restitutionem non fecit dum impotentiam futuram præuidit, unde patet à fortiori eum, qui malitiosè factus est impotens, non excusari à censura. *ibid.*
num. 14.

72. Qui termino præfixo ob impotentiam non restituit, tenetur adhuc sub censura restituere, sublata impotentia; modò adhuc vigeat obligatio censuræ contrahendæ; nam si iudex, qui censuram ab homine tulerat, mortuus est, aut denunciatus est excommunicatus, censura vim suam amittit. *ibid.*
n. 15.

Excommunicatio contra vexantes excommunicationum latores.

73. Gregorius X. excommunicationem tulit in Concilio Lugdunensi, quæ refertur in cap. *Quicumque, de sententia excommunicat.* contra vexantes eos, qui excommunicationem, aut censuram in aliquem tulerunt, seu quorum occasione censura lata fuit; necnon contra eos, qui dant licentiam vexandi, seu in personis, seu in bonis, aut qui data licentia vtuntur. *disp. 2. quest. 3. punct. 15. pag. 204. tom. 3.*

74. Hæc excommunicatio incurritur ab eo, qui dedit licentiam vexandi, nisi re adhuc integra, id est, ante sequutum effectum licentiam reuocauerit; aut nisi damnum bonis illatum intra octo dies resarciuerit. *ibid.*
num. 2.

75. Hæc excommunicatio reservatur Summo Pontifici, si delinquens in excommunicatione duorum mensium spatio perseueret. *ibid.*
num. 8.

Cum excommunicato non participandum.

76. Innocentius III. in cap. *Nuper, de sentent. excommunic.* subiicit excommunicationi omnes scienter participantes in crimine criminoso. Participare autem in crimine criminoso, nihil est aliud, quam cooperari crimini, vel contumaciæ ob quam

quam alter nominatim excommunicatus est; vt si quis concubinario nominatim excommunicato ob retentionem concubinæ præbeat consilium, auxilium, aut fauorem ne concubinam dimittat. *disp. 2. quæst. 3. punct. 21. pag. 228. tom. 3.*

77. Ipse etiam Episcopus scienter participans in crimine criminoso cum eo, quem nominatim ipse excommunicauit, laqueo huius censuræ innodatur, quia ista excommunicatio vniuersalis est, & omnes Summo Pontifice inferiores attingit. Summus autem Pontifex, cum sit supremus Legislator, suis legibus non subiicitur ex vi coactiua. *ibid. n. 6.*

78. Absolutio ab hac excommunicatione ab eo impendenda est, à quo absolui potest principalis excommunicatus, cum quo habitæ est communicatio. *ibid. n. 7.*

Excommunicatus perseuerans.

79. In cap. *quarenti, de offic. & potest. iud. deleg.* Excommunicati omnes à delegato Papæ perseuerantes in excommunicatione per annum, contrahunt reservationem; nam delegatus Papæ non potest anno elapso iurisdictionem ad exequendam sententiam exercere; ergo elapso anno excommunicatio auferri debet à Summo Pontif. *ibid. punct. 22. pag. 228.*

Excommunicatio sine admonitione præuia.

80. Qui excommunicationis sententiam profert temerè absque præuia competenti admonitione, & præsentibus idoneis testibus, suspenditur per mensem ab ingressu Ecclesiæ; si tamen diuina celebret in tentorio, vel in domo priuata, non incurrit irregularitatē. Ab hac suspensione excipitur Episcopus, licet enim peccet sententiam excommunicationis ferens sine præuia admonitione; tamen non censetur comprehendi sub censura, nisi exprimitur. *disp. 3. quæst. 5. punct. 1. §. 1. pag. 364. 365. tom. 3.*

Excommunicatio sine solemnitate.

81. Ecclesiasticus iudex sententiā excommunicationis ferens sine scripto, vel sine expressione causæ, aut non tradens, si requisitus fuerit, intra mensem exemplar sententiæ, interdicatur ingressu Ecclesiæ, & diuinis officiis per mensem. Hoc intelligendū est de excommunicatione lata ab homine, non autem à iure; nam sermo est de illis censuris quarum exemplar cum expressione causæ tradendū est reo, vt se coram alio iudice tueatur, quod fieri solet in censuris latis ab hominē. *ibid. §. 2. pag. 365. n. 1. & seq. tom. 3.*

82. Non est necesse iudicem Ecclesiasticum per se ipsum sententiā excommunicationis proferre, alioquin deberet etiam ipse

sententiam scribere, quod nullus dixerit; neque opus est, ut scriptum, ex quo profertur excommunicatio, sit authenticum, & publicum, seu manu notarij scriptum, aut manu ipsius iudicis subscriptum; debet tamen esse huiusmodi, ut ipsius exemplar in iudicium adduci possit, si petatur: finis enim Summi Pontificis præscribentis scripturam in promulgatione censuræ est, ut censura maturiori iudicio feratur; & in iudicium proferatur, si reus voluerit. *ibid. n. 5.*

83. In secunda sententia excommunicationis requiritur expressio causæ, tum ob ipsum reum, ut sciens causam propter quæ censura ligatus fuit, eam tollere possit; tum propter ipsum iudicem censuræ latorem, ut sciens causam censuræ ad superiorem deducendam, cautè se gerat; tum propter iudicem superiorem ad quem reus recurrit, ut cognita causa, de æquitate censuræ melius iudicare possit; tum denique propter alios, ut scientes causam ob quam delinquens excommunicatus fuit, illum vitent. *ibid. p. 366. n. 10. tom. 3.*

84. Valida tamen est excommunicatio lata sine scripto, vel sine expressione causæ; hæc enim non pertinent ad formam censuræ substantialem, sed accidentalem. *ibid. n. 11.*

85. Ab hac suspensione, seu interdicto excipiuntur Episcopi, & Episcopis superiores: quia licet peccent non seruando iuris communis dispositionem; non tamen obstringuntur suspensione, aut interdicto, nisi exprimantur. *ibid. n. 14.*

86. Iudex, qui infra mensem noluit tradere exemplar sententiæ requisitus, si post illum mensem moriatur, debet carere Ecclesiastica sepultura; quia priuatus est diuinis officiis actiue, & passiuè: si verò contracta illa suspensione celebret, vel alia diuina officia obeat cum actu alicuius sacri ordinis, incurrit irregularitatem, qui violat censuram. *ib. p. 367. n. 17. tom. 3.*

87. Absolutio ab hac suspensione seruata est summo Pontifici, quia lata est ad certum tempus; elapso autem mense cessat. *num. 18. tom. 3.*

Extrema Vnctio.

1. **E**Xtrema Vnctio sic vocatur, quia est vltima inter vnctiones, quæ homini viatori conferuntur. 1. enim confertur in Baptismo. 2. in Confirmatione. 3. in Sacerdotio. 4. & postrema in hoc Sacramento, quod confertur homini versanti in extremis. *tom. 1. pag. 214.*

2. Hoc Sacramentum fuit à Christo institutum, quo tempore non constat. Est autè signum rei sacræ, quo aliquæ partes corporis infirmi vnguntur oleo benedicto sub præscripta ver-

R

borum

borum forma, ad salutem animæ, & corporis, *ibid. n. 2. 3. & 4.*

Extrema Vnctionis materia, & forma.

3. Extremæ Vnctionis materia remota est oleum ex oliui expressum, ut patet ex Iacob. 5. & ab Episcopo benedictū ad vsum infirmorū, & quidē ex cōsuetudine, & præcepto Ecclesiæ eo anno benedictum. Potest autem Parochus oleum non consecratū miscere consecrato quando timet, ne deficiat, modò id, quod additur, sit minus eo, quod est consecratum, sic enim minus censetur consecratū admixtione minoris. *ibid. n. 2. & pag. 215. n. 4. & seq.*

4. Materia proxima huius Sacramenti est vñctio: non est tamen necesse, necessitate Sacramenti, vñctiones fieri in formam crucis, sed tarū de necessitate præcepti, quod non videtur obligationem inducere sub peccato mortali ob leuitatem materiæ. *rom. 1. p. 215. n. 9.*

5. Forma huius Sacramenti continetur his verbis à sacerdote prolati *Per istam, sanctā Vnctionem, & suam piissimam misericordiam indulg: at tibi Deus, quidquid per visum deliquisti. Amen.* Quæ forma adhibetur etiam in vñctionibus aliorū sensuum, expressō nomine singulorum. Fit autem modo deprecatio, quia Christus ita instituit Iacobi 5. *Orent super eum.* Vnde inferitur inuālidam esse formam indicatiuā *ibid. n. 1. & seq.*

6. Vigente necessitate, quando periculum est in mora, potest Parochus inuncta singulorum sensuum vnica parte vnica formam proferre, quæ pluribus partialibus æquiualeat. In praxi tamen à communi vsu, & consuetudine non est facilē recedendum, nisi euidens necessitas aliud postulet. *ibid. n. 5.*

Extrema Vnctionis minister.

7. Proprius huius Sacramenti minister est solus sacerdos. Iacob. 5. *inducat presbyteros*, id est, aliquem ex sacerdotibus. Si qui autem leguntur præter Sacerdotes inunxisse, illa vñctio non fuit sacramentalis. Quilibet Sacerdos potest quidē hoc Sacramentum validē ministrare, non tamen licitē, nisi habeat iurisdictionem, & non impediatur ab Ecclesia. Quare excommunicatus, & degradatus grauiter peccat hoc sacramentū ministrādo. Item qui sine Parochi licētia illud administrat. Religiosi autem, licet exempti, qui sine priuilegio, vel Parochi facultate administrant Sacramentum Extremæ Vnctionis, incidunt in excommunicationē *Clementina 1. de priuilegiis.* Hæc tamen excommunicatio non incurritur à religiosis administrantibus cum rati habitione Parochi, vel in articulo mortis. *rom. 1. p. 216. n. 1. & seq.*

8. Potest hoc Sacramentum, vigente necessitate, à pluribus Sacerdotibus vni, & eidem conferri, ita vt vnus vngat vnā partem, &

& alius aliam, modò idem qui vngit, simul proferat formã tali vnctioni debitam; nõ enim potest vnus vngere. & alter formam proferre. Extra necessitatem autem non potest hoc Sacramentum à pluribus administrari absque peccato mort. *ibid. n. 7.*

Extrema Vnctio cui conferenda?

9. Sacramentum Extremæ Vnctionis conferri potest solis fidelibus de vita periclitantibus, qui habent, vel habuerunt vsum rationis, hocque Sacramentum desiderauerunt. Vnde sequitur amentia, vel phrenesi laborantes posse suscipere hoc Sacramentum cum fructu, si cum vterentur ratione, illud optauerunt; Item eos, qui habuerunt intentionem saltem interpretatiuam illud suscipiendi, qualem habent, qui Christianè vixerunt, vel qui dederunt signa contritionis. *ibid. n. 1. & seq. p. 217.*

10. Hoc Sacramentum conferri non potest gerentibus bellum aut nauigantibus cum periculo, aut damnatis ad mortem, aut mulieribus parturientibus, aut infirmis nondum existentibus in periculo mortis. At potest conferri senibus, qui senectute conficiuntur absque alia infirmitate; nam senectus ipsa est morbus: necnon morti proximis ob morbum, pestem, vulnus, &c. non tamen expectandum est extremum vitæ periculum, aut tempus quo infirmus prorsus sensu careat, aut omnino eius sit desperata salus; sed administrandū est hoc Sacramentum, si fieri potest, quando infirmus adhuc vsu rationis gaudet, vt se magis ad fructum sacramenti percipiendum disponat. Sin infirmus inter vngendū è vita decedat, Parochus debet ab vnctionibus desistere, cum non sit amplius viator. At in dubio an adhuc viuat, administrandum est hoc Sacramentum sub conditione. *tom. 1. p. 217. n. 4. & seq.*

11. Infirmus non suscipiens Sacramentum Extremæ vnctionis, per se loquendo, non peccat mort. modò abiit scandalum vel contemptus: nullum enim extat præceptum obligans sub mortali ad hoc suscipiendum. At Parochus tenetur ex officio illud ministrare. *ibid. n. 10. & 12.*

12. Infirmus, quem constat nunquã actualiter peccasse, potest hoc sacramentum conferri; est enim adhuc capax effectus sacramenti, & Iacobi 5. dicitur, *si in peccatis sit, dimittentur ei*; ergo Apostolus supponit hoc sacramentum conferri posse cuicumque infirmo, neque opus esse, vt actualiter peccauerit. *ibid. n. 13.*

13. Non peccat mortaliter qui sacramentum Extremæ vnctionis confert infirmo, antequam susceperit sacramentum Pœnitentiæ, & Eucharistiæ; quia per contritionem potest se disponere ad hoc sacramentum suscipiendum; seruanda tamen est praxis, quoad fieri potest, vt non nisi post sacramentum Pœni-

tentiæ, & Eucharistiæ conferatur. *ibid. num. 15.*

14. Ad essentiam huius sacramenti pertinet, vt vnctiones fiant in singulis corporis sensibus, alioquin inualidum est sacramentum. At si quis careat vno corporis membro, in quo viget aliquis sensus, v. g. ore, vngenda est pars vicinior. Fit autem vnctio in his tantum partibus, ex quibus spiritualis morbus suam trahit originem. Porro vnctio in renibus, vel pedibus adhiberi potest, vel præmitti iuxta loci consuetudinem. In fœminis autem vnctio in renibus, vel vmbilico, propter decentiam, & honestatē, semper est omittenda. Sacerdotes, quia iam semel in palma fuerunt inuncti in susceptione ordinis sacerdotalis, in exteriori parte manus sunt inungendi. *tom. 1. pag. 218. n. 16. & seq.*

Extrema vnctionis effectus.

15. Effectus huius Sacramenti est gratia habitualis, quæ specialia auxilia habet adiuncta ad expellendas habitudines, & propensiones ad malum, ad peccata venialia delenda, ad conferendam sanitatem quatenus expedierit, & ad Dæmonis insultus propulsandos, qui eo præsertim tempore acres esse solent. In vltima autem vnctione virtute præcedentium confertur effectus huius sacramenti, quia tunc completur significatio remissionis peccatorum. *tom. 1. pag. 218. 219. n. 1. 2. & 3.*

16. Hoc sacramentum, cum non imprimat characterem, iterari potest; non tamen in eadem infirmitate. At si existens in articulo mortis percepit Extremam vnctionem; deinde per aliquot dies periculum euasit, & per mensem, v. g. conualuit, potest iterum suscipere hoc sacramentum, si reincidat in periculum mortis. *pag. 219. n. 4.*

17. Circa ritus, & cæremonias in hoc sacramento seruandas standum est rituali consuetudini, & legibus Episcoporum: Peccat tamen Sacerdos omittēs orationes, quæ in huius sacramenti administratione præscribuntur, modò infirmitas ægroti moram patiat. At sine vestibus ab Ecclesia præscriptis numquam licet hoc sacramentum administrare. *ibid. n. 5. & seq.*

F.

Fabrica S. Petri.

1. **¶** N Extrauag. Pij V. quæ incipit, *Exigit*, lata est excommunicatio, & suspensio à diuinis contra molestantes collegium, seu deputatos fabricæ S. Petri. *disp. 1. quæst. 2. punct. 25. pag. 175. tom. 3.*

2. Licet

Falsificatio literarum Apostolicarum. 261

2. Licet probabile sit hanc Bullam quoad aliqua editam fuisse ad tempus, ut consuleretur iuribus, & cominodis fabricæ S. Petri; tamen quoad excommunicationem, & suspensionem credere par est perpetuam esse; quia est in fauorem collegij fabricæ S. Petri. *ibid. n. 2.*

Falsificatio literarum Apostolicarum.

1. **F**alsificatio fit vel aliquid addendo, seu scribendo, seu sub-scribendo; vel detrahendo, radendo, secando, aut delendos vel sigillum verum falsis literis apponendo; vel fabricando falsas literas, aut signando falso sigillo, seu etiam vero, sed sine consensu illius ad quem spectat. *disp. 1. quest. 7. punct. 1. num. 3. & 4. pag. 26. tom. 3.*

Falsificantium poena.

2. Sub poena 6. excommunicationis prohibetur in Bulla Cæ-næ falsificatio literarum, seu supplicationum Summi Pontif. aut Vicecancellarij, aut alterius vices ipsorum gerentis. *ibid. punct. 2. n. 1. pag. 27. tom. 3.*

3. Ut cognoscatur grauitas falsificationis sufficiens ad incur-rendam centuram, non est attendenda quantitas verborum quæ adduntur, vel detrahuntur; sed spectanda est significatio; fieri enim potest ut additione vnius verbi, vel apicis mutetur sensus à Pontifice intentus. Quare qui addit aliqua verba, vel detrahit, quibus additis, vel detractis adhuc remanet sensus quem Papa intendit, non ligatur censura Bullæ contra falsarios lata; quia hæc non est formalis falsificatio. Secus autem si verborum sen-sus mutetur, etiamsi fortè parti, vel fisco graue damnum inde non sequatur: grauis enim iniuria irrogatur Pontifici suffi-ciens ad excommunicationem incurrendam, quippe cuius au-thoritas falsificatione formali literarum contemni videtur. *ibid. n. 2. 3. 4. & 5. tom. 3.*

4. Qui tempus prorogat in literis expressum, incurrit censu-ram Bullæ, ut si Summus Pontif. literas concessit ad triennium, & impetrens appositit quinquennium. Ille tamen qui literas corrigit iuxta mentem Pontificis, non incurrit excomunicatio-nem: ut si in supplicatione Romam missa exprimebatur quartus consanguinitatis gradus, & Notarius in literis Apostolicis ap-positit affinitatis, tunc enim corrigens iuxta supplicationem non falsificat literas, sed potius falsitatem tollit: cauendum tamen ne hæc correctio propria auctoritate fiat. *ibid. n. 6. 7.*

5. Qui literas falsas apud se retinet, vel qui illis utitur, non incurrit excommunicationem Bullæ; quia in ea sermo est de fal-

262 *Falsificatio literarum Apostolicarum.*

fificantibus, non autem de retinentibus, aut vrentibus. Quamquam his scienter, vel cum ignorantia culpabili vrentes contrahunt excommunicationem cap. *ad falsarium, de crimine falsi*, si sunt laici; si verò clerici, priuandi sunt officiis, & beneficiis Ecclesiasticis. Immo Clerici, qui per se falsitatem exercuerint, degradandi sunt, & brachio sæculari tradendi, vt iuxta constitutiones puniantur. *ibid punct. 3. n. 6. 7. pag. 28. tom. 3.*

6. Qui literas falsas fabricare cœpit, sed pœnitentia ductus ab opere destitit, antequam falsificationē perficeret, non incurrit censuram Bullæ: quia cum illæ literæ nondum sint perfectæ, non censetur Apostolicas literas falsas fabricasse. *ibid. n. 12.*

7. Qui obtinet à Summo Pontif. literas, quæ inualidæ sunt ob taciturnitatem veri, vel expressionem falsi, non incurrit excommunicationem, quamuis illis vtatur: quia hic non dicitur falsificare literas; sunt enim verè Pontificiæ, inualidæ tamen ob defectum expressionis. *ibid. n. 3.*

8. Qui literas Pœnitentias impetrat sub nomine alieno, quod ipse falsò assumit, non ligatur censura Bullæ, quia non est falsarius literarum, sed proprii nominis. *ibid. n. 4.*

9. Qui comburit, aut lacerat literas Apostolicas, itavt nihil earum remaneat, quod vsui esse possit, non est obnoxius huic censuræ: quia nullam falsificationem committit. *ibid. n. 5.*

10. Qui falsificat literas Apostolicas nondum signatas, & munitas sigillo, seu plumbo, non afficitur pœna excommunicationis: quia illæ literæ non sunt appellandæ Apostolicæ, quibus deest cōditio essentialis, vt literæ Apostolicæ dicantur. *ibid. n. 11.*

Falsæ litera Apostolica non retinenda.

11. In cap. *Dura, de crimine falsi*. Summus Pontif. præcipit Episcopis vt excommunicationem ferant contra eos, qui falsas literas Apostolicas habent, nisi intra viginti dies destruant, vel resignent Vnde inferitur hanc excommunicationem non esse à iure communi, sed ab Episcopo ex præscripto iuris communis, reservationem verò esse à iure communi, itavt hæc excommunicationis ab Episcopo lata Summo Pontifici reservata remaneat. *disp. 2. quest. 3. punct. 4. pag. 189 tom. 3.*

12. Hi viginti dies computandi sunt à die, qua quis cognoscit se falsas literas habere: supposita excommunicationis promulgatione ab Episcopo facta. *ibid. pag. 189. num. 5. tom. 3.*

13. Qui apud se habet literas Apostolicas falsas, quæ iam evanuerunt, nec ad vsu in ipsis expressum inferuire possunt, non tenetur sub pœna excommunicationis eas resignare, aut destrucere: perinde enim est, ac si non haberet. *ibid. n. 7.*

14. Ad

14. Ad hanc excommunicationem incurrendam sufficit generalis sententia excommunicationis ab Episcopo lata contra habentes falsas literas Apost. &c. etiam si nullus nominatim exprimatur. *ibid. n. 8.*

Falsificatio moneta.

15. Ioannes XXII. in Extrauag. *Prodiens, de crimine falsi*, excommunicationem tulit contra falsificantes monetas in regno Franciæ, aut falsas scienter introducentes. *disput. 8. quæst. 3. punct. 50 p. 226. n. 1. tom. 3.*

16. Expendens falsam monetam, quam ipse non cudit, neque introduxit, neque adulterauit, non subiicitur huic censuræ; quia de eo non fit mentio in textu. *ibid. n. 4.*

Festum.

1. **P**Ræceptum celebrationis festorum est partim *naturale*, partim *caremoniale*, & partim *humanum* ex S. Thoma. Quatenus est *naturale*, obligat omnes: nam lumine naturæ notum est aliquos dies cultui diuino dicandos esse. Quatenus est *caremoniale*, non obligat in ipsamet die Sabbati, quia caremonialia veteris legis per Christi mortē sublata sunt. Quatenus est *humanum*, habet certos dies ab Ecclesia præscriptos, ut diem Dominicum loco Sabbati, &c. *tom. 1. p. 272. n. 1.*

2. Sabbatum significat *requiem*, seu *cessationem*, eò quod Deus die septimo requieuerit, Ecclesia autem in locum Sabbati diem Dominicam subrogauit, ne viderentur consentire cum Iudæis, & eorum caremonias obseruare, & propter multas illius dici prærogatiuas. Hinc collige obseruationem Dominicæ diei non esse de iure diuino, sed canonico. Idem sentiendum de festis Sanctorum, quæ iure optimo instituta sunt ab Ecclesia, tum ut illorum exemplis ad bene agendum accendamus, tum ut illos apud Deum intercessores, ac patronos adhibeamus. *ibid. n. & seq.*

Cuius sit dies festos instituere?

3. Summus Pontifex, & Concilium Generale ius habent instituendi dies festos, & receptos abrogandi in tota Ecclesia: Episcopi autem iure communi possunt in sua tantum diocesi festos dies instituere cum cleri, & populi consensu: consuetudine tamē receptum est, ut festi dies instituatur ab Episcopo, adhibito solum aliquor clericorum consilio. Verum non potest Episcopus instituere diem festum in honorem alicuius Beati, quem Summus Pontifex nondum retulit in numerum Sanctorum. *tom. 1. p. 273. n. 1. & 3.*

4. Princeps sæcularis, Ciuitatis, vel Resp. non potest dies festos tanquam sacros instituere : quia potestas sæcularis nihil habet iuris in actus religionis. Potest quidem Princeps sæcularis , vel Resp. prætextu honoris ciuilis, vel alio titulo, præcipere subditis, vt tali die à seruilibus operibus, forensi strepitu, &c. abstinere; non tamen potest absolute præcipere prætextu religionis, vt dies festi instituantur, sacrum audiatur, &c. nam obseruatio diei festi inter opera spiritalia numeratur. *ibid. n. 5.*

5. Potest Episcopus diem festum instituere colendum vsque ad meridiem, ita vt Missæ sacrum eo die sit audiendum. *ibid. n. 8.*

In die festo à quibus operibus abstinendum?

6. Obseruantia diei festi duobus præceptis continetur; vno *affirmatiuo*, quo præcipitur auditio Missæ; altero *negatiuo*, quo opus seruale prohibetur. Præceptum igitur affirmatiuum continet obligationem audiendæ missæ, non verò cōtritionis eliciendæ, vel specialiter abstinendi à peccatis. *tom. 2. p. 274. n. 1. & seq.*

7. Opera animæ, id est, quæ ab anima procedunt, vt legere, scribere, docere, disputare, &c. non sunt seruilia, ideoque in die festo licite exercentur, exceptis quibusdā casibus in iure expressis. Sunt autem hi quatuor. 1. *Mercatus*, id est, contractus emptionum, venditionū, locationum, permutationū; item mercatus qui singulis habentur hebdomadis; nisi consuetudo eos permittat, & superior non contradicat. 2. *Placitum*, id est, quælibet lis, & causa fori, quæ agitur in iudicio: nam die festo prohibentur omnia, quæ spectant ad strepitum forensem; immò eo die acta irritantur, præciso casu necessitatis. 3. *Iudicium criminale*, id est, sententia mortis, aut alia quæuis poena corporalis, præcisa necessitate. 4. *Sacramentum publicum*, id est, iuramentum iudiciale; nam prohibetur ferri iuramentum in iudicio die festo, seclusa necessitate, vel causa pia. *ibid. n. 6. & seq. & p. 275.*

8. Contractus die festo celebratus validus est: nullo enim iure irritatur, cum in iudicio non fiat: quæ verò sunt in iudicio, non tantum prohibentur, sed etiam irritantur. *tom. 2. p. 275. n. 11.*

9. Quælibet sententia requirens strepitum iudicalem vetita est in die festo. Aliæ verò sententiæ, quæ non sunt cum strepitu forensi coniunctæ, non videntur prohiberi, vt sunt actus voluntariæ iurisdictionis. Apellatio licita videtur in die festo, fit enim sine magno strepitu, & iure naturali cuiuslibet seipsum tueri quolibet die. Citatio autem cum sit pars non modica strepitus forensis, si fiat in die festo sine necessitate, est irrita; ipsūque decretum citationis factum, aut intimatum die festo, seu etiam intimatum die profesto, in diem festum, est inualidum,

vt si quis die profesto citetur pro die Dominica, aut alio festo: huiusmodi enim decretum est iniquum *ibid. n. 2. & seq.*

10. Non solum testes in die festo examinari non possunt (propter iuramentum iuridicum, quod eo die exigere non potest) verum etiam si die profesto premissum sit iuramentum, examen testium in die festo continuari non potest, praecisa legitima consuetudine in contrarium; quia examinatio testium est pars praecipua processus; irritatur autem processus factus in die festo. *tom. 2. p. 276. n. 20. & 21.*

11. Executio sententiae facta in die festo non solum est illicita, sed etiam inualida, quatenus actus ex dispositione iuris fieri potest inualidus: quia executio sententiae pertinet ad iudiciale forum, sitque cum magno strepitu virtute sententiae in iudiciali foro obrentae. *ibid. n. 22.*

12. Opera corporalia, quae proprie seruilia sunt, cuiusmodi sunt fodere terram, arare, putare vites, &c. in die festo prohibentur. Hinc patet fas esse die festo iter facere, modo non addantur circumstantiae operibus seruilibus adnexae, vt si imponenda sint iumentis, aut curribus onera, vel si iumenta, aut currus onustis alio transferantur. Item fas esse venari, ludere, scribere, saltare, etiamsi haec fiant ob lucrum: haec enim ex se non sunt seruilia, cum dominis iuxta ac seruis sint communia. Non tamen licet pingere in die festo, quia hoc opus vulgo fieri solet ab iis, qui aliis inferuunt & per se loquendo, est seruile; quare ne addiscenda quidem artis causa in die festo exerceri potest. *tom. 2. p. 277. n. 25. & seq.*

13. Ea, quae licite fieri possunt sine lucro die festo, fieri etiam possunt eodem die cum lucro; quia spes, & intentio lucri facit quidem opus mercenarium; non tamen facit, vt opus, quod ex suo genere seruile non est, sit seruile; sicut neque seruile desinit esse seruile, ex eo quod spe lucri non fiat. *ibid. n. 26.*

14. Fideles ex vi praeccepti, quo festum diem colere tenentur, non obligantur ad concionem audiendam. Quamuis enim quilibet ex vi charitatis, qua debet animae suae consulere, teneatur ediscere praeccepta, & alia, quae ad animae salutem spectant; non tamen tenetur sub mortali diebus festis concionem audire, cum aliis diebus audire liceat, & aliunde possit adiscere necessaria ad salutem. Per accidens tamen fieri potest aliquando, vt in die festo praefenda sit concio auditioni missae, vt si vigeat necessitas addiscendi necessaria ad salutem, quae alio tempore commodè addisci non possint. *ibid. n. 17.*

15. Pastores verbi Dei praedicationem omittentes toties peccant contra praecceptum diuinum, quoties populus grauiter indiget pabulo illo spirituali: nam ex Dei mandato tenentur oues

R. s. suas

suas verbo Dei pascere, ut patet ex Trident. sess. 23. cap. 1. Si verò vno integro mense, aut etiam duobus, vel tribus mensibus totius anni discontinuis non concionentur, mortaliter peccant: hæc enim est materia gravis, & Concil. Trid. sess. 5. cap. 2. decernit parochos, aliosque curam animarum habentes, si ab Episcopo moniti trium mensium spatio muneri suo defuerint, cogendos esse per censuras, & alias pœnas ad hoc concionandi munus obeundum. tom. 2. p. 278. n. 30. & 31.

Causæ excusantes opus servile in die festo.

16. Prima causa excusans à peccato mort. die festo serviliter laborantes, est parvitas operis, seu leuitas materia. Quam autem pars temporis censenda sit notabilis, qua servilibus vacans à peccato mort. non excusetur, arbitrio prudentis viri est iudicandum. Probabilius videtur serviliter laborantes spatio vnius circiter horæ non excusari à peccato mort. hoc enim spatium temporis videtur notabile. *ibid. n. 1. & 2.*

17. Secunda causa excusans est cultus Dei, quando scilicet opera servilia in honorem, & cultum Dei fiunt. Quæ tamen ad Dei cultum remorè tantum spectant, ea non possunt licitè fieri in die festo, cum præcedentibus diebus fieri possint, ut ornare templum, altaria, &c. non tamen est peccatum mort. hæc facere in die festo, præsertim si ex causa rationabili fiant tom. 2. p. 279. n. 6.

18. Tertia causa excusans est pietas: opera enim pietatis, ut sepelire mortuum, servire infirmis, &c. semper sunt licita. Quæ vero sunt opera pietatis solum per accidens, ut domos religiosas extruere, &c. non excusant à culpa, si fiant in die festo, nisi adsit necessitas, vel alia iusta causa. Sic conficiens vestes lugubres, aut pingens insignia in funere, die festo, excusatur. *ibid. n. 7.*

19. Quarta causa excusans est necessitas, vel alia iusta causa. Sic excusantur parantes necessaria ad victum, ut qui carnes, coquant, aut vendunt, &c. non tamen excusantur molitores; quia exercent opus servile, & magni laboris, nisi id faciant ex necessitate; neque excusantur pistorum, qui panem pridie conficere potuerunt. Excusantur item, qui segetes metunt, fruges colligunt, &c. in die festo, ne corrumpantur. Item qui diurno labore victum quaerunt. tom. 2. p. 279. & 280. n. 8. & seq.

20. Quinta causa excusans est obedientia, vel coactio: hinc excusantur famuli & serui iussu dominorum laborantes. Sexta est absentia à loco, ubi festum colitur. Septima est dispensatio ab Episcopo petenda, aut à Parocho, si Episcopus commodè adiri non potest. Octava denique est consuetudo; hæc enim legi derogare potest. tom. 2. p. 280. n. 16. & seq.

F E V D V M.

Quid, & quomplex sit Feudum?

1. **F**EUDUM, quod dictum est à *fide*, seu *fidelitate*, est contractus, quo infeudator, id est, dominus feudi, tradit feudatario, siue vassal o rem suam immobilem quoad dominium vtile, cum onere obsequij, & seruitij personalis. Vnde patet discrimen inter *feudum*, & *emphyteusim*, ratione pensionis: nam quatenus pensio est personalis, id est, consistens in obsequio personali, dicitur feudum; quatenus verò pensio est realis, id est, consistens in pecunia, vel frumento, vel alia re simili, dicitur emphyteusis. Differt etiam à *venditione*; eò quod in venditione transfertur dominium vtile, & directum, in emphyteusi verò tantum vtile. *tom.*

2. pag. 569. n. 2. & seq.

2. Feudum aliud est *proprium*, aliud *improprium*. *Proprium* est, quod feudi naturam seruat: *Improprium*, quod ex pacto naturam feudi mutat. Rursus feudum aliud est *regale*, quod à Principe, qui superiorem non agnoscit, obtinetur, & præter iurisdictionem, confert etiam titulum honorificum, vt Ducatus, Marchionatus, &c. Aliud *non regale*, quod nihil dignitatis, vel eminentiæ tribuit, siue conferatur à Principe, siue ab alio inferiore. Item aliud est *antiquum*, quod maiores communis agnationis habuerunt, supra quartum gradum; aliud *paternum*, quod possederunt parentes, seu progenitores vsque ad quartum gradum; aliud *nouum*, quod non obtinetur ex successione; sed in ipsa inuestiti persona cœpit. Item aliud *nobile* quod nobilem facit, vel iam factum nobilem demonstrat; aliud *ignobile*, quod nobilitatem non confert. Item aliud est *Ecclesiasticum*, quod vel ab Ecclesia, vel ipsi Ecclesiæ confertur; aliud *seculare*, quod à laico obtinetur. Item aliud est *masculinum*, seu *fœmininum*. Item aliud est *hereditarium*, quod ad hæredes licet extraneos transmitti potest: aliud *non hereditarium*, quod ad hæredes extraneos transire nequit, sed ad filios, seu agnatos; etiam si forte non sint hæredes. Item aliud est *reale*, quod ad hæredes transit, aliud *personale*, quod hæret in persona accipientis, nec ad alios transit. Item, aliud est *diuiduum*, quod diuidi potest; aliud *indiuiduum*, quod diuidi non potest, vt sunt Regnum, Ducatus, Marchionatus, &c. Item aliud est *ligium*, quo quis iurat alicui se ei fidelem futurum, nullo excepto; aliud *non ligium*, quo quis iurat alicui fidelitatem, excepto supremo dominio, vt si quis iuret Duci se ei fidelem futurum, exceptis his, quæ pertinent ad Imperatorem, vel Regem. Denique aliud

aliud est *francum*, quod est liberum à psonalibus feudorum legibus, seu ab omnibus seruitiis, exceptis contentis in forma iuramenti fidelitatis; aliud *non francum*, quod à seruitiis non est immune. tom. 2. pag. 574. n. 1. & 2.

Quis feudum dare, aut accipere possit?

3. Omnes qui liberam bonorum suorum administrationem habent, dare possunt in feudum, nisi aliquo iure prohibeantur. Iure tamen feudorum ius dandi in feudum iis tantum competere videtur, qui dignitatem & iurisdictionem habent: nam feudum supponit vassallos. Hinc sequitur Episcopum, aut alios Prælatos non posse bona Ecclesiæ in feudum dare, nisi ab antiquo in feudum dari consueverint. *ibid. n. 1.*

4. Omnes, regulariter loquendo, feudum accipere possunt. Vassallus tamen non potest in præiudicium domini principalis feudum dare. At si sermo sit de successione in feudum, illi succedunt, quos inuestitura comprehendit, & quos ius, vel consuetudo non excludit. Hinc sequitur illegitimos, nisi per subsequens matrimonium legitimentur, aut nisi exprimantur, non succedere in feudum, quia excluduntur à iure; necnon adoptiuos, quia ius illos excludit. *ibid. n. 1. & pag. 571. n. 2.*

5. Propinqui laterales, deficientibus liberis, succedunt in feudum paternum, vel antiquum; dummodò in inuestitura aliud non habeatur. & descendentes sint agnati: nam si cognati tantum sint, non succedunt in feudum; sicut enim scemina excluduntur à feudo, ita etiam descendentes ex eis. Ob id masculi descendentes ex sceminis, non sunt agnati, sed alterius familiæ distinctæ à familia illius, cui inuestitura concessa fuerat. Eandem etiam ob causam fratres vterini non succedunt sibi inuicem in feudo, quia non sunt eiusdem agnationis. tom. 2. pag. 575. n. 2.

6. Filij, seu descendentes succedunt in feudum, etiam si sint clerici, & beneficium Ecclesiasticum, vel Ordinem sacrum habeant; possunt enim domino seruitium, & obsequium per alium præstare, & iustam habent causam, propter quam personaliter inservire nequeant, modò in institutione feudi adiecta non fuerit clausula, *Ne in feudum clerici succedant.* *ibid.*

7. Religiosus, seu potius monasterium, in feudum succedit, modò religiosus professionē emisit in religione capaci successione, nec feudum habeat adnexam dignitatem, & modò obsequium præstandum à feudatario non dedecet statum religiosum aut saltem tale sit, quod per substitutum præstari possit. At si seruitium personale sit, eiusmodi, ut à religione decenter præstari non possit per se, vel per substitutum, tunc feudum ad monasterium non transit:

transit: quia feudum non transit nisi cum onere: igitur si monasterium sit incapax oneris, erit etiam feudi. *ibid.*

8. Quando feudum concessum fuit cum clausula excludente religiosos, nihilominus equites commendatarii, non solum ij qui matrimonium inire possunt, verum equites S. Ioannis succedere possunt: quia licet sint verè, & propriè religiosi, nihilominus cessant rationes ob quas religiosi in monasteriis degentes excluduntur: isti enim equites latum habent paupertatis votum, splendide viuunt, familiæ decus, honorem, & agnationem conseruant, quod non faciunt alij religiosi. *tom. 2. pag. 576. n. 4.*

9. Hæredes extranei non succedunt in feudum, nisi sufficienter exprimantur: quia successio extraneorum est odiosa in feudis. Hinc patet feudum alicui concessum, non facta mentione hæredum, non transire ad hæredes extraneos. Immo si simpliciter exprimantur hæredes, communior est Doctorum sententia, feudum non extendi ad hæredes extraneos: quia nomine hæredum in feudis intelliguntur tantum legitimi descendentes ab eo, qui est caput agnationis communis. *ibid.*

10. Quando feudum concessum est alicui pro se, & successoribus, seu agnatis, possunt agnati succedere vsque ad septimum gradum. *ibid. n. 5.*

11. Fœminæ non succedunt in feudum, nisi earum mentio fiat in prima inuestitura, aut nisi feudum sit fœmineum, vel frâcum, aut nisi consuetudo loci aliud ferat: quia fœminæ iure communi non admittuntur ad feudum, cum seruitia personalia præstare non possint. Quare deficientibus masculis, feudum ad dominum redit, etiamsi in inuestitura dicatur, *pro se, & heredibus*; nam fœminæ in feudis non comprehenduntur, nisi exprimantur. Tamen in feudum francum fœminæ succedunt deficientibus masculis ab eo descendantibus, qui inuestiturâ accepit: quia ratio præcipua ob quam fœminæ à feudis excluduntur, est, quia nō sunt idoneæ ad bellū, & obsequia quibus feudatarij obstringi solent: si ergo alicui feudū concedatur sine onere, vel cum eo solum obsequio quod à fœminis æquè ac masculis obiri possit, dicendum est fœminas ab huiusmodi feudo non excludi, nisi specialibus verbis in inuestitura excludatur. *to. 2. p. 576. 577. n. 5. & 6.*

Conditiones fendi.

12. Ad feudum quatuor saltem conditiones requiruntur. 1. vt dominium directum perseueret apud priorem dominum, dominium verò vtile transferatur in vassallum. 2. vt feudum cōstituat super re immobili. 3. vt vassallus non alienet feudum sine consensu domini directi, cuius est inuestire, & in possessionem mittere,

mittere, alioquin vassallus excidit à feudo. 4. vt vassallus præster obsequium personale, si exigatur, alioquin incidit in caducitatem. 5. vt vassallus à domino inuestiatur, & in possessione feudi dimittatur, præmissis fidelitatis iuramento. Soleant autem adhiberi testes, vt inuestitura sit valida. *tom. 2. p. 578. n. 1.*

13. Quando plures factæ sunt inuestituræ inter se diuersæ, standum est primæ, quando in ea maius quæsitum est ius vassallo, quàm exprimitur in secunda, vt si prima inuestitura facta fuerat non solum pro masculis, sed etiam pro fœminis, secunda verò pro solis masculis: quia ius per primam inuestituram acquisitum non adimitur per secundam absque iusta causa. *ibid. n. 2.*

Quid in feudum dari possit?

14. Quod datur in feudum, debet esse immobile, vel haberi pro immobili, sic enim vsu receptum est. Præterea debet esse liberum, neque alteri obligatum: quia nullus potest ius inalterum transferre, quod ipse non habet. Qui verò rem alteri obligatam tradit in feudum, tenetur damnum illatum rescire, & qui rem illam accepit in feudum nesciens alteri esse obligatam, agere potest contra dominum, vt rem æqualis bonitatis, & valoris sibi restituat. *ibid. n. 1. & 2.*

Ad quod feudatarius obligetur?

15. Prima feudatarij obligatio est, vt præstet iuramentum fidelitatis, vel etiam obsequij; iuramentum tamen non est de substantia feudi, sed promissio fidelitatis. Quando autem plures sunt hæredes feudatarij, omnes tenentur iuramentum fidelitatis præstare: par enim est omnium ratio, & obligatio, excipe communitatē, cui si feudum concedatur, sufficit, vt vnus nomine totius communitatis iuret. Secunda obligatio feudatarij est, vt præstet obsequium domino promissum. Tertia, vt feudatarius non alienet feudum absq; consensu domini directi. *tom. 1. p. 579. n. 1. 2. & 3.*

16. Vassallus, seu feudatarius potest feudum alteri dare in feudum, modò det pari, nec mutet condiciones, & pacta, quibus ipse feudum accepit, nec pretium inuestituræ accipiat: sic enim non affert damnum domino, sed meliorem efficit ipsius conditionem, cum nouum ei Vassallum acquirit; nec ipse per infeudationē desinat esse vassallus prioris domini: quo fit, vt dominus exigere possit obsequium ab utroque, & primum compellere, vt cogat secundum ad obsequium sibi præstandum. *ibid. n. 3.*

17. Vassallus potest feudo inuito domino renūciare, sicque fieri liber ab obsequio: quia hæc non est alienatio, sed repositio in priori statu, & obligatio feudatarij magis oritur ex re, quàm

ex persona : ergo re dimissa cessat obligatio. *ibid.n.3.*

18. In alienatione feudi paterni , vel antiqui , vel etiam noui, accepti pro se, filiis, & descendentes, præter consensum domini, requiritur etiam consensus filiorum, seu agnatorum; quia per huiusmodi feudum ius ipsis acquisitum est. Si verò feudum est hæreditarium, ita ut liberū sit vassallo illud relinquere, cui voluerit, sufficit consensus domini ad eius alienationem. *ibid.n.5.*

19. Sicut feudatarius obligationes contrahit, ita etiam iura, & actiones acquirit. 1. enim acquirit dominium utile. 2. agere potest, ut post inuestituram tradatur ei possessio; in feudo tamen antiquo sufficit renouatio inuestituræ. 3. si feudale prædium cuiusdam fuit, vassallus, qui putabat prædium esse domini concedentis, potest contra dominum agere, ut illud prædium, aut aliud æquale sibi restituatur. 4. si dominus grauem iniuriam inferat vassallo, datur illi actio, qua petat se eximi ab omni obsequio, ad quod iure feudi tenebatur. *ibid.n.7.*

20. Tribus modis potest quis acquirere feudum. 1. inuestitura. 2. successione. 3. præscriptione. Feudum autem sæculare præscribitur spatio. 30. annorum, Ecclesiasticum spatio. 40. Verum contra Ecclesiam Romanam requiritur spatium centum annorum. *ibid.n.8.*

Cur feudatarius feudum amittat?

21. Tribus de causis vassallus feudum amittit. 1. est crimine in-gratitudinis, & contumaciæ contra dominum. 2. est duplex crimen commissum in personam diuersam à domino directo. Primum est fratricidium, secundum homicidium proditoriū. 3. causa quinque modis contingit 1. lapsu termini præscripti. 2. morte vassalli, non relictis filiis legitimis, vel agnatis. 3. professione in religione incapaci successionis. 4. præscriptione 30. annorum. 5. renunciatione. *tom. 2. p. 580. n. 1. & seq.*

22. Melioramenta, quæ vassallus fecit in re feudali, quando feudum reuertitur ad dominum pertinent ad vassallum, quando ipsius industria facta sunt : quia vassallus non tenetur suis sumptibus dominum locuplerem facere. Fructus item rei feudalis pertinent ad vassallum, nisi aliter conuentum sit: quia vassallus acquirit dominium utile, ac proinde fructus percipit usque ad mortem vassalli pertinent ad vassallum; percipiendi verò post ipsius obitum debentur illi, ad quem feudum transfertur; nisi locorum consuetudo aliud ferat. *tom. 2. pag. 581. n. 3. & 4.*

Quis sit index causa feudalis?

23. Quando inter vassallos laicos non inuestitos à Rege, vel Principe

Princeps, lis est de feudo, iudex competens est dominus feudi: ab ipso enim iure constituitur iudex. At si controuersia sit inter vassallum & extraneum, iudicium pertinet ad iudicem loci ordinarium. Quando est controuersia inter vassallum & dominum feudi de re non feudali, iudicium pertinet ad ordinarium loci: quia nemo potest esse iudex in sua causa. Si verò inter vassallum, & dominum feudi lis sit de re feudali, controuersia dirimenda est per partes curiæ, id est, per vassallos eiusdem domini conuocatos. *ibid. n. 1.*

24. Quando inter vassallos clericos dissensio est de feudo, communior Doctorum sententia est causam feudalem cognosci posse à domino laico: quia clericus tunc temporis non subicitur laico tanquam persona Ecclesiastica, sed tanquam vassallus. Ad hæc lex feudorum approbatur à Summo Pontifice, lex autem feudorum est, vt lis de re feudali inter vassallos à domino dirimatur. *ibid.*

Fideiussio.

1. Fideiussio est contractus, quo quis in se suscipit obligationem alterius, promittens sub fide sua illius adimplentionem, seque obligans in defectum illius. Quare fideiussor, regulariter loquendo, non debet conueniri antequam solutio petatur à principali debitore: nam iure nouo sancitum est, vt debitor principalis prius conueniatur, quando ipse præsens est, & est soluendo: si verò absens sit, vel non sit soluendo in totum, vel in partem, tunc in subsidium fideiussor conueniri potest. *tom. 2. p. 582. n. 1. §. 4.*

2. Quando plures sunt fideiussores, si fideiubent in partem, tenentur tantum ad partem: si verò fideiubent in solidum, creditor potest à singulis integram solutionem exigere: liberum enim est creditori conuenire, quem voluerit ex multis in solidum obligatis. In hoc tamen casu, fideiussori conuenito competit exceptio diuisionis, id est, ius cogendi creditorem ad diuidendam actionem, ita vt à quolibet fideiussore partem contingentem petat, *ibid. n. 6.*

3. Fideiussor, qui vnus è multis in solidum soluit, potest vt privilegio cedendarum actionum, cogendo videlicet creditorem vt sibi cedat actiones, quas contra alios fideiussores habet, sicque potest ab alijs exigere pro rata, seque indemnem seruare; neque tenetur ipse in solidum soluere, donec creditor huiusmodi actiones cedat. Debet autem fideiussor petere hanc cessionem antequam soluat creditori: nam si facta solutione illam petat, iam non potest creditor cedere illam actionem: quia nullum ei relictum

licitum est ius in alios fideiussores, cum ei fuerit integrè satisfactum. *ibid. n. 7.*

4. Fideiussor liber manet ab obligatione fideiussionis, si creditor proroget terminum debitori, pro quo fideiusserrat. Quia obligatio non se extendit ultra conventionem partium: ergo qui fideiussit pro aliquo tempore, ultra illud tempus non obligatur. At si fideiussor se obligauit simpliciter absque vlla limitatione temporis, non liberatur ab obligatione per termini prorogatione. *ibid. num. 8.*

5. Qui fideiussit pro reo adducto in periculum capitis, non est plectendus capite, reo fugiente: quia fideiussor non præsumitur se ad hanc pœnam obligasse; immò nec potuit se obligare, cum non sit vitæ suæ dominus. *ibid. n. 10.*

6. In tribus casibus fideiussor potest contra debitorem agere, vt liberetur à fideiussione. 1. quando fideiussor condemnatus fuit ad soluendum. 2. quando debitor ad inopiam vergit. 3. quando debitor diu fuit in mora soluendi post elapsum tempus constitutum. *tom. 2. pag. 589. n. 11.*

7. Potest fideiussor pecuniam accipere pro fideiussione: quia suscepit obligationem pretio æstimabilem, neque tenetur eam gratis suscipere, etiamsi nihil patiatur incommodi, aut laboris fideiubendo. Potest etiam creditor aliquid accipere à fideiussore volente se eximere ab obligatione fideiussionis ratione periculi, cui se exponit amittendi creditum. *ibid. n. 12. & 13.*

8. Debitor tenetur non solum restituere fideiussori id, quod pro ipso soluit, verum etiam expensas, & damna, quæ passus est culpâ debitoris. Quia debitor peccauit contra iustitiam non restituendo, cum posset igitur, tenetur resarcire damnum, quod ex illa mora passus est fideiussor, cum ex peccato contra iustitiam oriatur obligatio restituendi. At si nulla intercessit culpa debitoris, sed tantum impotentia; videtur solum obligandus ad restitutionem debiti principalis. *ibid. n. 14.*

9. Obligatio fideiussionis transit ad hæredes; quia obligatio ex contractu transmittitur ad hæredes. *ibid. n. 16.*

10. Qui habet bona ad satisfaciendum in defectum principalis debitoris, modò liberam habeat illorum administrationem, nec repellatur à iure, potest pro altero fideiubere. Hinc pupilli, filij familias, & minores excluduntur à fideiussione, nisi fideiubendum sit pro patre in carcerem coniecto. Extra hunc casum fideiussio à minore facta sine consensu curatoris non obligat, nisi fortè naturaliter, & minori competit priuilegium restitutionis in integrum ad obligationem elidendam. Item clerici non possunt nisi rarò fideiubere, quod sine Ecclesiæ damno fiat.

Item mulier nō potest pro viro validē fideiubere, neque pro alio, nisi cum instrumento publico tribus testibus adhibitis cum subscriptione; tunc enim valida est fideiussio, quamvis mulier possit eam rescindere priuilegio Senatusconsulti Velleiani, his casibus exceptis. 1. si fideiubet accepro pretio, vel addito iuramento. 2. si cessit priuilegio sibi concessio per renunciationem factam coram magistratu, vel cum iuramento. 3. si fideiubeat pro dote alterius. 4. si fideiubeat pro suo creditore. 5. si pro libertate serui. 6. si fideiussit in fraudem, vt deciperet. 7. si fideiussit, & postea elapso anno pignus dedit, aut obligationem iterum suscepit. *ib. n. 1. & seq. & pag. 590.*

FIDES.

Quid sit fides?

1. **F**ides est virtus supernaturalis inclinans intellectum ad credendas res à Deo reuelatas propter ipsius auctoritatem. Hinc intelligitur fidei nostræ certitudo, quippe quæ infallibili Dei testimonio nitatur, qui nec fallere potest, nec falli. *rom. 2. pag. 148. n. 1. & 5.*

2. In Beatis neque est actus fidei, quia quæ cognoscuntur à Beatis, clarè cognoscuntur; neque habitus, quia frustra est habitus, vbi possibilis non est actus. In dæmonibus item, & damnatis non est fides supernaturalis: illud enim Iacobi 2. *Dæmones credunt, & contremiscunt*, intelligendum est de fide naturali. Item in hæreticis non est habitus fidei; quia amittitur per infidelitatem; neque actus, quia hæreticus non credit propter diuinam auctoritatem, tanquam propter rationem formalem credendi *ibid. n. 7. 9. & 10.*

De fidei necessitate.

3. Fides actualis omnibus præditis vsu rationis necessaria est necessitate mediæ ad gratiam, & ad gloriam, non solum implicite, verum etiam explicite quoad aliquos articulos, nempe quoad mysterium Trinitatis, Incarnationis, mortis, & resurrectionis Christi: nam vt ait Paulus Hebræor. 11. *Accedentem ad Deum oportet credere, quia est.* *rom. 2. p. 149. n. 5. & 6.*

4. Non tantum necessaria est fides actualis necessitate mediæ, verum etiam necessitate præcepti; quia Marci ultimo dicitur: *Qui crediderit, & baptizatus fuerit, saluus erit: qui vero non crediderit, condemnabitur.*

5. In his casibus tenetur homo vi præcepti elicere actus fidei, quando baptizatus est in infantia, & postea adeptus vsum rationis cognoscit fidei necessitatem : quilibet enim tenetur assumere medium necessarium ad salutem, alioquin graviter peccat exponendo se periculo damnationis. 2. tenetur homo fidei actum elicere, quando tenetur se ad Deum convertere, & gratiam amissam recuperare : hoc enim fieri nequit sine spe, spes autem sine actu fidei haberi non potest. 3. quando fidem tenetur exterius confiteri, quod fieri non potest absque actu fidei interno. 4. quando est periculum incidendi in aliquod peccatum, nisi actus fidei eliciatur. 5. in articulo mortis: tunc enim tenetur homo se ad Deum convertere per actum contritionis, qui habet adiunctum fidei, & spei actum saltem implicitum. *ibid. n. 8. & pag. 150. n. 10. & seq.*

6. Illi, quibus alios docendi cura incumbit, tenentur explicitè nosse, & credere articulos fidei in Symbolo contentos, & alios iuxta suum statum, & officium. Idcirco Episcopus tenetur plura nosse, quàm simplex Sacerdos; & concionator, quàm alij fideles. Singuli autem homines postquam rationis vsum sunt adepti, tenentur explicitè credere Symboli articulos, præcepta decalogi, & Ecclesiæ, necnon pertinentia ad substantiam Sacramentorum, quæ tenentur, aut quæ volunt suscipere: ignorantia tamen inuincibilis excusat. *ibid. n. 13.*

7. Confessarius tenetur interrogare pœnitentem circa articulos fidei, quando præsumit illos ignorari à pœnitente, quos ex præcepto tenetur nosse. Quando verò inuenit pœnitentem ea ignorantem, quæ scire tenetur, debet illum instruere ante absolutionem, vel dimittere, donec ea didicerit, vel saltem ea docere, quæ explicitè credenda sunt necessitate medijs, tum poterit illum absolvere, modò prius eliciat dolorem de præterita culpabili ignoratiâ cum proposito discendi quamprimum, quæ discere tenetur. *ibid. n. 15. & 16.*

8. Homo tenetur aliquando ex præcepto affirmatiuo fidem exterius confiteri. 1. quando Dei honor agitur. 2. ut consularis saluti proximi, & scandalum vitetur. Hinc sequitur Pastores graviter peccare, qui tempore persecutionis fugiunt, & suas Ecclesias deserunt, nisi alium idoneum in suum locum substituant, aut nisi Christiana prudentia dicat ipsorum fugam maiori Ecclesiæ bono necessariam esse. *tom. 2. pag. 151. num. 3. & pag. 152. n. 9.*

9. Qui munus suscipiunt docendi artem aliquem literariam, ut Medicinam, Theologiam, Grammaticam, &c. etiamsi priuatim doceant, tenentur ex decreto Pij V. quod incipit: *In*

sacrosancta, facere fidei professionem sub peccato mort. nisi aliter usu receptum sit. Item qui ad beneficia parochialia promouentur, vel canonicatum, aut dignitatem obtinent in Ecclesia cathedrali; tenentur sub mortali per se, aut per procuratorem fidei professionem facere coram Episcopo, vel ipsius Vicario intra bimestre à die initæ possessionis. *ibid. n. 14.*

10. Præceptum de non neganda fide obligat semper, & ad semper. Quare grauitur peccat contra fidem, qui interrogatus negat se esse Christianum, aut dicit se esse Turcam, vel hæreticum, vel qui vitur signis, vel factis protestatiuis falsæ sectæ, etiamsi id non faciat animo negandæ fidei, sed celandæ religionis: hoc enim est intrinsecè malum. At si actiones, & signa sint ex sua natura indifferentia, non est peccatum mort. contra fidem illis uti citra scandalum, & absque animo protestandæ falsæ religionis. Hinc excusantur milites assumptes insignia infidelium, ut infideles in bello occidant, vel ne ab ipsis capiantur, modò illa signa non sint ex se falsæ sectæ protestatiua, cuiusmodi sunt vexilla, quæ Mahumeti, vel falsi alicuius Dei effigiem præferunt. *tom. 2. pag. 152. n. 16. & seq.*

11. Non licet metu mortis, aut proscriptionis bonorum ingredi templa hæreticorum, aut ipsorum conciones audire, quando Princeps hoc fieri præcipit in contemptum, vel odium nostræ religionis, vel ad profitendam hæreticorum sectam: illo enim actu externo contemnitur religio, cuius conseruatio vitæ propriæ est anteponenda *tom. 2. pag. 153 n. 22.*

12. Qui metu mortis, vel amissionis bonorum, vel carceris inter hæreticos vescitur carnibus feria 6. vel die Sabbati, non peccat contra præceptum negatiuum fidei: quia esus carniū non est signum ex sua natura protestatiuum hæreseos: *ibidem, numero 23.*

13. Licet homini Catholico in terris Gentilium, vel Turcarum iusta de causa uti signis, aut vestibus, quæ iuxta regionis consuetudinem adhiberi consueverunt; licet item carnibus vesci diebus ab Ecclesia vetitis; quia hæc nō sunt signa ex se protestatiua falsæ religionis. Non tamen licet Hebræorum synagogas, & moscheas adire, quo tempore infideles ad eas confluunt orandi causa: hoc enim signum ex se significatiuum est falsæ religionis. *ibid. n. 7.*

14. Possunt viri docti instam ob causam de rebus fidei disputare, exceptis laicis, quibus sub poena excommunicationis ferendæ sententiæ interdicitur publica, vel occulta de rebus fidei disputatio, licet alioquin sint harum rerum periti; nisi illud decretum sit alicubi per contrariam consuetudinem abrogatum,

aut

aut instet necessitas disputandi, si sit periculum ne quis ab hæretico perueratur, nec ullus adsit clericus, aut religiosus, qui hæretici errores confutare possit. Porro illud decretum intelligendum est de disputatione formali, quæ suscipitur ad persuadendam veritatem, siue inter catholicos, siue inter catholicos, & hæreticos non autem de disputatione, quæ suscipitur exercitationis causa, ut in circulis, & scholis fieri solet. *tom. 2. pag. 156. n. 1. & seq.*

Communicatio cum fidelibus.

15. Non possunt fideles cum infidelibus communicare, quando ex eorum communicatione periculum imminet peruersionis. Specialiter autem prohibita est communicatio cum Iudæis in his casibus. 1. in cohabitatione. 2. in esu azymorum, seclusa necessitate. 3. ne aduocet medicus Iudæus ad medendum, nisi sit longè alius peritior, aut nullus alius haberi possit. 4. ne sumantur medicamenta à Iudæis parata. 5. ne infidelis in idem balneum ingrediatur, ita ut cum Iudæo communicet in lotionem. In his quinque casibus interdicitur communicatio cum Iudæis sub pœna excommunicationis ferendæ, si fuerint laici; clericis verò sub pœna depositionis. 6. interdicitur conuiuium cum Iudæis. 7. ne Christianæ mulieres nutrant filios Iudæorum in ipsorum domibus. 8. ne Christiani accedant ad nuptias, vel solennitates Iudæorum, nec choreas cum ipsis ducant. 9. ne Iudæi ad publica officia inter Christianos admittantur. *tom. 2. pag. 157. n. 1. & 2.*

16. Infideles ad Missæ sacrificium admitti non possunt, ad orationem priuatam cum fidelibus possunt. Porro licet cum infidelibus inire contractum venditionis, aut emptionis (excepta delatione armorum ad ipsos, quæ in Bulla Cœnæ sub excommunicatione prohibetur) aut eis locare res nostras: hæc enim nullo iure prohibentur. Matrimonium verò fidelis cum infideli propter impedimentum disparitatis cultus est inualidum. *ibid. n. 2.*

Species infidelitatis.

17. Species infidelitatis sunt tres Paganismus, Iudaismus, & Hæresis. *Pagani* dicuntur, qui quomodocumque peccant contra fidem, quam tamen nunquam promiserunt. *Iudæi*, qui promissionem simplici promiserunt fidem: ante Christi aduentum, quem ipsi existimant falsò nondum aduenisse. *Hæretici*, qui solemniter in Baptismo fidem promiserunt. Hæc autem species infidelitatis inter se specie differunt, consequenter constituunt peccata specie diuersa in confessione explicanda. *ibid. num. 1. & 2.*

18. Hæretici cogi possunt proposita pœna capitis, vel excommunicationis ad fidem suscipiendam: quia sunt subditi

Ecclesiæ. At infideles non baptizati nulla lege cogi possunt; muneribus tamen, & blanditiis ad fidem allici possunt. Princeps autem ius habet prohibendi subditos infideles ab idololatria; immò cogendi ad audiendū Euangelium, sicque vsu receptum est Romæ cum Iudæis; neque propterea coguntur ad fidem suscipiendam. Infideles verò non subditi cogi non possunt ad audiendum Euangelium, aut ad idololatriam abiiciendam; quia coactio, seu prohibitio supponit iurisdictionem: nullus autem habet iurisdictionem in non subditos. *tom. 2. pag. 158. num. 1. 2. & 3.*

Libertas religionis an permittenda?

19. Libertas religionis neque est introducenda, neque permittenda, nisi aliud postulet commune religionis bonum: quia ex duobus malis minus est eligendum. Ob commodum verò temporale permitti nullo modo potest: nam bona inferioris ordinis exponenda sunt periculo ad tuenda bona ordinis superioris. *ibid. §. 1.*

20. Princeps non tenetur stare promissioni, & pacto de permittenda libertate religionis, dum eā sine graui religionis damno potest impedire: quia promissio de re illicita, & turpi nō obligat, etiamsi confirmata fuerit iuramento. Secus dicendum, si Princeps libertatem religionis absque graui religionis periculo impedire non possit: quia in hoc casu promissio libertatis est licita; fides autem alteri data de re licita seruanda est. *pag. 159. §. 1.*

21. Facilius tolerari possunt Iudæi, quàm hæretici: tum quia ritus Iudæorum non ita noxij sunt religioni, ac libertas hæreticæ prauitatis; tum quia Iudæi seruiunt communi Reip. vtilitati, hæretici verò Reip. pacem; & tranquillitatem frequenter turbant; tum quia promissio Iudæorum conducit augmento fidei, quatenus speratur fore vt nonnulli in dies conuertantur; promissione verò hæreticorum plures in errorem inducuntur, quàm ad Christi fidem conuertantur; quippe hæresis vt cancer serpit. *ibid.*

22. Fœdus, promissio, seu contractus cū hæreticis validè celebratus, per se loquendo, seruandus est: quia fidelitas, pars est veritatis, & qui fidem datam non seruat, non est verax: neque propterea licet fidem hæreticis datam fallere, quia ipsi fidē Deo datam non seruant; sicut mihi non licet mentiri, quia alius mihi mentitus est. Hinc sequitur fidem hæreticis seruandam esse in saluo conductu: illam enim concessit Concil. Trident. *sess. 13. c. 15.* itaque fieri expedit bono communi: sic Carolus V. fidem Luthero datam seruauit. *ibid. §. 2.*

23. Obiicies Concilium Constantiense decreuisse fidem hæreti

hæreticis seruandam non esse, immò fidem datam non seruasse, cum Ioannem Hus, & Hieronymum Pragensem, qui ad Concil. sub fide publica accefferant, capite damnauit. *Resp.* Concilium Constantiense nunquam decreuisse fidem hæreticis datam non esse seruandam; sed sanxille potestatem Ecclesiasticam impediri non posse ob concessionem Principis secularis: consequenter iudicem Ecclesiasticum posse iurisdictionem suam exercere in personam Ecclesiasticam, etiamsi Princeps secularis saluum conductum ei concesserit: Princeps enim secularis non potest Ecclesiastico iudici facultatem adimere. Ideo Ioannes Hus combustus fuit, quia saluum conductum non acceperat à Concilio, sed à Sigismundo Imperatore, qui fidem ei dederat modò non fugeret, & conditiones seruaret; & tamen fugit, & conditiones violauit. Hieronymus verò Pragensis, flammis addictus fuit, tum quia saluum conductum non acceperat à Concilio; tum quia post ciuratham hæresim relapsus est. *ibid.*

FISCVS.

Quanam pertineant ad fiscum.

1. **E**A bona pertinent ad fiscum, quæ sunt delinquentis eo tempore, quo bona ipsius publicantur, modò non sint bona affixa personæ: quia post publicationem fiscus succedit in iura delinquentis. Non tamen censentur publicata bona quæ post condemnationem obueniunt reo, ex vltima voluntate, vt ex testamento, legato, vel fideicommisso: fiscus enim succedit solum in bona quæ pertinent ad delinquentem tempore publicationis. Secùs dicendum si reus adiit possessionem illorum bonorum ante condemnationem. Item hæreditas relicta reo ante patratum crimen non deuoluitur ad fiscum; si reus non adierat hæreditatem ante bonorù publicationem: quia fiscus non succedit in bona futura. Immò reus potest in fraudem fisci hæreditatē nondum aditam repudiare: quia non tenetur acquirere in commodum fisci. *tom. 2. p. 582. n. 1. & seq.*

2. Publicatis alicuius bonis censetur etiam publicatus vsusfructus, quem delinquens habebat: quia vsusfructus computatur inter bona delinquentis. Item res censui subiecta, cum possit ad extraneum transire, & à censuario alienari, censetur etiam publicari, si censuarius committat delictum publicatione dignum. Item ius patronatus, quando ad extraneos peruenire potest, in generali publicatione bonorum delinquentis censetur comprehendendi. *ibid. n. 11. 12. & 13.*

3. Publicatis patris bonis, censentur etiam publicata bona profectitia: hæc enim pertinent ad patrem, quoad dominium, & vsumfructum. At non censentur publicata filij bona castrensia, vel quasi castrensia: quia pertinent ad filium quoad proprietatem, administrationem, & vsumfructum. Bona autem aduentitia non publicantur quoad proprietatem; sed quoad vsumfructum, nisi pater illum remiserit filio ante crimen commissum, aut nisi filius fiat sui iuris: & eximatur à patria potestate. Porro publicatis patris bonis reservandum est aliquid pro alimentis, & legitima filiorum, excepto crimine hæresis, & læsæ maiestatis; tunc enim ob criminis atrocitatem filiis delinquentis nihil reservatur, *tom. 2. p. 583. n. 14. & 15.*

4. Publicatis mariti bonis, non censentur bona vxoris publicata: neque enim par est ut innocens ob delictum alterius damnum patiatur. Nisi ipsa nupserit scienter viro hæretico: tunc enim in poenam delicti publicatur dos vxoris ob crimen mariti. Non tamen vice versâ maritus ducens scienter vxorem hæreticam, eandem poenam subit: quia iura loquuntur de bonis dotalibus, maritus autem non affert dotem, sed vxor. Donata autem vxori à marito ob mariti delictum publicantur: cum enim hæc donatio non sit valida, nisi confirmetur morte, huiusmodi bona pertinent ad virum, quamdiu est superstes. *ibid. n. 16.*

5. Publicatis vxoris criminosa bonis, mortuo viro, censentur publicata omnia bona dotalia, paraphernalia, necnon accepta causa nuptiarum, & alia quæ ad ipsam vxorem spectant. At vivente viro, dos vxoris non addicitur fisco, his quinque casibus exceptis. 1. crimine læsæ maiestatis. 2. violentiæ. 3. parricidij. 4. beneficij. 5. homicidij, his adde crimen hæresis. *tom. 2. p. 583. 584. not. 7.*

6. Publicatis bonis filij familias censentur publicata non solum bona castrensia, sed etiam aduentitia, saltem quoad proprietatem: non tamen bona profectitia, quia pertinent ad patrem; neque legitima filio debita ex bonis parentum adhuc superstitem: quia legitimus non debetur filio, adhuc vivente patre. modò eam pater non assignaverit, & tradiderit filio. Item alimenta debita filiis à parentibus non censentur publicata; quia ius alimentorum est personale *tom. 2. p. 584. n. 18.*

7. Publicatis bonis alicuius clerici habentis beneficium censentur publicata patrimonialia ipsius bona non autem acquisita ratione beneficii, nisi fortè in iis locis, ubi legitima consuetudine receptum est, ut beneficiarij de prouentibus beneficij legitime retineantur in quoscunque etiam extraneos: fiscus enim succedit in bona delinquentis, quæ possunt ad extraneum transferri. *ibid. n. 19.*

8. Bona

8. Bona defuncti criminosi, qui commiserat crimen, ratione cuius bona ipsius erant ipso facto addita fisco possunt publicari, & à fisco capi, etiam post mortē criminosi, quia fiscus post mortem illius non amisit ius suum: modò hæres illa non præscripserit legitimo tempore, & cum bona fide. Legitimum autem tempus præscribendi bona hæretici, est spatium 40. annorum, si hæres illa possedit tanto tempore nesciens defunctum fuisse hæreticum. *tom. 8. p. 585. n. 22.*

Alienatio bonorum in fraudem fisci.

9. Valida est bonorum alienatio facta à delinquente, cui ob delictum non est interdicta bonorum administratio, & cuius bona non publicantur ipso iure; modò non sit facta in fraudem fisci aut post sententiam: quia nullum ius competit fisco in delinquentis bonis. At si facta fuit alienatio in fraudem fisci (quod ex circumstantiis & coniecturis iudicandum est) reuocatur à fisco post sententiam, non solùm quoad rem ipsam, sed etiam quoad fructus pendentes; quia censentur pars fundi, qui confiscatur: non tamen reuocatur alienatio fructuum ante sententiam perceptorum; quia dominium illorum erat penes possessorem in quem translatum est per legitimam alienationem. *ibid. n. 1. & seq.*

10. Qui commisit aliquod delictum propter quod ipso facto bona censentur publicata, non statim amittit bonorum dominium à die commissi criminis absolute, sed sub conditione, si iudex sententiam ferat criminis declaratoriam: quia pœna ipso iure lata, posita sententiâ criminis declaratoriâ, retrahitur ad diem parrati delicti, ac si tunc temporis lata fuisset declaratio, consequenter delinquens, posita declaratione criminis, amittit omnia bona, quæ habuit à die criminis commissi, necnon bonorum fructus, omnesque contractus, & alienationes factæ à delinquente reuocantur. Huiusmodi tamen alienationes secundum se videntur validæ, quia fiunt ab eo, qui nondum amisit dominium: verùm sequutâ sententiâ criminis declaratoriâ confiscatio retrahitur ad diem commissi delicti, consequenter ab eo die rescinduntur omnes alienationes post delictum factæ, & omnia delinquentis bona deuoluuntur ad fiscum, seclusâ præscriptione. *tom. 2. p. 585. 586. n. 1. & 2*

11. Qui commisit crimen propter quod bona ipso facto publicantur, grauius peccat, si alienet bona etiam ante sententiam criminis declaratoriam, contractu oneroso, non admonito accipiente de periculo: quia exponit accipientem periculo damni. facitque ipsi iniuriam non admonendo de periculo. Secus si delictum sit ita occultum, ut in iudicio probari non possit, aut si delin-

quens habeat bona non publicanda, quibus possit emptori integrè satisfacere. Adde delinquentem non peccare si alienat ob necessitatem, vel ad satisfaciendum creditoribus: hæc enim alienatio non tantum est licita, sed etiam valida, itavt à fisco reuocari non possit *pag. 586. n. 4.*

12. Quando delinquens, legitimè interrogatus à iudice, negat veritatem, & ob id non fertur sententia criminis declaratoria, non tenetur ad restituenda bona fisco: negans enim veritatem, non peccat contra iustitiam commutativam, in ordine ad eum cui poena erat applicanda. *tom. 2. p. 587. n. 6.*

13. Publicatis criminosis bonis, fiscus debet satisfacere debitis ab eo contractis: quia publicantur tantum bona criminosis bona autem alicuius dicuntur ea, quæ remanent deducto ære alieno. Hoc autem intelligendum est de debitis, ante delictum contractis: nam fiscus non tenetur satisfacere creditoribus ob debita post delictum contracta; non tenetur item refundere pretium iis qui bona emerunt à criminoso post crimen, cui est annexa bonorum publicatio, ipso facto: quia hæc bona pertinent ad fiscum, ac si à die patrati criminis, fisco fuissent addita & quamvis fiscus non statim acquisierit dominium, acquisivit tamen ius in illa bona; consequenter delinquens non potuit ea alienare in damnum fisci, neque fiscus tenetur pretium restituere, nisi quatenus delinquens factus fuit ditior; quia par non est, vt fiscus habeat rem simul & pretium. *ibid. n. 1. §. 2.*

14. Is cuius omnia bona fisco sunt addicta, non tenetur restituere creditoribus, si fiscus non satisfaciatur, etiam si criminosis aliunde acquirat bona & ad pinguiorem redeat fortunam, modò bona publicata sint sufficientia ad debita persoluenda, & modò delinquens ex privilegio Principis, rursus non obtineat eadem bona: quia tota obligatio, iure ita disponente, transit ad fiscum vnà cum bonis. Secus se res habet in cessione bonorum; in ea enim non transmittitur ad creditores obligatio soluendi. *ibid. num. 4.*

FOEMINA.

Fœmina ad Religionem cogenda. Not

1. **S**Ancitum est à Synodo Trident. *sess. 25. c. 18.* sub poena excommunicationis, ne quis vllam fœminam audeat ad ingressum in monasterium. vel suscipiendum habitum religionis, vel ad emitendam professionem cogere. *disp. 2. quest. 2. punct. 2. pag. 156. tom. 3.*

2. Qui inducit fœminam ad religionem per merum leuem, hanc

hanc censuram non incurrit: quia metus levis non sufficit ad coactionem. Item qui metum iuste incurrit. Item qui precibus etiam importunis, sed sine minis inducit. Item qui suadet fœminæ ingressum religionis iniecto metu privationis alicuius boni ad quod ipsa ius non habet. Cum enim ab his nulla vis inferatur, nulla excommunicatio incurritur. *ibid. pag. 156. 157. num. 3. & seq. tom. 3.*

3. Non incurritur hæc censura ab eo qui cogit fœminam ad emittendum votum ingrediendi religionem, etiamsi illud votum iuramento confirmetur; quia hic propriè non cogit ad vnum ex tribus sub excommunicatione prohibitis, id est ad ingressum in monasterium, vel ad habitum, vel ad professionem; præsertim cum istius voti dispensatio ab Episcopo faciliè obtineri queat. *ibid. pag. 157. num. 7. tom. 3.*

4. Qui dat auxilium, consilium vel fauorem ad ingressum in monasterium, vel ad susceptionem habitus, vel ad emissionem professionis, vel qui interponit quoquo modo præsentiam, vel consensum, vel auctoritatem suam sciens fœminam non sponte ingredi, &c. in eandem censuram incurrit. Hinc patet fieri posse, ut quamplurimi vinculo huius censuræ ligentur, ut Episcopus, Vicarius, Superiores, consanguinei puellæ, qui scientes illam invitam ingredi monasterium, auctoritatem vel præsentiam illi actui præbent. Non tamen statim dato auxilio, consilio vel fauore, vel præstituta auctoritate incurritur excommunicatio donec secutus sit effectus, id est, donec fœmina ingressa fuerit, vel susceperit habitum, &c. Quia ob actionem accessoriam non incurritur excommunicatio antequam sequatur effectus, seu actio principalis. *ibid. n. 9. & seq.*

5. Excipiendi sunt ab hac censura casus in iure expressi. Quamobrem qui egeret fœminam ad ingrediendum monasterium in pœnam alicuius peccati, vel ad cautionem pudicitiae, vel alia iusta de causa à iure permissa, huius Concilij censuram non incurreret. *ibid. n. 14.*

6. Cogentes viros ad religionem, huius decreti censura non ligantur, quia Trident. loquitur solum de cogentibus fœminas; lex autem pœnalis non est extendenda. *ibid. n. 15.*

7. Hæc excommunicatio nulli est reservata.

Fœmina à Religione non retrahenda.

8. In eod. Concilio Trident. sess. 25. cap. 18. additur alia excommunicatio contra eos, qui sine iusta causa fœminam impediunt ne velum accipiat, aut professionis votum emitat. *ibid. punct. 3. pag. 157. tom. 3.*

9. Impediens

9. Impediens fœminam ne faciat votum ingrediendi religionem, aut assumendi habitum religiosum, in hanc excommunicationem non incurrit; quia hic solum remotè, & indirectè impedit ingressum, aut professionem; & Concilium loquitur de voto professionis *ibid. pag. 158. n. 4.*

10. Qui solis precibus fœminam à religione retrahit, hanc excommunicationem non incurrit: quia preces non impediunt, nec tollunt libertatem *ibid. n. 5.*

11. Qui dolo fœminam retrahit à religione, censuram incurrit quia dolus aufert voluntarium *ibid. n. 6.*

12. Qui virum retrahit à religione, aut impedit ne professionem emitat, in hanc censuram non incidit; quia Concil. non loquitur de impediendis viros. *ibid. n. 7.*

13. Hæc excommunicatio nulli est reseruata.

*Fœmina ad testimonium ferendum non cogenda
ad iudicium.*

14. In cap. mulieres, de iudiciis in 6. ob honestatem, & decentiam statuitur ne fœminæ personaliter in iudicium ad ferendum testimonium accedere cogantur, exceptis casibus in iure expressis; sed cum necessarium fuerit earum testimonium, discernitur, ut iudex expensis partis producentis fœminas in testimonium, ad eas transmittat tabellionem, vel ut ipsemet accedat quoties testimonium mulieris per alium excipere non potest; At si casus fingatur, aut fraus committatur, ut iudex ad mulierem personaliter se conferat, qui confinxit, vel fraudem commisit, ipso facto pœnam excommunicationis incurrit. *disp. 2. quæst. 2. punct. 36. pag. 184. num. 1. tom. 3.*

15. Ipsa fœmina si aliquid confingat, vel utatur fraude, ut iudex ad se personaliter accedat, huic censuræ subicitur; quia textus vniuersaliter loquitur. *ibid. n. 6.* immò si ipse iudex causam accedendi ad fœminam confingat, ut ipsius testimonium excipiat, huius excommunicationis reus erit. *num. 7.* Secus autem si tantum sit conscius fraudis ab alio excogitatæ; quia posituè non cooperatur ad fraudem. *ibid. num. 9.*

16. Hæc excommunicatio non est reseruata.

Fornicatio.

1. Simplex fornicatio est concubitus soluti cum soluta. *Solutus* autem dicitur, qui est liber à coniugio, à voto, ab Ordine sacro, à religione, & à cognatione. Fornicatio est peccatum mortale, ut pote rectæ rationi, & iuri naturali admodum repugnans.

gnans. Vnde sequitur fornicationem nunquam esse licitam, quia est intrinsecè mala. *tom. 1. pag. 323. n. 2. & 3.*

1. Possunt Principes permittere meretrices in aliquo loco ciuitatis, ut vitetur maius malum. Neque mortaliter peccant, qui meretricibus domos locant ad habitandum, non autem ad meretricandum; neque enim censentur cooperari peccato illarum, cum locus se habeat extrinsecè, & remotè ad peccatum: modò domus, quæ locatur non habeat specialem aliquam opportunitatem ad peccandum ratione situs, aut alterius causæ, & modò non imminet graue damnum personis honestis, quæ in vicinia habitant. *ibid. num. 4. & 5.*

3. Famuli comitantes herum eunt ad meretrices, aut ducentes concubinâ in domum heri, aut deferentes munera, vel epistolam, &c. excusari possunt, si hæc absque graui damno omittere nequeant. Famulus tamen non potest deferre literas, quibus scit expressè peti concubinam ad copulam: hoc quippe est intrinsecè malum, cum sit cooperatio ad actum turpem. *ibid. n. 6.*

Frumentum.

1. Gregorius XIII. Paulus V. & Urbanus VIII. tulerunt excommunicationem contra exportantes frumentum, blada, legumina, & alia id genus extra statum Ecclesiasticum, vel è locis immediatè subiectis Ecclesiæ Rom. ad loca mediatè subiecta, *disp. 2. quæst. 3. punct. 42. pag. 254. tom. 3.*

2. Extrahentes farinam eâdem censurâ afficiuntur; farina quippe nihil aliud est quàm triticum, neque molitura naturam mutat. Secus dicendum de extrahentibus panem; tum quia specie differt à tritico, tum quia extractio panis non solet annonæ charitatem inducere, cum difficile sit panem in magna quantitate extrahere; tum quia in materia pœnali non est facienda extensio. *ibid. n. 4. & pag. 255. n. 5. tom. 3.*

3. Transferentes oleum extra statum Ecclesiasticum ad ditionem alterius Principis in hanc censuram incurrunt; id enim exprimitur in Bullâ Pauli V. nomine autem olei intelliguntur etiam olæ seu baccæ maturæ, & iam aptæ ad faciendum oleum aliæ verò acerbæ, quæ condiuntur, & asseruantur in cibum non item. *ibid. n. 6.*

4. Hæc excommunicatio afficit etiam exportantes frumenta in proprios vsus, siue familiæ sine magna necessitate. Qui verò eam tantum quantitatem extrahunt, quæ ad necessariam sui, & familiæ sustentationem sufficiat ad vnum annum vsque ad nouam messem, ab hac censurâ excusatur. *ibid. n. 11.*

5. Excusantur item rustici, & pauperes operarii, qui mercedem

dem diuinam non nisi in grano, aut aliis annonæ generibus conseq̃ui possunt, aut qui ad mercatus pullos, oua, fructus, & similia in parua quantitate ferunt, & ex pretio harum rerum, panem, farinam, & similia pro suo, & familiæ vsu emunt, & extra statum Ecclesiasticum exportant, modò id fiat sine dolo, & non causa mercaturæ. *ibid.*

6. Excusat etiam paruitas materiæ, quæ prudentis viri iudicio pensanda est: si quis tamen sæpius frumenta in parua quantitate exportaret, hanc censurâ incurreret cùm ad eam quantitatem peruenisset, quæ ad peccatum mortale sufficeret; illæ enim modicæ extractiones sæpius repetitæ statui Ecclesiastico notabile damnum inferunt. *ibid. pag. 256. n. 13. & 14. tom. 3.*

7. Probabile est hanc excommunicationem esse Papæ reſeruatam n. 16.

Furtum.

1. Furtum est occulta ablatio rei alienæ, domino rationabiliter inuito. Hinc patet illum non committere furtum, qui probabiliter credens dominum id permissurum si adesset, accipit rem alienam; aut qui extrema necessitate compulsus aliquid aufert. *tom. 2. pag. 447. n. 1.*

2. Rapina propriè sumpta, est ablatio rei alienæ per violentiam, in quo differt à furto; nam ratione violentiæ dominus est magis inuitus quàm in furto. Furtum autè, & rapina sunt peccata mortalia ex suo genere; vtrumque enim est contra iustitiam. Ex triplici tamen capite furtum fieri potest peccatum veniale. 1. ex indeliberatione. 2. ex paruitate materiæ, 3. quando dominus non est inuitus quoad substantiam rei acceptæ, sed solum quoad modum. Hinc fit, vt vxor clàm aliquid auferens marito, filius patri, vel auo, nepos patruo, &c. sæpè excusetur à peccato mortali, neque teneatur ad restitutionem: quia nihil inuito domino retinetur. *tom. 2. pag. 447. n. 3. & pag. 448. n. 5. & 6.*

3. Illa quantitas sufficit ad peccatum mortale furti, quæ omnibus spectatis infert domino graue damnum. Notandum verò ex furto non semper oriri æquale damnum respectu omnium: nam respectu personarum illustrium, nummus aureus vt minimum, est materia notabilis, & sufficiens ad peccatum mortale. Respectu eorum qui viuunt ex suis redditibus, quatuor regales circiter, sunt materia notabilis, respectu eorum qui suo sibi labore victum quærun, duo regales sufficiunt ad peccatum mortale. Denique respectu eorum, qui mendicando stipem corrogant, dimidijs regalis furto ablati constituit peccatum mortale. *tom. 2. pag. 448. num. 7.*

4. Furtum quod est veniale secundum se, ratione paruitatis materiæ, potest fieri mortale ratione notabilis damni, vel alterius causæ concurrentis. Vt quando quis acum auferit sartori, & propterea sartor multos dies destitit ab opere. Hoc tamen peccatum non est mortale in genere furti, propter leuitatem materiæ; sed est mortale ratione iniustæ damnificationis, eò quod per ablationem acus, sartori notabile damnum inferatur. Quod est diligenter obseruandum: nam excommunicatio, quæ fertur contra fures, nisi restituant, non comprehendit illos, qui furati sunt rem leuem, licet inde sequutum sit graue damnum: quia hoc furtum non habet mortalem malitiam in genere furti. *ibid. num. 8.*

5. Qui furatur minima animo furandi successiue maiora, peccat mort. eiusdem enim malitiæ est velle surripere, cuius est surripere. Item mortaliter peccat, qui sæpius minima furatur, quando peruenit ad eam quantitatem, quæ continuata cum præcedente est notabilis; idque verum est siue illa minima paulatim ab vno, eodémque auferantur, siue à diuersis: alioquin iniusti venditores, qui dolosis ponderibus, & mensuris vendunt, subtrahentes aliquid singulis emptoribus, possent ditari absque peccato mortali, neque tenerentur ad restitutionem, quod quàm sit falsum, & Reip. perniciosum nemo non videt. Verum quidem est non esse obligationem sub mortali restituendi totam quantitatem ablata, sed illam solùm, qua restituta, iam non detinetur notabilis quantitas. *tom. 2. p. 449. n. I. & 2.*

6. Quando plures de communi consensu, aut scienter auferunt ab eodem rem leuem, habita ratione singulorum; quæ tamen notabilis est si collectiue sumatur respectu omnium, committunt singuli peccatum mortale, quia singuli cooperantur ad damnum notabile, tenenturque ad restitutionem. Secus dicendum quando damnum fuit illatum absque communi consensu, quia tunc singuli leue damnum intulerunt, neque formaliter cooperati sunt ad damnum notabile, alioquin sequeretur quemlibet furantem vnum racemum, peccare mortaliter. *ibid. n. 6.* Quando tamen quantitas respectu omnium collectiue est notabilis, tenentur singuli, sub mortali suam partem restituere, postquam cognouerint quantitatem ablata esse notabilem, quia non est maior ratio cur vnus potius quàm alius teneatur. *tom. 2. pag. 450. n. 6.*

7. Extrema necessitas excusat furtum à peccato mort. facit enim omnia communia; modò tamen dominus rei non patiatur æqualem necessitatem. At in graui necessitate non licet quidquam surripere: quia sola necessitas extrema facit res communes. *ibid. n. 3. & seq.*

8. Potest quis ab aliis aliquid surripere ad subueniendum extremæ pauperum necessitati, si surriprens nihil habeat proprii, quo possit illorum inopiam subleuare: quia sicut ipsi pauperes possunt surripere, ita etiam nos possumus illos adiuuare surripiendo: hoc enim nihil aliud est, quàm ad actionem licitam cooperari. *tom. 2. pag. 451. n. 8.*

Furtum Filij familias, vxoris, religiosi, & famuli.

9. Filius qui notabilem summam accepit, ex bonis, quorum possessionem vel vsumfructum habet pater, peccat mortaliter peccato furti, & tenetur ad restitutionem. At si non habet unde restituat, tenebitur in partitione hæreditatis cum fratribus computare in suam partem id, quod surripuit: nisi constet alios fratres tantumdem expendisse, aut nisi pater probabiliter credatur condonasse. Peccant item filij, qui pecuniam à patre datam ad emendos libros, aut vestes, profundunt in ludos, computationes, meretrices, &c. nam pater est rationabiliter inuitus, nec absolute dedit pecuniam, sed cum restrictione ad talem vsum, consequenter filij tenentur ad restitutionem. *tom. 2. p. 454. n. 3. 4. & 7.*

10. Vxor accipiens notabilem quantitatem ex bonis mariti, vel quorum maritus habet administrationem, & vsumfructum, peccat mortaliter peccato furti, teneturque ad restitutionem, si hoc faciat absque expresse, vel præsumpto viri consensu: quia accipit rem alienam inuito domino: maior tamen quantitas requiritur ad peccatum mort. furti vxoris, quàm ad furtum seruorum, vel extraneorum. At si, nesciente viro, capiat, donet, vel expendat aliquid ex bonis, quorum ipsa habet dominium, vel vsumfructum, non peccat peccato furti. Ex bonis verò communibus, si infcio aut inuito marito notabile quidpiam accipiat, mortaliter peccat: quia sibi vsurpat administrationem rei, quæ ad ipsam non pertinet. Potest tamen expendere ea, quæ mulieres sui status & conditionis solent in elemosynam, honestam recreationem, &c. quia maritus non est rationabiliter inuitus. Item potest, etiam inuito marito, accipere sibi, & familiæ necessaria, necnon vt subueniat parentibus, vel filiis suis ex priore matrimonio susceptis, si laborent inopia, & aliunde non possit illis prospicere. *10. 2. p. 455. n. 2. & p. 456. n. 4. & seq.*

11. Religiosus sibi vsurpans res non necessarias in notabili quantitate post votum paupertatis emissum in approbata religione, peccat mort. peccato furti: sibi enim vsurpat dominium, & vsum rei non suæ. Hinc collige furtum mortale committi ab eo religioso, qui absque superioris facultate largitur alicui extraneo notabilem quantitatem rerum, siue vsu consumptibilem, siue non,


non, consequenter vtrumque nempe religiosum, & accipientem teneri ad restitutionem, nisi bona fide acceperit. *pag. 456. numer. 2. & seq.*

12. Seruus qui ex contractu seruire debet vsque ad certum tempus, peccat mort. contra iustitiam, fugiendo absque rationabili causa, quia violat pacta, & conuenta. Interueniente verò rationabili causa fugere potest ante præfinitum tempus; vt si dominus dare nolit sufficientia ad victum, si sit nimium austerus, & iracundus, si non stet pactis, &c. *tom. 2. pag. 457. n. 1.*

13. Seruus qui aliquid domino surripit in notabili quantitate, peccat mort. quia accipit alienum inuito domino. Excusari tamen potest à mortali, quando successiue victualia furatur in modica quantitate, quæ sit notabilis progressu temporis, modò illa victualia conuertat in proprios vsus. Secùs dicendum si ea vendat, aut in lusum, vel comotationes cum externis consumat, tunc enim dominus non modò quoad modum, sed etiam quoad substantiam censetur inuitus. *ibid. num. 2.*

G.

Gabella. Pedagium. Portorium.

I. ABELLA est tributum seu vectigal quod pro mercibus inuectis penditur. *Pedagium* est tributum quod soluitur pro transitu personæ. *Portorium* est species vectigalis, quod soluitur pro rebus, quæ naui deferuntur. Vnde inferitur taxas, taleas, collectas, &c. non contineri sub nomine *pedagij*, seu *gabellæ*, ac vectigalis strictè accepti. *disp. 1. quæst. 6. punct. 1. n. 3. p. 23. tom. 3.*

Gabellæ ins cui comperat?

2. Illi possunt gabellas imponere, qui in suis terris supremam obtinent potestatem, nullumque in temporalibus superiorem agnoscunt: quia impositio vectigalium est effectus supremæ iurisdictionis. Item ij quibus data est à supremis ipsorum Principibus facultas imponendi vectigalia. *ibid. punct. 3. n. 2. & 3. pag. 24. 25. tom. 3.*

3. Potest Summus Pontifex alteri in temporalibus sibi non subdito concedere facultatem imponendi gabellas, quoties id bono spirituali expedire iudicauerit: Quia Christus suo in terris Vicario concessit generalem in spiritualibus facultatem. *ibid. n. 4. pag. 25. tom. 3.*

4. Rex seu Princeps in suis terris iniuste gabellas imponens

nens vel augens incidit in 5. excommunicationem Bullæ Coenæ; quia in ea excommunicantur qui gabellas imponunt in casibus sibi à iure non concessis. *ibid. n. 6.*

5. Princeps etiam si iustam habeat causam imponendi gabellam in sua ditione, si eam præcipiat solui non solum à laicis, sed etiam à clericis, & religiosis, incurrit censuram huius Bullæ: quia imponit gabellam in casibus sibi prohibitis. *ibid. n. 7.*

6. Communitas imponens vectigalia in casibus sibi à iure non concessis non incurrit excommunicationem; quia communitas non excommunicatur; probabile tamen est singulos de communitate culpam admittentes excommunicari. *ibid. n. 9.*

7. Mandantes, vel consulentes noua tributa imponi, non subeunt excommunicationem Bullæ; quia in ea non exprimentur, & censura lata contra facientes non extenditur ad iubentes, mandantes, aut consulentes; peccant tamen grauiter, & grauissimis poenis sunt digni. *ibid. n. 10.*

8. Qui gabellas antiquitus impositas, sed aliqua de causa intermissas, de nouo exigunt, non incidunt in censuram Bullæ *ibid. n. 12. pag. 26. tom. 3.*

9. Qui aggre diuntur viatores, & ab ipsis pecuniam extorquent, fingentes se gabellarum exactores esse, non incurunt excommunicationem Bullæ; quia isti dicuntur potius furtum, & rapinam committere, quam vectigal exigere. *ibid. n. 14.*

10. Denique omnes, qui in terris suis imponunt, augent, vel exigunt gabellas in casibus sibi à iure, vel ex speciali Pontificis facultate non concessis, incidunt in excommunicationem Bullæ Coenæ. *ibid. punct. 3. num. 1. pag. 24. tom. 3.*

11. Iniusta vectigalium auctio, & exactio sub eadem excommunicationis poena prohibetur, qua impositio. Cum enim voluerit Summus Pontifex consulere indemnitati subditorum, ne plus iusto grauentur, operæ pretium fuit non solum iniustam impositionem gabellarum, sed earundem etiam auctiorem, & exactiorem iniustam sub poena excommunicationis prohibere. *ibid. punct. 2. n. 6. pag. 24. tom. 3.*

Restitutio ob defraudata vectigalia.

12. Fraudantes vectigalia iusta pro mercibus imposita peccant contra iustitiam, tenenturque ad restitutionem: quia quod iuste exigitur, non potest absque iniustitia denegari. Nec indigenæ solum, & subditi, sed ipsi etiam exteri peccant fraudando vectigalia: quia sub hac tacita conditione admittuntur exteri in regnum ad negotiandum; ut vectigal pendant. *tom. 2. pag. 45 l. 1. n. 2. & 4. tom. 3.*

13. Fraudan

13. Fraudantes vectigalia imposita pro vsualibus probabiliter excusari possunt à peccato mortali, & obligatione restitutionis: sic enim videtur vsu, & consuetudine receptum: quia per exactionem horum vectigalium subditi plus iusto grauantur. *ibid. n. 5.*

14. Quando dubitatur de iustitia vectigalis, quod de nouo imponitur, vel quando vetus augetur, de cuius iustitia non constat, præsumendum est in fauorem Principis: atque adeo soluendum est vectigal: quia Princeps possidet ius præcipiendi: melior est autem conditio possidentis. Si verò subditi habeant rationem probabilem, cur credant vectigal esse iniustum, possunt non soluere: cum quisque opinionem probabilem sequi possit. Porro cessante causa propter quam vectigal impositum fuit, cessat obligatio soluendi. *tom. 2. p. 452. n. 7. & 8. tom. 3.*

15. Creditor Principis fraudatione vectigalium potest sibi compensationem facere, quando non potest solutionem sibi à Principe debitam obtinere. Idem sentiendum de decimis, censibus, & aliis iuribus alteri elocatis: quia conductor non habet maius ius, quam habeat principalis dominus; nisi transtulerit totum ius, seu dominium vectigalis, seu census in alium: tunc enim non videtur fieri posse compensatio. *ibid. n. 12.*

H

HÆRESIS. HÆRETICVS.

I. **H**ÆRESIS est voluntarius error intellectus cum pertinacia contra aliquam fidei veritatem. *Pertinacia* autem non est attendenda penes durationem temporis; sed ex cognitione definitionis Ecclesiæ: unde ille dicitur *hæreticus*, qui aliquid sentit, quod ipse nouit esse contra definitionem Ecclesiæ, quamuis in eo errore non perseueret. Item qui dubitat in rebus fidei; cum iudicet illa esse incerta, & dubia, quæ certa sunt, & vera. Item qui negat propositionem euidenter deductam ex altera propositione de fide, & altera naturali: nam propositio ita deducta est de fide, cuiusmodi est hæc: *Christus est visibilis. disp. 1. quest. 2. punct. 1. n. 1. p. 6. tom. 3.*

2. Non est hæreticus, qui ex ignorantia crassa errat circa res fidei, sed ita est affectus, ut sit paratus corrigi, seu obedire Ecclesiæ, agnita veritate, seu Ecclesiæ definitione: hic enim non censetur habere voluntarium errorem cum pertinacia; quia ignorat definitionem Ecclesiæ, quam si nosset, respiceret: ille tamen error, cum sit ex ignorantia culpabili, est voluntarius in causa, nec culpa vacat. *ibid. n. 6. p. 7. tom. 3.*

T 2

3. Potest

3. Potest probabiliter sustineri illum esse hæreticum, & cōsequenter excommunicatum in Bulla Cœnæ, qui negat hunc Summum Pontificem Urbanum VIII. esse verum Papam, & caput Ecclesiæ postquam constat ipsum esse ritè, & canonicè electum. Quia ex multorum DD. sententia de fide est hunc esse verum Papam: ergo qui negat, hæresim cōmittit; discedit enim à fide totius Ecclesiæ, quæ credit hunc esse verum Pontificem Petri successorem, & Christi in terris Vicarium. *ibid. n. 9.*

4. Summus Pontifex non potest esse hæreticus, neque ut Pontifex, neque ut priuatus Doct̃or, & cōsequenter non potest in controuersis fidei, & morum errare. Quia cum sit successor D. Petri, debet habere infallibilitatem in rebus fidei Petro collatā. Potest tamen tanquam priuatus doct̃or in rebus fidei falli, & errare ex ignorantia; sed non cum pertinacia, aut contumacia, quæ semper est coniuncta cum hæresi. *ibid. n. 12. pag. 8. tom. 3.*

Hæreticorum pœna.

5. Hæreticus, qui suam mentem exterius sufficienter manifestat verbis, aut signis, incurrit in primam excommunicationem Bullæ Cœnæ Papæ reseruata; non tamen est vitandus, nisi sit nominatim denunciatus, licet sit notorius; sed possunt Catholici cum ipso consuetudinem habere, orare, sacramenta suscipere secluso scandalo: non potest tamen adhiberi ad suscipiendum filium de sacro fonte: quia ad patrinum pertinet docere filium susceptum de rebus fidei, quod non præstabit hæreticus. *ibid. punct. 2. num. 2. & 9. pag. 8. & 9. tom. 3.*

6. Hæreticus purè mentalis, id est, qui errorem mente conceptum nullo externo signo prodit, non incurrit excommunicationē, atque adeo potest à quolibet confessario approbato absolui. Quia Ecclesia sibi non vendicat iurisdictionem in actus merè internos; neque vllum vnquam ob hæresim purè mentalem excommunicatione percutit. *ibid. n. 3. pag. 8. tom. 3.*

Hæreticorum fautores.

7. Pœna excommunicationis lata contra hæreticos extenditur ad credentes, receptatores, fautores, & defensores hæreticorum, si secutus sit effectus. Dicuntur autem *fautores hæreticorum*, qui fauent illis, quatenus sunt hæretici, seu ex motiuo hæresis: quare qui fauet hæretico ratione amicitia, vel consanguinitatis, v.g. qui illum occultat ob amicitia, ne à iudice capiat̃ur, non incurrit excommunicationem. *ibid. punct. 3. pag. 10. tom. 3.*

Hæreticorum libri.

8. Qui legit, aut retinet libros hæreticorum, vel alterius cuiusvis

curius auctoris damnatos, atque prohibitos ob hæresim, aut ob falsi dogmatis suspensionem, incurrit excommunicationem latam in indice librorum prohibitorum. Hæc autem excommunicationis nulli reservata est; sed iure communi potest à quovis Confessario approbato tolli, quia in præfato indice nulla apponitur reservatio. Modò tamen eiusmodi libri non contineant hæresim, aut tractent de religione, ut paulò post dicitur. *ibid. p. n. 4. num. 2. pag. 10. tom. 3.*

9. Eadem censura afficiuntur legentes libros, & scripta continentia divinationes, sortilegia, veneficia, auguria, auspicia, & incantationes artis magicæ, & similia à vera fide aliena: quia huiusmodi libri sunt vetiti in indice ob falsi dogmatis suspensionem. Itè legentes scholia, seu additiones hæreticorū, quæ continentur in libris Catholicorum: quia hæc scripta sunt dānata ob hæresim, vel ob falsi dogmatis suspensionem. *ibid. n. 11. pag. 11. tom. 3.*

10. Qui scienter, & absque Summi Pontificis licentia publice, vel occultè legit, retinet, aut imprimit; aut alio quovis modo defendit libros hæreticorum tractantes de religione, aut hæresim continentes, incurrit excommunicationem Bullæ Cœnæ Papæ reservatam, quāvis legat, vel retineat curiositatis gratia & absque pravo animo, immò quamvis non intelligat, quæ legit, quia is iuxta communem loquendi modum dicitur legere: qui verò audit legentem, non subiacer excommunicationi. Qui tamen vnam, aut alteram lineam tantum legit, ratione parvitatissimæ materiæ excusatur. *ibid. n. 7. 11. & 14. pag. 11. tom. 3.*

HOMICIDIUM.

Quinam licitè occidi possint?

1. **P**UBLICA auctoritate licet occidere malefactores: hoc enim postulat bonum commune, ut homines à flagitiis deterreantur. *Proscripti*, in quos lata est sententia capitis, à quolibet priuato interfici possunt; quia hoc sit publica auctoritate iustitiæ, cuius quilibet est minister respectu proscriptorum. Secus dicendum; quando non est lata sententia capitis, aut quando proscriptus est extra territorium eius, qui sententiam tulit, tunc enim non potest occidi, cum sit extra ditionem eius, à quo fuit condemnatus. Ipsi etiam proscripti possunt se mutuo, etiam per insidias, occidere, ob propositum præmium à Principe, vel ob præmissam sibi libertatem. Hic tamen usus non satis probatur propter periculum damnationis, cui exponitur proscriptus, si proditoriè occidatur. *tom. 2. pag. 458. n. 1. & s. q.*

2. Non licet marito ante iudicis sententiam occidere vxor-

rem, aut adulterum in flagranti crimine deprehensos: quamvis hoc illi permittatur impune à legibus ob iustū dolorem. Quare peccat in conscientia illos occidens priuata auctoritate; cum sit contra ius naturæ, quemquam inauditum ante sententiam iudicis occidere. *ibid. n. 5.*

3. Principi seu magistratui non licet sententiam ferre, seu condemnare reum antequam audiat: quia defensio ei cōpetit iure naturæ. Præterquam in crimine notorio, & prohibito sub pœna mortis; sic excusatur David, qui Amalecitam Saulis interfectorem absque alia sententia occidi iussit; sic excusantur aliquando belli duces dum iubent aliquem occidi ob crimen admissum, vt cæteri eius exemplo in officio contineantur. *ibid. n. 7.*

4. Neque publica, neque priuata auctoritate licet clerico quæquam occidere: quia iure humano prohibentur clerici se immiscere in causa sanguinis, seu mortis, seu mutilationis; hoc enim dedecet statum clericalem. Potest tamen Summus Pontifex dispensare cum clericis vt absque peccato, & irregularitate, in causa sanguinis sententiam ferant. Prælati autem Ecclesiastici habentes iurisdictionem temporalem, dignitati, vel patrimonio adnexam, possunt absque vlla dispensatione, iudices sæculares constituere in causa sanguinis: immò possunt bellum indicere, si nullum in temporalibus superiorem agnoscant. *tom. 2. p. 459. n. 1. & seq.*

5. Nemo potest seipsum directè occidere; quia nullus est vitæ, & membrorum suorum dominus, & in Concilio Bracharenfi decernitur, vt pro illis qui sibi violentas manus afferunt, nulla fiat oblatio, vel oratio, & vt careant Ecclesiastica sepultura. Tribus tamen modis potest quis ad suam mortem cooperari. 1. indirectè, & per accidens, periculo caput obiiiciens ob rationabilem causam, aut omittens actiones ad tuendam vitam necessarias. 2. immediatè, & directè, ex præcepto Dei, vt in veteri, & nouo testamento legimus à nonnullis factitatum. 3. publica auctoritate licet ad suam mortem cooperari iis actibus, qui non habent crudelem modum pœnæ, vt est sumptio veneni: hæc enim cooperatio non videtur iuri naturæ contraria si coactè fiat. *ibid. n. 1.*

6. Licet militibus de communi consensu iniicere pulueri tormentario ignem quo naus incendatur, vel dare se præcipientes in mare, etiam cum aperto vitæ discrimine, ne naus veniat cum ipsi in manus infidelium. Item licet in bello iusto turrim, & mœnia suffodere cum certo periculo oppressiōis non solum inimicorum, sed etiam sui; in hoc enim casu non intenditur mors propria, sed euitatio, & fuga crudelis mortis ab hostibus inferendæ. *tom. 2. pag. 460. num. 8.*

7. Nullus potest habere intentionem abbreviandi sibi vitam per abstinentiam etiam moderatam, aut alias afflictiones. At si quis per moderatam abstinentiam, per macerationes, vel studia prævideat fore ut vita contrahatur, non intendens mortem, sed virtutem, non peccat: hæc enim est levis, & indirecta tantum cooperatio ad mortem, quæ licita est ob iustam causam, & ut corpus in servitutem redigatur. *ibid. n. 9.*

8. Obstrictus voto abstinendi à carnibus tenetur comedere carnes eo tempore, quo nullum alium habet cibum: tunc enim votum non obligat contra ius naturale, & urget obligatio conservandi vitam remediis ordinariis. Tenetur igitur carnes edere, nisi adsit aliqua alia ratio, ob quam possit ab eo cibo abstinere. *ibid. n. 10.*

An licita sit mutilatio?

9. Licet amputare sibi mēbrum ob salutem totius corporis. Immo si alia ratione periculū vitæ non possit vitari, tenetur quis illam incisionem pati ita iudicante medico, si dolor sit exiguus: At cum magno cruciātu nemo tenetur vitæ suæ consulere, nisi sit Reip. admodum necessarius, aut nisi sit religiosus, & sequē totum permiserit voluntati superioris: quanquam in hoc secundo casu probabilius videtur non teneri: quia hic actus est nimis heroicus, nec cadit sub imperium Prælati ob difficultatem. *ibid. n. 2.*

10. Non licet sibi membrum, vel membri partem præscindere ad vitandas carnis tentationes, & ad peccatum fugiendum: quia hoc non est medium necessarium ad animæ salutem. Laudandus tamen ille adolescens, qui, teste D. Hieronymo in vita Pauli, linguam mordicū præcisam expuit in faciem meretricis ad libidinem sollicitantis, cum alia ratio non suppeteret se defendendi. *tom. 2. pag. 461. num. 6.*

Innocens an occidi possit?

11. Non licet directè occidere innocentem: aliquando tamen indirectè licet ad mortem innocentis cooperari: ut si hostis nolit ab obsidione desistere, nisi ei tradatur aliquis innocens: tunc enim tenetur innocens mori pro patria, & sequē ultro offerre tyrannos; ergo Reip. potest sine peccato ei traditioni cooperari: non tamen potest illum propriis manibus interficere; quia cædes innocentis est res intrinsecè mala. Item potest quis occidere innocentem, qui suorum laterum oppositu defendit inuasorem vitam iniuste oppugnantem, si iniustus aggressor aliter occidi non possit. Pari ratione excusatur is, qui non potest aliter suæ salutem consulere, quàm fugiendo per angustum iter, ubi concul-

cat infantem, aut claudum: vitur enim iure suo, illac transeundo. *ibid. num. 1.*

12. Non licet occidere pueros Saracenorum, aut Turcarum, iusto bello captos, neque obsides innocentes, licet qui eos dederunt, fidem datam violent: quia intrinsecè malum est occidere directè innocentem. *ibid. n. 2.*

13. Nunquam licet ante, vel post animationē fœtus præbere matri grauidæ pharmacum mortiferum fœtui, seu ordinatum ad procurandum abortum, vel mortem fœtus: quia illud est contra naturam generationis. Quando tamen mater periculosè laborat, neque superest aliud remedium præter pharmacum ex sua natura curatiuum illius morbi, potest illud adhiberi ad pellendum morbum, licet indirectè, & per accidens sequatur mors fœtus nondum animati: quando autem fœtus est animatus, vel dubitatur an sit animatus, hoc non licet: quia fœtus censetur esse in extrema necessitate spiritali, si spes subsit fore, ut viuus edatur in lucem, & baptizetur. At quando id non speratur, & ex alia parte spes aliqua ostenditur salutis matris, potest remedium adhiberi, etiamsi fortè æquè sit ordinatum ad salutem matris, & ad mortem fœtus: mater enim vitur iure suo, neque tenetur vitam exponere, quando conclamata est salus spiritalis fœtus. *ibid. n. 3. & pag. 462.*

14. Fœmina quæ peccauit cum aliquo, etiamsi sit nobilis, aut monialis, aut etiam scandalum timeatur, non potest adhibere remedium impediens cōceptionem fœtus ad vitandam infamiam, aut mortem: hoc enim est intrinsecè malum, cum aduersetur naturæ generationis. Abortum autem procurantibus constituta est pœna mortis, & excommunicationis, de qua vide tit. *Abortus.* Mulier tamen quæ ad impediendam conceptionem fœtus portionem sumit, hanc excommunicationem non incurrit: aliud enim est procurare abortū, aliud impedire generationem. *tom. 2. pag. 462. num. 5. & 6.*

An liceat alium occidere ad sui defensionem?

15. Ut quis alium licitè occidere possit ad sui defensionem, hæc conditiones requiruntur. 1. ut vis ab alio inferatur, & iniuria sit iniusta. 2. ut occidatur inuasor in ipso actu aggressionis: ita tamè ut non præueniatur. 3. ut non occidatur post aggressionem: nam si aggressor iam percussit, & fugit, iamq; destitit à percussione, non potest à percusso reperi: hæc quippe esset ultio, & non defensio; nisi fortè id fieret ad defensionem honoris. 4. ut defensio fiat cum moderamine inculpatae tutelæ, id est, quatenus expedit ad vitam defendendam. 5. ut inuasus probabiliter credat

credat se grauiter lædendum, vel occidendum, si vim non repellat. Hisce conditionibus abhæbitis, inuasus occidendi iniustum inuasorem non peccat: etiam si inuasus causam dederit inuasioni, v. g. per furtum, adulterium, contumeliam, &c. quia non amisit propterea ius vitæ propriæ defendendæ. *ibid. n. 2. & pag. 463. n. 3.*

16. Non tenemur tamen regulariter loquendo, occidere inuasorem ad vitæ nostræ defensionem, his casibus exceptis. 1. quando inuasus est Reip. valde utilis. quando ex inuasi morte sequeretur maximum damnum familiæ, quam alere teneretur. 3. quando inuasus sibi conscius est peccati mort. & timet damnationem, si in eo statu occidatur. *tom. 2. pag. 463. num. 9.*

17. Possumus intendere mortem aduersarij tanquam medium ad propriam vitam defendendam: quia id quinto Decalogi præcepto non repugnat, nec habet malitiam homicidij, cum fiat ad propriæ vitæ defensionem. *ibid. n. 10.*

18. Non licet anteuertere aggressorem, antequam aggressus fuerit: quia non licet alium occidere nisi ad vim repellendam. Quare adultera sciens maritum conscium esse sui adulterij non potest illum occidere, quamuis timeat ne ab illo occidatur, nisi maritus iam abdiderit pugionem sub cervicali, aut venenum misceuerit, vel quid simile: tunc enim potest illum præuenire occidendo, si nulla alia spes subsit euadendi. *ibid. n. 1. & pag. 464. n. 2. & pag. 464. num. 1.*

19. Quando me aduersarius prouocat ad duellum, nec aliter possum euadere, nisi illud acceptem, possum acceptare, immò si sum inermis, rogare possum, vt arma mihi permittat; hæc enim est vera vitæ defensio. *tom. 2. pag. 464. num. 5.*

20. Non mihi licet præuenire occidendo illum, qui falsis testibus subornatis famam, aut fortunas, aut caput meum oppugnat in iudicio: sic enim aperietur via infinitis cædibus; quia homines sibi facile persuaderent se per calumniam accusari, nulla que alia ratione obuiam iri posse calumniæ quam occidendo accusatorem. *ibid. n. 7.*

21. Licet insequi, & occidere furem ad recuperandam rem magni pretij furto sublatam, v. g. si quis mihi equum surripuit, & fugit, possum illum insequi, telo confodere, & occidere, quando post minas, & mortem intentatam negat se redditurum: quia aggressio censetur adhuc durare, possum cum moderamine res meas tueri. Postquam autem fur se in tutum recepit, & rem coepit quietè possidere, non licet illum occidere; quia iam non censetur vim inferre; sed tantummodò iniustitiam committere, propter quam non licet quemquam priuata auctoritate occidere. *ibid. n. 2. 3. & 4.*

22. Possum ingredi domum furis, & rem meam per vim recuperare, si aliter non possum; modò eadem res quæ fuit furto sublata extet apud furem: hæc enim non videtur aggressio, sed rei propriæ defensio. Secùs dicendù quando eadem res non extat apud furem: tunc enim non licet per vim domum furis ingredi ad faciendam compensationem: quia fur est dominus rerum suarum, habetque ius resistendi. *ibid. n. 4.*

23. Licet viro honorato occidere inuasorem inferentem ignominiam quam alia ratione declinare non potest. Neque tenetur inuasus fugere, si fuga est illi ignominiosa. Item vir nobilis, qui vulnus, vel alapam accepit, potest, speculatiuè loquendo, insequi fugientem, & percutere, quantum sufficit ad reparationem honoris: in praxi tamen, ut vitetur occasio cædium, contrarium est consulendum, præsertim si inuasor veniam petat. *ibid. n. 5. & pag. 465. n. 6. & seq.*

24. Ad impediendam infamiam non licet duellum acceptare: quia hoc non est medium ordinatù ad impediendam infamiam: immò Concil. Trid. sess. 14. cap. 14. perpetuam inurit infamiam duello decertantibus; neque recusans duellum apud probos, & pios ullam sui honoris iacturam facit. *tom. 2. pag. 465. n. 9.*

25. Clerici, religiosi, & infimæ sortis homines qui alapa, vel fuisse percussi, aut alio quocumque modo inuasi reperiuntur, & occidunt inuasorē, cum absque vitæ periculo fugere possint, grauius peccant contra iustitiam: quia huiusmodi homines nullam subeunt ignominiam fugiendo, & patienter sustinendo id, quod viro sæculari nobili esset ignominiosum. *ibid. n. 11.*

26. Cuius licet ad suam pudicitiam propugnandam occidere inuasorē, quando fuga, aut vociferatione, vel alio modo defendi non potest: quia pudicitia bonum est longè præstantissimum. Potest tamen inuasus violationem pati potius quàm occidere, quando non est periculum consensus. *ibid. n. 12.*

27. In iisdem casibus in quibus licet occidere inuasorē vitam nostram, famam, aut fortunas oppugnantē, fas est etiam vitam, famam, & fortunas proximi defendere etiam cum morte inuasoris. Sic pater tueri potest pudorem filiæ, & maritus vxoris, &c. Nec solum possumus, sed etiam tenemur sub peccato mortali vitam, vel bona proximi defendere, quantum fieri potest absque nostro graui incòmodo: illud enim charitas à nobis exigit. Non tamen tenemur vitam proximi defendere cum vitæ nostræ periculo: at honorē, & famam nostram exponere tenemur pro vita proximi, nisi honor noster tanti sit momenti, ut præponderet vitæ hominis infimæ sortis. *ibid. n. 1. & seq. & pag. 466. n. 6.*

28. Tenor defendere vitam inuasi, etiam si nojlit defendi, quando

quando possum absque meo graui incommodo: quia inuasus non est dominus vitæ suæ; nisi fortè inuasor sit persona publica, quam occidere sit nefas; aut nisi inuasus, licitè vitam suam obiciat morti, vt si causâ fidei ambiat martyrium. *tom. 2. pag. 466. num. 12.*

Restitutio propter homicidium facienda.

29. Prouocantes se ad pugnam, vel ad duellum, ad nullam tenentur restitutionem, si se occidant: quia censentur cedere iuri suo. Qui verò alium iniuste aggreditur, & vulnerat, aut occidit, tenetur ad omnia damna, quæ inde consequuntur, quia fuit illorum causa efficax; cùmque sit difficile exactè definire quid restituendum sit, transigendum est cum parte cui facienda est restitutio, quæ vt plurimum solet aliquid remittere. *tom. 2. pag. 470. n. 1. §. 6.*

30. Pro vita, vel membro, vel cicatrice hominis liberi, nihil est formaliter, & ex iustitia restituendum in conscientia: quia liberum corpus nullam recipit æstimationem. Ex quadam tamen æquitate, & charitate videtur aliquid restituendum arbitro prudentis viri. *tom. 2. pag. 471. n. 10.*

31. Qui interfecit paulò post moriturum, aut iuste occidendum, ad nullam tenetur restitutionem: quia nullum censetur damnum intulisse, quippe occisus, tam breui tempore nihil lucratu fuisse; licèt homicida peccauerit mortaliter contra iustitiam. *ibid. num. 13.*

32. Homicida qui poenam talionis soluit, tenetur adhuc omnia damna refarcire, quæ sequuta sunt ex homicidio: quia per poenam talionis, id est, per mortem homicidæ non restituitur quod est ablatum; sed satisfit tantum iniuriæ illatæ reipublicæ, non autem damno, quod passi sunt hæredes. Porro hæres percussoris tenetur in illius defectum refacire omnia damna ab eo illata, modò supersint bona vnde possit satisfacere: quia obligatio restituendi est realis, proindeque ad hæredes transit. *ibidem, num. 14. §. 15.*

33. Etiam si percussus, antequam ex hac vita decederet, dixerit se condonare percussori, tenetur nihilominus percussor ad restitutionem, quia censetur percussus remisisse iniuriam, non verò condonasse restitutionem, nisi hanc esse suam mentem apertè ostenderit. *ibid. n. 17.*

34. Qui occidit alium casu, & præter intentionem, non est propriè homicida, nec tenetur ad restitutionem: quia obligatio restituendi oritur ex iniusta actione voluntaria. Quare si leuiter vulneratus interiit ex negligentia, aut imperitiâ medicorum percussori;

percussor non tenetur ad restitutionem damnorum prouenientium ex morte, sed tantum ex vulnere. *tom. 2. pag. 472. n. 3 & 4.*

35. Qui per ebrietatem alium occidit, si ebrietas non fuit voluntaria, nec culpabilis, non obligatur ad restitutionem: quia illud homicidium neque est culpabile in se, neque in causa. At si homicida aliquo modo prauidit homicidium, neque adhibuit diligentiam ad illud præcauendum, homicidium imputatur ad culpam cum obligatione restituendi. *ibid. n. 7.*

36. Occidens Caium, quem putabat esse Titium, peccat mort. & tenetur ad restitutionem: quia hæc actio est iniusta contra Caium, licet falsò putetur Titius. Neque est eadem ratio de eo, qui percutit clericum, quem ignorantia probabili putabat esse laicum: hic enim ratione ignorantie non incurrit excommunicationem. *ibid. n. 8.*

37. Restitutio propter homicidium facienda est hæredibus necessariis occisi, cuiusmodi sunt filij, vxor, parentes &c. non verò aliis: quia soli hæredes necessarij censentur læsi re sua. Vnde sequitur nihil esse restituendum fratri occisi, nisi fortè expensas factas in curatione vulneris, quia succedit in iura occisi. *ibidem, num. 2. & 3.*

38. Homicida, vel eius hæredes non tenentur restituere damnum iis, quibus imputatur homicidium: quia illa actio homicidij non est causa, sed tantum occasio illius damni, neque est actio iniusta respectu eorum, quibus homicidium imputatur, v. g. tu occidisti occultè Titium, sed homicidium imputatur Caio propter inimicitias, quas cum illo exercebat; interim Caius capitur a satellitibus, & patitur multa damna, immò per falsos testes conuictus capite plectitur; illa damna Caij non sequuntur ex tuo homicidio nisi indirectè, & per accidens; directè verò ex falsa testimony depositione: quare non teneris ad illorum damnorum restitutionem. *tom. 1. p. 473. n. 4.*

HORÆ CANONICÆ

Horarum Canoniarum definitio, institutio, numerus.

1. **H**oræ Canonicae per se sumptæ nihil aliud sunt quàm quædam laudes, & preces ab Ecclesia institutæ, singulis diebus, statutis horis Deo persolnendæ, vnde dicantur *Horæ Canonicae* verò, quia per sacros canones præscriptæ sunt. *tom. 1. pag. 503. num. 1. & seq.*

2. Horæ Canonicae, si formaliter spectentur, vt sunt actus orationis, nihil aliud sunt quàm actus quidam religionis, vel obedientie, aut etiam iustitiæ, quo non solum Deus laudatur, sed etia

etiam explicatur desiderium Ecclesiæ, & à Deo, vel à Sanctis petuntur res decentes iuxta eiusdem Ecclesiæ præscriptum, *tom. 1. pag. 404. num. 6.*

3. Horæ Canonicae non sunt de iure diuino, sed Ecclesiastico: communiter enim appellantur *Horæ Canonicae*, quia per sacros canones præscriptæ, & ab Ecclesia institutæ sunt ad laudandum Deum exemplo Davidis, qui septies in die laudes dicebat Deo Si spectentur quoad substantiam ab ipsis Apostolorum temporibus originem duxerunt: nam Actor. 3. *Petrus & Ioannes ascendebant in templum ad horam orationis nonam*: si verò considerentur quoad formam, & numerum *Horarum*, non constat quando nam fuerint institutæ. Certum tamen est illas ab initio formam aliquam habuisse. *tom. 1. p. 505. n. 3.*

4. Summus Pontifex potest cum beneficiario, vel clerico sacris initiato dispensare circa obligationem diuini officij recitandi: quia Summus Pontifex potest in iure Ecclesiastico dispensare. At Cardinales cum suis familiaribus, Episcopi cum suis subditis, Superiores religionum cum suis religiosis circa horarum recitationem dispensare nullo modo possunt: quia est de iure communi Ecclesiastico, supra quod solus Summus Pontifex habet potestatem. *ibid. num. 5.*

5. Horæ Canonicae sunt septem, *Matutinum, Prima, Tertia, Sexta, Nona, Vespera, & Completorium*: hæc enim est communior Doctorum sententia, qui diuinum officium septem Horas Canonicas appellant: sunt enim institutæ ad Christi passionem recolendam, quæ septem præcipuis mysteriis continetur. *ibid. n. 1. & seq.*

Quinam teneantur Horas Canonicas recitare?

6. Omnes religiosi choro deputati ex consuetudine, vel ex peculiaribus decretis, tenentur post professionem horas canonicas persolvere, etiamsi non sint sacris ordinibus initiati: consuetudo enim vim habet legis, & obligat sub mortali in materia graui, *tom. 1. p. 508. n. 1.*

7. Religiosus damnatus ad triremes, vel eiectus è monasterio, non tenetur horas canonicas recitare: amouetur enim ab eo statu, in quo consuetudo obtinuit diuini officij recitandi, & transfertur ad statum, in quo huiusmodi consuetudo non reperitur. Hoc tamen intellige modò religiosus nondum fuerit sacris initiatus. *ibid. n. 3.* Idem dicendum de religioso fugitiuo. *n. 6.*

8. Religiosi Societatis Iesv, aliq; qui non choro, sed aliis piis operibus exercendis deputati sunt, non tenentur ex vi professionis horas canonicas recitare. *tom. 1. p. 509. n. 7.*

9. Religiosi,

9. Religiosi, regulariter loquendo, non tenentur sub peccato mort. horas canonicas in choro persolvere: quia regula obligare non solet sub mortali. At Canonici strictius obligantur ad chorum; cum ob id beneficium accipiant: si tamē omnes religiosi ita negligent chorum, ut hora canonicæ in Ecclesia omittantur, superior tenetur singulis strictum præceptum imponere, sicq; singuli sub graui peccato tenentur interesse, tum ne chorus destituatur, tum ne præceptum superioris violetur *ibid. n. 8.*

10. Superior religionis potest cum suis religiosiis ad sacros ordines nondum promotis dispensare circa obligationem recitandi horas canonicas, ex iusta causa, ut propter studia, aut negotia; potest enim superior, ut in legibus religionis, sic in hac consuetudine dispensare. Non tamen quilibet superior, sed supremus totius Ordinis religiosi, secluso priuilegio, videtur posse dispensare. *ibid. n. 9.*

11. Clerici sacris ordinibus initiati, iure Ecclesiastico, tenentur horarum canonicarum pensum persolvere, etiam post degradationem, vel postquam censuram excommunicationis, vel suspensionis contraxerunt. Obseruandum tamen clericum degradatum, vel excommunicatum non posse inter officium recitandum dicere, *Dominus vobiscum*, quia hæc est quædam cōmunicatio, & functio ordinis. *ibid. n. 1. & seq.*

12. Clericus qui de Summi Pontificis consensu duxit vxorē, tenetur ad pensum canonicarum precum, nisi fortē in hoc etiam fuerit dispensatus; quia cum sit sacris initiatus, ut suppono, adhuc retinet characterem, ratione cuius viget obligatio diuini officij recitandi. *tom. 1. p. 510. n. 5.*

13. Habens beneficium Ecclesiasticum, etiam si non sit in sacris constitutus, tenetur regulariter loquendo, ex institutione Ecclesiæ horas canonicas recitare; quia beneficium datur propter officium. Hinc sequitur Equites Hierosolymitanos, aut etiam alios gaudētes cōmendis Ecclesiasticis, teneri ad canonicas preces, quia Ecclesiastica beneficia habere dicuntur. Sūt tamen quædam commendæ, quæ titulo sæculari conferuntur, nec diuini officij obligationem inducunt. *ibid. n. 1. & p. 511. n. 3.*

14. Capellania collatiua, seu Ecclesiastica, auctoritate Episcopopi erecta, obligat ad canonicas preces recitandas. Ea verò quæ nondum instituta, & erecta est auctoritate Episcopi, etiam si ab Episcopo conferatur, non censetur beneficium Ecclesiasticum, consequenter non obligat ad diuinum officium recitandum. *ibid. num. 6.*

15. Pensionarius non tenetur diuinum officium, quod vulgo magnum dicitur, recitare: quia pensio non est beneficium propriè acceptum.

acceptum. Pensionarius tamen, qui ut clericus percipit pensionem, tenetur recitare paruum officium B. Mariæ Virginis, sub eadem pœna, sub qua beneficiarij tenentur diuinum officium recitare. Tunc autem aliquis dicitur pensionem ut clericus percipere, quando prima tonsura seu status clericalis requiritur in eo, cui pensio confertur. *ibid. n. 7.*

16. Beneficiarij coadiutor non tenetur ratione coadiutoris præcisè canonicas preces persolvere, quia hæc obligatio residet penes proprietarium, neque afficit coadiutorem, alioquin duo ex eodem beneficio obligarentur ad diuinum officium recitandum, quod non est admittendum. Secus dicendū si coadiutoria habeat rationem beneficij Ecclesiastici, ut si coadiutori assignati sint proventus ad quorum titulum promoueri possit; vel si coadiutor assumatur in totum ad onera beneficij, aut saltem ad horas recitandas: tunc enim tenetur recitare, quia ad id tenetur, ad quod assumitur. *tom. 1. p. 512. n. 13.*

17. Cuius beneficium est adeo tenue, ut non sufficiat ad vitæ sustentationem, iuxta veriore & communiorē sententiam tenetur integrum officium recitare: quia sponte acceptans beneficium, acceptat etiam onus illi adnexum, *ibid. n. 17.*

18. Beneficiarius, seu capellanus, qui maiorem fructuum partem tradit substituto ad beneficij onera sustinenda, aut qui suā culpā beneficij fructus non percipit, non eximitur ab onere diuini officij recitandi; quia adhuc retinet beneficium cum iure ad fructus. *tom. 1. pag. 513. n. 19.* Immo qui omnes beneficij fructus loco pensionis tradit illi, qui sibi resignauit, adhuc tenetur diuini officij pensum persolvere: quia habet titulum, & possessionem beneficij. *tom. 1. p. 513. n. 19. & 21.*

19. Qui ob bellum, vel alia iniusta de causa priuatur omnibus fructibus beneficij, non videtur teneri ad pensum diuini officij, quādiu priuatio iniusta durat, & beneficiarius credit se nunquam fructus illos recuperaturum, neque enim par est, ut ob iniustam alterius actionem teneatur onus officij recitandi subire sine spe fructuum percipiendorum. Secus dicendum si iam fructus percepit, & postea iniuste subtrahuntur: iam enim fructus collegit propter quos diuinum officium tenetur recitare. *ibid. n. 25.*

20. Beneficiarius illis diebus quibus commemorationes fiunt, tenetur commemorationem illius Sancti facere in cuius honorem beneficium est erectum: sic enim vsus obtinuit iuxta ritum breuiarij Rom. Tot autem commemorationes faciendæ sunt, quot sunt beneficia, modò id commodè fieri possit seruatō Ecclesiæ more. *tom. 1. p. 514. n. 8.*

21. Beneficiarius non obligatur ad diuinum officium recitandum.

tandum ante initam beneficii pacificam possessionem: quia habet ius incertum ad fructus, & impediri potest, ne illos percipiat. Quare clericus, qui per litem impeditur, quo minus beneficii sibi collati possessionem adeat, non tenetur horas canonicas persolvere. *tom. 1. p. 515. n. 1. & seq.*

22. Clericus sacris ordinibus initiatus, statim suscepto diaconatu tenetur horas recitare, Idem dicendum de religioso statim post professionem. *ibid. n. 9.*

23. Beneficiarius qui horas canonicas prætermittit, non tenetur ad restitutionem fructuum, nisi post elapsos sex menses ab inita pacifica possessione: quia Summus Pontif. obligat ad restitutionem solum elapsis sex mensibus, quibus beneficiarius tenebatur ad officij recitationem, ad quam paulò antè dictum est non teneri ante pacificam beneficii possessionem. *ibid. n. 8.*

In Horis Canonicis recitandis quid observandum?

24. Omnes qui sunt adstricti ad Horas canonicas recitandas, tenentur illas sub mortali iuxta breuiarium Rom. recitare: hoc enim Ecclesia præcipit; immò alia breuiaria irritat. Excipe Ecclesias, quarum officia sunt à Summo Pontifice approbata, aut quæ à ducentis, & eo amplius annis ante editionem breuiarii Pij V. consuetudinem habebant horas canonicas recitandi alia formâ. Papa tamen illis Ecclesiis concedit facultatem recipiendi breuiarium Rom. cum Episcopi, & Capituli consensu; eo autem acceptato iam non erit illis integrum ad prius breuiarium sine licentia Pontificis redire. *tom. 1. p. 516. n. 1. & 2.*

25. Probabile est habentes priuilegium vtendi breuiario non Romano non posse priuatim vti Romano, relicto proprio suæ religionis, vel Ecclesiæ: quia quisque debet se Ecclesiæ suæ accommodare. Contraria tamen sententia est etiam probabilis: nam recitans officium iuxta breuiarium Rom. conformat se Ecclesiæ Rom. quæ est omnium Ecclesiarum mater. *ibid. num. 3. pag. 517. n. 5.*

26. Clericus, v. g. Mediolanensis, qui diuinum officium iuxta ritum Ambrosianum tenetur recitare, potest, dum Romæ deuotionis, vel negotiorum causâ commoratur, officium iuxta ritum Rom. recitare: quia decretum D. Caroli Boromæi non afficit existentes extra territorium. *tom. 1. p. 517. n. 7.*

27. Qui duo beneficia possidet in duabus Ecclesiis quæ diuersis vtuntur breuiariis, debet eo vti, quod adhibetur in Ecclesia, in qua beneficiarius residet. Probabilis tamen est opinio afferentium extra chorum adhibendum esse breuiarium, quod in ea Ecclesia adhibetur, in qua quis habet dignius beneficium, etiam si

alibi

alibi habeat pinguis: quia obligatio diuini officij est personalis, & sequitur personam vbicunque sit, & maior dignitas præualet minori. *rom. 1. pag. 518. n. 9.*

28. Qui studiorum causa in aliqua ciuitate commorantur, possunt diuinum officium recitare iuxta ritum illius loci, etiam si alibi habeant beneficium, vbi officium diuerso ritu perfoluitur. *ibid. n. 11.*

29. Qui vtuntur breuiario Rom. Pij V. non tenentur extra chorum defunctorum officium recitare, excepto ipso defunctorum die: sic enim expresse decernitur in Bullis Pij V. & Clementis VIII. Qui verò Pij V. breuiario non vtuntur, sui loci, & Ecclesiæ consuetudinem seruent *ibid. num. 12.*

30. Qui tempore Litaniarum, & Rogationum publicis processionibus non inter sunt, tenentur privatim Litanias sub peccato mortali recitare: hæc enim est pars diuini officij eo die recitandi. Qui verò Rogationum tempore processionibus interfunt, sed Litanias, & preces non recitant, vel ad eas non attendunt, satisfaciunt recitando etiam breuiiores, quæ præscribuntur iis, qui non interfuerunt: quia assistens non debet esse deterioris conditionis, quam qui non assistit, nequæ æquum est, vt ex sua diligentia damnum repperit. *ibid. n. 14.*

31. Recitans officium lingua Hebraica vulgari, aut Græca, seu alia, præcis aliis circumstantiis non peccat grauiter: satisfacit enim præcepto quoad ritum substantialem; venialiter tamen peccat, nisi hoc ex iusta, & rationabili causa faciat: quia ab vfitato Ecclesiæ more discedit. *rom. 1. pag. 519. n. 15.*

32. Qui sponte mutat officium vnus diei in officium alterius, peccat mortaliter, neque præcepto satisfacit: quia Ecclesia non solum præcipit recitationem diuini officij in genere, verum etiam in particulari, videlicet vt tali, & tali, die tale, & tale officium recitetur; igitur qui officium mutat, præceptum Ecclesiæ quoad substantiam non implet. *ibid. num. 17.*

33. Episcopus non potest cum aliquo dispensare vt proprio breuiario relicto, recitet officium iuxta formam alterius breuiarij, vel vt mutet officium vnus diei in officium alterius. Quia Episcopus non potest dispensare in lege superioris, nempe Pontificis; quamuis possit suis subditis præscribere formam officij recitandi, vbi breuiarium Rom. non est in vsu. Neque potest, per se loquendo, vbi Breuiarium Rom. adhibetur, concedere, vt officium vnus diei, alio die recitetur, quippe in ritu, & forma breuiarij Rom. nequit Episcopus dispensare. *ibid. n. 19.*

34. Breuiario Rom. non licet quidquam addere tanquam partem officij diuini. Nihil tamen vetat aliquid addere tanquam

extrinsecum, & velut concomitanter ad maiorem solemnitatem, ut si inter vnum, & alterum Psalmum aliquid canatur ad organum, vel musicum instrumentum, modò cantus non sit profanus. *ibid. n. 21. & pag. 520.*

35. Ut officium studiosè recitetur, requiritur, ut verba non omittantur, vel mutilentur, nec syllabæ abscindantur, sed sine syncopa (ut ait glossa) recitètur; sit autem syncopa, cum aliquid è medio tollitur. Quare omittens verba diuini officij in notabili quantitate mortaliter peccat, nisi excusetur ob vitium linguæ. *tom. 1 pag. 520. n. 1. & 2.*

36. Qui cum sociis ita festinanter officium recitant, ut nondum absoluto priori versiculo sequentem inchoent, non satisfaciunt obligationi: quia pars quæ anticipatè dicitur, non communicatur cum sociis, qui eam audire nequeunt, idque est contra consuetum Ecclesiæ usum, alioquin liceret dimidiam officij partem canere, alio reliquam canente, sicque dimidio temporis spatio integrum officij pensum persolui posset: par enim est ratio partis, & totius. *ibid. n. 3.*

37. Qui cum socio recitat, satisfacit obligationi officij recitandi: sic enim vsu receptum est, dum horæ canonicæ in choro recitantur, estque ille mos antiquus in Ecclesia, ut alternatim canatur. Tamen qui ex officio, vel mandato superioris occupantur in pulsandis organis, vel thure adolendo, &c. non tenentur per se ipsos illam partem recitare, quæ ab aliis recitatur, modò sint attentis; quia tunc temporis distinentur ministeriis ad diuinum officium spectantibus. *tom. 1 pag. 521. num. 5.*

38. Dum totus chorus canit Psalmos alternatim cum organo, aut alio musico instrumento, opus est, ut versus, qui per organum canuntur, alta voce ab aliquo in choro proferantur, ut officium integrè recitetur, quia organum verba non proferat. Secus dicendum, si cum organo musici canant; tunc enim sufficit illos audire, modò verba clara voce pronuntient. *ibid. n. 13.*

39. Qui submissa voce recitat versiculos Psalmi, auditque socios canentes alternatim, satisfacit obligationi diuini officij recitandi: quia ipse recitat suam partem, & communicat in parte sociorum. Non tamen satisfacit debito seruitio chori: quia reditus Ecclesiastici dantur canonicis, ut cantent cum aliis. Quare recitans submissa voce, aliis canentibus, non potest distributiones integras percipere, sed earum partem duntaxat, quia sui muneris partem tantum implet. Qui verò interest quidem choro, sed horas neque recitat, neque canit, non videtur ullam distributionem partem posse percipere; fructus tamen, modò priuatim recitet, non amittit. *tom. 1 pag. 522. num. 17.*

40. Ea pars chori, quæ tacet, tenetur attendere ad aliam, quæ cantat: nam tenetur ad officium concurrere, & totam orationem aliquo pacto facere, suam. Neque satisfacit præueniendo, & priuatim recitando partem alterius chori, & postea vagando, aut confabulando: sic enim non satisfacit publicæ orationi chori, licet satisfaciat priuatæ. *ibid. n. 21.*

41. Non est opus, vt qui horas canonicas priuatim recitat, seipsum audiat; sed sufficit, vt omnia verba distinctè proferat: quia præceptum Ecclesiæ obligat ad dicendum, non verò ad audiendum. Qui tamen recitat cum socio, debet ita proferre, vt ab illo audiatur: nam socius supplere debet audiendo, quod omittit recitando *tom. 1. pag. 523. n. 24.*

42. Vt officium studiosè recitetur, persoluendum est sine interruptione: hic autem sermo est non de interruptione inter vnâ, & alteram horam; hoc enim perspicuum est fieri posse, sed de interruptione quoad partes vnus, eiusdemque horæ, vt si quis inchoato Maturino vocetur ad ludum, vel ad negotia, &c. quia non decet inchoatâ cum Deo orationem abrumpere sine causa. Qui tamen diuinum officium interrumpit, non peccat mortaliter; sed satisfacit præcepto quoad substantiam: quia verum est dicere hunc intra eundem diem totum officium recitasse; neque continuatio est de essentia singularum precum. In quo differt recitatio officij à prolatione formæ sacramentalis: nam in forma sacramenti requiritur continuatio moralis propter practicam verborum significationem; at diuinum officium non habet eiusmodi significationem practicam, cum non sit institutum ad aliquid ex vi verborum significandum. Hæc tamen interruptio culpa veniali non vacat, si absque iusta causa fiat; habet enim adiunctam indecentiam. *ibid. n. 26. & seq.*

43. Satisfacit præcepto, qui inchoatum officium interrumpit animo repetendi iam recitata, sed postea non repetit; item qui recitat diuinum officium, nolens tunc præcepto satisfacere, sed intendens iterum repetere satisfacit, neque tenetur, repetere iam recitata, hic enim facit opus ab Ecclesia præceptum; neque enim Ecclesia præcipit recitari officium animo adimplendi præceptum; sed simpliciter præcipit diuinum officium quotidie recitari. Idem sentiendum de eo, qui Missam audit animo non satisfaciendi præcepto, sed intendens aliam audire. *tom. 1. pag. 524. num. 31.*

44. Vt officium deuotè recitetur, requiritur intentio illius recitandi; quia diuini officij recitatio est actus humanus, qui humano modo exerceri debet. Præterea requiritur attentio non tantum externa, sed etiam interna: licet enim Ecclesia non possit

actum internum seorsum sumptum directè præcipere, nihilominus potest illum compræcipere tanquam necessarium ad orationem: nam oratio sine attentione interna non subsistit. Quare qui absque attentione recitat orationes ad quas tenetur ex præcepto, peccat mortaliter, nisi excusetur ob materiæ leuitatem, aut nisi intentionem habeat repetendi. *tom. 1. pag. 525. n. 4.*

45. Ille satisfacit præcepto, qui dum recitat officium, occupatur aliqua re exteriori non impossibili cum attentione interna, vt si recitet dum se vestit, aut exuit, vel dum faciem abluir, &c. Secus dicendum si inter recirandum distineatur aliquo opere impossibili cum attentione interna, vt si scribat; vel pingat, &c. tunc enim non satisfacit præcepto, sed iterum tenetur recitare sub peccato mort. Sufficit autem attentio virtualis, cum hac enim subsistit oratio. Porro illa dicitur attentio virtualis cum qua quis incipit orare, & virtute illius prosequitur orationem, quamuis inter orandum inuoluntariè distrahatur: illa enim prior attentio in progressu orationis virtualiter durat. *ibid. n. 12. & pag. 526. num. 15. & seq.*

Hora Canonica quando recitanda?

46. Tempus diuini officij recitandi incipit à media nocte antecedentis diei, & perseverat vsque ad mediam noctem sequentis inclusiue: quia officium singulis diebus recitandum est; dies autem, iuxta communem Ecclesiæ vsum, incipit à media nocte antecedentis diei, vsque ad mediam subsequenter. Excipe ab hac regula Matutinum, & Laudes quæ à vespers antecedentis diei recitari possunt. *tom. 1. pag. 527. n. 2. & pag. 528. n. 10.*

47. Recitantes officium in choro extra horas præscriptas, præciso scandalo, aliæ circumstantiæ, satisfaciunt præcepto quoad substantiam, non tamen quoad circumstantiam temporis, quæ pluris facienda est in oratione publica quàm in priuata. In priuata verò recitatione seruanda est consuetudo legitime introducta. Excusari potest à peccato qui Primam cum Tertia, Sexta, & Nona recitat duabus vel tribus horis post solis ortum: quia tempus à iure præscriptum non consistit in indiuisibili: qui verò Matutinum sine causa differt ad Vesperas, aut Completorium recitat ante prandium, venialiter peccat; quia hæc est extraordinaria peruersio. *tom. 1. pag. 527. n. 7. & 8. & pag. 528. n. 9.*

Hora Canonica quo ordine recitanda?

48. Qui ordinem horarum non seruat, recitando, v. g. Primam ante Matutinum, peccat quidem venialiter dum hoc facit cum aduertentia, & sine iusta causa: non tamen peccat mort. nec tenetur

tenetur repetere, quia implet substantiam præcepti: immò neque venialiter peccat, si id faciat ex iusta causa, ut si ab amico, vel superiore inuitetur ad recitandam Primam, cum ipse nondum recitauerit Matutinum, potest cum eo Primam recitare, Matutinum verò postea; habet enim iustam ordinis variandi causam. Item qui dum Tertiam recitat, recordatur se nondum recitasse Primam, vel Matutinum, potest Tertiam proseguere, cum intentione recitandi postea Matutinum, vel Primam. Idem dic de eo qui ad Chorum accedit, dum canitur Tertia, sed ipse nondum recitauit Matutinum, vel Primam. Item qui recitatis nocturnis, non potest tunc recitare lectiones, potest dilatis in aliud tempus lectionibus Laudes recitare, & officium proseguere. *tom. 1. pag. 529. n. 2. & seq.*

49. Qui per inaduerentiam dixit officium de Sancto, quod dicendum erat de feria, satisfacit repetendo omissa, quamuis ea non repetat in quibus utrumque officium conuenit. Item qui aliquem Psalmum, vel aliquam Horam ex oblivione omisit, non tenetur iterum totum officium repetere, ut Psalmum, vel Horam suo loco, & ordine dicat, sed satisfacit supplendo quod est prætermisum. *ibid. n. 6. & 7.*

50. Qui in choro aliquid omisit seu culpabiliter, seu inculpabiliter, non tenetur omissum repetere, durante officio in choro; sed debet illud reservare post expletum officium, aut non debet illius habere rationem, si pars sit exigua: iustam enim habet causam differendi. *ibid. n. 9.*

51. Non peccat mortaliter, qui Missam celebrat, nondum recitato Matutino: quia Matutinum nullam habet connexionem, aut ordinem cum Missa; sed maiorem habet connexionem Matutinum cum Prima. Immo ne veniale quidem peccatum committit, qui hoc facit ex iusta causa. *ibid. n. 11.*

Horæ Canonica ubi recitanda.

52. Canonici, cæterique Choro deputati, diuinum officium in Ecclesia, iuxta consuetudinem persolvere debent, nisi aliud postulet necessitas, consuetudo, vel fundatio. Qui autem in choro non recitat, non potest percipere distributiones, quæ canentibus in choro conferuntur: quia qui non facit, quod debet, non recipit, quod oportet. *tom. 1. pag. 530. n. 1. & 2.*

53. Qui ad chorum deputati non sunt, possunt horas canonicas ubilibet recitare; non tamen in loco ubi impediatur attentio, sicut impediti solet in frequenti hominum conuentu, & strepitu profano, aut in loco indecenti: esset enim peccatum veniale. *ibid. n. 5.*

54. Episcopus per se loquendo, non tenetur choro interesse, etiam diebus dominicis, aliisque festis: quia ex nullo textu colligitur, hæc obligatio, & Episcopi grauioribus negotiis distinetur quæ illos choro interesse non sinunt. Aliquando tamen, præsertim solemnibus diebus, tenentur choro assistere ad exemplum. *ibid. n. 9. & pag. 531. n. 13.*

55. De rigore iuris antiqui, non solum in Cathedralibus, & Collegiatis, sed etiam in Parochialibus Ecclesiis publicè persolueda sunt singulis diebus officia diuina. At vi cõsuetudinis Parochi non solum per se ipsos non tenentur, verum neque per substitutos, singulis diebus festis omnia diuina officia publicè in choro persolvere. Immodò consuetudine immemorabili, vel saltem sufficienter præscripta, induci potest vt in Collegiatis tenues redditus habentibus, canonici non teneantur singulis diebus Horas publicè canere: ratio enim dicitur, vt vbi tenuissimum est stipendium, onus minuat. *ibid. n. 12. & 14.*

Hora Canonica quo habitu, & situ recitanda?

56. Per se loquendo non peccat qui diuinum officium priuatim recitat sedendo, cum standum est, aut stando, vel sedendo dum genu flectendum est. In publica verò recitatione faciliè fieri potest vt aliqua culpa interueniat, quia debitam Deo reuerentiam exhibere non videtur, qui aliis genu flectentibus, sine ulla causâ publicè stat, vel sedet. *ibid. n. 1.*

57. Concil. Trid. sess. 24. c. 14. decentem habitum canonicis tam in Ecclesia, quam extra præscribit. *ibid. num. 3.* Vide tit. *Distributiones.*

Hora Canonica quo fructu recitentur?

58. Vt Horarum canonicarum recitatio ipsi recitanti, & aliis prosit, requiritur vt in statu gratiæ fiat. Hinc sequitur officium in statu peccati mort. recitatum non esse meritum, nec satisfactorium, si spectetur, quatenus persoluitur nomine proprio ab ipso recitante. At si spectetur, quatenus Ecclesiæ nomine offertur, prodest: quia sanctitas Ecclesiæ supplet defectum recitantis. *tom. 1. pag. 532. n. 2. & 3.*

59. Vt oratio infallibiliter impetratoria sit, hæc conditiones requiruntur. 1. vt orans sit vir iustus, peccatores enim infallibiliter Deus non exaudit. 2. est fides potentiæ & clementiæ Dei certaque fiducia impetrandi quod petitur. 3. vt id quod petitur, conducat ad salutem petentis. 4. vt oratio fiat pro ipso orante, quamquam probabile videtur orationem etiam pro aliis factam habere certam, & infallibilem impetrationem, modò sit subiectum causa,

pax. Christus enim vniuersaliter dixit Ioan. 14. *Quodcumque petieritis in nomine meo, hoc faciam.* 5. conditio est perseverantia. Luc. 18. *Oportet semper orare, & non deficere.* ibid. n. 6. & p. 533.

60. Recitatio diuini officij, quoad fructum, infinita est extentiue, prodèstque omnibus fidelibus, si fiat ab eo, qui ex Ecclesiæ præcepto, vel consuetudine, recitare debet: quia hæc oratio est publica, à qua non licet quemquam excludere. Oratio tamen videtur secundum se efficacior ad impetrandum si pro vno offeratur, quam si pro pluribus: experientia enim constat, etiam apud Principes facilius, & efficacius obtineri quod pro vno petitur, quam quod pro multis. *tom. 1. pag. 533. n. 2. & pag. 534. n. 10.*

61. Recitatio diuini officij non prodest ex opere operato, sed operantis: quia non prodest ultra meritum Ecclesiæ, cuius nomine offertur. Tamen quatenus sit nomine Ecclesiæ, prodest aliis, etiam si recitans sit in statu peccati mort. ipsæque fructum meritorium, vel satisfactorium ex illa recitatione non capiat: quia malicia ministri non officit merito Ecclesiæ offerentis. *tom. 1. pag. 534. n. 11.*

Restitutio propter Horas Canonicas prætermisissas.

62. Qui tenetur diuini officij pensum persolvere, mortaliter peccat illud omittendo, aut partem illius notabilem: quia violat præceptum Ecclesiæ in re graui. Hinc sequitur illum mortaliter peccare qui aliquam integram horam omittit, hæc enim videtur pars diuini officij notabilis. *tom. 1. pag. 535. n. 1.*

63. Qui ratione ordinis sacri, & beneficij tenetur diuinum officium recitare, plura specie peccata committit: hic enim non solum violat religionem, verum etiam iustitiam, quia beneficiarius tenetur ex officio ad pensum canonicarum precum, & beneficium hac lege ei confertur, vt horas persoluat. *ibid. n. 4.*

64. Diuinum officium omittens toties in die peccat peccato interno, quoties moraliter repetit voluntatem omittendi officiū vel notabilem eius partem: tot enim sunt peccata quot sunt actus peccaminosi interni moraliter interrupti. Qui verò vno die diuinum officiū omittit, vnum tantum committit peccatum externū omissionis consummatum: quia vnum tantum transgreditur præceptum, habens pro obiecto totum officium quod ex septem horis canonicis integratur. *tom. 1. p. 536. n. 7. & 8.*

65. Beneficiarius tenetur, etiam ante sententiam iudicis, ad restitutionem fructuum pro rata omissionis officij, si elapsis sex mensibus post obtentam beneficij possessionem, officium culpabiliter non recitauerit, etiam si alio die pensum supplere conetur, nisi forte pars omissa sit leuis, vt patet ex Concil. Lateran. sub

Leone X. & ex Bulla Pij V. tom. 1. pagin. 537. numero 1.

66. Qui diuinum officium absque attentione recitauit, tenetur ad restitutionem fructuum, & distributionum: quia perinde est, ac si non recitasset; cū enim attentio sit de substantia orationis, sequitur recitantes sine attentione non satisfacere præcepto quoad substantiā, consequenter neque fructus, neque distributiones posse retinere, quia præsens non censetur, qui non attendit. tom. 1. p. 539. n. 17 Pensionarius item, qui tanquā clericus percipit fructus, paruum B. Virginis officium omittens, tenetur ad restitutionem eodem modo, quo beneficiarius. *ibid.* n. 21.

67. Diuinum officium omittens, præter obligationem restitutionis incurrit pœnam priuationis beneficii, si post sex menses admonitus neglexerit officium recitare. tom. 1. p. 540. n. 23.

68. Bulla Pij V. circa restitutionem faciendam propter omissionem diuini officij patitur aliquam moderationem, ita ut beneficiarius diuinum officium omittens non teneatur ad restitutionem omnium omnino fructuum, sed solum respondentium oneri diuini officij; deo, inquit, nonnulli, Parochus, aut Episcopus omittens officium debet restituere tertiam, vel quartam partem fructuum pro rata: cæteras uero partes uidetur sibi posse retinere ratione aliorum onerum: quia multi beneficiarij non solum percipiunt fructus pro officio recitando, sed etiam pro aliis oneribus subeundis. *ibid.* n. 1. & 2.

69. Restitutio propter omissionem diuini officij facienda est fabricæ beneficii, vel pauperibus, modò aliud non ferat consuetudo, vel statutum alicubi receptum. Si uero beneficiarius, qui tenetur facere restitutionem, sit pauper, potest sibi applicare, quod restituendum est, modò uerè sit pauper, neque aliud rationabiliter præsumatur de mente S. Pontificis: quia non uidetur deterioris conditionis, quàm alij pauperes; quamuis enim peccet officium omittendo; tamen cū restitutio facienda sit pauperibus, & ipse paupertate laboret, nihil est causæ quominus gaudere possit fructu elemosynæ pauperibus erogandæ. tom. 1. p. 541. n. 1. & 8.

70. Canonicus, qui diuinis officiis non interfuit, non potest sibi retinere distributiones, quarum remissionem obtinuit à reliquis canonicis, quibus de iure obueniunt. At si donationes sibi traditæ fuerint, & restitutæ absque præuia collusionē, vel remissione, poterit eas iure communi retinere. In prouincia tamen Mediolanensi cautum est, ut non retineantur, quouis prætextu donatæ, aut remissæ fuerint. tom. 1. p. 542. n. 12.

Causa excusantes ab Horis Canonicis recitandis.

71. Grauis infirmitas legitimè excusat ab horis canonicis recitandis

recitandis. At levis infirmitas, cuiusmodi est dolor stomachi, capitis, aut etiam febris tertiana, aut quartana, non excusat; neque enim huiusmodi infirmitas ægrum ita affligit, quin aliquid temporis concedat horis recitandis. Fieri tamen potest, ut infirmitas excuset à recitandis horis canonicis in choro, quamuis à recitandis priuatim non excuset, ut quando quis pedibus ita laborat, ut Ecclesiam adire non possit, quamuis alioquin commoda utatur valetudine. *ibid. n. 1. & seq.*

72. Cui per morbum non licet horas recitare non tenetur loco officij alias orationes substituere, aut alium recitantē audire, hoc enim ab Ecclesia non præcipitur. Porro qui peregrinationē suscipit ad loca pia, non eximitur à priuata diuini officij recitatione, etiamsi alium in suum locū substituerit: nam onus diuini officij est personale. Idem dicendum de adolescente, qui in studia literarum incumbit. *ibid. n. 8. & 9.*

73. Grauis occupatio honesta, & necessaria, quæ in aliud tempus commodè differri non potest absque scandalo, vel peccato, vel suo, aut alieno graui detrimento excusat ab officio recitando. Sic concionatores, confessarij, vel etiā alij excusari possunt. Ratio petitur ex benigna Ecclesiæ intentione, quæ nō præsumit cum tanto onere obligare. Obseruandum tamen eum, qui graui occupatione distinetur, si commodè fieri possit, teneri officium anticipatè recitare: quia tunc viget obligatio præcepti. Neque posse quemquam munus, & officium voluntariè suscipere, cuius executio cum recitatione Horarum sit impossibilis: nam sponte suscipiens huiusmodi munus implicitè censetur velle canonicarum precum omissionem, modò non vrgeat grauis necessitas illius suscipiendi, aut actio, quæ suscipitur, non putetur maius bonum hîc, & nunc, quàm sit recitatio diuini officij. *tom. 1. p. 543. num. 1. & seq.*

74. Impotentia, qualis est carentia breuiarij, excusat ab obligatione diuini officij, recitandi. Qui tamen non potest totum, tenetur illam partem recitare, quam potest, modò illa pars sit notabilis. Immodò beneficiarius, qui non potest solus recitare, tenetur socium adhibere; immo (si prouentus habeat sufficientes) conducere, qui cum diuinum officium persoluat; fructus enim beneficij percipit, ut onus officij subeat. *ibid. n. 8. pag. 544.*

75. Qui domo discessit nihil de breuiario cogitans, aut rationabiliter iudicans se breuiarium alibi reperturum, non peccat, neque tenetur ad restitutionem, si postea diuinum officium prætermittat: quia non peccauit in causa, excusante ipsum inaduertentia, vel bona fide: neque in actuali omissione ob impotentiam. *ibid. n. 10.*

76. Qui tenetur choro interesse, etiamsi officium recitare non possit; debet tamen assistere, & attendere ad ea, quæ canuntur: quia qui non potest totum præceptum, debet saltem partem adimplere, quam potest; nisi aliter constet de voluntate superioris *ibid. n. 12.*

77. Quando beneficiarius non percipit, neque percepturus est beneficii fructus, non peccat Horas canonicas prætermittens, nisi ratione Ordinis sacri ad illud pensum persolvendum obligetur: quia æquum non est, ut is onus sentiat, qui commodum, & fructum non percipit. Qui tamen percipit distributiones, etiam aliis beneficii fructibus careat, tenetur ad preces canonicas recitandas. *rom. 1. p. 545. n. 3. & seq.*

78. Ignorantia probabilis legis, nec non inadvertentia, seu obli-
vio naturalis excusant ab obligatione diuini officii recitandi. Qui
verò dubitat an officium, vel aliquam Horam recitauerit, tenetur
iterum recitare: quia possessio stat pro præcepto. At qui officium
recitauit, sed dubitat an psalmum aliquem, seu antiphonam omise-
rit, non tenetur illum psalmum recitare: sic enim via infinitis
scrupulis aperiretur. *ibid. n. 8. 11. & 12.*

I.

IDOLOLATRIA.

1. **I**DOLOLATRIA propriè sumpta est cultus, quo
quis alicui creaturæ tribuit honorem Dei. Ad idolola-
triam duo concurrunt. 1. ut idololatra eam habeat de
creatura, quam colit opinionem, quæ soli Deo cõueniat siue eam
habeat expresse, siue tacite. 2. ut actu externo illam opinionem si-
gnificet, ac prodat. *rom. 2. p. 178. n. 1. & 2.*

2. Idololatria peccatum est ex suo genere grauissimum: quia,
quantum in se est, tollit honorem Deo, illumque tribuit creaturæ,
ac si illa esset Deus. Neque metus mortis excusat à peccato mor-
tali, quia Dei cultum transferre ad rem creatam, & vanam, est per
se, & intrinsicè malum: immò neque ignorantia excusat, quia
lumine naturæ notum est, creaturam non esse pro Deo colen-
dam. *ibid. n. 4.*

3. Qui fido animo colit idolum, ut morti se eripiat, mortali-
ter peccat: quia committit idololatriam externam, quæ intrinse-
cè mala est, & opere externo diuinum honorem impendit rei
creatæ. Non tamen incurrit excommunicationem in Bulla Cœ-
næ latam contra hæreticos: quia illa fertur contra hæreticos cre-
dentes, non verò contra idololatras solùm externos: quanquam

in foro externo præsumitur excommunicatus, quia præsumitur ex animo coluisse. *ibid. n. 5.*

I E I V N I V M

Quid sit Ieiunium?

1. Ieiunium aliud est *naturale*, quod consistit in abstinencia à qualibet re sumpta per modum cibi, aut potus; aliud *Ecclesiasticum*, quo præcipitur vnica comestio in die, id est, à media nocte, ad mediam vsque noctem futurā. Igitur ieiuniū Ecclesiasticum, de quo hic est sermo, est voluntaria abstinencia à cibo iuxta præscriptum Ecclesiæ, vel receptam consuetudinem. Quare qui vnica refectione in die contentus est, dicitur ieiunare, quia voluntariè abstinet à cibo iuxta præscriptum Ecclesiæ, vel communem vsum. *tom. 2. pag. 336. n. 1. & pag. 337. num. 6.*

2. Ieiunium Ecclesiasticum non consistit in abstinencia à potu, sed in abstinencia à cibo, qui principaliter institutus est contra famem, siue cibus sit densus, vt panis; siue liquidus, vt iusculum, lac. Et quamvis olim fideles à vino tempore ieiunij abstinere, vt constat ex Chrysostom. *homil. 6. ad popul. Antioch.* tamen hoc tempore nulla extat apud nos huiusmodi obligatio. Quare qui extra refectionem bibit vinum, etiam immodicum, peccat ille quidem contra temperantiam; non tamen violat præceptum ieiunij, etiam si sæpius bibat, non ad sedandam sitim, sed potius ad pellendam famem: quia ex communi Ecclesiæ vsu non prohibetur potus. *tom. 2. pag. 337. n. 7. & 8.*

A quibus cibis abstinendum?

3. Abstinendum à carnibus tempore ieiunij inter omnes Catholicos constat. Nomine autem *carnium* intelliguntur, quæ à piscibus contradistinguuntur iuxta commune Christianorum, aut medicorum iudicium. Esus cochlearum, & testudinum licitus est diebus ieiunij. In esu autem lacticianiorum, ouorum, butyri, & casei attendenda est locorum consuetudo, quæ est optima legis interpres. Romæ comedens lacticia tempore ieiunij, grauiter peccat, quia sic vsus obtinuit. *tom. 2. p. 338. n. 1. & 2.*

4. Qui obtinuit priuilegium vescendi carnibus in die ieiunij, debet nihilominus abstinere à multiplici refectione, modò possit: quia priuilegium cum sit odiosum, & contra ius commune, strictè interpretandum est. Quippe in ieiunio duo præcepta distincta includuntur, vnum *negatiuum*, quod consistit in abstinencia à cibis vetitis; aliud *affirmatiuum*, quo præcipitur vnica refectio

refectio; & privilegium quod conceditur in vno, non extenditur ad alterum. *ibid. n. 3.*

5. Adueniente necessitate vescendi cibis vetitis, per se loquendo, non est necesse petere facultatem, modò necessitas sit evidens, & certa: quia necessitas tollit obligationem legis. Tamen ratione scandali, vel alterius circumstantiæ, fieri potest, vt licentia petenda sit. Porro in dubio an necessitas sit sufficiens, petenda est licentia ab Episcopo, vel Parocho, si Episcopus commodè adiri non possit. *tom. 2. pag. 339. m. 5.*

6. Qui vouit certis diebus ieiunium, vel cui est à Confessario, vel Iubilæo indictum, extra Quadragesimam vesci potest lacticiis, & aliis concessis. At tempore Quadragesimæ abstinendum à lacticiis etiam diebus Dominicis ob peculiare Ecclesiæ præceptum *ibid. n. 6.*

7. Qui seruata ciborum qualitate ventrem ita replet, vt ieiunij difficultatem non modò non sentiat, nec carnem domet, sed potius libidinem excitet, ieiunij tamen præcepto satisfacit, modò vnica refectione sit contentus: quia facit id quod præceptum est: facit tamen contra temperantiam, & finem ieiunij. *ibid.*

An vnica refectio sumenda?

8. Vnica refectio in die ieiunij præcipitur, teste ipsa consuetudine; nullo tamen textu id constat. Nihilominus licet sub vesperam sumere secundam refectionunculam, modò non excedatur in quantitate, alioquin non iam esset coenula, sed cœna. In ea tamen non ita strictè prohibetur cibi qualitas; sumi enim potest in coenula iusculum, modò non sit coctum cum cibis vetitis; potest etiam comedi pisciculus, aut exigua pars piscis maioris, immò varia degustari possunt, modò in quantitate non excedatur. Denique in secunda refectionuncula, seruanda est potius quantitas quam qualitas, modò iis cibis non vtamur, qui tempore ieiunij in prima refectione prohibentur. *ibidem, n. 1. & 2. pag. 340. m. 3.*

9. Excusatur etiam à veniali qui ob vrbauitatem, vel preces amici, vel ne potus noceat, exiguum quid sumit in die ieiunij extra refectionem, v. g. duas nuces, aut ficus, vt fieri solet dum amicus amicum inuisit. Cauendum tamen ne sæpius eadem die id fiat: multa enim modica continuata possunt constituere notabilem quantitatē, quæ sufficiat ad peccatum mortale. *tom. 2. pag. 340. n. 4.*

10. Qui absque causa manè sumit refectionunculam, quæ vesperi sumi solet, dilato in noctem prandio, peccat venialiter: quia

facit contra consuetudinem legitimè introductā. At si ex necessitate. v. g. ob iter, aut studium, aut debilitatē id fiat, culpā vacat: sic enim apud viros doctos, & probos vsu receptum est. *ibid. n. 6.*

11. Obserua discrimen inter præceptum *negatiuum*, de non sumendis cibis vitis in die ieiunij, & præceptum *affirmatiuum* de vnica refectione sumenda, quòd comedēs cibos vitos in die ieiunij, toties peccat, quoties illis vescitur, modò inter vnā, & alteram comestione in morali distantia intercedat: at qui plures refectiones sumit, semel tantum peccat. Quia sumptis semel cibis vitis, adhuc viget obligatio non sumendi huiusmodi cibos; præceptum quippe *negatiuum* obligat semper, & ad semper: sumpta verò secunda refectione, iam non potest seruari præceptum *affirmatiuum* de vnica refectione sumenda. *ibid. n. 7.*

12. Qui in die ieiunij sumpsit ientaculum intentione seruiliter laborandi, aut iter laboriosum eo die suscipiendi, non tenetur eo die ieiunare, etiam si postea seruiliter non labore, aut iter non suscipiat. Idem dicendum de seio, qui ex inaduertentia, aut ignorantia præcepti, bis comedit die ieiunij, in notabili quantitate. *ibid. num. 8.*

13. Qui prætextu vrbanitatis, vel hospitalitatis eum inuitat ad coenandum secum, quem probabiliter credit obligari lege ieiunij, & inde arrepturum occasionem non ieiunandi, grauiter peccat: quia petit rem iniquam, & malam quam amicus sine peccato præstare non potest. Secus si id fiat solùm causā vrbanitatis, absque periculo violandi ieiunij. *tom. 2. pag. 541. n. 9.*

14. Caupo non potest in locis Catholicorum apponere cibos vitos, præsertim carnes, suis hospitibus, ne cooperetur ad peccatum: in locis verò hæreticorum, vbi est consuetudo apponendi carnes, potest caupo carnes apponere, si petantur, & nequeat sine suo graui incommodo recusare: quia appositio carniū in die ieiunij non est adeo mala, quin ex iusta causa cohonestari possit, modò religionis contēptus absit. *ibid.*

15. Qui ob negotium interueniens, prandium interruptit, nō dum absoluta refectione, si interruptit animo continuandi, potest perfecto negotio repetere prandium: nam continuatio refectionis non constituit duplicem refectionem, sed vnā integrat, etiā si longa mora interfluxerit. Si verò interruptit animo non continuandi, non potest licitè prandium repetere: quia refectio non diceretur physice, aut moraliter continuari, consequenter duplex prandium reputaretur, nisi exigua intercessisset mora. *ibid. n. 10.*

16. Qui ieiunij legem violauit, debet in confessione aperire, an violauerit anticipatione horæ, an multiplici refectione, an esu ciborum vitosorum. Nam violans anticipatione horæ, iuxta probabiliorem

habiliorem sententiam, venialiter tantum peccat: violans multiplicatione refectioe mortaliter peccat; non tamen toties quoties refectioem sumit: violans vero legem ieiunij, esu ciborum prohibitorum, explicare debet in confessione se toties cibos veritos comedisse; quia, ut supra dictum est, toties mortaliter peccauit. At qui non ieiunauit ea die in quam duplex ieiunium incidebat non tenetur hanc circumstantiam in confessione aperire; quia non est duplex peccatum. *ibid. n. 11.*

De hora refectiois.

17. Refectio in die ieiunij sumenda est circa meridiem, dilatio tamen cum augeat difficultatem ieiunij, auget etiam meritum. Verum hora sumendæ refectiois non est de substantia ieiunij, sed est circumstantia duntaxat: quare qui prandium vna, vel duabus horis anticipat, iuxta probabilem sententiam mortaliter non peccat; sed venialiter tantum, si anticipat absque iusta causa: qui vero anticipat ex iusta causa, nec venialiter quidem peccat. *tom. 2. pag. 342. n. 2. & seq.*

18. Qui priuilegium obtinuit prandendi ante consuetam ieiunij horam, tenetur reliqua diei parte à cibis abstinere, nec censetur propterea ieiunij lege solutus: quia priuilegium hoc, cum sit odiosum, non est ultra verborum proprietatem extendendum. *ibid. n. 5.*

Quo iure ieiunandum sit?

19. Ieiunium nullo iure diuino est inductum: nam ieiunium Quadragesimæ fuit ab Ecclesia, seu ab Apostolis institutum. Neque obstat quod S. Ambrosius *serm. 23. 25. & 27.* Quadragesimam ait à Domino indictam, & ieiunia à Christo consecrata: sic enim loquitur, quia Ecclesia occasionem præcipiendi Quadragesimam sumpsit ex Christi exemplo. *ibid. n. 1.*

20. Ieiunium est de iure Ecclesiastico, & canonico: vnde sequitur aliquem posse à ieiunio eximi etiam per totam vitam auctoritate Papæ, quamuis illud priuilegium sine causa concedatur. Quia Summus Pontif. in iure canonico dispensare potest. *ibid.*

21. Obligatio ieiunij per consuetudinem induci, & tolli potest: quia legitima consuetudo vim habet legis, & reipsa quædam ieiunia fuerunt per consuetudinem abrogata, ut ieiunium Rogationum, Aduentus, quartæ, & sextæ feriæ. Hinc sequitur venientes butyro, & lacte in Quadrages. excusari à peccato, ubi illa consuetudo inoleuit. *ibid. n. 2.*

Quinam teneantur ieiunare?

22. Qui libet Christianus compos rationis completo 21. anno cœnetur

tenetur seruare ieiunia ab Ecclesia præscripta : neque potest quis per alium ieiunare ; quia obligatio ieiunij est personalis. Potest tamen ieiunium alteri prodesse quoad satisfactionem. *rom. 2. pag. 343. n. 1. & 2.*

23. Qui aliquo die ieiunare non potest, non tenetur aliquid aliud loco ieiunij persolvere, vel alio die ieiunare, nisi fortè virtute alicuius priuilegij transtulerit ieiuniū in alium diem ; quia obligatio ieiunij est affixa diei, & transit cum ipso die. *ibid. n. 3.*

24. Religiosi non tenentur ad ieiunia quæ seruantur in opido vbi habent monasteriū, si ea sint tantummodò per consuetudinem particularē introducta. Ieiunia verò generali consuetudine recepta, seruanda sunt à religiosis ; quia consuetudo generalis omnes obligat. Porro ieiunia ab Episcopo præscripta, religiosos non obligant in ea diocesi commorantes ; quia religiosi exempti sunt ab Episcoporum iurisdictione. *ibid. n. 5.*

Causa à ieiunio excusantes.

25. Prima causa à ieiunio excusans est impotentia. Excusantur autè ob impotentiam. 1. infirmi, & conualescentes, quibus vnica resectio in die non sufficit. 2. excusantur foeminae prægnantes, aut lactantes: tenentur tamen à carnibus abstinere, nisi fortè prægnans, vehementer appetat carnem, cum periculo abortiendi, & eiiciendi foetū nisi eius desiderio satisfiat. 3. senes saltem septuagenarii, immò etiam sexagenarii, vt multorum fert opinio ; verum sexagenarii non videntur à ieiunio eximendi, nisi sint debiles, vel infirmi. 4. pauperes, qui ob inopiam carent alimento sufficienti ad vnica refectionem ; immò vesci possunt carnibus, si nihil aliud habent quod edant. 5. adulescentes qui 21. annum nondum impleuerunt ; quia ob teneram ætatem, & caloris abundantiam frequenti indigent refectione ; non tamen possunt veritis cibis vesci. *rom. 2. pag. 444. n. 1. & seq.*

26. Secunda causa excusans à ieiunio est labor cum quo non sufficit laboranti vnica resectio. Vnde sequitur eos qui opera laboriosa exercent, nec ita sunt robusti vt exercentes ieiunare possint, à ieiunio excusari, non tantum eo die quo laborant, verum etiam eo die quo laborem intermittunt, vt si superueniat dies festus, vel alia occupatio quæ ex se non afferat impedimentum ieiunio : excusandi enim sunt à ieiunio, si ieiunando graue sentiant incommodum ob laborem præcedentis diei, aut si redderentur minus apti ad laborē sequenti die suscipiendum. Excusantur item qui longum iter pedestre suscipiunt. At tonsores, sutores, pictores, scholares, & alij quorum est exiguus labor, à ieiunio non excusantur. *rom. 2. pag. 345 num. 8.*

27. Tertia causa excusans à ieiunio sunt opera pietatis, & misericordiae, quæ cum ieiunio exerceri non possunt. Ideo qui concionantur, vel administrant sacramenta, vel visitant infirmos, vel ornant templa, &c. à ieiunio excusantur, etiam si hæc opera ob mercedem suscipiantur. Excusatur item à ieiunio mulier, quæ metu incommodæ valetudinis, aut deformitatis, vel metu viri, non finitur ieiunare. Item maritus à ieiunio excusatur, si nequeat reddere debitum ieiunando. *ibid. n. 13. & 14.*

28. Facultas non ieiunandi, per se loquendo, petenda est ab Episcopo: quia ad ipsum pertinet dispensatio iuris communis in iis casibus, qui frequenter accidunt. Parochus autem, seu alius, præcisa consuetudine, non potest dispensare; quia potestatem non habet supra ius commune. *ibid. n. 8.*

Imago.

1. Sanctus D. N. Urbanus VIII. in Generali Congregatione sanctæ Inquisitionis præcipit sub pœna suspensionis ne imagines eorum, de quibus fama vel opinio sanctitatis, vel martyrij inualuit, publicè proponantur cum laureolis, aut radiis antequam canonizentur, vel beati declarentur à Sede Apostolica: nè libri continentes eorum gesta, miracula, reuelationes, &c. imprimantur sine recognitione, & approbatione Ordinarij; nève tabellæ, aut imagines ex cera, aut alia materia ad eorum sepulchra appendantur, aut lampades, vel lumina accendantur, nondum facta ab Ordinario recognitione, eaque à Sede Apostolica approbata. Excipiendi tamen sunt ab hac Bulla viri sanctimonia conspicui, qui communi Ecclesiæ consensu, vel tempore immemorabili coluntur tolerantia Sedis Apostolicæ, vel Ordinarij. *disp. 3. quæst. 6. punct. 7. tom. 3.*

2. Vfus sacrarum imaginum licitus est, & honestus, ut constat ex Concilio Tridentino *sess. 25.* ex usu Ecclesiæ, & ex innumeris miraculis quæ Deus per sacras imagines efficere consuevit. Imagines Dei, & Angelorum, qui sunt incorporei, permittendæ sunt, non ut Deum, & Angelos repræsentent secundum propriam similitudinem, sed per quandam metaphoram, vel ut aliquando apparuerunt. *tom. 2. pag. 144. n. 1. & 2.*

3. In adoratione imaginis, ipsa imago propriè adoratur: est enim terminus adorationis, quippe coram ipsa caput aperimus, genua flectimus, &c. Hæc tamen adoratio non est absoluta, sed respectiva: colitur enim propter excellentiam illius quem nobis refert Imago autem cum suo prototypo, seu exemplari, & exemplar in imagine adoratur: volens enim Christum adorare, osculando ipsius crucem, apprehendit Christum ut pendentem in cruce,

cruce, consequenter apprehendit Christum, & crucem per modum vnus, & vno adorationis motu per se primò tendit in Christum, in imaginem verò, seu crucem concomitanter, & propter Christum. *ibid. n. 3. & 4.*

4. Signum crucis adorandum est adoratione patriæ, sicut adorantur spinæ, lancea, clauis, &c. quæ Christum tetigerunt, & hæc adoratio dicitur respectiua. Item adorandi essent capilli capitis Christi, aut aliqua sanguinis portio, si fortè extaret aliqua, quæ non fuisset reassumpta à Christo rediuiuo. *ibid. n. 6.*

Incendiarius.

1. **I**N cap. tua nos, de sentent. excommunic. habetur excommunicatio contra incendiarios, idcirco conferuntur cum percussoribus clericorum. Hæc autem excommunicatio incurritur ipso facto, estque reſeruata S. Pontifici, postquam incendiarius denunciatus est excommunicatus, etiã si non fuerit nominatim expressus; sufficit enim generalis publicatio excommunicationis contra incendiarios. Non est tamen improbabilis eorum sententia, qui asserunt istam excommunicationem non esse latæ sententiæ, sed ferendæ. *disp. 2. quest. 3. punct. 43. pag. 256. 257. tom. 3.*

2. Dicuntur incendiarij, qui scienter & prauo animo contra iustitiam incendunt; qui enim præter intentionem est causa incendij, non solet incendiarius appellari, etiã si fortè ex negligentia morali sequutum est incendium. *ibid. pag. 257. tom. 3. n. 3.*

3. Episcopi vi huius constitutionis præcisè non tenentur sententiam excommunicationis ferre, seu excommunicationem publicare contra incendiarios; quia nullum ibi legitur verbum præceptiuum; propterea id relinquitur arbitrio, & prudentiæ Episcoporum. *ibid. num. 7.*

Incestus.

1. **I**Ncestus est congressus cum persona cognata intra gradus in quibus non potest matrimonium celebrari. Non potest autem matrimonium contrahi cum cognatis cognatione legali, vel spiritali, vel cognatione consanguinitatis, vel affinitatis, usque ad quartum gradum. Quare si quis copulam habeat cum filia, quam adoptauit, vel quam suscepit in Baptismo, committit incestum. *tom. 1. pag. 326. n. 1. & 2.*

2. Hoc peccatum est grauissimum, vt constat ex 1. Corinth. 5. eoque grauius, quò persona, cum qua copula habetur, est coniunctior. Omnes tamen incestus sunt eiusdè speciei, & differunt tantum secundum magis, & minus: nihilominus gradus incestus est in confessione aperiendus; quia licet circumstantia

X

aggrauans

aggravans non sit necessariò exprimenda in confessione; tamen qualitas personæ, cum qua copula est habita, non est circumstantia actus, seu peccatis, sed potiùs illius obiectum, & quid pertinet ad substantiam actus spectari in individuo; illum enim constituit in suo esse individuali. *tom. 1. pag. 327. n. 4. & seq.*

3. Copula inter confessarium, & pœnitentem, non est incestus, ac proinde non est circumstantia necessariò in confessione exprimenda: quia sacramentum confessionis non inducit propriè cognationem spirituales, cum nuppiam in iure expressa invenitur. Si tamen confessarius sollicitet pœnitentem in confessione, committit sacrilegium, necessariò in confessione aperiendum ob gravissimâ irreverentiam irrogatam Sacramèto. *ibid. n. 8.*

4. Incestus commissus cum consanguinea vxoris duos saltem parit effectus. 1. est, ut ille qui commisit incestum, non possit petere debitum à coniuge propter affinitatem: nam qui habet copulam cum consanguinea vxoris in primo vel secundo gradu, sit ei affinis in eodem gradu. 2. effectus est, ut post mortem vxoris, non possit aliam ducere, aut si ducat, multi censent non posse debitum ab ea petere absque dispensatione, quam potest Episcopus concedere *tom. 2. pag. 328. num. 11.*

INDULGENTIA.

Indulgentia quid, & quoruplex?

1. Indulgentia est relaxatio pœnæ temporalis debitæ pro peccatis actualibus iam dimissis, quæ homini existenti in gratia conceditur à Prælato per applicationem thesauri Ecclesiæ, qui constat non solum ex infinitis Christi meritis, sed etiam ex Sanctorum satisfactionibus ipsis superfluis. Cum enim multi Sancti plus satisfecerint quàm ipsi indigerent, ipsorum satisfactiones superabundantes in thesauro Ecclesiæ conferuantur per legitimum Prælatum dispensandæ. Vnde patet esse in Ecclesia thesaurum, id est, abundantiam meritorum Christi, & Sanctorum exuberantes satisfactiones, simulque esse in Ecclesia potestatem concedendi indulgentias, & remittendi pœnas quæ peccatis debentur. Porro hic Ecclesiæ thesaurus ante Christi adventum inchoatus fuit: nullus tamè illius usus fuit in veteri lege. *tom. 1. pag. 199. n. 1. & seq.*

2. Indulgentia duplex est, *plenaria, & temporalis*. Per plenariam remittitur tota pœna simpliciter, vel in aliquo genere certo. Per temporalem non remittitur tota pœna, sed tanta quanta in Bullis exprimitur. Hinc collige, quando in bulla conceditur indulgentia septem annorum, aut 40. dierum, significari, homi-

nem qui consequitur talem indulgentiam, obtinere tantam poenae remissionem quantam obtinisset, si tanto tempore poenitentias iuxta canones egisset: non autem esse hunc sensum, per consecutionem talis indulgentiae hominē liberari à poenis in Purgatorio per 7. annos aut 40. dies luendis. *tom. 1. p. 200. n. 1. & 2.*

3. Iubilaeus ab Indulgentia plenaria, & plenissima non differt nisi quod in Iubilaeo concedi solet facultas commutandi vota, & absoluendi à casibus reservatis. Inchoatur autem Iubilaeus Romae à primis vespertis Natiuitatis Domini, post apertas portas, & durat vsque ad annum subsequenter post clausas portas, nisi prorogatio à Summo Pontifice concedatur. In anno Iubilaei suspenduntur reliquae indulgentiae, immò & facultates absoluendi à casibus Summo Pontifici reservatis. Denique Iubilaeus obtineri potest in anno sancto toties, quoties eo anno fiūt opera praescripta, ita enim declarauit. S. D. N. Urbanus VIII. *ibid. n. 5.*

Indulgentias quis concedere possit?

4. Solus Summus Pontifex potest primariò concedere indulgentias; alij verò quatenus ipsis à Summo Pontifice conceditur. Quamobrem facultas concedendi Indulgentias conceditur Episcopis cum limitatione, vt patet in dedicatione Ecclesiae in qua Episcopi concedunt indulgentiam vnus tantum anni, & in annuario dedicationis, indulgentiam 40. dierum. Item Episcopi non habent ius concedendi indulgentiam pro mortuis; ipsorum enim facultas videtur à Sede Apostolica restricta ad illorum subditos in hac vita degentes. *tom. 1. p. 201. n. 1. & seq.*

5. Episcopus in peccato mortali existens, immò excommunicatus, (modò non sit denuntiatus, seu vitandus) potest validè concedere Indulgentias; quia non amisit iurisdictionem. Potest etiam hanc facultatem concedendi Indulgentias non tantum suo Vicario, sed etiam clerico demandare, quia haec facultas competit Episcopis iure ordinario; ergo possunt eam delegare: Solus tamen Pontifex, de plenitudine suae potestatis, potest eam facultatem laicis delegare; quia solus potest in iure communi dispensare. *ibid. n. 8. & seq. & p. 202. n. 13.*

6. Episcopus frui potest indulgentiis quas aliis concedit; neque enim est deterioris conditionis quam alij; non tenetur tamen opus generaliter iniunctum praestare, sed secum potest hac in parte dispensare, faciendo aliud opus pium, loco illius. *pag. 202. n. 16 & 17.*

7. Clerici, etiam Cardinales qui non sunt Episcopi, non possunt indulgentias concedere; quia non sunt Ecclesiastici thesauri dispensatores, nisi ad id facultatem obrineant. Neque Capiculum

Sede vacante; quia non succedit Episcopo in potestate extraordinaria iurisdictionis, saltem in iis quæ sunt reservata Episcopali dignitati. *ibid. n. 22. 23.*

8. Licet Abbas possit efficere alios participes satisfactionum, & orationum quæ fiunt in religione, nulli tamen potest indulgentias concedere, tametsi in suis locis iurisdictionem obtineat Episcopalem; quia non est thesauri Ecclesiastici dispensator. *ibid. n. 19. & 26.*

9. Indulgentiæ concedendæ non sunt absque iusta causa, cuiusmodi est honor Dei, utilitas Ecclesiæ, bonum commune, &c. Pro quolibet autem actu pio etiam leuissimo, validè possunt indulgentiæ à Summo Pontifice concedi: experientia enim constat plenarias indulgentias aliquando pro leuissimo opere concedi, ut pro oratione Dominica, & Angelica, & frustra concederentur indulgentiæ si ad ipsarum consecutionem necessarium esset opus æquiualens. Immo Summus Pontif. aliquando concedere potest indulgentias absolūtè, nullum opus requirendo, ut si defuncto de Ecclesiâ optimè merito indulgentias applicet. *ibid. num. 1. & p. 203. n. 2. & seq.*

Indulgentiarum susceptor.

10. In suscepturo indulgentiam requiritur Baptismus, & si des: unde patet hæreticos, & apostatas à fide non esse indulgentiarum capaces. Excommunicato autem licet contrito, indulgentiæ prodesse non possunt; quia vna ex pœnis excommunicationis est priuatio communium Ecclesiæ suffragiorum, & bonorum, quo in genere sunt indulgentiæ. *tom. 1. pag. 203. 204. num. 1. & seq.*

11. Susceptor indulgentias debet esse in gratia; quia non potest remitti pœna, nisi prius remissâ culpâ. Si vero in Bulla exprimitur confessio, non sufficit suscepturum esse in gratia per contritionem, sed necessaria est confessio, saltem si sibi sit conscius peccati mortalis. At si post vltimam confessionem, pœnicens nullum commisit peccatum mortale, nec recordatur alicuius nondum per confessionem expiati, non est necesse ad consequendam indulgentiam confiteri; quando enim in Bulla exprimitur confessio, sermo est de confessione respectu illius qui confessionem habet peccati mortalis, nisi aliud exprimitur, siquidem confessio simpliciter dicta, ex communi Ecclesiæ usu intelligitur confessio mortalium. *p. 204. n. 4. & seq.*

12. Qui tempore Iubilei confessus est peccata, sed incidit postea in peccatum mortale, vel recordatur alicuius peccati mortalis, antequam cætera opera in Iubileo prescripta adimpleat,

pleat, non obligatur ad nouam confessionem: nam videtur adimpluisse conditionem in lubilao præscriptam, cum semel rite confessus sit, consequenter potest indulgentiam consequi, si de peccato morali post ultimam confessionem commissio eliciat actum contritionis. *ibid. n. 9.*

13. Non est necesse, ut consequatur indulgentiam sit in gratia toto eo tempore quo præstat singula opera præscripta; sed sufficit, ut sit in gratia dum facit vltimum opus, quo posito obtinetur indulgentia; quia opus præscriptum non debet necessarium esse satisfactorium, sed tantum est conditio, qua posita Summus Pontifex applicat indulgentias. *ibid. n. 10.*

14. Qui in statu peccati mortalis præstitit vltimum opus præscriptum ad consequendam indulgentiam, expiato deinde peccato per poenitentiam, non consequitur indulgentiam: quia sicut Sacramenta non reuiuiscunt, quando in ipsorum susceptione appositum fuit impedimentum repugnans substantiæ Sacramenti: ita neque indulgentia reuiuiscit, cuius essentia, & naturæ repugnat status peccati mortalis. *tom. 1. pag. 105. num. 13.*

15. Qui facit honestum opus præscriptum in Bulla, v.g. qui lagitur eleemosynam tantum ob vanam gloriam, non consequitur indulgentiam: quia iam non est opus honestum: secus si ob vanam gloriam, & ob finem aliquem honestum. *ibid. n. 15.*

16. Licet ouis, & lacticiuii uti iuxta locorum consuetudinem, quando pro obtinendo lubilao indicitur ieiunium extra Quadragesimam; quia abstinentia ab ouis, & lacticiuiis non est de essentia ieiunij. *ibid. n. 16.*

17. Qui cupit indulgentiam consequi, debet onus præscriptum per se ipsum adimplere; superior enim eam concedit sub hac conditione. Quamobrem qui curat coronam per alium recitari, aut Ecclesiam visitari, non consequitur indulgentiam concessam recitantibus coronam B. Virginis, aut visitantibus Ecclesiam; istæ enim sunt actiones personales. Secus dicendum de eleemosyna, quæ licet per alium fiat, fieri censetur ab eo cuius nomine fit. *tom. 1. pag. 206. num. 24.*

18. Qui vult obtinere indulgentiam concessam visitantibus quinque altaria, non tenetur ad singula accedere, sed potest ex eodem loco indulgentiam consequi orando versus quinque altaria. *ibid. n. 25.* Item qui orat ante fores Ecclesiæ cum præ turba ingredi non possit, consequitur indulgentiam concessam visitantibus Ecclesiam. *ibid. n. 16.*

19. Potest indulgentia obtineri per opus aliquod internum, ut per examen conscientia, per inuocationem nominis IHSU in articulo mortis, quæ fit mente, cum ore fieri nequit, &c. ex-

perientia enim constat eiusmodi opera interna à Summo Pontifice præscribi ad consequendam indulgentiam. *ibid. n. 28*

20. Probabile est vno, & eodem actu, seu eadem oratione nos consequi non posse indulgentias diuersis viis concessas, vt si quis habeat plura grana benedicta diuersis benedictionibus, seu à diuersis S. Pontif. & in singulis granis concessus sit annus indulgentiæ recitanti orationē Dominicā; videtur enim per orationē illā semel recitatam non posse plures annos indulgentiæ obtineri, sed toties esse recitandum, quot sunt grana. *ibid. n. 29.*

21. Potest quis vno, & eodem tempore diuersis actibus consequi plures indulgentias, quando vnus actus non impedit alium, sed vterque simul subsistere potest, v. g. si concedatur vna indulgentia audienti Missam, & alia diuinum officium recitanti, potest vtramque consequi, qui dum Missam audit, simul recitat officium; duobus enim illis operibus duplex indulgentia respondet, neque obstat circumstantia eiusdem temporis, est enim quid extrinsecum. *tom. 2. pag. 107. n. 31.*

22. Non opus est, vt volens Iubilæum obtinere, omnia pia opera præscripta faciat vna, & eadem hebdomada: nam iuxta communem sententiam potest quis in prima hebdomada ieiunare, eleemosynam erogare, Ecclesias visitare, dilata confessione, & communiōne in Dominicam proximè sequentem, quamuis hæc præcipue in Bulla præscribantur. *ibid. n. 34.*

Indulgentia pro defunctis.

23. Animæ fidelium in Purgatorio duplicem pœnam patiuntur; altera dicitur *pœna damni*, estque præcipua, quæ consistit in priuatione visionis Dei, qui est summum hominis bonum. Altera dicitur *pœna sensus*, quam animæ ab igne patiuntur. Quomodo autem verus ignis agere possit in animas corporibus exutas, nulli mortalium est reuelatum. *tom. 1. pag. 208. n. 2. & 3.*

24. Indulgentiæ quamuis plenariæ non profunt defunctis per modum iudicij: quia Ecclesia non habet iurisdictionem, aut iudiciariam potestatem in animas in Purgatorio detentas, cum sint extra forum Ecclesiæ: sed profunt per modum suffragij, id est, per modum auxilij, & adiutorij Ecclesiastici illis applicati. *ibid. num. 4.*

25. Qui facit opus ad consequendam indulgentiam pro defuncto, non est necesse, vt sit in gratia; quamuis enim existens in peccato mortali, non possit suis operibus satisfacere pro se, aut pro alio, nihilominus potest indulgentiam pro defuncto lucrari, si faciat opus præscriptum; tunc enim ipse non dicitur satisfacere, sed facere opus, quo posito Summus Pontifex

is ex applicat defuncto indulgentiam, id est, satisfactiones Christi, & Sanctorum. *ibid. n. 11*

26. Homo in hac vita degens, potest indulgentiam alteri homini item viventi lucrari, si hoc in Bulla exprimat; etiam si non adsit consensus, & scientia illius cui applicatur, cum passivè se habeat, ut patet à simili de animabus Purgatorij. *ro. 1. p. 109. n. 12.*

27. Indulgentia pro defuncto accepta tantum illi prodest, quantum profuisset accipienti, si eam sibi applicasset. Quare si indulgentia est plenaria, prodest defuncto ad remissionem omnis pœnæ, modò Deus eam acceperit. Hic autem quæri potest, cur accepta vna indulgentia plenaria pro defuncto, alia de nouo, atque alia eidem applicetur. *Respond. 1.* quia fieri potest ut aliquis defectus interuenerit in concessione indulgentiæ, ut si concessa sit absque vlla causa. 2. quia potest contingere defectus ex parte accipientis indulgentiam, propter quem fit irrita. 3. quia fieri potest, ut Deus indulgentiam non acceptarit; nam indulgentia non habet infallibilem effectum respectu animæ defuncti. Hinc fit ut indulgentiæ iisdem defunctis sæpius aplicentur, ut repetitis suffragiis à pœnis eruantur. *ibidem, num. 14. & 15.*

Indulgentiarum valor.

28. Qui moritur statim post obtentam indulgentiam plenariam, nulla interiecta mora, ad cœlum euolat: quia indulgentiæ tantum valent quantum sonant, indulgentia autem plenaria sonat remissionem omnis pœnæ. *ibid. n. 1. & 2.*

29. Qui alienam habet coronam, seu granum benedictum inuentum, vel sibi commodatum, potest eandem consequi indulgentiam, quam dominus illius coronæ, seu grani consequeretur, modò coronam, seu granum apud se habeat, non verò domum tantum. *ibid. n. 2.*

30. Probabile est concessionem indulgentiæ, quando constat de potestate concedentis, latè explicandam esse, quantum verba patiuntur; quia hæc concessio est fauor; at fauor, & beneficium Principis latè explicandum est quantum fieri potest sine præiudicio tertij. *ibid. n. 4.*

31. Indulgentiæ durant iuxta intentionem concedentis, & non ultra. Quare indulgentia absolute concessa, per se loquendo, perpetuò durat, neque expirat morte concedentis. Indulgentia concessa communitati, durat quandiu manet communitas, neque desinit cum personis singularibus. Quando Ecclesia destructa, alia in eodem loco reedificatur, adhuc durat indul-

gentia illi loco concessa. Quando templum debita auctoritate aliò transfertur, indulgentia illi templo concessa, vnà cum templo transfertur : secus si indulgentia concessa sit situi, & solo. *rom. 1. pag. 210. 211. n. 1. & seq.*

32. Solent indulgentiæ plenariæ anno Iubilæi suspendi, vt fideles Romam se conferant ad consequendas indulgentias. Tamen. S. D.N. Urbanus VIII. viua voce declarauit anno Iubilæi 1625. non suspendi vllas vrbes indulgentias. Item non suspendi vsquam terrarum indulgentias in articulo mortis concessas. Item nusquam suspendi indulgentias pro defunctis. Item non tolli à priuilegiatis facultates, & priuilegia absoluedi, exceptis iis, quæ concedi aliàs solent ratione indulgentiarum. *p. 210. n. 2.*

33. Successor potest indulgentias ab antecessore concessas reuocare : nam vt succedit dignitati, ita & potestati. Inferior verò non potest reuocare à superiore concessas. Quamobrem Episcopus indulgentias à Sede Apostolica concessas reuocare nequit. Reuocata indulgentia non statim extinguitur antequam reuocatio perueniat ad aures eorum, quibus concessa fuerat. Vnde sequitur eum, qui inuincibiliter ignorans reuocationem indulti sibi concessi bona fide confessus est peccata reservata, vel censuras, remanere absolutum virtute indulti. *rom. 1. pag. 211. num. 7. & 8.*

34. Indulgentia perpetua concedi potest ob causam temporalem : quare cessante causa, ipsa non cessat. Indulgentia autem pro mortis articulo concessa semel accepta non expirat ; nisi id exprimat in Bulla ; sed adhuc licet ea frui, nouo mortis articulo superueniente ; quia propositio indefinita æquiualeat vniuersali, *ibid. n. 11.*

35. Qui facultatem habet eligendi confessarium, à quo virtute indulgentiæ absoluat in articulo mortis, capax est absolutionis, & indulgentiæ, etiamsi postquam petiit confessionem, sensibus destituatur, cum enim, vt suo loco diximus, sit capax sacramenti Pœnitentiæ ; quidni erit capax indulgentiæ, cum sit viator. *ibid. n. 13.*

INFIDELIS.

Infidelium fautores.

1. **D**Eferentes, vel transmittentes equos, arma, ferrum, filum ferri, stannum, chalybem, omniâque alia metallorum genera ; item lignamina, canapem, funes, ipsâque materiam funium, & alia id genus, quibus infideles, & Catholicæ religionis hostes, Christianos, & Catholicos impugnant, excommunicatio

municationem 7. Bullæ Cœnæ incurrunt : Item deferentes , vel transmittentes pecuias, quæ sunt nerui belli, & victualia eo tempore, quo vsui esse possunt ad bellum Christianis iaserendum, eadem excommunicationis pœna percelluntur. *disp. 1. quæst. 2. punct. 2. pag. 30 tom. 3.*

2. Eadem censura comprehenduntur Christiani militantes in castris, vel nauibus infidelium contra Christianos. Qui Christianæ fidei hostibus, & hæreticis auxilium, consilium, vel fauorem in damnum Christianorum quomodolibet præstant. Qui vendunt arma Iudæis, quando est probabilis suspicio arma ab ipsis eini in damnum Christianorum, vt scilicet ea transmittantur ad alios infideles. Qui tradunt, vel tradi consulunt arcem, vel oppidum infidelibus : hi enim omnes adiuuant infideles contra Christianos *ibid. pag. 31. 32. tom. 3.*

3. Qui per se, vel per alios certiores faciunt Christiani nominis hostes, & hæreticos de rebus pertinentibus ad statum alicuius Reip. Christianæ in damnum Christianorum, & religionis Catholicæ, in eandem censuræ pœnam incurrunt, v.g. qui admonet infideles talem arcem non esse bene munitam, & facile capi posse: qui hæreticis significat in tali vrbe magnâ esse annonæ caritatē, quo cognito hæretici illâ vrbe sunt occupaturi, &c. hæc enim omnia cedunt in damnum rei Christianæ. *ibid. pag. 32. tom. 3.*

4. Ab hac censura incurrenda excusare potest paruitas materiæ: quia non incurritur excommunicatio nisi ob grauem culpam: illa autem censenda est levis materia, ex quia leue damnum timetur: v.g. qui titulo gratitudinis donaret infideli pugionem, galeam, arcem, &c. non ligaretur hac censura ob materiæ paruitatem. *ibid. punct. 4. pag. 34. n. 1. tom. 3.*

5. Qui arma ad infideles detulit, vel deferri mandauit, non ligatur hac censura, nisi arma ad ipsos perueniant; quia translatio non dicitur perfecta, donec res perueniat ad eum, ad quem destinatur. *ibid. num. 2.*

6. Qui Turcas aliôsve infideles, aut hæreticos certiores facit de rebus ad Reip. Christianæ statum pertinentibus, quæ iam ipsis notæ erant, modò nihil addat noui, non incurrit excommunicationem. Quia non facit actum completum sub censura prohibitum, neque enim propriè dicitur certiores facere infideles de rebus Christianorum, cùm ipsi iam essent certi. Sic à peccato de tractionis excusatur, qui de occulto alterius delicto loquitur cum eo, cui iam erat notum. *ibid. n. 5.*

7. Metus grauis damni ab hac censura excusat, nisi fortè grauius Reipublicæ Christianæ damnum præponderet : quia Ecclesia numquam obligat sub excommunicatione cum graui

damno, vel incommodo. Hinc sequitur Christianum in nauibus Turcarum metu mortis remigantem excusari ab hac censura, quia metu graui compulsus exercet actionem ex se indifferenter. Idem dicendum de iis, qui naues armis onustas, aut arcē armis instructam metu mortis aufugientes dimittunt, ita ut ab infidelibus in damnum Christianorū capiatur. *ibid. n. 6. & 7.*

8. Qui vi tormentorum adactus detegit infidelibus ea, quæ ad statum Reipublicæ Christianæ pertinent, si potest verbis amphibologicis eludere interrogantes, & sic tormenta euadere, incurrit censuram Bullæ detegendo: quia is non dicitur grauem metum pati, qui facillè potest se ab eo liberare. Sin non potest eludere, & rationabiliter credit se acriter torquendum, ni detegat, probabile est non ligari censurâ detegendo; quia grauis metus excusat. *ibid. pag. 34. 35. num. 9. tom. 3.*

9. Grauis est controuersia, vtrum excommunicationem incurrat, qui fauorem, vel auxilium præstat infidelibus, & hæreticis contra Principem Christianum ad eius vires imminuendas, ne ita potens fiat, ut ei resisti nequeat. Supperunt in vtramque partem probabiles rationes: affirmatiua tamen sententia probabilior videtur: quia Summus Pontifex in sua Bulla excommunicat eos, qui infidelibus, vel hæreticis à Sede Apostolica denunciatis auxilium, vel fauorem quomodolibet præstant, quæ loquendi forma excludere voluit omnem tergiversandi rationem. *ibid. num. 10.*

10. Qui deferunt ad infideles arma, pecunias, vel alia pro redemptione captiuorum, non subiacent huic censuræ, modò redimere nequeant captiuos aliis rebus non prohibitis: quia hic casus per epikeiam exceptus est, cum Christiani maximum commodum percipiant ex redemptione captiuorum. *ibid. n. 11.*

11. Qui ex priuilegio Summi Pontificis arma, vel alia prohibita deferunt ad infideles, non ligatur hac censura, modò in ipso priuilegio huius prohibitionis, quæ est in Bulla Cœnæ, expressa mentio fiat: quia legislator potest in sua lege dispensare. *ibid. pag. 36. num. 15. tom. 3.*

12. Præter excommunicationem sunt aliæ poenæ in iure latæ contra eos, qui res prohibitas deferunt ad Saracenos: nam bonis priuandi sunt, & in seruitutem redigendi, si capiantur, laborant perpetua infamia, sunt incapaces testamenti, & inhabiles ad successiones, & publica officia, tanquàm excommunicati, & fidei Catholicæ hostes sunt publicè denunciandi. *ibid. n. 17.*

13. Pius V. in Bulla 149. quæ incipit. *Licet omnibus notissimum*, excommunicationem tulit contra capientes Christianos in terris Turcarum, aut cogentes eos ad remigandum, aut

talcam

talem ipsi imponentes, aut ipsorum bona diripientes, quicunque illi sint. *disp. 2. quæst. 3. punct. 46. pag. 257 tom. 3.*

Inquisitio. Inquisitores

1. **P**ius V. in extrauag. quæ incipit, *Si de protegendis*, estque 83. excommunicationem tulit contra eos, qui occiderint, aut vexauerint quemlibet ex Inquisitoribus, officialibus, ac ministris officij S. Inquisitionis, vel Episcoporum hoc munus exercentium, seu qui accusatorem, aut testem in causa fidei occiderint, verberauerint, aut perterrefecerint, quive Ecclesias, ædes, aliàsve res ad officium, aut ministros pertinentes inuaserint, incenderint, expilauerint, aut libros combusserint, &c. *disp. 2. quæst. 2. punct. 13 pag. 165. tom. 3.*

2. Qui auxilium, consilium, aut fauorem in quolibet prædictorum scienter præstiterit, licet nemo sit occisus, nemo verberatus, nihil extractum, nihil expognatum, nullum denique damnum sequutum fuerit, eodem excommunicationis vinculo innodatur: sic enim habetur in Bulla. *ibid. n. 4.*

3. Præter excommunicationem, aliis etiam pœnis afficiuntur delinquentes; damnantur enim crimine læsæ maiestatis, priuantur dominio bonorum, ipsorum filij efficiuntur infames, &c. *ibid. n. 5.*

4. Hæc excommunicatio non est reservata.

5. In cap. *Vt Inquisitionis* 18. de hæreticis in 6. habetur excommunicatio contra dominos temporales resistentes, Episcopis, & Inquisitoribus; quando ab eis requiritur, vt eurent inuestigare, capi, ac diligenter custodiri hæreticos, eorum credentes, fautores, receptatores, & defensores. *disp. 2. quæst. 10. punct. 8. pag. 315. n. 1. & 2. tom. 3.*

6. Quoties inter Inquisitorem, & Episcopum dissensio suboritur, vno volente condemnatum de hæresi puniri; altero renuente, domini temporales debent super sedere, donec summus Pontif. consulatur; quia non est maior ratio, cur vni potius, quàm alteri obediat, nisi ex Summi Pontif. declaratione constaret præcipuum ius procedendi pertinere ad Inquisitorem, Episcopum verò habere tantum ius suffragij. *ibid. num. 5.*

7. Eandem excommunicationem incurrunt Iudices seculares cognoscentes de crimine hæresis, cum sit merè Ecclesiasticum, & liberantes à carcere captos pro crimine hæresis absque licentia, seu mandato Inquisitoris, vel Episcopi; aut renuentes executionem ab iis iniunctam quamprimum adimplere. *ibid. num. 5. & seq. Excommunicantur item impediētes directè,*
vel

vel indirectè iudicium seu processum Inquisitoris, aut Episcopi, contra crimen hæreseos; aut prædictis auxilium, consilium, vel fauorem scienter dantes. *ibid. n. 9. & seq.*

8. Pius V. in Bulla, quæ incipit *Sanctissimus* D. N. sub excommunicatione latæ sententiæ, & aliis pœnis arbitrariis iniungit omnibus Magistratibus, vt Cardinalibus Congregationis S. Inquisitionis pareant in iis, quæ ad officium S. Inquisitionis spectant. *ibid. punct. 9. pag. 316. tom. 3.*

9. In Clement. 2. *de hæreticis*, fertur excommunicatio contra Inquisitores & commissarios ipsorum, & Episcoporum, seu Capitulorum, extorquentes pecuniam prætextu officij Inquisitionis, aut applicantes fisco bona Ecclesiæ. *ibid. punct. 10.* Hec autem excommunicatio respectu illius, qui pecuniam extorsit, reservata manet donec satisfecerit; post satisfactionem verò tollitur reservatio. *ibid. pag. 317. m. 9. tom. 3.*

10. In Clement. 1. §. *Verum, de hæreticis*, fertur excommunicatio contra Inquisitores, & alios S. Inquisitionis officiales inferiores Episcopis, qui propter odium, gratiam, amorem, vel lucrum, seu commodum temporale non procedunt contra suspectos, vel diffamatos de hæresi, vel qui temerè vexant aliquem imponendo illi notam, vel suspicionem hæresis. Episcopi verò aut superiores Episcopis facientes contra huius Clementinæ dispositionem, incurrunt pœnam suspensionis ab officio per triennium. Hæc excommunicatio reservata est Summo Pontifici. Idem probabiliter dicendum de suspensione. *disp. 2. quæst. 7. punct. 5. pag. 286. tom. 3.*

11. Fratres Prædicatores præsumentes perturbare officium Inquisitionis, quod fratres Minores cōtra hæreticos exercent, ligantur suspensione ab exercitio sacrorum ordinum, donec absolutionem à Sede Apostol. aut ab illo, cuius officium perturbarent obtineant. Eadem suspensio afficit fratres Minores respectu Fratrum Prædicatorum. *disp. 3. quæst. 8. punct. 16. tom. 3.*

INTERDICTVM.

Quid & quoruplex sit indictum?

1. **I**nterdictum est Ecclesiastica censura, qua interdictus separatur à perceptione quorundam Sacramentorum, à diuinis officiis, & ab Ecclesiastica sepultura. Est autem aliud *locale*, quo directè interdicitur locus ne in eo diuina officia ab incolis, vel extraneis audiantur, quamuis personæ loci interdicti possint alibi diuina officia audire; aliud *personale*, quo prohibetur populus, vel

vel persona particularis, diuina officia audire vbiicumq; sit; aliud *mixtum*, quod locale & personale complectitur. Rursum interdictum locale, & personale, aliud est *generale*, aliud *speciale*. *tom. 1. pag. 439. n. 1. 2. & 4.*

2. Interdicto Clero, non censentur religiosi interdicti: quia religiosi in odiosis non veniunt nomine cleri, sed in fauorabilibus tantum. Interdicta autem familia, censentur clerici, & alij eiusdem familiae interdicti; etiam si autem post latum interdictum aliquis ab ea familia recedat, adhuc manet interdictus. Secus dicendum de illo, qui post latum interdictum fit de familia interdicta: hic enim non comprehenditur interdicto: quia censura solum afficit eos in quos fertur. Interdicto populo ciuitatis, non censentur interdicti qui habitant in suburbiis, nisi sint de populo ciuitatis *tom. 1. p. 440 n. 14. 16. & 18.*

3. Ciues communitalis interdictae, qui absunt, dum fertur interdictum, nihilominus subiacent interdicto, quia sunt pars illius communitalis. Si vero alio transferant domicilium, desinunt esse interdicti; quia desinunt esse pars communitalis interdictae, modo ipsi non dederint causam culpabilem interdicto. Vice versa homines non interdicti, si fiant conciuies communitalis interdictae, sunt interdicti. Item amentes, aut infantes, acquisito rationis usu, subiiciuntur interdicto, & capella addita Ecclesiae iam interdictae, subiicitur interdicto. *tom. 1. pag. 441. n. 19.*

4. Interdicta ciuitate censentur etiam suburbia interdicta, etiam si non sint temporaliter subdita illi domino, cuius causa ciuitas est interdicta; immod etiam si suburbia sint alterius diocesis, nec sint subdita iudici Ecclesiastico, a quo latum est interdictum: alioquin parui penderetur interdictum; nam interdicta ciuitate possent ciues accedere ad loca vicina ad diuina audienda. Norandum tamen illa suburbia, quae non sunt subdita Episcopo interdicensi, non censeri interdicti ab Episcopo, sed a iure communi. *ibid. n. 23.*

5. Religiosi, quibus ante Concilium Tridentinum concessa fuerant priuilegia celebrandi diuina officia, & admittendi laicos tempore interdicti localis, non possunt hoc tempore his priuilegijs vti: quia Concilium huiusmodi priuilegijs derogauit. *ibid. n. 25.*

6. Interdictum, quo generaliter interdicatur terra alicuius Principis, cadit in omnes terras, quarum Princeps habet dominium, aut usum fructum. non tamen cadit in terram acquisitam post latum interdictum, nisi hoc exprimat in sententia interdicti: illius tamen terrae venditae post interdictum subiacent interdicto: quia transeunt ad alium dominum cum onere, quod illis adheret. *tom. 1. p. 442. n. 27.*

7. Superior, seu iudex, qui tulit interdictum, non includitur in interdicto personali: quia seipsum non potest interdicere; locali tamen comprehenditur interdicto: licet enim integrum sit iudici non ferre interdictum; nihilominus lato semel interdicto, etiam ipse tenetur illud seruare, quia est de iure communi. Quocirca iudex qui aliquem locum interdixit, tenetur abstinere ab officiis eo loco persoluendis. *ibid. n. 28.*

8. Religionum Prælati non possunt interdictum locale ferre, licet possint personale: quia ipsorum iurisdicctio potius cadit in personas quàm in loca; neque huiusmodi Prælati solent interdictum locale ferre, quod argumento est ipsos non posse. *ibid. n. 2.*

Interdicti effectus.

9. Interdicti siue localis, siue personalis tres sunt effectus. 1. est priuatio aliquorum Sacramentorum. 2. priuatio diuinorum officiorum. 3. priuatio Ecclesiasticæ sepulture. Hi tamen effectus non sunt ita inter se conuexi, quin possint etiam ab Episcopo, qui interdictum tulit separari, ad differentiam effectuum excommunicationis, qui non possunt ab Episcopo separari. Quare fieri potest, ut quis interdicatur ab officio sacerdotali, non tamè à sepultura, &c. quapropter obseruandum est diligenter quibus verbis feratur interdictum. *ibid. n. 1.*

10. Tempore interdicti localis, sacramenta Baptismi, & Confirmationis cum solita solemnitate administrari possunt. Interdictus item interdicto personali generali, potest suscipere sacramentum Confirmationis: quia est quoddam veluti complementum Baptismi. Ille tamen qui dedit causam interdicto, aut qui est speciali, & personali interdicto obstrictus, non potest ad hoc Sacramentum admitti, nisi prius præstiterit condignam satisfactionem ab Ecclesia præscriptam, propter contumaciam. *tom. 1. p. 443. num. 1. seq.*

11. Tempore interdicti localis licet, cum solita solemnitate, solis moribundis Eucharistiam ministrare. In regressu autem ab infirmo possunt indulgentiæ concedi; nam illa concessio est actus externæ iurisdictionis. Tempore interdicti localis, secluso mortis periculo, vel priuilegio, non licet suscipere Eucharistiam in loco interdicto. *tom. 1. p. 443. n. 1. §. p. 444. n. 7.*

12. Clerici non existentes in probabili vitæ periculo, nō possunt tempore interdicti, Eucharistiam more laicorum suscipere; quia ius nouū hac in parte non derogauit iuri antiquo. Possunt tamen Missam celebrare, sicque Eucharistiam sumere, quia sacrificium Missæ sine Eucharistiæ sumptione perfici requirit. *ibid. n. 8.*

13. Qgilibet

13. Quilibet Sacerdos, qui sublato interdictiois habet Eucharistiam ministrandi, potest illam tempore interdicti ministrare in articulo mortis, modò ipse non dederit causam interdictio, nec sit specialiter interdictus: tunc enim, extra casum necessitatis non posset Eucharistiam ministrare. *ibid. n. 10.*

14. Interdictus personaliter interdictio generali, potest suscipere Eucharistiam per modum viatici, abique alia satisfactione, modò non dederit causam interdictio. Nam qui dedit causam culpabilem interdictio, vel qui est specialiter interdictus, non est ad Eucharistiam admittendus, nisi exhibitâ debitâ satisfactione, si potest exhiberi, sin minus exigenda est cautio, tum absolutio impendenda, antequam Eucharistia illi ministraretur.

15. Nullus potest, neque tenetur ad implendum præceptum annuæ communionis in Paschate, suscipere sacramentum Eucharistiæ, tempore interdicti localis generalis: quia interdictum priuat Eucharistia præterquam in articulo mortis. *ibid. n. 12.*

16. Iure nouo licet sacramentum Pœnitentiæ ministrare tempore interdicti, aut cuiusque interdictio, modò non sit excommunicatus, & non dederit culpabiliter causam interdictio, aut non sit specialiter interdictus. Quilibet autem Confessarius, qui non dedit causam culpabilem interdictio locali, potest tempore interdicti, in loco interdictio ministrare sacramentum Pœnitentiæ. Idem dic de Confessario ligato interdictio personali generali. At specialiter interdictus non potest extra necessitatem hoc Sacramentum ministrare, valida tamen esset absolutio ab eo collata. *rom. 1. pag. 445. n. 1. & 2.*

17. Tempore interdicti, aut personaliter interdictio non potest sacramentum Ordinis ministrari: quia interdictum priuat perceptione Sacramentorum, nisi sit aliqua specialis exceptio; at non excipitur sacramentum Ordinis. Excipe casum necessitatis, ut si deessent sacerdotes, qui tempore necessitatis conferrent Sacramenta. *ibid. n. 3.*

18. Nulli personaliter interdictio, aut tempore interdicti localis ministrandum est sacramentum Extremæ Vnctionis, nisi ex priuilegio speciali. *ibid. num. 4.*

19. Non licet personis interdictis, aut tempore interdicti localis contrahere matrimonium, nisi aliud ferat consuetudo. Probabilis tamen etiam est opposita sententia. Sponsalia verò licitè & validè celebrari possunt; ipsa enim non sunt Sacramentum, sed contractus humanus, qui tempore interdicti non prohibetur à iure. Porro benedictiones super coniugatos fieri solitæ, iure nouo sunt licitæ modò fiant ianuâ clausis, exclusis excommunicatis, & interdictis, sine sollemnitate; imò etiam cum sollemnitate iis diebus quibus

quibus licet diuina officia solemniter persolvere : nam hæc benedictiones pertinent ad diuina officia : fieri tamen non possunt super coniugatos personaliter interdictos. *ibid. num. 8. & 9.*

20. Ea officia diuina , quæ non requirunt personam Ecclesiasticam ad ea deputatam , non censentur prohibita tempore interdicti : quia non censentur officia Ecclesiastica , & communia , sed priuata. Huiusmodi sunt benedictio mensæ , oratio angelica , litaniz , &c. *tom. 1. pag. 446. n. 4.*

21. Bonifacius VIII. in cap. *Alma mater*, concessit facultatem celebrandi singulis diebus Missam , & diuina officia , tempore interdicti localis , generalis secretò , in Ecclesiis , & Monasteriis , ianuis clausis , summissa voce , exclusis excommunicatis , & interdictis , sine pulsu campanarum. Tempore autem interdicti localis specialis , licet tantum semel in hebdomada Missam celebrare ad Eucharistiam renouandam , ubi Eucharistiz sacramentum asseruatur. *ibid. n. 6. & pag. 447.*

22. Tempore interdicti generalis licet pulsare campanas ad conuocandum populum ad concionem , ad comitandam Eucharistiam , dum ad infirmos defertur , ad salutationem angelicam , &c. Ad diuina verò officia , & ad Missam non licet. Possunt tamen pulsari campanæ ad indicandas diei horas *ibid. n. 8.*

23. In festiuitatibus Natalis Domini , Paschæ , Pentecostes , Assumptionis B. V. Mariæ , Corporis Christi cum octaua , & Conceptionis B. M. V. item cum octaua , licet tempore interdicti localis generalis , non autem specialis , celebrare Missam , & diuina officia publicè , & solemniter , pulsatis campanis , ianuis apertis , alta voce , admissis interdictis , etiam illis qui causam dederunt interdicto , modò non admittantur ad oblationes , & communionem ; at excommunicati sunt excludendi. Illis tamen diebus non conceditur laicis communicare. *tom. 1. pag. 447. membr. 14. & seq.*

24. Amentes , & infantes , nec non clerici non coniugati , etiam extranei tempore interdicti localis generalis , ad diuina officia admitti possunt , modò ipsi non sint excommunicati , vel interdicti , nec dederint causam culpabilem interdicto. Laici verò sine priuilegio , ad diuina officia non sunt admittendi. Porro quibus id ex priuilegio conceditur , possunt cum sua familia diuinis interesse : immò diebus festis tenentur sacrum audire. *tom. 2. pag. 447. num. 20. & pag. 448. n. 21. & 23.*

25. Interdictum simpliciter latum absque vlla restrictione , priuat Ecclesiastica sepultura personas , & locum interdictum. At qui non sunt personaliter interdicti , nec dederunt causam culpabilem interdicto , possunt tempore interdicti sepeliri in loco

loco sacro non interdicto. In iis autem festiuitatibus in quibus suprà dictum est posse diuina officia publicè celebrari, possunt laici adulti in loco interdicto sepeliri. Cæterùm sepultus tempore interdicti in loco profano, sublato interdicto, exhumandus est, & in loco sacro sepeliendus: sepultus autem illicitè in loco sacro interdicto, exhumandus est durante interdicto, vt careat Ecclesiastica sepultura. *tom. 1. pag. 448. n. 1. & seq. & pag. 449. n. 7. & 8.*

26. Infantes, & amentes tempore interdicti localis, vel generalis personalis, in loco sacro sepeliri non possunt. At tempore interdicti personalis specialis in loco sacro non interdicto sepeliri possunt. Sepeliens interdictum toleratum in loco sacro, non incurrit excommunicationem latam in Clement. 1. *de sepulturis*. Ille autem censetur nominatim denunciatus, qui est membrum communis nominatim, & specialiter interdictæ. *tom. 1. pag. 449. num. 8. & 10.*

27. Interdictus ab ingressu Ecclesiæ non potest in Ecclesia, vel cœmeterio sepeliri, nisi dederit signa contritionis; tunc enim potest absolui, & in loco sacro sepeliri. Potest tamen interdictus ab ingressu Ecclesiæ in cœmeterio diuinis operari, vel interesse; quia cœmeterium, in rigore, sub nomine Ecclesiæ non continetur. Potest item suscipere sacramenta in Ecclesia, quando diuina non celebrantur. *ibid. n. 11. & 12.*

28. Clerici non interdicti, qui seruauerunt interdictum, nec illius causa fuerunt, possunt tempore interdicti localis sepeliri in loco etiam specialiter interdicto, modò id fiat sine solemnitate, & campanarum pulsu. Immodò sepeliri possunt cum diuino officio, & Missa, summissa voce, ianuis clausis. Quod si cœmeterium extra Ecclesiam existat, poterunt officia in Ecclesia celebrari, deinde cadauer in cœmeterium cum silentio erit transferendum. *tom. 1. pag. 449. n. 13. & pag. 450.*

29. Interdictus non priuatur exercitio iurisdictionis exterioris: quare interdictus, etiam nominatim denunciatus potest excommunicare, absoluerè, &c. indulgentias concedere, immodò & lucrari modò sit in gratia, & præstet opera quæ præscribuntur in Bulla. *tom. 1. pag. 450. n. 1. & seq.*

Interdictum violentium pœna.

30. Laici interdictum locale, vel personale violentes, ex suo genere mortaliter peccant; quia faciunt contra prohibitionem Ecclesiæ in materia graui. Nullam tamen pœnam præcisè ob violationem interdicti incurrunt; nulla enim habetur in iure expressa, præterquam in Clementina *grauis, de sent. excomm.* de qua infra. *ibid. num. 1. & 2.*

31. Clerici tam sæculares, quàm regulares, violantes interdictum, ex suo genere mortaliter peccant, nisi ratione paruitatis materiæ, aut grauis metus à potente incussi, excusentur à mortali. Interdictum autem violantes per exercitium alicuius ordinis sacri, irregularitatem incurrunt, & suspensionem ab officio, & consequenter à iurisdictione, possuntque per sententiam priuari beneficiis, aliisque pœnis affici. *ibid. n. 3. & pag. 451. n. 4.*

32. Interdictum à clericis tripliciter violari potest. 1. dum clericus vinculo interdicti irretitus, functionem ordinum exercet. 2. dum ipse non est quidem interdictus, sed in loco interdicto sacramenta confert. 3. dum nec ipse nec locus est interdictus, sed sacramenta confert interdicto. In duobus primis casibus incurritur irregularitas: in tertio verò valde probabile est non incurrì; quia hic casus non est in iure expressus. *tom. 1. pag. 451. n. 4.*

33. Clericus communicans cum nominatim interdicto, in iis rebus, à quibus est interdictus, mort. peccat, & interdicitur ab Ecclesiæ ingressu, donec satisfaciatur ad arbitrium illius, qui tulit interdictum. Communicans autem cum interdicto in rebus humanis non peccat: quia non tenetur vitare interdictum in iis rebus à quibus non est interdictus. *tom. 1. pag. 452. n. 19.*

34. In Clementina *grauis, de sent. excomm.* fertur excommunicatio contra eos qui tempore interdicti cogunt aliquem ad diuina officia celebranda in locis interdictis, vel qui aliquos vocat, præsertim excommunicatos, seu interdictos ad diuina audienda in locis interdicto suppositis, vel qui prohibent ne excommunicati publicè, vel interdicti exeant de Ecclesia tempore Missæ, postquam à celebrante moniti sunt vt exeant; hæc autem excommunicatio tantùm afficit dominos temporales, qui hæc audent in terris suis interdicto suppositis. Quamobrem personæ priuatæ quæ hoc facere præsumunt in terris alienis, huic censuræ non subiiciuntur. *disp. 2. quæst. 3. punct. 20. pag. 225. & seq.* Hæc excommunicatio cadit etiam in publicè excommunicatos, & interdictos, qui in Ecclesia nominatim à celebrante moniti vt exeant, nihilominus remanere præsumunt. *ib. pag. 226. n. 13. to. 3.*

35. Qui dat causam interdicto locali, personale interdictum incurrit, iuxta probabiliorem sententiam. Quocirca si Princeps aut alius delictum commisit, propter quod oppidum fuit interdictum, ipse etiam manet interdictus; ac proinde non solum in eo oppido diuina audire non potest, verùm etiam neque alibi. *disp. 4. quæst. 1. punct. 1. pag. 287. tom 3.*

Interdicta personalia.

36. Recipiens Episcopatum, Abbatiam, vel aliam dignitatem

tem de manu laici , interdicatur ab ingressu Ecclesiæ quousque resipuerit *cap. si quis, quæst. 7.* Ad incurrendam tamen hanc censuram opus est, ut quis illius dignitatis possessionem iam adierit. Extenditur etiam ad laicos qui eam dignitatem conferre præsumunt. *disp. 2. quæst. 2. punct. 2. pag. 288. tom. 3.*

37. Episcopi, & Abbates qui in alienatione bonorum Ecclesiasticorum non seruant formam præscriptam in Extrauag. *Ambrosio*, de rebus Eccles. non alienand interdicuntur ab ingressu Ecclesiæ, & nisi intra sex menses resipuerint, suspenduntur ipso facto à regimine, & administratione in temporalibus & spiritualibus. *ibid. punct. 3.*

38. Qui interdictum locale generale violant celebrando, aut faciendo celebrari diuina in locis interdictis, aut qui admittunt excommunicatos publicè, vel interdictos ad diuina officia, seu Ecclesiastica sacramenta, vel Ecclesiasticam sepulturam, interdicuntur ab ingressu Ecclesiæ donec satisfecerint ad arbitrium illius cuius sententiam neglexerunt, *cap. Episcoporum. de priuil. in 6. ibid. punct. 3.*

39. Confessarius excipiens in Ecclesia confessionem alicuius nominatim interdicti ab ingressu Ecclesiæ, hanc censuram non incurrit; quia sic interdictus potest sacramenta suscipere in Ecclesia: saltem eo tempore quo diuina celebrantur. *ibid. pag. 380. num. 8. tom. 3.*

40. Metropolitanus, ex decreto Trident. *sess. 6. cap. 1.* qui per nuncium aut literas non defert intra tres menses Episcopos suffraganeos absque iusta, & rationabili causa non residentes vltra annum: & contrà Episcopus suffraganeus antiquior residens, qui non defert Metropolitanum vltra annum non residentem absque legitimo impedimento, interdicuntur ingressu Ecclesiæ. *ibid. punct. 7. tom. 3.*

41. Presbyteri, Diaconi, vel Subdiaconi qui in crimine fornicationis iacent, interdicuntur ingressu Ecclesiæ donec resipiscant. Hoc tamen interdictum non est hodie vsu receptum. *ibid. punct. 10. tom. 3.*

42. Sacra Cardinalium Concilij Trident. Congregatio præcipit sub pœna interdicti ab ingressu Ecclesiæ ipso facto incurrenda. 1. ut pecuniæ, ac bona mobilia accepta pro perpetuo onere celebrandarum Missarum deponantur apud ædem sacram, vel personam fide dignam, & idoneam, ut quamprimû in bonis immobilibus frugiferis collocentur. 2. prohibet sæcularibus sub pœna interdicti ab ingressu Ecclesiæ; regularibus verò sub pœna priuationis vocis actiuæ, & passiuæ, officiorum quæ tunc obtinent, ac inhabilitatis ad alia, ne onera Missarum perpetua

fulcipiant sine licentia in scriptis ab Episcopo, vel eius Vicario generali, vel à Generali aut Prouinciali Ordinis gratis concedenda. 3. præcipit præfatis Capitulis, superioribus, aut personis, vt dñ onere celebrandarum Missarum detinentur, auferant capsulas ab Ecclesiis cum inscriptione illa, *Elemosyna pre Missis*: sub pœna interdicti ab ingressu Ecclesiæ, sæcularibus; regularibus verò sub pœna priuationis vocis actiue, & passiuæ officiorum, & inhabilitatis ad illa. *ibid. pag. 390. punct. 11. tom. 3.*

43. Sixtus V. in Bulla, quæ incipit, *Sanctum & salutare*, inter cæteras pœnas, simoniacè ordinantibus impositas adiunxit pœnam interdicti ab ingressu Ecclesiæ Papæ reservatam. *ibid. punct. 12. pag. 391. tom. 3.*

44. Pius IV. in Bulla, quæ incipit, *Rom. Pontif.* interdicti pœnam Sed. Apostol. reservatam imposuit Cardinalibus, & Prælati recipientibus beneficia, vel pensiones in confidentiam. *ibid. punct. 13.*

Interdicta localia.

45. Collegium seu Vniuersitas exigens, aut extoquens, aut soluere compellens vectigalia, seu exactiones ab Ecclesiis vel Ecclesiasticis personis, exceptis rebus quas negotiationis causa deferunt, subiiciuntur interdicto; singulares verò personæ ex cõmunicationem incurrunt. *disp. 4. quæst. 3. pag. 391. punct. 2. 10. 3.*

46. Ciuitas quælibet (excepta vrbe Roma) quæ insequentibus hostiliter Cardinales, auxilium, consilium, vel fauorem præbet, aut quæ illos punire negligit, dum potest, subiicitur interdicto, cuius absolutio non est Papæ reservata. *ibid. punct. 3. pag. 392. tom. 3.*

47. Territorium, seu ditio illius, qui iniuriosè, aut temerè Episcopum percutit, caput, proscrit, vel hæc fieri mandat, consulit, vel rata habet, subiicitur interdicto, donec delinquens condignam dederit satisfactionem, & Episcopus dimissus sit. At si delinquentis territorium porrigatur ultra vnam diocesim, tunc terra, seu ciuitas principalis manet interdicta, & præterea terra, seu ciuitas, in qua commissum fuit delictum cum duabus aliis vicinioribus. *ibid. punct. 4. pag. 392. 393.* Eidem interdicto subiicitur ciuitas, quæ tale quid audet contra suum Episcopum in Clement. 1. *de Pœnis*. Durat hoc interdictum quoad dominus territorij, seu ciuitas satisfecerit. *ibid. n. 9. tom. 3.*

48. Regna, terræ, & loca eorum qui impedire præsumunt Legatū, seu Nuncium Sūmi Pontificis, ne terras sibi subiectas ingreditur, tādū subiiciuntur interdicto, quamdiu durat impedimentum, immodò impediētes ligantur excommunicatione. *ib. punct. 5.*

49. Locus in quo scienter sepultus fuit hæreticus, aut eius receptator, fautor, ac defensor, Ecclesiastica priuatur sepultura. *cap. quicumque, de hæreticis, in 6.* In hac pœna non potest Episcopus dispensare. *ibid punct. 7. pag. 394. tom. 3.*

Relaxatio ab interdicto.

50. Interdictum latum ad tempus, vel sub conditione, elapso tempore, vel adimpleta conditione cessat. Absolutè autem latum non tollitur, nisi per absolutionem datam ab eo qui illud tulit, vel ab alio habente facultatem. Interdictum verò locale non cessat destructione ædificij, quia ipsum solum, quod est basis ædificij censetur interdictum. *tom. 1. pag. 454. num. 1. & 2. tom. 3.*

51. Interdictum generale latum in communitatem cessat respectu innocentium, si communitas dissoluatur: quia innocentes desinunt ligari interdicto cum primum desinunt esse pars communitatis interdictæ. Respectu verò eorum qui causam culpabilem interdicto dederunt, non cessat, quia hoc interdictum est affixum personæ. Immo interdictum latum in Collegium, si omnes collegæ, vno excepto, moriantur, ligat illum vnum superstitem: quia in eo collegium virtualiter perseverat; superstes enim iura collegij retinet. *ibid. n. 3.*

52. Episcopus potest absolvere ab interdicto locali lato à iure, quia non est reservatum: ab interdicto personali non potest, nisi sit occultum; tunc enim potest virtute privilegij concessi à Concilio Tridentino *sess. 34. c. 6.* Parochus autem potest iure communi absolvere ab interdicto personali particulari non reservato. *ibidem, num. 5. & pag. 455 num. 6. tom. 3.*

Inuidia.

1. **I**nuidia est tristitia inordinata, qua quis dolet de bono alterius, non quatenus est bonum illius, sed quatenus videatur diminuire propriam excellentiam. Quare is dicitur peccare peccato inuidiæ, qui dolet de gradu ab altero adepto, aut de illius doctrina, vel de alio bono, quatenus putat inde suam dignitatem, vel aliud bonum minui. *tom. 2. pag. 173. n. 1. tom. 3.*

2. Ille non peccat peccato inuidiæ, qui occasione boni alicuius, cuius videt alterum compotem, tristitiam capit, non quatenus alter possidet illud bonum, sed quia videt se eo destitutum. Quapropter pauperes excusantur à peccato, si dum alios cernunt opibus affluentes, tristantur eò quod careant facultatibus ad commodam sui, & familiæ sustentationem necessariis: hæc enim non est tristitia inordinata, sed ordinata, cum non percipiatur dolor de bono alterius ut est in altero, aut quatenus est diminutivum

Y 3 proprij

proprij boni, sed quatenus ipsi sunt eo bono destituti. Item qui videt alium virtute aliqua præditum, & tristatur, non quia alius est bonus, sed quia ipse ea virtute, ac probitate caret, excusatur à peccato; quia non est hæc invidia, sed sancta æmulatio.

3. Invidia est peccatum ex suo genere, mortale, contrarium charitatis; quia charitas gaudet de bono proximi; invidia verò tristatur, & ut plurimum reperitur tantum inter æquales, aut ferè æquales, quia invidus nollit sibi æqualem fieri maiorem. Tamen imperfectus consensus, & inaduertentia, necnon materiæ paruitas excusat à peccato mortali. Porro hoc peccatum est inter capitalia numerandum; quia ex ipso tanquam capite multa alia originem ducunt, ut odium proximi, susurratio, detractio, gaudium in rebus proximi aduersis, & tristitia in secundis *tom. 2. pag. 174. n. 3. 4. & 5. tom. 3.*

IRREGVLARITAS.

Quid & quotuplex sit irregularitas?

1. Irregularitas est canonicum impedimentum ex facto, vel defectu proveniens, quod directè impedit susceptionem ordinum Ecclesiasticorum, aut eorum usum, ob reuerentiam diuinorum. Quamuis autem tonsura propriè non sit ordo, sed dispositio ad ordines; quia tamen in iure canonico intelligitur nomine ordinis, irregularitas etiam impedit illius susceptionem. Hinc collige discrimen inter suspensionem, & irregularitatem; quòd suspensio supponit primam tonsuram, cum feratur solum in clericos; irregularitas verò non supponit primam tonsuram, sed reddit hominem ineptum ad illam suscipiendam. *tom. 1. pag. 457. num. 1. & pag. 459. n. 4.*

2. Duplex est irregularitas; altera dicitur *ex defectu*, vel *indecentia*, quæ provenit absque culpa; altera dicitur *ex facto*, seu *delicto*. Irregularitatis *ex defectu*, multæ sunt species. 1. dicitur ex defectu animi. 2. ex defectu corporis. 3. ex defectu natalium. 4. ex defectu ætatis & libertatis. 5. ex defectu sacramenti, id est, bigamia. 6. ex defectu lenitatis. Irregularitatis *ex delicto*, hæc sunt species. 1. ex iteratione Baptismi. 2. ex indebita susceptione, vel usu Ordinis. 3. ex actu infidelitatis, seu hæresis. 4. ex infamia. 5. ex homicidio illicitè patrato. *tom. 1. pag. 458. n. 6.*

Causæ irregularitatis.

3. Ad irregularitatem ex delicto incurrendam requiritur culpa mortalis: cum enim sit pœna grauissima, non debet incurri ob leue peccatum, alioquin non esset proportionata delicto. Potest

Potest autem Summus Pontif. de potestate absoluta imponere irregularitatem pro delicto merè præterito: quia ad incurrendam irregularitatem non requiritur contumacia, sicut requiritur ad incurrendam excommunicationem. Ad incurrendam autem irregularitatem ex defectu non est necessaria vlla culpa. *rom. 1. pag. 460. n. 1. & seq.*

4. Ad incurrendam irregularitatem requiritur actus externus consummatus: lex quippe requirit factum. Neque obstat quod in quibusdam Bullis concedi solet facultas absoluendi ab irregularitatibus mentalibus, nam per irregularitates mentales intelligitur occulta, quæ per actum externum occultè contrahitur, itavt in iudicio probari nequeant: certum autem est irregularitatem contrahi posse ob huiusmodi delictum, quod appellatur occultum per accidens, eo modo, quo contrahitur excommunicatio ob delictum hæresis occulta. *ibid n. 5. & seq.*

5. Irregularitas impedit susceptionem ordinum, & primæ consuræ, sicut impedit ordinis usum, & officium: validi tamè sunt ordines in irregularitate suscepti. Impedit autem irregularitas exercitium omnium ordinum, quando est totalis: at quando est partialis impedit tantum exercitium illius actus, cui ponit impedimentum, vt accidit in irregularitate ex defectu corporis, contracta post susceptionem ordinum, cum qua irregularis potest exercere functiones ordinum ad quos non est inhabilis, v.g. cui amputatur digitus post susceptum ordinem sacerdotalem, non propterea manet inhabilis ad omnes sacerdotij functiones, sed tantum ad celebrationem Missæ. *ro. 1. p. 561. n. 1. & 2.*

6. Irregularis suscipiendo, vel exercendo ordines peccat mortaliter; non tamen novam irregularitatem, vel aliam pœnam incurrit; quia nulla est expressa in iure. *ibid. n. 4.*

7. Irregularitas licet occulta, facit hominem incapacem beneficii; quare neque potest validè suscipere beneficium, nèque retinere, nisi obtenta dispensatione irregularitatis, curet beneficium sibi de nouo conferri: quia beneficium datur propter officium. Non tamen irregularitas priuat beneficiatum beneficio ante irregularitatem obtento, sed potest illud resignare in fauorem alterius; adhuc enim habet titulum & ius *ibid n. 6 & seq.*

8. Irregularis propter homicidium priuandus est beneficio, non tamen pensione; quia pensio, strictè loquendo, non est beneficium, sicque per sacram Congregationem declaratum fuit. *rom. 1. pag. 462. n. 11.*

9. Irregularis videtur incapax iurisdictionis ordinariæ; non autè delegatæ; quia iurdictio ordinaria fundatur in beneficio, & confertur ratione beneficii, non verò delegata. Non tamen pri-

natur iurisdictione ob irregularitatem superuenientem. Quare confessio facta sacerdoti irregulari, qui non est nominatim denunciatus, est valida. Immo valida est absolutio collata à confessorio nominatim denunciato, quem poenitens ignorabat esse denunciatum: quia irregularitas non tollit iurisdictionem. *ibid. num. 12 & seq.*

10. In dubio iuris nullus iudicandus est irregularis: quia lex non obligat subditos quando non est sufficienter propoſita. In dubio autem facti circa homicidium, iudicandus est irregularis: sic enim ius præſcribit: at in aliis dubiis facti nullus censendus est irregularis post adhibitam sufficientem diligentiam ad explorandam veritatem. *ibid. n. 3. & pag. 463.*

11. Qui consuluit homicidium, tenetur se tanquam irregularem gerere, quando dubitat an suo consilio operatum sit aliquid circa homicidium patratum ab eo cui dedit consilium: nam præſumptio iuris stat contra consulentem. Item qui prægnanti præbuit pharmacum ab abigendum foetus, sed dubitat an foetus esset animatus, censetur esse irregularis: hic enim versatur in dubio facti circa homicidium iniustum. *tom. 1. pag. 463, n. 6. & 7.*

Irregularitas ex defectu.

12. Carentes omnino usu rationis, ut amentes, non solum sunt iure humano irregulares, sed etiam diuino, & naturali sunt inepti ad ordines suscipiendos; si tamen promoueantur, verè suscipiunt characterem. Item defectus scientiæ facit irregularem; neque potest Summus Pontif. dispensare cum omnino illiterato, ut eos ordines suscipiat, qui sine scientia exerceri non possunt: quia hoc est contra ius naturale. *ibid. n. 1 & 2.*

13. Ad primam tonsuram requiritur, ut initiandus sit confirmatus, & calleat rudimenta fidei, sciâtque legere, & scribere. Ad minores ordines, ut teneat linguâ Latinam. Ad Diaconatum, & Subdiaconatum, ut teneat ea, quæ pertinent ad eos ordines exercendos. Ad Presbyteratû, ut habeat eâ scientiam, qua possit populum docere, & administrare Sacramenta. Ad Episcopatum, ut sit doctor, aur licentiatus in Theologia, vel in iure canonico, vel ut publico testimonio constet ipsum esse idoneum ad alios docendos. Ita Concil. Trid. variis in locis. *tom. 1. pag. 464. n. 3.*

14. Neophyti, id est, qui à lege Iudaica, Mahumetica, vel Ethnica recens conuersi sunt ad fidem Christianam in adulta ætate, sunt irregulares, & arcantur ab ordinibus, ne in superbiâ extollantur. Potest tamen Episcopus eum ad ordines promouere, quem post aliquod tempus à suscepto Baptismo iudicari idoneum ad ordines suscipiendos. *ibid. n. 4. & 5.*

15. Ille defectus, seu vitium corporis inducit irregularitatem, quod vel impedit exercitium ordinis, vel notabilem gignit deformitatem, aut horrorem, cuiusmodi est nasi amputatio, priuatio vnius oculi, &c. Carens tamen lumine, & vsu oculi dextri, non est irregularis, modò vtrumque habeat oculum integrum: secus dicendū de eo, qui caret vsu oculi sinistri, qui dicitur oculus canonicus: quia non potest cōmodè legere canonem oculo dextro, sine indecora vultus conuersione ad populum. *ibid. n. 1. & 2.*

16. Hi censentur irregulares, qui linguā habent ita impeditam, vt verbum integrum vix possint exprimere; surdus vtraque aure: at si defectus surditatis contingat post susceptum sacerdotium, potest Missam summissa voce celebrare, non tamen publicè, & solemniter, ne risum moueat: carens auriculis, est enim hæc notabilis deformitas, nisi occultari possit: gibbosus non est irregularis, nisi gibbus coniunctus sit cum nimia deformitate. Idem dicendum de eo, qui ventre est prominentiori: hermaphroditus, qui vtrumque sexum æqualiter participat, est incapax ordinis, & characteris. Item qui caret indice, vel pollice, qui feбри continua laborat, aut lepra, aut morbo comitiali, aut amentia; qui obfidetur à dæmone, &c. hi inquam omnes censentur irregulares. *ibid. n. 6. & pag. 465. & 466. n. 7. & seq.*

17. Licet defectus, qui reddit hominem inhabilem ad vsum ordinum, reddat etiam inhabilem ad ordines suscipiendos: tamen si huiusmodi defectus superueniat ordinibus iam susceptis, non semper reddit inhabilem ad illorum vsum: sic amputatio pollicis, vel indicis, reddit quidem inhabilem ad sacerdotium suscipiendum; at si superueniat sacerdotio iam suscepto, non reddit inhabilem ad reliqua sacerdotij officia, sed solum ad Missæ celebrationem. Sic Sacerdos cæcus potest confessiones audire. Qui suscepto sacerdotio sit abstemius, ita vt non possit vniuis degustare, potest sacerdotium exercere, excepta celebratione. *tom. 1. pag. 466. n. 25. & 26.*

18. Qui patitur corporis defectum impediētē susceptionem ordinis sacerdotalis, iuxta communioīem sententiam, non potest ad reliquos ordines admitti, quia est irregularis; irregularitas autem directè impedit omnium ordinū susceptionem. *ibid. n. 28.*

19. Carentia alicuius membri, vel partis membri etiam occultæ, si propria culpa contingat, inducit irregularitatem; quamuis ea priuatio vsum ordinis non impediat, neque notabile afferat deformitatem. Secus dicendum si ea membri priuatio absq; propria culpa contingat, nec ordinis executionem impediat, neque notabilem habeat deformitatem adiunctam. *ibid. n. 29.*

20. Qui sibi virilia, vel testes amputauit, vel amputari permisit

misit causa carnis, vel etiam castitatis, est irregularis: est enim illicitum ob castitatē se hoc modo secare; quippe hæc sectio non est medium ad castitatem. Secus dicendum, si id passus est ob sanitatem, vel iustam aliam ob causam. *ibid. n. 32. & 34.*

21. Ad summum Pontificem pertinet dispensare in irregularitate proueniente & defectu, vel deformitate, vel infirmitate; nisi fortē coniuncta sit cum impedimento iuris naturalis. Est autem Episcopi iudicare vtrum defectus, vel deformitas inducat irregularitatem. *tom. 1 p. 467. n. 36.*

22. Illegitimus, quamuis occultus, est irregularis: expedit enim illegitimum arceri ab ordinibus in detestationem delicti à parentibus commissi. Non censendi sunt autem filij illegitimi, quando matrimonium inter duos inualidè contractum fuit ob occultum aliquod impedimentum, sed vterque contrahens, vel alter eorum bona fide, ex probabili errore iuris, vel facti contraxit in facie Ecclesiæ, id est, coram Parocho, & testibus: quia par non est, vt vnus damnum patiatur ex culpa alterius. At si matrimonium non fuit celebratum in facie Ecclesiæ, filij ex eo matrimonio suscepti, non sunt legitimi: quia deest solemnitas, quæ est de substantia contractus matrimonij. *ibid. n. 2. & 3.*

23. Illegitimus fit legitimus per subsequens matrimonium, & consequenter habilis, & idoneus ad ordines, & Ecclesiasticas dignitates, excepto Cardinalatu, vt patet ex motu proprio Sixti V. Porro fieri potest, vt natus ex legitimo matrimonio fit irregularis, seu canonicè illegitimus, quauis ciuilitè sit legitimus, vt quando maritus factus est Sacerdos de consensu, vel absque consensu vxoris, sed postea vxorem carnaliter cognouit, ex eaque filium suscepit; hic enim est canonicè illegitimus. *ibid. num. 6. & p. 468. n. 11.*

24. Illegitimus suscipiens ordines absque dispensatione, vel susceptos ordines exercens, peccat mortaliter, nouam tamen poenam non incurrit; cum nulla extet in iure. *tom. 1. pag. 468. n. 12. & 13.*

25. Irregularitas proueniens ex defectu natalium tribus modis tolli potest. 1. per legitimationem factam à Papa: nam Princeps sæcularis potest quidem legitimare sibi subditos quoad honores, & officia sæcularia, non verò quoad Ecclesiastica, vel quoad ordines, vel beneficia. 2. per professionem: nam illegitimus fit per professionem habilis ad ordines, non tamen ad prælaturas. 3. per dispensationem, quæ strictè interpretanda est: quare dispensatus ad ordines non censetur dispensatus ad ordines sacros; & dispensatus ad certum ordinem non censetur dispensatus ad ordinem superiore, &c. *ibid. n. 14.*

26. Neque

26. Neque Episcopus, neque alius iurisdictionem habens Episcopalem, potest cum illegitimo dispensare ad maiores ordines, ad dignitatem, & beneficium curatum: ad ordines verò minores, & ad beneficium simplex non requirens ordinem sacrum, potest. *tom. 1. pagin. 469. n. 15.*

27. Defectus legitimæ ætatis requisitæ ad ordines inducit irregularitatem, quandiu defectus durat. Exercens autem functiones ordinis sacri ante adeptam legitimam ætatem, sit nouo titulo irregularis ob violatam suspensionē. *tom. 1. pag. 469. n. 1.*

28. Defectus libertatis inducit irregularitatem. 1. in coniugatis. 2. in mancipiis. 3. in obligatis ad ratiocinia, id est, ad rationem reddendam administrationis publicæ, vel priuatæ: qui verò finita administratione, & redditis ratiociniis, adhuc remanet debitor, modò præstet securitatem soluendi debitum, non manet irregularis. 4. in curialibus, qui scilicet ex obligatione curiis Principum sæcularium inseruiunt; vt iudices, aduocati, milites, &c. Ex debito autem pecuniario per se non inducitur irregularitas, nisi debitum sit litigiosum, quanquam potest se ab eo eximere, facta bonorum cessione, & reservata sibi congrua sustentatione. *ibid. n. 2. & seq. & pag. 470. num. 5. & 6.*

Irregularitas ex bigamia.

29. Triplex est bigamia. 1. est vera, quando quis duas vxores legitimè duxit, & cognouit carnaliter. 2. interpretatiua, quando quis reuerà non contraxit cum duabus, sed secundum interpretationem iuris censetur contraxisse cum duabus, vt cum quis iam coniugatus, de nouo contrahit cum alia, & cum ea copulam habet; vel cum quis contrahit cum vidua, quæ cum priore viro matrimonium consummauerat; vel cum quis contraxit cum virgine, eamque cognouit postquam adulterata est cum alio. 3. est bigamia *similitudinaria*, quando quis post vorum solemne castitatis emissum in professione religionis, vel susceptione sacrorum ordinum, matrimonium contrahit cum aliqua, eamque carnaliter cognoscit: nam obstrictus voto solemnī castitatis censetur spiritali quodam matrimonio coniunctus cum Christo, & Ecclesia: ergo si velit carnaliter per matrimonium cum alio coniungi, censetur bigamus per quandam similitudinem. *tom. 1. pag. 470. n. 2. & pag. 471. num. eod.*

30. Bigamus ex quacunque bigamia est irregularis, & consequenter inhabilis ad ordines, & ad beneficia. Ad bigamiam autem requiritur copula actualis; neque enim est bigamus, qui contraxit cum vna, eaque mortua ante matrimonij consumationē, nouū matrimoniū contraxit cum virgine, cum eaque copulam consum

consummauit, ac proinde non est irregularis. *ibid. n. 3. & seq.*

31. Ille est bigamus, & irregularis qui carnaliter cognouit suam uxorem, postquam ipsa credens virum mortuum esse, contraxit bona fide, & consummauit matrimonium cum alio: quia titulo matrimonij, & affectu maritali accedit ad fœminam ab alio cognitam, in quo casu attenditur defectus significationis: nam sacramentum matrimonij significat coniunctionem Christi cum Ecclesia *Ephef. 5.* vnica autem est illa sponsa; consequenter ista spiritualis coniunctio non ritè repræsentatur per matrimonium vnus viri cum pluribus. *ibid. n. 11.*

32. In quacumque bigamia potest Summus Pontif. dispensare, quia est de iure humano. Episcopus autem non potest, nisi quatenus illi conceditur à Pontifice; excepta bigamia similitudinaria, in qua potest dispensare cum eo qui contraxit cum virgine, iure hoc sibi concedente. *tom. 1. pag. 472. n. 14. & 15.*

33. Bigamus sacris ordinibus initiatus, absque dispensatione, gaudet priuilegiis clericorum: quia non potest viuere vt laicus: ergo debet viuere vt clericus, ac proinde gaudere priuilegiis clericorum. Secus dicendum si minoribus tantum ordinibus est initiatus; hic enim nullo gaudet priuilegio clericali. *ibid. n. 16.*

Irregularitas ex delicto.

34. Infamia iuris, vel facti, facit hominem irregularem, & inhabilem ad ordines suscipiendos, & exercendos. Dicitur autem infamia iuris cui imposita est à iure canonico, vel ciuili, pœna infamiae, cuiusmodi est apostasia à fide, raptus mulieris, simonia, sodomia, periurium in iudicio, crimen læsæ maiestatis, vsura, duellum, matrimonium cum duabus lenociniis, prostitutio filiae, vel neptis, matrimonium cum meretrice, vel repudiata. Infamia facti contingit quando committitur delictum quod infame censeatur apud graues, & honestos viros, èstque publicum. *ib. n. 4. & 5.*

35. Infamia quatuor modis auferri potest. 1. per emendationem, si est infamia facti. 2. a Summo Pontif. si est infamia iuris 3. dispensatione Episcopi, in iis scilicet criminibus, in quibus potest dispensare. 4. per Baptismum. *tom. 1. pag. 473. num. 6.*

36. Inducitur etiam irregularitas per ignominiosam professionē alicuius artis quæ reddit hominem vilem, & indignum qui ad ordines, & beneficia promoueatur, cuiusmodi est ar. histrionica, mimica, gladiatoria, macellarij, tabernarij, aleatores, &c. verum hæc irregularitas est personalis, neque transit ad filios. *ibi n. 12.*

37. Olim pœnitentia publica, & solemnīs inducebat irregularitatem & impediēbat suscepiōnem ordinū, & vsum suscepro-
rum. Hoc tamen tempore nulla pœnitentia publica, vel solemn-

nis inducit irregularitatem, nisi adiunctam habeat infamiam.
ibid. n. 3. & 4.

38. Ex culpabili iteratione Baptismi contrahitur irregularitas, consequenter rebaptizans, & rebaptizatus sunt irregulares. Hæc autem irregularitas non est totalis, sed impedit solum promotionem ad ordines superiores. *tom. I. pag. 474. num. 1. & seq.*

39. Qui differt Baptismum usque ad ægritudinem, vel senectutem, incurrit irregularitatem: quia non videtur sponte fidem suscipere, sed coactè. Item adultus baptizatus ab hæretico fit irregularis, non autem infans; sic enim ius præscribit. *ibid. n. 11. & pag. 475. n. 13.*

40. Hæretici, apostatæ à fide, eorumque fautores, & defensores, sunt irregulares, etiamsi sint occulti, modò suam hæresim signo aliquo externo sufficienter manifestent. Qui verò exterius hæresim profert, sed interiùs bene sentit, non est irregularis. Porro qui lapsus est in hæresim non potest ordines suscipere, aut exercere ante obtentam legitimam dispensationem. *tom. I. pag. 478. n. 1. & seq.*

41. Religiosus professus apostata à religione, est irregularis. Apostata verò à clericali habitu, & tonsura, non item, *tom. I. pag. 479. num. 8.*

42. Filij hæreticorum sunt irregulares, usque ad secundam generationem per lineam virilem paternam; per lineam verò fœmineam, seu maternam, sunt irregulares usque ad primam, si eorum parentes mortui sint in hæresi. Filij autem, & nepotes hæreticorum non censentur irregulares, quando parentes ipsorum ante mortem reconciliati fuerunt Ecclesiæ. *ibid. n. 9.*

43. In irregularitate ob hæresim contracta solus Summus Pontif. dispensat: probabiliter tamen sustineri potest Episcopum ius habere dispensandi circa susceptionem, & usum ordinum, quando hæresis est occulta. *ibid. n. 12. & 14.*

Irregularitas ex homicidio.

44. Clericus, aut alius, seu iustè, seu iniustè mutilans, vel occidens, vel cooperans ad mutilationem, vel homicidium, sequuto effectu, fit irregularis defectu lenitatis. Quia omnes ordines referuntur ad conficiendam Eucharistiam: cum autem in Eucharistia contineatur Christus qui est auctor pacis, par est, ut Eucharistiæ ministri hanc pacem, & Christi mansuetudinem præferant. Hinc patet eum etiam, qui mortem acceleravit, aut dicto, vel facto, causam propinquam morti dedit, esse irregularem. *tom. I. pag. 481. num. 3. & 4.*

45. Iudices Summo Pontifici inferiores ferentes sententiam mortis,

mortis vel mutilationis, eorumque assessores, cooperatores, satellites, tortores, notarius scribens, vel legens sententiam, incurrunt irregularitatem si mors, aut mutilatio sequatur. Doctor consultus quam pœnam mereatur reus, si respondeat mereri mutilationem, vel mortem, sit irregularis, sequuta morte, seu mutilatione. Item qui dicit reo, *ascende scalam*, &c. est irregularis, si est causa cur mors acceleretur. Item qui tradit ligna, quibus hæreticus vivus comburatur. Clerici tamen assistentes executioni sententiæ, non sunt irregulares, neque peccant, nisi fortè venialiter: nam cap. *Si Clerici vel monachi*, videtur contraria consuetudine abrogatum. *ibid. n. 6. & seq. & pag. 482. n. 18.*

46. Inquisitores S. officij non sunt irregulares cum tradunt aliquos iudici sæculari comburendos; etiam si nullam præmittant protestationem. Immo probabile est iudicem sæcularem differentem executionem sententiæ, posse absque periculo irregularitatis, ab Inquisitoribus admoneri, ut delinquentem puniat, seu comburat: nam Inquisitores, ob speciale privilegium, prohibentur solummodò per se ipsos exequi sententiam sanguinis. *ibid. n. 7.*

47. Confessarius qui pœnitenti nolenti punire reum dignum morte, denegat absolutionem, non incurrit irregularitatem, si generatim loquatur, neque determinatè hortetur ad condemnandum hunc in particulari: potest enim ex officio dicere pœnitenti, se non posse illum absolvere, nisi faciat quod tenetur. Excusandus item confessarius ab irregularitate qui pœnitentem iuridicè interrogatum hortatur ad faciendam in iudicio veritatem etiam si reus ob confessionem sit morte mulcandus: illum enim hortatur ad id ad quod tenetur. *tom. 1. pag. 483. n. 32. & 33.*

48. Accusans alium in causa capitis, incurrit irregularitatem secuta morte, vel mutilatione; nisi hoc faciat petendo satisfactionem pro iniuria, modò protestetur se non intendere pœnam mortis, aut sanguinis: alioquin laici scientes clericos non posse absque nota irregularitatis, querelam coram iudice deponere, audaciores fierent ad iniurias illis inferendas. Hanc autem protestationem in causa sanguinis omittens, etiam ex obliuione, irregularitatem incurrit, defectu lenitatis. *tom. 1. pag. 483. n. 1. & seq. & pag. 484. n. 8.*

49. Ferens testimonium in causa sanguinis incurrit irregularitatem, secuta morte, vel mutilatione: quia testis maximè cooperatur morti, vel mutilationi: vnde pater clericum cogi non posse ad ferendum testimonium in causa sanguinis cõtra reum: nã pro reo, de licentia Episcopi, seu Vicarij potest testari. Item aduocatus cuius imperitiã, vel negligentia reus fuit morti adiudicatus,

catus, fit irregularis : quia mors ipsi imputatur. *tom. 1. pag. 484. num. 1. & seq.*

50. Consulens Principi bellum iustum non est irregularis. Immo neque pugnans in bello iusto, modò ipse non mutilet, vel occidat. Excusatur item ab irregularitate, qui suadet alteri rem aliquam piam cum vitæ periculo coniunctam, v. g. ingressum fluminis ad liberandum hominem in proximo vitæ periculo versantem : quia non intendit mortem ingredientis, sed salutem periclitantis, *tom. 1. p. 485. n. 4. & seq.*

51. Clerici possunt interesse bello iusto absque irregularitate, etiam si hortentur milites ad pugnam. Bello autem iniusto assistentes non excusantur ab irregularitate, sequuto homicidio, etiam si ipsi non occiderint; propterea qui custodiunt sarcinas, fiunt irregulares, aliique bello iniusto cooperantes *ibid. n. 7. & 11.*

52. Clerici pugnantes de licentia Summi Pontificis non censentur irregulares sequuta morte : neque enim verisimile est Pontificem velle clericum propriis manibus pugnare, & pugnando subiacere irregularitati. Porro solius est Summi Pontificis, de iure communi, dispensare in irregularitate causâ belli contracta. *ibid. n. 12. & 13.*

53. Laicus exercens chirurgiam, vel medicinam, iuxta regulas artis, non fit irregularis etiam si membrum aliquod abscindat causa sanitatis : in hac enim abscissione non deest lenitas, cum pars abscindatur, vt totum conseruetur. At medicus, aut chirurgus cuius culpa ægrotus interiit, incurrit irregularitatem ex delicto : est enim causa mortis iniusta. *ibid. n. 1.*

54. Medicus qui cum habeat remedium certum, adhibet incertum, & dubium, sequuta morte fit irregularis ex delicto. Sin nullum habeat certum, debet adhibere melius, & opportunius, iuxta probabiliorē sententiam medicorum. At si habeat tantummodò remedium dubium, peccat, & fit irregularis, adhibens huiusmodi remedium, quando salus infirmi nondum est concludata. Secus dicendū si nulla subsit spes salutis. *to. 1. p. 487. nu. 3.*

55. Clericus, etiam beneficiarius non fit irregularis exercendo officium medici, seu chirurgi, iuxta regulas artis, citra abscissionem, vel aduersionem : hoc enim est opus pietatis, & misericordiae. Immo potest ex regulis artis præscribere incisionem, vel aduersionem, absque irregularitate, etiam si inde mors sequatur. At clericus sacris initiatus incidens venam ad missionem sanguinis fit irregularis sequuta morte. *ibid. n. 4. & 5.*

56. Occidens alium ad vitæ suæ defensionem cum modamine inculpatae tutelæ, nō incurrit irregularitatem : quia hæc actio non censetur iniusta, etiam si ex odio, & studio vindictæ fiat,

si non possit alia ratione se defendere. Excusatur item ab irregularitate occidens alium ad defensionē sui honoris, & rerum suarum, seruato moderamine inculpatae tutelae: hæc enim irregularitas non est in iure expressa. Item occidens inuasorem proximi, cum moderamine, non incurrit irregularitatem. Obseruandum tamen cum qui alterum occidit ad sui, aut proximi defensionem, in foro externo non præsumi hoc fecisse ad defensionem, nisi probet: quocirca non est ordines promouendus, neque suscepro ordines debet exercere antequam à iudice, vel potius, ab Episcopo declaretur occidisse hominem causâ de defensionis. *tom. 1. pag. 488. n. 3. & seq. & pag. 489. n. 10. & 11.*

57. Homicidium caluale, quod neque in se, neque in causa est voluntarium, non inducit irregularitatem; etiam si dans operam rei illicitæ, periculosa, casu alium occidat, post adhibitâ debitam diligentiam ne mors sequeretur: nisi detur opera rei illicitæ, periculosa, ex qua solet mors ut plurimum sequi; tunc enim non videtur sufficiens diligentia adhiberi: quapropter qui ignem admouet bombardæ in magna hominum frequentia, si quem occidat, non est ab irregularitate excusandus. *tom. 1. pag. 490. n. 2. & seq.*

58. Occidens, vel mutilans, voluntariè. Item mandans, aut consulens homicidium, seu mutilationem, nec non præbens auxiliū aut cooperans ad homicidium, vel mutilationem, ut sunt rei homicidij, ita & irregularitatis, si sequatur effectus. *tom. 1. pag. 493. n. 4. & seq. & pag. 494. n. 19. & seq.*

59. Qui voluntariè non impedit homicidium, quod tenetur ex iustitia impedire, incurrit irregularitatem. Hinc collige Princepem qui non impedit cædes; iudicem qui patitur iniustâ sententiam ferri contra vitam innocentis; medicum qui non curat ægros, à quibus pretio conductus est, &c. obstringi irregularitate, si mors sequatur. Non videtur tamen pater incurrere irregularitatem si non impediat homicidium à filio patrandum, modò filius non sit commissurus homicidium intuitu patris: quia non tenetur ex iustitia illum custodire ne damnum extraneis inferat. Idem esto iudicium de domino respectu famuli. *tom. 1. pag. 595. num. 37. & 40.*

60. Qui ratum habet homicidium suo nomine factum ipso inscio, non est reus homicidij, neque irregularitatis, grauius tamen peccat propter affectum ad homicidium. Secus si approbet homicidium, dum ipse præsens est, & spectat, sciens illud suo nomine, seu sua causa committi: tunc enim censetur moraliter cooperari. *tom. 1. pag. 496. n. 42.*

61. Episcopus non potest dispensare in irregularitate orta ex homicidio voluntario etiam iusto: Concilium enim Trident. *sess. 14.*

sess. 14. cap. 7. sess. 24. cap. 6. concedit Episcopis facultatem dispensandi in irregularitate proueniente ex delicto occulto, excepto homicidio voluntario. Potest tamen Episcopus dispensare in irregularitate proueniente ex homicidio casuali, modò sit occultum : quia Trident. excipit solum homicidium voluntarium. *ibid. n. 2. & seq.*

Dispensatio irregularitatis.

62. Potest Summus Pontifex dispensare in omni irregularitate iure humano inducta : quia potest in iure còmuni dispensare. Probabile autem est abrogata lege irregularitatem inducente, censi etiam ablatam irregularitatem antea contractam, modò illa abrogatio fiat simpliciter, & absolute : nam si apponantur verba respicientia solum tempus abrogationis, perspicuum est irregularitatem antea contractam non auferri. *tom. . pag. 497. n. 1. & 2.*

63. Episcopus existens in sua diocesi dispensare potest cum suis subditis in irregularitatibus prouenientibus ex delictis occultis, excepto homicidio voluntario, aut delicto deducto ad forum contentiosum : ex priuilegio Concilij Tridentini *sess. 24. cap. 6.* quod ad alios Prælatos iurisdictionem quasi Episcopalem habentes non videtur extendendum. *tom. 1. pag. 498. n. 3. & 7.*

64. Episcopus potest dare alteri facultatem secum dispensandi in iis casibus, in quibus ipse potest dispensare cum suis subditis in irregularitate, & censuris : quia Episcopus non debet esse deterioris conditionis, quàm alij inferiores. Item potest Episcopus dispensandi facultatem aliis committere in iis casibus, in quibus per se ipsum potest dispensare : hoc enim usu, & consuetudine, quæ est optima legis interpretis, receptum est. *tom. 1. pag. 499.*

65. Nulla est certa, & determinata verborum forma in concedenda dispensatione irregularitatis. Immodò non videntur necessaria vlla verba. *tom. 1. pag. 500. n. 7. & 8.*

I V D E X. I V D I C I V M.

Iudicis iurisdictionio.

IN iudice necessaria est iurisdictionio ad validè iudicandum. Illi tamen, qui non est verus iudex, sed titulo colorato, & còmmuni errore putatur iudex, sufficientè habet potestatem, & iurisdictionem, vt validè iudicet, modò non adsit impedimentum iuris naturæ, vel diuini, quod ab Ecclesia, vel humana postate suppleri nequit. Vnde sequitur illam sententiã esse validã, quæ fertur à iudice excommunicatio, vel suspensio, sed errore còmmuni

muni, & titulo colorato, pro legitimo habetur. Item validam esse sententiam latam à delegato, mortuo delegante, seu à Vicario Generali, mortuo Ep. scopo, cuius mors vulgò ignorabatur. tom. 2. pag. 298 num. 1. & 2.

2. Quadruplex est iurisdicção. *Ordinaria*, quæ alicui competit ex officio, vel ex dignitate. *Delegata*, quæ competit alicui ex concessione, seu commissione illius, qui habet ordinariam iurisdiccionem. *Arbitraria*, quæ communi partium consensu obtinetur. *Accessoria*, quæ alicui aliunde accedit, v.g. ratione delicti; quando enim quis in alieno territorio delinquit, superior in ipsum iurisdiccionem acquirit, & delinquens, ratione delicti fit subditus illius. *ibid* n. 3.

3. Qui facit alteri iniuriam, nisi puniatur à suo superiore potest iudicari ab eo iudice, cui subest ille, qui passus est iniuriã: hic enim iudex acquirit accessoriam iurisdiccionem in eum, quæ sibi subdito iniuriam intulit. *ibid* n. 4.

Iudicis veritas.

4. In iudice præter iurisdiccionem requiritur veritas: dicitur autem iudex adhærere veritati, qui iudicat secundum allegata, & probata, quamvis aliquando fieri possit, ut res aliter se habeat, quam probatum fuerit in iudicio. Si tamen iudex priuata scientia norit aliquem innocentem, qui in iudicio probatur nocens, nõ tenetur, neque debet publicam scientiam sequi, illumque secundum allegata, & probata ad mortem condemnare: id enim repugnat iuri naturali, & diuino: *Exod. 22. In fontē, & iustū non occides.* At in aliis causis criminalibus mitioribus, ut in causa exilij, &c. & in causis civilibus, seruandus est ordo iuris, iudicando secundum allegata, & probata, quando iudex ita cogitur iudicare, ne graue damnum patiatur. Ratio huius disparitatis est, quia iudex maius habet ius supra facultates, & bona externa, quam supra vitam innocentis: est autem iusta causa priuandi innocentē suis bonis, ne ordo, & forma publicorum iudiciorū perueritatur: præsertim cum adhuc ius cõpetat innocenti vtendi occulta compensatione contra illum, cui facultates per sententiam iudicis applicatæ sunt. tom. 2. pag. 311 n. 1. & seq.

5. Iudex inferior non potest condemnare eum, quem priuata scientia nouit innocentem, sed in iudicio publico probatur nocens: quia inferior iudex non potest derogare legibus superioris, sed tenetur iuris ordinem seruare. Idem dicendum videtur de iudice supremo, quando crimen est ita occultum, ut probari non possit: quia ius defensionis, & probatio reſtitum competit reo ex iure naturæ, quare supremus iudex, aut etiam Princeps, non

non potest occidere nocentem, qui in iudicio per testes probatur innocens, sed illū occidens peccat mortaliter, & tenetur ad restitutionē. Idque locum habet non tantū in iudicio capitis, sed etiā ubi agitur de priuatione bonorum. *ibid. n. 5. & p. 3 12. n. eod.*

6. Quando crimen est publicum, potest aliquando iudex sine citatione, defensione, & processu reum morti adiudicare: quia reus in eo casu non potest iure se defendere in iudicio, vel alia via licita se tueri: scientia enim rei, quæ publicè est notoria, non dicitur priuata, sed publica; ob id latrones in flagranti delicto deprehensi iure statim suspenduntur, quia factum notorium, & publicum est loco accusatorum, & testium, neque reo locum relinquit defensionis. *ibid.*

7. In iudice necessaria est scientia, & cognitio earum rerum, quæ ad iudicis officium spectant: idcirco iudex ex imperitia malè iudicans tenetur ad interesse parti læsæ, & ad expensas litis. Præterea requiritur puritas, quæ cōsistit in abstinencia à verbis contumeliosis, & in recta intentione. Denique requiritur celeritas in iudicando: peccat enim mort. iudex, qui sine iusta causa iū expeditionem nimium differt, teneturque ad restitutionem damni, & expensarum. *tom. 2. p. 3 12. n. 1. & seq.*

Forma iuris à Iudice seruanda.

8. Forma iuris in hoc posita est, vt sententia feratur iuxta dispositionem legis: est enim sententia declaratio legis, & iuris. Est autem iudicandū iuxta verba legis, quando nulla inde sequitur iniustitia habita ratione loci, temporis, vel personæ. At si iudicis intentio contraria sit verbis legis, tunc licet à verborum proprietate discedere; is enim in lege peccat, qui verba legis amplexus, contra legislatoris nititur voluntatem. Inferior tamen iudex non debet inconsulto legislatore à verbis legis recedere, nisi periculum sit in mora. *tom. 2. p. 3 13. n. 1. & 2.*

9. Sententia lata non seruato ordine iuris est inualida, & nulla: quia non est conformis iuri. Item sententia lata contra veritatem facti, & quæ fundatur in falsa præsumptione, non obligat in conscientia, etiamsi seruatus sit ordo iuris, & lata sit secundum allegata, & probata: obligat tamē in foro externo, in quo non tã attenditur veritas facti, quàm probatio iuridica, & ordo iuris. *ib. num. 4. & 6.*

10. Triplex est modus procedendi. 1. per denunciationem. 2. per accusationem. 3. per inquisitionem. Antequam autem ad inquisitionē specialē procedatur, debet præcedere infamia, vel insinuatio clamorosa, id est, publicus rumor, vel indicia, vel semiple-na probatio, quæ est depositio vnus testis oculati, vel aliàs fide-

dignissimi, legitime deponentis cum iuramento, atque hic testis dicitur omni exceptione maior. *tom. 2. p. 3 14. n. 1. & seq.*

11. Modus procedendi per inquisitionem generalem, non requirit præuiam infamiam, neque accusationem, neque denunciationem: alioquin vix puniri possent delinquentes. At modus procedendi per inquisitionem specialem, qua intenditur poena delinquentis, requirit præuiam infamiam, vel clamorosa in sinuatio- nem que sit loco accusatoris; neque sufficiunt sola indicia manifesta, præcisâ consuetudine in contrarium: nam multis in locis usus obtinuit ut inuento cadavere, habitisque indicibus de aliquo formetur contra illum inquisitio. *ibid. n. 7. & pag. 3 15. n. 10. & 12.*

12. Modus procedendi per inquisitionem mixtam, qua inquiritur specialiter de persona, & generatim de crimine, requirit præuiam infamiam, vel semiplenam probationem, & accusationem, aut saltem indicia manifesta, iuxta receptam consuetudinem loci: alioquin infamari posset aliquis, & puniri absque accusatore, vel supplente ipsius vices. Modus verò procedendi per inquisitionem mixtam, qua inquiritur auctor criminis notus, non requirit infamiam delinquentis, nec semiplenam probationem, & accusationem. Sic quando commissum fuit homicidium de quo publice constat, potest in genere inquiri quis illud commiserit; at non potest inquiri in specie, nisi præcesserit infamia, vel semiplena probatio, & accusatio. *tom. 2. pag. 3 15 n. 13. & 14.*

13. In his tamen casibus potest absque præcedenti infamia procedi ad inquisitionem tam generalem quam specialem. x. quando inquisitio, vel manifestatio necessaria est ad impediendum malum seu publicum, seu priuatum, ut in crimine læsæ maiestatis, aut hæreseos, aut apostasiæ. 1. quando proceditur ad conferendum beneficium, ad dispensandum in voto, ad celebrandum matrimonium, &c. cum enim hæc inquisitio non fiat ad poenam, non requirit præuiam accusationem, vel infamiam. 3. quando quis occultum crimen confessus fuit in iudicio licet coram paucis, vel coram indice & notario: illa enim confessio facit notorium iuris. 4. quando delictum committitur coram ipsis iudicibus, aliisque circumstantibus. 5. quando iudex in generali inquisitione comperit aliquem deliquisse. 6. quando suspicio communis supplet vicem infamiæ. *ibid. n. 15. & pag. 3 16. n. eod.*

14. Iudex via accusationis iuridice procedit quando delata accusatione terrogat testes, & postea, habita saltem semiplena probatione, procedit ad interrogandum reum: pauciores enim requiruntur testes ad interrogandum, quam ad condemnandum reum. Via autem denunciationis iuridice procedit iudex, quando crimine ad ipsum delato, procedit ad capiendas informationes, & examinandos

examinandos testes nominatos à denunciatore, vel alios, tum legitimè accedit ad examinandum reum. *rom. 2. pag. 36 num. 4.*

15. Excusari potest praxis, & consuetudo iudicium sæcularium, qui ex denunciatione publici officialis ad id muneris deputati, aut alicuius priuati, vel ex querela partis offensæ, quæ tamen in se non vult onus probandi suscipere, procedunt ad capiendas informationes, & iudicia, quibus habitis formant specialem inquisitionem; modò id fiat in grauib. causis, dùm ita expedit ob bonum commune: alioquin multa crimina manerent inulta in damnum Reip. *ibid. n. 4.*

16. Inferior iudex, regulariter loquendo, non potest pœnam à lege taxatam remittere, quia non potest in lege superioris dispensare. Arbitrariâ verò minuire potest, vel augere, intra terminos æquitaris, habita ratione temporum, locorum, & personarum. Superior verò iudex potest pœnam à iure taxatam relaxare, etiam recusante parte, communi bono id exigente: resarciendum est tamen damnum parti læsæ. *rom. 2. pag. 317. n. 1. & seq.*

17. Iudex peccat mort. liberando reum quem commune bonum postulat occidi, immò fit reus omnium malorum quæ inde sequuntur. Neque iudex debet se facilem præbere in commutandis pœnis corporalibus in pecuniarias; hinc enim diuites occasionem arriperent liberiùs peccandi: illas autem pœnas pecuniarias debet in pios vsus potiùs quàm in proprium commodum conuertere. *ibid. n. 5. & 6.*

18. Periculosum est aliquando pro reis apud iudicem intercedere, in iis quæ ex iudicis arbitrio non pendent: fieri enim potest, vt petatur res illicita; quare tutius erit agere priùs cum parte, ab eaque remissionem obtinere, tum demum apud iudicem intercedere. *ibid. n. 7.*

19. Potest iudex immò debet pœnam condonare reo à quo veritatem criminis admitti extorsit, promissa impunitate: quia illa cōfessio fuit extorta per dolum, fierique potest vt reus non commiserit crimen quod confessus est vt facilius dimitteretur. Limitandum tamen, nisi adsint alia indicia sufficientia, coniecturæ, & præsumptiones, aut nisi alioquin magnum immineat Reip. damnum. *ibid. n. 8.*

20. Iudex tam sæcularis, quàm Ecclesiasticus aliquid loco stipendij à litigantibus pro exercendo iustitiæ officio accipere potest; obligatio enim iuris dicendi est res pretio æstimabilis, dignusque est operarij mercede sua, modò tamen iudicibus, stipendiũ assignatum nõ sit. Ecclesiasticus autem iudex cuius beneficio aduenum est onus iudicandi, non potest quidpiam accipere, etiamsi beneficium sit tenue: beneficium enim datur propter officium,

& onera beneficio adnexa. Immò neque potest à litigantibus, munera, vel sportulas accipere: hoc enim vetitum est iure canonico. Ea tamen munera quæ *xenia* nuncupantur, & consistunt in esculentis, & poculentis, à quocumque iudice, seu Ecclesiastico, seu sæculari accipi possunt; id enim nullo iure prohibetur. *tom. 2. pag. 318. num. 2. & seq.*

21. Quivis iudex sæcularis petere potest expensas quas facit dùm aliò proficiscitur extra locum domicilij. Ecclesiasticus verò iudex ordinarius non potest, quia datur illi beneficium pro officio exercendo, fructusque beneficij percipit pro stipendio, & expensis. Excipe duos casus. 1. quando Episcopus proficiscitur extra diocesium ad visitandam provinciam. 2. quando accedit ad consecrandam Ecclesiam, cum enim hic sit extraordinarius labor, iure optimo indulgetur facultas accipiendi expensas moderatas. *ibid. n. 6.*

De Iudice clericorum, deque eorum exemptione à foro sæculari, seu laica iurisdictione, vide tit. *Ecclesiastica immunitas.*

Iudicium Ecclesiasticorum suspensio.

22. Iudex Ecclesiasticus, qui per gratiam vel sordes aliquid facit in iudicio contra conscientiam, & iustitiam in damnum partis, incurrit suspensionem ab officio per annum quoad ordinem, & iurisdictionem *disp. 3. quest. 5. punct. 3. pag. 368. tom. 3.*

23. Ad hanc suspensionem incurrendam non sufficit, ut Ecclesiasticus iudex faciat contra conscientiam, non verò contra iustitiam, vel contrà; sed opus est ut faciat contra conscientiam, & iustitiam simul; nam illa duo copulatiue exprimuntur in iure. Hinc sequitur iudicem qui ex odio, vel gratia, partem alteram in iudicio grauat non excedendo terminos iustitiæ, non affici hac suspensione, quia non facit contra iustitiam, licet faciat contra conscientiam. *ibid. n. 2.*

24. Iudex qui per gratiam, vel sordes aliquid facere omittit in iudicio contra conscientiam, & iustitiam, ex quo sequitur damnum parti, in hanc censuram non incidit; quia suspensio non fertur contra omissionem, sed contra actionem iudicis iniustam; in materia autem pœnali non est facienda extensio. *ibid. n. 3.*

25. Sententia per gratiam, vel per sordes, seu avaritiam in præiudicium partis lata, si sit contra iustitiam, est inualida; quia non est actus iustitiæ, sed iniustitiæ. *ibid. n. 6.*

26. Ab hac censura excipitur Episcopus; quamvis enim grauitur peccet iudicando per sordes, vel per gratiam, in detrimentum partis, & teneatur ad reparationem damni inde sequuti, non tamen incurrit suspensionem; quia Episcopus non comprehenditur

in censura suspensionis, aut interdicti, nisi exprimatur *ibid. n. 7.*

27. Hæc suspensio reservata est Papæ: nam ligat per annum, elapso autem anno statim cessat. *ibid. pag. 369. n. 10. tom. 3.*

Iudicium temerarium.

28. Inter iudicium temerarium, & suspicionem hoc interest, quod *suspicio* est opinio mali orta ex leuibus indiciis, & cum formidine oppositi. *Iudicium* verò *temerarium* est quando quis ex leuibus indiciis assentitur firmiter, & credit aliquid mali de proximo. *tom. 2. pag. 444. n. 1.*

29. Qui malè iudicat de aliquo ex indiciis, & coniecturis probabilibus, ac sufficientibus, iudicium temerarium, non committit: illud enim iudicium non est temerarium, quod est consentaneum prudentiæ, & rectæ rationi. Coniecturæ autem sufficientes vt iudicium non sit temerarium, peti possunt. 1. ex circumstantia temporis, vt si quis noctu videat saliquem noctu scallas adinouere ad ingrediendam domum alterius per fenestram, 2. ex circumstantia loci, vt si videam iuuenem ingredientem domum, quam solæ meretrices inhabitant. 3. ex circumstantia personæ. 4. ex circumstantia famæ. *ibid. n. 2. & pag. 445. n. 3.*

30. Qui in materia graui malè iudicat de alio, firmiter, & deliberatè, absque sufficienti fundamento, & probabilibus coniecturis, iudicium temerarium, atque adeo peccatum mort. committit: ius enim proximi grauitèr violatur, dum sine fundamento improbus habetur. *tom. 2. pag. 445. n. 4.*

31. Probabilius est esse peccatum mort. iudicare temere de aliquo defectu naturali, ex leuibus indiciis; v. g. aliquem esse spurium, vel natum ex adulterio, &c. vel esse oriundum ex Iudæis, vel esse filium sacerdotis: licet enim huiusmodi defectus sint naturales, habent tamè dedecus, & ignominiam adiunctam. *ibid. n. 6.*

32. In dubio an quis commiserit peccatum mort. iudicando, necne, videndum est an is, qui dubitat, sit conscientie timorata: tum interrogandus est, an si tunc aduertisset illud esse peccatum, deliberata voluntate consensisset; si respondeat negatiuè, censendus est non peccasse mort. Atque hoc diligenter obseruandum est in timorata conscientia viris, præsertim scrupulosis. *tom. 2. pag. 446. n. 10.*

33. Licet iudicium temerarium sit peccatum contra iustitiam, non tamen ex eo præcisè oritur obligatio restituendi: quia obligatio restituendi non oritur ex actu merè interno. Ex alia tamen circumstantia fieri potest, vt quis obligetur ad restitutionem; si v. g. suum iudicium alteri manifestet, non manifestatis leuibus indiciis: tunc enim, si sit materia grauis, committitur pec-

catum mort. detractionis, obligans ad restitutionem. *ibidem*,
num. 1. & 2.

34. Qui habet indicia mouentia dubium, an crimen fuerit ab aliquo commissum, non tenetur credere positiuè non fuisse ab eo commissum, sed tenetur saltem suum suspendere assensum, seu iudicium, neque benè, neque malè iudicando: quia proximus non habet ius, vt de ipso benè positiuè iudicemus; sed ne malè iudicemus: si tamen absque sufficientibus indiciis velimus de proximo iudicium ferre, tenemur benè iudicare, v.g. cum audio quempiam proferentem propositionem hæreticam, possum quidem ex regulis fidei iudicare illam propositionem esse hæreticam; non tamen possum iudicare proferentem esse hæreticum, cum nesciam, an ex animo, an ex inaduertentia illam protulerit. *ibid. n. 2. & pag. 447. neod.*

35. Quando agitur de damno vitando, aut malo præcauendo, licet aliquo modo dubia in priorem partem interpretari, non definitiuè, & positiuè, sed per quādam suppositionem, v.g. si ego aduenam in ædes meas admittam, non possum quidem positiuè, & definitiuè iudicare illum esse furem, possum tamen ita mihi cauere, ac si esset fur. *tom. 2. pag. 447. n. 3.*

IVRAMENTVM.

Quid, & quoruplex sit iuramentum?

1. Iuramentum est inuocatio diuini nominis in testimonium, vel est actus, quo diuinum nomen adhibemus fidei faciendæ causâ. Hæc autem verba, *Deus scit, coram Deo loquor*, &c. si inuocatiuè accipiantur, continent iuramentum. Secus si enunciatiuè absque intentione inuocandi Deum. Cum tamen hæc verba proferuntur à viris, qui iurare solent, præsumuntur iuramenta; actus enim præsumitur factus iuxta consuetudinem. *tom. 2. pag. 214. n. 1. & 2.*

2. Iurare per falsos, Deos non est verum iuramentum; est tamen mort. peccatum blasphemix, si serid, & ex animo fiat. Item iurare per dæmonē, siue iuramentum sit execratoriū, siue contestatoriū, est peccatū mort. quia honor Dei videtur tribui dæmoni, & videtur dæmon magni fieri etiā per iuramentū execratoriū: iuramentū tamen per dæmonem nullam inducit obligationē: cum enim dæmon sit mendax, & pater mendacij, eius testimoniū non potest confirmare humanā promissionē. *ibid. n. 2.*

3. Ad iuramentum sufficit tacita Dei inuocatio, quæ fit. 1. cum quis rogatus vt iuret, manu tangit crucem, vel librū Evangeliorū, vel aliud signum edit, quo se iurare ostendit. 2. quando iuramen

Iuramentum fit per creaturas, in quibus specialiter elucet bonitas Dei, ut per Sanctos, per animam rationalem, &c. aut quando adducitur creatura in testem, expresse simul Dei nomine in obliquo, ut si dicatur, *per ignem Dei*, tunc enim adducitur creatura in testem per ordinem ad Deum. Qui autem dicit, *Iuro me facturum hoc*, nihilque aliud addit, non præsumitur habere animum perficiendi iuramentum. *ibid. n. 3. & 4. & pag. 215. n. 7.*

4. Multiplex est iuramentum. 1. cum verbis enunciatur, aut nutu, signo, manu sublata, tactu Evangeliorum, vel reliquiarum, &c. 2. per simplicem contestationem, qua Deus in testem adducitur, aut per execrationem, seu imprecationem. 3. per Deum, aut creaturas in ordine ad Deum. 4. aliud est *solemne*, quod fit cum certa iuris formula; aliud simplex sine formula. 5. aliud est *assertorium*, aliud *promissorium*. 6. aliud est *absolutum*, aliud *conditionale*. Quous autem modo fiant iuramenta, sunt eiusdem speciei: omnia enim Deum adhibent testem. *tom. 2. pag. 215. num. 1. & 2.*

Conditiones iuramenti.

5. Ut licitum sit iuramentum, tria requiruntur *veritas, iustitia, & iudicium*. Ierem. 4. *Iurabis, vivit Dominus in iustitia, in iudicio in veritate*. Veritas in eo consistit, ut iurans, non leui, sed probabili coniectura ductus, prudenter putet verum esse, quod iurat, alioquin committitur peccatum mortale periurij, cum Deus adducatur in testem falsi, nisi inadvertentia, aut ignorantia excuset. Quare iuramentum falsum, etiam in materia levi, aut ioci causa, est peccatum mortale. Idem qui rem dubiam confirmat iuramento tanquam certam, aut qui iurat se aliquid facturum, siue licitum, siue illicitum, absque intentione faciendi, peccat mortaliter. *tom. 2. pag. 216. num. 4. & seq.*

6. Iudicium, quod requiritur ad iuramentum, in eo consistit, ut fiat cum necessitate, & reuerentia; propterea si absit necessitas, ut in re levi, quam non sit necesse iuramento confirmare, peccatur defectu iudicij; sed venialiter tantum, quia non sit gravis irreuerentia in Deum, sed est quædam vanitas, & leuitas. *ibid. n. 8.*

7. Iustitia iuramenti in eo sita est, ut iuramentum non fiat de re illicita, & turpi: committitur enim irreuerentia in Deum, cum adducitur in testem rei illicitæ, estque peccatum graue, aut leue, pro gravitate, aut leuitate materiæ. Porro qui de alio grauitur detrahit, & suam detractionem confirmat iuramento, præter mortale peccatum detractionis, grauem culpam committit defectu iustitiæ iuramenti in re graui: nonnulli tamen existimant, regulariter solum peccatum veniale committi, quando

iuramentum assertorium cadit super rem veram, etiam si mortaliter illicitam. *ibid. n. 9.*

Materia Iuramenti.

8. Materia iuramenti debet esse res licita, non autem indifferens, nec impossibilis, nec quæ impediatur maius bonum, aut diuinis consiliis aduersetur. Immo iuramentum de re indifferente, vel quam melius est non fieri, non obligat; quia Deus non vult obligare ad aliquid vanum, & otiosum, vel suis consiliis contrarium. Quare si iurasti, v.g. te non lufurum in tali loco, vel cum tali persona, aut te non transiturum per talem viam, si hæc sunt indifferentia, non teneris seruare iuramentum. At si ratione aliquius circumstantiæ desinunt esse indifferencia v.g. si non transiendo per talem viam, vitabis aliquod periculum peccandi, &c. seruandum est iuramentum. *tom. 2. pag. 217. n. 1. & 2.*

9. Seruandum est iuramentum de re licita, factum in fauorem, aut commodum alterius: iuramentum enim in hoc casu est actus veracitatis, & fidelitatis, & quilibet tenetur dare operam ne Deus in testem rei falsæ adductus esse videatur. Seruandum est igitur iuramentum homini præstitum, quod absque salutis æternæ dispendio seruari potest. Quare inualida est secunda promissio iuramento firmata contra aliam prius factam de re licita: secunda quippe est de re illicita, & contra ius alterius. Hinc patet inualida esse secunda sponsalia iurata contra alia sponsalia prius facta etiam sine iuramento. Immo si prima sponsalia legitime dissoluantur, secunda adhuc manent inualida, iuxta illam regulam iuris in 6. *Non firmatur tractu temporis quod ab initio non subsistit. ibid. n. 2. & 3.*

10. Iuramentum factum de re prohibita per legem ciuilem, quæ primario dirigitur ad bonum publicum, non obligat, quia iuramentum non est vinculum iniquitatis. Factum vero contra legem, quæ primario & immediate lata est in fauorem & commodum personæ priuatæ, obligat, modo non vergat in damnum tertij: quia persona priuata potest cedere iuri suo absque præiudicio tertij. Sic mulier quæ iurauit se non habituram ingressum ad paterna bona, tenetur stare iuramento, quamuis lex ciuilis irritet eiusmodi promissionem: hæc enim lex immediate respicit commodum priuatum. *ibid. n. 1. & pag. 218. n. 2. & 3.*

11. Promissio, seu iuramentum factum contra prius iuramentum, aut contra votum, aut priorem promissionem validam, non obligat; quia secundum iuramentum est de re, quæ licite seruari nequit. Sic sponsalia facta post votum castitatis sunt inualida. *tom. 2. pag. 218. n. 1.*

12. Gestæ

12. Gesta contra obligationem iuramenti valida sunt, nisi aliunde sint irrita: sic matrimonium contra votum simplex castitatis, aut contra sponsalia iurata cum alia, validum est. Fieri tamen potest ut eiusmodi acta irritentur à iure; nam si mulier iuret se non alienaturam fundum dotalem, & postea alienet absque iudicis auctoritate, alienatio non est valida, non quia est contra iuramentum, sed quia irritatur à iure. *ibid. n. 2.*

Iuramentum fictum.

13. Iuramentum factum absque animo iurandi non obligat coram Deo ex vi iuramenti: in foro tamen externo cogetur servare iuramentum, quia præsumetur ex animo iurasse. Tenebitur item stare iuramento ratione scandali, quod oriretur ex transgressione iuramenti, aut ratione damni, quod tenetur impedire. *tom. 2. pag. 219. n. 2.*

14. Ex iuramento facto, animo quidem iurandi, sed non animo se obligandi, non oritur obligatio ex vi iuramenti: quia Deus non acceptat iuramentum, nisi secundum hominis intentionem. Ad hoc tamen, ut iuramentum obliget, sufficit ut iurans velit iurare, sciens naturam iuramenti: hoc enim ipso censetur velle facere actum iuxta suam naturam; natura autem iuramenti est obligare. *ibid. n. 3.*

15. Ex iuramento facto cum animo non adimplendi, nascitur obligatio ex vi iuramenti: quia intentio adimplendi non est de substantia iuramenti. Peccat autem mortaliter quisquis iurat animo non iurandi, vel non se obligandi, vel non adimplendi, quando iuramentum rationabiliter exigitur: quia interuenit grauis exceptio, quæ repugnat fini iuramenti valde necessario rebus humanis *ibid. n. 6.*

Iuramentum dolo, aut metu extortum.

16. Iuramentum non obligat quando error, & dolo sunt circa substantiam rei promissæ: quia deest consensus cui nihil magis repugnat quam error. Item non obligat quando error, aut dolo versatur circa causam finalem, ita ut error de causam iuramento: iurans enim non iurasset, si dolum cognouisset. *ibid. n. 3. & 4.*

17. Iuramentum metu graui extortum etiam iniuste, modò sit de relicta, obligat coram Deo, ne Deus adducatur in testem falsi: licet erga hominem nullam inducat obligationem: homo enim per iniuriam nullum ius acquirit. Hinc sequitur eum qui iuramento promissit vsuras, teneri eas soluere, non vi promissionis, quæ est inualida, sed vi iuramenti: facta tamen solutione, potest repetere solutum, quia non iurauit se non repetiturum. *tom. 2. pag. 220 n. 1. & 2.*

Quis possit iurare?

18. Masculis ante 14. annum, & puellis ante 12. interdicitur iuramentum solemne in iudicio; in causis civilibus: quia non habent maturitatem iudicij requisitam ad iurandum cum debita reuerentia; propterea non possunt à iudice cogi ad iurandum. In causis verò criminalibus non admittitur ad iurandum minor 20. annis. Item periurij conuicti repelluntur à iuramento iudicialiter præstando. *ibid. n. 1.*

19. Interdicitur etiam Sacerdotibus, & Prælati iurare in iudicio sine graui causa, & necessitate: quia iuramentum exigitur à laicis ob dubiam illorum fidem; hoc autem dubium in personā Ecclesiasticam cadere non debet; quare non est ab ea exigendum iuramentum pro leui causa. Exigente autem necessitate, vel magna vtilitate licet sacerdotibus iurare: non tenentur tamen sacra tangere, sed satisfaciunt tangendo proprium pectus, sicque vsu receptum est. *tom. 2. pag. 221. c. 1. n. 1.*

20. Iuramentum præstari potest per nuncium, vel procuratorem, cum hac triplici limitatione. 1. modò actus si talis, qui per procuratorem præstari possit. 2. modò procurator speciale habeat mandatum ad iurandum. 3. modò dominus non reuocauit mandatum. *ibid. n. 2. & seq.*

21. Iuramentum licitè exigi potest ab eo, qui creditur peieraturus, modò iusta subsit causa exigendi iuramentum: quia non intenditur periurium, sed iuramentum, quod alter licitè potest emittere absque mendacio. Absque iusta autem causa exigere iuramentum ab eo qui creditur peieraturus, non licet: esset enim cooperari peccato alterius. *ibid. n. 1. & seq.*

Iuramentum amphibologicum.

22. Qui alio sensu iurat quàm alter intelligat, non peccat, si iustam habeat ita iurandi causam: sic enim iurans non est periurus: cum ipsius iuramentum sit de re vera iuxta sensum, quem ipse intendit. Sic qui iurans latroni promissit centum, cum hac restrictione mentali, *si debui*, non peccauit iurando, neque tenetur soluere centum; quia non debet. *tom. 2. pag. 222. n. 4. & 5.*

23. Qui ab alio quàm à suo iudice interrogatur, vel qui interrogatur quidem à suo iudice, sed non iuridicè, potest iurare amphibologicè, & cum restrictione: Idem dicendum de teste, cum iustam habeat causam non ferendi testimonium in iudicio. *ibid. num. 5.*

24. Ille non censetur periurus, qui absolute negat cum iuramento se debere centum, cum reipsa debeat tantum quinquaginta

ginta, aut qui interrogatus de fundo an suus sit, absolute negat suum esse, si tantum pars fundi sua est. Immo si iniuste interrogetur, omni culpa vacat ita respondens, quamvis interrogans scire velit num fundus suus sit in totum, an in partem: cum enim iniuste interrogetur, iustam habet causam utendi tergiuersatione. *tom. 2. p. 123. n. 5.*

25. Reus qui, iuridice interrogatus, crimen suum verbis amphibologicis occultat absque iusta causa, peccat mortaliter: facit enim iniuriam iudici iuridice interroganti. Idem dic de eo qui utitur amphibologia in contractibus: tum quia facit iniuriam patri; tum quia sic nihil esset certi in contractibus. *ibid. n. 7.*

26. Venditores qui cum non possint alia ratione pretium iustum ab emptore obtinere, iurant rem tanti sibi stetitisse, alio sensu quam emptor percipiat, non videntur mortaliter peccare, neque teneri ad restitutionem, modo non inferant notabile damnum emptori. *ibid. n. 8.*

Iurandi consuetudo.

27. Qui habet consuetudinem iurandi, sed non mentiendi, non peccat mort. etiam si non conetur talem consuetudinem euellere: quia non censetur esse in proxima occasione mortaliter peccandi; cum illa occasio non pertrahat ad periuriam, sed solum ad iuramenta sine necessitate, quæ sunt tantum venialia. Qui vero consuetudinem habet iurandi, & mentiendi simul, peccat mortaliter, si eiusmodi consuetudinem euellere non conetur; censetur enim esse in proxima occasione peccandi mortaliter, cum illa consuetudo inducat ad iurandum falsum. Porro, qui habet consuetudinem iurandi, & mentiendi, sed non coniungendi mendacium cum iuramento, peccat mortal. nisi hanc consuetudinem conetur extirpare: quia versatur in mortali periculo peierandi. *ibid. n. 3. & p. 224. n. 4. & 5.*

28. Qui habet consuetudinem iurandi, & mentiendi, in rigore, & per se loquendo, absolui potest, si firmum habeat propositum abstinendi in posterum ab huiusmodi iuramentis. Tamen ad vitandum scandalum, quod peierans aliis præbere solet, deneganda est illi absolutio, iuxta prudētis cōfessarij iudiciū, vel differenda provt saluti pœnitētis iudicauerit expedire. *to. 2. p. 224. n. 7.*

Obligatio iuramenti.

29. Probabilius videtur violentem iuramentum etiam in re parua serio promissa, peccare mortaliter: quia facit, quantum in se est, ut Deus sit adductus in testem falsi, nisi is cui facta est promissio, non admodum curet rem illam parvam; tunc enim censetur

serur obligationem condonare, consequenter cessat obligatio iuramenti. *ibid. n. 2.*

30. Qui emisit iuramentum comminatorium de infligenda alicui pœna iusta, tenetur iuramentum adimplere modò id non obstat maiori bono, aut nō sublata fuerit causa adimplendi: quia iuramentum obligat, ne Deus in testem falsi adductus videatur: propterea parentes, vel domini cōminantes filiis, aut seruis pœnas ad correctionem, tenetur seruare iuramētum, nisi cessauerit causa puniendi. Sin iuramentum factum fuerit ex ira, seu animo vindictæ, non obligat. *ibid. n. 3.*

31. Obligatio iuramenti præcisè, non transmittitur ad successores iurantis: iuramentū enim est vinculum personale; obligatio tamen contractus in quem cadit iuramentum, transmittitur ad hæredes, modò contractus sit validus. Hinc patet hæredes non seruantes contractum iuratum, vel promissionem iuram defuncti, non esse periuros, quia ipsi non tenentur vinculo iuramenti; peccare tamen contra iustitiam, quia obligatio realis in ipsos deriuatur. *tom. 2. p. 225. n. 2. & 3.*

32. Iuramentum cadens supra promissionem factam cum aliqua conditione tacita, eo modo explicandum est quo explicatur ipsa promissio: quia iuramentum sortitur conditiones actus, super quem cadit. Hinc sequitur eum qui cum iuramento promissit nuptias Bertæ diuiti, sanæ, virgini, &c. quæ post promissionem incidit in morbum incurabilem, vel in paupertatem, vel in fornicationem, &c. non teneri stare iuramento, aut eam ducere vi iuramenti; quia huiusmodi iuramentum habet eandem tacitam conditionem, quam habent sponsalia. *ibid. n. 1. & 2.*

33. Qui cogitur à socio prior ingredi domum, quam vrbauitatis causa iurauerat se non ingressurum priorem, non peccat contra iuramentum; vt si quis vrbauitatis gratia dicat alteri, *per Deum non precedam, non ingrediar; nisi tu prior ingressus fueris,* &c. hoc enim iuramentum censetur factum cum hac tacita conditione, *non precedam nisi me coegeris.* *tom. 2. pag. 226. n. 2.*

34. Iuramentum in dubio ita explicandum est, vt quàm minime obliget, seruata verborum proprietate. Hinc collige quomodo explicandum sit iuramentum, aut votum non ludendi: intelligendum enim est de ludo illicito, non verò de licito, qui recreationis gratia suscipitur, nisi aliter coniciatur de iurantis intentione: in dubio enim benignè interpretanda est intentio iurantis, vbi agitur de obligatione contrahenda.

35. Obligatio iuramenti impediri potest ne inducatur. 1. per legem destruentem omnino contractum humanum in quem cadit; destructo enim fundamento corruiat id quod ipsi innitebatur. 2. prohibendo

2. prohibendo executionem, ita ut sine peccato nequeat adimpleri. *tom. 2. pag. 228. num. 1.*

36. Obligatio iuramenti iam inducta, quatuor modis tolli potest. 1. mutatione materiæ, ut si materia iuramenti fiat illicita, vel impossibilis. 2. remissione seu relaxatione illius in cuius favorem factum est iuramentum; is enim cedere potest iuri suo. 3. irritatione facta per superiores. 4. per commutationem, aut etiam per dispensationem. *ibid. num. 2. & seq.*

37. Iuramentum factum in favorem hominis qui illud acceptavit, non potest commutari, vel dispensari, eo invito, in cuius favorem factum est, nisi aliqua iniuria præcesserit, vel nisi hoc fiat in iustam ipsius poenam, vel nisi ita postulet commune bonum: quia superior non potest sine legitima causa quemquam priuare suo iure. *tom. 2. pag. 229. n. 8.*

38. Præter Summum Pontif. Episcopi, alique Prælati iurisdictione quasi Episcopalem habentes, facultatem habent dispensandi in iuramentis. Excipe, 1. iuramenta Summo Pontif. reservata, cuiusmodi sunt iuramenta quibus confirmantur statuta Collegiorum, Academiarum & iura bonorum Ecclesiasticorum. 2. excipe iuramenta quæ annexum habent votum Papæ reservatum. Laica autem potestas in iuramentis dispensare non potest; quia vinculum iuramenti est spirituale, consequenter ipsius relaxatio ad spiritualem pertinet potestatem. Secus dicendum de condonatione: hæc enim à Principe sæculari fieri potest; quia non est relaxatio vinculi spiritualis, sed remissio materiæ; seu crediti, quæ fieri potest à creditore, qua facta cessat obligatio iuramenti. *ibid. num. 9. & 10.*

39. Iuramenta facta in honorem Dei, possunt ab ipso iurante, in melius, aut æquè bonum commutari: si enim possunt votis commutari quidni iuramenta? At iuramentum homini factum non item; quia non semper gratus est homini, quod est melius. *ibid. num. 11.*

40. Probabilius est eos qui facultatem habent delegatam commutandi vota, non posse commutare iuramenta, præsertim promissoria, talibus votis adnexa: quia hoc privilegium est odiosum, cum agatur de facultate dispensandi in iure naturali, & diuino; ergo strictè est explicandum. *ibid. num. 12.*

Excommunicatio contra exigentes iuramenta.

41. Gregorius XIII. in Bulla quæ incipit *Inter Apostolicos*, decernit nulla iuramenta illicita, impossibilia, damnosa, vel libertati Ecclesiæ aut decretis Concilij Trid. contraria, præstanda esse, reddenda, vel exigenda; deinde censuram addit contra transgressores;

transgressores; cum hoc tamen discrimine, quod Episcopos, aliisque Antistites suspendit à diuinis; Capitula, & conuentus, Ecclesiastico subiicit interdicto; regulares verò personas excommunicationis gladio ferit, addita etiam inhabilitate ad officia, vel beneficia obrenta, & obtinenda. *disp. 2. quæst. 3. punct. 17. pag. 224. tom. 3.*

42. Hæc censura tantum afficit exigentes huiusmodi iuramenta; non autem prestantes; quanquam hi grauiter peccant, nisi ob ignorantiam excusentur: quia Deum adhibent testem rei illicitæ: & præterea priuantur vsu, & commodo rei, cuius causa scienter iurauerunt. *ibid. n. 6.*

L.

L A I C V S.

Ad laicam potestatem recurrentes.

I V prætextu appellationis à violentia, seu grauamine, aut à futura executione literarum Apostolicarum, ad laicam potestatem, seu curiam sæcularem recurrunt, in excommunicationē 13. Bullæ Cœnæ incurrunt etiā id faciant ad necessariam sui defensionem, vel ad manifestam iniuriam Ecclesiastici iudicis propulsandam: Quia hoc fit in præiudicium iurisdictionis Ecclesiasticæ: neque hæc appellatio est legitima, quæ fit à superiore ad inferiorem: sic enim datur occasio curiæ sæculari vsurpandi iurisdictionem Ecclesiasticam. Ideo dum iudex Ecclesiasticus iniuriam infert, adeundus est superior Ecclesiasticus: immò ipse Summus Pontifex per viam appellationis, aut per supplices libellos. *disp. 1. quæst. 14. pag. 66. 67. tom. 3.*

2. Obiicies Summum Pontifexcommunicare eos qui ad curias sæculares confugiunt prætexentes friuolam appellationem: ergo qui ad sæculares curias confugiunt ad iniuriam propulsandam, non subiiciuntur excommunicationi, quia non prætexunt friuolam appellationem, sed veram. *Resp.* omnem appellationem, quæ fit ab Ecclesiastico tribunali ad laicum esse friuolam, etiam si fiat ad iniuriam Ecclesiastici iudicis propulsandam: adhuc enim sacrilega est, iniuriōsa, & irrita, cum ab Ecclesiastico iudice ad laicum non detur appellatio. *ibid. punct. 1. pag. 67. 68. num. 5. tom. 3.*

3. Consuetudo immemorabilis confugiendi ad laicam potestatem, ad propulsandam iniuriam ab Ecclesiasticis illatam,

non dat vllum ius laicis cognoscendi de causis Ecclesiasticis. Quia consuetudo præscribi non potest cum mala fide, & incapacitate subiecti, id est, dum subiectum est incapax illius quod per consuetudinem inducitur: sed laicus non est capax Ecclesiasticæ potestatis: ergo non potest illam acquirere per vllam consuetudinem etiam immemorabilem. Ad hæc illa consuetudo singulis annis in Bulla Cœnæ reprobatur & reuocatur. *ibid pag. 68. num. 6. tom. 3.*

4. Qui ad repellendam iniuriam, seu ad necessariam sui defensionem auxilium laicorū implorat tanquam personarum priuatarum, in excommunicationem huius canonis non incurrit. Quia Summus Pontif. excommunicat eos qui ad Curias sæculares recurrunt: Curia autem secularis, seu laica potestas, formaliter loquendo, ea dicitur. quæ publicam exercet iurisdictionem. *ibid, num. 7.*

5. Literæ Apostolicæ à quibus ad laicam potestatem non licet appellare, sunt Bullæ, Breuia, Citationes, Inhibitiones, Sequestra, Monitoria Processus, Executoriales literæ, & quæuis alia Decreta, quibus aliquid decernitur à Summo Pontif. vel ab aliis iudicibus, & officialibus Apostolicis. *ibid. n. 9. & seq.*

6. Qui per appellationem ad Curiam sæcularem impedit executionem literarum Apostolicarum, vel alia quacunque ratione, in hanc censuram incurrit. Qui autem appellat à decreto Episcopi, vel eius Vicarij, vel alterius Prælati, eximitur ab hac censura: quia non impedit executionem literarum Sedis Apostolicæ, aut eius officialium, de quibus in hoc canone est sermo. *ibid n. 69. n. 20. tom. 3.*

7. Non solum is qui appellationem interponit, verum etiam qui alia ratione confugit ad laicam potestatem vt impediatur literarum Apostolicarum executionem, ligatur excommunicatione siue recurrat ad laicam potestatem in causis spiritualibus, siue in temporalibus, & profanis: licet iudices laici ad quos confugit sint subditi Ecclesiæ, & à Summo Pontif. constituti; licet sint personæ Ecclesiasticæ, habentes tamen laicam, & temporalem ditionem; denique laici iudices interpositam appellationem non admittant. *ibid. num. 25.*

8. Qui impediunt ne tabelliones, & notarij conficiant acta, vel instrumenta super executione literarum Apostolicarum, aut ne acta vel instrumenta confecta tradantur parti cuius interest. Item qui vexant impetrantes literas Apostolicas, aut ipsorum consanguineos, affines, vel familiares, vt hoc pacto literarum executionem impediunt, censuræ huius canonis subiiciuntur. *ibid. punct. 2. pag. 70. n. 4. & seq. tom. 3.*

9. Magistratus, qui prohibet literas Apost. executioni tradi, antequam adueniat sui Principis consensus, vel examen, eandem excommunicationem incurrit: quia consensus Magistratus, & Principis pro eadem re accipitur, & quasi vnum, & idem vtriusque videtur esse tribunal *ibid. pag. 71. num. 17. tom. 3.*

10. Prælati, seu Clerici ad quos literæ Apostolicæ diriguntur non incidunt in hanc excommunicationem, si præfatis literis non vtantur, aut eas executioni non tradant antequam Principis, vel Magistratus beneplacitum accedat. Quia Summus Pontif. excommunicat eos, qui impediunt, vel prohibent executionem literarum Apostol. non autem eos, qui non exequuntur. Idem dicendum de inferioribus, iudicibus, capitaneis, lictoribus, &c. qui rogati opem ferre renuunt ad harum literarum executionem. Item de notariis, qui acta, vel instrumenta super illarum executione conficere recusant sine Principis, vel Magistratus beneplacito; hi enim non dicuntur impedire executionem, sed non exequi. Secus autem si impediunt ne instrumenta, vel acta ab aliis conficiantur. *ibid. n. 18.*

11. In dubio an literæ Apost. subreptitiæ sint, & inuolidæ nõ potest Magistratus sæcularis, seu laica potestas illarum executionem impedire, aut de illarum validitate iudicare: quia literæ Apost. iuxta sacros canones discutiendæ sunt, & examinandæ: ergo illarum discussio ad Ecclesiasticum iudicem pertinet; neque iudex laicus est competens. *ibid. n. 19.* Immo etiam si constet ipsas subreptitias esse, & inuolidas, non est iudicis laici de illis cognoscere, aut illarum executionem impedire; sed fieri potest oppositio coram Ecclesiastico Iudice, vel etiam Summo Pontif. supplicatio exhiberi. Sin aditus ad Ecclesiasticum Iudicem non pateat, & graue damnum timeatur, si eiusmodi literæ subreptitiæ executioni tradi sinantur, potest executio impediri, donec Summus Pontif. informetur. *ibid. num. 20. & 21.*

12. Princeps laicus non potest literas Apostolicas à legato, vel Nuncio Summi Pontif. exigere, non solum vt illarum executionem impediat, sed etiam vt illas auctoritatiuè recognoscat. Quia auctoritatiua eiusmodi recognitio ad iudicem Ecclesiasticum spectat. Potest tamen à Legato literas petere, vt sciat an verè sit Legatus. Immo tenetur ipse Nuncius, seu Legatus literas suæ legationis testes exhibere, non vt à Principe laico auctoritatiuè iudicentur, sed vt ipse Princeps, & populus cognoscat eum esse Summi Pontif. Nuncium. Si tamen Princeps seu Magistratus sæcularis literas Apostolicas sibi postulet exhiberi, non vt illarum executionem impediat, sed vt illas examinet, & recognoscat, non incurrit excommunicationem. Quia Summus

Summus Pontif. excommunicat impediētes literarum Apost. executionem, non autem examinantes. *ibid. pag. 72. num. 22. seq. tom. 3.*

13. Licet Principis, & Magistratus consensum petere, ut maior auctoritas, & fides literis Apost. accedat, si Princeps subscribat, aut sub temporalibus poenis illis obtemperari præcipiat, & executoriales literas ad hunc finem concedat. *ibid. n. 26.*

14. Ad excommunicationem huius canonis incurrendam, non requiritur, ut quis actu impediatur literarum Apostolicarum executionem, sed sufficit sola prohibitio, etiam si non obstante prohibitionem suam effectum sortiantur; & executioni mandentur. Quia Summus Pontif. excommunicat impediētes, vel prohibentes sub disunctione. *ibid. n. 27.*

15. Qui auctoritate publica, vel priuata iniuste audent directè, vel indirectè, in genere, vel in specie prohibere, vel mandare ne quis ad Rom. Curiam accedat, vel recursum habeat ad sua negotia prosequenda, aut gratias, ac literas impetrandas, aut qui impediunt, ne quis gratias aut literas à Sede Apost. impetret, seu ne impetratis utatur, aut qui audent præfatas literas retinere apud se, vel apud notarios, seu tabelliones, huius canonis excommunicationi subiiciuntur. *ibid. punct. 3. pag. 72. n. 3.* Hinc sequitur Episcopum nolentem ad sacros ordines spurium, qui dispensationem circa defectum natalium impetrauit, aut impediētem, ne capiatur possessio beneficii à Rom. Pontifice collati, in excommunicationem huius canonis incidere, nisi iusta de causa id faciat. *ibid. pag. 73. n. 12. tom. 3.*

16. Ut incurratur excommunicatio ob præfatas actiones hoc canone prohibitas, requiritur præsumptio, temeritas, audacia, & scientia; quamobrem ignorantia, nisi sit cum ingenti temeritate coniuncta excusat. *ibid. punct. 3. pag. 72. n. 2. tom. 3.*

Laicus Index ad se causas auocans ab Ecclesiastico Indice.

17. Auocare causam nihil aliud est, quàm cognitionem, seu definitionem causæ apud alium iudicem pendentis ad se trahere, & reuocare. Hoc autem tribus modis fieri potest. 1. expressè citando partes litigantes ad prosequendam causam coram suo tribunali. 2. prohibendo iudici coram quo agitur, ne amplius ea causa procedat. 3. inhibendo partibus ne causam coram primo iudice prosequantur. *disp. 1. quæst. 13. pag. 74. punct. 1.* Unde sequitur ad incurrendam excommunicationem. 14. Bullæ Cœnæ latam contra auocantes causas ab Ecclesiasticis iudicibus

opus esse ut auocentur ad sæculare tribunal causæ, quæ iam coram Ecclesiastico tribunali fuerant introductæ, *ibid. n. 3. tom. 3.*

18. Auocatio causarum à iudicibus Ecclesiasticis per eum facta qui fungitur auctoritate Ecclesiastica, non est sufficiens ad incurrendam huius canonis excommunicationem, modo fiat ab eo quatenus Ecclesiasticam iurisdictionem exerceat: quia Summus Pontifex communicat eos qui cum laicam iurisdictionem exercent, auocant causas à iudicibus Ecclesiasticis. Si verò auocatio sit per eum qui fungitur auctoritate laica, etiam si aliàs habeat iurisdictionem Ecclesiasticam, ut si auocatio fiat ab Episcopo, vel Cardinali qui iure patrimonij laicalem obtinet principatum, vel qui in Curia Principis sæcularis temporalem administrat iurisdictionem, hæc auocatio sufficit ad incurrendam censuram, quia derogat Ecclesiasticæ iurisdictioni. *ibid. num. 5.*

19. Probabiliter sustineri potest ad incurrendam censuram latam contra auocantes causas à Iudicibus Ecclesiasticis, opus esse ut illæ causæ auocentur non solum auctoritate iudiciali; verum etiam prætextu exemptionum, & priuilegiorum Apostolicorum: Quia Summus Pontifex utriusque meminit absque distinctione, ergo utrumque est necessarium; verba enim legis pœnalis strictè sumenda sunt. *ibid. pag. 75. num. 6. tom. 3.*

20. Causarum spiritualium, vel eis adnexarum auocatio ad laicum tribunal verita est sub excommunicatione, etiam si iudices Ecclesiastici negligentes sint in huiusmodi causis cognoscendis: quia iudex laicus incapax est iurisdictionis spiritualis, nec eam per consuetudinem etiam immemorabilem acquirere potest. Sed in hoc casu monendus est iudex Ecclesiasticus de neglecta, vel iniquè administrata iustitia, vel recurrendum est ad Summum Pontif. *ibid. n. 8.*

21. Eandem excommunicationem incurrunt qui impediunt, causarum spiritualium, vel spiritualibus annexarum cursum prosecutionem, audientiam, & personas, Capitula, Conuentus, vel Collegia, quæ prædictas causas prosequi volunt; & qui se illarum cognitione tanquam iudices interponunt. *ibid. pag. 76. n.*

13. tom. 3.

22. Eadem censura ligantur qui compellunt partes actrices ad reuocandum, vel reuocari faciendum citationes, vel inhibitiones, &c. vel ad consentiendum ut ij contra quos tales prohibitiones emanarunt, à censuris, & pœnis in illis contentis absoluantur. *ibid. num. 19.* Qui verò via iudicialia, aut precibus, aut promissionibus, aut per unia inducunt partes actrices ad consentiendum, non incidunt in excommunicationem: quia non compellunt vi aut metu. *ibid. num. 20.* Neque incurrit excommunicatione

communicationem qui compellit iudicem à quo excommunicatione, & alia pœnæ inflictæ sunt, vt absolutionem impendat. Quia in Bulla non est sermo de compellente iudicem, sed de compellente partes: hic tamen aliam excommunicationem incurrit, de qua suo loco. *ibid. n. 12. tom. 3.*

23. Mandans, consulens, fauens vt causæ spirituales à Iudicibus Ecclesiasticis auocentur, vel vt ipsarum cursus impediatur, &c. incurrit excommunicationem modò sequatur effectus. At verò ratam habens illam auocationem, hoc vinculo non innodatur; quia illa approbatio est posterior effectui, ac proinde in illum non influit *ibid. pag. 77. num. 25. & seq. tom. 3.*

24. Ecclesiastici qui sponte patiuntur se trahi in causis spiritualibus ad iudices sæculares, non videntur in hanc censuram incurrere; quia non fauent auocationi auctoritatiuæ, sed permissiue tantum. *ibid. n. 26.*

25. Priuilegium Summi Pontif. legitimè concessum, ab istius excommunicationis vinculo excusat auocantes causas spirituales, & Ecclesiasticas, à Iudicibus Ecclesiasticis, vel illarum cursum impediens: tum quia canon hic loquitur de auocantibus auctoritate propria; qui autem ex priuilegio aliquid facit, non dicitur auctoritate propria facere, sed auctoritate concedentis priuilegium: tum quia legislator in sua lege potest dispensare, *ibid. punct. 4 §. 1. pag. 77.* Simplex autem tolerantia Summi Pontif. si qua est, priuilegium non inducit. *ibid. pag. 77. num. 3.* Porro priuilegia ante Bullam Cœnæ concessa, per hanc Bullam reuocantur; nisi aliquod priuilegium confirmatum fuerit, aut peculiari aliqua, & inusitata forma concessum, vt per verba huius Bullæ reuocatum non censeatur. *ibid. n. 6. tom. 3.*

26. Priuilegium cognoscendi causas Ecclesiasticas Principibus concessum reuocari potest, non obstante immemorabili consuetudine, quia priuilegium inferiori concessum potest à superiore reuocari; tum quia huiusmodi priuilegium est odiosum, vt potest libertati Ecclesiasticæ contrarium. *ibid. n. 6.*

27. Impedientes literarum Apostolicarum executionem, excusari possunt ab excommunicatione, si impediunt prætextu informandi, aut supplicationem exhibendi Summo Pontifici, modò tamen supplicationem coram Sede Apostol. legitimè prosequantur. Qui autem malitiosè, & absque legitima causa impedit, non excusatur, etiam si id faciat prætextu supplicationis Summo Pontifici exhibendæ; tum quia dolus, & propria culpa nemini patrocinatur; tum quia is non potest supplicationem legitimè prosequi, quam ipse scit esse iniustam. *ibid. §. 2.*

28. Non licet Clerico ad laicum iudicem recurrere, & appellatio

pellationem à Iudice Ecclesiastico interponere eo prætextu vt vim vi repellat; quia hoc fieri non potest cum moderamine inculpatæ tutelæ; quia moderamen inculpatæ tutelæ non seruatur quoties maior vis infertur, quàm opus sit ad tuendum oppressum: in nostro autem casu maior vis infertur; tum quia innocens defenditur publica auctoritate cum usurpatione iurisdictionis Ecclesiasticæ, cum priuatim defendi posset absque læsione Ecclesiasticæ libertatis; tum quia defendi potest admonendo superiores Ecclesiasticos, iuxta sacros canones, aut supplicationem porrigendo Summo Pontif. eamque legitimè prosequendo, non adito laico tribunali. *ibid. §. 3. pag. 79. n. 2. tom. 3.*

29. Prætextus prohibendæ violentiæ, seu iniuriæ, non est titulus sufficiens ad excusandos eos qui causas spirituales, & Ecclesiasticas à iudicibus Ecclesiasticis auocant, aut literarum Apostolicarum executionem impediunt, aliæ in Bulla prohibita faciunt; tū quia iure canonico prohibetur ne causæ Ecclesiasticæ ad profanos, & ciuiles iudices deuoluantur; etiam si Ecclesiastici iudices in administranda iustitia errauerint, aut negligenter se gesserint; tum quia in hac auocatione non seruatur moderamen inculpatæ tutelæ, vt suprâ probatum est. Tum quia propulsare auctoritatiuè iniuriam, est actus iurisdictionis; sed actus iurisdictionis non potest à laicis exerceri in Ecclesiasticos, qui laicæ potestati non subsunt, ergo. *ibid. §. 4. pag. 80. tom. 3.*

30. Obicitur primò. Qui facit id ad quod tenetur ex officio, non peccat, neque censuram incurrit. Sed Principes qui superiorem in sua ditione temporali non agnoscunt, faciunt id ad quod tenentur ex officio, dum ab oppressis violentiam & iniuriam propulsant, & innocentes ad se confugientes tuentur, eorumque appellationes admittunt; præsertim cum Reges & Principes ante Christi aduentum vtriusque iurisdictionis temporalis, & spiritualis vsum habuerint, vt pater in Mose. Deinde potestatem spiritualement Christus ademit Principibus sæculi, eamque D. Petro, eiusque successoribus contulit. Quò fit, vt si iudices Ecclesiastici facultate sibi à Christo collata abutantur, inferendo aliis violentiam, iurdictio spiritualis quæ fluxit à regia, & politica. redeat ad suum principium, id est ad Principes sæculares, vt possint per viam protectionis clericos, & laicos ab iniuriis per iudices Ecclesiasticos illatis vendicare. *Resp. negando minorem; falsum enim est Principes cognoscentes causas Eccles. per viam violentiæ facere id ad quod tenentur ex officio; quippe ex officio tenentur causas cognoscere sibi subditorum; Ecclesiastici autem non sunt subditi laicis. Falsum item est iurisdictionem spiritualement fluxisse à laica potestate; quia*

quia potestas Ecclesiastica est superioris ordinis. Si qui autem olim temporalem, & spiritualem iurisdictionem simul exercuerunt, hi fuerunt Reges simul, & Sacerdotes. *ibid. pag. 81. n. 4. & seq. tom. 3.*

31. Obicitur secundò. Ecclesiastici sunt ciues, & mēbra Reip. temporalis; sed ciues, & membra Reip. subsūt Principi temporalis; ergò Ecclesiastici subsunt Principi sæculari, ergo tenentur legibus Principum politicis ad violentiam arcendam. *Resp.* Ecclesiasticos esse quidem ciues, & membra Reip. sed immunes, & exemptos à Iurisdictione Principis sæcularis in causis spiritualibus; sciendum tamen ex vi directiua Ecclesiasticos teneri legibus Principum politicis quæ ad commune bonum spectant. Neque dixeris D. Paulum cum ciuem Rom. se esse dixit, ad Casarem appellasse, proindeque se eius potestati subiecisse; saltem quoad protectionem: Nam *Resp.* ipsum non appellasse à iudice Eccles. ad laicū, sed à laico ad laicum vt ab eo protegeretur, cum aditum ad alium non haberet. *ibid. p. 82. n. 11. tom. 3.*

32. Quæres, quid igitur faciendum si Iudices Ecclesiastici ipsèque Summus Pontif. delicta impunita relinquunt, innocentes, iniuste vexent, & alia contra ius naturale, & diuinum faciāt? nõne poterit Princeps, & magistratus sæcularis innocentium iura tueri, & ab illis violentiam propulsare? *Resp.* neque in hoc casu fas esse Iudicibus sæcularibus Summo Pontifici auctoritatiue resistere, aut iurisdictionem in ipsum exercere: quia Summus Pontif. nullum habet in terris superiorem à quo iudicari, aut in sua iurisdictione impediri possit. *ibid. pag. 83. n. 14. tom. 3.*

33. Prætextus Bullæ non acceptatæ in iis locis in quibus non obseruatur, non est titulus sufficiens ad excusandos transgressores ab excommunicatione. Quia etiam si nonnulli concedant legem non modò sæcularem, verum etiam Ecclesiasticam non obligare vbi acceptatæ non est; id tamen non habet locum vbi constat Superiorem velle independentem ab acceptatione obligare. Atqui Summus Pontif. vult hanc Bullam independentem ab acceptatione obligare, excludit enim omnem prætextum; ergo obligat etiam in iis locis vbi non est acceptata. *ibid. §. 5. pag. 84. num. 2. tom. 3.*

LEX.

Quid, & quoruplex sit lex?

1. **L**ex, à S. Thomæ discipulis definitur Ordinatio rationis promulgata ad bonum commune, ab eo qui curam habet communitalis, seu qui potestatem habet obligandi. Ad cõdendam

dam legem hæ requiruntur conditiones. 1. vt sit, iusta. 2. vt promulgetur. 3. vt feratur à legitimo superiore. 4. vt feratur ob commune bonum immediate, vel mediâtè: lex enim omnino inuitilis communitati non obligat. *tom. 2. p. 2. n. 1. & seq.*

2. Prima legis diu isio est in æternam, diuinam, & humanam, & naturalem. *Lex æterna* est mens, & ratio Dei, bona præcipiens, & mala prohibens. *Lex diuina* est ea, quæ vim habet, & quatenus à Deo proficiscitur, estque duplex, *vetus*, seu *Mosaica*, & *noua*, seu *Euangelica*. Rursus lex diuina subdiuiditur in diuinam naturalem, qua idem præcipitur, quod lege naturali, vt sunt præcepta Decalogi; & in diuinam positiuam, qua præcipitur aliquid quod lege naturali non est sancitum, vt est præceptum præmittendæ confessionis ante sumptionem Eucharistiæ, ab eo qui sibi cōscius est peccati mortalis. *Lex humana* est illa quæ fertur auctoritate humana, dependenter tamen à Deo; estque duplex Ecclesiastica, & sæcularis. *Lex naturalis* est dictamen, seu lumen naturale nostræ rationis, quo cognoscimus quæ facienda sint, quæ vitanda. *tom. 2. p. 3. n. 1. & seq.*

3. Secunda legis diu isio est in naturalem, gentium, & ciuilem. *Lex naturalis* paulò ante definita est. *Lex gentium* est illa quam omnes homines, naturali ratione ducti constituunt; cuiusmodi est illa: *Possessiones sunt diuidenda*. *Lex ciuilis* est illa quæ simpliciter auctoritate hominum decernitur. Quando verò *lex ciuilis*, canonice videtur aduersari, parendum est potius canonice, seu Ecclesiasticæ: nam Ecclesia leges ciuiles potest abrogare. *tom. 2. p. 4. num. 13. & seq.*

4. Tertia legis diu isio est in affirmatiuam, quæ præcipit aliquid faciendum; & negatiuam quæ aliquid fieri vetat. *ibidem, numer. 18.*

Quis possit legem ferre?

5. *Lex* condi potest ab eo, qui habet publicam potestatem, iurisdictionem, & vim cogendi. Quare Summus Pontif. ferre potest leges Ecclesiasticas, in toto orbe. Leges autem ciuiles non tantum in suo territorio potest ferre, sed etiam in alieno, saltem indirectè per ordinem ad finem spiritualem, quoties id necessarium esse duxerit ad salutem animarum. Hanc autem potestatem ferendi leges in Ecclesia Summus Pontif. accepit immediatè à Christo: est enim proximus, & immediatus Christi Vicarius. Episcopi verò à Summo Pontif. hanc potestatem mutantur. *tom. 2. p. 5. n. 1. & 5.*

6. Imperator legitime electus potest in regna, & prouincias sibi subditas leges ciuiles ferre, non verò in orbem vniuersum.

sum: multi enim Christiani non sunt subditi Imperatori. Quare prouinciæ, quæ neque iure dominij, neque iure feudi, neque alio titulo Imperatori subsunt, non tenentur legibus Imperatoris. *ibid. n. 5. & p. 6. n. eod.*

7. Reges in suis regnis possunt leges civiles ferre, cū in iis potestatem publicam, supremamque habeant iurisdictionem. Idem proportionem dicendum de aliis Principibus supremis, qui superiorem in temporalibus non agnoscunt. Qui verò superiorem agnoscunt, possunt leges iuxta limites à Principe sibi præscriptos sancire. Ipsa etiam Regina, quæ regni domina est, nullūque in temporalibus superiorem agnoscit, idem ius habet legum ferendarum. Contracto autem matrimonio, si ius, & dominium regni, iure hæreditario, vel alio titulo competit fœminæ, ad Reginam pertinet leges ferre, nisi suas vices marito committat. Quia ad ipsam pertinet ius, & dominium regni, neque matrimonium transfert hoc dominium, seu administrationem regni in maritū, cū regnum alienari non possit, nec in dotem dari. *tom. 2. p. 6. num. 7. 8. & 9.*

8. Respublicæ seu Communitates perfectæ, quæ per se ipsas gubernantur, possunt in suis territoriis leges condere. Item Ciuitates, quæ supremæ Reipubl. formam aliquam retinent. Quæ verò potestatem in Principem transtulerunt, leges propria auctoritate condere non possunt. *ibid. n. 10. & 11.*

9. Concilia Generalia Summi Pontif. auctoritate conuocata possunt leges, & statuta generalia condere iuxta facultatem sibi à Summo Pontif. concessam. Vnde licet inferre à Summo Pontif. ad Concilium generale non dari appellationem, quia S. Pontifex non habet superiorem. Concilia verò non vniuersalia, sed prouincialia, nationalia, & synodalia, vim habent condendi leges obligantes territoria ipsorum iurisdictioni subiectas neque faciunt ius commune, nisi à Summo Pontif. generaliter approbentur. *tom. 2. p. 7 n. 13. & 14.*

10. Generales religionum approbatarum in Capitulo generali, & Prouinciales in Prouinciali, concurrente maiori suffragiorū parte, possunt leges ferre. Reliqui verò Prælati possunt ea præcipere, quæ ad obseruantiā regulæ sunt accommodata. Non tamen possunt subditos compellere ad obseruantiā regulæ, quæ dum ipsi professionem emisissent, auctoritate Summi Pontif. aut consuetudine legitime præscripta, iam erat abrogata. Secus dicendum, si regula paucorum culpa non seruabatur, nondum tamen erat legitima consuetudine abrogata: tunc enim subditi, nouis constitutionibus compelli possunt ad eam seruandam; voluerunt enim regulam illius religionis, consequenter

ad eius obseruantiam compelli possunt. *ibid. n. 15. & pag. 8. n. 18.*

11. Collegium Cardinalium non potest, seu viuentē Summo Pontif. seu sede Apostolica vacante, legem vniuersalem condere, immò nec particularem nisi in propriis titulis, in quibus iurisdictionem habent Episcopale. Cùm enim Collegium Cardinalium, vt probabilior fert sententia, non sit de iure diuino, nullamque habeat iurisdictionē quæ à Summo Pontif. non pendeat (si quidem Cardinales à Syluestro Papa instituti sunt) nullam legem hanc facultas condendarum legum Cardinalibus à Pontifice concessa: sed illis tantum permittuntur ea quæ ad electionem Summi Pontificis & ad Ecclesiæ defensionem spectant. *tom. 2. pag. n. 26. & p. 9. n. eod.*

12. Capitulum Ecclesiæ Cathedralis, sede Episcopali vacante, potest leges & statuta facere in diocesi duratura donec reuocentur ab Episcopo successore. Immò potest statuta ab antecessoribus Episcopis facta reuocare, & contraria statuere, si ita expedire iudicauerit: Capitulum enim, exceptis casibus in iure expressis, sede vacante, succedit in iurisdictione Episcopi. Viuentē autem Episcopo, non potest leges, vel statuta condere nisi circa ea quæ ad bonum regimē, & ordinem Capituli pertinent. *tom. 2. p. 9. n. 29. & 30.*

Conditiones legis ferenda.

13. Ad ferendam legem sex potissimum conditiones requiruntur. 1. vt feratur à legitimo superiore. 2. vt feratur ob bonum commune. 3. vt sit iusta. 4. vt promulgetur. 5. est lapsus temporis, seu termini à legislatore præscripti: nam lex vltra voluntatem legislatoris non obligat. 6. vt lex vsu recepta sit, seu acceptata. *tom. 2. p. 11. n. 1. & seq.*

14. Promulgatio legum quæ ab Imperatore, Rege, aut Principe supremo feruntur, in singulis prouinciis facienda est, neque obligat subditos illius prouinciæ in qua facta non est: distinctæ enim prouinciæ censentur distinctæ vniuersitates, proindeque distinctam postulant promulgationem. Promulgatio verò legum Pontificalium facienda est in Curia Romana: & hæc promulgatio sufficit ad inducendam vbique obligationem seruandæ legis: vsus enim obtinuit vt leges Pontif. in sola Romana Curia promulgentur. *tom. 2. p. 12. num. 16.*

15. Qui legem rescissoriam contractus, sufficienter promulgatam ignorat, licet non peccet si contractum ineat contra legē: inualidē, tamen celebrat contractum. Quia leges rescissoræ hoc habent, vt post promulgationem obligent etiam ignorantes: leges verò reuocatoriæ priuilegiorum non obligent antequam

antequam reuocatio perueniat ad illius aures cui concessa fuerat priuilegia: quia priuilegium est fauorabile, fauores autem sunt ampliandi. *tom. 2. pag. 13. n. 20.*

16. Lex statim post promulgationem obligat, quando nullus terminus ad obligandum fuit appositus, nisi aliter constet de mente legislatoris: solet autem legislator, quando non intendit ante certum tempus obligare, hoc exprimere: quare si nullum tempus exprimat, censetur velle legem statim post sufficientem promulgationem obligare, pro ut sonant verba legis, Hoc tamen est speciale legibus ab Imperatore conditis, ut non obligent ante duos menses à promulgatione *ibid. num. 25.*

17. Leges sub hac tacita conditione feruntur, ut vim habeant si fuerint acceptatæ, & usu receptæ. Tunc autem lex dicitur non esse usu recepta, quando populus, vel maior pars populi pergit facere quod consueuerat ante legis promulgationem, siue sciat legem esse promulgatam, siue ignoret. Tunc verò dicitur lex usu recepta, & acceptata, quando maior pars communitatis facit quod lex præcipit, aut eam approbat verbo, vel scripto, aut eam non improbat. potest tamen legitimus superior legem ferre, quæ obliget subditos independentem ab ipsius acceptance, & consensu: alioquin maior esset potestas populi, quàm Principis, quando quidem populus posset legislatoris potestatem, ac iurisdictionem impedire *ibid. n. 27. & pag. 14. n. 29.*

18. Lex acceptata quoad vnā partem, obligat quoad eam tantum partem quæ acceptatur. Quia quæ ratio est totius ad totum, eadem est partis ad partē. Potest etiam aliquando per consuetudinem abrogari quoad vnā partem, aut quoad pœnam. reliquis partibus in suo robore permanentibus, *l. 1. pag. 14. n. 30.*

19. Possunt subditi ex iusta causa non solum supplicationes, & preces ad legislatorem transmittere, ut legem reuocet, verum etiam legis obligationem interim suspendere, donec iterum constiterit de voluntate legislatoris. Quia posita iusta, & rationabili causa legis reuocandæ, consonum videretur rationi, ut subditis pateat aditus ad legislatorem pro legis reuocatione, & interim legis onere non premantur, donec legislator mentem suam aperiat *tom. 1. pag. 15. num. 41.*

20. Princeps potest subditos intra decennium, pœnis compellere ad seruandam legem promulgatam: transactio verò decennio, si lex acceptata non fuit, non potest Princeps, per se loquendo, subditos compellere ad seruandam legem: lex enim per consuetudinem, seu non usum decennalem abrogatur, & tollitur. *ibid. num. 46.*

21. Ut lex obliget, non requiritur scriptura tanquam conditio

ditio necessaria: potest enim lex promulgari, & acceptari etiam si non sit scripta; modò contrariū non sit vñ receptum, aut, sancitum. Hinc licet inferre priuilegium absque scriptura concessum, non expirare morte concedentis, etiam si literæ nondum essent expeditæ: quia priuilegium absque scriptura concessum, est validum. Vt plurimum tamen, & regulariter loquendo, lex per scripturam ferri consuevit. *ibid. n. 49. & pag. 16. n. 50. & 51.*

Circa quam materiam lex versetur.

22. Actiones humanæ sunt materia legum: versantur enim leges circa humanas actiones, præcipiendo bonas, & malas prohibendo. Ipsi etiam actus interni possunt aliqua ratione præcipi, vel prohiberi, non quidem ex se præcisè (quia merè interna soli Deo referuntur:) sed quatenus pertinent ad complementum actus externi. Sic Ecclesia præcipiens recitationem diuini officij simul etiam præcipit attentionem, quæ est actus internus: nam attentio est planè necessaria ad orationem. Item præcipiens annuam confessionem, simul etiam præcipit dolorem peccatorum, qui est actus internus ad substantiam confessionis omnino necessarius. Eodem modo prohibens actum aliquem externum, simul etiam prohibet internum illi respondentem, sic cum prohibet furtum, prohibet etiam voluntatem furandi. *tom. 2. pag. 16. n. 2. & seq. & pag. 17. n. 9. & seq.*

Quisnam legibus obligetur?

23. Subiectum legis est homo subditus, capax rationis, iuxta tenorem legis. Hinc sequitur infideles, aut catechumenos, legibus Ecclesiasticis non adstringi, quia non sunt subditi Ecclesiæ. Pueros autem ratione vñtentes, Ecclesiæ legibus obligari, consequenter teneri ad confessionem annuam: ad Missam die festo audiendam, ad abstinentiam à cibis vetitis in die ieiunij, &c. Item Augustam, id est, Reginam, coniugem Principis condentis legem, ex natura rei obligari legibus à Principe constitutis, nisi eximatur, vti re ipsa eximitur. *tom. 2. pag. 18. n. 1. & seq. & pag. 19. num. 8. & seq.*

24. Princeps non tenetur, præcisò scandalo, suorum prædecessorum leges obseruare: quia non sunt latæ à superiore, cum Princeps eadem gaudeat facultate, quâ gaudebant prædecessores. Idem dicendum de Generalibus, respectu constitutionum sui ordinis, nisi ob specialem aliquam rationem illas seruare teneantur. *tom. 2. pag. 19. n. 12.*

25. Princeps non obligatur, propriè loquendo, ex vi coactiuæ ad seruandam propriam legem, quia lex obligat subditos, nullus autem

autem est sibi subditus, neque ullus habet potestatem, & iurisdictionem coactivam in seipsum. Propterea si Papa percutiat clericum, non ligatur excommunicatione. Item qui cum Summo Pontifice contractum celebrat aliàs simoniacum, non committit simoniam iure humano prohibitam, quia Summus Pontifex cum eo dispensare præsумitur. At si loquamur de vi directiva, & æquitate fundata in iure naturæ, dicendum est Principem teneri ad servandas suas leges: debet enim alios suo exemplo movere, ut sit conformitas inter caput & membra; modò leges sint universales, & ad statutum Principis accommodatæ: nam Princeps qui lege cauit, v.g. ne magni sumptus fiant in vestes, non tenetur huic legi obtemperare. Si verò ferat legem præscribentem ieiunium, vel celebrationem dierum festorum, vel legem taxantem pretium rerum, tenetur eam servare. *ibid. n. 14. & seq. & pag. 20. num. 19. & 20.*

26. Clerici, aliique Ecclesiastici non tenentur legibus civili-bus ex vi coactiva: quia Princeps laicus non habent in clericos iurisdictionem. Ex vi autem directiva tenentur legibus civilibus spectantibus ad bonum commune, Ecclesiasticæ libertati non repugnantibus; quia decet clericos esse aliis exemplo. *tom. 2. pag. 21. n. 25.*

27. Cardinales ligantur legibus generalibus etiam odiosis à iure communi latis, consequenter afficiuntur censuris per verba generalia impositis à iure communi: sunt enim subditi iuri communi siue Summo Pontifici: modò in quibusdam casibus aliter non consistit de mente Summi Pontificis *ibid. n. 34.*

28. Peregrinus, seu viator, qui ad aliquem locum pervenit absque intentione ibi constituendi domicilium, vel ibi manendi maiori anni parte, non ligatur legibus particularibus, ac propriis illius loci: quia per breuem moram non acquiritur in illum iurisdictionem, nisi fortè obligetur ratione scandalì vitandi aut alterius circumstantiæ. Qui verò accedit ad aliquem locum, animo ibi manendi maiore anni parte; ligatur legibus in eo loco receptis, sitque parochianus illius loci quoad Sacramenta, excepto ordine, & tonsura *tom. 2. pag. 22. n. 36. & 44.*

29. Vagi, qui nupiam certam habent sedem, obligantur legibus, & consuetudinibus locorum in quibus reperiuntur; alioquin exempti essent ab omnibus legibus, & statutis municipalibus, aut etiam decretis Episcoporum, quod non videtur consentaneum rectæ gubernationi. *tom. 2. pag. 23. n. 54.*

30. Civiis Mediolanensis, qui primis quatuor diebus proximè antecedentibus primam Dominicam Quadragesimæ (quibus diebus Mediolani non ieiunatur, nec abstinetur à carnibus, aut lacticiis)

læticiniis) si aliò se transferat vbi ieiunatur, tenetur ieiunare, & à carnibus abstinere: quia illa consuetudo Mediolani recepta est, & localis; præceptum verò ieiunandi illis quatuor diebus, est præceptum generale, latum à iure communi, quod vbiq; gentium obligat, exceptis iis locis, in quibus non est receptum, aut in quibus contraria consuetudine fuit abrogatum. *tom. 2. pag. 24. num. 55.*

31. Qui præceptum obligans non solum in loco proprii domicilii, sed etiam alieni, iam adimpleuit in proprio domicilio, nõ tenetur idem præceptum iterum adimplere in loco in quo postea reperitur, etiam si ibi figat domicilium, aut ibi manere maiori anni parte statuat. Quia iam illud præceptum adimpleuit, neque idem præceptum bis obligat. Id contingere potest in celebratione alicuius diei festi, qui non eodem tempore vbiq; celebratur. *ibid. num. 57.*

32. Qui in alieno territorio versatur, non tenetur seruare leges proprii territorij ibi non obligantes. Quia sicut agentia natura alia non agunt vltra sphaeram suæ actiuitatis, ita Principes vltra proprium territorium, suam iurisdictionem non extendunt; & subditus in alieno territorio existens, non est actu subditus legislatori. Idque extenditur non solum ad leges municipales, verum etiam ad leges iuris communis, quarum obseruatio viget in proprio territorio, non verò in eo loco vbi ad tempus versatur. *ibid. n. 59.*

Obligatio legis humane.

33. Non omnes leges humane obligant in conscientia, præsertim sub peccato mortali: leges enim vetantes venationem, aut piscationem sine damno proximi, aut prohibentes delationem armorum nocturno tempore, per se loquendo, & præcisè aliis circumstantiis; non videntur obligare sub mortali. Ad hæc legislator præsertim ciuilis, vt plurimum non intendit obligare sub peccato mortali, sed tantum sub aliqua pœna. *tom. 2. pag. 25. num. 2.*

34. Lex pœnalis, qua scilicet aliquid præcipitur, aut vetatur, addita transgressoribus pœna, obligat sub peccato mort. aut veniali, iuxta materiæ grauitatem, aut leuitatem, nisi aliunde constet legislatori: em nolle ad culpam obligare: quia pœna supponit culpam. Hinc sequitur præceptum recitandi horas canonicas sub pœna amissionis fructuum, aut legem soluendi vectigalia sub pœna amissionis mercium, obligare in conscientia, & sic de cæteris. *tom. 2. pag. 26. n. 3.*

35. Leges quæ neque obligant ad culpam, neque ad pœnam

non sunt propriè leges, sed potiùs regulæ, seu ordinationes dirigentes ad bonum. Idem dicendum de regulis nonnullarum religionum, quæ ne ad culpam quidem venialem obligant. *tom. 2. pag. 27. num. 5*

46. Lex ingerens, ipso facto, pœnam transgressoribus, non obligat in conscientia, ante sententiam declaratoriam, ad subeundam pœnam, quæ non potest executioni mandari absque actione hominis, nisi manifestè appareat eam esse Legislatoris mentem. Potest enim legislator obligare ad soluendam pœnam ante sententiam; regulariter tamen non obligat. Immo etiamsi delictum ita notum sit, ut non possit vlla tergiversatione celari, non tenetur delinquens, ante sententiam declaratoriam, soluere pœnam quæ ad sui executionem requirit hominis actionem, nisi aliter constet de mente legislatoris; hic enim est usus, & praxis. Pœna verò ipso facto lata, quæ ad sui executionem non postulat hominis actionem, statim incurritur post legem violatam. Quare si lex ita feratur: *Qui hoc fecerit, sit excommunicatus ipso facto*, delinquens statim patrato delicto incurrit excommunicationem, cum ad hanc pœnam subeundam nulla actio requiratur, neque expectanda est sententia criminis declaratoria. Tamen circa pœnam priuationis officij, beneficij, vocis actiû, & passiuæ, &c nota delinquentem non teneri, cum periculo grauius infamiæ, hanc pœnam subire, ante iudicis sententiam. *ibid. n. 6. & seq. & pag. 28. n. 9. & 10.*

37. Lex conditionalis, seu pœna sub conditione appositæ, obligat ante sententiam iudicis, v.g. scæmina cui relictum est legatum sub hac conditione *si à secundis nuptiis abstineat*, nō potest accipere legatum, aut acceptum retinere, si ad secundas nuptias aduolarit. Quia hæc non est lex propriè pœnalis, priuans alterū re iam acquisita, sed priuans iure acquirendo: non acquiritur autem nisi adimpleta conditione *tom. 2. pag. 29. n. 24. & 25.*

38. Post iudicis sententiam reus tenetur eas sibi pœnas infligere, easque actiones, exercere, quas licitè potest exercere, & quæ commodius ab alio quàm à reo exerceri non possunt, & quæ nō sunt nimis acerbæ, modò iudicium sit completū, ita ut reo nullum suppetat remedium ad infirmandam, & inualidandam sententiam, cuiusmodi remedium est appellatio ad superiorē. Quia reus tenetur parere sententiæ iudicis. Sic tenetur reus post sententiam soluere pecuniam, ad quam fuit condemnatus; modo tamen petatur: nam si dominus sciat, & non petat, reus soluere non tenetur, cum sibi persuadere possit, dominum cedere iuri suo, consequenter potest huiusmodi pœnam. 30. annorum spatium præscribere. *tom. 2. pag. 30. n. 29. & 30.*

39. Hæres tenetur soluere poenam realem, quam soluere debebat defunctis ob delictum prohibitum sub poena ipso iure lata. Quia hæres succedit in onera defuncti realia, & vicem vnius personæ gerit cum defuncto in obligationibus realibus. Obligationes autem personales non transeunt ad hæredes. *ibid. n. 35.*

40. Illa lex non obligat in conscientia quæ aduersatur iuri diuino, aut bono communi, aut quæ excedit potestatem legislatoris, aut quæ onus improporcionatum imponitur, aut quæ in falsa præsumptione fundatur; modò absit periculum scandali, & perturbationis Reip. Quare hæres qui non confecit inuentarium, non tenetur in foro conscientie soluere creditoribus restatoris, ultra vires hæreditatis, quia lex illa de soluendo ultra vires hæreditatis fundatur in præsumptione, hæredem bona defuncti surripuisse. *tom. 2. pag. 31. n. 2. & seq.*

41. Tenemur parere legibus, & sententiis ab eo latis, qui tyrannus est solo regimine, & administratione, id est, qui iuste quidem possidet regnum, sed iniuste grauat & verat subditos: hic enim est legitimus superior & pastor. Tyranno verò qui per vim regnum vsurpauit, tenemur obedire, quamdiu pacifice possidet regnum, & Resp. non resistit. Alioquin sequeretur Christianos in terris Turcarum, nullis Turcæ legibus teneri, cum Turca sit tyrannus vsurpatione regni. Nque peccat tyrannus ferendo leges, & sententias: hoc enim facit auctoritate Reip. quæ, ex suppositione tyrannidis, vult ab ipso iudicia exerceri, ne multiplicentur incommoda in Republ. Peccat tamen tyrannus vsurpando regnum, illudque iniuste retinendo. *tom. 2. pag. 32. n. 12.*

42. Ex his regulis intelligi potest an lex obliget sub peccato mort. necne. Prima fundatur in intentione legislatoris, quæ colligitur tum ex grauitate materie, tum ex aliis coniecturis, & signis infra tradendis. Quocirca quando legislator legem abfolutè condit, neque addit sub qua culpa velit obligare, illud iudicandum est iuxta materie grauitatem, aut leuitatem. *tom. 1. pag.*

33. num. 1. & 2.

43. Secunda regula sumitur ex verbis quibus lex fertur, modò leuitas materie non excuset. Hinc sequitur legē illam obligare sub mortali, quæ in materia graui fertur in hæc verba: *Iubemus, præcipimus, prohibemus, &c. præcipimus in virtute sanctæ obedientie, sub indignatione Dei.* aut SS. Petri, & Pauli, &c. legislator enim hac loquendi forma cõsetur velle obligare quantum potest. Item verbum, *oportet*, regulariter loquendo in materia graui, inducit obligationem sub peccato mort. Item lex verbo imperatiuo condita, regulariter loquendo, obligat sub mortali, posita materie grauitate. Item hæc verba: *Sancimus, volumus,*

volumus statuimus, &c. inducunt obligationem sub mort. *ibid.*
num 3. & seq. & pag 34 n. 9. & seq.

44. Tertia regula est grauitas materiæ quæ præcipitur; ex ea enim colligitur grauis obligatio legis. In materia autem leui non potest legislator obligare sub peccato mort. alioquin lex non esset iusta. Vt cognoscatur autem, an materia sit grauis, an leuis, non potest certa regula præscribi, sed prudentis arbitrio relinquendum. Spectandus est potissimum finis, quem legislator intendit: res enim, quæ ex se leuis est, fit aliquando grauis, habita ratione finis. Potest tamē legislator in materia graui obligare solum sub veniali, quia actus inoralis non excedit intentionem agentis. *tom. 2. pag. 34. n. 13. & seq. & pag. 35 n. 23.*

45. Quarta regula petitur ex vna lege aliam explicante, aut ex communi hominum æstimatione arbitantium legem obligare sub peccato mortali: non enim præsumendum est in eo errorem committi, quod communi hominum sensu admittitur. Consuetudo etiam vim habet legis, & inducit obligationē ad culpam. *tom. 2. pag. 35. n. 24.*

46. Quinta regula sumitur ex acceptance legis: lex enim obligat quatenus acceptatur; si ergo non acceptetur tanquam obligans ad grauē culpam, non obligat sub culpa lethali, etiam si legislator intentionem habeat grauiter obligandi; nisi legislator intendat obligare independentē ab acceptance. *ibid. n. 25.*

47. Sexta regula fundatur in grauitate pœnæ: nam pœna debet habere proportionem cum delicto, Lex tamen, quæ grauem pœnam continet, non obligat sub mortali, quando pœna in re leui imponitur tantummodō ad terrorem, vt si sub pœna capitis prohibeatur venatio leporum, vel ceruorum: lex enim videtur iniusta ob leuitatem materiæ. Quapropter subditus non tenetur illi legi, vt potē inualida, in conscientia obedire, nisi ex aliqua circumstantia iusta præsumatur. *ibid. n. 26.*

48. Septima regula petitur ex graui aliqua censura, vel pœna Ecclesiastica imposita transgressoribus legis: nam grauis censura, cuiusmodi est excommunicatio maior, aut grauis suspensio, non fertur nisi ob peccatum mort. *ibid. n. 30.*

Lex irritans.

49. Acta, quæ fiunt contra legem irritantem ipso facto, sunt inualida in vtroque foro. Quare qui contractu irrito rem accipit, non potest illam tanquam propriam retinere vi talis actus præcisē: quia per contractum irritum non acquiritur dominium. Incurritur autem irritatio ipso facto ante declarationem, quando irritatio non fundatur in falsa præsumptione, seu quan-

do non feruatur forma substantialis ad valorem requisita. *tom. 2. pag. 39. num. 2. & pag. 37. num. 5.*

50. Ad incurrendam irrationem actus, illius præsertim, qui defectu formæ substantialis irritatur, non requiritur scientia legis irritantis. Quare matrimonium clandestinum est inualidum, etiam respectu illius, qui ignorat decretum Concilij Trident. irritans matrimonium clandestinè initum. Item qui beneficium obtinet bona fide per pactum simoniacum, quod ipse ignorat, inualidè obtinet. *tom. 2. pag. 37. num. 6.*

51. Actus humana lege irritus non obligat in conscientia: Ecclesia enim & Principes possunt actus in utroque foro irritare. *ibid. num. 7.*

52. Actus contra legem prohibentem non sunt inualidi per se, ex eo solùm capite, quia prohibentur à lege; multa enim illicitè fiunt, quæ tamen facta tenent. Neque verò omnes actus, qui iure naturæ prohibentur, sunt irriti: validus est enim contractus, quo quis rem vni promissam alteri vendit: validum item matrimonium de præsentì celebratum cum vno post sponsalia prius cum alia celebrata, quamuis peccet, qui tale matrimonium celebrat. *ibid. num. 8.*

53. Actus contra ius commune videtur ipso facto irritus, non quidem secundum se, & in foro conscientie ante sententiam iudicis; sed quia per sententiam iudicis ita declarari potest irritus, ac si fuisset irritus à principio: hoc autem procedit in iis tantum locis, in quibus lex Theodosij Imperatoris, quæ incipit: *Non dubium*, recepta est, *ibid. num. 10.*

54. Actus celebrati sine forma substantiali, seu sine solemnitate requisita à iure, inualidi sunt in utroque foro. Censetur autem solemnitas esse substantialis, quando apponitur clausula irritans factum sine tali forma celebratum: sicut enim in physicis illa dicitur forma substantialis, qua destructa corrumpitur compositum, ita in moralibus illa dicitur forma substantialis, qua non seruata, actus non subsistit. *ibid. n. 14.* Excipe actus, qui fiunt ad causas pias: sunt enim validi etiam absque solemnitate præscripta à iure ciuili. *tom. 2. pag. 38. num. 16.*

55. Licet leges interpretari non solùm exponendo, verum etiam ampliando, aut coarctando: hic enim est vsus, & praxis. Concilij autem Tridentini decreta fas est obiter, & humiliter in rebus dubiis interpretari. Porro declarationes sacre Congregationis Cardinalium circa Tridentinum maximi quidem sunt ponderis, ab iisque non est facilè recedendum: vim tamen legis non habent, antequam sufficienter proponantur, & publicentur. *tom. 2. pag. 39. num. 2. & seq. & pag. 40. num. 4.*

56. Lex humana odiosa, explicanda, & extendenda est iuxta naturalem verborum proprietatem, non verò strictiùs, aut laxius. At in materia fauorabili, lex explicanda, & extendenda est quantum verba patiùtur, non solum iuxta naturalem, sed etiam iuxta civilem proprietatē, v.g. lex fauorabilis loquēs de filiis extendēda est ad adoptiuos, loquēs de legitimis, extendēda est ad legitimatos. In dubiis autē in materia legis pœnalis, inerior pars amplectēda est, seruata verborum proprietate. *ibid. n. 8. & seq.*

57. Lex pœnalis, ob paritatem rationis, non est extendenda ab vno casu ad alium, vel ab vno crimine ad aliud, vel ab vna persona ad aliam. Iuxta tritum illud axioma, *In lege pœnali non valet argumentum à simili*, seu *ab identitate rationis*, seu *à fortiori*, seu *à maiori ad minus*, seu *à contrario sensu*. Si tamen lex sit generalis, generaliter intelligenda est de omnibus casibus ad quos verba legis extendi possunt, & licet vnius tantum personæ fiat mentio, non tamen propterea ceteræ censentur exclusæ. *tom. 2. pag. 42. num. 23.*

58. Non solum in lege pœnali, sed etiam in fauorabili non est faciēda extensio ad similes casus, nisi ad ipsos extendantur verba legis iuxta proprietatem verborum naturalem, vel civilem, nisi aliter cogat necessitas. Quia dispositio legis pender à voluntate legislatoris, qui posita paritate potest pro suo arbitrio vnum velle, & non aliud. *tom. 2. pag. 42. num. 26.*

Quomodo satisfiat præcepto, seu legi.

59. Præceptum potest adimpleri per actum ex aliqua circumstantia malum, vt quando quis ieiunat ob vanam gloriam, aut in die ieiunij, vnica refectioe contentus, intemperanter concedit. Modus quippe non cadit sub præceptum; modò non sit de intrinseca ratione actus præcepti, alioquin præceptum non potest adimpleri, nisi adimpleatur modus. Sic qui dormiens afflittit sacro Missæ sacrificio, non satisfacit præcepto Missæ audiendæ; quia assistentia humana requiritur tanquam modus pertineas ad substantiam præcepti. *tom. 2. pag. 43. num. 1. & 2.*

60. Potest vnico actu pluribus præceptis satisfieri, quando superior id concedit: nam obligatio legis pender à mente legislatoris. Quare qui vouit ieiunium in vigilia omnium Sanctorum, eodē ieiunio satisfacit præcepto Ecclesiæ, & obligationi. *ib. n. 4.*

61. Potest eodem tēpore, & per diuersos actus, satisfieri pluribus præceptis, quando vnus actus non impedit alium. Sic qui tēpore Missæ recitat Horas canonicas, satisfacit vtrique obligationi; quia vnus actus non impedit alium. *tom. 2. pag. 44. n. 8.*

62. Vt præceptum adimpleatur, requiritur intentio faciendi

opus quod præcipitur, v.g. vt quis satisfaciatur præcepto audiendi Missam, requiritur intentio audiendi Missam: nam opus præceptum adimplendum est humano modo, id est, cum intentione illud præstandi. Non tamen est necesse, vt opus præceptum fiat intentione satisfaciendi præcepto: licet enim lex præcipiat opus fieri, non tamen præcipit illud fieri cum intentione implendi præcepti. Sic qui Missam audit nesciens esse diem festum, satisfacit præcepto. *ibid. n. 2. & 9.* Immo qui facit opus præceptum, cum intentione non adimplendi præcepti per illud opus, nihilominus satisfacit præcepto, v.g. Titius audit Missam intendens non satisfacere præcepto, illa auditione, sed alia: si tamen postea aliam Missam non audiat, præceptum implevit: quia fecit opus iniunctum. *tom. 2. pag. 46. num. 19.*

Legis abrogatio.

63. Lex antea recepta, vim obligandi amittit per legem posteriorem contrariam, seu per reuocationem, seu per correctionem, seu per restrictionem, iuxta correctionis, aut restrictionis qualitatem. Quia posterior voluntas Principis derogat priori, etiam in posteriori lege, nulla prioris mentio fiat. *to. 2. pag. 46 n. 1.*

64. Cessante causa motiua, seu finali legis, respectu totius communitatis, cessat obligatio legis, etiam absque alio decreto, vel declaratione Principis: quia non præsumitur velle obligare, cessante fine legis. Item legis obligatio cessat in iis casibus, qui per epiikeiam non censentur comprehensi in lege, etiam si verba legis illos casus comprehendere videantur: quia legislator non præsumitur velle illos casus comprehendere, qui ob superuenientem aliquam circumstantiam sunt illiciti, aut perniciosi Reipublicæ, aut nimis difficiles, seu moraliter impossibiles, &c. *tom. 2. pag. 47. num. 18. & seq.*

65. Per contrariam consuetudinem legitimè introductam, leges vim obligandi amittunt: legitima enim consuetudo vim habet legis. Tres autem sunt præcipue consuetudinis proprietates. 1. est interpretari legem; quando enim oritur dubium circa legis intelligentiam, recurrendum est ad consuetudinem, quæ dici solet optima legum interpretes. Item ad validitatem contractuum non leue ducitur argumentum ex consuetudine. 2. proprietates consuetudinis est legem inducere. 3. legem inductam mutare, & abrogare, vel in totum, vel in partem. *tom. 2. pag. 48. num. 2. & pag. 49. num. 4.*

66. Vt consuetudo veterem legem abrogare, & nouam introducere possit, hæc conditiones requiruntur. 1. vt id quod per consuetudinem introducit, possit esse materia legis hinc sit vt contra

iur. diuinum, aut naturale, consuetudo legitimè induci non possit; quia materia huius consuetudinis est res mala, & verita 2. vt consuetudo per actus voluntarios inducatur: lex enim est actus voluntarius, & liber. 3. vt consuetudo abrogans legem inducatur ab iis qui tenentur legem seruare. 4. vt ad id intentio eximendi se per consuetudinem, à lege abroganda, vtque id quod inducitur per consuetudinem, obseruetur tanquam præceptum, seu per modum obligationis, alioquin consuetudo non pariet obligationem, nec vim habebit legis: quod enim frequenter fit ex sola deuotione, vel gratitudine, aut liberalitate, nullam inducit obligationem, seu legem. 5. vt consuetudo sit vniuersalis: minor quippe populi pars, consuetudinem inducere non potest, maior potest. 6. vt consuetudo inducatur per eos qui legem condere possunt, vel habent capacitatem actiuam condendi leges, vel saltem passiuam eas recipiendi, interueniente aliquo superioris consensu. 7. vt consuetudo sit longæua, id est, vt seruata fuerit per spatium decem annorum: decem quippe anni sufficiunt ad consuetudinem præscribendam, modò non sit contra ius Ecclesiæ; ad præscribendam enim consuetudinem contra Ecclesiæ iura, requiruntur 40. anni, cum aliquo titulo aut etiam tempus immemorabile, si ius resistat. 8. conditio est vt ad sit Principis consensus, saltem tacitus. tom. 2. pag. 49. n. 6. & seq. & pag. 50. § 1.

67. Consuetudo potest legem abrogare, etiam si in lege damnetur; vel reprobetur consuetudo, vt si dicatur: *Volo hanc meam legem seruari, non obstante quacumque consuetudine contraria*: quia consuetudo vim habet abrogandi legem, modò accedat aliquis Principis consensus; secus si Princeps non consentiat, sed reprobet consuetudinem contrariam, & in sua sententia persistat. tom. 2. pag. 52. num. 36.

68. Lex potest vi sua, & absque alia clausula, præcedentem consuetudinem abrogare, modò habeat omnimodam contrarietatem, & repugnantiam cum consuetudine, & legislator conscius sit consuetudinis: quia consuetudo non adimit superiori facultatem, & auctoritatem condendi leges. *ibid.* num. 38.

69. Per legem vniuersalem non abrogantur consuetudines speciales locorum, aut statuta particularia, nisi eorum fiat mentio in lege, aut nisi saltem, per clausulam generalem reuocetur expressè qualiscumque contraria consuetudo, statutum, aut priuilegium. Quia Princeps censetur ignorare consuetudines speciales locorum, consequenter non censetur eas velle abrogare, nisi earum mentionem faciat. *ibid.* n. 40.

70. Per hæc verba; *Non obstante contraria consuetudine*, non reuocatur consuetudo immemorabilis, nisi in reuocatione,

addatur : *Non obstante consuetudine , etiam immemorabili*, aut nisi aliquid æquiualens apponatur : quia consuetudo immemorabilis peculiaribus priuilegiis in iure gaudet. *ibid. num. 43.*

71. Introducentes consuetudinē contra legem, seu contra antiquam consuetudinē legitimē receptam, peccant toto eo tempore quo faciunt contra legem, vel consuetudinem, donec elapsum sit tempus requisitū ad legitimam consuetudinem introducendam, nisi forte Princeps hoc sciat, & toleret, aut nisi bona fides excuset. Quia lex, eiusque obligatio viget, donec elapsum sit tēpus requisitum ad consuetudinem introducendam. *tom. 2. pag. 53. n. 45.*

Libellus famosus.

1. **L**ibellus famosus dicitur signum vel scriptura quæ alicuius infamiam continet nondum antea publicam, vt publica fiat. Literæ priuatæ ad priuatum missæ exprimentes occultum alicuius delictum infamatorium, uon habent rationem libelli famosi, sed detractionis. *tom. 2. pag. 436. num. 1. & seq.*

2. Qui tacito suo nomine schedulam defert ad superiorem de delicto alicuius occulto, eam. v. g. reponendo super mensam, censetur libellum famosum conficere, si hoc faciat vt superior de crimine inquirat, illudque notum, ac publicum efficiat notorietate iuris ; cum enim superior per huiusmodi scripturam non possit procedere ad inquisitionem, quia illi scripturæ non est fides adhibēda, sequitur illam scripturam libelli nomine nuncupari. Item qui apponit aliquod signum quo alter infametur, vt si cornua ad ianuam affigat, ad indicandum aliquem habere uxorem adulteram, censetur auctor libelli famosi. *ibid. n. 5. & 6.*

3. Conficiens libellum famosum, vel ad illum concurrens, grauiter peccat, & tenetur ad restitutionē famæ, prout fuit causa infamiæ; propterea tenetur publicè famam restituere ; si publicè infamauit, vt fiat restitutio ad æqualitatem. *ibid. n. 7. & 8.*

4. Auctor libelli famosi, iure communi excommunicandus est. Immo Alexander I V. tulit excommunicationem Papæ reservatam in eos qui libellos famosos faciunt contra statum Ordinis Prædicatorum, vel Minorum ; quod priuilegium extendi potest etiam ad alios religiosos quibus communicata sunt illorum priuilegia. *ibid. num. 9.*

LIBRI

Librorum editio.

1. **I**N Concil. Lateran. sub Leone X. sess. 10. & in Indice librorum prohibitorum regula 10. habetur excommunicatio contra

Contra imprimentes, aut imprimi facientes libros sine superiorum licentia, & approbatione, & in Concilio Trident. *sess. 4.* renouatur decretum Concil. Lateran. & extenditur ad vendentes, & retinentes prædictos libros, agentes de rebus sacris. *disp. 2. quest. 2. punct. 16. pag. 167. num. 1. tom. 3.*

2. Hinc collige legentem præfatos libros non ligari excommunicatione, modo illos apud se non retineat, sed apud alium existentes legat: si tamen liber sit hæreticus, vel aliqua contineat contra bonos mores, incurritur in excommunicationem Bullæ Cœnæ. *ibid. pag. 166. num. 4. tom. 3.*

3. Ut excommunicationis poena in imprimendis libris euitetur, hæc sunt seruanda. 1. ut si liber Romæ imprimendus sit, adsit approbatio Vicegerentis, & Magistri sacri Palatii. 2. in aliis diocæsisibus requiritur approbatio Ordinarij; vel alterius ab eo deputati qui peritus sit illius materiæ. de qua in eo libro agitur. 3. requiritur approbatio inquisitoris, quæ approbatio facienda est in fronte libri propria manu, & gratis, ut expressè habetur in præfatis constitutionibus; ad censuram autem vitandam non requiritur approbatio laicorum. 4. si liber est alicuius regularis, requiritur licentia Superiorum religionis. 5. adhibendum est nomen auctoris, si liber tractat de rebus sacris; non tamen necesse est apponere nomen determinatæ personæ, sed sufficit nomen Academiæ, Collegij, aut Vniuersitatis. *ibid. n. 6. & seq.*

4. Qui communicat alteri conciones, scripta theologica, orationes, prælectiones, annotationes, obseruationes de rebus sacris, non examinatas, neque approbatas, non incidit in excommunicationem; quia hæc manuscripta non fuerunt scripta ut diuulgentur, sed tantum ad priuatum vsum. *ibid. pag. 169. num. 12. tom. 3.*

5. Transcribentes libros hæreticorum, eosque aliis communicantes, puniendi sunt tanquam hæreticorum fautores, ut habetur in Bulla Cœnæ. Qui verò libros Catholicorum corrumpunt, aut sanam doctrinam, dogmatibus hæreticorum deprauant, incurrunt poenam excommunicationis in VI. Synodo Constantinop. *ibid. num. 13. & 14.*

6. Qui librum examinatum, & approbatum à superiori- bus non admittit, in nullam incurrit censuram; exceptis libris canonis, & traditionibus Apostolicis; quas qui contempserit sciens, & prudens, excommunicationem ipso facto incurrit; quia censetur hæreticus. Dicuntur autem libri canonici, qui à Spiritu sancto dictati sunt & ab Ecclesia inter scripturas canonicas annumerati. *ibid. num. 15. & seq.*

7. Inquisitores, vel Ordinarij locorum Clementis VIII. de-

creto, antequam licentiam concedant imprimendi Breuiarium iubentur ipsum ante & post impressionem conferre cum Breuiario auctoritate ipsius Clementis recognito, & ne quid addi, vel detrahi sinant, alioquin Inquisitores ipso facto priuantur suis officiis tanquam inhabiles. Ordinarij suspenduntur à diuinis, & interdicuntur ingressu Ecclesiæ, ipsorum verò Vicarij excommunicationi statim subiiciuntur, officiorum, & beneficiorum priuationem, & inhabilitatem ad quauis alia hoc ipso incurrunt.

ibid. num. 17.

8. Hæc excommunicatio non est reservata.

Commentarij in Concil. Trident.

9. Pius IV. in Bulla, quæ incipit, *Benedictus Deus*, estque 73. edicit Prælati quidem sub pœna: interdicti ab ingressu Ecclesiæ aliis verò, quicunque fuerint, sub excommunicatione latæ sententiæ, ne quis sine licentia Summi Pontificis ullos commentarios, glossas, annotationes, scholia, vllum ve omnino interpretationis genus super Concilij Trident. decretis edere audeat. *disp. 2. quest. 1. punct. 17. pag. 170. tom. 3.*

10. Doctores, qui Concilij Tridentini decreta nonnunquam interpretantur occasione doctrinæ, de qua disserunt, non delinquant contra hanc prohibitionem; quia non dicuntur edere glossas, commentarios, &c. cum id incidenter, & quasi per accidens faciant occasione aliunde sumpta. *ibid. n. 2.*

11. Qui decisiones sacræ Congregationis, quæ interpretationi Concilij præest, scribunt, & aliis vendunt, huius Bullæ censuram non incurrunt. *ibid. n. 4.* Neque qui solas remissiones Doctorum circa Concilij Tridentini decreta edunt, quia nihil ipsi asserunt, sed solùm innuunt Doctores, qui ea de re incidenter agunt, huiusmodi tamen libri Romæ sunt interdicti, *ibid. n. 5.* Neque item qui librum edit in laudem Concilij Tridentini, aut historicam narrationem eorum, quæ tempore Concilij contigerunt; quia non edit scholia, aut glossas super decretis Concilij. *ibid. n. 6.*

12. Ignorantia ab hac censura excusat, modò non sit cum ingenti temeritate coniuncta, *ibid. n. 8.*

13. Hæc excommunicatio non est reservata.

Libri Thalmud.

14. In constitutione 20. Clemens VII. quæ incipit, *Cum Hebreorum malitia*, habetur excommunicatio contra eos, qui libros impij Thalmud, & alia huiusmodi scripta prohibita, & damnata, blasphemias, & impietates contra Deum, SS. Trinitatem,

tem, & Salvatorem nostrum IESVM Christum, &c. continentia legunt, & retinent. *disput. 2. quæst. 3. punct. 40 pag. 252. tom. 3.*

15. Hæc censura extenditur ad eos, qui opem, consilium, auxilium, vel favorem Hebræis præstant pro habendis, scribendis, imprimendis, vel vndeunque aduehendis, aut transuehendis huiusmodi libris, *ibid. num. 2.*

16. Huic excommunicationi affinis est alia, quæ refertur in Bullario *tom. 1.* contra Principes, & rectores locorum quorumcumque, qui non faciunt diligenter inquiri per domos, & synagogas Iudæorum libros *Thalmud.* & inuentos comburit. *ibid. pag. 253. n. 5. tom. 3.*

LITERÆ PONTIFICIÆ.

Literas Pontificias impugnantes.

1. **I**N Extrauaganti vltima inter communes, de sententia excommunicationis excommunicantur illi, qui putantes Summum Pontif. ante coronationem non habere Pontificiam auctoritatem, inde arripiunt occasionem temerè impugnandi ipsius rescripta, concessionis, seu literas super quibuscumque negotiis confectis ante coronationem. *disput. 2. quæst. 2. punct. 11. pag. 164. tom. 3.*

2. Hinc sequitur illum, qui literas Summi Pontif. impugnât, eò quòd putet ipsum non esse legitime electum, non incidere in hanc censuram: quia in hac Extrauag. excommunicantur impugnantes literas ex opinione, quòd S. Pontif. careat auctoritate Pontificia ante coronationem. *ibid. pag. 165. n. 3. tom. 3.*

3. Hæc Extrauag. quamuis edita fuerit occasione Clein. V. & literarum illius, quæ impugnatæ fuerant; tamen etiam nunc vires, & robur habet: quia ratio istius constitutionis sæpe durat. *ib. n. 5.*

4. Hæc excommunicatio non est reservata.

In literis Apostolicis nomen mentientes.

5. Innocentius VIII. in Bulla 9. quæ incipit *Cum sicut*, & Leo X. in Bulla 28. quæ incipit, *In harendo vestigiis*, excommunicationem tulerunt contra eos, qui in literis Apostolicis, ut illarum expeditionem gratis obtineant, fingunt se nepotes, fratres, aut familiares, continuos commensales Cardinalium, aut aliorum, quorum literæ ex privilegio, vel consuetudine gratis expediri solent: & Leo X. excommunicationem extendit ad officiales permittentes huiusmodi fictionem, adiecta suspensione per annum à perceptione emolumentorum sui officij. *disput. 2. qu. 3. punct. 5. pag. 189. tom. 3.*

6. Iulius III. in Bulla 1. quæ incipit, *Rationi congruit*. excommunicationem infligit iis, qui executionem literarum sacræ pœnitentiariæ impediunt, vel ad id consilium, auxilium, vel favorem quomodolibet præstant. *disp. 2. q. 3. punct. 10. pag. 225. tom. 3.*

7. Si is ad quem præfatæ literæ diriguntur, ut eas exequatur, exequi nolit, non subiicitur huic excommunicationi; quia aliud est impedire, aliud non exequi: nam impedire dicit actionem positivam contra executionem literarum; non exequi autem significat tantum omissionem actionis. *ibid. num. 4.*

8. Hæc excommunicatio reservata est Summo Pontifici, quia Iulius III. imponit delinquentibus omnes censuras & pœnas in Bulla Cœnæ latas contra eos, qui literarum Apostolicarum executionem impediunt; reservatio autem est pœna in ea Bulla contenta. *ibid. num. 6.*

LOCATIO, ET CONDUCTIO.

Quid sit locatio, & quæ eius materia?

1. **L**ocatio est contractus, quo persona seu res mercede conceditur ad usum, vel fructum. Conductio vero est contractus, quo accipitur. Quidquid potest vendi, potest & locari, nisi obstat specialis aliqua prohibitio. Quædam enim prohibentur locari, quæ tamen vendi possunt, ut servitutes prædiales; & vice versa quædam locari possunt, quæ vendi prohibentur, ut res pupilli, minoris, bona dotalia. *tom. 3. pag. 561. num. 1. & 2.*

2. Res Ecclesiæ ad breve tempus locari possunt; non tamen ultra triennium: nam in Clement. quæ incipit, *Ambitiosa*, cautum est sub gravissimis pœnis, ne de rebus Ecclesiæ, ut fundis, prædiis, domibus, locatio fiat ultra triennium, alioquin sit inualida. *ibid. num. 3.*

3. Conductor potest rem, quam ipse conduxit, alteri locare æquè idoneo, & ad eandem finem, modò primus locator inde non patiatur damnum. Quare conductor non potest locare domum meretrici: hoc enim cederet in damnum, & dedecus primi locatoris. Secundus autem conductor debet pensionem soluere secundo locatori, cum quo iniiit contractum, ipsius tamen bona, quæ reperiuntur in illa domo, manent tacitè hypothecata pro pensione soluenda domino domus. *ibid. n. 4. & 5.*

4. Quando fundus, aut domus est communis pluribus, unus autem vult uni locare, alter alteri, hic ad unum usum, al-

ter ad alium; hic personæ honestæ, ille inhonestæ; præualet contractus illius, qui habet maius ius in re, seu maiorem partem, vel qui vult locare personæ honestæ: illius enim, ceteris paribus, potior est conditio. Sin æqualis sit omnium conditio, res erit fortibus permittenda, vel recurrendum ad iudicem, qui controuersiam dirimat. *ibid. n. 6.*

5. Quisquis facultatem habet vendendi, & emendi, potest contractum locationis, & conductionis inire, nisi specialiter prohibeatur. Sic militibus, & curialibus, id est, iis, qui obstricti sunt Curia; veritum est prædia conducere ad colendum. Item clericis, & monachis non licet præcisa necessitate, conducere prædia laicorum, quamuis possint succedere conductori. *tom. 2. p. 652. num. 9.*

Locator, & Conductor ad quid obligentur?

6. Locator tenetur rei locatæ vitium conductori aperire. Quò fit, ut is, qui mala fide domum alienam locauit alteri, à quo verus dominus eam euicit, teneatur ad restitutionem damni emergentis, & lucri cessantis; est enim causa iniusta damni. Secus dicendum si bona fide locauit domum, quam nesciebat esse alienam: nam bona fides ipsum excusat à culpa, & poena, verum euicta domo non potest exigere pensionem temporis futuro respondentem; cum non sit dominus domus. *ibid. n. 1. & seq.*

7. Locator tenetur non solum refarcire expensas necessarias factas à conductore in re conductâ reparanda; sed etiam vitiles quæ ultra conductionis tempus sunt duraturæ: nam hæ expensæ cedunt in commodum ipsius locatoris. Tenetur item ad onera, & vectigalia imposita pro re locata, nisi pactum, aut consuetudo loci aliud ferat. *ibid. num. 6. & 7.*

8. In quatuor casibus licet locatori rem locatam repetere ante lapsum termini, & conductorem expellere. 1. quando conductor, cui res ad quinquennium, vel plures annos fuit locata, per continuum biennium distulit solutionem annuæ pensionis: verum tunc non tenetur conductor soluere pensionem respondentem temporis futuro à die expulsionis. 2. quando conductor abutitur re conductâ, immò conductor in hoc casu tenetur soluere damna, quæ locator iniuste patitur ob rei suæ abusum. 3. quando locatori superuenit casus inopinatus, ita ut ipse cogatur domum suam habitare, ut si prior domus corruat, aut incendio absumatur, nec locator commodè possit aliam inuenire. 4. quando domus indiget reparatione, qua non indigebat tempore locationis; in his tamen casibus locator tenetur pensionem remittere pro rata temporis. *tom. 2. pag. 563. num. 9. & seq.*

9. Conductor

9. Conductori quatuor incumbunt obligationes. 1. ut non possit absque iusta causa rem conductam dimittere ante expletum tempus locationis. 2. ut non utatur re conducta nisi ad eum usum, ad quem conduxit. 3. ut transacto locationis tempore, rem eandem numero, & integram restituat, nisi aliter sit conventum, aut nisi casu perierit absque vlla sua culpa. 4. ut soluat pensionem tempore præfixito. *ibid. num. 1. & seq.*

10. Conductor qui non potuit uti re conducta, aut fructus ex ea percipere, propter aliquod impedimentum superueniens absque sua culpa, ut propter bellum, pestem, &c. non tenetur solvere pensionem pro rata temporis quo re conducta uti non licuit, sic enim decernitur in iure. Secus dicendum si impedimentum contigit ex parte ipsius conductoris. *tom. 2. pag. 564. num. 6.*

11. Conductor prædij non tenetur ad integram pensionem, superueniente magna sterilitate ob casum fortuitum, citra ipsius culpam, v. g. ob grandines, niues, inundationes, hostilem exercitum, &c. nisi aliter conventum sit inter contrahentes. Ut autem par sit utriusque conditio, potest locator maiorem exigere pensionem propter ubertatem, & abundantiam frugum insolitam, provenientem ex clementia cæli, modò inde redeat longè maius lucrum ad conductorem; nam si copia fructuum facit ubertatem, conductor ad maiorem pensionem non est obligandus. *ibid. num. 13. & 14.*

12. Si frumentum in area positum, casu aliquo perit citra culpam conductoris, locator tenetur facere remissionem. Secus si frumentum iam erat conditum in horreo, ibique perit; tunc enim perit conductori, cum verè dicatur collectum. *tom. 2. pag. 565. num. 15.*

Conductio famulorum.

13. Famulo, qui operam suam locavit, & fideliter non laboravit, non debetur integrum stipendium. Imò tenetur ad restitutionem damni, & lucri cessantis, ob iustum, ac debitum laborem prætermisum. *ibid. num. 2.*

14. Famulus, qui conqueritur se iusto stipendio fraudari, non potest in rebus domini vii compensatione, si re vera stipendium quod ei datur, sit iustum, nec ei ex iustitia maius debeat. Qui verò præstitit, spe mercedis, aliqua obsequia, ad quæ alioquin non tenebatur, potest sibi facere compensationem, præstitit enim aliquid pretio æstimabile. *ibid. num. 3. & 4.*

15. Dominus absque gravi causa famulum domo expellens, tenetur ad integram pactæ mercedis solutionem: tenetur enim conductor solvere pensionem quâdo per ipsum stetit quo minus

re conducta vteretur; sic aduocatus qui operam suam locauit ad litem prosequendam, si deinde lis, domini culpa intermittatur, non tenetur stipendium restituere, &c. *tom. 2. pag. 566 n. 11.*

16. Famulo ante finitum tempus discedenti, totum stipendium non est denegandum, nisi fortè in compensationem damni quod dominus patitur iniustè; alioquin denegandum est quidem ad ratam temporis futuri; soluendum verò pro rata temporis præteriti, & obsequij exhibiti. *ibid. num. 12.*

17. Qui suam operam locauit ad ædes construendas certo pretio, potest augmentum petere, vel compensationem facere, si in eo fabricando maiores fecit expensas, quàm sit pretium sibi assignatum; fuit enim deceptus ob rationes malè subductas. Ob casum verò fortuitum superuenientem, non potest petere compensationem: conductor enim non tenetur locatori casum fortuitum præstare; nam si locator citius absoluisset, non teneretur ad restitutionem. *tom. 2. pag. 567. num. 18.*

18. Mercator qui nauæ dedit pretium pro vectura nauis Indiam versùs, si resstantibus ventis, aut alia de causa, nauis non peruenit in Indiam, putà quia capta fuit à piratis; aut quia in medio cursu periit; tenetur tamen soluere pretium pro rata itineris: quia vsus est nauì, ille autem vsus est pretio æstimabilis; alioquin tolleretur vsus nauigationis, si nauæ cogèrentur omnibus infortuniis subiacere. *ibid. num. 20.*

Locatio quomodo finiatur?

19. Duobus modis finitur locatio 1. lapsu termini constituti. 2. mutuo contrahentium consensu. Locatio autem facta sub hac conditione, *Ut duret donec locator voluerit*, censetur finire morte locatoris; nam voluntas finitur morte. *tom. 2. pag. 567. n. 2. & pag. 568. num. eod.*

20. Locatio transit ad successorem vniuersalem, qui scilicet succedit non solum in re locata, verum etiam in aliis: quia vices gerit prædecessoris, illiusque personam repræsentat, & in ipsius iura, atque onera realia succedit. Successor verò singularis, qualis est emptor, legatarius, &c. non tenetur stare contractui locationis, celebrato ab eo cui succedit in re particulari; quia in ipsius onera non succedit. *tom. 2. pag. 568. num. 2. & seq.*

21. Colonus postquam agrum seminauit, non potest expelli ab emptore agri: quia expelleretur intempestiuè cum damno fructuum. Immo si venditor accepisset omnes fructus, colonus posset agere contra venditorem. *ibid. num. 6.*

22. Vxor, mortuo marito, vel soluto matrimonio, tenetur stare locationi factæ à marito quoad bona paraphernalia; hæc enim

enim locatio censetur facta à marito, nomine vxoris. Non verò tenetur stare locationi fundo dotali; maritus enim censetur illum locasse nomine proprio: tenetur tamen, vxor seruare maritum indemnem. *ibid. num. 8.*

23. Prælatus qui alteri succedit, tenetur stare locationi antea factæ, nomine ipsius Ecclesiæ, de rebus ad ipsum Prælatum non pertinentibus, sed ad Ecclesiam; Ecclesiæ tamen ius competit restitutionis in integrum. Non tenetur autem stare locationi factæ ab antecessore, nomine proprio, de rebus sui beneficii, vel de redditibus pertinentibus ad suam sustentationem: quia antecessor poterat pacisci, nisi pro tempore, quo ipse beneficium retinebat, *ibid. num. 10.*

L V D V S.

Quid sit ludus; & an licitus?

1. **L**vdus est contractus, quo ludentes res suas periculo exponunt, propter spem acquirendi rem alterius. Non est autem illicitus ex natura sua: potest enim esse actus virtutis, si cum debitis circumstantiis, ob honestam recreationem fiat. Ex sequentibus tamen circumstantiis fit illicitus. 1. ex effectu ad malum, vt si ludens velit omittere sacrum in die festo, ob amorem ludi. 2. quando admiscetur facta, & dicta praua, vt blasphemix, conuicia, &c. 3. quando fiunt fraudes contra leges ludi. 4. quando alter vi, dolo, aut metu pertrahitur ad ludum. 5. quando committitur irreuerentia in Deum. 6. quando timetur notabile aliquod damnum. 7. quando quis ludit cum eo qui non potest pecuniam ludo exponere, vt cum religioso. In his casibus ludus est mortaliter illicitus, supposita materiæ grauitate. *tom. 2. pag. 425. num. 1. & seq.*

2. Ludus ex sequentibus circumstantiis non fit peccatû mortale. 1. ratione intentionis lucrandi; hæc enim intentio non est ex se mala, nisi aliunde vitietur. 2. ex circumstantia personæ: clerici enim, & religiosi aliquando licitè ludunt, recreationis gratia, modò scandalum absit. 3. ex circumstantia loci sacri; hoc enim nullo iure prohibetur, nisi fortè fiat cum scandalo, vel irreuerentia Dei, aut Ecclesiæ. 4. ex circumstantia temporis præcisè; nam ludere in die festo, per se loquendo, non est peccatum mortale. Hæc, inquam, circumstantiæ non addunt ludo malitiam mortalem. *tom. 2. pag. 426. num. 11. & seq.*

3. Clericis nõ licet ludos facere laruales: dedecet enim Ecclesiasticos personatos in scenâ prodire, vixque possunt à mortali excusari, nisi id faciât raro, breui tēpore, & absque scādalo. *ib. n. 17.*

4. Sponsio,

4. Sponsio, per se loquendo, & ex natura rei, est licita; est enim contractus, quo uterque exponit se periculo perdendi, & acquirendi: modò tamen absit dolus, vel dissimulatio; nam qui certò scit rem pro qua spondet, certò euenisse, vel euenturam esse, peccat, si sponsione ceter, teneturque ad restitutionem rei per sponsonem acquisitæ, nisi suam scientiam alteri manifestauerit: æqualis enim esse debet spondentium conditio: at si alter nihilominus velit sponsione certare, scienti, & volenti nulla fit iniuria. *ibid. num. 18.*

5. Illicita est sponsio, qua quis in mensa spondet, se alterum edendo, vel bibendo superaturum: sic enim datur occasio intemperantia. Illicita item est sponsio circa mortem, vitam, vel creationem Summi Pontificis, aut circa promotionem Cardinalium: quamuis enim huiusmodi sponsones ex natura rei sint licitæ, cum sint de re dubia, & inter spondentes seruetur æqualitas; sunt tamen illicitæ quia prohibita à Gregorio XIV. sub pœna excommunicationis, de qua vide tit. *Papa. ibid.*

6. Qui votum fecit non ludendi ludo aliquo illicito, potest ex iusta causa, voti dispensationem obtinere; quamuis enim is qui facultatem habet dispensandi, non possit illiciti ludi malitiam auferre; potest tamen subtrahere occasionem peccati, quod propter obligationem voti committitur ab eo qui affectum & propensionem habet ad ludum. Magna tamen cautio hac in parte est adhibenda. *ibid. num. 21.*

Conditiones ludi.

7. Prima conditio est, ut ludens non utatur fraudibus: quare non excusatur à peccato, & restitutione, qui ut focium alliciat ad ludum, se ludi minùs peritum fingit excusantur tamen qui utuntur iis fraudibus, quæ iuxta consuetudinem adhiberi solent. Qui verò ob maiorem ludei peritiam, alteri ignotam, aliquid lucratus est, non potest lucrum retinere; quia error, seu dolus dedit causam ludo; quare tenetur ad integram restitutionem. *tom. 2. pag. 427. num. 1. & seq.*

8. Secunda conditio est, ne alter alterum cogat ad ludum per vim, aut minas, seu conuitia: sic enim alteri fieret iniuria. Qui tamen alterum sic pertraxit ad ludum, non tenetur ad restitutionem lucri: contractus enim ludi fuit validus, & iustus, modò æqualis fuerit ludentium conditio. *ibid. n. 9. & pag. 428. n. eod.*

9. Tertia conditio est, ut ludens possit disponere de re quam ludo exponit. Religiosus, mulier coniugata, filiusfamilias non possunt, nisi exiguum quid ludo exponere ob honestam recreationem. Potest tamen filiusfamilias ludo acquisita, ludo exponere

exponere : quare qui heri perdidit 50. ludens cum filiofamilias qui non potest quidquam alienare , si hodie ab eodem lucratur 50. non tenetur ea restituere : nam filiusfamilias acquisiuerat dominium illorum 50. consequenter potuit ea ludo exponere. Porro filiusfamilias , seu alius qui non habet facultatem disponendi de re quam ludo exponit , non potest sibi retinere lucrum quod ludo acquirit , nisi collator sciat se ludere cum filiofamilias , debet enim esse æqualis ludentium conditio hæc quippe est quarta conditio ludi , vt ludentes æqualem subeāt aleam lucri , & damni. *rom. 428. n. 10. & seq.*

10. Qui ludo lege humana vetito , nempe alea perdidit , non tenetur in conscientia soluere quod perdidit credita pecunia , nisi iurauerit se soluturum . Immo peridenti , conceditur actio repetendi in iudicio id quod soluit ; non tamen licet vti compensatione ; id enim iura non concedunt. *rom. 2. pag. 429. n. 2. & seq.*

11. Qui aliquid ludo vetito lucratus est , non tenetur ante iudicis sententiam illud restituere ; modò seruata fuerint conditiones ludi suprâ recensitæ ; ius enim posituum non reddit ludentes inhabiles ad acquirendum dominium illius lucri ludo vetito acquisiti , *ibid. num. 8.*

12. Qui ludens ludo vetito intendit non soluere , aut intendit solum repetere , non potest retinere lucrum eo ludo acquisitum , dolus enim dat causam ludo : alter quippe si sciret ipsum nolle soluere . aut velle , repetere solum , non luderet. *rom. 2. pag. 430. n. 9.*

Luxuria.

1. **C**oncupiscentia , seu sensualitas , ex se non est peccatum , Appellatur autem à D. Paulo *Rom. 5.* peccatum , causaliter , quia ad peccatum inclinatur . Motus concupiscentiæ , seu sensualitatis , primò primi qui repente consurgunt , & rationem antereuertunt , non sunt peccata , quia non sunt in nostra potestate . Motus autem sensualitatis secundò primi , qui præiudici , & caueri potuerunt , non sunt peccata quando proueniunt ex causa habente honestatem , vel utilitatem , vt quando proueniunt ex peccatis carnalibus in confessione auditis : isti enim motus facile oriuntur ex infirmitate naturæ , consequenter non ita facile imputantur ad culpam & maius voluntarium requirunt quàm aliz actiones prauæ. *rom. 1. pag. 313. n. 1. & seq.*

2. Vt motus concupiscentiæ sint peccata , requiritur æstualis aduertentia circa malitiam ipsorum , vel saltem dubitatio , seu scrupulus : quia sine aduertentia nihil est voluntarium , cum voluntas non feratur in incognitum. *ibid. num. 6.*

3. Motus

3. Motus concupiscentiæ sunt peccata mortalia quando interuenit consensus directus, & expressus. Item quando voluntas negatiuè se habet, non impediendo, neque reprimendo huiusmodi motus quos potest reprimere, censetur indiçetè voliti, atque adeo sunt peccata mortalia: quippe interuenit consensus interpretatiuus. Non est tamen improbabilis eorū sententia qui asserunt necessariam esse positiuam complacentiam in moribus sensualitatis, vt imputentur ad peccatum mort. neque sufficere consensum interpretatiuum, modò absit periculum expressi consensus. *ibid. n. 7.*

4. Delectatio morosa de sola cogitatione rei illicitæ, & turpis, non est ex se peccatum, vt si quis concionaturus contra res turpes, dicitur delectari de cogitatione rei turpis absque peccato. Delectatio verò de re turpi, & mala, est mala iuxta motiuum ipsius delectationis: quia delectatio cum sit inefficax, totam suam malitiam sumit à motiuo. Hinc sequitur delectationem de actu carnali, esse peccatum mort. si delectatio ex affectu carnali capiatur ab eo qui non est coniugatus. *tom. I. pag. 314. num. 4. & seq.*

5. Probabilior est, & tutior in praxi sententia negans in rebus venereis dari paruitatem materiæ excusantē à peccato mort. quia quilibet tactus seu delectatio venerea, ex sua natura tendit ad seminis emissionem, quæ extra coniugium est peccatum mortale; & quamuis re ipsa semen non effundatur, nec intèdatur, adest tamen ipsius periculum. Præterea est impossibile, moraliter loquendo, in re tam lubrica, distinguere materiam leuem à graui, & mortalem delectationem à veniali, dum adest aduertentia, & consensus. *tom. I. pag. 315. num. 17.*

6. Venereæ delectationes sunt eiusdem speciei cum opere externo, habentque eandem speciem malitiam quam habet opus externum. Hinc fit, vt in confessione explicanda sit circumstantia personæ circa quam fuit delectatio; nam delectatio de aliena vxore habet malitiam adulterij; delectatio de consanguinea, malitiam incestus; delectatio de moniali, malitiam sacrilegij. Contraria tamen sententia non est improbabilis affirmans delectationem de re venerea esse illius tantum speciei cuius est motiuum, ac proinde de vxore aliena, de moniali, &c. ex solo affectu libidinis, habere tantum malitiam simplicis fornicationis; quia delectatio sumit speciem à motiuo: Excipiuntur duo casus. 1. est coniugatorum qui non solum corpus, sed etiam internum affectum coniugi obligarunt: quare coniugatus habes delectationem veneream, peccat contra castitatem, & fidem matrimonij. 2. est habentium votum absolutum castitatis, qui si dele-

ſtetur de re turpi, peccant contra caſtitatem, & religionem; quia votum obligat Deo omnes internos affectus. *tom. 1. pag. 316. num. 19. & 20.*

7. Non eſt peccatum habere actum deſiderij, & velleitatis de re aliqua illicita, vel turpi, ex motiuo honeſto, vel ſub conditione, qua poſita, actus ille non eſſet peccatum; quia hoc deſiderium eſt actus inefficax, qui totam ſuam malitiam habet à motiuo: ſi ergo motiuum non eſt malū, neque malus erit actus. Eſt autem longè maximum diſcrimen inter hos duos modos, *vellē*, & *volo*: nam *vellem* denotat actum deſiderij inefficacem: at *volo* eſt actus voluntatis efficax. Sic excuſatur à peccato, qui dicit: *vellem rem habere cum Berta ſi eſſet mea uxor*. Non excuſatur autem, qui dicit: *Niſi eſſem Sacerdos, vellem committere fornicationem*: quia non adest motiuum ſufficienter honeſtum ad cohonestandam fornicationem: nam fornicatio eſſet adhuc peccatum, etiam ſi ipſe non eſſet Sacerdos. *ibid. n. 21. & ſeq.*

8. Oſcula, & amplexus amicitia causa, & iuxta morem patriæ licitè ſunt: immò delectatio inde ſequens nō eſt illicita: ſicut enim licet delectari de amicitia, & pace, ſic etiam de eius ſigno, nempe oſculo delectari, modò abſit periculum conſenſus in motus ſenſualitatis inde inſurgentes. *tom. 1. pag. 317. n. 1. & 2.*

9. Fœmina aduertens ſe ab alio libidinoſè tangi, licet ille tangat iuxta morem patriæ, vt ſit in aduentu amici, vel conſanguinei, peccat mortaliter ſe non retrahendo, quando tactus ſunt impudici. Secus dicendum ſi oſcula, & tactus ſint extrinſecè honeſti, vt fieri ſolent ad ſignificandam beneuolentiam, præſertim ſi ſiant in publico. *ibid. n. 10. & pag. 318.*

10. Levis tactus manuum, vel pedum fœminæ, aut velliatio, aut digitorum intorſio, regulariter loquendo, non eſt peccatum mort. huiusmodi enim tactus potius ſunt ex leuitate, & ioco, quàm ex venerea delectatione. In hac tamen materia non ſunt laxandæ habenæ: nam in via lubrica procliuius eſt lapſus. *tom. 1. pag. 318. n. 11.*

11. Aſpectus fœminæ ob curioſitatem pulchritudinis non eſt peccatum mort. etiam ſi fiat propter delectationem, quæ inde capitur, modò abſit periculum turpis, & venereæ delectationis: minus enim eſt periculi in aſpectu, quàm in tactu. Sunt tamen quidam aſpectus ex ſe impudici, & mortaliter mali, etiam ſi non fiant ob malū finem, vt quando vir aſpicit partes pudendas fœminæ, niſi fortè hic aſpectus fiat obiter ob curioſitatem, ita vt non ſit periculum magnæ commotionis in corpore. *ibid. n. 13.*

12. Non eſt facilè excuſandus à mortali conſcians inhoneſtas brutorum partes ad eliciendum ſemen: eſt enim actus nimis

nimis inhonestus, & repugnans rectæ rationi: non videtur tamen esse peccatum mortale aspicere coitum brutorum, vel eorum partes turpiter commotas, modò aspiens non inde capiat delectationem sensualem. *ibid. n. 14. & 15.*

13. Puella quæ dedit operâ præbet se concupiscendam adolescenti absque vlla necessitate, sed potiùs ex quadam vanitate, non ignorans turpem illius amorè, peccat mort. peccato scandalosi. Sin hoc faciat ex aliqua necessitate, aut ne se priuet sua libertate, vel iure exeundi domo, vel standi ad ostium, vel ad fenestras, non videtur peccare mort. hoc enim est potiùs scandalum acceptum, quàm datum, vt contingere solet, quando fœminæ se superfluè ornantes prævident fore, vt turpiter amentur ab aliis, modò id non faciant animo eos incitandi ad libidinem. *ib. n. 17.*

14. Turpiloquium, si fiat animo oblectandi se rebus ipsis turpibus narratis, & obuersantibus imaginationi, est peccatū mort. si verò fiat absque affectu venereo, est tantum veniale, modò absit scandalum adstantium *ibid. n. 18.*

15. Componentes, & exhibentes comœdias valde turpes, & ad libidinem prouocantes, peccant mortaliter, quia dant causam ruinæ, quamuis illam non intendant. Idem sentiendum de scribentibus, aut pingentibus turpia. Fœminæ verò pectus nudantes excusari possunt à mortali, si hoc faciant iuxta consuetudinem patriæ, & absque praua intentione. Est tamen peccatum mort. inducere huiusmodi morem, quia insolita, & inusitata magis afficiunt. *ibid. num. 23.*

16. Clerici, qui interfunt comœdiis, secluso scandalo, vel alio periculo peccati, non peccant mort. Ecclesiasticos tamen non decet huiusmodi spectaculis, & nugis interesse, cum hoc sit illis prohibitum; non tamen sub peccato mort. *ibid. num. 22.*

17. Mulier fuco illinens faciem non peccat, si hoc faciat ob rationabilem causam. Sin absque causa, videtur peccare venialiter, peccato vanitatis, & leuitatis. At si hoc faciat ex fine mortaliter malo peccat mort. Denique mulieres superfluo ornatu vtentes non excusantur à veniali. *tom. 1. pag. 319. n. 25. & 26.*

Luxuria sacrilega.

18. Sacrilegium, de quo hîc sermo, est peccatum luxuriæ, quo res sacra violatur, siue res illa sit persona Deo dicata per verum siue locus sacer, siue aliud quippiam. Quare qui copulam habet, aut habere desiderat cum Moniali professâ, sacrilegium committit. Item Sacerdos, aut Clericus sacris initiatus, aut religiosus professus committit sacrilegium, peccando carnaliter cum fœminâ, vel committendo aliquod luxuriæ peccatum

externum, aut etiam internum. Peccatum tamen est gravius, quando persona sacra peccat circa personam aliam sacram, videturque duplex sacrilegium; ideoque hæc circumstantia est in confessione explicanda. *rom. 1. pag. 232. n. 1. & seq.*

19. Copula, etiam coniugalibus habitis in loco sacro absque necessitate, est sacrilegium: polluitur enim Ecclesia, fitque iniuria loco sacro. At coniugalibus copula in loco sacro occultè habitis ex necessitate ob periculum incontinentiæ, non est sacrilega. Idem dic de nocturna pollutione involuntaria, & de sanguinis effusione facta in loco sacro ad sui defensionem: ubi enim nulla est culpa ibi nullum est sacrilegium. *ibid. num. 6.*

20. Qui concupiscit foeminam in Ecclesia, non committit speciale sacrilegium, quia non violatur directè locus sacer. Secus si habet desiderium, seu intentionem coeundi in Ecclesia: hæc enim intentio est eiusdem rationis cum ipso actu externo. Item verba turpia, aspectus inhonesti, & tactus etiam impudici facti in Ecclesia non habent specialem malitiam sacrilegij mortalis, necessariò in confessione exprimendam, modò absit periculum pollutionis: nam per huiusmodi actus non violatur specialiter locus sacer, sicut violatur per pollutionem, nisi fortè dicatur illos actus proximè disponere ad pollutionem, & consequenter ordinari ad loci sacri violationem, sicquè specialem malitiam continere. *ibid. num. 7.*

21. Monasteria, dormitoria, cubicula Sacerdotum, vel religiosorum, & oratoria priuata non constituta auctoritate Episcopi, quamvis gaudeant immunitate Ecclesiæ; non tamen ita sunt sacra, ut copula, vel pollutio in illis habitis specialem habeat sacrilegij malitiam; nisi ibi sit altare ad rem diuinam faciendam. *ibid. num. 9.*

22. Illa Ecclesiæ pars, seu spatium, dicitur locus sacer, quod pertinet ad interioris Ecclesiæ corpus, à tecto scilicet interiori usque ad pavementum. Quare locus Ecclesiæ subterraneus, modò non sit sepultura, nec campanile, nec sacristia, dicitur locus sacer. At cæmeterium, & oratorium Episcopi auctoritate constitutum est locus sacer: Ecclesia diruta non est locus sacer, nisi fortè sit destructa, ut reedificetur. *ibid. n. 10. & 11.*

23. Ecclesia polluitur per voluntariam seminis, & per iniuriosam sanguinis humani effusionem. Neque est necesse, ut semen, aut sanguis in terram, aut pavementum decingat non sufficit tamen una, aut altera stilla. Polluitur etiam Ecclesia per vulnus in Ecclesia inflictum, etiamsi vulneratus statim exeat, antequam sanguinem mittat: nã in Ecclesia data est causa naturalis effusionis. Polluta autem Ecclesia, censetur etiam pollutum

carne

cæmeterium attiguum; est enim accessorium Ecclesiæ: polluto verò cæmeterio non censetur Ecclesia polluta, quia minus nobile non trahit ad se nobilius. *tom. 1. pag. 333. n. 19. & 20.*

24. Valde probabile est vnum tantummodò sacrilegij peccatum committi ab eo, qui cum sit Sacerdos, & religiosus, aliquid luxuriæ scelus admittit: idem dic de fœmina copulam habente cum Sacerdote religioso professo. Quia votum solemne castitatis sacris Ordinibus adnexum est eiusdem rationis cum voto emissio in professione: neque diuersitas peccatorum sumitur ex diuersitate præceptorum, sed ex virtutibus aut motiuis specie distinctis; at religiosus tenetur seruare castitatem ob idem motiuum, & eandem virtutem, propter quam Sacerdos tenetur eam seruare: ergo, &c. *tom. 1. pag. 334. num. 28.*

25. Qui obstrictus est voto simplici, & solemni castitatis, duplex sacrilegij peccatum committit per peccatum luxuriæ: qui votum solemne à simplici differt specie, & peccatum luxuriæ habet priuationem perfectionis alio modo debitæ in eo, qui adstrictus est voto solemni, quàm habeat in eo, qui adstrictus est voto simplici: peccata autem distinguuntur penes priuationes perfectionum diuersarum. *ibid. n. 30.*

M.

MAGISTER. DOCTOR.

1. **Q**UONIAM cap. *ut periculosa, ne Cler. vel Monach. in 6.* duplex habetur excommunicatio. 1. est contra ipsos religiosos, qui habitum suæ religionis temerè dimittunt, vel ad studia literarum sine licentia accedunt. 2. contra Magistros, seu Doctores qui religioso habitu dimisso medicinam, aut leges docere, aut in suis scholis retinere præsumpserint. De priori excommunicatione suus erit agendi locus. *titulo Religiosus. disput. 2. quæst. 2. punct. 32. pag. 189. tom. 3.*

2. Ad incurrendam huius canonis excommunicationem sufficit alterutra actio docendi, vel retinendi in scholis: quare qui retinet huiusmodi religiosum in suis scholis, tametsi non doceat, vel qui docet illum medicinam, aut leges, etiamsi non retineat, hanc excommunicationem incurrit. *ibid. pag. 180. num. 7. tom. 3.*

3. Quæres, quid facere debeat magister, dum aduertit aliquem religiosum in sua schola adesse, qui dimisso habitu vult ipsū audire. Resp. magistrum posse huiusmodi religiosum aliqua vi expellere, sed sine scandalo: ius enim prohibet illum admitti. Sin exire nolit, lectionem esse dimittendam; quia sub excommuni-

Cc 3 catione

catione vetitum est huiusmodi religiosum docere leges, aut medicinam. *ibid. n. 10.*

4. Hæc excommunicatio non est reservata.

Magistri Bononienses.

5. In cap. *ex rescripto*, fertur excommunicatio contra Magistros, & studiosos Academiæ Boponiensis, qui aliorum hospitium conducunt intra tempus conductionis sine licentia inquilinorum. *disp. 2. quest. 2. punct. 37. pag. 185. tom. 3.*

6. Hæc excommunicatio tantummodò fertur in magistros, & scholares; Mercatores autem, & alij non afficiuntur excommunicatione; si domos ante finitum locationis tempus conducant. Idem dicendum videtur de iis qui scholaribus deferuiunt, & eorum privilegiis gaudent; isti enim non sunt scholares, neque magistri. *ibid. n. 2.*

7. Qui ante finitum locationis tempus domum quam scholaris inhabitat, conducit absque vlllo habitantium incommodo, hanc censuram non incurrit: quia hæc censura afficit tantum conducentes aliorum; hospitia in præiudicium inhabitantium. *ibid. n. 4.*

8. Hæc excommunicatio non cadit in magistros & scholares aliarum Academiarum; quia in materia pœnali non valet argumentum à pari. *ibid. n. 5.*

9. Hæc excommunicatio non est reservata.

Magistri ad gradum promouentes.

10. Pius IV. in quodam motu proprio, qui incipit, *In sacro, sancta*, excommunicationem tulit contra Magistros, & alios qui promotioni, seu doctoratui præsunt, si quemquam promouerint ad gradum in Medicina, Theologia, &c. non facta prius fidei professione; Antistitibus autem non est imposita excommunicatio, sed interdictum ab ingressu Ecclesiæ. *disp. 2. quest. 10. punct. 14. pag. 319. tom. 3.*

11. In Clementina, *Cum sit, de Magistris*, fertur suspensio à collatione doctoratus per 6. menses contra promouentes ad gradum Doctoratus, nisi iuramentum prius extorqueant à promouendis, ut in solemnitate recipiendi doctoratum non expendant ultra summam trium milium Turonensium argenteorum; verum hæc constitutio hodie exoleuit. *disp. 3. quest. 5. punct. 4. pag. 371. tom. 3.*

MAGISTRATVS.

Contra Rectores status Ecclesiastici Excommunicatio.

1. **P**Aulus II. in Bulla 3. quæ incipit, *Munera*, excommunicationi subiicit non solum rectores ciuitatum, & terrarum status Ecclesiastici, accipientes munera præter esculenta, & poculenta, verum etiam ipsos dantes. Hæc Bulla confirmata fuit à Sixto IV. in Bulla 15. quæ incipit, *Et si disp. 2. quæst. 7. punct. 8.* Ab hac censura soli Cardinales eximuntur. pag 287. & 288.

2. Accipientes munera præter excommunicationem contrahunt etiam obligationem restituendi id, quod acceperunt etiam ante iudicis sententiam; hanc enim esse mentem legislatoris patet ex verbis legis. Hæc autem restitutio fieri debet pauperibus, non ei, qui dedit; cum enim eadem excommunicationis poena puniatur, indignus est effectus, cui vlla restitutio fiat. *ib. n. 9.*

3. Hæc excommunicatio est Summo Pontifici referuata.

*Contra Magistratus, & Dominos temporales
Excommunicationes non referuata.*

4. In cap. *nouerit de sent. excommunic.* habetur excommunicatio lata contra facientes seruari statuta, & consuetudines libertati Ecclesiasticæ cōtrarias, vel non facientes deleri dicta statuta de capitularibus suis infra duos menses. Itē contra statuarios, statutorum scriptores, contra consules, rectores, & consiliarios locorum, vbi hæc statuta edita sunt, vel obseruata, si fuerunt delicti participes, & contra præsumentes iudicare iuxta præfata statuta. *disp. 2. quæst. 10. punct. 3. pag 312 tom 3.*

5. In cap. *eos qui, de immunit. Eccles. in 6.* extat excommunicatio lata sententiæ contra obtinentes dominium temporale, dum suis subditis interdiciunt, ne Prælati. aut clericis, seu personis Ecclesiast. quidquam vendant, aut ab illis emanent, neve ipsis molant, coquant, &c. *ibid. punct. 4. n. i.* Vnde patet herum, qui suo famulo præcipit ne cōtractum cum Ecclesiasticis ineat, aut alia obsequia ipsis præster, non affici hac censura: quia non dicitur habere temporale dominium. Idem dicendum de iudice, qui temporali dominio caret. *ibid. pag. 313. num. 5. tom. 3.*

6. In cap. *Felicitis, de poenis in 6.* fertur excommunicatio contra Magistratus, Senatores, Cōsules, Dominos, Rectores, eorumque officiales, qui intra mensem post habitam criminis cognitionem obseruari non faciunt constitutionem in eo capite conten-

ram contra insequentes hostiliter Cardinales , aut iis cooperantes. *ibid. punct. 5. n. 1.*

7. In præfato cap. hæc præscribuntur contra hostiliter insequentes S. R. E. Cardinales , iisque cooperantes: vt huiusmodi delinquentes sint infames, intestabiles, non habeant ius succedendi, eorum domus destruantur, bona fisco applicentur, priuentur ipso facto feudis, locationibus, officiis, vel beneficiis, ipsorum filij, & descendentes per rectam lineam priuentur beneficiis, & dignitatibus, & inhabiles fiant ad ea in futurum obtinenda, in iudiciis non audiantur, &c. *ibid. n. 2. vide tit. Cardinalis.*

8. In cap. *administratores*, extat poena priuationis ab omni communione contra Principes, seu Magistratus seculares, si requisiti ab Episcopis, & aliis viris Ecclesiasticis negligant Ecclesiâ, pupillos, & viduas defendere, latrocinia, & id genus alia crimina extirpare, &c. post trinam admonitionem. Remanent autem excommunicati donec condignâ satisfactionem præstiterint, id est, Ecclesiastico præcepto paruêrint, & Ecclesiis, pupillis, ac viduis satisfecerint ob damnum quod ex eorû negligentiâ subierunt. Hæc excommunicatio hodie vix est in vsu. *ib. p. 6. pag. 313. 314. tom. 3.*

9. In Bulla quæ incipit, *Superna prouidentia*. Pius I V. excommunicationem tulit contra Legatos, Vicelegatos, Gubernatores, Iudices, Magistratus qui se intromittunt in officiis, & scripturis notariorum per Cameram venditis, in præiudicium ementium, aut qui vexant notarios illa officia ementes. *ibid punct. 12. pag. 318. tom. 3.*

10. Pius item I V. in Bulla quæ incipit, *Decet Rom. Pontificem*, tulit censuram excommunicationis, aut suspensionis sub disunctione, contra Rectores, Gubernatores, Magistratus, & ministros, qui poenas, & multas pecuniarias & confiscationes alteri applicat quàm Cameræ Apostolicæ, si hæc confiscationes seu multæ soluendæ sint in ciuitatibus, & locis Summo Pontifici immediatè subiectis. Relinquitur autem arbitrio delinquentium eligere vtram maluerint ex his duabus censuris quæ feruntur disiunctiue. *ibid punct. 13.*

11. In Clem. vnica, *de usuris*, habetur excommunicatio contra Magistratus facientes statuta de soluendis usuris, vel non restituendis cum reperitur, vel non delentes intra tres menses huiusmodi statuta de libris cõmunitatum, vel præsumentes ea seruare, aut consuetudines vim statuti habentes. Quælibet autem prædictarû actionû sufficit ad excommunicationem incurrendam; textus enim loquitur disiunctiue. *ibid. punct. 15. pag. 320. tom. 3.*

12. Pius I V. in Bulla 49. quæ incipit, *Cum ciues*, & Pius V. in Bulla 145. quæ item incipit, *Cum ciues*, tulerunt poenam suspensionis

tionis à diuinis, & excommunicationis latæ sententiæ contra Magistratus, & officiales ciuitatum, seu locorum status Ecclesiastici, qui concedunt facultatem deferendi cuiusuis generis arma breuioris mensuræ trium palmorum in dictis ciuitatibus aut locis. *ibid. punct. 16. pag. 321. tom 3.*

Maleficium.

1. **M**aleficium est ars nocendi aliis ope Dæmonis. Potest quippe Dæmon, Deo permittente, pluias, ventos, grandines, &c. inducere, & multa facere applicando actiua passiuis, sicque hominibus nocere. *tom. 2. pag. 185. n. 1. & 2.*

2. Magia naturalis, quæ viribus rerum naturalium occultis, mira quædam efficit, non est superstitiosa, nec malefica. Diabolica verò superstitiosa est, & illicita; quæ licet faciat planè stupenda, oculis illudendo, corpora celeriter asportando, vel alterando, &c. non tamen potest vera edere miracula; quæ enim fiunt à dæmone, virtutem causarum naturalium non exuperant, fiuntque applicando actiua passiuis. *ibid. n. 4.*

3. Nefas est maleficos, licet alioquin paratos, adhibere ad maleficium faciendum pro re graui, aut bono publico: quia maleficium est intrinsecè malum. Nefas item petere vt maleficus vno maleficio aliud dissoluat: rogari tamè potest vt maleficium dissoluat modo licito, faciendo ea quæ fieri possent circa opem dæmonis; hoc enim nō est intrinsecè malū, vt tollere ligaturas, nodos, &c. eo fine vt dæmō nocere desinat. *10. 2. pag. 186. n. 5. 7. & 8.*

4. Contra maleficia, hæc remedia possunt adhiberi. 1. magna fides. 2. susceptio Baptismi. 3. confessio peccatorum. 4. sumptio Eucharistiæ 5. exorcismus Ecclesiæ. 6. aqua benedicta 7. sanctorum reliquiæ. 8. signum Crucis. 9. inuocatio nominis I E S V, B. Virginis, S. Angeli custodis, & aliorum sanctorum. 10. oratio cum ieiunio. 11. dissolutio eorum quæ pertinent ad pactum cum dæmone. *ibid. num. 10.*

5. Confessarius hæc inquirere debet à malefico. 1. an pactum inierit cum dæmone: potest autem pactum dissolui agendo poenitentiam, neque est necesse vt maleficus curet sibi chirographum à dæmone restitui; si tamen maleficus illud habet penes se, debet lacerare, ad detestandum crimen, & scandalum vitandum, si chirographum ab aliis inueniretur. 2. an exhibuerit honorem Sathanæ, aut sacrilegia cōmiserit contra augustissimum Eucharistiæ Sacramentum. 3. an in pacto cum dæmone inito interuenerit hæresis. 4. quomodo confecerit maleficium, an scilicet ad illud abusus fuerit rebus sacris. 5. an damnum alicui intulerit; tenetur enim damnum illatum rescire. *ibid. n. 11.*

1. I Oannes XXII in Extrauag. *durum, de pœnis, excommu-*
nicationem, & alias grauissimas pœnas imposuit occiden-

tibus, capientibus, detinentibus, percutientibus, expellentibus,
 spoliantibus, vel quouis alio modo violentibus Rectores, seu of-
 ficiales Marchiæ Anconitanæ: Nec non directè, vel indirectè
 dantibus auxilium, consilium, vel fauorem ad aliquam ex præ-
 fatis actionibus. *disp. 2. quest. 3. punct. 47. n. 259. tom. 3.*

2. Hæc excommunicatio restringitur ad eos qui in illa Mar-

chiæ provincia commorantur; quamobrem viator, vel aduena
 huic censuræ non subiaceret. Restringitur item ad personas sin-

gulares; Vniuersitas enim seu Communitas quæ hac in parte
 deliquerit, Ecclesiastico subiicitur interdicto, cum eius territo-

rio, & districtu. *ibid. n. 4.*

3. Hæc excommunicatio est Papæ reseruata; de interdicti
 autem reseruatione nulla fit mentio. *n. 5.*

MARIA VIRGO.

B. V. Maria Conceptio immaculata.

1. SIXtus IX in Extrauag. *grauē nimis, de relig. & venera-*
tionē Sanctorum, contra impugnantes immaculatam B.
 Virginis conceptionem, sub pœna excommunicationis prohi-

buit. 1. asserere hæresim, vel mortale peccatum committi ab eo
 qui credit, aut tenet Beatissimam Virginem Mariam præserua-

tam fuisse à peccato originali. 2. asserere peccatum committi
 celebrando officiū Conceptionis, aut audiendo cōciones eorum
 qui prædicant B. Virginem sine macula conceptam fuisse. 3. lege-

re, tenere, vel habere pro veris libros qui præfatam doctrinam
 continent. *disp. 2. quest. 3. punct. 34 pag. 248. tom. 3.*

2. Pius V. in Bulla quæ incipit, *Super specula*, sub pœna suspē-

sionis vetuit. 1. de alterutra sententiarum circa B. Virginis Con-

ceptionē affirmatiua, aut negatiua in cōciónē disputare, affirmā-

do vnā, & alteram refellendo. 2. in hoc argumentū vulgari ser-

mone scribere impugnando, & refellendo contrariū. 3. de eadem

quæstione vulgari sermone dictata tradere; non tamen vetitum

est de ea re in Academiis, & scholis disputare. *ibid. n. 8. & 9.*

3. Paulus V. interdixit sub pœnis suspensionis, & aliis conten-

tis in Bulla Pij V. ne quis audeat in lectionibus, concionibus,

conclusionibus, aliisque a tribus publicis asserere B. Virginem in

peccato orig. conceptam fuisse. Præterea sub iisdem pœnis man-

dauit ne sustinentes negatiuam sententiam affirmatiuam impu-

gnent, nec de ea agant publicè. *ibid. pag. 249. n. 10. tom. 3.*

4. Gregorius

4. Gregorius X V. edidit constitutionem in qua sub pœnis contentis in Bulla Pij V. & Pauli V. prohibuit. 1. in sermonibus vel scriptis etiam priuatis asserere B. Virginem in peccato orig. concepam fuisse. 2. de hac opinione affirmatiua aliquo modo tractare, nisi ex priuilegio Apostolico concessio Patribus Ordinis Prædicatorum. 3. vti alio nomine quàm Conceptionis in sacrificio, vel officio publicè vel priuatim celebrando. *ibid.*

5. Hæc excommunicatio, & suspensio est Summo Pontifici referuata. *ibid. num. 13.*

Martyrium.

1. **M**artyrium est passio seu cruciatus lethalis susceptus pro Christi fide, aut pro vera virtute. Ille non appellatur martyr qui vulnus non lethale accepit; qui verò accepit vulnus seu cruciatum de se illatium mortis, dicitur martyr, hinc D. Marcellus adscribitur in numerum martyrum, eo quòd in stabulum coniectus, tæbe confectus est. *tom. 1. pag. 28. num. 1*

2. Ille cui ob actum virtutis iam præstitum mors infertur, est martyr, quia occiditur in contemptum boni operis, & virtutis; ita S. Ioannes Baptista habetur martyr, quia ob reprehensionem adulterij occisus fuit. *ibid. n. 2.*

3. Martyrium est actus elicitus à virtute fortitudinis, & patientiæ, imperatus autem ab aliis virtutibus pro quibus conferuandis martyrium subitur; præcipuè verò imperatur à charitate; est enim actus magnæ dilectionis in Deum. *ibid. n. 3.*

4. Ad martyrium quinque conditiones requiruntur. 1. est voluntas suscipiendi martyrium in adultis: in infantibus verò nondum ratione vtentibus non requiritur, vt patet ex Innocentibus qui ab Ecclesia semper habiti sunt martyres. Qui verò dormiens occiditur in odium Christi, aut virtutis Christianæ, si nihil antea de martyrio cogitauerit, non dicitur martyr; quia non habuit voluntatem formalem, aut virtutalem suscipiendi martyrium; nisi fortè sit vir iustus qui Deum omnium actionum suarum finem sibi proponat. *ibid. n. 5.*

5. Infans in vero matris licet baptizari nequeat, quia nõ potest abluì: potest tamen pro Christo occidi, & fieri martyr, cum enim reputetur vnum quid cum matre, æquum est, vt si cum ea pro Christi fide occidatur, eiusdè martyrij particeps fiat. *ibid. n. 7.*

6. Secunda martyrij conditio est, vt suscepturus martyrium si peccati mort. sibi sit conscius, eliciat actum attritionis supernaturalis: non tamen necessaria est contritio, seu dilectio Dei super omnia; quia martyrium, cum virtutem habeat Baptismi, contritionis defectum supplet; quare non requiritur vt martyr,

ante susceptionem martyrij sit in gratia. Porro qui per obliuionem, aut inaduertentiam non elicit actum attritionis, quia tunc temporis, in expellendo metu mortis totus occupatur; nihilominus fructum martyrij recipit; quia tunc sufficit attritio virtutalis. *tom. 1. pag. 29. n. 8. & seq.*

7. Tertia conditio requisita ad martyrium est poena, seu passio, & cruciatus. 4. conditio est, vt subeatur ille cruciatus ob honestam causam, qualis est conseruatio fidei, & religionis Christianæ, vel castitatis, vel Ecclesiasticæ immunitatis, vel alterius veræ virtutis. 5. conditio est, vt tyrannus cruciatum, seu mortem inferat in odium Christi, aut Christianæ virtutis. *ibid. n. 11.*

8. Martyrij effectus est duplex. 1. est gratia, & remissio omnis culpæ, & poenæ. 2. est laurea, id est, præmium accidentale. Martyrium autem confert gratiam ex opere operato ultra meritum, & dispositionem suscipientis, non quidem physice, sed moraliter. *ibid. num. 1. & seq.*

9. Tunc martyrium præstat suum effectum quando martyr subiit cruciatum lethalem, seu vulnus de se mortiferum, etiamsi à morte naturaliter inuitabili, per miraculum liberetur. Vrgente graui necessitate, martyrium est in præcepto; absque necessitate verò, vel iusta causa non licet exponere se martyrio; sic enim Deus tentatur. *tom. 1. pag. 30. n. 1. & seq.*

MATRIMONIUM.

Quid sit Matrimonium.

1. **M**atrimonium est legitimus & indissolubilis contractus inter virum & foeminam, quo traditur, & acceptatur mutua corporum potestas, & confertur gratia sanctificans. Hæc definitio conuenit matrimonio vt est contractus, & vt est Sacramentum, de quo ita loquitur Paulus Ephes. 5. *Sacramentum hoc magnum est, ego autem dico in Christo & Ecclesia*, id est, coniugium, magnum est Sacramentum, ac mysterium, cum sit signum vniõis Christi cum Ecclesia. *tom. 1. pag. 251. n. 2.*

2. Inter Beatissimam Virginem, & S. Ioseph verum intercessit matrimonium ratum (quippe in Scriptura Ioseph appellatur vir Mariæ, & Maria vxor Ioseph:) non tamen consummatum, cum Beatissima Virgo semper manserit virgo. Neque B. V. peccauit contra votum castitatis, contrahendo matrimonium; sciebat enim per reuelationem, matrimonium non esse consummatum. Neque dixeris ad matrimonium requiri consensum in copulam. Respondeo enim sufficere mutuam traditionem corporum, quæ potest

potest subsistere absque copula & usu corporum: potest quippe dominium ab usu separari. *tom. 1. pag. 252. n. 9. & 10.*

3. Matrimonium infidelium est quidam contractus, quem infideles celebrando non peccant: est enim in officium, seu in propagationem, & conservationem naturæ humanæ, nec non in remedium conspiciuntur: non tamen est Sacramentum, quia infideles carent Baptismo, qui est ianua omnium Sacramentorum. At matrimonium contractum à fidele cum cathecumena, ex dispensatione Pontificis, est Sacramentum ex parte fidelis volentis illud suscipere *ibid. num. 2. & 3.*

4. Matrimonium infidelium, post Baptismi susceptionem, fit Sacramentum, quando post Baptismum interuenit nouus consensus, vel præcedens ratus habetur per aliqua signa externa, ut per verba, nuptus, aut copulam materiale: neque opus est ut hæc ratificatio consensus fiat coram Parocho, & testibus; iam enim supponitur matrimonij contractus validè celebratus. *tom. 1. pag. 253. n. 5. & 6.*

5. Ipso mundi exordio extitit præceptum naturale contrahendi matrimonium ad propagationem generis humani. Hoc verò tempore cessat illius præcepti obligatio. Si tamen daretur casus quo cæteri homines essent bello, vel peste extincti, neque inuenirentur alij præter religiosos, ipsi tunc possent, immò tenerentur matrimonium contrahere: quia votum posthabendum est præcepto naturali. Potest etiam contingere alius casus, ut quando est vnicus hæres regni, aut status, quo non nubente exorirentur bella: tunc enim ille hæres teneretur vxorem ducere ad impedienda damna & incommoda Reipub. impendunt. *ibid. n. 1. & seq.*

Materia, forma, & minister huius Sacramenti.

6. Materia huius Sacramenti est traditio corporum ipsorum contrahentium: forma est acceptatio eorundem expressa per verba, vel signa: nam per acceptationem perficitur matrimonium. *ibid. num. 1. & seq.*

7. Minister essentialis huius Sacramenti non est Sacerdos, sed ipsi contrahentes: alioquin matrimonium clandestinum, quod ante Concilium Tridentinum celebrabatur sine Sacerdote, non fuisset verum matrimonium, & Sacramentum; Sacerdos igitur non est minister essentialis, sed accidentarius quatenus ex officio iungit, & benedicit contrahentibus, quod pertinet ad accidentariam matrimonij perfectionem. Quare Sacerdos assistens matrimonio cum conscientia peccati mortalis, non peccat mortaliter: quia ipse non ministrat, nec conficit hoc Sacramentum. Ipsi verò contrahentes grauiter peccant, quatenus suscipiunt
hoc

hoc Sacramentum in peccato mortali; non verò peccant mortaliter, quatenus illud sibi mutuò administrant, quia ipsi non sunt ministri ad hoc consecrati. *tom. I. pag. 254 n. 5. & 6.*

Matrimonium inter absentes.

8. Matrimonium inter absentes per procuratorem, vel per literas contractum, est validum: quia iura non irritant huiusmodi contractus. Nec minus est Sacramentum quàm inter præsentes celebratum: Ecclesia quippe (ait Sanchez) nullum agnoscit matrimonium inter fideles quod non sit Sacramentum. Quare si quis intendat inire matrimonium tanquam contractum, neque velit suscipere Sacramentum, nihil facit; quia ex Christi institutione, ratio contractus matrimonij est inseparabilis à ratione Sacramenti. Sed hæc ratio non mihi satis probatur: nam ratio contractus videtur separabilis à ratione Sacramenti etiam inter fideles: qui enim habet intentionem contrahendi, sed non suscipiendi Sacramentum, verè contrahit; ad sunt enim omnia requisita ad contractum: non tamen suscipit Sacramentum, defectu intentionis. *ibid. num. 1. & seq.*

9. Ut matrimonium per literas, vel procuratorem contractum, sit validum, tria saltem requiruntur. 1. præsencia parochi, & testium. 2. ut literæ non sint fictæ, & procurator non sit fictè constitutus. 3. ut procurator habeat speciale mandatum ad contrahendum cum certa persona, & ut agat per se ipsum; non enim potest ipse alium substituere; denique ut procurator non excedat limites mandati. Porro qui mittit procuratorem ad contrahendum suo nomine matrimonium, tenetur sub peccato mortali esse in gratia eo tempore quo probabiliter credit procuratorem contrahendum matrimonium; tunc enim ipse suscipit Sacramentum, siue vigilet, siue dormiat. *tom. I. pag. 255 n. 5. & seq.*

Matrimonium clandestinum.

10. Matrimonium duobus modis esse potest clandestinum. 1. si fiat sine Parocho, & testibus. 2. si omittis denunciationibus celebretur. Matrimonium sine Parocho, & duobus, vel tribus testibus initum post Concilium Trid. est inualidum; sic enim decernit. *sess. 24. capit. 1.* Unde sequitur copulam animo maritali habitam, absente Parocho, & testibus non sufficere ad contrahendum matrimonium. Quare peccat mortaliter qui sic contrahit, quia facit contra prohibitionem Ecclesiæ in re gravi. *tom. I. pag. 256 n. 1. & seq.*

11. Matrimonium nullis præmissis denunciationibus celebratum, est validum: iure enim antiquo erat validum, nec ullum novum

nouum ius extat in oppositum. Moraliter tamen peccat qui sine facultate, aut legitima causa denunciationes omittit: hinc enim grauissima incommoda sequi possunt. Concilium autem Trid. concedit facultatem dispensandi in denunciationibus, Episcopo, aut alteri Prælato qui iurisdictionem quasi Episcopalem habeat, aut etiam Vicario generali, aut alteri ab Episcopo delegato. Porro hæ sunt causæ dipensandi in denunciationibus. 1. quando timeretur maleficium, aut aliud iniustum matrimonij impedimentum. 2. quando denunciationes absque dispendio famæ, aut alio graui incommodo fieri nequeunt. 3. quando instat tempus quo nuptiæ prohibentur. 4. notabile contrahentium commodum. 5. quando magnates sunt contrahendi: quia huiusmodi matrimonia, etiam absque denunciationibus sunt satis publica, & si quod est impedimentum, latere non potest. *ibid. n. 6. pag. 257. num. 7.*

12. Denunciationes faciendæ sunt in propria parœcia, immo quando contrahentes sunt diuersarum parœciarum, faciendæ sunt in vtraq; parœcia: sic enim sacra Cardin. Congregatio declarauit. Sin contrahentes plura habeant domicilia in diuersis parœciis, faciendæ sunt in ea parœcia in qua diutius habitant, & principalem habent larem. *tom. 1. pag. 257. n. 10. & 11.*

13. Denuntiationes à Parocho, vel alio de ipsius licentia, faciendæ sunt. Parochus autem qui propria auctoritate denuntiationes omisit, absque causa legitima, suspenditur ab officio per triennium. *ibid. n. 12.*

14. Denuntiationes tribus diebus festis continuis faciendæ sunt: quanquã etiam fieri possunt alio die quàm festo, quando scilicet ingens hominũ turba ad Ecclesiam confluit, vt contingit quãdo insignis concionator est concionem habiturus. *ibid. n. 14. & seq.*

15. Conscij impedimentorum tenentur ea detegere, quando commodè possunt, absque scandalo, etiamsi impedimenta sint occulta, nec probari possint, aut etiamsi accepta sint sub secreto: agitur enim de vitando damno spirituali contrahentium. & periculo ne proles illegitima nascatur. *tom. 1. pag. 258. n. 20.*

16. Vbi Concilium Trid. non est promulgatum, vel acceptatum, saltem quoad hoc particulare decretum, validum est matrimonium, sine Parocho, & testibus celebratum. Quia lex non obligat nisi sit promulgata, & acceptata. Quare incola loci in quo Concilium fuit promulgatum, & acceptatum, si se aliò conferat vbi non est promulgatum, potest ibi matrimonium absque Parocho, & testibus celebrare: quia contractus hoc habet speciale vt celebrandus sit iuxta solemnitates receptas in eo loco vbi celebratur. *ibid. n. 1. & seq.*

17. Ad matrimonium validè contrahendum requiritur præsentia proprii Parochi vel alterius de licentia Parochi, vel Ordinarij. Quò fit vt qui ad aliquem locum se confert, animo ibi manendi maiori anni parte, possit matrimonium contrahere coram Parocho illius loci: quia ibi acquirit domicilium parochiale ad suscipienda sacramenta, excepto Ordine, & Tonsura. At inualidum est matrimonium celebratum ab incola ciuitatis coram Parocho ruris ad quod solet aliquoties in anno accedere recreationis causa. Idem dicendum de eo qui causa pestis, vel belli, fugit à sua parœcia, ad eam quamprimum rēkursurus. Porro matrimonio vagorum potest quilibet Parochus validè interesse, adhibita priùs diligentia in indagandis impedimentis, & obtenta ab Ordinario facultate. *tom. 1. pag. 259. n. 1. & seq.*

18. Quando sponsus est vnius parœciæ, & sponsa alterius, matrimonium in alterutrius parœcia, & coram alterutrius Parocho celebratum, est validū, sic enim sacra Cardinal. Congregatio declarauit neque Concil. Trid. magis expressit Parochum viri, quàm fœminæ. *ibid. n. 7.*

19. Matrimonium in articulo mortis, sine proprio paracho, celebratum, est inualidum, quacumque vrgente necessitate: quia deest illi forma substantialis, à Conc. Trid. determinata. *ibid. num. 8.*

20. Sacerdos assistens matrimonio sine licentia Parochi, vel Ordinarij, aut benedicens iis qui sibi non sunt subditi, incurrit ipso iure suspensionem, donec ab Ordinario illius Parochi absoluator. Iure autem antiquo incurrerat excommunicationem. *tom. 1. pag. 260. num. 12.*

21. Parochus, vel Ordinarius, potest concedere facultatem alteri sacerdoti coniungendi sponso in matrimonio, extra propriam parœciam. Immo ipse Parochus potest non modò extra propriam parœciam, sed etiam extra propriam diœcesim, suos subditos matrimonio iungere: quia potest administrare sacramenta suis ouibus, vbicumque existant, etiamsi non obtinuerit facultatem à Parocho illius loci. *ibid. num. 13.*

22. Validum est matrimonium contractum coram Parocho qui nondum est sacerdos: tum quia Concil. Trid. requirit solum præsentiam Parochi: tum quia præsentia Parochi non requiritur hic ad exercendam functionem sacerdotalem. Tamen qui de Parochi licentia assistit, debet esse Sacerdos: ita enim præscribitur à Tridentino, *tom. 1. pag. 261. n. 16.*

23. Inualidum est matrimonium contractum cum eo Sacerdote qui licentiam assistendi extorsit per dolum, & mendacia versantia circa causam finalem, id est, quando concedens licentiam,

etiam, impulsus est ad eam concedendam ob causam fictam, aut sibi dolose narratam, itaque erat affectus, ut si nosset causam illam non subsistere, licentiam non concessisset. Quia dispositio facta per dolum versantem circa causam finalem, est inualida. Secus dicendum quando licentia fuit extorta per dolum, & mendacia versantia tantum circa causam impulsuam. *ibid. n. 17.*

24. Validum est matrimonium cui assistit Parochus interdictus, seu prohibitus ab Episcopo assistere matrimonio: quia Parochus adhuc retinet iurisdictionem, seu potestatem itaque declaravit sacra Card. Congregatio. Item Parochus prohibitus à superiore, administrare sacramenta propter inscitiam, potest validè assistere matrimonio: quia hæc assistentia non est administratio sacramenti, sed auctorizatio, ut ita loquar, & convalidatio consensus contrahentium. *ibid. n. 19.*

25. Parochus excommunicatus etiam non toleratus, seu vitandus, potest validè matrimonio assistere: quia non desinit esse Parochus. Immo potest concedere alteri Sacerdoti licentiam assistendi, etiam si ille Sacerdos sit excommunicatus, vel irregularis, vel etiam degradatus: quia hæc assistentia auctoritativa, non est propriè actus iurisdictionis. *ibid. n. 21.*

26. Parochus habens iniustum titulum beneficii validè assistit matrimonio, etiam si ob aliquod delictum ipso iure priuatus sit beneficio, modò in iudicio nondum fuerit illo spoliatus. Quia est adhuc Parochus cum titulo colorato, & errore communi vulgi, ut suppono *tom. I. pag. 262. n. 24.*

27. Ad validè contrahendum matrimonium præter Parochum, duo vel tres testes sunt adhibendi, cuiuscunque ætatis, conditionis, & status, neque excluduntur impuberes, usu rationis præditi, neque fœminæ, neque consanguinei, neque pater, vel mater, neque infideles, neque excommunicati: quia Concil. Trid. nullos testes excipit. *tom. I. pag. 263. n. 41. & 43.*

28. Matrimonium clandestinum sine Parocho, & testibus celebratum nullâ inducit obligationem, neque vim habet sponsaliorum: quia Tridentinum irritat matrimonium clandestinum. Ratione tamen damni illati, ut si sponsus defloravit fœminam cum qua clandestinè contraxit, tenetur saltem damnum illatum restituere arbitrio prudentis viri. At matrimonium clandestinum impuberum hoc habet peculiare, ut habeat vim sponsaliorum: quia ius præsumit impuberes se voluisse obligare eo modo quo possunt. *ibid. n. 48.*

29. Contrahentes matrimonium clandestinum puniendi sunt arbitrio Episcopi. Idem dic de testibus assistentibus matrimonio clandestino. Sacerdos autem huic matrimonio assistens in-

currit suspensionem, donec absoluator ab Ordinario illius Parochi, cuius erat assistere. Denique Parochus, qui sciens matrimonium clandestinum non prohibuit, suspendendus est ab officio per triennium. *tom. 1. pag. 264. num. 50.*

30. Concilium Trident. *sess. 24. cap. 1.* anathemate damnat negantes matrimonia clandestina ante Trident. celebrata valida fuisse, aut matrimonia sine consensu parentum à filiis familiàs contracta vera esse, ac rata. *disp. 2. q. 2 punct. 8 pag. 162. tom. 3.*

31. Eandem censuram incurrunt affirmantes matrimonium sine Parocho, & testibus liberè contractum in iis locis, in quibus Concilium Tridentinum acceptatum non fuit, irritum esse, & inualidum: huiusmodi enim matrimonia non censentur irrita ante acceptationem Concilij; neque Concilium intendit obligare priusquam acceptetur. *ibid. n. 3.*

32. Validitas matrimonij à voluntate parentum non pendet, ita ut ratum sit, aut irritum pro ipsorum arbitrio: quia contractus à sola contrahentium voluntate pèdet, nec filij in iis, quæ ad proprium vitæ statum pertinent, tenentur parentibus obedire. *ib. n. 4.*

33. Hæc excommunicatio nemini est reservata.

Matrimonium inualidum quomodo validetur?

34. Ad validandum matrimonium, quod reuera est inualidum defectu consensus interni, vel ob grauem merum, sufficit, si consensus de nouo præstetur ab eo, qui cōsenserat fictè, aut coactè, modò alter sponsus, qui verè consēserat, non reuocauerit suum consensum. Sufficit autem consensus internus nullo externo signo expressus: quia signum externum iam fuit exhibitum in contractu solemnī, cui tantum deerat consensus internus. *ibid. n. 1. & 3.*

35. Ad validandum matrimonium, quod fuit inualidum propter impedimentum dirimens, necessarius est post impetratam impedimenti dispensationem, aut post illius cessationem, nouus vtriusque cōsensu signo aliquo externo expressus. Quia consensus antea præstitus fuit omnino irritus ex parte vtriusque contrahentis. Impedimentum autem manifestandum est coniugi illud ignoranti, quando absque graui periculo manifestari potest, ut habita cognitione inualiditatis matrimonij, vterque de nouo consentiat. Validari tamen potest etiam si impedimentum non manifestetur, modò alter ignarus impedimenti ita consentiat, ut velit matrimonium esse validum, quamuis antea fuerit inualidum. *ibid. n. 6. & p. 265. n. 7.*

36. Ut validum fiat matrimonium antea inualidè celebratum propter occultum aliquod impedimentum, quod in iudicio probari non potest, non requiritur, ut de nouo contrahatur co-

ram

ram Parocho, & testibus etiam si prius matrimonium mala fide fuerit celebratum: iam enim adhibita fuit illa solemnitas, neque opus est illam repetere, modò consensus utrinque renouetur. *tom. I. pag. 265. num. 10.*

Matrimonium sub conditione celebratum.

37. Matrimonium sub conditione necessaria celebratum, validum est ante euentu conditionis in foro externo, & interno, modò contrahentes non habuerint intentione suspendendi consensum usque ad conditionis euentu: quia conditio, quæ apponitur, cum sit necessaria, habetur pro impleta. *tom. I. pag. 266. num. 5.*

38. Matrimonium celebratum sub conditione turpi, quæ sit contra substantiam matrimonij irritum est, si conditio apponatur, ut de futuro præstanda: quia conditio, quæ apponitur contra substantiam contractus, destruit contractum. Validum tamen est matrimoniū sub hac conditione contractum: *Duco te, si ad seruandam perpetuam castitatem te obliges, vel ad professionem in religione faciendam*: quia mutuum dominium corporum ab usu separari potest. Ut inuvalidum est contractū cum pacto nunquam cohabitandi: nam hæc conditio simpliciter repugnat proli, quæ illicitè impeditur. *ibid. n. 9. & pag. 267. n. 13. & 15.*

39. Validum est matrimoniū celebratum sub conditione turpi, quæ substantiæ matrimonij nõ repugnet, aut sub conditione impossibili: quia huiusmodi conditiones in matrimonio habentur pro non adiectis, modò ad sit absolutus contrahentiu consensus signo externo sufficienter expressus, *tom. I. pag. 267. n. 16.*

40. Matrimonium contractū sub conditione honesta de præsentis, vel præteriti, validū est, si res ita se habet; ut, *contraho tecum, si diues es, vel si patri placeat*. At celebratū sub conditione de futuro non est validum ante conditionis euentum: sit tamen validum adueniente conditione absque alio consensu. Hinc sequitur illum, qui per verba de præsentis contraxit cum duabus sub conditione de futuro, fieri maritū illius, cuius conditio prius adimpletur. Sin utriusque conditio simul impleatur, neutrum matrimoniū valet, quia incertitudo vitiat matrimoniū. *ib. n. 20. & 21.*

41. Validum est matrimonium inter consanguineos, vel affines contractum sub hac conditione, *si Papa dispensauerit*, adueniente dispensatione: contrahentes enim sub illa conditione non contrahunt pro tunc, sed pro tempore futuro, videlicet pro tempore conditionis adimpletæ. *tom. I. pag. 268. num. 23.*

42. Matrimonium contractum sub conditione impertinenti de futuro, non est validum, antequam conditio verificetur; verificata verò, & adimpleta conditione est validum. Quod

dictum est de matrimonio, idem proportione dicendum de sponsalibus sub conditione celebratis. *ibid. num. 24.*

Matrimonij indissolubilitas.

44. Matrimonium iure naturali, & diuino est indissolubile. Hebræis autem permessa fuerunt repudia, & diuortia ex dispensatione diuina. Hinc collige matrimonium propter adulterium dissolui non posse: hoc enim est de fide definitum in Concilio Florentino. Potest tamen Summus Pontifex dispensare in matrimonio rato, ut dissoluatur ob graues causas: at in matrimonio consummato non potest: hoc enim matrimonium representat vnionem hypostaticam Verbi cum natura humana, quæ est indissolubilis. *tom. 1. pag. 269. num. 2. & seq.*

Matrimonij impedimenta.

45. Impedimenta non solum impediencia, sed etiam dirimentia matrimonium, iure antiquo sunt 12. iure nouo 14. quippe Concil. Trident. duo addidit, raptum scilicet, & absentiam Parochi, & testium. Hæc autem omnia his versibus continentur:

*Error, conditio, votum, cognatio, crimen,
Cultus disparitas, vis, ordo, ligamen, honestas,
Sis affinis, si forte coire nequibis,
Si Parochi, & duplicis desit presentia testis,
Raptæve sit mulier, nec parti reddita tuta:
Hæc facienda vetant connubia, facta retractant.*

Dicuntur autem hæc impedimēta dirimere matrimonium: quia faciunt, ut inualidè contrahatur, & contrahentes separari possint, eo quod inualidè contraxerint. *tom. 1. pag. 270. num. 9.*

46. Sunt & alia impediencia duntaxat, sed non dirimentia matrimonium, nempe interdictum, votum, sponsalia, catechismus, & crimen, quæ his Versibus includuntur.

*Ecclesia vetitum, nec non tempus feriatum,
Atque catechismus, sponsalia, iungito votum,
Impediunt fieri, permittunt facta teneri.*

Quibus adde alia septem ex crimine manantia,

*Incestus, raptus sponsata, mors mulieris,
Susceptus propria sobolis, mors presbyteralis,
Vel si poeniteat solemniter, aut monialem*

Accipiat; prohibent hæc coniugium sociandum.
De singulis agendum, ac primum quidem de dirimentibus.

Error.

47. Triplex est error in matrimonium cadens. 1. circa substantiam

stantiam, seu personam, vt si quis ducat Bertam, credens esse Catharinam. 2. circa conditionem, vt si quis ducat seruam, quam putabat esse liberam. 3. circa qualitatem, vt si quis ducat pauperem, vel defloratam, ratus esse diuitem, aut virginem. *ibid. n. 1.*

48. Inualidū est matrimoniū contractū cum errore circa substantiā, iure positio, & naturali: quia cum illo errore non subsistit consensus; nihil quippe est magis contrariū consensui quā error, quia nihil appeti potest à voluntate, nisi agnoscat. *ib. n. 2.*

49. Matrimonium contractum cum errore circa qualitatem, non est inualidum: hic enim error non impedit voluntariū quoad naturam, & substantiam rei. Modò qualitas circa quam erratur, non fuerit apposta in contractu per modū conditionis, vt si quis dicat: *Duco te in uxorem, si es diues, vel nobilis*: tunc enim error circa qualitatem irritaret matrimoniū. Modò etiam error qualitatis non transeat in errorem personæ, vt si qualitas in qua erratur, respiciat certam, & determinatam personam, distinctam ab ea, quæ præsens est, v.g. si Berta contrahat cum Titio, qui se fingebat filium Regis Hispaniarum. Secūs si se fingebat tantum filium Regis, non explicans cuius Regis esset filius: tunc est error solus qualitatis. *ibid. n. 5. & pag. 271. n. 6. & 7.*

50. Matrimonium contractū cum errore circa conditionem non est inualidū, quando persona, cū qua contrahitur, est æqualis, aut melioris conditionis. Hinc fit, vt seruus contrahens cum serua, quam putabat esse liberā, aut contrahens cum libera, quā putabat seruā, validè contrahat: quia nulla est hic inæqualitas, vel iniuria. At si cōditio errantis fiat deterior, vt si liber contrahat cum serua, quam putabat esse liberam, inualidum est matrimonium; nisi post cognitam seruitutem interueniat nouus consensus, & copula affectu maritali. *tom. 1. pag. 271. num. 1. & seq.*

Conditio.

51. Filij sequuntur conditionem matris, id est, nascuntur serui, si mater est serua, nascuntur liberi, si mater est libera, iuxta illud vulgatum: *Partus sequitur uterum*. Non tamen illam sequuntur quoad honores, & nobilitatem; sed potius sequuntur patrem. Porro quando mulier prægnans se vendit, filius conceptus ante venditionem est liber: quia mater tempore conceptionis erat libera. Secus si iure belli fiat serua; tunc enim fœtus fit seruus cum matre, quamuis tempore conceptionis esset libera. *tom. 1. pag. 272. num. 10. & 12.*

Votum.

52. Votum castitatis emissum per professionem validam in religio

religione approbata, dirimit matrimonium etiam consummatum, contractum post ipsam professionem. Hoc est de fide definitum in Concil. Viennensi. Item professio facta in religione approbata dirimit matrimonium celebratum ante ipsam professionem; modò non sit consummatum. Ita definitum fuit in Conc. Trid. *sess. 24 cap. 4.* Atque ita licebit Bertæ, v.g. quæ nupsit Titio, post coniugis professionem factam ante matrimonium consummatum, alteri nubere; non tamen ante professionem. Quod ut intelligas, nota, utriusque coniugi post contractum matrimonium, sed nondum consummatum, concessum fuisse spatium duorum mensium ad deliberandum de ingressu religionis, quo tempore potest alter alteri petiti negare debitum, & religionem ingredi, etiam altero invito; elapso verò bimestri peccat non reddendo debitum petenti. Si tamen post bimestre religionem ingrediatur, & profiteatur ante consummatum matrimonium, valide proficitur, & professio dissolvit matrimonium. *tom. 1. p. 273. n. 4. & 5.*

53. Matrimonium consummatum non dissolvitur per sequentem professionem, etiam si consummatum fuerit intra bimestre, & per vim: coniuges enim per matrimonij consummationem facti sunt una caro, quæ non est diuidenda, nisi per mortem alterius. Sponsa tamen per vim cognita intra bimestre quod datur ad deliberandum, ut probabilior fert sententia, potest adhuc ingredi religionem: par enim non est ut ob iniuriam sibi illatam, damnum patiatur. *ibid. n. 7. & 8.*

54. Inualida est professio, quam alter coniugum emisit bona fide, credens alterum periiisse; propterea professus postquam cognovit alterum esse superstitem, debet ad illum reuerti, illique reddere debitum petenti; ipse tamen petere non poterit: quia hæc professio licet inualida, habet vim simplicis voti. At in casu perperæ diuortij, potest coniux innocens ingredi religionem, & valide profiteri, aut sacros Ordines suscipere, altero invito. *ibid. n. 10.*

55. Potest uterque coniux post consummatum matrimonium de communi consensu ingredi religionem, & profiteri, aut continentiam vouere. Neque opus est ut uterque ingrediatur, & profiteatur simul; tamen post alterius professionem, tenetur alter ingredi, & profiteri, cum non possit in sæculo manere, nisi sit prouectæ ætatis, & continentiae votum emittat de consensu Episcoporum. *ibid. n. 11. & pag. 274. n. 12.*

Cognatio.

56. Inualidum est saltem iure Ecclesiastico, matrimonium celebratum inter consanguineos intra quartum gradum inclusiue, tam in linea recta, quam in transuersali. At iure naturæ, matrimonio

matrimonium in linea recta est irritū in primo tantū gradu. Iure autem diuino prohibitum olim fuit, *Leuitic. 18.* matrimonium in primo, & secundo gradu : sed modò non est inualidum in secundo gradu, iure diuino: quia lex vetus fuit abrogata. Quare matrimonium contractum ab infidelibus in secundo gradu etiam lineæ rectæ, validum est; quia infideles non subsunt impedimenti iure Ecclesiastico inductis. *tom. 1. p. 275. n. 7. & seq.*

57. Initio mundi matrimonium fratris cum sorore fuit validum propter necessitatem naturæ humanæ conseruandæ Immodò in casu extremæ necessitatis pater contrahere posset cum filia, vel mater cum filio: hoc enim matrimonium potest cohonestari ob bonum cōmune, & humani generis necessitatem. Eam ob rē Patres à culpa excusant filias Loth carnaliter cognitās à patre, quia nullum alium superstitem esse arbitrabantur. *ibid. n. 12.*

58. Ex dictis patet Summum Pontif. dispensare posse in 2. 3. & 4. gradu consanguinitatis; cū in his gradibus matrimoniu; iure naturæ, irritum non sit: ac proinde validum esse matrimoniu; inter patruum, seu auunculum, & filiā fratris seu sororis, ex dispensatione Summi Pontif. *tom. 1. p. 276. n. 13 & 14.*

59. Cognatio spiritualis in Baptismo contrahitur inter baptizantem, & baptizatum; inter baptizantem, & patrem, ac matrem naturalē baptizandi, & inter susceptores, & patrem, ac matrem baptizati. Inter ipsos autem susceptores nulla cognatio contrahitur: quare patrinus potest matrimonium contrahere cum ea cum qua simul alienum filium suscepit. *ibid. n. 2. & seq.*

60. Ad contrahendam cognationem in Baptismo, aut Confirmatione hæc requiruntur. 1. vt teneatur infans in Baptismo: propterea quando puer est domi baptizatus, & in Ecclesia suppleantur solemnitates, non contrahitur cognatio ab eo qui puerum suscipit in Ecclesia; quia non dicitur susceptor in Baptismo. 2. vt Baptismus solemniter administretur; propterea suscipiens puerum in Baptismo priuatim administrato, non contrahit cognationem spirituales. Priuatim tamen baptizans contrahit cognationem, etiam si sit laicus; quia ex vero Baptismo confurgit cognatio spiritualis, quæ matrimonium impedit, ac dirimit. 3. vt susceptores suscipiant puerum de manibus baptizantis, statim ac baptizatus est; quare commater suscipiens infanē de manibus compatris, non contrahit cognationem; quia non dicitur suscipere de sacro fonte 4. requiritur contactus, ita vt suscipiens, seu tenens, verè dicatur tenere: quare qui tantū assistit baptizato, cūque non tangit, cognationem non contrahit. 5. vt susceptor intentionem habeat præstandi munus patrini. 6. vt non adsit error personæ. 7. vt baptizans, seu suscipiens sit

baptizatus. *ibid.* n. 8. & seq. & pag. 277. n. 11. & seq.

61. Quando multi tangunt simul puerum in Baptismo, omnes contrahunt cognationem: si verò tangunt successiue, solus primus tangens contrahit cognationem: quia primus functus est munere patrini, & Concil. Trid. vnũ tantum susceptorem, vel ad summum vnum, & vnã requirit. *tom.* I. pag. 278. n. 24. & seq.

62. Qui mittit procuratorem ad suscipiendum infantem, contrahit cognationem, non autem ipse procurator: quia procurator non agit proprio nomine, sed mittentis; illique imputantur acta per procuratorem; nam qui per alium facit, per se ipsum facere censetur. *tom.* I. pag. 278. n. 34.

63. Cognatio legalis est propinquitas orta ex adoptione. Est autem *adoptio* legitima assumptio extraneæ personæ in filium; vel nepotem, &c. vel in filium, aut nepem, &c. Debètque adoptans esse propectæ ætatis, itavt possit esse pater carnalis adoptati. Porro fœmina absque priuilegio non potest adoptare, *tom.* I. p. 279. n. 1 & seq.

64. Cognatio legalis impedit, & dirimit matrimonium, 1. inter adoptantem, & adoptatũ, & adoptati descendentes vsque ad quartum gradum. 2. inter vxorem adoptantis, & adoptatum, & vice versa inter vxorem adoptati, & adoptantem. 3. inter filios adoptantis, & adoptatum: hoc tamen impedimentum non perpetuo durat: nam si filij adoptantis emancipentur, vel si pater eorum moriatur, cessat cognatio; atque adeo impedimentum. *ibid.* n. 5.

65. Quando plures ab vno eodẽque adoptantur, possunt inter se matrimonium inire. Item adoptatus potest contrahere cum filia illegitima adoptantis: quia soli filij legitimi cognationem contrahunt. Porro per cognationem legalem superuenientem sponsalia dissoluuntur. *ibid.* n. 7.

Crimen.

66. Crimen seu adulterij, seu homicidij impedit, ac dirimit matrimonium iure Ecclesiastico. Vt autem crimen homicidij inducat impedimentum dirimens, hæ conditiones requiruntur: vt maritus occidat vxorem, vel vxor maritum. 2. vt vir & fœmina, qui matrimonium contrahunt, conspirauerint in necem coniugis occisi. 3. vt hæ conspiratio facta fuerit in hunc finem, vt mortuo coniuge, conspirantes possent inter se matrimonium, inire. 4. vt mors sequatur. *tom.* I. pag. 280. n. 2. & seq.

67. Vt adulterij crimen inducat impedimentum dirimens requiritur vel adulterium cum homicidio, vel adulterium cum
matrimonio,

matrimonio, vel adulterium cum promissione matrimonij. Quare qui adulterium committit, & promittit illi cum qua adulteratur, se post mortem coniugis cum ea contracturum, non poterit mortuo coniuge, validè cum ea matrimonium contrahere, siue promissio facta fuerit ante adulterium, siue post, siue cum iuramento, siue sine iuramento. Secus dicendum si promissio facta fuit animo decipiendi; tunc enim in foro conscientie non inducit impedimentum. *ibid. n. 8. & pag. 281. n. eod.*

68. Promittens & acceptans matrimonium post dissolutionem presentis matrimonij, seu post mortem coniugis, mortaliter peccant: quia datur ansa captandæ mortis coniugis, sicque habetur in iure. Estque huiusmodi promissio non tantum illicita, sed etiam inualida. *tom. 1. pag. 281. n. 10. & 11.*

Cultus disparitas.

69. Matrimonium fidelis cum infideli, iure Ecclesiastico est inualidum. Inter fidelem verò, & hæreticum, vel apostatam, vel excommunicatum, validum est; nullo enim iure irritatur. Contrahens tamen cum hæretico, graviter peccat, tum propter Ecclesiæ prohibitionem; tum propter periculum perversionis, nisi in quibusdam locis hoc sit consuetudine receptum, ut in Germania, & Gallia. *tom. 1. pag. 282. num. 2.*

70. Quando alter coniugum infidelium convertitur ad fidem, altero persistente in infidelitate, potest matrimonium dissolvere, si infidelis nolit habitare cum fidele, ut patet ex 1. Cor. 7. aut quado infidelis vult quidem habitare cum fidele, sed non sine iniuria Creatoris, quando scilicet infidelis compellit fidelem ad peccatum, vel non vult nomen Christi audire nisi cum despectu; vel quando nomen Dei blasphematur, vel impedit cultum, & honorem Dei, & familiam à Christi fide nititur revocare. Immo si infidelis nolit ad fidem converteri, probabilius est fidelem posse matrimonium dissolvere propter periculum perversionis: tuncque licere utrique aliud matrimonium celebrare. *ibid. n. 4. & seq.*

Vis, seu metus.

71. Matrimonium celebratum per metum gravem, seu causentem in constantem virum, est inualidum iure Ecclesiastico, modò metus sit iniuste incussus: nam metus iuste incussus à iudice non irritat matrimonium: quare validum est matrimonium contractum ab eo qui sub gravi pœna cogitur à iudice contrahere, & stare sponsalibus antea celebratis, quæ ille nolebat adimplere: nam iuste cogitur ob culpam, cum teneatur matrimonium inire, & perficere sponsalia. *tom. 1. pag. 284. n. 8. & 13.*

D d 5 72. Sponsus

72. Sponsus qui metum incussit, potest à matrimonio resilire antequàm alter, qui metum passus est, ratificet priorè consensum, qui non erat sufficiens ad validitatè matrimonij: quia non tenetur stare matrimonio ante sententiàm iudicis. *to. 1. pag. 286. n. 33.*

73. In Concilio Trid. *sess. 24. cap. 9.* lata est excommunicatio contra dominos temporales, magistratus, & alios, qui subditos, vel alios quoscumque directè, vel indirectè cogunt ne matrimonia liberè contrahant. *ibid. n. 34.*

Ordo.

74. Ordines maiores, validè, & sine gravi metu suscepti, dirimunt iure Ecclesiastico, matrimonium subsequens. Sic definitum est de fide in Conc. Trid. *sess. 24. can. 9. c. unic. de voto.* Matrimonium verò antea contractum non dirimitur per suspensionem sacri Ordinis: sic enim definitum est in quadam Extrauag. Ioan. XXII. *de voto tom. 2. pag. 287. n. 8. & 12.*

75. Græcis sacerdotibus nunquam licuit matrimonium contrahere: permixtum tamen est Græcis iam coniugatis suscipere sacros Ordines, & vti matrimonio ante susceptos Ordines celebrato. *ibid. n. 13.*

76. Vir coniugatus potest sacros Ordines suscipere. 1. quando potest facere diuortium quo ad totum, & habitationem, aut religionè intrare etiam inuita coniuge. 2. quando accedit liber, & legitimus vxoris consensus. Qui verò absque legitimo vxoris consensu sacros Ordines suscepit, non potest quidem petere debitum, propter votum castitatis sacris Ordinibus adnexum; potest tamen reddere vxori petenti: nam ipsa non fuit priuata suo iure. *tom. 1. pag. 288. num. 18. & 19.*

77. Vir coniugatus potest ad Episcopatum promoueri, si vxor consentiat, & religionem ingrediatur, in eaque professionè emitat. Vxor verò quæ voto castitatis emisso, licentiam coniugij dedit suscipiendi sacros Ordines, seu Episcopatum, vel Cardinalatum, mortuo coniuge, nec licitè, nec validè potest nouum matrimonium inire. *ibid. n. 21. & 22.*

Ligamen.

78. Ligamen dicitur vinculum prioris matrimonij, quo durante, posterius matrimonium est inualidum, non modò iure Ecclesiastico, sed etiam naturali, & diuino: res enim vni tradita, non potest amplius alteri tradi, & Matth. 19. dicitur: *Quicumque dimiserit uxorem suam, & aliam duxerit, mœchatur: vnde sic licet argumentari: si dimittens uxorem mœchatur aliam ducendo, multò magis mœchatur qui ducit aliam, priore retenta,*
consc

consequenter matrimonium cum secunda est inualidum. In veteri tamen lege ex dispensatione diuina licuit plures vxores ducere: quæ dispensatio fuit à Christo reuocata, quare Summus Pontif. non potest in pluralitate vxorum dispensare. *ibid. n. 2.*

Et 3. pag. 289. n. 4.

79. Inualidum est iure naturæ matrimonium vnus fœminæ cum pluribus viris: impeditur enim procreatio prolis per seminum commistionem; & si proles inde nascatur, non bene educabitur propter illius incertitudinem, neque hac in re fuit vnquam dispensatum. *tom. 1. pag. 289. n. 9.*

80. Vt coniux superstes possit cum alio matrimonium inire, requiritur certitudo moralis, seu tanta quanta iudicio prudentis viri sufficit ad credendum certò priorem coniugem obuisse; alioquin contrahens exponit se periculo adulterij. Ob id præcipitur Prælati ne permittant matrimonium contrahi, donec certus nancius de morte alterius coniugis perferatur. *ibid. n. 12. Et seq.*

81. Vxor quæ contraxit matrimonium cum secundo, credens priorem virum mortuum esse, tenetur recedere à secundo, postquam cognouit priorem esse superstitem: nam posterius matrimonium est inualidum. In dubio autem an sit superstes, nō potest petere debitum: tenetur tamen alteri petenti reddere quamdiu id non constat. *ibid. n. 17.*

Publica honestas.

82. Impedimentū publicæ honestatis sic appellatur, eò quod æquum sit propter publicā honestatem & decentiam, vt matrimonium inter aliquas personas impediatur, quæ factæ sunt sibi propinquæ ob sponsalia, vel matrimonium. *tom. 1. pag. 290. n. 1.*

83. Ex sponsalibus validis & certis oritur iure Ecclesiastico impedimentum publicæ honestatis, dirimens matrimonium cū cōsanguineis alterius spōsæ in primo gradu. Quare si quis post sponsalia celebrata cum Berta matrimonium contraheret cum illius sorore, vel matre, vel filia, inualidè contraheret. *ibid. n. 2.*

84. Impedimentum publicæ honestatis contractum ex sponsalibus validis non cessat, licet sponsalia mutuo contrahentium consensu dissoluantur: quia impedimēta matrimonij non pendunt à voluntate contrahentium, sed ab Ecclesia, quæ statuit, vt impedimentū publicæ honestatis consurgat ex sponsalibus valide celebratis. *ibid. n. 7.*

85. Qui celebravit sponsalia cum Berta, & postea cōpulam habuit cum sorore Bertæ, neutram potest sibi matrimonio iungere; quia impedimentum publicæ honestatis, & impedimentū affinitatis concurrunt. *ibid. n. 8.*

86. Impe

86. Impedimentum publicæ honestatis confurgit etiam ex matrimonio rato vsque ad quartum gradum. Vnde vir, mortua vxore ante consummationem matrimonij, non potest ducere consanguineam vxoris vsque ad quartum gradum: sicut enim Pius V. declarauit. Idque verum est etiam si matrimonium ratum sit inualidum, modò non sit inualidum defectu consensus. Quare impedimentum publicæ honestatis videtur oriri ex matrimonio contracto sine Parocho, & testibus: quia hoc matrimonium non est inualidum defectu consensus, sed defectu solemnitatis ab Ecclesia præscriptæ. Oritur item impedimentum publicæ honestatis ex matrimonio inualido propter impedimentum dirimens; quia non est inualidum defectu consensus. *ibid. num. 9. & 10. & pag. 291. num. 11. 18. & 19.*

87. Hoc est discrimen inter impedimentum publicæ honestatis, & cætera impedimenta, quòd cætera superuenientia sponsalibus dirimunt sponsalia; publica verò honestas superueniens sponsalibus illa non dissoluit. *tom. 1. pag. 291. n. 21.*

88. Ad Summum Pontif. pertinet dispensare in impedimento publicæ honestatis. At quando concurrir cum impedimento affinitatis, vtrumque explicandum est, saltem implicite, in petitione dispensationis: quia sunt duo impedimenta sibi inuicem non subordinata. *ibid. num. 22.*

Affinitas.

89. Affinitas est vinculum, seu propinquitas orta ex carnali copula licita, vel illicita: quando enim vir & mulier se carnaliter cognoscunt, fiunt affines cum consanguineis alterius, in gradu, in quo sunt ipsi consanguinei inter se. Consanguinei autem vtriusque non fiunt inter se affines; propterea duo fratres ducere possunt duas sorores. *tom. 1. pag. 292. n. 1. & 2.*

90. Affinitas dirimit matrimonium, saltem iure Ecclesiastico, siue confurgat ex copula licita, siue illicita. Ex copula tamen licita oritur impedimentum dirimens vsque ad 4. gradum, ex illicita verò vsque ad secundum. *ibid. n. 6.*

91. Affinitas propriè non oritur ex matrimonio rato non consummato: nam ad inducendam affinitatem requiritur seminis emissio intra vas. *tom. 1. pag. 293. n. 18.*

92. Quando quis post matrimonium contractum copulam habet cum sorore coniugis, non potest à coniuge petere debitum propter affinitatem cum ea contractam. Præterea mortua coniuge, non potest aliam ducere, & si ducat, non potest ab ea debitum petere absque dispensatione. *ibid. num. 20.*

Impotentia

Impotentia.

93. Impotentia perpetua dicitur ea, quæ non potest arte humana, vel absque probabili vitæ periculo remoueri. Ex triplici autem capite oriri potest. 1. ex improporzione naturali, ut quædo fœmina ita est arcta ut non possit à viro carnaliter cognosci: fieri tamen potest, ut sit impotentia respectu vnus, non autem respectu alterius. 2. ex frigiditate, quando scilicet copula præ frigiditate consummari, & semen emitti non potest; atque hoc impedimentum prouenire solet à viro. 3. ex maleficio perpetuo; dicitur autem perpetuum, quando coniuges post experientiam trium annorum, adhibitis conuenientibus remediis, non poterunt copulam habere. *tom. I. pag. 294. n. 1. & seq.*

94. Fœmina arctior, quæ incisione fieri potest apta proprio viro, tenetur pati incisionem, etiam cum graui dolore; non tamen cum grauissimo morbi incommodo: matrimonium tamen validum est; quia hæc non censetur impotentia perpetua, cum arte humana tolli possit absque vitæ periculo, ut supponitur; quamuis ipsa nolit, aut non teneatur incisionem pati. *ibid. num. 7.*

95. Fœmina dissoluto matrimonio causâ frigiditatis, potest alium virum ducere: quia ipsa non censetur impotens, sed eius vir. Facta autem separatione, vir non potest cum alia matrimonio inire; quod si ineat, inualidè init: cum enim à prima separatus sit per sententiam Ecclesiæ, præsumitur adhuc ineptus propter frigiditatem. *ibid. num. 8.*

96. Impotentia perpetua antecedens matrimonium dirimit matrimonium iure Ecclesiastico & naturali, ex quacumque causa proueniat: quia cum impotentia perpetua coniuges fieri non possunt vna caro, & matrimonium ex sua natura ordinatur ad copulam, quæ redditur impossibilis per impotentiam perpetuam. *tom. I. pag. 295. n. 12.*

97. Inualidum videtur matrimonium contractum cum senecrepite, qui est omnino impotens ad copulam, & matrimonium consummandum: hic enim censendus est habere impotentiam perpetuam. Item contractum cum eunuchis, vel spadone, qui scilicet caret semine, est irritum ex declaratione Sixti V. cum enim careat utroque teste, ut suppono, non potest emittere verum semen. Idem sentiendum de habentibus utrumque testem ita contractum, ut sint inepti ad veri seminis emissionem. Secus dicendum de eunuchis qui altero tantum carent teste; sunt enim apti ad generationem. *ibid. n. 18. & 19.*

98. Coniuges quibus constat adesse impotentiam perpetuam, non possunt debitum perire, vel reddere, ut de iuri taci-
osephus

oculis, &c. in modo dissoluendum est matrimonium, non expectato triennio, si planè constet adesse impotentiam perpetuam: quia actus coniugales, matrimonio inualido exerceri non possunt. In dubio autem an impotentia sit perpetua; permittendi sunt coniuges cohabitare per triennium, quo tempore si nequeat matrimonium consummare, separandi sunt propter periculum incontinentiæ, cum inualidum sit matrimonium. At secluso incontinentiæ periculo, iura permittunt, ut vir habeat tanquam sororem, quam non potest habere ut uxorem, *tom. 1. pag. 296. n. 29.*

99. Vir qui ex præsumptione impotentiae perpetuae sacros Ordines suscepit, remanente uxore in seculo, restituendus est uxori petenti, postquam cognoscitur impotentia non esse perpetua: quia vinculum matrimonij adhuc perseverat. Ipse tamen non poterit petere debitum propter votum castitatis sacris Ordinibus adnexum. *ibid. n. 24.*

100. Hermaphroditus in quo alter sexus præualet, potest matrimonium inire iuxta sexum, qui in ipso præualet. At si sexus sit æqualis, & neuter præualeat, potest eligere utrum sexum ipse voluerit, & secundum illum contrahere matrimonium: facta autem semel electione sexus, & contracto iuxta illum sexum matrimonio non potest absque graui peccato mutare sexum. *ibid. num. 26. & seq.*

Impedimenta non dirimentia.

101. Quinque sunt impedimenta non dirimentia, sed tantum impediencia matrimonium contrahendum, ut videlicet, Interdictum, sponsalia, catechismus, vorum, crimen. *tom. 1. pag. 297. n. 1.*

102. Interdictum est prohibitio, qua certo anni tempore interdicitur ab Ecclesia matrimonium: contrahens autem cum hac prohibitione peccat mortaliter. Porro Ecclesia vetat matrimonia celebrari à primo die Aduentus vsque ad Epiphaniam, & à 4. feria Cinerum vsque ad octauam Paschæ inclusiue, quod tempus incipit à media nocte; quæ præcedit primam Dominicam Aduentus, & à media nocte ante feriam 4. Cinerum, iuxta ritum Romanum. His tamen temporibus de licentia Ordinarij possunt sponsalia & matrimonia sine solemnitate celebrari. Non potest item præfatis temporibus benedictio solemniter fieri absque culpa lethali; & Sacerdos tunc temporis benedicens grauem poenam meretur. *ibid. n. 2. & seq.*

103. Secundum impedimentum impediens matrimonium, sunt sponsalia prius cum alio celebrata: qui enim contraxit sponsalia grauem contraxit obligationem seruandi fidem, cum sponsalia sunt promissio matrimonij, obligas sub peccato mortis. Hinc sequitur

sequitur eum, qui vni promisit matrimonium, non posse cum alia matrimonium contrahere, nisi prioribus sponsalibus dissolutis. *ibid. num. 5.*

104. Tertium impedimentum est catechismus, id est, instructio de rebus fidei, quæ sit solemniter ante ianuam Ecclesiæ, super baptizando, vel iam baptizato, ex qua tenens puerum contrahit cognationem spirituales imperfectam, quæ nondirimit, sed impedit matrimonium. Est autem probabile hoc impedimentum à Concil. Trid. *sess. 24. cap. 2.* fuisse sublatum, cum ibi nullam eius faciat mentionem. *ibid. n. 6.*

105. Quartum impedimentum est votum simplex castitatis, vel ingrediendæ religionis, vel sacrorum Ordinum suscipiendorum, vel non nubendi. Quamuis autem grauiter peccet violans huiusmodi votum; validum tamen est matrimonium ab eo contractum: res enim vni promissa potest alteri validè tradi. Porro interroganti an validum sit matrimonium cum huiusmodi voto celebratum, responderi potest verbis ambiguis, & cum æquiuocatione, si sit periculū ne interrogans, audita veritate, contrahat matrimonium: quilibet enim tenetur proximi scandalū, & ruinam euitare. Si verò non possumus interrogantē eludere, possumus veritatem aperire, explicata grauitate delicti, & sacrilegij, quod committitur ab eo, qui huiusmodi voto obstrictus audeat ad matrimonium animum adiacere. *tom. 1. pag. 298. n. 7. & 8.*

106. Quintum impedimentum est crimen. Est autem multiplex. Primum crimen est *incestus*, id est, fornicatio cum affine in gradu prohibito: quare vir qui sciens commisit incestum cū cōsanguinea vxoris vsque ad quartum gradum, nō potest mortua vxore contrahere matrimonium. quamuis incestus sit occultus; idem dic de vxore. Hoc impedimentum extenditur ad copulam habitam cum cōsanguinea sponsæ in primo gradu, ratione publicæ honestatis. Quare sponsus de futuro copulam habens cum cōsanguinea sponsæ in primo gradu, non potest transire ad matrimonium de presenti absque dispensatione, nō modò cum sua sponsa, propter affinitatem, sed neque cum alia. Hoc tamen impedimentū non est perpetuum, sed durat tātūm viuente complice, cum qua copulam habuit. *ibid. n. 9. & seq.*

107. Secundum crimen est *raptus aliena sponsa*: qui enim rapit alienam sponfam siue de futuro, siue de presenti, contrahit impedimentum, ita vt non possit non solū contrahere cum rapta, sed neque cum alia. Ipsa etiam sponsa, quæ suum consensū præbuit raptori, impeditur ne possit cum alio matrimonium contrahere. *ibid. n. 13.*

108. Tertium crimen est *homicidium vxoris*, ita vt qui propriam

priam vxorem occidit, non possit cum alia matrimonium inire; nisi illam occidat in flagranti delicto adulterij; tunc enim impune per leges occidit, quamuis peccet in conscientia. Hoc crimen non extenditur ad homicidium viri patratum ab vxore. *ibid. n. 14. & pag. 299. num. 16.*

109. Quartum est, quando quis, suscipit in Baptismo filium proprium, vel filium coniugis, aut illum baptizat malo animo, vt contrahat cognationem cum coniuge, ne debitum reddat; hic enim contrahit impedimentum, ne mortuo coniuge possit cum alio matrimonium inire. *tom. I. pag. 299. num. 17.*

110. Quintum est homicidium Sacerdotis, de quo fuit homicida in iudicio conuictus. Sextum est *pœnitentia publica*. Septimum est *matrimonium scienter contractum cum Moniali professæ*: qui enim huiusmodi matrimonium contrahit, non solum inualidè contrahit, verum etiam impeditur, ne cum alia contrahat. Ceterum qui cū hisce impedimentis contrahit matrimonium, validè quidè contrahit, grauiter tamen peccat, quia facit contra prohibitionē Ecclesiæ in re graui. *ibid. n. 18. & seq.*

Cuius sit in impedimentis dispensare?

111. Nullus, ne ipse quidem Summus Pontif. potest dispensare in impedimentis iure naturali matrimonium dirimentibus. Quare probabile est Pontificem non posse in vllō gradu lineæ rectæ, aut in primo lineæ transversæ validè dispensare. In impedimentis autem solo iure humano dirimentibus, potest. *ibid. n. 1. & 2.*

112. In impedimentis non dirimentibus potest Episcopus dispensare, excepto voto castitatis, & religionis absoluto, & perfecto. Immò potest aliquando Episcopus in impedimentis dirimentibus dispensare, quando scilicet impedimentum est occultum, & matrimonium publicum, nec coniuges possunt absque magno scandalo separari, nec ad Summi Pontif. vel eius Nuntium propter paupertatem, aut locorum distantiam patet recursus. Item potest Episcopus dispensare in impedimentis, quæ superueniunt matrimonio, & impediunt debiti petitionem. Denique ex vrgentissima necessitate potest in impedimentis dirimentibus dispensare per se, vel per alium, etiam ante contractum matrimonium, vt cum iam parata sunt omnia ad nuptias eo die celebrandas, & deprehenditur ex confessione impedimentum dirimens, nec sine graui infamia, aut suspitione grauis delicti, possunt nuptiæ differri. *ibid. n. 3. & seq.*

113. Quando à sacra Pœnitentiaria conceditur Confessario facultas dispensandi cum aliquo in impedimentis matrimonij, delictum

delictum debet esse occultum, neque deductum ad forum contentiosum, valéque dispensatio tantum in foro conscientiae, Porro si impedimentum est huiusmodi ut possit detegi. & in iudicio probari, celebrandum est iterum matrimonium coram Parocho. & testibus. Secus si est planè occultum, nec ulli notum. *tom. 1. pag. 300. num. 7.*

114. Confessarius non tenetur admonere poenitentem qui inualidè contraxit matrimonium ex ignorantia inuincibili iuris, vel facti, quando nullum sperat fructum ex admonitione, aut videt remedium esse difficillimum, modò tamen non sit periculum damni cõmunis, ut accidit, quãdo populus nouit huiusmodi impedimentum, & inde scandali occasionem sumit. *ibid. n. 4.*

115. Parochus, seu alius Sacerdos non potest matrimonio iungere eos, quos nouit extra confessionem obstrictos esse aliquo impedimento etiam occulto, quamuis illi publicè petant matrimonium, aut negent impedimentum: sed Parochus debet Episcopum monere, ne matrimonium contrahatur. Si tamen facta hac denunciatione, compellatur ab Episcopo, non peccat assistendo illi matrimonio, quamuis sciat adesse impedimentum. At si Parochus nouit ex Sacramento Confessionis aliquem habere impedimentum dirimens non potest illi matrimonium denegare, postquam illum admonuit in confessione, ne contrahat. *tom. 1. pag. 301. n. 3.*

Matrimonij usus.

116. Coniux regulariter peccat mortaliter non reddendo debitum alteri, coniugi petenti expressè, aut tacitè, nisi iustam habeat causã non reddendi: quia illud debetur ex iustitia. Hinc sequitur coniugem non posse immoderata vitæ asperitate, & longæ inedia ita extenuare vires, ut debitum coniugale commodè reddere non possit; neque vxor debet se ieiunio, & vigilia macerare, ut deformis, & exosa viro efficiatur, ne det illi occasionem querendi alias. Immodè licet coniugi frangere ieiunium, si debitum aliter reddere non possit. Excusari tamen potest coniux à reddendo debito ex iusta causa, qualis est notabilis infirmitas, aut probabile vitæ periculum. *tom. 1. pag. 302. n. 1. & seq.*

117. Vir non peccat mortaliter petendo debitum à coniuge lactante suam prolem. Vxor autem excusari potest, si neget debitum viro, si aduertat lac futurum valdè peniciosum proli, aut vbera exiccati. Nunquam tamen coniux potest negare debitum, ne filij multiplicentur. Possunt quidem coniuges de communi consensu abstinere à copula, ne filiorum numerus augeatur (seculis incontinentiæ periculo) at coniux non potest abtue

Ee . . . graui

gravi peccato, negare debitum alteri, ne soboles multiplicetur: tum quia facit iniuriam petenti; tum quia facit contra finem matrimonij, qui est procreatio prolis. Excusare tamē potest paupertas à peccato mort. quando coniugibus res familiaris est adeo arcta, ut filios alere non possint. *tom. 1. pag. 303. n. 11. & seq.*

118. Qui sciens contraxit affinitatem, aut cognationem spiritualement cum propriâ vxore post celebratum matrimonium, non potest petere debitum: caret enim iure petendi. Qui in necessitate baptizauit filium communem, aut filium coniugis, non propterea priuatur iure petendi debitum. Secus si extra necessitatem baptizauit: non enim potest petere propter cognationem spiritualement: tenetur tamen reddere petenti: alter enim absque sua culpa non est priuandus suo iure. *ibid. n. 1. & seq.*

119. Coniux, qui post contractum matrimonium factus est affinis, vel cognatus spiritualis alterius coniugis ex ignorantia inuincibili iuris vel facti, vel pœnæ, non priuatur iure petendi debitum: ignorantia enim inculpabilis illum excusat: quem admodum diximus, ignorantiam pœnæ excusare ab excommunicatione, & irregularitate. *tom. 1. pag. 304. n. 6.*

120. Coniux potest, & tenetur reddere debitum coniugi petenti illicitè ob solam circumstantiam personæ; quia scilicet est obstrictus voto castitatis, &c. non enim cooperatur peccato petentis, cum exerceat actum ex sua natura licitum coniugatis: tenetur tamen illum fraternè admonere, ne petat. Petenti autem non solum illicitè, sed etiam iniuste, propter affinitatem contractam, aut adulterium commissum, non tenetur coniux reddere debitum: quia non violat ius illius, cum nullum habeat, nec illi facit iniuriam non reddendo. *ibid. n. 3.*

121. Non potest coniux reddere debitum alteri coniugi petenti illicitè propter circumstantiam, quæ tenet se ex parte actus, ut si petat debitum in Ecclesia, vel loco publico: illa enim circumstantia reddit actum utrique coniugi illicitum. *tom. 1. pag. 305. n. 4.*

122. Coniux tenetur reddere debitum coniugi petenti, licet uterque sit obstrictus voto castitatis: quia per votum non amiserunt mutuum dominium, quod alter in alterius corpus acquisiuit: petens tamen peccat contra fidem Deo datam per votum. At si vouentes castitatem habuerunt intentionem remittendi sibi obligationem mutuam reddendi debitum, iam non licet reddere debitum petenti, qui non habet ius petendi, postquam remisit obligationem reddendi. *ibid. n. 8.*

123. Coniux non tenetur reddere debitum coniugi petenti modo indebito quoad situm, nisi adsit iusta causa ob quam excusetur:

cusetur: petit enim illicitè ob circumstantiam actus. Probabile tamen est non esse negandum debitum coniugi petenti solùm cum peccato veniali: semper enim adest iusta causa reddendi, ne scilicet displiceat petenti, & ne dissensiones, & iurgia oriantur. Quapropter viro petenti tempore menstrui debitum non est denegandum. *ibid. n. 10. 11.*

124. Quando post matrimonium bona fide ab utroque coniuge contractum suboritur scrupulus, & dubium ex leuibus indiciis de validitate matrimonij, potest uterque petere, & reddere debitum: quia iudex in foro externo ita iudicaret: ergo in foro conscientiae idem est iudicandum. *ibid. num. 2.* Si tamen dubium nitatur probabilibus coniecturis, qui dubitat, non potest petere debitum ante adhibitam debitam diligentiam ad explorandam veritatem: at coniugi petenti, nec dubitanti tenetur reddere; quia is, qui non dubitat, habet ius petendi, estque in possessione. *tom. 1. pag. 306. n. 3. Et seq.*

125. Quando constat matrimonium esse inualidum propter impedimentum dirimens, quod non potest manifestari sine infamia, aut vitæ periculo, vel quando eo manifestato adhuc compelleretur coniux per censuras in eo matrimonio permanere, eò quod impedimentum in iudicio probare non possit; tunc potest coniux conscius impedimenti petere dispensationem, si impedimentum est dispensabile, vel ingredi religionem, vel petere diuortium, si adest causa petendi, vel denique habitare cum coniuge, ut frater cum sorore, modò absit periculum incontinentiae. *tom. 1. pag. 307. num. 18.*

Causæ diuortij.

126. Quamvis adulterium non sit causa sufficiens faciendi diuortium quoad vinculum, nihilominus est causa sufficiens diuortij perpetui quoad torum, & habitationem, tam respectu foeminae, quam viri: nam frangenti fidem fides seruanda non est. *tom. 2. pag. 308. n. 2.*

127. Sodomia tam actiua, quam passiuæ, & bestialitas, est causa sufficiens diuortij, tam in foemina quam in viro: quia per hæc nefanda crimina diuiditur caro coniugis cum carne bestiae, aut alterius; modò hoc peccatum committatur cum alio, quam cum proprio coniuge: caro enim coniugum non diuiditur, nisi per copulam cum alio. Vxor tamen si sollicitetur à viro ad peccatum Sodomiae, potest discedere ad tempus propter periculum animæ, donec vir respiscat: non tamen sufficientem habet perpetui diuortij causam. *ibid. n. 4.*

128. Coniux innocens potest, secluso scandalo, priuata au-

toritate facere diuortium ab adultero, siue delictum sit publicum, siue occultum: quia iure naturæ frangenti fidem nulla debetur fides. In foro tamen externo cogetur ad coniugem redire, donec de adulterio constet. Hinc colligi potest coniuges, qui contraxerunt inualidè propter impedimentum dirimens, posse in conscientia facere diuortium priuata auctoritate, modò absit scandalum, quod potest vitari, si alter coniugum in longinqua se recipiat. *ibid. n. 10. & 12.*

129. Coniux innocens tenetur aliquando sub peccato mortali cum vxore adultera facere diuortium. 1. si ex illo diuortio speret emendationem, & fructum: cum enim vir si caput mulieris, tenetur corrigere delinquentem. 2. vt vitet scandalum, ne ipse existimetur concilius, & fautor delicti, si alia ratione, quam per diuortium, obuiam ire scandalo non possit. *ibid. n. 13. 1.*

130. In quibusdam casibus non licet propter coniugis adulterium facere diuortium. 1. quando vterque coniux commisit adulterium: paria enim delicta mutata compensatione abolentur. 2. quando vir vxori dedit causam proximam adulterandi, aut quando conscius adulterij non vult prohibere, cum possit. 3. quando vxor commisit adulterium tantum materialiter, rata se copulam habere cum proprio viro, aut credens priorem virum obuisse. 4. quando vxor per vim passa est stuprum. 5. quando coniux innocens alteri condonauit adulterium. *ibid. n. 14. & pag. 309. n. eod.*

131. Coniux innocens, facto diuortio, potest cogere adulterum, vt ad se redeat: quia sententia diuortij lata est in pœnam adulteri, & in fauorem innocentis; quare adulter tenetur ad illud redire, modò alterutrius status non sit mutatus per professionem in religione, vel per sacrorum Ordinum susceptionem: est enim ille status immutabilis. *ibid. n. 16.*

132. Coniux adulter occultus potest petere debitum ab altero coniuge ignorante suum adulterium: quia ipse non tenetur suum delictum manifestare, nec pœnam subire ante sententiam iudicis. *ibid. num. 20.*

133. Causæ sufficientes ad faciendum diuortium ad tempus quoad torum, & habitationem sunt hæc. 1. est sæuitia mariti, nisi ab ipso detur sufficiens cautio de non offendenda coniuge. Hæc autem sæuitia præsumi potest, quandiu vir retinet concubinam domi, vel etiam extra domum; hæc enim est multarum rixarum seges. 2. est furor alterius coniugis. 3. quando alter coniugum tentauit alterum occidere. 4. quando alter alterum instigat ad peccandum, nec monitus desistit. 5. quando delictum alterius coniugis potest esse alteri causa grauis damni, vt si vxor sit venefica.

venefica. 6. causa est lapsus in infidelitatem, vel hæresim. 7. votum communi consensu emissum. Caterum facto diuortio, iure ciuili filij sequuntur partem interuentem.

Peccata in vsu matrimonij contingentia.

134. Multis modis peccari potest in vsu matrimonij iam contracti, vt patet ex his duobus versibus, in quibus habes, quid seruandum sit, tractus coniugalis sit licitus, ac meritorius:

Sit modus, & finis sine damno solue, cohare.

Sit locus, & tempus, tactus, nec spernato votum.

Peccatur contra *modum*, quando non seruatur situs, & modus congregiendi, aut quando non seruatur debitum vas, aut quando semen voluntariè extra vas effunditur. *Finis* debet esse *honestus*, vt procreatio filiorum, fuga incontinentiæ, &c. qui autè in actu coniugali cogitat de aliena vxore, adulteriũ mentale committit in confessione exprimendum. *Sine damno*: dictum est suprà posse negari debitum, si sit periculum grauis morbi, vel damni. Est etiam quædam inhonestas, & turpitudine accedere ad vxorem tempore menstrui, èstque peccatum veniale: accedere autem ad vxorem grauidam cum periculo abortus est peccatum mort. at secluso hoc periculo, non est illicitum. *Solue* designat obligationem reddendi debitum, de quo suprà. Pollutio autem inter coniuges extra vas debitum habet speciem adulterij, èstque circumstantia necessariò in confessione aperienda. *Cohare* significat obligationem cohabitandi, secluso graui damno animæ, vel corporis. *De loco* infrà dicendum. Circa *tempus* nullũ est Ecclesiæ præceptum, nulla prohibitio. *Tactus*, & oscula inter coniuges an sint licita, patebit ex infrà dicendis. *Votum* castitatis arceat petendo debito; non tamen à reddendo. *rom. i. p. 311. n. 5. & seq. p. 312. n. 10. & seq.*

135. Coniux, qui absente coniuge delectatur de actu coniugali præterito, vel etiam futuro, ac si præsens esset, non peccat mortaliter: quia delectatio sumit bonitatem, & malitiam à motiuo, sed motiuum in hoc casu est actus externus coniugij, seu venerea delectatio externa, quæ in coniugatis licita est ratione Matrimonij. Vidua tamen, quæ de actu coniugij præterito, & sponsa, quæ de actu futuro delectatur, mortaliter peccant: quia sicut actus externus sponsæ, aut viduæ non est licitus, ita neque licita est delectatio, quæ ex illo actu percipitur. At desiderium copulæ futuræ tempore matrimonij non est sponsæ illicitum. *rom. i. p. 315. n. 12. & 13.*

136. Tactus, & oscula in coniugatis excusantur à mortali, etiam si fiant ob delectationem absque intentione copulæ con-

Ec 3 iugalis

iugalis, modò absit periculum pollutionis. Idem dicendum de verbis obscœnis, & aspectibus inter coniuges. Inter sponfos autè de futuro, non excusantur à mortali; quia proximè disponunt ad copulam, quæ est illicita. *tom. 1. pag. 317. n. 6.*

137. Coniunctio naturalis facta modo indebito, est peccatum mortale quando interuenit tanta inordinatio, ut generatio sequi non possit: quod quia rarò vsu venit, rarò etiam contingit peccatum mortale; ordinariè tamen est grauissimum peccatum veniale, nisi necessitas excuset, ut quando vir est præpingui, & obeso ventre, aut fœmina est grauida: seclusa verò necessitate, vel iusta causâ, grauius reprehendendi sunt coniuges inuitato modo congregientes. *tom. 1. p. 322. n. 2. & pag. 323. n. eod.*

Ad matrimonium cogentes.

138. In Concil. Trid. *sess. 24. cap. 9.* indicta est excommunicationis pœna ipso facto incurrenda cogentibus ad matrimoniũ celebrandum, seu directè, seu indirectè. *disp. 2. quæst. 2. punct. 6. pag. 159. tom. 3.*

139. Qui graue malum alicui minatur ni matrimonium contrahat, excommunicationem incurrit; quia dicitur cogere. Secus, si leue malum. *ibid. n. 2.*

140. Qui renuit alicui debitum magni momenti soluere, eò quod nolit matrimonium contrahere, in hanc censuram incidit; quia saltem indirectè dicitur cogere. Qui verò gratuita beneficia alicui denegat eo quòd nolit matrimonium inire, non dicitur cogere. *ibid.*

141. Qui officium, pecuniam, vel hæreditatem alicui promittit, si matrimonium contrahat, hac censura non obstringitur, quia non cogit, sed illicit, quod non officii libertati. *ibid.*

142. Per vim aut metum à matrimonio retrahentes sub hac censura non comprehenduntur: quia Concil. loquitur tantùm de cogentibus ad matrimonium. *ibid. n. 3.*

143. Cogentes ad matrimonium celebrandum, iuxta probabiliorẽ sententiam, hanc excommunicationem non incurrunt, nisi iurisdictionem sæcularem, seu tẽporale dominium habeant: quia Concilium de iis tantùm loquitur; vnde sequitur dominum cogentem sua mancipia, & parentes cogentes liberos ad matrimonium contrahendum ab hac censura excusari; quia iurisdictione carent in foro sæculari. Episcopus item hac censura non comprehendi probabile est, nisi habeant temporale dominium, *ibid. n. 4. & seq. pag. 160. tom. 3.*

144. Principes, Senatores, Prætores, Iudices, aliique seu viri, seu fœminæ temporali iurisdictione gaudentes, rei sunt hu-
ius

ius excommunicationis, si ad matrimonium cogant, non tantum subditos suos, sed etiam quoscumque alios. Probabile tamen est ab hac censura eximi Reges, & Imperatores; cum enim sint personæ speciali nota dignæ, non ligantur censura, nisi exprimitur. *ibid. n. 6 & 7.*

Hæc excommunicatio nemini est reseruatæ.

Matrimonium illegitimè contrahentes.

145. In Clementina vnica, *de consanguinit.* excommunicantur, qui scienter in gradibus consanguinitatis, aut affinitatis à iure interdictis, aut cum monialibus contrahere matrimonium non verentur; nec non religiosi, aut moniales, ac clerici in sacris ordinibus constituti, matrimonium contrahentes. *disp. 2. quest. 2. punct. 7. pag. 160. tom. 3.*

146. Iure canonico interdictum est contrahere cum consanguineis vsque ad quartum gradum inclusuè; quare contrahentes in quinto à censura excusantur. *ibid. n. 1.*

147. Affinitas orta ex copula licita inducit impedimentum vsque ad quartum gradum. Orta ex illicita vsque ad secundum tantum. *ibid. pag. 161 n. 2. tom. 3.*

148. Contrahens cum aliqua, quam putabat cōsanguineam, aut affinem, aut monialem, cum re ipsa non esset, non incidit in hanc excommunicationem; licet quoad effectum æquè peccauerit, ac si re ipsa cum affine, moniali, vel consanguinea contraxisset. Ratio cur censuram non incurrat, est, quia ad censuram incurrendam requiritur effectus consummatus sub cēsurā prohibitus; tenetur tamen hic, quādiu in illo errore versatur, se gerere tanquam excommunicatum, ne scandalum aliis ingerat. *ib. n. 4.*

149. Fœmina cum qua religiosus contrahit matrimoniū, in hanc censuram non incidit; quia hæc excommunicatio directè fertur in ipsos religiosos, & clericos in sacris constitutos, contrahentes matrimonium, nec vlla fit mentio de fœminis cum ipsis contrahentibus; graue tamen sacrilegium committant. *ibid. n. 6.*

150. Clericus in sacris constitutus, aut religiosus professus si cōtrahit matrimoniū, hanc censuram non incurrit; quia hic verè non contrahit: quandoquidem contractus mutua contrahentium voluntate perficitur. Immo si vnus ex animo contrahat, alter verò si cōtrahit, non incurritur excommunicatio, quia non est contractus; nam claudicat ex parte si cōtrahentis. *ibid. n. 9 & 10.*

151. Vis aut metus grauis cadens in constātem virum, excusat ab hac censura; quia Ecclesia non præsumitur obligare sub pœna excommunicationis cum graui periculo; deinde consensus

per vim, aut metum extortus non sufficit ad contrahendum matrimonium. *ibid. n. 12.*

152. Contrahens cum affine, aut consanguinea impubere, hanc censuram non incurrit; quia consensus impuberum non sufficit ad matrimonium. Idem dicendum de contrahente cum furiosa, quæ caret lucidis intervallis. *ibid. n. 11.*

153. Contrahens matrimonium in casibus prohibitis suprà recensitis per verba de futuro, aut sub conditione nondum completa, aut per verba de præsentis, sed absente Parocho, & testibus, non contrahit excommunicationem. Idem dicendum de contrahente ex ignorantia iuris, vel facti, vel etiam pœnæ: quia in Decreto Concilij additur particula, *scienter*, & excommunicatio non incurritur sine contumacia, & temeritate. *ibid. n. 13. & seq. pag. 162. tom. 3.*

154. Qui ignorans contraxit, sed cognita veritate perseuerat in cohabitatione & copula incestuosa, aut sacrilega, non propterea subiicitur excommunicationi; quia non punitur cohabitatione, sed contractus; hic autem iam præcessit Addendū tamen modò copula non habeatur affectu maritali: cum enim iam præcesserit solemnitas, & modò absit consensus per copulam affectu maritali habitam sufficienter declaratus, ad verum matrimonij contractum nihil desideratur. *ibid. n. 19.*

155. Hæc excommunicatio nulli est reservata.

Mendacium.

1. **M**endacium definitur à S. Augustino falsa significatio vocis, cum intentione fallendi, seu dicendi falsum. Quatuor autem modis committitur formaliter mendacium. 1. quando quis affirmat aliquid esse, quod ipse scit non esse. 2. quando quis negat aliquid esse, quod ipse cognoscit esse. 3. quando scienter dubium pro certo affirmat. 4. quando ærtum pro dubio enunciat *tom. 1. pag. 296. n. 1. & 2.*

2. Omne mendacium, seu iocosum, seu officiosum, seu perniciosum, est intrinsecè malum, & peccatum, neque vnquam fieri potest licitum, quamvis bono sine proferatur: quare Summus Pontif. in mendacio dispensare non potest. Non tamen omne mendacium est peccatum mortale; nam iocosum, & officiosum sunt ex suo genere peccatum veniale, neque possunt fieri mortale, quamvis multiplicentur, secluso graui scandalo, & iuramento. At perniciosum mendacium, ex suo genere est peccatum mort. oppositur enim dilectioni Dei, & proximi cui damnum infert, quamquam ratione paruitatis materiæ, vel indeliberationis fieri possit veniale *ibid. n. 1. & pag. 297. n. 3. & seq.*

3. Qui

3. Qui sine gravi damno proximi mendacium proferre, etiam in iudicio, vel sacramento Confessionis, non peccat mortaliter, modò non si coniunctum cum iuramento, & modò in confessione non sit circa materiam necessariam, vel circa totam materiam confessionis; vt dictum est *tit. Pœnitentia. tom. 2. pag. 297. num. 7.*

4. Mulier, quæ verbis amphibologicis, aut aliis mediis licitis defectum virginitatis tegit, & tanquam virgo nubit, non est rea mendacij: non enim intendit alterum decipere, sed ius suum tueri; nemo enim tenetur se ipsum prodere, aut infamare. Neque peccat contra iustitiam, nisi vir in contractu matrimonij, vel in sponsalibus expresse sit nolle cum ea contrahere nisi virgo sit: tunc enim virum decipit. *ibid. num. 8.*

5. Hypocrita qui simulat vitæ sanctitatem, peccat mortuum proximo notabile damnum sequitur ex illa fictione, vt quando quis mentitur sanctitatem vt facilius seminet errores; vel vt beneficium assequatur: qui verò simulat sanctitatem ad extorquendam eleemosynam qua verè indiget, non videtur culpæ lethalis reus. Neque peccat mortaliter qui habitu, & corporis cultu mentitur sexum ex leuitate, modo scandalum absit. Secus si id fiat ob malum finem. Qui verò habitu obsceno, & ad turpia inducente in Bacchanalibus incedunt, ratione scandali grauius peccant. *ibid. num. 9. & pag. 298. n. 10.*

MISSÆ SACRIFICIUM.

Missæ nomen, & essentia.

1. **M**issæ nomine intelligitur actio sacra, qua Christi corpus conficitur, quod Deo in Missa offertur, & à Sacerdote sumitur per communionem. Missæ verò sacrificium est cæremonia sacra, qua res aliqua sacratur aliquo modo, consumitur, & soli Deo offertur, in ipsius cultum, & recognitionem, supremæ maiestatis, & excellentiæ. Porro Missa quoad substantiã fuit à Christo instituta in vltima Cœna in qua sacrificiũ obtulit, & offerendum præcepit: quoad cæremonias verò fuit iustituta ab Ecclesia *tem. 1. pag. 84. num. 1. & seq.*

2. Tres sunt partes essentielles sacrificij Missæ, consecratio, oblatio, & consumptio. Vnde sequitur in feria sexta Parasceues non fieri propriè sacrificium, cum non fiat noua hostiæ consecratio. Ad essentiam sacrificij non videtur requiri sumptio & consecratio vtriusque speciei; nam sacrificium Christi cruentum, per alteram tantum speciem representari potest. *ibid. n. 1. & seq.*

Missæ effectus.

3. Tres sunt effectus sacrificij Missæ. 1. est conferre gratiam, & remittere peccata, vnde dicitur *sacrificium propitiatorium*: non tamen confert primam gratiam, & remissionem peccatorum per se, & immediatè, sed mediatè aliquo modo, quatenus Deus intuitu sacrificij tribuit auxilium ad contritionem, qua remittitur peccatum *tom. 1. pag. 85. n. 1. & seq.*

4. Secundus effectus huius sacrificij est *impetrare nobis bona qua petimus*, vnde vocatur *sacrificium impetratorium*. Vnde sequitur hoc sacrificium prodesse, ex vi suæ institutionis, ad obrinendum id ad quod obrinendum offertur: & quamvis effectus à nobis intentus, non obtineatur infallibiliter, nihilominus hoc sacrificium magnam vim tribuit orationi, càmque efficit digniorem quæ exaudiatur, habetque suum effectum ex opere operato. *ibid. n. 6.*

5. Tertius huius sacrificij effectus est *satisfacere pro peccatis*, vnde dicitur *satisfactorium*. Hinc sequitur hoc sacrificium prodesse ad remittendam poenam peccatorum, huncque esse primum eius effectum; quapropter offertur pro defunctis ut à poenis exoluantur. *ibid. n. 7. & 8.*

6. Triplex est Missæ fructus seu valor. 1. dicitur *generalis*, quem Ecclesia intendit applicari omnibus omnino fidelibus vivis, & defunctis, ipsi etiam Summo Pontifici, Imperatori, Regibus, &c. 2. est *specialis* & *proprius* ipsius Sacerdotis. 3. est *medius*, qui cõpetit iis pro quibus sacrificiũ specialiter offertur. *ib. n. 1. & 2.*

7. Valor huius sacrificij quatenus offertur à Sacerdote non est infinitus intèsiuè: at si spectetur quatenus cõtinet Christum, certum est esse infiniti valoris. *Generalis* autem valor huius sacrificij est infinitus extensiuè, consequenter non obest quin prodesse possit pluribus. *Medius valor* est finitus & limitatus; vnde minùs prodest singulis si pro multis offeratur, quàm si pro paucis. *tom. 1. pag. 86. num. 3. & seq.*

8. Valor Missæ ut est sacrificium, est ex opere operato; aliquin non differret à sacrificiis veteris legis quæ producebant effectum ex opere operatis. Prodest igitur omnibus fidelibus ex opere operato; quippe prodest vltra meritũ, & dispositione fidelium. Quanta autem portio fructus sacrificij contingat singulis pro quibus generaliter offertur, nobis non constat. *tom. 1. pag. 87. n. 7. & seq.*

9. Prodest Missæ sacrificium, & applicari debet fidelibus quibuscumque vivis, etiam profligatissimis; modò non sint excommunicati: immò potest offerri pro infidelibus, & paganis ut conuerterentur; cum Apostolus. 1. *Timoth.* præcipiat orationem fieri

fieri pro regibus qui tunc erant infidelæ. Denique prodest defunctis in purgatorio existentibus. Beatis autem, & damnatis nõ prodest; unde colligitur non esse offerendum pro eo quem constat in notorio peccato mort. decessisse. *tom. 1. p. 88. n. 1. & seq.*

10. Huius sacrificij fructus satisfactorius quem quis applicavit defuncto illius incapaci, utpote damnato, prodest ipsi sacrificanti, si sibi applicet, alioquin probabile est in Ecclesiæ thesauro reponi. *ibid. n. 12.*

Missæ sacrificij minister.

11. Huius sacrificij minister est solus Sacerdos habens intentionem celebrandi, qui licet sit in peccato mort. validè tamen celebrat, prodestque illius sacrificium quatenus nomine Christi, & Ecclesiæ offertur. Missa tamen mali Sacerdotis non prodest aliis secundum valorem respondentem precibus, quatenus sunt preces illius personæ particularis; at prodest secundum valorem ex opere operato, & secundum valorem quem habent preces oblatæ nomine totius Ecclesiæ: sicque Missa Sacerdotis in peccato mort. celebrantis tam prodest aliis, quàm si à bono Sacerdote celebraretur, ipsi tamen celebranti non prodest, quia ponit obicem sibi que iudicium manducat, & bibit. *tom. 1. p. 89. n. 1. & seq.*

12. Missa celebrata ab excommunicato non vitando prodest aliis fidelibus, non solum quatenus sacrificium sit nomine Christi, sed etiam quatenus sit in persona Ecclesiæ; ipsa enim tolerat excommunicatum occultum, nec irritat ipsius acta. Excusari tamen potest à peccato excommunicatus, vel suspensus celebrans ad vitandam gravem infamiam, vel mortis periculum, vel aliud grave detrimentum. *ibid. n. 7. & 8.*

13. Probabilius est Sacerdotem legitimè non impeditum peccare mortaliter, si nunquam toto anno celebret; quia, quantum est ex se, inutilem reddit quam accepit consecrandi potestatem, datque aliis occasionem scandalii. In provincia autem Mediolanensi simplex Sacerdos tenetur sub mortali, ratione solius ordinis, celebrare Missam singulis Dominicis, & festis solemnibus, nisi iure impediatur. *ibid. n. 1. & pag. 90. n. 3.*

14. Sacerdotes curam animarum habentes, tenentur per se, vel per alios celebrare singulis saltem diebus quibus opus est, ut muneri suo satisfaciant. Non tenentur tamen singulis diebus celebrare, cum populus non teneatur singulis diebus Missam audire, sed sufficit ut celebrent Missam iuxta numerum in hebdomada præscriptum. *ibid. n. 4.*

15. Licet Parochi teneantur aliquando iure diuino, sacrificium pro suis ouibus offerre, ut præscribit Concil. Trident. sess.

sess. 23. cap. 1. non tamen videntur obligandi ad applicationem sacrificij pro populo singulis diebus festis; quippe obligatio ad celebrandum longè differt ab obligatione ad applicandum. Sufficit igitur ut in præcipuis solemnitatibus, & Dominicis diebus, aut semel in hebdomada Parochi suis ouibus Missæ sacrificium applicent. *ibid. n. 5.*

16. Capellanus tenetur iuxta institutionem Capellanæ, & intentione fundatoris Missas celebrare, sub peccato mortali, nisi legitimum impedimentum excuset. Denique hanc habere regulam generalem. Sacerdos toties peccat, quoties per se ipsum, vel per alium non celebrat Missas, quot & quales, & quo in loco vel tempore tenetur ex fundatione, vel ex pacto celebrare; nisi aliud constet ex voluntate interpretatiua fundatoris, vel nisi aliud suadeat honestas, & debita deuotio. *tom. 1. p. 91. n. 6. § 7.*

17. Capellanus, qui cum nondum esset Sacerdos, aliquot annos possedit Capellaniam, & per alium satisfecit, cum in fundatione Capellanæ expressè cautum sit, ut Missa celebretur à titulari, peccauit accipiendo beneficium, cuius oneri non poterat ipse satisfacere; quia fecit contra intentionem fundatoris; non tamen videtur obligandus ad restitutionem ad ratam temporis, quò per alium satisfecit; quia nulli damnum intulit. *ibid. n. 1.*

18. Probabilius est Sacerdotem, qui titulo Capellanæ, aut eleemosynæ tenetur Missæ sacrificium vni applicare, non posse aliam stipem, seu eleemosynam accipere pro eiusdem sacrificij applicatione. Neque illum tutum esse in conscientia, qui plures à pluribus colligit stipes, illisque vnico Missæ sacrificio satisfacere se posse arbitratur, facit enim contra voluntatem offerentium illas stipes, quorum singuli intendunt sibi integrum sacrificij fructum applicari. *tom. 1. p. 92. n. 1. § 2.* teneturque ad restitutionem sub mortali. *num. 6.*

19. Capellanus qui onere Missæ quotidianæ detinetur, non satisfacit illi oneri iis diebus, quibus causa anniuersariorum, vel aliarum Missarum, aliò se confert ad celebrandum, & Missam applicat iis pro quibus anniuersaria, aut aliæ Missæ celebrantur: at si Missam applicet fundatoribus suæ Capellanæ, non videtur grauiter peccare, modò id faciat raro, & non defraudet eos, à quibus sit accersitus. *ibid. n. 5.*

20. Canonicus, seu alius Sacerdos, qui ratione Capellanæ, aut stipis acceptæ, tenetur onere Missæ quotidianæ, non potest, regulariter loquendo satisfacere oneri Capellanæ, & Canonici dum cantat Missam conuentualem, seu capitularem; quia Missa conuentualis est intrinseca ipsi Capitulo, nec potest aliis applicari. *tom. 1. pag. 93. num. 7.*

21. Sacerdos qui tenuem accepit eleemosynam pro Missa celebranda, tenetur totum sacrificij valorem respondentem tradentibus eleemosynas applicare, nec potest numerum Missarum minuere, aut eleemosynam ab aliis extorquere, saltem quando voluntariè contentus fuit illo stipendio, & expressè promissit se Missam, vel tot Missas celebraturum. Missas autem ad minorem numerum reducere pertinet ad Episcopos in Synodo diocesana, & ad Generales ordinum in Capitulis generalibus, quando stipendium est exiguum, habita ratione oneris Missarum. *ibid. n. 8. & 9.*

22. Obtinens Capellaniam de cuius fundatione nullo in odo constat, cum nulla reperiatur Scriptura, sed solum constat Capellani teneri quotidie celebrare in tali Ecclesia, vel altari, tenetur Missam applicare fundatori Capellanix; quia Capellanix cum hoc onere fundari solent: ergo præsumendum est hanc fuisse intentionem fundatoris, nisi clarè constet fundatorem respexisse solum Ecclesiæ, vel altaris cultum, & venerationem. *ib. num. 13. & 14.*

23. Qui semel in hebdomada potest titulo honestatis à celebratione Missæ abstinere, non potest eodem die Missam alibi, aut pro alio celebrare, aut abstinere à celebratione oblationis, vel itineris gratia, nisi aliter constet de mente fundatoris, aut nisi aliquem in suum locum subrogauerit. Potest quidem ratione decentiæ, & honestatis semel in hebdomada Missam intermittere; at posito quod velit celebrare, debet Missam iuxta Capellanix institutionem applicare. *tom. 1. pag. 94. n. 16.*

24. Sacerdos, qui duplici obligatione tenetur, nec potest vni que per se, vel per alium satisfacere, debet satisfacere prioris quippe prior obligatio præualet posteriori, & qui prior est tempore, potior est iure. *ibid. n. 18.*

25. Qui ex deuotione celebrat Missam priuatam, potest, quam voluerit, celebrare; quia nulla est obligatio sub mortali dicendi Missam de feria, aut de sancto: præstat tamen celebrare Missam, quæ vnoquoque die præscribitur in Missali. At Missa solennis, & Conuentualis iuxta præscriptum Missalis est omnino celebranda. *tom. 1. pag. 95. n. 2. & 3.*

26. Qui ex promissione, vel fundatione tenetur celebrare certas, & peculiaries Missas, puta de Spiritu sancto, de Beata V. &c. per se loquendo, infideliter agit, si alias celebret; quia non stat promissis: si tamen in eū diem incidat solennitas alicuius Sancti, potest de illo Missam celebrare; neque tenetur collectam, seu orationem Missæ votuæ, quam promiserat, adiungere; & qui suscepit 30. Missas Sancti Gregorij pro defunctis celebrandas, non

non tenetur singulas de *Requiem* celebrare, iis præsertim diebus, quibus Officium solemniter celebratur, neque necesse est eas sine interruptione celebrare. *ibid. num. 4. & seq.*

27. In qualibet Ecclesia, seu Oratorio, per se loquendo, licet Sacerdoti Missam celebrare, nisi ratione foundationis Capellanix, aut peculiaris prohibitionis, id non liceat. Tamen qui ex titulo vel conventionione tenetur in aliqua Ecclesia, vel Altari celebrare, non potest absque peccato mort. nisi iusta de causa, alibi celebrare, etiam si id faciat de hæredum consensu; nam voluntati testatoris nequeunt hæredes derogare: non videtur tamen teneri ad restitutionem, quia fundatorem fructu Sacrificij non privavit. *ibid. num. 1. & seq. pag. 96.*

28. Sacerdotes qui notabiliter differunt sine iusta causa celebrationem Missarum pro iis à quibus, vel pro quibus, stipem acceperunt, peccat mortaliter; quia illa mora potest esse detrimens; & fieri potest ut obligentur ad restitutionem stipendij accepti, ut cum quis Missam pro impetenda infirmi valetudine, distulit post illius mortem. *tom. 1. pag. 96. n. 1. & 2.*

29. Sacerdos qui nullam accepit stipem pro Missa celebranda, potest Missas anticipatè celebrare hac intentione, ut eas applicet, iis, à quibus postea stipem est accepturus, modò non intendat effectum Sacrificij suspendere ad illud tempus, quo sibi dabitur elemosyna; quia Sacrificium suum habet effectum ex opere operato, nec Minister potest sua intentione, illum in futurum suspendere. Fructus igitur Sacrificij anticipatè celebrati prodest illi personæ, quæ datura est stipem; Deus enim illam novit: In praxi tamen illa consuetudo non est toleranda, quia redolet nimiam lucri cupiditatem. *ibid. num. 3.*

30. Capellanus qui tenetur singulis hebdomadis aliquas Missas celebrare pro fundatore, vel pro aliquo de functo, per se loquendo, satisfacit illas antecedente hebdomada celebrando, nisi in fundatione Capellanix contrarium exprimatur. Qui verò ex onere Capellanix tenetur Missam celebrare diebus Dominicis, & bis in hebdomada, festis præcipuè diebus, tenetur celebrare illis diebus qui ex Ecclesiæ præcepto, aut ex loci consuetudine, aut voto, à fidelibus coluntur. *tom. 1. pag. 97. num. 4. & seq.*

31. Canonicus qui tempore divinatorum officiorum celebrat in aliqua Capella Ecclesiæ suæ collegiatæ, seu ratione elemosynæ, vel foundationis, seu ex deuotione, non censetur præsens divinis officiis, & consequenter percipere non potest distributiones respondentes illi horæ, quæ in choro persolvitur, dum ipse celebrat, etiam si id fiat de superioris consensu, præcis tamen privilegiis seu facultate Pontificis: neque possunt ceteri Canonici hoc

hoc ei condonare ex præscripto Concil. Trid. sess. 24. cap. 12. *ibid.*
num. 7. & 8.

32. Sacerdos, regulariter loquendo, non potest bis in die celebrare, nisi fortè ob extraordinariam necessitatem, ut si idem Sacerdos duabus Ecclesiis parochialibus, ob illarum paupertatem præficiatur. Verùm hac in re standum est legitimæ locorum consuetudini. *ibid.* n. 10.

33. Excusari possunt Regulares, qui muniti quibusdam privilegiis, vnica Missa satisfaciunt pluribus, à quibus stipes acciperunt. Summus enim Pontifex, iusta interueniente causa, potest mutare voluntatem offerentium stipem, neque ipsi videntur inde detrimentum pati, quatenus Missæ Sacrificium æquè prodest omnibus quoad impetrationem; quoad satisfactionem verò suppletur per indulgentias, aut per communicationem bonorum operum illius religionis. *tom. 1. pag. 98. n. 3.*

34. Sacerdos habens pingue patrimonium, aut beneficium, potest nihilominus eleemosynas accipere pro Missarum celebratione; quia seruit altari, nec deterioris est conditionis quàm cæteri. Qui pro Missæ celebratione stipem exigit importunè supra taxam ab Episcopo præscriptam, aut legitima consuetudine receptam, peccat mort. Secus si ex liberalitate offerentis illam accipiat. *tom. 1. pag. 99. n. 7. & 11.*

35. Potest Sacerdos in die festo duplo, maiorem eleemosynam accipere pro Missa celebranda, saltem in quibusdam Diocesis, ut in Mediolanensi. At titulo paupertatis non potest Sacerdos aliquid exigere supra taxam, ad vitæ sustentationem, quia Missæ Sacrificium non est institutum ad sustentandam vitam Sacerdotis, cum nequeat ad Sacros Ordines promoueri, nisi constet illum habere titulum sufficientem ad vitam sustentandam. *ibid.* n. 13. & 14.

36. Sacerdos qui aduersa valetudine impeditus, non potuit per aliquot dies, v.g. quindecim, onus quotidianæ celebrationis, iuxta Capellanix institutionem adimplere, non tenetur per alium supplere illum defectum. Secus si morbus fuit longior, puta duorum vel trium mensium. *tom. 1. pag. 100. n. 17.*

37. Qui plura colligit stipendia pro celebratione Missarum, potest per alios Sacerdotes satisfacere, retenta sibi parte eleemosynarum, inferio dante, & inficiis Sacerdotibus, per quos pensum Missarum persoluitur, modò illis tradat tantam eleemosynam, quantam fert communis taxa; nulli enim facit iniuriam; hoc tamen non est consulendum, quia redolet sordes. *ibid.* n. 18.

38. Tempus, seu hora celebrandæ Missæ regulariter incipit ab aurora, seu prima Solis irradiatione, vel paulò ante vsque ad

ad meridiem. Ad communicandum tamen infirmum, vel iter honestam ob causam suscipiendum, licet auroram anteverteret; At nunquam media nocte, nisi in die Nativitatis Domini, licet celebrare. Si quis per horam post meridiem non perficiat Missam, præcisa iusta causa, non videtur à mortali excusandus. *tom. 1. pag. 101. num. 1. & seq.*

39. Qui celebrat Missam ante matutini officij recitationem, per se loquendo, non peccat mort. quia non videtur tanta connexio inter Missam, & horas canonicas, ut pervertens hunc ordinem lethalis culpæ reus constitatur. *ibid. num. 8.*

40. Missa celebranda est in Ecclesia consecrata ab Episcopo, aut saltem benedicta, & in altari lapideo consecrato, integro, aut non enormiter fracto. Potest tamen Episcopus, iusta interueniente causa, dispensare ut Missa extra Ecclesiam in loco honesto celebretur; at non, potest celebrari in mari, vel in flumine, propter periculum effundendi sanguinis. Item nõ potest celebrari sine altari, tam firmo, quam portatili; portatile autem fieri non potest ex duobus lapidibus colligatis, sed ex vno tantum ad indicandam vnam in Christo personam. Si tamen altare firmum sit consecratum, non est opus portatili. *tom. 1. pag. 102. n. 2. & seq.*

41. Altare consecratum definit esse sacrum, si notabiliter frangatur, ita ut pedem calicis, & hostiam cum patena, commode capere non possit; aut si frangatur, vel amoveatur loco repositorium reliquiarum. *ibid. num. 15.*

42. Non potest Sacerdos in eo altari celebrare, in quo Episcopus eodem die celebrauit, absque ipsius Episcopi consensu, aut nisi necessitas aliqua superueniat; id enim exigit reuerentia Episcopalis dignitatis. *ibid. num. 16.*

43. Præter altare consecratum requiritur patena, & calix consecratus, & chrismate perunctus, ex auro, argento, vel stanno, non tamen ex ære, vel aurichalco, vel ligno; neque potest Episcopus in eo dispensare. Calicis autem & vestium, & cæteræ sacre suppellectilis consecratio, per se loquendo, pertinet ad Episcopum, vel etiam ad Abbatem habentem ius insignium Pontificalium. *ibid. num. 7.*

44. Calix, & patena consecrationem amittunt, non solum si notabiliter frangantur, ita ut vsui esse non possint; verum etiam quando vsu aurum amiserunt, & iterum deaurantur quoad illam superficiem quæ tangit corpus, & sanguinem Christi; quia post novam deaurationem, contactus corporis, & sanguinis iam non fit in parte consecrata; opus est igitur nova consecratione. Si autem calicis consecrati cupa separetur à pede absque fractione, non amittitur consecratio, ut in calice torculari, cuius partes

absque

absque fractione separantur, & iterum coniunguntur. *ibid. n. 19.*
Et pag. 103. n. 20.

45. Calix, patena, & alia ornamenta quæ Christi corpus immediate tangunt, vt palla, & corporale, non possunt à laicis tangi absque peccato, hinc iure sancitum est vt corporalia lauentur à diacono, & lotio mittatur in piscinam sacram; quod intelligendum est de prima lotionem; nam probabile est secundam fieri posse à forminis, præsertim virginibus, sicut etiã ab illis refici possunt *pag. 103. num. 21. 22.*

46. Non est opus, vt pyxis in qua Eucharistia asseruatur, sit consecrata; quia nullo id iure præcipitur. Corporalia autè oportet esse consecrata, ex tela lineæ, aut cannabea, quoad eã partem qua continetur calix, remanentq; consecrata quamdiu non sunt notabiliter fracta. Porro adhibes corporalia valde immunda, grauiter peccat contra reuerentiam tanti sacramenti. *ibid. n. 23. 24.*

47. Requiritur præterea duæ mappæ, vel saltem vna duplicata, quæ repræsentant linteamina quibus Christi corpus fuit inuolutum; non adeo necesse est vt sint benedictæ, immò possunt, ex necessitate, adhiberi mappæ laicorum non benedictæ, quæ postea restituantur ad pristinum vsum. Ad hæc requiruntur vestes sacræ benedictæ quæ benedictionem amittunt, si ita frangantur vt iam non sint aptæ ad suum vsum: quare alba desinit esse benedicta, si manica absindatur, etiam si postea eadem assuatur. Item cingulum noua indiget benedictione si ita frangatur vt nulla ipsius pars sufficiat ad cingendum. Harum autem vestium omisso, præcisa inaduertentia, inducit peccatum mort. *ibid. n. 25. Et seq.*

48. Præterea requiritur crux (quam tamen omittere non est Ierthale peccatum) & lumen, quod, ex consuetudine, sit ex cera, quamuis in necessitate sufficiat candela sebacea; aut etiam lucerna ex oleo. Adhibendus est etiam masculus qui ministret sacro: præstat enim sine ministro celebrare, quàm foeminam ad ministrandum adhibere; extra necessitatem tamen sine ministro celebrare est peccatum mort. Cæterum Missa, vernacula lingua celebrari non potest. *rom. 1. pag. 104 n. 30. Et seq.*

Missa defectus.

49. Defectus, seu error contingens in Missæ circa substantialia, & essentialia, supplendus est siue aduerta ur ante consecrationem, siue post. Essentialia autem defectus contingere possunt circa materiam, aut formam, aut intentionem ministri. Quando Sacerdos, sumpta hostia, aduertit accertum, vel alium liquorem in calicem infusum, debet curare vt vinum afferatur, si fieri potest absque scandalo; sin minus,

F f

perficere

perficere potest sacrificium sub vna tantum specie : nam præceptum consecrandi sub vtraque specie in hoc casu non obligat.
tom. 1. pag. 105. num. 2. & 3.

50. Sacerdos qui post sumptionem hostiæ aduertit nihil esse in calice, vel esse solam aquam, vel alium liquorem à vino distinctum, debet accedere ad cornu altaris, sicens se velle purificationem accipere, deinde postquã vinum in calicem infudit, debet accedere ad medium altare, ibique consecrare, incipiendo ab illis verbis, *Simili modo*, sicque sumere species vini consecratas, & oblatas; neque opus est vt reliqua suppleat, si periculum sit scandali, sufficit enim supplere necessaria; nonnulli putant sufficere, vt consecreret, statimque sumat, quia in consecratione videtur oblatio contineri; neque necessaria est noua hostiæ consecratio, cum iam vna fuerit consecrata. *ibid. num. 4. & 5.* Qui verò inter bibendum deprehendit non esse vinum, non debet illud expuere in calicem propter indecentiam, & fortè etiam scandalum, sed potius deglutire, & nihilominus sic fracto ieiunio poterit perficere sacrificium; quia non tenetur cum tanta indecentia ieiunus celebrare. *humilis nonnulli.*

51. Si aranea, aut aliud animal decadat in calicem ante consecrationem, aliud vinum sumendum est, & consecrandum: si verò decadat post consecrationem, extrahendum est animal, & sumendæ sunt species consecratæ, tum animalis combusti cineres sunt in locum sacrum mittendi. At sit animal sit venenosum, aut si sacerdos post consecrationem admoneatur veneno fuisse vinum infectum, non debet sumere species consecratas; quia non potest esse sui homicida, nec Sacramentum vitæ debet sumi cum periculo vitæ. Porro hæ species linteo, aut stuppa sunt exiccandæ, comburendæ, moxque in piscinam piscinam proiciendæ. Sin tantummodò post sumptionem Sacerdos admonitus fuit vinum fuisse veneno infectum, potest species euomere in vas mundum *ibid. n. 8. & 9. & 11.*

52. Eucharistia quam quis euomit, asseruanda est, donec corrumparur, deinde comburenda, & cineres in piscinam mittendi. Si hostia decadat in terram, vel super tapetum, Sacerdos radat, ac leuet locum, & puluerem proiciat in piscinam; at si sanguis decadat, debet absorberi, si commodè possit, deinde locus radi, & lauari: si verò sanguis ceciderit in barbam Sacerdotis, sufficit repetita lotionem barbam purget. *ibid. n. 9. & 10.*

53. Sacerdos animaduertens se aliquid spectans ad integritatem formæ omisisse, debet illum defectum supplere, vt validum fiat Sacramentum, totamque formam repetere si alia verba interiecta fuerint, aut longum tempus intercessit. Item in du-

biò an habuerit intentionem consecrandi formalem, aut virtua-
lem, debet repetere verba consecrationis cum intentione conse-
crandi. Verùm in hac materia non oportet scrupulosum esse, ne
via Dæmoni aperiatur. *ibid. l. p. 106. n. 13. & 14.*

54. Quando est aliquid omissum quod non pertinet ad
substantiam sacrificij, nihil est necesse illud postea suppleri, ne
ordo ab Ecclesia præscriptus perturbetur; vt si quis omisit *Glo-
ria in excelsis*. Item si hostia, dum frangitur, decidat in Calicem,
potest Milla perfici absque alia iteratione, quia id non pertinet
ad substantiam sacrificij. Item si species vini consecratæ conge-
lentur, non est repetenda consecratio, sed species congelatæ, ad-
moris ad Calicem linteis calidis, dissoluendæ, vt per modum po-
tus sumi possint. Qui omittit aliquid in Milla, vel addit ad sub-
stantiam non pertinens, in materia graui, peccatum mort. comit-
tit. *ibid. num. 16. & seq.*

55. Si moriatur Sacerdos, aut aliquo graui morbo corripia-
tur, aut alio casu impediatur post consecrationem, quo minùs
possit Sacrificium perficere, perficiendum est ab alio Sacerdote
etiam non ieiuno, si nullus alius adsit; si verò Sacerdos sit in pec-
cato mort. nec habeat copiam confessarij, debet elicere actum
contritionis, sicque perficere; maior quippe videtur obligatio
perficiendi sacrificij, quàm præmittendæ confessionis. At si mo-
riatur Sacerdos post sumptionem hostiæ, non tenetur alter per-
ficere; quia substantia sacrificij in vnus speciei consumptione
videtur perfecta: propterea ille sanguis qui superfuit, sumetur à
Sacerdote aliud sacrificium faciente. Porro moriente Sacerdote
ante consecrationem, nulla est obligatio perficiendi; quia
substantia sacrificij nondum fuerat inchoata. *ibid. n. 20 & seq.*

56. In dubio an Sacerdos, qui inter celebrandum extinctus
est, hostiam consecrarit, Sacerdos supplens debet aliam hostiam
sumere, eamque consecrare, simul sub conditione consecrando
eam de qua dubitatur; vel post nouam hostiam consecratam
sumere potest illam dubiam post sumptionem vtriusque speciei,
antequam sumat purificationem. *ibid. n. 24.*

57. Non potest Sacerdos, per se loquendo, Missam inchoa-
tam interrompere, ita vt posita interruptione, non dicatur mora-
liter vnum sacrificium: potest tamen ex iusta causa paulisper in-
terrompere vt baptizet infantem moribundum qui ab alio bap-
tizati nequit. *ibid. num. 5.*

Missa auditio.

58. Per auditionem Missæ intelligitur ea actio per quam
quis interest Missæ humano modo, corpore scilicet, & mente,

in ea distantia ut saltem videre possit Sacerdotem ; & ad illius ministerium attendere. Vnde sequitur amentes, aut ebrios non dici Missam audire , ac proinde qui illorum curam gerunt non teneri dare operam, ut ij Missæ sacro intersint. Item cum qui tempore Missæ vagatur animo voluntariè non dici Missam audire , ideoque Ecclesiæ præcepto diebus festis non satisfacere ; quia Ecclesia præcipit auditionem Missæ, ut est actus humanus, & religiosus. *rom. 1. pag. 107. n. 1. & seq.*

59. Ex Ecclesiæ præcepto tenentur fideles Missam audire diebus festis; quod præceptum , quamvis simpliciter sit humanum, nihilominus iuri naturæ, & diuino est consentaneum. Hinc patet Summum Pontificem posse in hoc præcepto dispensare , cum sit simpliciter humanum. Hoc autem præceptum obligat omnes adultos baptizatos, etiam pueros qui septimum ætatis annum attigerunt, peccantque grauitur qui Missam diebus festis non audiunt, nisi legitimo impedimento, aut ignorantia excusentur. *ibid. num. 6. & seq.* Non tenentur tamen tres Missas in die Natali Domini audire, quamvis fortè teneatur Parochus tres celebrare, ne fideles debitis suffragiis, & deuotione fraudentur: quippe multi volunt eo die tres Missas audire. *ibid. num. 10.*

60. Qui partem Missæ notabilem, diebus festis non audit, mortaliter peccat, ex suo genere, nisi ignorantia excuset. Qui verò vnā partem audit ab vno sacerdote, aliam ab alio, satisfaciit præcepto; quia duæ medietates constituunt vnā integram. Inmò in rigore ille satisfaciit, qui eodem tempore duas medietates Missæ audit à duobus Sacerdotibus; & potest quis eodem tempore tres Missas, v. g. audire, sicque satisfacere poenitentiz iniunctæ de tribus Missis audiendis; quanquam opposita sententia est tutior, & magis consentanea pietati. *ibid. n. 11. & p. 108. n. 13.*

61. Qui die festo sacrum omittit vsque ad Epistolam exclusiue, non censetur omittere partem notabilem, sufficientem ad peccatum mortale. Si verò omittat vsque ad Epistolam inclusiue, mortaliter peccat; est enim notabilis omissio. Qui Sacerdotem summissa voce celebrantem non audit, satisfaciit præcepto: modò adsit cum deuotione : nam audire Missam, in iure est interesse cum deuotione. *ibid. n. 16. & 20.*

62. Qui Missam audiuit animo non satisfaciendi præcepto, auditione illius Missæ, sed habuit intentionem audiendi aliam, non tenetur tamen aliam audire, quia præcepto iam satisfecit. Qui autè tempore Missæ notabiliter confabulatur, vel dormitat, vel ridet cum aliis, ita ut omnino impediatur attentio; item qui pingit, aut alios docet, &c. præcepto non satisfaciit; quia hi actus

con

communiter attentionem excludunt. *ibid. num. 23. & 24.*

63. Qui inter Missarum solemnia recitat horas canonicas, quas tenetur recitare, aut qui recitat pœnitentiam à confessorio iniunctam, aut etiam qui peccata Sacerdoti confitetur, satisfacit præcepto, modo habeat intentionem audiendi Missam; adest enim corpore, & animo quatenus animum intendit ad res divinas. Contraria tamen sententia est prohibilior, & tutior. *tom. 1. pag. 109. num. 25. & 26.*

64. Licet audire Missam cuiusvis Sacerdotis modò non sit excommunicatus, suspensus, aut interdictus vitandus, aut degradatus: huiusmodi enim Sacerdotes prohibentur ab Ecclesia celebrare, nec intendit Ecclesia per ipsos orare. Excommunicati verò non vitandi, aut concubinarij Sacerdotis minimè notorij Missam audire nihil vetat. *ibid. n. 1.*

65. Satisfit præcepto quocumque in loco Missa audiatur: fieri tamen potest, ut quis peccet non audiendo Missam in propria parochia, ut si quis ex contemptu eam nolit audire, aut quando Parochus declarat ea quæ Parochiani scire tenentur. *ibid. n. 4.*

66. Qui peruenit ad aliquem locum in quo celebratur dies festus, qui in proprio territorio non celebratur, non tenetur ibi Missam audire, nisi habeat intentionem ibi manendi maiori anni parte; non enim est subditus legibus illius loci. Item is in cuius Parochia celebratur dies festus, non peccat Missam non audiendo, si ante meridiem futurus sit extra limites parœciæ suæ; poterit enim Missam vsque ad meridiem differre, in meridiè autem liber est ab obligatione. *ibid. n. 5.*

67. Obiicit. Qui summo manè habet oportunitatem audiendi Missam, prævidens fore, ut reliquo diei tempore, non possit audire ob impedimēta, tenetur manè illam audire; ergo qui prævidet fore, ut circa meridiem non sit futurus intra limites loci ubi festum colitur, tenetur prævenire. *Resp.* esse disparem rationem, quia præceptum obligat ad Missam audiendam quacumque hora potest audiri, ubi viget præceptum; at ex suppositione, præceptum audiendi Missam, extra proprium territorium ubi non colitur festum, non viget. *tom. 1. pag. 118. num. 5.*

68. Impotentia non modò physica, sed etiam moralis excusatur à Missa audienda. Hinc excusatur qui non potest Missam audire absque gravi detrimento proprio, vel alieno, siue animæ, siue corporis, siue famæ. siue fortunarum & rei familiaris. Sic excusatur nutrix, quæ infantem nec potest domi relinquere, neque ad Ecclesiam ferre ne celebrantem, aut adstantes perturbet. Sic etiam excusantur cursores, nautæ, muliones, &c. quibus faciendæ essent magnæ impensæ, si morarentur ad Missam audiendam.

Excusantur item qui in oppidis, ubi vnica Missa celebratur, remanent domi ad custodiam domus, vel ad cibos parandos. Item foemina honesta, quæ caret veste suo statui conueniente, aut socia, seu pedissequa. Item foemina, quæ non audet ad Missam accedere, vt obediat viro zelotypia laboranti. Item qui longius ab Ecclesia distant, puta sex, aut septem milliaribus, &c. *ibid. n. 1. & seq.*

69. Probabilius videtur eum, qui per vim, vel morbum, vel titulo carceris detinetur domi, etiam si habeat domi Orationarium approbatum, non teneri quærere Sacerdotem, vt Missam domi audiat, quia præceptum non obligat ad hanc diligentiam adhibendam. Puella verò, quæ credit se ab adolescente lasciuo concupiscendam, si domo exeat, potest quidem Missam omittere ad damnum proximi spirituale vitandum, non tamen tenetur eam omittere; vt enim potest iure suo. *tom. 1. pag. 111. n. 14. & 15.*

70. Censura fideles excusat ab audienda Missa; quia censura obstrictus prohibetur diuinis interesse. Hinc excusantur interdictus, & excommunicatus; item is, qui alium Sacerdotem non habet præter excommunicatum, suspensum, vel interdictum; item qui tempore interdicti localis generalis non potest commode se conferre ad locum non interdictum, neque fideles tempore interdicti tenentur procurare priuilegium audiendi Missam. *ibid. n. 19 & seq.*

71. Excommunicatus, qui facili potest absolutionem obtinere, non tenetur ob præceptum Missæ tollere impedimentum censuræ, quemadmodum detentus in vinculis non tenetur ex vi huius præcepti quærere liberationem, vt Missam audiat; alioquin præuidens se excommunicandum ob aliquod delictum peccaret specialiter contra hoc præceptum audiendæ Missæ, non præcauendo, delictum, quod nullus dixerit. *ibid. num. 23.*

72. Consuetudo regionis potest aliquando excusare ab audienda Missa in die festo. Vnde viduæ, quæ mortuo viro ad certum tempus domi se continent, modò non abstineant diutius ab audienda Missa, quam postulet recepta consuetudo, excusari possunt. Item puellæ nobiles, quæ non permittuntur Missam audire, donec nubant, nisi domo exeant ad choreas, ludos, aut spectacula. At foeminæ ob menstrua temporalia, præcisâ debilitate, à Missa non excusantur: videntur tamen excusandæ, quæ post partum domi se continent non solum ob debilitatem, sed ob reuerentiam, ubi talis est consuetudo, modò id non faciant ad seruandam purificationem legis Mosaycæ. *tom. 1. pag. 112. n. 25. & seq.*

MONIALIS.

Monialium visitatio.

1. IN Clementina *Attendentes, de statu Monachi*, summus Pontifex statuit, ne quis visitatores Monialium in munere visitationis impedire audeat sub pœna excommunicationis ipso facto incurrenda. *disput. 2. quæst. 2. punct. 4. pag. 158. tom. 3.*

2. Munus visitandi Moniales in monasteriis non exemptis spectat ad Ordinarium autoritate ordinaria; in exemptis verò, & immediatè subiectis Summo Pontifici pertinet ad eundem Ordinarium autoritate delegata. Denique in exemptis, quæ immediatè subsunt religiosis, ius visitandi competit Prælati ipsarum Monialium. *ibid. n. 1.*

3. Hæc excommunicatio non incurritur ob solum conatum impediendi visitationem Monialium, nisi re ipsa impediatur; quia non prohibetur conatus, sed ipsum impedimentum. *ib. n. 3.*

4. Ut incurratur excommunicatio, requiritur trina monitio ab ipso visitatore, aut eius superiore facta impediendi postquam apposuit impedimentum, quæ præmissa nisi impediens respiciat statim contrahit excommunicationem. *ibid. n. 4. 6. & 7.*

5. Hinc sequitur, si dum visitator admonet Moniales ut parent se ad visitationem, nec vlla eam impedire audeat, facta huiusmodi monitione, aliqua visitatorem impedire præsumat, non incurrere excommunicationem; quia hæc monitio præcessit impedimentum, cum subsequi debeat: nam impediens est admonendus, ut cesset ab impedimento. *ibid. n. 4.*

6. Ad hanc excommunicationem incurrendam requiritur præsumptio, quæ non inuenitur, ubi est ignorantia, nisi ea sit affectata, & temeraria. *ibid. n. 8.*

7. Hæc excommunicatio nulli est reservata.

Monialium electio.

8. In cap. *de indemnitatib. de elect.* & potest. fertur excommunicatio contra eos, qui vocati ad dirigendas Moniales, non abstinere ab iis, ex quibus discordiæ oriri, vel ortæ foveri possunt circa electiones faciendas. *disp. 2. q. 2. punct. 5. pag. 159. tom. 3.*

9. Hæc excommunicatio locum non habet in Congregationibus feminarum, quæ verè religiose non sunt. ut sunt quædam Congregationes S. Ursulæ, quæ professionem non emittunt, licet in communi vivant. *ibid. n. 3.*

10. Qui interest electioni, sed non fuit vocatus ad dirigendas Moniales in electione facienda, non ligatur excommunicatione, etiamsi sit causa discordiarum. *ibid. n. 5.*

11. Hæc excommunicatio nulli est referuata.

Monialium Clausura.

12. In Concilio Trid. *sess. 25. cap. 5. de regular.* cura clausuræ Monialium committitur Episcopis, cum facultate implorandi, si opus fuerit, brachium sæculare, & additur excommunicatio contra Magistratus nolentes auxilium præbere Episcopis circa eandem clausuram. *disp. 2. quæst. 10. punct. 7. pag. 314. tom. 3.*

13. Est autem clausura spatium quod inter ianuam monasterij semper clausam continetur, seu est locus monasterij intra quæ Moniales se continere debent, & à quo egredi nequeunt sine violatione præcepti, vel etiam voti, dum clausuram ex voto seruare tenentur. Termini autem, & limites istius clausuræ complectuntur omnia monasterij loca, quæ ianua clausa continentur, & ad quæ sæculares non admittuntur *tom. 1. pag. 293. num. 1.*

14. Monialis ad domos monasterio contiguas accedens violat clausuram, etiam si ibi tantum habitent fœminæ elemosynis colligendis, vel seruitiis monasterij deputatæ: cum enim ad eas domos sæcularibus pateat aditus, non censentur esse intra septa monasterij. Item quæ ad vnum, vel duos pedes ianua exit, contra clausuram, peccat etiam si statim regrediatur. Secus si rotâ ingreditur, eamque conuertat ad partem quæ sæcularibus pater: quando enim è rota non egreditur, non perfectè violat clausuram, neque dicitur esse intra, neque extra monasterium licet forte grauiter peccet ratione alicuius periculi mortalis *ib. n. 2. & 3.*

15. Nouitia non tenentur ad clausuram, quia in iure sermo est de professis. Non tenentur item illæ fœminæ quæ nõ sunt vere Moniales, etiam si aliquæ simplicia vota emittant: hortatæ tamen sunt vt solemniter profiteantur; facta autem professione ad clausuram tenentur: quod si renuant, non possunt vllâ in posterum in suam Congregationem admittere. *tom. 1. pag. 594. n. 3. & 4.*

16. Possunt aliquibus in locis Moniales à clausura excusari, vbi videlicet lex clausuram indicens, non est vsu recepta, vel vbi contraria consuetudine est abrogata. Quia clausura est de iure humano, cuius obligatio non semper vbique viget, sed variis de causis impediri potest. *ibid. n. 2.*

17. Contra Moniales clausurâ violantes indicta est pœna excommunicationis ipso facto incurrenda. Hæc excommunicatio extenditur ad cõcedentes licentiâ exeundi: comitantes, & receptantes. Immo clausurâ violantes, & exeundi facultatem cõcedentes incurrunt priuationem dignitatum, & officiorum, fiuntque inhabiles ad illa, & ad alia, in posterum obtinenda, sic enim decernitur in motu Pij V. qui incipit. *Decori, & honestati. ibid. n. 1. & pag. 595.*

18. Solus

18. Solus Summus Pontif. vel habens ab ipso facultatem, iure communi potest ab hac excommunicatione absoluerè, si est publica: nam ab excommunicationibus occultis potest Episcopus, vel habens ab ipso facultatem absoluerè, virtute Concilij Tridentini sess. 24. cap. 6. *tom. 1. pag. 595. num. 1.*

19. Onus cogendi Moniales ad clausuram incumbit Episcopo auctoritate ordinaria, in suis monasteriis: auctoritate verò Sedi Apost. delegata, in monasteriis Sedi Apost. subditis. At in monasteriis exemptis hæc facultas Episcopo non competit, sed illorum ordinum superioribus. *tom. 1. pag. 596. num. 1.*

20. Ad Episcopum, vel eius vicarium generalem pertinet facultatem exeundi à monasterio cōcedere Monialibus, in monasteriis Episcopo, vel sedi Apost. subiectis. In monasteriis verò exemptis, facultas exeundi cōcedenda est à superiore ordinis: Hæc autem licentia danda est in scriptis. *tom. 1. pag. 597. n. 1. & 3.*

21. Monialis urgente necessitate exiens è claustro, absque superioris facultate, qui ob distantiam cōmodè adiri nequit, excusatur à peccato, & à censura: hic enim casus per epiikeiā exceptus videtur, cum necessitas lege careat. Tenetur tamen Monialis post egressum admonere superiorem, si potest; fieri enim potest, ut causa quæ Moniali legitima videtur, à superiore nō approbetur, & cōsequenter Monialis ad clausuram statim redire cogatur. *ib. n. 5.*

22. Facultas egrediendi non nisi grauissima de causa, Monialibus à legitimo superiore concedi debet. In motu Pij V. tres tantummodò causæ exprimuntur; 1. est magnum incendium. 2. est infirmitas lepræ. 3. infirmitas epidemiæ, id est morbus contagiosus qui alios inficere potest. Sunt aliæ causæ propter quas, facultates exeundi Monialibus concedi potest. Nam tempore belli possunt se in tutum recipere. Item dùm totus contentus de licentia Episcopi, aliò migrat. Item Abbatissa, vel Priorissa, quæ propter feudum tenetur præstare iuramentum fidelitatis alicui domino sæculari, quod per Procuratorem præstare nequit, potest cum honesto comitatu exire, modò statim præstito iuramento reuertatur. Item Moniales licitè possunt, de licentia superioris exire ad reformandum vel fundandum aliquod eiusdem ordinis monasterium. Item possunt Moniales ad aliam religionem perfectiorem transire. Item Monialis quæ in proprio monasterio commodè corrigi non potest, ad aliud monasterium, correctionis gratia, transferri potest: nulla tamen propter incorrigibilitatem, è religione eiici potest: quia id vsu nunquam receptum est; sed punienda est potius, & in monasterij carcere detinenda, ne aliis ruinæ ansam præbeat *tom. 1. pag. 598. & 599. num. 1. & seq.*

23. Infirmitas non contagiosa, à qua Monialis curari nequit dum in monasterio existit, non est iusta, & sufficiens è monasterio exeundi causa, etiamsi hæc infirmitas in vitæ discrimen adducat: magnum enim inde damnum clausuræ sequeretur. Siquidem cum morbi periculosi frequenter contingant, & ardens è claustro exeundi desiderium Moniales teneat, sapius fingerentur causæ egrediendi, præsertim cum Medici faciles sint ad dandam attestationem de gravitate morbi. *tom. I pag. 599. n. 18.*

24. Monialis quæ ad claustrum reuertitur, vel ad monasterium cui præficienda est, pergit, non peccat mortaliter, si à recto itinere aliquantulum deflectat, v. g. 20. aut 15. miliaribus, vt consanguineos inuisat, aut piam aliquam ob causam *tom. I. pag. 600 num. 21.*

25. Omnibus tam laïcis, quàm clericis, & regularibus interdictum est iure communi accedere ad monasteria monialium, & illa frequentare. Literas autem ad Moniales scribere, vel mittere, iure communi non est prohibitum: in quibusdam tamen diocæsisbus id speciali iure veritum est, & Gregorius X I I I. quibusdam religiosis sub pœna excommunicationis ipso facto incurrenda interdicit, ne literas ad sui ordinis Moniales scribant. *tom. I. pag. 643. n. 1. & pag. 644. n. 5.*

26. Accessus ad monasteria Monialium sine licentia, & iusta causa videtur sufficiens ad lethalem culpam, nisi ratione paruitatis materiæ, vel alterius circumstantiæ excusetur: quia lex in materia graui obligat sub mortali. *tom. I. pag. 644. n. 1.*

27. Contra laicos sine manifesta, & notabili causa frequentantes monasteria Monialium fertur excommunicatio comminatoria, quam solo frequenti accessu non incurrunnt, nisi ab Episcopo moniti vt desistant, nolint desistere. Excommunicatio autem ab Episcopo lata contra accedentes ad monasteria quælibet, etiam exempta, aut contra alloquentes Moniales, incurritur ab eo qui ad exempta monasteria accedit, vel Moniales in monasterio exempto alloquitur. Quia licet locus sit exemptus à iurisdictione Episcopi, & consequenter delinquentes in eo loco non subiiciantur pœnis ab Episcopo latis: tamen excommunicatio lata contra accedentes ad monasteria, licet exempta, incurritur ab accedente ad monasteria exempta; quia materia istius excommunicationis est accessus ad monasteria; hic autem consummatur in loco non exempto, sed subito potestati Episcopi. *ibid. n. 1.*

28. Contra clericum monialium monasteria frequentantem, si ab Episcopo monitus desistere noluerit, ferenda est pœna suspensionis, inmodò excommunicationis, & depositionis. *ibid. n. 2.*

29. Religiosis

29. Religiosis ad monasteria Monialium sine licentia accedentibus imposita est poena priuationis officiorum, vocis actiue, & passiuæ, ipso facto incurrenda; vt patet ex decreto Sacre Congregationis Sixti V. iussu edito, quod obligat sub poena peccati mort. Porro religiosi exempti non afficiuntur censuris ab Episcopo latis contra accedentes ad monasteria Monialium absque sua facultate. Notandum tamen religiosos hoc tempore alloquentes Monialem absque licentia, etiam in monasterio regularibus subiecto, puniri posse ab Episcopo ex constitutione Gregorij XV in Bulla de priuilegiis exemptorum. Idem sacra Cardinalium Congregatio censuit, & S. D. N. Urbanus VIII. approbavit. *tom. 1. pag. 644. n. 3. & pag. 645. n. 8.*

30. Laici, & clerici triplici saltem de causa excusari possunt à culpa, & poenis iure communi impositis contra Monialium monasteria frequentantes, 1. est paruitas materiæ, vt si quis semel, atque iterum accedat: hic enim non dicitur frequentare. 2. est legitima consuetudo in contrarium. 3. est licentia superioris cum causa rationabili & manifesta, quam licentiam probabile est primo actu non finire, si absolute concedatur. *tom. 1. pag. 645. num. 1. & seq.*

31. Omnibus cuiuscumque conditionis, vel sexus, postquam vsus rationis adepti fuerint, interdictus est in monasteria Monialium ingressus, etiam ipsis Monialibus alterius ordinis, & habitus. Probabile tamen est Imperatori, & Imperatrici, Regibus, & Reginis, ipsorumque liberis ingressum in monasteria monialium non esse interdictum: quia in motu Gregorij XII. dicitur ingressum in monasteria vetitum esse quibuscumque personis, etiam si sint Comitissæ; ergo non videtur alias longè superioris dignitatis excludere. *tom. 1. pag. 646. n. 2. & seq.*

32. Facultatem ingrediendi monasteria Monialium concedere potest superior qui monasterio præest, & cuius est clausuræ Monialibus indicere (exceptis monasteriis S. Claræ, Conceptionis, & fratribus Minoribus) Hinc patet facultatem ingrediendi monasteria regularibus subiecta concedendam esse à Generali, Prouinciali, alioue immediato monasterij Prælato; non verò ab Episcopo: Abbatissa autem non potest hanc facultatem concedere, quia ad eam non spectat clausuram Monialibus indicere, cum ipsa etiam onere clausuræ teneatur; nisi legitimus superior hanc potestatem ipsi Abbatissæ delegauerit. *tom. 1. pag. 647. num. 1. & seq.*

33. Ad ingressum in monasteria S. Claræ, & Cōceptionis, nõ sufficit licentia Episcopi, vel superioris, sed requiritur licentia Papæ, præterquam in casibus in regula harum Monialium exceptis:

exceptis: quia Concil. Trid. *sess. 25. cap. 5.* cum permittit ingressum in monasteria monialium de licentia Episcopi, vel superioris, non intendit derogare regulæ quarundam Monialium, quæ arctiorem clausuram indicit. *ibid. num. 6.*

34. Fratribus Minoribus interdictum est monasteria quorumcumque Monialium ingredi absque speciali Summi Pontificis facultate (vt patet ex regulis ipsorum, & ex constitutionibus Pontificis) nisi rogentur à Prælatiis curam Monialium habentibus, vt sibi opem in eo ministerio ferant, vt patet ex priuilegio à Leone X. concessio. *tom. 1. pag. 648. num. 7.*

35. Vt licentia ingrediendi claustra Monialium validè concedatur, duæ conditiones requiruntur. 1. vt licentia sit specialis, id est, vt ad hoc specialiter cõcedatur, 2. vt licentia in scriptis detur, nisi periculum sit in mora: licenim præscribitur in Trident. *sess. 26. cap. 5.* Quare in scriptis concedenda est licentia quæ aliquibus ad ingrediendum datur, relicta facultate, & libertate Abbatissæ, vt ipsa eligat quem voluerit, vt si Episcopus licentiam hoc pacto concedat: *facultatem ingrediendi facio iis quos Abbatissa, vel Confessarius elegerit.* Quæ in re probanda est praxis quibusdam in locis recepta, vt Episcopus, vel eius Vicarius facultatem quandam generalem quoad personas, sed specialem quoad ingressum concedat quibusdam operariis, quorum opera Moniales carere non possunt, vt cæmentariis, fabris lignariis, &c. item medicis, & chirurgis. *ibid. num. 1. & seq.*

36. Facultas ingrediendi claustra Monialium, non est concedenda, nisi ob causam necessitatis manifestæ, cui aliter commodè occurri non possit: vt si excipienda sit confessio Monialis surdæ, aut ob infirmitatem, lecto decumbentis, idem dic in administratione aliorum sacramentorum, &c. in quibus casibus potest Sacerdos cû socio ingredi, persertim si sit religiosus, aut si sit in sacello valerudinarij celebraturus. *tom. 1. pag. 649. n. 1. & seq.*

37. In monasterium intromitti possunt fœminæ in obsequium, & famulatum Monialium, quando in monasterio non sunt conuersæ professæ quæ inseruiant: neque solum in obsequium totius monasterij admitti possunt, sed etiam dum id exigit necessitas alicuius particularis Monialis incommoda valeditudine vrentis, aut etiam ob sui status decentiam, vt si cæteris nobilitate longè antecellat, nec ei per conuersas commodè ministrari possit: non tamen licet habere ancillas quæ ad libitum ingredi, & egredi possint. *tom. 1. pag. 650. num. 10.*

38. Iudex cum aliquot viris potest monasterium ingredi ad expellendum malefactorem qui non vult inde exire. Quamuis enim forte hic malefactor non peccet ingrediendo vt se morti,

aut

aut instanti periculo eripiat; tamen cessante periculo non potest in monasterio morari: consequenter cum Moniales non possint illum expellere, necesse est illum à viris expelli, cum licentia Abbatisse, & discretarum. Non tamen licet laico iudici illum examinare, & in carcerem trudere, cum sit in loco immuni, nisi crimen admisit quod illum priuet immunitate. *ibid. n. 13. & pag. 651. num. 14.*

39. Permittitur puellis ingressus in monasterium Monialium, educationis gratia: sic enim sacra Cardinal. Congregatio declarauit: cum his tamen conditionibus, 1. vt monasterium confueuerit puellas admittere. 2. vt non excedant numerum præfixum. 3. vt adsit licentia superioris, & Abbatisse consensus, 4. vt sint decenter inductæ. 5. vt ancillas secum non habeant. 6. vt septem annos impleuerint, sintque minores viginti quinque annis. 7. vt seorsim habitent, & dormiant. 8. vt monasterio non egrediantur, & semel egressæ nequeant iterum admitti, nisi egressæ sint propter morbum, de licentia superioris. Item coniugatæ à viris, ob nimiam sœuitiam dissidentes possunt in monasterium admitti, donec lis componatur. Viduæ verò nisi Moniales fieri velint, non sunt admittendæ. *tom. 1. pag. 651. n. 15. & seq.*

40. Qui Monialium cœnobium cum licentia, & ex iusta causa ingressus est, grauiter peccat contra obligationem clausuræ, si finito ministerio, cuius causa ingressus est, statim nō egrediatur, nisi paruitas moræ excuset; nullam tamen censuram incurrit. *tom. 1. pag. 652. num. 22.*

41. Ingentes claustrum monialium sine licentia & iusta causa, poenam excommunicationis incurrunt, ex Concil. Trid. sess. 25. cap. 5. Hæc tamen excommunicatio, iure communi non est reseruata, modò quis non ingrediatur ad malum finem: violatio enim clausuræ Monialium ad malum finem est casus summo Pontifici reseruatus, à quo nemo potest virtute priuilegiorum absolvere. *ibid. n. 1. & 2.*

42. Prælari absque necessitate ingredientiæ monasteria Monialium sibi subditarum, si sint sæculares Pontificia dignitate præditi, pro prima vice, incurrunt interdictum ab ingressu Ecclesiæ; pro secunda contrahunt suspensionem à munere Pontificali, & à diuinis; pro tertia verò vice, & deinceps, excommunicationem ipso facto incurrunt. Prælari verò regulares contrahunt excommunicationem, & priuationem omnis officij & ministerij, vt constat ex motu Gregorij XIII. Hæc tamen excommunicatio non est Summo Pontifici reseruata; quapropter absolutio à quouis approbato confessorio impendi potest. *tom. 1. pag. 653. n. 1. & pag. 654. n. 13.*

43. Abbatisse,

43. Abbatissæ, & superiores facientes, vel permittentes aliquē ingredi sua monasteria prætextu facultatū à Summo Pontifice, Legato, vel aliis, incurrunt excommunicationem, priuationem dignitatum, & inhabilitatem ad illas. Eidem poenæ subiiciuntur Abbates, aliique monasteriorum superiores facientes, vel permittentes fœminas ingredi in monasteria, vt constat ex eod. motu Gregorij XIII. qui incipit, *Vbi gratia. tom. 1. p. 654 n. 1.*

44. Monialis quæ virum, vel fœminam prætextu facultatis ingredientem admittere præsumit in monasterium, extra casum necessitatis, incurrit ipso facto excommunicationem Papæ referuatam, priuationem officiorum, & inhabilitatem ad illa, vt patet ex eod. motu Greg. XIII. *tom. 1. p. 655 n. 8.*

Mutuum.

1. **M**utuum propriè acceptum est contractus quo rei dominium transfertur in accipientem, spe recipiendi similem in specie, & bonitate: si enim eadem res reddenda esset, non esset mutuum, sed commodatum; aut si reddenda esset res alterius speciei, non esset mutuum, sed permutatio. Hinc patet mutuum celebrari in iis rebus, quæ recipiunt functionem, id est, quarum vna substitui potest in locum alterius, vt vinum pro vino, pecunia pro pecunia; vna enim fungitur vice alterius: locatio autem, & commodatum celebrantur in iis rebus, quæ non recipiunt functionem, vt sunt domus, equus, &c. propterea equus non dicitur mutuari, sed commodari, domus locari. *tom. 2. pag. 515. n. 1. & p. 516. n. 2.*


2. Mutuum aliud est *expressum*, cum quis actualiter dat alteri pecuniam mutuo; aliud *tacitum*, seu *implicitum*, quod mutuum *palliatum* vulgo appellatur, vt cum quis alteri vendit domū maiori pretio, concessa dilatione ad soluendum; censetur enim venditor virtualiter mutare pretium emptori vsque ad terminū prestitutum ad soluendum. *tom. 2. p. 516. n. 4.*

3. Licet ex contractu mutui consurgat obligatio: aliqui tamen ad mutui accepti restitutionem, saltem in foro externo, non obligantur. 1. Ecclesia, vel locus pius, vel oppidum, nisi mutuans probet pecuniam mutuata in vsum Ecclesiæ loci pii, vel oppidi fuisse conuersam, eodem priuilegio gaudet minor, cuius nomine tutor, vel curator mutuum accepit. 2. filiusfamilias qui non habet bona castrensia, vel quasi castrensia, neque erat sui iuris cum mutuum accepit, non tenetur ad solutionem mutui, ex dispositione iuris; vocaturque hoc priuilegium *Macedonianum*. Hi tamen quatuor casus excipiuntur. 1. quando filiusfamilias accepit mutuo pecuniam ad ea quæ erant à patre supeditanda.

peditanda, v. g. ad emendos libros. 2. quando accepit mutuum de consensu patris. 3. quando pecunia mutuo accepta conuersa est in vtilitatem patris. 4. quando filiusfamilias iurauit se soluturum; potest tamen obtinere iuramenti relaxationem, cum videatur factum in fraudem legis Macedonianæ. Cæterum non potest filiusfamilias huic privilegio Macedoniano renunciare, cum in parentum fauorem maximè concessum esse videatur. *ibid. m. s. & seq.*

N.

NAUFRAGVS.

I.  M N E S & singuli quis Christianorum naufragorum bona in mari, aut in litoribus existentia surripiunt, aut per vim rapiunt, contrahunt pœnam 4. excommunicationis in Bullæ Cœnæ. *disp. 1. q. 5. punct. 1. n. 1. pag. 20. tom. 3.*

2. Hæc pœna non extenditur ad consulentes, iubentes, mandantes, receptantes, præstantes auxilium. vel fauorem, modò contactu physico non cooperentur ad naufragorum bona rapienda. Quia verba legis pœnalis vltra propriam significationem non sunt extendenda: surreptio autem dicit actionem physicam qua res aliena actu surripitur; at mandantes, receptantes, præstantes auxilium, seu fauorem, moraliter tantum ad surreptionem concurrunt: neque exprimuntur in Bulla. Item qui bona titulo depositi accepit à domino naufragium passio, & postea denegat depositum quod per testes probati non potest, non incurrit excommunicationem: quia hic non dicitur surripere cum accipiat tradente domino, sed iniustitiam committit contra obligationem depositi. *ibid. n. 34 & 6. pag. 20. tom. 3.*

3. Ad incurrendam excommunicationem sufficit sola surreptio, etiam si bona surrepta sine mora restituantur: quia excommunicatio fertur præcisè in surripientes. Qui verò bona naufragorum surripit, & postea diutius differt restitutionem, duplicem incurrit censuram, alteram in Bulla Cœnæ latam ob surreptionem, alteram in cap. *excommunicationi. de raptoribus*, latam ob morosam retentionem: hæc tamen postrema nulli est reseruata. *ibid. punct. 1. n. 2. & 3. pag. 21. tom. 3.*

4. Qui accipit bona naufragorum animo restituendi vero domino, in hanc censuram non incurrit, etiam si iis interim vtatur absque notabili damno domini: quia hæc actio non est iniusta. Idem dicendum de eo qui aliquid accipit sciens alienum, sed

sed nesciens esse naufragatium; si tamen illud retinet postquam comperit esse naufragorum, non incidit quidem in excommunicationem Bullæ, sed in excommunicationem supradictam, cap. *excommunicationi de raptoribus*; quæ nulli est reservata. *ibid. n. 4. & 5. pag. 21. tom. 3.*

5. Qui surripiunt ante naufragium, vel in ipsa naufragij trepidatione, non incurrunt excommunicationem; quia Bulla loquitur de passis naufragium; lex autem poenalis non est extendenda. *ibid. n. 6.*

6. Qui surripiunt naufragorum bona extra littus maris, vel in flumine inuenta, non sunt obnoxij huic excommunicationi; quia in Bulla sermo est de surripientibus naufragorum bona in mari, vel in littore inuenta. *ibid. n. 7.*

7. Qui bona surripiunt quæ ad leuandam nauim in mare proiecta sunt, aut ipsam nauim iam laceram, & mercibus exoneratam, excommunicationem incurrunt, quia hæc sunt naufragorum bona. *ibid. n. 9. & 10.*

8. Si bona quæ surripiuntur sint infidelium, aut hæreticorum, aut piratarum naufragantium, ea rapientes ab excommunicatione excusantur. Quia hi omnes habentur pro hostibus Ecclesiæ, & in Bulla sermo est tantum de bonis Christianorum, modò tamen ea non deferantur ad infideles contra Ecclesiæ prohibitionem, vt sunt arma, &c. hæc enim surripientes excommunicationem non incurrunt. *ibid. punct. 3. pag. 22. tom. 3.*

9. Ad incurrendam excommunicationem ob surrepta naufragorum bona requiritur quantitas sufficiens ad peccatum mortale furti, nisi multi communi consensu, & velut ex conducto ad prædam accurrerent, & singuli modicum surriperent; hæc enim exigua furta simul sumpta materiam notabilem efficerent. *ibid. punct. 4. n. 1. 2. 3. pag. 22. tom. 3.*

10. Qui naufragorum bona surripuit inuincibiliter ignorans id esse veritum sub censura, aut probabiliter credens esse licitum: aut qui accipit ea quæ probabiliter credit haberi pro derelictis, excommunicationem non incurrat. *ibid. à n. 8.* Quænam autem bona pro derelictis habeantur, ex circumstantiis colligi potest. *ibid.*

11. Nulla consuetudo aut priuilegium ab hæc censura incurrere excusare potest: quia in Bulla reuocantur qualibet priuilegia, & abrogatur consuetudo, & vsu capio etiam temporis immemorabilis. Vnde sequitur inualidas esse Principum leges, quibus naufragorum bona fisco addicunt: nam dominis non comparentibus tenentur ea in pios vsus erogare. Qui tamen accurrunt ad opem ferendam nautis auxilium implorantibus, possunt

possunt aliquid retinere ratione laboris, & periculi cui se exponunt. *ibid. n. 8. pag. 22. 23. tom. 3.*

12. Surripiens naufragorum bona non iuuatur titulo præscriptionis, seu potius vsucapionis, quæ est possessio rei mobilis tempore à lege definito: quia possessor malæ fidei nullo tempore præscribit. *ibid. n. 10. pag. 23.*

Notarius.

1. **N**otarius, seu procurator tenetur ea scire, quæ ad proprium ipsius officium spectant, ut clausulas in contractibus apponi solitas aliàsque solemnitates quæ adhiberi solent. Solemnitates autem quæ ad validum, & authenticum instrumentum requiruntur, sunt inuocatio nominis Dei, annus, dies, mensis, locus, testes, nomen & signum tabellionis. Sin ob Notarij negligentiam, vel ignorantiam omissa est aliqua solemnitas, cuius omissione pars damnum patiatur, Notarius tenetur ad restitutionem. *tom. 2. pag. 335. n. 1.*

2. Notarius debet fideliter in scriptum referre quæ à partibus asseruntur, modò absit mendacium. Quare peccat si dicat pecuniam, se præsentem, traditam fuisse, cum reuera non fuerit, ut in contractu census, ad cuius validitatem actualis solutio præscribitur. *tom. 2. pag. 336. n. 2.*

3. Notarius grauiter peccat si sine causa renuat conficere instrumenta, aut si ea iam confecta occultet; est enim persona publica ad obsequium omnium ex officio deputata, consequenter tenetur ad restitutionem damni, quod pars ex denegato sibi instrumento, seu transumpto, patitur. *ibid. n. 3.*

4. Notarius conficiens testamentum alicuius carentis iudicio, seu non vrentis ratione, peccat, & tenetur ad restitutionem legitimis hæredibus, qui ab intestato successissent: est enim causa iniusta damni quod ipsi patiuntur. *ibid. n. 4.*

5. Notarius tenetur in conscientia legata manifestare, præsertim facta ad causas pias. Quare in diocesi Mediolanensi Notarius qui postquam nouit mortuum esse testatorem, intra tres menses legata pia non denunciât, elapsis tribus mensibus, ipso facto excommunicationem incurrit. *ibid. n. 5.*

6. Notarius non potest aliquid ultra taxam exigere, quando pretium est à lege taxatum: si autem aliquid in notabili quantitate accipiat, peccat mortaliter contra iustitiam, & tenetur ad restitutionem excessus, nisi sponte detur. *ibid. n. 8.*

7. Clericus minoribus ordinibus initiatus potest officium Notarij etiam imperialis suscipere; nullo enim iure prohibetur. At maioribus initiatus, aut habens beneficium, non potest

Cæsarei Notarij munus suscipere, vel exercere in foro publico sæculari, vel Ecclesiastico: nemo enim militans Deo implicat se negotiis sæcularibus. *ibid. n. 8.*

Nuntius Apostolicus.

1. **I**N Bulla 96. Pij I V. quæ incipit, *Esti Romanum Pontificem*, contra Nuncios, & alios ad Reges, seu Principes missos, lata est excommunicatio ipso iure, & privatio omnium dignitatum, beneficiorum, & officiorum, & inhabilitas ad illa, & alia in posterum obtinenda, denique infamia si procurare præsumperint à Regibus, Reginis, vel Principibus ad quos mittuntur, commendationes, & fauores vocales, aut literas, ad obtinendas dignitates, vel officia sibi, aut consanguineis, seu necessariis. *disp. 2. quest. 6. punct. 3. n. 279. tom. 3.*

2. Probabile est Nuncium missum ad Rempublicam, quæ non habet Ducem, aut Principem, sed à magistratu regitur, non affici hac censura, si ab ipso magistratu commendationes, & fauores impetret. *ibid. num. 9.*

3. Si Princeps propria sponte scribat ad Summum Pontificem, & roget pro gratia Nuncio vel eius affini conferenda, Nuncius ab hac censura excusatur; secus si Princeps ad hoc inducatur à consanguineis Nuncij, idque Nuncius aduertat: sic enim videtur indirectè ambire. *ibid. n. 10.* Expleto autem legationis tempore si fauores impetret, in censuram non incidit *n. 14.*

4. Hæc excommunicatio non est referuata.

O.

OBLATIO.

1. **I**N cap. *Hanc consuetudinem* 10 q. 1. excommunicatio fertur contra laicos qui oblationes intra Ecclesiam factas, de Ecclesia auferunt, & sibi vsurpant. Hæc autem excommunicatio est ipso iure lata, & statim incurritur ipso facto, quia fertur per verba temporis præsentis. *pag. 156. n. 2. tom. 3.*

2. Hæc excommunicatio est vniuersalis, & afficit omnes laicos sibi vsurpantes oblationes; Summus enim Pontifex vniuersaliter loquitur. *ibid. n. 3.*

3. Ad hanc excommunicationem incurrendam non sufficit conatus, sed requiritur effectus, id est, actualis ablatio, quia censura non incurritur, effectu nondum sequuto. *ibid. n. 4.*

4. Hæc excommunicatio non ligat Ecclesiasticos surripientes oblationes

oblaciones, sed laicos tantum, si oblaciones Ecclesiis auferant: nam si illas extra Ecclesiam existentes sibi applicant, & usurpent, in hanc excommunicationem non incidunt. *ibid. n. 5. & 6.*

5. Hæc excommunication non est reservata, sed à quolibet Confessario approbato tolli potest. *ibid. num. 7.*

Observatio vana.

1. **V**ana observatio est superstitio, quâ media inutilia adhibentur ad faciendum, vel omittendum aliquid, ad quod illâ media, nec à Deo, nec à natura vim ullam habent, ut sit quando quis mediis inutilibus nititur acquirere sanitatem, vel scientiam, &c. aut quibusdam verbis alligare dæmonem illumque includere in annulo, vase, &c. aut quando quis animalibus noxiis mittit chirographum aut litem mouet, ut ea expellat; aut quando quis proferat verba quibus moueatur annulus ad designandam diem horam, &c. *rom. 2. pag. 183 num. 3.*

2. Tres sunt species vanae observationis, *Ars notoria*, *observatio sanitatum*, & *observatio euentuum*. *Ars notoria* est superstitio, qua quis credit se consequitur scientiam absque labore per ieiunia, inspectionem figurarum, prolationem verborum, &c. quæ superstitio ex suo genere est peccatum mortale, continet enim tacitam cum dæmone societatem, cui tribuitur id quod est proprium Dei. *Observatio sanitatum* est superstitio, qua adhibentur aliqua inania ad curandos morbos hominum, vel brutorum; ut contingit quando adhibentur verba, signa, ceremoniæ, vel etiam res naturales quibus aliqua vana admiscuntur, tanquâ necessaria. *Observatio euentuum* est genus superstitionis, quo ex consideratione alicuius euentus, conicitur quid futurum sit, v.g. cum alicui domo exeunti occurrit cadauer, vulpes, lepus, &c. indeque occasionem sumit credendi negotium, aut diem sibi futurum infauftum. *ibid. n. 4. & seq. & pag. 185. n. 21.*

3. Superstitiosi sunt illi effectus, qui sunt his conditionibus concurrentibus. 1. quando effectus superat virtutem causæ applicatæ. 2. quando effectus fit sine motu locali, ut cum flumen statim apparet. 3. quando effectus statim evanescit. *ro. 2. pag. 183. n. 9.*

4. Superstitiosum est adhibere imagines, aut characteres inscriptos sacris verbis, aut signo crucis, certa cum fiducia evadendi prælio, pellendi morbos, aut non moriendi sine confessione. Vitari autem potest superstitio in imaginibus, vel scripturis sacris adhibendis, aut ad collum appendendis. 1. si nihil falsi contineant contra sacram Scripturam, aut Ecclesiæ auctoritatem. 2. si nihil habeant pertinens ad dæmonis inuocationem. 3. si non scribantur nomina ignota, vel alij characteres præter

lignum crucis. 4. si non collocetur spes in modo scribendi, v.g. in membrana virginea, vel tali tempore, &c. 5. si hæc non adnotentur: *Qui secum detulerit, qui has preces recitauerit, non morietur in bello*, &c hæc enim superstitionem redolent: Deus enim nullis verbis temporalem effectum infallibilem pollicitus est; aliquando enim expedit illis temporalibus bonis priuari. *ibid. num. 10. & 11.*

5. Superstitiosum item est in publicis supplicationibus imaginem alicuius Sancti prouocare in flumen, vt pluat, aut credere tot orationes prodesse, non autem pauciores, aut candelam debere esse tantæ longitudinis, & non minoris, aut Missam non prodesse, nisi tot candelæ talis coloris adhibeantur, &c. *rom. 2. pag. 184. num. 13.*

6. Non est damnandus vsus 30. Missarum S. Gregorij in memoriam facti S. Gregorij, qui 30. diebus iussit orari pro defunctis, modò circumstantiæ, vel ceremoniæ vanæ non admisceantur. *ibid. num. 16.*

7. Superstitiosus planè, & damnandus est modus curandi vulnera eorum, qui longè absunt, applicato quodam vnguenti genere, aut puluere, gladio, virtutis, seu fasciis, sanguine vulnerati infectis: quia hic effectus non est ab agente naturali, cum nulla virtus naturalis agat in distans; neque dici potest esse à Deo, cum id neque ex Scriptura, neque ex Ecclesiæ traditione cõstet. Reliquum est igitur, vt sit à dæmone ex pacto tacito cum ipso. Huc facit quod auctor illius vnguenti (quod vocatur vnguentum armorum, eò quod applicetur ensi, seu gladio, quo fuit vulnus inflictum) fuit Paracelsus, qui fuit auctor damnatus. *ib. n. 17. & 18.*

8. Familiæ, seu homines, qui velut ex professo medentur quibusdam morbis, vt morsui rabidi canis, non sunt simpliciter superstitionis damnandi. Tum quia nonnulli feruntur ab Ecclesiâ; tum quia fieri potest vt hanc gratiam gratis datam acceperint à Deo: huiusmodi tamen homines diligenter examinandi sunt antequam hanc artem profiteri permittantur; & Confessarij magnam debent adhibere cautionem in absoluendis iis qui ad sanandos morbos remediis vtuntur externis, virtutem naturalem habentibus ad eos curandos, quamuis publicè tolerentur. *rom. 2. pag. 185. num. 20.*

ORDO.

Ordo quid & quotuplex?

1. Ordo est Sacramentum quò sp̃ialis potestas traditur ad conficiendum corpus, & sanguinem Christi: nam per Ordinem

Ordinem Sacerdotalem conferitur potestas immediata, quâ directè confici potest Eucharistia; per reliquos verò Ordines conferitur potestas mediata, per quam exercetur aliquod ministerium quod dirigatur, & ordinatur ad Eucharistiam tanquam ad finem.

tom. 1. pag. 219. num. 1.

2. Ordines sunt septem, *Ostiarj, Lectoris, Exorcista, Acolyti Subdiaconatus, Diaconatus, & Sacerdotij*. Episcopatus, propriè loquendo, non est Ordo per quem conferatur peculiaris potestas circa Corpus Christi; nam Sacerdos eandem habet potestatem circa sacrificium, quam habet Episcopus; neque character Episcopalis, & character Sacerdotalis sunt duo Ordines, sed vnus qui dicitur extendi, & perfici in Episcopatu: vnde sequitur Episcopatum non posse validè conferri alicui, non Sacerdoti; cum non sit ordo distinctus ab Ordine Sacerdotali, sed illum supponat. *ibid. num. 2. & seq.*

3. Archiepiscopatus & Papatus non sunt propriè Ordines, neque prima tonsura, per illam quippe non datur potestas specialis circa Eucharistiam, quamvis per ipsam homo fiat capax iurisdictionis Ecclesiasticæ & beneficiorum; sed est tantummodo præambulum, & dispositio ad Ordines, sicut nouitiatus ad religionem. *tom. 1. p. 220. num. 5. & 6.*

4. Ordinis Sacramentum institutum fuit in vltima Cœna, *Luc. 22.* vbi Christus dixit Apostolis: *Hoc facite in meam commemorationem*, quibus verbis contulit illis potestatem Sacerdotalem, eisque, ac eorum in Sacerdotio successoribus dedit præceptum consecrandi. Cum hoc autem Ordine Sacerdotij reliqui inferiores sunt instituti, quia in eo continentur eminenter, & ad eum ordinantur. *ibid. n. 7.*

5. Ordo Sacerdotalis est verè, ac propriè Sacramentum, nec Sacerdotalis modò, verùm etiam alij singuli sunt Sacramenta, & conferunt gratiam; vt patet ex Concil. Trid. *sess. 23. cap. 3.* quod postquam recensuit singulorum Ordinum nomina, absolute asserit Ordinem esse Sacramentum. *ibid. n. 1. & 2.*

Sacramenti Ordinis materia, & forma.

6. Materia remota Sacramenti Ordinis est res illa, quæ traditur suscipienti Ordines. Nempe *Sacerdotalis Ordinis*, calix cum vino, & patena cum hostia; *Diaconatus*, liber Euangeliorum; *Subdiaconatus*, calix vnus cum patena; *Acolytiatus* vireolis; *Exorcistatus*, liber exorcismorum; *Ostiaratus*, cymbalum, & clauus; *Lectoratus*, liber lectionum. Materia autem proxima Sacramenti Ordinis est traditio harum rerum, quas modò recensuimus. *ibid. n. 1. & seq. pag. 221.*

7. Impositio manuum est materia essentialis Episcopatus, per hanc enim confertur potestas Episcopalis, vt colligitur ex 1. Tim. 4. & Act. 6. *tom. 1. pag. 221. num. 10.*

8. Contactus materiae est ita de essentia huius Sacramenti, vt non censetur ordinatus qui hanc non contingit: Quod tamen non est scrupulosè intelligendum, ita vt in Sacerdotio necessè sit hostiam, & vinum immediatè attingere, sufficit enim tangere calicem, & patenam quando verba ordinationis ab Episcopo proferuntur, ita vt contactus & verba seu forma, saltem moraliter sint simul. *ibid. num. 11. & 12.*

9. Forma Sacramenti Ordinis sunt verba, quæ ab Episcopo proferuntur imperatiuo modo cum expressione potestatis, quæ confertur. Inuocatio SS. Trinitatis non est de essentia formæ. Est autem valida ordinatio quando plures initiantur Ordine sacro, & Episcopus prolata semel vnica forma in plurali, præbet materiam singulis successiuè tangendam, forma non repetita. *ibid. num. 13. & seq.*

10. Ex dictis colligi potest quodnam sit munus, & officium singulorum Ordinum. Nam Sacerdotis officium est conficere Sacramentum Eucharistiæ, administrare Sacramenta, exceptis Confirmatione & Ordine; prædicare verbum Dei cum licentia Episcopi. *Diaconi officium* est publicè legere Euangelium in Ecclesia, ministrare sacrificiū, &c. *Subdiaconi* est canere Epistolam, proximè assistere Diacono illique ministrare. *Acolyti* est porrigere viceolos Subdiacono, &c. *Exorcista*, imponere manus super energumenos, & legere exorcismos. *Lectoris*, legere Prophetias, & scripturas in Ecclesia. *Ostiarij*, claudere, aperire, & custodire Ecclesiam, &c. *tom. 1. pag. 222. num. 18.*

Ordinis minister.

11. Proprius Episcopus est ordinarius Sacramenti Ordinis minister; licet autem sit excommunicatus, interdictus, suspensus, aut etiam priuatus Episcopatu, validè tamen Ordines confert; quia adhuc retinet characterem, atque adeo potestatem Ordines conferendi, quamuis eam illicitè exerceat. *ibid. n. 1. & 2.*

12. Possunt Ordines de licentia Summi Pontificis conferri ab aliis quàm ab Episcopis, vt Ordines minores à Cardinalibus Presbyteris; prima tonsura, & Ordines minores ab Abbatibus habentibus ius mitræ, conferri possunt subditis regularibus. Ordines verò maiores non possunt ab alio quàm ab Episcopo conferri. *ibid. num. 3.*

13. Episcopus non potest subditis alterius Episcopi, nisi de licentia ipsius, Ordines, aut primam tonsuram conferre; dicitur autem proprius Episcopus, qui est Episcopus originis, vel domicilij,

vel

vel beneficii, cuius est concedere literas dimissorias ad Ordines suscipiendos. Potest tamen Episcopus ex privilegio Concilij Trident. sess. 23. cap. 9. conferre Ordines suo familiari, qui per triennium commoratus sit cum ipso, etiamsi sit alterius diocesis, modo statim illi conferat beneficium *tom. 1. pag. 223. n. 7. & seq.*

14. Capitulum, Sede vacante, concedere potest literas dimissorias ad Ordines ab alieno Episcopo suscipiendos in duobus casibus. 1. quando Sedes Episcopalis vacavit per annum. 2. quando quis est arctatus, ita ut perditurus sit beneficium, nisi statim promoveatur ad Ordines. Extra hos duos casus non potest concedere literas nisi testimoniales *ibid. n. 23.*

15. Qui à Sede Apostolica obtinuit privilegium suscipiendi Ordines à quolibet Episcopo, non indiget literis dimissoriis, sed tantum testimonialibus proprii Episcopi, de vita, & moribus, sine quibus si ordinetur, remanet suspensus ab executione susceptorum Ordinum, & ordinans incurrit suspensionem à collatione Ordinum per annum. *tom. 1. pag. 224. n. 28.*

16. Episcopus qui in aliena diocesi confert Ordines de consensu Episcopi illius diocesis, non potest Ordines conferre clericis, qui non sunt subditi ipsimet Episcopo ordinanti, vel illi Episcopo de cuius consensu Ordines confert, nisi habeant dimissorias à suis Ordinariis. *ibid. num. 29.*

Sacramenti Ordinis subiectum capax.

17. Omnis masculus baptizatus est subiectum capax ordinis, quamvis sit infans carens usu rationis, aut insanus, aut hæreticus: nam in cap. *unica*, extra de iis qui per saltum ordinantur, habetur illos non esse reordinandos, qui ante discretionis annos acceperunt minores ordines; ergo supponuntur capaces sacramenti ordinis. Qui tamen ordine sacro initiatus est ante usum rationis, non tenetur vi voti ad servandam castitatem postquam maturam ætatem attigerit, quia votum est deliberata promissio; at qui caret usu rationis non potest deliberatè promittere. *tom. 1. pag. 225. num. 1. & 2.*

18. Probabilius videtur Episcopatum posse conferri puero ante usum rationis; quia non potest sufficiens ratio in contrarium afferri: multi enim sunt Episcopi titulares; qui nullam gerunt animarum curam, & Ecclesiæ administrationem: ergo nihil vetat Episcopatum conferri ante usum rationis. *ibid. n. 4.*

19. Fœminæ sacramentum ordinis suscipere nō possunt, quia 1. *Tim. 2.* iubetur in Ecclesia tacere; ergo à fortiori non possunt sacramenta administrare, consequenter non possunt ad ordines promoveri; qui pro fine habent administrationē sacramentorum.

Idem dicendum de hermaphroditis, nisi prævaleat sexus virilis, sed ne tunc quidem licitè ordinari possunt, cum sint irregulares. *ibid. num. 5. & 6.*

20. Ut quis validè, ac licitè ordines suscipiat, hæ conditiones requiruntur. 1. ut sit baptizatus. 2. ut sit confirmatus; validè tamen, sed non licitè Sacramentum ordinis conferri potest. 3. ut habeat primam tonsuram; valida tamen est ordinatio ante primam tonsuram. 4. ut attigerit legitimam ætatem. 5. ut habeat scientiam sufficientem ad usum cuiusque ordinis. 6. ut habeat testimonia morum. 7. ut habeat titulum. 8. seruet temporum interstitia, non solum in maioribus, verum etiam in minoribus ordinibus suscipiendis, ita ut qui suscipit vltimum minorum ordinum debeat per annum expectare, antequam ad sacros ordines promoueat. *ibid. n. 7. & seq.*

21. Interstitia non sunt mathematicè computanda, ita ut ordinandus nequeat ad ordines promoueri nisi inter vnum, & alterum ordinem traxerit morà 12. mensium completorū: sed moraliter, & iuxta ritum Ecclesiæ, videlicet ab vna quadragesima ad aliam, à Pentecoste ad Pentecosten, &c. licet 12. menses nondum sint elapsi. Dispensatio interstitiorum pertinet ad Episcopum etiam respectu religiosorum. Suscipiens tamen ordines non seruatis interstitiis, nullam incurrit censuram, vel irregularitatem; quia non est expressa in iure. *tom. 1. pag. 230. num. 51. 52. 53.*

22. Nona conditio ad ordines suscipiendos est, ut suscipiens non sit irregularis: nam irregularitas est inhabilitas ad ordines. Præterea carens debita membrorum integritate; aut carens digitis ad hostiam perfringendam adhibendis; aut habens manus tremulas, ut sit periculum effundendi calicis; aut qui ad mortem alterius cooperatus est; denique spurius, & illegitimus est irregularis, atque adeo inhabilis ad ordines suscipiendos. *ibid. n. 55.*

23. Decima conditio requisita in suscepturo ordines, est ut non sit aliqua censura irretitus. Vndecima, ut habeat intentionem suscipiendi ordines, si sit adultus; nam in eo qui caret usu rationis sufficit intentio Ecclesiæ. Merus autem non tollit voluntarium sufficiens ad ordines validè suscipiendos: at qui per vim absolutam ordinatur, censetur carere intentione. Duodecima, ut suscipiens ordines sit in gratia per confessionem, aut contritionem. Decimatertia, ut cum debitis vestibus ad ordines accedat. *ibid. n. 56. & seq.*

Sacramenti Ordinis effectus.

24. Effectus Sacramenti ordinis est duplex. 1. est gratia habitualis, qui effectus est illi communis cum reliquis Sacramenti

mentis. 2. est character qui eodem tempore confertur quo primus effectus. *tom. 1. pag. 231. n. 1.*

Ordinum susceptio illegitima.

25. Recipientes ordines ante legitimam ætatem pœnam suspensionis ab exercitio ordinum incurrit; modò tamen suscipiat aliquem ordinem sacrum mala fide sciens se legitimam ætatem non habere, idque prohiberi sub pœna suspensionis: nam qui bona fide, & ignorans legem sacros ordines susceperit ante legitimam ætatem, non incurrit suspensionem: consequenter neque irregularitatem functiones susceptorum ordinum exercens; moraliter tamen peccat illas functiones exercens cognito ætatis defectu; facit enim contra prohibitionem Ecclesiæ. *disput. 3. q. 1. punct. 1. pag. 322. c. 322. tom. 3. n. 1. c. seq.*

26. Quæres quænam ætas requiratur ad sacros ordines suscipiendos. *resp.* ad suscipiendam primam tonsuram requiri septennium, ita ut nullus ad eam sit admittendus, quem non constat septem annos complevisse. Ad minores ordines non est certa ætas præscripta. Ad Subdiaconatum requiruntur 22. anni inchoati. Ad Diaconatum 23. inchoati. Ad Presbyteratum 25. etiam si per medium tantum diem sint inchoati. Ad Episcopatum 30. anni completi. *ibid. pag. 323. n. 4. tom. 3.*

27. Suspendio quam quis contraxit per susceptionem ordinum ante legitimam ætatem arcet ab executione, seu exercitio ordinis suscepti; unde sequitur eum, qui presbyteratum suscepit ante legitimam ætatem, non prohiberi ab executione diaconatus, vel subdiaconatus legitima ætate suscepti. *ibid. num. 8.*

28. Qui subdiaconatum vel diaconatum ante legitimam ætatem suscepit, non potest ad sacerdotium promoueri; nam qui ordines ante legitimam ætatem suscepit, non tantum suspensus est ab usu ordinis sic suscepti, verum etiam à susceptione ordinum superiorum, etiam si iam legitimam ætatem attigerit; quia ordo superior virtualiter continet inferiorem; ergo suspensus à functione inferioris suspensus est etiam à susceptione maioris, quia ordo non suscipitur, nisi ut exerceatur. *ibid.*

29. Qui sacrum ordinem suscepit ante legitimam ætatem, incurrit irregularitatem si illum exerceat etiam in missa ordinationis, v. g. si Diaconus canat Euangelium; facit enim duplicem actionem prohibitam, vnam sub censura suspensionis suscipiendo sacrum ordinem, alteram sub pœna irregularitatis illum exercendo. *ibid. pag. 324. n. 5. tom. 3.*

30. Episcopus suscipiens consecrationem Episcopalem ante

legitimam ætatem hanc suspensionem non incurrit; quia Episcopatus propriè non est ordo. *ibid. n. 10.*

31. Absolutio ab hac suspensione impendi potest ab Episcopo, vel alio ab ipso deputato; quia neque absolutio suspensionis, neque dispensatio irregularitatis est reservata. Neque cessat illa suspensio statim adepta ætate, quia est censura, quæ non tollitur nisi per absolutionem. Secùs dicendum de irregularitate. *ibid. num. 1. & 2.*

32. Suscipiens ordines per saltum afficitur suspensione. Dicitur autem ordines per saltum suscipere qui non gradatim promouetur; sed ad superiorem ascendit omisso inferiore; validè tamen suscipit; quia singuli ordines sunt Sacramenta characterem imprimentia, nec necessariam habent inter se connexionem. *ibid. punct. 2. pag. 324. n. 1. & seq. tom. 3.*

33. Promotus per saltum incidit in irregularitatem si functiones ordinis per saltum suscepti exerceat, quia violat censuram suspensionis contractæ. *ibid. n. 2.*

34. Suscipiens ordinem non suscepto Baptismo graviter quidem peccat; non tamen validè ordinatur; quia Baptismus est ianua omnium Sacramentorum; neque incurrit suspensionem, quia cum non sit baptizatus, non est subiectus Ecclesiæ. *ibid. pag. 325. n. 5. tom. 3.*

35. Suscipiens ordinem vel tonsuram ante confirmationis Sacramentum graviter peccat; validè tamen suscipit, neque suspensionem incurrit, quia non est in iure expressa. *ibid.*

36. Episcopus suscipiens consecrationem Episcopalem ante alios ordines, non incurrit suspensionem latam contra promotos per saltum; tum quia Episcopatus non est propriè ordo, tum quia censura suspensionis, vel interdicti non ligat Episcopos nisi exprimentur. *ibid. n. 6.*

37. Consecratio Episcopi facta per saltum est inualida, si fiat omisso sacerdotio; tum quia character Episcopalis necessariò supponit sacerdotalem; tum quia Episcopus validè consecratus ordinare potest Sacerdotes; Episcopus autem qui non est Sacerdos, aliis sacerdotium conferre nequit; igitur non potest Pontificalia exercere antequam novam suscipiat consecrationem post sacerdotium. *ibid. n. 7.*

38. Promotus per saltum suspenditur. 1. à susceptione ordinis prætermisforum. 2. ab executione ordinis suscepti. 3. à susceptione ordinis superioris. v.g. qui diaconatum subdiaconatu omisso suscepit, non potest ad sacerdotium promoueri antequam dispensetur, & ordinem prætermisum suscipiat. Non est tamen suspensus ab ordinibus antea ritè susceptis. *ibid. n. 9. & 10.*

39. Episco

39. Episcopus in hac suspensione potest dispensare etiam respectu illius, qui maiores ordines per saltum susceperit, etiamsi delictum sit publicum, modò tamen is, qui hoc modo ordines suscepit, non exercuerit functiones ordinis suscepti, aut prætermissi. *ib. n. 12.*

40. Dispensatus ad suscipiendum ordinem prætermisum, censetur etiam dispensatus ad exercendum ordinem susceptum per saltum, immò etiam ad suscipiendum ordinem superiorem; ab eo enim repellabatur solum consequenter, quatenus erat suspensus ab ordinibus inferioribus: ergo sublata suspensione ab inferioribus, cessat etiam circa superiores. *ibid. pag. 326 n. 14. tom. 3.*

41. Ordines sacri, præciso privilegio Pontificio, ministrandi, & suscipiendi sunt tantummodo in Sabbatis quatuor temporum, aut Sabbato sancto, aut Sabbato proximè præcedente Dominicam passionis. Ordines minores possunt vni, vel duobus conferri diebus Dominicis, & aliis festiuis, si iuris antiqui dispositionem præcisè spectemus. Prima tonsura conferri potest quolibet anni die; quia iura nullum tempus præscribunt. Consecratio verò Episcopi fieri potest qualibet Dominica die. *ibid. punct. 3. pag. 326. n. 1. & seq. tom. 3.*

42. Suscipiens sine dispensatione sacros Ordines extra tempora constituta, censuram suspensionis iure nouo statim incurrit: hæc autem suspensio impedit executionem ordinum susceptorum. Porro Episcopus potest ab hac suspensione absolueret. *ibid. num. 4. & seq.*

43. Suscipiens plures ordines sacros eodem die absque dispensatione, suspensionem incurrit. Suscipiens item minores ordines, vel primam tonsuram cum subdiaconatu, aut cum alio ordine sacro, iuxta communioem sententiam, incurrit suspensionem ab executione ordinis illius sacri, quem eo die suscipere non poterat; modò nulla obtinuerit consuetudo contrarium. *ibid. punct. 4. §. 1. pag. 327. num. 1. & 2. tom. 3.*

44. Episcopus conferens eidem plures ordines eodem die, suspenditur à collatione ordinum, donec à Papa dispensetur. *ib. n. 4.*

45. Potest Episcopus facultatem dare suscipiendi omnes ordines minores eo die quo Ecclesia ordines conferri permittit: Ordines verò sacri non possunt nisi de licentia Papæ eodem die conferri. *ibid. num. 6.*

46. Solus Summus Pontif. potest dispensare in suspensione contracta ab eo, qui plures sacros Ordines, aut minores cum subdiaconatu suscepit. Excipitur tamen casus in quo Abbas, & Episcopus dispensare possunt; quando scilicet ordinatus religionem ingressus est, & peracta pœnitentia laudabiliter in religione vixit. *ibid. num. 7.*

47. Conferens, aut suscipiens Ordines nō seruatis interstitiis, grauius quidem peccat violando leges Ecclesiasticas; non tamen incurrit poenam suspensionis, nulla enim est expressa in iure. §. 2. pag. 327. n. 1. Interstitia autem sunt ita computanda, vt inter vnum, & alterum ordinem annus integer intercedat; hic tamen annus est moraliter computandus iuxta ritum Ecclesiæ, v.g. à Pentecoste ad Pentecostem. pag. 328. num. 2. tom. 3.

48. Episcopus in interstitiis circa minores Ordines dispensare potest cum sibi subditis, & circa diaconatum; in interstitiis verò inter minores Ordines, & subdiaconatum, & inter diaconatum, & Sacerdotium dispensare non potest, nisi adsit necessitas, vel utilitas Ecclesiæ, iudicio ipsius Ecclesiæ. *ibid.* num. 3.

49. Eadem facultas dispensandi in interstitiis competere videtur capitulo Sede vacante, seu ipsius Vicario. Probabile est etiam Abbates in iis casibus, in quibus tonsuram, & minores ordines conferre possunt, cum iisdem posse dispensare in interstitiis circa minores ordines. *ibid.* num. 4.

50. Potest Episcopus dispensare in interstitiis etiam cum religiosis ex causa sibi à superioribus ipsorum per attestatorem expressa, quia religiosi non sunt deterius conditionis quàm ceteri. *ibid.* num. 8.

51. Non solum excommunicatio, sed etiam suspensio contrahitur ob simoniam tam ab eo, qui ordines simoniace confert; quàm ab eo, qui per simoniam suscipit, nisi ignorantia excuset, vt si tertius quispiam det pecuniam Episcopo inscio ordinando, cum enim hic careat culpa, excusatur à censura. *ibid.* punct. 5. pag. 328. tom. 3.

52. Suscipiens simoniace ordines bona fide non contrahit suspensionem, etiamsi post ordinationem ratificet simoniam ab altero commissam; hic enim nullam simoniam committit, sed ab alio commissam approbat. Secus dicendum si antequam ordines susciporteret, animaduertit simoniam ab altero commissam fuisse occasione ordinis à se suscipiendi, tunc enim abstinere tenetur ab ordinis susceptione. *ibid.* num. 3.

53. Ista suspensio arceat ab exercitio ordinum susceptorum, & ab aliis suscipiendis: non tamen ab officio, & beneficio, nisi sic suspensi maiustrauerint, seu ordinum functiones exercuerint. *ibid.* pag. 329 num. 8. tom. 3.

54. Suspensio lata contra simoniacos in ordine perpetua est; quia iura absolutè loquuntur. Pius autem V. in eiusmodi simoniacos sententiam tulit suspensionis ab ordinibus simoniace susceptis per decennium, & incarcerationis per annum. num. 10.

55. Potest Episcopus absoluerè suum subditum à simonia occulta

occulta, & à suspensione ob illam contracta, nec non rehabilitare ad ordines, & beneficia antea obtenta, non tamen ad beneficia in posterum obtinenda: ita declaravit sacra Cardinalium Congregatio *ibid. n. 11.*

56. Excommunicatus ob clerici pereussionem incurrit suspensionem, vel, ut alij volunt irregularitatem, suscipiendo ordines ante obtentam absolutionem ab excommunicatione. Idem dicendum de eo, qui est obstrictus alia qualibet excommunicatione maiori, nisi ignorantia, aut inaduerterentia excuset, quam in foro externo non præsumitur ignorantia, quia factum graue est, & ius valdè manifestatum. *ibid. punct. 6 pag. 330.* Excusatur etiam excommunicatus, qui per vim, aut metum grauem ordines suscepit. *ibid.*

57. Excommunicatus suscipiens consecrationem Episcopalem iuxta probabiliorem sententiam non incurrit hanc suspensionem, tum quia Episcopatus non est ordo, tum quia censura non afficit Episcopos, nisi exprimantur. Idem dicendum de excommunicato suscipiente primam tonsuram; quia hæc etiam propriè non est ordo. *ibid. num. 3.*

58. Hæc suspensio excommunicati ordines suscipientis suspendit clericum sæcularem ab executione ordinis in excommunicatione suscepti, non autem ab exercitio aliorum extra excommunicationem susceptorum: Regularem verò suspendit ab executione ordinis, & officij; sic enim iura decernunt. *ibid. pag. 331. n. 5. tom. 3.*

59. Absolutio ab hac suspensione respectu clerici sæcularis referuata est Papæ, si delictum sit publicum, si autem sit occultum, Episcopus potest dispensare. Religiosus verò absolui potest à suo Abbate, modò ex inaduerterentia facti, vel ignorantia iuris deliquerit, & factum non sit graue. *ibid. num. 7.*

60. Coniugatus suscipiens illicitè aliquem sacrorum ordinum, tam ante, quàm post consummatum matrimonium, incurrit suspensionem, & irregularitatem. *ibid. punct. 7. n. 1.*

61. In his autem casibus licet viro coniugato etiam durante matrimonio sacros ordines suscipere. 1. quando matrimonium nondum fuit consummatum; potest enim religionem ingredi, & emissa professione sacros ordines suscipere. 2. quando vxor consummato matrimonio ingreditur religionem, & in ea de mutuo consensu profiteretur. 3. quando vxor de consensu viri castitatis votum emittit, & concedit viro licentiam suscipiendi sacros ordines. Idem dicendum videtur, quando vir coniugatus ad Cardinalatum promouendus est, cum Cardinalatus aduentus esse soleat ordo sacer. 4. quando per sententiam factum est
diuor

diuotium quoad torum, & habitationem; tunc enim licet viro innocenti, etiam inuita coniuge religionem ingredi, aut sacros ordines suscipere; coniugi vero adultero non licet sine tacito, vel expresse coniugis innocentis consensu. *ibid. num. 3.*

62. Suspendio lata contra coniugatos suscipientes ordinem sacrum suspendit ab executione ordinis suscepti, & à susceptione superiorum, necnon ab officio, & beneficio; sic enim iura decernunt. Estque hæc suspensio, & irregularitas perpetua, donec per dispensationem auferatur; neque enim tollitur per dissolutionem matrimonij. Eius autem absolutio reservata est Papæ, nisi crimen sit occultum. Episcopo tamen concessa est facultas absoluendi, quando coniugatus ingreditur religionem, & in ea proficitur. Idem dum crimen est occultum; dispensatus tamen non poterit durante matrimonio ordines exercere. *ibid. pag. 332. num. 8. & seq. tom. 3.*

63. Suscipiens culpabiliter ordines absque vlllo titulo suspenditur ab executione ordinum. Idem sentiendum de ordinatis dolose titulo ficto, seu fiduciario, cum scilicet fingunt se habere, quod non habent, aut mutuuntur titulum ab alio cum promissione restituendi post ordinationem. *ibid. punct. 8. p. 333. num. 1. & 3. tom. 3.*

64. Qui ficto titulo obtinuit literas dimissorias, suscipiendo sacros ordines, duplicem suspensionem incurrit; vnam, quia suscipit ordines absque titulo; alteram, quia fuit ordinatus ab alieno Episcopo cum literis dimissoriis subreptitiis, & per dolum obtentis, atque adeo nullis, *ibid. p. 334. n. 5. tom. 3.*

65. Suscipiens sacrum ordinem absque titulo, illumque exercens antequam absoluarur à suspensione, incidit in irregularitatem; quia violat suspensionem, *ibid. n. 6.*

66. Qui assignato sibi vero patrimonio, sacrum ordinem suscipit, eoque suscepto retrodonat, & renunciat patrimonio donatori, non incurrit suspensionem, etiam si post hanc renunciationem ad superiores ordines ascendat; hic enim dici non potest ordinatus absque titulo, cum illa retrodonatio irrita sit, & inualida ex decreto Trident. *sess. 11. c. 2. ibid. n. 7. tom. 3.*

67. Is cui assignatum fuit patrimonium cum pacto, & iuramento illud restituendi, seu non petendi quidquam, ex probabilis sententia non contrahit suspensionem, modo non restituat ante ordinationem, & pactum non inierit cum ordinante, vel præsentante ad ordines; cum enim illa assignatio valida sit, non potest dici ordinatus sine titulo. Opposita autem sententia est etiam probabilis, quia hic titulus videtur fiduciarius. *ibid. num. 8.*

68. Qui promouetur ad titulum beneficii, quod actu non possidet

possidet, sed solum in potentia contrahit suspensionem; tum quia promouetur sine titulo, tum quia Concil. Trident. *sess. 21. cap. 2.* non vult quenquam ad ordines promoueri, nisi beneficium pacifice possideat. Secus dicendum videtur, si beneficium fuit illi collatum sed nondum adiit possessionem, quia non dicitur absolute ordinans absque titulo. *ibid. n. 11.*

69. Qui beneficium inualide obrinet, incurrit suspensionem, si ad illius titulum promoueat; quia non habet reuera titulum beneficii, sed est intrusus, etiamsi alioquin beneficium pacifice possideat *ibid. num. 12.*

70. Qui ordinatur ad titulum Patrimonij, quod hypothecæ subiectum est pro debito, incurrit suspensionem; quia non habet legitimum titulum, bona quippe transeunt cum onere hypothecæ; posito autem hoc onere, non potest ordinatus alii ex iis bonis, si creditor velit sibi satisfieri, sin bona non sunt hypothecæ subiecta, ordinatus ad illorum titulum non contrahit suspensionem, licet prematur graui ære alieno; ille enim titulus est legitimus: fieri tamen potest, vt grauiter peccet, si aliunde non possit creditoribus satisfacere. *ibid. pag. 335. n. 16. tom. 3.*

71. Triplex est titulus ad quem aliquis ordinari potest, ne suspensionem incurrat. 1. est beneficii Ecclesiastici 2. est patrimonij, seu pensionis; nomine autem patrimonij intelliguntur bona tam acquisita propria arte, vel hereditate, quam donatione vera, & non ficta. 3. titulus est professionis; religiosus enim professus promoueri potest ad sacros ordines, quia religio ipsum alere tenetur. Porro non quodlibet beneficium, aut patrimonium sufficit ad titulum, sed debet esse huiusmodi, vt ad vitæ sustentationem sufficiat, ne clericus cum Ecclesiastici status dedecore mendicare cogatur. *ibid. n. 13. & 17.*

72. Qui non habet titulum patrimonij per se sufficientem, potest nihilominus ordinari, si habeat patrimonium, quod beneficii defectum supplere possit; modò sit certum, nec pendeat ab alterius voluntate *ibid. n. 21.*

73. Titulus ad quem clericus ordinatur, debet esse perpetuus respectu ipsius clerici, quare nec beneficium resignari, nec patrimonium ad cuius titulum ordinatus est, alienari potest absque licentia Episcopi, donec aliunde habeat, vnde viuat. Hinc sequitur vicariam temporalem, capellaniam, & alia beneficia non perpetua pro titulo non sufficere. *ibid. n. 22. & seq. pag. 336. tom. 3.*

74. Ordinans religiosum nondum professum suspenditur per annum à collatione talis ordinis. Ordinans aliquem absque titulo cum pacto, vt ordinatus nihil ab eo petat, suspenditur
per

per triennium à collatione ordinum, Præsentator præsentans cum eodem pacto suspenditur per triennium ab executione ordinum. Ordinans aliquem sine titulo tenetur eum alere donec ei aliunde prospiciatur; ipso autem mortuo, alendus est ab eius successore. *ibid. n. 25.*

75. Absolutio ab hac suspensione impendi potest ab Episcopo modò nullum interuenerit pactum cum ordinante vel præsentante non petendi quidquam; tunc enim absolutio conferenda est à Papa modò delictum sit publicum. Est etiam probabile confessarium qui habet generalem facultatem absoluendi à censuris, posse etiam absolvere in foro conscientie à suspensione etiam si contracta sit ob defectum tituli, vel ob malam ordinum suspensionem. *ibid. n. 30. & seq.*

76. Qui ordines sacros suscipit ab Episcopo qui Episcopali dignitati renunciauit, contrahit suspensionem ordinum quos ab illo Episcopo susceperit. Dicitur autem Episcopus renunciare dignitati qui non tantum renunciat Episcopatu quoad locum per resignationem; sed etiam qui potestatem ordinis, & iurisdictionis dimittit quantum in se est, sequæ eius usu priuat. Nam qui Episcopatu renunciauit quoad locum tantum, potest de licentia Episcopi loci ordines conferre. *ibid. punct. 9. pag. 337. tom. 3.*

77. Hæc suspensio est Papæ reservata nisi interuenerit ignorantia inuincibilis, aut etiam vincibilis, modò non fuerit crassa, & supina; tunc enim ab Episcopo tolli potest. *pag. 338 n. 14. tom. 3.*

78. Suscipiens ordines ab Episcopo excommunicato, suspensio, vel interdicto vitando, incurrit suspensionem ab executione ordinum quos ab eo susceperit; quia hic Episcopus non potest licet Pontificalia exercere. Idem dicendum de suscipiente ordines ab Episcopo simoniacò, deposito, degradato, hæretico, schismatico vitando; nam si est toleratus, usu iurisdictionis non priuatur; consequenter ab eo suscipiens ordines suspensionem non incurrit. *ibid. punct. 10. n. 1. & 2.*

79. Ignorans Episcopum, à quo ordines suscipit, esse excommunicatum, suspensum, &c. non propterea eximitur à suspensione, etiam si laboret ignorantia inuincibili; quia nemo dare potest quod non habet; sed Episcopus excommunicatus, suspensus, &c. non habet usum ordinum, ergo neque illum conferre potest. *ibid. pag. 338. 339. tom. 3. num. 4.*

80. Episcopus consecrationem suscipiens ab Episcopo excommunicato vitando, &c. eandem suspensionem contrahit ob defectum potestatis in conferente; neque enim potest usum illius ordinis conferre quem ipse non habeat. Valida tamen est consecratio, neque est repetenda, quia prouenit à charactere Episcopali indele

indelebiliter in anima inhaerente. *ibid. pag. 339. n. 6. & 7. tom. 3.*

81. Hæc suspensio non potest ab alio tolli quam à Papa; quia contrahitur ob defectum potestatis in conferente, nullus autem inferior Papa supplere potest illum defectum. Atque hæc ratio valet tam in suscipiente ordines culpabiliter, quam inculpabiliter, quia hæc suspensio non prouenit ex culpa suscipientis, sed ex impotentia conferentis. *ibid. num. 8.*

82. Suscipiens ordines ab alieno Episcopo absque licentia proprii, seu sine literis dimissoris, suspensionem ab executione ordinum ita susceptorum incurrit; unde sequitur eum affici irregularitate, si functiones huiusmodi ordinum exerceat, antequam a suspensione absoluat. *ibid. punct. 11. p. 340. n. 1. tom. 3.*

83. Monachi, & religiosi exempri qui sine sui Abbatis, suorumque superiorum licentia ordines suscipiunt ab Episcopo illius vel alterius diocesis, ex probabiliori sententia, eandem suspensionem incurrunt: quia hi non sunt ordinati à proprio Episcopo; Episcopus enim etiam eiusdem diocesis, censetur extraneus, nisi ordinet religiosum cum licentia superiorum. Ad hæc Concilium Tridentinum fert suspensionem generalem contra promotos ad ordines absque testimonio Ordinarij commendantis probitatem, & mores ordinandi. *ibid. num. 3.*

84. In his tamen casibus suscipiens ordines ab alieno Episcopo suspensionem non incurrit. 1. quando proprius Episcopus suspensus est, & suspensio est manifesta; tunc epim ipso iure conceditur ipsius subditis, ut ab alio ordinari possint modò reliqua seruentur. 2. quando Episcopus ordinat suum familiarē qui secum per triennium commoratus fuit, modò Episcopus ille habeat diocesim; (Episcopus enim titularis id non potest) & statim beneficium ei conferat. 3. quando quis bona fide ordinatur ab alieno Episcopo sine licentia, nesciens id esse prohibitum. *ibid. n. 6. & seq. p. 341. tom. 3.*

85. Ratihabitio non videtur excusare ab hac suspensione, quando scilicet Episcopus ordinat subditum alterius sub ratihabitione, credens fore ut illius Episcopus cognita ordinatione factum approbet: quia in iis quæ sunt contra iurisdictionē alterius, non facile præsumitur ratihabitio; nullus quippe facile præsumitur cedere iuri suo: & ex opposita sententia datur occasio perturbandi iurisdictionem. *ibid. num. 14.*

86. Episcopus conferens primam tonsuram subdito alterius diocesis absque licentia proprii Episcopi incurrit suspensionem per annum à collatione tonsuræ clericalis; & qui ab illo tonsuram accepit, caret privilegio clericali, neque potest beneficium, vel pensionem sine dispensatione Apostolica ob-

tinere: perinde enim est ac si tonsuram non haberet, cum irrita sit tonsura. *ibid. num. 19.*

87. Qui à Summo Pontifice rescriptum, seu privilegium obtinuit, ut possit ordines suscipere à quolibet Episcopo, potest ordinari absque literis dimissoriis, non autem absque commendatitiis, alioquin ordinans suspenditur à collatione ordinum per annum, & ordinatus incurrit suspensionem à susceptorum ordinum executione. *ibid. pag. 342. n. 22. tom. 3.*

88. Literæ dimissoriæ obtinendæ sunt ab Episcopo, vel eius Vicario speciale mandatum habente. Capitulum tamen Ecclesiæ Cathedralis potest eas concedere in duobus casibus. 1. quando Sedes Episcopalis ultra annum vacavit. 2. quando quis ratione beneficij obtenti, vel obtinendi auctatur ad sacros ordines suscipiendos: tunc enim Capitulum potest per Vicarium electum Sede vacante, dimissorias concedere. *ibid. n. 23. & 24.*

89. In concedendis literis dimissoriis hæc sunt servanda. 1. legitimum examen, & approbatio. 2. ut in dimissoriis addatur causa cur propius Episcopus ordines conferre non possit. 3. exprimendi sunt ordines ad quos suscipiendos dimissoriæ conceduntur. 4. exprimendum est an concedatur facultas generalis suscipiendi ordines à quocumque Episcopo; an verò specialis; ab hoc, aut illo. Porro literæ dimissoriæ non expirant morte concedentis, & concessæ à Capitulo, etiam finita capituli potestate valent. *ibid. num. 25. & 26.*

90. Absolutio ab hac suspensione obtineri potest ab Episcopo, Exercens autem functiones ordinum absque licentia susceptorum dispensari etiam potest ab Episcopo ob irregularitatem per illud exercitium contractam, modo delictum sit occultum. *ibid. n. 28.*

91. Suscipiens ordines à proprio Episcopo in aliqua diœcesi, absque licentia Episcopi illius diœcesis, incurrit suspensionem ab usu ordinum susceptorum: quia Episcopus in aliena diœcesi non potest Pontificalia exercere absque expressa licentia Ordinarij loci. *ibid. punct. 12. n. 1.*

92. Hæc suspensio non est Summo Pontifici reservata, sed potest ab Episcopo tolli. *ibid. n. 5. pag. 345. tom. 3.*

93. Obstrictus maiori excommunicatione, suscipiens ordines sacros incurrit irregularitatem. Suspendus autem vel interdictus, minime: quia iura loquuntur solum de excommunicato. Item qui vno, eodémque die suscipit duos ordines sacros, vel minores cum aliquo ordine sacro, contrahit irregularitatem, vel potius suspensionem, cuius dispensatio, si delictum est publicum, pertinet ad Summum Pontif. si occultum, etiam ad Episcopum. *item. 1. pag. 475. num. 1. & seq.*

94. Excommunicatus, suspensus, vel interdictus, incurrit irregularitatem exercens solemniter, vel ex officio, actus maioris ordinis, nisi excusetur ratione necessitatis, vel scandali vitandi, vel ignorantiae, vel inaduertentiae, vel obliuionis. Item Episcopus excommunicatus, vel suspensus incurrit irregularitatem exercens ordinem Episcopalem. In hac autem irregularitate solus Papa dispensat, quando delictum est publicum *tom. 1. pag. 476. n. 1. & pag. 477. n. 9. & 11.*

95. Clericus ministrans solemniter in ordine sacro, quæ non habet, incurrit irregularitatem, si scienter, & serid, & ex officio ministret. Quare clericus qui non est subdiaconus, canens Epistolam sine manipulo, non incurrit irregularitatem: quia non exercet solemniter subdiaconatum. Verum si cum manipulo, & dalmatica Epistolam canat, non intendens exercere ex officio, sed solum supplere defectum subdiaconi, non fit irregularis: quia non dicitur propriè exercere ex officio, neque actus sine intentione dicitur completus. In hac autem irregularitate solus Summus Pontifex dispensat, ut scilicet quis possit ad vltiores ordines promoueri. Episcopus verò potest dispensare ut exerceat ordines susceptos; immò etiam ut alios suscipiat, si delictum sit occultum. *ibid. n. 1. & seq. & pag. 478. n. 19.*

P.

PAPA. PAPATVS.

Papatum ambientes.

1. **P**A VI VS IV. in Bulla 16. quæ incipit. *Cum secundum Apostolum*, confirmat primò censuras, & pœnas latas contra ambientes Papatum, & simoniam ea occasione comitentes. Deinde tractantes de eligendo futuro Pontifice, viuent adhuc Pontifice, eoque inconsulto excommunicat, & priuat omnibus dignitatibus, officiis, fructibus voce actiua, & passiua, & infamiae notam inurit. Easdem verò pœnas, & censuras extendit ad eos qui consilium, auxilium, & fauorem præstant, nisi quamprimum reuelarint. Denique impugnantes hanc Bullam ipso facto excommunicat, & contra ipsos tanquàm contra schismaticos, & hæreticos inquiri mandat. *aisp. 2. q. 3. punct. 1. pag. 187. n. 1. tom. 3.*

2. Ambiens Papatum post mortem Pontificis, ligatur excommunicatione Iulij II. in Bulla quæ incipit, *Cum tam diuino*, quæ recepta fuit à Concilio Lateranensi *sess. 5.* sub Leone X. addita excommunicatione contra simoniacè procurantes

res post mortem vnus Pontificis, eligi in Pontificem. *ibidem.*
num. 4.

3. Hæc excommunicatio est Papæ reseruata.

De Papæ electione sponfionem facientes.

4. Gregorius XIV. in Bulla, *Cogit nos deprauata*, excommunicationem imponit ipso facto imponendam facientibus sponfiones super vita, morte, & futura electione Pontificis, aut super promotionibus Cardinalium. Præterea Ecclesiasticas personas huius criminis reas priuat omnibus dignitatibus, beneficiis, & officiis & ad illa inhabiles reddit. *disput. 2. q. 3. punct. 2. pag. 188. n. 1. tom. 3.*

5. Eandem censuram incurrunt omnes publica auctoritate fungentes qui prædictas sponfiones tacite, vel expresse in locis sibi subiectis fieri permittunt *ibid. n. 4.*

6. Qui auxilium, consensum, fauorem, aut consilium in huiusmodi sponfionibus præstât, vel sunt proxenetae, & mediatores ad eas faciendas, eiusdem excommunicationis sunt rei *ibid. n. 5.*

7. Is qui pecuniam occasione sponfionum accepit, in articulo mortis valide absolui potest, dummodò intentionem habeat restituendi cum primum commodè poterit. *ibi. n. 7.*

8. Præcisâ prohibitione, huiusmodi sponfiones licite fieri possunt, & pretium ea occasione acceptum potest retineri: quia sunt de re dubia. *ibid.*

9. Hæc excommunicatio est Pontifici reseruata, excepto mortis articulo, cum præuia restitutione.

Summo Pontifici feudum suadentes

10. In Bulla 35. quæ incipit, *Admonet nos*, à Pio V. lata est excommunicatio contra eos qui tractât, consulunt, aut verba facit de alienandis, aut infeudandis bonis ad Ecclesiâ Rom. immediate pertinentibus. Hæc autem Bulla confirmata à successioribus Pontificibus, præsertim à S. D. N. Urbano VIII. in Bulla quæ incipit, *Sacrofancti* *disp. 2. q. 3. punct. 41. pag. 253. tom. 3.*

11. Eidem excommunicationi subiiciuntur proponêtes mittendos esse ea de causa ad Sedem Apostolicam oratores, ipsique suscipiêtes munus oratoris: necnô insinuâtes, vel suadentes Summo Pontifici eiusmodi infeudationem, seu alienationem. *ibid. n. 5.*

12. Bona quæ fisco Pontificio addicuntur ob delicta, in hac Pij V. Bulla ampliùs non comprehenduntur ob delicta, in hac Gregorij XIII. in Bulla 65. quæ incipit, *Tanta tamque horrenda*, & ex constit. Sixti V. in Bulla 6. quæ incipit, *Hoc nostri pontificatus initio*. Item sub hac Pij V. Bulla non comprehenduntur per

per triennium loca quæ Camera Apostolica emit à Baronibus, ex constitut. Clementis VIII. in Bulla. 41. quæ incipit, *Instituta ratio*. Igitur qui horum bonorum alienationem, vel in feudationem procurant, ab hac censura eximuntur. *ibid. n. 6.*

Papa electio simoniaca.

13. Iulius II. in Bulla quæ incipit, *Cum tam diuino*, electionem Papæ simoniacè factam, absolutè, & omnino irritat, gratiæque pœnas tam electo, quàm eligentibus imponit; denique statuentes, disponentes, vel facientes, seu attentantes aliquid Sede vacante contra illam constitutionem. *disp. 2. q. 7. punct. 1. §. 1. pag. 281. tom. 3.*

14. Primum autem, & præcipuum quod cauetur in hac Bulla, est, ne electio Papæ fiat cum hæresi simoniaca dando aliquid, promittendo, vel recipiendo per se, vel per alium; crimen autem simoniæ vocatur hæresis, quia qui hoc crimen committit spiritualia pretio æstimat. Præterea in hac Bulla fit omnibus facultas recedendi ab obedientia Papæ simoniacè electi, & Cardinales possunt brachium sæculare implorare, si per simoniam electus ingesserit re regimini vniuersalis Ecclesiæ. Ad hæc omnes mediatores huiusmodi electionis priuantur ipso facto honoribus, beneficiis, & sunt tam actiue, quàm passiuè intestabiles, ipsorumque bona fisco addicuntur. Vltimò Cardinales non complices possunt alium eligere, adhibitis etiam Cardinalibus complicibus simoniæ, qui se adiungere voluerint. *ibid. n. 3.*

15. Hæc excommunicatio est Papæ reservata.

Papa electio contra formam.

16. Gregorius XV. & Urbanus VIII. excommunicationem tulerunt contra Cardinales non seruantes formam in eligendo Summo Pontifice præscriptam à Gregorio, aut præsumentes aliquid facere vel attentare contra ipsam Bullam, quæ incipit, *Æterni Patris*. *ibid. §. 2. pag. 282. tom. 3.*

17. In hac Bulla sub excommunicatione præcipitur, vt electio non fiat, nisi clauso conclauis, & per secreta suffragia, vel per viam compromissi, vel quasi per inspirationem, alioquin electio sit irrita, &c. *ibid. n. 5.*

18. Hæc excommunicatio est Papæ reservata.

In electione Papa obseruanda.

19. In cap. *Vbi periculum, de elect. in 6.* statuitur vt domini, & officiales illius ciuitatis in qua mortuus est summus Pontif. & in qua electio noui Pontificis est facienda, præstent

H h 3 iuramentum

iuramentum personaliter corā clero, & populo, se obseruatu-
ros, & obseruari facturos ea quæ in præcitato textu habentur, & si
ea non obseruauerint, excommunicationem ipso facto incurrāt,
sint perpetuò infames, inhabiles ad dignitates, & officia, feudis,
& Ecclesiasticis bonis priuentur, & ciuitas sit interdicta, & priua-
ta Episcopo *disp. 2. q. 20. punct. 1. pag. 311. n. 1. tom. 3.*

28. Hæc autem in præcitato cap. præscribuntur circa Summi
Pontif. creationem seruanda. 1. vt electio post 10. dies ab obi-
tu Pontificis celebretur in ea ciuitate in qua Pontifex cum sua
curia residebat; sin obiit extra ciuitatem, electio fiat in ciuita-
te in cuius territorio è vita migravit. 2. vt nullus ad Cardina-
les in conclaue accedat exceptis seruientibus, vel nuncium mit-
tat. 3. vt nisi intra dies ab ingressu in conclaue electio fiat,
vnum ferculum tantum detur Cardinalibus per quinque dies,
quibus elapsis, nihil præter panem, vinum, & aquam accipiant.
4. vt Cardinalis post aliorum ingressum superueniens nondum
facta electione, admittatur in eodem negotio, in illo statu in quo
ipsum inuenit. *ibid.*

P A R E N T E S.

Honor parentibus exhibendus.

1. **H**onor parentibus exhibendus hæc quatuor complectitur.
1. reuerentiam. 2. amorem. 3. obedientiam. 4. sustentationem.
Parentum autem nomine, quatuor personarum genera
intelliguntur. 1. Parentes à quibus per generationem vitam hau-
simus, seu mediata vt auus, abauus, &c. seu immediata vt pater,
& mater. 2. superiores qui salutis nostræ spiritualis curam ha-
bent, vt Episcopus, &c. 3. Imperatores, Reges & Principes qui tēpo-
ralia curant. 4. tutores, curatores, & magistri. *to. 1. pag. 281. n. 1. & 2.*

2. Parentibus debetur reuerentia exterior, & interior. *Quam-*
obrem grauitur peccant qui parentes dictis, vel factis ad grauem
prouocant iracundiam, aut verbis cōtumeliosis violenti; qui vel
leniter percutiunt, au manum ad percutiendum attollunt cum
sufficienti deliberatione; qui parentes dedignantur, vel contem-
nunt, nisi iustam habeant causam auersionis, vt propter hære-
sim, aut prōditionem. *ibid. n. 2. & cap. 282. n. 4.*

3. Amor quo filij tenentur parentes prosequi, consistit. 1. in
fuga odij, vt scilicet parentes non oderint. 2. in exhibitione si-
gnorum amoris. Hinc sequitur illos grauitur peccare qui graue
aliquod malum animæ, vel corporis optant parentibus, v. g. qui
cupiunt illis mortem, vt fruatur hæreditate, aut qui toruis ocu-
lis illos ferè semper intuentur, & verbis asperis alloquuntur,
quamuis

quamuis fortè ex animo diligant: quia parentibus debetur etiam amor externus. *tom. 2. pag. 282. n. 2. & 3.*

4. Filij tenentur parentibus obedire in iis omnibus in quibus sint illis subiecti, ut in iis quæ spectant ad mores, ad salutem animæ, ad domesticam gubernationem, &c. In iis autem quæ pertinent ad vitæ statum deligendum, non tenentur filij parentibus morem gerere: quare filius potest inscio, vel inuito patre, statum religiosum assumere, si sciat patrem, de hac re monitum, reclamaturum, & impediturum. *ibid. n. 1. & 2.*

5. Filij parentibus in necessitate seu spiritali, seu corporali constitutis tenentur subuenire, modò possint Quare filius qui non curat parentes in mortis articulo muniri Sacramentis, aut impedit, ne testamentum condant, vel ne aliquid pauperibus in animæ suæ utilitatem erogent, grauiter peccat. Idem sentiendum de eo qui corporalem parentum necessitatem, aut infirmitatem, non subleuat. *tom. 2. pag. 283. n. 1. & 2.*

6. Parentibus in extrema, aut etiam graui necessitate constitutis, tenentur filij ab ingressu religionis abstinere & egredi è religione etiam post professionem, ut parentes alant: quia præceptum, consilio præferendum est; modo tamen constet tantam esse necessitatem cui subuenire teneantur. *ibid. n. 4. & seq.*

7. Filius in foro conscientie non tenetur soluere debita patris quæ vires hæreditatis excedunt, etiamsi inuentarium non confecerit. At si bona filio relicta sufficiant ad satisfaciendum creditoribus, sed illa sunt affecta vinculo primogeniorum, filius debet ex fructibus annuis bonorum primogeniorum satisfacere creditoribus, quando debita fuerunt contracta post intentionem primogenituræ; non verò tenentur satisfacere ex bonis ipsis, quia primogenitus non habet huiusmodi bonorum plenum dominium, sed administrationem, & vsum fructum dum viuit. Sin debita contracta fuerant ante institutionem primogenituræ, satisfaciendum est etiam ex bonis immobilibus; quia pater non potuit eximere bona ab obligatione reali in fraudem creditorum. *ibid. num. 10.*

Parentes quid filiis debeant?

8. Parentes tenentur curam gerere filiorum, non in iis modò quæ ad corpus, sed in iis maximè quæ ad animam spectant. Quare parentes qui non dant operam ut filij addiscant ea quæ pertinent ad salutem, ut præcepta Dei, & Ecclesiæ seruent, &c grauiter peccant. Item qui peccati mort occasionem à filiis non auerunt, ut si filiabus permittant amatores ad malum finem, &c. Item qui filios dum peccant non obiurgant, & cum opus est non

castigant. Item qui filios malo exemplo, aut consilio deprauant, &c. Tenentur etiam parentes filiis alimenta, & filiabus dotē præbere: nisi iustam habeant exhæredandi causam; neque ab hac parentum cura spurij excluduntur. *tom. 2. cap. 284. n. 1. & seq.*

9. Pater qui filio licet spurio, sine graui causa negligit alimenta præbere grauiter peccat; nisi sit adeo pauper, ut nō possit. Mortuo autem patre hoc onus spectat ad hæredes. Potest etiam clericus, si patrimonium non sufficit, ex beneficij fructibus alimēta, vel dotem filia spuria præbere. *ibid. n. 2. & pag. 285. n. eod.*

10. Mater non peccat mortaliter, quæ filio alimenta nō præbet excepto lacte, nisi pater præ inopia illum alere non possit: hæc enim obligatio, ex iuris dispositione, incumbit patri. Tenetur quidem mater sub peccato mortali bonam nutricem filio querere; non tamen peccat mortaliter per se loquendo, si per se ipsam non lactet, quamuis commodè possit: quia filius inde non patitur graue damnum. *tom. 2. pag. 285. num. 3. & 4.*

11. Parentes qui sine iusta causa filios hospitali exponunt, mortaliter peccant: videntur enim filios deserere, & contra naturalem pietatem à se abdicare, idque filiis est probrosum. Qui tamen filios rationabilem ob causam ita exponunt, tenentur satisfacere expensis ab hospitali factis in filios alendos, si quidem sunt diuites: domus enim hospitalis non est instituta ad alendos filios diuitum, sed pauperum. *ibid. n. 6.*

12. Pater qui filio non præstitit alimenta, non tenetur ad restitutionem, in foro conscientia; modò filius debita non contraxerit ut se ipsum aleret: tunc enim obligandus videtur pater ad persoluendum æs alienum à filio contractum; videtur enim nomine patris contractum, utpote sustentationis gratia ad quam pater tenetur iure naturali, & diuino. *tom. 2. pag. 286. n. 12.*

13. Pater tenetur filia nubenti dotem constituere, etiamsi filia diues sit, aut monasterium ingredi velit, aut nubat inuito patre, aut etiam indigno: Secus si filia indigno nubens, sit minor 25. annis, & diues sit, patrisque alimentis non indigeat: tunc enim æquum non videtur, ut pater cogatur dotem ei tradere quæ cum tanto familia dedecore nupsit. *ibid. num. 1.*

14. Pater tenetur filia spuria dotem tradere, non verò mater; quia dos succedit in locum alimentorum; sed pater iure naturæ tenetur ad alimenta, etiamsi sit clericus; ergo tenetur etiam ad dotem. *tom. 2. pag. 287. n. 8.*

15. In his casibus potest filius à patre exhæredari 1. si parentes percussit. 2. si grauem, & inhonestam illis iniuriam intulit. 3. si patrem in iudicio accusauit, excepto crimine hæreticis, & læsæ maiestatis. 4. si attentauit mortem patris, etiamsi mors

non sequuta fuerit. 5. si cum incantatoribus, & maleficiis versetur. 6. si rem habuit cum nouerca, seu patris vxore. 7. si non succurrit patri furioso, aut si requisitus noluit pro parente in carcere detento fideiubere. 8. si filius sit hæreticus. 9. si patrem impedivit ne conficeret testamentum. 10. si parentum bona dilapidauit. 11. si versetur cum arenariis, aut mimis, artémque mimicam proficiatur. 12. si filia minor 25. annis luxuriosam vitam degat. Aduertendum tamen hos casus locum habere tantum quando filius aliunde habet quæ vitam sustentet: pater enim non potest alimentis necessariis filium priuare, cum iure naturæ filium in necessitate positum alere teneatur, & leges ciuiles iura naturæ non tollant *ibid. n. 1. & pag. 288. n. 68d.*

16. Filia inuitis parentibus nobens iuxta formam à Conc. Trid. præscriptam, attento iure Canonico, & Cæsareo, exheredari nequit; nisi sit minor. 25. annis, & parentibus volentibus ipsam nuptui tradere, renuerit, & luxuriosè viuere maluerit. Etiam si autem semel, atque iterum furtim sui copiam fecerit, non est exheredanda: quia non censetur propterea vitam luxuriosam elegisse. *ibid. hum. 3.*

17. Filius aut filia quam pater viuens non exheredauit, non potest ab hæredibus patris, obiecta, & probata exheredationis causa exheredari post mortem patris; fieri enim potest vt pater ingratitudinem filio condonauerit, & cum ipso in gratiam redderit. *tom. 2. pag. 289. n. 8. & in not. inuicem pag. 289.*

18. Filius luxuriosè viuens, aut matrimonium inuitis parentibus contrahens, etiam si indignam ducat, non potest exheredari; quia in odiosis non est facienda extensio; iura autem loquuntur tantum de filiabus. *ibid. n. 9.*

19. Non tollitur exheredatio per reconciliationem, neque per pœnitentiam admissi delicti. Per professionem verò in religione emissam irrita redditur. *ibid. n. 12.*

20. Debet maritus vxori amorem, honorem, & obedientiam in iis in quibus est illi subiectus. Quapropter verba infamatoria proferens contra vxorē, aut illam impediens quominus præcepta Dei, & Ecclesiæ seruet, aut illam grauiter cædens, aut illi alimēta denegās quæ præbere potest, grauiter peccat; modò vxor propria culpa à marito non discesserit, aut is qui dotem promissit, non sit in culpabili mora soluēdi. *tom. 2. pag. 289. n. 1. & pag. 290. n. 2. & 3.*

21. Quando vxor. parentes, & filij in extrema necessitate sunt constituti, & vir non potest omnibus opem ferre, tenetur potius subuenire parentibus & filiis quàm vxori: nam erga parentes maior est obligatio; cum filiis autem maior est coniunctio, cum sint aliquid decedum ex substantia patris. *tom. 2. pag. 290. n. 10.*

22. Vxor vicissim viro debet amorem, honorem, & obedientiam in iis, in quibus subiecta est viro: vir enim est caput mulieris. Hinc fit, vt vxor grauiter peccet, quando inuito marito, ius gubernandæ domus sibi arrogat, aut maritum ad grauem iram, & ad blasphemiam prouocat, aut dum aliud migrantem sequi recusat, aut dum inopem ipsa diues alere non vult, &c. *tom. 2. pag. 291. num. 11. & 12.*

23. Vxor aut filij non tenentur soluere debita quæ vir, seu pater contraxit ad vxorem, & filios alendos, nisi pater illa contraxerit nomine ipsorum, aut nisi vxor, seu filij acceperint alimenta in fraudem creditorum. *ibid. n. 13.*

24. Domini, aliique superiores tenentur sibi subditorum curam gerere, peccantque grauiter dum non curant vt serui à peccatis abstineant, confiteantur, communicent tempore ab Ecclesia præscripto, doctrinam Christianam addiscant, ieiunent dum commode possunt, diebus festis Missam audiant, &c. vel dum sunt in causa cur iis diebus seruiliter laborent. *to. 2. pag. 293. n. 1 & seq.*

25. Domini grauiter peccant dum famulos grauibz afficiunt contumeliis, aut iis alimenta denegant. Non tamen peccant si ægros ad hospitalem domum mittant ad magnos sumptus vitandos qui in ipsis curandis essent faciendi. *ibid. n. 6. & 7.*

26. Clerici subditi possunt à suo superiore moderatè percuti, & castigari. Immodè pater non incurrit excommunicationè, quando filium clericum ob peccatum commissum moderatè cædit. *tom. 2. pag. 294. n. 9. & 10.*

27. Parochi munus & officium est. 1. in sua parœcia residere. 2. Sacramenta administrare. 3. orare pro ouibus sibi commissis, & Missæ sacrificium illis applicare. 4. docere populum, & fidei Christianæ dogmata per se, vel per alium tradere. 5. infirmos frequenter inuiscere. 6. pauperum curam gerere. Sin huic muneri defint, grauiter peccant. *tom. 2. pag. 293. n. 4.*

28. Episcopi partes sunt 1. residere in sua diœcesi 2. administrare Sacramenta Confirmationis, & Ordinis. 3. conciones ad populum habere per se, & non per alium, nisi legitimè impediatur. 4. synodum diœcesanam singulis annis, & prouincialem, si est Archiepiscopus, quolibet triennio conuocare. 5. singulis annis suam diœcesim obire. 6. curare vt testamenta executioni mandentur. 7. bonum exemplum præbere. *ibid. n. 5.*

29. Subditi suis superioribus, famuli dominis etiam improbis amorem, reuerentiam, & obedientiam in iis quæ sui sunt muneris præstare debent. Peccant autè grauiter famuli dum in rebus magni momenti dominis non obtemperant, aut graue illis damnum inferunt, aut non impediunt cum possunt, ne domini damnum

num patiantur. Non tenentur tamen vitam dominorum cum propriæ vitæ periculo defendere, nisi sint specialiter ad hoc conducti. *tom. 2. pag. 294. n. 13. & seq.*

P E C C A T V M.

Peccatum originale.

1. **P**eccatum originale, quod in ipsa origine, seu conceptione contrahitur, est priuatio iustitiæ, & sanctitatis, quæ singulis hominibus debuit inesse ex pacto à Deo cum Adamo. Hinc fit vt peccatum originale sit mors animæ, cuius vita est gratia, & sanctitas. Vnde patet peccatum originale non esse concupiscentiam; quia per Baptismum tollitur peccatum orig. concupiscentia autem manet post Baptismum. Dicitur tamen à D. Paulo concupiscentia peccatum, quia est radix, & causa peccati. *tom. 2. pag. 96. n. 4. & pag. 97. n. 7.*

2. Peccato originali inest vera ratio peccati: est enim voluntarium, non quidem voluntate propria, sed aliena, quatenus voluntas posterorum continebatur in voluntate Adam; cum quo Deus iniit pactum, vt si vetitum fructum comederet, iustitiam in posteros non transmitteret. Huic tamen pacto censentur posteri consensisse cum Adamo, ac proinde in Adamo peccasse. *tom. 2. pag. 97. n. 10. & 11.*

3. Omnes mortales seu fideiū, seu infidelium filij peccatum originale contrahunt, nisi quis speciali priuilegio eximatur, vt B. Virgo, quæ licet debitum habuerit contrahendi peccatum orig. quatenus etiam ipsa peccauit in Adamo, re tamen ipsa peccatum originale non contraxit, sed in ipso suo suæ conceptionis instanti sancta fuit: vt de ea verè dici potuerit Cantic. 5. *Tota pulchra es, Amica mea, & macula non est in te*: sic enim illam decebat, quæ futura erat mater Dei. *ibid. n. 1. & seq.*

4. Singuli suum contrahunt peccatum orig. ex peccato Adam per seminalem generationem: neque enim traducitur à proximis parentibus; sed ab Adamo transmittitur in nos, quatenus ab ipso descendimus per lineam virilem. Quare si quis à Deo crearetur, aut ex humana carne decerperetur absque feminali generatione, non contraheret peccatum origin. Hinc Christus peccati origin. expers fuit; quia non traxit originem ab Adamo per lineam virilem, & seminalem generationem. *tom. 2. pag. 98. n. 4. & seq.*

5. Pueri cum lo'o peccato orig. decedentes subeunt poenam damni neque beatifica Dei visione frui possunt, cum sint filij iræ & Dei inimici. Hinc collige quàm grauiter peccent qui pueros
finc

sine Baptismo decedere patiuntur, aut qui abortum fœtus animati procurant. Pueri tamen cum solo peccato orig. decedentes, poenâ sensus torquendi non sunt; hæc enim poenâ debetur soli peccato actuali *ibid. n. 2. & pag. 99. n. 3. 4. & 7.*

Peccatum actuale, & habituale.

6. Peccatum actuale à posteriori definitur, *dictum, vel factum, vel concupitum contra legem Dei æternam.* Vel definitur peccatū præsertim mortale, *auersio à Deo & conuersio ad creaturam.* A priori verò potest defini, *privatio debita rectitudinis.* Nam in omni peccato, duo sunt; materiale, & formale; materiale, est ipse actus, v. g. actus de iactationis; formale, est privatio bonitatis, seu rectitudinis, quæ debetur illi actui; qui enim vult loqui de factis, & rebus alienis, loqui debet absque læsione famæ; & sic de reliquis. *tom. 2. pag. 99. n. 1. & pag. 100. n. 5. 6. & 12.*

7. Peccatum habituale est quædam labe, seu macula relicta ex peccato actuali. Hæc autem macula in duobus consistit. 1. in malitia actus præteriti, moraliter perseverare, per modū habitus, seu ut loquūtur Theologi, in extrinseca denominatione ab actu præterito nondum per penitentiam retractato, unde homo denominatur peccator. 2. in privatione gratiæ habitualis quæ est pulchritudo, & nitor animæ. *tom. 2. pag. 101. n. 1. & 2.*

8. Ad peccatum mortale requiritur plena, & expressa aduertentia malitiæ, vel periculi malitiæ, aut saltem scrupulus, seu dubiū expressum. Nisi enim quis aduertat opus quod facit esse malum, vel habere adnexū periculum mali; aut nisi formaliter dubitet, censetur laborare in aduertentia inuincibili, & inculpabili, quæ non minus excusat à peccato quàm ignorantia inuincibilis; quia ubi est huiusmodi inaduertentia, ibi non est voluntarium. Sic excusatur à peccato, qui in die ieiunii carnes comedit, nihil cogitans de ieiunio. Item motus sensualitatis qui rationem antevertunt, etiamsi diu durent, nullo modo sunt peccata, propter inaduertentiam inculpabilem. *tom. 2. pag. 102. n. 3. & seq.*

9. Ad peccatum requiritur consensus saltem virtualis: quia nullum est peccatum, nisi sit voluntarium. In dubio autem an habuerimus consentum sufficientem ad peccatum mortale; hæc tres regulæ præsentantur. 1. si homo ita se cognoscat affectum, ut nolle peccatum committere; si maxime videret ut plurimum iudicandum est non adfuisse consentum sufficientem ad peccatum mortale. 2. si dubitans sic conscientie adeo timoratae, ut peccatis dissentire soleat; ut plurimum iudicandum est non habuisse plenam aduertentiam, & consensum, licet aliquam in repellendis tentationibus negligentiam admiserit. 3. cum quis dubitat

dubitat an aliquid fecerit, seu voluerit in somno, an in vigilia, seu dum esset sui compos, non leue indicium est non adiuuile plenam aduertentiam, & consensum. *ibid. n. 1. & pag. 103. n. 19.*

10. Nullus datur actus in indiuiduo deliberatus, qui sit indifferens, sed quilibet bonus est, aut malus. Dantur tamen aliqui actus qui secundum speciem, nec boni sint, nec mali, vt actus fricandi barbam, comedendi, &c. eiusmodi enim actus neque sunt boni ex obiecto, neque prohibiti, sed indifferentes. *tom. 2. pag. 103. n. 1. & 6.*

11. Malitia peccati, & iniuria, ac offensa Dei quæ in peccato reperitur, non est intrinsecè infinita: tanta est enim malitia peccati, & offensa Dei, quanta est bonitas debita actui; sed bonitas debita actui nō est infinita, ergo neque malitia, seu Dei offensa. Iniuria quidē Deo irrogata grauior est, quā iniuria hominibus facta; non tamē est infinita, alioquin etiā iniuria quæ Deo irrogatur per peccatū veniale, esset infinita *ib. n. 1. & pag. 104. n. eod.*

Peccatum mortale, & veniale.

12. Peccatum actuale aliud est *mortale*, quod mortem animæ spiritualement infert; aliud *veniale*, quod facile veniam meretur, redditque hominem dignum poenā solum temporali. Est autem triplex veniale. 1. dicitur veniale *ex suo genere*, quod ex sua natura, & obiecto circa quod versatur, est leue, vt verbū otiosum, menda cū iocosum, &c. 2. dicitur veniale *ex imperfectione deliberationis, & aduertentia*, vt percussio ex subita ira. 3. dicitur veniale *ex leuitate materia*, vt furtum quinque assium factum diuiti; non tamen in qualibet materia datur paruitas rei, seu materia, excusās à peccato mortali, vt in materia simoniæ odij Dei; iuramenti falsi, &c. *tom. 1. pag. 104. n. 1. & pag. 105. n. 1. & seq.*

13. Peccatum veniale fieri potest mortale 1. ratione finis mortaliter mali, vt si mulier suo comitu, seu ornatu intendat aliquem ad libidinem pertrahere. 2. ratione plenæ aduertentia. 3. ratione contemptus, aut inobedientiæ. 4. ratione proximi periculi incidendi in peccatum mortale 5. ratione conscientia erroneæ 6. ratione scandali. 7. per additionem materia. *tom. 2. pag. 107. n. 2. & seq. & pag. 108. n. 17. & seq.*

14. Multa peccata venialia, per se, & formaliter loquendo, non efficiunt vnum peccatum mortale. Quia multa venialia nō priuant hominē gratia Dei. Verū quidē est, cum qui per leuia furtā peruenit ad quātitatem notabilem, peccare mortaliter, non quod plura furtā venialia efficiant vnum mortale; sed quia vltimus furandi actus versatur circa materiam quæ continuata cū precedentibus sufficit ad peccatū mortale. *tom. 2. pag. 108. n. 21.*

15. Quotiescam

15. Quotiescumque materia ultimi peccati venialis continuari potest cum materia præcedentium, ultimum in quo notabilis materia completur, est mortale, quod alioquin esset veniale. Quando verò materia ultimi peccati venialis non potest moraliter continuari cum materia præcedentium, ultimum non est mortale, quia singulæ materiæ sunt parvæ, & manent diuisæ absque coniunctione morali. *tom. 2. pag. 109. num. 23.*

Quomodo Peccata inter se distinguantur.

16. Hæ circumstantiæ peccatum aggrauant. 1. maior affectus, vel conatus ad peccatum. 2. maior scientia, & cognitio peccati. 3. conditio personæ peccantis, vel in quam peccatur. 4. maius damnum, quod infertur. 5. peior finis, qui intenditur à peccante. 6. scandalum adiunctum. 7. locus, tempus, modus, &c. *tom. 2. pag. 110. n. 6. & seq.*

17. Non sunt tot numero peccata, quot sunt obiecta circa quæ vnus, & idem actus eodem tempore versatur: plura enim obiecta eiusdem rationis, vicem vnus gerunt. Quare proferens vnā blasphemiam in duodecim Apostolos, non dicitur committere. 12. peccata; detrahens de pluribus vno actu, vnus tantum peccati detractionis est reus: hæc tamen circumstantia est in confessione aperienda: quia constituit actum in suo indiuiduali. *tom. 2. pag. 111. n. 1. & 2.*

18. Tot sunt numero peccata, quot sunt actus voluntatis moraliter interrupti. Censentur autem moraliter interrumpi, quando idem, nec formaliter; nec virtualiter persenerat; sic actus odij, quod Titius heri commisit, est distinctum odium ab eo, quod hodie committit. At qui proficiscitur ad furandum, vel occidendum, & in via voluntatem furandi, aut occidendi sapius repetit, non dicitur plura peccata committere: tales enim actus non censentur interrupti. *ibid. n. 5 & pag. 112. n. 6.*

19. Peccata distinguuntur specie per ordinem ad diuersas specie perfectiones, quibus priuantur: quia priuatio specificatur à forma cuius est priuatio. Non distinguuntur autem per ordinem ad diuersa præcepta, quibus aliquid præcipitur, vel prohibetur ex eodem motiuo: alioquin desiderium rei alienæ, & furtū rei alienæ essent peccata specie diuersa, cum distinctis præceptis præcipiantur, alterum quidem septimo, alterū verò decimo decalogi præcepto. Si verò peccata prohibita sunt pluribus præceptis ex diuersis motiuis, specie distinguuntur, quia diuersis virtutibus, & perfectionibus opponuntur; sic Sacerdos in actum venereum consentiens duo saltem peccata committit: actus enim venereus prohibitus est Sacerdoti diuersis præceptis ex diuerso

uerso motiuo conditis, ex motiuo scilicet castitatis, & ex motiuo religionis, ad quam spectat votum quod per actum venerum violatur. At qui v.g. non ieiunat eo die Quadragesimæ in quem incidunt quatuor tempora, duo peccata non committit, quia duo illa præcepta ex eodem motiuo temperantiæ ieiunium indicunt. *tom. 2. pag. 17. num. 1. §. & seq.*

20. Qui facit aliquid prohibitum duplici præcepto, vno simplici, altero habente adiunctam excommunicationem, non ideo duo peccata committit, modò illa duo præcepta lata sint ex eodem motiuo; quia excommunicatio, per se loquendo, nouam specie malitiam peccato non addit. Peccatum tamen quod aliquin fuisset veniale, ratione excommunicationis adiunctæ fit mortale non vi excommunicationis, sed vi præcepti prohibentis sub excommunicatione. *tom. 2. pag. 118. n. 14.*

21. Peccatum omissionis differt specie à peccato commissionis secundum rationem materialem, & formalem: quia peccatum omissionis non tantum est priuatio debitæ rectitudinis, sed etiam substantiæ actus, cui debetur rectitudo: peccatum verò commissionis est tantum priuatio rectitudinis quæ debetur actui; & præterea priuat perfectionibus specie diuersis. Porro peccatum commissionis, cæteris paribus grauius est peccato omissionis. *ibid. num. 1. & 2.*

22. Peccatum omissionis committitur eo tempore quo implendum est præceptum; quia omissio actus non est culpabilis nisi eo tempore quo vrget præceptum. Si tamen omissio contingat eo tempore quo deest libertas, vel vsus rationis, illa omissio imputatur ad culpam, quando voluntariè datur causa illi omissioni, non verò quando contingit ipsa omissio. Quare qui se dat somno prauidens fore vt propter somnum non audiat sacrum in die festo, tunc peccat quando voluntariè dat causam illi omissioni. Item qui proicit breuiarium in mare ne possit diuinum officium persolvere tempore nauigationis, non peccat quando non persoluit; quia iam non potest; sed tunc peccauit quando sua culpa factus est impotens ad persoluendum; quia tunc dedit causam omissioni. Idem dicendum de peccato commissionis: si enim contingat eo tempore quo non est in potestate seu libertate hominis, illud vitare, tunc imputatur ad culpam quando data ei fuit voluntariè causa; vt homicidium in ebrietate. *tom. 2. pag. 119. num. 4. & seq.*

23. Actiones quæ sunt causa omissionis, sunt malæ, & peccaminosæ: sunt enim causa peccati. Sic ludus propter quem quis omittit sacrum, malus est, & imputatur ad culpam. Immodò actiones etià ex natura sua bonæ, fiunt malæ, si sint causa omissionis præcepti,

præcepti, nisi fiant ex necessitate Sic qui sacrum omittit ut domi studeat, seu etiam rosarium recitet, peccat studendo, & rosarium recitando. Actiones tamen quæ fuerunt causa omissionis, non sunt necessario in confessione aperiendæ, nisi malitiam habeant distinctam à peccato omissionis. *tom. 2. pag. 120. n. 13. & 14. & pag. 121. num. 17. & 17.*

24. Peccata quæ complentur in corde, ac voluntate, differunt, specie à peccatis, quæ perficiuntur ac consummantur in ore, aut opere: sunt enim privationes perfectionum specie diversarum; cum alia sit perfectio qua priuat odium, alia qua priuat conuicium, alia qua priuat homicidium Tamen peccata cordis, & oris si spectentur ut sunt origo, & principium seu dispositio ad peccatum operis, specie non differunt; eidem enim virtuti opponuntur, sic voluntas, seu propositum furandi est eiusdem speciei cum furto. *tom. 2. pag. 122. num. 2. & seq.*

Peccatum contra conscientiam.

25. Conscientia licet erronea, obligat ad faciendum id quod ipsa dicat per modum præcepti, & non tantum cōsiliij: quia qui non facit quod conscientia dicat, censetur facere contra rationem dicantem illud esse faciendū. Item qui facit aliquid quod non est peccatum, putans ex conscientia erronea esse peccatum, peccat nisi cōscientiam erroneam deponat, & credat illud quod facit hic & nunc non esse peccatū Quia alioquin videtur contemnere legem, ac voluntatem Dei. *tom. 2. pag. 123. n. 8. & 13.*

26. Qui facit aliquid contra conscientiam erroneam, falso cretens esse peccatum, committit peccatum illius speciei, quam conscientia apprehendit: quia habet affectum ad peccatum talis speciei. Sic qui expuit in terram credens se committere peccatum sacrilegij, & irreuerentiæ, committit peccatum sacrilegij, si re ipsa expuat in terram antequam conscientiam erroneam deponat. *tom. 2. p. 124. n. 18. & 19.*

27. Faciens aliquid cum conscientia practicè dubia (id est, cū dubio an hic, & nunc opus sit illicitum necne) peccat, peccato scilicet eiusdem rationis, & speciei, cuius est peccatū de quo dubitatur: qui enim operatur cum dubio, exponit se periculo peccandi. Sic qui dubitat an is quem vult percutere sit Sacerdos, illicumque percutit nondum deposito dubio, peccat non solum contra iustitiam, sed etiam contra reuerentiam Ecclesiasticis debitam, consequenter tenetur hanc circumstantiam in confessione aperire, etiam si forte is qui percussus est, Ecclesiastico privilegio non gaudeat Qui verò aliquid facit, non practicè, sed speculatiue tantum dubitans an sit malum, non peccat: quia prudenter operatur.

operatur, cum ex iusta causa dubium deponat. Sic qui dubitat an liceat capere rem alienam, si hic & nunc credat hoc sibi licere propter extremam necessitatem excusatur à peccato furri, quia practicè non dubitat. *tom. 2. p. 125. n. 3. & 4. & p. 126. n. 9.*

28. Vt conscientia dubia practicè deponatur, & vincatur dubium speculativum, duo requiruntur. 1. debita diligentia in rei veritate inquirenda. 2. iusta aliqua causa mutandi iudicium, seu deponendi practicè dubium speculativum, cuiusmodi causa est consilium bonorum, & doctorum virorum. Iusta autem causa faciendi cōtra iudicium speculativum est possessio, quæ facit, ut in dubio iudicandum sit in favorem possidentis, iuxta illud vulgatum. *Melior est conditio possidentis. tom. 2. p. 126. n. 12. & 13.*

29. Licet sequi opinionem probabilem, relicta probabiliori, & tutiori, modò non immineat aliquod periculum, ad quod vitandum, prudentia, vel iustitia, vel charitas dictet oppositam sententiam esse eligendam. Immodò licet sequi opinionem aliorum probabilem, omissa propria probabiliori, neq; enim qui hoc facit, operatur contra conscientiam, modò putet alienam opinionem, quæ sequitur, esse probabilem. Immodò confessarius potest accommodare se opinioni pœnitentis probabilis, quamvis ipse contrariam sustineat, aut etiam putet sententiam pœnitentis esse falsâ, modò tamen sciat illam tanquam probabilem à peritis Doctoribus admitti. Potest etiam iudex in ferenda sententia, ex duabus opinionibus probabilibus, sequi utram maluerit, immodò potest, secuso scandalo, modò iuxta vnam, modò iuxta aliam iudicare, satis enim prudenter agit dum sequitur opinionem, quam ipse scit esse probabilem. Si tamen altera sit probabilior, tenetur illam sequi, alioquin videretur acceptor personarum, cum debeat ex officio suum cuique ius tribuere iuxta merita causæ; videtur autem esse maius meritum illius causæ, quæ nititur opinione probabiliori. *tom. 2. p. 129. n. 4. & seq. & p. 130. n. 13.*

30. In administrandis Sacramentis non licet opinioni probabilis adhærere, relicta probabiliori, & tutiori, quando est in potestate ministri tutiorem, & probabiliorē sequi: quia exponeret se periculo faciendi Sacramentum irritum, neque consuleret salutem, aut utilitatem suscipientis. *tom. 2. p. 131. n. 18. & 19.*

31. Medicus qui adhibet medicamentum infirmo ad virtutem illius medicamenti experiendam, graviter peccat contra iustitiam, quando nulla superest opinio probabilis de illo medicamento, & ex alia parte medicus habet ad manum remedia probabiliter profutura. Quia vitam, & salutem infirmi exponit periculo sine iusta causa, cum remedia probabilia omittat, ut adhibeat incerta. *tom. 2. p. 132. n. 25.*

Peccati effectus.

32. Primus peccati effectus est macula, quam infert peccatum actuale; & in qua consistit peccatum habituale. Secundus est reatus pœnæ seu æternæ, seu temporalis, seu damni, seu sensus; Tertius est diminutio naturalis inclinationis ad virtutem, quatenus voluntas, acquisito per peccatum habitu vitioso, facilius mouetur ad malum, ad quod habitus vitiosus inclinatur. *tom. 2. pag. 134. n. 1.*

33. Peccatum per se, & formaliter consideratū, quatenus dicit culpam, non potest esse pœna alterius peccati, ita ut Deus velit hominem ob culpam præcedentem prolabi in aliud peccatū, quia peccatum non potest à Deo intendi, cum Deus odio habeat impium, & impietatem eius. Si verò peccatum spectetur secundum ipsius accidentia, ut ratione infamiae, vel tristitiæ, vel subtractionis gratiæ, &c. vnum peccatum potest esse pœna alterius. *ibid. n. 2.*

Causa excusantes à peccato.

34. Causæ à peccato excusantes sunt hæc. 1. dispensatio valide obtenta. 2. impotentia physica, aut moralis. 3. vis aut metus, seu proximum periculum grauius damni. 4. ignorantia inuincibilis. *ibidem.*

35. Impotentia præceptum adimplendi excusat à peccato. Qui tamen commodè non potest præceptum adimplere, tenetur adimplere partem, quam nouit se posse adimplere, modò sit pars notabilis, & censeatur intenta à superiore. Sic qui non potest totum diuinum officium recitare, tenetur saltem ad eam partem, quam commodè potest persolvere. Qui non potest integro Missæ sacrificio interesse, tenetur eam partem audire, quam commodè potest. Qui non potest tota quadragesima ieiunare, tenetur iis saltem diebus, quibus commoda vitur valetudine, &c. *tom. 2. pag. 135. n. 2. & seq.*

36. Qualiquod impedimentum apponit, quod per se, & proximè impedit adimpletionem præcepti, quòdque comodè præcaueri poterat, reus est peccati. Præceptum enim quod obligat ad finem, obligat etiam ad media, quæ per se ordinata sunt ad talem finem. Sic qui nauigaturus proicit Breuiarium in mare, peccat mortaliter. Ille verò excusari potest, qui laboriosæ venationi dat operam, præuidens fore ut ob nimiam corporis defatigationem ieiunare non possit: nam venatio videtur causa per accidens frangendi ieiunij, cum non sit impossibilis cum ieiunio: idem dicendum de peregrinatione; quia Ecclesia dum præcipit ieiunium, non obligat ad abstinendum à peregrinatione, multique inter peregrinandum ieiunant *tom. 2. p. 136. n. 10: 11. 15. & 16.*

37. Vis

37. Vis absoluta, per quam homo omnino inuitus cogitur facere aliquid prohibitum, excusat à peccato: quia nullum est peccatum nisi voluntarium. Item metus, seu probabile periculum grauis damni, regulariter loquendo, excusat à transgressione legis humanæ, & consequenter à peccato: quia lex humana non obligat strictius quàm lex naturalis, aut diuina: multæ autem leges naturales, & diuinæ non obligant sub mortali in periculo grauis damni, vt patet in confessione, quæ licet iure diuino præmit enda sit ante sumptionem Eucharistiæ; non tamen obligat simpliciter in omnibus casibus: ergo metus, aut periculum grauis damni excusat à transgressione legis humanæ, & consequenter à peccato *tom. 2. pag. 137. n. 2. & 3.*

38. Carthusianus, aut etiam alius, voto, vel lege abstinentiæ à carnibus obstrictus, potest, immò tenetur (non obstante voto, vel lege) carnibus vesci, si non habeat alios cibos, & euidenter constet carnes illi necessarias esse ad tuendam vitam: quia neque lex, neque votum obligat cum tanto incommodo, & in voto abstinenti à carnibus subintelligitur hæc conditio, nisi carniū esus fuerit vitæ necessarius. Licet etiam in extrema necessitate, idolothytis, seu cibis idolo immolatis vesci, modò adstantes intelligant id fieri ad tuendam vitam, non autem ad profitendam falsam Deorum religionem. *tom. 2. pag. 138. n. 16. & 18.*

39. Ignorantia inuincibilis tam iuris, quàm facti, excusat à peccato, consequenter etiam à pœna: quia cum hac ignorantia non stat voluntarium; omne enim voluntarium supponit cognitionem. Ignorantia verò inuincibilis pœnæ non excusat à peccato: quia non tollit voluntarium, neque aduertentiam sufficientem ad legem, & prohibitionem. *tom. 2. pag. 139 num. 12. & pag. 141. num. 33.*

40. Ignorantia comitans excusat actionem externam à peccato. Quare si quis proiciat telum in inimicum, inuincibiliter putans esse feram, ita tamen sit affectus, vt si sciret esse inimicū, sagittam seu telum adhuc emitteret, non est actualis homicidij reus: quia illa actio externa emissionis teli non fuit causata ab affectu, & voluntate occidendi inimicum, sed à voluntate occidendi feram; ergo licet prauus affectus erga inimicum sit malus; tamen actio illa externa non est mala malicia homicidij, cum non profecta fuerit à voluntate occidendi inimicum. At si quis iaciat telum, aut displodat scloplum intentione occidendi quidquid occurrerit, si hominem occidat, etiam si putaret esse feram, homicidium committit; quia illa actio externa est sufficienter voluntaria, ideoque ad culpam meritò imputatur. *tom. 2. pag. 141. n. 34. & 35.*

1. Pignus accipi potest vel pro re ipsa quæ datur pignori in securitatem, vel pro contractu, quo res creditori traditur ad securitatem crediti. Propriè loquendo differt ab *hypotheca*; nam *pignus* est de mobili; *hypotheca* de re immobili, quæ obligatur creditori, sed remanet apud debitorem. Vt si quis Caio creditori tradat torquem aureum pro securitate crediti, dicitur inire contractum pignoris. Sin pro securitate crediti securum faciat Caium super fundo, dicitur inire contractum *hypothecæ*, quia obligat Caio rem immobilem, quæ celebrato contractu, adhuc remanet apud debitorem. *tom. 2. pag. 591. num. 1. & seq.*

2. Quidquid datur pignori debet subesse liberæ dantis dispositioni. Hinc pupillus non potest absque decreto iudicis rem suam oppignerare. Item Prælati non potest res Ecclesiæ pignori, seu speciali *hypothecæ* subiicere; in contractibus tamen à iure permissis potest generaliter bona Ecclesiæ obligare absque illorum traditione, quia hæc obligatio apponitur ad roborandum priorem contractum, de cuius euictione tenetur Ecclesia, vt supponimus. *tom. 2. pag. 592. n. 3. & 4.*

3. Ea tradi non possunt pignori, quæ nequeunt vendi. Vnde res sacræ, seclufa necessitate dari non possunt in pignus. Item res publicæ, vt viæ, plateæ, & alia publicis vsibus inferuentia, non possunt subiici *hypothecæ*. *ibid. n. 5.*

4. Quando res aliqua datur pignori, vel *hypothecæ*, fructus illius iam sati, & concepti tempore contractus censentur etiam dari in pignus. Idem dicendum de fructibus pendentibus illius rei, quam quis alteri oppignerauit: huiusmodi enim fructus à re ipsa non distinguuntur. *ibid. n. 6.*

5. Quando res subiecta *hypothecæ* melior redditur, & augmentum accipit. vt quâdo ager incultus conuertitur in vineam, aut quando in eo palatium ædificatur, solum ipsum cum augmento manet subiectum *hypothecæ*; quia accessorium sequitur principale. Verùm si augmentum factum sit industria, & expensis tertij, non tenetur tertius possessor rem illam tradere, vt inde soluat debitum, nisi prius soluat sibi id quod expendit. *ibid. n. 7.*

6. Non potest eadem res pluribus tradi in *hypothecam*, nisi res illa sufficiens sit ad satisfaciendum omnibus, aut nisi posteriores admoneantur de priori *hypotheca*: res enim ideo subiicitur *hypothecæ*, vt si debitor non soluat, creditoribus satisfiat ex re *hypothecata*. *tom. 2. pag. 593. n. 8.*

7. Creditor non potest vti pignore accepto cum damno debitoris sine ipsius consensu, saltem tacito. At sine damno non videtur

detur illicitum vti pignore. Sic creditor vti potest equo sibi tradito in pignus ne torpeat otio. Debet tamen creditor in sortem computare valorem illius vsus, alioquin vsuram committeret: quia ob concessam dilationem acciperet aliquid supra sortem. Quare qui accipit agrum incultum in pignus, si eum colat, debet computare fructus in sortem, detractis expensis, & laboribus, nisi dominus agri illos condonet *ibid. n. 10.*

8. Si inter creditorem & debitorem nihil actum est de vendendo pignore, creditor non potest illud vendere, nisi præmissa vna denunciatione, seu monitione, & elapsis duobus annis. At si elapso biennio creditor non inueniat qui emat pignus, debet iudicem adire, & denunciare debitori, quo non comparente, habebit ius petendi à iudice, vt possit sibi pignus retinere. Sin conuentum est inter creditorem, & debitorem, vt pignus non vendatur, potest nihilominus vendi post trinam admonitionem; hæc enim est natura pignoris, vt vendi possit, & conuentio non vendendi pignus sic explicanda est, ne liceat illud vendere absque trina admonitione quam ius exigit. Porro si pignus vendatur maiori pretio quàm sit creditum, residuum reddendum est debitori. *tom. 2. pag. 594. n. 12.*

Pirata.

1. Piratæ, cursarii, ac latrunculi maritimi incurrunt 3. excommunicationem Bullæ Cœnæ Summo Põtifici referuatam, Dicuntur autem piratæ ij, qui quasi ex officio, bello non indicto, nauticum latrocinium exercent, & prædas agunt præcipuè in mari: nam qui in lacu aut fluminibus solùm prædantur, non censentur piratæ, neque ligantur excommunicatione Bullæ; quanquam huiusmodi prædones fluuiales puniuntur etiam pœna excommunicationis comminatoria in *cap. 3. de raptoribus, disp. 1. q. 4. præf. 1. n. 1. 9. pag. 17. 18. tom. 3.*

2. Qui mare discurrunt eo solùm fine vt infideles spolient, & deprædentur, non sunt obnoxij huic pœnæ iuxta probabilem sententiam: quia voluit Summus Pontifex consulere indemnitati Christianorum mare Sedis Apostolicæ nauigantium. Si tamen infideles aduchant merces ad portum, & terras Christianorum habentes saluum conductum, Christiani eos spoliantes videntur subiacere excommunicationi: quia hæc deprædatio vergit in damnum, & iniuriam Principum, qui securitatis fidem dederunt. *ibid. n. 10. 11. pag. 18. tom. 3.*

3. Christiani qui spoliant naues infidelium aduchentium merces fidelium in ipsorum vtilitatem, & commodum, subiacent excommunicationi, quia piraticam exercent potius cõtra fideles,

quàm contra infideles. Si verò infideles abducant merces, quas Christianis eripuerunt, Bullæ censuram non incurrunt Christiani illos spolianteſtum quia deprædantur infideles, tum quia nihil faciunt contra voluntatem dominorum, qui malunt ſua bona à fidelibus quàm ab infidelibus poſſideri. *ibid. n. 12. pag. 18. tom. 3.*

4. Qui nauim Chriſtianorum mercibus infidelium onuſtam inuadunt, & diripiunt, ſi nullum fidelibus damnum inferant, vt ſi merces tantummodò infidelium abducant, relicta fidelibus nauis, aliſque ipſorum mercibus, cenſuram ob eiufmodi ſpoliationem non incurrunt, quia maritimum latrocinium contra fideles non exercent; modò nauis aſſecurata non ſit à fidelibus, tunc enim damnum fidelibus inferretur. *ibid. num. 13. pag. 18. tom. 3.*

5. Pirata fidelis ſpolians alterum piratam item fidelem, ſi mare diſcurrit animo ſpoliandi tantum piratas, non incurrit excommunicationem; quia licet piratas occidere. Si verò diſcurrit mare Pontificium animo ſpoliandi obuios quoscumque nullo diſcrimine incidit in excommunicationem, quia exercet actionem in Bulla vetitam ſub pœna excommunicationis ipſo facto incurrendæ. *ibid. num. 14. pag. 18. tom. 3.*

Piratarum fautores.

6. Receptatores, fautores, & deſenſores piratarum, aliorumque maritimorum latrunculorum eadem excommunicationis pœna mulſtantur, non tamen antequam illi, quibus auxilium præſtiterunt ingreſſi ſint mare, & cœperint piraticâ exercere: Quia cauſa acceſſoria non ligatur cenſura nondum adimpleto actu principali, propter quem cenſura impoſita eſt: impoſita eſt autem cenſura ob maritimas diſcuſſiones animo deprædandi; ergo antequam piratæ cœperint mare diſcurrere, illorum fautores nullam incurrunt excommunicationem. *ibid. n. 15. pag. 19. tom. 3.*

7. Qui graui metu compulſi opem præſtant piratis, excuſantur ab excommunicationis pœna: Eccleſia enim non cenſetur velle cū graui damno ſub cœſura obligare. Vnde patet captiuos remigantes in nauibus, ſeu triremibus Turcarum aggrediendum naues Chriſtianorum, non incurrere excommunicationem, tum quia actionem ex ſe indifferentem exercent, tum quia metu graui coguntur remigare; fieri tamen poſteſt, vt peccent contra ius naturæ, ſi ad prædandum cooperentur; illa enim actio eſt intrinſecè mala. *ibid. num. 17. pag. 19. tom. 3.*

8. Qui bona à piratis ablata domi occultant, vel retinent, præciſè non ligantur cenſura Bullæ in foro conſcientiæ, niſi id faciant animo ſauendi piratis formaliter: licet in foro externo puniantur tanquam participes latrocinij, & cooperatores piratarum:

rum:quo sit,vt si quis titulo consanguinitatis,vel amicitie piratam domo excipiat cum præda, non incurrat hanc pœnam. *ibid.* n. 10. p. 19. tom. 3.

Piratis quid prohibeatur?

9. Ingressus in mare etiam si nondum sequuta sit spoliatio, seu occisio, sufficit ad incurrendam excommunicationem: quia excursiones maritimæ animo deprædandi, præcipuè in hac Bulla prohibentur, non tamen per quodlibet mare, sed solum per mare quod Sedi Apostolicæ immediatè, vel mediatè subest. Reliqua enim maria habent proprios dominos, à quibus custodiuntur. Quare discurrentes mare Venerum, aut Indicum, non incurrunt excommunicationem. *ibid. punct. 2. n. 2. & 4. pag. 19. 20. tom. 3.*

10. Quoties piratæ suscipiunt excursiones per mare Pontificium actionibus moraliter interruptis, toties excommunicationem incurrunt: quia quælibet actio verita sub excommunicatione sufficit ad incurrendam excommunicationem, sicut pluries Clericum percipiens plures contrahit excommunicationes. *ibid. num. 3. pag. 19. tom. 3.*

Pœnitentia virtus.

1. Pœnitentia specialis est virtus supernaturalis inclinans hominem ad satisfaciendum Deo pro iniuria, & offensa illi facta, & ad conseruandum ius diuinum illæsum. Vnde patet pœnitentiæ, quatenus est virtus specialis, obiectum formale esse detestationem iniuriæ Deo factæ, & satisfactionem pro ea; materiale verò esse peccatum; ac proinde esse virtutem distinctam à cæteris. *tom. 1. pag. 112. num. 1. & 2.*

2. Actus virtutis pœnitentiæ est simpliciter necessarius ad iustificationem, non quidè explicite, sed implicite, & æquiualem; quia ad iustificationem necesse est vt homo velit satisfacere Deo, aut saltem eam præster satisfactionem, quam potest. Actus autem dilectionis Dei super omnia, & contritionis, continet virtualiter actum pœnitentiæ. Neque recipiens Sacramentum pœnitentiæ iustificatur absque aliquo actu virtutis pœnitentiæ. Eliciens tamen actum huius virtutis non recipit gratiam extra Sacramentum pœnitentiæ, nisi actum eliciat contritionis, vel dilectionis Dei super omnia. *tom. 1. p. 113. n. 2. & 3.*

Pœnitentia Sacramentum quid, & quàm necessarium?

3. Dari Sacramentum pœnitentiæ in lege gratiæ nullus fuerit
li 4 inficias,

inficias, nisi hæreticus. In veteri autem lege, vel scripta, vel etiam naturæ non exitit hoc Sacramentum, cuius ipse Christus est auctor. Quamobrem cum in sacris paginis sit mentio pœnitentiæ, cui Deus promissit remissionem peccatorum, sermo est de pœnitentia interna, id est, contritione. *ibid. n. 1. 2. & 3.*

4. Sacramentum pœnitentiæ consistit in actibus pœnitentis, & absoluentis, estque institutum à Deo per modum iudicij emendatiui, ad remissionem peccatorum. *ibid. num. 1.*

5. Necessarium est hoc Sacramentum necessitate mediij in re, vel in voto, illis qui post Baptismum mortaliter peccarunt, ita ut saluari non possint nisi aut re ipsa hoc Sacramentum suscipiant, aut eliciant actum contritionis, in quo huius Sacramenti votum continetur. Est etiam necessarium necessitate præcepti; quia quod est necessarium necessitate mediij, est etiam necessarium necessitate præcepti, modò medium sit in nostra potestate; hoc Sacramentum est in nostra potestate; ergo, &c. *tom. 1. pag. 114. n. 1. & 2.*

6. Peccata remitti per Sacramentum pœnitentiæ in voto, nihil est aliud quàm remitti per contritionem in ordine ad confessionem; nam qui contritionis actum elicit, tenetur adhuc eadem peccata, quorum remissionem per actum contritionis obtinuit, subiicere suo tempore pœnitentiæ Sacramento: contritio enim non ita iustificat ut peccatorem liberum relinquat ab obligatione confitendi data opportunitate. *ibid. n. 3. & seq.*

7. Qui habet copiam confessarij non saluatur cum sola attritione, quia non habet Sacramentum pœnitentiæ in re, nec in voto. Qui autem iustificatur per contritionem, non tenetur habere propositum explicitum confitendi; sed sufficit implicitum. *ibid. n. 7. & 8.*

8. Sacramentum pœnitentiæ institutum fuit à Christo præcipuè Iouan. 20. quando insufflauit in discipulos suos dicens: *Accipite Spiritum sanctum, quorum remiseritis peccata, remittuntur eis*, &c. Hæc autè institutio fuit inchoata in nocte Cœnæ, quando Christus ordinauit Apostolos, eisque per ordinationem contulit characterem, qui est facultas fundamentalis absoluendi. Vnde sequitur, si quis Apostolorum sibi conscius fuit peccati mort. ut Iudas, sufficienter potuisse se ad Eucharistiam disponere absque confessione, per actum contritionis; quia Sacramentum pœnitentiæ nondum erat institutum. *tom. 1. p. 115. n. 1. & seq.*

Sacramenti Pœnitentia materia.

9. Omnia peccata actualia, seu mortalia, seu venialia, post Baptismum commissa, sunt materia remota Sacramenti pœnitentiæ:

non

non autem peccatum originale, aut etiam actuale ante Baptismum commissum. Hæc enim peccata non pertinent ad iurisdictionem Ecclesiæ; quippe homo illorum reus, non est subditus Ecclesiæ ante Baptismum: Sacramentum autem pœnitentiæ institutum est ad reconciliandos fideles post Baptismum lapsos. *ibid. n. 3. & 4.*

10. Sunt quidem peccata venialia sufficiens materia Sacramenti pœnitentiæ, si sint post Baptismum commissa, non tamen necessaria: ex Concilio enim Trident. omitti possunt in confessione, nisi fortè pœnitens dubitet, an sint mortalia. Quanquam Ecclesia præcipere potest confessionem venialium; quia est opus religiosum, præcepti materiâ non excedens. *10. 1. p. 116. n. 5. & seq.*

11. Peccatum dubium non est materia sufficiens huius Sacramenti, quia materia Sacramentorum debet esse certa: Quare à peccato mortali dubio non potest confessarius absolvere simpliciter, & absolute, sed tantum sub conditione: habens tamen huiusmodi peccatum, debet sub dubio confiteri. *ibid. n. 9.*

12. Peccata semel in confessione dimissa possunt esse materia nouæ confessionis: absolutio enim iterari potest super iisdem peccatis, modò adsit nouus dolor, & nuda confessio à priori distincta. Liberum tamen est pœnitenti ea iterum confiteri, vel omittere, aut partem vnâ manifestare, & aliam reicere: quia licet sint materia sufficiens confessionis, non tamen necessaria. *ibid. num. 10. & 11.*

13. Materia proxima Sacramenti pœnitentiæ sunt actus pœnitentis, videlicet contritio, confessio, & satisfactio: nam ad iudicium emendatiuum, cuiusmodi est Sacramentum pœnitentiæ, illa tria requiruntur. Contritio & confessio sunt partes essentialles huius Sacramenti, satisfactio verò est pars integralis. *tom. 1. pag. 117. n. 1. & seq.*

14. Ad valorem Sacramenti Pœnitentiæ requiritur dolor formalis de peccatis etiam venialibus commissis: quamuis enim non teneatur quis ad venialium confessionem; si tamen velit ea confiteri, tenetur de illis dolorem excitare. Sufficit autem dolor naturalis: Christus enim pro materia Sacramentorum instituit rem naturalem, vt aquam, panem, oleum, &c. vnde colligitur validum esse sacramentum pœnitentiæ, quando pœnitens bona fide accedit cum sola attritione naturali: Sacramentum tamen est informe, quia est sine fructu, nisi adsit dolor supernaturalis, neque confert gratiam, & charitatem, quæ est forma omnium virtutum. Porro hic dolor debet esse efficax, qui excludat affectum peccati, & propositum peccandi. *ibid. num. 6. 7. & 8. & pag. 118. num. 9. & seq.*

15. Dolor de peccatis confessionem antecedens sufficit ad
 Li 5 hoc

hoc Sacramentum; sufficit tamen dolor elicitus in ipsa confessione, vel etiam post confessionem, antequam pœnitens absol-uatur. At dolor post absolutionem elicitus non sufficit ad va-lore Sacramenti; quia absolutio ferri debet super debitam ma-teriã; non est autem materia debita sine dolore, cum dolor sit ma-teria proxima Sacramenti pœnitentiæ. Igitur dolor præcedere de-bet absolutionem. Est autem integrum confessario iniungere satisfactionem, seu pœnitentiam, ante, vel post absolutionem. Caveat tamen confessarius ne pœnitentiam iniungat statim im-plendam post confessionem, si secretò fieri non possit; ne qui ad-sunt, & vident, ex pœnitentia peccatorum gravitate suspicentur. *ibid. num. 17. & 18. & pag. 119. n. 19. & seq.*

Sacramenti Pœnitentiæ forma.

16. Forma Sacramenti Pœnitentiæ est hæc: *Ego te absolvo à peccatis tuis*, immò sufficiunt hæc duo verba, *Absolvo te*. Preces autem quæ ex laudabili Ecclesiæ more adiunguntur, ad Sacra-menti essentiam haudquaquam spectant: unde colligitur nihil esse necesse adiungere inuocationem SS Trinitatis, addendo, *In nomine Patris*, &c. quæ tamen non est omittenda. Si quis autem dicat: *Absoluat te Deus*, non validè absoluit, quia non ostendit se absolvere tanquam iudicē. Porro hæc verba, *Absolvo te*, sufficere possunt ad absolutionem à peccatis, & simul à censuris, modò per hæc verba Sacerdos intendat absolvere ab utrisque. In quo casu absolutio à censuris erit natura prior absolutione à peccatis. *tom. 1. p. 119. & 120. num. 1. & seq.*

17. Quoties in verbis formæ contingit mutatio substantia-lis, non est validum Pœnitentiæ sacramentum, secus si solum sit accidentalis; remanet enim idem sensus, eadēque significatio. Non est autem valida forma deprecativa, qualis est hæc, *Absol-uat te Deus*: quia hoc Sacramentum exercetur per modum iu-dicii, sententia autem profertur à iudice imperatiuè. Qui for-mam adhibet dubiam, peccat mortaliter: fieri enim potest, ut illa forma non sit sufficiens, ideòque irritum sit Sacramentum. Ne-que licet quidquam mutare in forma communi Ecclesiæ vlti recepta. *tom. 1. pag. 121. n. 2. 3. & seq.*

18. Quando aliqua conditio de præterito, vel de præsentī apponitur in forma, validum est nihilominus Sacramentum, ut si dicatur: *Si habes peccatum, te absolvo. Si ego possum te absolue-re, te absolvo*: quia hæc conditio non suspendit actum, aut effe-ctum. At conditio de futuro irritum reddit Sacramentum; quia neque est validum statim prolata forma, cum nondum po-sita sit conditio; neque est validum adueniente conditione, quia

quia iam non adest forma, neque materia. Vnde patet hanc formam esse inualidam. *Ego te absoluo, si satisfeceris. ibid. n. 1. 2. & 3.*

19. Forma absolutionis non potest absque sacrilegio bis in eadem confessione super iisdem peccatis proferri; sicut non licet super hostia iam consecrata repetere formam consecrationis. At in diuersis confessionibus possunt eadem peccata repeti cum nouo dolore, & circa eadem peccata cum nouo dolore confessa, potest absolutio iterari. Immò huiusmodi confessiones sunt salubres; maiorem enim quietem, & securitatem conscientia pariunt. *tom. 1. pag. 122. n. ... & seq.*

Sacramenti Pœnitentia partes.

20. Contritio est actus charitatis, quo quis detestatur omnia sua peccata super omnia detestabilia, quatenus Deum offendunt, cum proposito non peccandi in posterum. Quare contritio pertinet ad charitatē, cuius est gaudere, & delectari de bonis Dei, & illius malū, seu offensam odisse. Hæc contritio elicitur ab habitu charitatis, quando elicitur ab homine iusto habente habitū supernaturalem charitatis: spectat verò ad charitatem, quando elicitur à peccatore cum auxilio supernaturali supplette vicem habitus charitatis. *tom. 1. pag. 123. & 124. n. 1. & seq.*

21. Contritio propriè accepta in lege noua non est necessaria simpliciter necessitate mediij ad iustificationem, & salutem; potest enim ea omissa aliquando salus obtineri, vt patet in homine iusto, qui si repente moriatur, salutem obtinet; etiā si contritionis actum non elieuerit: tum quia sacramentum Pœnitentiæ cum sola attritione iustificat, & saluat. In veteri autem lege contritio necessaria fuit necessitate mediij ad tollendum peccatum actuale; quia Sacramenta veteris legis non conferebant, ipso facto, gratiam, præter Sacramentum Circumcisionis. *tom. 1. pag. 124. n. 1. & seq.*

22. Contritio propriè sumpta necessaria est necessitate præcepti; illa enim culpabiliter prætermissa, salus non obtinetur. Obligat autem præceptum contritionis per se, & vi propria, in periculo mortis, aut perpetuæ amentia, saltem quando non est copia Confessarij; tunc enim est maxima necessitas contritionis, ne adeatur periculum perpetuæ damnationis. Obligat etiam extra mortis articulum ratione alterius circumstantiæ: 1. quando quis suscepturus est, vel administraturus aliquod Sacramentum, aduertens se esse in peccato mortali, quando non potest confiteri. 2. quando quis est in probabili periculo incidendi in aliquod peccatum mortale, si contritionis actum non eliciat. *pag. 124. 125. n. 4. & 5.*

23. Attritio supernaturalis & efficax necessaria est ad sciendum Pœnitentiæ sacramentum cum fructu; hæc autem attritio esse non potest, nisi excludat affectum ad peccatum, & includat propositum non peccandi. Porro licet attritio sit dolor imperfectus, quippe quæ peccatum detestatur ob metum gehennæ aut amissionis gloriæ, sufficit tamen cum Pœnitentiæ sacramento, neque requiritur contritio: alioquin sacramentum Pœnitentiæ nunquam produceret primam gratiam, nec remitteret peccatum mortale, sed illud supponeret remissum per contritionem. *tom. 1. pag. 126. n. 3. & seq. pag. 127.*

24. Obiectum materiale contritionis est peccatum commissum, & nondum dimissum, quod facit inimicum Dei: formale est peccatum, quatenus est offensa Dei, vel malum Dei: Ad delenda autem omnia peccata sufficit vnus contritionis actus respiciens omnia peccata; neque requiruntur tot contritiones, quot sunt peccata. Caterum non tenemur eodẽ actu detestari mortalia, & venialia, sed potest remissio mortalium obrineri, non ob tenta venialium remissione. *tom. 1. pag. 128. & 129. n. 2. & seq.*

25. Probabile est ad contritionem sufficere propositum implicitum vitandi peccata in futurum; neque requiri explicitum: potest enim quis detestari peccata super omnia, nihil cogitans actu de vitæ emendatione. In praxi tamen tutius est habere propositum explicitum, & actuale vitandi peccatum. *tom. 1. pag. 131. n. 2.*

26. De potentia Dei ordinari non potest homo iustificari absque aliquo pœnitentiæ actu. De potentia verò absoluta potest, modo cesset actus peccati: quia non implicat Deum infundere gratiam, & per illam delere peccatum absque alia dispositione; cessante tamen actu peccati: nam perseverante peccato non potest homo iustificari, alioquin esset iustus, & iniustus, quod implicat contradictionem. Non potest autem peccator iustificari absque aliqua reali mutatione facta per infusionem alicuius doni, quod peccatum expellat: nam privatio gratiæ tolli non potest, nisi per oppositam formam. *tom. 1. pag. 131. n. 2. & 3.*

27. Confessio est legitima, & sacramentalis accusatio de propriis peccatis, facta Sacerdoti ad obtinendam remissionem peccatorum per absolutionem. Sexdecim confessionis conditiones his verbis recensentur:

Sit simplex, humilis confessio, pura, fœlis.

Atque frequens, nuda, & discreta, libens, verecunda,

Integra, secreta, & lachrymantibus, accelerata,

Foris, & accusans, & sit parere parata.

Ex quibus tres potissimum necessariæ sunt ad confessionem. 1. vt sit integra, 2. vt sit dolens, 3. vt sit vera, seu pura, reliquæ ta-

men

men sunt valdè vtilis ad fructum sacramentalis confessionis percipiendum. *tom. 1. pag. 233. n. 1. & 2.*

28. Ad confessionem iure diuino prærequiritur examen conscientia. Tenetur itaque pœnitens circa peccata mortalia tantam inquisitionem præmittere, quantam adhiberet in negotio arduo, seu quanta sufficit ad omnia mortalia in memoriam reuocanda; est enim hoc negotium maximi momenti. Mediocriter tamen adhibita diligentia, non tenetur maiorem adhibere, etiam si probabiliter suspicetur fore, ut accuratissima inquisitione facta occurrerent aliqua peccata, quorum non meminit; alioquin semper augetur scrupulis, semperque dubitaret, an sufficientem adhibuerit diligentiam. Nihilominus qui rarius confitetur, quique periculosa negotia tractat, tenetur maiorem diligentiam adhibere. *ibid. num. 1. & seq.*

29. Fideles non tenentur iure diuino anteuertere tempus confessionis, aut sua peccata scribere, ut eorum melius recorderentur; sed solum adueniente tempore obligationis, aut voluntate confitendi, tenentur moralem diligentiam adhibere, ut redeant in memoriam peccatorum, & integrè confiteantur. At qui confessus est non præmisso conscientia examine, tenetur ad nouam confessionem peccatorum, modò Confessarius non suppleuerit illum defectum per diligentem interrogationem, ut sæpe accidit in rudibus, & rusticis, qui conscientiam discutere nesciunt. Verùm si Confessarius aduertat pœnitentem notabiliter defecisse circa examen conscientia, & videat se non posse defectum examinis per interrogationes supplere, remittat pœnitentem, eique imperet, ut adhibita maiori diligentia redeat, modò non imminet periculum mortis. *ibid. n. 4. & seq.*

30. Confessio debet esse *simplex*, ita ut superflua, & inutilia amputentur; neque enim necesse est circumstantias impertinentes aperire. Det tamen operam pœnitens, ut sua peccata clarè, & distinctè fateatur quoad numerum, & species. Debet esse *humilis*, ita ut pœnitens flexis genibus, & aperto capite se accuset, nisi aliud suadeat necessitas. Debet esse *pura*, quoad intentionem, ita ut non fiat ob prauum aliquem finem; quanquam facta ob finem venialiter malum, v.g. ob inanem gloriam, suo fructu non caret. Hinc patet illum non peccare mortaliter, qui ut bonam tueatur opinionem de se apud Confessarium, fatetur illi solum leuia peccata, & si incidat in mortale, accedit ad alium priore relicto, modò id non faciat per hypocrisim. *tom. 1. pag. 134. num. 1. & seq.*

31. Præterea debet esse *fidelis*, id est, vera, & sine fraude. Nam mendacium in confessione circa materiam necessariam confessionis

confessionis est peccatum mortale, & consequenter irritat confessionem; quia Sacerdos qui est iudex in hoc Sacramento, decipitur in re graui. Quanquam pœnitens, per se loquendo, non peccat mortaliter, si à Confessario interrogatus num tale peccatum aliquando commiserit, falsò negat se commississe, nolens idem peccatum quod antea confessus est, iterum confessioni subiicere. Ad veritatem etiam confessionis pertinet, peccata dubia, tanquam dubia, & certa tanquam certa explicare. Mendacium autem circa peccata venialia non reddit inualidam confessionem; quia venialia non sunt materia necessaria confessionis: nisi forrè pœnitens vnum tantum peccatum veniale fateatur se commississe quod non commisit, nullumque aliud peccatum exprimat in confessione; tunc enim peccat mortaliter, & reddit Sacramentum inualidum. *tom. 1. pag. 134. 135. n. 6. & seq.*

32. Confessio debet esse *frequens*, non quòd sit necesse sæpius in anno confiteri, extra mortis articulum, aut Ecclesiæ præceptum; sed quia vtile est sæpius confiteri ob fructus vbres qui inde percipiuntur. Quamobrem perfectionis studiosi, si nulla alia habent præter peccata ritè aliàs confessa, de iis ipsis solent nouas confessiones instituire; ne fructibus tanti Sacramenti careant. *pag. 135. num. 14.*

33. Debet esse *nuda*, id est nullis verborum ambagibus inuoluta: sicut enim peccata nuda sunt oculis Dei, ita debent esse aperta Sacerdoti Dei vices gerenti; neque enim potest naturam & qualitatem peccatorum rectè perspicere, & diiudicare an sint mortalia, an venialia, nisi pœnitens nudè, & detractò omni verborum fuco, illa fateatur. *ibid. n. 15.*

34. Debet esse *discreta*, ita vt pœnitens eligat confessarium eruditum, & probum qui scientiam habeat, & conscientiam, quique possit lepram à lepra internoscere, & debita remedia applicare; hinc collige pœnitentem qui confessarium eligit quem nouit indoctum, ratus propter ipsius inscitiam se nò obligandum ad restitutionem, teneri iterum confiteri, neque excusari à restitutione. Hanc etiam pœnitens debet adhibere cautionem, vt peccata impudica, & obscœna, quantum fieri poterit, honestis verbis explicet, nec descendat ad singula; sufficit enim speciem, & circumstantias necessarias explicare. *ibid. n. 17.*

35. Debet esse *libens*, ita vt voluntariè fiat, & cum intentione confitendi. Si quis tamen inducatur ad confitenda peccata timore excommunicationis, infamiæ, aut etiam verberum, &c. validè confitetur modò cum dolore debito, ac sufficienti; illud enim inuoluntarium admixtum non irritat confessionem. *ibid. num. 18.*

36. Debet esse *verecunda* : congruum enim est, & fructuosum interiùs apud seipsum erubescere de turpitudine, ac scditate animæ propriæ, & exteriùs apud confessarium; quippe illa verecundia prodest ad pœnæ remissionem. Caueat tamen confessarius ne pœnitentem deterreat durioribus verbis, sed illum potius allicit ad peccata confidenter explicanda, dilata reprehensione ad finem confessionis. *tom. I. pag. 135. 136 n. 19.*

37. Debet fieri *secretò*: nam euulgare peccata sine iusta causa, videtur iuri naturali aduersari. Hinc collige neminem teneri, per se loquendo, confiteri per interpretem; neque debere peccata Sacerdoti aperire alio audiente, in quo peccant Sacerdotes qui multos pueros doli capaces in vnum congregatos, simul audiunt se accusantes. Potest tamen confessio fieri aliquando publicè vt fit ab existentibus in periculo naufragij. At confessarius non potest præcipere pœnitenti vt confiteatur coram teste; hoc enim est nimis graue. Porro non est de necessitate Sacramenti propriis verbis confiteri; possunt enim peccata per nutus, signa & scripturam sufficienter manifestari. Quare si detur casus vt quis nequeat loqui, aut nimia suffundatur verecundia, potest per signa Sacerdoti confiteri. *tom. I. pag. 136. n. 21.*

38. Confessio est *acceleranda*, itavt pœnitens quamprimum confiteatur, tùm ne maneat in statu damnationis; tùm vt bona ipsius opera sint meritòria: non est tamen necesse statim post peccatum confiteri, cum possit gratia per contritionem recuperari. *ibid. num. 27.*

39. Confessio debet esse *accusans*, non *excusans*; itavt pœnitens sibi peccata imputet, non in alium reiiciat. aut excuset; nisi hoc necessarium videatur ad famam apud confessarium tuendam. Denique confessio ea esse debet vt pœnitens sit *paratus morem gerere* confessario in iis quæ ad conscientiam spectant; cum enim Sacramentum Pœnitentiæ exerceatur per modum iudicij emendatiui, pœnitens debet satagere vt Deum propitiet suis criminibus violatum. *ibid. num. 29. 30.*

Confessionis integritas.

40. In confessione explicanda sunt necessariò peccata quoad species morales; non autem quoad physicas; aliquando enim plures actus physicè diuersi vnâ habent malitiam, & vice versa vnus physicus plures habet malitias. Proinde qui ad occidendum inimicum emit gladium, conscendit equum, suscepit iter, non tenetur has omnes actiones physicas explicare, quia vnâ habent malitiam, idèòque sunt eiusdem speciei moralis, quare satisfaciunt dicendo se homi-

nem occidisse: modò illi actus non fuerint notabiliter interrupti, nec habuerint aliam circumstantiam moraliter diuersam; propterea qui occisurus inimicum conculcauit segetes, furtum commisit, &c. tenetur has circumstantias in confessione explicare. tom. 1. p. 137. n. 2. & 3.

41. In confessione aperienda est circumstantia propter quam peccatum mortale sit veniale, & contrà: quia mortale, & veniale, in ratione offensæ Dei maximè differunt; quapropter in confessione explicandum est an furtum fuerit in magna, an in parua quantitate. *ibid. n. 6.*

42. Qui se exposuit periculo peccandi, tenetur fateri circumstantiam illius peccati cuius periculo se exposuit: quia in moralibus idem est exponere se periculo peccati, & illud committere, præceptum enim quod obligat ad vitandum peccatum, obligat etiam ad vitandum illius periculum. *ibid. n. 7.*

43. Qui oblitus est in confessione alicuius circumstantiæ mortalis, tenetur illam in alia confessione explicare; quia est peccatum mortale distinctum, sufficit tamen eam solam circumstantiam omissem explicare: v. g. quis furatus est calicem; sed in confessione meminit solius furti; in secunda confessione satisfaciet dicendo se mortale sacrilegium commississe, non exprimendo furtum. *ibid. n. 9.*

44. Omnia peccata mort. post Baptismum commissa, necessario sunt in confessione explicanda quoad numerum, quantum fieri potest. Quare qui decem aureos nûmos decies furatus est, non satisfacit dicendo se decem aureos furatum esse, sed tenetur numerum furtorum exprimere. Item qui cum peccati mort. conscientia plurium confessiones excepit, tenetur numerum personarum, quoad potest, explicare. Notand. tamen confessarium peccati mort. sibi conscium non peccare mort. si à principio, dum audit confessionem, propositum habeat pœnitendi, antequam absolutionem impendat. tom. 1. p. 138. n. 1. & seq.

45. Pœnitens tenetur confiteri ea peccata quæ confessario nota sunt extra confessionem, quia cum hoc Sacramentum sit quoddam iudicium, non potest reus absolui à peccatis quæ non sunt in iudicium adducta per confessionem: sufficit tamen si pœnitens confessario cui nota sunt ipsius peccata, dicat: *Pater accip me de his peccatis quæ nosti me commisisse*; sic enim sufficienter illi aperit suum statum, *ibid. num. 10.*

46. Non opus est in confessione explicare actum minus principalem, & circumstantias communiter comitantes, vel præcedentes actum, modo actus principalis subsequutus fuerit, nec intercesserit mora inter actum principalem, & minus principalem. & modò

& modò actus minùs principalis connexionem habeat cū principali. Quia licet huiusmodi circumstantiæ sint malæ, nihilominus cum effectu principali constituunt vnum numero peccatū; sufficit igitur actum principalem explicare. *tom. 1. pag. 139. n. 12.*

47. Explicandi sunt in confessione actus, seu circumstantiæ quæ subsecutæ sunt actum principalem, cuiusmodi sunt tactus, & oscula, post finitam copulam; nam hi actus subsequentes sunt principia alterius peccati, consequenter efficiunt nouum peccatum. *ibid. n. 13.*

48. In confessione generali omnia peccata mortalia ritè antea expiata non sunt necessariò exprimenda: quia huiusmodi peccata cum iam fuerint clauibus subiecta, non sunt materia necessaria confessionis: Quapropter nonnulli consueuerunt confessiones generales paulatim facere, anteaquàm vitæ peccata iam per confessionem dimissa quotidie aliqua aperiendo. *ibid. n. 14.*

49. Qui habet tantum peccata venialia, non satisfacit dicendo in genere se venialiter peccasse; sed omnino explicandum est aliquod peccatum: quia licet nemo teneatur venialia confiteri; tamen ex suppositione quòd quis velit confiteri; tenetur materiam certam confessioni subiicere. Quare ille est absolueudus qui scit se peccatum aliquod admisisse, sed dubitat an illud mortale sit, an veniale; subiicit enim confessioni materiam certam, & determinatam quamuis dubiam quoad grauitatem peccati. *ibid. n. 15. 16.*

50. Qui propter consuetudinem peccandi non potest certum, ac determinatum numerum peccatorum exprimere, vt meretriz quæ fuit omnibus exposita, aut blasphemus qui consuetudinem habuit blasphemandi; satisfacit dicens se talem peccandi consuetudinem tandiu habuisse, v. g. toties in hebdomada vel mense, plus minus; sic enim potest confessarius sufficiens iudicium ferre de statu pœnitentis. Qui verò rem alienam detinuit, quam potuit domino restituere, satisfacit explicando tempus quo fuit in mora restituendi, neque confessarius in huiusmodi casibus debet scrupulosè agere. *ibid. n. 18. & pag. 140. n. 21.*

51. Circumstantiæ peccati sunt quædam conditiones non perrinentes ad substantiam actus peccati, sed illum aliquo modo attingentes, quarum aliæ augent, aliæ minuunt peccatum, aliæ speciem mutant, aut nouam addunt. Possunt autem omnes ad has septem reuocari:

Quis, quid, ubi, quibus auxiliis, cur, quomodo, quando.

Circumstantiæ notabiliter minuentes non sunt necessariò in confessione exprimendæ, nisi speciem mutant, vt si efficiant peccatum veniale, quòd alioquin esset mortale. Immo nec notabiliter

aggravantes sunt necessariò explicandæ modò speciem non mutant: nimis enim auerentur fideles ex tali obligatione. *tom. 1. pag. 140 141. n. 1. & seq.*

52. Circumstantiæ mutantes speciem sunt in confessione necessariò explicandæ; sic enim expresse decernitur in Trident. *sess. 14. cap. 5.* hinc multæ difficultates solvuntur. Nam qui virginem defloravit, debet illam circumstantiam aperire, siue illa consenserit, siue non; quia stuprum habet specialem malitiam. Qui carnaliter cognovit pœnitentem, non tenetur illam circumstantiam in confessione exprimere; quia non est incestus, neque sacrilegium, modò Confessarius eam non sollicitauerit in confessione, aut non sit Parochus; tunc enim specialis intervenit malitia. Qui consanguineam, aut affinem carnaliter cognovit, debet explicare gradum incestus. Qui in actu mollitiei concupiuit virginem, aut coniugatam, aut monialem, tenetur exprimere conditionem personatum; est enim circumstantia speciem mutans. Qui vno actu plures percussit, aut infamavit tenetur numerum personarum exprimere; quia non potest alioquin ipse actus individualis sufficienter exprimi. Qui fuit causa scandali, ut qui publicè peccavit, aut alium induxit ad peccatum, præsertim qui non erat paratus, tenetur illas circumstantias aperire; quia cooperatus est peccato alterius, alienum autem peccatum imputatur cooperanti. Qui coram pluribus detrahit, aut turpia loquitur, debet exprimere numerum personarum, tum ratione scandali, tum ratione cooperationis, immò etiam exprimenda videtur conditio personarum adstantium, & qualitas sermonis. *tom. 1. p. 142. 143. n. 6. & seq.*

53. Consuetudo peccandi, per se loquendo, non est necessariò in confessione explicanda. Quare non tenetur pœnitens dicere se peccatum quod tunc fateretur alias commississe, nisi fortè iusta de causa interrogetur à Confessario, ut illi constet de dispositione pœnitentis; consuetudo enim peccandi arguit infirmum propositum emendationis. *pag. 143 n. 22.*

54. Circumstantia finis tunc est in confessione explicanda quando novam superaddit malitiam. Ita qui furatus est ad mœchandam, debet exprimere illam circumstantiam; quia medium participat malitiam finis. Qui verò die festo sacrum omittit propter studium, non tenetur illam circumstantiam aperire; quia studium, ex se, non est malum. *ibid. n. 25. & p. 144. n. 26.*

55. Circumstantia temporis, loci, aut modi, per se loquendo non est necessariò in confessione explicanda quia non superaddit peccato distinctam speciem malitiam. Quare qui in die festo aliquid peccatum committit, non tenetur hanc circumstantiam aperire,

aperire, modò in die festo non exerceatur opus seruilis, aut Missa non omitatur; hæc enim sunt specialiter prohibita. *tom. 1. pag. 144 n. 28. & 29.*

56. Qui dabitur an commiserit peccatum mortale, tenetur illud sub dubio confiteri: quia alioquin exponit se periculo violandi integritatem confessionis. Item qui scit se commisisse aliquod peccatum quod dubitat an sit mortale, tenetur illud in confessione manifestare; quia Conc. Trident. excipit ab obligatione confitendi sola peccata venialia, ergo supponit dubia mortalia esse aperienda. Idem dicendum à fortiori, de eo qui scit se peccatum mortale commisisse, sed dubitat an illud confessus fuerit, vel an validè; quoties enim constat de obligatione, & dubitatur de excusatione, possessio stat pro obligatione. *ibid. n. 1. 2. & 3.* Hæc autem intelligenda sunt de dubio propriè dicto: nam si quis probabiliter opinetur aliquod peccatum non esse mortale, aut se non peccasse mortaliter, non tenetur illud confiteri; quippe integrum est cuilibet probabilem opinionem sequi. *ibid. n. 4.*

57. Fieri potest ut sacramentum Pœnitentiæ validè suscipiatur sine integritate materiali confessionis, id est, aliquibus peccatis mortalibus omisis; ut quando pœnitens obliuiscitur alicuius peccati mortalis, aut quando in extremo vitæ periculo non potest singula persequere, &c. *tom. 1. pag. 143.*

58. Propter ignorantiam excusatur ab integritate confessionis, qui peccatum olim commissum, dum adhuc esset rudis, aut puer, conticuit ignorans se teneri ad illius confessionem, nunc autem postquam maturior ætas, aut sanius iudicium accessit, cognoscit esse peccatum necessariò confessioni subiiciendum: excusatur item qui ex obliuione non culpabili, prætermisit in confessione peccatum mortale, quia præceptum integritatis in confessione, non obligat ad impossibile. *ibid. n. 2. & 3.*

59. Sacerdos qui defectum commisit in confessione audienda, quem non potest explicare, nisi suo Confessario manifestet peccatum complicitis in confessione auditum, excusatur à confessione illius defectus, si non habeat copiam alterius Confessarii cui cõplex sit ignotus: quia præceptum sigilli confessionis nõ violandi, strictius obligat quàm præceptum integrè confitendi. *ibid. n. 5.*

60. Pœnitens potest complicem peccati in confessione manifestare, quando non habet copiam alterius confessarii cui sit ignotus complex. *ibid. n. 5.*

61. Mutus qui sua peccata nutibus confitetur, & extraneus cuius idioma à confessario non satis percipitur, si desit alius qui percipiat, saltem virgente præcepto non sunt à confessione, & absolutione arcendi, quia hi faciunt, quod in se est. Idem

dicendum de eo qui petit confessionem, sed postea adueniente Confessario; non potest amplius loqui, sed signa Pœnitentiæ tantum ostendit; quia impotentia excusat ab integritate materiali confessionis. Immo confessarius tenetur, saltem ex charitate, illum absolueret qui in periculo mortis dat signa contritionis. Qui autem, absente confessario, exhibuit signa contritionis; sed eo postea superueniente ita sensibus est destitutus, ut iam nullum signum exhibere possit, sub conditione est absoluerendus; quia adstantium attestatio supplet vicem confessionis; & præstat infirmum decedere cum dubio Sacramento, quàm sine vllò. *ibid. n. 6. & 7. & pag. 146. n. 8.*

62. Quando periculum est ne pœnitens inchoata confessione decedat, aut sermonis usum amittat antequam perficere possit, confessarius curet proferri sibi materiam certam, quamvis illa sit tantum peccatum veniale; quia, quoad fieri potest, subiicienda est confessioni materia certa, ne forma Sacramenti certa cadat super incertam, vel indebitam materiam. At si æger postea obrepente absolutione non moriatur statim, dummodo per tempus, & infirmitatem liceat, prosequi debet confessionem, & novam absolutionem accipere. *pag. 146. n. 9.*

63. Si adueniente confessario, nulli sint præsentibus qui fidem faciant ægrotum petiisse confessionem, vel dedisse signa contritionis; iuxta communione Doctorum sententiam, non potest sacramentaliter absolui, etiamsi fortè absente confessario dederit signa contritionis: nam in hoc casu nulla fit confessio præsentibus Sacerdoti, neque per verba, neque per signa ipsius pœnitentis, neque per aliorum attestationem coram pœnitente, & Sacerdote. *ibid. n. 10.*

64. Probabile est Sacerdotem impendere posse absolutionem moribundo quem nouit se absente dedisse signa contritionis in ordine ad confessionem. Ita censuit sacra Cardinalium Congregatio declarans posse pœnitentem absolui, qui confessionis indicia dedit coram eo, qui statim ad confessarium accurrit, sed pœnitens, adueniente confessario, iam nullum doloris signum exhibere potest. *ibid.*

65. Pœnitens potest aliquod peccatum mortale reticere in confessione ad vitandum graue incommodum proprium, vel alienum. Immo si pœnitens habeat necessitatem confitendi, & non habeat copiam confessarii, cui possit absque periculo confiteri, debet reticere peccata de quibus est periculum; quia præceptum integræ confessionis non obligat cum graui incommodo, & quisque debet sibi aliisque consulere. Quia propter si scemina confitendo peccatum, timeat ne confessarius scandalizetur, aut
ne ab.

ne ab eo sollicitetur, tenetur ab illius peccati confessione abstinere. *tom. 1. pag. 146. 147. n. 11.*

66. Vrgente præcepto annuæ confessionis, aut necessitate suscipiendi Eucharistiam, aut celebrandi, potest & debet confiteri sua peccata, tacito eo de quo probabiliter timetur; cum enim vrgeat præceptum confitendi, debet confiteri suppresso eo peccato cuius supprimendi iustam habet causam, neque potest, omiſsa confessione, contritus communicare. *pag. 147. n. 14.*

67. Versantes in periculo naufragij, aut in domo conflagrante, etiamsi non omnia peccata mortalia confessi fuerint, absolui possunt, immò confessarius audito à singulis vno peccato, potest simul omnes absolvere dicens: *Ego vos absoluo.* Item confessarius, qui timet ne infirmus moriatur sine absolutione, potest illum, audito vno peccato, antequam perficiat confessionem absolvere, & deinde reliqua audire, vt confessio fiat integra, quantum fieri potest. *ibid. n. 17.*

Confessionis iteratio.

68. Ex defectu pœnitentis iteranda est confessio, quando pœnitens culpabiliter aliquod peccatum mortale omittit, aut quando confitetur sine dolore requisito, aut quoties mortaliter peccat in actuali susceptione huius sacramenti; aut quando non habeat propositum deferendi occasionem proximam peccandi mortaliter, in his enim casibus confessio est sacrilega. Est etiam iteranda quando pœnitens voluntariè fuit priùs absolutus à peccatis quàm ab excommunicatione; nam excommunicatus accipitur à Sacramentis, consequenter inualidè confitetur. Qui verò absque culpa priùs absoluitur à peccatis, quàm ab excommunicatione, non tenetur confessionem iterare; quamvis enim excommunicatus prohibeatur suscipere Sacramenta; non tamen est illorum incapax. *tom. 1. p. 148. num. 1. & seq.*

69. Qui aliquod peccatum mortale in confessione prætermisit, putans non esse mortale, excusatur ab iteranda confessione, & satisfacit repetendo peccatum omiſsum. Hinc pueri, & puellæ excusari possunt à repetenda confessione, quæ aliquod peccatum mortale tacuerunt, ignorantes esse mortale; sed deinde grandiores factæ agnoscunt esse mortale. *ibid. n. 6.*

70. Qui maiorem numerum peccatorum venialium, bona, aut etiam mala fide expressit, non tenetur iterum verum numerum aperire; quia non decepit confessarium in materia necessaria. Qui verò expressit maiorem numerum mortalium mala fide, tenetur non solum verum numerum aperire, sed etiam repetere confessionem, vtpote inualidam ob deceptionem in

materia graui. At si bona fide maiorem numerum mortalium exprellit, neque tenetur repetere confessionem, neque errorem numeri confiteri; secunda enim confessio esset potius excusatio quam accusatio. *ibid. n. 7.*

71. Ob defectum confessarij absoluentis, confessio est iteranda, quando defectus contigit in essentialibus, vt si confessarius careat iurisdictione, si non habeat debitam intentionem, si non vtatur forma à Christo tradita. Obseruandum tamen Sacerdotem qui communi errore; & titulo colorato putatur habere iurisdictionem, validè absolvere: Ecclesia iurisdictionem subplente, etiamsi sit excommunicatus vitandus; habitus tamen confessarius legitimus. *ibid. n. 8.*

72. Pœnitens qui bona fide confessus est Sacerdoti indocto, & minùs idoneo quem post confessionem comperit nesciuisse distinguere inter peccata mortalia, & venialia, vel inter reseruata, & non reseruata, non tenetur confessionem repetere. modò confessarius habuerit iurisdictionē, & pœnitens ritè confessus fuerit, nec obicē posuerit valori sacramenti. *rom. 1. pag. 149. n. 14.*

73. Qui repetit confessionem inualidè factam apud eundem confessariū non tenetur singula peccata repetere, sed ea tantum recensere quæ omiserat, & quæ post inualidam illam confessionem commisit, modò confessarius, saltem in genere, recorderetur status pœnitentis: Sin apud diuersum, tenetur singula repetere; quia sententia non est ferenda sine cognitione causæ. *ibid. n. 15.*

74. Valida est confessio quam non potuit pœnitens vnica vice perficere, sed eam multorum dierum spatio absoluit, & in fine obtinuit absolutionem à Sacerdote cui notus erat status pœnitentis, quamuis Sacerdos impeticiens absolutionem, non recorderetur omnium peccatorum sigillatim. Item qui confessus est peccata Sacerdoti non habenti facultatem absoluendi, satisfacit si eidem habenti postea facultatem, eadem peccata in genere aperiat, modò confessarius recorderetur aliquo modo status pœnitentis. *ibid. n. 16. & 17.*

Obligatio ad confessionem.

75. Omnes fideles baptizati qui commiserunt peccata mortalia post baptismum, aut in ipsa susceptione baptismi tenentur confiteri, non tantum adultri, sed etiam pueri vtentes ratione, idque ex præcepto diuino, & Ecclesiastico, quo fideles ad annuam confessionem obligantur. Tamen negant Doctores excommunicationem quæ continetur in cap. *omnis viriusque sexus*, ferendam esse contra pueros, præceptum annuæ confessionis ante duodecimum annum non adimplentes. *rom. 1. pag. 150. n. 1. & seq.*

76. Papi non solum iure diuino tenetur confiteri, cum diuinis legibus sit subiectus, verum etiam præcepto Ecclesiastico, quod fideles obligat ad confessionem mortaliū semel in anno; quia ex vi directiua, & ex honestate tenetur ad obseruantiam legum, quas propria auctoritate condidit. *ibid. n. 4.*

77. Peccata interna etiam si sola sint, in confessione sunt aperienda, cum aliter expiari non possint; neque esset integra confessio si hæc omitterentur, si sint mortalia. Nam ad venialium confessionem nemo tenetur. Debent tamen omnes fideles coram proprio Sacerdote tempore Paschæ comparere, etiam si nulla habeant peccata præter venialia, vt vitent scandalum, & non excommunicentur, vel interdicanter. *ibid. n. 6. & 8.*

78. Præceptum annuæ confessionis est Ecclesiasticum, non simpliciter, sed quoad determinationem temporis; quia Ecclesia solum præcipit confessionem semel in anno fieri non verò absolute; vnde inferitur Ecclesiam posse hanc determinationem temporis auferre; quia potest leges à se conditas abrogare: non tamen potest cum aliquo dispensare, vt nunquam confiteatur; vel vt non confiteatur in articulo mortis; quia Ecclesia in iure diuino non dispensat. *tom. 2. p. 151. n. 10. & 11.*

79. Omnes fideles qui annos discretionis attigerunt, tenentur confiteri 1. semel in anno si sibi sint conscij peccati mort. 2. cum sumpturi sunt Eucharistiæ Sacramentum si habeant peccatum mort. 3. in articulo mortis etiam si eodem anno confessi fuerint; tunc enim, aut nunquam obligat præceptum diuinum confessionis: vnde sequitur suscipientes periculosas nauigationes, & milites instante prælio, & mulieres primum parituras, aut quæ partus habent difficiles, obligari ad confessionem. Idem dicendum de damnatis ad mortem. *ibid. n. 22. & seq.*

80. Præceptum diuinum confessionis, ex vi sua, non solum obligat in articulo mortis, sed etiam aliquoties extra mortis periculum; quia obligat ex vi sua, vt non nimium confessio differatur. Qui autem eodem anno abstinet à confessione, & communione, duo peccata committit; quia duo præcepta violat de re diuersa. *ibid. n. 17. & 18.*

81. Qui semel in anno, quocumque tandem tempore confitetur, satisfacit præcepto annuæ confessionis, neque postea tenetur, ex vi huius præcepti, iterum in quadagesima confiteri; fieri tamen potest vt alio teneatur, si nimirum, sumpturus Eucharistiam, lethalis culpæ sibi sit conscius, aut si mortis articulus superneniat. *ibid. n. 20.*

82. Qui præuidet se in articulo mortis, confessarij copiam non habiturum, aut sequenti tempore præsentis anni, tenetur

præuenire, confitendo antequam adueniat mortis articulus, ve antequam elabatur annus, in quo tenetur confiteri. *ibid. n. 21.*

83. Qui facit confessionem informem, satisfacit præcepto confessionis; quia verè suscipit sacramentum pœnitentiæ: sacramentum enim informe est validum. Qui autem facit confessionem imperfectam, omissione voluntaria quorundam mortalium; aut ex ignorantia crassa, aut sine debito dolore, ac proposito, aut qui sua culpa non absoluitur, vt publicus vsurarius, aut meretrix, præcepto non satisfacit. *tom. 1. pag. 152. n. 22. & 23. & censuras incurrit infligendas iis, qui non sunt confessi. n. 2.*

84. Qui superiore anno non est confessus, tenetur hoc anno quamprimum confiteri; quia confessio præcipitur absolutè, & simpliciter, non tamen habita ratione temporis, quâ ne diutius differatur; ergo elapso tempore determinato, non cessat obligatio, quemadmodum debitor, qui termino constituto non soluit, non propterea, elapso termino, excusatur ab obligatione soluendi. Qui tamen in articulo mortis non est confessus, cum haberet conscientiam peccati mort. non videtur teneri postea quamprimum confiteri, nisi periculum mortis perseveret: quia in eo articulo tenebatur tantum ratione necessitatis: ergo transacta necessitate non videtur ad præceptum implendum obligandus. *ibid. num. 26. & seq.*

85. Obiic. fideles qui tempore Paschatis non communicarunt, non tenentur ex vi præcepti Ecclesiastici postea communicare: ergo neque tenetur quis elapso anno confiteri. *Resp.* esse disparitatem; quia præceptum annuæ communionis non est latum absolutè, sed respicit circumstantiam determinati temporis, habuit enim Ecclesia rationem illius temporis, quo celebratur Christi passio, cuius memoria per Eucharistiæ sumptionem potissimum recolitur. At præceptum confessionis latum est absolutè, & independentè à tempore. Ita nonnulli. Sed. omnino negandum videtur præceptum annuæ communionis, transactò Paschate, non obligare. *ibid. n. 29.*

86. Qui distulit confessionem anni præteriti vsque in præsentem annum, non satisfacit vnica confessione vtiq; obligationi; ad vnâ quippe confessionem tenetur ratione anni elapsi, & ad alterâ ratione præsentis; consequenter si semel tantum confessus est, & iterum nolit pro præsentis anni obligatione confiteri, potest per censuras ab Episcopo compelli ad confessionem. *tom. 1. pag. 153. num. 31.*

87. Qui post communionem recordatur alicuius peccati mort. in confessione per obliuionem omissi, non tenetur ex vi præcepti annuæ confessionis illud peccatum quamprimum confiteri?

teri, iam enim præcepto satisfecit. Si verò recordetur ante communionem, tenetur illud confiteri, si velit accedere ad sacram Synaxim, ne accedat indignè. At qui post confessionem, & communionem commisit peccatum mort. nondum elapso anno, non tenetur illo ipso anno confiteri. Si quis tamen confessus esset hoc anno peccata solum venialia, & post confessionem incidisset in mortale, nondum elapso anno, teneretur eodem anno iterum confiteri; quia præceptum confessionis obligat ad mortalia semel in anno confitenda. *ibid. n. 32.*

88. Qui confessario non approbato sua peccata confitetur, non satisfacit præcepto confessionis; satisfacit verò, si cuicumque approbato confiteatur, neque potest Parochus impedire sibi subditos, quo minus religioso, seu Sacerdoti approbato confiteantur. Neque obiciat peccata confitenda esse proprio Sacerdoti, aut alteri de eius licentia. *Respondeo* enim non tantum Parochum sed etiam Episcopum esse proprium Sacerdotem, ac proinde qui confitetur Sacerdoti approbato ab Episcopo, censeri id facere de licentia proprii Sacerdotis. Quare Parochus in Paschate non debet denegare Eucharistiam affirmanti se confessum fuisse approbato Sacerdoti, præsertim si schedulam, seu attestationem proferat. *ibid. pag. 34.*

89. Qui sine gravi incommodo, aut detrimento nequit sua peccata confiteri, excusatur ab obligatione confessionis. Hinc patet excusari 1. eum qui non habet copiam Confessarii, nisi longum iter suscipiat, quod absque gravi incommodo suscipere non potest. 2. eum, qui sibi, aut alteri timet reuelationem peccati, aut aliud graue damnum. 3. eum, qui non potest sub secreto sigilli confiteri, ut si Confessarius sit surdus, aut pœnitens in nauis cum aliis existens nequeat se accusare, quin ab aliis audiat. 4. eum, qui non nisi per interpretem potest confiteri, secluso mortis articulo, in quo peccator, si non est alia opportunitas confitendi, tenetur publicè vel per interpretem confiteri, si non possit actum contritionis elicere, aut si de ea dubitet; cauere enim debet, ne se periculo damnationis exponat. *ibid. num. 1. & seq. & pag. 154.*

90. Qui commodè, & sine periculo nequit per scripturam confiteri ad hoc, non tenetur, si commodè potest, tenetur, quando vrget præceptum confitendi, neque timetur periculum infamiae, aut grauis damni; quia qui tenetur ad finem, tenetur etiam ad media conducentia ad illum finem; igitur qui tenetur confiteri, tenetur etiam adhibere media commoda ad confessionem, præsertim quando alia non suppetunt. *pag. 154. numero 6.*

Satisfactio quid, & quàm necessaria?

91. Satisfactio est compensatio pœnæ temporalis debitæ ob iniuriam Deo illatam, consistens in operibus pœnalibus, & laboriosis à confessario taxatis. Non tamen semper remittitur omnis pœna peccatis debita per satisfactionem, cum enim confessarius non semper cognoscat, quanta pœna peccatis debeat, non semper imponit pœnam ad æqualitatem, consequenter non tollitur semper omnis pœna, ita ut peracta satisfactione, nihil in purgatorio luendum remaneat. *ibid. n. 1. & 2.*

92. Validum est pœnitentiæ Sacramentum, in quo confessarius nullam satisfactionem iniungit (modò pœnitens ad id malitiosè non concurrat) etiam si fortè Sacerdos peccet non iniungendo pœnitentiam absque rationabili causa: quia satisfactio non est pars essentialis Sacramenti Pœnitentiæ, sed tantum integralis. *tom. 1. p. 1 § 5. n. 5.*

93. Confessarius, per se loquendo, tenetur satisfactionem, seu pœnitentiam iniungere, ut patet ex Trid. *sess. 14 cap. 3.* In his tamen casibus excusatur à pœnitentia iniungenda. 1. quando pœnitens est morti proximus, tunc enim impendenda est absolutio absque satisfactione. 2. quando pœnitens est scrupulosus, & idèdem redit ad confessarium semper afferens aliquid noui. 3. quando confessarius ex signis aduertit pœnitentem cum maximo dolore accedere. At quando pœnitens nullam acceptaturus pœnitentiam, non videtur dispositus ad beneficium absolutionis suscipiendum. *tom. 1. p. 1 § 5. n. 1. & seq.*

94. Confessarius non solum potest, verum etiam, regulariter loquendo, debet satisfactionem præcipere pœnitenti: nunquam tamen potest eam consulere, vel imponere sub conditione, hoc modo, Si reincideris in tale peccatum, ieiunabis; vel etiam sub disunctione, hoc modo, Dabis eleemosynam pauperi, vel si mauis, recitabis coronam: quia satisfactio, cum iniungatur ut medicina, potest à confessario præscribi, ut visum fuerit expedire. *tom. 1. pag. 1 § 6. n. 6. & 7.*

95. Opus quod in satisfactionem iniungitur, debet esse opus bonum pœnale, ut oratio, ieiunium, eleemosyna, meditatio, Misere auditio, immò opus bonum aliàs præceptum, ut ieiunium in Quadragesima: si tamen confessarius nihil aliud exprimat, non censetur iniungere opus aliàs debitum ex præcepto, consequenter pœnitens, cui iniunctum est, v. g. ieiunium, non satisfacit pœnitentiæ, ieiunando eo die, quo Ecclesia ieiunium indicit, nisi aliter constet de confessarii voluntate. Cauendum tamen, ne pro peccatis occultis pœnitentia publica iniungatur, ne periculo exponatur

ponatur fama pœnitentis: at pro peccatis publicis pœnitentia publica est iniungenda iuxta Concil. Trident. *sess. 14. cap. 8. ibid. n. 8. & seq. pag. 157.*

96. Confessarius potest, & debet, iuxta suum prudens arbitrium iniungere pœnitentiam pro gravitate peccatorum, & qualitate pœnitentis. Quare potest magis contrito leuiorem pœnitentiâ iniungere, tempore subilaxi mitiorem pœnam præscribere, &c. in piis autê studebit imponere pœnitentiam aptâ ad curationem, & præseruationem à peccatis. In praxi receptum est, ut mitior pœna iniungatur, ne pœnitens gravitate pœnæ ab usu sacramentorum deterreatur. *rom. 1. pag. 157. n. 14. & seq.*

97. Confessarius, per se loquendo, potest satisfactionem iniungere, seu ante, seu post confessionem sacramentalem, Immo potest obligare pœnitentem ad pœnitentiam ante absolutionem adimplendam, quatenus iudicauerit expedire ad curationem, & medicinam pœnitentis: ea tamen pœnitentia quæ persoluitur ante absolutionem, non habet statim suum effectum ex opere operato; quia sacramentum non producit suum effectum, nisi in ultimo instanti, in quo est perfectum quoad materiam, & formam. *ibid. n. 19. & seq.*

Pœnitentia commutatio.

98. Confessarius ex iusta, & rationabili causa potest in confessione diminuerè, & commutare pœnitentiam à se, vel ab alio etiam superiori iniunctam; non tamen absque rationabili causa. Excipe pœnitentiam præseruatiam, quâ non potest confessarius commutare nisi in aliam item præseruatiam, cum id exigat iusta, & rationabilis causa. *ibid. n. 1. & pag. 158. n. 5.*

99. Confessarius inferior potest pœnitentiam pro reseruatâ, à superiore iniunctam commutare, iusta interueniente causa; quia sublata est reseruatâ per absolutionem superioris; quare pœnitens non tenetur adire superiorem, ut sibi commutetur pœnitentia pro reseruatâ imposita. Hæc tamen pœnitentiæ commutatio non est faciendâ extra confessionem; quia pœnitentia est satisfactio sacramentalis, & eius commutatio est actus iurisdictionis clauum in foro sacramentali. *ibid. n. 6. & 7.*

100. Pœnitens qui omnino oblitus est pœnitentiæ sibi à Confessario iniunctæ, tenetur eadem peccata iterum confiteri, quatenus opus est ad cōmutationem pœnitentiæ, nisi fortè pœnitens aduertat se aliis piis operibus, aut indulgentiis, pro pœnis debitis satisfecisse: quia pœnitens curare debet, quantum in se est, ne quid desit ad perfectionem, atque integritatem Sacramenti. Neque potest pœnitens propria auctoritate pœnitentiam

in æquale, aut in melius commutare; quia hæc commutatio est actus iurisdictionis sacramentalis, quam non potest pœnitens in se ipsum exercere. Porro facta commutatione pœnitentiæ à Confessario, pœnitens potest eligere utram maluerit, primam aut secundam; quia hæc commutatio facta est in fauorem pœnitentis. *tom. 1. pag. 159. n. 8. 9. & seq.*

Obligatio ad pœnitentiam.

101. Pœnitens tenetur pœnitentiam tolerabilem, & humanæ fragilitati accommodatam acceptare, acceptatamque adimplere; ita Concil. Trid. *sess. 14. cap. 9.* ratio est, quia pœnitens tenetur parere iudici rectè iudicanti. Si tamen pœnitentia nimium grauis videatur, potest rogare Confessarium ut eam mitiget, debetque Confessarius ei annuere quantum potest, sin nolit pœnitens potest dicere se malle alteri Sacerdoti confiteri. At si pœnitentiam acceperit quantumuis grauem, peccat mortaliter, si eam non adimpleat, pœnitentiam verò leuem non adimplens, non peccat mortaliter, etiamsi iniuncta fuerit pro peccato mortali nunquam antea expiato. *tom. 1. pag. 159. & 160. n. 1. & seq.*

102. Probabilius est Confessarium non posse grauem pœnitentiam iniungere pœnitenti tantum sub veniali: quia natura huius Sacramenti postulat, ut pœnitentia præcipiatur, præceptum autem in re graui obligat sub mortali. *ibid. n. 4.*

103. Pœnitens cui tempus pœnitentiæ adimplendæ præfixum est, debet intra illud tempus eam adimplere, alioquin grauius peccat valde diu differendo; quia facit contra obligationem in re graui: elapso autem tempore non cessat obligatio. Nullo verò termino præfixo tenetur pœnitens, cum primum commodè poterit, pœnitentiam adimplere, alioquin si diu differat, grauius peccat, nisi pœnitentia sit leuis. *ibid. n. 5. & 6.*

104. Potest excusari pœnitens à pœnitentia sibi iniuncta per susceptionem indulgentiæ respondentis satisfactioni, quæ debetur pro pœnis, quia per indulgentiam satisfacit pœnæ sibi debitæ pro peccatis; ergo non est opus alia satisfactione. Obseruandum tamen pœnitentiæ iniunctæ in remedium, & præseruationem à peccatis non satisfieri per indulgentiam. Quare melius est, & rutilius pœnitentiam sacramentalem nunquam omittere, ut augeatur meritum, & Sacramentum sit integrum. *ibid. n. 7. & seq.*

105. Satisfactio à Confessario iniuncta non potest per alium adimpleri, nisi Confessarius aliud expresserit, quia est obligatio personalis, modò pœnitentia consistat in actione personalis; alioquin per alium tanquam instrumentum fieri potest, ut traditio elemosynæ. Quare pœnitens potest elemosynam per alium erogare;

erogare; at ieiunare, orare, se flagellis cadere per alium non potest. Porro satisfactio, de consensu Confessarii, per alium facta, ut ieiunium, oratio, &c. sufficit quidem ad implendum præceptum Confessarii, non tamen sufficit ad satisfaciendum ex opere operato pro pœnitente, quia huiusmodi satisfactio debet esse actus ipsius pœnitentis. *tom. 1. pag. 160. n. 1. seq.*

106. Qui in statu peccati mortalis pœnitentiam adimplet à Confessario sibi iniunctam, satisfacit quidem obligationi; facit enim quod sibi præceptum est: peccat tamen quia ponit obicem effectui satisfactionis, quæ est pars Sacramenti Pœnitentiæ; verum non videtur mortaliter peccare; nullus enim ferè se de hoc peccato in confessione accusat. Facta autem pœnitentia in peccato mortali, durante illo statu non prodest ad remittendam pœnam, propter obicem peccati, quo sublato, statim suum sortitur effectum. *pag. 161. n. 15. & seq.*

Sacramenti Pœnitentiæ effectus.

107. Sacramentum Pœnitentiæ confert gratiam habituale; & Sacerdos non tantum declarat pœnitentem absolutum, verum etiam ipse absoluit à peccatis, ut Dei minister, & Christi vicarius, ut patet ex illis verbis Ioan. 2. *Quorum remisistis peccata* &c. Neque obicias illud Luc. 5. *Quis potest dimittere peccata, nisi solus Deus?* Respondeo enim solum Deum remittere peccata principaliter, Sacerdotem verò ministerialiter, & instrumentaliter. *tom. 1. pag. 162. n. 1.*

108. Pœnitentia seu quatenus est Sacramentum, seu quatenus est virtus, quæ vocatur contritio, sufficit ad delenda omnia peccata etiam gravissima: quia confert gratiam habituales incompossibilem cum omni peccato mortali, Quod verò Marc. 3. blasphemia in Spiritum sanctum dicitur irremissibilis, vel intelligenda est impœnitentia finalis, quam constat esse irremissibilem; vel intelligitur peccatum ex certa malitia, quod dicitur irremissibile, quia difficile remittitur, cum nullam habeat excusationem, Item quod Ioan. 1. cap. 5. dicitur esse peccatum ad mortem, pro quo non est orandum, intelligitur peccatum, cum quo ex hac vita homo deedit, & damnatur. *tom. 1. pag. 162. 163. n. 1.*

109. Ne de absoluta quidem Dei potentia potest per Sacramentum Pœnitentiæ unum peccatum mortale remitti sine alio: quia peccator iustificatur per infusionem gratiæ habitualis, quæ omni peccato mortali formaliter opponitur, estque cum eo incompossibilis, alioquin idem esset amicus Dei per gratiam, & inimicus per peccatum mortale, quod est contradictorium. *pag. 163. num. 1.*

110. Peccato mortali quoad culpam remisso, necesse est de potētia Dei ordinaria, remitti etiam reatum pœnæ æternæ; quia per gratiā homo fit amicus Dei ex inimico, iustus ex iniusto, & hæres vitæ æternæ. Non tamen semper remittitur totus reatus pœnæ temporalis, ut definit Concil. Trid. *sess. 6. cap. 14.* propterea iniungitur satisfactio; æquum enim est ut delinquenti aliqua imponatur pœna. In quo pœnitentia differt à Baptismo, qui pœnam etiam temporalem remittit. *ibid. n. 1. & 2. pag. 164*

111. Defectu attritionis dari potest Sacramentum pœnitentiæ informe, id est, vacuum gratia, & charitate; cum enim gratia, & charitas sint effectus Sacramenti, non pertinent ad eius essentiam; igitur potest Sacramentum esse validum, & tamen non producere suum effectum, si bona fide suscipiatur sine attritione supernaturali: nam si suscipiatur mala fide, nullum est Sacramentum cum actuali peccato mort. Posita autem attritione, Sacramentum Pœnitentiæ definit esse informe, statim enim cōfert suum effectum; quia iam sublatus est obex. At si post susceptum Pœnitentiæ Sacramentum informe, commissum est aliquod peccatum mortale, non sufficit attritio, sed requiritur contritio, vel nouum pœnitentiæ Sacramentum, ut tollatur obex, & Sacramentum præcedens informe conferat suum effectum. *tom. 1. pag. 164. 165. n. 3. & seq.*

112. Per Sacramentum pœnitentiæ peccata venialia remittuntur omnia nisi ponatur obex: quia peccata venialia possunt esse materia Sacramenti pœnitentiæ, suntque facilius remissibilia quàm mortalia; neque maior est ratio cur hæc venialia potius remittantur quàm illa, modò non ponatur obex, id est, modò pœnitens non retineat effectum aut complacentiam aliquis peccati venialis. *pag. 165. n. 1. & 2.*

113. Sacramentalia non remittunt peccata venialia ex opere operato. Dicuntur autem *Sacramentalia* res, seu actiones sacræ quibus obtinetur remissio peccatorum, cuiusmodi sunt oratio, aqua benedicta, panis benedictus, confessio quæ publicè fit ante Missam, eleemosyna, aliæque misericordiæ opera, benedictio ab Episcopo, vel Abbate. Hæc, inquam, sacramentalia remittunt peccata venialia ex opere operantis, excitando ad actum contritionis, seu amoris, per quem peccata venialia immediatè delentur. *tom. 1. pag. 165. n. & seq.*

114. Contritio formalis qua quis dolet de omnibus peccatis venialibus, ut sunt aliquæ Dei offensa; & perfecta Dei dilectio sufficiunt ad delenda omnia peccata venialia; per nullos autem alios actus remittuntur extra Sacramentum, quàm per actus contritionis, & dilectionis, quia hi soli actus debitam habent oppositionem

positionem cum peccatis venialibus. pag. 166. 167 num. 1. & seq.

115. Quando actus contritionis, vel amoris Dei non est ita perfectus, ut oppositionem habeat cum omnibus venialibus, potest vnum deleri sine alio; nam ea solum delentur, quibuscum talis actus oppositionem habet. Secus si ita sit perfectus, ut debet cum omnibus habeat oppositionem. p. 167. 168. n. 1. & 2.

116. Peccata mortalia remitti possunt absque remissione venialium, quia venialia non sunt impossibilia cum gratia. Venialia autem, de lege ordinaria remitti non possunt sine remissione mortalium; quia de potentia ordinaria non remittuntur venialia sine infusione, vel augmento gratiæ, gratia autem est impossibilis cum peccatis mortalibus tom. 1. p. 168. n. 3. & 4.

117. Remissio peccatorum venialium numquam fit in hac vita sine infusione, vel augmento gratiæ habitualis; quia per actum contritionis, & dilectionis Dei, quo delentur venialia, semper infunditur, vel augetur gratia. Tamen ad remissionem venialium non requiritur, per se, gratia habitualis, quæ illa formaliter expellat, quia gratia habitualis non pugnat formaliter cum peccato veniali, sed tantum actus charitatis. *ibid.* n. 5. & 6.

118. Decedens cum solis peccatis venialibus potest frui gloria, illis deletis per actum contritionis, & dilectionis, quem anima in primo instanti separationis à corpore elicit: unde infertur peccata venialia post hanc vitam remitti posse per actum contritionis quoad culpam, non tamen quoad pœnam: quia post hanc vitam non est tempus merendi, neque satisfaciendi, sed tantum satisfaciendi, *ibid.* nam. 7.

119. Peccata ita delentur per pœnitentiam, ut nunquam redeant, nec redire possint, etiamsi noua peccata multiplicentur. Dici tamen possunt aliquo modo redire, non in se, & formaliter sed ratione maioris deformitatis, quæ inest peccato post remissionem aliorum commissio: videtur enim Deus contemni quando de nouo offenditur post tantum beneficium, & illud peccatum grauius, quod committitur post obtentam aliorum remissionem. tom. 1. p. 169. n. 1. & seq.

Reuiviscencia meritorum.

120. Bona opera alia sunt mortua priuatiuè, quæ sunt ab homine existente in peccato mortali; & hæc nunquam reuiviscunt per subsequentem pœnitentiam, nec quicquam profunt ad vitam æternam promerendam. Alia mortificata, quæ præstata sunt ab homine priusquam in peccatum mort. prolaberetur, deinde per subsequens peccatum mortificantur, & hæc reuiviscunt per subsequentem pœnitentiam, & profunt ad vitam æternam

aternam consequendam. *tom. 1. pag. 170. 171. numer. 1. & seq.*

121. Per pœnitentiam non solum confertur noua gratia, sed etiam restituitur tota gratia præcedens, quæ præcedentibus meritis respondebat; quia reuiuiscētibus meritis ipsa etiam gratia illis meritis respondens reuiuiscit. Recuperantur etiā virtutes infusæ, quæ ita connexæ sunt cum gratia, ut cum ea amittantur; quia accessorium sequitur principale. *ibid. n. 4. & 5. & pag. 172. n. 6.*

Sigillum Confessionis.

122. Confessarius iure naturæ, diuino, & Ecclesiastico tenetur ad sigillum confessionis. Peccatum autem violationis sigilli est sacrilegium mortale, etiam si solum peccatum veniale cum sufficienti deliberatione manifestetur; sit enim grauis iniuria Sacramento, neque hac in re datur paruitas materiæ excusans à mortalitate. *tom. 1. pag. 172. n. 1. & seq.*

123. Ea omnia cadunt sub sigillum confessionis, quæ manifestata sunt Sacerdoti per ordinem ad confessionem sacramentalem, factam animo se accusandi. Quare non oritur obligatio sigilli quando quis manifestat sua peccata ei, quem nouit non esse Sacerdotem. Verum qui se finxit Sacerdotem, & ob hanc fictionem causa fuit cur pœnitens manifestauerit sua peccata, tenetur ad obligationem sigilli: quia fraus non debet patrocinari suo auctori. Item ille cui aliquid manifestatum est sub sigillo confessionis ab eo qui non habebat intentionem confitendi, non tenetur ad sigillum: tenetur tamen ad secretum naturale. *tom. 1. pag. 173. n. 1. & seq.*

124. Confessarius in dubio an aliquid sibi reuelatum fuerit in ordine ad confessionem tenetur ad sigillum; quia rationabiliter præsumendum est in fauorem confessionis, & pœnitentis, ne confessio fiat odiosa. Idem dicendum de confessario, qui audita confessione pœnitentis, non impertiit absolutionem ob aliquem defectum, nam audiuit peccata in ordine ad confessionem. *ibid. num. 4. & 6.*

125. Parochus qui ex confessione nouit aliquod impedimentum, tenetur illud sub sigillo reticere, neque potest denegare matrimonium pœnitenti, qui obstrictus est hoc impedimento dirimente, nisi illud impedimentum nouerit aliunde. Item Parochus potest à communione repellere publicum concubinarium, quem talem nouit extra confessionem, etiam si hoc ipsum acceperit ex confessione; caueat tamen ne credat pœnitens se repelli ex scientia habita in confessione. *ibid. n. 8. & 9.*

126. Non solum peccata, verum etiam circumstantiæ, cæque omnia, quæ dicta sunt in confessione ad declaranda peccata cadunt

cadunt sub sigillum confessionis; vt si pœnitens dixit se esse spurium, aut pauperem, aut aliquem defectum naturalem manifestauit. Virtutes autem pœnitentis non tenetur confessarius occultare ex vi sigilli, sed solum ex vi secreti naturalis iuxta intentionem pœnitentis; quia virtutes non manifestantur in confessione animo se accusandi *tom. 1. pag. 174. n. 10. & 11.*

127. Ad sigillum confessionis obligantur superiores quibus confessarius aliquid aperuit auditum in confessione vt facultatem absoluedi à reſeruatis obtineret; quia superior in hac parte, confessarij vices gerit, tum quia res ad quemcumque perueniat, cum suo onere transit. Idem dicendum de alijs quibus aliquid reuelatum est auditum in confessione, de consensu pœnitentis, consilij capiendi gratia. Item obligantur interpretes, quibus pœnitens vitur in confessione. Item qui ex malitia, vel casu, peccata confitentis audierunt. Qui inuenit chartam in qua scripta erant alicuius peccata in ordine ad confessionem, tenetur tamen ad secretum naturale, neque potest iudex de huiusmodi peccatis inquirere, sed ea debet perpetuo silentio tegere. Nec desunt qui asserant illum reum esse absoluedum, & dimittendum qui fuit accusatus, & conuictus de crimine, cuius noticia habita est tantum ex fractione sigilli; hæc enim cognitio non debet humano iudicio deferuire. *ibid. n. 1. & seq.*

128. Confessarius loquens de auditis in confessione, nō manifestando personam, & sine periculo vt audientes veniant in cognitionem, vel suspicionē personæ, non violat sigillū; quia nulli facit iniuriam. Neque frangitur sigillū confessionis, si cōfessarius dicat, in tali ciuitate multos esse improbos, vel talia crimina perpetrari; si tamen id dicatur de exiguo oppido, aut de aliquo monasterio, fieri potest vt non leuis suspicio de aliquo concipiatur, cum famæ iactura. Quare de auditis in confessione parcè admodum, & cautè loquendum. *tom. 1. pag. 175. n. 1. & seq.*

129. Videtur confessarius frangere sigillum; confessionis qui dicit se non absoluisse talem pœnitentem, quoties ex circumſtantijs, & coniecturis ingeri potest audientibus suspicio grauis alicuius defectus. Non tenetur tamen confessarius schedulam, seu arrestationem confessionis dare pœnitenti quem audita confessione non absoluit, vt si audiuit famulos alicuius Principis qui factæ confessionis testimonium exigere solet; quia confessarius non videtur propterea prodere peccatum, & indispositionem pœnitentis, seu directè, seu indirectè. *ibid. n. 6. & 7.*

130. Confessarius non potest extra confessionem, sine licentia pœnitentis, vti scientia confessionis ad aliquid faciendum, vel omittendum, sed perinde se gerere debet ac si nihil

sciret, in iis rebus ex quibus pudor, seu confusio, aut damnum pœnitenti sequeretur. Immo non potest extra Sacramentum confessionis, loqui cum pœnitente, de auditis in confessione absque licentia ipsius. Post tamen pœnitens cedere iuri suo, & concedere facultatem confessario de iis loquendi secum, aut cum alijs; quia sigillum est inductum in fauorem pœnitentis: verum id fieri non debet absque graui causa. *tom. 1. pag. 176. num. 8.*

131. Ex scientia confessionis non potest Confessarius priuare pœnitentem officio, aut illum dimittere, si est ipsius famulus, aut ei denegare suffragium, aut electionē ad beneficium, si aliquin probus vulgo existimetur. Neque Episcopus potest clericum ob crimen in confessione auditum arcere ab ordinibus suscipiendis. Denique non potest Confessarius vti scientia confessionis ad reuelandum aliquid vnde pendet bonum commune; immò salus orbis vniuersi; nullum enim est tam graue incommodum quod præponderet fractioni sigilli confessionis per quam reconciliatur homo cum Deo. Potest tamen in genere admoneri is cuius interest, vt sibi caueat; possunt enim multa humanitus accidere: at si possit pœnitens à proposito reuocari, non est necesse vllam fieri admonitionem. *ibid. num. 14. & seq. pag. 177. num. 18. & 19.*

132. Confessarius non potest suum defectum in audienda pœnitentis confessione commissum manifestare, si timeat ne is cui confitetur, veniat in cognitionem peccati pœnitentis: maior quippe est obligatio sigilli quam integritatis confessionis. Item qui ex confessione nouit pollutam esse Ecclesiam, non potest hoc detegere vt reconcilietur. Item non potest Confessarius ex scientia confessionis corrigere complicem pœnitentis, aut eius peccatum extra confessionem impedire, aut cum eo loqui de peccato, nisi de consensu pœnitentis, aut vultum asperiores præbere pœnitenti. *tom. 1. pag. 177. num. 21. & seq.*

133. Confessarius qui nouit ex confessione sibi insidias ab aliquo parari, potest se domi continere ne occidatur, aut se subducere periculo, occasione aliunde arrepta. Item qui ex confessione nouit aliquem non esse Sacerdotem, potest abstinere à confessione illi facienda, etiam si antea soleret illi confiteri. Item qui nouit per confessionem, vinum sibi ad Missam paratum, esse veneno infectum, potest Missam prætermittere, vt mortem euadat. Item potest Confessarius ex auditis in confessione reddi cautior ad custodiendas res proprias, aut vigilantior fieri circa suum gregem. *ibid. num. 27.*

134. Confessarius qui de auditis in confessione interrogatur, non potest respondere iuxta mentem interrogantis; sed negare

negare debet se quicquam scire, addito etiam iuramento, cum hac scilicet restrictione mentali, quod interroganti teneatur manifestare. *10. 1. p. 178. n. 31.*

135. Confessarius qui certò nouit extra confessionem, delictum pœnitentis, debet ei absolutionem denegare, si interrogatus in confessione nolit illud delictum fateri; quia indignè petit absolutionem. Sin Confessarius non est certus de delicto, aut illud accepit in confessione à complice, debet pœnitentem in genere interrogare; aut etiam in particulari, modò nullam ei moueat suspicionem, ipso autem negante, tenetur absolutionem impendere. *ibid. n. 33.*

Sacramenti Pœnitentia minister.

136. Solus Sacerdos est minister huius Sacramenti; quia potestas clauium, & remittendi peccata, est penes solos Sacerdotes. Potestas autem clauium, est potestas collata Sacerdoti, quia tollit impedimentum intrandi gloriam cœlestem; sicut enim clauis aperitur ianua, ita per hanc potestatem patet in cœlum ingressus. Porro duplex est potestas clauium. *Ordinis*, scilicet, & *iurisdictionis* Clauis *ordinis* consistit in charactere, quæ clauis non sufficit ad auferendum peccatum, nisi accedat clauis iurisdictionis. *ibid. n. 1. & seq. p. 179.*

137. Non, quiuvis Sacerdos, per se loquendo, est sufficiens minister huius Sacramenti, præterquam in probabili periculo, seu articulo mortis; modò non adsit Parochus, aut alius Sacerdos approbatus. Hic autem aduertendum facultatem absoluedi in articulo mortis, cuilibet Sacerdoti concessam, esse absolutam, & directam, per se loquendo, itavt pœnitens sic absolutus, non teneatur elapso illo periculo, eadem peccata, licèt reseruatâ, iterum confiteri, modò non habeant adnexam censuram; in hoc enim casu tenetur pœnitens, prima data opportunitate se sùtere superiori. *tom. 1. p. 179. n. 7. & seq.*

138. Habentes vnum tantum domicilium in aliquo loco possunt confiteri Parocho loci, vel alteri in ea diœcesi approbato. Habentes autem duo domicilia in quibus æquè habitant, possunt vtriusque loci Parocho confiteri; vterque enim est proprius Sacerdos. Idem dicendum de iis qui in vno loco domicilium habent, in alio verò quasi domicilium, vt scholares, milites litigantes, mercatores, &c. *tom. 1. p. 180. n. 1. & seq.*

139. Vagorum proprius Sacerdos est Parochus loci in quo vagi reperiuntur; cum enim vagi careant domicilio, actualis habitatio loci, quam habent pro tempore succedit in locum domicilij; possunt etiam alteri approbato confiteri. Iteragentes

confiteri possunt: Parocho loci ad quem perueniunt, aut alteri approbato: modò iter non faciant in fraudem legis, ea solùm causa vt possint aliis confiteri; sic enim confessio esset inualida, *ibid. n. 4. §. 6.*

140. Per priuilegium à Sixto IV. concessum licet religiosis confessiones extraneorum excipere, si ad ipsos accedant causa confessionis, modò religiosi sint approbati ab Episcopo loci. Non possunt autem ipsi religiosi ad aliam diœcesim proficisci vt ibi confessiones audiant, nisi ex speciali priuilegio. *ibid. n. 8.*

141. Parochus non potest tempore Paschatis, Eucharistię sacramentum administrare pœnitentibus, qui dedita opera contulerunt sese ad Confessarios extra diœcesim non approbatos ab Episcopo ipsius Confessarij, & pœnitentis; quia illa confessio non est valida. Secus si confessi sint religiosis habentibus priuilegium absoluedi quoscumque cuiuscumque diœcesis etiam si ad ipsos dedita opera accedant. *ibid. n. 9. & p. 181.*

142. Episcopus, aut Parochus potest absolvere suos subditos inuentos, vel secum ductos extra diœcesim; quia iurisdictio quæ absque strepitu fori exercetur, potest extra proprium territorij exerceri. Idem dicendum de confessario facultatem delegatam habente in personas alicuius diœcesis; potest enim illas vbicumque terrarum inuentas absolvere. *ibid. n. 2. p. 181. n. 10.*

143. Hi facultatem habent sibi confessarium eligendi, Summus Pontifex, Cardinales, Episcopi iam cõfirmati, & Patriarchæ, Prælati exempti, & habentes solùm peccata venialia, vel mortalia ritè aliàs per confessionem expiata. Alij verò qui à Pontifice, vel Episcopo habent facultatem sibi confessarium eligendi, mortuo Pontifice, vel Episcopo possunt ea facultate vt; quia gratia facta non expirat morte concedentis; gesta autem per Vicarium Episcopi, mortuo Episcopo sunt inualida, nisi fortè facta fuerint cum ignorantia mortis Episcopi. *ibid. n. 1. & seq.*

144. Facultas eligendi confessarium non finitur per primam electionem, nisi hæc videatur esse intentio concedentis; quia hæc facultas est fauorabilis, fauores autem sunt ampliandi. Habens autem hanc facultatem debet confessarium ab Episcopo approbatum eligere; sic enim definit Concil. Trident. Ceterùm Parochi, & curatores animarum, speciali approbatione non indigent; quia susceptione officij censentur approbati: propterea habens facultatem confessarium eligendi, potest eligere quemlibet Parochum, modò parochiale beneficium non dimiserit. *ibid. n. 4. & §. 5.*

145. Iurisdictio est potestas quam quis habet in alios, ad eos regendos, & gubernandos, seu dirigendos ad regnum cœlorum. Est

Est autem triplex. *Ordinaria*, quæ competit alicui ex officio. *Delegata*, quæ conceditur ab habente ordinariam; & *ex concessione iuris*, per quam absoluitur is qui habet facultatem confessionarium eligendi. Impeditur iurisdicção per superuenientem excommunicationem, vel suspensionem, vel interdictum ab officio, modò is qui tali censura præpeditur, sit vitandus: acta enim excommunicati, suspensi, vel interdicti vitandi, sunt irrita, extra mortis articulum, nisi adsit error communis, & titulus coloratus. *tom. 1. pag. 182. n. 6. & seq.*

146. Non potest Sacerdos validè administrare Sacramentum Pœnitentiæ, nisi sit per examen, aut alia ratione approbatus ab Episcopo, aut ab eius Vicario, aut à Capitulo, sede vacante; per hanc enim approbationem confertur iurisdicção sine qua non potest hoc Sacramentum validè ministrari. Tamen ad confessiones regularium audiendas, non requiritur approbatio Episcopi, sed sufficit licentia superioris. *tom. 1. pag. 183. n. 9. & 10.*

147. Parochus neque communi, neque particulari iure potest Sacerdoti aliàs non approbato dare facultatem audiendi confessiones sibi subditorum; Immodò ne Parocho quidem alterius parœciæ aut Sacerdoti approbato ad audiendas confessiones in aliena parœcia, potest hanc facultatem concedere; nisi consuetudo aliud ferat, potest enim consuetudo iurisdiccionem conferre. *ibid. n. 12.*

148. Ratihabitio de futuro non sufficit ut quis validè absolvatur ab eo qui non est approbatus; quia absolutio non potest fieri valida per subsequentem Episcopi consensum, iam enim præcessit forma absolutionis quæ fuit inualida defectu iurisdiccionis. At ratihabitio de præsentì, signo aliquo externò expressa, tribuit iurisdiccionem. Quare si Episcopus videns Sacerdotem sibi familiarem audientem confessiones, cum non prohibeat cum facillè possit, censetur eo silentio approbare, non simpliciter, sed pro eo tempore. *ibid. n. 13. & 14.*

149. Sacerdos approbandus est à suo Episcopo; neque potest Episcopus sibi non subditum approbare: actus enim iurisdiccionis non potest exerceri nisi à superiore in subditum. Immodò nec Episcopus potest subditum alterius Episcopi sibi eligere in confessionarium. *tom. 1. pag. 184. n. 15. & 16.*

150. Semel generaliter approbatus in aliqua diœcesi, si ab ea recedat, & iterum redeat, non indiget noua approbatione etiam si interim mutatus fuerit Episcopus; quia facultas absque temporis limitatione concessa durat etiam mortuo concedente. Potest tamè Episcopus, aut eius successor reuocare approbationem iusta de causa, modò approbatus non habeat beneficii Parochiales

chiales; hic enim habet facultatem beneficio annexam; quâquam hic etiam potest ob incitiâ, aut iustam ob causam suspêdi. *ibid.*

151. Sacerdos ab Episcopo approbatus, quique ab eo facultatem obtinuit audiendi cōfessiones; non tenetur petere licentiâ à Parochis, in quorum parœcia vult confessiones audire, nisi cōstet hanc esse mentem Episcopi: quia Episcopus habet iurisdictionem in tota sua diœcesi indepêdenter à Parochis. *ibid. n. 18.*

152. Virtute Iubilæi, aut alterius priuilegij concedentis facultatem eligendi confessarium approbatum ab Ordinario, non potest eligi alius quàm approbatus ab Ordinario loci in quo vult aliquis sua peccata cōfiteri, quia Sacerdos in vna diœcesi approbatus, non censetur approbatus in alia. *ibid. n. 21.*

153. Probabile est scēminam, quæ virtute Iubilæi, vel alterius priuilegij facultatem habet eligendi confessarium ab Ordinario approbatum, posse eligere eum, qui ob iuuenilem ætatem approbatus est ad confessiones virorum tantum, quia verum est dicere hunc esse ab Ordinario approbatum. Opposita tamen sententia est tutior in praxi, *tom. 1. pag. 185. n. 22.*

154. Religiosus habens à suo superiore facultatem eligendi confessariū, potest religiosum alterius ordinis, aut etiam Sacerdotem sæcularem nondum ab Episcopo approbatum, eligere; Concilium enim Trid. *sess. 13. cap. 15.* requirit approbationem ad absolueudos sæculares, non verò religiosos. Quod videtur etiam admittendum tempore Iubilæi. *ibid. n. 25.*

155. Religiosi qui gaudent generali priuilegio absoluendi quoscumque ad se accedentes, non possunt absolvere religiosum alterius ordinis non habentem à suo superiore facultatem eligendi sibi quemlibet in confessarium: quia non præsumitur superior concedere priuilegium in præiudicium alterius; inde enim sequeretur perturbatio religiōsæ disciplinæ. *ibid. n. 27.*

156. In confessario requiritur scientia, & conscientia. Qui confessiones excipit ciuium, peritior esse debet eo qui excipit rusticorum: qui clericorum, quàm qui laicorum. Si difficilis casus accedat in confessione, qui indigeat maturiore iudicio, & sapientum consilio, potest confessarius absolutionem impendere pœnitenti si promittat se facturum quod iudicatum fuerit. *tom. 1. pag. 186. 187. num. 2. & seq.*

157. Licet teneatur confessarius attendere ad peccata vt de illis iudicium ferat: non tenetur tamen auditis singulis iudicare sintne mortalia, an venialia: sed potest in peccatis difficilioribus suspendere iudicium, dato pœnitenti remedio opportuno, ne reincidat. Est autem valida confessio, bona fide facta Sacerdoti nescienti distinguere peccatum mort. à veniali, reseruaturn à

non reservato, quia nihil deest ad essentiam Sacramenti. *pag.*

187. n. 11. *Et seq.*

158. Potest confessarius absolutionem impendere habenti obligationem restituendi, antequam restitutio fiat, modò pœnitens firmum habeat propositum quamprimum restituendi; alioquin illi deneganda est absolutio, vtpote non satis disposito. Potest autem Parochus, & debet, non tanquam iudex, sed vt minister sacramentorum, arcere à Sacramentis non soluentes decimas, oblationes, &c. si cognoscat illos non habere intentionem soluendi data opportunitate Parochus tamen cui competit ius decimarum, vt viter scandalum, debet coram aliis protestari pœnitenti repelli à Sacramentis, non quia denegat quod Parocho debetur; sed quia non vult suæ conscientiae consulere, seque disponere ad Sacramenta dignè suscipienda. Non tamen potest quemquam priuare Ecclesiastica sepultura ob decimas non solutas; hoc enim ius competit iudici in foro externo. *tom. 1. pag.*

187. 188. n. 19. *Et seq.*

159. Episcopus tenetur confessiones subditorum audire, saltem in graui necessitate si petatur; præcisa verò necessitate potest remittere petentem ad Parochum; nam obligatio audiendi confessiones, regulariter pertinet ad Parochos, qui à fidelibus accipiunt alimenta, vt administrent Sacramenta; Episcopi autem, præcisa graui necessitate, à confessionibus audiendis excusantur, *pag. 118 n. 25.*

160. Confessarius tenetur absolnere pœnitentem habentem opinionem probabilem, etiamsi ipse contrariam sequatur; alioquin illi faceret iniuriam, denegaret enim absolutionem ritè disposito, & esset causa cur pœnitens cogeretur iterum eadem peccata alteri Sacerdoti aperire. *ibid. n. 26.*

Absolutio à casibus reservatis.

161. Legitimus superior potest reservare sibi aliquotum grauiorum criminum absolutionem. Posita reservatione etiam illicita, & iniusta adimitur inferiori facultas validè absoluendi. Non reservantur peccata interna, neque venialia, sed mortalia externa tantum, quia hæc cadunt sub iudicium Ecclesiæ, & eorum reservatio saluti animarum conducere potest. Vnde sequitur eum qui facit opus externum quod non sufficiat ad peccatum mort. non incurrere casum reservatum. *ro. 1. p. 189. n. 1. Et seq.*

162. Inter reservationem summi Pontif. & reservationem Episcopi hoc interest, quòd summus Pontif. nullū peccatum reservare consuevit, nisi ratione excommunicationis, seu censuræ adiunctæ, cuius absolutione obtenta, pœnitens potest à quolibet confessari

confessario absolui : nam per absolutionem censuræ tollitur reservatio. *tom. 1. p. 190. n. 4.*

163. Archiepiscopus non potest subditos suorum suffraganeorum à casibus reservatis absolvere, nisi quando visitat provinciâ, aut ad ipsum appellatur : in his enim casibus est superior, ac proinde potest per se ipsum, vel per alium absolvere. *ibid. num. 5.*

164. Episcopus incidens in casum reservatum summo Pontifici absolui potest à confessario quem ipse elegerit, si facultatem habeat Episcopus absoluendi alios in eundem casum, incidentes : quia non est deterioris conditionis quàm alij, sicque censuit sacra Cardinalium Congregatio. *ibid. n. 7.*

165. Confessarius in diœcesi, v. g. Lugdunensi approbatus, etiam si non habeat facultatem absoluendi à reservatis, potest absolutionem impendere iter agentibus, aut peregrinis habentibus casus reservatos proprio ipsorum peregrinorum Episcopo, modò non sint reservati hic Lugduni : quia confessarius non tenetur scire casus aliis Episcopis reservatos ; ad hæc, reus iudicari solet iuxta leges, & consuetudines loci in quo versatur. *ibid. n. 9.*

166. Committens peccatum reservatum in aliena diœcesi, non potest per se loquendo, absolui à reservatione, per Sacerdotes illius loci in quo deliquit, nisi ibi sit causa negotiorum, seu itineris, habita ratione cõsuetudinis iuxta quam vñ receptum sit, ut quis in alieno territorio absolui possit. Ratio autem cur per se loquendo, absolui non possit à reservatione, vel à culpa peccati in alieno territorio commissi, est, quia peccata confitenda sunt proprio Sacerdoti, vel alteri de ipsius licentia. *ibid. n. 12.*

167. Qui cõtraxit excommunicationem in alieno territorio, potest absolui à superiore illius loci in quo cõtraxit excommunicationem, immò si excommunicatio sit publica, & reservata superiori loci in quo fuit contracta, nò potest delinquens absolui à proprio Episcopo absque licentia Episcopi, in cuius diœcesi deliquit. Sin excommunicatio non sit reservata, aut si sit occulta licet reservata, Episcopus, vel alius ab ipso delegatus potest absolvere ex decreto Concil. Trid. sess. 24. c. 6. *ibid. n. 13.*

168. Qui habet priuilegium à Sede Apostolica absoluendi ab omnibus censuris & casibus reservatis, nec validè, nec licitè potest absolvere à censuris Bullæ Cœnæ, nec à casibus Episcopo loci reservatis, quia id non patitur voluntas concedentis priuilegium. *ibid. n. 14. & seq. p. 191.*

169. Probabilius est eum qui Iubilæum consequutus est prima hebdomada ex duabus quæ ad id conceduntur, non posse adhuc absolui in secunda hebdomada si obtento Iubilæo incidat in casus reservatos : quia facultas absoluendi à reserva-

tis conceditur in ordine ad obtinendum Iubilæum; sed Iubilæus iam fuit obtentus, & reservatio contracta est post obtentum Iubilæum; ergo illa reservatio iam non potest auferri virtute Iubilæi. *tom. 1. pag. 191. n. 17.*

170. Pœnitenti petenti per se, vel per alium, facultatem qua possit alteri confiteri casus reservados, & ab eo absolvi, debet superior, per se loquendo, concedere. At si iniuste illam denegat; non potest pœnitens ab alio absolvi; quia patet illi aditus ad superiorem, à quo absolvatur; excipendus tamen est mortis articulus. *ibid. num. 19. & 20.*

171. Pœnitens habens peccata reservata, & non reservata, non potest absque necessitate, seu rationabili causa, confiteri sola reservata superiori ut ab illis absolvatur: neque superior potest auditis solis reservatis, absolutionem impendere, & transmittere pœnitentem ad inferiorem pro non reservatis; quia integritas confessionis est de iure diuino; ergo non licet absque iusta causa dimidiare confessionem. Quando autem superior absoluit à reservatis, non auditis aliis non reservatis, sacramentaliter absoluit; potest tamen absque sacramentali absolutione reservationem auferre. *tom. 1. pag. 192. n. 1. & seq.*

172. Peccata reservata à quibus pœnitens directè fuit sacramentaliter absolutus à superiore, non sunt inferiori Sacerdoti cum aliis non reservatis necessariò manifestanda; nulla quippe est obligatio eadem peccata bis subiiciendi confessioni. Vnde patet à fortiori eum qui ab inferiori fuit directè absolutus à non reservatis, & pro reservatis mittitur ad superiorem, non teneri etiam non reservata manifestare superiori. Idem dicendum de eo qui iusta de causa peccatum aliquod subtrixit in confessione. *tom. 1. pag. 193. num. 4.*

173. Sacerdos qui non habet facultatem absolvendi à reservatis, non potest absque necessitate, aut iusta causa absolvere pœnitentem à non reservatis, ipsumque mittere ad superiorem pro reservatis: quia non potest ab vno peccato mortali absolvere quin absoluat ab omnibus. At vigente necessitate, potest directè a non reservatis absolvere, indirectè verò & consecutiue, à reservatis cum onere adeundi superiorem pro absolutione directa reservatorum. *ibid. num. 5 & 6.*

174. Obstrictus necessitate communicandi, vel celebrandi, ad vitandum scandalum, vel grauis infamix periculum; potest ante communionem, vel celebrationem confiteri peccata etiam reservata, vel habentia annexam excommunicationem. Confessario non habenti facultatem absolvendi à reservatis, cum onere præsentandi se superiori a quo absolvatur à reservatis; quia

ad Eucharistiam, iure diuino, præmittenda est confessio ab eo qui sibi conscius est peccati mortalis. *tom. i. pag. 194. n. 8.*

175. Vna reservatio aufertur potest alia remanere, siue sermo sit de reservatione quæ adiuncta habet censuram, siue de reservatione sine censura. Tamen inferior qui habet facultatem delegatâ absoluendi à casibus reservatis, non potest, per se loquendo, absolvere sacramentaliter ab vno casu reservato, & non ab alio; quia vt confessio, sic absolutio, integra esse debet, cum vnum mortale peccatum sine alio remitti non possit. *ibid. n. 10.*

176. Quilibet Sacerdos approbatus ad confessiones audiendas potest in dubio an peccatum sit reservatum, absolvere, nisi aliter decernatur, aut nisi sit sufficiens præsumptio in contrarium: Confessarius enim approbatus, est in possessione suæ iurisdictionis; melior autem est conditio possidentis. Hinc constat eum qui dubitat an compleverit peccatum, seu opus externum reservatū, posse à quolibet Confessario approbato absolui, etiam si non habeat facultatem absoluendi à reservatis. *ibid. n. 1. & 2.*

177. Sacerdos qui verè dubitat an habeat iurisdictionem circa peccata reservata, non potest absolvere, absq; mortali culpa, extra mortis periculum; exponeret enim se periculo absoluendi inualidè, & possessio stat pro peccatis quæ constat esse reservata. Interueniente tamen necessitate, aut rationabili causa potest indistinctè, & sub conditione absolvere. *tom. i. p. 195. n. 4.*

178. Absolutus tempore Iubilæi à Confessario approbato, vel etiam ab alio, extra Iubilæi tempus facultatem habente circa casus reservatos, remanet absolutus à reservatis, quæ per obliuionem omisit in confessione; Confessarius enim habet iurisdictionem, & facultatem absoluendi, necnon intentionem, vt suppono, & pœnitens facit quod in se est. At si Confessarius nō habuit intentionem absoluendi à reservatis per obliuionem omisit, pœnitens non manet absolutus; quia forma non operatur ultra intentionem proferentis. *ibid. num. 1. & seq.* Probabile tamen est pœnitentem manere absolutum à reservatis, etiam si non petat explicite absolutionem à reservatis, modò confiteatur Sacerdoti iurisdictionem habenti circa reservata: petit enim interpretatiuè absolutionem à reservatis, quatenus accedit ad Confessarium à quo absoluitur ab omnibus, & Confessarius censetur velle prospicere pœnitenti quantum potest. *to. i. p. 196. numer. 5.*

179. Qui virtute Iubilæi absolutionem obtinuit à Confessario approbato, sed oblitus est alicuius peccati reservati, potest deinde cuilibet simplici Confessario peccatum omissum confiteri, nam per confessionem virtute Iubilæi factam sublata est reservatio;

referuatio; modò tamen obliuio non fuerit ita culpabilis vt ir-
ritum reddiderit Sacramentum. *ibid.* n. 8.

180. Confessarius non potest virtute Iubilæi, vel alterius fa-
cultatis, socium culpæ, seu cõplicem in confessione audire, vel
absoluere: Confessio enim fieri debet cum pudore, & verecundia;
confessio autè facta Confessario cõplici fit sine pudore, immò ex
ea accipi potest occasio liberiùs peccandi. *tom.* 1. *pag.* 197. n. 10.

181. Absolutus à referuatis, vel à censuris tempore Iubilæi,
non reincidit in casus referuatos, vel in censuras, etiamsi postea
voluntariè prætermittat ea quæ ad lucrandum Iubilæum præ-
scribuntur; neque grauitèr peccat ea prætermittens, quia sibi
tantum nocet. *ibid.* n. 17. & 18.

181. Confessarius, qui à censuris malè absoluit pœniten-
tem quem absolvere non poterat defectu iurisdictionis, debet
absentem absolvere, obtenta facultate: quia absolutio à censuris
ferri potest in absentem, & inscium, & existentem in peccato
mortali. A peccatis autem etiam non referuatis non potest ab-
sentem absolvere. At si pœnitens non sit absens, aut non ita re-
motus vt censerì possit moraliter præsens, potest Confessarius
illum à peccatis malè absolutum, etiam inscium iteram absol-
uere: censetur enim pœnitens adhuc retinere voluntatem acci-
piendi absolutionem, donec ritè & validè absoluaetur. *tom.* 1.
pag. 198. n. 1. & 2.

183. Confessarius qui ex malitia, vel ignorantia, vel inaduer-
rentia, inualidè absoluit pœnitentem à referuatis, vel aliis, de-
bet, obtenta debita facultate, reuocare pœnitentem ad confes-
sionem, modò id fieri possit sine scandalo, vel graui illius detri-
mento. Sin id fieri non possit absque graui offensione, vel scan-
dalo; non tenetur illum admonere, vel reuocare, nisi pœnitens
probabiliter credatur nunquam facturus aliam confessionem;
tunc enim Confessarius tenetur illum admonere, etiamsi timeat
sibi graue damnum; quia salutem proximi tenemur nostris
commodis temporalibus anteferre. *ibid.* n. 4.

Pœnitentiaria. Pœnitentiarius.

1. Pius IV. in Bulla 53. quæ incipit, *In sublimi B. Petri solio*,
excommunicationem latæ sententiæ iniunxit maiori Pœ-
nitentiario, & officialibus Pœnitentiariæ præsumptibus intro-
mittere se in concessionibus, & expeditionibus in hac Bulla in-
terdictis. *disp.* 2. *quest.* 6. *punct.* 2. *pag.* 278. *tom.* 3.

2. Hæc excommunicatio non est referuata.

3. Pius V. in Bulla 83. quæ incipit, *In omnibus rebus*, excom-
municationem tulit contra officiales Pœnitentiariæ accipientes
aliquid

aliquid etiam spôte oblatum, aut alia ratione, occasione confessionum, seu expeditionum. *ibid. q. 7. punct. 6. pag. 286. n. 1. tom. 3.*

4. Probabile est eisdem officialibus vinculo excommunicationis ligari exercentes suum officium per alium, aut non diligenter aut non fideliter, aut accipientes fructus, & emolumenta officij, dum illud non exercent; quia excommunicatio posita in fine Bullæ refertur ad omnes actiones præcedentes. *ibid. pag. 287. num. 3. tom. 3.*

Pollutio, seu mollities.

1. Pollutio voluntaria est peccatum mortale: quia est contra ordinem naturæ, & contra naturam generationis, & 1. *Corinth. 6.* dicitur: *neque molles Regnum Dei possidebunt.* Tunc autem censetur pollutio voluntaria, quando provenit ex causa, quæ neque est necessaria, neque utilis, neque honesta, modò proveniat ex causa proxima notabiliter influente in ipsam pollutionem. *tom. 1. pag. 319 n. 3. & seq.*

2. Pollutio non est peccatum mort. quando sequitur vi naturæ, vel ex aliqua causa, quæ habet alium effectum, vt ex ebrietate, vel esu ciborum calidorum, vel ex aspectu, aut colloccutione cum fœmina, modò non intendatur pollutio, neque sit periculum consensus. Multò minus est peccatum quando sequitur ex causa quæ alium habet effectum, quæque assumitur propter utilitatem vel bonum finem, vt ex confessionibus audiendis. Item excusatur à mortali pollutio, quæ sequitur ex agitatione itineris, vel equi, modò equitans non se componat ad eum finem, vel non sit periculum consensus. Item excusatur à mortali pollutio proveniens ex fricatione pudendorum, ad sedandum magnum pruritum, vel ex lotionem ad purgandum fœtorem, modò absit periculum consensus. Item pollutio non est peccatum mort. quando provenit ex causa venialiter luxuriosa, & leuiter influente in pollutionem, vt ex aspectu curioso, vel lectione curiosa: quia hæc causa leuiter influit & concurrit ad pollutionem. *ibid. n. 6. & 7. & pag. 320. n. 8. & 9.*

3. Non licet procurare pollutionem propter sanitatem, neque medicus potest præbere medicamentum, quod nullū alium habeat effectum quàm vt prouocet naturam ad pollutionem: quia hoc repugnat naturæ generationis, ad quam semen est à natura institutum. *tom. 1. p. 320. n. 11.*

4. Non licet desiderare pollutionem, vel de illa iam sequuta gaudere ex affectu libidinis, vel propter delectationem. Ob finem verò honestum licet gaudere de pollutione, vt ob sanitatem, vel ad sedandam tentationem. *ibid. n. 4.*

5. Pollu

5. Pollutiones in se spectatæ sunt eiusdem speciei : per accidens tamen possunt esse diuersæ , ratione circumstantiæ adiunctæ : nam si quis dum se polluit cogitet de coniugata , vel moniali , præter malitiam pollutionis , contrahit culpam ob qualitatem personæ circa quam delectatur , atque hæc circumstantia est in confessione aperienda : quia actus specificatur ab obiecto. *ib. n. 15.*

6. Maritus qui inchoauit copulam cum vxore , non potest absque peccato mortali desistere contra voluntatem vxoris. At de consensu vxoris se retrahens à seminando , non peccat mort. quamuis ipsa non seminauerit ; modò non sit periculum pollutionis extra vas. Quando verò vxor iam seminauit , non potest maritus , qui nondum seminauit , desistere à copula , nisi adsit causa vrgentissima desistendi : quia desistente marito , prodigitur semen foeminæ , quod est contra finem generationis. Non est tamen peccatum mort. si foemina se retrahat , vel conetur non seminare postquam maritus seminauit ; cùm iuxta communioem sententiam , semen foeminæ non sit necessarium ad generationē. Fornicantes autem possunt ante seminationē desistere à copula , etiam cum periculo effundendi seminis : quia eiusmodi copula est illicita. *ibid. n. 16. & p. 321. n. 17.*

Prædicatorum & Franciscanorum Ordo.

1. **B**onifacius IX. Eugenius IV. & Alexander IX. multa priuilegia religiosis Ordinis Prædicatorum , & Franciscanorum concesserunt , addita pœna excommunicationis contra eos. 1. qui dicunt , & defendunt præfatos Ordines non esse in statu perfectionis , aut eis non licere eleemosynis vitam sustentare , aut concionari , aut confessiones audire de licentia Papæ. 2. qui præfatos religiosos eiiciunt ab vniuersitate Parisiensi. 3. qui violentiam exercent contra loca prædictorum religiosorum , aut impediunt ne possint in suis Ecclesiis celebrare , aut prædicare , aut eleemosynas recipere. 4. qui apostatas Ordinis Prædicatorum retinent. 5. qui libellos famosos , cantilenas , vel rythmos edunt , retinent , vel publicant contra præfatos Ordines. *disp. 2. q. 3. p. 250. 251. n. 1. & seq. tom. 3.*

2. Scribens libellos famosos contra alias religiones , quibus communicata sunt priuilegia Ordinis Prædicatorum , aut Minorum in eandem censuram incurrunt ; alioquin infamati priuilegiis non gauderent aliæ religiones si eas liceret impunè infamare. *ibid. n. 6.*

3. Scribens libellum famosum contra aliquem religiosum prædictorum Ordinum , non subiicitur huic excommunicationi ; quia hîc non dicitur Ordinem infamare , nisi secundariò , & indirectè.

rectè. Conscientes autem libellos famulos contra alias personas nusquam excommunicati inueniuntur ipso facto. *ibid. n. 6. & 8.*

PRÆLATVS.

*Cardinalium, Episcoporum, Legatorum
violatores.*

1. **Q**ui interficiunt, mutilant, vulnerant, percutiunt, capiunt, carcerant, detinent, vel hostiliter insequuntur S. R. E. Cardinales, Patriarchas, Archiepiscopos, Episcopos, Sedis Apostolicæ Legatos, vel Nuncios, aut eos à suis diocesis, territoriis, terris, seu dominiis eiciunt: necnon qui ea mandant, vel rata habent, seu præstant in eis auxilium, consilium, vel fauorem, in Bullæ Cœnæ 11. excommunicationem incurrunt. Sunt ipsa verba Canonis. *disp. 1. q. 12. p. 55. tom. 3.*

2. Episcopus nondum consecratus sed tantum electus, etiâ si possessionem adeptus sit, non gaudet priuilegio huius canonis; consequenter qui huiusmodi Episcopum offendit, huius excommunicationis vinculo non obstringitur: Quia hic non est verè & propriè Episcopus cum careat charactere Episcopali, qui per consecrationem confertur; quemadmodum is qui Archiepiscopatum adeptus est ante pallij susceptionem, non potest Archiepiscopus appellari. *ibid. pu. 2. p. 58. n. 7. tom. 3.*

3. Qui violat Episcopum suspensum, excommunicatum, irregularem, vel eum qui Episcopatum, & dignitati renunciauit, incidit in excommunicationem Bullæ: quia hic verè est Episcopus, cum characterem Episcopalem retineat, in anima indelebiliter impressum. Secus si Episcopus sit realiter degradatus; tunc enim omnibus clericorum priuilegiis excidit. *ibid. n. 8.*

4. In hanc excommunicationem non incidit, qui clericum de familia alicuius Cardinalis, Episcopi, vel Nuncij vulnerat, aut occidit etiam coram ipso Cardinali, Episcopo, vel Nuncio, etiam in contemptum ipsorum: quia huiusmodi familiares in hoc canone non exprimuntur. Neque est alia excommunicatio in iure lata contra eos qui percutiunt familiares Papæ, aut Cardinaliû, nisi sint clerici; sed tantummodò decernitur vt illis imponatur pœna pro qualitate culpæ. *ibid. n. 11. & 12.*

5. Probabiliter sustineri potest Cardinalem, seu Episcopum, qui seipsum ferro vulnerat, aut veneno occidit, subiici huic excommunicationi; quia facit actionem in hoc canone interdictam, neque ipse cedere potest priuilegio huius Bullæ, quæ in fauorem dignitatis edita est. Tamen opposita sententia non est improba

improbabilis, quia Summus Pontifex loqui videtur de exercen-
tibus istas actiones in personas distinctas. *ibid. punct. 3. pag. 59.*
num. 3. tom. 3.

6. Si quis Cardinalem, aut Episcopum obsideat, non ut illum
capiat, sed ut castro iuste porciatur, non ligatur hac censura; quia
vitur iure suo: Sin velit castrum iniuste obtinere, probabile est
illum ligari excommunicatione, quia hæc videtur hostilis in-
sequutio. Item si quis habeat iustam percutiendi causam, ad sui,
suorumque defensionem, si Cardinalem, vel Episcopum percu-
tiat, eximitur ab excommunicatione. *ibid. n. 4.*

7. Ignorantia huius canonis, personæ, vel qualitatis ab hac
censura excusat. Ut si quis percutiat Cardinalem noctu inceden-
tem, vel mutato habitu, nesciens illum esse Cardinalem, etiam si
grauiter peccet, non tamen hanc excommunicationem incurrit:
quia ignorat qualitatem personæ; idèoque non videtur contu-
max contra hunc canonem. Neque subiacet huic excommunica-
tioni qui intendens percutere Episcopum, percutit alium. *ibid.*
pag. 69. n. 7. tom. 3.

8. Qui mandat percuti vnum Episcopum, aut Cardinalem,
non incurrit excommunicationem, si is qui mandatum accepit,
percutiat alium Episcopum: quia quod mandatarius facit ultra
terminos mandati, non imputatur mandanti. Item, si mandatum
vel consilium reuocauit, & reuocationem mandatario significa-
uit, si postea mandatum executioni mandetur, hanc censuram
non incurrit; quia iam non censetur causa percussione. *ibid.*
num. 11.

9. Mandans, consulens, auxilians, fauens percussioni Episco-
pi, non censetur excommunicatus nisi sequatur percussio: quia
summus Pontif. primò & per se excommunicat percutientes, se-
cundariò autem, & accessoriè mandantes; ergo non incurritur
excommunicatio propter mandatum, antequam sequatur effe-
ctus. *ibid. num. 10.*

10. Defensor vel receptator percutientis Cardinalem, Epis-
copum, vel Nuncium, si recipit illum, vel defendit ante patratum
crimen, ligatur excommunicatione quoties ex illa defensione de-
lictum committitur: quia præstat fauorem, & auxilium ad pa-
trandum delictum contra prohibitionem Bullæ. Sin illum recipit
& defendit post admissum crimen, huius excommunicationis
vinculo non innodatur: quia crimine iam admissio, non censetur
præstare auxilium ad illud admittendum. *ibid. n. 12.*

11. Qui percussione vel aliam iniuriam in Cardinalem,
Episcopum, vel Nuncium non prohibet cum alioqui com-
modè prohibere, atque impedire possit, non afficitur excom-
municat

municatione huius canonis; nisi fortè consentiat cooperando, & auctoriterem præstando; quia qui non impedit, non præstat, auxilium, aut fauorem, sed habet se negatiue: at si sua taciturnitate in causa sit, vt delinquentes animentur, & promptiores fiant ad patrandum delictum, reus erit excommunicationis. Addendum tamen eum qui cognita conspiratione in personam Cardinalis aut Episcopi, tacet, dum potest illam patefacere, incidere in excommunicationem, & pœnas à Pio V. inflictas occasione facinoris attentati contra S. Carolum Boromæum Ecclesiæ Mediolanensis Archiepiscopum, & S. R. E. Cardinalem. *ibid. pag. 60. 61. num. 14. & 15. tom. 3.*

12. Cardinalis, Episcopus vel alius Prælatus percussus, vel aliter violatus, si delictum est notorium, potest in loco suæ iurisdictionis declarare delinquentem pœnam excommunicationis incurrisse: quia tunc non est iudex in sua causa; sed tantum executor iuris: In dubio verò an excommunicatio cōtracta fuerit, expedit declarationem fieri à superiore vt omnis suspicio iniquæ declarationis tollatur. *ibid. punct. 4. pag. 61. 62. n. 3. tom. 3.*

13. Præter hanc excommunicationem Bullæ Cœnæ, sunt aliæ multæ à Pontificibus latæ contra Cardinalium, & Episcoporum violatores.

Præscriptio.

1. **P**RÆscriptio est acquisitio dominij vtilis, vel directi rei alienæ, per continuationem possessionis bonæ fidei, spatio temporis à lege definiti. Ad præscriptionem quinque conditiones requiruntur. 1. est continuata possessio. 2. capacitas actiua respectu possidentis, & passiuæ respectu rei quæ possidetur, vt scilicet possidens possit possidere & res possideri. 3. bona fides, seu credulitas, qua quis prudenter iudicat rem suam esse; vel saltem nescit esse alienam, modo ignorantia non sit crassa, vel affectata. 4. titulus probabiliter præsumptus: nam si dono, vel emptione aliquid furtiuum accepi ab aliquo, ratus ipsum esse legitimum illius rei dominum, cum verè non sit, possum rem acceptam præscribere tempore à iure definito. 5. conditio est tempus à lege definitum. Ad præscriptionem autem rerum mobilium, quæ propriè vocatur vsucapio, requiritur spatium trium annorum, cum titulo, & bona fide inter præsentēs; inter absentes verò, spatium quatuor annorum, cum titulo, & bona fide, quod tempus sufficit ad præscriptionem bonorum mobilium Ecclesiasticorum, immò etiam Ecclesiæ Rom. ad præscriptionem verò rerum immobilium, requiritur contra priuatos spatium decem annorum inter præsentēs, cum titulo, inter absentes viginti

viginti annorum. At contra res Ecclesiæ immobiles requiritur spatium 40. annorum; contra immobilia Ecclesiæ Rom. requiritur spatium 100. annorum. Ad præscribendum contra ordinē S. Benedicti, requiritur spatium 60. annorum, ex privilegio Eugenij. *tom. 2. pag. 418. n. 1. & seq.*

2. Res mobiles etiam Ecclesiæ Rom. præscribuntur spatio 30. annorum, sine titulo; idem spatium requiritur ad præscribendas res immobiles contra priuatos, quando titulus deest. Seruitus personalis præscribitur spatio 10. annor. cum titulo, inter præsentēs, inter absentes 20. sine titulo verò, spatio 30. annor. Seruitus realis continua præscribitur spatio 10. annor. inter præsentēs; 20. inter absentes. *tom. 2. pag. 421. num. 31.*

3. Illi tantum possunt præscribere qui suo nomine possunt possidere; vnde sequitur religiosam professum non posse quidquā præscribere cum nihil possit suo nomine possidere, sitque incapax dominij. *tom. 2. pag. 418. n. 7. & 8.*

4. Res Ecclesiasticæ, & iura spiritualia non possunt à laicis præscribi vt ius cognoscendi, & iudicandi causas clericorum, ius decimarum, primitiarum, & oblationum, aliæque iura Ecclesiastica; quia deest laicis capacitas actiua illius præscriptionis. *ibid. n. 5. & 6.*

5. Ius patronatus non potest à laico præscribi, si constet Ecclesiam illam in qua ius patronatus existit, olim fuisse liberam, & non subditam iuri patronatus; ius enim patronatus est Ecclesiasticum & spirituale. Sin Ecclesia olim fuit subdita iuri patronatus, potest ius patronatus à laico contra alium laicum præscribi spatio 10. annorum inter præsentēs cum titulo; 20. verò inter absentes sine titulo, spatio 30. annorum. *ibid. num. 11.*

6. Beneficium aduersus priuatum, aliàs habentem legitimum titulum præscribitur spatio 10. annorum inter præsentēs si adsit possessio bonæ fidei, & titulus; inter absentes spatio 20. annorum cum bona fide, & titulo: sine titulo verò, possessio beneficii non cõsetur inchoata cum bona fide, quia beneficium sine institutione, canonicè obtineri non potest. His adendum, cum qui beneficiū per triennium pacificè possedit, absque simoniacò ingressu, præscribere aduersus actionem cuiuslibet competitoris, non modò fructus, sed ipsum etiam beneficium. *tom. 2. pag. 419. num. 11.*

7. Non modò res corporales, sed etiam res corporales, vt seruitutes, actiones, & iura, præscribi possunt, modò aliquid expressè non prohibeatur, sicut prohibetur, res furtiua, quæ præscribi non potest nisi spatio 30. annor. cum bonâ fide. Prohibetur etiam præscribi viæ publicæ, census, & tributa, quæ supremo Principi debentur, exemptio ab obedientia superioris, res

publicæ, vt forum, limites paræciarum quando de illis constat, alioquin præscribi possunt Denique præscribi non possunt quæ prohibentur alienari. *ibid. n. 12.*

8. Qui 30. annis, bona fide possedit ius nõ soluendi, ratus se nihil debere, eò quod crediderit debitum solum esse, aut condonatũ; aut eò quod de eo nihil omnino cogitauerit, potest debitũ illud præscribere; debita enim rerũ mobilium, & immobilium spatio 30. annor. cum bona fide præscribuntur. *ibid. n. 16.*

9. Hæres immediatus defuncti qui mala fide bona possidebat, vt filius, nullo tempore præscribit, quamuis bona fide succedat, & ignoret malam fidem defuncti; hic enim hæres censetur eadem persona cum defuncto. Sin successor non est hæres immediatus, sed successor in re particulari, validè præscribit, modò bonam habeat fidem, & non computetur tempus quo defunctus mala fide possedit. *tom. 2. pag. 240. n. 21.*

10. Quando possessio rei alicuius transit ab vno possessore bonæ fidei, ad alterum ite bonæ fidei possessorem, præscriptio currit, absque interruptione, ita vt res censeatur præscripta, quando computato tempore vtriusque possidentis, elapsum est tempus requisitum ad præscriptionem. *ibid. n. 22.*

11. Minoribus, locis piis, ac Ecclesiis, aduersus præscriptionem conceditur restitutio in integrum auctoritate iudicis: minoribus enim conceditur spatium 4. annorum ad rem suam repetendam. *tom. 2. pag. 422. num. 34.*

Præcarium.

1. **P**recarium est contractus quo quis concedit aliquid alteri, cum potestare illud repetendi quoties voluerit, vt si tibi petenti concedam, vt transeas per meum agrum, cum pacto vt possim hanc facultatem reuocare cum libuerit. Dicitur autem *precarium*, eò quod fiat precibus illius in cuius commodum conceditur. *tom. 1. pag. 636. num. 1.*

2. Ad contractum precarij res cõditiones requiruntur. 1. est mutuus consensus dantis, & accipientis. 2. traditio rei. 3. vt qui tradit precariũ, possit illud repetere, quoties voluerit, nisi charitas aliud postulet. Quare in precario non potest pactum iriri, vt tradens precarium non possit illud repetere nisi post certum tempus; hoc enim est contra naturam precarij. *ibid. num. 3. & 4.*

3. Res quæ precario cõcedi possunt non solum sunt res mobiles, sed etiam immobiles, non modò iura corporalia, verũ etiam incorporalia: rem tamen suã non potest quis precariũ obtinere, quoad proprietatem, quoad possessionem potest. *ibid. n. 3.*

4. Precarium tribus modis finiri potest. 1. voluntate concedentis

Primitia. Oblationes. Priuilegium. 547

dentis. 2. venditione facta à domino. 3. morte illius, qui precarium accepit, neque enim precarium transit ad hæredes, sed est personale: at morte tradentis non finitur precarium; quapropter accipiens, mortuo tradente potest vti precario, donec ab hæredibus reuocetur. *ibid. n. 3.*

Primitia. Oblationes.

1. **P**rimitiarum nomine intellige primos fructus, qui ex agris, aut arboribus percipiuntur, Deoque immediatè offeruntur in recognitionem beneficiorum, quæ à Deo accipiuntur. Nullum ius in noua lege obligat ad primitias soluendas, aut si quod olim fuit, contraria consuetudine abrogatum est. *tom. 2. pag. 354. num. 1.*

2. Nominè oblationis intelligitur quicquid offertur Deo in recognitionem dominij, & excellentiæ ipsius, siue sint primi fructus, siue aliqua res mobilis, aut immobilis. Hinc collige discrimen inter primitias, oblationes, & decimas: nam primitiæ, & oblationes offeruntur immediatè in cultum, & honorem Dei, decimæ verò ad sustentationem ministrorum Ecclesiæ *ibid. n. 3.*

3. Oblationes, iure communi, pertinent ad Rectorem siue Parochum illius Ecclesiæ, in qua fiunt; nisi offerantur ea intentione, vt in honorem, vel in ornatum imaginis, vel sacelli, infumantur. Oblationes verò, quæ ad manum Sacerdotis in Missa fiunt, ex consuetudine ferè communiter recepta, pertinent ad Parochum, vel ad eum Sacerdotem, cuius est altare, in quo fiunt modò non tradantur Sacerdoti celebranti tanquam stipendium sui laboris. *ibid. n. 15.*

P R I V I L E G I U M.

Quid, & quoruplex sit priuilegium?

1. **P**riuilegium est specialis gratia alicui concessa, seu est lex qua conceditur aliquid speciale. Est autem multiplex. 1. aliud dicitur *scriptum*, aliud *non scriptum*, siue à superiore concedatur, siue consuetudine acquiratur. 2. aliud est *reale*, quod directè conceditur alicui rei, vt loco, dignitati, vel prædio, vel mercibus; aliud *personale*, quod conceditur immediatè personæ: quando res, cui concessum est priuilegium, transit ad alium dominum, ad eundem etiam transit priuilegium: priuilegium verò personale extinguitur cum persona. 3. aliud est *gratiosum*, quod gratis conceditur; aliud *remuneratorium*, quod conceditur ratione meritorum. 4. aliud est *conuentionale*, quod conceditur ex pacto; aliud *purum*, quod absolutè conceditur.

M m 2

5. aliud

5. aliud est *privatum*, concessum in fauorem personæ priuatæ, aliud *commune*, quod immediatè respicit bonum communitat-
tis. 6. aliud est *fauorabile*, quod priuilegio confert fauorem,
& commodum, nulli autem incommodum aliud *odiosum*, quod
cedit in fauorem vnius, & in præiudiciu alterius. 7. aliud est
perpetuum, aliud *temporale*, seu *ad tempus*. 8. aliud est priuile-
gium *in foro conscientia*, quod in foro externo non valet; aliud
in foro externo, quod etiam valet in conscientia foro *tom. 2.*
pag. 75. n. 1. & seq. & pag. 76. n. 8. & seq.

A quo & cui priuilegium concedendum.

2. Eius est priuilegium concedere, cuius est legem ferre pri-
uilegium enim est quædam lex. Non conceditur autem priuile-
gium nisi subditis: per priuilegium quippe homo eximitur à le-
ges non eximitur autem nisi aliquo modo subditus. Religiosi, &
clerici, licet non sint directè subditi Principibus sæcularibus; ni-
hilominus si Princeps condar legem ciuilem, purè fauorabilem,
possunt illius beneficio frui; sunt enim aliquo modo subditi,
quatenus Principem agnoscunt in iis quæ Ecclesiasticæ immu-
nitati non officiunt. *tom. 2. pag. 76. n. 1. & pag. 77. n. 5.*

3. Priuilegium validè conceditur ignorantibus: sufficit enim vo-
luntas concedentis. Hinc collige validam esse dispensationem
voti castitatis, quam sponsus obtinuit pro sponsa inscia dispen-
sationis: modò tamen ab ipsa acceptetur; alioquin non posset ea
dispensatione licitè uti. *tom. 2. pag. 77. n. 1. & 2.*

4. Dispensatio, seu priuilegium potest validè obtineri pro in-
uito, & superiori potest cum subdiro renitente, in lege dispen-
sare. Immodò dari potest casus, ut superior possit cogere subditum
ad vtendum dispensatione, verbi gratià ad non ieiunandum in
Quadragesima. ibid. n. 4.

5. Ut priuilegium vim habeat, debet, acceptari ab eo cui con-
ceditur, aut ab eo qui vices ipsius gerit: nam concessio priuile-
gij est veluti quædam donatio facta in fauorem priuilegiatis
donatio autem non valet antequam acceptetur. Hoc autem in-
telligendum est de priuilegiis gratiosè concessis: nam quæ in re-
munerationem conceduntur, & non ex mera liberalitate, va-
lent, quamuis expressè non acceptentur: priuilegiatus enim scit
se dignum remuneratione, ac proinde priuilegium non omni-
no ignorat. *ibid. n. 5. & pag. 78. n. 15.*

Priuilegiij vsus.

6. Priuilegio absolutè, & absque determinationem loci con-
cesso, priuilegiarius uti potest in quolibet loco intra ditionem
concedentis

concedentis: huiusmodi enim privilegium censetur generale, iuxta facultatem concedentis. Privilegium autem quod restringitur ad aliquem locum, non valet extra illum locum. Quare qui privilegium obtinuit à Sede Apostol. retinendi duo beneficia in vna Ecclesia, non potest in alia Ecclesia, eodem privilegio vti: tom. 2. pag. 79. n. 1.

7. Privilegiarius potest, per se loquendo, vbique, etiam extra territorium concedentis, vti dispensatione, seu privilegio personali sibi concesso absque determinatione loci, modo in alieno territorio non ex ter aliqua prohibicio specialis: quia privilegium personale sequitur personam quocumque pergat. Per accidens tamen, ratione scandali, vel alterius circumstantiæ, fieri potest, vt non sit vtendum vbique privilegio personali. tom. 2. pag. 80. n. 4.

Privilegy explicatio.

8. Quando verba privilegij sunt obscura, aut ambigua, & dubitatur de mente concedentis, recurrentum est ad coniecturas, ad inuestigandam intentionem concedentis, aut adeundus est Princeps; si ad ipsum pateat aditus, nisi sit periculum in mora. tom. 2. pag. 81. n. 3.

9. Privilegium purè fauorabile, latè explicandum est, quantum verborum proprietas patietur; cum nulli præiudicium fiat. Privilegium verò odiosum, regulariter loquendo, stricte explicandum est, seruata verborum proprietate: odia enim sunt restringenda, fauores ampliandi. privilegia quæ continentur in iure communi, non sunt stricte explicanda; idem dicendum de privilegiis contentis in corpore iuris, aut quæ versantur circa materiam iuris; habent enim vim legis. Quæ verò non continentur in iure, stricte explicanda sunt: quia censetur ius quoddam priuatum, contra ius commune: dispensationes autem quæ derogant iuri communi, stricte sunt explicandæ. Item privilegium quod præbet occasionem liberiùs peccandi, stricte explicandum est. *ibid. n. 4. & 5. & pag. 82. n. 6. & seq.*

10. Facultas absoluendi à reſeruatis, confessario concessa, item facultates vi Iubilei concessæ, latè sunt explicandæ. sunt enim fauorabiles, modò non vergant in damnum tertij, neque extendantur ad ea quæ sunt Summo Pontifici specialissimè reſeruata, vt est dispensatio in matrimonio rato, in voto castitatis, aut religionis: nam in generali concessione non continentur ea quæ superior non esset concessurus, si specialiter rogaretur. tom. 2. pag. 83. n. 17. & seq.

11. Quando conceditur facultas dispensandi, ad instantiam illorum quibuscum, est dispensandum; illa facultas stricte

explicanda est, quia censetur quasi dispensatio cum iis, cum quibus est dispensandum. Si verò personæ non exprimantur, sed facultas concedatur simpliciter ad dispensandum, facultas illa latè explicanda est, quia censetur privilegium concessum dispensaturo. *ibid. n. 19.*

12. Privilegium censetur solummodò concessum iis personis, vel rebus, quæ in privilegio exprimuntur, vel quæ in eo comprehenduntur propter significationem vocis, aut propter materiæ, aut actionis connexionem, aut propter iuris dispositionem: si vxor potest aliqua ratione gaudere privilegio nobilitatis, quod eius vir obtinuit, & filio communicatur privilegium nobilitatis patri concessum, iure ita disponente. *ibid. n. 1. & pag. 84. n. 2. & seq.*

13. Privilegium extendi non potest ad alios casus, vel personas, ob similitudinem rationis: quia concedens privilegium non censetur velle privilegium ad aliquos extendere, nisi in eo comprehendantur ob vocis significationem, vel materiæ, aut actionis connexionem, vel iuris dispositionem: alioquin privilegia vni religioni concessa transirent ad aliam arctiorem, vel æqualem, ob similitudinem, seu paritatem rationis. Hinc patet in dispensationibus non esse argumentandum à pari, (vel à maiori ad minus, nisi minus includatur in maiori: tunc enim dispensatio extenditur ad minus; sic concedens facultatem vescendi carnibus, censetur etiam concedere facultatem vescendi ovibus, & lacticiiniis. *tom. 3. pag. 84. n. 11. & 16.*

Privilegiy amissio.

14. Privilegium personale vim suam amittit per mortem illius cui concessum fuerat: est enim personæ affixum. Privilegium autem reale successivè transmittitur ad illos, qui rem ipsam acquirant. Porro Privilegium censetur personale, quando conceditur alicui, expresso solùm nomine illius, nisi aliter ex circumstantiis appareat, quando verò exprimitur solùm nomen dignitatis, privilegium censetur reale, nisi ex circumstantiis aliud colligatur: at quando exprimitur nomen personæ, & dignitatis simul, privilegium censetur personale; quia nomen dignitatis contrahitur per nomen personæ, tanquam genus per speciem. *tom. 2. pag. 85. n. 2. & seq.*

15. Privilegium ritè obtentum, non cessat morte concedentis, modo concessum fuerit simpliciter sine vlla conditione, seu particula restringente vsque ad mortem concedentis. At privilegium nondum obtentum, sed obtinendū, expirat morte concedentis: quare si Pontifex postquam facultatem commisit Caio

ut beneficium conferat Titio, moriatur ante collationem, illa facultas cesset morte Pontificis; quia beneficium nondum erat obtentum. *tom. 2. pag. 87. num. 19.*

16. Privilegium amittitur, & finitur lapsu temporis præscripti, seu cessatione conditionis, sub qua concessum fuerat. Privilegium verò simpliciter, & indeterminatè concessum, est perpetuum. Concessum ad beneplacitum concedentis expirat morte illius. *tom. 2. pag. 89. n. 1.*

17. Privilegium amittitur, & finitur, tota ipsius causa cessante, modò nondum sit mandatum executioni: neque enim est credibile Principē velle conservare privilegium, cessante eius causa: alioquin eius concessio iniqua videretur. *ibid. n. 4.*

18. Privilegium gratuitum, quo alicui subito facultas datur faciendi contra, vel potius, præter ius, potest ex iusta causa reuocari à concedente, vel à successore, vel ab eius superiore, consequenter privilegium amittitur per reuocationem. At privilegium quod datur per contractum onerosum, vel in remunerationem, vel prævia pecunia, per se loquendo, non potest reuocari; pacta enim, & conuenta seruanda sunt. *ibid. n. 1.*

19. Privilegium reuocari potest, vel expressè per verba sufficienter indicantia reuocationem in specie, vel in genere: vel tacitè, si v. g. concedens faciat aliquē actum, qui nō possit subsistere absque privilegij derogatione: ut si Princeps iubeat exigi tributū ab eoquem exemerat. *tom. 1. pag. 90. n. 11. & pag. 91. n. 14.*

20. Privilegium quod non est insertum in corpore iuris, neque reuocatur per legem subsequenter, neque per particulare mandatum, seu rescriptum Principis, neque per subsequens privilegium repugnans præcedenti, nisi ipsius mentio fiat. Quia privilegium est ius quoddam priuatum, quod Princeps præsumitur ignorare, nisi ipsius faciat mentionem. Privilegium autem insertum in corpore iuris per posterius privilegium potest abrogari: quia privilegium in corpore iuris contentum non præsumitur ignorari. *tom. 2. pag. 91. n. 15 & seq.*

21. Ut reuocatio privilegij facta per legem habeat suum effectum, requiritur publicatio reuocationis: quia lex non obligat ante publicationem: facta autem publicatione, privilegium manet reuocatum, ita ut acta non valeant, etiam si ignorant, & absque culpa fiant. Excipe actus publicos factos cum iure communi, & titulo colorato. Privilegium verò priuatum reuocatum vim suam retinet, donec perueniat reuocatio ad notitiam illius, cui concessum fuerat privilegium: ut enim concessio privilegij non operatur antequam innotescat ei, cui conceditur, sic illius reuocatio non sortitur suum effectum, donec cognoscatur

ab eo cui privilegium fuerat concessum. Quare confessarius cui concessa fuerat facultas absolvendi à reservatis, validè absoluit post facultatem priuatim reuocatam ipso ius. *ibid. n. 20. & pag. 92. n. 12.*

22. Privilegium amittitur per voluntariam renunciationem acceptatam à concedente. At si superior eā non acceperit, privilegium adhuc viget, & potest privilegiarius illo uti, mutata voluntate: quia privilegium vim habet à voluntate concedentis. Notandum tamen hic esse sermonem de privilegio quod tractū habet successuum, & consistit in potestā faciendi, vel omitendi aliquid in futurum: nam privilegium momentaneum; quod scilicet operatur statim ac obiectum est, ut est dispensatio in impedimento matrimonij, non potest renunciari: quare qui obrinuit dispensatione in impedimento, v. g. cōsanguinitatis, non potest per renunciationem fieri inhabilis ad contrahendū, non enim potest se inhabilem efficere, postquam semel factus est habilis per dispensationem. *rom. 2. pag. 92. n. 1 & 4.*

23. Privilegium affirmativum quo conceditur facultas aliquid faciendi in gravamen aliorum, amittitur per non usum quatenus illi qui gravantur, præscribunt exemptionem à tali onere per tempus legitimum. Privilegium verò quod neminem, grauat, regulariter loquendo, non amittitur per non usum, etiamsi longissimum tempus intercedat, modò concessum fuerit absque temporis limitatione; exceptis casibus in iure expressis. *ibid. n. 3. & 4.*

24. Privilegium amittitur per usum materialiter, & formaliter contrarium: quia privilegiarius præsumitur renunciare privilegio, si faciat aliquem actum contrarium, tanquam ex obligatione, seu animo subiiciendi se obligationi; quare qui privilegium habet non solvendi tributum, si tributum solvat, tanquam ex obligatione, privilegium amittit per usum contrarium. *rom. 2. pag. 93. num. 2.*

25. Si privilegium præcipuè cedat in commodum priuatum, is potest reuocare, in cuius fauorem concessum est: quia nullus cogitur intuitu beneficium acceptare. Sin privilegium concessum sit intuitu boni cōmunis, non potest persona priuata illi renunciare, etiā si in bonum ipsius priuatum redundet; sic nullus clericus potest privilegio canonis, aut fori, clericis cōcesso renūciare. Idem propositione dicendū quando privilegium concessum est in fauorem plurium, ita ut commodum vnius ab aliorum commodo seiungi non possit. *ro. 2. pag. 94. n. 7. & seq.*

26. Per usum contrarium privilegio nunquam amittitur totum privilegiū, præcisā legitima præscriptione, modò privilegium

gium non consistat in vnico actu, sed tractum habeat successuum. Quare qui habet priuilegium non soluendi tributum, non amittit priuilegium non soluendi in futurum, si semel, atque iterum soluat, *ibid. n. 12.*

27. Priuilegium concessum communitati, non amittitur per vnum actum, aut plures, si fiant à personis priuatis, absque consensu, & auctoritate communitatis. Secus dicendum si fiant à tota communitate, seu de consensu, atque auctoritate totius communitatis. Videtur enim communitas cedere iuri suo. *ibid. n. 15.*

28. Priuilegium, regulariter loquendo, non amittitur ipso facto per abusum: quia nullus tenetur abdicare à se priuilegium ante sententiam saltem declaratoriam criminis, nisi in iure habeantur verba inducentia, ipso facto, priuationem ob delictum, vel abusum; sic clericus sodomix vitium exercens, excidit, ipso facto, priuilegio clericali. *tom. 2. pag. 95. n. 1.*

29. Priuilegium præcisè ob aliquam actionem exercendam concessum, cessante tali actione, cessat: quia cessante causa, cessat effectus. Sic beneficiarius qui priuilegium obtinuit percipiendi fructus beneficii pro eo tempore quo abest studiorum causa, non potest fructus percipere quâdiu studiis non vacat *ibid. n. 6.*

PROMISSIO:

Quid sit promissio.

1. **P**romissio nihil aliud est quàm datio fidei liberata, vera, & spontanea, de re licita, & possibili. Quare promissio facta, absque animo se obligandi, non est vera promissio, sed ficta, quæ, per se loquendo, non obligat, quia deest intentio promittentis; fieri tamen potest vt aliunde, obliget, si nimirum alter credebatur sibi ex animo promitti; tunc enim, si periculum est damni, promittens tenetur promissionem adimplere, alioquin esset causa damni. *tom. 2. pag. 613. n. 1. & 6.*

2. Qui promittit animo promittendi, seque obligandi, sed absque intentione implendi, tenetur stare promissioni; nam ex vera promissione nascitur naturalis obligatio illam adimplendi. Qui verò promittit ignorans naturam promissionis, non tenetur illam adimplere, nisi intendat facere quod cæteri faciunt promittendo: tunc enim censetur habere tacitam intentionem promittendi. *ibid. n. 8. & 9.*

3. Promissio per vim, dolum, aut metum etiam leuem extorta, est inualida: fit enim iniuria promittenti; per iniuriam autem nullum ius acquiritur. Idem sentiendum videtur de promissione

facta ex metu reuerentiali quo quis repugnante voluntate consentit, neque audent prae timore, & reuerentia contradicere; hac enim promissio iniuste extorquetur. Hinc patet uxorem quae per metum reuerentialem mariti, ad vitandas rixas, pro marito fidei iussit, etiam seruatis solemnitatibus iuris, non teneri in conscientia, soluere pro illo. Idem esto iudicium de precibus importunis, quae vim quodammodo inferunt. *tom. 2. pag. 614. num. 14.*

4. Promittens tenetur adimplere promissionem homini factam, etiam si res promissa, sit impeditiua maioris boni; nam in hac promissione attenditur id quod est homini gratius, res autem minus bona plerumque homini magis placet, Secus dicendum de promissione facta Deo, cui magis placet id quod est melius, neque illi placet promissio maioris boni impeditiua. *tom. 2. pag. 615. n. 17*

Promissio interna, & externa.

5. Promissio interna non obligat nisi fiat per modum voti, de maiori bono: quia promissio non obligat nisi acceptetur; non potest autem ab homine acceptari nisi exprimat; ergo, &c. Promissio autem gratuita externa, & acceptata, obligationem inducit: quia qui promissionem non adimplet, dicitur fallere & decipere, constat autem lumine naturae, fraudem & deceptionem esse illicitam. Vnde patet non adimplentem promissionem gratuitam, externam, & acceptatam, ex suo genere peccare mort. nisi leuitas materiae excuset. *tom. 2. pag. 616. n. 1. & seq.*

6. Promissio nondum acceptata non obligat, & regulariter loquendo, reuocari potest ante acceptationem, nisi fiat per modum voti, id est, nisi promittens dirigat suam intentionem ad Deum, quibuscumque tandem verbis utatur, siue dicat, *voueo Deo*, siue dicat, *promitto tali Ecclesiae, hospitali, &c. ibid. n. 5. & pag. 617. n. 6.*

7. Non adimplens promissionem gratuitam peccat, si haec conditiones concurrunt. 1. si promittat animo se obligandi. 2. si promittat rem licitam, & possibilem. 3. si promittat rem notabilem. 4. si res in eodem statu permanferit, nullaque interuenerit mutatio ita notabilis, ut si menti occurrisset, non esset facta promissio, nisi cum exceptione. Si promissio fuerit acceptata; censetur autem acceptari promissio facta praesenti. & tacenti cum intelligat sibi fieri promissionem: nam in fauorabilibus valet illa regula: Qui tacet, consentire videtur. *tom. 2. pag. 617. n. 8. & 9.*

Promissio absenti facta.

8. Is qui alterius curam gerit, potest acceptare promissionem nomine illius, ut Praelatus vel Parochus, nomine suae Ecclesiae; tutor

tutor nomine pupilli ; curator nomine minoris ; pater & mater pro liberis. Item persona publica pro sibi subditis potest promissionem acceptare. Item qui alterius iuri sunt subditi, validè possunt pro eo stipulari, vt filius pro patre, religiosus pro suo Prælato, vel monasterio, vxor pro marito, iudex nomine partis absentis. Denique is potest stipulari, & promissionem acceptare, qui ad hoc habet speciale mandatum. Semel autem acceptata promissio nomine absentis non potest à stipulante condonari: est enim ius acquisitum absentis. *tom. 2. pag. 519. n. 4. & pag. 520. n. 5.*

9. Ad validitatem promissionis factæ absenti per Nuncium, vel per literas, tres hæ conditiones requiruntur. 1. vt is cui fit promissio, accipiat ea de re literas, vel nuncium ad hoc destinatum à promittente. 2. vt promissio, quæ per nuncium defertur, coram ipso nuncio acceptetur. 3. promittens non reuocauerit promissionem, antequam fuerit acceptata. Si tamen acceptata fuerit promissio, antequam reuocatio innotuerit nuncio, aut ei quicam acceptauit, valida est promissio, etiam si reuocata fuerit ante acceptionem. *tom. 2. pag. 620. n. 1. & seq.*

Promissio inualida.

10. Promissio de re illicita nullam inducit obligationem: sequito tamen effectu illicito, is qui promisit, tenetur promissionem adimplere; nam in persoluendo promissio, non approbatur factum illicitum, sed fides data seruatur. *tom. 2. pag. 621. n. 1.*

11. Inualida est promissio quæ præbet occasionem peccandi. Vt si vxor viuente viro promittat matrimonium ei cum quo adulteratur. Item promissio quæ adimit facultatem disponendi de re sua, irritatur à iure; vt si quis promittat alteri non reuocaturum testamentum, aut se non electurum alium præter ipsum in hæredem. *ibid. n. 2. & 3.*

Promissio quando, & vbi implenda.

12. Promissio facta ad certum diem non obligat ante illum diem. At si nullus terminus est præfixus, videtur promissio statim adimplenda. Quando autem promissioni præfixus est terminus in fauorem debitoris, potest cedere iuri suo, & cogere creditorem ad recipiendam solutionem ante præstitutam diem. Secus si præfixus est dies in fauorem creditoris: potest enim creditor vt iure suo. *ibid. num. 1. & 6.*

13. Qui promisit certum quid singulis annis, tenetur soluere in fine anni, nisi malit antea soluere. Qui verò promisit annuam quantitatem, vt annuam centū aureorum elemosynam, tenetur soluere initio cuiuslibet anni, iuxta nonnullos. Probabilius tamen

556 *Quarta Parochialis. & Episcopalis.*

tamen est non teneri soluere ante finem anni; licet enim iura concedant creditoribus facultatem exigendi initio anni, non tamen cogunt debitorem ad soluendum. *ibid. n. 7.*

14. Promissio adimplenda est in loco conuento; si verò nullus locus est assignatus, & promissio est mutua, standum est iudicio prudentis viri quoad locum deligendum; quando verò promissio est simplex, & gratuita, assignandus est locus arbitrio promittentis. Idem dicendum de promissione iurata. *ibid. n. 8. & pag. 622. num. eod.*

Quando promissio desinat obligare.


15. Promissio alioquin valida, & acceptata, desinit obligare, superueniente aliqua notabili mutatione, quæ si tēpore promissionis adfuisset, vel præuisa fuisset, promissionem impedisset: promittens enim nō censetur in hoc casu se voluisse obligare. Quare si res promissa facta est inutilis, vel damnosa, vel illicita, vel impossibilis, promissionis obligatio cessat. *tom. 2. pag. 622. n. 1.*

16. Qui promittit, vel donauit rem magni pretij, quam non promississet si rei valorem cognouisset, non tenetur stare promissioni; deest enim voluntas, cum error dederit causam promissioni. *ibid. num. 3.*

17. Qui promittit aliquid, quod sine superioris licentia facere non poterat, tenetur petere licentiam, si efficaciter promittit sciens necessariam esse licentiam superioris; hic enim videtur se obligasse sub hac conditione, si superior licentiam concesserit. *ibid. n. 5.*

Q.

Quarta Parochialis, & Episcopalis.

1.  **UARTA** est quadrans, seu quarta pars rei, de qua agitur: consuetudine tamen induci potest vt sit etiam tertia pars, aut medietas. Multiplex autem genus quartæ inuenitur in iure. 1. est quod debetur filiis in bonis parentum, aut parentibus in bonis filiorum. 2. est quod debetur arrogato, in bonis arrogantis. 3. quod iure communi debetur vxori pauperi in bonis mariti diuitis, qui eam duxerat sine dote, & è contra. 4. quod debetur hæredi ex fideicommissis, & legatis, vocaturque Falcidia & Trebellianica. 5. quod debetur Parocho & Episcopo, de quo hic nobis sermo. *tom. 2. pag. 683. n. 1. & seq.*

2. Quarta parochialis quæ soluenda est ex legatis, seu relictis

His causa mortis, & funeris) debetur illi Ecclesiae parochiali, in qua quis de iure sepeliendus esset, etiam si alibi sepeliatur: est enim parochialis Ecclesia veluti mater, cui debetur legitima in bonis filiorum. *tom. 2. pag. 684. n. 1.*

3. Quarta Episcopalis debetur Episcopo de legatis piis, & funeralibus oblationibus factis Ecclesiae, seu locis piis sibi subiectis: Episcopus enim est pater spiritualis, & onus sustinet Episcopale, ratione cuius æquum est ut illi quarta portio solvatur; modo legata facta non fuerint ad vltus priuilegiatos, ut pro Missis celebrandis, Ecclesia ornanda, &c. Hæc autem quarta soluenda est ab ipsis qui legatum acceperunt, vel ab hæredibus, seu testamenti executoribus, si nondum legata mortuo testatore soluta fuerunt *tom. 2. pag. 685. n. 1. & pag. 686. n. 4.*

4. Hæc obligatio soluendi quartam, tolli potest per consuetudinem legitimè præscriptam spatio 40. annorum; nam ad præscribendum contra Ecclesiam in iis quæ sunt contra ius commune 40. anni requiruntur. *tom. 2. pag. 686. n. 1. & 2.*

R.

RAPTVS

1. **RAPTVS** propriè dicitur quando persona aliqua inuita, vel resistentibus eius parentibus, seu tutoribus, aut curatoribus, abducitur per vim, ad libidinem explendam, vel ad matrimonium contrahendum. Quando autem nulla vis inferitur, sed scemina, sua sponte, aut etiam precibus inducta, discedit cum amatore, in scilicet parentibus, non est propriè raptus, sed fuga potius voluntaria. Secus dicendum si parentes sciant, & renuant, etiam si puella consentiat; vis enim inferitur parentibus. *tom. 1. pag. 330. n. 1. & pag. 331. n. 5.*

2. Omissis variis pœnis à iure ciuili constitutis in raptores, vt pœna capitis, & amissionibus bonorum; tria pœnarum genera constituta sunt à Tridentino contra raptores, *sess. 24. cap. 6. l. 1.* est vt raptor, & omnes, consilium, auxilium, & fauorem præbentes, sint ipso iure excommunicati, perpetuò infames, & omnium dignitatum incapaces; hæc tamen excommunicatio non est reseruata. 2. vt raptor siue matrimonium contrahat, siue non, teneatur raptam decenter dotare. 3. vt matrimonium inter raptorem & raptam, sit inualidum, dum rapta est in potestate raptoris, etiam si ipsa liberè consentiat; idem dicendum de sponsalibus. *tom. 1. pag. 331. num. 9. & 10.*

3. Qui foeminam precibus aut blanditiis cōsentientem sponte abduxit infelsis parentibus aut moderatoribus, non subicitur huic excommunicationi; hic enim propriè non dicitur raptor, cum nulla vis inferatur. Secùs si parentes sciant, & contradicant; ipsis enim vis inferitur. *disp. 2. quest. 2. pag. 163. tom. 3.*

4. Foemina rapiens virum in hanc excommunicationem non incidit; quia Concilium loquitur tantùm de raptore; lex autem pœnalis non est extendenda. *ibid. num. 7.*

5. Hæc excommunicatio non est reservata.

6. Clericus mulieris raptor, non est ipso facto suspensus, licet sit ipso facto excommunicatus, & suspendendus; nam Concil. Trident. *sess. 24 c. 5.* sic loquitur, *si clerici fuerint, de proprio gradu decident.* quæ loquedi forma est futuri temporis. *disp. 3. quest. 7. punct. 3. tom. 3.*

Regalia.

1. **R**egalium nomine intelligitur tributum, quod imponitur nomine Regis, seu collecta quæ debetur Regi, vt si Rex vel Imperator concedat Ecclesiæ, monasterio, vel alteri pio loco portus & vestigalia quæ exigebat, hæc vocantur regalia. *disp. 2. quest. 2. punct. 2. 3. pag. 174. n. 4. tom. 3.*

2. In cap. *generali constitutione, de elect. in. 6.* fertur excommunicatio contra eos, qui in Ecclesiis, monasteriis, aut piis locis regalia, custodiam, aut titulum defensionis de nouo vsurpare conantes, iura, aliæque bona earundem Ecclesiarum, & aliorum piorum locorum vacantium vsurpare præsumunt, & contra clericos earundem Ecclesiarum, aliasque personas locorum earundem, quæ id fieri procurant. *ibid.*

3. Qui aliqua bona Ecclesiarum vacantium occupat, non vsurpando, vel non conando vsurpare regalia, titulum, aut aliud ius earundem Ecclesiarum, huic excommunicationi non subicitur: quia textus vtrumque coniungit, ita vt simul vtrumque requirat ad incurrendam excommunicationem. Idem dicendum de occupante iura, non occupatis bonis Ecclesiæ vacantis *ibid. n. 3.*

4. Hæc excommunicatio non est reservata.

RELIGIOSVS.

Contra Religiosos excommunicationes non reservata.

1. **G**regorius X. in Concilio generali Lugdunensi fanciuit, vt religiosi, quibus ex vi regulæ, seu professionis interdictum

Etiam est habere possessiones, seu redditus ad congruam sustentationem, in posterum non possent quemquam ad professionem admittere, vel domum, aut locum de nouo acquirere, vel antea acquisita alienare absque speciali Sedis Apostolicæ facultate; illos autem qui secus faxint, excommunicationi subiicit, & ipsorum acta irritat. *disp. 2. quest. 8. punct. 1. p. 288. n. 1. tom. 3.*

2. Ab hac censura excipiuntur. 1. ordines Prædicatorum, & Minorum, ob euidentem Ecclesiæ utilitatem, ut habetur in textu. 2. ordines Eremitarum S. Augustini, & Carmelitarum. 3. ordines qui post hanc constitutionem de licentia Summi Pontificis instituti, & approbati sunt, ut patet ex illorum privilegiis; unde patet hanc excommunicationem hodie vix esse in usu. *ibid. n. 4.*

3. Qui nouum religionis ordinem instituunt, aut illius habitum assumunt, in huius canonis censuram non incidunt, immò nullibi extat eiusmodi excommunicatio; nam in Extrauag. Ioannis XXII. sermo est de secta Beguinorum, de quibus suo loco actum est. *ibid. p. 289. n. 5. tom. 3.*

4. Bonifacius VIII. in cap. unico, de casibus Prælati. in 6. interdixit religiosis mendicantibus domos, vel loca acquirere, vel acquisita alienare, sed quia illa prohibitio non seruabatur, Clemens V. in confirmationem constitutionis Bonifacii VIII. excommunicationem contra transgressores adiecit. *ibid. punct. 2. n. 1.*

5. Nonnullæ extant constitutiones, quibus cauetur ne aliqui religiosi ad alios ordines transeant. 1. est Leonis X. in Bulla vniuersalis, in qua sub excommunicatione latæ sententiæ interdixit ne fratres reformati transeant ad fratres conuentuales, vel recedant ab obediencia suorum Ministrorum, nisi capitulo prouinciali aliter visum fuerit; eandemque excommunicationem extendit ad recipientes. 1. est Pauli III. quæ incipit, *Romani*, Iulij III. quæ incipit, *Officij*, & Sixti V. quibus excommunicantur Capucini recipientes fratres de obseruantia sine facultate, & fratres de Obseruantia se ad Capucinos conferentes. 3. est Iulij II. in Bulla, quæ incipit, *Exponi*, in qua excommunicantur fratres S. Francisci de Paula, recipientes, vel retinentes sine licentia Papæ, fratres Minores de Obseruantia. *ibid. punct. 3. p. 289. 290. tom. 3.*

6. In Clementina vnica, de consanguinitate & affinitate, extat excommunicatio contra religiosos professos matrimonium contrahentes. *ibid. punct. 5. n. 1. p. 290.*

Contra Religiosos habitum dimittentes.

7. In cap. 2. ut periculosum, de religiosis domibus, decernitur sub excommunicatione ipso facto incurrenda, ne religiosus tacite,

racitè, vel expresse professus temerè habitum dimittat in scholis, aut alibi. Is autem dicitur hic habitum dimittere, qui illum deponit ad sic incedendum, vel se occultandum, vt nequeat agnosci religiosus indèque vagandi occasionem arripiat. *ibid. punct. 6. p. 290 n. 1 tom. 3.*

8. Religiosus qui suis vestibus indutus è monasterio fugit, hanc excommunicationem non incurrit; quia non est lata in fugitivos, & apostatas, sed in eos qui habitum dimittunt; potest autem quis esse apostata, etià si habitum non dimittat, & vice versa. Immodò apostata fugiens cū habitu, iure communi nullā incurrit excommunicationem, quia nuspiam expressa reperitur, ex iure tamen particulari seu ex priuilegio nonnullarum religionū apostata excommunicationem incurrunt. *ibid. p. 291. n. 5. tom. 3.*

9. Professus induens habitum nouitiorum, in hanc censuram incidit, si nouitij non eodem vestium genere vtantur quo professi; hinc enim dicitur sufficiens vagandi occasio, si verò nouitij eodem vestium genere vtantur, superaddito solū aliquo signo vt à professis distinguantur, professus assumens illud signum non subicitur huic excommunicationi; quia non dimittit habitum suæ religionis. *ibid. n. 10.*

10. Qui habitum suæ religionis non exuit, sed illum vestibus sæcularibus superiniectis occultat vt religiosus agnosci nequeat, iuxta probabilem sententiam non afficitur excommunicatione; quia textus loquitur de dimissione habitus, non autem de occultatione. Alij verò secus sentiunt, quia hic videtur formaliter habitum dimittere, cū iam, agnosci non possit tanquam religiosus. *ibid. n. 11.*

11. Religiosus qui intra priuatos monasterij parietes habitum non deferret, videtur vinculo huius excommunicationis obstringi; licet enim dimisso habitu non vagetur, nihilominus ea dimissio vagandi præbet occasionem. *ibid. n. 13.*

12. Non quælibet habitus dimissio sufficit ad incurrendam excommunicationem, sed debet esse temeraria, ita vt non fiat ex villa causa rationabili, & fiat in contemptum legis. Vnde sequitur illum excusari ab excommunicatione qui ad vitam seruandam, per loca infidelium, & hæreticorum transiturus, habitum dimittit. *ibid. p. 292. n. 14. tom. 3.*

13. Religiosus qui habitum alterius religionis strictioris assumit animo ad illam transeundi, non afficitur excommunicatione, quia hoc licet. Qui verò habitum alterius religionis assumit contra iura, excommunicationem incurrit; quia temere, & cum grauissimo peccato habitum suæ religionis dimittit adhuc enim manet obstrictus priori religioni. *ibid. n. 17. & 18.*

14. Dimissi

14. Dimissio habitus ad breue tempus non sufficit ad excommunicationem, etiamsi dimittens intentionem habuerit diutius dimittendis; quia materia excommunicationis non est animus dimittendi, sed ipsa externa dimissio, quæ cum fuerit ad breue tempus, non censetur materia sufficiens excommunicationis. *ibid. n. 21.* Porro vna hora in hac materia non est tempus notabile. *num. 22.*

15. Religiosus factus Episcopus, vel Cardinalis dimittens habitum suæ religionis, in hanc censuram non incidit; quia eximitur ab omnibus regulis, & statutis religionis, quare ex vi regularis obseruantia non tenetur ad habitum religionis deferendum; non tamen desinit esse religiosus, neque eximitur à tribus votis religionis; sed obedientiam debet, non quidem Prælati religionis; cum à regulari obseruantia eximatur, sed Summo Pontifici non tantum ex generali obligatione, sed ex peculiari voto obedientia. Tenetur etiam voto paupertatis, neque efficitur dominus reddituum Ecclesiasticorum, sed administrator, ut eos in vsus decentes infumat. *ibid. pag. 293. n. 27. & seq. tom. 3.*

16. Potestas dispensandi abi habitu religionis deferendo per se pertinet ad Summum Pontificem; quia illa obligatio confurgit ex iure canonico; per accidens autem dimitti potest ex licentia Prælati concessa ad aliquod opus, quod exerceri commodè nequit cum habitu. *ibid. pag. 294. n. 32. tom. 3.*

Contra Religiosos Studentes.

17. Alexander III. in cap. *non magnopere, ne clerici, vel monachi*, excommunicationem tulit contra religiosos exeuntes ad physicam, seu medicinam, vel leges audiendas, & non redeuntes intra duos menses. *ibid. punct. 7. pag. 294. tom. 3.*

18. Religiosus è claustro exiens ad audiendas leges vel medicinam in eodem oppido, & finita lectione, ad claustrum rediēs, hanc excommunicationem non incurrit: quia lata est excommunicatio contra religiosos exeuntes ad præfatas disciplinas audiendas, nisi intra duos menses ad claustrum redeant; quod argumento est ad excommunicationem incurrendam opus esse; vt exeant ad habitandum extra claustrum. *ibid. n. 2.*

19. Religiosus qui exiit absque intentione præfatas scientias audiendi, si postea mutata voluntate manet extra claustrum animo eas audiendi, neque redit post duos menses, non videtur subici hic excommunicationi; quia textus non loquitur simpliciter de exeuntibus, sed de exeuntibus eo animo, vt audiant leges, & physicam. Opposita tamen sententia tutior est in praxi. *ibid. pag. 295. n. 5. tom. 3.*

20. Religiosus clauſtro egreſſus animo audiendi leges , & medicinam, ſed re ipſa non audit. ab hac cenſura non excuſatur, niſi intra duos meſes ad clauſtrum redeat; quia excommunication non eſt lata contra religioſos audientes, ſed contra egredientes animo audiendi leges, &c. & non redeuntes intra duos meſes. *ibid. n. 6.*

21. Religioſus exiens ad docendum leges , vel phyſicam ex probabiliori ſententia hanc excommunicationem non contrahit; quia excommunication tantum lata eſt in audientes , vel egreſſos ad audiendum. *ibid. n. 8.*

22. Superior religionis non poteſt in hac re cum ſuis religioſis diſpenſare quia inferior non habet ius diſpenſandi in lege ſuperioris. Ipſi tamen ſuperiores permittentes religioſos exire , in excommunicationem non incidunt. *ibid. p. 296. n. 15. tom. 3.*

23. In cap. 2. *ut periculosa, ne clerici, vel monachi* in 6. excommunicantur religioſi profeſſi accedentes ad quauis ſtudia literarum , niſi conceſſa à ſuperiore facultate, cum conſilio ſui conuentus, vel maioris partis eiſdem. *ibid. punct. 8 p. 296. n. 1. tom. 3.*

24. Religioſus transferens ſe ad alium ſuæ religionis conuentum animo dandi operam ſtudiis quæ extra monaſterium exiſtunt , non videtur incurrere hanc excommunicationem , ſi intentionem habeat manendi in monaſterio , & iuxta ordinarium modum ad ſcholas accedendi; hæc enim dicitur potius mutatio cœnobij, quam profeſſio ad ſtudia; textus autem loquitur de religioſis aliò proficiſcentibus ſtudiorum cauſa. *ibid. n. 6.*

25. Ad vitandam hanc excommunicationem requiritur licentia Prælati immediati cum conſenſu conuentus, vel maioris partis, modo Prælatus per conſtitutiones religionis non prohibeat hanc facultatem concedere etiam cum conſenſu capituli. Religioſus tamen, qui ſic obtinuit à Prælato facultatem, quam non poterat dare, excuſatur ab excommunicatione. Generalis autem, aut Prouincialis poteſt hanc facultatem concedere abſque conſilio; aut conſenſu cōuentus; quia Summus Pontif. voluit ſolum Prælato immediati poteſtatem coarctare. *ibid. n. 7. & 8.*

26. Licentia inualidè obrenta per dolum, aut metum, vel à ſuperiore, quem conſtat non habere hanc poteſtatem , ab hac cenſura non excuſat. *ibid. p. 297. n. 9.* Non requiritur autem conſenſus, ſed ſufficit conſilium conuentus, aut maioris partis ſic enim exprimitur in textu. *n. 10. tom. 3.*

27. Prælatus monaſterij proficiſcens ad ſtudia ſine licentia, hanc cenſuram non incurrit; quia hic non eſt ſubditus alteri Prælato habenti conuentum, cuius conſilium ſit expectandū. *ib. n. 14.*

Contra

Contra Religiosos ad Curias Principum accedentes.

28. In Clementina. i. *in agro de statu monach.* fertur excommunicatio contra monachos, & canonicos regulares ad curias Principum absque speciali Prælatorum suorum licentia se conferre præsumentes, vt suis Prælati, aut monasteriis noceant. *ibid. punct. 9. pag. 297.*

29. Qui bono animo se ad Principis curiam contulit, sed dum in ea commoratur, induxit in animum nocere Prælato, vel monasterio suo, non videtur huius excommunicationis reus: quia in materia pœnali verba sunt strictè interpretanda. Qui autem ad curiam accessit animo nocendi, excommunicationem incurrit, etiamsi re ipsa non noceat: quia sub censura prohibitum est accedere animo nocendi. *ibid. p. 298. n. 4. & 5. tom. 3.*

30. Religiosus accedens ad Curiam Principis animo nocendi alicui religioso sui monasterij, qui Prælatus nō sit, vel alteri religioni, aut alteri monasterio etiam eiusdem ordinis, non afficitur excommunicatione; quia textus loquitur de volentibus nocere suis Prælati, aut monasteriis; quod strictè accipiendum est pro vt habet relationē ad ipsos religiosos delinquentes. *ib. n. 9. & 10.*

31. Leo X. in Bulla, quæ incipit, *Dudum per nos*, quæ tamen in Bullario non inuenitur, excommunicationem tulit contra religiosos, & alios qui prædicant, vel priuatim pronunciant indulgentias S. Mariæ ad populum in vrbe, extendi ad sæculares visitantes Ecclesias priuilegiatorum. *ibid. punct. 1. p. 298. to. 3.*

32. Ab eodem Leo X. in *privilegio ord. Minor.* lata est excommunicatio contra fratres, & moniales. S. Claræ, seu tertie regulæ, vtentes gratiis, & immunitatibus Bullarū Cruciatæ, vel aliarum similium contra obedientiam ordinis, & sine speciali suorum superiorum licentia. Hæc tamen Bulla in Bullario non extat. *ibid. pag. 299 punct. 11. tom. 3.*

33. In Clementina. i. *de decimis*, excommunicantur religiosi, qui decimas Ecclesiis debitas sibi usurpare præsumunt, nisi restitutionem fecerint, intra duos menses; aut qui decimarum solutionem impediunt, nisi post monitionem impedire desisterint intra mensem. Cum hac tamen differentia, quod religiosi habentes officia, & beneficia suspensionem incurrunt ab illis; qui verò beneficia, vel administrationem non habent, excommunicationi subiiciuntur. *ibid. punct. 12. n. 1.*

34. Religiosi non soluentes decimas, hac censura non ligantur, modò alios non impedian, ne soluant; quia textus non loquitur de non soluentibus, sed de usurpantibus, vel prohibentibus decimas solui. *ibid. n. 9.*

35. Hæc excommunicatio, seu suspensio ante præstitam à delinquente satisfactionem est Summo Pontifici referuata, vt patet ex ipso textu. *pag. 300. num. 10. tom. 3.*

36. In Clementina, *Cupientes, de pœnis*, referuntur duæ excommunicationes 1. contra religiosos retrahentes auditores à solutione decimarum, quæ Ecclesiis debentur. 2. contra præsumptentes prædicare, nondum admonitis confitētibus, quos de hac obligatione soluendi decimas monere tenebantur *ibid. punct. 13. pag. 30. num. 1. & pag. 301. n. 11.* Nam præcipitur religiosis sub pœna suspensionis ipso facto ab officio prædicationis, vt confitentibus conscientiam faciant de soluendis decimis, quoties à rectoribus Ecclesiarum ad hoc requiruntur; si autem scienter negligant id facere, dnm requiruntur, suspensionem incurrunt, quæ durat donec confitentibus conscientiam fecerint; quod si interim antequam negligentiam oblata opportunitate purgent, prædicare præsumpserint, vinculo excommunicationis obtringuuntur. *ibid.*

37. Hæc excommunicatio non incurritur à Sacerdotibus secularibus, aut aliis; solos enim afficit religiosos. *pag. 300. n. 10. tom. 3.*

38. In Clementina. 1. *ex frequentibus, de sentent. excomm.* sancitum est sub pœna excommunicationis ipso facto, vt religiosi seruent interdictum, vel cessationem à diuinis, quam seruari vident à cathedrali, vel à matrice, seu parochiali Ecclesia: debet autem illud interdictum esse generale, & latum auctoritate Sedis Apostolicæ, vel ab ordinariis locorum, vel auctoritate Concilij prouincialis. *ibid. punct. 14. pag. 301. tom. 3.*

39. Religiosi non seruantes interdictum latum in totam prouinciam, seu regnum, quod vident non seruari à cathedrali, licet seruetur à metropolitana, non subiacent excommunicationi. Secus autem si videant illud seruari à cathedrali, non verò à parochiali loci, intra cuius ambitum ipsorum monasterium continetur. *ibid. pag. 302. num. 6. & 7. tom. 3.*

40. Item non incurrunt hanc excommunicationem non seruantes interdictum locale, latum contra aliquod oppidum, in quo monasterium existit; si in eo non reperitur Ecclesia cathedralis, vel parochialis, sed in alio oppido proximo nō interdicto. Idem dicendum quando interdictum est oppidum, in quo non est Ecclesia cathedralis, sed multæ parochiales, quare nulla principalior est; sed in singulis sacramenta suis parochianis administrantur; nisi omnes illæ parochiales seruent interdictum, tunc enim religiosi tenentur sub excommunicatione illud etiam seruare. *ibid. num. 7.*

41. Religiosis non profunt priuilegia celebrandi, & laicos ad diuina admittendi, si hæc concessa fuerunt ante Clementinam ex frequentibus citatam; quia per illam reuocantur omnia priuilegia: Quæ verò post illam Clementinam concessa sunt, non videntur à Concil. Trident. reuocata. *ibid. num. 10. & 11.*

42. Ad sedandas discordias inter religiosos mendicantes, & Ecclesiarum parochialium rectores, præsertim in Germania, Sixtus IV. ex Extrauag. 2. de treug. & pace, excommunicationem tulit contra religiosos mendicantes, & Parochos, non seruantes pacem inter se initam. *ibid. pag. 303. punct. 15. num. 1. tom. 3.*

43. Hæc excommunicatio est Papæ reseruata, nisi post debitam satisfactionem præstitam parti læsæ, & expressum illius consensum. *ibid. num. 4.*

44. In Clementina *ne in agro*, fertur excommunicatio contra monachos tenentes arma intra septa monasterij sine Abbatum suorum licentia: Ligna autem, & lapides non sunt arma, cum non sint instituta ad vsum bellicum; quare monachus, ea in cubiculo suo tenens etiam animo aliquem offendendi, non subiicitur huic excommunicationi, quia in materia pœnali non est facienda extensio. *ibid. punct. 15. pag. 303. tom. 3.*

45. Religiosus qui arma in monasterio tenet ad necessariam sui defensionem, non subiicitur huic censuræ; quia retinet ex iusta causa, nec dicitur præsumere. *pag. 304.*

46. Sub hac censura non comprehenduntur canonici regulares, aut alij religiosi, qui monachi non sunt; quia ibi sermo est de monachis tantum. *ibid. num. 6.*

*Contra Religiosos excommunicationes
Papæ reseruata.*

47. Martinus V. in Extrauag. *viam ambitiosa. de regular. & transeunt. ad relig.* excommunicationem tulit contra religiosos mendicantes transeuntes ad religionem non mendicantium absque speciali Summi Pontif. licentia excepto Carthusianorum ordine. *disp. 2. quest. 9. punct. 1. pag. 304. num. 1. tom. 3.*

48. Non sufficit licentia Prælati religionis, quam religiosus mendicans deferere intendit, vt transeat ad non mendicantes, sed requiritur licentia expressa, & specialis Summi Pontif. Excepto Præposito Generali Societatis I. B. S. V., cui specialiter concessum fuit vt facultatem concedere possit suis religiosis, etiam solemniter professis, transeundi ad alias quauibet religiones, quod priuilegium fuit huic Societati incommunicabiliter concessum. *ibid. num. 5. & 6.*

49. Religiosus ordinis mendicantium à religione in perpetuum eiectus potest absque speciali Summi Pontif. licentia, ad quemlibet ordinem monasticum transire; quia hæc constitutio edita fuit ad conseruationem ordinum mendicantium; in hoc autem casu ordo nullum patitur detrimentum; neque enim vult repetere religiosum, quem in perpetuum eiecit. Secùs dicendum, si tantùm ad tempus eiectus fuit. *ibid. p. 305. n. 9. tom. 3.*

50. Pius V. occasione nefandi sceleris attentati à Farina religioso Ordinis Humiliatorum contra S. Carolum Boromæum quem sclopo voluit occidere; excommunicationem tulit contra professos Ordinis Humiliatorum admittentes aliquem ad habitum, vel professionem sui ordinis, vnde factum vt ille ordo paulatim extinctus fuerit. *ibid. punct. 1. n. 1.*

51. Ab eodem Pio V. in Bulla quæ incipit, *Æquum reputamus*, lata est excommunicatio contra religiosos cuiuscunque ordinis admittentes religiosos Societatis I E S V sine licentia sui Superioris, exceptis Carthusianis, & contra ipsos eiusdem Societatis religiosos sine sui superioris facultate ingredienti aliam religionem quàm Carthusianam, & contra dantes auxilium, &c. *ibid. n. 2.*

52. Iulius II. in Bulla quæ incipit, *virtute conspicuos*, excommunicationi subiicit claustrales recipientes Minimos sine licentia Summi Pontificis: *ibid. n. 3.*

53. Clemens, teste S. Antonino, excommunicationem tulit contra Minores recipientes fratres ordinis Prædicatorum, volentes ad ipsos transire sine expressa licentia Summi Pontif. vel suorum superiorum. Ipsi tamen transeuntes hac excommunicatione non ligantur. *ibid. n. 4.*

54. Paulus III. in Bulla *Cum sicut*, anathemate obstringit Minimos, qui se ab obedientia Correctorum subtrahunt. *ibid. num. 5.*

55. Leo X. in Bulla, *Licet alias*, excommunicat Tertiarios Eremitas deferentes habitum Minimorum. *ibid. n. 6.*

56. Refert S. Antoninus. 3. *part. tit. 24. cap. 7.* excommunicationem latam contra detinentes in suis monasteriis Apostatas ordinis Prædicatorum. *ibid. punct. 3. p. 305. tom. 3.*

57. Apostata à religione, ex vi iuris communis, ob apostasiam præcisè non est excommunicatus; quia ista excommunicatio nusquam reperitur; tamen ex peculiari priuilegio in nonnullis religionibus apostatæ sunt excommunicati, vt patet ex priuilegio Societati I E S V concessio à Gregorio XIII. in Bulla 89. quæ incipit, *Ascendente Domino*, vbi religiosi à Societate deficientes excommunicantur ipso facto, & apostatarum poenis subiiciuntur

subiiciuntur absolutio autem ab hac excommunicatione reservata est Summo Pontifici, aut Præposito generali eiusdem Societatis. *ibid. n. 3.*

58. Pius V. in Bulla. 118. quæ incipit, *Pastoralis officij*, excommunicationem tulit contra Fratres Minores de Observantia subornantes pro se, vel pro alio in electionibus, aut procurantes favorem extra religionem ad officium in religione obtinendum. *ibid. p. 306 punct. 4. n. 1. tom. 3.*

59. Hæc excommunicatio ex vi constitutionis Pij V. est Summo Pontifici reservata; tamen Gregor. XIII. indulgit, ut tam Minister, quam Commissarius generalis possint absolvere, quando de ipsis non agitur. *ibid. n. 4.*

60. In Clementina, *Religiosi, de privileg. & excess. privileg.* extat generalis prohibitio, & excommunicatio contra religiosos absolventes ab excommunicationibus reservatis, aut à pœna, & culpa, aut extremam vñctionem, vel Eucharistiam ministrantes, aut matrimonia solemnizantes sine Parochi licentia. *ibid. punct. 5. pag. 306. n. 1. tom. 3.*

61. Ad hanc excommunicationem vitandam sufficit licentia generalis data Parochiano, ut possit Sacramenta suscipere à quolibet religioso; vel data ipsi religioso, ut possit cuilibet Sacramenta ministrare; hæc autem licentia à Parocho est obtinenda, aut ab eius Vicario. *ibid. pag. 307. n. 5. tom. 3.*

62. Religiosus conferens extremam vñctionem, vel Eucharistiam aliis religiosis, etiam alterius religionis, in hanc censuram non incidit: quia religiosi prohibentur tantum hæc sacramenta ministrare clericis, vel laicis. *ibid. n. 12. De sacramentis autem Baptismi, & Pœnitentiæ nulla est prohibitio. n. 11.*

63. Religiosus sine licentia Parochi absolvens ab excommunicatione lata ab homine in hanc censuram non incurrit; quia prohibita est tantum absolutio ab excommunicatione lata, à iure communi, vel ab excommunicationibus latis, & reservatis per statuta provincialia, aut synodalia. *ibid. p. 308 n. 17. tom. 3.*

64. Religiosus absolvens ab aliis censuris, quam ab excommunicatione non subiaceat huic excommunicationi; quia in textu nulla fit mentio de suspensione, & inter dicto, sed de excommunicatione tantum. *ibid. n. 18.*

65. Absolvens ab excommunicationibus non reservatis, aut absolvens à peccatis, non autem ab excommunicatione, in hanc censuram non incidit. *ibid. n. 21. & 22.*

66. Religiosus concedens indulgentiam plenariam, seu ab omni pœna, subiicitur huic excommunicationi, etiamsi non absolvat sacramentaliter à culpa, absolvere enim à culpa, & non à pœna,

non est absolueré sacramentaliter à culpa, sed conferre indulgentiam plenariam, quæ supponit culpam remissam per sacramentum penitentiae in re, vel in voto. *ibid. num. 14.*

67. Nouitius sine licentia faciens præfatas actiones sub excommunicatione prohibitas non incurrit hanc excommunicationem; quia non est religiosus; in pœnalibus enim, & odiosis non est faciendâ extensio. *ibid. pag. 109. num. 18.*

68. Clemens V. ad tollendas nonnullorum querimonias, qui ægrè ferebant Tertiarios S. Francisci tempore interdicti admitti à fratribus Minoribus in suas Ecclesias ad diuina officia audienda aliis exclusis, iniunxit sub excommunicatione iisdem fratribus Minoribus ne in posterum præfatos fratres Tertiarios, vel sorores tempore interdicti ad diuina admittant. *ib. punct. 6. n. 1.*

69. Paulus V. in Bulla 26. quæ incipit, *Romanus Pontifex*, statuit ut religiosi hæretici, vel de hæresi suspecti denuncientur Inquisitoribus, simulque excommunicationem infligit superioribus ordinum religiosorum, si huiusmodi denunciationem impediunt, aut nisi ipsi denuncient. *ibid. punct. 7. pag. 310. n. 1.* Hinc sequitur religiosum inferiorem non affici hac censura non denunciando; quia lata est solum contra superiores. *num. 6.*

70. Ioannes XXI. cum intellexisset nonnullos religiosos se transferre ad partes transmarinas, in quibus pauci fideles reperiébantur, ut eos deciperent, & in errorem inducerent, sub excommunicatione interdixit in Extrauag. *Ad nostrum*, ne ulli religiosi accedant ad hæc loca sine licentia sui superioris, & ne superiores hanc facultatem concedere audeant quibusvis fratribus sui ordinis, sed tantum fratribus scientia, prudentia, & experientiae usu præditis. *ibid. punct. 8. num. 1.*

71. Religiosus transferens se ad partes transmarinas, sine licentia, absque animo inducendi aliquem in errorem, & sine scandalipericulo, hanc censuram non euadit: quia licet Summus Pontif. ob huiusmodi periculum inductus fuerit ad faciendam hanc constitutionem; nihilominus in sua constitutione generaliter loquitur. *ibid. pag. 311. num. 9. tom. 3.*

Religiosorum mendicantium exemptio ab oneribus.

72. Pius V. in Bulla *Dum ad uberes*, eximit ordines mendicantes vtriusque sexus à quibuslibet gabellis, oneribus, & contributionibus quauis ex causa impositis, vel imponendis, additque excommunicationem latæ sententiæ contra violantes hanc exemptionem. *disp. 2. quest. 10. punct. 2. pag. 312. num. 1. tom. 2.*

73. Hæc autem exemptio in hoc consistit, ut ipsi monachi,

chi, moniales, & aliæ personæ regulares, nec non ipsorum bona mobilia, vel immobilia, item ipsorum laboratores, coloni, locatarii, affectuarii, negotiorum gestores, immunes sint à qualibet collecta, contributione, tributo, gabelis, aliisque oneribus, seu ordinariis, seu extraordinariis. *ibid. num. 3.*

74. Gubernatores, & rectores locorum non prohibentes fieri contra istam constitutionem, in hanc censuram non incidunt; quia excommunicatio lata in facientes non afficit omittentes, seu non impediētes. *ibid. num. 5.*

Religiosorum suspensiones.

75. Religiosi non ligantur suspensionibus, vel interdictis contra clericos latis; quia religiosi, iuxta communem loquendi modum, non vocantur clerici, distinguuntur enim tres ordines, clericorum, religiosorum, & laicorum. Ad hæc clerici non sunt obnoxij pœnis contra religiosos latis: ergo neque religiosi subiiciuntur pœnis clericorum. Secus dicendum de suspensionibus generaliter latis: tunc enim omnes comprehenduntur, nisi peculiari privilegio eximantur. *disp. 3. quæst. 8. pag. 379. num. 1. tom. 3.*

76. Religiosus ante professionem sacros Ordines suscipiens suspenditur ab illorum executione. Idem dicendum de religioso inualidè professo. *ibid. punct. 1.*

77. Abbates, & alij quicunque superiores religionum concedentes dimissorias aliis, quàm religiosi sibi subditis suspensionem per annum ipso facto incurrunt ab officio, & beneficio. Abbas verò conferens ordines, vel tonsuram clerico seculari, seu religioso sibi non subdito, incurrit suspensionem à collatione ordinum per annum. *ibid. punct. 3.*

78. Religiosi mendicantes admittentes aliquem ad professionem nondum expleto probationis anno, incurrunt suspensionem, & excommunicationem comminatoriam latam ab Alexandro IV. in cap. *non solum, de regul. in disp. 3. quæst. 8. punct. 5. pag. 380. tom. 3.*

79. In Clementina 1. *de rebus Eccles. non alienand.* lata est suspensio ab officio ordinis, & iurisdictionis contra Prælatos religiosos præsidentes monasteriis, Prioratibus, Ecclesiis, vel administrationibus, si iura, redditus, aut possessiones alicui concedant, nisi aliud exigat necessitas, vel utilitas monasterij, seu Ecclesiæ, cum consensu conventus. *ibid. punct. 7. pag. 381. tom. 3.*

80. Sub hac censura non comprehenduntur locationes prædiorum, & fructuum ad breue tempus; ut si locetur prædium ad triennium pro consueta pensione, aut colono partiario, ut dimi-

diam, vel certam fructuum partē tradat; sic enim habetur in eadem Clement. *ibid. p. 382. n. 4.* Absolutio ab hac suspensione conferri potest ab Episcopo, quia non est reservata. *ibid. n. 9.*

81. Religiosi qui solutionem decimarum Ecclesiis debitaram impediunt, vel eas sine rationabili causa, aut privilegio sibi usurpate præsumunt, si requisiti ab illis quorum interest, non desistant intra mensem, vel usurpata, intra duos menses non restituant, incurrunt suspensionem ab officiis, administrationibus, & beneficiis suis donec destiterint, & satisfecerint. Sin hi religiosi nec officia, nec administrationes, nec beneficia habeant, incurrunt excommunicationem à qua absolvi non possunt quin satisfecerint. *Clement. 1. de decimis. ibid. punct. 8.*

82. In Clementina *cupientes, de poenis*, lata est suspensio ab officio prædicandi contra religiosos non admonentes poenitentes de onere soluendi decimas postquam à rectoribus Ecclesiarum requisiti fuerunt ut ad moneant. Excipiuntur tamen rectores Ecclesiarum, & religiosi monasteriorum percipientium decimas. Porro religiosi, qui hac censura obstricti, nihilominus concionantur, excommunicationem incurrunt. Absolutio ab hac suspensione utpote ad tempus lata, reservata est Papæ. *ibid. punct. 5. pag. 383. tom. 3.*

83. In Clement. 1. §. *quibus*, lata est suspensio contra Prælatos religiosorum non satisfaciētes intra mensem partibus læsis occasione excessuum à suis religiosis commissorum, postquam super hoc fuerint requisiti; si tamen ex illis excessibus aliquid commodi perceperunt. Ista suspensio summouet ab officio, & beneficio, estque Papæ reservata ante satisfactionem; præstita verò satisfactione cessat. *ibid. punct. 10.*

84. In cap. *hi qui distinct. 50.* apostata à religione prohibentur ad clericatus officium admitti, & in cap. *consultationi, de apostatis*, decernitur ut monachus, qui aliquem sacrum ordinem in apostasia susceperit, quantumlibet suo fuerit reconciliatus Abbat, non possit absque dispensatione Romani Pontificis, ordinem sic susceptum exercere. *ibid. punct. 11. p. 384. tom. 3.*

85. Apostata à religione qui tempore apostasie sacrum ordinem suscepit, non potest post apostasiam ad superiorem ordinem ascendere absque dispensatione; quia suspensus ab executione inferioris ordinis, suspensus etiam est ab executione superioris, atque adeo à susceptione; nam ordines non suscipiuntur, nisi ut exercentur. *ibid. n. 9.*

86. Religiosus à religione eiectus suspensus est ab exercitio ordinum; nam ita sancitum est à sacra Cardinalium Congregatione; si iterum admittatur, vel ad aliam religionem transeat, eximitur

eximitur ab hac censura, quia hæc suspensio lata est contra religiosos degentes extra religionem. Hinc sequitur huiusmodi religiosum incidere in irregularitatem functiones sacrorum ordinum exercendo, quia violat suspensionem. Absolutio ab hac suspensione est Summo Pontifici reservata. *ibid. punct. 12. p. 385. tom. 3.*

87. In Clementina. 1. §. *si quis, de statu monach.* lata est suspensio contra monachos nigros non vestientes habitu, & vestitu præscripto. Monachi autem nigri vocantur *Benedictini*, qui utrumque habitum superiorem, & inferiorem nigrum gestant. Hæc suspensio non omnes eodem modo afficit, nam si delinquens sit Abbas, aut Prior non habens Abbatem, suspenditur per annum à collatione beneficiorum; si verò sit inferior habens aliquam administrationem, ea ipsa priuatur per annum, si nullam habet, redditur inhabilis ad administrationem, & Ecclesiasticum beneficium obtinendum. *ibid. punct. 14.*

88. In Clementina. 1. §. *si quis, de statu monach.* lata est suspensio contra monachos nigros, qui venationi, aut aucupationi clamorose, aut cum canibus, vel auibus ex proposito interfunt; unde sequitur eum non obstringi hac suspensione, qui ex occasione interest venationi, aut qui exercet venationem sine auibus, aut canibus, sed cum retibus, & laqueis, cum decentia, & honestate. Porro hæc suspensio eisdem habet effectus, quos superior, nisi quod durat per biennium. *ibid. p. 386. punct. 15. tom. 3.*

Religiosorum clausura.

89. Religiosi ad clausuram perpetuam non obligantur, nullo enim iure illis fuit indicta. Ad aliquam tamen clausuram tenentur quatenus sine superioris licentia, è claustro exire non possunt. Sin exeant, venialiter tantum peccat, regulariter loquendo; quia regulæ non obligant sub mortali. Fieri tamen potest ut mortaliter peccent ratione alicuius circumstantiæ; ut si quis claustro egrediatur, ut extra illud diu, & quasi stabili modo viuat, aut si noctu furtiuè egrediatur; egressus enim nocturnus & furtiuus est casus reservatus. *tom. 1. p. 600. n. 1. & 2.*

90. Non potest religiosus absque licentia Papæ, habitum dimittere, ut commodius parentum necessitati consulat; quia solus Pontifex in sacris canonibus & in iure communi dispensat; iure autem communi sancitum est, ut religiosus habitum sui ordinis non dimittat. *ibid. n. 5.*

An liceat ab una religione ad aliam transire?

91. Licet à laxiori ad astrictiorem religionem transire, nisi aliud

aliud obstat: cuiuslibet enim, iure naturæ, competit ius perfectioris vitæ capeſſendæ. Si tamen ex illo tranſitu graue ſequatur ſcandalum, ſeu notabilem famæ iacturam religio patiatur, non licebit religioſo aliam religionem capeſſere. *tom. 1. pag. 612. n. 1.*

92. Episcopuſ regulariſ non poteſt abſque licentia Summi Pontificiſ ad ſtrictiorem religionem tranſire. Episcopuſ autē qui renunciato de licentia Papæ Episcopatu, non vult ad priorem religionem redire, videtur poſſe ad laxiorem tranſire: hæc enim ſecunda religio, licet non ſit arctior reſpectu prioris, eſt tamen arctior reſpectu ſtatuſ Episcopaliſ; conſequenter tranſituſ ad laxiorem ei licituſ videtur obſenta priuſ à Summo Pontif. facultate. *tom. 1. pag. 613. num. 7. & 8.*

93. Tranſiens ab vna religione ad aliam, tenetur nouum peragere nouitiatum: qui enim profeſſionem in aliqua religione factuſ eſt, debet illiuſ onera experiri, tum vt ipſe cognoſcat an religio ſibi placeat, tum vt ipſa religio illum probeſt, num ſit idoneuſ. *ibid. num. 10.*

94. Volens ad arctiorem religionem tranſire, debet petere facultatem, ſub peccato mort. omittens enim petere licentiã præſumitur contemnere bonum obedientiæ, & vtramque religionem magniſ litibus, & ſcandalis exponit. Debet autem cauſam tranſeundi patefacere ſuperiori: quia ſuperior tenetur licentiã concedere; non poteſt autem eam concedere niſi cognitã cauſã. Neque debet ſuperior alteriuſ religioniſ ſubditum in ſuam admittere, niſi conſtet ipſum facultatem petiſſe; at ſi conſtet licentiã fuiſſe iniquè denegatã, poteſt ſine licentia admitti. *tom. 1. pag. 614. num. 1. 2. & 3.*

95. Dum quiſ ad aliam religionem tranſit non petitiã licentiã, aut petita, ſed non obtentiã, nihilominuſ valida eſt profeſſio, ſi in arctiori religione fiat; conſequenter non poteſt religioſuſ poſt dictã profeſſionem, à prima religione repeti; vel ad eam ſponte redire: quia profeſſio ſic facta non irritatur à iure. Secuſ dicendum ſi religio à qua hic tranſit priuilegiuſ habeat irritans profeſſionem ita factã. *tom. 1. pag. 615. num. 7.*

96. Sufficit vt qui ad arctiorem religionem tranſituruſ eſt, licentiã petat ab immediato ſuperiore monaſterij: nam in cap. *licet. de regularibus*, habetur, licentiã à Prælato petendam eſſe ſuperior autem immediatuſ eſt verè Prælatuſ, igitur non requiritur licentia conuentuſ. *ibid. num. 9. & 10.*

97. Religioſuſ iuſta de cauſa tranſituruſ ad religionē æqualem, debet licentiã obtinere à Generali, de conſenſu Capituli generalis. ſeu præcipuorum Patrum: immò probabile eſt Prouincialem poſſe hanc facultatem cōcedere, niſi religioniſ conſtitutioneſ

triones illud ferant. Videretur etiam probabile Episcopum iusta de causa posse hanc facultatem concedere religioso non exempto, sibi subdito *ibid. num. 12.*

98. Quando religiosus ad ordinem laxiorem transire intendit, non potest hanc facultatem obtinere à Prouinciali, aut Generali, si Papa commodè adiri possit: quia Concil. Trid. *sess. 25. cap. 9.* generaliter prohibet quemquam transire ad laxiorem religionem, vigore cuiuscumque facultatis. Generali tamen Societatis I. E. S. V. peculiare priuilegium à Paulo III. & Gregorio XIII. concessum fuit, vt suis religiosis etiam solemniter professis possit facere potestatem transeundi ad aliam quamlibet religionem. Hæc tamen licentia non extenditur ad religionem Equitum militarium. *tom. 1. pag. 616. num. 13. & 15.*

99. Translatus ab vna religione ad aliam, debet in Capitulo federe iuxta tempus professionis emissæ in secunda religione: quia ex tunc cœpit esse religiosus illius religionis. Si tamen transiit ad eam religionem, vt esset superior illius, finito, vel abdicato officio, sedebit post Prælatum in memoriam gradus, & honoris, quem gessit, nisi adsint alij, ratione maioris honoris præferendi. *tom. 1. pag. 618. num. 1. & 2.*

100. Qui ad aliam religionem transiuerat, necdum in ea professus fuerat, si redeat ad priorem, est admittendus, quia adhuc est subditus illi religioni. Si verò redeat ad priorem religionem, postquam in secunda validè professus fuit, prima religio non tenetur illum admittere, quia iam factus est membrum alterius religionis. *ibid. num. 3.*

101. Quando religiosus transit ab vna religione ad aliam, bona quæ prius monasterium acquisiuerat ratione illius religionis, non transferuntur ad posterius, sed remanet apud prius. quia bona illa fuerunt absolutè acquisita priori monasterio. Quare hic religiosus nihil potest secum deferre, nisi facta sibi à priori Prælato, vel à Summo Pontifice potestate. *tom. 1. pag. 619. num. 2. & 5.*

102. Hæreditas quæ competit religioso ad aliam religionem transeunti, pertinet ad prius monasterium, si hæreditas delata fuit antequam religiosus professionem emitteret in secunda religione, etiamsi hæreditas tunc temporis adita non fuerit: quia delata fuit cùm adhuc hic esset subditus prioris religionis. *tom. 1. pag. 620. num. 7.*

103. Si religiosus transeat à religione bonorum incapaci, seu etiam capaci ad aliam capacem, bona quæ in secunda religione acquisit, ad ipsam pertinent iuxta illud vulgatum: *Quidquid monachus acquirit, monasterio acquirit.* Neque obstat incapacitas, quam

quam contraxerat in prima religione, illa enim sublata fuit.
tom. 1. pag. 621. n. 20.

104. Omnes religiosi transeuntes ad aliam religionem sunt incapaces quorumcumque beneficiorum sæcularium, etiam curatorum; sic enim expresse decernitur à Concil. Trid. sess. 14. cap. 13. *tom. 1. pag. 622. n. 1.*

105. Mendicantes transeuntes ad non mendicantes etiam cum facultate Pontificis. 1. priuantur voce actiua, & passiva in Capitulo. 2. priuantur loco quoad honores in electionibus & ractatibus, non verò quoad onera, in Capitulo, non autem in choro, & aliis congregationibus. 3. inhabiles sunt ad prælaturas, administrationes, & quælibet officia, etiam tanquam Vicarii, vel locum aliorum tenentes, nec animarum curam suscipere possunt. Sic habetur in Clement. 1. *ut professores, de regul. ibid. num. 2. & 3.*

De inualida professione.

106. Religiosus inualidè professus non tenetur ex vi professionis regulam, aut vota seruare. Vnde sequitur illum non esse apostatam, fugiendo, neque teneri; voto obedientiæ, paupertatis, & castitatis, consequenter posse matrimonium validè, & licitè, præciso scandalo contrahere. Tenetur autem reclamare, si quinquennium nondum elapsum est, aut certè professionem ratificare: quia non reclamando, & professionem non ratificando, facit iniuriam religioni, cum percipiat alimenta, & alia commoda in vtilitatem professorum instituta. At quinquennio elapso cum iam reclamare non liceat, tenetur inualidè professus ratificare suam professionem, saltem quando professio irrita fuit ob ipsius culpam. Quia fugiendo, notam infamiæ incurrit, & scandalum præbet; manendo verò in religione, non ratificata professione, se ipsum grauibas periculis exponit, nec leuius religioni damna infert; nam bonis religionis aletur, vota professorum feret, ad sacros ordines sine titulo promouebitur, &c. *to. 1. p. 625. num. 1. & 2.*

107. Ad validam professionis ratificationem requiritur nouus consensus, seu verbis, seu factis expressus, siue etiam solo actu interno, ex parte religiosi; non verò ex parte religionis; quia iam suum præstitit consensum. Quare in huiusmodi ratificatione nihil opus est iteratione caeremoniarum quæ adhiberi solent; quia non pertinet ad substantiam professionis. *ibid. num. 3. & 4.*

108. Probabile est religiosum qui professionem ratificauit, frui posse priuilegiis religionis, ac si ab initio validè professio-

nem emisisset, aliis religiosis ignorantibus nullitatem professionis: quia ratificatio est veluti quædam ratihabitio quæ retrotrahitur ad diem actionis quæ ratificatur. *tom. I. p. 626. n. 6.*

Causa reclamandi contra professionem.

109. Prima causa reclamandi est defectus legitimi consensus, sine quo professio est irrita: professio quippe est contractus mutus, quo religiosus religioni, & vicissim religio religioso se obligat: omnis autem contractus mutuo consensu perficitur. Quamquam fortè religiosus in foro externo non audietur, quia defectum consensus, qui est merè internus, probare non poterit. Hinc sequitur religiosum qui professionem, per vim, vel metum emisit, posse, defectu legitimi consensus, intra quinquennium reclamare: vis enim, & metus, efficiunt inuoluntarium mixtum. *ibid. n. 1. & 13.*

110. Secunda causa est defectus integri nouitatus. Concil. enim Trident. *sess. 25. cap. 15.* ad validam professionem, vnum integrum probationis annum requirit, inchoatum post pubertatem, id est; post 14. annum: debet autem hic annus esse continuus: non tamen interruptur per egressum ad breue tempus, animo statim redeundi; vt si nouitius causa conuiuij, aut fornicationis, vna nocte è monasterio discessit statim reuersurus, etiamsi habitum exuerit ne dignosceretur, vel vt commodius peccare posset. Secus dicendum, si duorum, vel trium dierum mora intercessit: tunc enim annus censetur interruptus. *tom. I. pag. 617. n. 1. & 3.*

111. Tertia reclamandi causa est defectus legitimæ ætatis: ætas autem legitima tam in viris quàm in fœminis ad emittendam professionem, est annus. 16. completus de momento ad momentum computandus. *tom. I. p. 628. n. 1. & 2.*

112. Quarta causa est defectus sui iuris, ita vt profitemi se tradere non possit: sic coniugatus inuita coniuge non potest validè emitte professionem nisi perpetui diuortij causam habeat, vt in casu adulterij. *ibid. n. 1. & 2.*

113. Quinta causa est defectus legitimi sexus, vt si fœmina in religione virorum, aut vir in religione monialium professionem emitat: est enim irrita hæc professio, defectu intentionis in superiore acceptante, qui errauit circa substantiam personæ. Hinc sequitur hermaphroditum in quo virilis sexus præualet, in monasterio monialium validè profiteri non posse. Sin vterque sexus sit æqualis, neque inter viros, neque inter moniales validè profiteri. *ibid. n. 1. & 2.*

114. Sexta causa reclamandi contra professionem, est defectus

fectus legitimi superiori illam receptantis : huiusmodi enim professio est irrita. Potestas autem acceptandi, seu admittendi, iurecommuni pertinet ad immediatum monasterij superiorem, vel ad alium ipso superiorem in officio, vt est Prouincialis, aut Generalis. At Episcopus non potest quemquam in monasteriis exemptis, propria auctoritate, ad professionem admittere. *tom. 1. pag. 629. n. 1. 2. & 4.*

115. Non licet reclamare contra professionem factam absque præuia informatione, & solemnitate à Sixto V. præscripta : quia Clemens VIII. Sixti Constitutionem reuocauit quoad irrationem professionis, non autem quoad pœnas contra superiores admittentes aliquem absque præuia informatione. *tom. 1. pag. 630. num. 11.*

116. Tres conditiones seruandæ sunt ab eo, qui reclamaturus est contra professionem. 1. est, vt ante reclamationem habitum non deponat, alioquin non est audiendus, sed tanquam apostata puniendus, vt decernitur in Concil. Tridentin. *sess. 25. cap. 19.* nisi iustam habeat habitus dimittendi causam. 2. vt causas nullitatis suæ professionis deducat coram suo superiori, vel ordinario. 3. vt reclamatio intra debitum tempus fiat. *ibid. n. 1. & seq.*

Quando sit reclamandum ?

117. A die professionis vsque ad quinquennium elapsum licet reclamare contra professionem : ultra quinquennium autem non prorogatur tempus reclamandi ; quare computandum est de momento ad momentum : Concilium enim Trident. *sess. 25. cap. 9.* vt tranquillitati, & paci religionis consulatur, non vult quempiam, ex quauis causa, post quinquennium audiri ; quia præsumit religiosum consensisse, & professionem ratificasse. Si tamen contiter aliquem laborare perpetuo impedimento irritante professionem, is elapso quinquennio, quouis tempore audiri potest : alioquin religio detrimentum pateretur, quia cogeretur retinere perpetuo inhabilem ; & mulier, quæ mentita sexum, professionem in monasterio virorum emisisset, cogeretur in eodem monasterio remanere, quod est absurdum. *ibid. nu. 1. & pag. 631. n. 3. & 7.*

118. Religiosus reclamans contra professionem validam, sciens validam, seu falsis testibus probans inuvalidam esse, & ob id deferens religionem, grauiter peccat, & pœnas apostatarum incurrit ; quia verè est apostata, cum exeat è religione absque licentia, animo ad illam non redeundi : quippe licentia per dolum, & mendacium obrepta, nulla est. *tom. 1. pag. 632. n. 1.*

119 Religiosus qui inuaidè professus, postea professionem expressè, vel tacitè non ratificauit, regulariter loquendo, non peccat mort. reclamando contra professionem: vitur enim iure suo, etiamsi sacros Ordines susceperit: nam ob illorum susceptio- nem non censetur professionem ratam habuisse. *ibid. n. 2.*

120. Religiosus inuaidè professus, sacros Ordines suscipiens, incurrit suspensionem; tum quia sine titulo, tum quia sine dimissoriis legitimi Prælati suscipit. *ibid. n. 4.*

Fœminas virorum monasteria ingredi nefas.

121. Omnes fœminæ postquam eam attigerunt ætatem quæ sufficit ad vsum rationis, religiosorum monasteria ingredi prohibentur; nisi fortè ingrediantur ex priuilegio, vel causa diuinis officij, vel grauis necessitatis, cui aliter cōmodè occurrì nequeat, vt patet ex motu Pij V. qui incipit. *Regularium personarum.* & ex motu Gregorij XIII. qui incipit. *Vbi gratia.* Fundatrices tamen ingredi possunt monasteria religiosorum habentium regulam qua fundatrices decenter committat ingredi permittuntur: quia superior non censetur velle statutis inferiorum derogare, nisi id exprimat, & Gregor. XIII. interrogatus an intenderet huic regulæ suo motu derogare, negatiuè respondit. Item Imperatrices, Reginae, ac ipsarum filiae eodem priuilegio frui possunt. *tom. 1. pag. 657. num. 1. 3. & 4.*

122. Fœminæ ingredientes monasteria virorum incurrunt excommunicationem Papæ reservatam. Item religiosi qui faciunt aut permittunt fœminas ingredi prætextu facultatum à Summo Pontif. vel ab alijs concessarum, incurrunt excommunicationem Papæ reservatam, necnon priuationem dignitatum, & beneficiorum, & inhabilitatē ad illa, & alia in posterum obtinenda. Alij verò religiosi qui fœminas in monasteria intromittere, vel admittere præsumunt, etiamsi fœminæ absque prætextu facultatum ingrediantur, incurrunt ipso facto suspensionē à diuinis. & præterea priuationem officiorum, & inhabilitatem ad illa, & alia in posterum obtinenda, vt patet ex iisdem motibus Gregor. XIII. & Pij V. supra citatis. Hæc autem excommunicatio est Summo Pontif. reservata. *tom. 1. pag. 658. n. 1. 2. & 3.*

123. Tribus de causis excusari possunt fœminæ religiosorum monasteria ingredientes. 1. ob priuilegium. 2. ob necessitatem. 3. ob diuinum officium intra septa monasterij celebrandum. De singulis obiter dicendum. *ibid.*

124. Priuilegio Summi Pontificis, post constitutiones Pij V. & Gregor. XII I. obrento, excusari possunt fœminæ virorum monasteria ingredientes: modò tamen ipsorum religiosorum statutis

statutis cautum non sit ne fœminæ ingrediantur, nève admittantur. Quibus autem ex priuilegio ingredi licet, possunt ingredi comitate honestis fœminis, iuxta decentiam sui status. *ibid.* & pag. 659. n. 2. & 3.

125. Fœminæ monasteria virorum ob instantem necessitatem ingredientes, à peccato & censura excusantur; vt si religiosus infirmus, iudicio medicorum, fœminæ lacte alendus sit, nec religiosus commodè possit extra monasterium transferri. Idem dicendum si monasterium eo in loco positum sit, vbi alius non inueniatur, præter fœminam, qui certo morborum generi mederi possit. *tom. 1. pag. 659. n. 4.*

126. Fœminæ ingredientes monasteria virorum, causa processione, Missæ, funeris, vel alterius diuini officij, vel etiã ad audiendam concionem, vel quando tantus est populi concursus, vt mulieres Ecclesiam commodè ingredi, aut egredi non possint, quàm per claustra, vel alia religiosorum loca, a culpa, & censura excusantur: sic enim Pius V. declarauit. Probabile tamen est fœminam quæ monasterium ingreditur, non vt diuinis intersit, sed curiositatis causa, vel ob malum finem, non excusari à peccato, & excommunicatione: mens enim Summi Pontificis est, vt fœminæ diuinorum causa ingredi possint. Porro religiosus qui processionem fieri iubet vt ea occasione mulieres monasterium ingrediantur, peccat quidem abusu potestatis, & dignus est poenas: non tamen videtur reus poenarum quas incurrant religiosi, fœminas in sua monasteria admittentes: quia tunc fœminæ ius habent ingrediendi. *ibid. num. 6. & seq. & pag. 660. n. 13. & 14.*

127. Probabile est fœminas, quæ licitè, & bono fine ingressæ sunt monasterium virorum, excusari posse ab excommunicatione, etiamsi postquam ingressæ sunt, ad vteriora monasterij loca progrediantur, aut diutius immorentur: licet enim peccent contra obligationem clausuræ, nihilominus non videntur incurrere excommunicationem, quia lata est contra fœminas illicitè ingredientess: fœmina autem iam ingressa, non dicitur ingredi, sed immorari, vel loca monasterij perlustrare. Opposita tamen sententia est valde probabilis. *ibid. n. 15. & 16.*

128. Clemens VIII. in Bulla 28. quæ incipit, *Religiosè*, vt votum paupertatis integrè seruetur, & religionum bonis consideretur, interdixit largitiones, seu donationes, omnibus, & singulis religiosi viriisque sexus, immò & Capitulis tam generalibus, quàm prouincialibus, nec non Congregationibus, & Conuentibus cuiuscumque Ordinis Societatis, aut instituti, sub poena 1. priuationis dignitatum, graduum, munerum, & officiorum 2. incapacitatis, & inhabilitatis ad illa, & alia in futurum obtinenda. 3.

da. 3. infamiae, & ignominiae perpetuae. 4. priuationis vocis acti-
uae, & passivae. 5. vt contra ipsum regularem tanquam furti, & si-
moniae reum, & agi & procedi possit. *tom. 1. pag. 740.*

129. Non peccat contra hanc constitutionem religiosus qui
volentem rem aliquam sibi, vel monasterio tradere, vel legare,
rogat vt eam tradat suo consanguineo, vel alteri: quia sic reli-
giosus non alienat rem vllam acquisitam, cum eam ipse non ac-
ceptauerit. Secus dicendum, si rem quam rogat alteri tradi, ipse
iam acceptauerat, tacite, vel expresse. *ibid. num. 4.*

130. Hi casus in Bulla Clement. VIII. excipiuntur in quibus
licet regularibus aliquid largiti. 1. est si fiat de licentia Capituli
generalis re mature discussa, omnibus approbantibus. 2. de lenio-
ribus poculentis, & esculentis, & de munusculis ad pietatem spe-
ctantibus; hæc enim de consensu superioris, & conuentus tradi
possunt. Idem dici potest de rebus medicinalibus, vt de terra si-
gillata, lapide bezoar, &c. 3. de pecuniis quæ in diuinum cul-
tum expenduntur, vt pro apparatu diei festi, pro ornando alta-
ri, &c. 4. de eleemosynis ad subleuandas veras pauperum necessi-
tates. 5. de hospitalitate, præsertim erga pauperes, & peregrinos,
seruata frugalitate, & paupertate religiosa, præsertim in ditioribus
hospitiis, excipiendis. *tom. 1. pag. 741. n. 7. & seq.*

131. Societatis IESV religiosi in hac Bulla comprehendun-
tur: sunt enim verè religiosi etiam si solum tria vota simplicia
emiserint: retinent enim dominium bonorum dependenter
à voluntate Superioris, ex peculiari Summi Pontif. facultate, vt
si à religione dimittantur, non careant bonis quibus se susten-
tent. Hæc de causa pensiones, vel beneficia non vacant per
emissionem trium votorum simplicium in Societate IESV:
vacant enim tantum per professionem. *tom. 1. pag. 742. n. 7.*

132. Episcopi religiosi non subiiciuntur huic constitutioni
quia largitiones non faciunt ex redditibus, aut bonis monasterij,
sed ex fructibus sui beneficii quorum liberam habet administratio-
nem. Non tamen testari possunt, vel disponere causâ mortis, ne
de bonis, quidæ patrimoniali. vel propria industria acquisitis, quia
quidquid acquirit Episcopus religiosus, suæ Ecclesiæ acquirit, &
solum liberam habet administrationem inter viuos. *ibid. n. 9. & 10.*

133. Accipiens aliquid à religioso, vel moniali extra casus
supra recensitos, tenetur ad restitutionem rei acceptæ, nec absol-
ui potest ante factam restitutionem, modò satisfacere possit abs-
que graui incommodo. Est autem restitutio facienda in eo loco
in quo degit religiosus, qui rem illam dedit, aut alteri loco de
cuius bonis res data fuit. *tom. 1. pag. 743. n. 1. & seq.*

134. Ad contrahendam lethalem culpam contra votum

paupertatis ea quantitas requiritur, & sufficit quæ ex se, præcis aliis circumstantiis, sufficit ad peccatum mortale furti. Ea autem quantitas non est spectanda penes ipsum religiosum, præcis; sed potius penes monasterium cuius bona vsurpantur. Quantitas porro necessaria ad pœnas Bullæ incurrendas, attendenda videtur iuxta praxim iudiciorum, & tribunalium, in quibus graues pœnæ imponi non consueverunt ob quantitatem quæ duos, tresve aureos non excedat. nisi aliter sancitum sit à legitimo superiore. *tom. i. p. 744. n. 4. & seq.*

135. Prælatus religionis non solum potest eleemosynas facere de bonis conventus, verum etiam alias donationes, pro ratione administrationis, ex causa quam vir prudens sufficientem iudicaverit: est enim bonorum religionis administrator, & dispensator: seruanda tamen est forma, & taxa, quæ præscripta fuit à legitimo superiore cui Prælatus tenetur obedire. At in ludum illicitum, aut in res ludicras, & superfluas non potest Prælatus religionis quidquam expendere: quia bonorum monasterij non est dominus, sed administrator. *tom. i. p. 746. n. 1. & seq.*

136. Religiosus subditus non potest vllas eleemosynas, vel donationes facere absque licentia superioris: quia non habet bonorum administrationem, & paupertatis voto obstringitur. Hæc autem licentia, præcis Clementis VIII. constitutione concedi potest, non solum à Generali, aut Provinciali, sed etiam ab immediato monasterij superiore. Idem dicendum de Abbatissis respectu suarum monialium, modò ipsarum facultas restricta, & limitata non fuerit constitutionibus religionis, aut præcepto Prælati superioris. *ibid. n. 5. & seq.*

137. Religiosus in claustris, vel extra claustrum viuens, cui certa quantitas datur ad suam sustentationem, hoc pacto vt monasterium non teneatur amplius quidquam ei tribuere, sed eam suo commodo, aut damno impendat, absque obligatione reddendi rationem, potest in eleemosynas, & alios honestos vsus expendere id quod de ea quantitate subtrahit, parçè viuendo, aut quod occasione illius peculij acquirit: in hoc enim casu adest tacita licentia superioris. Idem esto iudicium de religiosis extra monasterium cum licentia degentibus; scilicet pro proprio labore, & industria sustentantibus. *tom. i. p. 747. n. 18.*

138. Religiosus qui à monasterio sustentatur in studiis, vel alibi negotiorum causa, aut peregrinationis, non solum potest moderatas eleemosynas facere; sed etiam moderatam quantitatem, causa honestæ recreationis, seu ludi expendere: Prælatus enim censetur tacitè consentire, modò ludus sit licitus, & honestus. *ibid. n. 19.*

139. Excusatur à mortali religiosus accipiens, vel expendens aliquid ex tacita voluntate superioris, qui licentiam concederet, si peteretur, quamvis ei displiceat modus accipiendi, vel expendendi: superior enim non est inuitus quoad substantiam, sed quo ad modum tantum; modò id accipitur ad eum usum ad quem superior licentiam concederet: nam si ad alium usum accipiat, religiosus à mortali non excusatur. *tom. 1. pag. 748. num. 22.*

140. Qui aliquid accipit à religioso non habente tacitam, vel expressam dandi facultatem, tenetur ad restitutionem, si res extet; sin minus non tenetur ad restitutionem nisi quatenus factus est locupletior; nisi monasterium, vel eius superior, iusta de causa condonet restitutionem. *tom. 1. pag. 749. num. 29.*

141. Religiosus qui monasterio aliquid debebat ante religionis ingressum, non eximitur à debito per professionem factam in religione: quia oblatio personæ per professionem, non est satisfactio realis, & pecuniaria: non tamen potest pro eo debito conueniri. Quando verò religiosus are alieno grauatus admittitur ad professionem, professio non tollit iura creditorum; consequenter quidquid arte, industria, hæreditate, vel donatione acquirit, non monasterio, sed creditoribus acquirit: consequenter monasterium tenetur creditoribus satisfacere. Item si religiosus, ante professionem aliquid ex suis bonis ad pias causas disposuit, monasterium non potest hanc dispositionem mutare, cum illa dispositio facta fuerit tempore habili, sitque valida. *ibid. n. 35.*

Religiosus Apostata.

142. Dicitur is religiosus apostata qui à vero ordine religioso discedit, animo deferendi statum religiosum, seu non redeundi ad religionem, siue sine habitu, siue cum habitu discesserit. Noctius autem deferens religionem, non censetur apostata, quia non deserit statum religiosum quem nondum professus fuerat per trium votorum emissionem. *tom. 1. pag. 32. n. 1. & seq.*

143. Qui transit ad alium ordinem religiosum etiam laxiorem, non est propriè dicendus apostata; quia statum religiosum planè non deserit. *ibid. n. 4.*

144. Fugitiuus differt ab apostata; is enim dicitur fugitiuus, qui à monasterio discedit ad tempus, cum intentione redeundi, vt si fugiat ob rigorem Prælati, vel studio vacandi, & discurrendi, vel alia simili de causa, siue cum habitu, siue illo abiecto, siue se propriat è carcere cui erat in perpetuum mancipatus; is enim censetur fugitiuus qui sine licentia Prælati deserit monasterium. At si fugiat è turremibus, aut si confugiat ad superiorem absque

immediati Prælati facultate; ut se iniquæ vexationi subducatur, non est censendus fugitiuus. *ibid. n. 5. & seq.*

145. Superiores religionum, per se loquendo, tenentur fugitiuos, & apostatas, aut etiam eiectos, si spes sit melioris frugis, data opportunitate reuocare; debent enim ex officio curam gerere salutaris subditorum; alioquin incidunt in pœnas in decieto sacræ Congregationis expressas, suntque officio priuandi. *ibid. pag. 633. n. 1. & 2.*

146. Apostata, & fugitiuus à religione à suo Prælato ubique capi potest, etiam extra suum monasterium, & territorium: & si habitu dimisso apostata prætendat irritam fuisse professionem suam, non gaudet priuilegiis religionis; secus autem si cum habitu discessit: tunc enim adhuc gaudet priuilegiis toti ordini religioso concessis, cum nullum ius extet in contrarium. *ibid. pag. 634. n. 1. & seq.*

147. Apostata, seu fugitiuo nulla debentur alimenta, quæ alioquin religio ei præbuerit: nam quemadmodum pater non tenetur alere filium sua culpa discedentem, ita neque religio tenetur alere religiosum à religione fugientem. *ibid. n. 4.*

148. Apostata, peracta pœnitentia, eligi potest in superiorem nisi aliud obstat, aut nisi constitutiones; & priuilegia religionum aliud ferant. *ibid. n. 6.*

149. Qui detinet apostatam non videtur reus excommunicationis, in genere loquendo, nisi admonitas ab Ordinario loci eum dimittere nolit; quia Paulus I V. in Bulla 14. quæ incipit, *Postquam diuina bonitas*, excommunicat omnes cuiuscunque gradus, & conditionis homines qui recipiunt apostatas, si admoniti ab Ordinario non desistunt. *tom. 1. p. 636. n. 1.*

Religiosorum eiectio,

150. Religiosus absque iusta causa expelli non potest à religione: quia sicut religio ius in ipsum per professionem acquisiuit, ita ipse ius acquisiuit, ut à religione alatur, & sustentetur. Quapropter superior religiosum absque legitima causa expellens, grauiter peccat, & tenetur ad restitutionem damni quod religiosus eiectus patitur; potestque hic religiosus religionem cogere ut iterum se admittat, aut alatur, *ibid. p. 637. n. 1.*

151. Potest religiosus, iusta concurrente causa, ob religionis utilitatem, à monasterio expelli. Quia vulnera quæ remedium non admittunt, abscondi possunt, & bonum priuatum publico posthabendum est. *ibid. n. 4.*

152. Iusta causa expellendi religiosum à monasterio est incorrigibilitas. Ut autem quis incorrigibilis censatur, non satis est

est, vt in iisdem, aut etiam grauioribus delictis perseueret; sed præterea opus est vt vno anno in carcere probetur ieiunio, & pœnitentia; sin post eiusmodi probationem non resipuerit, incorrigibilis habeatur. *ibid. pag. 637. n. 6.*

153. Religiosus qui professionem emisit celato morbo, aut alio notabili vitio, quo cognito non fuisset ad professionem admissus, non propterea iustam expulsionis causam præbet; quia hæc deceptio non est circa substantialia religionis, neque tanti est momenti vt postulet exclusionem. *ibid. n. 7.*

154. Religiosus semel eiectus, vel fugitiuus; sed postmodum ad eandem religionem admissus, non quidem in eodem monasterio in quo professus fuerat, sed in alio, alendus est à monasterio ad quod mittitur, si prius monasterium est bonorum incapax; sin est capax, & religiosus dotem seu hereditatem illi attulit, ab eo alendus est; æquum enim est vt qui sentit commodum, sentiat & onus. *ibid. pag. 638. n. 10.*

155. Laudabiliter, & sine vllius iniuria institui potuit Religio Societatis IESV in qua R Patri Generali libera competit facultas expellendi iustam ob causam religiosos post biennij nouitatus vota; quia scienti, & volenti non fit iniuria; Religiosi autem Societatis IESV scientes hoc grauamen, & volentes admittuntur ad professionem: præterea ita fieri expedit propter bonum religionis; sic enim religiosi facilius in officio continentur, metu dimissionis. Porro religiosus à Societate IESV dimissus post biennij vota, liber remanet ab obligatione votorum, ac si nunquam vouisset; modò dimissus non fuerit ob fraudem, vel ob peccata ad hunc finem commissa; quia vota biennij fiunt sub conditione si vouens retineatur, & non dimittatur. *tom. I. pag. 639. n. 13.*

156. Religiosus Societatis IESV qui mediocrem non adhibet diligentiam vt vitet defectus propter quos præuidet se à religione dimittendum, mortaliter peccat, etiamsi huiusmodi defectus, ex sua natura, mortaliter peccaminosi non sint: quia quò votum emisit, grauius peccat, reddendo se impotentem ad illius voti adimplerionem. *ibid. num. 12.*

157. Religiosus à religione eiectus, tenetur suos deprauatos mores corrigere, vt iterum ad religionem admittatur, ne per ipsum stet quominus votum perseuerantiæ in religione adimpleat: si autem ad religionem redeat, puniri potest priuatione gradus, & dignitatis. *ibid. pag. 639. n. 1. & 2.*

158. Religiosus professus à religione eiectus, tenetur vota religionis substantialia seruare: quia adhuc est religiosus professus; ob id si ad religionem redeat, nouam professionem facere

non tenetur. Ad paupertatem tamen, & obedientiam non tenetur eo modo, quo in religione tenebatur: cum enim superior illos eiiciat, nec velit necessaria illis ministrare, censetur illis facultatem dare, ut sibi prospiciant; quare possunt habere patrimonium ne mendicare cogantur. *tom. i. pag. 640. n. 1.*

159. Si religiosus eiectus aliquid inutiliter expendat, aut ad actus turpes infumat, non peccat contra votum paupertatis. Quia eiectis in perpetuum permittitur administratio bonorum, ac si illorum dominum haberent; non tamen possunt testari, quia re ipsa non sunt bonorum domini. *ibid. n. 2.*

160. Religiosus qui aliquod votum ultra tria substantialia in religione emisit, tenetur ad illius obseruantiam etiam postquam eiectus fuit, ut sunt religiosi Minimi, qui quartum votum abstinentiæ quadragesimalis emittunt. Contraria tamen opinio est etiam probabilis. *ibid. num. 4.*

161. Religiosus in perpetuum eiectus non tenetur ad regulares obseruantias, quæ sunt onera consequentia statum religiosum; quia illa tantum promiserat accessorie posito statu regulari, à quo cum fuerit depositus, ea obligatio cessat. *ibid. n. 5.*

162. Religiosus eiectus, qui iam emendatus est, sed desperat fore, ut ad priorem religionem admittatur, potest absque vlla licentia aliam ingredi æquè perfectam, vel etiam laxiorem, & facta in ea professione non potest amplius à prima reuocari, quia secundò ius acquisiuit per professionem. *ibid. pag. 641. n. 11.*

163. Religiosus in perpetuum eiectus non tenetur aliam religionem ingredi, nisi eiectus fuerit sub hac conditione, ut ad aliã transiret, quia non tenetur ad id quod non promisit, at promisit seu professus est hanc, non verò aliam religionem. *ibid. n. 2.*

164. Religiosus eiectus cogi non potest ab eiiciente, vel à Pontifice, ut ad aliam religionem transcat: quia nullus cogi potest ad id quod non promisit. *ibid. num. 3.*

165. Religiosus eiectus non tenetur ex vi voti obedire Episcopo; quia in professione id non promisit. Tenetur tamen illi obedire tanquam subditus iurisdictioni illius in cuius diœcesi commoratur. At Summo Pontifici probabile est teneri obedire ex vi voti, quia est Prælatus religionis. *ibid. num. 1.*

166. Religiosus eiectus, si priuatus fuit habitu, non potest illum deferre; quia sententiæ iustæ obedire tenetur; si verò cum habitu expulsus fuit, tenetur illum deferre, quia adhuc est religiosus. *ibid. num. 2.*

167. Eiectus à religione non potest beneficium suscipere cui adnexus sit aliquis Ordo, seu functio Ordinis; cum enim suspensus sit ab exercitio ordinum, suspenditur etiam à beneficio cui ordo

ordo, est adnexus. *tom. 1. pag. 642. numero 4.*

168. Eiectus à religionem non potest à superioribus religionis ad mortem condemnari; quia Ecclesiasticis vetitum est causam sanguinis exercere. Neque à foro sæculari, nisi fuerit degradatus, & curiæ sæculari traditus; quippe ipsius iudicium ad forum Ecclesiasticum spectat. *ibid. n. 7.*

169. Bona acquisita à religioso expulso, iure nouo pertinent post eius obitum ad Cameram Apostolicam; sic enim statuit Gregor. XIII. modò religiosus extra religionem obierit; alioquin pertinent ad eam religionem in qua obit, si est capax; sin minus pertinent ad Summum Pontificem. *ibid. n. 3.*

Rèliquiæ Sanctorum.

1. **P**Aulus V. in quadam Bulla edita 24. Augusti 1613. excommunicationem tulit contra extrahentes reliquias ex cœmeteriis, cryptis, vel catacumbis intra, vel extra urbem existentibus; necnon contra cooperantes illi extractioni per mandatum, consensum, auxilium, vel fauorem. *disp. 2. quæst. 3. punct. 13 pag. 203. tom. 3.*

2. Hoc edictum ligat non solum Romæ commorantes, verum etiam extraneos Romam venientes; estque perpetuò duraturum, quia editum est per modum legis, & statuti *ibid.*

3. Hæc excommunicatio est Summo Pontifici reservata.

4. Eadem adoratio tribui potest reliquiis, quæ tribuitur personæ cuius sunt reliquæ: apprehendi enim possunt ut coniunctæ illi personæ, consequenter vno, & eodem actu adorari possunt. Immo etiam si non apprehendantur ut coniunctæ, possunt adorari adoratione respectiua propter excellentiam, & sanctitatem illius cuius sunt reliquæ. *tom. 2. pag. 146. n. 4.*

5. Reliquiæ quæ publicè proponuntur adorandæ, postquam Summus Pontifex, aut Episcopus debitam adhibuit diligentiam ad inquirendum num veræ sint reliquæ viri canonizati, illasque approbavit, possunt absolurè, & absque conditione adorari: nulum enim est periculum erroris, saltem formalis in huiusmodi adoratione. *ibid. n. 5.*

6. Episcopus potest non solum in sua diœcesi, verum etiam extra, reliquias approbare: quia hæc non est iurisdicção contentiosa, sed voluntaria, quæ exerceri potest in aliena diœcesi, etiam sine facultate proprii Episcopi. Illæ autem reliquæ quæ Roma afferuntur cum Bulla Apolt. aut etiam cum testimonio Episcopi diœcesis à qua translatae sunt, non sunt necessariò approbandæ ab Episcopo diœcesis ad quam transferuntur, sed tantum

examinandum est, an sint illa ipsa, quæ legitimè fuerunt approbata *ibid.*

7. Non est speciale peccatum in confessione necessario aperiendum ab eo, qui fornicatur, vel furatur, &c. dum reliquias habet ad collum appensas. Qui surripiunt, vel extrahunt aliquid de reliquiis alterius, peccant mortaliter peccato sacrilegij, & furti, nisi hoc faciant de licentia domini, aut nisi eas eripiant de manibus infidelium: nam furtum rei sacræ, inuito domino, est sacrilegium. *tom. 2. pag. 148. num. 8. & 9.*

Repressalia.

1. **R**epressalia, seu pignorationes nihil aliud sunt, quàm concessio, seu facultas alicui facta, ut pro re ab alio sibi erepta, vel pro damno sibi illato, possit rem æquivalentem propria auctoritate impunè accipere ab alia tertia persona, etiam vim inferendo, si opus fuerit. *disp. 2. quest. 2. punct. 22. pag. 173.*

2. In cap. unico, de iniuriis in 6. cautum est sub pœna excommunicationis ipso facto incurrenda, ne huiusmodi repressalia contra Ecclesiasticos, aut ipsorum bona concedantur, vel concessæ ad illos extendantur. Hæc autem censura incurritur, nisi concedentes reuocauerint concessionem intra mensem, & exequentes intra mensem restiterint, si fuerint personæ singulares; si verò fuerit vniuersitas, Ecclesiastico subiicitur interdicto. *ibid.*

3. Qui alicui potestatem facit accipiendi à clerico sibi debitor tantundem, quantum sibi debetur, in hanc censuram non incidit; quia hic non concedit repressalias, in quibus vnus pro alio grauatur; hic autem clericus grauatur pro suo debito, non pro alieno, quod non est illicitum, si debito modo fiat *ibid. pag. 174. num. 5.*

4. Hæc excommunicatio non est reseruata.

RESTITUTIO.

Quid sit restitutio?

1. **R**estitutio est actus iustitiæ commutatiuæ, quo res accepta restituitur, vel damnum illatum compensatur ad æqualitatem. Ex violatione autem iustitiæ distributiue præcisè non oritur obligatio restituendi, nisi quatenus simul violatur aliquod ius pertmens ad iustitiæ commutatiuam; quia restitutio dicitur actus iustitiæ commutatiuæ. Hinc patet Principem, qui confert officium digno, relicto digniori, non teneri ad restitutionem, quia non violat iustitiæ commutatiuam, sed

sed distributiua;secùs dicendum,si conferat indigno, & male administrato;tenetur enim ad restitutionem damnorum inde prouenientium,cùm teneatur ex officio idoneos ministros con-
stituire. *tom. 2. p. 357. n. 1. & p. 358. n. 10. & 13.*

2. Iustitia alia est *commutatiua*. cuius munus est restituere rem ipsam,quæ debetur ad æqualitatem,habita ratione æqualitatis rei,quæ debetur,non autem meritorum personarũ alia *distributiua*,quæ consistit in conferendis præmiis,dignitatibus,& officiis,iuxta merita cuiusque. *tom. 1. p. 350. n. 8.*

3. Restitutio necessaria est ad salutem. non necessitate medicinæ;quia iustã ob causam omitti potest restitutio;sed necessitate præcepti: quia res aliena non potest inuito domino retineri,quin peccetur contra iustitiam. Quare præceptum restitutionis obligat sub peccato mort. nisi paruitas materiæ excuset. *tom. 2. pag. 359. n. 2. & 3.*

Obligatio ad restitutionem.

4. Ex sola violatione iustitiæ, non verò aliarum virtutum oritur obligatio restituendi: quia per violationẽ iustitiæ aufer-
tur alienum,quod cuique debetur ad æqualitatem:hoc autem in aliis virtutibus non accidit, vt in pietate,religione, &c. quate
qui proximo non succurrit in necessitate, cui tenetur subuenire
ex sola charitate, non obligatur ad restitutionem. *tom. 2. p. 360. num. 2. & 3.*

5. Non ex solo peccato mort. contra iustitiam, sed etiam ex veniali oritur obligatio restituendi. At si absque vlla culpa illa-
rum est damnum etiam graue,putà per ignorantiam, aut inad-
uertentiam, nulla est in foro conscientiæ obligatio ad restitu-
tionem;quia pœna supponit culpam. *ibid. n. 5. & 6.*

6. Qui rem alienam bona fide possedit.credens esse suam,te-
netur ex iustitia restituere statim ac cognoscit esse alienam: alio-
quin sciens retineret rem alienã inuito domino. Qui verò rem
alienã emit à fure,nesciens esse furtiua,non potest pretiũ, quod
iple soluit,exigere à domino,cui res tradẽda est,sed tenetur eam
reddere absque pretio:alioquin fit possessor malæ fidei:quia æ-
quum non est,vt dominus rem suam emat: potest tamen pre-
tium exigere ab eo,qui sibi vendidit. *tom. 2. p. 361. n. 3. & 4.*

7. Qui rem alienam bona fide consumpsit, vel alienauit
credens esse suam, non tenetur ad restitutionem, nisi quatenus
inde factus est ditior. Ille autem censetur factus locupletior, qui
vel pepercit rei suæ,dum vteretur aliena,vel habet aliquid,quod
alioquin non habuisset. Quare non tenetur ad restitutionem,
cui res aliena periit casu, aut etiam sua culpa, dum adhuc
illam

illam possideret bona fide: nam cum re defuit obligatio, quæ inde oriebatur. Item qui rem alienam bona fide emptam vendidit æquali, vel minori pretio: quia non est inde factus ditior. At qui vestem alienam bona fide consumpsit, tenetur comparente domino restituere valorem illius, si alias vestem æqualis valoris consumpsisset. At qui vestem sericam alienam bona fide consumpsit, non tenetur restituere, quantum illa valebat, sed quantum valet vestis vilior, quam ipse consumpsisset, si sericam non habuisset. *ibid. n. 5. & seqq. & pag. 362. n. 15.*

8 Qui postquam rem alienam accepit, dubitare cepit an esset aliena, potest eam sibi retinere, aut consumere aut vendere, si post sufficientem inquisitionem non comperit esse alienam; quia in dubio melior est conditio possidentis. At possessor male fidei dubitans an res accepta sit aliena, tenetur adhibere debitam diligentiam ad rei veritatem explorandam, quam si assequi non possit, tenetur tamen illi restituere, de quibus dubitat, unicuique pro rata; conperto autem vero domino, non solum rem integram tenetur ipsi restituere, sed etiam fructus à se receptos. *l. 2 p. 633. n. 4. & 11.*

9. Possessor bonæ fidei postquam dubitare cepit, an res sit aliena, non potest ea uti, si usu consumitur, aut sit deterior, donec comperiat non esse alienam. Si verò consumitur, nec deterior sit ipso usu, potest ea uti cum intentione soluendi pretium, de tractis expensis, si rei dominum inueniat. *ibid. n. 9.*

10. Qui possessori bonæ fidei rem abstulit, dubitans an esset sua, tenetur ad integram restitutionem, tanquam possessor male fidei; quia non potest alii de possessione deicere, nisi certò sciat rem suam esse, quam alter iuste possidet. *rom. 2. pag. 364. n. 15.*

11. Illud axioma iuris, *Melior est conditio possidentis*, non tantum locum habet in materia iustitiæ, sed etiam aliarum virtutum, post adhibitam sufficientem diligentiam ad veritatem explorandam. Possessio enim est titulus communis omnibus virtutibus. Sic dubitans an expleuerit 21. annu, non tenetur jejunare ex præcepto Ecclesiæ: quando enim dubia est obligatio, melior est conditio possidentis suam libertatem. Item qui dubitat, an sit legitimus, adhibita prius debita diligentia, potest cum aliis fratribus diuidere hereditatem; quia possessio illi fauet. *ibid. n. 1. & pag. 365. n. 11. & 12.*

12. Qui positivè concurret ad actionem iniustam, seu ad damnum alterius, tenetur ad restitutionem, etiam si non fuerit particeps rei acceptæ; quia est causa iniusta damni. Sex autem modis potest quis concurrere positivè ad damnum alteri inferendum; iniustione, consensu, approbatione, data securritate, auxilio. *rom. 2. pag. 365. num. 1. & 2.*

13. Qui negatiuè cooperatur ad actionem iniustam, seu ad damnum alterius tacendo, non obstando, vel non manifestando, quando tenetur ex iustitia, obligatur ad restitutionem: quia non tantum actione positiua, sed etiam negatiua potest alteri damnum efficaciter inferri, omissione scilicet iniusta. Hoc autem disticho habes nouem modos, quibus potest quis cooperari ad damnum alterius; sex priores positiuos; tres posteriores negatiuos:

*Iussio, consilium, consensus, palpo, recursus,
Participans, mutus, non obstans, non manifestans.*

14. Qui dubitat an sua actione, seu omissione cooperatus sit efficaciter ad damnum alterius, non tenetur ad restitutionem in dubio enim præsertim in materia iustitiæ, melior est conditio possidentis. Hinc fit, vt qui dedit alteri consilium occidendi inimicum, sed postea dubitat, an suo consilio fuerit occisus, non teneatur ad restitutionem: quia professio stat pro ipsius libertate, nisi constet re ipsa commissum fuisse homicidium ab eo. cui dedit consilium: tunc enim præsumptio est contra consulentem. *tom. 2. pag. 366 n. 1. & 2.*

15. Qui absolute, & simpliciter consentienti damnum infert, absque vilo inuoluntario admixto non tenetur ad restitutionem: quia volenti, & consentienti non fit iniuria. Secus quando est aliquid admixtum inuoluntarij; sic vsurarius facit iniuriam accipienti mutuum sub vsuris; teneturque ad restitutionem; sic latro facit iniuriam viatori, à quo accipit nummos; quia ibi non est absolutus consensus dantis. *tom. 2. pag. 367. n. 1.*

Restitutio ob iussionem.

16. Qui tacitè, vel expresse iussit, seu mandauit aliquod damnum fieri, tenetur ad restitutionem damni sequuti, nisi tacitè, vel expresse mandatum reuocauerit, ita vt reuocatio non otuerit ei, qui mandatum acceperat: tunc enim non censetur influere in damnum. Hinc collige diferimen inter mandatem, & consulentem: nam consulens, etiam si conetur consilium reuocare; tamen tenetur ad restitutionem, si alter cui consilium dedit, damnum inferat. Mandans verò, si post reuocatum mandatum damnum inferatur à mandatario, cui reuocatio innotuerit, non tenetur ad restitutionem: facilius enim reuocatur mandatum, quam consilium, quod etiam inuito consulente potest influere in damnum. *tom. 2. p. 368. n. 2. & 3.*

17. Qui rem sibi traditā ad vendendum, plurius vendidit, quam sibi esset constitutum, non potest sibi incrementum pretij retinere, nisi dominus tacitè donec: aut nisi illud acquisierit ex mera industria; aut nisi ipse labori debeat. Si tamen ipse

ipse pretio à domino constituto, rem sibi emit, & postea suo nomine vendidit maiori pretio, potest excessum pretij sibi retinere: quia ipse erat illius rei dominus. *tom. 1. p. 369. n. 16. & 17.*

18. Gesta per mandatarium sunt inualida post reuocationem mandati, quæ ipsi innotuit. Valida verò, si reuocatio non innotuit, nisi in casu matrimonij, quod constat post reuocationem mandati, inualidè celebrari, etiamsi procurator ignoret reuocationem, quia ad contractum matrimonij requiritur verus, & expressus consensus. *ibid. n. 22.*

Restitutio ob consilium.

19. Consulens tenetur ad restitutionem damni suo consilio illati, quamuis ante factum conatus sit consilium reuocare; nisi forte consilium fuerit falsum: nam qui reuocat consilium falsum, non tenetur ad restitutionem damni. v. g. qui Tirio quærenti an contractus sit licitus, respondit esse licitum, cum tamen sit illicitus, facti facit reuocando consilium, & dicendo se fuisse deceptum; hoc enim pacto videtur sufficienter influxum reuocare, indicando consilij falsitatem; & damnum quod sequitur, non est imputandum consulenti, sed malitiæ delinquentis, qui cognita veritate noluit à delicto abstinere. Si verò consilium fuit verum, ita ut consulens ostenderit utilitatem, & commodum inde sequuturum, etiamsi postea conatus fuerit consilium reuocare, tenetur adhuc ad restitutionem damni quod delinquens illius suasu inculit; quia non censetur sufficienter consilium reuocasse: sicut tradens instrumentum ad damnum inferendum, tenetur ad restitutionem, nisi instrumentum re ipsa auferat; nam vsus illius adhuc imputatur tradenti. *tom. 2. p. 370. n. 2. & 6.*

20. Qui suo consilio, vel alia ratione fuit causa minoris damni quam alioquin fuisset illatum, non tenetur ad restitutionem, v. g. qui parato furari 20. suasis, ut furareretur 10. parato occidere suasis ut tantum percuteret, cum alia ratione non posset delinquentem à peccato reuocare: hoc enim consilium videtur tantum conditionale, ut videlicet delinquens si à maiori malo nolit abstinere, saltem eligat minus malum; neque hoc consilium est intrinsecè malum. *tom. 2. pag. 371. n. 8. & 9.*

21. Qui exercet aliquod officium medici, aduocati, confessorij, &c. tenetur de damno sua lata culpa sequuto: tenetur enim ex officio ea scire, & præstare quæ sciunt & præstant homines eius conditionis. Sic confessorius, seu Theologus qui consultus respondit Titium non teneri ad restitutionem, cum teneretur, aut teneri cum non teneretur, reus est damni, inde sequuto. *tom. 2. p. 371. n. 20. & seq.*

Restitutio ob consensum.

22. Qui suo consensu non est causa efficax damni, non tenetur ad restitutionem: quia non influit efficaciter in damnum. Hinc collige, proceres quos Princeps conuocauit, non ad damnum consilium an bellum esset ineundum; sed solum ad præstandum suum consensum, non teneri ad restitutionem damnorum ex bello iniusto sequutorum; quia ille consensus non influit efficaciter in damnum. Qui verò suo consensu concurrat efficaciter ad damnum, tenetur ad restitutionem, vt qui per suffragia, vel subscriptionem consentiunt, & influunt in mortem innocentis. Obseruandum autem quando omnium suffragia necessaria sunt, omnes teneri ad restitutionem; quando verò suffragia maioris partis sufficiunt, posteriores peccare quidem mortaliter consentientes in mortem innocentis: sed non teneri ad restitutionem ferentes suffragia postquam præstita sunt ab aliis sufficientia ad mortem: posteriores enim non sunt causa efficax damni, nisi spes esset fore, vt priores reuocarent sua suffragia, posterioribus nolentibus consentire. *tom. 2. pag. 372. num. 3. & 4.*

23. Qui priore loco suffragium tulit, antequam ceteri tulissent suum, quos tamen sciebat in eandem sententiam iniquam ituros, tenetur ad restitutionem; quia in damnum efficaciter influxit: quamuis enim sine ipsius suffragio damnum fuisset sequuturum, re ipsa tamen sine ipsius suffragio non est sequutum. *tom. 2. pag. 373. n. 6.*

Restitutio ob fauorem.

24. Qui laudat malefactorem, cumque ad inferendum alteri damnum inducit. Item eius receptor, & fautor, qui refugium, & securitatem ei præbet ad patrandum delictum, tenetur ad restitutionem, est enim causa efficax damni. Idem dicendum videtur de eo qui deridet, aut vituperat eum qui non furatur, vel non vlificitur: constat enim teneri ad restitutionem, si sua derisione delinquentem impulit ad furandum. *ibid. n. 1. & 2.*

25. Cauponarij acipientes pecunias à filiis familias, vel à seruis surreptas parentibus vel dominis, non excusantur à restitutione, quia non solum dicuntur receptatores malefactorum, sed etiam rem alienam accipiunt inuito domino. Immo si nihil accipiant à filiis familias; sed solum concedant sedilia, vel mensam, vel lumen, vel chartas ad ludendum; videntur adhuc teneri ad restitutionem, in defectum ipsorum ludentium: quia cooperantur damno alterius. *ibid. n. 3.*

Restitutio ob participationem.

26. Participans, in opere intrinsecè malo contra iustitiam, peccat, & tenetur ad restitutionem damni secuti; nam culpabiliter, & efficaciter influit in damnum. Qui verò metu coactus, aut alia rationabili causa impulsus participat in opere non intrinsecè malo, excusatur à peccato, & restitutione. Sic Christiani capti à Turcis, remigantes metu mortis, in turribus Turcarum contra Christianos, excusantur, Si tamen ex illa remigatione magnum Resp. Christiana capiat incommodum, tenentur potius mortem oppetere, quàm remigare. *ro. 2 pag. 374. n. 3. & 4.*

27. Qui metu coactus præbet furi claves, vel instrumenta, quibus arces infringat, aut qui scalam tenet dum fur per murum, vel fenestram ascendit, excusatur à restitutione; videtur enim actiones ex se indifferentes, ex iusta causa exercere. Secùs dicendum de eo qui metu compulsus, per seipsum arces effringit; præstat enim opus intrinsecè malum contra iustitiam. *ibid. n. 8.*

28. Qui ratum habet damnum suo nomine illatum, non tenetur ad restitutionem: quia non influxit in damnum, cum ratio habitio sit posterior: peccat tamen graviter contra charitatem, dum alterius damnum suo nomine illatum approbat, & ratum habet. *ibid. num. 9.*

29. Quisquis physicè, vel moraliter est causa damni, tenetur ad restitutionem in solidum. Qui verò non est causa totius damni, sed partis tantum, non tenetur in solidum, sed solum pro sua parte. Hinc sequitur ducem generalem exercitus teneri in solidum ad restitutionem damnorum iniuste illatorum; est enim causa efficax totius damni: militem verò gregarium teneri tantum pro sua parte. *ibid. num. 10.*

Restitutio ob taciturnitatem, vel omissionem.

30. Qui sine iusta causa non clamat, non impedit, vel non manifestat cum teneatur ex iustitia, ratione officij, vel contractus, obligatur in solidum ad restitutionem damni sequuti: tam enim est causa efficax damni, quàm qui positiuè influit in damnum. Si verò teneatur tantum ex charitate clamare, aut non impedire, non tenetur ad restitutionem si omittat clamare, &c. quia ex sola violatione iustitiæ oritur obligatio restituendi. Neque obstat odium, & mala intentio, hæc enim sunt contra charitatem, non autem contra iustitiam. *tom. 2 pag. 375. num. 2.*

31. Famuli tenentur ad restitutionem si non impediane ne damna dominis inferantur in iis rebus quarum est ipsis cura commissa: peccant enim contra iustitiam. Secùs dicendum de famulis

famulis quibus non est cura domus concedita, si non impediat ne ab extraneis damna dominis inferantur. *tom. 2. pag. 376. n. 7.*

32. Custodes saltuum, lacuum, vectigalium, &c. tenentur ad restitutionem damni quod domini pariuntur à venatoribus, piscatoribus, vel defraudatoribus, nisi eos accusent, vel impediunt tenentur enim ex vi pacti, vel officij dominorum damnum impedire. Non videntur tamen teneri ad solutionem poenæ quam delinquentes soluisse, si ab ipsis custodibus accusati fuissent: hoc enim non est usu receptum. *ibid. n. 9. 10.*

33. Qui suo prauo exemplo alium inducit ad furtum, vel homicidium, non tenetur ad restitutionem, neque incurrit irregularitatem, sequuto homicidio, quamuis intendat suo exemplo alium inducere: quia obligatio restituendi oritur ex actione externa iniusta. Licet autem hic peccet contra iustitiam, respectu illius quem suo prauo exemplo pertrahit ad peccandum; non tamen facit contra iustitiam respectu illius qui damnum patitur *tom. 2. pag. 377. n. 16.*

34. Qui sine vi, & fraude impedit alium ne consequatur. aliquod bonum quod ei ex iustitia non debetur, non tenetur ad restitutionem, etiamsi impediatur animo nocendi: hic enim non violat iustitiam, cum illud bonum alteri non debeatur. Qui vero etiam absque vi, & fraude alterum impedit ad consecutione boni quod ei debetur ex iustitia, tenetur ad restitutionem: violat enim ius quod alter habet ut illud bonum sibi conferatur. *ibid. num. 2. & 3.*

Quid sit restituendum

35. Restituenda est res aliena si extat, præsertim si dominus habet affectum singularem ad rem suam: nondum enim amisit dominium rei suæ. At si res ipsa non extat, restituendus est illius valor, & pretium, ut seruetur æqualitas. Quando vero quis rem alienam cum propriis rebus ita permiscuit, ut eam nequeat dignoscere, censetur acquisivisse dominium illius rei: tenetur tamen restituere domino rem æqualem, vel pretium illius: nullus enim potest locupletari ex re aliena, invito domino. *tom. 2. num. 378. & seqq.*

36. Qui detinet iniuste rem alienam, non tantum tenetur restituere rem ipsam, sed etiam damna quæ dominus rei iniuste passus est ipsius culpa. Propterea tenetur ad restitutionem fructuum quos dominus percepisset, immò etiam expensarum, quas dominus fecit in re sua querenda. *ibid. n. 2.*

37. Tantum restituendum est quantum sufficit ad æqualitatem, consideratis circumstantiis loci, temporis personarum,

rum, &c. habitaque ratione lucri cessantis; & damni emergentis. Sic qui conculcauit segetes nondum maturitatem adeptas, aut arbores adhuc teneras incidit, tenetur arbitrio prudentis restituere, quanti res valere potuisset habita ratione expensarum, & casuum fortuitorum. Qui occidit pullum equinum, qui sequenti anno plus duplo valuisset, non tantum debet restituere, quantum nunc valet, sed quantum suo tempore valuisset, ut dominum seruet indemnem. *tom. 2. p. 379. n. 8. Ep. seq.*

38. Nobiles, qui diu differunt solutionem mercatoribus, tenentur in conscientia restituere lucrum cessans, si constet ipsis lucrum cessasse ob dilatam solutionem: quia fuerunt causa iniusta damni. *ibid. n. 13.*

39. Quod accipitur ad faciendum opus alioquin debitum ex iustitia, restituendum est, ut si iudex accipiat pro ferenda iusta sententia, quando habet iustum stipendium sibi constitutum, nisi forte gratis, & liberaliter detur: accipit enim supra id, quod sibi debetur. *tom. 2. pag. 380. num. 1.* Accipiens vero aliquid pro faciendo opere debito ex charitate, non tenetur ad restitutionem; quia ex solius iustitiæ violatione oritur obligatio restituendi. *ibid. num. 9.*

40. Pro turpi, seu illicita actione exercenda nihil dari, vel accipi potest, antequam fiat; quia pretium est medium ad illam actionem exercendam, tanquam ad finem ad quem inducit: patratum autem opere illicito, tenetur promittens, soluere pretium ex pacto, & accipiens non tenetur ad restitutionem: res enim illicita est pretio æstimabilis ratione periculi, laboris, vel damni cui se exposuit exequens illud opus, aut ratione voluptatis, aut vilitatis perceptæ ab eo, qui opus illicitum fieri curauit. *ib. n. 2. Ep. p. 381. n. eod.*

41. Acquisita ob turpem causam restituenda sunt, non solum ante, sed etiam post factum, quando lex reddit acquirentem inhabilem ad rem accipiendam: sic per simoniam acquisita retineri non possunt, etiam si sponæ tradita fuerint: nam simoniacus iniuste acquirit. *tom. 1. p. 381. n. 11. Ep. p. 382. n. 12.*

42. Bona inuenta, quorum dominus ignoratur, restituenda sunt pauperibus, seu capta incertorum iuxta consuetudinem locorum adhibita prius diligentia sufficienti in inquirendo domino: communi enim consuetudine, quæ vim habet legis, receptum est, ut huiusmodi bona cedant in commodum pauperum, atque hæc censetur esse rationabilis voluntas dominorum. Nomine autem pauperum intellige quoduis opus pium. Porro inuentor rei alienæ non potest quidquam exigere à domino rei, nisi forte ratione laboris, vel impensarum, vel pacti, &c. *tom. 2. pag. 383. n. 3.*

43. Bona incerta acquisita ex delicto, puta ex iniusta venditione, furto, &c. restituenda sunt pauperibus ex iure positiue quia æquum non est, vt quis ex iniquitate reportet lucrum, nisi ipse sit pauper; tunc enim de licentia Episcopi, vel confessarii potest ea sibi applicare. *ibid. n. 9. & 13.*

44. Bona incerta, quæ per compositionem Summus Pontifex retineri concedit, possunt tuta conscientia retineri: nulli enim damnum inferitur, cum bona sint incerta, & illorum dominus ignoretur. Si tamen facta compositione inueniatur dominus, faciêda est illi restitutio. *tom. 2. pag. 384. n. 21.*

45. Bona laicorum morientium ab intestato, & non habentium hæredes intra decimum gradum, iure communi ciuili deuoluuntur ad fiscum. Bona verò peregrinorum morientium ab intestato non pertinent ad hospitem, apud quem mortui sunt, sed per Episcopum loci tradenda sunt hæredibus, si fieri potest; vel distribuenda in pias causas. *tom. 2. pag. 385. num. 4. & 5.*

46. Bona derelicta sunt occupatis; ea autem vocantur derelicta, quæ abiciuntur intentione non amplius ea recuperandi: quapropter in iis non numerantur bona, quæ eiiciuntur è nauis ad eam leuandam: immò in Bulla Cœnæ lata est excommunicatio contra occupantes bona Christianorum naufragorum: unde patet iniquam esse legem, qua sancitur, vt naufragorum bona sint illius, ad cuius locum peruenerint. Habentur tamen pro derelictis, quæ naufragio amissa diu iacuerunt in fundo maris, & inde extrahuntur, vel in littore reperiuntur. *ibid. n. 1.*

47. Thesaurus inuentus in proprio fundo totus est inuentoris. Si verò fortuito inuentus est in alieno, dimidium illius cedit domino fundi, alterum dimidium inuentori. At si data opera inuentus est, totus pertinet ad dominum fundi ante sententiam iudicis. *ibid. n. 3.*

48. Thesaurus inuentus in loco religioso, & sacro, vt in Ecclesia, cometerio, &c. diuidendus est inter inuentorem, & Prælatum, aliumvè, cuius fuerit ille locus: Ecclesiæ enim hæc in parte pertinent ad Prælatos. *ibid. n. 5.*

49. Qui emit fundum in quo sciebat latere thesaurum, acquirit dominium illius: neque emptor tenetur indicare venditori thesaurum in ipsius fundo latere; dominus enim agri non est dominus thesauri, cum thesaurus non sit fructus terræ, potest igitur emptor illius dominium acquirere, si illum effodiat: idem dicendum de mineralibus, seu venis auri, argenti, lapidum pretiosorum: quia in venditione agri attenditur valor & pretium in ordine ad communem usum, non verò ad peculiarem circumstantiam, quam emptor non tenetur manifestare: estque probabilis

sententia afferentium venas pretiosas fieri primi occupantis.
tom. 2. pag. 386. num. 7.

50. Lapilli, gemmæ, ambarum, succinum, corallium, &c. quæ inveniuntur in litore maris, sunt primi occupantis; quia nullum habent dominum. *ibid. n. 11.*

51. Animalia fera ex sua natura, sed mansueta, non sunt capientium, quando habent consuetudinem redeundi in potestatem prioris domini. Quare peccant, qui ad sua columbaria traducunt alienas columbas, quæ non amiserunt consuetudinem redeundi ad columbarium prioris domini: est enim furtum eas attrahere, arte, fraude, & dolo. Licet tamen absque fraude apponere bonos cibos ad suas columbas nutriendas: etiam si ea occasione alienæ alliciantur. *tom. 2. pag. 387. n. 4. & 5.*

52. Fera meo capta instrumento, seu laqueo, unde se non poterat expedire, mea est, licet ab alio eximatur: quia in meo laqueo amisit libertatem: si verò fera inde se poterat extricare, sit eximentis: quia nondum in meo laqueo amisit libertatem. *tom. 2. pag. 387. n. 7.*

53. Venatio, piscatio, & aucupium, à Principe prohiberi possunt ob solam Principis oblectationem: hoc enim decet ipsius dignitatem, præsertim cum pro Republ. laboret. Quæ tamen capiuntur venatione, aut piscatione illicita, non sunt obnoxia restitutioni, si animalia capta suam retinent libertatem: sunt enim primi occupantis. Peccat tamen mortaliter, qui piscatione illicita notabile damnum infert Reipubl. ut qui escas medicatas proicit in flumen, quibus aquæ inficiuntur, & pisces moriuntur. *tom. 2. pag. 388. n. 13.*

54. Insulæ, quæ aliquando in mari nascuntur, sunt primi occupantis, ut patet ex Institut. de rerum divisione, ubi etiam dicitur insulas, quæ aliquando in mediis fluminibus nascuntur, dividendas ex æquo inter eos, qui in utraque ripa possident prædia: insulam verò, quæ propior est ripæ, fieri illius, cuius prædia sunt ad ripam. Item illud, quod flumen per alluvionem agro meo paulatim adiecit, iure gentium meum esset: si verò magnam partem alieni agri detraxit totam simul, meoque adiecit, mihi non acquiri, sed manere penes priorē dominum. *tom. 1. pag. 389. n. 28. & 29.*

55. Dominus non tenetur ante sententiam iudicis rescarcire damnum absque sua culpa illatum per suos servos, aut animalia: quia lex id præcipiens est pœnalis, quæ non obligat ante iudicis sententiam. Ad dānum verò rescarcendum à suis servis, seu animalibus sua culpa illatum, tenetur dominus ante iudicis sententiam: quia ipsi impatur damnum. *ibid. n. 2. & pag. 390. n. 3.*

56. Si res mutuo accepta pereat, vel deterior fiat antequam perveniat ad creditorem, perit, vel deterior fit debitori: res enim domino perit: propterea si ego pecuniam mutuam accepi à Caio, & postea illam transmitto per nuncium à me electum, si pereat, aut interceptur in itinere, mihi perit: ego enim sum dominus illius, donec perveniat ad creditorem; unde fit, ut tenear ad novam solutionem. At quando res eadem numero debetur, ut in commodato, si pereat absque culpa debitoris, perit creditori, etiamsi mitteretur per nuncium ab ipso debitore electum, consequenter debitor ad nullam tenetur restitutionem: quia res domino perit. Aduerte discrimen inter mutuum, & commodatum, pignus, & depositum; quod in mutuo transfertur dominium, nec mutuatarius tenetur eadem rem numero restituere. In commodato verò, deposito, locato, ac pignore non transfertur dominium; consequenter eadem res numero restituenda est. Quo fit, ut si vestis mihi commodata pereat absque mea culpa, pereat commodantis; res enim domino perit. *tom. 1. pag. 390. n. 4. & pag. 391. num. 6. & 7.*

57. Possessor bonæ fidei, qui rem bona fide accepit, neque fuit in mora restituendi, non tenetur ad restitutionem rei, quæ apud ipsum perit; nisi forte in aliqua re factus sit locupletior. Possessor verò malæ fidei, qui rem iniuste accepit, vel detinuit, tenetur ad restitutionem, quacunque tandem ratione res apud ipsum pereat: nam rem alienam iniuste detinenti imputatur etiam casus fortuitus, nisi apud dominum res esset certò peritura. *tom. 2. pag. 391. n. 10. & p. 392. n. 2.*

58. Possessor malæ fidei non tenetur ad restitutionem iuxta summum valorem, quem res habuit tempore acceptionis, vel detentionis; nisi dominus passus sit damnum iuxta summum valorem: v. g. si fur triticum surripuit eo tempore, quo valebat 30. libras in singulos modios; sed post mensem decrevit ad 20. libras, & dominus servaturus erat triticum ad illud usque tempus, fur tenetur restituere tantum 20. libras in singulos modios; sic enim fit restitutio ad æqualitatem. Secus dicendum, si dominus passus sit damnum iuxta summum valorem; restitutio enim facienda est: ad æqualitatem damni illati. *tom. 2. pag. 393. n. 2. & 4.*

Restitutio fructuum.

59. Possessor bonæ fidei non tenetur restituere fructus industriae perceptos ex re aliena; v. g. qui triticum alienum in proprio fundo seminavit, non tenetur restituere fructus inde perceptos, sed satisfacit restituendo triticum; fructus autem naturales, tam pendentes, quam perceptos tenetur restituere, si extant:

si verò non extant, restituendum est id quo factus est ditior: v.g. qui ex fundo alieno percepit fructus, credens fundum esse suum, tenetur restituere id quo factus est locupletior; nisi illos bona fide possederit per triennium: res enim mobiles triennali possessione vřucapiuntur. At fructus quos sua negligentia non percepit, non tenetur restituere: neque peccauit contra iustitiam, non colligendo fructus ex fundo quem credebat suum esse. *tom. 2. pag. 394. n. 3. & 7. & pag. 395. n. 8. & 10. & seq.*

60. Possessor malę fidei tenetur ad restitutionem fructuum, quos ipse non percepit, quos tamen dominus rei percepisset: nam per iniustam detentionem est causa efficax damni; detrahendę tamen sunt expensę, quas dominus fecisset in iis fructibus percipiendis. Tenetur item restituere fructus, quos percepit ex re aliena, quam ipse fecit meliorem; res enim domino fructificat. *tom. 2. pag. 395. n. 1. & pag. 396. n. 2.* Ex illis tamen fructibus detrahenda est proprii laboris, & industrię merces, dominus enim non debet fieri ditior ex labore alieno. *ibid. num. 9.*

Cui restituendum.

61. Qui rem alienam accepit à fure, vel ab alio iniusto detentore, tenetur eam vero domino restituere; si constar illum à quo res fuit accepta, fuisse iniustum illius detentorem, nec eam vřlo iure possedisse. *pag. 397. n. 5.*

Qui rem alienam bona fide accepit titulo emptionis, aut alio titulo oneroso, postquam cõperit rem esse alienam, non tenetur eam domino restituere, sed potest contractum rescindere, eique restituere rem à quo bona fide accepit, vt pretium suum recuperet: nullus enim tenetur ex charitate cõmodum proprium posthabere alieno. Qui verò rē mala fide accepit, sciens, vel dubitans esse alienam, tenetur eam domino restituere, etiam si pretium solutum sit amissurus; sibi enim imputet illam iacturam. Hinc collige vectorem, v.g. qui rem furtiuam accepit transportandam, sciens esse furtiuam, teneri eam vero domino restituere, quamvis pretium vectōnis sit. *tom. 2. pag. 398. num. 1. & 3.*

63. Qui bona fide rem furtiuam emit, & denuò eodem pretio bona fide vendidit, postquam cognouit rem esse alienam, tenetur rescindere contractum; emptor enim non emisit si cognouisset rem esse alienam: tenetur autem venditor de euicção seruare emptorem indemnem, quod fit rescindendo contractum, & restituendo pretium acceptum. *ibid. n. 5.*

64. Qui rem alienam bona fide emit, eamque maiori pretio, sed iusto vendidit, tenetur solum augmentum pretij restituere domino rei; quia in eo censetur factus locupletior. Si autem rem vendidit

vendit, quam gratis acceperat, tenetur integrum pretium restituere; illo enim factus est locupletior *ibid. n. 11.*

65. Qui creditori sui creditoris restituit quod debet suo creditori, videtur satisfacere, neque teneri ad novam restitutionem in foro conscientie: quia nullum infert damnum suo creditori immediato, cum ipsum liberet à debito, quo tenebatur obstrictus erga suum creditorem. *tom. 2. pag. 399. n. 1.*

Vbi restitutio facienda?

66. Quando obligatio restitutionis nascitur solum ex re bona fide accepta, facienda est restitutio in loco ubi res habetur tunc temporis quo cognoscitur esse aliena, neque tenetur possessor bonæ fidei illam mittere domino suis expensis, quia par non est, ut damnum patiatur ex restitutione rei alienæ bona fide acceptæ. Quando verò restitutionis obligatio nascitur ex iniusta acceptione, facienda est restitutio expensis debitoris, in loco ubi dominus rem suam possessurus erat, si illi ablata non fuisset: æquum enim est, ut qui rem alienam abstulit, expensarum onus ferat. *ibid. n. 1. & pag. 400. n. 4.*

67. Quando obligatio restitutionis nascitur ex contractu, vel quasi contractu celebrato in certo aliquo loco, facienda est restitutio in eodem loco in quo res accepta fuit nisi aliud fuerit expressum in contractu, illic enim censetur locus designatus ad restitutionem. Est autem facienda restitutio eius expensis, in cuius utilitatem res fuit accepta. *tom. 2. pag. 400. n. 9.*

Quando restitutio facienda?

68. Cui onus incumbit restituendi ratione iniustæ acceptionis, aut detentionis, tenetur restituere statim ac commodè potest, nisi dilationem obtineat à creditore. Debitor verò ex contractu, tenetur restituere statim ac elapsus est terminus, etiam si non adinoneatur; nam dies definita interpellat pro domino. *tom. 2. pag. 401. n. 1. & 3.*

69. Qui non restituit prima data opportunitate, sed longo tempore differt restitutionem, tot peccata committit, quot sunt actus intentionis & voluntatis non restituendi moraliter interrupti. Quamdiu verò intentio non restituendi virtualiter durat, vnum numero peccatum committitur. Confessarius tamen non debet esse nimium anxius in inuestigando numero peccatorum interruptorum in detentione rei alienæ; sed sufficit ipsum scire quamdiu res fuerit detenta; sic enim facile cognoscet numerum peccatorum, & statum pœnitentis. *tom. 2. pag. 402. n. 9. & seq.*

70. Confessarius non potest absolvere pœnitentem, qui cum

possit commodè restituere, intendit restitutionem differre vsque ad mortem, aut illam testamento relinquere suis hæredibus. Quia pœnitens quandiu potest restituere, & non restituit, est in statu peccati mortalis. Neque videtur absoluendus, regulariter loquendo, is, qui sæpius promisit restituere, nec dum restituit cùm commodè potuerit, nec obtinuerit dilationem à creditore: ex præteritis enim omiſſionibus præsumitur pœnitens non habere debitum dolorem, ac propositum vitandi peccatum.

71. Debitor potest anticipatè soluere, & creditor tenetur solutionem acceptare quando terminus fuit appositus in fauorem debitoris: potest enim debitor cedere iuri suo; consequenter mutuum, v.g. vel commodatum acceptum ad sex menses potest ante elapsos sex menses restituere, & creditor tenetur acceptare, licet non possit ante præfixum tempus, debitum repetere. At quando terminus fuit appositus in fauorem creditoris, debitor non potest anticipare solutionem inuito creditore. *tom. 2. pag. 403. n. 21.*

Quo ordine restitutio facienda?

72. Inter cooperantes ad damnum, ille principaliter obligatur ad restitutionem cuius iussu, seu mandato illatum est damnum: præcipiens enim se habet vt causa principalis; exequens verò se habet vt instrumentum. Post mandantem, principaliter tenetur exequens, deinde consulens tum receptor, vltimò, non impediens, & non manifestans. Restituente autem causa principali, ceteræ liberæ sunt ab onere restitutionis. At si causa minus principalis restituat, causa principalis tenetur eam seruare indemnem, eique restituere quod parti læsæ fuit persolutum. *tom. 2. pag. 404. n. 4. & seq. & pag. 405. n. 11.*

73. Quando plures æqualiter tenentur ad restitutionem, & pars læsa remittit vni obligationem, ceteri tenentur in solidum restituere, detracta parte quæ restituenda fuisset ab eo cui facta fuit remissio. Creditore autem remittente obligationem vni qui minus principaliter tenetur, ille habet ius contra principalem debitorem, ad repetendum id cuius sibi facta fuit remissio: quia succedit in locum creditoris. *tom. 2. pag. 405. n. 17. & 18.*

74. Quando res obnoxia restitutioni, eadem numero extat, illa primo loco restituenda est, etiam si non constet cuiusnam sit: res enim quandiu extat, semper pro suo domino clamat. Quando autem rei dominus ignoratur, restituenda est capsa incertorum, seu pauperibus. *tom. 2. pag. 406. num. 5. & 6.*

75. Debitor qui non potest omnibus creditoribus satisfacere, debet præferre creditorem, qui sibi credito vendidit rem adhuc extantem apud ipsum debitorem, v.g. ego vendidi Titio equum

equum qui adhuc extat apud ipsum, si non potest omnibus creditoribus satisfacere, debet me cæteris præferre, mihiq; equum reddere, neque enim videtur rationi consentaneum vt res adhuc extans apud emptorem pretio nondum persoluto, tradatur porius extraneo quàm illi qui eam vendidit *ibid. n. 8.*

76. Multis debitis obstrictus, aliis certis, aliis incertis, debet prius persolvere certa quàm incerta, si non est omnibus soluendo: ius enim hoc dicitur. Qui verò multa debita contraxit, alia ex delicto, v. g. furto, alia ex contractu, non tenetur prius solvere contracta ex delicto, quàm ex contractu, aut contrà, nisi res ipsa restituenda adhuc extet, quia bona debitoris non sunt magis hypothecata vni creditori, quàm alteri; debet igitur illis satisfacere pro rata. *rom. 1. pag. 407. n. 9. & 11.*

77. Prius satisfaciendum est debitis ex contractu oneroso, quàm ex contractu gratuito; vt si quis debeat Titio centum nummos ex contractu emptionis, & Caio centum ex promissione gratuita, tenetur præferre Titium Caio. Hinc collige quando bona testatoris non sufficiunt ad satisfaciendum legatis, & debitis, prius satisfaciendum esse debitis, quàm legatis, aliisque liberalibus dispositionibus *ibid. n. 12. & 13.*

78. Prius soluenda sunt legata defuncti testatoris, quàm debita contracta ab hærede, modò non fuerint contracta intuitu hæreditatis, vt in sumptus funeris defuncti testatoris, quia bona defuncti sunt tacitè hypothecata pro legatis, & fideicommissis, modò satisfieri possit omnibus creditoribus defuncti. *ibid. n. 4.*

79. In persolvendis debitis prius satisfaciendum est creditoribus realibus habentibus hypothecam, vel pignus, quàm creditoribus personalibus, hypothecam, vel pignus non habentibus, qui creditores chirographarij vulgo nuncupantur: quando verò eadem res fuit pluribus creditoribus hypothecata, sed non sufficit ad satisfaciendum omnibus, prius satisfaciendum est illi cui prius fuit hypothecata; his casibus exceptis. 1. quando quis mutuauit pecuniam ad reparandam domum, seu rem hypothecatam. 2. quando quis mutuauit pecuniam ad rem emendam. 3. quando quis mutuauit pro vectura mercium subiectis hypothecæ. 4. in hypotheca dotali. 5. quando quis rem duobus obligatam emit à debitore, si ex pretio satisfactum est primo creditori, emptor ei succedit in iure. 6. quando eadem res obligata fuit duobus, priori quidem scripturâ priuatâ, posteriori publicâ. In his, inquam, casibus posterior tempore præfertur priori habenti hypothecam. *ibid. n. 15. & 16. pag. 408. n. 16.*

80. Quando res aliqua diuersis temporibus vendita fuit multis in solidum, præferendus est primus emptor, si res nulli

tradita fuit: si verò fuit vni tradita soluto pretio, vel habito pro soluto, hic præferendus est reliquis, etiamsi contractus venditionis prius celebratus fuerit cum aliis, adiuncto iuramento: quia per nudum contractum venditionis, absque traditione rei venditæ regulariter loquendo, non transfertur dominium: transfertur autem sequuta traditione; & accepto pretio, seu fide de pretio. Tres casus excipiendi. 1. quando absque traditione transfertur dominium, vt accidit quando aliquid donatur, aut venditur Ecclesiæ, monasterio, ciuitati, hospitali, &c. cum enim hæc loca sine traditione rei dominium acquirant; ex privilegio sunt aliis præferenda. 2. quando priori emptori res fuit vendita, eaque fuit in securitatem contractus hypothecata. 3. quando res fuit tradita alicui qui sciebat rem illam in fraudem creditorum alienari, tunc enim priores creditores habent ius euictionis. *tom. 2. pag. 408. num. 17.*

81. Illa regula: *Qui prior est tempore, potior est iure*, locum habet solum in creditoribus realibus habentibus hypothecam in eandem rem, aut habentibus aliquod ius prælationis; non verò in creditoribus personalibus. Propterea in debitis personalibus non est habenda ratio temporis, nisi adsit alius titulus prælationis. Porro hi gaudent privilegio prælationis. 1. is qui moderatas fecit impensas in funus debitoris; is enim præfertur cæteris creditoribus habentibus hypothecas in bonis defuncti. 2. is qui pecuniam deposuit apud numularium publicum, non accipiens inde vsuras; is enim præfertur creditoribus chirographariis. 3. sponsa de futuro, quæ tradidit dotem sponso, sed postea matrimonium non fuit celebratum; tunc enim sponsa gaudet privilegio personali, vt præferatur aliis creditoribus personalibus: sponsa verò de præsentis præfertur etiam aliis creditoribus realibus; hoc tamen privilegium non transit ad hæreses ipsius. 4. pupillus cui aliquid debetur à tutore; is enim gaudet privilegio prælationis; non tamen eius successores. 5. is qui soluit creditori habenti privilegium personale prælationis. *ibid. num. 19.*

82. Quando ex pluribus creditoribus personalibus; non habentibus ius prælationis, vnus petit solutionem debiti, prius illi satisfaciendum est in integrum: nam eius diligentia facit ipsam melioris conditionis. Quare creditor qui curat sibi satisfieri ante alios, non peccat, nec tenetur ad restitutionem; cum vtatur suo iure, modò alij non habeant ius prælationis. *tom. 2. pag. 409. num. 20. & 21.*

83. Debitor non potest prius satisfacere creditoribus pauperibus, nisi sint in extrema, vel graui necessitate, quam debitor tenet

teneatur ex charitate subleuare : omnes enim debitores suos habent æquale. *ibid. n. 24.*

84. Quando hæreditas non sufficit ad satisfaciendum omnibus creditoribus, deduci possunt moderatæ expensæ in funus debitoris iuxta qualitatem ipsius, antequam creditoribus satisfiat, etiamsi ipsi habeant hypothecam in bona defuncti : quia sumptus funeris cuius debito præferuntur. *ibid. n. 25.*

85. Qui bona fide contractu oneroso, aliquid accipit à debitore, nesciens alienationem esse in fraudem creditorum, non tenetur ad restitutionem postquam id comperit : rei enim acceptæ dominium iuste acquisiuit. Secus si accepit sciens, vel dubitans contractum esse in fraudem creditorum : cooperatur enim actioni iniustæ, cum damno creditorum. *ibid. n. 27.*

86. Donatio facta à debitore, antequam fieret impotens ad soluendum creditoribus, valida est, neq; donatarius ad ullam tenetur restitutionem : nam hæc donatio non censetur facta in fraudem creditorum. Secus dicendum de donatione facta postquam donator factus est impotens ad soluendum. *tom. 2. p. 410. n. 34.*

87. Debitor qui non est creditoribus soluendo, peccat contra iustitiam, & tenetur ad restitutionem damni quod passi sunt creditores, eo quod ipse repudiauerit hæreditatem qua creditoribus satisfacere potuisset : cum enim teneatur ex iustitia satisfacere creditoribus, tenetur etiam assumere media ad satisfaciendum ; quale medium est acceptatio hæreditatis. *ibid. n. 36.*

Cur restitutio differri, vel omitti possit?

88. Quando restitutio creditur ipsi creditori, vel alteri grauiter obfutura, differri potest in tempus opportunius. Immo si debitor nouerit creditorem re sibi debita abusurum in graue alterius detrimentum, peccat contra iustitiam si eam restituat, teneaturque ad restitutionem damni à creditore illati : quia cooperatus est ad illud damnum. *tom. 2. p. 411. n. 1. & p. 412. n. 3. & 9.*

89. Quando debitor longè maius passurus est damnum statim restituendo, quàm creditor ex dilata restitutione, potest restitutio differri : tunc enim creditor censetur irrationabiliter inuitus, si nolit concedere dilationem. Secus dicendum si damnum quod debitor patitur restituendo, est æquale damno quod patitur creditor ex dilatione restitutionis ; tunc enim prior est condicio creditoris. *tom. 2. p. 412. n. 11 & 19.*

90. Potest debitor licetè differre restitutionem, quando eam præstare non potest nisi excidat à proprio statu iuste acquisito, etiamsi debita contraxerit ex delicto, vt ex comestationibus, ludis, scortis, &c. Si vero status fuit iniuste acquisitus per

per vsuras, rapinas, &c. debitor tenetur statim restituere, etiam cum iactura status: nam restituendo non excidit à proprio statu, sed ad priorem redit; potest tamen ea retinere quæ sibi sunt necessaria ad tenuem victum, & corporis cultum. Quare filius vsurarij tenetur ad restitutionem etiam cum iactura status per vsuras acquisiti: nisi adsit periculum infamiae, aut nisi ignoret facultates quas possidet esse iniuste acquisitas. *tom. 2. p. 413. n. 1. & seq.*

91. Qui cogitur cedere bonis, potest abscondere, sibi que retinere quod sufficiat ad tenuem sui, & familiae suae sustentationem, iuxta suum statum; neque enim tenetur ad restitutionem cum tanto suo incommodo. Tamen cessio bonorum non ita eximit à restitutionis obligatione, quin debitor teneatur ad restitutionem postquam peruenierit ad pinguorem fortunam: quia debita per cessionem bonorum non fuerunt extincta, sed consopita. *tom. 2. p. 414. n. 36. & 37.*

92. Condonatio, seu remissio facta debitori à creditore, est causa sufficienter excusans à restitutione, modò facta sit omnino liberè, nec sit à iure impedita: nam remissio quæ impeditur à iure, non est valida, cuiusmodi est remissio facta à pupillo, aut furioso. *ibid. n. 1. & p. 415. n. 5.*

93. Debitor qui composuit cum creditoribus minori summa contentis, planè eximitur ab onere soluendi etiam si, redierit ad pinguorem fortunam: huiusmodi enim compositio censetur quædam remissio quæ vim habet donationis, modò absit fraus, vel metus; alioquin remissio esset potius coacta quàm libera, ut contingit quando debitor qui facultates habet sufficientes ad satisfaciendum omnibus, confugit ad Ecclesiam ut debiti remissionem obtineat in totum, vel in partem. *tom. 2. p. 415. n. 6.*

94. Compensatio facta à creditore est causa sufficienter excusans debitorem à restitutione: sic enim ponitur æqualitas. Est autem licita compensatio, his conditionibus concurrentibus. 1. ut debitum sit liquidum, & certum. 2. ut compensatio fiat in re debita ex iustitia. 3. ut in compensatione nihil accipiat ultra debitum. 4. ut creditor non possit debitum alia ratione commodè recuperare. 5. ut compensatio fiat in re ipsius debitoris, modò non fuerit deposita apud creditorem, vel ipsi commodata; huiusmodi enim compensatio videtur fieri contra fidelitatem depositi, vel commodati: non videtur tamen improbabile, in foro conscientiae dari posse compensationem in deposito, vel commodato, quando alia ratione nequit debitum obtineri. 6. ut absit periculum scandali, vel punitionis corporalis: nam iudices solent hæc compensationes punire tanquam furta. Facta autem compensatio tenetur creditor, si commodè potest, admonere debitorem, vcl

vel eius hæredes, debitum esse persolutum, ne bis fiat restitutio. *ibid. n. 10. & seq. pag. 416. n. 19. & 20.*

95. Compositio obtenta à Summo Pontifice est causa sufficienter excusans à restitutione, quando nescitur cui sit faciēda. Quando verò constat cui faciēda sit restitutio, non valet compositio obtenta à Sede Apostolica sine graui causa: quia Summus Pontif. non est dominus bonorum suorum subditorum, neque potest de illis disponere suo arbitratu. *tom. 2. pag. 416. n. 27.*

96. Debitor non potest ingredi religionem, quando præuideret fore vt ingrediendo nequeat creditoribus satisfacere, quibus satisfaceret manendo in sæculo, quia obligatio iustitiæ præferenda est consilio. Immo obstrictus voto religionis emissio ante debita contracta, non potest votum implere si sperat manendo in sæculo se creditoribus satisfacturum; votum enim includit hanc tacitam conditionem, nisi superueniat notabilis mutatio; superuenientibus autem debitis censetur notabilis mutatio superuenire. *tom. 2. pag. 417. n. 1. & 2.*

97. Obligatio restituendi non extinguitur per ingressum in religionem, aut per professionem: quamobrem qui religionem ingressus est ante præstitam satisfactionem, tenetur dare operā vt suo labore, vel arte acquirat bona quibus satisfaciatur, quantum decet statum religiosum, interueniente licentia superioris. Professio tamen ante factam restitutionem est valida: nam Clemens VIII. moderatus est motum Pij V. quo grauati ære alieno suppræ vires suarum facultatum, reddebantur inhabiles ad professionem; moderatus, inquam, est quoad inualiditatem professionis, quamuis illum reliquerit in suo fobore quoad pœnas admittentium obæratos ad professionem. *ibid. n. 7. & 8.*

Reus.

1. **R** Ei accusatio fit semper scripto; at denunciatio solis verbis fieri potest. Reum accusans suscipit in se onus probandi; non autem denuncians, ac proinde non se subicit pœnæ talionis. *tom. 2. fol. 325. n. 1. & seq.*

2. Non est necessario præmittenda secreta admonitio ante accusationem, cuius finis est punitio. *ibid. n. 4.*

3. Quando crimen vergit in damnum commune; vel tertiæ cuiuspiam personæ, & potest impediri, reus est accusandus; & qui non accusat, peccat; teneturque ad restitutionem si ex officio accusare tenebatur: non obligatur tamen ad luendam pœnam quæ fuisset reo subeunda si in iudicium venisset. *ibid. fol. 326. num. 6. & seq.*

4. Quicumque in iure habentur infames, vt excommunicati

cati nominatim denunciati, concubinarij publici, vsurarij, proditores, & inimici ad accusandum non admittuntur, præterquam in casu hæresis, & in crimine læsæ maiestatis; quibus enim potest immò tenetur huiusmodi criminum reos statim denunciare, ne quid respublica capiat detrimenti. *ibid. n. 10.*

5. Quando crimen est occultum, reus non tenetur se prodere; quia iuridicè non interrogatur: At si infamiæ nota fuit reo iniusta, aut si est semiplena probatio ex grauibz indicis sufficienter probatis, potest iudex reum cogere ad fatendam veritatem; tunc enim legitimè procedit, & iuris ordinem seruat. Immo si coniecturæ sint ad eò certæ vt is qui accusatur, meritò præsumatur criminis reus, potest iudex contra illum sententiam ferre. *tom. 2. fol. 327. n. 1.*

6. Reus iuridicè interrogatus, tenetur dicere veritatem, licet ex ea confessione sit condemnandus ad mortem; probabiliter tamen defendi potest, absque peccato mortali reum posse negare veritatem, vbi agitur de capite, de iactura bonorum, aut famæ, si spes sit euadendi. Quapropter non tenetur Confessarius illum cogere ad manifestandam iudici veritatem, quamdiu spem haber euadendi, aut ad dictum retractandum, si ex illa retractione sequutura sit condemnatio; debet tamen illum monere non esse negandam veritatem si rursus interrogetur. *ibid. fol. 328. n. 7. & 8.*

7. Potest reus, aut eius aduocatus tuta conscientia, testium, crimina occulta aperire ad eorum fidem labefactandam, cuiusmodi sunt periurium, crimen falsi, excommunicatio, & infamia iuris, vel facti, modò nihil falsi affingat: quia vtitur iure suo vtendo medijs ad sui defensionem ordinatis. *ibid. n. 10.*

8. Potest reus fugere à carcere, etiamsi ibi detineatur ob debita, aut etiamsi ex eius fuga custos carceris sit aliquid damni passurus. Idem sentiendum de eo qui damnatus est ad perpetuum carcerem, vel ad triremes. Potest item vincula, & carcerem effringere nec tenebitur ad restitutionem, tamen si reliqui vincti inde ansam arripiant fugiendi, quia illius fugæ est tantum causa per accidens; tenebitur tamen carcerem effractum restituere. *ibid. pag. 329. n. 13. & seq.*

9. Qui fugam reo consulit, aut instrumenta ad effringendum carcerem præbet, non peccat; modò ad ipsam effractionem non cooperetur. *ibid. n. 19.*

10. Reus per se loquendo, non tenetur morem gerere sententiæ iudicis quæ nititur falsa præsumptione; non tamen potest se per vim tueri contra iudicem ne huiusmodi sententiam exequatur. *tom. 2. pag. 330. num. 22.*

11. Reus negans veritatem non tenetur pœnam soluere quæ fuisset luenda, si veritatem aperuisset, dummodò ad eam pœnam non teneretur ante sententiam iudicis, aut iure naturæ ob contractum, vel damnum iniuste illatum: tunc enim non eximeretur ab obligatione soluendi, quia illa obligatio erat anterior. *ib. n. 23.*

ROMANA CURIA.

Ad Romanam Curiam accedentes.

1. **Q**ui per se, vel per alios interficiunt, vel mutilant, vel spoliant, vel capiunt, vel detinent accedentes ad Sedem Apostolicam, seu Curiam Rom. vel ab ea recedentes; aut qui usurpata temerè auctoritate præfatas actiones per se, vel per alios contra morantes in Rom. Curia audent perpetrare, incurrunt excommunicationem 9. latam in Bulla Cœnæ. Illi autem dicuntur accedere ad Sedem Apostolicam qui negotiorum causa Summum Pontif. adeunt: qui verò causa indulgentiarum, aut Urbis visitandæ Romam perunt, non dicuntur accedere ad Sedem Apost. seu Curiam Rom. Item illi dicuntur à Sede Apost. recedere, qui ad eam accesserant causa negotiorum in Curia expediendorum. *disp. 1. quest. 10. punct. 1. c. 2. p. 42. c. 46. tom. 3.*

2. Hanc censuram non incurrit qui interficit, spoliat vel detinet eum qui solùm decreuerat iter suscipere ad Curiam Rom. aut qui ad eam ibat negotiorum causa, sed postea voluntatem mutauerat, aut longo tēpore iter intermiserat: quia is non dicebatur amplius ad Rom. Curiam accedere. *ib. punct. 1. p. 42. n. 4. tom. 3.*

3. Qui accedentem ad Rom. Curiam leuiter percussit, ex quo tamen vulnere casu accidit vt percussus interierit, non censetur ligatus censura huius. Bullæ, modò id à percutiente præuisum non fuerit. Item si multi percusserunt, vnus autem lethale vulnus inflixit vnde mors sequuta est, ille vnus excommunicationem incurrit. *ibid. p. 43. n. 11. c. 12. tom. 3.*

4. Qui accedentem ad Sedem Apost. verberat, aut illi digitum amputat, aut membrum debilitat, non tamen abscindit, aut qui claudum illum efficit, nullo membro abscisso, non incidit in censuram Bullæ: quia hæc censura lata est in mutilantes; mutilare autem est membrum aliquod à corpore præscindere; porro membrum appellatur ea pars corporis quæ proprium habet officium distinctum à reliquis, vt oculus, pes, manus. &c. *ibid. n. 14. c. 15.*

5. Qui accedenti ad Sedem Apostolicam eripit vestem, pecuniam, equum, &c. ligatur censura huius Bullæ (nisi materiæ paruitas, vel ignorantia excuset.) Qui tamen clam, & per dolum tumeam, aut aliquid aliud furripit, non videtur hanc censuram

incurrere; quia hic non dicitur spoliare, cum nullam vim inferat
ibid. pag. 44. n. 18. & 19. tom. 3.

6. Qui rapit uxorem, filios, vel familiares seu famulos quos accedens ad Rom. Curiam secum ducit intuitu negotiorum ibi tractandorum, contrahit hanc excommunicationem. Quia Pontifex sub censura prohibuit spoliationem accedentium ad Sedem Apost. committitur autem spoliatio non solum dum pecunia aut vestes, vel similia per vim auferuntur, verum etiam dum vxor, filius, famuli rapiuntur: quippe rapina, & plagium sub spoliatione tanquam species sub genere continentur. *ibid. num. 21. & 22.*

7. Qui personaliter comprehendit accedentes ad Sedem Apost. vel recedentes, subiacer huic censuræ, nisi paruitas materiarum excuset, aut nisi iuste id egerit. Qui enim accedentem ad Sedem Apost. personaliter capit ob delictum in sua ditione commissum, vel ob debitum, utitur iure suo, neque censuram incurrit. Idem dicendum de capiente clericum de fuga suspectum, vt eum suo Episcopo quamprimum consignet, & de Abbate capiente monachum fugitium asserentem se velle Sedem Apostolicam adire *ibid. pag. 45. n. 13. & 27. tom. 3.*

8. Qui præcepto, aut verbis comminatoriis absque vlla violentia detinet aliquem, illumque impedit ne ad Sedem Apostol. accedat, probabiliter videtur non incidere in hanc excommunicationem, licet graniter peccet. Quia excommunicatio lata est contra detinentes, detinere autem videtur importare actionem physicam violentam contra personam quæ detinetur; at verba legis poenalis non sunt ultra propriam significationem extendenda. *ibid. num. 32.*

9. Qui nullam in Rom. Curia iurisdictionem habet, obstringitur vinculo huius excommunicationis si spoliaret, capiat, aut detineat usurpata temerè auctoritate eos qui in Rom. Curia commorantur. Vnde sequitur Episcopum, vel Prælatum qui capit, aut detinet aliquem ex sibi subditis in Curia Rom. commorantem contrahere excommunicationem: quia sibi usurpat iurisdictionem quam in subditum quamdiu in Curia moratur, non habet: excusat tamen ignorantia etiam vincibilis, & affectata si putet se iurisdictionem habere. At contra si quis ex officialibus Papæ actiones aliquas prohibitas exerceat contra commorantes in Curia, in hanc excommunicationem non incurrit: quia licet grauiter peccet, & iurisdictionis suæ terminos excedat, nihilominus iurisdictionem habet in Curia. *ibid. pag. 45. & 46. n. 35 & 36. & seq. tom. 3.*

10. Qui interficit, capit, aut detinet de mandato superioris iurisdic

iurisdictionem non habentis in Rom. Curia, ligatur vinculo huius censuræ: quia licet sit tantum executor, agit tamen auctoritate, potestate scilicet accepta ab eo qui sibi iurisdictionem usurpauit: excusat tamen ignorantia. *ibid. n. 43. pag. 46.*

11. Qui mandat vel iubet interfici, aut capi accedentes ad Rom. Curiam, aut in ea commorantes, subiicitur huic censuræ modò sequuta sit actio mandata, & mandatum non fuerit reuocatum: effectus enim reuocato mandato non imputatur mandatori, modo reuocatio innotuerit ei qui acceperat mandatum. *ibid. punct. 2. pag. 46. n. 1. & seq.*

12. Qui infidelem, vel hæreticum ad Sedem Apost. accedentem negotiorum causa interficit, mutilat, &c. videtur incurrere in hanc censuram: Quia Ecclesia non solum fideles benignè excipit, sed etiam infideles ad se confugientes admittit, nullique gremium claudit: quare debent etiam infideles gaudere priuilegio securitatis, in hac Bulla concessio. *ibid. pag. 47 48. n. 12. tom. 3.*

Virtualia impediētes.

13. Omnes iniuste impediētes ne virtualia, vel alia ad vsum Rom. Curiaē necessaria deferantur, vel inuadentes eos qui hæc ad Rom. Curiam deferunt, excommunicationem 8. Bullæ incurrunt. Nomine autem Rom. Curiaē intelligitur Summum Ecclesiæ Tribunal, seu Audientia Papæ ipso præsentē, vel etiam absente; nequē enim Rom. Curia constat solo Summo Pontifice tanquam capite; sed etiam Cardinalibus, Auditoribus Iudicibus, aliisque ministris, & Officialibus audientiæ, nec non litigantibus aliisque Romam venientibus ob negotia coram officialibus Summi Pontif. expedienda. Quare qui impedit ne Romam virtualia deuehantur, si alio translata sit Curia, non incidit in hanc excommunicationem. *disp. 1. quest. 9. punct. 1. & 2. pag. 37. 38. tom. 3.*

14. Gubernator provinciaē, vel ciuitatis alicuius qui triticum ex provincia vel ditione sua extrahi prohibet, nec deferri permittit ad Rom. Curiam, vt suæ provinciaē, vel ciuitati consulat, non ligatur hac censura; quia non impedit iniuste, sed iure, cum teneatur damnum suæ provinciaē vel ciuitatis præcauere; per accidens autem, & præter ipsius intentionem fit vt triticum ad Rom. Curiam non deferatur. Idem dicendum si Rom. Curia laboret peste & prohibeatur quis eo virtualia deferre, ne rediens urbem inficiat. *ibid. pag. 39. n. 8. tom. 3.*

15. Qui deferentem virtualia, spoliat pecuniis, non ablatiis virtualibus, huius Bullæ censuram non incurrit: quia in hoc casu Rom. Curia non offenditur in virtualibus, aut aliis ad

ipsius usum pertinentibus, cum hæc non auferantur, ut suppono. Modò tamen non spoliatur animo impediendi dilationem victualium; tunc enim ligatur censura, si pecuniis spoliatus victualia ad Rom. Curiam non deferat; quia actione iniusta impedit, ne deferantur. Item si pecunia deferatur ad usum alicuius Curialis, spoliatus afficitur hac censura, secus si ad usum ipsius deferentis. *ibid. n. 10.*

16. Non ligatur hac censura, qui res suas vendere non vult ad Rom. Curiam transferendas, etiamsi fortè aliæ desint: hic enim propriè non impedit, cum nullam actionem positivam exercent, sed negativè se habeat. *ibid. n. 11.*

17. Non incurrit hanc censuram, qui deferentem victualia compellit ad solutionem vectigalis; etiamsi pro solutione magna victualium pars danda sit. Idem dic de exactore vectigalium, qui omnia Romam deferenda aufert in pœnam non soluti vectigalis, modò vectigal sit iustum: hic enim non impedit iniuste. *ibid. n. 13.*

18. Qui ob priuatas inimicitias inuadit deferentem victualia ad Rom. Curiam, vel etiam occidit, non animo impediendi, sed ut vindictam ex eo sumat, non ligatur hac censura: quia primò, & per se intendit vindictam, per accidens autem impeditur dilatio victualium Romam. *ibid. n. 4.*

19. Excusatur ab hac censura, qui emit victualia ab eo, qui ad Rom. Curiam ea defererebat, seu emat in suum, & familiæ usum; seu emat, ut vendat eum lucrò: hic enim utitur iure suo, & per accidens tantùm impedit ne ad Rom. Curiam deferantur. Item qui deferentem victualia in carcerem trudit ob crimen, vel debitum: quia utitur iure suo. *ibid. n. 16. & 17.*

20. Victualia, quæ ex alieno territorio ad Rom. Curiam deportantur, potest Princeps per cuius ditionem transeunt, impedire, & detinere in usum suorum subditorum conuertenda, urgente graui annonæ caritate: Principis enim est bono communi prospicere. Nisi Curia Rom. pari, vel maiori rerum penuria laboraret; in hoc enim casu Princeps non habet ius ea victualia deferendi. *ibid. pag. 40 n. 20 tom. 3.*

21. Qui mandat, vel consulit impediri, aut perturbari dilationem victualium ad Rom. Curiam, in hanc censuram non incurrit, quia censura lata contra facientes non afficit mandantes, vel consulentes, nisi hoc exprimitur. *ibid. n. 21.*

22. Impedientes victualium translationem ad Rom. Curiam ex vi huius Bullæ præter excommunicationem, aliam pœnam non incurrunt. Ex aliis vero iuribus, qui terras, vel oppida in feudum, vel alio titulo retinent à Sede Apostolica, priuantur domi

dominio dictorum feudorum, terræ autem, & oppida subiiciuntur Ecclesiastico interdicto. Immo persistentes ultra sex menses in sua contumacia, ipso iure priuantur omnibus feudis, & iuribus, quæ ab Sede Apostolica, vel ab aliis obtinebant. *ibid. n. 22.*

23. Qui per se, vel per alios defendunt impediētes, vel inuadentes eos, qui victualia ad Rom. Curiam deferunt, eandem censuram incurrunt; id enim disertè exprimitur in Bulla: modò tamen sequatur effectus Qui autem defendunt, seu protegent impediētes, vel inuadentes post sequutum effectum impediēti, vel inuasionis, vt si eos defendant, ne capiantur à satellitibus, & puniantur, non ligantur hac censura: quia actio principalis propter quam lata est censura, iam præcessit, suumque effectum sortita est. *ibid. n. 23. & 24.*

24. in dubio au sit legitima impediēdi causa, si impediētes publicam personam gerit, præsumitur iustè impediuisse; quia in facto principis, seu personæ publicæ non præsumitur delictum. Sin impediētes est persona priuata, cum ius non habeat impediēdi, præsumitur iniustè impediuisse, nisi ostendat se id iure fecisse. *ibid. punct. 3 pag. 41. n. 2. tom. 3.*

25. Paruitas materiæ excusare potest ab hac censura incurrenda; hæc autem paruitas non solum ex quantitate rei, verum etiam ex diuturnitate temporis pensanda est. Vnde sequitur illum excusari, qui tantum per aliquot horas victualium delationem retardauit, vel qui impediuit, quo minus victualia, quæ vnus iumentis onus non excedebant, ad Rom Curiam deportarentur. *ibid. n. 3. & 4.*

Recurrentes ad Romanam Curiam.

26. Omnes, & singuli iniustè occidentes, percutientes, aut bonis spoliāntes eos, qui recurrunt ad Rom. Curiam negotiorum causa, vel Iudices, Aduocatos, & Procuratores, qui hæc negotia prosequuntur in eadem Curia; seu qui per se, vel per alios directè vel indirectè delicta huiusmodi committere, exequi, vel procurare, aut iis auxilium, consilium, vel fauorem præstare non verentur, Bullæ Cœnæ 12. excommunicationem incurrunt. *disp. 1. quæst. 13 pag. 62. tom. 3.*

27. Ille dicitur ad Rom. Curiam recurrere non solum, qui seipsum personaliter confert ad Rom Curiam, vt ibi negotia sua tractet, verum etiam ille, qui alium mittit, vel qui per literas negotium tractat. Incola verò ciuitatis, vel loci, in quo est Rom. Curia, non dicitur ad Curiam recurrens; consequenter huius canonis priuilegio non gaudet, nisi fortè sit agens, aut procurator recurrentis. *ibid. punct. 2. pag. 63. n. 2. tom. 3.*

28. Qui recurrentem ad Rom. Curiam verbis contumeliosis afficit, famam illius, & exstimationem voce, vel scriptis lædit, huius canonis excommunicationem non subit: quia hic non dicitur propriè spoliare qui alteri famam, & honorem auferit. *ibid. punct. 1. pag. 62. num. 5. tom. 3.*

29. Qui recurrenti ad Rom. Curiam aliquid auferit ad Compensationem sibi faciendam, non est huic censuræ obnoxius. quia hæc actio non est spoliatio sed compensatio, seu acceptio rei sibi debitæ, ac proinde non est iniusta. *ibid. pag. 63. n. 6. tom. 3.*

30. Non quælibet spoliatio, seu usurpatio iniusta sufficit ad hanc censuram incurrendam, sed ea quæ fit occasione causarum (ut habetur in Bulla) id est, quia recurritur ad Rom. Curiam. unde sequitur latronem qui occidit recurrentem ad Rom. Curiam, aut eum spoliat, non incurrere censuram huius canonis; quia id facit animo prædandi, non autem occasione causarum vel negotiorum. Idem dicendum de eo qui ob priuatas simulas occidit recurrentem ad Sedem Apost. *ibid. n. 7.*

31. Qui recurrentem ad Sedem Apost. vim vi repellendo ad necessariam sui defensionem occidit, non contrahit excommunicationem: quia nec occidit iniuste, nec intuitu causarum, & negotiorum. Rursus qui recurrentem ad Sedem Apost. criminaliter accusat, & ob accusationem causa est mortis, vel spoliationis bonorum, non subiicitur huic excommunicationi; quia vitur iure suo. Item qui proscriptum ad Rom. Curiam recurrentem, ad quam venire non potest nisi obtenta à Principe facultate, occidit, hanc censuram non incurrit: quia illa actio, iure permittente, est iusta. *ibid. punct. 3. pag. 65. n. 1. tom. 3.*

32. Qui iniuste percutit vel spoliat eum qui iniuste recurrit ad Sedem Apost. nihilo secius hanc censuram incurrit: tum quia excommunicatio lata est contra iniuste percutientes; tum quia alioquin aperiretur via delictis, cum pars aduersa ferè semper existimet alteram partem iniquè litem prosequi *ibid. n. 3.*

33. Qui ex ignorantia etiam culpabili nescit aliquem ad Curiam Rom. recurrere, non ligatur excommunicatione si illum occidat; quia Summus Pontifex censuram tulit in contumaces; ubi autem est ignorantia, non est contumacia. *ibid. n. 6.*

34. Qui recurrentem ad Rom. Curiam iniuste accusat, aut falsis testibus conuincit, incidit in excommunicationem si ex illa accusatione mors, vel bonorum spoliatio sequatur illi qui iniquè accusatus est intuitu negotiorum in Curia tractandorum, quia hic saltem indirectè est causa occisionis, vel spoliationis *ibid.*

35. Qui ad Rom. Curiam confugere volenti suadet ut tali via (quam ipse suadens nouit à latronibus obsideri) Romam contendat,

contendat, ligatur censura huius canonis, si confugiens ad Rom. Curiam à latronibus occidatur, vel spoliatur: quia est causa saltem indirecta huius occisionis vel spoliationis. *ibid.*

36. Qui ratas habet huiusmodi actiones sub censura prohibitas, ex probabiliori sententia, non subiacet excommunicationi; tum quia id non exprimitur in canone; tum quia rati habitio est posterior actione, proindeque non potest positivè in eam influere. *ibid. n. 7.*

37. Qui nō impedit præfatas actiones prohibitas cūm possit, vinculo huius censuræ non irretitur: quia se habet negativè neque influit in actum; nisi auctoritativè assistat, & suo silentio delinquentibus favere videatur. *ibid. n. 8. p. 66. tom. 3.*

38. Qui clericum ad Rom. Curiam recurrentem negotiorum causa percurit, duplicem incurrit censuram; quia violat duas leges censuram excommunicationis continentes, & ex variis motibus lata: altera quippe condita est in gratiam Rom. Curiae, altera in honorem Ordinis, seu status Ecclesiastici. *ibid. n. 10.*

Censura huius canonis non solum in hac Bulla, verum etiam alibi promulgata invenitur.

Romana Ecclesia Iura, & Bona.

39. Qui per se, seu per alios, directè, vel indirectè sub quocumque titulo, vel colore inuadunt, destruunt, occupant & detinent terras, vel iura temporalia ad Rom. Ecclesiam pertinentia; aut qui usurpant, vel perturbant supremam iurisdictionem quam Rom. Ecclesia in illis terris habet, in excommunicationem 20. Bullæ Cœnæ incurrunt. *disp. 1. quæst. 2. p. 137. tom. 3.*

40. Qui habet à Summo Pontifice civitatem in feudum quæ ab alio iniuste occupatur, aut quæ per rebellionem deficit à fide illius cui in feudum data fuerat, non incurrit excommunicationem illam inuadendo, capiendo, & detinendo; quia non agit iniuste, neque præsumitur Summus Pontif. velle iniustitiam alterius iniuste occupantis fovere. *ibid. punct. 2. p. 140. n. 2. tom. 3.*

41. Qui aliqua Rom. Ecclesiæ bona, seu iura, bona fide, & proprio nomine possedit spatio centum annorum, ab excommunicatione huius canonis excusatur; quia hic non dicitur bona Rom. Ecclesiæ iniuste detinere, cūm spatio centum annorum res Ecclesiæ Rom. præscribantur; modò tamen bona quæ occupantur, capacia sint præscriptionis: sola autem Bullæ promulgatio singulis annis fieri solita non sufficit ad interrompendam præscriptionem, nisi malam fidem, aut dubium possidenti inducat; præscriptio enim bona fide inchoata non interrumpitur, nisi mala

fides, aut dubium superueniat. Superueniente autem dubio possidens Ecclesiæ bona tenetur adhibere diligentiam vt cognoscat an illa bona sint Ecclesiæ, an sua; qua adhibita potest illud dubium deponere, nec tenetur bona Ecclesiæ restituere, quia in dubio melior est conditio possidentis. *ibid. n. 2. & 3.*

42. Qui ex priuilegio, aut legitima concessione supremam iurisdictionem in terris ad Rom. Ecclesiam pertinentibus exercent, vt Rex Hispaniæ in Sicilia, & Sardinia, Respublica Genuefis in Corsica, non subiiciuntur huic excommunicationi: quia legitime illam iurisdictionem exercent, non autem vsurpant. *ibid. punct. 1. pag. 139. num. 23. & 24. tom. 3.*

43. Qui fauent, adherent, auxiliantur, consulunt, aut defendunt prædicta facientes eandem censuram incurrunt. Hinc sequitur eum qui equos, arma, milites, com meatum, pecuniam, aut alia præbet huiusmodi inuaforibus, & vsurpatoribus iuriū Rom. Ecclesiæ, aut qui illis transitum per suam ditionem concedit, eiusdem excommunicationis vinculo obstringi, si sequatur effectus: cum enim actiones accessoria prohibeantur intuitu principalium, excommunicatio non incurritur non sequuta aliqua principali actione. *ibid. pag. 140. n. 26. & 27. tom. 3.*

44. Ciuitates, & loca quæ in hoc canone inuadi, deuastari, detineri, vel vsurpari prohibentur sunt illa omnia quæ Rom. Ecclesiæ mediata, vel immediata subiiciuntur, vt Roma, Sicilia, Sardinia, Corsica, Ducatus Spoletanus, Comitatus Venufinus, Comitatus Sabinensis, Marchia Anconitana, Campania, Bononia, Ferraria, &c. Dicuntur autem loca Rom. Ecclesiæ immediata subiecta in quibus Summus Pontif. ius dicit per se ipsum, vel per Gubernatores à se missos, vel etiam delegatos ab ipsis Gubernatoribus. Illa vero dicuntur mediata subiecta, in quibus Summus Pontif. facultatem ius dicendi in alios transtulit, retento sibi dominio directo, vt sunt loca quæ in feudum alicui tradita sunt. Igitur qui huiusmodi loca inuadit, aut occupat iniuste, excommunicationi huius canonis est obnoxius. Secus autem qui inuadit, destruit vel occupat iura, aut bona ad Summum Pontif. pertinentia, non quatenus Pontifex est, sed quatenus priuatus: quia hæc bona seu iura non sunt Ecclesiæ Rom. *ibid. punct. 3. pag. 141. num. 2. & seq. tom. 3.*

ROMIPETA. PEREGRINVS.

Romipetarum violatores.

1. Omnes, & singuli iniuste interficientes, mutilantes, vulnerantes, detinentes, capientes, deprædantes Romipetas, seu peregrinos

peregrinos Romam petentes deuotionis, vel peregrinationis causa, vel in ea morantes, vel ab ea recedentes, vel in his dantes auxilium, consilium vel fauorem, excommunicationem 10. Bullæ Cœnæ incurrunt. *disp. 1. q. 11. punct. 2. pag. 50. n. 1. tom. 3.*

2. Hinc sequitur eum qui offendit ciuem Romanum, sacra Urbis loca visitantem, aut peregrinum. ad S. Iacobum Compostellanum, vel ad S. Christi Domini sepulchrum, vel ad ædem Lauretanam proficiscentem, non subiacere huic excommunicationi: quia isti non sunt Romipetæ, seu peregrini ad urbem. *ibid. punct. 3. pag. 51. num. 4. & 6. tom. 3.*

3. Qui Romipetam seu peregrinum ad urbem proficiscentem verberat, seu percutit sine vulnere, & sanguinis effusione, etiamsi ex percussione aliqua contusio, tumor, luor vel macula in cute appareat, non ligatur hac censura: immo nec qui os brachij, vel femoris perfringit absque scissione carnis, & sanguinis effusione: quia hic propriè non dicitur vulnerare. Porro non queritur sanguinis effusio sufficit ad excommunicationem incurrendam, sed requiritur ea quæ constituat peccatum mortale, *ibid. punct. 1. pag. 49. n. 3. & 4. tom. 3.*

4. Sub censura huius canonis comprehenduntur qui vias obsident, adoriuntur Romipetas, illisque per vim pecunias, vestes vel alia eripiunt: Secus autem qui furtim pecunias vel alia surripiunt: quia hi furari potius quam deprædari dicuntur. Neque in hanc censuram incidit qui Romipetam iam ab alio occisum vestibus, vel pecunia spoliat, quia mortuo nullam vim infert; vis enim seu violentia, ex Aristotele, est à principio extrinseco resistente passo. *ibid. pag. 50. num. 8. & seq. tom. 3.*

5. Qui Clericum Romipetam deuotionis causa ad urbem proficiscentem vulnerat, mutilat, occidit, &c. duplicem censuram incurrit: quia percussio clerici speciali ratione verita est sub pena excommunicationis: in honorem ordinis, & status Ecclesiastici: vnde fit vt ad obtinendam absolutionem vtrique circumstantia sit aperienda *ibid. pag. 52. num. 16. tom. 3.*

6. Qui vexat Iudæum, hæreticum, vel excommunicatum accedentem ad urbem conuersionis, vel deuotionis causa, incidit in hanc censuram: licet enim illi à fidelium communione excludantur, Romam tamen se conferunt, vt in Ecclesiæ gremium admittantur, proindeque priuilegio huius canonis gaudent. *ibid. pag. 53. n. 20. tom. 3.*

7. Quandiu peregrini Romæ morantur deuotionis causa, non possunt sine excommunicatione violari. Qui verò absoluta deuotione decreuit Romæ manere, ibique domicilium figere, vt frequentius loca sacra inuisere, & alia pietatis opera obire

possit, non gaudeat ampliùs priuilegio huius canonis: quia definit esse peregrinus, & sit vrbis incola, consequenter qui eum offendit, censuram non incurrit. *ibid. n. 21.*

8. Qui suscepta peregrinatione Romam versus, iamque inchoato itinere domum reuertitur, vt aliquid faciat, vel accipiat quod domi oblitus fuerat, non gaudet priuilegio huius canonis, quandiu domum reuertitur; cōsequenter qui eum in reditu vulneraret, in excommunicationem huius canonis non incideret: quia canon loquitur de vexantibus accedentes ad urbem, vel recedētes; hic autem neque accedit ad urbem cūm domum redeat, neque recedit ab vrbe, cūm ad illam nondum peruenerit. *ibid. pag. 54. n. 26. tom. 3.*

9. Dantes auxilium, consilium, vel fauorem ad violādos Romipetas, non censetur ligari excommunicatione, nisi sequuta sit mutilatio, vulneratio, &c. quia auxilium, fauor, & consilium non per se prinđ prohibentur; sed in detestationem mutilationis, vulnerationis & aliarum actionum, quibus vis inferitur Romipetis; censura autem non incurritur ob actiones accessorie tantū prohibitas, nondum sequuto effectu. *ibid. punct. 1. pag. 50. n. 15. 10. 3.*

10. Ignorantia probabilis iuris, & facti, vel etiam pēnæ, excusat ab hac censura. Quia censuræ feruntur contra contumaces; contumax autem non est qui probabili laborat ignorantia. Hinc sequitur prædones excusari posse ab excommunicatione dum aliquem adoriuntur qui nullum peregrinationis signum præ se fert. Secūs si peregrinus consuetum peregrinorum habitum gestet. Qui verò Romipetam non in odium peregrinationis, sed ob priuatas similitudines offendit, non propterea huius censuræ pēnam euadit. *ibid. punct. 4. pag. 54. n. 1. 6. seq. tom. 3.*

11. Qui iusta de causā Romipetam vulnerat, mutilat, occidit, &c non est huic censuræ obnoxius. Ideò si iudex seruato ordine iuris peregrinum in delicto comprehensum capi, vel suspēdi iubeat, aut si quis ad sui defensionum peregrinum cum modamine inculpataē tutelæ vulneret, vel occidat, non incurrit excommunicationem. *ibid. num. 4.*

S.

SACRAMENTVM.

Sacramentum quid?

1. SACRAMENTVM est signum sacrum, infallibiliter efficiens rem sacram quam significat, per quam homines sanctifi

sanctificantur. Vnde patet Sacramentum non esse ens rationis; habet enim vim significandi, & efficiendi id quod significat, etiam nemine cogitante. *tom. 1. pag. 1. 2. n. 1. & 2.*

2. Sacramentalia non sunt Sacramenta propriè dicta; neque enim ex opere operato gratiam conferunt. Neque sacrificium, vt sic, est Sacramentum, quia non est institutum ad sanctificandum sacrificantem: fieri tamen potest vt sacrificium materialiter sumptum, sit Sacramentum, vt est nostrum sacrificium incruentum. *pag. 2. num. 3. & 4.*

3. Sacramentum dicitur signum, quia præter externam illam speciem, quam oculis exhibet, deducit nos in alterius rei cognitionem. Est autè signum rememoratiuum Christi patientis: demonstratiuum gratiæ, & prognosticum gloriæ *ibid. n. 6. & 7.*

4. Sacramenta Deus ineffabili prouidentia instituit in iis rebus, quæ similitudinem habent cum eo quod significant, & cum effectu quem produciunt. In rebus autem sensibilibus Sacramenta sunt instituta, vt homo à sensibilibus & materialibus ad spiritalia contemplanda traducatur. *ibid. n. 8. & 9.*

Sacramenta quot sint?

5. Certum est de fide sacramenta nouæ legis septem esse, nec plura, nec pauciora, Baptismum scilicet, Confirmationem, Eucharistiam, Pœnitentiam, Extremam vnctionem, Ordinem, & Matrimonium. Huius numeri ratio peti potest ex analogia vitæ spiritualis ad corporalem. Inter Sacramenta, si spectemus ordinem essentialem, & necessitatis, Baptismus primum sibi locum vëdicat, proximum Pœnitentia. At si perfectionis ordinem attendamus, primum occupat Eucharistia. *tom. 1. pag. 2. & 3. n. 1. & seq.*

Sacramenta veteris Legis

6. Status innocentie caruit Sacramentis; quia illis non indigebat. Nam matrimonium tunc institutum, non fuit Sacramentum; sed datum fuit ad humani generis propagationem; dicitur autem ab Apostolo sacramentum, quia fuit mysterium, & figura futuræ Incarnationis. Porro in statu naturæ lapsæ, ante & post Christi aduentum necessaria fuerunt Sacramenta. *pag. 3. num. 2. & seq.*

7. In statu naturæ fuerunt saltem duo Sacramenta. 1. fuit remedium pro paruulis, externa scilicet protestatio fidei facta à parentibus, quia protestabantur omnes saluandos per Christi aduentum. 2. fuit sacrificium pro adultis, quatenus per ipsum remittebantur peccata in virtute Christi venturi. *ibid. n. 7. & 8.*

8. Lex scripta plura habuit Sacramenta, nempe Circumci-

sionem, Sacrificium, Agnum Paschalem, &c. quæ fuerunt propriæ Sacramenta, non tamen conferebant gratiam ex opere operato, neque introducebant ad gloriam. *ibid. n. 9. & seq.*

9. Circumcisio instituta fuit à Deo, & tradita Abrahamo quadringentis annis ante legem scriptam Moyfi traditam, & obligat omnes ab Abrahamo descendentes; reliqui autem, licet non tenerentur, poterant circumcidi. Minister Circumcisionis nullus erat determinatus, immò poterat quis seipsum circumcidere. *tom. 1. pag. 4. n. 1. & seq.*

10. Circumcisio instituta fuit ad delendum peccatum originale, nec videtur improbabile contulisse gratiam per modum operis operati, quippe conferebat gratiam ultra meritum, & dispositionem suscipientis, non tantum paruulis, sed etiam adultis, illam cum attritione suscipientibus. Vnde colligitur per circumcisionem non tantum deletum fuisse peccatum orig. sed etiam actuale in adultis, *ibid. n. 4. 5. & seq.*

11. Circumcisio adultis necessaria fuit necessitate præcepti. Paruulis verò nec necessitate præcepti, nec medij; nam ante octavum diem morientes, cum solo remedio legis naturæ saluabantur. Fiebat cultro ferreo, vel etià lapideo. Porro pro fœminis nullum aliud fuit remedium quam naturæ. *ibid. n. 8. & pag. 5. n. 12.*

Sacramentorum necessitas.

12. Sacramenta non sunt absolute, & ex natura rei necessaria ad salutem; virtus enim Dei infinita non est alligata Sacramentis. At supposita Christi institutione sunt necessaria necessitate medij; illis enim prætermisissis salus obtineri nequit, & multò magis necessitate præcepti. *tom. 1. pag. 5. n. 2. & seq.*

Sacramentorum materia & forma.

13. Omnia novæ legis Sacramenta constant materia, & forma, seu rebus, & verbis; rebus ut materia, verbis ut forma. Materia autem est duplex, proxima, & remota, v.g. Eucharistiæ materia remota est panis, & vinum, proxima sunt species panis, & vini. *tom. 2. pag. 6. n. 3. & seq.*

14. Ex diuina institutione, materia, & forma Sacramentorum est determinata, quam Ecclesia non potest mutare, aut variare, quia Ecclesia non est supra Christum, qui est caput Ecclesiæ. Mutatio substantialis verborum irritat Sacramentum non autem accidentalitatis, ita ut maneat eadem significatio. *pag. 6. & 7. num. 7. & seq.*

15. Quando verba ita interrumpuntur, ut vnam orationem non componant, aut quando ita diuiduntur ut vnum integrum sensum

sensum non conficiant, inualidum est Sacramentum: quare danda est opera ut verba successiuè, & absque interruptione proferantur, necnon ut forma, & materia coniungantur, ut certior sit validitas Sacramenti. *tom. I. pag. 8. n. 23.*

16. Validum est Sacramentum administratum per verba synonima, aut etiam æquivoca, modò minister rectam habeat intentionem significandi quod per verba formæ significatur, & non inducendi nouum ritum. Non tamen licet noua verba priuata autoritate confingere *ibid. n. 24. & seq.*

17. Qui omittit, vel addit aliquod verbum, quod credit esse de essentia, cum tamen non sit, nihilominus validè conficit Sacramentum, modò debitam habeat intentionem; quia illa omisio, vel additio, est tantum accidentalis. At si debita intentio desit, nihil fit, quamuis adsit debita materia & forma. Quippe Sacramentum tribus perficitur, materia, forma, & intentione ministris. *ibid. num. 28.*

18. Qui absque necessitate in conficiendis Sacramentis vitur materia, vel forma dubia, grauiter peccat; quia se exponit periculo faciendi Sacramentum inualidum. At in necessitate, quando non suppetit certa materia, potest dubia adhiberi, præsertim in Sacramento Baptismi. Ille etiam peccat qui vitur forma certa, sed ei aliquid addit, aut detrahit; facit enim contra ritum Ecclesiæ. *ibid. n. 32. & pag. 9. n. 34.*

19. Quando rationabiliter dubitatur de validitate Sacramenti, potest iterum administrari sub conditione. Secus si adsit leue dubium, seu leuis scrupulus; quia iteratio Sacramenti facta sine legitima causa, videtur quædam irritio Sacramenti. Vnde patet non esse rebaptizandos eos qui nati, & educati fuerunt inter Christianos, nisi apertè constet non fuisse baptizatos. At infantes abrepti à barbaris, si dubitetur an abducti fuerunt ante Baptismum vel post, sunt sub conditione rebaptizandi. Idem dicendum de infantibus expositis sine vlllo signo indice Baptismi. *ibid. n. 36. & seq.*

20. Materia, & forma, seu res, & verba sunt partes intrinsecæ, & essentielles, Sacramentorum nouæ legis, ut patet ex Christi institutione. At si loquamur de Sacramentis in communi, res & verba non sunt de essentia sacramentorum; nam olim circumcisio sine verbis ministrabatur. *ibidem, numero. I. & 3.*

21. Vbiq; terrarum sufficit eadem forma, & materia in singulis Sacramentis; propterea Baptismus Græcorum vbiq; gentium valet, quia mutatio accidentalis non destruit substantiam Sacramenti: Integra autem forma ab vno eodémque ministro proferenda

proferenda est, ne sit falsa; preterquam in Sacramento Extrême unctionis, cuius unctiones sicut possunt à pluribus Sacerdotibus fieri, ita singulæ partiales formæ possunt à multis proferri simul, vel successivè; quia Extréma unctio confertur per modum orationis. *tom. 1. pag. 10. n. 1. & 2.*

Sacramentorum causa efficiens.

22. Sacramentorum causa principalis auctoritativè est solus Deus; per potestatem autem excellentiæ Christus illi enim competit hæc potestas propter excellentiam quam habet ob unionem cum divinitate. Cæterum quamvis hanc potestatem instituendi Sacramenta potuerit Christus communicare Ecclesiæ, seu Apostolis, non tamen communicavit, ut homines in solo Deo spem suam collocarent. *ibid. n. 2. & seq. pag. 11.*

23. Minister concurrens tanquam instrumentum ad conficienda Sacramenta in virtute Christi, est solus homo; non tamen quilibet. At ex diuina dispensatione potest Angelus esse minister Sacramenti. Immo ipse Dæmon de potentia Dei absoluta potest in assumpto corpore validè ministrare Sacramentum: si tamen de potentia ordinaria administret, habendum est pro nullo, quia non est credibile Deum velle uti opera dæmonis ad conficienda, & conferenda Sacramenta. *tom. 1. pag. 21. num. 8. & seq.*

Sacramentorum minister qualis esse debeat?

24. Probitas ministri, regulariter loquendo, non est necessaria ad validam Sacramentorum administrationem; quia Sacramenta operantur in virtute Dei, non autem ministri. Est tamen necessaria ad licitam Sacramentorum administrationem; graviter enim peccat administans Sacramenta in peccato mort. quippe ministri Sacramentorum debent conformari illi, cuius sunt ministri, nempe Deo, & Christo per sanctitatem. *ibid. n. 1. & pag. 12. n. 2.*

25. Exercens functiones Ordinum cum conscientia peccati mort. per se loquendo, non peccat mortaliter, præcisè administratione Sacramentorum facta à ministro, tanquam ad illà deputato, & consecrato; quia functiones ordinum non sunt immediate sanctificatrices, consequenter qui eas exercet, non tenetur sub mortali esse in gratia. Unde sequitur nec Episcopum conferentem primam tonsuram, aut conficientem Christum, nec Diaconum canentem Evangelium in choro, nec Parochum assistentem matrimonio cum conscientia peccati mort. peccare mort. *pag. 12. n. 4. & seq. & pag. 13. n. 10.*

26. Sacerdos in necessitate ministrans Baptismum in peccato mort. absque solemnitate, non peccat mort. quia non administrat ex officio, & vt minister consecratus Idem dicendum de laico. Excusatur item à mortali Sacerdos, qui mortalis culpæ sibi conscius transfert Eucharistiam ab vno altari ad aliud; hæc enim non est administratio Sacramenti, quanquam opposita sententia videtur probabilior. *ibid. n. 11. & seq.*

27. Non est necessaria fides ad validam Sacramentorum administrationem; quia materia, forma, & intentio ministri adesse possunt, etiamsi minister non habeat fidem. Infidelis tamen novum baptizatus non potest Sacramenta validè conficere, & administrare, excepto Baptismo; reliquorum enim Sacramentorum, præter matrimonium, minister est Sacerdos, ac character Sacerdotalis baptismum supponit. *pag. 13. n. 1*

28. Ad licitam Sacramentorum administrationem necessaria est fides, consequenter administrans Sacramenta sine fidè, graviter peccat, licet validè administret *ibid. n. 2.*

29. Ad validè conficiendum Sacramentum requiritur intentio faciendi, quod intendit Ecclesia, vel quod Christus instituit; neque sufficit intentio proferendi verba, vel exercendi actionem externam Sacramentorum. Hanc autem intentionem faciendi, quod Ecclesia intendit, non necesse est esse actuale, sufficit virtualis; habitualis verò nec sufficit, nec necessaria est. Idem sentiendum de attentione. Hinc collige Sacerdotem illum verè consecrare, qui secum tulit hostiam ad altare cum intentione consecrandi, licet tempore consecrationis non recorderetur, nec aduertat. *tom. 1. pag. 14. n. 4. & seq. pag. 15.*

30. Intentio qua quis suscipit ordines hoc animo, vt fieret Sacerdos, & minister Ecclesiæ, non sufficit ad conficienda validè Sacramenta, quia videtur habitualis. Non tamen requiritur necessariò intentio formalis faciendi, quod Christus instituit; sed sufficit intentio confusa faciendi saltem in genere, quod Sacerdos facere consuevit. *tom. 1. pag. 15. num 15*

31. Ille non conficit validè Sacramentum, qui præuidens se inebriandū, intendit tempore ebrietatis, aliquos v. g. baptizatos; quia durante ebrietate, neque adest intentio actualis, neq; virtualis, ac proinde hæc actio non est libera, & humana. *ibid. n. 17.*

32. Sacramentum administratum sub conditione de præsentī, vel de præterito validum est, si res ita sit, sicut exprimitur in conditione; quia verificata conditione, Sacramentum operatur. At sub conditione de futuro administratū, nullum est; nam eo tempore quo implebitur conditio, iam non exister materia, neq; forma Sacramenti. *tom. 1. pag. 16. n. 18. & 19.*

33. Minister Sacramenti apponens conditionem non tantum de futuro, sed etiam de præterito, vel de præsentī, absque rationabili causa, peccat: quia exponit se periculo administrandi inuaidè Sacramentum, cum non intendat cōficere Sacramentum nisi dependenter ab illa conditione, quæ fortè non subsistit. At iusta de causa potest Sacramentum ministrari sub conditione de præterito, vel de præsentī: de futuro verò nunquam. *ibid. n. 20*

Sacramentorum effectus.

34. Omnia nouæ legis Sacramenta conferunt gratiam ex opere operato, id est, non propter solam dispositionem suscipientis, sed propter id quod à Christo institutum est ad conferendā gratiam ultra meritum, & dispositionem suscipientis. Hæc autē gratia semper confertur, nisi ponatur obex, defectu debitæ dispositionis, aut cum peccato mortali actualiter in ipsa Sacramenti susceptione commissio. *ibid. n. 2. & 5.*

35. Sacramenta nouæ legis non tantum conferunt gratiam iustificantem, verum etiam gratiam virtutum, seu donorum, vt fidei, spei, charitatis, poenitentiae, iustitiæ, &c. & præterea gratiam sacramentalem ordinatam ad consequendum finem propter quē singula Sacramenta fuerunt instituta. *tom. 1. pag. 17. n. 6.*

36. Sacramenta veteris legis non conferebant propriè gratiam, sed eam conferendam per Christi passionem præfigurabant, Excipienda videtur circumcisio, quæ ex multorum sententia conferebat gratiam per modum operis operati *ibid. num 7.*

37. Aliqua Sacramenta, ex sua institutione, conferunt primam gratiam, vt Baptismus, & Poenitentia. Reliqua verò ex sua institutione non conferunt primam gratiam primariò, & per se, sed tantum per accidens; instituta enim sunt ad augendam gratiam, & supponunt suscipientem constitutum in gratia, & qui ea suscipit cum conscientia peccati mort. crimen sacrilegij cōmittit. *ibid. num. 2.*

38. Ad recipiendam primam gratiam per Sacramenta requiritur in intellectu fides; in voluntate attritio; non tamē necessaria est contritio, alioquin suscipiens Sacramentum iam esset in gratia, consequenter Sacramenta nunquam primam gratiam conferrent *tom. 1. pag. 18. n. 4.*

39. Suscipientes Sacramenta eiusdem speciei enim æquali dispositione recipiunt æqualem gratiam, quia à causis naturalibus ad supernaturales debemus cum proportionē argumentari. Suscipientes autem Sacramenta eiusdem rationis, cum inæquali dispositione, inæqualem gratiam recipiunt. Hinc sequitur quando duo accedunt ad sacramentum Poenitentiae, quorum alter

alter est attritus, alter contritus, contritum recipere maiorem gratiam, non solum ex vi Sacramenti, verum etiam ex vi dispositionis, id est, contritionis, quæ sufficit ad consequendam gratiam extra Sacramentum, nec debet esse deterioris conditionis ob coniunctionem cum Sacramento. *pag. 18. n. 1. & seq.*

40. Non recipit quis eò maiorem gratiam quò melior est minister conferens Sacramentum; quia gratia non confertur ob meritum ministri, sed ob merita Christi: recipit tamen aliquod auxilium, seu motum quo se præparet, & disponat ad maiorem gratiam. *ibid. n. 4.*

41. Gratia, quæ confertur in Sacramentis non est essentialiter, & specificè diuersa, sed accidentaliter tantum; hæc autem diuersitas accidentalis consistit in diuersis auxiliis quæ comitantur gratiam habitualem, vt obtineatur finis ad quem Sacramentum est ordinatum. *tom. 1. pag. 19. n. 1. & 2.*

42. Sacramenta sunt causa moralis instrumentalis gratiæ, quia Deus intuitu Sacramentorum representantium merita Christi, producit gratiam. Neque tantum sunt causa moralis; verum etiam sunt causa physica verè produciens ipsam gratiam immediatè; tum quia Sacramentum est signum, non solum representatiuum, sed etiam verè effectiuum; tum quia non implicat Deum vt creatura ad effectum supernaturalem producendū, vt patet tum in Christi humanitate, quæ fuit instrumentum physicum efficiendi gratiam, & miracula; tum in voluntate, & intellectu hominis, quæ tamen si sint potentiæ naturales, eleuantur ad eliciendos actus supernaturales fidei, & charitatis. *ibid. n. 2.*

43. Sacramenta produciunt gratiam per potentiam obedientialem, quæ nihil est aliud quàm aptitudo quædam in creatura per quam Deus ea vti potest ad faciendum quidquid non implicat contradictionem. Hæc autè gratia educitur de potentia animæ à qua pender inesse, & fieri, tanquam à causa materiali, quia gratia est accidens, ac proinde esse non potest sine subiecto. *tom. 1. pag. 20. n. 5. & seq.*

44. Sacramenta causant gratiam eo instanti intrinseco quo materia, & forma habent perfectam significationem ad quam sunt instituta; nam eo instanti gratiam produciunt quo eam significant. Idque dicendum est de omnibus Sacramentis quæ consistunt in vfu. At Sacramentum Eucharistiæ cum sit permanens, non producit gratiam nisi in ipsa susceptione. *ibid. n. 1. & 2.*

45. Qui mortui proximus baptizatur, aut sacramentaliter absoluitur, & moritur eo instanti quo perficitur Sacramentum, non videtur suscepisse Baptismum, aut absolutionem; quia in

eo instanti quo moritur, iam non est homo, sed immediatè ante fuit; Sacramentum autem non agit in eum qui non est homo; alioquin sequeretur hominem qui toto vitæ suæ tempore fuit in peccato mort. posse iustificari, & constitui in gratia quando iam non est. *ibid. num. 4.*

46. Certum est de fide tria Sacramenta, videlicet Baptismũ, Confirmationẽ, & Ordinem imprimere characterẽ in anima. Est autẽ character qualitas quædam spiritualis, animæ diuinitus infusa, per quam homo redditur aptus ad Sacramenta suscipienda, vel administranda, & ad alia diuini cultus opera. Per characterem Baptismi homo disponitur ad suscipienda cætera Sacramenta. Per characterem Confirmationis disponitur ad eliciendos actus fidei. Per characterem Ordinis disponitur ad exercenda, seu obeunda munera cuiusque ordinis propria. Porro in Christo non fuit character, quia per vnionem hypostaticam reddebatur aptus ad opera diuini cultus obeunda. *tom. 1. pag. 21. num. 2. & seq.*

47. Hi tres characteres suprà recensiti, inter se specie differunt; quia ordinantur ad diuersos actus. Eam autem habent inter se connexionem, vt characteres Confirmationis, Ordinis, characterem Baptismi necessariò supponant; quippe Confirmatio, & Ordo non baptizato inualide conferuntur. Character semel susceptus est indelebilis, nec amittitur per peccatum, degradationem, aut mortem; vnde sequitur Baptismum, Confirmationem, & Ordinem iterari non posse. *ibid. num. 1. & pag. 22. num. 2. & seq.*

Sacramentorum subiectum capax.

48. Solus homo in hac mortali vita degens, est subiectum capax Sacramentorum quia instituta sunt in remedium peccatis; posset tamen beatus de potentia Dei absoluta, suscipere Sacramenta. Angelus verò, vt pote spiritualis, non est capax Sacramenti quod in rebus corporeis, & materialibus consistit. Non tamen omnes homines sunt omnium sacramentorum capaces. *pag. 22. n. 1. & seq.*

49. In adulto suscipiente Sacramenta requiritur debita intentio, saltem habitualis, & dispositio qua suscipiens Sacramentum ita se disponat, vt sit capax saltem principalis effectus Sacramentorum, nempe gratiæ; sancta enim sanctè tractanda sunt. Adde eum grauius peccare qui Sacramentum suscipit in peccato, quàm qui administrat; nam ministrans in peccato non tollit efficaciam Sacramenti; qui verò suscipit indignè, quantum est ex se, reddit inanem Sacramenti significationem, nec recipit gratiam

riam quam Sacramentum significat. *tom. 1. pag. 22. 23. numer. 1. & seq.*

50. Qui accedit ad Baptismum, vel Pœnitentiam, non tenetur esse in gratia; quia hæc Sacramenta, ex sua institutione, conferunt primam gratiam. Teneretur tamen habere fidem, & elicere actum attritionis, seu detestationis peccatorum. Qui verò accedit ad ea Sacramenta quæ per se instituta sunt ad augendam gratiam, debet esse in gratia. Si quis tamen ea suscipiens, inculpabiliter non aduertat se esse in peccato mort. recipit gratiam, si actum attritionis eliciat; hic enim non ponit obicem gratiæ. *pag. 23. num. 11. & seq.*

51. Qui accessit ad aliquod Sacramentum sine intentione, sublata illa fictione, & mutata voluntate, non recipit effectum Sacramenti; quia defectu voluntatis, seu intentionis, Sacramentum fuit inualidum, nec per subsequentem voluntatem validari potest. Excipe matrimonium de quo suo loco. Qui verò suscipit Sacramentum sine attritione, inculpabiliter omitta, sublata fictione, id est, posita attritione, consequitur effectum Sacramenti, modò post eius susceptionem non fuerit commissum nouum peccatum mort. tunc enim requiritur contritio, aut confessio. *tom. 1. pag. 23. 24. n. 2. & 3.*

52. Obic. quod non est, non potest producere effectum; sed quando suppletur dispositio, quæ fuerat prætermissa in susceptione Sacramenti, & recedit fictio, iam non est Sacramentum, sed præcessit: ergo tunc non potest producere suum effectum. *Resp.* non esse absurdum dicere effectum produci à causa non existente; nam de ratione effectus non est vt coëxistat suæ causæ, sed tantum vt ab ea dependeat; potest autem dependere etiam si simul non existat. *tom. 1. pag. 24. n. 3.*

53. Ex dictis colligitur illum qui bona fide suscepit Baptismum, aut Pœnitentiæ Sacramentum, sine dolore requisito, aut Eucharistiam in peccato mort. putans se esse in gratia, posita attritione recipere fructum illorum Sacramentorum, illis respondentem. *ibid.*

54. Peccatori publico indignè petenti, siue petat publicè, siue occultè, non sunt administranda sacramenta. Idem dicendum de eo qui grauiter suspectus est de graui crimine, ita vt suspicio moralè certitudinem inducat; quia sacramenta sunt fideliter administranda. Peccatori autem occulto occultè petenti sunt deneganda sacramenta, publicè petenti minimè: sic Christus Iudæ sui corporis Sacramentum porrexit: alioquin graue onus imponeretur ministro. si occultam susipientis indignitatem probare cogeretur. Quare peccator occultus publicè petens,

non est à sacramentis arcendus, quando id fieri nequit sine scandalo, & infamia. *tom. 1. p. 25. n. 2. & seq.*

55. Potest sacerdos ob metum mortis, vel grauis infamiae, administrare Sacramentum publico peccatori; in hoc enim casu non tam cooperatur peccato, quam illud permittit ex iusta causa, exercendo actionem ex se bonam. Non tamen potest peccatori occulto publicè petenti præbere hostiam non consecratam, ut viter sacrilegium; dat enim quantum est ex se occasionem idolatriæ. *tom. 1. pag. 26. n. 14. & 15.*

56. Urgente necessitate, vel ob rationabilem vtilitatem, licet petere, & suscipere Sacramenta à quolibet sacerdote iurisdictionem habente, quem scimus administraturum in peccato, siue paratus sit ad illa ministranda, siue non. Vtitur enim iure suo quod petit rem, quæ sanctè & religiosè præstari potest. At extra necessitatem, aut rationabilem vtilitatem non licet, quia quisque tenetur ex charitate impedire ruinam, & peccatum proximi, nisi necessitas, vel rationabilis causa aliud suadeat. *ibid. n. 1. & 2.*

57. Suscepturus Sacramenta ab aliquo sacerdote non tenetur inquirere, an sacerdos sit probus; quia non est temerè iudicandum de proximo; modò tamen moraliter non constet illum indignè administraturum, ut si certus sit de eius concubinato; tunc enim præcisè necessitate non potest ab eo petere sacramentam cuiusmodi mandatum est de proximo suo. *tom. 1. pag. 27. n. 5. & 6.*

Sacrilégium.

1. **S**acrilégium est violatio rei sacrae, ut sacerdotis, templi, calicis, &c. Tria autem sunt rerum genera, quarum violatione committitur sacrilegium, nempe persona, locus, & alia Deo dicata. *Persona sacra* sunt Clerici, Religiosi, Moniales, quæ violantur percussione, fornicatione, vestigalium exactione, ad secularia tribunalia pertractione, &c. *Res autem sacra* sunt vasa, vestes, & alia ad sacram suppellectilem pertinentia, item verba sacra, imagines sacrae, Sacramenta, &c. Denique *loca sacra* dicuntur templa auctoritate Episcopi consecrata, monasteria, hospitalia, &c. *tom. 2. p. 187. num. 1. & seq.*

2. Committitur sacrilegium dum Ecclesiae seu loca sacra in profanos vsus conuertuntur, ut si arx seu munitio in Ecclesia constituitur absque necessitate, & facultate si in ea negociatio, seu mercatus exerceatur; si causæ civiles in ea, aut in coemeterio agantur; si reus in loco sacro capiatur, aut examinetur à iudice seculari, aut inde extrahatur, exceptis casibus in iure permissis; aut si furtum in Ecclesia committatur, siue res sit sacra, siue non. *tom. 2. pag. 188. num. 14. & seq.*

3. Proba

3. Probabile est profana colloquia habere peculiarem sacrilegij malitiam, grauem, aut leuem, pro rei grauitate, si in Ecclesia habeantur: hæc enim prohibentur in *cap. decet, de immunit.* inritu religionis; consequenter si quis otiosè loquatur in templo, venialiter peccat non solum ratione verbi, sed etiam ratione loci, cui aliqua irrogatur irreuerentia; qui verò grauius detrahit de fama aliena, aut contumelias graues in alium profert, grauius peccat, non modò peccato detractionis & contumeliæ, sed etiam sacrilegij. Contraria tamen sententia est etiam probabilis. *tom. 2.*

pag. 190. num. 24.

4. Sacrilegium est peccatum mortale ex suo genere: quia Deo & rebus sacris grauem irrogat iniuriam. Ratione tamen inaduerentia, vel paruitatis materia, fieri potest veniale, vt si quis clericum leuiter percutiat, vel rem leuis momenti in Ecclesia furetur, &c. *ibid. num. 25.*

Scandalum.

1. Scandalum aliud est *actiuum*, aliud *passiuum*. *Actiuum* est dictum, vel factum inordinatum dans proximo sufficientem occasionem ruinæ: alio etiam nomine dicitur *scandalum datum*. *Passiuum* est peccatum quod committitur ex sola malitia peccantis, arrepta occasione peccandi ab aliquo nostro facto, quod ex se non potest dare occasionem peccandi, & dicitur *scandalum acceptum*. *tom. 2. pag. 113. n. 1. & seq.*

2. Qui alium inducit ad peccatum, intendens ipsius damnum spirituale, duplici peccato peccat. 1. peccato speciali scandali. 2. eo ipso peccato, quod ab altero committitur; quare qui alium inducit ad furtum, ipse reus est furti, atque hæc duo peccata sunt in confessione explicanda. Qui verò alium ad peccatum inducit, seu illius peccato cooperatur, non intendens ipsius ruinam, nec cum ipso peccatum consummans, reus est illius peccati quod alter committit: quia est causa illius. *ibid. n. 8. & pag. 114. n. 12.*

3. Qui alium ad peccandum inducit, simulque cum ipso peccatum consummat, videtur duorum peccatorum reus, etiam si proximi ruinam spirituales non intendat: est enim proprii, & alieni peccati reus; peccatum quippe alienum imputatur inducenti. *tom. 2. pag. 114. n. 15.*

4. In his casibus censetur quis cooperari peccato alterius, seu alterum inducere ad peccatum 1. quando facit aliquid quod de se allicit, & inducit ad peccatum. 2. quando facit aliquid ex se indifferens ea intentione vt alter peccet, vt si quis arma vendat ea intentione, vt emptor alium occidat. 3. quando absque iusta, sufficienti causa facit opus indifferens, quo

alios credit ad peccatum abufuros. *ibid. num. 17.*

5. Qui petit aliquid illicitum ab eo, qui paratus erat ad illud faciendum, peccat: quia non licet alteri, quamuis parato dare occasionem exequendi prauam voluntatem; vnicuique enim mandatum est de proximo. *tom. 2. pag. 115. n. 21.*

6. Maritus non potest cum vxore pacisci, vt amasio ipsam ad adulterium sollicitanti fidei consensum præbeat, vt amasius deprehendatur, & percutiatur: hæc enim actio est intrinsecè mala, & censetur inductio, seu cooperatio ad peccatum amasij. *tom. 2. pag. 116. n. 34.*

7. Non peccat mortaliter qui facit opus indifferens, quo alter iam paratus ad peccatum abutetur; sed opus illud indifferens alter faceret, si ipse non faceret, vt si Titius paret cibos Caio iam parato ad frangendum ieiunium, quos alter porrigeret si Titius denegaret: quia videtur leuis cooperatio, neque sufficiens ad peccatum mort. *ibid. num. 35.*

8. Qui suo exemplo, seu facto alios induxit ad peccatum, neque habuit sufficientem causam, & rationem faciendi illud opus ex quo alij peccandi ansam arripuerunt, tenetur in confessione dicere se aliis ruinæ causam dedisse. Quare publice peccantes videntur obligandi ad circumstantiam scandali in confessione aperendam, ob periculum ruinæ proximi. Immo exprimendus est, quantum fieri potest, numerus personarum, quibus data est occasio ruinæ. Qui tamen facit opus aliquod malum coram alijs, quos probabiliter credit, ob morum probitatem, non peccaturus occasione prauis operis, non peccat mort. peccato speciali, aut generali scandali, consequenter non tenetur hanc circumstantiam in confessione aperire. Idem dicendum de eo, qui peccatum committit coram ijs, qui iam incitati, & parati sunt ad peccandum. *ibid. num. 41.*

9. Qui suo consilio, vel exemplo alium induxit ad peccandum, tenetur in confessione speciem peccati exprimere: peccatum quippe inductionis est eiusdem speciei cum peccato, quod inductus committit *ibid. n. 44.*

Scrupulus.

1. **S**crupulus est quædam suspicio orta ex leuibus indicijs, consequenter ille dicitur *scrupulosus*, qui solet dubitare ex leuibus indicijs, seu motiuis. Nascuntur autem scrupuli ex varijs causis, ex melancholia, ignorantia, dæmonis suggestione, nimia maceratione, vigilia, ieiunio, &c. quæ cerebrum exiccant ex frequenti conuersatione cum scrupulosis, &c. *tom. 2. pag. 127. numero. 1. & 2.*

2. Non desunt remedia quibus scrupuli curari possint. 1. vt quando oriuntur ex causa naturali, tollatur causa. 2. vt ad Deum cum humilitate, & fiducia recurratur. 3. vt dubia scrupulose explicantur in mitiorem partem. 4. vt confessarius consulat penitenti ne confiteatur peccata, quæ dubitat an sint mortalia, nève permittat ipsum in confessione repetere, quæ dubitat an in aliis confessionibus fuerint omissa. 5. vt confessarius præcipiat scrupuloso ne credat se mortaliter peccasse, aut consensisse, nisi hoc ipsi certo constet. 6. vt scrupulosus stet iudicio confessarij. 7. vt sæpè faciat contra scrupulos. 8. vt ad scrupulos non attendat. *ibid. n. 3. & pag. 128. n. 3. & 4.*

3. Non peccat qui aliquid facit deposito scrupulo, aut etiam ipso permanente: quia non facit contra conscientiam; nam conscientia non dicitur illud esse illicitum, sed scit esse licitum cum aliqua apparentia oppositi, vt patet ex natura scrupuli, qui consistit in apparentia contra prius iudicium, id est, contra id quod scitur, vel firmiter creditur. Quare qui sibi probabiliter persuadet aliquid esse licitum, potest tuta conscientia illud facere, etiam si occurrant apparentiæ, seu argumenta, quæ nequeat ipse dissolvere, nisi fortè, sint eiusmodi vt tollant prius iudicium, seu assensum: tunc enim non dicitur scrupulus, sed dubium, quod est practice deponendum. *ibid. n. 5. & 6.*

Schisma, Schismaticus.

1. Schisma est voluntaria, & pertinax subtractio, & separatio ab obedientia vniuersalis Ecclesiæ, vel Summi Pontif. qui principem in Ecclesia locum tener, quando constat illum fuisse canonicè electum: nam qui se subtrahit ab obedientia illius, quæ probabiliter putat non esse legitimum Papam, non est censendus Schismaticus; quia non recedit ab obedientia Summi Pontif. sed huius personæ, quam putat ad Sedem Pontificiam non fuisse legitime electam. *disp. 1. quæst. 2. punct. 5. pag. 13. tom. 3.*

2. Schisma est peccatum mortale grauissimum ex suo genere, tum quia aduersatur charitati, cuius proprium est vnire & conciliare, tum quia grauissimis pœnis punitur, vt patebit infra: neque inquam fieri potest peccatum veniale ex paruitate materiæ. Quamuis autem hæresis esse nequeat sine schismate, fieri tamen potest vt schisma reperiat sine hæresi; quia fieri potest vt quis detrectet obedientiam Summi Pontif. etiam si credat illum esse verum Christi Vicarium. *ibid. n. 4. pag. 14.*

Schismaticorum pœna.

3. Schismaticus priuatur Ecclesiastica potestate, non quidem

ordinis, quia fundatur in caractere, qui est indelebilis, sed iurisdictionis: cum enim voluntarie se retrahat ab Ecclesia, & ipse capite, non est æquum, ut fruatur potestate iurisdictionis, quæ confertur ab Ecclesia: vnde sequitur inualidam esse absolutionem collatam à Schismatico saltem nominatim denunciato.

ibid. n. 8. p. 14. tom. 3.

4. Schismaticus incurrit excommunicationem. i. Bullæ Cœnæ ipso facto, si re ipsa se subtrahat ab obedientia Papæ, non autem si solo animo intendat se subtrahere; nam ad incurrendam excommunicationem non sufficit actus internus; sufficit autem actus externus, etiamsi non adsit intentio se subtrahendi. Vnde patet discrimen inter excommunicationem ob hæresim, & excommunicationem ob schisma: nam illa non contrahitur, nisi adsit error in mente: hæc verò contrahitur ob solum opus externum. *ibid. n. 10. p. 14. tom. 3.*

5. Hanc censuram non incurrunt fautores, receptatores, aut defensores schismaticorum: nam verba legis penalis non sunt ultra propriam verborum significationem extendenda; in Bulla autem Cœnæ excommunicantur tantum fautores hæreticorum: ligantur tamen excommunicatione contenta in constitutione Pauli IV. sed ea non est reservata. *ibid. p. 15. tom. 3.*

6. Schismaticus est inhabilis ad beneficia in futurum consequenda, quæ inhabilitas tolli potest ab Episcopo quandiu delictum est occultum. Non tamen priuatur ipso facto beneficiis, quæ ante schisma possidebat, nisi schisma habeat hæresim annexam. *ibid. n. 11. 12. pag. 15. tom. 3.*

7. Qui ordines suscipit à schismatico, incurrit suspensionem ab usu illorum ordinum: qui autem accipit beneficiū à Schismatico, vel dignitatem Ecclesiasticā, priuandus est illo beneficio, seu dignitate, si Schismaticus est denunciatus. *ibid. pag. 15. n. 14. tom. 3.*

Secretum.

1. **Q**ui reuelat secretum in graue damnum alterius, peccat mort. præsertim si commissum ei fuit secretum sub sigillo: fidei enim violat quæ iure naturæ seruanda est. Aperias tamen secretum vni vel duobus, qui illud celabunt, non videtur peccare mort. ut si vir secretum detegat uxori, amicus amico; modo id quod detegitur, non sit aliquod peccatum vergens in infamiam, aut modo non detegatur illi, cui is, qui secretum commisit, non vult manifestari. *tom. 2. pag. 324. n. 1. c. 2.*

2. Reuelans secretum cum leui alterius iniuria, & detrimento, non peccat mortaliter, etiamsi promiserit se celaturum

secretum

Secretum sub sigillo sibi commissum. Excipe secretum confessionis, quod etiam in re leui, absque grauissimo peccato mort. violari non potest. *ibid.*

3. Qui reuelat secretum in materia graui cum alterius detrimento, absque iusta causa, tenetur ad restitutionem; est enim causa iniusta damni prouenientis ex sigillo secreti violato. *ibid. n. 4.*

4. Aperiens, & legens literas sigillo munitas, aut quæ in secreto loco seruabantur, peccat mort. si prauideat inde graue aliquod damnum oriturum, aut si is cuius sunt literæ, valde cupiat ea regi silentio, quæ literis continentur. Qui verò legit sine periculo grauis iniuriæ, aut damni, sed ob curiositatem, non peccat mort. nulli enim grauem irrogat iniuriam. *ibid. n. 5.*

5. Qui vi tormentorum, & metu mortis compulsus, secretum alterius reuelat, non peccat modò inde non oriatur graue damnum publicum; quilibet enim tenetur potius mortem subire. Quare milites, etiam cum vitæ periculo, tenentur silentio premere secretum, cuius reuelatio vergeret in graue detrimentum exercitus, vel ducis. Præterea publico fungentes officio tenentur ea reticere, quæ in consistorio geruntur grauis momenti spectantia ad bonum commune. *ibid. n. 8.*

6. Secretum nobis commissum sub sigillo, & iuramento detegendum est, quando vergit in damnum communitatis, vel innocentis, etiam si committens secretum dicat se illud manifestare in confessione, aut sub sigillo confessionis, cum tamen non haberet animum confitendi, & suscipiendi sacramentum poenitentiae. Si verò secretum non vergat in damnum alicuius, nihil est reuelandum, ne superiori quidem, quia iure naturæ secretum celandū est. *tom. 2. pag. 42 §. num. 9.*

7. Is cui commissum est secretum, potest iudici interroganti respondere, etiam cum iuramento, se nihil scire, addita restrictione mentali, ut illi aperiat, vel vtendo æquiuocatione: habet enim iustam causam tergiuersandi, cum iudex eum cogere non possit ad ius naturæ violandum. *ibid. num. 10.*

8. Sacerdos potest absque periculo irregularitatis denunciare homicidia, proditones, & alia delicta extra confessionē sibi nota, præmissa protestatione, qua ostendat se vindictam sanguinis non intendere; nam ratio naturalis dictat innocentem præferendum esse nocenti. *ibid. n. 11.*

Sepultura.

1. Omnes catholici in loco sacro sepeliendi sunt, nisi iusta de causa prohibeantur. Immo ipsi etiam cathecumeni

R r 4 licet

licet baptismum actu non susceperint, mortui enim sunt cum voto Baptismi. *tom. 2. p. 677. n. 1.*

2. Priuandi sunt Ecclesiastica sepultura i. hæretici, apostatæ, excommunicati, interdicti, usurarii manifesti, in duello mortui. 2. qui sibi ipsis mortem intulerunt laqueo, ferro, veneno, &c. in dubio tamen an quis se ipsum occiderit, sepeliendus est in loco sacro. 3. ultimo supplicio affecti in pœnam scelerum, nisi pœnitentiæ signa dederint. 4. publicæ meretrices, quæ se ad meliorem frugem non receperunt. *ibid. n. 2.*

3. Quisque regulariter loquendo, in sua Parochiali Ecclesia sepeliendus est, nisi sepulturam alibi elegerit. aut nisi locorum consuetudo aliud ferat. Peregrinus extra patriam moriens, in sepulchrum maiorum est transferendus, si commodè potest, alioquin in Ecclesia cathedrali, vel parochiali in qua decessit, est sepeliendus, præsertim si in ea parœcia Sacramenta suscepit. *tom. 2. pag. 678. num. 6.*

4. Ad probandam sepulturæ electionem in foro externo duo requiruntur testes, cum agatur de præiudicio Ecclesiæ parochialis; neque sufficit propositum eligendi, nisi proberetur ipsa electio actualis. *tom. 2. pag. 679. num. 10.*

5. Corpora defunctorum, sine licentia superioris, & iusta causa, non possunt ex vna Ecclesia in aliam transferri, nisi ibi posita fuerint titulo depositi, aut nisi prior Ecclesia diruta fuerit, & noua alibi extructa. *ibid. n. 14.*

6. Episcopus, seu iudex ordinarius, potest absque metu irregularitatis dare iudici sæculari facultatem exhumandi cadauer defuncti, vt inde capiantur informationes: quia iste actus est causa remota mortis delinquentis; non incurritur autem irregularitas defectu lenitatis nisi ob actum proximum, & influentem in mortem. *tom. 2. p. 680. n. 15.*

7. Locus iam deputatus ad sepulturam vendendi nequit præcisa consuetudine in contrarium: quia, vt sic censetur locus sacer. An verò committatur simonia in venditione sepulturæ, vide *iii. Simonia. ibid. n. 1. §. 2.*

8. Pro ipso actu seu functione sepeliendi nihil accipi potest, nisi liberaliter detur, aut honesta consuetudo sic ferat: hæc enim actio cum sit spiritualis, est materia simoniæ: legitima tamen consuetudine induci potuit, vt aliquid detur, & exigatur, non tanquam pretium rei spiritualis, sed pro labore extrinseco, vel titulo sustentationis. *ibid. num. 4.*

9. Laicus qui vult cum habitu alicuius religionis sepeliri, potest defunctus illo indui, & sic efferri, etiam si sepulturam in Ecclesia illius ordinis non elegerit; ille tamen habitus obtinendus

4us est à superiore illius ordinis cuius habitu indui cupit ; sic enim Leo X. & Sixtus IV. decreuerunt. *ibid. n. 1.*

10. Nonnullis in locis in quibus Catholici Lutheranis, aut Calvinistis permixti viuunt, vñ receptum est, vt Catholici funus sui cognati, aut amici prosequantur ; hoc enim est opus misericordiæ, quod necessitudinis, & amicitix causa impenditur ad communicationem politicam inter ciues fouendam. *ibid.*

Sumptus funeris.

11. Impensæ funeris faciendæ sunt hæredibus ex bonis defuncti ante solutionem legatorum, & cuiuscumque alterius debitoris; etiam restitutionis dotis ; nam funus præfertur quibusuis creditoribus, etiam habetibus hypothecam. *to. 2. pag. 682. n. 2. c. 3.*

12. Impensæ quæ fiunt causa sepulturæ, ad solatium, & salutem defuncti, cedunt Ecclesiæ parochiali, seu paracho loci ; iuxta consuetudinem. Impensæ verò factæ ad pompam, & solatium viuorum, pertinent ad hæredes defuncti, nisi explicitè tradantur Ecclesiæ. *ibid. n. 6.*

Contra sepelientes Hæreticos excommunicatio.

13. In cap. *quicumque hæreticos, de hæret. in 6.* extat excommunicatio contra sepelientes hæreticos, vel eorū receptatores, ac fautores, à qua non sint absoluedi donec propriis manibus illos publicè extumulent, & proiciant illorū corpora, & locus ille perpetuò careat sepultura. *disp. 2. qu. 2. to. 3. punct. 39. p. 177.* Hoc intelligendum est de hæreticis denunciatis. *num. 4.*

14. Sepultura Ecclesiastica quæ hic prohibetur, est sepultura in loco sacro in quo reliqui fideles sepeliri solent. Nam qui in loco profano hæreticum sepelit, hanc excommunicationem non incurrit, etiamsi fortè inter sepeliendum aliquas orationes recitet, vel adhibeat cæremonias Ecclesiasticas, hæc enim non dicitur Ecclesiastica sepultura. *ibid. num. 3.*

15. Ille dicitur sepelire qui propriis manibus tumulat ; quia summus Pontif. prohibet sepelientem absolui, donec propriis manibus extumulet ; igitur signum est ipsum velle eos solum huic censuræ subicere qui propriis manibus hæreticum, vel eius fautorem Ecclesiasticæ tradiderint sepultura. *ibid. p. 168. tom. 3. numer. 6.*

16. Absolutio ab hac excommunicatione iure communi potest à quolibet confessario approbato impendi postquam is qui sepeliuit publicè propriis manibus publicè extumulauit, & proiecit cadauera. At si hæreticus secretò & remotis arbitris fuit sepultus, sufficit secreta extumulatio. *ibid. num. 7.*

17. Non tota Ecclesia, seu totus locus in quo sepultus fuit hæreticus carere debet sepultura, sed ea tantum pars quæ fuit hac sepultura contaminata, ita ut amplius expiari aut reconciliari non possit. *ibid. n. 8.*

Contra sepelientes tempore interdicti.

18. In Clementina. 1. *'de sepultura*, excommunicantur ij qui tempore interdicti sepeliunt mortuos in loco sacro in casibus à iure non concessis, aut qui etiam extra interdictum sepeliunt publicè excommunicatos, aut nominatim interdictos, vel usurarios manifestos. *disp. 2. qu. 2. punct. 31. pag. 178.* Habentes autem privilegium audiendi diuina, aut celebrandi tempore interdicti possunt in loco sacro sepeliri, *ibid. n. 3.*

19. Si quis interdictus, seu suspenso sit solum à iurisdictione, vel ab aliquo spirituali exercitio, non autem à diuinis, non videtur illicitum cum eo in diuinis participare; consequenter in loco sacro sepeliri potest. *ibid. n. 5.*

20. Hæc excommunicatio non incurritur à sepeliente usurarium publicum, qui nondum denunciatus est usurarius; quia quandiu non est denunciatus, sententia contra ipsum non est specialiter lata. *ibid. n. 7.*

21. Probabiliter valde sustineri potest comitantes funus excommunicati, &c. aut terram fodientes, aut mandantes sepeliri, sub hac censura non comprehendi, sed eos tantum qui propriis manibus sepeliunt. *ibid. p. 179. n. 10. tom. 3.*

22. Absolutio ab hac censura obtineri non potest donec arbitrio Episcopi satisfactum fuerit iis, quibus per illam sepultura facta fuit iniuria. Post satisfactionem autem quilibet approbatus potest absolvere; quia absolutio in hoc casu non reſeruat, *ibid. num. 11.*

Sepultura exenterati.

23. Apud nonnullos olim consuetudo obrinuerat ut cadauera exenterarentur; membratim conciderentur, coquerentur, & ossa carnibus nuda aliò sepelienda transferrentur. Ad hanc immunitatem tollendam Bonifacius VIII. excommunicationem tulit in Extrauag. *de sepultura*, contra exercentes hanc laniationem. *disp. 2. qu. 3. punct. 45. tom. 3. p. 257.*

24. Præterea ipsum cadauer sic exenteratum punitur poena priuationis Ecclesiasticæ sepulturæ; tum in detestationem huius carnificinæ; tum quia præsumitur defunctus fuisse huius criminis conficius; cum enim huius consuetudinis gnarus elegerit sepulturam in remotis locis, censetur occasionem, vel consen-

sum

sum delicto præbuisse *ibid.* 258. num. 7. tom. 3. fideles tamen non peccant tradentes hoc cadauer sepulturæ ante condemnationem a iudiclatam. num. 8.

25. Ad incurrendam hanc excommunicationem opus est vt fidelis cuius cadauer exenteratur, diem extremum clauferit in terris Catholicorum : nam si in terris infidelium, seu hereticorum moriatur, non videtur sub excommunicatione prohibitum illius cadauer exenterare, vt aliud transferatur, & inter fideles Ecclesiasticam habeat sepulturam ; satis enim est id fieri quàm corpus hominis Christiani iacere inter infideles, & carere Ecclesiastica sepultura. *ibid.* num. 3.

S. Sepulchrum Domini.

1. IN libro pœnitentiali summi Pœnitentiarij refertur excommunicatio contra accedentes ad sepulchrum Domini quod est Hierosolymis, deuotionis causa absque licentia Papæ. *disp. 2. quest. 3. p. 252. num. 1. tom. 3.*

2. Qui accedit ad sepulchrum Domini alia de causa quàm deuotionis, v. g. causa mercaturæ, aut alterius negotij, huic censuræ non subiicitur, etiamsi accedat absque Summi Pontificis facultate : quia verba legis pœnalis vltra propriam significationem non sunt extendenda. Neque excommunicationem incurreret etiamsi postquam eò peruenerit, visitet ex occasione S. Sepulchrum ; quia non venit Hierosolymas deuotionis causa. *ibid.* n. 4.

3. Qui vouit peregrinationem ad S. Domini Sepulchrum, tenetur votum adimplere, petita prius à Summo Pontifice licentia ; quia qui tenetur ad finem, tenetur etiam ad media conducentia ad finem. Sin vouens intendebat, dum vouit, eò accedere absque licentia Papæ, non tenetur votum adimplere, quia hoc votum est de re illicita : Si verò non cogitabat de licentia, censetur vouisse sub tacita conditione, si Papæ placuerit. *ibid.* n. 5.

4. Hæc excommunicatio est Papæ reseruata, vel Summo Pœnitentiario. *ibid.*

Sequestratio.

1. IN Clementina vnica de sequestratione possessionum, & fructuum, decernitur vt lata apud Sedem Apostol. vna sententia definitiua in petitorio, vel possessorio contra possessorem beneficij, qui illud triennio pacificè non possedit, fructus beneficij apud idoneam personam sequestrantur, vt finita lite tradantur eî qui causam vicerit. Qui verò præsumpserit huiusmodi sequestrationem impedire, aut fructus sequestratos occupare, anathemate feriatur. *disp. 2. qu. 2. punct. 2. pag. 17. tom. 3.*

2. Absolu

2. Absolutio huius excommunicationis ante sublatum impedimentum sequestrationis, & præstitam satisfactionem est Summo Pontifici referenda: quia Summus Pontif. prohibet absolutionem conferri, nisi impedimento amoto, & occupatis fructibus restitutis. *ibid. n. 4.*

3. Quæres, cui facienda sit restitutio fructuum ab eo, qui eos sequestrationis tempore usurpauit? *Resp.* ante finitam litem facienda est illi apud quem sequestratio tacta est; finita verò lite facienda est beneficiario, cui ius fructuum sequestratorum competit. *ibid. num. 5.*

SIMONIA.

Quid, & quotuplex sit Simonia?

1. **S**imonia nomen ductum est à Simonè illo Mago, qui *Attor.* 8. Dei donum, seu Spiritum sanctum emere volebat, ut illum venderet. Est autem *Simonia* sacrilegium consistens in studiosa voluntate emendi, aut vendendi, seu commutandi rem sacram, seu spiritualem, vel spirituali aduexam, pro temporali. *tom. I. pag. 663. num. 1. & 2.*

2. Simonia committitur ab Episcopo, qui suo debitori beneficium confert cum pacto, ut debitum sibi soluat. Quia in beneficiis omnis pactio est simoniaca, saltem ex iure canonico. Item simoniam committit, qui beneficium confert filio iudicis, vel eum præsentat ad beneficium cum pacto, ut absoluat reum, vel rigorem iustæ sententiæ, seu pænæ mitiget: imponit enim onus iudici pretio æstimabile. Secus si beneficium conferat sine pacto, animo conciliandi sibi benevolentiam iudicis. *tom. I. pag. 663. n. 10. & 11.*

3. Pretium, quod pro re spirituali tradi solet, & cuius traditione committitur simonia, triplex est, à manu, à lingua, & ab obsequio. Ad hæc autem tria reuocantur alia omnia, quæ in pretio pro re spirituali tradi possunt. *ibid. num. 1.*

4. Per *munus à manu* intelliguntur quælibet bona externa pretio æstimabilia, siue mobilia, siue immobilia, siue corporalia, siue incorporalia. Hinc patet ab eo simoniam committi, qui beneficium, vel rem spiritualem alicui confert ob rem pretio æstimabilem, ut ob pecuniam, remissionem debiti, promissionem pensionis, mutationem pecuniæ dilationem solutionis, &c. hæc enim omnia pretio æstimari possunt. *ibid. n. 3. & 4. & pag. 666. num. 5. & seq.*

5. Per *munus ab obsequio* intelligitur opus hominis conducent ad utilitatem, seu commodum hominis. Est autem illud obsequio

obsequium duplex, temporale, & spirituale; *obsequium spirituale*, in se spectatum non est pretio æstimabile. Quare simonia committitur tradendo beneficium, vel aliud spirituale, cum pacto, seu onere præstandi aliquod obsequium temporale: hoc enim est pretio æstimabile, nisi obsequium temporale, quod exigitur, sit annexum beneficio, seu rei spirituali, quæ cum tali onere traditur. Item committitur simonia, cum beneficium confertur, vel impetratur alicui propter obsequia ante præstata, in compensationem ipsorum. Secus si tradatur titulo gratitudinis, absque prævio pacto, tacito vel expresse. Sic excusantur aulici, & famuli Cardinalium, vel Episcoporum, à quibus obtinent postea beneficia vel pensiones; modò tamen aliquid accipiant nomine stipendij: nam si nihil acciperent, non possent absque labe simoniæ, beneficium, vel pensionem sibi à Cardinali, seu Episcopo procuratum, accipere; quia non videretur hoc gratis conferri, sed potius in compensationem debitæ mercedis, seu stipendij. *tom. 1. pag. 666. n. 8. & seq.*

6. Per *munus à lingua*, intelliguntur preces, seu intercessionēs quæ lingua exerceri solent in fauorem illius, qui rem spiritualem confert, ex pacto expresse, vel tacite inito. Vt si quis det beneficium Titio, ut oret Principem pro se, vel ut ipsum laudet apud Principem, committitur simonia. Secus si nullum pactum præcessit. Item simonia committitur ab eo, qui pecunia inducit familiarem, vel amicum Episcopi ad petendum pro se, vel pro alio beneficium: hic enim pecunia sibi viam munit ad beneficium, licet prælatus non conferat beneficium pro pecunia; quare Prælatus ratione bonæ fidei excusatur à simonia; at mediator, qui pecuniam accipit, & orator, qui eam tradit, simoniam committunt; nisi orator det pecuniam familiari Episcopi, ut eum certiore faciat de meritis postulantis: hoc enim est obsequium temporale pretio æstimabile. *tom. pag. 667. n. 13. & seq.*

7. Si res temporalis detur ante collationem beneficii, vel alterius rei spiritualis, non vacat suspicione simoniæ, etiamsi dicatur dari merè gratis: videtur enim dari, ut res spiritualis conferatur, & ut collator inducatur ad conferendum beneficium. Sin detur post collatum beneficiū, facilius præsumitur donatio gratuita, præsertim si aliqua mora intercessit: solet quippe post factum tradi temporale titulo gratitudinis. *tom. 1. pag. 669. n. 2.*

8. Simonia est triplex, *mentalis, conuentionalis, & realis*. *Mentalis* hic non est intelligenda, quæ sola mente concipitur absque villo actu externo; (cum enim hic actus sit merè internus, sub poenas Ecclesiasticas non cadit), sed intelligitur illa actio, quæ fit mente simoniaca, etiamsi ex se, & ex circumstantiis, *simoniæ*

simoniæ labem non præferat; vt si Cappellanus pecuniam titulo sustentationis, seu eleemosynæ relictam pro Missa quotidie celebranda, accipiat tanquam præteritum Missæ, hic committit simoniam mortalem; quia intentione simoniaca facit actum externum, in quo simoniæ labes non apparet. Simonia *conventionalis* consistit in pacto expresso, vel tacito dandi, vel recipiendi temporale pro spirituali. *Realis* est illa, qua res temporalis traditur, pro spirituali *ibid. n. 1. & seq.*

9. Simonia *ficta*, qua quis non intendit emere, aut vendere rem spiritualementem, sed tantum decipere, non est vera simonia. Quapropter ille non est verè simoniacus, neque subiicitur pœnis contra simoniacos latis, qui promittit beneficium pro pecunia, intentione solum accipiendi pecuniam, non verò tradendi beneficium. Quamuis enim aliter verè simoniacus sit intentione, & affectu, cum intendat tradere pecuniam pro beneficio: re tamen & effectu, non committit simoniam: quia pactum, siue conuentio inter duos inita non subsistit sine mutuo consensu. Verum tamen est committentes simoniam fictam, in foro externo præsumi simoniacos; consequenter tanquam simoniacos puniri posse. *tom. 1. pag. 670. n. 8.*

10. Simonia prohibita est iure diuino, naturali, & humano. Potest tamen dari simonia iure tantum humano prohibita: quia Ecclesia potest facere rem immunem à laica potestate; v. g. potest facere ne iudex quemquam ab Ecclesia extrahat, ita vt sacrilegiū committat si id fecerit: potest prohibere ne res adnexa rei sacræ vendatur in reuerentiam talis rei. *tom. 1. pag. 671. n. 1. & 2.*

11. Hæc autem sunt propter quæ committitur simonia iure tantum humano prohibita. 1. permutatio beneficii cum alio, absque auctoritate legitimi superioris. 2. resignatio beneficii propria auctoritate facta, cum reservatione pensionis. 3. venditio beneficii, habita ratione fructuum, & emolumentorum temporalium. 4. acceptio alicuius rei, ratione examinis. 5. venditio officiorum Ecclesiasticorum, seu spiritualium. 6. venditio officii dispensatoris, seu procuratoris, seu economi. 7. venditio officii defensoris, seu syndici. 8. venditio officii iudicis. 9. venditio officii mansionarij, qui curam habet distribuendi clericis, seu canonicis domos, seu mansiones ex domibus Ecclesiæ. 10. venditio officii primicerij, cuius munus est clericos instruere, & chorum dirigere, ob idque dicitur magister chori. Porro venditione bonorum Ecclesiæ seu mobilium, seu immobilium, non committitur simonia. *ibid. n. 3. & seq. 672. num. 9.*

12. Simonia est peccatum mort. ex suo genere, contra religionem; neque ratione paruitatis materiæ fieri potest veniale: quia

quia etiam in re parua res spiritualis contemnitur, eique grauis iniuria irrogatur dum pretio æstimatur: fieri tamen potest veniale ob ignorantiam; aut inaduertentiam. *rom. i. p. 672. n. 11. & 13.*

Materia Simonia.

13. Materia simoniæ est res aliqua sacra spiritualis, & supernaturalis: quia simonia opponitur religioni, & cultui debito rebus sacris. Hinc sequitur committi simoniam vendendo gratiam sanctificantem. Venditur autem gratia, seu Spiritus sanctus multis modis. 1. in concreto; vt si vendatur Sacerdos intuitu Sacerdotij, aut Propheta, ob donum Prophetiæ. 2. in abstracto, vt si quis pretio conferat alteri sacrum ordinem, & characterem, aut gratiam sacramentalem. 3. quoad actum, vt si vendatur absolutio sacramentalis. Potuit etiam simonia committi vendendo Christum, propter vnionem hypostaticam, vel supernaturalia dona in Christo existentia. *rom. i. p. 672. n. 1. & pag. 673. n. 3.*

14. Potest simonia committi vendendo Eucharistiam: hæc enim est res sacra, etiam ratione specierum consecratarum. Si autem vendatur Eucharistia ad magicas artes, & maleficia, aliud peccatum committitur longè grauius per cooperationem ad maleficium. *rom. i. p. 673. n. 4.*

15. Vendens opera misericordiæ, vt visitationem infirmorum, actionem sepeliendi mortuos, &c. labem simoniæ non contrahit: quia hæc opera ex se non sunt res sacræ, & supernaturales. *ibid. n. 7.*

16. Vendens reliquias, aut eas ostendens pro pretio, simoniam committit: sunt enim ex se res sacræ, neque expetuntur nisi ob sanctitatem illius hominis, cuius sunt reliquiae. Si tamen reliquiae thecis argenteis includantur, vel aureis, pretium tradi potest, iuxta æstimationem auri vel argenti, vel gemmarum, modò ne propter ipsas reliquias pretium augeatur. Item vendens pluris ro-sarium eo quod reliquias attigerit, simoniam committit. *ibid. n. 8.*

17. Calix, aliæue res sacræ, non sunt pretio locandæ: hoc enim redoler avaritiæ sordes, & scandalum materiam præbet, locari tamen possunt sine simoniæ labe: harum enim rerum vsus est pretio æstimabilis, non quatenus sacer est, sed quia res illæ vsu atteruntur. *ibid. n. 12.*

18. Præstimonium sine labe simoniæ vendi non possunt: Instituta enim fuerunt ad alendos in studiis pauperes clericos, vt postea Ecclesiæ inservire possint: Pius autem V. adiunxit obligationem diuini officij, consequenter huiusmodi beneficia titulum habent spiritualem cum iure ad fructus capiendos. *pag. 674. numer. 13.*

19. Commendæ

19. Commendæ clericales, siue perpetuæ sint, siue temporales, sunt materia simoniæ; quia continent spirituales administrationem, cui temporales fructus adnectuntur, tenenturque commendatarij ad pensum canonicarum precum, ac si essent beneficiarij. Commendæ autem militares non sunt materia simoniæ; quia non sunt quid spirituale; conferuntur enim titulo laico, danturque in stipendium pro temporalibus seruitiis, licet non dentur nisi religiosis professis. Quare simoniam non committit qui pecuniâ procurat commendam militarem, aut illam vendit, aut alteri confert, reservata pensione in suum, vel alterius fauorem: peccat tamen contra iustitiam, illam vendendo, cum non sit dominus illius, sed usufructuarius ad vitam. *tom. I. p. 674. num. 14. & 15.*

20. Rectoriæ, seu officia regendi, & gubernandi hospitalia, Episcopi auctoritate erecta, & illius curæ commissa, sunt materia simoniæ: quia vel conferuntur in titulum perpetuum, & sic censentur beneficia Ecclesiastica, habentque spirituales administrationem, vel non conferuntur quidem in titulum; sed tamen administrationem spirituales habent adnexam: si verò temporalem tantum habent administrationem cum cura infirmorum, & peregrinorum, probabile est non esse materiam simoniæ. *ibid. num. 17.*

21. Committitur simonia, accipiendo aliquid temporale pro Sacramentis ut sunt Sacramenta. Licet tamen absque labe simoniæ tradere, vel accipere aliquid pro materia remota Sacramentorum, ut pro pane, vino, oleo, chrismate, &c. Verum si Sacramenta gratis obtineri non possint, in graui, aut saltem extrema necessitate salutis pecunia tradi potest, non pro ipsis Sacramentis, vel eorum administratione, sed ad remouendum impedimentum, vel ad iniustam vexationem redimendam: in hoc enim casu nulla irrogatur iniuria Sacramentis. Hinc sequitur licere pecuniam dare sacerdoti nolenti Baptismum gratis conferre. Item violenter impediendi dignum à consecratione beneficij, aut iniuste contradicenti electioni, tradi posse pecuniam ne impediatur, vel contradicatur: hoc enim fit ad redimendam iniustam vexationem. At qui pecuniam promittit alteri, aut pensionem, ne concurret in petitione beneficij, simoniam committit, quia pretio sibi viam parat ad beneficium. *ibid. num. 1. & pag. 675. num. 2. & 3. & pag. 676. num. 5.*

22. Non licet aliquid dare, aut accipere pro sacramentalibus, id est, pro cæremoniis, & benedictionibus sacris, quæ publica auctoritate, & ex Ecclesiæ instituto fiunt; quia non licet vendere ministeria sacra. *tom. I. p. 676. n. 2. & 3.*

23. Omnes res consecratæ, si earum naturam præcisè spectemus, vendi possunt ratione materiæ: aliquæ tamen ob iuris canonici prohibitionem vendi non possunt, vt sepultura, etiam ratione terræ, chrisma, & balsamum; item effigies ceræ agni Dei benedicti: nam Romæ extat specialis prohibitio vendendi huiusmodi agnos benedictos, ad vitandum simoniæ periculum, etiã si non vendantur pluris ob consecrationem. *ibid. n. 4. & pag. 677. num. 6.*

24. Suscipiens Ordines, præuia pecunia, seu pretio, simoniacus est: quia Ordo est quid spirituale, & sacrum. Quare simoniacus est, qui patrono ipsum præsentanti, vel ad Ordines admittenti promittit se nullam ab eo provisionem petiturum. Item Episcopi, & alij Ordinum collatores, accipientes aliquid in collatione Ordinum, sunt simoniaci, etiam si sponte offeratur: excipiuntur tamen candelæ, & faculæ, ex declaratione sacræ Congregationis. At notarius cui salarium alia ratione constitutum non est, potest aliquid accipere nomine stipendij pro literis dimissoriis, vel testimonialibus: quia non tenetur gratis operam suam præstare, & Concil. Trident. dat ei facultatem accipiendi decimam vnius aurei partem. Sin notarius aliunde habeat salarium, peccat aliquid accipiendo; quamvis enim illa actio scribendi sit temporalis, tamen Conc. Trident. vetat intuitu Ordinum quicquam à notario accipi. *ibid. n. 1. & seq.*

25. Simoniam committitur accipiendo, vel tradendo temporale quidpiam pro functionibus Ordinum: quia huiusmodi functiones sunt ministeria Ecclesiastica, pro quibus nihil licet accipere, quia sunt res sacræ. Quare simonia committitur ab accipientibus, seu dantibus aliquid tanquam pretium pro diuinis officiis persolvendis: sunt enim ministeria Ecclesiastica, & actus religionis diuinum cultum continentes. Neque solum in diuinis officiis publicis, sed etiam in priuatis orationibus committitur simonia, si emanant, aut vendantur, sunt enim res sacræ, & religiosæ. *ibid. num. 2. & pag. 678. num. 2. & 3.*

26. Locus sacer communis pro sepultura fidelium vendi non potest absque simonia iure humano prohibita: sic enim expressè decernitur in iure canonico, ne dum locus sacer venditur ad sepulturam, non vendatur ratione terræ præcisè, sed ratione sepulturæ in loco sacro, consequenter ratione rei sacræ. Consuetudo tamen pluribus in locis obtinuit, vendendi certum locum Ecclesiæ, vel cæmeterij, quæ consuetudo, si fuit legitimè præscripta, non videtur damnanda; locus enim ratione materiæ est pretio æstimabilis. *tom. 1. pag. 679. n. 1. & 2.*

27. Qui dat pecuniam pro honoratiore loco sepulturæ, simo-

S s niam

niam non committit, si locus est honoratior ob respectum aliquem temporalem: quia non emitur res sacra, sed honor quidam humanus, qui pendet ab hominum apprehensione. Secus dicendum, si locus est honoratior ob respectum, seu rationem aliquam spirituales, ut quia propior est altari, aut quia est intra ecclesiam: quia hic honor fundatur in maiori sanctitate loci, quæ est res merè spiritualis. *ibid. n. 4.*

28. Qui promittit, vel tradit quidpiam temporale alteri, ut præster opus spirituale, simoniam committit, quia emit spirituale pro temporali, & iure canonico improbantur omnia pacta, & conventiones in materia spirituali. Qui tamen aliquid alteri tradit, ut peccatum vitet, vel ut opus spirituale exerceat in solius operantis utilitatem, v.g. ut confiteatur, ut Eucharistiam sumat, &c. relicta illi libertate faciendi, aut non faciendi tale opus, non committit simoniam, siue opus sit consilij, siue præcepti: hic enim nulla interuenit emptio, aut venditio rei sacræ; sed tantum proponitur præmium, tanquam illecebra ad bonum opus. *tom. 1. pag. 679. n. 1. & pag. 680. n. 2.*

29. Nihil tradi, vel accipi potest tanquam pretium pro ingressu in religionem, seu pro ipsa professione, seu statu religioso: est enim res merè spiritualis. Potest tamen aliquid tradi pro congrua sustentatione: datur enim temporale pro temporali: quippe onus alendi aliquem est quid pretio æstimabile. Sic in matrimonio, quod est Sacramentum, licet traditur temporale ad matrimonij onera sustinenda. *tom. 1. pag. 680. n. 1. & 2.*

30. Qui pecuniam accipit, ut absteat à bono opere, seu ab actione spirituali, v.g. ut non absoluat aliquem à censura, vel ut non approbet dignum ad ordines, vel ad beneficiū, in rigore loquendo, simoniam non committit, modò cum huiusmodi omissione cōiunctus non sit actus iurisdictionis, qui pretio vendatur: hic enim non datur, nec accipitur pretium pro re spirituali, & sacra, sed potius pro omissione illius. *tom. 1. pag. 681. num. 2.*

31. Vendens scientiam, & doctrinam, seu dona spiritualia intellectus, non committit simoniam. Quamvis enim huiusmodi dona in se vendibilia non sint, cum inhæreant animæ, ne in aliū transferri possint: tamen actus, & exercitium ipsorum vendi potest, neque in hac venditione vlla interuenit simonia: quia actus huiusmodi donorum non est res sacra, sed naturalis ad religionem non pertinens. Quare licet pretio docere facultates naturales, immò & supernaturales, ut Theologiam: quia actiones magistri docentis Theologiam sunt naturales, & labor, ac opus ipsius est pretio æstimabile. *tom. 1. pag. 682. num. 1. & 5.*

32. Præcio labore, & sustentatione, quæ in pastum deduci potest,

potest, nihil accipi potest pro ipsa concione sacra; est enim actus actus facer: concionator enim est veluti Dei legatus ad hoc missus. Pro actu tamen docendi doctrinam christianam ad instruendum intellectum, vel excolendam memoriam, vt vulgo fieri solet in scholis, aliquid absque simoniæ labe accipi potest: hic enim est actus naturalis. At si tradatur doctrina Christiana concionando, & persuadendo, committitur simonia, si aliquid accipiat: tunc enim est actus facer, & consequenter materia simoniæ. *tom. 1. pag. 638 n. 8. & 9.*

33. Vendens magisterium, seu doctoratum Theologiæ, non est simoniæ reus; quia huiusmodi doctoratus nihil est aliud quam quadam approbatio ad docendam Theologiam cum quibusdam honoribus, & privilegiis; ipse autem actus docendi non est quid spirituale. *ibid. n. 12.*

34. Ius patronatus vendi non potest cum sit aliquid spirituale, quod habet pro obiecto beneficium: bona tamen ipsa quibus ius patronatus est adnexum, vendi possunt, quibus in alium translatis, transfertur etiam ius patronatus; videndum tamen ne bona carius vendantur ob ius patronatus adnexum; alioquin ipsum ius vendi censeretur. *tom. 1. p. 684. n. 3.*

35. Beneficium resignans non potest aliquid exigere ratione fructuum, & emolumentorum; quia persona priuata non potest separare præbendam, seu fructus beneficii à beneficio, consequenter si vnum vendat, censetur etiam alterum vendere. Præterea ius ad fructus est quid spirituale; beneficiarius enim non habet ius ad fructus, nisi ratione tituli, seu ministerij sacri; ergo vendens ius ad fructus vendit aliquid spirituale, ac proinde est simoniacus. *tom. 1. p. 685. n. 9.*

36. Si beneficium spectetur ratione tituli, seu iuris spiritualis, ne ipse quidem Pontifex potest in collatione beneficii quicquam exigere in suum, aut alterius fauorem; quia titulus beneficii est quid spirituale; sin beneficium spectetur ratione præbendæ, seu emolumentum, Papa potest aliquid exigere ratione præbendæ, immò illam vendere; est enim Papa Ecclesiasticorum bonorum administrator cum iure amplissimo; ergo potest vni beneficium conferre cum iure ad officium spirituale, & ad partem fructuum tantum, reservata sibi, vel alteri reliqua parte; quia Papa potest beneficium à fructibus, & fructus à beneficio separare; consequenter potest præbendam, facta separatione, vendere absque labe simoniæ. *ibid. num. 13.* Immo potest Pontifex, dum beneficium alicui confert cum onere pensionis, æstimare simul temporalem totius pensionis valorem, illumque simul anticipatè recipere, vel facultatem concedere alteri ad recipiendum illum

valorem pensionum, seu pensiones anticipatas. Idque valet, etiam si Papa nolit beneficium conferre nisi volenti statim redimere pensionem. Hinc patet resignantem Episcopatum alteri cum pensione, qua posita non remaneret mille resignatario, iuxta Concilij dispositionem, posse de licentia Papæ, cum resignatario convenire, & cautionem exigere, ut resignatarius statim capta Episcopatus possessione redimat pensionem, conventis annatis: sic enim remanent mille ipsi resignatario, si- que consultiur successoribus, ad quos Episcopatus sine tanto onere transfertur. *tom. 1. pag. 686. num. 15. & 16.*

Permutatio Beneficiorum.

37. Permutatio rei spiritualis cum alia re item spirituali non est simoniaca, iure diuino: quia simonia consistit in commutatione rei spiritualis pro pecunia, seu re pretio æstimabili; at res spiritualis non est pretio æstimabilis, Videndum tamen ne res illa spiritualis sit adnexa temporalis; tunc enim permutatio esset simoniaca, ut si detur calix pro Ecclesiastico beneficio, quippe datur temporale pro spirituali. *ibid. n. 1. & 2.*

38. Beneficiorum permutatio, seu prouisio priuata auctoritate facta continet simoniam contra ius canonicum: quia Ecclesia vetuit omnes pactiones in beneficiis, ob periculum simoniæ. Hinc sequitur simoniam committi, saltem contra ius humanum in permutationibus actionum pertinentium ad prouisiones beneficiorum: ut si quis dicat, *Tu elige hunc, & ego eligam illum*; vel, *Resigna mihi tuum beneficium, & ego hunc presentabo ad beneficium mei iurispatronatus*, &c. nam eiusmodi actiones licet sint spirituales; sunt tamen media ad lucrum temporale. *tom. 1. pag. 687. n. 3. & 4.*

39. Volentes beneficia permutare, possunt prius inter se agere de permutatione facienda, & inter se transigere, non quidem absolute; sed in ordine ad consensum Prælati: Immo obligare se possunt ad persistendum in conuentione, donec superior abnuerit: nam eiusmodi conuentio nupiam inuenitur prohibita, cum non sit permutatio. Hæc autem permutatio coram Episcopo loci, in quo est beneficium, aut coram alio iurisdictione Episcopali gaudente, fieri debet, modò permutatio pure fiat; non verò cum pensione, aut alio onere: quia ius solum permutat Episcopo, ut approbet permutationes beneficiorum, & iuxta stylum Curie Rom. pensio non imponitur nisi auctoritate Papæ: Quare beneficia quamuis inæqualia in temporalibus, permutari non possunt cum pensione, aut alia re pretio æstimabili, coram Episcopo, aut alio inferiore Papâ. Si verò accedat Pa-
pæ

pæ auctoritas, potest inæqualitas prouentuum, annua pensione, aut etiam numeratâ pecuniâ compensari. At beneficiorum inæqualitas in dignitate, aut re spiritali, compensari non potest pecuniâ aut alia re pretio æstimabili, etiam auctoritate Papæ, si dignitas præcisè spectetur: quia non est quid pretio æstimabile. *ibid. num. 5. & seq. & pag. 688. num. 8. & seq.*

Simoniam in pensionibus.

40. Pensio temporalis, seu laicalis, id est, quæ ob causam merè temporalem, & humanam cõfertur, non est materia simoniæ: quia est res temporalis, pretio æstimabilis. At pensio clericalis, quæ scilicet confertur titulo spiritali, est materia simoniæ: est enim, ut sic, aliquid spiritali, quippe ex constitutione Pij V. annexum habet onus recitandi paruum officium B. V. consequenter absque simoniâ vendi non potest. *to. 1. pag. 689. n. 3. & 4.*

41. Pensionarius non potest priuata auctoritate pensionem, anticipatis solutionibus extinguere: tum quia stylus Curix obstat: tum quia venderet rem spiritali. Potest tamen, propria auctoritate cedere pensioni, & gratis ius suum remittere. Potest item vendere, vel donare fructus suæ pensionis absque labe simoniæ, etiam ad totam vitam, modò retineat titulum pensionis traditur enim temporale pro temporali, estque hæc veluti locatio fructuum, seu potius anticipata venditio. Non sunt tamen in hac materia laxandæ habendæ: quia in foro externo venditio fructuum pensionis præsumi poterit potius translatio pensionis, præsertim quando pensionarius vendit fructus alteri, ipsumque, & eius hæredes constituit procuratores perpetuos, & irreuocabiles, quanquam in foro conscientix excusari potest, si sibi retineat titulum pensionis cum onere recitandi officij. Contraria tamen sententia est tutior. *ibid. n. 7. & pag. 690. num. 12. & 13. & pag. 691. num. 16.*

Simoniam in resignatione beneficiorum

42. Resignatio beneficij quæ non est puta, & absoluta, labem simoniæ continet, nisi coram Summo Pontifice fiat: quia quælibet pactio in beneficiis, iure communi vetita est. Hinc fit, ut qui beneficium resignat alteri, ea conditione ut sibi pensionem soluat, simoniam committat. Item beneficiarius qui beneficium litigiosum, cum multis expensis assequutus, illud alteri resignat, cum pacto ut resignatarius expensas soluat, nisi accedat Papæ consensus, simoniæ labe non vacat. Item reciproca resignatio, coram Episcopo facta, est simoniaca; ut si quis dicat: *Ego resigno meum beneficium tuo nepoti; tu verò resigna tuum mihi:*

hæc enim non est resignatio pura *tom. 1. pag. 691. n. 2. & seq.*

43. Resignatio beneficij, non absolutè facta, sed cum designatione successoris, illicita est, & inualida : ut patet ex Bulla Pij V. quæ incipit : *Quanta Ecclesia*. At si resignatio fiat absque ullo pacto, aut obligatione conferendi beneficium personæ designatæ ; probabile est simoniam non committi : quia hic nullus interuenit contractus onerosus, seu commutatio spiritualis pro temporali. *tom. 1. pag. 692. n. 5 & 6.*

Simonia in transactione.

44. Transactio simoniaca est, dum remittitur, vel retinetur ius temporale pro spirituali, vel contra. Transactio verò circa rem spiritualem non est simoniaca, cum res spiritualis compensatur alia re spirituali proportionata, modò non fiat in materia beneficali. Ad valorem tamen transactionis requiritur auctoritas legitimi Prælati, si transigentes intendant facere perpetuam transactionem, quæ successores etiam afficiat : Immodò si transactio fiat cum laicis, super decimas, necessarius est Summi Pontificis consensus. *ibid. n. 3. & 4. & pag. 693. n. 5.*

45. Transactio in materia beneficali fieri potest auctoritate Episcopi, vel etiam arbitratorum, etiamsi non sint Episcopi, vel iudices causæ. Episcopus autem, ad dirimendam litem, potest absque simoniæ labe applicare vni beneficium litigiosum, cum onere soluendi alteri colliganti pensionem, quandiu vixerit ipse beneficiarius ; modò ipsa persona beneficiarij onerata maneat, non autem beneficium, neque onus pensionis transeat ad successorem in beneficio. *ibid. n. 8 & 9.*

46. Litigantes circa beneficium possunt arbitrum eligere, etiamsi non sit prælatus, nec iudex causæ : hoc enim nusquam in iure prohibitum inuenitur. Vnde patet fieri posse compromissum in quolibet, qui poterunt ut arbitri, litem dirimere, adiudicantes beneficium illi, qui verosimilius præsumitur titulum habere, & imponentes onus temporale beneficiario in fauorem alterius partis colligantis, si ita expedire iudicauerint. *tom. 1. pag. 694. num. 12.*

Simonia in actibus iurisdictionis.

47. Committitur simonia dando, vel accipiendo aliquid pro actibus iurisdictionis fori interni : quia datur temporale pro spirituali. Quare simoniacum est dare, vel accipere pecuniam pro absolutione à censuris. Potest tamen dari pecunia iniuste impediendi, aut deneganti absolutionem, ad redimendam iniustam

stam vexationem. Item pro dispensatione, vel commutatione votorum, pio concessione, vel applicatione indulgentiarum, non potest absque simonia aliquid accipi, aut dari. Item Parochus videtur simoniæ reus, si nolit matrimonio assistere nisi accepto pretio: est enim actus muneris Parochialis, & officij spiritualis. *ibid. num. 1. & seq. & pag. 695. num. 6. & 7.*

48. Simoniacum non est dare, vel accipere temporale pro actibus iurisdictionis laicæ, & temporalis. Quare Prælati Ecclesiastici pretio concedens licentiam docendi, vel legitimandi ad honores temporales, vel ad successionem in bonis, non est simoniæ reus: quia non exercet iurisdictionem spiritualem, ut sic, sed quatenus continet temporalem. *tom. 1. pag. 695. n. 1. & 2.*

49. Simonia committitur dando, vel accipiendo aliquid temporale pro actibus Ecclesiasticæ iurisdictionis: nam iurdictio Ecclesiastica est aliquid spirituale, & supernaturale. Quare Prælati exigentes aliquid pro dispensatione votorum, irregularitatis, impedimentorum matrimonij, sunt simoniæ rei: Concil. enim Trident. *sess. 25. cap. 18.* generaliter decernit, ut dispensatio Ecclesiastica gratis concedatur, alioquin subreptitia censeatur. *ibid. num. 3.* Stylo tamen Curia Rom. receptum est, ut in dispensationibus concedendis aliquid detur. 1. pro sustentatione Summi Pontif. 2. pro labore officialium. 3. pro commutatione vnius operis in aliud. 4. in pœnam delicti *ibid. n. 3. & pag. 696. n. 6.*

Causæ à simonia excusantes.

50. Non committitur simonia cum occasione rei spiritualis accipitur pecunia, seu res pretio æstimabilis, non tanquam pretium rei, sed gratis, & titulo gratitudinis, & vice versâ, cum occasione rei temporalis accipitur, vel traditur aliquid spirituale, gratis, seu titulo gratitudinis: quia hîc nulla est emptio, aut venditio. Sic Prælati beneficium conferens de se bene merito, simoniam non committit. Non tamen licet hoc deducere in pactum; esset enim simoniacum tradere aliquid spirituale cum pacto, ut accipiens sit gratus, vel ut obsequium sibi præstet titulo gratitudinis: hoc enim est pretio æstimabile. *tom. 1. pag. 697. num. 1. & 7.*

51. Non committitur simonia dum pro actione spirituali accipitur aliquid titulo sustentationis; sustentatio enim iure naturæ debetur operanti, & dignus est operarius mercede sua, & Rom. 15. qui altari servit, de altari vivere debet. Sic excusantur Ecclesiastici ministri accipientes pias oblationes, vel alia stipendia, ex consuetudine, vel legibus Ecclesiæ; hæc enim non dantur tanquam pretium rei spiritualis, sed in stipendium,

& sustentationem. Caueat tamen sacerdos ne plus accipiat pro sustentatione, quàm ferat ratio laboris, & operis, sic enim simoniæ suspicionem incurreret. *tom. 1. pag. 699. n. 1. & 3.*

52. Simoniacum est accipere aliquid temporale pro labore intrinseco actioni spirituali; hic enim labor non distinguitur ab ipsa actione sacra, & spirituali; consequenter est aliquid sacrum, neque pretio æstimari potest. At si accipitur aliquid pro labore extrinseco, qui per accidens coniunctus est cum opere sacro, non committitur simonia: hic enim labor est quid temporale, & pretio æstimabile: sic cantor aliquid exigens pro cantu in Missa, vel diuinis officiis, à simoniæ labe excusari solet. Item aliquid accipiens pro itinere suscepto causa celebrandæ Missæ, vel pro obligatione celebrandi in tali loco, tali hora, &c. excusatur: hæc enim sunt extrinseca celebrationi Missæ, & pretio æstimanda. *ibid. n. 1. & 2. & pag. 700. n. 3. & seq.*

53. Non committitur simonia accipiendo aliquid titulo priuationis libertatis ad alia opera vtilia, quæ quis eo tempore exercere potuisset. Sic nonnulli excusant à simona eum qui pecuniam accipit, non simpliciter, vt procuret alteri beneficium; sed habita ratione laboris in scribendo, iter agendo, expensis faciendis in priuatione lucri, & commodi temporalis, quo se ea de causa priuat, &c. hæc enim sunt pretio æstimabilia. *tom. 1. pag. 700. num. 1. & 2.*

54. Licet absque simoniæ labe aliquid dare ad redimendam iniustam vexationem, quam quis patitur circa rem spiritualem, modò id quod datur, non sit quid temporale: cum enim iniusta vexatio sit impedimentum temporale, non potest redimere spirituali: quare si quis vexetur iniuste in pingui beneficio, & tunc beneficium vexatori conferat, vel procuret, simoniam committit, quia tradit spirituale pro temporali. At si dem pecuniam ei, qui per vim, vel fraudem me impedit, ne concurram cum ipsius amico in petitione beneficii, aut ei, qui iniuste apud Episcopum me infamat, ne mihi beneficium conferatur, simoniam non committo: quia do pecuniam pro cessatione damni, & pro redimenda vexatione, quam alter mihi infert iniuste contra meam libertatem, & famam. Idem dicendum, quando quis precibus, vel muneribus peruertit electores in me propensos: neque enim trado pecuniam pro electione, sed pro cessatione nocuamenti, quod iniuste mihi infertur. *tom. 1. pag. 701. num. 1. & seq. & pag. 702. num. 7. & seq.*

55. Consuetudo non excusat acceptionem, vel traditionem rei temporalis pro spirituali per modum pretij: hoc enim est intrinsece malum, & simoniacum contra ius naturale diuinum.

Secus

Secus dicendum de simonia solo iure humano inducta; lex enim humana potest consuetudine abrogari. *tom. 1. pag. 703. num. 1.*

56. Qui tenentur ex officio ministrare, & habent redditus ad sustentationem assignatos, possunt per consuetudinem acquirere ius ad maiores prouentus, saltem titulo sustentationis. Quia consuetudo induci potest circa illud, quod potest esse materia legis: legitimus autem superior, præcipere potest, ut prouentus ad sustentationem augeantur. Videndum tamen, ne huiusmodi consuetudo speciem aut suspensionem aliquam simoniæ præ se ferat. *ibid. n. 2.*

An acta simoniacè sint valida?

57. Actiones, seu functiones ordinis, vel iurisdictionis, simoniacè factæ, validæ sunt, per se loquendo: non enim est maior ratio, cur simonia potius irritet huiusmodi actiones, quam reliqua peccata; nisi extet aliquod ius peculiare. Dicuntur tamen ordines per simoniam collati esse irriti, non quod verè sint irriti quoad substantiam; sed quia vetitus est illorum usus: ordinatus enim per simoniam suspensus est ab ordinum exercitio. *tom. 1. pag. 714. n. 1. & 2. & pag. 715. num. 3.*

58. Quælibet acquisitio rei Ecclesiasticæ, & spiritualis, irrita videtur, si fiat data, vel promissa pecunia: nam iure canonico generaliter irritantur simoniacè acquisita, ut patet ex cap. *et quæ. tom. 1. pag. 715. n. 9.*

59. Omnis actio iurisdictionis, vel administrationis, quæ ordinatur ad obtinendam beneficii prouisionem, si fiat per simoniam, irrita est; non quidem iure naturali, vel diuino, sed Ecclesiastico. Quare prouisus per simoniam tenetur beneficium dimittere, & fructus restituere, quos medio tempore perceperit: neque enim potest fructus percipere rei non suæ, nisi sciens committi simoniam in suum fauorem contradixerit, & deelarauerit se illi non consentire: qui enim beneficium obtinuit reclamans, & resistens simoniæ in suum fauorem commissæ, validè beneficium obtinet. *tom. 1. pag. 716. n. 10. 11. & 17.*

60. Collatio, seu prouisio beneficii, facta per simoniam ignorantem, inualida est ipso iure: nam iure canonico irritatur ipso facto, & qui sic beneficium obtinuit, etiam ignoranter, inhabilis est non modò ad illud beneficium, sed etiam ad alia in futurum obtinenda, nisi habilis efficiatur dispensatione Pontificis in dignitatibus, & beneficiis curatis, vel dispensatione Episcopi in beneficiis simplicibus. *ibidem. num. 19. & pag. 717.* Qui tamen bona fide beneficium obtinuit, ignorans simoniam ab alio commissam gaudere potest regula de triennali possessore, ita ut

ante triennium elapsum turbari nequeat circa illius beneficii possessionem. *ibid. n. 20.*

61. Collatio pensionis simoniacè facta, iuxta probabiliorē sententiam, valida est: quia tamen si sit res spiritalis, tamen nou est propriè beneficium Ecclesiasticum; consequenter illius prouisio non est irrita. cum sermo sit in iure de beneficiis per simoniam obtentis. *tom. 1. pag. 717. n. 22.*

62. Qui beneficium obtinuit promissâ pecuniâ, nec tenetur, nec potest in conscientia, promissionem implere, & pretium soluere: hæc enim promissio, & pactio cum sit de re turpi, & illicita, irrita est. *tom. 1. pag. 718. n. 27.*

63. Qui beneficium per simoniam adeptus est, non tenetur in conscientia dimittere beneficium, aut fructus medio tempore perceptos restituere, donec per iudicis sententiam condemnatur. *ibid. n. 29.*

64. Simonia in beneficiis, per se loquendo, non inducit ipso facto priuationem beneficiorum antea ritè obtentorum. Immo neque inducit irritationem aliorum actuum præcedentium qui ordinantur ad beneficium perfectè obtinendum, cuiusmodi sunt electio, confirmatio, collatio: quamuis enim quælibet harum actionum simoniacè facta, irrita sit: tamen si prior, v.g. electio ritè fiat, confirmatio verò fiat simoniacè, confirmatio est irrita, electio verò subsistit. Actus tamen præcedens per sententiam iudicis irritari potest in pœnam delicti. *ibid. n. 1. & 2.*

65. In tribus hisce casibus inducitur priuatio beneficiorum antea ritè obtentorum. 1. in simonia confidentiali, de qua infra. 2. in simonia commissa in electione Papæ. 3. in simonia commissa ab examinadoribus beneficiorum in synodo constitutis, seu electis: non enim possunt quidquam occasione examinis accipere; alioquin ipso facto priuantur beneficiis antea ritè obtentis, tenenturque illa dimittere, etiam ante sententiam iudicis, declaratoriam criminis. *tom. 1. pag. 719. n. 4. & 5.*

66. Simoniacus in beneficio efficitur inhabilis ad illud, & ad alia in futurum obtinenda: hæc autem inhabilitas incurritur ipso facto, ante yllam sententiam: est enim pœna ipso iure imposita, quæ ad sui executionem nullam requirit hominis actionem. Porro dispensatio huius inhabilitatis ad solum Summum Pontif. pertinet, neque potest Episcopus in ea dispensare. *ibid. n. 1. & seq. & pag. 720. num. 4.*

Restitutio ob simoniam.

67. Qui pretium accepit, sed rem spiritualem nondum tradidit, tenetur iure naturali, & diuino, pretium restituere: quia traditum

traditum fuit pro re spirituali, quæ nondum tradita fuit, nec licite tradi potest. Qui verò pretium simoniacè accepit, absque tamen iniuria, & iniustitia contra ipsum tradentem, non est obnoxius restitutioni. Quia obligatio restituendi oritur ex iniustitia; ergo ubi nulla iniustitia; ibi nulla est obligatio iure naturali, ad restitutionem. At pretium simoniacè, & simul iniuste acceptum, restituendum est, propter violatam iustitiam commutativam. Quare obligatus ex iustitia ad functiones spirituales gratis exercendas, ut Episcopus, & Parochus, tenetur ad restitutionem pretij accepti pro hisce functionibus exercendis, *tom. 1. pag. 720. n. 1. & seq. & pag. 721. n. 4. & seq.*

68. In tribus casibus Ecclesia obligat ad restitutionem pretij simoniacè accepti. 1. quando pretium est acceptum pro collatione beneficii, vel alia actione ordinata ad provisionem beneficii. 2. quando pretium est acceptum pro ingressu religionis. 3. quando pretium est acceptum pro collatione Ordinum. Cæteri Pontifex potest dispensare, vel compositionem concedere, quando solo iure Ecclesiastico facienda est restitutio in pœnam delicti. *tom. 1. pag. 722. n. 18. & pag. 723. n. 19. & seq. & pag. 724. n. 24.*

69. Res spiritualis simoniacè accepta, nec iure naturali, nec iure canonico est obnoxia restitutioni ante sententiam iudicis, exceptis beneficiis, quæ simoniacè obtenta, vñ cum fructibus perceptis restituenda sunt ante ullam iudicis sententiam: sic enim iura præscribunt. *tom. 1. pag. 724. n. 1. & pag. 725. n. 3. & seq.* Porro mediatores simoniæ commissæ in beneficio tenentur in defectum beneficiarij ad restitutionem fructuum à beneficiario simoniaco perceptorum. *pag. 725. n. 6.*

Contra simoniam confidentialem excommunicatio.

70. Pius I V. in Bulla 85. quæ incipit, *Rom. Pontificem*, & Pius V. in Bulla item 85. quæ incipit, *Intolerabilis multorum perversitas*, tulērunt excommunicationem Summo Pontifici reservatam contra committentes simoniam confidentialem in beneficiis, & pensionibus. Simonia autem, confidentialis contingere solet in resignatione, collatione, electione, vel præsentatione, hoc animo ut beneficium, vel fructus in totum; vel in partem restituantur, vel resignentur ipsimet resignanti, conferenti, eligenti, vel præsentanti, aut alteri ad ipsius electionem. *ibid. punct. 23. pag. 232. num. 1. tom. 3.*

71. Qui accipit beneficium ab altero, qui hoc ipsi resignat cum spe, & confidentia quòd accipiens beneficium, illud postea dimittet, vel soluet fructus in fauorem resignantis, vel amici, vel alterius, quem resignans nominaverit, incurrit excommunicationem;

nicationem; non autem resignans, vt patet ex citatis constitutionibus vtriusque Pontificis, etiamsi ista confidentia non deducatur in pactum; ad incurrendam tamen excommunicationem opus est vt accipiens beneficium animaduertat spem, & confidentiam resignantis. Qui autem accipit beneficium animo illud postea restituendi danti, aut eius amico, vel alteri, præter spem ipsius resignantis, non est obnoxius excommunicationi; nulla enim hic interuenit simonia confidentialis, quæ originem trahit à spe, & confidentia ipsius resignantis. *ibid. n. 2. & seq. pag. 233. rom. 3.*

71. Ille non ligatur vinculo excommunicationis, qui beneficium accepit, putans illud sibi resignari cum spe & fiducia restituendi illud eidem resignanti, vel alteri in ipsius fauorem, cum tamen resignans hanc spem & fiduciam non haberet: quia conscientia erronea non inducit excommunicationem, sed solum delictum sub excommunicatione prohibitum. Tamen qui hoc modo beneficium accepit, tenetur se tanquam excommunicatum gerere, donec conscientiam erroneam deposuerit cognita rei veritate. *ibid. num. 4.*

72. Accipiens beneficium ab eo, qui cum spe, & confidentia illud sibi resignat, licet non intendat illud accipere in confidentiam, incurrit excommunicationem: quia Summus Pontifex intendit excommunicare accipientem quories animaduertit illud sibi in confidentiam resignari, etiamsi solus resignans intentionem habeat confidentialem; facto enim consentit, licet interius dissentiat. *ibid. n. 5.*

74. Nonnulli censent Cardinales & Prælatos beneficium in confidentiam accipientes, non affici excommunicatione, sed interdicto ab ingressu Ecclesiæ Papæ reservato; probabilis tamen videtur illos ab hac excommunicatione non eximi ob declaratoriâ Pij V. in Bulla quæ incipit, *Hodie in consistorio. ibid. pag. 234. num. bum. 12. rom. 3.*

Contra simoniam in prouisione beneficiorum.

75. Pius V. in Bulla 104. quæ incipit, *Durum nimis*, vt tolleret consuetudinem quamdam simoniacam, quæ quibusdam in Ecclesiis obtinuerat, vt fructus primi anni inter Canonicos diuiderentur, &c. graues imposuit censuras retinentibus, petentibus, vel exigentibus aliquid ex huiusmodi fructibus, vel distributionibus, nec non inducentibus aliquem ordinaria, vel Apostolica auctoritate prouisum ad præstandum iuramentum de obseruandis eiusmodi consuetudinibus, & statutis. Censuræ autem, quæ imponuntur, sunt diuersæ: nam Episcopi, alique Antistites suspendantur

suspenduntur à Pontificalibus donec præstita satisfactione, à Summo Pontifice absoluantur, capitula verò, & collegia subii-ciuntur interdicto; aliæ verò personæ singulares vinculo excommunicationis obstringuntur. *ibid. punct. 26. pag. 234. 235. tom. 3.*

76. Hæc censura non incurritur dum iuxta consuetudinem, vel statuta quarundam Ecclesiarum, in prouisione beneficiorum aliquid exigitur in ipsos vsus conuertendum: hic enim casus excipitur in Concil. Trid. sess. 24. cap. 14. *ibid. n. 5.*

77. Refertur quædam excommunicatio, quæ tamen in Bulla-rio non extat contra dantes, vel promittentes aliquid nuncian-tibus prouisiones à Sede Apostolica factas; hæc tamen excommu-nicatio non extenditur ad ipsos nunciantes. *ibid. punct. 27. pag. 235. tom. 3.*

Contra simoniacam procuracionem beneficiorum.

78. Paulus IV. in Bulla 12. quæ incipit, *Inter ceteras curas.* ad tollendas simoniacas labe, quæ in beneficiis procurandis committuntur, excommunicationem tulit contra supponentes se pro aliis in examine, aut impetrantes beneficia pro aliis id ignorantibus cum oblatione pensionis, aut cum spe alicuius cõmodi tẽporalis, aut impetrantes beneficia pro seipsis animo illa resignandi in fauorẽ aliorum: præterea inualidas reddidit proui-siones, & dispositiones hoc pacto obtentas. *ibid. punct. 28.*

79. Hæc censura solum afficit eos qui beneficia in Curia Romana obtinent apud Datarium Papæ; quia Summus Ponti-fex vult occurrere incommodis quæ audierat committi in con-secutione beneficiorum apud Curiam. *ibid. pag. 236. n. 9. tom. 3.*

Contra simoniacum Religionis ingressum.

80. Urbanus IV. in cap. *Sanè, extrà de simonia*, excommuni-cationem infligit singularibus personis dantibus, vel recipienti-bus aliquid ex pacto pro ingressu in religionem; capitulis verò & conuentibus, pœnam suspensionis. *ibid. punct. 29. pag. 236.* Vnde sequitur si aliquid detur sine præuio Pacto, non incurri excommu-nicationem. *ibid. pag. 237. n. 3. tom. 3.*

81. Non incurritur hæc excommunicatio cum aliquid da-tur, vel accipitur pro sustentatione ingredientis religionem, etiã si monasterium diues sit, & locuples: quia datur, & accipitur tem-porale pro temporali, pecunia scilicet, vel res alia pretio æsti-mabilis, pro sustentatione religiosi, quæ pretio æstimabi-lis est, neque enim tenetur monasterium licet locuples hunc admittere, & in ipsius sustentationem bona sua insumere. *ibid. num. 4.* Modò tamen absit excessus, id est, non accipiatur ultra

onus

onus sustentationis. Vitandum est etiam scandalum; nam si monasterium locuples renuat admittere pauperem, alioquin idoneum, facile scandalum præbebit, non tamen propterea incurritur excommunicatio; quia hæc est labes auaritiæ potius quam simoniæ. *ibid.*

82. Licet monialibus indultum sit à Clemente VII I. vt reæ non sint labis simoniæ; dum conuentiones faciunt circa dorem recipiendarum pro congruenti, & sufficienti sustentatione: tamen si aliquid exigant ultra congruam sustentationem, ab hac censura non excusantur, nisi liberaliter detur, & non ex pacto. *ibid. pag. 238. n. 6. tom. 3.*

83. Abbatissa quæ certam pecuniæ quantitatem paciscitur, vel accipit donec dos monasterio promissa pro nouitia ingrediente soluatur, excusari potest si hanc pecuniam accipiat ratione damni emergentis, quod interim monasterium patitur ob dorem non solutam. Idem dicendum si aliquid exigatur ratione lucri cessantis; sed hac in parte magna cautione opus est ad vitandum scandalum, & periculum vsuræ. *ibid. n. 8.*

84. Quando in susceptione habitus religiosi aliquid datur, & accipitur, committitur quidem simonia; probabile tamen est censuram non incurri donec professio emittatur: quia censura non incurritur nisi adsit effectus completus sub censura prohibitus; completur autem effectus per emissionem professionis. Vnde sequitur excommunicationem non incurri si susceptio habitus fuit simoniaca, modò postea religiosus gratis ad professionem admittatur. *ibid. n. 11.*

Contra simoniam in Indulgentiis.

85. Pius V. in Bulla 99. quæ incipit, *Quàm plenum*, vetuit concedi indulgentias vel facultatem eligendi confessarium, qui à casibus reseruatis absoluat, solventibus certam pecuniæ summam; & Episcopis quidem, aliisque antistitibus huic decreto contraueniens infigit pœnam suspensionis ab ingressu Ecclesiæ, & à perceptione fructuum, à qua absolui nequeant nisi à Summo Pontif. post præstitam satisfactionem; alios verò Episcopos inferiores subiicit excommunicationi Pontifici reseruata. *ibid. punct. 30. pag. 239. tom. 3.*

86. Licet Ordinarij locorum nequeant prohibere quominus religiosi inconsultis ipsis ordinariis publicent indulgentias olim sibi à Summo Pontifice concessas; nihilominus nullus licet exemptus, potest indulgentias de nouo concessas, publicare in sua Ecclesia absque licentia Ordinarij; sic enim per sacram Cardinaliū Congregationem declaratum fuit. *ibid. n. 9.*

Contra

Contra simoniam in gratiis à Curia Romana obtinendis.

87. Bonifacius VIII. in rubrica, *de sententia excommunic.* quæ incipit, *Excommunicamus*, tulit excommunicationem contra omnes facientes promissionem, vel pactum temporarium pro aliqua gratia, vel iustitia obrinenda in Curia Rom. & contra dātes vel recipientes aliquid paruum, vel magnum, ex pacto aut promissione. Item contra præbentes consilium, auxilium, vel fauorem, & contra scientes, & non reuelantes eos qui ex pacto dāt, vel recipiunt aliquid pro gratia, seu iustitia in Curia Rom. obtinenda. *ibid. punct. 31. pag. 240. tom. 3.*

88. Qui fictè promittit se aliquid daturum pro gratia, aut iustitia in Curia Rom. obrinenda; vel qui promittit, altero cui sit promissio non acceptante promissionem, non subiaceret huic excommunicationi; quia ficta promissio nō est promissio, & de ratione promissionis est acceptatio. *ibid. pag. 242. n. 8. & 9.*

89. Promissio facta ex gratitudine, & solū vrbauitatis gratia sub hanc censuram non cadit. Secūs autem si promissio fiat animo se obligandi, vt facilius inflectatur iudex ad gratiam vel iustitiam concedendam; nam huiusmodi promissiones nihil aliud sunt quàm munera in spe oblata; iustitiæ autem ministratoribus nihil simpliciter debetur ex gratitudine, cū aliunde habeant stipendium. *ibid. n. 10.*

90. Ad hanc excommunicationem incurrendam non sufficit quælibet res data, aut accepta, sed requiritur vt ea sufficiat ad peccatum mortale furti; paruitas enim materiæ excusat à mortali, atque adeo ab excommunicatione. *ibid. n. 12. & 13. pag. 243. tom. 3.*

91. Ab hac censura excusantur 1. qui dant ob meram liberalitatem; vel beneuolentiam, siue dent ante gratiam obtentam, siue ea iam obtenta. 2. qui dant ad redimendam iniustam vexationem; quamuis enim sit turpitudine ex parte iudicis recipientis, ac proinde iudex excommunicationem incurrat; nulla tamen est ex parte dantis neque enim dat pro iustitia obrinenda, sed pro vexatione redimenda. 3. qui dant, vel accipiunt xenia, vel sportulas dari consuetas, modò non sit notabilis excessus. 4. qui dant, vel accipiunt tanquam stipendium laboris, vt si quid detur Aduocato, vel Norario, vel Procuratori, seu sollicitatori. 5. qui dant, vel accipiunt ob maiorem industriam, vel operam præstitam, quam alioquin præstare teneantur. *ibid. pag. 244. num. 14. tom. 3.*

92. Qui

92. Qui dat, vel accipit aliquid solum titulo gratitudinis post gratiam, aut iustitiam in Curia Rom. obrentam absque prauia promissione, aut pacto, hanc censuram non incurrit: quia hic non dicitur dare, aut accipere pro gratia vel iustitia obtinenda, sed tantum titulo gratitudinis ob gratiam, vel iustitiam impetratam. *ibid. num. 15.*

93. Qui nouit aliquod delictum committi contra hanc constitutionem, incurrit excommunicationem, nisi intra triduum deferat Summo Pontifici, aut alteri, qui Summo Pontifici, fideliter denunciet; sic enim in Bulla præscribitur; id tamen intelligendum est de iis tantum qui in Romana Curia degunt *ibid. num. 18. pag. 245. tom. 3.*

94. Præter excommunicationem aliæ pœnæ imponuntur transgressoribus huius constitutionis: nam 1. gratia, aut iustitia sic obrenta est irrita, & qui ea scienter utitur, easdem pœnas incurrit, quas alij transgressores. 2. qui aliquid accepit hoc nomine, absolui nequit antequam restituat pauperibus id quod accepit. 3. imponitur ipso facto priuatio omnis beneficij Ecclesiastici, & omnis officij etiam sæcularis; non tamen ante sententiam criminis declaratoriam. 4. additur perpetua infamiæ nota. 5. inhabilitas ad omnia beneficia, & officia *ibid. num. 21. & seq. pag. 246. tom. 3.*

95. Clemens VII. in Bulla quæ incipit, *Pro commissis nobis*, has pœnas extendit ad eos qui dant, promittunt, vel accipiunt aliquid pro gratia, vel iustitia obtinenda etiam extra Curiam Romanam apud quæcumque tribunalia, & quoscumque iudices etiam laicos in terris, vel locis temporali ditioni Summi Pontificis mediata, vel immediata subiectis. *ibid. punct. 32. pag. 246. tom. 3.*

96. Episcopus qui necessariam correctionem non adhibet contra simoniam committentes in Sacramentis, vel ordinibus subiacet excommunicationi. In cap. *quicquid, quest. 1.*

Contra simoniam in ordine, vel beneficio.

97. Paulus II. in Extrauag. *Cum detestabile, de simonia*, pœnam suspensionis ab executione ordinum imposuit ordinato per simoniam; alijs verò committentibus simoniam, aut ad illam cooperantibus in beneficiorum, vel ordinum collatione, seu consequutione, excommunicationem iniunxit. *pag. 230. tom. 3. vide tit. Ordo.*

98. Qui dat pecuniam pro consequutione beneficij, vel ordinis, hanc censuram non incurrit antequam beneficium, vel ordo actu conferatur. Idem dicendum quoties ordo, vel beneficium confertur

confertur ex præuio pacto simoniaco, sed pretium nondum solutum fuit. *ibid. n. 7.*

99. Qui bona fide ignorans, per simoniam ab altero commissum beneficium obtinuit, postea cognita simonia, tenetur quidem beneficium resignare, utpote per simoniam acquisitum non tamen excommunicationem incurrit, si nolit resignare licet enim peccet retinendo beneficium, non tamen simoniam committit. *p. 23. n. 12. & 13. tom. 3.*

100. Qui scit simoniam ab alio commissam in ordine, vel beneficio, non incurrit excommunicationem nisi denunciaret; non tamen potest absolui donec denunciauerit. Quia Summus Pontifex in præfata Extrauag. præcipit in virtute sanctæ obedientiæ, huiusmodi delinquentes denunciari, & statuit eos qui non denunciant, absolui non posse donec denuncient; nulla tamen extat excommunicatio contra non reuelantes. *ibid. n. 16.*

101. Pœnæ comminatoriæ, iure antiquo contra simoniacos sanctæ, iure nouo nõ incurruntur ipso facto ex vi istius Extrauagantis; quia in hac Extrauag. iura antiqua innouantur, id est, in priori statu, ac robore restituntur; manent igitur comminatoria, uti erant antea. *p. 232. n. 19. tom. 3.*

102. Hæc excommunicatio est Summo Pontifici reseruata.

Societas I E S V.

1. Gregorius XIII. in Bulla 89. quæ incipit. *Ascendens Dominus*, approbavit institutum, & constitutiones Clericorum regularium Societatis I E S V, addita pœna excommunicationis, & inhabilitatis ad quælibet officia, & beneficia sæcularia, seu regularia contra impugnantes præfatæ Societatis institutum, constitutiones, aut hanc suam Bullam, aut aliquem illorum articulum quouis prætextu. *p. 249. tom. 3.*

2. Hac eadem Bulla prohibetur de instituto Societatis I E S V disputatio, non quælibet, sed ea tantum quæ instituitur ad impugnandum illud institutum, seu constitutionem Apostolicam, vel ad contradicendum, idque factum est ad tollendas discordias, & compensandas maleuolorum linguas. *p. 250. n. 3. tom. 3.*

3. Huic subiicitur excommunicationi qui facit libellos famulos contra Societatem I E S V. Secus si scribat librum famosum contra nonnullos Patres eiusdem Societatis; quia hic non impugnatur institutum; grauissimè tamen peccat. *ibid. n. 4.*

4. In eadem Bulla prohibentur nonnullæ aliæ actiones quæ videntur etiam cadere sub excommunicationem, ut facere notationes, declarationes, glossas, vel scholia super præfato instituto,

T c consti

constitutionibus, vel bulla, nisi de licentia Generalis, aut inferiorum præpositorum eiusdem Societatis, eas interpretari, nisi quantum verba ipsa sonant, de eis disceptare, seu scrupulum iniicere, reuocare in dubium, vel controuersiam, legere glossas, vel interpretationes ad id pertinentes, docere, aliisque tradere, vendere, vel apud se retinere; hæc, inquam, videntur prohiberi in virtute sanctę obedientię, & sub pœna excommunicationis latę sententię. *ibid. n. 5. tom. 3.*

SOCIETATIS CONTRACTVS.

Quid sit Societas?

1. Societas est conuentio duorum, vel plurium conferentium suam pecuniam, vel industriam, vel laborem, vel aliam rem pretio æstimabilem, ad commune lucrum. Ad coeundam Societatem quinque conditiones requiruntur. 1. vt fundetur in negotiatione licita, & honesta; nam quę fundatur in negotiatione illicita non est obligatoria. 2. vt singuli aliquid conferant in commune. 3. vt seruetur æqualitas inter socios, itavt lucrum, expensę, & damna sint omnibus communia, vnicuique pro rata. 4. vt fors, seu pecunia, quam socius in commune contulit, subiaceat periculo conferentis, itavt si pereat absque culpa sociorum, illi pereat, qui eam contulit; res quippe domino perit. Est enim societas leonina, & vsuraria, cum quis tradit pecuniam mercatori ea lege, vt periculum sit solius mercatoris, lucrum verò diuidatur. 5. vt seruentur pacta. *tom. 2. p. 548. n. 1. & 3.*

2. Qui vnā societatem iniit, non peccat, neque tenetur ad restitutionem si alias ineat, absque præiudicio prioris, etiam si promiserit se non daturum operam alteri negotiationi; quia socij nullam inde iniuriam patiuntur. Si verò Societas aliquid patitur damni, peccat; teneturque ad restitutionem. Hinc collige famulos, qui ab vno conducti aliorum se negotiis implicant cum præiudicio illius a quo fuerunt conducti, teneri ad restitutionem. *ibid. num. 4. & pag. 549. num. 5.*

Quis inire possit societatem?

3. Potest contractus societatis ab iis celebrari, qui possunt ad libitum disponere de iis rebus, quas conferunt in societatem. Sic filius cum patre potest coire societatem de bonis castrensibus; de profectitiis, aut aduentitiis non potest, illis aduentitiis exceptis, quorum vsusfructus non pertinet ad patrem. Potest ita filius societatem coire cum patre, itavt pater conferat pecuniā, filius

filium operam, & industriam; tamen ususfructus lucri spectantis ad filium, pertinet ad patrem quoad vixerit. *tom. 2. pag. 549. num. 1. & seq.*

4. Religiosus non potest contractum societatis celebrare, cum non sit sui iuris. Fratres inter se possunt, salvo tamen iure patris. Ex iuris dispositione medicus cum infirmo, durante infirmitate; aduocatus cum cliente, tutor cum pupillo, curator cum minore contrahere societatem non possunt. Item carcere detenti, in suam perniciem contrahere prohibentur. *ibid. n. 6. & seq.*

Diuisio in societate.

5. Lucrum quod finita societate diuidendum est, illud dicitur, quod superest deductis expensis, & damnis. Est autem diuisio facienda ad æqualitatem habita ratione illius quod quisque contulit in societatem. Hinc fit, ut si uterque socius contulit 100. aureos, cum æquali industria, & lucrum perueniat, ad 200. detracto capitali, possit quisque accipere 100. pro lucro, & 100. pro capitali. Si verò vnus contulit 100. alter verò solam industriam valentem 100. & lucrum sit 200. sic facienda est diuisio, ut is qui contulit pecuniam, primo loco recipiat 100. quos contulit, deinde 200. æqualiter diuidantur; æquum enim non videtur, ut qui solam operam contulit, veniat in partem capitalis, in quod nullam pecuniam contulit. *ibid. n. 1. & 2.*

6. Etiam si pecunia ex se sit infœcunda & sterilis; tamen is qui pecuniam contulit in societatem, meritò percipit lucrum, non quidem ex pecunia, prout est pecunia, & pretium rerum venalium; sed quatenus exponitur negotiationi, periculo conferentis; ut sic enim censetur frugifera, cum sit instrumentum negotiationis. *tom. 2. pag. 750. n. 4.*

7. In diuidendo lucro non tantum est habenda ratio periculi cui exponitur capitale, sed etiam quantitatis pecuniæ, quæ confertur in societatem: quia qui plura præbet instrumenta ad negotiandum, dignus videtur maiori lucro. *ibid. num. 5.*

8. Lucrum quod socius facit ex administratione rei communis, nomine communi, debet esse commune: acquisita enim nomine societatis, sunt societatis. Quando verò socius rem communem administrat proprio nomine, totum lucrum pertinet ad ipsum; quia fructus industriæ pertinent ad lucrantem; tenentur tamen compensare damnum, quod societas inde passa est: nullus enim uti potest re aliena in damnum domini non consentientis. *ibid. num. 9.*

9. Caius qui contulit 100. in societatem, potest conuenire cum socio solam industriam conferente, ut sibi detur certa

T t. 2. aliqua

aliqua pars, v.g. quinque vel sex in centum, reliquum verò lucri siue maius sit, siue minus, ab altero socio retineatur: quia hîc præter contractum societatis, initur alius contractus fortis, quo uterque subit aleam lucri, aut damni. At si pereat capitale, perit Caio conferenti. *ibid.*

10. Bulla Sixti V. quæ incipit, *Detestabilis auaritia*, quæ damnat societatem initam cum assecuratione principalis, videtur intelligenda de societate, cui non admiscetur alius iustus contractus: nihil enim obstat quo minus periculum capitalis reiici possit in alterum socium, si onus illud iusto pretio compensetur. Quare socius conferens capitale, potest cum altero, solam operam conferente conuenire, vt si capitale pereat etiam casu Fortuito, pereat in damnum æquale vtriusque, modò hoc grauamen iusto pretio compensetur: hic enim est contractus assecurationis. *ibid. num. 10.*

11. Capitale, finita societate, redit ad eum qui illud contulit: nisi aliter conuentum fuerit: nam si pereat, ipsi perit, nisi eam fecerit cum socio communem. Qui verò contulit pecuniam, eamque fecit communem cum socio, potest cum illo pacisci, vt eius periculum, & damnum sit commune; cum enim uterque sentiat æquale commodum, par est vt sentiat onus æquale. *tom. 2. pag. 551. num. 12.*

12. Quando vnus contulit pecuniam, alter solam operam, neque vllum lucrum fuit perceptum ex societate, conferens industriam amisit fructum suæ industriæ, & conferens pecuniam amisit fructum pecuniæ. At si capitale integrum perseveret, restituendum est ei, qui contulit, nisi ex conuentione factum fuerit commune. *ibid.*

13. Titius contulit in societatem centum ducatos, singulos valentes quinque libras, finita verò societate peruenerunt ad valorem sex librarum auctoritate Principis augmentis pretium monetæ. Potestne Titius incrementum pecuniæ retinere? Non potest seclusa conuentione, qua uterque socius exposuerit periculo damni, & lucri: si enim valor monetæ decreuisset, alter qui solam contulit industriam, obligatus fuisset ad restituendam pecuniam iuxta valorem, quem habebat tempore traditionis; ergo satisfacit restituendo pecuniam iuxta valorem, quem habebat tempore celebrati contractus, quamuis pecunia medio tempore acceperit incrementum. *ibid. n. 13.*

14. Expensæ non superflusæ, quæ fiunt à socio suam conferente industriam, faciendæ sunt ex communi pecunia societatis, nisi aliter conuentum sit inter socios, aut nisi aliter lege cautum sit, aut consuetudine receptum. Item expensæ quas socius fecit in

in itinere causa societatis, pertinent ad societatem, neque inde detrahendum est id, quod domi insumpisset; sic enim iura definiunt *tom. 2. pag. 552. n. 3.*

15. Societas non tenetur ad damna quæ patitur vnus sociorum, qui dum iter faceret ob priuatas simultates, vulnus acceperit. Item qui causa societatis Principem adiuit, ei que placuit, ob idque donum à Principe obtinuit; potest sibi donum retinere; nam censetur illud obtinuisse, non ex causa, sed occasione societatis, *tom. 2. pag. 551. n. 1.*

16. Rebus societatis furto sublati absque vlla culpa sociorum, damnum debet esse commune. Secus dicendum si surreptæ fuerunt ob negligentiam, vel incuriam alicuius è sociis, illi enim damnum est adscribendum *tom. 2. pag. 552. n. 2.*

Societas animalium.

17. Ad societatem animalium tres saltem conditiones requiruntur. 1. vt singuli aliquid conferant in societatem, nempe animalia, vel custodiam, vel industriam. 2. vt seruetur æqualitas, ita vt expensæ, damna, & lucra sint communia vnicuique pro rata. 3. vt animalia stent periculo conferentis, ita vt si pereant, ipsi pereant, nisi hoc periculum in alterum reiectum sit, facta grauaminis compensatione. *tom. 2. pag. 553. n. 2.*

18. Iniquus est ille societatis contractus, quo traduntur pastori animalia cum hac conditione. 1. vt illa pascat, & custodiat. 2. vt semper seruetur idem numerus, ita vt si aliqua pereant, suppleantur ex foetibus, & pastor in fine singulorum annorum accipiat dimidiam partem reliquorum foetuum: huic enim cōtractui deesse videtur æqualitas, si pastoris industria pluris æstimetur, quàm valeat numerus animalium ipsi assignatus. *ibid. n. 3.*

19. Licitus est contractus societatis, quo quis alteri tradit animalia ad societatem, hoc pacto, vt lucrum sit commune, sed qui recipit animalia, nihil lucri capiat, donec animalia domino fuerint restituta: hic enim nulla est inæqualitas, modò animalia ante recuperatam sortem stent periculo ipsius apponentis. *ibid. n. 4.*

20. Illicita videtur societas, qua quis tradit alteri animalia hoc pacto, vt si pereant, æqualiter pereant; si verò non pereant, capitale reddatur apponenti, fructus verò æqualiter diuidantur; quia non seruatur æqualitas. *ibid. n. 5.*

21. Qui tradit in societatem oves simpliciter æstimatas, non censetur inire contractum venditionis, sed societatis; nam illa æstimatio fit, vt si animalia, culpa, vel dolo socij pereant, socius teneatur ad restitutionem; non verò si pereant absque ipsis

T t 3 culpas

culpa; res enim domino perit. Qui verò tradit oves æstimatas hoc pacto, vt focius, si pereant absque ipsius culpa, teneatur restituere pretium, vel alias oves, præsumitur inire contractum venditionis; nam æstimatio in hoc casu venditionem facit. Vnde sequitur vsurarium esse contractum, quo quis tradit oves alteri æstimatas, hoc pacto, vt sibi partem fortuum reddat, & adhuc tradat illarum pretium, etiamsi perierint casu: hic enim est contractus venditionis, cui admiscetur contractus mutui, quo tradens oves, virtualiter mutuat pretium, cum pacto recipiendi emolumentum. *ibid. num. 6.*

22. Socius cuius culpâ animalia simpliciter æstimata perierunt, tenetur ad restitutionem, iuxta valorem quem habebant tempore amissionis, seu læsionis; nam ad dominum pertinet incrementum, & decrementum rei, nisi aliud deducatur in pactum. *ibid. n. 7.*

23. Illicita videtur societas qua Titius tradit Caio duas vacas, hoc pacto, vt in fine temporis præscripti lucrum diuidatur, pretium verò illarum tradatur Titio iuxta æstimationem factam tempore traditionis, nisi hoc grauamen iusta mercede compensetur. *ibid. n. 9.*

Societas officiorum.

24. Societas officiorum Romæ, & non alibi, vsu recepta est. Sunt enim in Rom. Curia, multa officia fructifera, quæ vendi solent, & durant ad vitam emptorum, nisi extinguantur, aut in alios transferantur. Porro is qui emit officium, potest societatem cum alio circa illud ipsum officium inire, idque duobus modis. 1. faciendo vt alij conferant pecuniam ad illud officium emendum, eò quod ipsius pecuniæ non sufficiant. 2. vt alius, seu alij post emptionem officij, tradant pecuniam super eodem officio; non tamen ob id sunt plures officiales, sed vnus, quo viuente durat officium; illo autem mortuo cessat; nisi alteri fuerit resignatum. Extincto autem officio per mortem officialis, Papæ acquiritur pecunia tradita pro emptione officij; mortuo verò socio, pecunia quam ipse tradidit officiali, acquiritur ipsi officiali, modò socius moriatur morte naturali, non autem violenta. Sin officium extinguatur viuente officiali, pecunia tradita pro emptione officij, reddenda est ipsi officiali; sicut etiam si officialis moriatur, aut alia ratione dimittat officium, pecunia, quam socius tradidit, ipsi reddenda est; ob id officialis præstat socio fideiussorem pro pecunia ab ipso accepta. Hæc autem societas celebratur ad semestrem, & non vltra, nisi ratificetur. *rom. 2. pag. 553. & pag. 554.*

25. Hæc

25. Hæc societas officiorum est conuentio inter socium, & officialem, qua socius exponit se periculo perdendi sortem, & acquirendi lucrum, & vicissim officialis exponit se periculo perdendi certam pecuniam, & acquirendi sortem à socio collatam. *tom. 2. pag. 554 n. 1.*

26. Ad huius societatis contractum multæ conditiones requiruntur, partim in Bulla Pij I V. expressæ, quæ incipit; *Motu proprio*; partim ex conuentione, partim in ipso contractu contentæ. 1. est vt Romæ sit officium super quo societas fundatur. 2. vt officialis qui societatem celebrat, non assumat socios supra valorem officij, seu non plus pecuniæ accipiat quàm postuler officij æstimatorio. 3. vt si officialis moriatur, aut alia ratione officium amittat, ante finitam societatem, socio superstiti restituatur, non solum lucrum sex mensium, verum etiam restituatur pecunia quæ ipse tradidit in officij societatem. 4. vt si socius moriatur intra semestre officialis acquirat pecuniã acceptam à socio, nisi socius intra 15. dies nominauerit alium, cuius vitæ periculo stare velit pecuniam apud officialem. 5. vt officialis soluat sex pro centum, vnoquoque semestri, quamdiu societas durat. *tom. 2. pag. 554. num. 4. & seq. pag. 555.*

27. Finitur hæc societas. 1. lapsu termini. 2. morte naturali socij, non autem morte violenta. 3. morte illius in quem socius transtulit periculum amittendæ sortis. 4. morte ipsius officialis; tunc enim officium redit ad Principem. 5. venditione, seu translatione officij in alterum. *tom. 2. pag. 556. n. 12. & seq.*

Societas inter fratres.

28. Fratrum inter se societas extenditur tantum ad bona hæreditaria quæ defunctis parentibus possident indiuisa, & ad lucra inde prouenientia; non verò ad bona aliunde parta, puta donatione, hæreditate, officio, industria, &c. nisi aliter fratres inter se conuenerint; Quare frater habens patrimonium indiuisum cum aliis fratribus, non propterea tenetur cum illis communicare lucrum acquisitum ex officio, industria, &c. *tom. 2. pag. 556. num. 1. & pag. 557. num. 2.*

29. Diuisio inter fratres facienda est ad ratam hæreditatis, ita vt si fratres habeant bona inæqualia, ratione hæreditatis finita societate, bona diuidantur iuxta vniuscuiusque portionem, nisi fuerit aliter conuentum. *tom. 2. pag. 557. num. 3.*

30. Fratres patrimonium indiuisum possidentes, possunt de communibus bonis sumptus facere ordinarios, & competentes; extraordinarios non possunt, cuiusmodi sunt sumptus faciendi ab aliquo ex fratribus propter delictum, aut priuatas similitates.

Debita tamen honesta, quæ vnus fratrum contraxit in studiis, viuente patre, soluenda sunt ex bonis communibus hæreditatis; quia censetur debita patris. At si mortuo patre velit sua studia persequi, cæteri fratres non tenentur contribuere in sumptus faciendos. *ibid. n. 4. & 5.*

31. Statutum est iure nouo, vt filij volentes suo parenti succedere cum aliis in hæreditate, conferant, & adducant ad partitionem ea, quæ de bonis illius parentis, cui volunt succedere, acquisierunt, nisi parens obligationem conferendi condonarit. Adducenda sunt autem ad partitionem bona profectitia, quæ filius successurus cum aliis in hæreditate accepit à patre, vel auo, cui vult succedere. Bona verò Castrensia non sunt conferenda, quia dominium eorū pleno iure pertinet ad filium, neque bona aduentitia, quoad proprietatem, immò neque quoad vsumfructum, quando vsusfructus pertinet ad filium. *tom. 2. pag. 557 in.*

1. & pag. 558. n. 3.

32. Filius, qui vult succedere patri, vel auo, non tenetur ea conferre, quæ validè accepit donatione simplici facta ex mera liberalitate; hæc enim donatio non censetur facta in compensationem legitimæ. Excipitur donatio facta filio emancipato; hic enim tenetur conferre quicquid à parentibus in emancipatione, vel post emancipationem accepit. Qui verò vult alteri succedere, tenetur ea conferre, quæ accepit donatione ob causam, v.g. ad ordines, ad nuptias, &c. hæc enim præsumuntur tradita in compensationem legitimæ, nisi aliter constet de mente dantis. *tom. 2. pag. 558. n. 5.*

33. Quæ pater filio tradidit præ reliquis ad cibum, vestitum, equitatum, &c. præsumuntur liberaliter data; idèque non sunt in partitione deducenda. Neque est improbabile liberos filio traditos à patre non esse conferendos, si pater illos emi nomine filij: quia pater præsumitur illam collationem condonasse, modò ex hac condonatione non sequatur magna inter fratres inæqualitas; tunc enim pater non censetur emisse nomine filij, nec collationem condonasse. *tom. 2. pag. 559. n. 8 & 9.*

34. Vestes pretiosæ, quæ solent dari spōsæ, conferendæ sunt; nisi constet parentem eas nurui donasse; tunc enim filius non diceretur eas acquisiuisse, sed nurus. Item munera, arrhæ, & aliæ largitiones sponsalitiæ factæ causa nuptiarū à patre, sunt à filio conferendæ: censentur enim factæ ob causam matrimonij. Quæ verò pater filio tradidit ad onera matrimonij sustinenda, v. g. pro alenda vxore, & familia, non sunt ad partitionem adducendæ: cum enim pater teneatur filium sustentare, & nurum alere, censetur huiusmodi fructus condonasse. Secus dicendum de bo-

nis immobilibus, quæ pater tradidit filio, vt ex eorum prouentibus matrimonij onera sustineret: hæc enim est donatio ob causam matrimonij. *ibid. n. 12. 13. & 14.*

Societas quomodo finiatur?

35. Finitur societas. 1. lapsu temporis constituti, aut finita negotiatione. 2. per renunciationem, id est, per mutuum consensum sociorum abesse oporteat causa Reipubl. neque alium in suum locum ad societatem administrandam subrogare possit. 2. quando spes subest obtinendi id, cuius causa inita fuit societas. 3. si socij non stent pactis, & conuentis. 4. dum socij, arbitrio prudentis, iniuriam, & damnum inferunt. Non tamen facile dissoluenda est societas, inuitis socijs; cum pro ipsis stet possessio. *ibid. n. 2. pag. 560. n. 1. & seq.*

36. In his casibus potest societas dissolui ante præfixum tempus, socijs etiam inuitis. 1. si ita postulet Reipubl. necessitas, vt si socium abesse oporteat causa Reipubl. neque alium in suum locum ad societatem administrandam subrogare possit. 2. quando spes subest obtinendi id, cuius causa inita fuit societas. 3. si socij non stent pactis, & conuentis. 4. dum socij, arbitrio prudentis, iniuriam, & damnum inferunt. Non tamen facile dissoluenda est societas, inuitis socijs; cum pro ipsis stet possessio. *ibid. n. 2.*

Sodomia.

1. Sodomia propriè dicta est coitus inter personas eiusdem sexus. Licet enim masculus cognoscens feminam extra vas naturale, dicatur committere sodomiam; hæc tamen non est propriè sodomia, sed est peccatum alterius speciei; nam in sodomia propriè accepta peccatur contra sexum: masculus autem congregiens præposterè cum femina, licet non seruet vas debitum, seruat tamen sexum. *tom. 1. pag. 321. n. 1.*

2. Peccatum sodomie turpissimum, & grauissimum est, vt patet ex epist. ad Roman. cap. 1. & grauissimis pœnis tum à iure ciuili inductis, vt mortis per flammam inferendæ, tum à iure canonico impositis, præsertim contra Clericos: nã clericus nefandum hoc crimen exercens meretur pœnâ depositionis, & priuandus est omni priuilegio clericali, omni beneficio, & Ecclesiastica dignitate: non tamè incurrit irregularitatē, aut suspensionē, quamdiu delictum est occultum. *ibid. n. 2. & 3. vide tit. Clericus.*

3. Vir coniugatus, qui præposterò actu cœpit cognoscere suam uxorem, sed actum perficit, & seminauit in vase naturali, peccat mort. quia vitur vase indebito, & illegitimo, à quo natura ipsa abhorret, & Canon es expressè sentiunt, propter nefandū

hoc crimen attentatum posse vxorem petere diuortium à marito. Quare confessarij debent pœnitentes ab hoc flagitio, deterere. *tom. 1. p. 322. n. 12.*

4. Committens nefandum sodomix crimen siue publicum, siue occultum, non est ipso iure suspensus; quia hæc suspensio nuppiam in iure inuenitur: tamen arcetur ab ordinis executione, sitque irregularis, si crimen sit notorium, non ratione suspensionis, sed ratione infamix, quæ huic crimini ex dispositione iuris est adnexa. *tom. 3. p. 376. 377.*

5. In Bulla Pij V. graues infliguntur pœnæ committentibus tam nefarium scelus, quæ tamen ante iudicis sententiam in conscientia non obligant. *tom. 3. p. 377.*

Spes.

1. **S**pes est virtus Theologica, & supernaturalis, qua speramus beatitudinem diuino auxilio obtinendam. Ideo sperans beatitudinem, aut remissionem peccatorum, vt naturæ viribus absque Dei ope obtinendam, committit peccatum præsumptionis, quod est vitium contrarium, & destructiuum habitus spei. Immo est destructiuum fidei, si cum iudicio contra fidei articulos coniungatur: peccatum enim præsumptionis committitur ab eo, qui sperat aliquid eo modo quo nõ fit, aut fieri nequit, vt si quis speret beatitudinem absque Dei misericordia, ex suis solis meritis naturalibus, quæ fuit hæresis Pelagiana; aut si quis velit beatitudinem adipisci ex sola Dei misericordia absque vlla cooperatione, aut bonis operibus, qui fuit error Lutheri. *10. 2. p. 160. num. 1. & seq.*

2. Præsumptio ex suo genere est peccatum mort. neque ob paruitatem materiæ fieri potest veniale: quia grauem continet inordinationem, & iniuriam. Qui spe veniæ obtinendæ differt pœnitentiam vsque ad senectutem, non tam peccat contra spem, quàm contra præceptum pœnitentiæ: quia hic non sperat veniam ex sola Dei misericordia, aut ex solis viribus propriis, sed spe veniæ conuersionem differt. *ibid. n. 5. & 6.*

3. Extat præceptum spei affirmatiuum, quo obligamur aliquando spei actum elicere, Psal. 4. *Sperate in domino.* Extat etiam præceptum spei negatiuum, quo prohibetur desperatio: quia non est beatus, qui non sperat: ergo multò minus beatus erit, qui desperat. Præceptum autem negatiuum spei obligat semper, & ad semper: hæc enim est natura præcepti negatiui. Præceptum verro spei affirmatiuum per se obligat, quando quis grauiter vexatur tentationibus contra spem, versaturque in periculo desperationis, nisi actibus spei se muniat. *ibid. n. 1. & 2.*

4. Si

4. Si cui fieret reuelatio suæ damnationis, is nec deberet, nec posset sperare, immò sine peccato mort. desperare posset: quia impossibile est sperare id, quod certò constat obtineri non posse: at supposita reuelatione consequutio beatitudinis certò cognoscitur impossibilis; ergo cui facta est hæc reuelatio, beatitudinem sperare non potest. *ibid. n. 4. & pag. 161.*

5. Desperatio potest esse sine hæresi: potest enim quis actû desperationis elicere, etiamsi non sentiat quidquam contra fidem, vt si dicat, *Deus, numquam mihi parcat.* At si dicat, *Deus non potest mihi parcere,* aut ego non possum saluari, &c. committit peccatum hæresis, & desperationis, sentit enim contra fidem. *om. 1. pag. 161. num. 1.*

Spolium.

1. **S**Polium dicitur omne id, quod reperitur in bonis personæ Ecclesiasticæ post ipsius mortem ad ipsius hæredes non pertinens. Neque vllus Ecclesiasticus, nisi speciali priuilegio ab onere spolij eximitur. Eximuntur autem 1. Cardinales, nisi Episcopatum habeant, ibique non resideant. 2. sectantes Curiam, seu commorantes in vrbe, in eaque. aut in eius districtu morientes. 3. habentes facultatem testandi. 4. Equites S. Ioannis, quatenus ipsorum morientium bona non acquiruntur Cameræ Apostolicæ, sed religioni Hierosolymitanæ *tom. 2. pag. 687. n. 1. & seq.*

2. Spolium non fit ex iis, quæ clericus proprio labore, & industria acquisiuit, vt concionando, cantando, ducendo funus, assistendo choro, sculpendo, pingendo, &c. hæc enim inter bona quasi patrimonialia numerantur. Si tamen clericus decedens, non relictis consanguineis, seu cognatis ex testamento, vel ab intestato venientibus, non solùm eius bona quasi patrimonialia, sed etiam patrimonialia cedunt Cameræ Apostolicæ. *ibid. n. 3. & pag. 688. n. eod.*

3. Qui habet beneficium tenue, non excedens valorem congruæ sustentationis, non videtur obnoxius spolio; quia fructus congruæ sustentationi respondentes, numerantur inter bona quasi patrimonialia, quorum beneficiarius liberam habet dispositionem. Quamobrem Pius V. decreuit, vt habentes beneficia, vel pensiones non excedentes valorem 30. ducat. aureor. spolio Ecclesiastico non subiaceant. *tom. 2. pag. 688. n. 5.*

4. Vtensilia domestica non sunt spolium, sed sunt illius, cui relictæ fuerunt, vel qui succedit ab intestato: hæc enim Pius V. à spolio Cameræ Apostolicæ exemit. *tom. 2. pag. 689. num. 8.*

5. Clericus, qui moritur in eo loco, in quo spoliū non est vsu receptum, ibique beneficium habet, vel pensionem, exemptus est

est à spolio, modò beneficium, vel pensionem non habeat in alio loco in quo spoliolum vsus vrget. *ibid. n. 9.*

9. Acquisita negotiarione illicita, aut alio modo per sacros canones prohibito, subiiciuntur spolio; etiamsi clericus haberet facultatem testandi; sic enim Pius I V. & Pius V. expressè decreuerunt. Idem dicendum de acquisitis per sordidum officium, ludum, veritum, conductionem aliorum prædiorum, &c. hæc enim omnia per sacros canones prohibentur. *ibid. n. 1. & 2. & pag. 690. n. 12.*

7. Instrumenta, & vasa sacra cuiuscumque beneficiarij, item ornamenta ad cultum diuinum destinata non acquiruntur legatariis, vel hæredibus, sed spolio Ecclesiæ subiiciuntur, etiamsi empta sint ex pecunia patrimoniali, & relicta sint ab eo qui facultatem habebat testandi, & disponendi de quibuscumque bonis: Summus enim Pontifex non vult facultatem testandi, & disponendi de bonis, extendi ad huiusmodi ornamenta: vendi tamen possunt, si alia bona non extent ad persolvendum, & alienum. *tom. 2. pag. 690. num. 1. & pag. 691. num. 4. & 7.*

8. Præfata instrumenta, & vasa sacra, exceptis instrumentis Cardinalium, relicta post mortem beneficiarij, debentur illi Ecclesiæ, vel monasterio in quo habet, vel habuit beneficium, licet illud postea resignauerit: sic enim expressè decernitur in Bulla Pij V. *tom. 2. pag. 691. num. 9.*

9. Bona à religiosis extra religionem degentibus relicta post mortem, non acquiruntur religioni, sed Cameræ Apostolicæ: sic enim à Gregorio XII est constitutum in Bulla quæ incipit, *Officij nostri*. Nisi religiosus speciale habeat priuilegium testandi. Excipiuntur instrumenta sacra diuino cultui addicta: hæc enim ad monasterium, seu religionem videntur pertinere. *ibid. n. 1. & 4. & pag. 692. n. 6.*

10. Cum spolia, regulariter loquendo, ad Cameram Apostolicam pertineat, ipsa tenetur soluere debita quæ beneficiarius ob necessitate, vel vilitate Ecclesiæ contraxit, tenetur item facere funeris sumptus, habita ratione qualitatis, & dignitatis defuncti, nec non facultatū ipsius. *tom. 2. pag. 692. n. 1. & 4. & pag. 693. n. 8.*

11. Spolium debetur ante iudicis sententiam; quæ enim spoliolum non est pœnalis, sed dispositiua, quæ obligat ante sententiam. Porro moriente beneficiario, spolium fieri potest de omnibus ab eo relictis, nisi hæredes probent exemptionem. Quod si hæredes asserant illa bona esse patrimonialia, aut quasi patrimonialia, & consequenter non esse spolio obnoxia; ipsis incumbit onus probandi; pro Camera enim Apostolica stat possessio. *tom. 1. pag. 693. num. 1. & 5.*

SPONSALIA.

*Quid sint sponsalia, & quas condiciones
requirant?*

1. Sponsalia sunt mutua promissio futuri matrimonij. Vt autem sint valida, tres condiciones requiruntur. 1. est, vt promissio sit voluntaria. 2. vt promissio sit mutua. 3. vt signo aliquo externo sufficienter manifestetur *tom. 1. pag. 235. num. 1. & 2.*

2. Si pater, & mater, aut alius curam filiorum habens contrahat sponsalia, vel matrimonium pro filiis tacentibus, & non contradicentibus, validè contrahit, modò filij interiùs consentiant; ius enim in hoc casu, accipit taciturnitatem pro consensu. Sin alius qui non est pater, vel mater, vel qui non habet curam, promittat pro filio tacente non contrahit sponsalia, etiam si filius tacens, interiùs consentiat: in hoc enim casu valet regula iuris in sexto. *Qui tacet, neque consentire, neque dissentire videtur. tom. 1. pag. 236. num. 11.*

3. Hæc verba, *Non ducam aliam præter te*, non sufficienter exprimunt consensum requisitum ad sponsalia, consequenter ex vi illorum verborum non contrahuntur sponsalia: quia hæc verba in contractibus faciunt sensum conditionatum, neque sufficienter exprimunt consensum de præsentì, vel de futuro, nisi adsint aliæ circumstantiæ, & coniecturæ. Hæc autem verba, *habebo te in uxorem*, in foro externo explicanda sunt pro sponsalibus: in foro verò interno standum est intentioni contrahentium: nam si per illa verba intendebant contrahere matrimonium de præsentì, explicanda sunt pro matrimonio, modò adsint cætera requisita: sin tantùm intendebant celebrare sponsalia, explicanda sunt pro sponsalibus. Porro hæc verba: *Ex hoc tempore, vel semper, vel omnibus diebus vita mea habeo te in uxorem*, explicanda sunt pro matrimonio de præsentì, modò adsint cætera requisita. *ibid. n. 13. & pag. 237. n. 18.*

Sponsalia ad quid obligent?

4. Ex veris sponsalibus oritur obligatio sub mortali ad ipsa adimplenda: sunt enim sponsalia contractus quidam inter sponsum, & sponsam, in materia graui. Verùm promissio ficta, etiam cum iuramento, absque animo se obligandi, non ligat præcisè ex vi iuramenti; fieri tamen potest vt ob aliam rationem seruanda sit hæc promissio. Immodò fictè promittens cogetur in foro externo stare promissioni, aut iuramento; quia præsumetur iurasse
cum

cum intentione se obligandi. *tom. 1. pag. 237. num. 1. & pagin. 238. num. 4.*

5. Qui facta promissione matrimonij, virginem, aut viduam bonæ famæ decepit, & carnaliter cognouit, & inde sequatur infamia, tenetur illam ducere non ex vi promissionis, sed ratione damni illati, neque satisfaciet illam virginem, seu viduam dotando, si ipsa non est contenta dote: nisi fortè vir sit longè disparis conditionis. At si copula est adeo occulta, ut nullum sit periculum infamiae, non tenebitur illam ducere; sed tantum iniuriam compensare. *tom. 1. pag. 237. num. 4. & 5.*

6. Vir qui copulam extorsit à fœmina longè inferioris conditionis, non tenetur illam ducere aut donare, aut aliquid ei restituere, si fœmina sciebat inæqualitatem viri; neque tenetur illam ducere, quamvis fœmina inæqualitatem ignoraret: sed potest illius damno occurrere illam dotando, vel dotem augendo; neque tenetur cum tanto suo damno damnum fœminæ adeo disparis compensare. *ibid. n. 7. & 8. & pag. 139. n. 13.*

7. Sponsalia incerta (id est, quæ fiunt cum persona indeterminata, seu cum pluribus disiunctivè) non sunt propriè sponsalia. Redduntur autem certa per determinationem, & electionem promissoris. Ex sponsalibus tamen incertis oritur obligatio ea adimplendi; nisi facta sint animo ficto: consequenter promissor cogi potest ad ducendam vnam ex illis quibus sub conditione promissit. At si vna illarum renuat, promissor non tenetur aliam ducere: quia per ipsum non stat quominus vnam illarum ducat. *tom. 1. pag. 239. num. 1. & seq.*

8. Qui promissit alteri cum iuramento se traditurum in matrimonium vnam ex tribus filiabus quas habet, si is cui promissit, interim habeat copulam cum vna illarum, non tenetur aliquam tradere: quia non tenetur eam tradere quæ fuit vitiata; neque enim pater priuandus est suâ libertate ob alterius delictum. Neque tenetur aliam tradere propter impedimentum affinitatis. At si nulla carnaliter cognita est, electio pertinet ad patrem. *ibid. n. 5.*

9. Ætas septem annorum requiritur ad sponsalia celebranda: quia ad promissionem requiritur vsus rationis. In foro tamen conscientiae valida sunt sponsalia, quando malitia supplet ætatem, etiamsi ante septennium celebrentur. Verùm contrahentes ante legitimam ætatem grauiter peccant, nisi excusentur ob ignorantiam legis, vel urgentissimam causam. *ibid. num. 1. & 2. & pag. 240. n. 6.*

10. Parentes, seu tutores, curatores, & consanguinei curam gerentes infantum, possunt, urgente graui necessitate, pro filiis contrahere

contrahere sponsalia, ante septennium. Vt tamen sint valida, requiritur postea consensus expressus, vel tacitus filiorum, postquam peruenerint ad usum rationis, qui consensus, in foro externo, sufficienter præsумitur adesse, si filij taceant, & non contradicant, postquam septennium attigerint, scientes contracta fuisse à parentibus sponsalia suo nomine. *tom. p. 240. n. 8.* Non tenentur tamen filij consentire in sponsalia à parentibus, vel curatoribus contracta: quia in iis quæ ad statum matrimonij spectant, filij, per se loquendo, non tenentur parentibus obedire. *ibid. n. 9.*

11. Ad validitatem autem matrimonij, iure Ecclesiastico, requiritur in masculo ætas. 14. annorum, & in fœmina. 12. nisi malitia suppleat ætatem, id est, nisi adsit potentia generandi, & sufficiens discretio ad se obligandum. Sufficit autem illam ætatē esse moraliter completam. *ibid. n. 10. & p. 141. n. 11.*

Causa sponsalia dirimentes.

12. Causæ sponsalia dirimentes sunt hæc. 1. ingressus in religionem. 2. votum simplex castitatis, aut religionis. 3. votum simplex sacrorum ordinum. 4. ætas. 5. lapsus termini. 6. discessus in lóginquum. 7. dolus. 8. metus. 9. matrimonium subsequens cum alia celebratum, aut impedimentum dirimens matrimonium. 10. fornicatio superueniens. 11. mutuus consensus. 12. conditio non adimpleta. *tom. I. p. 241. n. 1.*

13. Sponsus ingrediens religionem non tenetur postea, si egrediatur, contrahere matrimonium cum ea, cum qua ante religionis ingressum contraxerat sponsalia: quia obligatio semel extincta non reuiuiscit, modò bona fide ingressus fuerit religionem: nam si ingressus est ut sponsam deciperet, uon cessat obligatio ex parte ingredientis religionem; cessat tamen ex parte sponsæ. *ibid. n. 3.*

14. Qui contraxit sponsalia cum iuramento, potest nihilominus ingredi religionem nisi aliud obstat: hoc enim iuramentum censetur factum sub hac tacita conditione, *nisi melior status eligatur.* At si virtute sponsaliorum copulam habuit cum sponsa, tunc non potest ingredi religionem sed debet matrimonium contrahere cum sponsa: quia obligatio naturalis reparandi famam sponsæ, præferenda est cõsilio ingrediendi religionem. Immodò si post sponsalia copulam extorsit à sponsa, deinde vouit religionem, non potest eam ingredi; quia votum non est vinculum iniquitatis, neque obligat ad aliquid illicitum. Neque sufficit in hoc casu, ut si sponsus matrimonium celebret cum sponsa, mox ante consummationem matrimonij ingrediatur religionem: sic enim non impedit infamiam, neque refarcit iniuriã; sed
debet

debet matrimonium consummare, & cum vxore permanere. Obseruandum tamen hoc votum non esse irritum, & inualidum, sed obligare post dissolutionem matrimonij: quia obligatio voti non extinguitur per matrimonium, sed suspenditur. *ibid. num. 4. p. 242. num. 5. & 6.*

15. Qui post votum religionis vel castitatis virginem deflorauit cum promissione matrimonij, tenetur adhuc matrimonium contrahere cum illa, si votum ipsius ignorabat. Quia vinculum iustitiæ fortius est vinculo charitatis; sed propter vinculum charitatis tenetur quis votum suspendere, vt parentum inopiæ consulat; ergo multò magis sponsus propter vinculum iustitiæ, vt famæ damnum impediatur. *tom. 1. p. 242. n. 7.*

16. Priora sponsalia non dissoluantur per posteriora, etiam si copula subsequuta sit cum secunda sponfa, aut etiam si posteriora facta sint cum iuramento. Quia secunda sponsalia non possunt sine peccato adimpleri, suntque in præiudicium alterius. *ibid. n. 9. & 10.*

17. Sponsalia dirimuntur per votum simplex castitatis factum post ipsa sponsalia: quia in sponsalibus subintelligitur illa conditio, nisi perfectior vita status eligatur; status autem cælibatus perfectior est statu matrimonij. Vnde sequitur sponsalia facta post votum simplex castitatis esse inualida, etiam si facta sint cum iuramento: quia iuramentum non est vinculum iniquitatis, seu promissionis iniquæ. *ibid. n. 13. & 15.*

18. Sponsalia dirimuntur per votum suscipiendi sacros Ordines: eligitur enim perfectior status. Qui tamen vouit sacros Ordines, non tenetur ex vi voti seruare castitatem ante illorum susceptionem. *tom. 1. p. 243. n. 29.*

19. Sponsalia dissolui possunt propter defectum ætatis impuberis: ius enim concedit vt filij possint, statim adepti pubertatē, resilire à sponsalibus celebratis dum essent impuberes. Pubertatem autem adeptus nisi statim resiliat à sponsalibus, non poterit postea resilire: cum enim sponsalia ab initio essent valida, manent valida, & irreuocabilia, nisi statim post pubertatem reuocentur. Porro qui prior attigit pubertatem, non tenetur alterius pubertatem expectare, sed potest statim resilire. *ibid. n. 1.*

20. Reclamatio ad sponsalia dirimenda fieri debet apud Episcopum, vel eius Vicarium, vel ipsis deficientibus apud personas honestas: hoc tamen videtur tantummodò necessarium in foro externo, vt iudex ferat sententiam pro sponsalibus dirimendis: in foro verò conscientiæ sufficit, vt qui attigit pubertatem, statim, dissentiat interius: quippe reclamatio requiritur in foro externo, ne videantur sponsalia prius facta ratificari; at qui interius dissentit,

diffentit, verè non ratificatur, ergo, &c. *tom. 2. p. 244. n. 5.*

21. Sponsalia dirimuntur per lapsum termini constituti ad matrimonium contrahendum ex parte eius, per què non fieri quo minus matrimonium præstituto tempore celebraretur; modo terminus appositus fuerit ad limitandam obligationem; elapso enim termino expirat obligatio. Ille verò per quem stat quo minus tempore præfinito matrimonium contrahatur, non liberatur ab obligatione, si alter velit stare sponfalibus: neque enim æquum est, ut dilator ex mora commodum reportet, si fuit in culpa. *tom. 1. p. 224. n. 6.*

22. Nullo præfixo termino, sponsalia dissolui possunt per moram, & dilationem alterius, quando scilicet ab altero requisitus ad perficienda sponsalia, & matrimonium contrahendum, ita differt, & prorogat, ut arbitrio prudentis viri censeatur in mora culpabili. *ibid. n. 7.*

23. Sponsalia etiam facta cum iuramento, dissolui possunt per discessum alterius sponsi in longinquum, absque licentia alterius. At si profectus est ad locum propinquum unde speratur breui rediturus expectandus est, vel requirendus ut intra certum tempus matrimonium contrahat: sin nolit intra illud tempus, dissolui poterunt sponsalia: quia sponsus requisitus censetur cedere sponfalibus, si recuset contrahere matrimonium intra tempus assignatum, absque legitima causa. *ibid. n. 8.*

24. Sponsalia irritantur per subsequens matrimonium validè celebratum cum alia persona: quia res tradita vni per contractum indissolubilem, non potest amplius alteri tradi, cui tantum promissa fuerat. Si tamen sponsalia facta fuerant cum iuramento, sponsus dissoluto matrimonio per mortem coniugis tenetur in iuramenti stare sponfalibus: quia obligatio iuramenti non fuerat extincta, sed tantum suspensa per subsequens matrimonium. *tom. 1. p. 244. n. 1. & seq.*

25. Sponsalia etiam iurata dissoluantur per impedimentum dirimens matrimonium, cuiusmodi est error personæ, affinitas superueniens, &c. quia non est obligatio ad id quod fieri non potest. Hinc sequitur sponsalia dissolui per copulam habitam cum consanguinea sponsæ in primo, vel secundo gradu, nam per huiusmodi copulam fit affinis sponsæ: affinitas autem dirimit matrimonium usque ad secundum gradum, quando procedit ex copula illicita. *ibid. n. 5. & 6.*

26. Sponsus qui post sponsalia contraxit impedimentum dirimens tenetur impetrare dispensationem impedimenti, si commodè possit, aut si alioquin sequatur graue damnum sponsæ, ob deflorationem, & famæ iacturam: æquum enim non est ut sponsus

ex suo delicto commodum reporter. *ibid.* n. 9.

27. Sponsalia clandestina, id est, sine Parocho, & testibus celebrata sunt valida: quia Conc. Trid. irritat tantum matrimonium clandestinum, non autem sponsalia. Neque peccant mortaliter ita contrahentes; nullo enim iure huiusmodi sponsalia sunt prohibita, quamvis sint dissuadenda, cum sapius fiant sine debita circumspeditione, & prudentia. *to* I. p. 246. n. 12. *Et* I. 3.

28. Sponsalia quamvis iuramento confirmata, dissoluntur per fornicationem alterius sponsi: quia qui fornicatur, facit contra leges coniugij, & desponsationis, fitque suspectus de fide in futurum seruanda. Item fornicatio sponsæ commissæ etiam ante sponsalia est sufficiens causa ob quam sponsus possit illa dissolvere, si ante contracta sponsalia illam ignorabat: at fornicatio sponsi commissæ ante sponsalia non est sufficiens causa cur sponsa resiliat à sponsalibus; quia illa fornicatio non infert graue dedecus sponsæ. *ibid.* n. 1.

29. Dissoluntur sponsalia, etiam si femina per vim fuerit constuprata: nam hæc censetur notabilis mutatio ex parte sponsæ? cum vir possit hinc graue dedecus pati, quia non ita facile constare potest an sponsa per vim fuerit compressa. *ibid.* n. 3.

30. Sponsalia dissolui possunt ob fornicationem spirituales, videlicet ob hæresim, vel apostasiam: huiusmodi enim fornicatio notabilem inducit mutationem. Immo tenetur sponsus in eo casu resilire à sponsalibus: nam contrahere matrimonium cum hæretico est peccatum mort. *to* I. p. 247. n. 2.

31. Quoties notabilis aliqua mutatio, seu causa de nouo superuenit sponsalibus; qua cognita contrahentes præsumuntur non habuisse voluntatem saltem implicitam se obligandi, sufficit ad illa dissoluenda, etiam si celebrata fuerint cum iuramento: quia promittens non censetur habuisse intentionem promittendi, superueniente notabili mutatione. Sic sponsus non tenetur contrahere matrimonium cum sponsa, quæ post sponsalia incidit in lepram, vel paralysem, &c. vel quæ amisit oculos, nares, &c. vel quæ facta est notabiliter deformis; maior tamen requiritur deformitas in viro ad sponsalia dirimenda, quam in femina. Itæ paupertas superueniens sufficit ad dissoluenda sponsalia, Tamen si altero sponso in eodè statu permanente, alter sit valde diues, tenetur hic stare sponsalibus: quia non est deceptus in conditione sponsæ. Item dissolui possunt sponsalia ob grauem similitudinem inter sponso interuenientem, vel per morum asperitatem, & sequitiam alterius sponsi de nouo cognitam. *ibid.* n. 8.

32. Dolus adhibitus ab altero contrahentium, dans causam contractui, facit sponsalia ipso iure irrita, & inualida: quia sponsalia

salia sunt contractus bonæ fidei. Si tamen deceptus velit stare sponsalibus, potest cogere decipientem ad contrahendum matrimonium: quia par non est, ut decipiens ex sua fraude commodum reportet. Quamquam probabile est utrumque liberum esse à sponsalibus; quia sponsalia non claudicant. *tom. 1. p. 248. num. 3. & 2.*

33. Sponsalia celebrata per metum leuem, in foro cōscientiæ dissolui possunt. In foro tamen externo non datur actio ad dissoluenda sponsalia per metum leuem celebrata, ut litium occasio amputetur. *ibid. num. 6.*

34. Sponsalia etiam cum iuramento facta, mutuo consensu dissolui possunt: quia sponsalia sunt contractus dissolubilis: hæc autem mutua remissio debet esse libera; nam si alter sponsus remittat obligationem ob metum sibi incussum ab altero, sponsalia non censentur dissoluta. Secus dicendum de remissione facta ob metum parentum, vel ob viri asperitatem; hic enim metus non tollit libertatem. *ibid. num. 1. & pag. 249. num. 1. & 3.*

35. Sponsalia dissolui possunt, quando non adimplentur conditiones, sub quibus fuerunt celebrata. Immo sponsalia non obligant donec impleatur conditio expressa in contractu sponsaliorum. *tom. 1. pag. 249. num. 4.*

36. Ad dirimenda sponsalia, si natura rei spectetur, non requiritur iudicis auctoritas, quando certò constat de causa sufficiente ad dissoluenda sponsalia; sed priuata auctoritate dissolui possunt, quamuis facta fuerint cum iuramento. Per accidens tamen, ad vitandum scandalum, fieri potest, ut necessaria sit iudicis auctoritas. Hic autem iudex esse debet Ecclesiasticus, Episcopus scilicet, aut ab ipso delegatus, quia causa est spiritualis. *ibid. num. 5. & 8.*

37. Sponsus ius amittit dirimendi sponsalia quando cognoscit carnaliter sponsam, sciens præcessisse causam sufficientem ad dissoluenda sponsalia; modò tamen illa sponsalia fuerint valida: nam sponsalia inualida non inducunt obligationem, nec fiunt valida per copulam habitam, nisi sponsus tunc habuerit animum permanendi in prioribus sponsalibus. *ibid. num. 10.*

38. Sponsus habens defectum occultum, propter quem alter iustam haberet causam dissoluendi sponsalia, potest alterum cogere per iudicem, ut stet sponsalibus: quia nemo tenetur propria sponte pœnam subire. Sic adulter occultus non priuatur iure petendi debitum. *ibid. num. 12.*

39. Qui habuit copulam cum sponsa alterius, debet hanc circumstantiam in confessione aperire; quia facit grauem iniuriam sponso, qui cogetur aut resiliire à sponsalibus, aut ducere

fornicariam vxorem. At fornicans cum sponso, non facit grauem iniuriam illius sponsæ. *tom. 1. pag. 250. num. 13.*

40. Sponsalibus apponi non potest pœna soluenda ab eo qui non steterit sponsalibus: quia hoc repugnat libertati matrimonij. Possunt tamen tradi arthæ, quas tradens amittat si fregerit fidem sponsaliorum. Verùm arthæ non sunt soluendæ quando sponsalia dissoluuntur auctoritate iudicis: aut per ingressum in religionem: nam vbi abest culpa, debet etiam abesse pœna. *tom. 1. pag. 250. num. 1. & seq.*

41. Interesse damni emergentis exigi potest ab eo qui iniuste resilit à sponsalibus, non virtute conuentionis pœnalis, quam diximus esse inuvalidam; sed ob iniustitiam commissam ab eo qui iniuste violat fidem sponsaliorum. Non potest autem initi pactû soluendi interesse lucri cessantis: quia spûsus ante initû matrimoniû nõ habet ius ad illud lucrum. *to. 1. pag. 251. n. 6.*

Stuprum.

1. **S**uprum strictè acceptum est concubitus viri cum virgine formina, quo virginalis integritas violatur: habetque malitiam specie distinctam à fornicatione, necessariò in confessione explicandam, siue puella consentiat, siue sit inuita; quia puella non habet dominium suæ integritatis corporalis; fitque iniuria patri cuius est specialem curam gerere corporis filia. *tom. 1. pag. 328. num. 2.*

2. Qui per vim, aut fraudem, metum, aut mendacium, copulam à puella extorsit absque promissione matrimonij, tenetur illam ducere in matrimonium, vel commodè dotare; vel curare, vt æquè bene nubat, ac si esset virgo: quia tenetur ex iustitia, damnum illi iniuste illatum reparare. At si virgo liberè consensit, non tenetur ad restitutionem: quia illi non inulit iniuriam, modò stuprator non manifestauerit copulam occultam; tunc enim tenetur ad restitutionem famæ, & damnorum incrementi dotis, &c. *tom. 1. pag. 329. num. 7.*

3. Qui precibus, vel muneribus, vel suasionibus, ac blanditiis extorsit copulâ à puella, non tenetur ad restitutionem: quia huiusmodi preces, munera, &c. non adimunt voluntariû. Neque faciendâ est restitutio patri sub cuius cura est ipsa puella deflorata: quia nullum illatum est damnum patri. Quod enim pater cogitur augere dotem vt puella æquè commodè nubat, hoc damnum est per accidens, & puella potest manere innupta. *ibid. n. 13. & 14.*

4. Potest filius inconsulto, vel inuito patre, validè contrahere matrimonium cum ea à qua copulam extorsit: quia, per se loquendo, non tenetur obedire patri in iis quæ pertinent non ad vitæ

vita statum. Per accidens tamen fieri potest vt in his etiam grauiter peccet, vt quando inuito patre contrahit cum indigna, ex cuius matrimonio magnum familiæ dedecus inferitur, vel quando multum referret patris, filium aliam ducere ad componendas familiæ lites, aut quid simile. Igitur valdè consentaneum est rationi, & honestati, vt filij absque parentum consilio, & consensu, non ineamt matrimonium, idque Ecclesia prohibuit: quare qui inconsulto patre matrimonium contrahit, peccat. mort. nisi iustam habeat causam sic contrahendi. *tom. 1. pag. 330. num. 18. & seq.*

5. Potest Ecclesiasticus index suam interponere auctoritatem ne matrimonium contrahatur à filiofamilias, quando constiterit adesse graue scandali periculum. Neque propterea matrimonij libertas impediatur; quia non dicitur libertas alicuius impediri, nisi impediatur ad id quod ius habet; filius autem non habet ius ad nuptias iniurias patri, & toti familiæ. *ibid. n. 26.*

Substitutio.

1. **S**ubstitutio est vocatio vnus, aut plurium ad hæreditatem ne matrimonium contrahatur à filiofamilias, quando constiterit adesse graue scandali periculum. Neque propterea matrimonij libertas impediatur; quia non dicitur libertas alicuius impediri, nisi impediatur ad id quod ius habet; filius autem non habet ius ad nuptias iniurias patri, & toti familiæ. *ibid. n. 26.*

1. **S**ubstitutio est vocatio vnus, aut plurium ad hæreditatem ne matrimonium contrahatur à filiofamilias, quando constiterit adesse graue scandali periculum. Neque propterea matrimonij libertas impediatur; quia non dicitur libertas alicuius impediri, nisi impediatur ad id quod ius habet; filius autem non habet ius ad nuptias iniurias patri, & toti familiæ. *ibid. n. 26.*

2. Substitutio *vulgaris*, est substitutio directa, & simplex qua quilibet non prohibitus, substitui potest à quolibet, hac conditione, vt ille qui fuit institutus hæres, vel qui succedere debet ab intestato, nolit, aut non possit succedere, succedat substitutus *ibid. num. 3.*

3. Substitutio *pupillaris* est illa, qua quis proli impuberi in sua potestate constitutæ, substituit aliquem, vt si pater dicat: Si filius meus infra pupillarem aetatem decedat, substituo Titium. Aetas autem pupillaris in masculo intelligitur vsque ad 14. annum, in foemina vsque ad 12. Hæc autem substitutio pupillaris fuit instituta, quia, cum impubes non possit testari, par fuit vt ius concederet facultatem patri substituendi hæredem filio impuberi. Porro ad validitatem huius substitutionis requiritur 1. vt ille cui fit substitutio, sit impubes. 2. vt sit filius, nepos, vel descendens. 3. vt sit in potestate testatoris 4. vt post mortem testatoris fiat sui iuris, & non recidat in potestatem alterius. *ibid. n. 4.*

4. Substitutio *exemplaris* ea est, qua quis filio amentis, vel prodigo, vel alia ratione prohibito testari, substituitur. Atque hæc substitutio fieri potest non solum à patre, verum etiam à matre, auctore, auia, proauia. *ibid. num. 5.*

5. Substitutio *fide commissaria* illa est per quam hæres ab intestato, vel testamento constitutus, accipit hæreditatem cum hoc onere, ut eam, vel eius partem aliquotam, v. g. dimidiam, tertiam, vel quartam restituat alteri post mortem, sub hac tacita conditione, *si decedat sine liberis, vel descendantibus*. Porro si hic hæres professionem faciat in religione bonorum capaci, monasterium percipit vsumfructum illorum bonorum, donec sequatur mors naturalis ipsius religiosi *ibid. n. 6. & pag. 649. n. 9.*

6. Substitutio reciproca, seu breuiloqua dicitur illa, qua hæres substituti sibi inuicem substituuntur, ut si testator dicat: *Instituo tales hæredes, quos inuicem substituo. tom. 2. p. 651. num. 18.*

7. Substitutio *compendiosa* illa est, quæ plures complectitur substitutiones diuersas quoad tempora, ut si quis dicat, *Instituo Caium filium meum hæredem, & cum è vita decesserit, substituo ei Titium. ibid. num. 19.*

Successio ab intestato.

1. **S**uccessio alia est, qua *ascendentes succedunt in bonis descendantium*, quando scilicet defunctus non relinquit descendentes, aut collaterales in primo gradu. Alia qua *descendentes succedunt in bonis ascendentium*. Alia denique *collateralium*, seu *transuersalium. tom. 2. pag. 675. num. 4.*

2. In successione *descendentium* seruanda est illa regula, ut si quis decedat, relictis filiis legitimis, aliisque descendantibus, iure communi succedant filij, alique descendentes, aliis omnibus exclusis. Porro filij legitimati per subsequens matrimonium succedunt, ac si essent verè filij legitimi naturales: matrimonium enim subsequens omnia antecedentia purgat, efficitque filium habilem, & idoneum ad omnia. *ibid. n. 1. & 5.*

3. In successione *ascendentium*, dum quis decedit nullis relictis descendantibus, sed solis ascendentibus, parentes succedunt liberis, modò liberi non essent spurij, sed vel legitimi, vel naturales. Quando autem quis decedit relictis ascendentibus, & collateralibus, si collaterales sunt fratres, vel sorores defuncti vtrinque coniuncti, id est, eodem patre, & matre orti, tunc collaterales succedunt in capita, siue cum patre, & matre, siue cum superioribus ascendentibus, modò parentes non transferint ad secundas nuptias absque consensu filiorum, tunc enim succedunt solùm in vsumfructum; si verò supersunt fratres, aut sorores ex vno solùm latere coniuncti, parentes succedunt illis exclusis. *tom. 2. pag. 676. num. 5. & 6.*

4. Dum quis decedit solis collateralibus relictis, succedunt primò

primò fratres, & sorores vtrunque coniuncti, eorūque filij; his deficientibus succedunt fratres ex altero tantum parente, eorūque filij, ita vt coniuncti ex patre succedant in bonis paternis; coniuncti verò ex matre succedant in bonis maternis, in bonis verò acquisitis à patre, & matre, succedant æqualiter. Obseruandum autem ascendentes, & descendentes succedere in infinitum; collaterales verò vsque ad decimum gradum iuxta computationem iuris ciuilis. His deficientibus succedit vxor viro, & vis vxori. *ibid. n. 6. & 7.*

Suffragium.

1. Suffragij nomen hic sumitur pro auxilio, quod vnus fidelis præbet alteri ab consequendam remissionem pœnæ temporalis. Possunt autem fideles, dum in hac vita degunt, non solum se inuicem inuare suffragiis, verum etiam subleuare defunctos, satisfaciendo pro pœna ipsis debita. Hoc faciemus, dum in symbolo credimus *Communione Sanctorum*. Cuius articuli sensus est, in Ecclesia esse communicationem bonorum operum inter iustos, itavt tanquam vnus corporis membra sub vero capite Christo se inuicem iuuent, & alter alteri per suffragia, & opera satisfactoria opem ferat. *tom. 1. pag. 212. num. 1.*

2. Bonum opus, vt est satisfactorium, non prodest facienti, quando illud alteri applicat, habet enim satisfactionem limitatam; sed prodest ei, cui applicatur: nam satisfactio communicabilis est. At si opus bonum spectetur, vt est meritum, prodest soli applicanti ad meritum vitæ æternæ, *ibid. n. 2.*

3. Vt suffragium alteri prosit 1. debet ad illum dirigi intentio offerentis. 2. requiritur, vt opus fiat ab homine viatore, id est, viuente. 3. vt fiat, seu sustineatur voluntariè, in quo differt satisfactio à satisfatione. 4. vt opus sit bonum, saltem ratione intentionis. 5. vt operans sit in gratia, alioquin non proderit alteri ex opere operantis; prodesse tamè poterit ex opere operato: propterea dictum est tit. *Indulgentia*, prodesse indulgentias defunctis, etiam si qui facit opus præscriptum in Bulla, sit in statu peccati mort. Sic. Missæ sacrificium oblatum ab improbo Sacerdote, non caret suo fructu, non solum quatenus est sacrificium, verum etiam si consideretur secundum preces, quatenus offertur à Sacerdote in persona Ecclesiæ. *ibid. n. 2. & seq. pag. 213.*

4. Opus, quod ab vno præcipitur, & ab altero adimpletur prodest ad satisfactionem, si præcipiens sit in gratia, etiam si exequens sit in peccato, modò nō sit causa proxima illius operis: quia præcipiens est agens principale: ergo sufficit, vt sit in

Vt + gratia

gratia, saltem tunc quando præcepit; nam si postquam præcepit incidat in peccatum mort. nihilominus opus est satisfactorium. pag. 213. num. 9.

5. Opera quæ per alium fiunt, tanquam per instrumentum, sunt satisfactoria, quamuis qui ea facit, sit in peccato mort. vt si dominus in gratia existens præcipiat per famulum, seu amicū fieri eleemosynam suo nomine; sufficit enim principale agens esse in gratia. *ibid. num. 10.*

6. Qui ex iniuncta poenitentia tenetur pro defuncto suffragium offerre, debet iterum opus iniunctum præstare, si illud præstitit in peccato mort. nisi habeat valorē, ex opere operato, aut nomine Ecclesiæ offeratur. *ibid. num. 11*

7. Tres conditiones requiruntur in eo cui suffragium applicatur, vt illi prosit. 1. vt indigeat suffragio. Vnde suffragia Beatis non profunt, nisi ad gaudium quoddam accidentale, quatenus per ea coluntur, & honorantur. 2. vt sit in gratia: quare opus applicatum alicui existenti in peccato mort. conuertitur in utilitatem offerentis. 3. vt peccata pro quibus exhibetur satisfactio, iam sint remissa quoad culpam, idcirco non prodest satisfactio, etiam pro venialibus non remissis; quia remissio poenæ supponit remissionem culpæ, quippe manente culpa, manet obligatio ad poenam. *tom. 1. pag. 213. 214. n. 1. & seq.*

Superstitio.

1. **S**uperstitio est cultus vitiosus quo vel colitur creatura cultu diuino, vel Deus modo indebito. Duplex est superstitio. 1. *ratione rei cultæ*, quatenus creatura colitur cultu diuino. 2. *ratione modi indebiti*; quæ rursus est duplex. 1. dicitur *cultus falsus*, vt si quis Deum colat cæremoniis Iudæorum, quibus significatur Christus, venturus, aut fidem nostram falsis miraculis confirmare contendat, aut diuino officio turpia admisceat tāquam illius partem. 2. dicitur *cultus superfluus*, quando scilicet præter Ecclesiæ vsum ponitur religio iis in rebus, aut circumstantiis in quibus non est ponenda, vt in numero, colore, situ, &c. aut quando variantur cæremoniæ ab Ecclesia præscriptæ, quæ variatio, vt plurimum, est tantum peccatum veniale; nisi fiat magna peruersio in cæremoniis, ex præcepto vel cōsuetudine adhiberi solitis. At cultus falsus est peccatum mortale ex suo genere; quia grauem infert irreuerentiam Deo. *tom. 2. pag. 177. num. 1. seq.*

2. Qui in diuino officio turpia, aut vana canit voce, organo, aut alio musico instrumento, etiam si non intendat illa admiscere tanquam diuini officij partem, grauiter peccat ratione scandalij,

scandali; prouocat enim impuram delectationem. At si tantum utatur sono, aut voce profana & seculari, absque impura delectatione; non videretur grauiter peccare: quia sonus organi, aut vocis est ex se indifferens; ergo non fit mortalis, nisi ratione prauis finis, aut circumstantiæ moralis. *ibid. n. 3.*

SVSPENSIO.

Quid & quoruplex sit suspensio?

1. **S**uspensio propriè dicta est censura Ecclesiastica, qua persona Ecclesiastica impeditur ne functiones exerceat, sui beneficii, vel officij vel ordinis, in totum, vel in partem, in perpetuum, vel ad tempus. Est autem multiplex suspensio, alia enim est à beneficio tantum, siue beneficium sit canonicatus, siue dignitas, siue Episcopatus, siue aliud: alia est ab officio tantum, siue officium sit ordinis, siue iurisdictionis: alia ab officio, & beneficio simul. Rursus suspensio ab officio, alia est ab officio in totum, alia ab officio in partem. Itè alia est suspensio pœnalis, quæ fertur in poenam delicti; alia medicinalis, qua intenditur emendatio, & boni delinquentis. Item alia est temporalis, quæ fertur cū limitatione temporis; alia perpetua, quæ fertur absque limitatione. Denique alia est à iure, alia, ab homine. *tom. 1. pag. 423. n. 1. & 2.*

2. Episcopus, vel iudex qui tulit censuram suspensionis, vel interdicti, potest ex iusta causa illam suspendere ad tempus, & cōcedere celebranti ut tunc temporis non incurrat irregularitatem: quia censura non ligat vltra intentionem iudicis. *ibid. n. 4.*

3. Quando Episcopus fert sententiam suspensionis, postea iusta aliqua de causa illam suspendit, vel aufert ad reincidentiam: suspensus autem durante illo termino appellat, appellatio vim habet suspendendi ipsam sententiam, ita ut elapso termino concessio à superiore, censura non liget, sed eius executio impediatur per appellationem. *ibid.*

Suspensionis effectus.

4. Suspensio lata absolurè absque vlla limitatione, suspendit absolurè ab officio, & beneficio: cū enim verba sint generalia, generaliter sunt accipienda. Quæ verò lata est cum expressione alicuius effectus particularis, extenditur ad illum effectum, & ad ea quæ sunt illi adnexa: censetur enim effici id quod significat. Quare Episcopus suspensus à pontificalibus, ab ordine pontificali, intelligitur solum suspensus ab iis quæ pertinent ad vsum ordinis Episcopatus, cuiusmodi sunt confirmare, ordines conferre, consecrare Ecclesias, &c. Non verò intelligitur,

suspensus ab iis quæ pertinent ad iurisdictionem, qualia sunt excommunicare, conferre beneficia: neque intelligitur suspensus à celebratione Missæ, confessionibus audiendis, &c. *tom. I. pag. 424. n. 1. 2. & 3.*

5. Suspensus ab ordine, non censetur eo ipso suspensus à iurisdictione, quia ordo non est necessariò adnexus iurisdictioni, vt patet in eo qui electus est, & confirmatus in Episcopum, quem constat posse ante consecrationem, ea quæ sunt iurisdictionis, exercere, vt excommunicare, &c. *ibid. n. 4.*

6. Suspensus ab ordine, non videtur suspensus à beneficio, vel eius fructibus nisi indirectè, quatenus per suspensionem impeditur ne munus suum obeat. Suspensus autem ab ordine inferiori censetur suspensus à superiori: quia cui non licet quod minus, nec ei licere debet quod maius. At qui suspensus est à superiori, non censetur suspensus ab inferiori: quia inferior non fundatur in superiori. *ibid. n. 5. & 7.*

7. Suspensus ab officio, nulla addita limitatione, intelligitur suspensus ab officio ordinis, & iurisdictionis. Suspensus simpliciter ab officio, non censetur suspensus à beneficio, seu fructibus illius: debet tamen per alium supplere onera sui beneficii, quæ per se non potest exercere, alioquin non potest fructus percipere, quia beneficium datur propter officium. *ibid. n. 9. & 10.*

8. Suspensus à beneficio non intelligitur suspensus ab officio, etiamsi officium ei competat ratione beneficii: propterea suspensus à beneficio non priuatur usu, & exercitio rerum spiritualium, vel temporalium; consequenter potest beneficia conferre. Fructus autè beneficii eo tēpore quo quis manet suspensus à beneficio, conuertendi sunt in utilitatem Ecclesiæ, detractis iis quæ dantur substituto vt inferuiat, *tom. I. pag. 425. n. 12. & 14.*

9. Suspensio ob contumaciam nulla tradenda est portio fructuum beneficii: sibi enim imputet, cum in ipsius manu positum sit liberari à suspensione, & acquirere ius ad fructus. Suspensio verò in pœnam delicti tradenda est portio fructuum sufficiens ad congruam sustentationem ne mendicare cogatur. *ibid. n. 14.*

10. Suspensus ab officio, in aliquo loco, est vbique suspensus, modò suspensio lata sit absque loci determinatione; quia suspensio sequitur suspensum vbicumque sit. *tom. I. pag. 426. n. 7.*

11. Inualida est collatio beneficii facta suspensio à beneficiis: quia suspensus à beneficio priuatur iure percipiendi fructus beneficii; modò suspensio lata sit absolute. *ibid. n. 8.*

Violatio suspensionis.

1. Suspensus peccat mortaliter ex suo genere exercendo actum

actum à quo est suspensus: quia violat præceptum Ecclesiasticum in re graui: ratione tamen paruitatis materiæ, excusari potest à mortali. *ibid. num. 1.*

13. Communicans cum suspensio nondum denunciato in iis à quibus est suspensus, non peccat mort. Neque ipse suspensus peccat mort. nec fit irregularis exercendo functiones ordinum à quibus est suspensus, modò non se sponte ingerat, nec maiorem ordinem, à quo est suspensus, solemnitè exerceat. *ibid. num. 3. & pag. 427. num. 6.*

14. Acta per suspensum toleratum, valida sunt: cum enim hic ab Ecclesia toleretur, non illi adimittitur iurisdicctio. Acta verò iurisdictionis propriæ per suspensum nominatim denunciatum, inualida sunt, nisi adsit titulus coloratus, & error communis vulgi: actus autem ordinis qui nõ requirunt iurisdictionem, validi sunt, vt consecrare, confirmare, &c. Porro absolutio sacramentalis collata à suspensione denunciato, est inualida, quia est actus ordinis, & iurisdictionis. *ibid. n. 7.*

Absolutio à suspensione.

15. Suspendio ad tempus lata cessat eo tempore elapso absque alia absolutione; item suspensio lata cum particula, *donec satisfeceris*, cessat exhibita satisfactione: sic enim vsu, & praxi receptum est in suspensione, & interdicto; non verò in excommunicatione. *tom. 1. pag. 436. n. 1.*

16. Potest Episcopus absoluerè suos subditos à suspensione perpetua, etiam Papæ reseruata, modò proueniat ex delicto occulto, & non deducto ad forum contentiosum. At suspensio lata in puram pœnam pro delicto præterito non potest auferri ab eo qui est inferior eo à quo lata est suspensio; quia hæc non aufertur per absolutionem, sed per dispensationem. Dispensatio autem, ex sua natura, censetur reseruata. *ibid. n. 6.*

De suspensione Episcoporum, Clericorum, & Religiosorum, vide tit. *Episcopus, Clericus, Religiosus.*

Susurratio.

1. **S**usurratio est peccatum linguæ quo quis alterius defectu aperit ad discordias inter amicos seminandas. Differt à detractone cuius finis est denigratio famæ, sæpe tamen vsu venit, vt susurratio includat detractiõnem; quia ad seminandas discordias deregitur aliquando crimen alterius occultum. *tom. 1. pag. 443. n. 1. & pag. 444. num. 2.*

2. Susurratio videtur peccatum grauius detractiõne, & contumelia: quia finis illius est dirimere, & dissoluere amicitiam, quæ

quæ præstantior est fama & honore. *tom. 2. pag. 444. num. 3.*

3. Suffructio est peccatum mort. ex suo genere, contra iustitiam, ratione, tamen indeliberationis, & inadvertentia: aliquando excusatur à mortali. Immo est aliquando licita, ut quando quis manifestat alterius defectum absque mendacio, ad periculofam & perniciosam amicitiam dissoluendam. Sic secluso mendacio, licet dicere concubinario, quam domi alit concubinam, esse turpem, & publicam meretricem. *ibid. n. 1. & seq.*

4. Possum aliquorum amicitiam modis licitis dirimere, ut eam mihi conciliem: amicitia enim est bonum gratuitum pendens à libera voluntate conferentis. *ibid. n. 6.*

T.

T E M P E R A N T I A.

I. **T** E M P E R A N T I A in eo posita est, ut non plus cibi, & potus sumatur quàm ratio naturalis dicat. Peccatur autem contra temperantiam. 1. quando finis ultimus in cibo, & ingluvie constituitur, uti faciunt ij, quorum Deus venter est. 2. quando quis cibo, & potui ita indulget, ut inde sibi graue nocumentum prævideat euenturum. 3. quando quis per intemperantiam dat causam ebrietati: ebrietas quippe est intrinsecè mala, estque peccatum ex suo genere mortale: quia mortaliter aduersatur rectæ rationi, cum violenter adimat vsum rationis, quod est præcipuum hominis bonum, per quod à brutis distinguitur: neque tantum adimit vsum rationis, ut somnus, sed etiam facultatem vtendi ratione, qua facultate homo se priuare nequit, cum non sit dominus illius. *tom. 2. pag. 536. n. 2.*

2. Ebrietas tamen non ita est intrinsecè mala, quin ob iustam circumstanciam possit aliquando permitti. Potest enim quis ex præscripto medici magnam potus quantitatem sumere causa sanitatis, quamuis inde prævideat sequuturam ebrietatem: quia hic non intendit ebrietatem, sed sanitatem, cuius recuperandæ causa ebrietatem permittit; sicut aliquando licet pollutionem iusta de causâ permittere, quamuis eam intendere, & procurare non liceat. *tom. 2. pag. 337. num. 3.*

3. Germani, alique qui se prouocant maioribus poculis, & que vino ingurgitât, non sunt excusatione digni, quia intendunt ebrietatem. Secus si graui ex causa vinum largiùs hauriant, non intendentes ebrietatem, ut si sumant ad vitandam mortem, quam propinans minatur, nisi respondeant: tunc enim dicuntur solum permittere

permittere ebrietatem. Porro qui prouocat, seu inducit alium ad ebrietatem, mortaliter peccat. *ibid.*

4. Nonnulli haud obscuri hominis auctores censent licitum esse alium inebriare ad impediendum graue malum, quod alia ratione impedi nequeat: vt si quis captus ab hostibus ducatur ad tabernam, ibique cum illis strenuè potet, vt illos inebriet, sè-que fugà propriat: licet enim inducere ad minus malum, vt impediatur maius. Probabilius tamen est, nunquam licere intendere ebrietatem, & ad illam directè cooperari, cum sit intrinsecè mala, nec sint facienda mala, vt inde eueniant bona. *ibid.*

Tentatio Dei.

1. **T**entatio Dei est actus cōtra religionem, quo quis absque iusta causa aliquid dicit vel facit ad faciendum experimentum de aliqua Dei perfectione, v.g. de potentia, de sapientia, iustitia, misericordia, &c. vt si quis imperitus velit concionari absque iusta causa, & prauia meditatione, seu preparatione, sperans sibi à Deo suggerendos conceptus. *tom. 2. pag. 212. num. 1.*

2. Tentatio Dei est peccatū contra religionem; est enim quædam irreuerentia in Deum. Est autem alia *expressa*, cum aliquid sit ea intentione, vt experimentum capiatur de aliqua Dei perfectione, vt si quis petat miraculum, vel se præcipitem det in puteum, vt experiatur an Deus se lædi permittat. Alia *interpretatiua*, quando aliquid fit quod per se, & suapte natura ad nihil aliud referri posse videtur quam ad experiendā aliquam Dei perfectionem, etiamsi expressè hoc non intendatur, vt si quis ad Christi imitationem velit per totam Quadragesimam à cibo abstinere; hic enim dicitur interpretatiuè Deum tentare, cum omittat modos à diuina prouidentia constitutos. *ibid. n. 2. & pag. 213 n. 3.*

3. Tentatio Dei, regulariter loquendo, est peccatum mort. est enim quidam Dei contemptus. In his autem casibus peccatur mortaliter Deum tentando. 1. quando experimentum coniunctū est cum aperto grauis damni periculo, vt cum grauitè ægrotans respuit medicamenta, sperans à Deo sanitatem; aut quando quis duellum acceptat ad probandam suam innocentiam, sperans se à Deo seruatum iri. Huc spectant purgationes per ferrum candens, aquam frigidam, vel feruentem, aut per sanguinem ex corpore occisi manantem; peccat autem grauitè iudex, qui ex huiusmodi indicii procedit ad aliquem torquendum, condemnandum, seu absoluendum: hæc enim indicia non sunt humana, neque naturalia. 2. casus est, quando subest periculum scandali, vt cum quis absque necessitate petit miraculum in fidei confirmationem. 3. quando ex curiositate petitur opus aliquod superna-

turale, neque enim Deus est fautor curiositatis. *tom. 2. pag. 213. num. 4. & 5.*

4. Fieri tamen potest ut tentatio Dei sit tantum peccatum veniale, vel ratione ignorantiae inuincibilis, aut indeliberationis; vel ratione paruitatis materiae, ut dum quis leui morbo affectus vanè sperat à Deo sanitatem, mediis ordinariis prætermisiss, &c. *ibid. num. 6.*

5. Ille non dicitur Deum tentare qui iusta causa interueniente, miraculum à Deo expectat, ut dum speratur infidelium conuersio. *ibid. num. 7.*

TESTAMENTVM. LEGATVM.

Quid & quoruplex sit testamentum?

1. **T**estamentum est iusta nostræ voluntatis sententia, qua testatum relinquimus, quid fieri velimus de nostris bonis, cum directa institutione hæredis. Codicillus non est propriè testamentum; definitur enim vltima volūtas minus solemnis, de eo quod quis post mortem suam fieri velit, coram quinque testibus declarata. *tom. 2. pag. 637. n. 1. & pag. 638. num. 2.*

2. Duplex est testamentum: alterum dicitur *clausum*, eo quod testator latere velit quod in eo continetur; alterum dicitur *nuncupatiuum*, eo quod testator siue scriptura coram testibus declaret, quid post mortem suam fieri velit, ob eam causam vocatur testamentum *apertum*: interdum tamen additur scriptura, ut facilius proberetur intentio testatoris. *ibid. n. 9.*

3. Ad testamentum in scriptis, seu clausum, hæc requiruntur. 1. ut post confectam, & clausam scripturam adhibeantur septem testes, masculi, liberi, puberes, & rogati, seu vocati ad hoc, coram quibus testator, vno, eodemque tempore indicet, illud esse suum testamentum, illudque propria manu subscribat, si potest; sin minus adhibeat octauum testem, qui pro ipso subscribat, vidente notario, & facta mentione se id fecisse de ordine testatoris. 2. opus est ut singuli testes eodem tempore subscribant, modò ibi reperiantur septem testes qui scribere sciant, alioquin vnus pro aliis subscribet. 3. ut singuli sigilla apponant; iure autem communi idem annulus omnibus sufficit 4. ut quando testamentum fit coram tabellione, scripturâ publicâ, apponatur dies, mensis, & annus. Secus si fiat scriptura priuata; sufficit enim ut publicetur, quod non requiritur in testamento facto scriptura publica. *tom. 1. pag. 639. num. 10. & 11.*

4. Ad testamentum nuncupatiuum requiruntur septem testes, masculi, liberi, puberes, id est, qui 14. annum compleuerint,

& rogati, seu vocati. Hi autem testes debent simul audire, & intelligere vocem, & voluntatem testatoris. seu scripto, seu viva voce expressam; non tamen necessaria est subscriptio, aut sigillum, aut notarii presentia. Quare validum est testamentum, quando testator coram septem testibus suam declaravit voluntatem, quā notarius in scriptis redegit, sed antequam scriptura, seu lectio absolueretur, testator interiret: testamentum enim perfectum videtur, cum scriptura non sit de eius solemnitate substantiali. Item validum est testamentum quo quis coram septem testibus nominat, & instituit aliquem heredem, expresso eius nomine proprio, aut etiam dum tacito ipsius nomine dicit se illum instituere heredem, quem expressit scheda relicta apud Parochum, vel Ordinarium loci. *ibid. n. 12.*

5. Ad testamentum militare factum in castris sufficiunt duo testes rogati, subsistitque hoc testamentum per annum post iustam missionem, seu discessum ab exercitu: elapso vero anno non subsistit, quia tempus habuit faciendi novum testamentum, iuxta formam iuris communis. Ad testamentum vero factum in ipso conflictu, satis est, ut miles, proprio sanguine suam scribat voluntatem in clypeo, vagina, vel re alia, eiusque manus probeatur duobus testibus, etiam non rogatis. *ibid.*

6. Testamentum patris inter liberos valet, etiam si tantummodo ab eo scriptum fuerit, vel subscriptum, absque testibus. Aut si pater suam exprimat voluntatem coram duobus testibus, etiam foeminis, & non rogatis. *ibid. n. 13.*

Quis testari possit?

7. Quilibet sufficienter utens ratione, & liberam habens bonorum administrationem, testari potest, nisi prohibeatur. Prohibentur autē testari 1. furiosi lucidis destituti interuallis: quare si quis postquam coepit testari, incidat in phrenesim, vel amentiam, antequam perficeret testamentum, inualidē testatur. 2. surdi, & muti à natiuitate testari non possunt ad causas profanas; ad pias possunt, quia in dispositione ad pias causas necessaria non est solemnitas iuris civilis. 3. qui non possunt articulatē loqui ad exprimendum heredem. 4. impuberes qui nondum impleverunt 14. annum si sint masculi, aut 12. si sint foeminae. 5. prodigi quibus adempta est bonorum administratio. 6. filij familias qui sunt sub patris potestate, nisi habeant bona castrensia, vel quasi castrensia, possunt tamen ad causas pias de aduentitiis, consentiente patre testari. 7. illi qui ob delicta testari prohibentur, ut vsurarij notorij, haeretici, Cardinalium percussores, damnati ob libellum famosum, & capite damnati. 8. religiosi

giosi, qui votum paupertatis solemne emisunt in approbata religione. 9. serui sunt actiue intestabiles: passiuè tamen sunt testamenti capaces. *10. 2. pag. 604. n. 4. & seq. & pag. 641. & 642.*

8. Testamentum factum à beneficiario, si iura spectemus, non est validum. Sin attendamus consuetudinem in multis locis receptam, validum est non modò ad pias causas, sed etiam ad profanas; ius enim positiuum potest contraria consuetudine abrogari. Quare qui accipiunt fructus beneficii sibi testamento relictos, non peccant, neque tenentur ad restitutionem: peccat tamen beneficiarius, qui de fructibus beneficii testatur ad profanas causas. De bonis autem patrimonialibus clericus, mortuo patre, licitè, & valide testatur. *10. 2. pag. 641. n. 4. & pag. 642. n. 5.*

Quis possit heres, aut legatarius institui?

9. Omnes, non solùm priuati, sed etiam communitates possunt institui hæredes, & legatariæ, modò sint capaces, neque impediantur à iure. Prohibentur autè qui sunt intestabiles ob defectum; non verò qui sunt intestabiles ob aliquè defectum non culpabilem; propterea pupillus, & mutus, qui ob defectum intestabiles sunt, possunt capere quod sibi testamento relictum fuit. *10. 2. pag. 642. n. 1. & 2.*

10. Religiosi, quibus permissum est possidere bona immobilia in communi, possunt institui hæredes & legatarij; sunt enim capaces hæreditatis, non quidem sibi, sed monasterio acquirendæ. Fratres verò minores sunt incapaces hæreditatis, & legatorum, nisi relinquuntur ad fabricam, oleum, vinum, ceram, ornamenta altaris, & Ecclesiæ. Potest tamen in eorum fauorem, hæreditas, seu legatum relinqui alicui vendendum, vt pretium illis tradatur; sic enim fratres nullum ius acquirunt, nec violant votum paupertatis. *10. 2. p. 649 n. 3.*

11. Monasterium capax successionis succedit in omnia religiosi bona, seu acquisita ante professionem, seu post, quocumque tandem titulo fuerint acquisita, modò ante professionem non disposuerit de suis bonis. Cæterum omnes religiosi, etiam mendicantes, sunt capaces successionis, possuntque bona immobilia possidere, exceptis fratribus minoribus de Obseruantia, & Capucinis S. Francisci. *ibid n. 5.*

12. Hæreditas religioso data, immediatè acquiritur monasterio, seu religioni, consequenter monasterium potest illam adire, inscie, immodò etiam renitente religioso: religiosus enim omnia sua iura in monasterium transtulit. *10. 2. p. 644. n. 7.*

13. Filij spurij non possunt institui hæredes: naturales autem possunt, si parentes non habeant legitimam prolem; relicta

tamen ascendentibus legitima. At si filius naturalis non fuit institutus hæres à patre, non ei succedit ab intestato, præterquam in 6. parte bonorum; si pater nullam legitimam prolem reliquit. Matri verò filios legitimos non habenti filius naturalis succedit ex asse, quamvis ipsa non fecerit testamentum; habenti autem filios legitimos filius naturalis succedit ex æquo cum legitimis.

tom. 2. pag. 645. n. 12.

14. Filius spurius non legitimatus non potest hæres institui à patre, neque illi potest quidquam relinqui præter alimenta. Respectu autem matris, filius spurius præse, & strictè sumptus, id est, genitus ex iis inter quos erat impedimentum dirimens matrimonium, non potest iure communi succedere matri, neque ex testamento, neque ab intestato, quando fuit conceptus ex coitu damnato, & punibili lege humana, ut ex adulterio, incestu, sacrilegio. *ibid. & pag. 646. n. 12.*

15. Pater non potest aliquem instituere hæredem, rogando illum ut postea ipse restituat filio spurio hæreditatem: qui autem hoc pacto fuit institutus hæres cum promissione tradendi hæreditatem spurio, potest illam sibi retinere; hæc enim promissio, utpote contra legem, non obligat. *ibid. n. 15.* Porro sicut spurij non possunt succedere parentibus, sic parentes, alique ascendentibus, filijs spurij succedere non possunt. *tom. 2. pag. 647. n. 17.*

16. Qui omnia bona relinquit Ecclesiæ, aut alijs, nihilque consanguineis relinquit ob inimicitias, quas nondum deposuit, non potest à Confessario absolui. Si verò deposuit inimicitias, & consanguineos habet in linea recta, debet mutare testamentum antequam absolvatur, nisi iustam habeat illos exhæredandi causam. At si defunctus consanguinei in linea recta, potest absolui, non mutato testamento, nisi statuta locorum aliud ferant. *ibid. n. 22.*

17. Filij, parentes, fratres, & sorores succedunt ab intestato. Itaque deficientibus descendantibus succedant parentes; deficientibus parentibus immediatis, succedant aui; deficientibus aui, aut alijs ascendentibus, succedant fratres, & eorum filij. Denique deficientibus ascendentibus, descendantibus, fratribus, & eorum filijs, succedant propinquiore per capita, usque ad decimum gradum inclusivè, unde fit, ut si defunctus relinquat fratrem, & patruum, succedat frater; quia frater est propior defuncto quam patruus. *ibid. num. 23.*

Testamenti conditiones.

18. Prima conditio est, ut instituatur certus hæres capax testamenti, qui in omnia defuncti iura realia succedat, deducto ære alieno. *tom. 2. pag. 651. num. 1.*

19. Secunda, vt ille instituatur hæres qui de iure instituendus est: quare inualidum est testamentum patris, in quo filius est prætermisus; filius enim instituendus est hæres, aut nominatim exhæredandus addita exhæredationis causa, quæ probanda est per hæredem, alioquin testamentum est irritum. Item irritum est testamentum patris, superueniente filio posthumo, cuius pater non fecerat mentionem. Non tamen irritatur testamentum quoad omnia in eo contenta; sed tantum quoad institutionem hæredis, consequenter testamentum saluatur per clausulam codicillarem; ac proinde legata, substitutiones, fideicommissa seruanda sunt ab eo qui successurus est. Porro querela inofficiosi testamenti quæ competit liberis contra parentes, & vicissim, intentanda est intra quinquennium à die aditæ hæreditatis. Si autem causa exhæredationis probetur intra illud tempus, corrumpitur querela, & testamentum manet validum: at si causa exhæredationis non probetur, irritatur testamentum, tanquam inofficiosum. *tom. 2. pag. 652. num. 112. §. 3.*

20. Tertia conditio est, vt testator liberam habeat bonorum administrationem, nec à iure prohibeatur testari. *ibid. n. 3.*

21. Quarta, vt adsit certus numerus testium, nempe septem, qui sint testes legitimi, id est, his qualitatibus instructi:

Ætas, conditio, sexus, discretio, fama.

Et fortuna, fides, in testibus ista requiratur.

Ætas in teste requisita est 1. annorum; excipe. 1. testamentum militis. 2. inter liberos. 3. ad causas pias, in his enim sufficit, vt testis sit pubertati proximus. *Conditio* excludit seruos à ferendo testimonio in testamentis. *Sexus* innuit fœminas ad testimonium in testamentis non admitti. *Discretio* designat rationis vsum, & sanitatem mentis in teste. *Fama* indicat infames arceri à testimonio in testamentis. *Fortuna* excludit pauperes ob periculum subornationis. *Fides*, ponitur. 1. ad repellendum infidelem à testimonio contra fidelē. 2. ad excludendos illos de quorū interesse agitur. *ibid. n. 3. §. pag. 653. num. eod.*

22. Religiosi, iuxta probabiliorē, & vsu receptam sententiam, possunt testes adhiberi etiam in testamento in quo aliquid ipsorum monasterio relinquitur; id enim nullo iure veritum videtur, neque professio licet vocetur mors civilis, efficit illos inhabiles ad ferendum testimonium, sed tantum ad succedendum nomine proprio. *tom. 2. pag. 653. n. 3.*

23. Testamentum, & legatum semper potest à testatore reuocari vsque ad mortem, nisi factum sit à religioso ante professionem; voluntas enim testatoris dicitur ambulatoria vsque ad mortem; etiam si testamentum factum sit cum iuramento non reuocandi;

uocandi; potest enim adhuc validè, non tamen licitè reuocari propter religionem iuramenti. *tom. 2. pag. 654 num. 1. & 4.*

24. Religiosus professus non potest reuocare testamentum factum ante professionē, nisi priuilegiū obtineat à Summo Pontific vel transferatur ad statum in quo habeat disponendi facultatem, ut si fiat Episcopus, vel transferatur ad statum clericalē, cum facultate disponendi de suis bonis; tunc enim potest reuocare testamentum, & bona aliis relicta testamento repetere. *ibid. n. 7.*

25. Reuocatio testamenti non est valida, nisi testator in ea reuocatione dixerit se velle decedere ab intestato, aut nisi nouum hæredem expressè instituerit: prius enim testamentum reuocatur per institutionem secundi hæredis: si dicat velle se decedere ab intestato, virtualiter instituit, hæredem illum qui ab intestato succedit. Opposita tamen sententia est etiam probabilis. Cæterum apud omnes constat testamentum censi reuocatum, per reuocationem posteriorem, in quo testator non expressit se velle ab intestato decedere, si reuocatio facta fuit saltem coram tribus testibus, & iam elapsi sunt decem anni à die reuocationis, vel à die conditi testamētū; sic enim iura disponunt. *tom. 2. pag. 655. n. 9.*

Obligatio hæredum.

26. Hæres post aditam hereditatem tenetur persolvere testatoris debita realia & legata ab ipso relicta. Conceduntur autem hæredi tres menses à die qua cognouit se institutū hæredē, intra quod tempus si hæreditatem non adierit, ad nihil tenetur, etiamsi inuentarium non confecerit; nec ei potest intra dictum tempus molestia inferri à creditoribus, vel legatariis. Debet tamen facere inuentarium coram notario, citatis creditoribus, & legatariis. *ibid. n. 1. & 2.*

27. Hæres non conficiens inuentarium, non tenetur in foro conscientie, etiam post sententiam iudicis, soluere legata, vel debita defuncti, excedentia vires hæreditatis. Quia sententia iudicis nititur præsumptione fraudis; igitur si fraus absit, non obligat in conscientia. *ibid. n. 3.*

Legatum.

28. Legatum est donatio quam defunctus præstandam reliquit ab hærede, de eo quod foret hæredis. Fit autem multis modis. 1. *purè & absque conditione, vel determinatione diei,* & huiusmodi legatum debetur legatario statim post mortem testatoris. 2. *sub conditione,* in quo casu legatum non debetur, nisi adueniente conditione; quæ conditio aut est expressa, aut tacita; de præterito, aut præsentī, aut futuro; necessaria, aut contingens

ringens; possibilis, vel impossibilis; turpis vel honesta. *tom. 2. pag. 656. num. 1. & pag. 657. n. 3.*

29. Legatum est conditionale, si dicatur: *relinquo Berta centum si nubar*; consequenter hoc legatum non debetur Bertæ antequam nupserit, neque mortua Berta ante nuptias, transmittitur ad hæredes, quia legatum conditionale non acquiritur ante conditionis euentum. Si verò dicatur: *relinquo Berta centum ut nubar*; legatum est *modale*, debeturque ante conditionis euentum; consequenter transmittitur ad hæredes. Idem dicendum videtur si legatum relictum fuit Bertæ, ut nubar Titio, mortuo autem ante nuptias Titio, alteri vult nubere; per ipsam enim non stetit ne Titio nuberet. Sic multi censent legatum factum Ecclesiæ sub conditione sepulturæ, esse validum, & Ecclesiæ deberi, si per ipsum testatorem stetit quo minus in Ecclesiâ sepeliretur; puta quia sibi ipse mortem conscivit, aut quia excommunicatus fuit; nam per Ecclesiâ non stetit quo minus conditio imple-retur. *tom. 2. pag. 657. n. 4.*

30. Testamentum, vel legatum *pium*, seu *ad pias causas*, dicitur illud, quod fit intuitu pietatis, ut in honorem Dei, aut sancto-rum, vel pro animæ salute, &c. Idem sentiendum de legatis reli-ctis pro alimentis pauperum, vel pro puellis maritandis, aut reli-gionem ingressuris, vel pro captiuis redimendis, mortuis sepe-liendis, &c. *ibid. num. 1.*

31. Testator det operam, ut conficiat testamentum, seu lega-tum ad causas pias, aut saltem illud ratificet dum est in gratia, ut illi prosit ad vitam æternam: quia bonum opus in mortali pec-cato factum censetur opus mortuum. *tom. 2. pag. 658. n. 3.*

32. Animæ defuncti testatoris non nocet negligentia hære-dum in persolvendis legatis, nisi quatenus non exhibentur debi-ta suffragia, & remedia expiationis, quibus anima defuncti pos-set eripi, & subleuari à pœnis purgatorij; grauitèr tamen pec-cant executores legatorum, quando non præstant debitam ope-ram, & diligentiam in voluntate testatoris exequenda. *tom. 2. pag. 663. num. 4.*

33. Hæredes necessarij, quibus hæreditas debetur ab intesta-to, possunt suam partem legitimam ex bonis testatoris detrahe-re, quamuis illa non sufficiant ad persoluenta legata; nam hæ-redes necessarij suâ legitimâ priuari non possunt. Portio autem legitima est tertia pars bonorum defuncti, quando hæredes non sunt plures quatuor; quando verò sunt plures, est dimidium bonorum, quod inter hæredes est æqualiter diuidendum. *tom. 2. pag. 64. num. 1.*

34. Hæredes non necessarij, quibus legitima portio non de-betur,

betur, possunt ad ratam à singulis detrahere quartam partem bonorum defuncti, quæ *falcidia* nuncupatur, etiam si bona defuncti non sufficiant ad satisfaciendum legatis ab ipso relictis. *ibid. num. 4.*

35. Multis de causis liberatur hæres à solutione legati. 1. quando legatum est inu alidum, vel defectu voluntatis, aut testatoris in legante, vel defectu solemnitatis à iure præscriptæ, vel ratione materiæ, vel ratione personæ cui fuit legatum, vel defectu conditionis, &c. 2. quando legatum fuit expressè, vel tacitè à testatore reuocatum. 3. quando res legata perempta est absque culpa hæredis. 4. quando legatum sit caducum, ut cum legatarius moritur antè ipsum testatorem, tunc enim legatum acquiritur hæredi, modò non sit pium. 5. quando legatarius repudiat legatum *tom. 2. pag. 664. n. 1. & pag. 665. & 666.*

36. Legatum relictum ad vnum vsum non potest in alium vsum conuerti absque iusta & rationabili causa, accedente legitimi superioris consensu: voluntas enim testatoris seruanda est tanquam lex. Legitimus autem superior in legatis profanis est Princeps supremus; in legatis verò piis Summus Pontif. hæc enim commutatio est actus supremæ iurisdictionis. Potest tamè Episcopus ob causam quæ sibi iusta videatur, consentiente hærede, si ob id grauatur, & loco pio, cui res fuerat relictæ, potest, inquæ, legatum pium relictum ad certum vsum conuertere in alium pium vsum: sic enim nulli fit iniuria. *tom. 2. pag. 666. n. 1. & 2. & pag. 667. num. 4.*

37. In legatis piis legitimus iudex est Episcopus loci; immò ipse est legitimus vltimarum voluntatum, & piorum legatorum executor, iure ciuili & canonico. Hinc fit, ut testator in suo testamento cauere non possit ne Episcopus curet sua pia legata adimplere. *tom. 2. pag. 668. n. 1.*

Testamenti executio.

38. Executores vltimarum voluntatum alij constituuntur à iure, & *legitimi* vocantur; alij ab homine, & dicuntur *testamentarii*; alij quidem *uniuersales*, quibus mandatur executio totius testamenti, suntque instar hæredum; alij verò *particulares*, quibus testator fortè dubitans de fide hæredis, cuiam damandauit exequendi disposita ab ipso testatore, seu distribuendi certas res in varias causas ab ipso relictas. *tom. 2. pag. 668. n. 1.*

39. Possunt autem omnes qui non prohibentur à iure, constitui executores vltimarum voluntatum. Nullus tamen religiosus claustralis potest esse executor testamenti, etiam ad pias causas, absque superioris facultate. In Societate autem Iesv

hac facultas referuata est Præposito Generali. Nihilominus executio testamenti facta à religioso absque licentia superioris est valida, nisi ante factam executionem religiosus auctoritate iudicis ab exequendo repellatur; ius enim non irritat huiusmodi executionem. *tom. 2. pag. 669. n. 1. 2. & 4.*

40. Testamenti executores possunt pecuniam acceptam ad distribuendum in pauperes applicare sibi, suisque consanguineis, vel amicis egestate laborantibus. vel suo monasterio pauperi, si est religiosus executor testamenti: executor enim non fit deterioris conditionis ob impositu sibi onus distribuendum aliis. *tom. 2. pag. 670 inum. 9.*

Testis.

1. **I**udici legitime procedenti, & seruato iuris ordine interroganti, tenetur testis interrogatus respondere, & veritatem aperire, nisi iustam habeat retinendi causam, cuiusmodi est iusta compensatio, secretum confessionis, &c. *tom. 2. pag. 331. n. 4.*

2. Nemo, per se loquendo, tenetur testari, quod sub secreto vel gratia consilij, aut auxilij accepit. Nullus item tenetur testimonium ferre cum metu grauis damni, aut cum videt suo testimonio capitis periculum alicui creandum, nisi iuridice interrogetur. Denique nullus tenetur ex iustitia offerre se ad testandum in commodum alterius, nisi, ex pacto, aut officio teneatur. *ibid. pag. 331. n. 6. & seq.*

3. Probabile est, eum qui post citationem fugit, ne cogatur testimonium ferre, non peccare contra iustitiam, sed contra obedientiam. *tom. 2. pag. 332. n. 13.*

4. Testis non tenetur ex iustitia iurare se dicturum veritatem, dum interrogatur à iudice; quia iudex nullam ei iustitiæ obligationem imponit. *ibid.*

5. Testis qui post adhibitam moralem diligentiam, quæ ad debite testandum requiritur, falsum testatus est in damnum tertij, seu ex inaduertentia, seu ex obliuione, seu ex alia causa à peccato legitime excusante, non tenetur ad reparationem damni, quod alter inde passus est: Secus dicendum si qua ipsius interuenit culpa. *ibid. n. 15.*

6. Is qui scienter falso testimonio alium in discrimen capitis adduxit, tenetur se retractare etiam cum periculo similis pœnæ subeundæ, si sperat hanc retractionem profuturam: testis autem qui veritatem negauit, non tenetur se iterum offerre ad testimonium dicendum, nisi damnum pendeat in futurum. *ibid. num. 16. & 17.*

7. Qui accepta pecuniâ verum testimonium tulit, non tenetur

tur ad restitutionem: qui verò pecuniam accepit, ut falsum testaretur, ante testimonium tenetur ad restitutionem pecuniæ; post testimonium verò tenetur ad reparationem damni, quod inde sequutum est. *pag. 333. n. 18.*

8. Testis habet ius petendi compensationem damni emergentis, & lucri cessantis pro tempore, quo in ferendo testimonio fuit occupatus. *ibid. n. 19.*

9. In controuersia orta inter testes actoris & rei circa substantialia, pronuntiandum est in fauorem rei; quia melior est conditio possidentis, nec ullus præsumitur nocens, nisi probetur. *ibid. num. 20.*

Tutor. Curator.

1. **T**utor is dicitur qui datur pupillo, seu impuberi extra patris potestatem existenti. Dicitur autem à tuendo, quia datur præcipuè ad tuendam personam, quæ propter ætatem tueri se nequit; secundariò autem ad tuendas res illius. Ex opposito curator datur primariò ad defendendas res, secundariò ad ipsam personam defendendam. Datur autem curator minori, id est, ei qui expleuit 14. annos, sed nondum factus est maior, id est, nondum peruenit ad 25. ætatis annum, iuxta iuris communis dispositionem. *tom. 2. pag. 672. n. 1. & 2.*

2. Fœmina non potest constitui tutrix, excepta matre, & auia istæ enim præferuntur aliis tutoribus legitimis, qui dantur à lege, & datiuis, qui dantur à iudice, non verò testamentariis. At si mater, aut auia transeant ad secundas nuptias, tutelam ipso iure amittunt, & bona secundi mariti manent obligata pro reddenda ratione administrationis. *ibid. n. 1.*

3. Tutor, vel curator qui pecuniam pupilli in suos vsus conuertit, tenetur ad restitutionem totius lucri cessantis, vel damni emergentis, quod inde passus est pupillus, vel minor, etiam si lucrum illud cessans sortem principalem excedat. Tenetur item ad restituendos, deductis expensis, omnes fructus quos ex bonis pupilli, seu minoris, sua culpa non percepit. Item tenetur conferuare omnia iura, bona, & actiones pupilli, seu minoris, & vendere bona alioquin peritura, & pecuniam pupilli conuvertente in emptionem bonorum stabilium, aut in societatem, vel censum. *tom. 2. pag. 673. num. 2.*

4. Tutor, seu curator, finito officio, tenetur reddere rationem, nisi forte agatur de restitutione certæ rei, aut bonorum in inuentariò dispositorum. *tom. 2. pag. 674. n. 4.*

5. Tutela finitur 1. ob fidem tutoris suspectam. 2. quando pupillus ob crimen pellitur in exilium. 3. ob mortem pupilli. 4. ob

adimpleram conditionem. 5. ob mutationem status pupilli, vel tutoris. 6. ob pubertatem pupilli. 7. ob tempus elapsum, ut si pupillo assignetur tutor ob minorem aetatem matris, tutela ipsius definit postquam mater effecta est maior; tunc enim ipsa mater tutelam suscipit. 8. si iustam ob causam tutor onus tutelae renuat. *ibid. num. 1.*

V.

VISITATIO.

1. **I**N Concilio Trident. *sess. 24. cap. 3. de reform.* cautum est ne Episcopi aliique visitatores, aliquid etiam titulo muneris occasione visitationis accipiant, præter victualia, alioquin duplum intra mensem reddere teneantur imposita Episcopis censura interdicti ab ingressu Ecclesiae; inferioribus vero Prælati poena suspensionis. *disp. 3. quæst. 5. punct. 4. pag. 369. n. 1. tom. 3.*

2. Hinc sequitur visitatorem non posse salarium pro vectura equorum accipere, quia hoc non pertinet ad victualia. Neque ipsum, vel eius secretarium, auditorem, cancellarium aut alios ipsi adiunctos, posse quicquam ab iis qui visitantur accipere pro decretis, & ordinationibus spectantibus ad visitationem, seu pro labore, vel scriptura circa decreta conficienda; ut probabiliter nonnulli censent; probabilius tamen videtur competentem mercedem accipi posse pro copia actorum, seu decretorum visitationis. *ibid. n. 2.*

3. Episcopus obiens villas, & oppida, ut Sacramentum Confirmationis conferat, non potest accipere victualia, aut quicquam aliud: quia sacra Cardinalium Congregatio declaravit laicos, aut rectores Ecclesiarum non teneri ad expensas Episcopo accedenti, causa tantum Confirmationis, ad loca suæ diocesis. *ibid. 370. num. 9. tom. 3.*

4. Episcopus tempore visitationis non potest accipere victualia, seu procurationem ab hospitalibus, vel aliis piis locis pauperibus; sunt enim potius subleuandi, quam onerandi; neque à locis specialiter exemptis ab onere præstandi victualia; quia non potest eorum privilegiis derogare. *ibidem. numero 10. §. II.*

5. Hæc suspensio, seu interdictum, durat donec delinquens, restitutionem dupli faciat; facta autem restitutione cessat. *ibid. pag. 372. n. 19. tom. 3.*

V O T V M.

Quid & quotuplex sit votum?

1. **V**otum est voluntaria, & deliberata promissio facta Deo de bono aliquo meliori, id est, de bono aliquo quod sit melius quàm eius oppositum, v.g. de ieiunio: est enim melius quàm eius oppositum, id est, est, quàm non ieiunare. Votum autè non obligat, si fiat de eo, cuius oppositum est melius: Deus enim non acceptat promissionem, cuius omisso magis illi placet, quàm executio. *tom. 2. pag. 232. n. 1. & pag. 234. n. 18. & 19.*

2. Validè possumus vouere opera ad quæ tenemur ex alio præcepto, vt castitatem, correctionem fraternam, &c. sunt enim bona meliora quàm eorum opposita. Notandum tamen votum, seu promissionem horum operum, ex alio præcepto debitorum, nouam obligationem inducere; consequenter violentam huiusmodi votum nouam culpam committere contra religionem, hancque circumstantiam esse in confessione exprimendam. *tom. 2. pag. 234. num. 23.*

3. Validum est votum obediendi Prælato in omnibus; quâuis enim fieri possit, vt Prælatus præcipiat aliquid iniustum, nihilominus hoc votum, iuxta communem vouentium intentionem, & modum vouendi, censeretur factum cum tacita conditione obediendi in rebus licitis. *ibid. n. 24.*

4. Inualidum est votum castitatis, vel religionis, vel non nubendi, factum ab eo cui salubrius est matrimonium ob incontinentiam, & lapsum in res venereas: hoc enim votum non est de bono meliori, cum oppositum sit melius. Vouens tamen tenetur petere dispensationem, antequam matrimonium inear: tum quia in Ecclesia sic vsus obtinuit, quia sequerentur alioquin multa incommoda, multi enim ob effrænem cupiditatem sibi facilè persuaderent, ob periculum incontinentiæ sibi licitum esse matrimonium post votum castitatis emissum. *ibid. n. 26.*

5. Validum est votum non petendi dispensationem voti, aut ea non vtendi. Superior tamen potest, non obstante huiusmodi voto, dispensare, & valida erit dispensatio: nam votum subditi non adimit superioris iurisdictionem, & facultatem dispensandi. *ibid. num. 28.*

6. Multiplex est votum. 1. aliud est *reale*, aliud *personale*, aliud *mixtum*. 2. aliud *temporale*, aliud *perpetuum*. 3. aliud *expressum*, aliud *tacitum*. 4. aliud *simplex*. quod in nuda promissione consistit; aliud *solemnè*, cuiusmodi est votum in professione emissum. 5. aliud *reservatum*, aliud *non reservatum*. 6. aliud, *conditionale*

conditionale, aliud *absolutum*. 7. aliud *pœnale*, quo quis se obligat ad pœnam, si aliquod delictum non vitauerit; aliud *non pœnale* tom. 2 pag. 235. num. 1.

7. Qui vouit aliquid sub conditione futura, non potest facere aliquid, quo se reddat ineptum ad executionem voti, secuta conditione, v.g. qui vouit religionem, aut sacros ordines, si beneficium aliquod à Deo obtinuerit, non potest autè ante obtentum à Deo beneficium matrimonium inire, vel quid aliud facere, quo se reddat ineptum ad religionem, vel sacros ordines post conditionis euentum: sicut enim non potest ante conditionis euentum resilire à voto, ita nec potest reddere se ineptum ad voti executionem; modò conditio sit possibilis, & vouens non sit certus mortaliter conditionem non esse euenturam. *ibid.* n. 5.

Votum quando sit irritum?

8. Votum factum ex metu graui iniuste incusso à causa extrinseca, seu libera, ad extorquendum votum, inualidum est, modò vouens cognouerit sibi incuti illum metum ad extorquendum votum: nam huiusmodi votum non est voluntarium. Quare votum professionis à fœmina emissum ob metum patris grauiam inantis, est nullum; & minor metus excusat Fœminam, quàm masculum ob debiliorem sexum. tom. 2. pag. 236. n. 5. *et* pag. 237. num. 8.

9. Ille non tenetur voto castitatis, qui metu cadente inconstantem virum compulsus est ad sacros ordines suscipiendos. Quare stylus Cancellariæ liberam concedit facultatem, vt is, qui per vim, aut grauem metum, antequam esset capax doli, ad sacros ordines promotus est, possit matrimonium contrahere: Ecclesia tamen ipsum coget, vel ad emittendum nouum continentiae votum, vel ad abstinendum ab vsu, & exercitio sacrorum ordinum, vel eum priuabit priuilegio clericali: immò si cessante metu, clericus vsus est ordine suscepto, obligatur ad castitatem; quia per vsu ordinis sacri censetur votum ratificasse. tom. 2. pag. 237. num. 9.

10. Votum metu graui emissum, & iuramento confirmatum, non obligat ratione iuramenti; quia iuramentum voto additum, hanc tacitam habet conditionem, si liber consensus interueniat; quippe iuramentum sequitur naturam actus in quem cadit. *ibid.* num. 12.

11. Votum factum per errorem, aut dolum versantem circa substantiam, & rem promissam, non obligat quia deest consensus, cui nihil magis repugnat, quàm error. Non est item validum factum per errorem, & dolum circa causam finalem, & moti-
uiam

titum, si sit votum simplex. Solemne autem votum professionis non irritatur per huiusmodi errorem, aut dolum; sicut nec matrimonium: qui enim statum aliquem perpetuum assumit, censetur velle illum assumere modò non contingat error, aut dolus circa substantialia. *tom. 2. pag. 238. n. 2. & seq.*

12. Cessante causa finali voti, vel iuramenti, cessat etiam ipsius obligatio; quia vouens non censetur habuisse intentionem obligandi se, cessante causa propter quam votum fuit emissum. Secus dicendum, si causa tantum impulsiva cesserit; ea enim cessante, votum adhuc fuisset emissum, licet forte non ita libenter. *ibid. n. 10.*

13. Votum factum per errorem, vel dolum circa causam tantum impulsivam, validum est: quia adest sufficiens voluntariù, modò causa finalis subsistat. Sic qui vouit dare eleemosynam alicui ex motivo paupertatis; sed libentiùs vouit, quia existimabat illum esse virum doctum, aut probum; postea autem comperit illum esse indoctum, aut nequam; tenetur tamen votum adimplere: quia causa finalis voti subsistit. *tom. 2. pag. 239. n. 13. & 14.*

Materia voti.

14. Inualidum est votum de immoderatis macerationibus corporis, quæ iuri naturæ aduersantur, ut quâdo coniunctæ sunt cum periculo vitæ, aut grauis mobì. Hoc tamen votum est inualidum solum quoad excessum; quoad hanc enim partem est de re mala. Quoad reliquam verò macerationum parte immoderatam, validum est votum: ut sic enim est de re licita, & bona, & vtile per inutile non vitiatur. *tom. 2. pag. 240. num. 5.*

15. Inualidum est votum, quando promittitur aliquid ad consequendum malum finem, vel ad agendas gratias pro fine malo obtento, ut si quis voueat eleemosynam, ut obtineat, vel quia obtinuit vindictam de inimico: huiusmodi enim votum videtur blasphemiam continere, cum videatur Deum facere auctorem peccati. Quando verò vouetur opus bonum ad consequendum bonum confurgens ex aliquo malo, seu supponens actionem malam; tunc votum tenet; ut si quis voueat religionem, si ex duello incollumis discesserit; vel si ex fornicatione filium susceperit: quia incolnmitas, filius, &c. non sunt quid malum, sed bonum, quamuis oriantur ex malo. *ibid. n. 7. & 8.*

16. Votum de re indifferenti non est validum nisi res illa indifferens ad bonum aliquem finem à vouente referatur, v. g. ad vitandam peccati occasionem, vel ad honorem Dei, aut Sanctorum; modò tamen res illa sit eiusmodi, quæ conducatur ad talem finem, alioquin res illa manet indifferens, neque coonestatur

ex fine, consequenter votum est irritum, v.g. votum non nendi die Sabbati in honorem B. Virginis est inualidum, quia abstinencia ab hoc opere non potest ex sua natura computari inter obsequia B. Virginis, cum vouenti sit adhuc liberum aliis operibus fertilibus occupari, quæ animum ad terrena magis inclinant. Validum verò esset votum de non nendo, ut vouens possit recitare rosarium; hic enim finis est bonus, & actionem ex se indifferentem cohonestat. *tom. 2. pag. 241. n. 2. & 4.*

17. Votum rei bonæ factum ob finem indifferentem, validum est; quia est de bono meliori, quam sit eius oppositum, neque ullam contrahit malitiam à fine, cum finis sit indifferens. Sic votum ad obrinendum bonum aliquod temporale est validum, modò ex aliqua circumstantia non vicietur. *ibid. n. 6. & pag. 242. n. 7.*

18. Materia, quæ vouetur, debet esse in potestate vouentis: quia nullus rationabiliter alteri promittit, quod non est in sua potestate. Sic validum est votum vitandi omnia peccata, seu nunquam peccandi; quia lex naturalis diuina obligat ad omnia peccata vitanda; immò omnia peccata sub prohibitionem Ecclesiæ cadere possunt, quidni igitur cadere possint sub legem priuam voti? *ibid. n. 1. & 4.*

19. Inualida sunt duo vota impossibilia simul emissæ, si vouens velit utrumque eodem tempore se obligare; est enim votum rei impossibilis: At si diuersis temporibus emittantur, votum prius emissum est adimplendum, nisi posterius sit de re meliori; tunc enim anteponendum est primo: quia primum votum non potest maius bonum impedire. *ibid. n. 8. & pag. 243. num. eod.*

20. Votum de re partim bona, partim indifferente, partim possibile, partim impossibile, partim honesta, partim turpi, validum est quoad partem bonam, possibilem, aut honestam, modò à parte indifferente, impossibili, & turpi separari possit: hoc enim votum censetur factum per modum plurium votorum, & vtile per inutile non viciatur; si si vouens promiserit rem possibilem, & impossibilem per modum vnius, vel vniam dependentem ab alia; tunc enim ad neutram obligatur, si alteram nequeat adimplere. *tom. 2. pag. 243. n. 1.*

21. Inualidum est votum disiuctiuum, cuius altera pars est apta materia voti, altera minimè. Quia in voto disiuctiuo obligatio cadit supra utramque partem, ita tamen ut integrum sit vouenti eligere veram partem inuenerit: cum igitur obligatio voti non cadat in materiam ineptam, in neutram cadit. *tom. 2. pag. 244. n. 1.*

22. Promissio de re aliqua contra prius votum validum est inualida : quia est promissio de re illicita. Sic qui vouit castitatem , & postea promittit alteri matrimonium, inualidè promittit. Tamen acta ex se licita, contra prius votum , regulariter loquendo, valida sunt : quia votum non reddit vouentem inhabilem ad agendum , sic validum est matrimonium post simplex votum castitatis contractum ; grauius tamen peccatur contra votum. *ibid. n. 1. 2. & 3.*

Voti obligatio.

23. Quando vouens nullum sibi præfixit tempus adimplendi voti, tenetur illud adimplere , cum primùm commodè poterit, nisi iustam habeat causam differendi. Quando verò tempus præfixit, debet votum eo tempore adimplere. At qui tempore præfinito votum non soluit, si tempus non fuit assignatum ex deuotione, aut intuitu ipsius temporis, sed ut votum ultra illum terminum non differretur, tenetur adhuc elapso illo tempore, votum implere. Secus dicendum, si factum est votum intuitu illius temporis, ut si quis ex deuotione in B. Virginem promissit ieiunium die sabbati ; neque enim elapso eo die tenetur ieiunare : quia vouit dependenter à tempore : propterea circumstantia temporis, in hoc casu, non censetur extrinseca rei promissæ. *ibid. n. 1. & pag. 245. n. 4. & 6.*

24. Postquam hæres adiit hæreditatem, tenetur saluâ legitimâ portione soluere vota realia, quæ defunctus non persoluit, licet enim obligatio voti sit personalis, nihilominus quia votum reale cadit supra rem defuncti, quæ transit ad hæredem, ad eum etiam transit obligatio voti. Quamobrem hæres sub pœna excommunicationis, aut priuationis hæreditatis, cogi potest ad hæc vota persoluenda, non tamen ultra vires hæreditatis. *tom. 2. pag. 247. n. 4.*

25. Hæres illius, qui professionem fecit in religione approbata, non tenetur soluere illius vota realia, nisi prius acceptata fuerint ab eo, in cuius fauorem facta sunt. Quia omnia vota extinguuntur per professionem, hæres autem in onera extincta non succedit. *ibid. n. 7.*

26. Hæres tenetur votum mixtum quoad partem realem persoluere, quando votum est æqualiter reale, & personale : at si votum sit reale tantum accessorie, hæres non tenetur illud soluere : quia accessorium sequitur principale. Quare si defunctus vouit se suâque tradere religioni, non tenetur hæres tradere bona religioni, quæ religio acquisiisset, si defunctus votum ingrediendi religionem impleuisset. *ibid. n. 10.*

27. Hæc

27. Hæres debet ea, quæ debentur ex iustitia, præferre votis: quia vota soluenda sunt ex bonis hæreditatis; bona autem hæreditatis dicuntur ea quæ super sunt deducto ære alieno; ergo debita ex iustitia præferenda sunt votis, non verò vota debitis; ideo Doctores tradunt legitimam minui ob debita, non verò ob vota. Legatis autem piis præferenda sunt vota, detractis sumptibus funeris; quia magis obligant. *tom. 2. pag. 248. num. 16.*

28. Votum parentum offerentium filios religioni, est irritum, nisi filij postquam ad discretionis annos peruenierunt, illud votum ratum habuerint: quippe filij hac in parte non sunt in potestate parentum, sed sunt iuris sui in iis quæ ad vitæ statum pertinent. Non tenentur item filij parentum vota suo nomine emissa implere, nisi emissa fuerint coram ipsis filiis, interius consentientibus, vel nisi filij ea postea ratificauerint. *ibid. n. 18. & 19.*

29. Successores communitatis non tenentur obligatione voti facti à communitate: nam votum est actus omnino personalis. Verum tamen est communitatem eo ipso quòd facit votum interueniente cōsensu Episcopi, obligare successores ad acceptandum votum. Ideò licet successores non faciant votum, aut non acceptent, & consequenter non peccent contra votum, peccant tamen contra præceptum superioris, præcipientis votum obseruari. Requiritur autem Episcopi consensus, quia populus ex se, non potest obligare successores ad acceptandum, vel seruandum votum, cum materia voti sit res spiritualis. *ibid. n. 10.*

30. Votum personale simpliciter factum non potest per alium adimpleri: quia materia voti personalis est actio propria ipsius vouentis. Non negandum tamen aliquem posse vouere ieiunium, vel peregrinationem per alium suscipiendam; sed hoc non est implere votum per alium, cum ipse vouens non promiserit ieiunare, aut peregrinari; sed curare vt alter ieiunet, aut peregrinetur. Hinc sequitur vouentem non teneri implere per alium votum personale, si ipse factus fuerit impotens ad illud implendum. *tom. 2. pag. 249. num. 1. & 2.*

31. Qui non potest per se ipsum implere votum reale quod emisit, tenetur per alium implere: quia materia huius voti non est actio vouentis, sed res, quæ potest per alium exhiberi. Hinc sequitur vouentem satisfacere voto, si curet pecuniam ab alio suo nomine erogari. *ibid. n. 3. & 4.*

32. Violatio voti, ex suo genere, est peccatum mort. nisi inaduertentia, vel paruitas materiz excuset: neque enim est peccatum mort. violare votum in re leui, vt si quis parum vini semel bibat, contra votum non bibendi vinum. *tom. 2. pag. 250. num. 3.*

33. Qui dubitat, an votum emiseric, non peccat illud non implendo: quia hoc est dubium iuris, in dubio autem iuris, melior est conditio possidentis suam libertatem. Quapropter qui dubitat, an vouerit castitatem absolutam, an verò abstinentiā tantum in coniugio, tenetur ex vi voti solum abstinere à coniugio. Item qui dubitat an vouerit mille, an tantum 50. tenetur tantum ad 50. *tom. 3. pag. 251. n. 9. & 10.*

34. Quando materia voti non solum est debita ex obligatione voti; sed ex alio etiam præcepto, violans votum duo saltem peccata committit; vnum contra religionem voti, alterum contra virtutem ad quam pertinet materia quæ præcipitur. *ibid. num. 11.*

35. Votum sufficienter impletur, quando absque intentione implendi votum, fit res promissa. Sic qui vult inuisere limina Apostolorum, satisfacit voto, etiam si illa visitet, Romam profectus negotiorum causa: implet enim rem promissam, modò vouens non vouerit etiam peregrinationem piam, seu laborem itineris. *ibid. num. 12. & 13.*

36. Ille quem pœnitet voti, non peccat mortaliter, modò non habeat intentionem omittendi rem promissam, vel non implendi votum: sicut enim non est peccatum mort. nolle vouere in posterum, ita neque est peccatum mort. nolle vouisse. *ibid. n. 14.*

37. Qui vult determinatam aliquam religionem, potest aliam ingredi arctiorem, aut æquè arctam: quia vouens potest propria auctoritate votum commutare in aliud quod certò cōstet esse æquale: seculum verò dispensatione non potest aliam minus arctam ingredi, aut in ea viuere ante professionem; facta tamen professione, potest in ea permanere: quia per professionem religio ius acquirit in professum. *tom. 2. p. 253. n. 3. & 4.*

38. Coniux etiam post matrimonium contractum, sed nondum consummatum, potest vouere religionem, aut castitatem, altero coniuge inuito, & votum obseruare ingrediendo religionem: iura enim concedunt duos menses post matrimonium contractum, ut coniuges deliberare, possint de statu religionis capeffendo; immò transacto bimestri, possunt adhuc ingredi religionem: & in ea validè profiteri, si matrimonium nondum fuit consummatum. At consummato matrimonio non potest coniux vouere religionem, nisi iustam habeat perperui diuortij causam: quia non potest vouere in præiudicium alterius coniugis. *tom. 2. pag. 254. num. 8.*

39. Qui vult certam aliquam, & determinatam religionem, & ad illam non fuit admissus, liber est ab obligatione voti, modò per ipsum non stet quò minus admittatur, & modò passus

passus sit repulsam simpliciter, & non ad tempus. Qui verò vouit religionem in genere, si ab vna excludatur, tenetur aliam adire; non tenetur tamen ad monasteria quæ sunt extra propriam prouinciam se conferre, vt admittatur. Immo non tenetur adire singula monasteria prouinciæ; sed solum diuersa ordinum diuersorum, ex quibus possit sufficienter cognoscere se ad nullum admissum iri. Quo cognito potest tuta conscientia in sæculo manere, & matrimonium inire; cum non possit votum implere, nisi etiam vouerit castitatem: tunc enim in sæculo manens, debet cælibem vitam degere. *ibid* n. 10. & 13. & pag. 255. n. 18.

40. Qui vouit simpliciter religionem, liber est ab obligatione voti, si exeat è religione ante factam professionem, hoc enim votum censetur factum iuxta dispositionem iuris concedentis annum nouitiatus, seu probationis, quo ingrediens religionem experiri possit an status religiosus, & illud vitæ genus sibi placeat; si ergo non placeat, potest tuta conscientia exire: votum enim religionis habet hanc tacitam conditionem, si facta per nouitiatum experientia, religio mihi placuerit. *tom. 2. pag. 255. n. 22.*

41. Qui vouit religionem, non verò professionem, liber est ab obligatione voti, si postquam ingressus est, bona fide, sua culpa expellatur, consequenter vi voti non tenetur se corrigere vt iterum admittatur; quia iam votum impleuit. Qui verò vouit professionem, tenetur se ipsum corrigere, vt iterum possit admitti; tenetur enim adhibere media necessaria ad votum implendum; & culpa propria nulli debet patrocinari. *ibid* n. 25.

Votum quomodo explicandum?

42. Votum explicandum est iuxta intentionem vouentis: est enim votum lex quædam priuata. Ad hoc autem non parum conducent hæ tres regulæ. 1. vt expendantur verba, quibus emissum est votum, & iuxta communem illorum intelligentiam, votum explicetur. 2. vt votum strictè explicetur, quantum verborum proprietas patietur, sic votum non bibendi vinum, v. g. non est ita strictè explicandum vt excludat ablutionem in Missa; hoc enim esset contra communem vsum, & Ecclesiæ præceptum. 3. vt quando dubitatur de intentione vouentis, seruetur materia voti, ac si esset materia legis alicuius diuinæ, vel humanæ. *tom. 2. pag. 256. n. 1. & pag. 257. n. 10. & 21.*

Quomodo tollatur obligatio voti?

43. Sublata causa finali propter quam factum fuit votum, tollitur

tollitur obligatio voti. Item quando superuenit notabilis mutatio, & difficultas, quæ si præuisa fuisset, vouens non vouisset, ut si materia voti facta sit illicita, aut indifferens, aut impeditiua maioris boni, aut impossibilis, votum desinit obligare, quandiu illa mutatio circa materiam durat. Item si pars voti facta sit impossibilis, vel illicita, obligatio voti cessat solum quoad illam partem, non autem quoad partem, quam vouens potest adimplere. *tom. 2. pag. 258 n. 1. & pag. 259. n. 2. & 6.*

44. Summus Pontif. non habet ius irritandi omnia vota laicorum, aut clericorum, sed ea tantum, quæ ipsius administrationi obesse possunt: quia licet Summus Pontif. plenissimam habeat in fideles potestatem circa spiritualia; non habet tamen potestatem dominatiuam in iis, quæ priuata sunt auctoritate. Hinc Summus Pontif. non potest irritare votum, quo quis vouit carnis suæ afflictionem, & macerationem; neque vota clericorum, iis exceptis, in quibus clerici à Summi Pontif. arbitrio pendent, vel ratione personæ, vel materiæ. Porro Summus Pontif. potest ea religiosorum vota irritare, quæ ab ipso Prælati irritari possunt: ipse enim habet dominatiuam in omnes religiosos potestatem. *tom. 2. pag. 260. n. 2. & seq.*

45. Vota vxoris, quæ impediunt domus, & familiæ gubernationem, aut quæ marito obesse possunt, indirectè potest ipse maritus irritare, seu suspendere, seu facta sint ante matrimonium contractum, siue post. Reliqua verò vota, ut orationis, non mentiendi, exiguæ alicuius eleemosynæ, & id genus alia, non possunt à viro irritari; neque item vota, quæ vxor emisit post mariti obitum implenda; vxor enim quoad hoc marito non subest. Non videtur tamen improbabilis opinio asserentium omnia vxoris vota posse à marito irritari: expedit enim hanc facultatem penes viros residere, ut leuitati mulierum temerè vouentium occurratur. Excipitur ab omnibus votum continentiæ, communi consensu emissum, quod non potest ab ullo coniugum irritari, cum vterque cedat iuri suo quoad omnem actum coniugalem. *ibid. n. 10. & seq.*

46. Ea mariti vota irritari possunt ab vxore, quæ incommodum illi afferunt, & quæ eius iuri præiudicant, ut votum longæ peregrinationis, magnæ abstinentiæ, & cætera pertinentia ad mutuam cohabitationem, & ad debitum coniugale, in iis enim coniuges sunt pares, & æquali iure gaudent. Reliqua autem mariti vota irritare non potest, cum in eum non habeat dominatiuam potestatem. *tom. 2. pag. 261. num. 17.*

47. Omnia filiorum impuberum vota tam realia, quam personalia, vei mixta possunt saltem intra ætatem impubertatis

irritari à patre, vel tutore, vel etiam à matre, quæ mortuo patre est loco tutoris: ius enim propter immaturum impuberum iudicium voluit eorum votis tacitam hanc conditionem inesse, nisi pater, tutor, &c. contradixerint. Neque solum intra annos pubertatis, sed etiam post acquisitam pubertatem, vota filiorum, quæ dum essent impuberes emisissent, à parentibus irritari possunt, modò filij facti puberes ea non ratificauerint. *ibid. n. 18. & 19.*

48. Filiorum puberum vota personalia pater irritare non potest, nisi vergant in graue præiudicium paternæ potestatis: vota autem realia puberum possunt à patre irritari; quia filius, viuente patre, non potest de paternis bonis disponere, etiam si sit coniugatus. *ibid. num. 21.*

49. Filiis minoribus non competit restitutio in integrum quando sibi videntur in votis notabiliter læsi: quia in voto non inuenitur læsio, cum in utilitatem animæ fiat, consequenter minoribus non conceditur restitutio in integrum aduersus votum, quod emissum est in honorem Dei. *tom. 2. pag. 262. n. 24.*

50. Omnia religiosorum vota, si votum excipias arctioris religionis, à Prælato, seu superiore irritari possunt ipsis etiam iniuris: quia religiosus desit esse sui iuris. Idem ius conceditur Abbatissis respectu monialium; quamuis enim careant iurisdictione spirituali, habent tamen ius præcipiendi, & moniales pendent ab ipsarum nutu. Nouitiorum tamen vota non possunt à Prælatis irritari; cum adhuc sint sui iuris; verum suspendi possunt vota ipsorum personalia, si sint impedimento probationi. *ibid. num. 26 & 32.*

51. Potest religiosus votum emittere, aut commutare, in iis, quæ non repugnant regulæ, vel præcepto superioris: votum enim, per se est opus bonum. *tom. 2. pag. 263. n. 34.*

Voti commutatio.

52. Quilibet potest sua vota commutare in euidenter melius, id est, in id quod omnibus spectatis est Deo gratius, immò in id quod perspicuum est omnium iudicio esse æquale: nulla quippe fit Deo iniuria. *ibid. n. 3. & pag. 264. n. 2.*

53. Non solum Summus Pontifex aut Episcopus, aut alius gaudentis Episcopi iurisdictione; verum etiam ab ipsis delegati, possunt vota commutare: hic enim est usus, & praxis Ecclesiæ. Neque solum ea possunt commutare in æquale (cum id quisque possit priuata auctoritate) sed etiam in minus, iusta causa ita exigente, cuiusmodi est difficultas in voto persoluendo, utilitas videntis, repugnantia parentum, vel mariti, &c. absque legitima autem causa, commutatio, vel dispensatio voti obtentæ, est inualida.

lida. Porro hæc facultas commutandi vota, ad ea non extenditur, quæ Summo Pontifici referuntur. *tom. 2. pag. 264. n. 9. & 11. & pag. 265. n. 13.*

54. Qui voluntariè, vel ex obliuione non curauit tempore iubilæi sibi commutari vota, quibus erat obstrictus, non potest elapso iubilæi tempore, illorum commutationem, vel dispensationem à simplici confessario obtinere: quia ille confessarius caret iurisdictione, cum facultas dispensandi & commutandi alligata sit tempori quindecim dierum. Probabile tamen est prudentem confessarium, si nolit tempore iubilæi commutationem, vel dispensationem petenti concedere, vt accuratiùs omnia perpendat, posse transacto iubilæi tempore, eam concedere, quia tempore habili & idoneo inchoauit causam, quod sufficit ad firmadam iurisdictionem, vt postea data opportunitate possit id quod inchoauit, absoluerè, modò vouens consequutus sit iubilæum, cuius intuitu hæc facultas conceditur. *tom. 2. pag. 265. n. 14.*

55. Tempore Iubilæi possunt extra Sacramentum confessionis vota commutari, nullo enim iure præscribitur commutationem in confessione esse faciendam, neque est materia Sacramenti pœnitentiæ. *ibid. n. 16.*

56. Facta commutatione voti integrum est vouenti (etiã si commutatio sæpius facta fuerit) ad prius votum redire: quia commutatio voti fit in fauorem vouentis, qui potest cedere fauori suo *tom. 2. pag. 166. n. 20.*

Voti dispensatio.

57. Episcopi iure ordinario possunt dispensare in votis suorum subditorum, Summo Pontifici non reseruatis, modò adsit iusta dispensandi causa, & vota non sint facta in fauorem tertij, ab eoque acceptata. Idem dicendum de Prælati iurisdictionem Episcopalem habentibus. Potest autem hic actus iurisdictionis voluntariæ extra propriam diocesim exerceri. Item Archiepiscopi in votis Episcoporum suorum suffraganeorum dispensare possunt: cum subditis verò suffraganeorum, extra visitationem prouinciæ dispensare non possunt; quia in ipsos non habent ordinariam iurisdictionem. *tom. 2. pag. 267. n. 4. & seq.*

58. Religiosus exemptus, quando non parat aditus ad maiorem superiorem religionis, potest de licentia immediati superioris obtinere dispensationem voti ab Episcopo loci, in iis casibus, in quibus potest cum existentibus in sua diocesi dispensare: in hoc enim potest religiosus cedere priuilegio exemptionis in suum commodum, ne sit deterius conditionis quàm ceteri religiosi non exempti. *ibid. n. 10.*

59. Quinque sunt vota Summo Pontifici reſeruata, in quibus non poteſt Episcopuſ diſpenſare, nempe votum caſtitatis perpetuæ, religionis approbatæ, peregrinationis ad limina Apoſtolorum, ad S. Iacobum Compoſtellanum, & in Terram Sanctam. *tom. 2. pag. 268. num. 11.*

60. Poteſt Episcopuſ aliquando in voto caſtitatis aut religionis diſpenſare. 1. quando imminet graue periculum ſi expectetur diſpenſatio à Papa, aut eiſ Legato. 2. quando votum per metum quamuis leuem, eſt emiſſum. 3. quando votum eſt conditionale ſub conditione de futuro quæ nondum ſit adimplera, 4. quando votum caſtitatis eſt ad tempuſ, v. g. ad 4. aut. 5. annos. 5. quando Episcopuſ poteſt diſpenſare in voto principali, cui tanquam acceſſorium adnexum eſt votum religionis, aut caſtitatis; nam acceſſorium ſequitur principale, vt ſi quis, v. g. voueat ſe non luſurum, ſin ludat, ſe ingreſſurum religionem, Episcopuſ diſpenſans in voto non ludendi, diſpenſabit etiam in voto religionis. *tom. 2. pag. 268. 269. 270. n. 15. & ſeq.*

61. Parochuſ, aut aliuſ Sacerdoſ non poteſt abſque ſpeciali priuilegio diſpenſare in votis, defectu iuriſdictionis fori externi, Prælati verò regularium in ſuorum religioſorum votis diſpenſare poſſunt; cum habeant in ſibi ſubditos quaſi Episcopalem iuriſdictionem; immò etiam in votis nouitiorum; cum ipſi gaudeant priuilegiis religionis, & Prælatorum iuriſdictioni ſubſint. Cæterum qui facultatem habet generalem diſpenſandi in votis, poteſt etiam ſecum diſpenſare, & cum ſit actus delegabilis, nihil obſtat quo minus poſſit hanc facultatem committere alteri qui ſecum diſpenſet. *tom. 2. pag. 271. num. 26. & ſeq.*

62. Superior cenſetur cum eo diſpenſare quem ad aliquem actum admittit, ſciens ipſam habere impedimentum ad talem actum. Quia licèt taciturnitas per ſe non ſit ſufficiens indicium conceſſionis; ſi tamen cum aliis ſignis coniungatur, accipitur pro ipſa expreſſione conſenſus; admiſſio autem ad actum eſt ſignum ſufficiens conſenſus. *tom. 2. pag. 272. n. 35.*

V S V R A.

Quid, & quatuorplex ſit uſura?

1. **V**ſura eſt lucrum ex mutuo immediatè proueniens, quod accipitur ſupra ſortem. Eſt autem uſura alia *realis*, & *externa*, quando interuenit pactum reddendi aliquid ſupra ſortem; alia *mentalis*, & *interna*, quando mutuans intendit lucrum ex mutuo, quamuis nullum pactum exterius intercedat. Rurſus alia

alia est *expressa*, alia *implicita*, & *virtualis*. *tom. 2. pag. 516. n. 2.*
& pag. 517. n. 3.

2. Qui sperat vel intendit lucrum immediate ex mutuo, tanquam sibi debitum ex iustitia, committit *vsuram mentalem*. Secus dicendum si speret aliquid supra sortem ex amicitia vel gratitudine, seu liberalitate mutuarij. Neque est *vsurarium* sperare amicitiam ex mutuo, cum amicitia non sit pretio æstimabilis; non tamen est deducenda in pactum; neque enim fas est in mutuo imponere alteri obligationem, ad quam aliàs non tenetur. *tom. 2. pag. 517. n. 5 & 6.*

3. *Vsura* prohibita est iure diuino, naturali, & Ecclesiastico. Estque definitum in Concilio Viennensi, sub Clemente V. illum censendum esse hæreticum qui *vsuram* licitam esse, pertinaciter asseruerit. Hinc collige Summum Pontif. non posse in *vsura* dispensare, cum sit contra ius naturale, & diuinum; posse tamen ad viranda maiora damna, vel scandala, *vsuras* permittere, quemadmodum fuerunt olim Hæbræis permixtæ, respectu alienigenarum iuxta illud Deuteron 22. *non fœneraberis fratri tuo ad vsuras, sed alieno.* *ibid. n. 12. & pag. 518. num. eod.*

4. Omnis pactio, seu conuentio per quam imponitur mutuuario aliquod onus, vel obligatio vi mutui, est *vsuraria*: hæc enim obligatio cum tollat libertatem, est pretio æstimabilis. Quare qui mutuatur alteri cum pacto vt præstet munus, seu officium à lingua, vel ab obsequio, vel à manu, *vsuram* committit; hæc enim sunt pretio æstimabilia. Idem dicendum de eo qui mutuatur alteri cum pacto, vt mutuarius sibi, quamuis digno, vel alteri conferat priuilegium, officium, vel beneficium. *tom. 2. pag. 518. num. 1. & seq.*

5. Non committis *vsuram* si colo no petenti, & volenti tuum agrum colere, mutuo des pecuniam ad emendos boues, & alia necessaria ad agriculturam: nullam enim ei imponis obligationem ex contractu mutui; cum iam vellet tuum agrum conducere, & colere. Secus dicendum si colo no non esset paratus ad tuum agrum colendum. *tom. 2. pag. 519. n. 8.*

6. Licitum est vicissim mutuum dare, aut vicissim se obligare ad mutuandum: tunc enim contrahentes sunt pares in obligatione; mutuanti tamen non licet imponere mutuuario obligationem mutuandi siue in posterum, siue statim; hæc enim obligatio remutuandi est pretio æstimabilis. *tom. 2. pag. 539. n. 9.*

7. Ille committit *vsuram* qui debet, v. g. Caio centum nummos soluendos post annum, sed anticipatè soluit 50. hoc enim nihil aliud videtur esse quam implicitè mutuare cum onere vt Caius remuruet in fine. Quare vt licitus fiat hic contractus.

dissolvendus est prior, quo debitor se obligauit ad soluendum 100. & alius de nouo ineundus, quo debitor traditis 50. obliget se ad soluendos alios 50. post biennium. *ibid.*

8. Qui mutuat alteri cum pacto, vt veniat ad suum molidinum, vel apothecam, vel scholam, vsuram committit; imponit enim obligationem pretio æstimabilem. *ibid. n. 10.*

9. Non committit vsuram, qui mutuat cum pacto, vt mutuatarius ineat contractum pignoris, vel hypothecæ pro asscuratione mutui; hæc enim asscuratione debita est, neque imponitur mutuuario obligatio, quam mutuans exigere non possit; neque enim tenetur mutuare cum periculo amittendi mutuum. *ibid. num. 11.*

10. Usura committitur ab eo, qui mutuat medico hoc pacto, vt teneatur curare, & mederi, aut qui mutuat aduocato, vt teneatur mutuantem defendere, &c. etiamsi pro huiusmodi operibus iustum constituat pretium; imponit enim mutuuario obligationem, quam antea non habebat. *ibid. n. 11.*

11. Qui mutuat cum pacto solutionis sibi faciendæ eo tempore, quo res pluris valebit, vel quo probabilius est rem pluris valituram, vsuram committit: in hoc enim casu mutuator pacificatur, vt sibi aliquid tradatur supra æqualitatē rei mutuatæ; nisi fortè rem suam decreuisset seruare in illud tempus quo plus valebit, tunc enim potest accipere augmentum ratione lucri cessantis, detractis sumptibus faciendis. *tom. 2. pag. 520. n. 19. & 20.*

12. Contractus mutui considerandus est iuxta valorem rerum, non verò iuxta substantiam, aut quantitatem vel mensuram, v.g. si ego mutuos accepi decem modios tritici, quod tempore acceptionis valebat 24. libras in singulos modios; sed tempore quo statui restituere, decreuerit ad 20. teneor restituere triticum iuxta valorem, quem habebat tempore acceptionis, neque satisfaciam decem modios restituendo: quia non seruabitur æqualitas inter datum, & acceptum. Si tamen contrahentes conueniant de eadem quantitate restituenda, facienda est restitutio secundum eandem quantitatem, habita ratione periculi, augmenti, vel decrementi, ne contractus labem iniustitiæ contineat. Quando igitur pro tritico, quod mutuo acceptum est, non restituitur triticum, sed pecunia restituenda est iuxta æstimationē, quam triticum habebat tempore mutationis; sic seruatur æqualitas inter datum & acceptum. Secus dicendum si in contractu mutui initum fuit pactum restituendi tantumdem tritici quoad pondus, aut mensuram; tunc enim pecunia restituenda est iuxta æstimationem, quam habet triticum tempore solutionis. *ibid. num. 11. & 23.*

13. Quando

13. Quando quis mutuatur alteri pecuniam, hoc pacto, ut in eadem materia & forma sibi restituatur, considerandus est contractus iuxta valorem: non verò iuxta quantitatem, aut numerum: modus enim ille, quo fuit celebratus contractus, hoc operatur, ut solutio fiat in eadem specie pecuniæ, & ne mutetur metallum, non verò ne mutetur numerus, nisi initum fuerit pactum de eodem numero restituendo, valore excluso. *ibid. n. 24.*

14. Qui mutuatur, sciens pecuniam, seu aliam rem mutuata plus valituram tempore solutionis, quam valeat tempore contractus, non potest obligare mutuatarium ad eundem numerum, seu mensuram; sed solum ad eum numerum, vel mensuram, quæ adæquet pretium rei traditæ: sic enim fiet restitutio ad æqualitatem. *tom. 2. pag. 521. num. 29.*

Quando possit aliquid accipi supra sortem?

15. Potest mutuator initio contractus pacisci de aliqua pecunia sibi soluenda supra sortem ratione damni emergentis, ut se seruet indemnem. At si in principio contractus nullum initum fuit pactum de præstando damno emergente, mutuarius non tenetur illud præstare, modò non fuerit in mora soluendi; nullo enim titulo tenetur. *tom. 2. pag. 521. num. 2.*

16. Ut mutuator licite possit aliquid exigere ratione damni emergentis, hæ tres condiciones requiruntur. 1. ut tempore contractus hoc deducatur in pactum. 2. ut non deducatur in pactum aliquid supra damnum. 3. ut damnum re vera sequatur præcisè causa mutui. *ibid. num. 3.*

17. Debitor qui fuit in mora soluendi, tenetur ad restitutionem damnorum, quæ passus est creditor ob dilationem solutionis ultra terminum, ut si creditor compulsus fuit accipere pecuniam ad usuram propter usus necessarios; censetur enim debitor causa iniusta damni per dilationem. Secùs dicendum videtur si creditor pecuniam accepit ad usus otiosos, & superfluos, v. g. ad ludum. *tom. 2. pag. 522. num. 10.*

18. Mutuator potest ab initio pacisci, ut mutuarius soluat sibi lucrum cessans causa mutui: hoc enim lucrum tam est pretio æstimabile quàm damnum emergens. Ut autè hoc licite fiat, tres condiciones requiruntur. 1. ut lucrum cesset ob mutuum, ut quando mutuator subtraxit pecuniam negotiationi. 2. ut lucrum non statim exigatur. 3. ut non tantum exigatur ratione lucri cessantis, quantum re ipsa futurum esset lucrum, sed quantum valeat spes lucri, detractis expensis faciendis *ibid. n. 11 & 13.*

19. Iuste aliquid exigitur ultra sortem ratione periculi intendi capitale, vel illud recuperandi cum expensis; hoc enim periculum

riculum est pretio æstimabile, neque tenetur mutuator illud gratis subire, etiam si fortè re ipsa nullum postea damnum patiat. Ut autem possit aliquid exigi ratione periculi capitalis hæc tria requiruntur. 1. ut mutuator non plus exigit, quàm vulgò huiusmodi periculum æstimeretur. 2. ut illud periculum sit verum. 3. ut mutuator non compellat mutuatarium ad se ipsum eligendum pro assecratore, seu fideiussore, sed mutuatario libertatem relinquat eligendi, quem velit. *tom. 2. pag. 523 n. 1. & 2.*

20. Non licet in mutuo aliquid ultra sortem exigere, ratione carentiæ pecuniæ, vel obligationis expectandi vsque ad certum tempus: sic enim omnis contractus vsurarius defendi posset, cum omne mutuum includat intrinsicè obligationem non repetendi ante certum tempus: quare sicut nihil potest accipi pro mutuo, ita neque pro obligatione non repetendi intra tale tempus. *ibid. n. 1.*

21. Mutuator potest pacisci cum mutuatario, ut nisi soluerit tempore præfixo, soluat aliquid supra sortem in pœnam moræ: quilibet enim est rei suæ moderator, & arbiter. Ut autem hæc pœna iuste apponatur, tria requiruntur. 1. ut non apponatur contra voluntatem mutuatarij ad palliandam vsuram. 2. ut mutuatarius verè sit in mora culpabili soluendi. Secùs si ob impotentiam nequeat soluere, modò non factus fuerit impotens suâ culpâ: nam pœna imponitur ob culpam. 3. ut pœna sit moderata, & respondeat culpæ. Porro hæc pœna, cum sit conventionalis, videtur soluenda ante iudicis sententiam: hæc enim est contrahentium intentio, ut violans fidem soluat pœnam. *tom. 2. pag. 524. num. 1. 2. & 4.*

22. Pactum legis commissoriæ in pignoribus, per se loquendo, est illicitum, & vsurarium, nisi apponatur in pœnam. Hoc autem pactum initur, quando quis accipit pignus pro mutuo, vel pro alio debito, ea conditione, ut si debitor non soluat intra certum tempus, pignus fiat creditoris, aut venditum habeatur. Tamen non committitur vsura, quando apponitur pactum in mutuo, ut nisi mutuum soluatur intra talem terminum, pignus vendatur iusto pretio, aut venditum habeatur, si non plus valeat quàm debitum: hoc enim licet mutuanti, ut seipsum seruet indemnem. *tom. 2. pag. 525. n. 1. & seq.*

23. Creditor non potest sibi retinere fructus pignoris accepti ad securitatem crediti, sed deductis expensis, teneretur eos reddere debitori, aut computare in sortem, si iustam habeat causam illos retinendi: cum enim pignus sit debitoris, æquum est ut domino fructificet. *ibid. n. 1.* Nisi creditor ius habeat illos retinendi ratione lucri cessantis, aut damni emergentis. *ibid.*

24. Gener non tenetur ad reſtitutionem fruſtuum, quos percepit ex fundo ſibi tradito in pignus dotis: huiuſmodi enim pignus non tam datur ad ſecuritatem dotis, quàm ad onera matrimonij ſuſtinenda: quare ſicut uſusfruſtus dotis licitè traditur marito ad onera matrimonij ſubeunda, ita eidem tradi poſſunt fruſtus pignoris, quibus fruatur, donec dos ei tradita fuerit. *tom. 2. pag. 526. num. 1.*

25. Iuſtum eſt ſtatutum Mediolanenſe, quo decernitur viduam poſſe dotem accipere, vel alimenta, ita vt ipſi integrum ſit alterutrum accipere abſque vlla uſuræ nota: in hoc enim caſu vidua non accepit alimenta ob conſeſſam dilationem ſoluendæ dotis, ſed quia decet viduam ali ab hæredibus mariti, ſi dotem non acceperit, ſtatuto ita permittente. *ibid. num. 5.*

26. Uſurarium eſt (ſecluſo lucro ceſſante, aut damno emergente,) anticipata ſolutione emere minoris chirographa, ſeu credita in poſterum exigenda, id eſt, ius quod alter habet, vt ei aliquid in futurum ſoluatur: qui enim minoris emit creditum immaturum, accipit aliquid ſupra fortem ex mutuo; quippe mutuat implicitè minorem pecuniæ ſummam pro maiore, vt ſi creditum exigendum ſit mille, & quinquaginta, ipſe autem pro hoc credito poſt annum exigendo tradat tantum mille, ſanè emens huiuſmodi creditum accipit 50. ſupra fortem ex mutuo; cum implicitè mutuet mille, vt accipiat mille, & quinquaginta. Hinc patet regios miniſtros committere uſuram, cum aliquid accipiunt à creditoribus, vt anticipatam faciat ſolutionem. *tom. 2. pag. 527. num. 2.*

27. Creditum litigioſum, & cum difficultate exigendum, poteſt abſque labe uſuræ, ab eo, qui non eſt cauſa difficultatis, minoris emi, quàm valeat, pro ratione incertiudinis, & difficultatis: nam propter periculum minus valet. Hinc ſequitur minoris emi poſſe ſtipendia, ſeu ſalaria debita militibus, aut famulis nobilibus; cum habeant adiuncta pericula, & incommoda in ipſis exigendis. Ille tamen, qui eſt cauſa difficultatis, non poteſt debitum minoris emere, ſed peccat, ſi minoris emat, tenereturque ad reſtitutionem. Sic Principum quæſtores, chirographa creditorum minoris ementes, grauiter peccant, quando ipſi ſunt cauſa difficultatis, & malignæ ſolutionis. *ibid. num. 4. & ſeq.*

28. In mutuo, per ſe loquendo, non licet quinque procentum accipere, niſi ratione lucri ceſſantis, vel damni emergentis: vel periculi, cui exponitur capitale. In contractu autem trium, id eſt, in contractu complectente tres contractus, nempe ſocietatis, aſſecurationis capitalis, & aſſecurationis lucri certi pro maiori incerto, licet abſque uſuræ labe accipere quinque

pro centum; cum enim isti tres contractus sint liciti, si seorsim sumantur, quidni erunt liciti, si fiant simul cum eadem persona? Neque opus est, ut isti tres contractus explicitè ineantur, sed sufficit, si taciti celebrentur, ut dum quis tradit pecuniam mercatori, credens se posse quinque pro centum iuste exigere, intendensque contrahere eo modo, quo potest, ut si dicat, confero centum in societatem, ut soluas quinque, salvo capitali, eo modo, quo tuta conscientia possum. Sic excusari possunt viduæ, & pupilli, qui suas pecunias tradunt mercatoribus, cum pacto accipiendi quinque pro centum. modò habeant intentionem, tres supra memoratos contractus, saltem implicitè celebrandi. At si tradant suas pecunias ei, quem sciunt non esse negotiatum, usuram palliatam committunt, cum non sit contractus societatis, sed mutui. *tom. 2. pag. 528. num. 1. & 2.*

29. Potest quis certam pecuniæ summam testamento relinquere cum onere, ut tradatur mercatori ad societatem, cum pacto recipiendi quatuor, vel quinque, quæ dentur sacerdoti in stipem pro Missis celebrandis, modò habeat intentionem saltem implicitam celebrandi contractum trium. *ibid. num. 7.*

30. Non potest mutuatarius se obligare ad dandum aliquid supra sortem, titulo gratitudinis: quia in mutuo gratuita remuneratio non potest deduci in pactum, alioquin mutuatario imponeretur obligatio, ad quam non tenetur. *ibid. num. 7.*

Mons pietatis usura vacat.

31. Mons pietatis est summa pecuniæ, aut frumenti, aut alterius rei publica auctoritate deputatæ ad pauperum inopiam subleuandam. Ex ea autem summa datur pauperibus mutuum, accepto ab ipsis pignore ad certum tempus, ea conditione, ut pauperes qui mutuum accipiunt, aliquid solvant pro sustentatione ministrorum, qui ad id muneris sunt deputati, necnon pro aliis laboribus, & expensis necessariis ad hoc munus obeundum. Si autem contingat mutuatarios non soluere termino præfixo, pignus venditur sub hasta; ut inde satisfiat Monti, cuiusque ministris; quod verò superest, pignoris, domino restituatur. *tom. 2. pag. 529. num. 1.*

32. In hoc Monte pietatis non est usura, sed potius pietas, & iustitia, si ritè administretur: quod enim exigitur, non exigitur ob mutuum, vel ob dilatam solutionem, sed ob expensas necessarias ad montis administrationem. Nihil tamen accipi potest ad augendum montem, vel ad dominum montis locupletandum. *ibid. num. 2. & seq.*

33. Licitus est mons, quem Princeps, vel Rēspubl. pecūniis indigens instituit, & cogit subditos ad dandas sibi pecunias hac lege, vt soluat quinque, vel sex pro centum donec illas restituat, referuata sibi facultate restituendi singulis creditoribus sortem principalem, & relicta ipsis creditoribus libertate vendendi ius quod habent ad illam annuam pensionē à Principe, vel Republ. exigendam: nihil enim est aliud quàm census fundatus in bonis, vel redditibus annuis ipsius communitalis, vel Principis. *ibidem*, num. 10.

Vsurarius.

34. Non licet ab vsurario petere mutuum sub vsuris, etiam si vsurarius paratus sit dare sub vsuris: quia illud est intrinsecè malum cūm petatur aliquid, quod ab alio licitè fieri nequit. Excipe casum extremæ necessitatis. Petere tamen ab vsurario mutuum absolutè ad subleuandam necessitatem propriam, vel alienam, seu ex iusta causa non videtur illicitum, quia licet petere, quod alter potest facere sine peccato; sed vsurarius potest licitè, si vult, dare mutuum; ergo, &c. Quauquam ad vana & inutilia petere mutuum non licet ab vsurario, etiam si alioquin esset paratus dare ad vsuram: hoc enim esset peccato illius saltem externo cooperari. *tom. 2. pag. 530. n. 1. & 2. pag. 531. n. 3.*

35. Creditor vsurarij non potest soluti nem recipere ab eo, qui vsurario aliquid debet titulo vsuræ: quia sicut vsurarius non habet ius exigendi illud debitum, ita nec creditor vsurarij, cūm illius vices gerat. *tom. 2. pag. 531. n. 4.*

36. Vsurarius non acquirit earum rerum dominium, quas supra sortem ob mutuum, & vsurarium contractum accipit, si ea quæ accipit, à propriis rebus discerni possint; quia nuda rei traditio absque iusto titulo non sufficit ad dominium transferendum. Hinc fit, vt promittens vsuras non teneatur eas soluere, cūm vsurarius per promissionem sibi factam non acquisierit ius ad id, quod nullo titulo sibi debetur. *ibid. n. 1.*

37. Vsurarius tenetur ad restitutionem fructuum, quos percepit ex re aliena per vsuram accepta, nisi sint fructus meræ industriæ, quales sunt qui percipiuntur ex pecunia vsuraria, aut alia re vsu consumptibili, quæ recipit functionem. Ex fundo autem, aut domo per vsuram acceptis, non potest fructus percipere, quia res domino fructificat; vsurarius autem non est dominus rerum quæ per vsuram obuenerunt. *ibid. n. 2.*

38. Qui aliquid accepit mala fide, seu mente vsuraria, credens illud sibi dari tanquam pretium mutui, tenetur ad restitutionem donec cognoscat rem sibi gratis, & liberaliter datam fuisse:

fuisse: conscientia enim erronea ligat quamdiu durat. Qui autem aliquid bona fide accepit, credens illud sibi liberaliter donari, si comperiat sibi datum fuisse tanquam pretium mutui, tenetur ad restitutionem: nullo enim titulo potest illud retinere. *tom. 2. pag. 532. num. 3. & 4.*

39. Non est vsurarius qui vendit alteri merces pretio rigore, & illas postea redimit pretio infimo, vel medio: sunt enim duo contractus distincti, & iusti, neque is qui vendidit est deterioris conditionis quàm alius qui illas ipsas merces eodem pretio emere potuisset. Cauendum est tamen ne interueniat pactum retrovendendi minori pretio: tunc enim contractus esset vsurarius, & censeretur celebratus ad vsuram palliandam *ibid. n. 6.*

40. Qui bona fide celebrauit contractum vsurarium, quem si cognouisset esse vsurarium alium celebrasset iustum, v.g. contractum societatis quo iuste potuisset tantumdem lucrari; nihilominus non potest retinere lucrum, quod contractu illo vsurario acquisiuit, nisi contraahentes expresserint velle se contrahere omni meliori modo quo possunt. Quamquam verba illa sollemnia, *voluntariè, & omni meliori modo*, in omni instrumento à notariis adhiberi solita, non sufficiunt ad validandum contractum aliàs inualidum, & vsurarium; hæc enim verba videntur opponi potius ex consuetudine, & proprio Marte notarij, quàm ex mente, & intentione contrahentium. *tom. 2. pag. 533. num. 9 & 10.*

41. Qui ad contractum vsurarium, vel ad exactiorem vsurarium effectiue concurrunt, tenentur in solidum ad restitutionem: quia ad damnum alterius efficaciter cooperantur. Qui verò concurrunt ad vsuram, aguntque partes mutuatarij, non obligantur ad restitutionem: quia nihil agunt nisi volente, & consentiente mutuatario. *ibid. n. 11 & 12.*

42. Famuli vsurariorum qui ipsis inseruiunt in celebrando contractu quem sciunt esse vsurarium; item notarius conficiens instrumentum vsurarium, & pallians vsuram contractu mutui, aut venditionis, tenentur ad restitutionem; quia efficaciter cooperantur ad damnum quod mutuatarius patitur ex vsurario contractu. *tom. 2. pag. 534. n. 12.* Item proxenetæ quærentes mutuatarios qui pecuniis indigeant, eosque adducentes ad vsurarios, tenentur ad restitutionem, non minùs quàm consulentes. *ibid.*

43. Hæredes vsurarij tenentur ad restitutionem in defectum illius: est enim obligatio realis quæ transmittitur ad hæredes. In facienda autem restitutione, præferendus est mutuatarius, cuius res apud vsurarium, vel eius hæredes extat. Porro hæredibus

bus restituere nolentibus, legatarij, aut donatarij non tenentur ad restitutionem; quia ipsi non succedunt in onera testatoris, sed hæredes; modò illis relicta sint bona ſufficientia ad ſatisfaciendum *ibid. n. 3. 1. 2. ſeq.*

Vſurariorum pœna.

44. Vſurarius notorius multis eſt obnoxius pœnis. 1. eſt vt non admittatur ad Euchariftiam, donec publicè ſatisfecerit. 2. priueretur Eccleſiaſtica ſepultura, immò contra præſumentes ſepelire vſurarios manifeſtos, lata eſt excommunicatio, à qua abſolui non poſſunt, donec ad arbitrium ſui Epiſcopi ſatisfecerint. 3. vt teſtamento vſurarij manifeſti nullus interſit, niſi priùs præſtitit ab ipſo ſatisfactione. His adde teſtamentum, vel codicillum, ſeu aliam vltimam illius voluntatem irritam eſſe, niſi ante mortem reſtituerit, vel debitam dederit cautionem. 4. vt non admittatur ad confeſſionem ſacramentalem, quin priùs ſatisfecerit, vel cautionem dederit idoneam creditoribus, vel Ordinario loci, vel eius vicario, vel parocho, vel confeſſario coram teſtibus, vel publico notario. At ſi vſurarius inſtante morte id non poſſit, abſoluendus eſt poſtquam promiſerit ſe ſatisfacturum ſi conualeſcat. 5. vt ſit infamis, quæ tamen infamia tollitur peracta pœnitentia, & facta reſtitutione. 6. vt non admittatur ad oblationes; poſſunt tamen eleemoſynæ accipi ab vſurario, modò inde non fiat impotens ad reſtituendum. *ibid. n. 1.*

45. Officiales locorum, ſeu communitatum, ſtatutis compellentes ad ſolutionem vſurarum, ligantur excommunicatione, *Clement. unica, de vſur.* vbi excommunicantur. 1. facientes, diſtantes, vel ſcribentes ſtatuta de vſuris ſoluēdis, vel non reſtituendis cum repetuntur. 2. iudicantes, ſeu ſententiam ferentes, vt ſoluantur vſuræ, vel vt non reſtituantur. 3. iudices, ſeu officiales præſumentes ſeuare huiusmodi ſtatuta, vel conſuetudines, quæ ſtatuti vim obtineant, *tom. 2. pag. 533. num. 12.*

F I N I S.

A P R O

A P P R O B A T I O.

NOs infra scripti S. Theologiæ Doctores, fidem facimus, perlectum à nobis librum, qui inscribitur, *Compendium operum omnium de morali Theologia MARTINI BONACINÆ*; omniâque in eo fidei Catholicæ, Apostolicæ & Romanæ consentanea reperta. Lugduni, 25. Aprilis 1634.

Fr. CLAVDIUS COCHET Ord. Prædic.

Fr. STEPHANVS MOLIN Carmelita.

R. D. D. Thoma de Meschatin la Faye, huius
libri imprimendi facultas.

THOMAS DE MESCHATIN LA FAYE, Comes, Canonicus, & Camerarius Ecclesiæ Lugdunensis, & Vicarius Generalis in Archiepiscopatu Lugdunensi, liber, qui inscribitur, *Compendium operum omnium de morali Theologia MARTINI BONACINÆ*, vt in lucem edatur, facultatem concedo. Lugduni, die 25. Aprilis, 1634.

MESCHATIN LA FAYE.

Consentement

*Consentement de Monsieur le
Procureur du Roy.*


VE V les susdites Approbations, ie n'empesche pour le Roy, que le Liure intitulé, *Compendium omnium operum moralium Doctoris MARTINI BONACINÆ*, soit imprimé, & mis en lumiere par I E A N I V L L I E R O N Maistre Imprimeur en cette Ville ; Auec defences à tous autres en tel cas requises. F A I T le vingt - vnième Iuillet mil six cens quarante-trois.


L O R I N.


Permission de Monsieur le Lieutenant General.

SOit fait suiuant les Conclusions du Procureur du Roy. Ce vingt - vnième Iuillet mil six cens quarante-trois.

S E V E.







1784

Bonačina
Compendio